

THE
NEW TESTAMENT
OF
OUR LORD AND SAVIOUR JESUS CHRIST,

TRANSLATED INTO

THE CHOCTAW LANGUAGE

PIN

CHITOKAKA PI OKCHALINCHI CHISUS KLAIST

IN TESTAMENT HIMONA,

CHAHTA ANUMPA ATOSHOWA HOKE

GLOBAL BIBLE SOCIETY
P.O. Box 6068
Asheville, NC 28816
704-252-8896

CONTENTS.

Mahla	Page. 6
Mak	109
Luk	174
Chan	286
Apostel isht Anumpa	369
Loman	467
I. Kolinhljan.	513
II. Kolinhljan.	557
Kaleshan	586
Efeshan	601
Filippiar	615
Koloshan	625
I. Hlessalonian	635
II. Hlessalonian	644
I. Timohli	649
II. Timohli	662
Titus	671
Filemon	677
Heblu	680
Chemis	713
I. Pita	725
II. Pita	738
I. Chan	746
II. Chan	758
III. Chan	760
Chute	762
Nan Otõni	786

U B A N U M P A M A H L U

U T H O L I S S O C H I T O K .

C H A P T A I .

Chisvs Klaist a haknip imma isht ai in tikba vhleha, 1. 18 Shlombish Holitopa yak osh ik yohmi ai ahni pulla na, Chisvs vt ohoyo himita hatak haleli keyu Meli bohchifo makq im ai vtta.

1. EBLAHAM isht ai unchululi, Lewi a Ushi, Chisvs Klaist vtta tok isht annoa holisso hoke.

2. Eblaham vt Aisaak a tobachi tok; atuk o Aisaak vt Chekob a tobachi tok; atuk o Chekob vt Chutas micha itibapishi vhleha aiena ka tobachi tok;

3. Atuk o Chutas vt Fales, micha Sala aiena ka Tama ya a tobachi tok; atuk o Fales vt Eslom a tobachi tok; atuk o Eslom vt Elam a tobachi tok;

4. Atuk o Elam vt Aminatab a tobachi tok; atuk o Aminatab vt Naason a tobachi tok; atuk o Naason vt Salmon a tobachi tok;

5. Atuk o Salmon vt Boas a Lakab a a tobachi tok; atuk o Boas vt Obet a Luti a a tobachi tok; atuk o Obet vt Chessi a tobachi tok;

6. Atuk o Chessi vt miko Lewi a tobachi tok; atuk o miko Lewi vt Solomon a Ulias tekchi a tok a a tobachi tok;

7. Atuk o Solomon vt Loboam a tobachi tok; atuk o Loboam vt Abia ya tobachi tok; atuk o Abia vt Esa ya tobachi tok;

8. Atuk o Esa vt Chosafat a tobachi tok; atuk o Chosafat vt Cholam a tobachi tok; atuk o Cholam vt Osias a tobachi tok ,

9. Atuk o Osias vt Choahlam a tobachi tok ; atuk o Choahlam vt Akas a tobachi tok ; atuk o Akas vt Esekias a tobachi tok ;

10. Atuk o Esekias vt Manasses a tobachi tok ; atuk o Manasses vt Amon a tobachi tok ; atuk o Amon vt Chosaias a tobachi tok ;

11. Atuk o okla ha Babulon ishtia hosi foka ma, Chosaias vt Chekonias micha itibapishi vhleha aiena ka tobachi tok ;

12. Atuk o okla ha Babulon ishtona haya, Chekonias vt Salahliel a tobachi tok ; atuk o Salahliel vt Solobabel a tobachi tok.

13. Atuk o Solobabel vt Abivt a tobachi tok ; atuk o Abivt vt Eliakim a tobachi tok ; atuk o Eliakim vt Aso ya tobachi tok ;

14. Atuk o Aso vt Satok a tobachi tok ; atuk o Satok vt Akim a tobachi tok ; atuk o Akim vt Elivt a tobachi tok ;

15. Atuk o Elivt vt Eleasa ya tobachi tok ; atuk o Eleasa vt Mattan a tobachi tok ; atuk o Mattan vt Chekob a tobachi tok ;

16. Atuk o Chekob vt Meli, yummak o Chisvs vt a tobtvttta tuk osh Klaist hohchifo ka, i hatak Chosef a tobachi tok.

17. Yohmi hatok o Eblaham a ai vhlit it ai unchululit mihinti kvv Lewi a ant ai vhli kvv moma kvv it ai unchululi auah ushta hoke : yohmikma Lewi a ai vhlit mihinti kvv okla ha Babulon ishtia tok a ant ai vhli kvv it ai unchululi auah ushta hoke ; yohmikma okla ha Babulon ishtona tok a ai vhlit mihinti kvv Klaist a ant ai vhli kvv it ai unchululi auah ushta hoke.

18. Chisvs Klaist vttahpi ka ilvppak osh a yakohmi tok ; ishki Meli vt Chosef a im vvhpoa tok vt, ik it im ono kisha ho, Shilombish Holitopa ya vlla i shali tuk osh otvni tok.

19. Yohmi ma i hatak Chosef vt hatak achukma hatuk osh, nana vvhpisa vt onvtula hi a ik ahno mvt, lumvt kancha hi vt im anukfila tok.

20. Yohmi kia ilvppa puta ka anukfihinli tuk osh holh-pokuna ma, Chihowa im enchil vt ant i haiaka cha, Chosef Lewi ushi chia ma! chi tekchi Meli a ishi ik chi nukwiyo kashke; Shilombish Holitopa ak atuk mak o yummak okvt toba hosh afoyuka hoka.

21. Yohmi ka vlla-nakni o sholikma, hohchifo ha Chisvs ish hochifa hi oke; yummak osh im okla talaja ai im ashv-chika puta ma ai i hlakoficha hi oka, achi tok.

22, 23. Chihowa hvv hopaii ya isht ai anumpulit, Oho-yo himita hatak haleli keyu hosh chakalit vlla nakni o shola he; mikma hohchifo ha Immanuel, yummvt tosho wak mvt, Chihowa hvv piba foka, achi mak o okla hochifa hi oke, achi tok mak o ont ai abla chi ho, ilvppa moma kvv yummohmi tok.

24. Yohmi ma Chosef vt nusi tuk vt okcha mvt, Chihowa im enchil vt ai i miha tuk mak o yummohmi mvt, tekchi a ilauei tok.

25. Yohmi kia ik it apoto kisha ho, vlla-nakni ishi ahpi kvv sholi tok: mihma hohchifo ha Chisvs hochifo tok.

CHAPTA II.

Fochik in tikba hika ho hatak hopoyuksa vhleha hvv hvshi akochaka imma mintit Chelusalem a vla cha, 11; vlosi Chisvs a aiokpvchi, 14 micha i yakni a falamvt ilhkoli. 15 Chosef vt Echip ia chi ka enchil osh im anoli. 16 Helot vt Chisvs a hot vbi bonna; vlla chipota moma Behlehem a ai vbi. 23 Chosef vt Chutea yakni falamvt ia chi ka enchil osh im anoli no Nasalet ak o ont ai anta.

1. CHISVS vt Helot miko ai ahanta nitak o Chutea yakni Behlehem tumaha ha ai vta ma hatak hopoyuksa vhleha hvv hvshi akochaka imma mintit Chelusalem a ai vla mvt,

2. Chu okla i miko vta tuk mvto katimak o ituyula cho? i fochik a hvshi akochaka imma ya il a pihisa tuk osh aiokpvchit il itvnowa hatuk oke, achi tok.

3. Miko Helot vt ilvppa puta ka haklo mvt, Chelusalem okla moma aiena kvv komunta tok.

4. Micha na holitompa isht gsha pehlichi puta, micha okla nan i holissochi vhleha moma ka itahobit taiyahli mvt, kanima yo Klaist vt ai vta hinla hatuk a im a ponaklo tok.

5, 6. Mihma Chutea yakni Behlehem ak oke; hopaii holissochi kvv, Behlehem chia Chuta yakni ish talaiia hokvt Chutea i miko vhleha aiasha ka moma chik a lauwo ho ke-yushke; chishno ak o miko vt chi atoba hosh vm okla Israel oka ish pehlicha he mak oke, achi tok oka, okla im achi tok.

7. Yohmi ma Helot vt hatak hopoyuksa vhleha ha lumvt pit hoyo cha, kaniohmi fehna kash o fochik vt haiaka tuk a achukmalit im a ponaklo tok.

8. Micha Behlehem a pit tihleli mvt, Oh ia cha, vlozi atukma achukmalit hvsh hoyashke; atuk osh hvsh ahayuchikmvt, anonti ant hvs svm anoli na vno mvt ivt ont ai okpvchi li ak inlashke, achi tok.

9. Mihma miko a haklot in taha mvt, okla ilhkoli tok: yohmi ma fochik hvshi akochaka imma a pihisa tuk ash o itikba takalit mahaya mvt, vlozi ai itola ka paknaka ya ont takali tok.

10. Fochik a okla pisa mvt, nayukpa aiahli fehna mak osh okla na yukpa tok.

11. Micha aboha okla ont abeha mvt, vlozi, micha ishki Meli aiena ka pisa mvt, aka hlipkvchit, yvmmak ash o okla aiokpvchi tok; micha im vlbihpo a tiwichi mvt, yvmmak ash o tvli-holisso-lakna, micha filakinsen, mikmvt mvh aiena ho okla habenvchi tok.

12. Mihmvt holhpokuna ho falamvt Helot a okla ik im ono ka hi a, Chihowa hvv i miha hatuk o, hina inla ho vltot i yakni atuk akinli ho okla ilhkoli tok.

13. Mihma ai ilhkolit taha ma, Chosef vt holhpokuna ho, Chihowa im enchil vt ant i haiaka mvt, Tani cha, vlozi mikmvt ishki aiena ka ishit malelit Echip a ish ona cha, yvmmak o ish ahanta tuk o, anumpa ishit chim aya lashke; Helot vt vlozi a vbi bunnvt hoyo chi hoka, achi tok.

14. Mihma tani mvt, vlozi micha ishki aiena kash ninak o pehlichi cha, Echip a ia tok.

15. Chihowa hvv hopaii isht ai anumpulit, Echip ak o

so ho a hoyo li tuk, achi tok a ont ai ahla chi ka, yvm-mak o ahashwa na Helot vt illi tok.

16. Yohmi ma Helot ash osh, hatak hopoyuksa vhleha hvt ik ahobalo ho pisa mvt, anukhobela fehna cha, pit on tihlelit, vlla chipunta Behlehem, micha auet a bilika maya kvf afvmmi tuklo ai vhlit ola minti, hatak hopoyuksa vhleha ha achukmalit im aponaklo tok vt pit ai it vlhpesa ka, mo-minchit vbit tahli tok.

17, 18. Yvmohmi hoka Chelemaias hopai vt anumpo-honlit, Lama ya a yaiya, micha nishkin okchi minti, mikmvt nukhaklo chinto, Lechel vt im vlla vhleha hvt iiksho hatuk oka ishit yahaya mvt, hopohla hi a ik ahno ka, takali na haiyaklo tok oke, achi tok a ont ai ahli tok.

19, 20. Yohmi tok kia Helot vt illi haya, Chihowa im en-chil vt, Chosef vt holhpokuna ho Echip a im a haiaka mvt, Tani cha, vlozi micha ishki aiena ka pehlichich cha, Israel okla i yakni a ish iashke; vlozi im ilhfopak a hoyo tok vt illi hoka, achi tok.

21. Yohmi ma tani mvt, vlozi micha ishki aiena kash pehlichich cha, Israel okla i yakni a vla tok.

22. Yohmi kia Akelaus vt iki vlhtobvt Chutea ya i miko na haklo mvt, yvmma ona nukshopa tok: yohmi nana kia holhpokuna ka Chihowa hvt nana i miha hatuk oka, fullo-tvt Kalili i kaniohmi ho ona tok.

23. Yohmi ka hopai vhleha hvt anumpulit, Yvmmak okvt Nasalet hatak vta hohchifa hi oke, achi tok a ont ai ahla chi ka, vmaha Nasalet hohchifo ho ona cha, ahanta tok.

CHAPTER III.

Chan Baptist vt vba anumpa ha Chutea yakni haiaka isht anumpo-honli, mihmvt baptismohonchi, 1. 13 Chisvs vt Chan ak o im a bap-tismo; mihma Shilombish Holitopa yvt vba mintit onvtula.

1. NITAK yvmma foka ma Chan Baptist vt Chutea yakni haiaka ya vbanumpa isht ai anumpohonlit aya tok;

2. Mihmvt, Uba apehlichika yvt olanlosi vla hoka, hvsh ilekostininchashke, ahanchi tok.

3. Iluppak o hopaii Esaias vt isht anumpulit, Achufa hosh yakni haiaka ya ai anumpohonlit, Chihowa ataya hi a apoksiachit, i hina puta ka hvsh apissvlehashke, ahancha hi oke, achi tok mak oka.

4. Mihmvt Chan yummak okvt im anchi yvt Kamel hishi yosh toba ma, na-hakshup chuhlafa vskufvchi yo vskufaiyachi tok; mihmvt im ilhpak vt hawa micha foi-bila aiena kak a tok.

5. Yohmi ma Chelusalem, micha Chutea pit a moma, mikmvt Chatan auet a bilika yakni moma ka asht a kohchtv itv;

6. Yummak ash o im ai onvt, nan im aiashvchika puta ilanolit, Chatan a ai im a baptismo tok.

7. Yohmi kia Falisi vhleha mikmvt Satusi vhleha aiena kvv lau hosh im a baptismot ai vla na pisa mvt, yummak ash o, Sinti chilita isht-atiaka hvchia ma! na palvmmi mihinti ka hvsh i hlakofa hi okvno kvta hosh hvchim anoli tuk oh cho?

8. Yohmi hokvt ilekostininchi ai itvlhpesa mak o vnit hvsh wayashke;

9. Michā, Eblaham ak osh piki oka, acha hi okvno hvch ik il anukfillo kashke; Chihowa hvv tuli yak aiasha ka Eblaham im vlla ya chi ka ai ikba hinla hoke, hvchim achi lishke.

10. Yohmikma himak ak kia iskifa yvt iti puta akishtola ya itonla hoke; yohmi hatuk o iti yvt vni achukma ho vnit waya keyu kvv moyumvt chayvt akakoha cha, luak pit itokaha chatuk oke.

11. Uno yokvto hvsh ilekostinincha chi mak o, oka ya ishit hvchi baptismochi li ho mvhlishke; yohmi kia auet siakayvt mihinti hokvto vno a shaiyahli, yvmma i shulush a isht im aya hi o si ahoba keyu hoke; yummak osh Shilombish Holitopa, micha luak aiena mak o ishit hvchi baptismochi hi oke.

12. Yummak osh i nan-isht-mvshahchi yvt ibbak a foyuka; yohmi hokvt i nan-anihichi yatuk ma achukmalit kashofit vahli cha, onush atuk ma kanchak a pit ashacha ni oke:

yohmi kia hakhlopish okvno luak moshola hi keyu mak o ishit hukma hi oke, im achi tok.

13. Yohmi ma Chisvs vt Kalili a vttvt minti hosh Chan a im a baptisma chi hosh Chatan a ai im ona tok.

14. Yohmi kia Chan vt yvmmak ash o im alvmmi mvt, Uno ak osh chishno a chim a baptismo la he si vlhpiesa ka, anonti vno ak o is svm vla cho? achi tok.

15. Mihma Chisvs vt afalaminchi mvt, Himak okvno yakohma hi oka ish ahnashke: ai yakohmi hosh nana ai vlhpiesa puta ka mominchit il aiahlicha he pim vlhpiesa hoke, im achi tok. Yohmi ma vlhpiesa, im ahni tok.

16. Yohmi na Chisvs vt baptismo mak inli hosh oka ya ai vttvt kocha ia tok; yohmi ma vba shutik vt auet in tiwa tok; mihma Chihowa imi Shilombish vt pvchi yoshuba chiyuhmi hosh aka mihintit, yvmmak ash o ant o binili tok.

17. Yohmi ma vba shutik a auet ai anuhumpa kvv, Ilvppak osh svso a holitopa yo ilvppak o nan isht a sai yukpa mak oke, achi tok.

CHAPTER IV.

Shilomish osh Chisvs a ilaelit yakni haiaka isht ona: mihma nitak pokoli ushta ka nahullochi; micha Setan ak osh imomaka pisa: enchil vhleha hvv ant nan isht im anta, 1. 12 Kapenavm a Chisvs vt ai anta: mihmvt ile kostinicha he isht anumpohonli tok. 18 Pita, Antilu, Chemis, Chan aiena kvv nan im aithvna ya chi ho, Chisvs vt atokolechi. 23 Chisvs vt Kalili yakni a nan im abvchit a hlopullit, abeka puta atuk ma hlakofihinchi.

1. YUMOHMI ma Setan vt imomaka pisa chi ka, Shilombish vt Chisvs a yakni haiaka isht ia tok.

2. Atuk o yvmmak ash osh ik impo hosh nitak pokoli ushta cha ninak pokoli ushta aiena ho anta tuk osh, misha pila mvno hohchvfo tok.

3. Mihma imomaka pisa yash osh im vla mvt, Chihowa Ushi chia hokmvt, tvli yak maya kvv pvska toba chi ka i mihā, im achi tok.

4. Yohmi kia yvmmak ash osh afalaminchi mvt, Hatak vt pvska yak bano ho ai okchaya he keyu; amba anumpa

noyama kv̄t Chihowa itih akohoncha kak a hi ɔ, holisso tok oke, achi tok.

5. Yohmi ma Setan ash osh ilaue lit tumaha holitopa ya ont isht chukowa cha, tempel wishakchi yo ont ɔ hilechi tok.

6. Mihmvt, Chihowa Ushi chia hokmvt, aka pit ish ile pilashke; chi apesahancha chi ka im enchil v̄hleha ha atohno na ibbak a isht vba takalihinchit chisht aya na nitak kaniohmi kia chiyi ya tv̄li isht chik ai isso ka hi a, holisso tok oka, im achi tok.

7. Mihma Chisvs ash osh, Chitokaka Chin Chihowa hoka imomaka chik peso kashke, achi kv̄t holisso tok ak inli hoke, im achi tok.

8. Mihma anonti Setan ash osh ilaue lit nv̄nih chaha fehna ho isht oiya cha, yakni apelichika moma, mikmvt nan-isht-im-aholitopa aiena ka pit pisachi tok;

9. Mihmvt, Aka hlipvt is si aiokpv̄chi hokma, ilv̄ppa moma ka chima lashke, im achi tok.

10. Mihma Chisvs ash osh, Setan vt kanima iashke: chin Chitokaka Chihowa hak ɔ ish ai okpahanchikmvt, yv̄mmak illa ho ish im antiashke, achi kv̄t holisso hoka, im achi tok.

11. Yohmi ma Setan ash osh i filv̄mmi ma, enchil osh ai v̄la cha, okla ant nan isht im anta tok.

12. Yvmohmi tuk ɔ Chisvs vt, Chan vt aboha kv̄llo foka na haklo mvt, Kalili a ia tok.

13. Atuk osh Nasalet a issvt ia mvt, Kapenavm yv̄mmvt Sabulon yakni, micha Neftalim yakni aiena ont ai v̄hli okhv̄ta lapalika ak ɔ ont ahanta tok.

14, 15, 16. Yakohmi kv̄t hopaii Esaias anumpulit, Sabulon yakni, micha Neftalim yakni okhv̄ta lapalika, Chatan misha, Chentail okla i Kalili vt aiokhlileka a sha tuk vt tohwikeli chinto pisa tuk; mihma isht ailli yakni, micha isht-ailli i ho-shontika maya tuk a tohwikeli hv̄t i kohchvt takalishke, achi tok a ont aigla he mak a tok.

17. Yv̄mma foka aiv̄h lit mihinti ma, Chisvs vt vba isht anumpulit, Oh ilekostininchi; vba apelichika yvt olanlosi v̄la hoka, ahanchit ishtia tok.

18. Atuk osh Chisvs vt Kalili okhvta lapalika nowet aya tuk osh, itibapishi tuklo, Saimon Pita hohchifo, anonti nakfish Antilu itatuklot nuni-hckli atuk osh nuni-isht-hokli a okhvta pit okvchi hosh ashwa na pisa tok.

19. Mihmvt yummak ash o, Hus siakaiyashke, mikma hatuk hokli o hvch ikbi lashke, im achi tok.

20. Yohmi ma mih makinli ho i nuni-isht-hokli a issa cha, yummak ash o iakaiyvt okla tok.

21. Mihma yummak ash vttvt ia hosh aya mvt, anonti itibapishi tuklo inla, Sebete ushi Chemis, micha nakfish Chan itatuklo kvv iki Sebete a apihvt nuni-isht-hokli a apoksia hosh peni alhto na pisa tok; micha pit i howa tok.

22. Yohmi ma mih makinli ho peni, micha iki aiena kash o issvt, yummak o iakaiyvt okla tok.

23. Mihma Chisvs vt Kalili a mominchit ayvt, i sinakak puta ka nan ai im avvchit, apelhichika isht anumpa hanta ya isht anumpohonli; micha okla hvv abeka, micha haknvp ik in chukmo im asha tuk a mominchit hlakofihinci tok.

24. Mihma isht annoa kvv Silia moma ka ont hlopulli tok; mihma okla hvv abeka ilaiyuka puta isht issikkopa hatuk; micha nan isht-ahullo okpulo ai i foka hatuk; mihmvt tasimbo yatuk; micha palsi isht abeka yatuk moyuma ka okla isht im ai ona tok; mihma yummak ash hlakofolichi tok.

25. Yohmi ma okla chinto Kalili minti, mikmvt Tekapolis minti, mikmvt Chelusalem minti, mikmvt Chutea minti, mikmvt Chatan misha minti aiena kvv iakaiya tok.

CHAPTA V

Chisvs vt nvnih chaha ya ai anumpuli. Yohmi kvv kvna hosh nan isht ilaiyukpa anoli, 11. 13. Klaist i yimmi vhleha hvv yakni i hvpi: 14 yakni a im a tohwikelika; tmaha yosh nvnih ai o talala ka chohmi; 15 pvla ha chohmi. 17 Chihowa i nanvhpisa ya Chisvs vt aighlicha chi hosh vla. Kaniohmi hosh nanvhpisa isht hannali ka kobvffi ka anoli. 27 Kaniohmi hosh nanvhpisa isht untuklo ka kobvffi ka anoli. 33 Anumpa kvvillo isht ile onochi im olvbbi. 38 Nukchintot naua ik achukmo ka a pim ahleka he pi miha. 43, pin tvnvp puta ka il i hulla he; 45 mikmvt nan ai ahla he pim anukfila he aiena ka vi miha.

1. **YOHMI** ma okla chito ka pisut, nunili chaha yo pit oiya tok ; atuk osh ont binili ma, nan im ai ithuna vhleha hut im ai ona tok.

2. Mihma itih ha wakummi cha, yummak ash im abuchi mut,

3. Chukvsh ilbussha vhleha yokvto vba apehlichika yak osh immi hokvt nayukpvshke.

4. Nanukhaklo vhleha yokvto hopohla hi okvt nayukpvshke.

5. Anukhobela iksho vhleha yokvto yakni a isha he vhpesa hokvt nayukpvshke.

6. Ahopoyuksaka aiahni vhleha hut hochahafo, itukshinila aiena hokvto, kaiya hi okvt nayukpvshke.

7. Nan i nukhaklo vhleha yokvto ilap ma i nukhaklo na pisa hi okvt nayukpvshke.

8. Chukvsh kashofa vhleha yokvto Chihowa ya pisa hi okvt nayukpvshke.

9. It i nanaiyuchi vhleha, yummak okvto Chihowa ushi hoehifa hi okvt, nayukpvshke.

10. Ahopoyuksaka pulla hatuk mak o isht i palummi vhleha yokvto, vba apehlichika yet immi hokvt nayukpvshke.

11. Uno atuk pulla mak o hatak puta kv isht hvchi yopulvt, hvchi ilbusshachit, ahli keyu kia nana okpulo ilaiyuka puta ka isht hvchi mihahanchikma, na hvchi yukpvshke.

12. Nayukpvt hvchi yukpa fenashke : isht hvchim vltoba hi vt chinto hosh vba ya asha hoka ; hopaii vhleha hvchin tikba aiasha ka yakohmichit ilbusshachi tok mak oka

13. Yakni i hvpi hvchia hoke ; yohmi kia hvpi hut homi kv i kvnia hokmut, nanta hak o isht a homa hinla cho ? yummak okvt himmakma nana ho isht ai vhpiesa he keyu ; amba kocha pit hlava na hatak puta iyi yosh ahvhlhincha he ak o pulla hoke.

14. Yakni in tohwikeli hvchia hoke. Tumaha chito yosh nunih chaha ai on talaia hokvt luma he keyushke.

15. Mikma hatak vt pola ha pulalikmut, tanchi isht vlpisa nutaka yo talali chatuk keyu ; amba pola ai-o-hikia yo ai o

hilechi chatuk; yohmikma aboha anukaka maya ka mominchit tohwikelichi chatuk oke.

16. Hvchi pula hut hatak puta itikba ya ik a tommi pulla na inla a sha kut nana hvsh akaniohmi hochukma puta ka pisa cha, Iki vba binili ka holitoblashke.

17. Nan vlpisa, micha hopaii puta im anumpa aiena ha tok a okpunit aya li tuk a, ik hvchim ahobo kashke; okpuni la hi osh aya li tuk keyu; amba aiahlichi la he mak a tok.

18. Ahli mak o hvchi miha lishke, Yakni, mikmut vba shutik aiena hokuto ont ik ai iksho kia, vba nan vlpisa yvt moma ont ik a lauwo achvona nana kia a kaniohmit aiokpuloka iksho mak osh, momut ont aiahla he mak oke.

19. Yohmi hoka kva hosh vba nan vlpisa ik a lauwo ilppa puta ka achvona ka kobffi cha, hatak puta kut ai yv-mihcha chi ho im avchi hokmut, vba apelihika aiasha ka moma ik a lauwo hohchifa he; amba kva hosh mihma holitobli cha, inla ma isht im avchi hokuto, mihi yosh vba apelihika ya chito ont a hohchifa hi oke.

20. Hvchi avlpiesa kut na-holissochi vbleha, micha Falsi vbleha aiena ka i shahli ho keyukmut, nana hosh a kaniohmi kak o vba apelihika ya ont hvsh chukowa he keyu hoke, hvchim achi lishke.

21. Nitak tikba aiasha kut, Kva kia ish bi na: kva hosh inla vbi hokut nan vlpisa yo isht im ahlelashke; achi tok a hvsh haklo chatuk.

22. Amba vno vto, Kva hosh nana hosh a kaniohmi keyu ho, itibapishi ha i nukkilli hokmut, nan vlpisa yo isht im ahlelashke: mikma kva hosh itibapishi ha, Ik chi ahobo, im achi hokmut, nan vlpisa kullo i shahli ho isht im ahleka he: amba kva hosh, Im anukfila iksho chia hoka, im achi hokuto aiokpuloka luak o ont isht im ahleka hi oke.

23. Yohmi hoka vba chi nan-isht-aiokpvchi ya ieshit alta ya ish ona kut, ish itibapishi ha nana ish i kaniohmi tuk a a sha ka ish ithaiyana hokmut;

24. Uba chi nan-isht-aiokpvchi ash alta itikba yo ish bohli cha, ivt tikba ish itibapishi ak o ont ish it i nanaiya ha yosh, vlet, vba chi nan-isht-aiokpvchi ash pit isht ish aiokpvchashke.

25. Nan v_lhpisa chi onochi yatuk ma ap_ehvt ish m_aya takla kak osh, t_ushpvt ish it ibai ach_vfashke ; keyukma nitak kaniohmi kash inli h_o nan v_lhpisa chi onochi yash osh chisht nan apesa ibbak a chi fohkikma, anonti nan-apesa yash osh nanv_lhtoka ibbak a chi fohki na aboha kullo ya ish fohka he mak oke.

26. Ahli mak o chi miha lishke, Ont ishtaiyopi fehna ka atobbit ish kaiyanchi h_o keyukmvt, kaniohmi kak osh yvmak atuk a ish kohcha he keyu mak a hi oke.

27. Nitak tikba aiasha kv_t, Hvsh it in lumaka na ; achi tok a hvsh haklo chatuk.

28. Amba vno vto, Kvna hosh ohoyo ha i nukpuli hosh pisa hokvt, chukvsh anukaka ya isht in lumaka mashko hoke, hvchim achi lishke.

29. Micha chi nishkin isht impak-imma yvt chi ibetvblichi hokma, halvllit kohchit ish kanchashke : chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim v_lhpesa hoke.

30. Mikmvt chibbak isht impak-imma yvt chi ibetvblichi hokma, bvshlit tvplit ish kanchashke ; chi nana achvfona hosh okpulo kia, chi haknip vt momvt aiokpuloka ik aiyo ka he ak osh chim v_lhpesa hoke.

31. Kvna hosh tekchi a kanchikmvt, it i kvnia holisso ha imashke ; achi tok a takalishke.

32. Amba vno vto, Kvna hosh tekchi vt lumaka tuk o keyu h_o kanchikmvt, havi ikbicha he : yohmikma kanchi haya kvna hosh itauwayakmvt, havi toba mak a hi oke, hvchim achi lishke.

33. Micha anonti, nitak tikba aiasha kv_t, Anumpa kullo ish ile onochi tuk vt chik kobvffo kashke : amba anumpa kullo ish ile onochi tuk okvt Chitokaka ya ish im aiahlicha hi oke ; achi tok a hvsh haklo chatuk.

34. Amba vno vto, Anumpa kullo chik ile onochi kvmohmashke ; vba shutik ak kia pit isht chik ai a miho kashke ; yvmak okvt Chihowa im aiasha mak oka :

35. Mikmvt yakni vt iyi im ai-o-heli mak oka, yvmma isht chik ai a miho kashke ; anonti Chelusalem a isht chik ai a

miho kashke; yummak okvt Miko chito in tumaha chito yoka :

36. Micha chi noshkobo ak kia isht chik ai a miho kashke ; chi pashi achufa kia ish tohbichikmá, ish lusachikmá, nana he keyu hokvt :

37. Amba chim anumpa hvt Ome, ome ; Keyu, keyu ; achi aiena kak ashke : ilvppak o nana kv̄t ont atampa hokvt o nana ik vlhpeso mak o a minti hoke, hvchim achi lishke.

38. Nishkin atuk ma, nishkin makinlashke, mikmvt noti atuk ma, noti makinlashke ; achi tok a hvsh haklo chatuk :

39. Amba vno vto, Nan ik vlhpeso ka chik i sanalo kashke ; amba kv̄na hosh chitisopi isht impakimma ya issokma, in tvnvp ma pit ish i weli makinlashke.

40. Micha hatak nana kia nan vlhpisa chi onochi cha, chim ilefoka ya chim ai ishikma, chim anchi ma ik ishi, ish im ahni akinlashke.

41. Micha kv̄na kia awant ivt kowi achufa ka ish ona pulla hi a chim ahnikma, awant ivt tuklo ho ish onashke.

42. Nana chim asilhhakma, ish imashke : mikmvt chim a pota bv̄na hoka, chik i shanaiyo kashke.

43. Chin chukapanta hatak a ish i hullo cha, chin tvnvp okvno ish i nukkillashke ; achi tok a hvsh haklo chatuk.

44. Amba vno vto, Hvchin tvnvp vhleha ha hvsh i hullo cha, nana okpuloka hvchim anukfillit miha aiena ka, nana achukma ho im ahnit hvsh mihashke ; hvchi nukkilli ma ai achukma hi o isht hvsh i yvmohmikmvt, hvchi kanimachit, hvchi ilbvshachikma, vba isht hvsh anumpohonlashke.

45. Yakohmi hosh hvch Iki vba binili ka im vlla hvchia hi oke : yummak okvt i hvshi atuk ma nan ik vlhpeso, micha na-hochukma aiena ka i kohchihinchikmvt, kocha umba ka nan-aiabli hochukma, mikmvt nan ik ahlo aiena ka auet i pihinla chatuk oka.

46. Hvchishno a hvch i hullo ho hvsh i hullo hokvt, nanta hosh isht hvchim vlhtoba ho? pvblikan vhleha ak kia yummak okvno yohmi akinli chatuk keyu ?

47. Micha hvsh itibapishi vhleha ak bano ho hvsh aiokpuchi hokmvt, inla a sha ka nantak o isht i shahlichu hosh

huchi yvmohmi ho? publikan vhleha ak kia yohmi ak izh chatuk keyu?

48. Yohmi hoka aghli huchi achukma kut, huch Iki vba binili kut aghli achukma kak inli ho hvsh chiyuhmaslike, hvchim achi lishke.

CHAPTA VI.

Chisvs vt nvnih chaha ai anumpuli tuk vt a moma. Yohmi kut na habenvchi, 1, 5 anumpa ilbvshvt asilhha, 14 nan ai-ashvchi puta ka i kashofa he, 16 na hollochi aiena ka isht anumpuli, na pim ilayak kanima yo il a boyula hi a pim anoli, 24 i shahli ha tuklochit il ai okpvcha he keyu ka miha, 25 yakni paknaka nana a kaniohmi ka ai isht im anukfilvt isht ik ilbvsho hosh, 33 amba Chihowa apelihchika yak o na tikba e hoyo hi a miha.

1. **AHAH!** hvsh aiahnit na hvsh habenvchi kut, huchi pisa chi ka, hatak puta itikba yo huch ik a yvmihcho kashke; yummak keyukmut huch Iki vba binili ka im a hvchim vlhtoba hi o keyu hoke.

2. Yohmi ka na hvsh habenvchi kut, isht-pufa ya chi tikba yo ai olachit, nan-ilahobi vhleha hokvto hatak puta kak o im a holitopa chi hosh sinakak anukaka, micha ai itvnowa puta ka a yvmohmi chatuk oka, huch ik chohmo kashke: ghli mak o hvchim achi lishke, yummak okvto im vlhtomba chatuk oke.

3. Amba nana ish habenvchi hokmut, chibbak isht impakimma yvt nana kaniohmi ka, chibbak vlfvbeke yvt akostinicha hi a chik im ahno kashke.

4. Yohmi na nan ish habenvchi ka a lumakashke; yohmikma Chiki alumaka a pisa yvt ilap inli hosh otvnichi achukma hosh chim atobba hi oke.

5. Micho vba pit ish anumpuli hokvt, nan-ilahobi vhleha hokvno chik chohmo kashke; yummak okvto, hatak vt pisa chi ka, sinakak anukaka, ai itvnowa ai itai okhvkvchi aiena kak o hiohmayvt vba pit anumpuli kak osh im achukma chatuk oka; ghli mak o hvchim achi lishke, yummak okvto im vlhtomba chatuk oke.

6. Amba chishno vba pit ish anumpula chi hokvto, chim abohushi pit ish chukowa cha, okhissa ya pit ish akvmmik-mvt, Chiki ai-alumaka ai ahanta yatuk ma pit ish im asilh-bashke; yohmikma Chiki alumaka apisa yvt otvnichi achuk-ma hosh chim atobba hi oke.

7. Yohmi kia vba pit hvsh anumpuli hokvt it vlbillit mih-ihā kv̄t, oklushi nan ik ithano ak okvno hvch ik chohmo kashke; yvmmak okvto anumpuli fehna kak o, hakla hinla, im ahoba cha tuk oka.

8. Yohmi hoka yvmmak oka hvch ik holbo kashke; nana a hvchi banna puta hokvt hvch ik im asilhho kisha kak inli ho, hvch Iki vt ithana hoke.

9. Yohmi hoka yakohmichi hosh vba hvsh anumpu-lashke: Piki vba ish binili ma! Chi hohchifo hv̄t holito-pashke.

10. Ish apelihchika yvt vlashke. Nana ish ai ahni ka yakni pakna ya a yohmi kv̄t, vba yakni a yohmi mak o chiyuhmashke.

11. Himak nitak ilhpak pim ai vlhpesa kako ish pi ipetashke.

12. Mikmvt nana il ahēka puta ish pi kashofi kv̄t, pish-no vt nana pim ahēka puta il i kashofi chatuk a ish chiyuh-michashke.

13. Mikmvt anukpvlika yoka ik ia chik pim aiahno hosh, amba nan-okpulo a ish pi a hlakofihinchashke: Apehlichika, mikmvt nan-isht-aiāhli, micha isht aholitopa aiena kv̄t chimmi a bilia yoke. Amen.

14. Hatak nan ai ashvchika puta ka hvsh i kashofi hokma, hvch Iki vba binili kv̄t hvchishno ma hvchi kashofa hinla ak inli hoka.

15. Amba hvchishno vt hatak nan ai ashvchika puta ka hvsh i kashofi keyu hokma, hvch Iki vba binili kak kia na hvchim ai ashvchika puta ka hvch i kashofa he keyu hoke.

16. Yohmikmvt anonti, nana hvsh hullochi kv̄t nashuka ilapissa, nan ilahobi vhleha hoka hvch ik chohmo kashke; yvmmak okvto na hullochi kv̄t hatak puta im otvna chi

kv̄t, nashuka ya ilapissachi chatuk oka. Ahli mak o hv̄chi miha lishke, yvmmak okv̄to im vltomba hoke.

17. Amba chishno v̄to nan ish hullochikm̄vt, chi noshkobo ish ahv̄m̄mi cha, chi nashuka ma ish achifashke.

18. Yohmi cha hatak puta kano na hullochi h̄o chik i holbo hosh, amba ai alum̄aka ai ahanta Ch̄iki ak illa h̄o ish im otvnashke; yohmikma Ch̄iki ai alum̄aka a p̄isa yatuk m̄vt, otvnichi achukma hosh chim atobba he mak oke.

19. Hv̄chim ilayak puta ka yakni paknaka nanilayak sh̄ushi, micha na-lakna aiena kv̄t ai okp̄ni chatuk, micha h̄ukopa puta yv̄t tiwit isht chukow̄vt a h̄ukopa ya hv̄chik ai atahlo kashke.

20. Amba hv̄chim ilayak puta ka v̄ba yakni nanilayak sh̄ushi, micha na-lakna aiena kia ai okp̄ni keyu, mikma h̄ukopa puta kia tiwit isht chukow̄vt a h̄ukopa keyu ak o hv̄sh ai atablashke.

21. Kanima yo hv̄chim ilayak vt itoula hokma, hv̄chi ch̄ukv̄sh ak kia mihi yo pit takanla hinla ak inli hoka.

22. Haknip a i p̄vla hv̄t nishkin ak oke. Yohmi hatuk o chi nishkin vt achukma hokma, chi haknip vt momvt tohwikelit alotowa hinla hoke.

23. Amba chi nishkin vt ik achukmo hokma, chi haknip momvt okhlilit alotowa he. Yohmi ka tohwikeli ch̄i foyuka, yvmmak atuk vt ont okhlieli hokma, okhlili yvmm̄vt chinto fehna. nana mak ahinla keyu?

24. Hatak nana kia i shabli h̄a tuklochit holitobla he keyu; achv̄falit i nukkilli cha, achv̄fa yak o holitobla hinla; keyukm̄vt achv̄falit pit halanli cha, achv̄fa yak o kanimancha hinla hoke. Chihowa micha Mammon it aieninchit hv̄sh holitobla he keyushke.

25. Yohmi hoka hv̄chi ai okchaya hi a nana h̄o hv̄sh pa he, micha nana h̄o hv̄sh ishka he aiena; mikm̄vt hv̄chi haknip ma nana h̄o hv̄sh fohka hi a anukfillit isht hv̄ch ik ilbv̄sho kashke, hv̄chim achi lishke. Ilhfopak vt ilhpak a i shahlikma, anonti haknip vt nafohka ya i shabli h̄o keyu cho?

26. Hushi v̄ba itv̄nowa ho ho pesá: yvmmak okv̄t nana

ho hokchi keyu, anonti vmot, kanchak kia pit ashachi ho keyu; yohmi kia vba hvch Iki vt yumma ipehinta hoke. Holitopa kv̄t yumma hvsh i shahli fehna ho keyu?

27. Hvsh katima kak osh anukfihinlit isht ilbvsha kv̄t hvchi chaha ka kubit achvfa kia hvsh il achakala hinla cho?

28. Micha nanta katiohmi ho na fohka ya anukfihinlit isht hvsh ilbvsha cho? Na pakanli hochukma lili oktak aiasha kv̄t kaniohmit offo hoka anukfihinlit ho pesá: yum-mak okvt toksvlit a hoyvbli keyu, anonti nana ho shv̄nni keyushke.

29. Yohmi ak inli kia Solomon ak kia nan-isht im a holitopa moma isht a shema kv̄t ilvppa achvfona kia chohmi tok keyu, hvchim achi lishke.

30. Yohmi ka hvshuk himak nitak ano oktak aiasha tuk osh onna ha apalvska vlhpita chi kia, Chihowa hv̄t she-mvchi kv̄t yumihchi kv̄to, hvchishno a i shahlichi hosh ik hvchi shemacho ka hinla cho? na yimmi fehna keyu hvchia ma!

31. Yohmi hoka anukfihinlit isht ilbvshvt, Nantak o e pa chi? mikmvt nantak o iloh ishka chi ho? micha nantak o eho fohka chi cho? hvch ik acho kashke.

32. Ilvppa puta kak o okla nan ik ithano vhleha hv̄t hoyo chatuk oka; ilvppa moma ka a hvchi bv̄nna hokvno vba hvch Iki vt ithana hoka.

33. Amba Chihowa apehlichika, micha nan isht im ai vlhpiesa aiena kak o tikba hvsh hoyashke; yohmikma ilvppa moyuma kv̄t hvchim aiena he mak oke.

34. Yohmi hoka onna ha ya hi a nana pit anukfihinlit isht hvch ik ilbvsho kashke; onna ha yokvto ilapo inli nan isht il ai anukfihinlit isht ilbvsha hi oka. Nana ik ai achukmo itonla kak osh nitak oka im vlhpesa hoke.

CHAPTA VII.

Nv̄nih chaha Chisvs vt anumpuli tok osh a moma; yohmi kv̄t himakfokalechit inla ya na mihacha chi ka imolv̄bbi, 1; 6 micha nana kv̄t holitompa hokvto ofi puta, keyukmvt shukha aiena ka pit ik in hlatapo ka he miha, 7 anumpa ilbvsha ishit asilhha

ka miha, 13 okhissa iskvtinosi, micha hina ik p̄vtho, mikmvt okhissa chito, micha hina p̄vtha isht anumpuli. 15 Hopaii ilahobi yā ahah! im ahna he, 21 vbanumpa haklo illa he keyu, amba im antia he; 24 tvli chito chuka yvt ai itvbana chatuk a chohmi; mikma kvna hoh kia i yimmi keyu hokvt chuka yvt shinuk o ai itvbana chatuk a chohma hi a miha.

1. HUCHISHNO a nana ik hvch i mihacho ka chi ka, inla ya nana hvch ik mihacho kashke.

2. Kanimihchit inla ya nana mihachi hosh hvsh mihachi tuk ma, hvchishno ma isht hvch i mihacha he; mikmvt isht vlpisa nana ho isht hvsh apesa tuk mvt, hvchishno mvt isht hvchim vlpisa he akinli hoka.

3. Micha nanta katiohmi ho na hishonluk iskvtinosi kv̄t ish itibapishi nishkin a foka na ish pisa ho kak osh, anonti iti chito yvt chi nishkin ak inli foka kano chik akostinicho cho?

4. Micha katiohmi ho iti chito yvt chishno chi nishkin ak inli ho foka ka, ish itibapishi ha, Na-hishonluk iskvtinosi ka chi nishkin a ai ishit ak kohchi, ish im acha hinla cho?

5. Nan ilahobi chia hoka, chishno chi nishkin ak o tikba iti chito a ish a kohchashke; yohmikmak osh ish pisa achukma cha na hishonluk iskvtinosi ka ish itibapishi nishkin a foka tuk a ish a kohcha hinla hoke.

6. Nana kv̄t holitempa hokvno ofi puta ma pit hvch ik imokmvt, anonti hvch i na holitopa puta hatuk ma shukha itikba ya hvch ik ashacho kashke; yvmmak keyukma yvmmak ash o iyi isht a hvhlichu cha, anonti filemvt hvchishno ash o hvchi okpvna hinla hoke.

7. Hvsh asilhhakma, hvch ima he; hvsh hoyokmvt, hvsh ahayucha he; hvsh sokohakma, hvchin tiwa he oke.

8. Asilhha aiyuka hokvto ishi bano hoke: mikma kvna hosh hoyo hokvto, ahayuchi hoke; mikma kvna hosh sokoha hokvno, in tiwa pulla hi oke.

9. Yohmi ka hatak hvsh katima kak osh, ushi osh pvska im asilhha ka, tvli yo isht ima hinla ho?

10. Keyukmvt nvi yo asilhhakma, sinti yo isht ima hinla cho?

11. Yohmi ka nan ik ai vlpeso hvchia kia hvchim vlla yə na hochukma isht ima kut hvchimponna chatuk a, im asilhha hoka hvch lki vba binili kut na hochukma isht ima kut i shahlichi ik fehno ka hinla ho?

12. Yohmi hoka nan-okluha ka hatak puta kut hvchim a yvmohma hi a hvsh aiahni hosh, mih mak o hvsh ai i yvmohmi mak inlashke: iluppak o nan vlpisa, micha hopaii puta aiena kut miha hoka.

13. Okhissa isktinosi ak o hvsh ai abehashke; okhissa yvt chito cha, hina mvt putha hosh aiokpuloka ya ona hatuk o, yvmma ai abeha kut laua hoke.

14. Okhissa yvt isktinosi cha, hina mvt ik putho hosh ai okchaya ya ona hatuk o, ik lauwo hosh yvmmak oka ahayuchi hoke.

15. Hopaii ilahobi vhleha chukvlpoba i na fohka fohka hosh hvchim ai vla kia, anykaka yokvto nashoba isikopa vhleha mak oka, ahah! hvsh im ahnashke.

16. Ilap vni kak o isht hvsh akostininchi pulla hi oke. Hatak vt kuti hak o paki a ai vmo chatuk o? micha fik a shumvti ak o ai vmo chatuk oh cho?

17. Yvmmak inli ho chohmit iti hochukma moma kut vni hochukma ho vni chatuk; amba iti okpulo yokvto vni yvt okpulo yo vni chatuk.

18. Iti achukma yvt vni okpulo yo vna he keyukma, anonti iti okpulo vt vni achukma ho vna he keyushke:

19. Iti vt vni achukma ho vni keyu hokvto momvt chayvt akakoha cha, luak itokaha chatuk oke.

20. Yohmi hoka ilap vni ak o isht hvsh akostininchi pulla hi oke.

21. Chitokaka ma! Chitokaka ma! vm achi kak osh momvt vba yakni a chukowa hi o keyushke; amba Aki vba binili nan aiahni ka yvmohmi tuk mak a hi oke.

22. Nitak yvmma fehnakma Chitokaka ma! Chitokaka ma! chi hohchifo ha nan isht anumpulit, chi hohchifo ha nan-ishtahullo okpulo puta isht kocha welit, anonti chi hohchifo ha na fehna lava ka isht il a yvmihchi tok keyu cho? vm achi kut laua hi oke.

23. Yohmikma otvnichit, Nitak nana ashō hvch ithana li tuk keyu, nan ik vlpeso yohmi hvchia hv̄t a filvmm̄it misha oh ia chá, im achi la hi oke.

24. Yohmi hoka kvna hosh v̄m anumpa ilvppa puta hatuk ma haklo cha, mihma yvmohmi ka, hatak hopoyuksa yosh tvli paknaka yō in chuka a talali tok a it apesa lashke.

25. Yohmi tuk o umba hatuk mvt aka ituyula na okchitot vla ma, anonti mahli hv̄t mahli cha, chuka yvmmak ash ai ihiso ka, tvli paknaka yō ai itvbana hatuk okvt, ik akamo ki tok.

26. Yohmikma kvna hosh v̄m anumpa ilvppa puta hatuk ma haklo cha, mihma ik yvmohmo hokvto, hatak ik hopoyukso yosh in chuka ya shinuk paknaka yō a talali tok a it vlp̄isashke.

27. Yvmohmi tuk o umba hatuk mvt aka ituyula na okchitot vla ma, anonti mahli hv̄t mahli cha, chuka yvmmak ash ai ihiso ma, akama tok ; micha okpuloka kv̄t aiahli tok oke, ahanchi tok.

28. Atuk o yakohmi tok ; Chisvs vt ilvppa ahanchit ont in taiyaha ma, nan isht im av̄vchi tuk a okla hv̄t anukhla-kancha tok.

29. Im ai vlpesa mak osh nana im av̄vchi tok ; amba na bolissochi v̄hleha hokvno ik chohmo ki tok.

CHAPTA VIII.

Chisvs vt leplosi v̄bi ya hlakofichi, 1. 5 Mikm̄vt sintuliyv̄n in tishu ha hlakofichi. 14 Chisvs vt Pita tekchi ishki, micha inla aiena ka hlakofichi. 18 Mahli chito ya yokov̄vchi. 23 Micha kaniohmi hosh il iakaya he pim anoli : 28, nan isht ahullo okpulo v̄hleha ha Chisvs vt kocha weli ma ; nan isht ahullo okpulo v̄hleha hash osh shukha laua ya iba chukowa.

1. **ATUK** osh nv̄nih chaha ya v̄ttvt akowa ma, okla chinto kv̄t iakaiya tok.

2. Mihma leplosi v̄bi yosh v̄lv̄t ant aiokpv̄vchi mvt, Chitokaka ma ! vlpesa ish ahni hokm̄vt, is sa kashofa hinlv̄shke. achi tok.

3. Mihma Chisvs vt ibbak a pit weli cha, potoli mvt, Ulhpesa ahni lishke; chi kashofashke, achi tok. Yohmi ma leplosi yash osh ashalika i kashofa tok.

4. Yohmi ma Chisvs vt, Ahah! ish ahni cha, hatak nana kia chik im anolo kashke; amba okla isht im otvna chi ka, Moses nana apesa tok vba isht aiokpvchi a isht ivt, na holi-tompa isht asha ak o ont ish ile haiakachashke, im achi tok.

5. Atuk osh Chisvs vt Kapenavm a ont chukowa ma, sintuliyvn vt mintit im vla tok.

6. Micha im asilhhvt, Chitokaka ma! an tishu hvvt palsi isht abeka hosh issikkopa fehna kvvt chuka ya itonlvshke, achi tok.

7. Mihma Chisvs vt, Ia lish ont hlakofichi lashke, im achi tok.

8. Mihma sintuliyvn ash osh afalaminci mvt, Chitokaka ma! vm aboha ya ant ish chukowa he si vlpesa keyu hoke; amba anumpa illa ho ish anumpuli kia, an tishu hatuk mvt hlakofa hinlvshke.

9. Uno yokvt hatak tvshka chipota vhleha pehlichit i shahli nutaka ahanta chatuk sia hoke; yohmi kvvt ilvppak atuk ma, Ia, im achi likma, ia hoke: mikmvt inla ho, Minti, achi likma, minti hoke: mikmvt an tishu ha, Ilvppa yakoh-michi, im achi likma, yvmihchi chatuk oke.

10. Chisvs vt yvmma haklo kvvt nukhlakancha mvt, apihvt aya kash o, Ahli mak o hvchi miha lishke; Islael okla ak oh kia nayimmi chinto yakohmi ka ak a pesoshke.

11. Yohmi ka, Hvshi akochaka, mikmvt hvshi a opiaka aiena ka a minti kvvt laua hosh vba apehlichika ya ai vlvvt Eblaham, micha Aisaak, mikmvt Chekob aiena ka ant ai itv-pehvt binohla hi oke, hvchim achi lishke.

12. Yohmi ka ilvppa apehlichika im vlla yatuk okvno kocha aiokhlilika ka pit kampila he; yvmmak oka a yahayvt noti ma ahampa hi oke, im achi tok.

13. Mihmvt Chisvs vt sintuliyvn ash o, Ish iashke: yoh-mikma isht a chi yimmi hatuk oka, mih mak osh a chi yvmohmashke, im achi tok. Mihma in tishu hatuk vt hvshi kanvlli vlpisa mih mak inli ho hlakofi tok.

14. Atuk o Chisvs vt Pita in chuka ya ont chukowa mvt, yvmma tekchi a ishki vt yvnhvt abeka hosh itonla na pisa tok

15. Mihmvt ibbak a pit potoli ma, yvnhv kvv shivuchi tok: mihma yvmmak ash osh wakaya mvt, nan isht im vttv tok.

16. Atuk o opivt taha ma nan isht ahullo okpulo ai i foka puta kvv laua ho isht im ai ona tok; yohmi ma shilombish okpulo puta kash im anumpa hak o isht kocha weli mvt; abeka yatuk a mominchit hlakofichi tok.

17. Yvmmvt hopaii Esaias vt anumpulit, ilap ak inli hosh nan isht ik pi ai iksitopo puta ka pim ai ishit, nan isht pi abeka a puta ma isht pi kanchishke, achi tok a ont ai ahla chi mak a tok.

18. Yohmi ma okla chito fehna kvv apelvvt ai asha na Chisvs vt pisa mvt, misha in tvnnpv ak o ilhkola hinla ka miha tok.

19. Mihma na holissochi achvfa hosh vla mvt, Nan ithv-nanchi ma! kanima yo chik aya kia, chiakaiya la chi mak oke, im achi tok.

20. Mihma Chisvs ash osh, Chula puta kvv chiluk vt im ashakma, vba hushi puta kvv vlvpichik vt im asha hoke; amba Hatak Ushi okvto noshkobo ha kanima a bohla hi vt ik im iiksho hoke, im achi tok.

21. Mihma nan im ai ithvna vhleha hash osh achvfvvt, Chitokaka ma! vmmvna kano ivt, aki a ont hohpi la hi a, vlvpesa is svv ahnashke, im achi tok.

22. Yohmi kia Chisvs ash osh, Is siakaiyashke; yohmikma illi ak osh ilap bika illi yokvno hohpashke, im achi tok.

23. Mihmvt peni chukowa ma, nan im ai ithvna vhleha hvvt iakaiya tok.

24. Atuk o mahli kullo fehna kvv okhvta ha a tobvvt kocha ma, peni ash. o oka banvtha kvv isht ompohomo tok; yohmi kia yvmmak ashot nusi hosh itonla tok.

25. Mihma nan im ai ithvna vhleha hvvt im ai vlvvt ant okchvli mvt Chitokaka ma! ish pi okchalinchashke; pilli mak oke, achi tok.

26. Mihma yummak ash o, Na-yimmi fehna keyu hvchia ma! na katihmi ho hvchi nukshopa cho? im achi tok. Micha tani mvt, mahli mikmvt okhvta aiena kash im alvumi tok; mihma yokopa ai ghlit talaia tok.

27. Yohmi ma hatak ash osh okla nukhlakanha mvt, Ilvppvt hatak katiohmi hatuk okak o, mahli micha okhvta aiena hokak kia im antia cho? im achi tok:

28. Atuk o misha in tvnvp Kekesenes yakni a ona ma, nan isht ahullo okpulo ai i foka kut tuklo hosh anukshomunta fehna hatuk o, hatak nana kia yumma imma ka ont ia he keyu chatuk o, hatak illi aiasha ya ashvvt kohchvt minti hosh ont afama tok.

29. Mihmvt tahpvlvt okla mvt, Chisvs, Chihowa Ushi chia hvv nanta ho isht ish pi ahalaia cho? ik ai ono kisha ho, ish pilbvshacha chi hosh ilvppa ish la hoh cho? achit okla tok.

30. Yohmi ma shukha laua kvv impa hosh auct i hopaki ka ai asha tok.

31. Yohmi hatuk o nan isht ahullo okpulo vhleha hash osh im asilhha mvt, Ish pi kocha weli hokmvt, ivt shukha laua ya ont il abeha he ak o ish pim ahnashke, achi tok.

32. Mihma, Hvsh iashke, im achi tok; mihma kocha wiha mvt, shukha laua yash o, ont abeha tok; mihma shukha laua yash osh momvt yihlepa fehvt okhvta sakti chaha yo pit ai oka kavvt ok ai illit taha tok.

33. Mihma apesvchi vhleha hatuk vt yihlepvvt, ilhkolit tvmaha ona cha, nana ka mominchit anoli tok; micha nan isht ahullo okpulo ai i foka tuk vt nana im a katiohmi tuk a aieninchit anoli tok.

34. Yohmi ma tvmaha hash osh momvt Chisvs a afamvt ilhkoli tok; atuk osh yummak ash o okla pisa mvt, i yakn a a kohchvt aya hinla ka okla im asilhha tok.

CHAPTER IX.

Chisvs vt palsi isht abeka ya hlakofichi, 1. 9 Chisvs vt Mahlu i howa; micha Falisi vhleha ha Mahlu im ai impa asha mvt ai it im anumpuli. Chisvs vt Chan nan im ai ithvna vhleha na hullochi imma ka isht anumpuli. 18 Chisvs vt na pehlichu ushetik vt illi tuk a okchalinchit tanichi: micha ohoyo hvv issish umbokafa isht abeka tuk a hlakofichi. 27 Michu hatak nishkin hvpa tuklo ho i fatummi. 32 Chisvs vt hatak ik anumpulo nan-isht ahullo okpulo ai i foka yatuk a im achukmali: mikmvt okla puta kash i nukhaklo.

1. YOHMI ma yvmmak ash osh peni o pit chukowa mvt, pit tanvbli cha, ilap in tvnaha ak inli ho ona tok.

2. Mihma hatak vt palsi isht abeka hosh potvlhpo pakna itonla ho okla isht im vla tok; mihma Chisvs vt okla na yimmi ka pisa mvt, palsi isht abeka ash o, Svso ma! chi yukpashke; na chim ai-ashvchika puta kvv chi kashofa hoke, im achi tok.

3. Yohmi ma na holissochi vhleha kaniohmi kvv, Hatak ilvppvt nan ik ahobalot anumpulishke, chukvsh anukaka okla ahni tok.

4. Yohmi ma Chisvs vt okla im anukfila ha ithana hatuk osh, Nanta katiohmi ho hvchi chukvsh a nan okpulo ishit hvsh anukfilli cho?

5. Na chim ai ashvchika puta kvv chi kashofa hoke, achi kak okma, keyukmvt, Tani cha nowa, achi kak okma, kati-mampo kak osh ahchiba kvv ik lauwo cho?

6. Yohmi kia Hatak Ushi yvt yakni paknaka anta kvv nan ai ashvchika puta ka kashofa hi vt im ai vlhpesa hatuk a, hvsh akostinincha chi kak oka, palsi isht abeka ash o, Tanit chi potvlhpo ishi cha, chi chuka ish iashke, im achi tok.

7. Mihma yvmmak ash osh tani cha in chuka ia tok.

8. Yohmi ma okla chinto kvv pisa mvt, nukhlakanchvt, hatak a nan-isht im ai ahli yohmi ka ima tok Chihowa ash o ai okpahanchi tok.

9. Mihma Chisvs vt yvmmak ashv utvt ia mvt, hatak vt Mahlu hohchifo hosh, tvli holisso ai itahoba ya binili ho ont

pisa tok ; mihmvt yummak ash o, Is siakaiyashke, im achi tok ; mihina wakaya mvt iakaiya tok.

10. Atuk o yakohmi tok ; Chisvs vt impa hosh aboha anuka a_usha ma, publikan v_hleha, mihmvt nan ashvchi v_hleha aiena kv_t laua hosh ai v_lvt yummak ash, micha nan im ai ithvna aiena ka ant takla binohli tok.

11. Mihma Falisi v_hleha hv_t pisa mvt, yv_mma nan im ai ithvna v_hleha hash o, Katiohmi ho nan hv_{ch} ithvnanchi vt publikan, micha nan ashvchi v_hleha aiena ka it ibai impa cho ? im achi tok.

12. Yohmi kia Chisvs vt yv_mma haklo mvt, Haknip im achukma hokano alikchi a ai im ai v_hhpiesa keyu chatuk, amba abeka yok mak oh chatuk oke.

13. Uba isht-ai okpvchi ak okano ak aiahno ; amba nan i nukhaklo ak o aiokpanchi li hoke, achi yummak osh nana hokma, ont oh ithvna' ; hopoyuksa v_hleha ak o hoyot aya li ha tok keyu ; amba nan ashvchi v_hleha hv_t ile kostininha ch_i mak a tok oke, im achi tok.

14. Yohmi ma Chan nan im ai ithvna v_hleha hv_t im ai v_la mvt, Katiohmi ho pishno, micha Falisi v_hleha il aiena kv_to nukhaklot nan e hullochi fehna ma, amba nan chim ai ithvna v_hleha hv_t nukhaklot nan ik hullocho cho ? achi tok.

15. Mihma Chisvs vt, Hatak himona ohoyo itauwaya tuk vt takla anta moma ka i kanomi v_hleha hv_t nukhakla hinla cho ? yohmi kia hatak himona ohoyo itauwaya tuk ash ant im ai isha he nitak vt ai ona he ; yohmikmak o okla hv_t nukhaklot na hullocha hi oke.

16. Hatak nana kia anchi sipokni a nantvna hlilafa himona ya lapalichi chatuk keyu ; v_hhkvt_a lapali kash osh anchi ash hlilvffit ishikma, i shahlit hlilavt okpulo chatuk oke.

17. Mikma hatak puta kv_t oka-paki himona ya shukcha sipokni yo apitta chatuk keyu ; yummak keyukma shukcha yvt mitahli na oka-paki yvt hlayakma, shukcha yv_to okpulo chatuk ; amba oka paki himona ya shukcha himona yo apit-takmak o, tv_klot nan ik okpulo chatuk oke, im achi tok.

18. Ilvppa puta ka isht im anumpulik fehna, hatak na

pehlichy achvfa hosh vla cha, ant aiokpvchly mvt, Himonasi ak kia svso-tek vt illi mak osh itonlvshke: yohmi kia minti cha, chibbak ant isht ish umbitepa hokma, okchaya hinla hoke, achi tok.

19. Mihma Chisvs vt wakaya cha, iakaiyvt ia ma, nan im ai ithvnz vhleha aiena kvv yohmi ak inli tok.

20. Yvmohmi tuk o ohoyo hvv issish umbokafa isht abeka tok afvmmi auah tuklo hosh, yvmmak ash im ashaka ya mayvt ona cha, im anchi aposhokvchi a pit potoli tok.

21. Im anchi ak illa ho ak potoli kia, sa hlakofa hinlvshke, ahnit im anukfila hatuk osh.

22. Yohmi kia Chisvs vt filemvt yvmmak ash o pisa mvt, Svso-tek ma! na chi yukpa achukmashke; na chi yimmi pulla hosh chi hlakofichi hoke, achi tok. Mihma hvshi kanvlli vlvpisa yvmma fehna ho ohoyo yvmmak ash osh hlakofi tok.

23. Mihma Chisvs vt hatak na-pehlichy in chuka yash ona cha, oskula olachy vhleha, micha okla yaiya aiena ka ont pisa mvt,

24. Oh itj kanvlli; ohoyo himita yvt illi keyu hoka, amba nusi hoke, im achi tok. Mihma isht yopulvt okla j yukpa tok.

25. Yohmi kia okla hvv kocha wihvt taha ma, pit chukowa cha, ibbak a ont halvlli ma, ohoyo himita yash osh tani tok.

26. Yohmi ma ilvppak atuk vt annovt yakni yvmma mo-ma hlopulli tok.

27. Atuk o Chisvs vt yvmmak ash vttvt ia ma, hatak lvpa tuklo kvv iakaiyvt avvt, tahpahanlvv, Lewi ushi chia ma! ish pj nukhakhlashke, ahanchy tok.

28. Mihma yvmmak ash osh aboha ont chukowa ma, hatak lvpa atuk vt im onvt okla tok: mihma Chisvs vt, Ilvppa yakohmichi la hinla ka hvchi yimmi cho? im achi ma, Yau, Chitokaka ma! im achit okla tok.

29. Yohmi ma nishkin a pit potoli mvt, Na hvchi yimmi tuk pulla mak osh isht a hvchim vlvpesashke, achi tok.

30. Mihma nishkin vt j fatumvt okla tok: yohmi ma

Chisvs vt kullochi fehna hosh i mihvt, Ahah! hvsh ahni na hatak nana kia ik akostinincho kashke, achi tok.

31. Yohmi tuk kia itiachi mvt, yvmmak ash o yakni yvma mominchit ai im annowachi tok.

32. Yvmmvt a kohcha ma, hatak ik anumpolo nan isht ahullo okpulo ai i foka ho okla isht im vla tok.

33. Atuk o nan-isht ahullo okpulo yash osh a kohcha ma, ik anumpolo yash osh anumpuli tok: yohmi ma okla laua yash osh nukhlakancha mvt, Himonna kia Islael okla ha a yakohmi na kvna hosh pisa chatuk keyushke, achi tok.

34. Yohmi kia Falisi vhleha hash osh, Ilvppvt nan-isht ahullo okpulo puta ka nan-isht ahullo okpulo i miko yak o isht kocha weli hoke, achi tok.

35. Yohmi ma Chisvs vt tmaha moma, micha tmahushi puta aiena ka mominchit avvt, i sinakak puta kak o nan im ai abahanchi, mihmvt vba apehlichika isht anumpa hanta isht anumpohonli, mihmvt abeka moma ka hlakofihinchit, haknip ik in chukmo okla im asha tuk a mominchit hlakofihinchi tok.

36. Yohmi tuk kia okla laua yash osh hoyvbli cha, it a fimimpvt aiasha, chukfulhpoba yosh apesvchi ik im iksho ho, chohmi na pisa hatuk osh i nukhaklo tok.

37. Yohmi mvt nan im ai ithvna vhleha hash o, Nahoya hi okvto laua ho mvhli, amba toksvli vhleha hak osh ik lauwoshke.

38. Yohmi hoka na-hoya hi okvt Chitokaka immi hoka nan im ahoya hi a toksvli vhleha ha auet tihlela chi ka, hvsh im asilhashke, im achi tok.

CHAPTER X.

Chisvs vt nan im ai ithvna auah tuklo kvv vbanumpa ha isht anumponla chi ka, micha na fehna puta ka ai yvmohma chi aiena ka kanompit tihleli, 1. 5 Micha nana ka ithvnanchi. 40 Micha Chisvs a holitobli kvv nan isht il ai yukpa he miha.

1. YVMOHMI tuk osh nan im ai ithvna auah tukle kash o itahobit tahli mvt, nana im ai ahlit, nan-isht ahullo

okpulo puta imaiyvt, yvmmak atuk ma kocha welit abeka ilaiyuka puta, micha haknip ik in chukmo ilaiyuka moma hlakoficha hi a im apesa tok.

2. Yohmi ka vbanumpeshi auah tuklo hohchifo kv̄t yakohmi kak oke: vmona Saimon atuk osh Pita hohchifo tok; mihma itibapishi Antilu ak a tok; Sebete ushi, Chemis ak osh, nakfish Chan itatuklo tok:

3. Mihma Filip, micha Bahlolomu; Tamas, mikmvt pvblikan hatak Mahlu; Alfevs ushi Chemis, micha Lebevs osh hohchifo apunta kv̄t Tatevs a tok.

4. Mihma Kenan hatak Saimon, micha Chutas Iskaliot ak atuk osh yvmma haksichi tok ak inli ka aiena tok.

5. Auah tuklo ilvppak o Chisvs vt pit tihleli mvt, nan im apesvt, Chentail aiasha pilla hokvno hvch ik aiyo kashke, mikmvt Samalia okla in tmaha h̄ ont hvch ik chukowo kashke.

6. Amba Israel in chuka-chvfa chukfulhpoba tvmoa pulla kak o hvsh im ai onashke.

7. Michā ia hosh hvsh itvnowa kv̄t, vba isht anumpohonlit, Ūba apelihchika yvt olanlosi vlvshke, hvsh ahan-chashke.

8. Mikmvt abeka ȳ hlakofichit, leplosi vbi puta ka i kashofit, illi puta ka tanichit, nan-isht ahullo okpulo puta ma hvsh kocha welashke: pilla h̄ hvsh habena hatuk okvt, pilla h̄ hvsh imashke.

9. Hvch̄i shukcha atuk ma tvli holisso lakna, micha tvli hvta, mikmvt tvli lakna nana kia fohkit hvch ik ieshokmvt;

10. Anonti nowvt hvsh aya hokvt bahta kia, ilefoka lumbo tuklochit, shulush aiena ma tuklochit, tvbi nana kia hvch ik iesho kashke; hatak toksvli yvt ilhpita he uk o vlhpesa hoka.

11. Michā tmaha, keyukmvt tmaha chito yokmá nana h̄ ont hvsh chukowa ch̄i kv̄t, kuna hosh vlhpesa kv̄t yvmma anta ka, hvsh ponaklashke; micha yvmmak o hvsh asha tuk osh a kohchvt hvsh iashke.

12. Michā chuka ȳ ont hvsh chukowakmvt, hvsb ai okpvchashke.

13. Yohmikma chuka yatuk mvt vlhpesa hokina, na yukpa he hvsh im ahni tuk a onvtulashke: amba vlhpesa keyu hokmvo, na yukpa he hvsh im ahni tuk a hvchi falamashke.

14. Micha kvna kia ik hvchi aiokpacho, micha hvchim anumpa ma haponakla he keyukma, chuka yokma, tumaha hokma, nana hatuk a hvsh a kohchakmvt, hituk tohbi hvch iyi asha hatuk ma hvsh tahtulashke.

15. Ahli mak o hvchi miha lishke, Nan-vlhpisa chinto nitak okvno Sotom, micha Komola aiena kvv im ahleka hoh kia, pit im vlhpisa kvv tumaha yvmmak a tok a i shahla hi oke.

16. Inta! chukvvlhpoba yo chohmichi hosh nashoba itintakla pit tihleli lishke; yohmi hoka kostini kvv sinti ak o hvsh chiyuhmi cha, nuktaiyala mvt pvchi-yoshuba ak o hvsh itilauashke.

17. Yohmi kia hatak puta ka ahah! hvsh im ahnashke: yvmmak okvt ishit nan apesa vhleha ibbak a hvchi fohokikma, i sinakak puta ka a hvchi fahama he mak oke.

18. Micha na pehlichu vhleha, mikmvt miko puta, Chentail okla aiena ka, na hvsh im ai atokola chi ka, vno pulla hatuk mak o yvmma puta ka itikba hvch isht ohona hi oke.

19. Yohmi kia hvch isht ohona ka, kanimihchit, micha nana ho hvsh anumpula he aiena kvv hvch ik anukfillo kashke: nana ho hvsh anumpula hi a hvshi kanvlli vlhpisa yvmmak inli ho hvchi anukfohka hi oka.

20. Hvchishno ak osh hvsh anumpula hi o keyu, amba hvch iki imi Shilombish yvmmak osh a hvchi anumpula hi oka.

21. Mikma itibapishi hatuk vt itibapishi ha illi issakma, anonti iki atuk vt vlla ya illi issa he: yohmikma vlla puta kvv iki ishki aiena hatuk ma i nukkilli cha, illi issa hi oke.

22. Mikma sa hohchifo pulla hatuk mak o momvt hvchi nukkilli he: yohmi kia kvna hosh achunanchit mahayvt ai vhli ka ona hok mak osh okchaya hi oke.

23. Yohmi kia tumaha chito ilvppa a hvch issikka

palikma, yihleptv inla y_o hvsh onashke. Ahli mak o hvchi miha lishke, Israel okla in tvmaha puta ka hvch ik hlopullo kisha h_o, Hatak Ushi yvt v_la hi oke.

24. Nan-ithvna yvt nan-ithvnanchi ya imaiya keyukma, anonti tishu hv_t i shahli h_a imaiya h_o keyu chatuk.

25. Nan-ithvna yvt nan-ithvnanchi ya itilauikma, anonti tishu hv_t i shahli hatuk ma itilauikmak osh im v_lhpesa hoke. Chuka-chvfa pehlichika ya Beelsebub okla hochifo tuk-v_t in chuka-chvfa ya i shahlich_i kv_t katiohmichi hosh hochifa hinla cho?

26. Yohmi hoka yvmmak oka hvch ik i nukshopo kashke. Nana kv_t ompoholmo tuk osh ik otano ka hi v_t iksho ma, anonti nana kv_t luma tuk osh ik annowo ka hi v_t iksho hoka.

27. Nana ka okhlilika y_o a hvchim anoli li ka a tohwikelika y_o hvsh ai anolashke: micha nana ka haksobish tikelichi hosh hvsh haklo kv_t, yvmmak ash aboha pakna y_o hvsh ai anolashke.

28. Mikmvt haknip a vbi kia, shilombish a illicha he keyu yvmmak okvno hvch ik i nukshopo kashke: amba shilombish micha haknip it aieninchit aiokpuloka ai ilbvshala hinla kak pulla h_o hvsh i nukshopashke.

29. Hushi chipunta yvt tuklokmtv sint achvfa iklvna itatuklo v_lhtoba chatuk keyu? mikma yvmmt, hvch Iki v_t ahni keyukma, achvfona kia aka itula hi o keyu hoke.

30. Amba pashi hvchi noshkobo o hikia kak kia momvt holhtinv_t taha yoke.

31. Yohmi hoka ik hvchi nukshopo kashke; holitopa kv_t hushi chipunta laua kia hvsh i shahli hoke.

32. Yohmi hoka kvna hosh hatak puta itikba ya si ai ahninch_i tuk ma, vno ak kia ilapa Aki vba binili ka itikba ya ai ahninch_i la hi oke.

33. Amba kvna hosh hatak puta itikba ya ik si ai ahninch_o tuk ma, vno ak kia ilapa Aki vba binili ka itikba ya ak ai ahninch_o ka hi oke.

34. Yakni pakna ya nanaiya y_o bohlt aya li tok ik

huchim ahobo kashke: nanaiya yo a bohliit aya li tok keyu, amba bvshpo falaiia ak a tok.

35. Hatak a iki ik it im vlhpesachot, ushetik a ishki ik it im a vlhpesachot, ipok atuk ma ipokni a ik it im vlhpesachot aya li ha tok.

36. Mikma hatak in tvnvp puta kvit ilap in chukachvfa ash inla hi oke.

37. Kvna hosh iki yokma, keyukmut ishki yokma, nana ho i hullo kvit vno a im i shahli hokvt, vmmi ha he vlhpesa keyu hoke: mikmut ushi yokma, keyukmut ushetik okma, nana ho holitobli kvit vno a im i shahli hokvt, vmmi ha he vlhpesa keyu mak inli hoke.

38. Yohmikma kvna hosh im iti-taiyukhvna ya sholi cha, siakaiya keyu hokvt, vmmi ha he vlhpesa keyu mak oke.

39. Kvna hosh im ilhfiopak a ahayuchi tuk mut i kvnia he: mikma kvna hosh vno pulla hatuk mak o im ilhfiopak vt i kvnia hokmut, ahayucha he mak oke.

40. Kvna hosh hvchi aiokpvchi hokvt, vno a si aiokpvchikma; anonti kvna hosh vno a si aiokpvchi kvit, auet sa kanchi tok ma aiokpvchi hoke.

41. Kvna hosh hopaii ya hopaii atuk mak o aiokpvchi hokvt, hopaii im ai vlhtoba mak o isha he: yohmikma kvna hosh hatak ahli achukma ka, ahli achukma atuk mak o, aiokpvchi hokvt, hatak ahli achukma im ai vlhtoba mak o isha hi oke.

42. Mihma kvna hosh chipota vhleha ilvppa achvfona kia, nan ithvna yatuk mak o ishka chi ka oka kapvssa isht-ishko achvfa illa ho ipeta kia, yvmmvt kaniohmit nan-vlhtoba hvit i hlakofa he keyu, ahli mak o hvchim achi lishke, achi tok.

CHAPTER XI.

Chisvs vt vba isht anumpohonli kvit a moma; Chan a pit ponaklo tuk a Chisvs vt afalaminchit im anoli, 1, 7 micha, Chan Baptist a aighlit isht anumpuli. 20 Chisvs vt tomaha kanimi ka na palvm mi kvit onctula chi ka anoli, yvmmak oka na fehna laua ka ai yv-

mihinchi tuk kia, okla ik ile kostinincho hoka. 25 Chisvs vt Chihowa pit aiokpvchi mvt, Iki vt nan oklaha ka ibbak ifoyuki tuk & achi: 28 mikmvt a foha chi kvt hoyvbli puta kvt im ai ona chi ka i miha.

1. ATUK o yakohmi tok; Chisvs vt nan im ai ithvna auah tuklo kash nan im apesvt in taiyaha mvt, in tvnaha puta ka nan ai ithvnanchi, micha vba isht anumpuli aiena chi; hosh yvmma vttvt ia tok.

2. Atuk o Klaist vt nan-isht-anta puta ka Chan vt aboha kullo anukaka ya a haklo mvt, nan im ai ithvna vbleha tuklo ho pit tihleli tok.

3. Mihmvt yvmmak ash o, Chishno ak osh aya he tok mak o chia hokma, ak chu? inla yo e hoyokma, nanta chi cho? pit im achi tok.

4. Mihma Chisvs vt a falaminchi mvt, Anonti hvsh ia chana ka hvsh haklo, micha hvsh pisa aiena tuk vt Chan a ont hvsh im anolashke.

5. Lupa yvt hopokoyo ma, imomokpulo yvt nowa; leplosi vbi okla hvv i kashofa; mikma ik haponaklo yvt haponaklo; illi tuk vt tani, mihma ilbvsha puta ka vbanumpa hvv isht im anuhumpvshke.

6. Yohmi ka kvna hosh vno a ik si ai ibetvblokmvt, na yukpa he mak oke.

7. Mihma itiachi ma, Chisvs vt okla laua ya im anumpulit ishtia mvt, Chan ak o miha hosh, Nanta ho hvsh pisa chi hosh yakni haiaka ya hvsh ilhkoli tok o? Kushak vt mahli na faiokvchi kak atuk o?

8. Amba nanta ho pisvt hvsh ilhkoli tok o? Hatak nafohka lapushki fohka kak atuk o? nafohka lapushki abehkvchi hokvto miko in chuka puta kak o aiasha hoke.

6. Amba nanta ho pisvt hvsh ilhkoli tok o? Hopaii atuk o? ahli, yohmi ka hopaii ak kia imaiya hoke, hvchim achi lishke.

10. Um anumpeshi ya chi tikba chvffichi li hoka, mihi vosh chi hina ya tikbanli apoksiacha chi hoke, achit isht hollisso tok a ilvppak osh mih mak oke.

11. Ahli mak o hvchim achi lishke, Ohoyo ho a tobt

aiasha ka itintakla hikia kv̄t Chan Baptist a imaiya chatuk keyushke : yohmi nana kia moma ik lauwo hosh vba apehlichika yā anta kv̄t, yv̄mma imaiya hoke.

12. Yohmi ma Chan Baptist vt ahanta nitak atuk a ai vhlit mihinti ka, vba apehlichika yā ishi bvnna kv̄t achilita fehna, yohmikma achilita puta kv̄t onvtulvt ih̄ishi na himakv̄shke.

13. Hopaii vhleha moma micha vba nan vlpisa aiena kv̄t na tikbanli anoli kv̄t, Chan ak o ant im ai vhli hoka.

14. Micha hv̄chi yimma hinla hokma, ilvppak osh vla he tok Elias mak oke.

15. Kv̄na hosh isht haponakla he haksobish vt i hinlikmvt, haklashke.

16. Amba himak okla aiasha ilvppak okvno nantak o itapesa la ch̄i cho? Ulla yosh ilhpak a kanchi yō binohmaya hosh ilap b̄ika it̄i howvt,

17. Oskula h̄a e hv̄chim olachi ka, hv̄ch ik hehloshke; e hv̄ch̄i yaiya ka, hv̄ch ik yaiyoshke, achi h̄o itilauishke.

18. Chan vt ik impo, micha nan ik ishko aiena hosh aya ma, Yv̄mma nan-isht ahullo okpulo il ai eshi hoke, okla achishke.

19. Hatak Ushi yvt ihimpa, mikmvt nan ih̄ishko aienvt aya ma, Yakeh ! hatak isikopa, oka-p̄aki ishko shahli, publikan micha nan ashv̄chi vhleha aiena ka i kana yoke, achishke : yohmi kia Ahopoyuksa yokvto im vlla vhleha h̄a isht im a holitopa hoke, im achi tok.

20. Yohmi mvt tmaha na-fehna ka a yvmihinchi fehna tuk puta kash, okla ilekostininchi keyu hatuk o, nan isht a mihachit ishtia tok.

21. Kolasin ma ! na ch̄i palv̄mmi mak oke : Betsaita ma ! na ch̄i palv̄mmi mak oke ; na-fehna puta kv̄t hv̄chishno yā hv̄chim a yvmohmi tuk vt Taia, micha Saiton aiena ka a yvmohmi ha tok okma, hopaki kash inli h̄o na p̄ashi tv̄nna anchit hituk chubbi banot mayvt ilekostinincha he a tok oke.

22. Yohmi kia nan vlpisa chinto nitak okvno Taia micha Saiton aiena kv̄t im ahleka hoh kia pit im vlpisa kv̄t hv̄chishno yokvno i shahla hi oke, hv̄chim achi lishke.

23. Yohmikma Kapenam chia shutik ak o ont ish talaia

tuk vt, aki vt ai okpuloka mak o ish ona hi oke: na-fehna puta kv̄t chishno ya chim a yvmohmi tuk vt Sotom a a yvmohmi ha tok okma, himak nitak ak kia talaia hi a tok oka.

24. Yohmi kia nan v̄lhpisa nitak okvno Sotom yakni vt im ahleka hoh kia, pit im v̄lhpisa kv̄t, chishno yokvnc i shahla hi oke, hvchim achi lishke, achi tok.

25. Nitak yv̄mma fehna ma Chisvs vt anumpuli mv̄t, Aki, shutik micha yakni aiena in Chitokaka ma! na yakohmi p̄ta ka na kostini, micha nan ithana aiena kvno ish in luhmi tuk osh, v̄losi puta h̄o ish im otv̄nichi hoka, yak oke chim aiahni lishke.

26. V̄lhpesashke, Aki ma! yv̄mmak osh chim v̄lhpiesa hatuk oka, achi tok.

27. Aki vt nan okluha ka sv̄bbak fohkishke: yohmi ka Ushi ya hatak nana kia ik ithano h̄o, amba Iki ak banoshke; mikma Iki a hatak nana kia ik ithano h̄o, Ushi ak illa, micha Ushi ak osh kvna h̄o im otv̄nichi hok mak bano hoke.

28. Toksv̄lit ahantvt hoyv̄bli, micha shapoh i weki puta hvchia mv̄t, momv̄t hv̄s sv̄m ai v̄la na hvchi fohvchi lashke.

29. V̄m ikonla abana yak o isht hv̄sh il abanali cha, vno ak o hv̄s sv̄m ai ithvnashke: vno ak osh ch̄ukvsh yohbi, micha ch̄ukvsh akanlosi aiena sia hoka: yohmik mak osh hvchi shilombish puta a foha hi a hv̄sh ahayucha he mak oke.

30. V̄m ikonla abana ya il abanali ka im v̄lhpiesa, micha a shapoh hv̄t shohv̄la hoke, im achi tok.

CHAPTER XII.

Nan im ai ithvna v̄hleha hash osh nitak bullo yo onush a hlehlit v̄pa tuk a, v̄lhpesa, Chisvs vt im ahni, 1. 9 Chisvs vt ibbak bv̄shi yatuk a achukmali tuk o, Falisi v̄hleha hv̄t v̄bi bv̄nna. 22 Shilombish okpulo ai i foka tuk a Chisvs vt hlakofichi; 31 mihmv̄t Shilombish Holitopa ya ik ahobalot anumpuli kv̄t i kashofa he keyu miha. 38 Falasi v̄hleha hv̄t Klaist a nan-isht-atokowa im a hoyo. 46 Kvno hosh Klaist a i kanomi hoka isht annoa.

1. NITAK yvmma foka ma Chisus vt nitak hullo nitak o osapa hlopullit aya ma, nan im ai ithvna vhleha hvv hohchvfo hatuk osh, onush a hlehli cha, vpvv ishtia tok.

2. Yohmi kia Falisi vhleha hvv pisa mvv, Yakeh! nana ka nitak hullo nitak a a yohma he vlvpesa keyu ka, na chim ai ithvna vhleha hvv yohmishke, im achi tok.

3. Yohmi kia yvmmak ash osh, Lewi micha apvhv aya tok aiena kvv hohchvfo mvv, kaniohmi tok,

4. Chihowa im aboha hatuk a ont chukowa cha, puska otvni yvmmak oka ilap vt, micha apvhv aya tok aiena kvv vpa he ai im vlvpesa keyu, amba naholitompa isht aasha ak illa hatuk a vpa tok a, holisso ha hvch ik ai it im anumpulo chatuk oh cho?

5. Yvmmak keyukmvv na-holitompa isht aasha vhleha hvv nitak hullo nitak puta ma tempel anukaka ya nitak hullo a kobahafi kvv ashvchi ha tok keyu ka vba nan vlvpisa holisso ha hvch ik ai it im anumpulo chatuk oh cho?

6. Yohmi kia, Achvfa hosh tempel a imaiya kvv ilvppa anta hoke, hvchim achi lishke.

7. Yohmi kia, Uba isht-aiokpvchi ya ak ahnincho, amba nan i nukhaklo ak o ai okpanchi li hoke, achi ilvppak osh nana ho miha hatuk a hvsh akostininchi hatuk okmvv, ashvchi keyu ka anumpa hvsh onocha he tuk keyu chishke.

8. Hatak Ushi yvv nitak hullo ak kia in Chitokaka ak inli hoka, im achi tok.

9. Micha yvmmak ash vttvv ia mvv, yvmma i sinakak ak o ont chukowa tok.

10. Yohmi ma hatak vt ibbak shulla yosh aasha tok. Yohmi ma ilvppak ash o nan vlvpisa onocha chi hosh okla im ponaklot, Nitak hullo nitak a na hlakoficha he vlvpesa cho? achi tok.

11. Yohmi ma yvmmak ash osh, Hatak hvchi katima kak osh chukvvlhpoba yvv achvfa hosh im anta tuk vt, nitak hullo nitak o yakni kula pit itula ka, pit halvllit ik kobcho ka hinla cho?

12. Yohmi ka hatak vt holitopa kvv chukvvlhpoba ya katiohmi ho isht i shahli ho? Yohmi hoka nitak hullo

nitak a nana achukma ka yohma he vhpesa hoke, im achi tok.

13. Yohmi mvt hatak ash o, Chibbak a chisemochi, im achi tok. Mihma chisemochi tok: yohmi ma falamvt achukmvt taha mvt, in tannvp akinli ho chohmi tok.

14. Yohmi ma Falisi vhleha hvt kocha wiha mvt, kani-mihchit vba he vt isht it im anumpulit maya tok.

15. Yohmi kia Chisvs vt ilvppa akostininchi mvt, yvm-mak ash a kohchvt kvnia tok: mihma okla chito hvt iakaiya ma, yvmmak ash o mominchit hlakofichi tok.

16. Yohmi mvt ilap a okla ik otvmincho ka hi a kvlllochit i miha tok.

17, 18. Yohmi ma, hopaii Esaias vt anumpohonli mvt, An tishu hano ai atokoli li tuk o holitopa, sa shilombish vt isht ai yukpa fehna ka ho pesa: ilvppak o vmi Shilombish o onochi likma, yvmmak osh Chentail okla ha vba nan vhpisa ya im otvnicha hi oke.

19. Yvmmak okvt ik it im paknokmvt, anonti ik tahpvlo ka he; mikma tmaha ai itahoba puta ka im anumpa ha hatak nana kia a haiyakla he a keyu ka he.

20. Kushak kushkoa kia ik tilohlecho ka he, mikmvt pola i honnula lua shobulli ka ik mosholicho hosh, vba nan vhpisa ya fihimit isht imaiyacha he.

21. Yohmikma Chentail vhleha hvt yvmma hohchifo ho anukchieta he, achi tok a ont ai aighli tok mak oke.

22. Yvmma foka ma achufa hosh nan-isht ahullo okpulo ai i foka hosh lvpa, micha ik anumpolo aiena ho isht im vla tok: yohmi ma yvmmak ash o hlakofichi na lvpa micha ik anumpolo aiena tuk vt anumpuli, micha pisa aiena tok.

23. Mihma okla hvt•momvt nukhlakancha mvt, Ilvppvt Lewi ushi ash keyu ho? achi tok.

24. Yohmi kia Falisi vhleha hvt haklo mvt, Hatak ilvppvt nan-isht-ahullo okpulo a kocha weli ho keyu, amba nanisht-ahullo okpulo i miko Beelsebvb ak o ishit kohchi hoke, achi tok

25. Mihma okla im anukfila ha Chisvs vt akostininchi hatuk osh, Apehlichika puta kvv it a kashapvt ilap bika it i sanali hokvt, ont ai okpulo kvv taha chatuk: anonti tmaha

chito, keyukmut chuka puta kut it a kashapvt ilap bika it i sanali hokvt, talaia he keyu hoke.

26. Yohmi hoka Setan osh Setan a kohchi hokmut, ilap o inli il i sanali hoke; yohmi ka katiohmi hosh im apehlichika yvt talaia hinla cho?

27. Micha vno vt Beelsebub ak o nan-isht-ahullo okpulo a ishit kocha weli li hokma, kuta hak o hvchim vlla vt yvma ishit kocha weli chatuk oh cho? yohmi hoka yvmmak osh na hvchim apesa yashke.

28. Amba vno yvt nan-isht-ahullo okpulo a Chihowa imi Shilombish o ishit kocha weli li hokma, yohmi hokmvno Chihowa apehlichika yvt hvchim vlla mak oke.

29. Keyukmut katiohmi hosh achufa kut hatak hlampko in chuka ya ont chukowa cha, im ilayak a wehpula hinla? hatak hlampko ak o tikba takchi ha yo keyukmut; amba yvmmak okmuto in chuka ya wehpula hinla hoke.

30. Kvna hosh vno a svbafohka keyu kut, a sanali hoke; mikma kvna hosh svba hoyo keyukmut, na fimmi yoke.

31. Yohmi hoka, Hatak vt nan im ai ashvchika il aiyuka moma, micha Chihowa ik ahobalot anumpuli moma kut i kashofa he; amba Shilombish Holitopa yo ik ahobalot anumpuli tuk okvto hatak vt ik i kashofa ka hi oke.

32. Micha kvna hosh Hatak Ushi ak o na mihachit anumpuli tuk okvto i kashofa he: amba Shilombish Holitopa ak o na mihachit anumpuli tuk okvto yakni ilvppak inli, micha yakni inla mihinti aiena ka ai i kashofa he keyu hoke.

33. Iti vt achukma ho hvsh ikbi hokma, vni ak kia achukma he: keyukmut iti vt okpulo yo hvsh ikbi hokma, vni ak kia okpula he: iti vt ilap vni ak inli ho isht otvni chatuk oka.

34. Sinti chilita isht-ai-unchululi hvchia ma! ai vlpiesa keyu hvchia kut, katiohmi hosh nana achukma puta ka hvsh anumpula hinla cho? chukvsh a alotowak mak o, itih hv kohchit miha chatuk oka.

35. Chukvsh anukaka ya na holitopa kut asha kak o, hatak achukma kut nana achukma puta ka a yvmohmi chatuk: mikma chukvsh anukaka ya nana ik achukmo kut asha

kak o, hatak ik vhpeso kv̄t nana ik achukmo puta ka a yvmohmi chatuk oke.

36. Yohmi kia anumpa ik vhpeso puta hatak vt anum-puli tuk okmvt, nan vhpisa nitak okvno yvmmak atuk a nan isht il anola hi oke, hvchim achi lishke.

37. Chishno chim anumpa atuk ak o isht chi ai vhpiesa he: mikmvt chishno chim anumpa atuk ak o nan isht chim vhpisa hi oke,

38. Yvmma foka ma na holissochi vhleha kaniohmi, mi-cha Falisi vhleha aiena kv̄t anumpuli mvt, Nan ithvnanchi ma! nan-isht-atokowa e chi pisa hinlvshke, achi tok.

39. Yohmi kia afalaminchi mvt, Nan ik vhpieso, mi-cha haui aiena okla hash osh nan-isht atokowa ya okla hoyo: yohmi kia nan-isht-atokowa nana hosh in takala he keyu, amba hopaii Chonas nan-isht-im atokowa ak illa hi oke.

40. Chonas vt nitak tuchina micha ninak tuchina aiena ho nvi chito ikfoka anukaka ya foka tok a; yvmmak inli ho choimit Hatak Ushi vt nitak tuchina micha ninak tuchina aiena ho yakni chukvsh anukaka yatuk ma foyuka hi oke.

41. Nana vhpisa chinto nitak okvno Nineseh hatak vt okla ilvppa ai apihvt hielī cha, anumpa onocha hi oke; yvmmak okvt Chonas vt vbanumpa isht anumpohonli ma, okla ilekostininchi tok okvt; atuk o Chonas a imaiya mak osh ilvppa ahantvshke.

42. Nana vhpisa chinto nitak okvno oka mahli ohoyo mīk vt okla ilvppa awant hikia cha, anumpa onocha hi oke: yvmmak okvt yakni ont ai vhli pilla minti kv̄t Solomon isht im a hopoyuksaka ya haklot aya tok okvt: yohmi tok o himak a Solomon a imaiya mak osh ilvppa ahantvshke.

43. Shilombish okpulo yvt hatak a akohchakmvt, afoha he hoyo kv̄t oka ik ai iksho puta ka hlopullit aya kia, ik ahayucho chatuk;

44. Yohmikmvt, An chuka ai vta kohchvt a minti li kash osh falamvt ia lashke; achi tuk osh onakmvt, yvmmak

ash kvna iksho hō, pashpovt, shemvt taiyaha cha hikia hō, ont pisa hoke.

45. Yohmikmvt shilombish okpulo untuklo inla yvt ilap a i shahli hō ivt ont pehlichit vla ma, yummak ash okla pit abeha cha ai asha chatuk; yohmikma hatak yummvt ont ishtaiyopi kak o okpulo kvt vmmona tuk a i shahli chatuk oke. Yohmi ka yummak inli hō okla nan ik vhpeso ilvput chiyuhma chi hoke.

46. Okla hā im anumpuli kvt moma hō, ishki micha itibapishi vheha aiena kvt it im anumpuli bunna hosh koeha ya hinli tok.

47. Yohmi ma achufvt, Yakeh! chishki micha ish itibapishi vheha aiena kvt chit im anumpuli bunna hosh koeha ya hiohmayvshke, im achi tok.

48. Yohmi kia afalaminchi mvt, nan im anoli yash o, Hvshki ak osh kvta hō? mikma itibapishi li vheha ak osh kvta hoh cho? im achi tok.

49. Mihmvt nan im aiithvna vheha aiasha ka imma yo ibak a pit weli mvt, Hvshki, micha itibapishi li vheha hā pisá;

50. Kvna hosh aki vba binili nan aiahni ka yomohmikmvt, yummak osh itibapishi li, micha an tek, mikmvt hvshki aiena mak oke, achi tok.

CHAPTA XIII.

Na hokchi nan isht vhpisa; mikma nana a kaniohmi kak o Chisvs vt nan isht vhpisa hō isht ithvnanchi, 1. 18 Na hokchi nan isht vhpisa hō otvnichi; 24 onush micha haiyukpulo ita tuklo ka isht vhpisa, 31 mvstvt nihi; 33 micha nan isht shatvmmichi ita tuklo ka nan isht vhpisa: micha na kaniohmi hō Chisvs vt nan isht vhpisa bano hō isht anumpohonli. 36 Onush micha haiyukpulo ita tuklo nan-isht vhpisa hō otvnichi; 44 na holitopa luna kvt itu-yula, 45 micha nan chumpa, 47 mikmvt nvni isht hokli aiena ka nan isht vhpisa; 53 Chisvs vt falamvt i yakni ak inli hō ona tuk o, okla hvv kanimanchi.

1. MIHMUT Chisvs vt nitak yummak inli ka aboha ya a kohchvt ia mvt, okhvta lapalika yo ont binili tok.

2. Yohmi ma okla laua fehna kv̄t ant im ai itahoba, yohmi ma peni yo pit chukowa cha binili tok; mihma okla laua yash osh momvt oka v̄hli h̄a hiohmaya tok.

3. Mihma nana laua ka nan isht apesa hosh isht im anumpohonli mvt, Inta! na hokchi vt na hokchit ia tok.

4. Atuk osh hokchi ma, na nihi kanimi kv̄t hina lapalika yo kaha tok; atuk o hushi puta kv̄t ant v̄pvt tahli tok.

5. Kanimi kv̄t tv̄li foka yakni āsha fehna keyu h̄o kaha tok; atuk osh yakni vt i suko keyu hatuk okvt, chekosi fehna offo tok;

6. Atuk o hv̄shi vt kohcha ma, anakshua tok; yohmi kv̄t hakshish vt ik im iksho hatuk okvt, bv̄shit taha tok.

7. Yohmi ma kanimi kv̄t kv̄ti foka yo kaha tok; atuk o kv̄ti vt offo mvt, olv̄bbit ishi tok.

8. Amba inla ka yvt o yakni achukma h̄o kaha: yohmi tuk mvt achv̄fa tuk kia kanimi kv̄t tahlepa achv̄fa; kanimi kv̄t pokoli hanali; kanimi kv̄t pokoli tuchina aiena h̄o v̄nit waya tok oke.

9. Kv̄na hosh isht haponakla he haksobish vt i hinlikmvt, haklashke, achi tok.

10. Mihma nan im ai ithv̄na v̄hleha hv̄t im ai ona mvt, Nanta katiohmi h̄o nan isht v̄lhpisa h̄o isht ish im anum-puli cho? im achi tok.

11. Mihma afalaminchi mvt, Hv̄chishno yokv̄to nan ik otano v̄ba apehlichika ahalaya puta ka hv̄sh ithana hi okvt hv̄chim v̄lhpisa ha tok; amba yvm̄mak okv̄to im v̄lhpisa keyu hoka.

12. Kv̄na hosh īshikma, mihi yo ima he; mikma in laua kv̄t i shahla hi oke: amba kv̄na hosh īshi keyuk mv̄no, īshi tuk ash kia im ai isha hi oka.

13. Okla pih̄isa hokak osh, pisa keyu; mikmvt hah̄ak.o hokak osh, haklo keyu; micha akostininchi keyu aiena hatuk; yohmi kak o nan isht v̄lhpisa h̄o isht im anum-puli li hoke.

14. Mihma Esaias vt nana tikbanli anoli kv̄t, Hab̄aklo hokv̄no hv̄sh haklo kia, hv̄ch ik akostinincho ka he; mikmvt pih̄isa hokv̄no hv̄sh pisa kia, hv̄ch ik ithano ka ne

15. Okla ilvppa chukvsh atuk mvt nvt taiyaha, mihma haksobish a isht haponahaklo kvv in takobi mvt, nishkin atuk ma okla okhishtvshke; yvmmak keyukmet nitak kani-ohmi kia nishkin atuk ma isht pisvt, haksobish a isht haklo cha, chukvsh ma isht akostininchit ilekostininchi na hlakofichi la hinla kak o, yohmi achi tok a okla ilvppak o ont isht aiahli hoke.

16. Amba hvchi nishkin okvto pisa; mikma hvchi haksobish atuk mvt haklo aiena hokvt na yukpvshke.

17. Ahli mak o hvchi miha lishke, Hopaii yvt lava, micha hatak hochukma aiena kvv nana hvsh pisa ka pisa bvna tok kia, okla ik peso tok; micha nana hvsh haklo ka haklo bvna tok kia, ik haklo tok oke, achi tok.

18. Yohmi hoka na hokchi isht vlvhvisa hatuk ma hvsh haklashke.

19. Kva kia apelihika isht anumpa ha haklo cha, ik akostinincho, yohmik ma nan okpulo yosh vlvv, chukvsh anukaka nana im a holokchi tuk ash yichiffit ishit kanchi chatuk. Ilvppak osh hina lapalika yo na nihi ai ishi tok mak oke.

20. Amba tvli foka yo na nihi ai ishi tok okvto vba anumpa ha haklo mvt, na yukvvt ashalka ishi kak oke.

21. Yohmi kia hakshish vt im a toba keyu hatuk osh, imoma na hopaki keyu chatuk; vba anumpa pulla hatuk mak o isht issikkopali, micha isht hofahyali aienakma, chekosi mak inli ho ibetvbli chatuk.

22. Mikma kvv foka yo na nihi ai ishi kak kia vbanumpa ha haklo kak oke; yohmi tuk o yakni ilvppak inli nana ai anushkunna, micha nan in laua bvna kvv isht ashvchi aiena kvv vbanumpa hatuk ma ai olvbbit ishi na ik vno toba kak oke.

23. Amba yakni achukma yo na nihi ai ishi vto vbanumpa ha haklo mvt, akostininchi kak oke: micha yvmmak ash osh vnikmvt, achvfa tuk kia kanimi kvv tablepa achvfa, kanimi kvv pokoli hannali, kanimi kvv pokoli tuchina, yohmi hosh isht waya hoke, achi tok.

24. Mihmvt nan-isht vlvhvisa inla yo in takalichit yak

ahanchi mvt, Ūba apelihi ka yvt hatak osh im osapa ya na nihi achukma ho hokchi tok a holba hoke.

25. Yohmi tuk kia hatak puta kvv nusi hosh maya takla ma, in tenvp vt vla cha, onush ash haiyukpulo yo ant a hokchichi cha, kvni tok.

26. Yohmi tuk o offot vpi toba cha, waya ma, haiyukpulo ak kia otvni tok.

27. Yohmi ma chuka-chvfa pehlichu in tishu vhleha hash osh ona cha, Pi shahli ma! na nihi achukma yo chim osapa ya ish a hokchi tok keyu ho? katiohmi ho anonti haiyukpulo vt asha cho? im achi tok.

28. Mihma, Tenvp osh ilvppa yvmihchi tok, im achi ma; tishu vhleha hash osh, Yohmi ka ivt yvmmak atuk ma ont aivot il itahoba hi a, ish ahni cho? im achi tok.

29. Yohmi kia yvmmak ash osh, Keyu; yvmmak keyukma haiyukpulo a aivot hvsh itahobi takla kvv, onush a aieninchit hvsh lobba hinla hoke.

30. Itapihvt hiohmavvt avvsha onashke: atuk o avvsha onak mak o na-bvshli vhleha ha, Haiyukpulo ak o tikba aivot itahobit hvsh sitoili cha, hvsh hukmashke; yohmikmvt onush ak okvno a kanchak ak o pit hvsh ai itahobashke, im achi lashke, achi tok.

31. Nan-isht vlvpisa inla yo in takalichi mvt, Ūba apelihika yvt mvstv nihi achvfa ho hatak vt ishi cha, im osapa ya hokchi tok a holba;

32. Yvmmak okvt iskitini kvv na nihi moma ka ik lauwo ho mvhli; yohmi kia offot hofantikmvt, haiyukpulo puta ka moma imaiya cha, iti o toba; yohmi na vba hushi puta kvv naksish atuk ma ant a binohli chatuk oke, achi tok.

33. Anonti nan isht vlvpisa inla yo isht im anumpuli mvt, Ūba apelihika yvt pvvka shatvmmichi yo ohoyo hvv ishi cha, tanchi pushi vlvpisa tuchina ho ibafohki tuk o, momvt shatvmmi tuk a, holba hoke, achi tok.

34. Ilvppa puta ka nan isht vlvpisa bano ho Chisvs vt okla laua yatuk ma isht im anumpohonli tok.

35. Hopaii vt anumpuli mvt, Nan-isht vlvpisa ho svtih ha isht anumpohonli lashke; yakni toba tok taiyakla ka na lu-

na a₂sha chatuk puta ka anohonli lashke, achi tok a₂ ont aia₂hla chi ka, nan-isht v₂h₂pisa h₂ keyukma im anumpuli tok ke-yushke.

36. Yohmi mvt Chisvs vt okla laua ya kanompit tihleli mvt, aboha ont chukowa tok; mihma nan im ai ithvna v₂hleha hvt im ai ona mvt, Haiyukpulo osapa anuka a₂sha tok nan-isht v₂h₂pisa ka achukmalit ish pim anolashke.

37. Mihma afalaminchi mvt, Na nihi achukma yo hokchi kv₂t Hatak Ushi ak oke.

38. Osapa vt yakni moma kak oke: nihi achukma yvt vba apelihchika im v₂lla ak oke; amba haiyukpulo vto nan okpulo em v₂lla ak oke.

39. Tvuv₂ vt yv₂mma hokchi tok vt Setan ak oke: abusha na kv₂t yakni ont im ishtaiyopi kak a he; mikma na bv₂shli v₂hleha hvt enchil v₂hleha ak oke.

40. Yohmi ka haiyukpulo yvt itahoba cha, luak isht holokmi chatuk a₂, yakni ilvppvt ont im ishtaiyopikmvt, yv₂mak inli h₂ chiyuhma hi oke.

41. Hatak Ushi vt im enchil v₂hleha h₂ atohonokma, na yoshubi, micha nan ik v₂h₂peso yohmi v₂hleha aiena ka mominchit im apelihchika atuk ma ai ishit kocha wela he;

42. Mikmvt yv₂mmak atuk ma tvli a bila luak chinto h₂ pit ai ashacha he: yohmikma yaiya micha noti ahampa aiena hosh yv₂mmak oka aiasha hi oke.

43. Yohmikma hopoyuksa v₂hleha hokvt shohpakali kv₂t, hv₂shi ak o chiyuhmi hosh Iki im apelihchika atuk ma aiasha hi oke. Kvna hosh isht haponakla he haksobish vt i hinlikmvt, haklashke.

44. Anonti, Uba apelihchika yvt na holitompa luma hosh osapa anuka itonla tuk o, hatak vt yv₂mmak ash o ahayuchi cha, luhmi mvt, na yukpa fehna hatuk osh ia mvt, nana im a₂sha tuk vt mominchit kanchi cha, osapa yv₂mmak ash o chumpa kak o chohmi hoke.

45, 46. Anonti, Uba apelihchika yvt hatak nan chumpa yosh tvli holitompa hochukma hoyot ahanta; yohmi tuk osh tvli holitompa achufa kv₂t v₂h₂toba chinto ahayuchi mvt, ivt

nana in: a_usha tuk vt mominchit ont kanchi cha, chumpa kak o chohmi hoke.

47. Anonti, Ūba a_upehlichika yvt n_uni-isht hokli yo okh_uta okvchi na ilaiyuka puta pehli ;

48. Atuk o alota ma, okla hal_ullit oka v_hli isht ona mvt, aka binohli cha, hochukma ka ai_uvt nan ai_ulbeha pit apitta mvt, amba okpulo yvno kampila kak o chohmi hoke.

49. Yakni vt ont im ishtaiyopikma yvmmak inli ho chi-yuhma he; enchil v_hleha hv_t kohchvt ayakmvt, hatak haksi v_hleha hv_t hopoyuksa v_hleha ha ib_ulhto tuk a filamohlicha he:

50. Mikmvt yvmmak ash o t_uli a bila luak chito ka pit ito-ashacha he; yohmikma yahaya, micha noti ahampa aiena hosh yvmmak oka aiasha hi oke, im achi tok.

51. Mihmvt Chisus ash osh, Ilvppa puta ka mominchit hvsh akostininchi cho? im achi ma, Yau, Chitokaka ma! okla im achi tok.

52. Yohmi ma, Na holissochi ai_uyuka vba a_upehlichika isht im v_lbuchi kv_t, hatak chuka-ch_ufa pehlichi yosh nan im aiasha ya nana kv_t himona, micha hopaki aiena ho ai ishit kohchi ka chomi hoke, im achi tok.

53. Atuk o yakohmi tok; Chisus vt nan isht v_lhpisa ilvppa puta ka ont taiyali mvt, kohchvt ia tok.

54. Atuk osh ilap i yakni ak inli ka v_la mvt, i sinakak a nan ai im abahanchi; yohmi ma okla nukhlakan_ucha mvt, Hatak ilvppvt nan ithana, micha na fehna aiena ka yvmihchi kv_t, katimak o ai im v_lhtaha tok oh cho?

55. Ilvppvt chuka ikbi ya ushi keyu? ishki vt Meli hohchifo keyu? mikma itibapishi v_hleha mvt Chemis, micha Choses, mikmvt Saimon micha Chutas aiena kak keyu?

56. Mihma in tek v_hleha hv_t momvt hvpi takla maya keyu? Yohmi ka hatak ilvppvt katimak o nan ilvppa mo_uma ka ai im v_lhtaha tok oh cho? achi tok.

57. Mihmvt yvmmak ash o okla isht ai ibetv_ubli tok. Yohmi kia Chisus vt, Hopaii vt ik holitopo keyu hosh ahanta kia, ilap i yakni ak inli, micha ilap in chuka kak illa hoh chatuk oke, im achi tok.

58. Yohmi mvt okla nan ik i yimmo hatuk mak o yummak atuk ma na fehna ka lauachit a yvmihchi tok keyushke.

CHAPTA XIV

Chan Baptist vt nan ai ahli fehna hatuk osh Helot a nan i miha hosh aboha kvillo pit fohka, 1, 3 micha noshkobo tupa tok. 13 Chisus vt paska lumbo tahlapi, micha nuni tuklo aiena ho hatak tahlepa sipokni tahlapi ho ipeta tok. 22 Chisus vt vba pit anumpula chi hosh nuni chaha pit oiya; atuk osh ninak a mahli fehna ma okhuta paknaka a nowvt nan im ai ithona vheha ho im ia; micha Pita yvt oka knia he tuk a okchalinchi. 34 Chisus vt Kenesalet ona mvt, abeka puta tuk a hlakofichi.

1. YOHMI ma nitak yumma foka ma, miko Helot vt Chisus vt annohowa ka, haklo tok.

2. Mihmvt in tishu vheha hash o, Ilvppvt Chan Baptist mak oke; illi tuk vt falamvt tanishke: yohmi hatuk o na fehna puta kvt yummak atuk ma ai isht il otynihinchishke, im achi tok.

3. Helot vt itibapishi Filip a tekchi Helotias ak atuk pulla mak o, Chan a hoklit, ishit takchi cha, aboha kvillo ya fohki tuk a tok.

4. Chan vt, Yummak oka ish itauwaya he chim vhpesa keyushke, im achi hatuk o.

5. Yohmi kak o yumma vbi bunna kia, okla laua yak o i nukshopa tok: yummak oka hopai, okla ahni hatuk oka.

6. Yohmi tuk kia Helot vt ai vta tok nitak a holitoblit maya ma, Helotias ushetik vt itikba ya a hihla ma, Helot vt yukpa tok.

7. Yohmi kak osh anumpa kvillo isht ai il onochi hosh nana ho asilhha hokma, ima hi vt miha tok.

8. Mihma ishki vt tikbanli i miha hatuk oka, Chan Baptist noshkobo vt amphuta chito fohka ho, ilvppak fehna ant is si ai vmashke, achi tok.

9. Mihma miko vt nukhaklo tok; yohmi nana kia anum pa kvillo atuk pulla, micha okla ibai-impvt maya tuk aiena hatuk mak o, yummak atuk ma ima hi a apesa tok.

10. Micha pit atohuo na aboha kullo anukaka yak o Chan noshkobo ya a tvbli tok.

11. Mihma yvmma noshkobo hv̄t amphvta chito fohka h̄o isht vla cha, ohoyo himita yash ima tok; mihma yvmmak ash osh ishki a isht im ona tok.

12. Yohmi ma nan im ai ithvna vhleha hv̄t hakcip a ont ishi cha, hohpi mv̄t, iv̄t Chisvs a ont im anoli tok.

13. Chisvs ash osh haklo mv̄t, nan im ai ithvna vhleha bano h̄o ai itap̄ihv̄t yvmmia vttvt ia kut, peni vlhtot yakni haiaka yo ilhkoli tok; atuk o okla hv̄t yvmmak ash haklo mv̄t, aka itvnowa hosh tumaha puta ka ashv̄t okla pit iakai-ya tok.

14. Atuk o Chisvs vt kohcha cha, okla laua ya pisa mv̄t, i nukhaklo fehna cha, abeka im asha tuk a hlakofichi tok.

15. Atuk o opiv̄t taha ma, nan im ai ithvna vhleha hash osh im ai vla mv̄t, Ilvppak okvt yakni haiaka yoke; mikma himak a shoba hosit tahvshke; okla laua ya pit ish tihleli na tumahushi taloha ka ilhpak vpa chi kv̄t okla a chumpashke, achi tok.

16. Yohmi kia Chisvs ash osh, Okla ik aiyo mak kia, impa chi ka hv̄sh ipetashke.

17. Yohmi ma, Pvska tahlapi, micha nv̄ni tuklo aiena illa hosh ilvppa pim ashvshke, okla im achi tok.

18. Mihma, Ilvppak o isht oh vm vla, achi tok.

19. Mihmv̄t okla laua yvt aka hv̄shuk ai om binohla chi ka apesa tok; mihmv̄t pvska tahlapi cha nv̄ni tuklo aiena kash o ishi cha, vba pit vba-chakali mv̄t, ai okpv̄chi cha tushahlichit, pvska yash o nan im ai ithvna vhleha ha ima na nan im ai ithvna vhleha hash osh okla laua ya pit ipeta tok.

20. Mihma okla momv̄t impv̄t kaiya tok; mihma boshulli atampv̄t asha ka kishi alota auah-tuklo h̄o okla ishi tok.

21. Yohmi ka okla impa tuk vt, ohoyo vlla aiena kv̄to asha h̄o, hatak tahlepa sipokni tahlapi foka tok.

22. Yohmi ma mih mak inli h̄o Chisvs vt ilapv̄t okla laua ya tishelichi taklakma, nan im ai ithvna vhleha hv̄t peni pit abeha cha, tikba misha tv̄nrv̄p a ilhkola chi ka i miha tok

23. Micha okla laua yash tishelichit tahli mvt, vba pit anumpula chi hosh ilap illvt nvnih chaha yo pit oiya tok: atuk osh opivt taha ma ilap bano hosh yvmma anta tok.

24. Amba peni vto okhvta iklvna ya, mahli ak osh a sanali hatuk o, oka banvtha ka takakanlit aya tok.

25. Atuk o ninak isht vlvhvisa ont isht ai ushtak fehna, Chisvs vt okhvta ha a nowvt ayvt im ona tok.

26. Mihma okhvta a nohovvt aya na nan im ai ithvna vhleha hvv pit pisvt, komunta mvt, Shilup oke, achi tok; mihmvt nukshopa cha, tahpvla tok.

27. Yohmi kia Chisvs ash osh ashalinka pit im anumpulit, Hvchi nuktanla achukmashke; vno ash sia hoke; ik hvchi nukshopo kashke, achi tok.

28. Mihma Pita yvt afalaminchi mvt, Chitokaka ma! chishno ash chia hokmvt, oka ya a nowvt mayvt chim ona la hi a is sa mihashke, im achi tok.

29. Mihma, Minti, achi tok. Yohmi ma Pita yvt peni ash pit akowa mvt, oka ya a nowvt Chisvs a im ia tok.

30. Yohmi tuk kia mahli hvv kullo fehna ho pisa mvt, nukshopa tok; micha oka kvnivt ishtia mvt, tahpvlvv, Chitokaka ma! si okchalinchí, achi tok.

31. Yohmi ma Chisvs vt ashalika ibbak a pit welit halvli mvt, Na yimmi fehna keyu chia ma! nanta katiohmi ho chi anuktuklo tuk oh cho! im achi tok.

32. Atuk o peni a ant vlvto ma, mahli hvv yokopa tok.

33. Yohmi ma peni anukaka maya tuk ash osh yvmmak oka ant aiokpahanchi mvt, Chishno ak osh Chihowa Ushi a chia ho mvhlishke, achi tok.

34. Atuk o yvmmak ash o hlopulli mvt, Kenesalet yakni o okla ona tok.

35. Yohmi ma hatak yvmma aasha tuk vt yvmmak ash o akostininchí mvt, inla tohnot yakni yvmma fullota ka mominchit pit tihleli na abeka yatuk vt momvt ai im ona tok.

36. Mihma im anchi aposhokvchi ak illa kia okla potola hinla ka im asilhha tok; yohmi ma laua kvv katiohmi hosh potoli tuk okvt hlakofi aiahli tok.

CHAPTER XV.

Chisvs vt na holissochi vhleha micha Falisi vhleha aiena kv̄t anumpa kochanli i nan v̄lhpisa puta kak o ahn̄inchi kv̄t, Chihowa i nan v̄lhpisa puta ka i shahlich̄i ka nan i miha tok, 1 : 11 micha nana puta nana hosh hatak a okpaiyani kv̄t āsha ka anoli. 21 Chisvs vt Kenan ohoyo h̄o ushetik a hlakofichi, 30 micha okla laua kv̄t im ona na hlakofihinchi tok; 32 micha p̄vska lumbo untuklo, micha n̄vni chipunta kanomosi aiena h̄o hatak tahlepa sipokni ushta ka ipeta.

1. YUMOHMI ma na holissochi vhleha, micha Falisi vhleha aiena kv̄t, Chelusalem minti hosh Chisvs a im ai va mvt,

2. Nanta katiohmi h̄o na chim ai ith̄vna vhleha hv̄t hatak tikba vhleha anumpa kochanli isht i nana v̄lhpisa ha tok a kobv̄ffi cho? okla ibbak achifa keyu hosh p̄vska vpa kv̄t, achi tok,

3. Yohmi kia yv̄mmak ash osh afalaminchi mvt, Nanta katiohmi h̄o hv̄chishno mvt, Chihowa i nan v̄lhpisa ya anumpa kochanli ch̄i nana v̄lhpisa ka isht hv̄sh kobv̄ffi cho?

4. Chihowa yvt apih̄isa kv̄t, Ch̄iki micha chishki aiena ka ish holitoblashke; yohmikma, Kv̄na hosh īki okmá, keyukmvt ishki okmá, nana h̄o na mihachikmvt, illi mak o illashke, achi tok oka.

5. Amba hv̄chishno vt, Kv̄na kia īki, keyukmvt ishki okma nana kash o v̄m isht ish aiyukpa he tuk a, Uba-isht aiokpv̄chi oke, im achi: yohmi cha īki okmá, ishki okmá, nana ka ik holitoblo kia nan ik i kanihmo ka hi oke, hv̄sh achi.

6. Yohmi hosh Chihowa i nana v̄lhpisa ya anumpa kochanli ch̄i nana v̄lhpisa ya isht hv̄sh ai okpv̄nichishke.

7. Nan-ilahobi hv̄chia ma! Esaias vt tikbanli nan isht hv̄chi anohonli hosh,

8. Okla ilv̄ppvt itih hokv̄no a bilikasi isht va mvt, itiv̄lbi ma ishit sa holitoblishke; yohmi kia ch̄ukv̄sh okv̄to auet a hopakishke.

9. Nana abuchi kv̄t hatak ī nana v̄lhpisa yō ithananchi hokv̄t, nana v̄lhpesa keyut okla si aiokpahanchishke, achi tok, im achi tok.

10. Yohmi mvt̄ okla laua yash ō itahobi cha, Haklot, hv̄sh ithaiyanashke ;

11. Nana kv̄t itih h̄ pit chukowa kak osh hatak ā okpv̄ni hō keyu : amba nana hv̄t itih h̄ a kohcha, ilv̄ppak osh hatak ā okpv̄ni hoke, im achi tok.

12. Yohmi ma nan im ai itv̄na v̄hleha hash osh im ai ona cha, Falisi v̄hleha hv̄t anumpa ilv̄ppa haklot issa mvt̄, ik im v̄lhpieso tuk ā ish akostininchi cho ? achi tok.

13. Yohmi kia yv̄mmak ash osh afalaminchi mvt̄, Na holokchi moma kv̄t Aki v̄ba binili hosh hokchi tok keyu hokv̄no, tehvt̄ taha hi oke.

14. Ant ik̄ maya, l̄pa yosh l̄pa pehlichī okla hoke : yohmi ka l̄pa yosh l̄pa yā ilauei kv̄t tuklot yakni kula yā pit kaha hi bano hoke, achi tok.

15. Yohmi ma Pita yvt̄ afalaminchi mvt̄, Nan isht v̄lhpisa ilv̄ppa achukmalit pim anolī, achi tok.

16. Mihma Chisvs ash osh, Hv̄chishno ak̄ kia nana ik̄ akostinincho kv̄t hv̄chi moma hatō ?

17. Nana kv̄t itih h̄ fohka cha ia kv̄t takoba yā ont fohka tuk osh, anonti ont kohcha chatuk ā, hv̄ch ik̄ akostinincho moma cho ?

18. Amba nana puta kv̄t itih h̄ akohcha hokv̄to chukv̄sh ak̄ ō a minti ; micha yv̄mmak osh hatak ā okpv̄ni chatuk oke.

19. Chukv̄sh ak̄ ō im anukfila okpulo puta, hatak bika v̄bi, hauī toba, ohoyo ik̄ im iksho micha hatak ik̄ im iksho it ī lumaka puta, hukopa, anumpa ik̄ ahlo isht atokoli, Chihowa ik̄ ahobalot anumpuli puta kv̄t a toba hoka.

20. Ilv̄ppa puta kak osh hatak ā okpv̄ni hoke ; amba ibbak ik̄ ahchifo yō isht impa hokv̄no hatak ā okpv̄ni keyu hoke, achi tok.

21. Yohmi ma Chisvs vt̄ yv̄mmak ash v̄ttvt̄ ia mvt̄, Taia micha Saiton aiena yakni ī kaniohmi hō ona tok.

22. Mihma Kenan ohoyo hosh yv̄mmak inli hō v̄ttvt̄ aya

tuk vt vla cha in talipula mvt, Chitokaka Lewi ushi elia ma! is sa nukh_hklashke; svso-tek vt nan-isht-ahullo okpulo ai i foka isht issikkopa fehna hoke, achi tok.

23. Yohmi kia ilap vt anumpa achvfa kia isht ik im afalamincho ki tok. Yohmi ma nan im ai ithvna vhleha hash osh ona cha, Tahpulvt hvv iakaiya ka, kanompit ish chvffichashke, achit im asilhha tok.

24. Yohmi kia yummak ash osh afalaminchi mvt, Inla yokvno im aya li ha tok keyu; amba chukfulhpoba tumoa Islael in chuka-chvfa ak a tok oke, achi tok.

25. Yohmi ma ohoyo hash osh mintit ant aickpvchi mvt, Chitokaka ma! si apelvchi, achi tok.

26. Yohmi kia afalaminchi mvt, Ulla im pvka ya ishi cha, ofi puta ka pit ipeta he vhpesa keyu hoke, achi tok.

27. Mihma yummak ash osh, Ablishke, Chitokaka ma! yohmi kia ofi puta kvv boshulli osh im pushnayo im ai-impaa chilofa kvno vpa hoke, achi tok.

28. Yohmi ma Chisvs vt afalaminchi mvt, Ohoyo ma! na chi yimmi kvv chintoshke; chishno ish ai ahni tuk fehna mak o chim ai yumohmashke, im achi tok. Mihma heshi kanvlli vhpisa yummak fehna hvv ushetik atuk vt hlakofi tok.

29. Yohmi ma Chisvs vt yummak ash vtvt ia mvt, Kalili okhvta bilika yv ona tok; mihmvt nvnih chaha yv pit oiya cha, yummak'v binili tok.

30. Mihma okla chinto fehna kvv hanali okpulo, ik hoponayo, ik anumpolo, imomokpulo puta, mikmvt inla mvt laua hvv il ai ishit im ai ona mvt, Chisvs iyi ituma ya ont ashachi tok; mihma yummak ash v hlakofichi tok.

31. Yohmi na okla laua kvv, ik anumpolo atuk vt anumpuli, imomokpulo atuk vt hlakofi, hanali okpulo atuk vt nowa, ik hoponayo atuk vt pisa aiena hvv okla pisa mvt, nukhlakanha tok; micha Islael in Chihowa ak v okla aiokpahanchi tok.

32. Yohmi ma Chisvs vt nan im ai ithvna vhleha hash v hoyo cha, Okla laua si apehvt maya na himak nitak tuchina ka nana vpa hi vt ik im iksho hatuk v, i sa nukh_hklashke; vohmi hatuk osh nan ik po moma hokvno tishelichi la he

keyu, yummak keyukma takla ya okla tikamba hinla hoka, im achi tok.

33. Mihma nan im ai ithvna vhleha hash osh, Yakni haiaka ya katimak o pvska laua ka il ahayuchi na okla chinto yohmi fehna kv̄t kaiya hinla cho? im achi tok.

34. Mihma Chisvs ash osh, Pvska yvt katohmi ho hvsh ishi ho? im achi tok. Mihma, Untuklo, micha n̄vni chi-punta kanomosi hosh aiena, im achi tok.

35. Yohmi ma okla laua yvt aka binohla hi a apesa tok.

36. Mihmvt pvska untuklo, micha n̄vni aiena kash o ishi cha, vba isht aiokpv̄chi mvt, tushtoli cha, nan im ai ithvna vhleha ha ima na nan im ai ithvna vhleha hash osh okla laua ya ipeta tok.

37. Mihma momvt okla impvt, kaiya tok: mihma bo-shulli atampvt a sha ka kishi alota untuklo ho okla ishi tok.

38. Mihma okla impa tuk vt, ohoyo vlla aiena hokvto a sha ho, hatak tahlepa sipokni ushta tok.

39. Mihma okla laua yash o tishelichi mvt, peni fohka cha; ivt Maktala yakni a ona tok.

CHAPTA XVI

Falisi vhleha hv̄t, Chisvs vt nan isht atokowa ya voa ya ai im otr̄ni cha hi a ahni, 1; 6 micha nan im ai ithvna vhleha hv̄t, Falisi vhleha hv̄t nana ithvn̄n̄chi ka i nuktahlvt ahah! ahna he i miha tok. 13 Pita yvt Chisvs a Chihova okchaya Ushi, aiahnit yimmi kv̄t miha. 21 Chisvs vt iti-taiyukhvna ai illa he, atuk mvt nitak ont atuchinakma falamvt tana he aiena kv̄t tikbanli anoli; 24 anonti Chisvs a im antia vhleha hv̄t okla ile kaiyan̄chi, mikmvt tikba na yukpa ai im vltoba he takanli kak o isht ai ilbv̄sha he mak o achi.

1. **FALISI** vhleha micha Satusi okla aiena kv̄t ai v̄la cha, yummak ash o imomaka pisa hosh nan isht atokowa ya vba ya auet ai im otr̄n̄icha hinla ka, im ahni tok.

2. Mihma afalamin̄chi mvt opiaka yokma, Shutik vt humma hoka, kocha yvt achukma chishke, hvsh achi.

3. Mikmvt onnahinli yokma, Shutik vt humma cha hosh-

onticli fehna hokut, kocha yvt okpula chishke, hvsh achi. Nan ilahobi hvchia ma! shutik pisa yosh kaniohmi hokvnc hvsh akostininchi kvt, anonti himak nitak isht ai vllhpisa kvno hvch ik akostinincho ka hinla cho?

4. Hatak haksi micha haui aiena okla ash osh nan isht atokowa ya pisa ka ahnishke: yohmi kia nan-isht atokowa nana hosh im otvna he keyu; amba hopaii Chonas a nan-isht im atokowa kak illa hi oke, im achi tok. Mihmvt yummak ash o issvt ia tok.

5. Atuk o nan im ai ithvna vhleha hvv misha in tvnvp a ona mvt, pvska okla isha he tuk vt imihaksi tuk a tok.

6. Yohmi ma Chisvs ash osh, Falisi vhleha, micha Satusi vhleha aiena im pvska isht-shatvmmi ya i nuktahlvt ahah! hvsh aiahnashke, im achi tok.

7. Yohmi ma yummak ash osh, Pvska kil esho kak oka, achit ilap bika it im anumpulit maya tok.

8. Mihma Chisvs vt yummak ash o akostininchi mvt, Na yimmi fehna keyu hvchia ma! na katihmi ho pvska ya isht hvch ik ayo ke tuk ak osh isht it im anumpulit nvsh maya cho?

9, 10. Pvska tahlapi ho tahlepa sipokni tahlapi tuk a, kishi kanihmi ho hvsh ishi tok vt, micha pvska yvt untuklo ho, tahlepa sipokni ushta tuk a, kishi kanihmi ho hvsh ishi tok aiena kvv; hvch ik ithanot hvch ik akostinincho moms ho?

11. Katihmi ho Falisi vhleha, micha Satusi vhleha aien im pvska isht-shatvmmi ya ahah! hvsh aiahna he, yummak pvska imma yo isht hvch im anumpuli li tuk keyu ka hvch ik akostinincho cho? im achi tok.

12. Yohmi ma pvska isht-shatvmmi hak o ahah! im ahna hi o i miha hatuk keyu; amba Falisi vhleha, mikmvt Satusi vhleha aiena nan-isht ai ithvnanchi ak atuk a okla akostininchi tok.

13. Atuk o Chisvs vt Sesalea Fillippi yakni a ona mvt, nan im ai ithvna vhleha im ponaklot, Hatak vto, Hatak Ushi sia ha, kvta ho si achi cho? achi tok.

14. Mihma, Kanimi kvto, Chan Baptist chia ho mihakma:

kanimi kvto, Elias ; mikma inlaka yvto Chelemaias ; keyuk-mvt hopaii a tok achvfona mak o chia ho miha hoke, achi tok.

15. Mihma, Amba hvchishno vto kvta ho hvs si achi cho ? im achi tok.

16. Mihma Saimon Pita yvt afalaminchi mvt, Chihowa okchaya Ushi, Klaist chia mak oke, achi tok.

17. Mihma Chisvs vt afalaminchi mvt, Saimon Ba Chona chia hut na chi yukpvshke : nipi micha issish aiena hosh yvmma chim otvnichi ho keyu hoka, amba Aki vba binili kak oke.

18. Yohmi ma anonti, Chishno vt Pita chia, yohmi ka tuli ilvppak o an chvch atuk ma ai ikbit hilechi la hi oke : yohmikma aiokpuloka okhissa puta kvv yvmmak atuk ma ik imaiyacho ka he mak oke.

19. Micha vba apelihika ishit-tiwa puta ka chishno ak o chima lashke : mikma nana ho yakni paknaka ya ish a takchi hoka, vba yakni ma a talakcha he : mikmvt nana ho yakni paknaka ya ish ai i hotofi hoka vba yakni ma ai i hotofa he mak oke, chim achi li akinlishke, achi tok.

20. Yohmi mvt ilap ak osh Chisvs Klaist mak atuk a hatak nana kia okla ik im anolo ka hi a, nan im ai ithvna vhleha hash kvllochit i miha tok.

21. Nitak yvmma ai vhlit maya kak o Chisvs vt ilapvt Chelusalem a ona cha, hatak hochitoka vhleha, micha na holitompa isht asha pehlichu vhleha, na holissochi vhleha aiena ka nan isht im ai ilbvsha in laua he, micha illichu tuk ma, nitak ont atuchinakma falamvt tana he aiena ka nan im ai ithvna vhleha ha im anolit ishtia tok.

22. Yohmi ma Pita yvt ilauehit ishi cha, im alvmminchit ishtia mvt, Na yakohmi kvv chv mishemashke, Chitokaka ma ! ilvppak okvt a chv yvmohma he keyu hoke, achi tok.

23. Yohmi kia yvmmak ash osh filema mvt, Pita yash o, Setan chia hut vm ashaka yo ish hikiashke ; chishno ak osh is si ataklvmmichishke : nana kvv Chihowa ya ahalaya kak o ish ahninchu keyu, amba nana kvv hatak o ahalaya hok mak bano hoka, im achi tok.

24. Yohmi mut nitak yvmma foka ma Chisus vt nan im ai ithvna vhleha hash o, Hatak nana hosh siakaiya bvna hokmut, ile kaiyanchi cha, im iti-taiyukhvna ya sholi hosh siakaiyashke.

25. Kuna kia ilap im ilhfopak a okchalinchi bvna hokvto, i kunia hi oke: yohmikma kuna kia vno pulla batuk mak o im ilhfopak vt isht i kunia hoh kia, ahayucha hi oke.

26. Hatak vt yakni a ai ila mominchi hosh ahanta na ilap imi shilombish ash osh i kunia hokma, nanta ho ai-isht il aiyukpa hinla cho? yvmmak keyukmut hatak vt nanta ak o ilap shilombish a isht atobba hinla cho?

27. Hatak Ushi vt enchil vhleha ha pehlichich cha, Iki isht aholitopaka ya il aieshi hosh aya hi oka; yohmikmak osh hatak moma ka ilap nana akaniohmi tok aiyuka mak o isht im atobba hi oke.

28. Ahli mak o hvchim achi lishke, Ilvppa hiohmaya kvtkanimi kvtk ik illo hosh ahanta cha, Hatak Ushi vt im apelihika il aieshit minti ka, pisa hi vt asha hoke, im achi tok.

CHAPTER XVII.

Chisus vt inlvtooba, micha Moses Elias ita tuklo kvtk im vna na it im anumpuli, 1. 14 Chisus vt nvnih chaha vttvt akowa mut, haiochichi tuk a hlakofichi; 22 micha illa he atuk mut falamvt tana he tikbanlit anoli. 24 Chisus vt tvli holisso holitopa ka tempel a nan isht im ai atahla chj ho ima tok.

1. YUMOHMI tuk o nitak hannali ont ia ma, Chisus vt Pita, Chemis, mikmut itibapishi Chan aiena ka ilap bano ho pehlichich cha, nvnih chaha yo pit oiya tok.

2. Mihmut itikba ya ai inla tobt hikia tok; mihma nashuka yvt shohpakali kvtk hvshi ak o chiyuhmi ma, im anchi vt tohbi kvtk tommi hak o itilauitok.

3. Yohmi ma Moses micha Elias itatuklo hosh yvmmak ash ant it im anumpuli hosh im otvni tok.

4. Yohmi ma, Pita yvt anumpuli mut, Chitokaka ma. ilvppa il asha kvtk pim achukmvshke; vlvpesa ish ahni hok-

ma, ilvppa vlhtipo tuchina ka il ai ikbashke; achvfa kv̄t chishno ak ɔ chimmi hokma, anonti achvfa kv̄t Moses ak ɔ immi hokma, anonti achvfa kv̄t Elias ak ɔ immi hashke, Chisvs a im achi tok

5. Yvmmvt anumpohonli moma hɔ, hoshonti tohbi kv̄t ant ɔ hoshontikachi tok; mihma anumpa hoshontika auet a kocha kv̄t, Ilvppak osh Svso a holitopa yɔ, nan-isht a sai yukpa fehna hoke; hvsh i haponaklashke, achi tok.

6. Mihma nan ithvna vhleha hash osh haklo mv̄t, klipvt kaha cha, okla nukshopa fehna tok.

7. Mihma Chisvs vt vlvt ant tebli mv̄t, Ho tani; ik hvchi nukshopa kashke, achi tok.

8. Yohmi ma okla vba chakali mv̄t, hatak nana kia ik peso, amba Chisvs ak illa tok.

9. Yvmohmi tuk ɔ nv̄nih chaha ya asht akowvt okla minti ma, Chisvs vt yvmmak ash ɔ nan i mihvt, Nana hvsh pisa tuk vt hatak nana kia hvch ik im anolo mak ɔ, Hatak Ushi vt illit falamvt tani hayashke, achi tok.

10. Mihma nan im ai ithana vhleha hv̄t im ponaklot, Yohmi ka katiohmi hɔ na holissochi vhleha hv̄t, Elias ak osh tikba vla pulla he, okla achi cho? achi tok.

11. Mihma Chisvs vt afalaminchi mv̄t, Elias ak osh tikba vla cha, nan okluha ka falaminchit achukmalit taiyahla he tuk ɔ mv̄hli:

12. Yohmi ka Elias vt himonasi ak kia vla mashko hoke; mihma yvmma okla ik ithano cha, amba nana hɔ okla ahni tuk mv̄t, yvmmak atuk ma i yvmihchi tok; yohmi ka Hatak Ushi ak kia mih mak ɔ, chiyuhmit im ai issikkopa chi hoke, hvchim achi lishke, achi tok.

13. Yohmi ma Chan Baptist ak ɔ yvmmvt isht anumpuli hatuk a nan ithvna vhleha hv̄t akostininchi tok.

14. Atuk ɔ okla laua aiasha kash vlvt taha ma, hatak achvfa hosh im vla cha, ant i hvchukbihleptv̄t hikia mv̄t,

15. Chitokaka ma! svso ha ish i nukhaklashke: yvmmak okvt haiochi atuk osh himonna luak a itatohonla fehna, mikmv̄t oka ma himonna oka itohonla fehna aiena hatuk osh issikkopa fehna hoke.

16. Yohmi hō nan chim aiithvna vhleha hā isht im v'ā h tuk ā, okla hlakoficha he keyu tuk oke, achi tok.

17. Mihma Chisvs vt afalaminchi mvt, Na yimmi iksho, micha na shanaiya fehna okla hvchia ma! hvchi takla ahanta li katiohmi foka chi cho? nana ka isht ak hvchi ahno hō katiohmi foka chi cho? Ilvppak o isht hvs svm vlashke, achi tok.

18. Mihmvt Chisvs vt nan-isht ahullo okpulo yā im alvm-mi ma, yvmmak ash a kohcha tok; yohmi ma vlla yash osh hvshi kanvlli vlpisa mih makinli hō hlakofi tok.

19. Yvmohmi tuk o Chisvs vt ilap bano ma, nan ithvna vhleha hv im ona cha, Katiohmi hō pishno vto yvmma e kohcha he keyu tuk oh cho? achi tok.

20. Mihma Chisvs vt, Nan ik hvchi yimmo kak atuk oka; ahli mak o hvchim achi lishke: Na yimmi kvv mvtvt nihi achvfa yak o chohmi hosh hvchi nukfoka hatuk okmvt, nvnih chaha ilvppa, Ilvppak atuk ma a kanvllit yvmmak o ish onashke, hvsh im achi hoka, yvmvt kanvlla hinla hoke: mikma nana hosh hvchi na fehna hi vt iksho ka hinla hoke.

21. Yohmi kia ilvppa chohmi hokvt vba pit anumpuli, micha nahullochi aiena kak o keyukma kohcha chatuk keyushke, im achi tok.

22. Atuk osh Kalili ā okla maya hō, Hatak Ushi ā ishit okla ibbak ā fohka chi hoke.

23. Yohmikma yvmmak ash o okla vbi tuk ma, anonti nitak ont atuchinakma falamvt tana hi oke, Chisvs vt im achi tok. Yohmi ma okla nukhaklo fehna tok.

24. Yvmohmi tuk o Kapenam ā okla ai v'ā ma, vba isht ai okpvchi tvli holisso ā sholi vhleha hv Pita yā im ona mvt, Na hvch ithvnanchi vt vba isht aiokpvchi tvli holisso ā bohli chatuk keyu hō? achi tok.

25. Mihma yvmmak ash osh, Ahli; achi tok. Micha aboha yā ont chukowa ma, Chisvs vt tikbanli. Saimon vt katiohmi ish ahni cho? miko vhleha yakni pakna aiasha kvv ilap im vlla yak okmā, keyukmut hatak inla yak okmā, aanta hō vlpoyak i nan vlpisa tvli holisso, micha nosh-

kobo chumpa twli holisso, aiena ka im a hoyo chatuk o? achi tok.

26. Pita yash osh, Hatak inla vhleha ha, im achi tok. Mihma Chisvs vt, Yohmikma im vlla yokvto yvmma ik abalayo ho tumvshke.

27. Yohmi kia kil ibetvblecho ka chī ka, ivt okbota ona cha, nvni isht-vlbi ya pit okvchi; atuk osh nvni tikba kohcha ho ish ishashke: micha itakha ya ish wakkvmmikmvt, twli holisso tushafa kvv foka na ish pisa chī hoke; yvmmak o ish ishi cha, vno, micha chishno, il ita tuklo isht vlhtoba mak o yvmma ont ish imashke, im achi tok.

CHAPTA XVIII.

Chisvs vt pim anukfila hvv akanlosa he, 1, 7 micha ilap i yimmi ahh vhleha hoka e shitelema he keyu ka pi miha: 12 anonti i yimmi vhleha ha i bullo kvv isht anoli mak osh chukvvlhpoba kvnia isht apesvt anumpuli: 15 micha itibapishi iksa ibafohka yatuk osh nana ka pim okpvni hokma, il i kaniohma hi oka pi miha: 20 anonti kvna hoh kia i hohchifo ha kanima yo ai it afama ka ai ibafoka hi vt achi. 21 Chisvs vt hatak okvt nana ka ai iti kaniohmi hokvt, peh iti kashofa he tuk nan isht apesa hosh anumpuli.

1. YOHMI ma yvmmak fehna akinli ka nan ithvna vhleha hvv Chisvs a im ai vla mvt, Kvta hosh vba apelihika ya ibafoka kvv moma i shahli cho? achi tok.

2. Mihma Chisvs vt vlla iskitini o i howa cha, yvmmak ash intinlakla ya hilechi tok.

3. Mihmvt, Ahli ho hvchim achi lishke; Inlvv toba cha, vlla chipunta yo chiyuhmi ho keyukmvt, vba apelihika ya hvsh chukowa he keyu hoke.

4. Yohmi hoka kvna hosh ile akanlosichi kvv vlla iskitini ilvppak o chiyuhmi hokmvt, mihi yosh vba apelihika ya ibafoka kvv moma i shahla hi oke.

5. Mikma kvna hosh vno a hohchifo hatuk mak o vlla lvppa chohmi achvfa ka ahnichi hokmvt, vno ak o ahnichi hoke.

6. Amba kvna hosh a yimmi chipunta yakohmi achvfona

kia ibetvblechi hokmvt, yummak ash o ilap ak o tvli tanch botoli osh ikunla ya atakanli ho, okhvta ahofobi fehna yo ai oka illi hok mak osh ira vlpiesa he tuk mak a hi oke.

7. Nan-isht-ai ibetvbli ak pulla tok mak o yakni vt nan i palvmmi hoke: nana ai ibetvbli okakanto kaniohmi kia ik takalo ka wa: yohmi kia hatak nana ho ai ibetvbli vt isht a tobtv minti hatuk okvno i palvmmi mak oke.

8. Yohmi hoka chibbak okma, chiyi yokma, nana hosh chi ibetvblechi hokma, hokofit ish kanchashke; hanali okpulo, keyukmvt imomokpulo yokma, nana hosh ai okchaya ya ont ish chukowa kak osh ibbak vt tuklo, keyukmvt iyi yvt tuklo, kanima hosh luak ataha iksho ma ish itokvnia he tuk a chim i shahla hi oke.

9. Mikmvt chi nishkin vt chi ibetvblechi hokma, kohchit ish kanchashke; nishkin vt im achvfa hosh aiokchaya ya ont ish chukowa hok mak osh nishkin tuklo hosh aiokpulo-ka luak a ish itokvnia he tuk a chim i shahla hi oke.

10. Ahah! aiahnit chipota vhleha ilvppa achvfona kia hvch ik kanimancho kashke: yummak oka im enchil vhleha vba yakni aiasha kvv, Aki vba binili ka nashuka ya pisa na bilia hoke, hvchim achi lishke.

11. Hatak Ushi vt okpulot taha yak o okchalincha chi hosh aya hatuk oke.

12. Katiohmi hvsh ahni cho? Hatak vt chukfulhpoba tahlepa achvfa hosh im asha tuk osh, achvfonvt yoshubvt kvnia ka, pokoli chakkali akocha chakkali kash ashachi cha, ivt yoshubvt kvnia tuk a hoyot, nvnih foka ya hikikia chatuk keyu cho?

13. Atuk osh ahayucha he yoba tuk osh yohmi hokmvt. achvfa yumma isht a na yukpa kvv, yoshubvt ik tvnoo ke tuk pokoli chakkali akocha chakkali ka im i shahli chatuk oke, ahli mak o hvchim achi lishke.

14. Yohmi ka chipota vhleha ilvppa achvfona kia okpulot taha hi a, hvch Iki vba binili kvv ik ahno kvv, yummak mli ho chiyuhmi hoka.

15. Yohmi ka ish itibapishi hvv nana ka chim ashvchi hokma, ivt chishno, micha ilap hvsh ita tuklo bano ho nana

ai ashvchi tuk a ish im anolashke: chi haponaklo hokma, ish itibapishi hatuk a falaminchit ish im aiyubacha he mak oke.

16. Amba chi haponakla he keyu, yohmi hok mvno, himmakma achvfá, keyukmvt tuklokma, nana hō pehlinchit ish ia na nan anoli tuklo, keyukmvt tuchinakmá nana itih hō xpumpa puta mvt isht ai ahlashke.

17. Yohmikma yvmmak atuk ma i haponakla he keyuk ma, chvch a ish im anolashke: yohmi kia chvch atuk ma i haponakla he keyu hokmvt, yvmmak atuk mvt Chentail hatak, micha publikan aiena mak o chim ai itilauashke.

18. Ahli mak o hvchim achi lishke, Nana hō yakni pakna ya hvsh a takchi hoka, vba yakni ma a talakcha he; mikmvt nana hō yakni pakna ya hvsh ai i hotofi hoka, vba yakni ma ai i hotofa he mak oke.

19. Anonti hvsh tuklo hosh nana ka asilhha he imma hō yakni pakna ya hvsh ai it im achvfa hokma, Aki vba binili kvv ai im aiahlichha he mak oke, hvchim achi lishke.

20. Kanima yo tuklokmá, tuchinakmá, nana hosh sa hohchifo hā isht ai itvnaha hoka, yvmma ai iklvnna hikia li hoka, achi tok.

21. Yohmi ma Pita yvt im ona mvt, Chitokaka ma! itibapishi li hvv katohmi ha yo vm ashvchi ka, i kashofi la hinla cho? untuklo haya hi o? achi tok.

22. Mihma Chisvs vt, Untuklo ha ya hi o ak chim achoshke: amba, Pokoli untuklo bat untukla hi oke, chim achi lishke, im achi tok.

23. Yohmi hoka vba apehlichika yvt miko yosh in tishu vhleha hā aheka i hotihmvt pisa bvna hō chohmi hoke.

24. Atuk osh i hotihmvt ishtia ma, achvfa hosh talent tablepa sipokni pokoli hosh aheka im asha tuk o, ilauelit im vla tok.

25. Yohmi kia isht atobba hi vt ik im iksho hatuk o, i shahli hash osh yvmmvt, tekchi, micha im vlla vhleha, mikmvt nan im asha tuk moma aiena kvv kvnia na aheka yvt vltoba hinla ka apesa tok.

26. Yohmi hatuk o tishu hash osh aka hlipia cha,

xiokpahanchi mvt, Chitokaka ma! is svmi svlaha hokma, mominchit chim atobbi lashke, achi tok.

27. Yohmi ma tishu yvmma i shahli yatuk vt i nukhaklo cha, i hotofi mvt, aheka atuk a i kashofi tok.

28. Yohmi tuk kia tishu yvmmak ash inli kv̄t kohchvt is mvt, tishu ilapa ai itilaūi yvt achvfa hosh, aheka iskvli tablepa achvfa hosh in takanli hatuk a ont pisa tok: mihmvt yvmmak ash o hoklit ishi cha, nukthliffi mvt, Aheka chin takali kv̄t is sv̄m atobbashke, achi tok.

29. Mihma tishu itilaūi yatuk ash osh iyi ituma aka ya hlipia cha, Is svmi svlaha hokma, mominchit chim atobbi lashke, achit im asilhha tok.

30. Yohmi kia v̄lhpesa ik ahno ki tok: amba aheka ya atobbi pulla ch̄i mak o, yvmmak ash o aboha kv̄llo pit fohki tok.

31. Yohmi ma tishu b̄ika v̄hleha hv̄t nana kv̄t yvmohmi na pisa mvt, okla nukhaklo fehna cha, ivt nana a kaniohmi tuk a mominchit i shahli h̄a okla ont im anoli tok.

32. Yohmi tok a i shahli hatuk vt yvmmak ash o pit hoyo cha, Tishu haksi chia ma! chishno vt is sv̄m aiahni ma, aheka yvmma mominchit ch̄i kashofi li tuk.

33. Yohmi ka chishno ak kia tishu ch̄i b̄ika ya ish i nukhaklo kv̄t, v̄no vt ch̄i nukhaklo li tuk a, ish chiyuhma he tuk keyu cho? im achi tok.

34. Mihmvt i shahli hatuk vt anukhobela mvt, aheka in takanli tuk vt, mominchit atobbi pulla ch̄i mak o, issikkopali v̄hleha h̄a im issa tok.

35. Yohmi ka hv̄chishno hv̄sh moma kv̄t hv̄sh itibapishi nana ai ashv̄chi ya hv̄chi ch̄ukv̄sh ak o isht hv̄sh i kashofi keyukma, yvmmak inli h̄o ohmichit Aki v̄ba binili kv̄t hv̄chi yvmihcha he akinli hoke, achi tok.

CHAPTER XIX.

Falisi v̄hleha hv̄t Chisvs a nan im ponaklo ma. Chisvs vt afalaminchi mvt, ā hatak vt tekchi it̄i kv̄nia ka ik v̄lhpeso ka miha, 3. 18 Chisvs vt v̄lla chipunta hoka ibbak a onochi cha, v̄ba isht anum-

puli. 16 Chisvs a hatak himita yosh, Nantak o katiohmi li kak osh ai okchayvt bilia yoka ona la hinla cho? im achi ma, Chisvs vt isht im anumpuli: 23 nan in laua yvt ai okchaya yoka palvmmi ho chukowa he achi: 27 anonti ilap i yimmi ahli vhleha ha yukpala hi vt miha.

1 ATUK o yakohmi tok; Chisvs vt ilvppa puta ka ahanchit tahli mvt, Kalili a vttvt ivt, Chatan misha Chutea yakni ai vhli ho ona tok.

2. Mihma okla chito yvt iakaiya tuk o, yvmmak o a hlakofohlichi tok.

3. Mihma Falisi vhleha hak kia im ai vla cha, yvmmak ash o imomaka pisa hosh, Nana hosh a katiohmi mak inli ho hatak vt tekchi a kancha hi vt im ai vlpesa hoh cho? im achi tok.

4. Mihma yvmmak ash osh afalaminchi mvt, Ummona hokvno yvmma ikbi hokvt, nakni micha tek itatuklo ho ikbi tok.

5. Mihmvt, Ilvppa pulla hatuk mak o hatak vt iki micha ishki aiena ka issa cha, tekchi ak o it asitia hi oke: yohmikma tuklo yvmmak atuk vt haknip achvfa hi oke; achi tok holisso ha hvch ik it im anumpulo chatuk oh cho?

6. Yohmi hoka yvmmak okvt himmakma tuklo mak a hi o keyu, amba haknip achvfa hoke. Yohmi hoka Chihowa hosh nana ka ita halvlichi ha ya, hatak vt ik iti flvmmicho kashke, im achi tok.

7. Mihma okla hash osh, Yohmi ka katiohmi ho iti kvnia holisso ha ima cha, ohoyo ha kancha hi a, Moses vt apesa tok oh cho? im achi tok.

8. Mihma, Hvchi chukvsh vt kullo pulla hatuk mak o, hvchi tekchi hvsh kancha hi a, Moses vt hvchim ahni tok: amba ummona a mihinti kvno yohmi tok keyushke.

9. Yokmi kia vno vt, Kvna hosh tekchi a inla itinlumaka tuk keyu ho, kanchi cha, inla itauwaya hokmvt, haui toba mak cke: mikma ohoyo kanchi tuk ash o kvna hosh itauwayakmvt, haui toba hoke, hvchim achi lishke, im achi tok.

10. Mihma nan im ai ithvna vhleha hash osh, Hatak vt

tekchi a isht im a yakohma hinlakma, itauwaya ka achukma keyushke, im achi tok.

11. Yohini ma yummak ash osh, Hatak moma kv̄t anum-pa ilv̄ppa aiokpv̄cha he keyu, amba kv̄na hō isht ai im v̄lhpe-sa ak illa hinla hoke.

12. Kanimi kv̄t ishki ikfoka anūka ak inli hō yohmi hosh atobvt v̄tta tuk yunv̄k vt āsha; mikma kanimi kv̄to hatak osh yunv̄k ikbi tok o, yunv̄k vt āsha: yohmi ma kanimi kv̄to oba apēhlichika pulla hatuk mak o, ilap inli hosh yunv̄k il ikbi tok vt, yunv̄k vt āsha hoka. Kv̄na hosh ilv̄ppa aiokpv̄cha hinlakmvt aiokpv̄chi mak inlashke, im achi tok.

13. Yumma foka ma yummak atukma ibbak a v̄lla chi punta ya isht umbitepa cha, v̄ba pit anumpula chī ka isht in ai v̄la tok: mihma nan ithv̄na v̄hleha hv̄t okla hā im alv̄mmin chi tok.

14. Yohmi kia Chisvs vt, V̄lla chipunta yvt v̄m v̄la hi a hv̄sh im ahni cha, hv̄ch ik im alammo kashke: ilv̄ppa chiyuhmi kak osh v̄ba apēhlichika mak oka, achi tok.

15. Mihmvt yummak ash o ibbak a isht umbitepvt tabli mvt, yummak ash a kohchvt ia tok.

16. Yohmi tuk o achv̄fa hosh ayvt ona mvt, Nan ithv̄nanchi achukma ma! ai okchayvt bilia yoka pisa la hi v̄to nana achukma nanta hak o yvmohmi la hinla cho? im achi tok.

17. Mihma yummak ash osh, Katiohmi hō achukma is si achi cho? achukma kv̄t iksho hō amba achv̄fa illa, yvmv̄t Chihowa ak oke: yohmi kia ai okchaya yoka ont ish chukowa he ish ahni hokmvt, nan v̄lhv̄pisa puta mak o ish holitoblashke, im achi tok.

18. Mihma, Katima kak o? im achi ma, Chisus vt, Kv̄na kia chik bo kashke, Chik itinlumako kashke, Chik hukopo kashke, Anumpa ik ahlo isht atokolit chik anto kashke.

19. Chīki micha chishki aiena ka ish holitoblashke: mikmvt, Chin chukapanta hatak a ish holitobli kv̄t, chishnc̄ akinli ka chim itilauashke, achi tok.

20. Hatak himita yash osh, V̄lla sa tomba mak inli hosh nana ilv̄ppa moma ka holitoblit isht mihinti li tok mak oke: nanta hosh ik sv̄m ono moma cho? im achi tok.

21. Mihma Chisus vt, Ahli kak o ish ahni hokmut, ia cha nan chim gsha ka kampilvt, ilvsha vhleha ha ish i hopelashke; yohmikmut na holitopa kvv vba yakni ya chin tonla he mak oke: mikmut ish la cha, ant is siakai-yashke, im achi tok.

22. Yohmi kia hatak himita yash osh anumpa yvmma haklo mut, nan in laua fehna hatuk okvt, nukhaklo fehna hosh kanvllit ia tok.

23. Yohmi ma Chisus vt nan im ai ithvna vhleha hash o, Ahli mak o hvchi miha lishke, Hatak nan in laua yvt vba apelihchika ya palvmmi ho chukowa hi oke.

24. Mikma anonti, Kamel vt chofak ushi nishkin a hlo-pulli ka palvmmi kvv, hatak nan in laua yosh Chihowa apelihchika pit chukowa hokvno, ik lauwo ka he hvchim achi lishke, achi tok.

25. Mihma nan im ai ithvna vhleha hvv okla haklo mut, nukhlakancha fehna tok: mihmut, Yohmikma kvvta hosh okchaya hinla cho? achi tok.

26. Yohmi kia Chisus vt yvmmak ash o atokolit pisa mut, Hatak okmvno ilvppvt yohma he keyu, amba Chihowa hokmvno nan okluha kvv yohma he bano hoke, im achi tok.

27. Yohmi ma Pita yvt afalaminchi mut, Yakeh! pishno vt mominchit il issa cha, e chiakaiya tuk; yohmi kvv nanta hak o il isha chi cho? im achi tok.

28. Mihma Chisus vt, Ahli mak o hvchi miha lishke; Si apelvvt hvsh itvnowa tuk vt, nan okluha kvv himonvt tobak-ma, Hatak Ushi yvt im aholitopaka ya aiasha holitopa ai om binilikma hvchishno ak kia aiasha holitopa auah tuklo ka hvsh a chievvt, Israel oklushi auah tuklo ka na hvchim apesa hi oke.

29. Yohmikma chuka puta, mikmut itibapishi vhleha, micha in tek vhleha, keyukmut iki okma, ishki okma, tekchi okma, keyukmut vlla yokma, yakni okma, nana ho sa hoh-chifo pulla hatuk mak o issvt aya tuk vt momvt yvmmak atuk a ohmi tahlepa achvfa ka pisa tuk mut, anonti ai okchayvt bilia ma iesha he mak oke.

30. Yohmi kia tikba tuk vt ont ishtaiyopa hi vt lauakma. anonti ishtaiyopi atuk vt tikba hi vt gsha hi oke.

CHAPTER XX.

Na plesa vhleha hv̄t nitak achvfa ka hv̄shi kanvlli v̄lhpisa ilaiyuka h̄o p̄akvpi a holokchi ilhkoli tok nan isht v̄lhpisa. Nan isht v̄lhpisa ilv̄ppak o Chisvs vt ilap im antia vbleha aiahli ka ai ilaiyukachit im atobba hi vt ai isht apesa, 1. 17 Chisvs vt anonti illa chi kv̄t tikbanlit anoli; 20 mihma Sebete ushi ishki vt Chisvs a nan im asilhha, mihma afalaminchit i miha. 30 Chisvs vt hatak lva tuklo h̄o hopokoyochi.

1. ŪBA apehlichika yvt, hatak chuka-chvfa pehlichhi osh i p̄akvpi aholokchi a toksvla chi ka, tohna chi hosh onnahinli fehna ia h̄o, chohmi hoka.

2. Atuk osh yvmmak ash osh ilhtohno vhleha h̄a nitak achvfa ka iskuli achvfa chi h̄o it im apesa cha, p̄akvpi aholokchi a pit tihleli tok.

3. Atuk osh hv̄shi kanvlli v̄lhpisa ont atuchina foka h̄o kohchvt aya mvt, inla yvt nan-isht v̄tta ik im iksho hosh ilhpak a kanchi a hiohmaya na pisa tok,

4. Mihmvt yvmmak ash o, Hvchishno ak kia p̄akvpi aholokchi a pit hv̄sh abehashke; atukma kaniohmi kak osh ai v̄lhpesakma, hv̄ch ima lashke, im achi na okla ilhkoli tok.

5. Atuk o anonti hv̄shi kanvlli v̄lhpisa isht hannali, mikmvt ont isht chakkali aiena ka kohchvt aya mvt, yvmmak ash inli h̄o chohmichi tok.

6. Atuk osh hv̄shi kanvlli v̄lhpisa isht auah achvfa foka h̄o kohchvt ia mvt, anonti inla yvt nan-isht v̄tta ik im iksho hosh hiohmaya na pisa cha, Katiohmi h̄o nan isht v̄tta ik hv̄chim iksho hosh hv̄sh hiohmaya na shoyubi cho? im achi tok.

7. Mihma yvmmak ash osh, Amba hatak nana kia nan ik pi tohno kv̄no, im achi tok: mihma yvmmak ash o, Hvchishno ak kia p̄akvpi aholokchi a pit hv̄sh abeha ak inlashke; atuk ma kaniohmi kak osh ai v̄lhpiesakma, mih mak o hv̄sb ishashke, im achi tok.

8. Yvmohmi tuk o ont opivt taha ma, pakupi ahelokchi in talaia atuk ash osh nan im apesvchi ashq, Na pilesa vhleha ha i howa cha, vlhtoba ha ima: ishtaiyopi tuk ak o ai ishtia hosh tikba tuk a ont ish tahlashke, im achi tok.

9. Atuk o hvshi kanvlli vlhpisa ont isht auah achvfa foka ho tobno tuk ash o okla ai vla mvt, hatak achvfa kvv iskvli achvfa aiyuka ho ishi tok.

10. Amba tikba tuk vto ai vla mvt, i shahli ho okla isha chi kvv im ahoba tok: atuk o yvmmak ash kia hatak achvfa kvv iskvli achvfa aiyuka ho ishi tok.

11. Micha yvmma okla ishit tahli mvt, chukachvfa pel lichi hatak ash o nanumachit maya mvt,

12. Ishtaiyopi tuk yakohmi kvto hvshi kanvlli vlhpisa achvfa illa ho toksvli tuk a pishno nitak lvshpa ho toksvli kvv ka isht il ahanta tuk a, ish pi ai itilauechishke, achi tok.

13. Yohmi kia afalaminchi mvt, achvfa ho, A kana ma! nan ik vlhpeso nana ho a chi yvmohmi li keyushke: chishno vt iskvli achvfa hi o il it im apesa tuk keyu?

14. Chimmi mak o ish ishi cha, ish iashke: ishtaiyopi tuk ilvppak kia chishno a it ilauechit ima la chi hoke.

15. Uno vmmi hatuk vt vno nana aiahni li hosh kanimihchi la hi vt vm vlhpesa keyu? vno ak osh si achukma kak o, chi nishkin vt ik vlhpeso hoh cho? achi tok.

16. Yohmi ka yvmmak inli ho chiyuhmit ishtaiyopi tuk vt tikbakma, tikba tuk vt ishtaiyopa hi oke; im annoa hokvto laua; amba vlhtoka kak osh achafoa hoka, achi tok.

17. Atuk osh Chisvs vt Chelusalem a ia hosh aya mvt, takla ya nan im ai ithvna vhleha auah tuklo kash pehlichit naksika isht ona mvt,

18. Inta! Chelusalem a, iloh ivshke; yohmi ka Hatak Ushi ishit na holitempa isht asha pehlichit vhleha, mikmvt na holissochi vhleha aiena ka ibbak fohkikma, yvmmak ash osh illa hi a okla im apesa chi hoke.

19. Yohmikma yvmmak atuk ma ishit yopula chi, micha fvmmi, mikmvt ititaiyukhvna ahonvlichit vbi aiena chi

mak o, Chentail okla ha ibbak fohka chi hoke: yohmi tuk kia nitak ont atuchinakma falamvt tana chi hoke, im achi tok.

20. Yohmi ma Sebeta ushi vhleha ishki osh ushi a pehlinchit im ona cha, aiokpahanchi kvv, nana achvfa ho im asilhha tok.

21. Mihma ohoyo hash o, Nanta hak o ish aiahni hoh cho? im achi ma, yummak ash osh, Svsso tuklo ilvppvt ish apelihchika ya achvfvv chibbak isht-impakimma ya ont a binilikma, anonti achvfa kvv vlhfvvbekimma ya asha hi a ish im apesashke, im achi tok.

22. Yohmi kia Chisvs vt afalaminchi mvt, Nana ho hvsh asilhha hokvt hvsh akostininchi keyushke. Hvchishno vt isht-ishko ai ishko la chi, yumma hvsh ai ishka hinla cho? anonti baptismo isht a sa baptismo ka isht hvchi baptisma hinla cho? im achi ma, yummak ash osh, Pi yvmohma hinla hoke, im achi tok.

23. Mihma yummak ash o, Um isht-ishko yoka hvsh ai ishka chi ho mvhli; mikmvt baptismo isht a sa baptismo ka isht hvchi baptisma chi ho mvhli hoke; yohmi kia subbak ishtimpakimma, micha vlhfvvbekimma aiena aiasha hokvno vno yosh ima la hi o keyu, amba Aki vt kvna ho im atahli tok mak illa hi oke, achi tok.

24. Yohmi ma pokoli kash osh haklo mvt, itibapishi tuklo kash o isht ik i yukpo fehna tok.

25. Yohmi kia Chisvs vt yummak ash o i howa mvt, Chentail miko vhleha hvv ai i shahlit pehlichichatuk, mikma i hochitoka vhleha hvv nana im ai vlhpesa hatuk osh im ai yvmihchi chatuk a hvsh ithaiyanvshke.

26. Amba hvchishno yokvno ai yvmohma he keyushke: amba kvna hosh'ai i shahlit hvch itintakla ya anta bvna hokmvt, yummak osh hvchin tishu hashke.

27. Mikma kvna hosh holitopa i shahli bvna hosh hvchi itintakla ahantakmvt, yummak osh nan isht hvchim vta yashke.

28. Hatak Ushi vt ilapo ak o nan isht im vta chi ho aya ha tok keyu: amba nan isht vta chi, mikmvt laua ho ilap

im ilhfiopak a isht chumpa chi aiena hosh aya tok a, mih mak o hvsh chiyuhmashke, achi tok.

29. Yohmi ma Cheliko a asht ilhkoli ma, okla laua fehna kvv yummak ash o iakaiya tok.

30. Atuk o hatak lva tuklo kvv hina lapalika yo chiya tuk osh, Chisvs vt ont ia ho haklo mvt, pit tahpvlvt, Chitokaka Lewi ushi chia ma! ish pi nukhaklashke, achi tok.

31. Yohmi ma okla laua yash osh, yummvt nukchinta chi ka, im alvmmi tok; yohmi kia yummak o i shahlichit tahpvlvt, Ish pi nukhaklashke, Chitokaka Lewi ushi chia ma! achi tok.

32. Mihma Chisvs vt lumvt hikia cha, yummak ash o pit i howa mvt, Nanta hak o a hvchi katimichi la he a hvsh aiahni cho? achi ma,

33. Pi nishkin vt fatuma he ak oke, Chitokaka ma! im achit okla tok.

34. Yohmi ma Chisvs vt i nukhaklo cha, nishkin ash pit potoli tok: yohmi ma mih mak inli ho nishkin ashot falamvt pisa ma, yummak ash o iakaiyvt okla tok.

CHAPTA XXI.

Chisvs vt kaniohmi hosh Chelusalem a chukowa, 1; 12 anonti na-chumpa vhleha, micha na-kanchi vhleha aiena ka tempel a a kocha weli. 18 Micha iti vlhpoba fik achi nan ik vno a bvshit illa he im ahni; mikmvt na yimmi micha anumpa ilbvsha anumpuli aiena ka nan isht im aiahli ka ya pim anoli. 23 Kanimi kvv nan isht ai vlhpesa nana ho isht ai yvmohmi hatuk a a ponaklo tuk kia, yummak ash o Chisvs vt im a tvblich, 28 micha hatak ushi tuklo, 33 micha na pilesa vhleha pakvpi a holokchi i pota tuk nan isht apesa hosh Chu okla nan im ai ashvchi a isht otvnichi.

1. YUMOHMI tuk o Chelusalem pit bilika okla onvt Alif nvnih Betfachi ak o ai ona ma, Chisvs vt nan ithvna tuklo ho pit tihleli tok.

2. Mihmvt, Tvmahushi hvchi chapaka auet talais ka hvsh onashke; yokmikmvt mih mak inli ho issuba hakso-bish falais ushi ilauei kvv asinta ho hvsh pisa chi hoke: yvma hvsh i hotofi cha, isht hvsvm vlashke.

3. Micha kvna kia nana ka hvchim achi hokma, Chitoka ka yuk osh bvna hatuk oke, hvsh im achashke: yohmikma mih mak inli hō auet pila chī hoke, im achi tok.

4, 5. Hopaii vt anumpohonlit, Saion ushetik a, yakeh! chī miko chukvsh yohbi achukma, issuba haksobish falaia a toba tok issubushi haksobish falaia yō om binili hosh gyvt chim vlvshke, hvsh im achashke, achi tok a ont aighla chī mak o ilvppa moma kvt a yakohmi tok.

6. Mihma nan ithvna yash osh itiachi mvt, Chisvs vt i miha tuk mak o ont yvmohmit okla tok.

7. Micha issuba haksobish falaia, mikmvt ushi aiena kash o isht vla ma, im ilefoka ya om pullit tahli cha, yvmmak ash o okla om binilichi tok.

8. Yohmi ma okla chinto febna hosh hina ya im anchi a okla pvlli tok; kanimi mvto iti naksish o vmot hina ya pvlli tok.

9. Yohmi ma okla chito tikba itvnowa tuk, mikmvt iakaiya aiena kash osh, tahpvlt, Lewi Ushi a Hosanna im ahanchashke. Chitokaka i hohchifo hō il ai eshi hosh aya hvvt hovitopa mak oke. Shutik tvbokaka febna ma, Hosanna ai ahanchashke, achi tok.

10. Atuk o Chelusalem a ant chukowa ma, tvmaha hash osh momvt nukhlakancha mvt, Ilvppvt kvta hoh cho? achi tok.

11. Mihma okla laua yash osh, Ilvppak osh Kalili yakni Nasalet a i hopaii Chisvs mak oke, achi tok.

12. Yohmi ma Chisvs vt ivt Chihowa in tempel a ont hvkova mvt, tempel anukaka ya nana a kanchi, micha a chumpa aiena maya tuk ash mominchit kocha pit tihleli mvt, ai impa tvli holisso ai itatoba puta, mikmvt pvchi vhpoba akanchi abinohli aiena kash halvllit filemohlit kinahlichitok.

13. Mihmvt, Um aboha hvv vba pit ai anumpuli chuka yō hohchifa he, achi hosh holisso tok; yohmi kia hvchishno vto na-hvkopa vhleha in chuka yō hvsh ikbishke, im achi tok.

14. Mihma lvpa, micha hanali okpulo puta kvv tempel anukaka ya im ai vla ma, yvmmak oka h'akofichi tok.

15. Mihma na holitompa isht a₂sha pehlich₁i v₁hleha, mi-cha na holissochi okla aiena kv₁t, yvmmvt na fehna puta ka yvmihchi, mikma tempel anukaka ya vlla vt Lewi Ushi a Hosanna im ahanchashke, achi aiena ka pisa mvt, okla isht ik i yukpo fehna tok.

16. Mihmvt yvmmak ash o, Ilvppvt nana achit maya ka ish haklo cho? im achi tok; Mihma Chisvs vt, Yau, vlo₁si mikmvt pishi puta itih ha Chihowa hv₁t a holitopa he ish apesa tok achi holisso ka, himonna kia hvch ik it im anum-pulo chatuk oh cho? im achi tok.

17. Mihmvt yvmmak ash o issvt tumaha a kohchvt ia mvt, Betani a ona cha, yvmmak o ont nusi tok.

18. Atuk osh onnahinli ma falamvt tumaha ia hosh aya mvt, hohchvfo tok.

19. Micha fik vpi vt tikba ya hikia na pit pisa mvt, yvmmak ash o ona; yohmi kia nana kia takanli na ik ahayucho; amba hishi ak illa tok; mihmvt, Himak a pilla ma nitak nana vni yvt ik chi a tobo kashke, im achi tok. Mihma chekosi mak inli ho fik vpi vt bvshit taha tok.

20. Yohmi ma nan ithvna yvt pisa cha, okla okokko! aiahni mvt, Chekosi fehna ho fik vpi vt bvshit taha cha, achi tok.

21. Mihma Chisvs vt afalaminchi mvt, Ahli mak o hvchi miha lishke, Na yimmi kv₁t hvchi anukfoyuka, miha ik hvchi nukwiyo hokmvt, fik vpi nana a kanimihchi ilvppak bano ho hvsh yvmihcha hi o keyu, amba, Nvni₁h chaha ilvppa kanvllit ivt okhvta hak o pit ish okvtulashke, hvsh im achi aienakma, yvmohma hinla hoke.

22. Micha hvchi yimmi hosh nan oklyha ka nana ho anumpa ilbvsha isht hvsh asilhha hokvt, hvsh isha hi oke, im achi tok.

23. Atuk osh tempel a ona cha, nan ithvnanchi hosh ahanta ma, na holitompa isht a₂sha pehlich₁i v₁hleha, mikmvt okla i hochitoka v₁hleha aiena kv₁t im ai v₁la cha, Nan isht ai v₁lhpesa nanta mak o ilvppa puta ka isht ish yakohmichi cho? miha kv₁ta hosh nan isht ai v₁lhpesa ilvppa chima tok oh cho^o achi tok.

24. Mihma Chisvs vt afalaminchi mvt, Uno ak kia nan achvfa ka a hvchim asilhvchi lashke; yvmmak o hvs svm anoli hokma, vno vt yvmmak inli ho chohmit nan isht ai vlpesa nana ho ilvppa puta ka ishit yakohmichi li batuk vt hvchim anoli lashke.

25. Chan i baptismo vt katimak o a minti ha tok oh cho? vba yakni okmá, hatak okmá, nanta ha tok oh cho? im achi tok. Yohmi ma, Uba yak o minti ha tok: il achi hokma, Yohmi kak o katiohmi ho yvmma hvch ik i yimmo ke tok oh cho? pim acha hinlvshke.

26. Yohmi kia moma kvv Chan a hopaii o okla ahni hatuk oka, Hatak ak a tok: achi kvv okla ha il i nukshopvshke, achit ilap bika it im anumpulit maya tok.

27. Micha Chisvs ash o im afalaminchi mvt, Kil ithano shke, im achi tok. Mihma yvmmak ash osh, Yohmi ka vno ak osh nan isht ai vlpesa nana ho ilvppa puta ka isht yakohmichi li batuk vt ak hvchim anoloshke, achi tok.

28. Yohmi kia katiohmi ho hvsh ahni cho? Hatak achvfa hosh ushi vt in tuklo tok; atuk osh tikba yash o, Svso ma! himak nitak a a pakvpi a holokchi a ont ish toksvlashke, ont im achi tok.

29. Mihma afalaminchi mvt, Yohmi la he ak ahnoshke, achi tok: yohmi tuk kia i himmakma inlanchit anukfilli cha, ia tok.

30. Yohmi ma anonti atukla kash yvmmak inli chohmi ka ont i miha tok. Mihma afalaminchi mvt, Ia lashke, a shahli ma! achi; yohmi tuk kia ik aiyo ki tok.

31. Tuklo yvmvvt katimampo kak osh iki nan aiahni tuk a yvmohmi tok oh cho? im achi tok. Mihma, Tikba yatuk á, im achi tok. Mihma Chisvs vt, Abli mak o hvchim achi lishke, Pvblikan vhleha, micha haui puta kvv hvchi tikba Chihowa apehlichika ya pit abehiha hoke.

32. Chan vt ai vlpiesa ataya mak osh hvchim vla ka, yvmma hvch ik i yimmo tok: yohmi kia pvblikan vhleha, micha haui puta kvto i yimmi tok: mihma hvchishno vt yvmmak atuk ma hvsh pisa ha yvt, yvmma hvchi yimma hi vt i himmak a inlanchit hvch ik anukfillo tok, im achi tok.

33. Nan isht v_lhpisa inla ka hvsh haklashke; Hatak chuka-chvfa pehlich_i achvfa hosh pakvpi a hokchit tabli cha, kvti apushi isht a holitvchit apakfobli mvt, oka-paki ai v_lhto a yvmma anukaka ya a kulli cha, chuka chaha ya ikbit tabli mvt, hatak na pilesa v_hleha h_o pota cha, yakni hopaki h_o ia tok.

34. Atuk osh nan vni waya ai ona hosi ma, yvmmak ash vni waya ka ont isha ch_i h_o, in tishu v_hleha h_a hatak na pilesa v_hleha hash pit in tihleli tok.

35. Atuk o hatak na pilesa v_hleha hv_t in tishu v_hleha hash o hoklit ishi cha. achvfa ka boli mvt, anonti achvfa ka vbi cha, anonti achvfa ka tvli isht boli tok.

36. Atuk o anonti inla laua kv_t tikba atuk a i shahli h_o pit tihleli tok: yvmmak ash kia yvmmak atuk mak inli h_o okla itilauechi tok.

37. Yohmi kia ont ishtaiyopi fehna ma, Svso h_a holitobla ch_i hoke, achi mvt, ushi ak o pit i pila tok.

38. Yohmi tuk kia hatak na pilesa v_hleha hash osh ushi ash o pisa mvt, Ilvppak osh immi mak oke: kiloh vbi cha, immi yatuk a kiloh ai ishi, ilap bika it im achi tok.

39. Mihmvt yvmmak ash o okla iti hoklit pakvpi a holokchi a ishit a kohchi cha, vbi tok oke.

40. Yohmi ka pakvpi a holokchi immi atuk vt onakmvt, hatak na pilesa v_hleha yvmmak atuk a nanta hak o katimihcha hinla cho? im achi tok.

41. Yohmi ma, Hatak haksi v_hleha yvmmak atuk ma issikkopalit tumoli cha, pakvpi a holokchi yash hatak na pilesa v_hleha inla yvto ont ai v_lhpiesakma na waya ka ihima he fehna h_o, i pota he mak oke, im achi tok.

42. Mihma Chisvs vt, Tvli yvmma chuk-ikbi v_hleha hv_t shitilema yash o, yvmmak ash fehna hosh chukbika nutaka in tola holitopa i shahli h_o tobvshke: ilvppa Chihowa hosh yvmihchi h_o, pi nishkin a i na fehvshke, achi ka Baibil a himonna kia hvch ik ai it im anumpulo chatuk oh cho?

43. Yohmi hoka Chihowa apehlichika ya mokofit hvchim ai ishi cha, yvmmak atuk ma isht a waya he fehna oklushi o ima he mak oke, hvchim achi lishke.

44. Micha kuna hosh tvli ilvppa onvtulakmvt, liua he amba ilap ak osh kuna hō onvtula hokmvt, botolichit kancha hi oke, im achi tok.

45. Mihma na hōlitompa isht asha pehlichī vhleha micha Falisi vhleha aiena kv̄t, yummvt nan isht apesa ka haklot tahli mvt, yummvt ilap ak ȳ isht anumpuli hatuk a okla akostininchi tok.

46. Yohmi kia yummak oka hopaū ak ȳ okla ahni hatuk oka, yummak ash ȳ itī hoklit ishi bunna tuk kia okla chito ak ȳ i nukshopa tok.

CHAPTA XXII.

Itauwayachi ai impa he tok ik itvnaḥo ki tok nan isht v̄lhpisa, 1; 12 ai itauwaya aya he i nafohka ya ik fohko hosh i palvmma he im v̄lhpisa; 15 Chisvs vt Falisi vhleha, micha Helotian okla aiena kv̄t Sesa ya tvli holisso im itahobi ka v̄lhpesa chishba, ahnit i ponaklo, mihma Chisvs vt afalaminchit nana i miha. 23 Chisvs vt Satusi vhleha hv̄t illi yvt falamvt tana hi oka ik yimmo chatuk a isht anumpuli; 34 nan v̄lhpisa chinto moma i shahli, 41 kaniohmi kak osh Klaist vt Lewi in Chitokaka yvt, anonti Lewi ushi ahinla ka, Chisvs vt a ponaklo.

1. **MIHMA** Chisvs vt anonti nan isht v̄lhpisa hō isht im anumpulit,

2. Ūba apehlichika vt hatak m̄iko yosh ushi ohoyo itauwaya chī hō, impa im atahli hō chohmi hoke.

3. Micha im annoa tuk vhleha hā ont i howvt itauwaya ai impa ka isht v̄la chī hō, in tishu vhleha hā pit tihleli tok; yohmi kia okla minta hi a ik ahno ki tok.

4. Mihma anonti tishu inla yō pit tihleli mvt, Inta! an tvbokoli impa hā atahli lishke; a wak-hobvk, micha nana v̄lhpitvt nia puta kv̄t illi ma, nan okluha kv̄t v̄lhtahvshke; itauwaya ai impa ka hvsh mintashke, achit im annoa tuk vhleha hā hvsh im anolashke, im achi tok.

5. Yohmi tok kia yummak ash ȳ nan-isht ik ahno hosh kanima pit ilhkolit, achv̄vt im osapa ia ma, anonti achv̄vt im ai itatoba ia tok.

6. Yohmi ma akashampa kvto in tishu vhleha hatuk ash iti hoklit ishi cha, kanimanchi fehnvt, polaka okla illichitok.

7. Atuk o miko vt yummak ash o haklo mvt, anukshomunta fehna tok: mihmvt in tvshka chipota laua ka pit tihlelit, hatak vbi vhleha yummak ash o vbit tahli mvt, in tumaha ha hukmit tahli tok.

8. Yohmi mvt in tishu vhleha hash o, Itauwaya ai impa hamo vlhtavshke; yohmi kia im annoa tuk vhleha hash osh ahalaia hi o keyu tuk oke.

9. Yohmi hoka hina ai itafamoa puta ka itnowvt, laua kvk kaniohmi ho hvsh pisakmvt, moyumvt itauwaya ai impa ka aya he hvsh im anolashke, im achi tok.

10. Yohmi ma tishu vhleha yummak ash osh ilhkoli mvt, hina ai itafamoa puta ka itnowvt, okpulo, mikmvt hochukma aiena laua kvk kaniohmi ho pisa mvt, mominchit hoyot itahobi tok: yohmi ma itauwaya ai impa yash osh im annoa tuk vhleha ha isht alotvt kvnia tok.

11. Atuk o im annoa tuk vhleha hash pisa chi hosh miko vt ant chukowa mvt, hatak vt ai itauwaya aya he i nafohka ya ik fohko hosh yumma asha na pisa tok.

12. Micha yummak ash o, A kana ma! katiohmi ho ai itauwaya aya he i nafohka vt iksho ho ilvppa ant ish chukowa tuk oh cho? im achi tok. Mihma yummak ash osh nan ik acho ki tok.

13. Yohmi ma miko vt in tishu vhleha hash o, Ilvppa ibbak, mikmvt iyi aiena ka ho takchi cha, isht ivt kocha aiokhlilika ya ont hvsh kanchashke: yummak oka yahaya, mikmvt noti ahampa aiena mak osh aiasha hi oke, im achi tok.

14. Im annoa hokvto laua kia, amba vlhtoka kak osh achafoa hoka, achi tok.

15. Yumma foka ma Falisi vhleha hvv ilhkoli mvt, kaniohmit yummak ash ilap im anumpa ho isht a yukacha hinla kvv isht anumpulit maya tok.

16. Mihmvt ilap nan im ai ithvna vhleha ha, Helotian iksa ai itapeha ho pit in tihleli mvt, Nan ithvnanchi ma!

chishno vt aiahli chia achukma chatuk; mikmut Chihowa i hina aiahli mak o ish ithvnanchi chatuk, hatak nana kia nan isht ik chim ahobo chatuk; mikmut hatak vt chim it i shashohli keyu chatuk a il ithaiyanvshke.

17. Yohmi hokvt kaniohmi ho chim anukfila hokmut ish pim anolashke: noshkobo isht chumpa tvli holisso a Sesa yak o ima he ai vlhpesa hokma, keyukma, nanta cho? pit achi tok.

18. Yohmi kia yummvt im anukfila ai vlhpesa keyu atuk a, Chisus vt akostinichi mut, Katiohmi ho nan ilahobi vhleha hvchia hvt imomaka hvs sa pesa cho?

19. Noshkobo isht chumpa tvli holisso a ho ha haiakvchi, achi tok. Mihma iskvli achvfa ho okla isht im vla tok.

20. Mihma yummak ash o, Ilvppvt kvta hak o holbut toba ho, mikmut kvta ho a hohchifo ho? im achi ma,

21. Sesa yak oke, okla im achi tok. Yohmi ma yummak ash osh, Yohmi hoka nana kvt Sesa yak o immi hokma, Sesa yak o hvsh imashke: mikmut nana kvt Chihowa yak o immi hokmuno, Chihowa yak ashke, im achi tok.

22. Yohmi ma okla haklo mut nukhlakancha cha, yummak ash o issvt, okla ilhkoli tok.

23. Mih nitak mak inli ka Satusi vhleha hvt, illi yvt falamvt tana he keyu, achi chatuk osh im ai vla cha, ant i ponaklot,

24. Nan ithvnanchi ma! Hatak vt vlla yvt ik im iksho hosh illi hokma, nakfish vt tekchi atuk a itauwaya cha, itibapishi hatuk a vlla isht im ai ikbashke, Moses vt achi tok.

25. Yohmi tuk o itibapishi hvt untuklo hosh pitintakla ya maya tok: atuk o akni hash osh ohoyo itauwaya tuk osh illi tok: mihmut vlla yvt ik im iksho hatuk okvt, tekchi atuk a nakfish ak o im a tosholichi tok.

26. Atuk o atukla kak osh yohmi ak inli tuk o, anonti ont atuchina kvt mihinli ma, mahaya mut isht untuklo kash osh yohmi tok.

27. Atuk o ont ishtaiyopi fehna ma. ohoyo hash kia illi ak inli tok.

28. Yohmi ka yumma momvt okla itauwaya tok oka, illi yvt falamvt tani kano, untuklo ka katima mak o tekchi mak a hi oh cho? achi tok.

29. Mihma Chisus vt afalaminchi mvt, Baibil, mikmvt Chihowa nan im aiahli aiena ka hvch ik ithano hatuk osh hvsh ashvchishke.

30. Illi yvt falamvt tani hokvt okla itauwaya he keyu mvt, anonti itauwaya he im vlpisa he keyu, amba Chihowa im enchil vhleha vba aiasha kak o, chiyuhma hi oke.

31. Amba illi yvt falamvt tana he yummak okvno, Chihowa hvv hvchim anumpohonli mvt,

32. Uno ak osh Eblaham in Chihowa sia, mikmvt Aisaak in Chihowa sia, micha Chekob aiena ka in Chihowa sia hoke, achi tok holisso ka hvch ik it im anumpolo chatuk oh cho? Chihowa hvv illi ak o in Chihowa keyu, amba okchaya ak oke, im achi tok.

33. Yohmi ma okla laua yvt ilvppa haklo mvt, nan isht ai ithvnanchi ka anukhlakancha tok.

34. Amba Falisi vhleha hokvto, yummak ash osh Satusi vhleha ha nana acha he keyuchi tok a haklo mvt, okla itahoba tok.

35. Yohmi ma achvfa hosh yummvt vba nan vlpisa ithvnanchi yosh, imomaka pisa hosh nan i ponaklot.

36. Nan ithvnanchi ma! vba nan vlpisa katima kak osh nan vlpisa holitopa kvv moma i shahli cho? achi tok.

37. Mihma Chisus vt, Chitokaka chin Chihowa hoka chi chukvsh a mominchit, mikmvt chi shilombish a mominchit, anonti chim anukfila ha mominchit isht ish holitoblashke;

38. Achi ilvppak osh nan vlpisa in tikba, mikmvt moma i shahli mak oke.

39. Mikma atukla kvv yummak inli ho chohmi hoke; Chin chuka-panta hatak a ish holitobli kvv chishno ak inli chim itilauashke, achi kak oke.

40. Nan vlpisa tuklo ilvppak o nan vlpisa moma, micha hopaii holissochi tok aiena kvv a shaiyahli hoke, im achi tok.

41. Falisi vhleha hv̄t itv̄n̄h̄rt ch̄iya takla ma, Chisvs vt̄ ī p̄onaklot,

42. Klaist ā katiohmi isht hv̄chim anukfila cho? yv̄mmvt̄ kuta hak ō ushi ō? achi mā, Lewi ak ō ushi oke, okla im achi tok.

43. Mihma yv̄mmak ash osh, Yohmi ka katiohmi h̄o Le wi vt̄ Shilombish isht anukfoyuka mv̄t, yv̄mmak oka hochifo cha,

44. Chitokaka yv̄i an Chitokaka ya, Subbak ishtimpakimma ya ish binili na chin tv̄n̄v̄p vhleha chiyi ai ō hikia ȳi ikbi lashke, im achi tok oh cho?

45. Yohmi ka Lewi vt̄ yv̄mmak oka Chitokaka hochifo tok okma, anonti yv̄mmvt̄ katiohmi hosh ushi ahinla cho? im achi tok.

46. Yohmi ma hatak nana hosh yv̄mmak ash ō anumpa achufa kia im afalamincha hinla kv̄t iksho ma, anonti nitak yv̄mma ai vhlit mihinti ka himmakma hatak nana kia ik nukwiyo hosh nan im ai asilhv̄chi kv̄t iksho ki tok.

CHAPTA XXIII.

Chisvs vt̄ nan im ai ithv̄na vhleha hv̄t na holissochi micha Falisi aie na kv̄t nana isht ithv̄n̄anchi kv̄no im antia he, amba nana a kani ohmi yokv̄no okla ik iakaiyo ka hi ā im apesa, 1. 13 Chisvs vt̄ na holissochi micha Falisi vhleha aiena kv̄t im a yv̄mohma he vlv̄pesa hoka, na palv̄m̄mi kv̄t onvtula ch̄i ka tikbanli anoli, 37 na palv̄m̄mi kv̄t ai imma tikeli ka ithana hatuk osh Chelusalem ā Chisvs vt̄ isht yaiya.

1. YUMMA foka ma Chisvs vt̄ okla chinto, mikmv̄t ilap nan im ai ithv̄na vhleha aiena kash ō im anumpuli mv̄t,

2. Na holissochi vhleha, micha Falisi vhleha aiena kv̄t Moses im aiasha ya chieyv̄shke.

3. Yohmi hoka nan okluha puta ka nana h̄o hv̄sh holitobla hi ā hv̄ch̄i miha hokma, yv̄mmak atuk ma holitoblit a hv̄chi yv̄mohmashke: amba okla nana a kaniohmi hokv̄no hv̄ch ik holbo kashke: yv̄mmak okvt̄ anumpuli tuk kia yohmi keyu hoka.

4. Shapoh weki shali ka palv̄mma hinla h̄o takchit tahli

cha, h utak puta tahchi ma onochi hoka : yohmi kia ilap ak inli kvto yummak oka ibbak ushi achvfona kia pit isht kanullicha hi a okla ahni keyu hoke.

5. Amba nana a kaniohmi puta kvt, hatak vt pisa chi kak o, yvmohmi hoke : i failaktili ya okla hopvtkvlli mvt, anonti im anchi aposhokvchi ma hofalohli chatuk,

6. Mikmvt impa asha ka aiasha holitopa i shahli puta kak o im ai achukmakmvt, anonti sinikak puta anukaka ma ai-o-minili holitopa i shahli puta kak o im ai achukma chatuk,

7. Mikmvt ilhpak a kanchi ai it aiokpvchi, micha hatak puta kvt Labai, Labai, im achi aiena kak o im ai achukma chatuk oke.

8. Yohmi kia hvchishno yokvto Labai ik hvchi hohchifo kashke ; hvch i shahli hvto achvfa, yvmvvt Klaist ak oke. Yohmikma hvsh moyuma kvto itibapishi hvchia hoke.

9. Micha yakni paknaka ya hatak nana kia hvch iki hvch ik hochifo kashke : achvfa hosh hvch Iki okvto vba yak o binili hoka.

10. Micha i shahli vhleha ik hvchi hohchifo kashke : achvfa hosh hvch I shahli, yvmvvt Klaist ak oke.

11. Amba kvna hosh moma i shahli kv hvch ibafoka hokmvt, hvchin tishu mak a hi oke.

12. Mikma kvna hosh ilefehkvchi hokmvt, aka ona he : mikma ile akanlosechi hokmvt, holitopa he oke, im achi tok.

13. Amba na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : vba apelhlichika ya hatak inla-puta ka hvsh im okhishta hokvt : mikmvt hvchishno vt yvmma pit hvch ik abeho mvt, anonti pit abeha he tuk a, ant ik abeha hvch ik im ahnoshke.

14. Na holissochi vhleha, micha Falisi vhleha, nan ilahobi hvchia ma ! na hvchi palvmma he mak oke : ohoyo i hatak illi in chuka puta ka wehpulit hvsh tahli, mikmvt peh ilahobi kv vba pit anumpuli hosh hvsh falaiachi hoka : yohmi hokvt na palvmmi chito i shahli hosh hvchim vllhpisa hi oke.

15. Na holissochi vhleha, mikmvt Falisi vhleha, nan ilahobi hvchia ma ! na hvchi palvmma he mak oke ; na hv-

chim ai ithvna achvfa kia ikbi hvchi hvnna kv̄t, okhvta mi-
cha yakni aiena ka hvsh vlfhullihinchi hoka: atuk o yvm-
mak ash osh tobakma, anonti aiokpuloka im vlla fehna kv̄t
hvchishno a chohmi tuklo ho hvsh ikbi hoke.

16. Kvna hosh anumpa kv̄llo a tempel ak o isht ai a miha
hokvno nana keyu; amba kvna hosh tvli holisso lakna tem-
pel anukaka a sha kak o anumpa kv̄llo isht ai a miha hok
mvt, nan il aiahlichā he vlpesa, hvsh achi, na pehlichī
lvpa hvchia ma! na hvchī palvma he mak oke.

17. Nan im anukfila iksho, miha lvpa aiena hvchia ho-
ka, tvli holisso lakna yak okmā, keyukmvt tempel a tvli ho-
lisso lakna yvt isht a holitopa kak okmā, nanta hosh i shahli
ho?

18. Miha kvna hosh anumpa kv̄llo a alta yak o isht ai
a miha hokvno nana keyu; amba kvna hosh vba pit isht
aiokpvchi vt yvma pakna onvtonla kak o, nan il aiahlichā
he vlpesa, hvsh achi.

19. Nan im anukfila iksho, miha lvpa aiena hvchia ma!
vba pit isht aiokpvchi ak okmā, keyukmvt alta ya vba pit
isht aiokpvchi vt isht a holitopa kak okmā, nanta hosh i
shahli ho?

20. Yohmi hoka kvna hosh anumpa kv̄llo a alta yak o
isht ai a miha hokmvt, yvmak ash o, miha nana hosh
yvma onvtonla ka mominchit anumpa kv̄llo a isht ai a
miha hoke.

21. Miha kvna hosh anumpa kv̄llo a tempel ak o isht ai
a miha hokmvt, yvmak ash o, miha yvma anukaka ai
asha aiena kak o anumpa kv̄llo a isht ai a miha hoke.

22. Yohmikma kvna hosh anumpa kv̄llo a vba yak o isht
ai a miha hokmvt, Chihowa im aiasha, miha yvma om bi-
nili hatuk ma aieninchit anumpa kv̄llo a isht ai a miha hoke.

23. Na holissochi vhleha, miha Falisi vhleha, nan ilaho-
bi hvchia ma! na hvchī palvma he mak oke: mint, mik-
mvt anise, miha kvmin aiena kv̄t ont isht pokoli kash osh
hvchī kvnia hoka; yohmi mvt nan vlpisa kv̄llo i shahli,
nana ai vlpiesa, miha nana i nukhaklo, mikmvt na yimmi
aiena hokvno hvsh a haksichishke: ilvpa puta hoka hvchī

yvmohma he vhpesa hatuk, yohmikmut yvmmak ash kia hvsh a haksicha he tuk keyu hoke.

24. Na pehlīchi lpa ma! shushi ya hoiyvchit hvsh kohchi tuk osh, kamel okvno ishit hvsh nanvbli hoke.

25. Na holissochi vheha, micha Falisi vheha, nan ilahobi hvchia ma! na hvchi palvma he mak oke: isht-ishko micha ampo aiena ka paknaka yokvno hvsh kashofi hoka; yohmi kia anukaka yokvto na wehpuli micha nan ik vhpeso aiena hosh isht alotowa hoke.

26. Falisi lpa chia ma! isht-ishko ampo aiena ka anukaka yak o tikba ish kashofi ha yo, paknaka yokak heto kashofa mak inlashke.

27. Na holissochi vheha, micha Falisi vheha, nan ilahobi hvchia ma! na hvchi palvma he mak oke: sepvka tohbit vlhtaha yak o hvsh chiyuhmi hoka, yvmmak okvt paknaka yokvto pisa ka aiokli fehna ho mvhli chatuk; yohmi kia anukaka yokvto hatak illi foni, micha nan liteha okpulo moma kvv isht alotowa chatuk oke.

28. Yohmi ka hvchishno ak kia paknanli vt vhpiesa ho hatak a hvsh im ahoba; yohmi kia anukaka yokvto nan ilahobi, micha nan ik vhpieso aiena bano hosh ishit hvchi alotowa kvv, yvmmak inli ho hvsh chiyuhmi hoke.

29. Na holissochi vheha, micha Falisi vheha, nan ilahobi hvchia ma! na hvchi palvma he mak oke: hopaii vheha, i sepvka ya hvsh im ikbi mut, anonti hopoyuksa vheha ha tok isht ithaiyana he sepvka ya hvsh aioklichī chatuk,

30. Mihmut, Pin tikba vheha aiasha nitak ak o il ashwa tok mak osh, hopaii puta im issish hlatvbli ka il ibatakla he tok keyu, hvsh achishke.

31. Yohmi hatuk osh hopaii puta vbi tok vheha ha in chipota hvchia hatuk vt, hvchishno inli kak osh hvsh il ai atokolishke.

32. Yohmi hokvt hvchin tikba vheha nan isht im vhpisa ya hvsh alotolashke.

33. Sinti hvchia, sinti chilita isht unchululi hvchia hvv, katiohmi kak osh aiokpuloka ai ilbvsha he vhpisa ya hvsh i hlakofa hinla cho?

34. Yohrai hoka, Yakeh! hopaii vhleha, micha hatak hopoyuksa vhleha, mikmut na holissochi vhleha aiena ka pit hvchin tihleli lishke; yohmi ka kanimi ka hvsh ba he, mikmut, iti-taiyukhvna hvsh a honahlichy aiena he; mikmut kanimi ma hvchi sinakak puta hvsh a fvmmikmut, hvsh ilbvshachi kvv tvmaha puta ma isht hvsh aya hi oke.

35. Yohmi hokvt hvchishno ak o hopoyuksa puta im issish yakni pakna a hlatahampa tok, hatak hopoyuksa Ebel a im issish a tok ai vhlit mihintit, Sakalias, Balakias ushi, yumma tempel, micha alta aiena itintakla ya hvsh ai vbi tok im issish ant ai vhli kvv, momvt hvchi onvtula hi oke.

36. Ahli mak o hvchim achi lishke, Ilvppa moyuma kak osh okla himonasi ilvppa asha ka onvtula he mak oke.

37. Chelusalem, Chelusalem, hopaii vhleha vbi, micha auet chi kanchi tuk ma tvli ishit boli chia ma! akaka yosh ushi vhleha ha sinahchi nuta ya pit ai itahobi chatuk mak o, chiyuhmit chim vlla vhleha ha itahombi la he ahni li tuk nana kia, hvchishno ak osh vlvpesa hvch ik aiahno hokvno.

38. Inta! hvchin chuka yvt hvchin chukillissvt taiyaha mak oke.

39. Himak a pilla ma, Hvs sa pisa chi keyu; amba, Chitokaka i hohchifo ho mihnti hokvt holitopa mak oke, hvsh acha chi hok mak a hi oke, hvchim achi lishke, im achi tok.

CHAPTA XXIV

Chisvs vt ishtaiyopi mak o tempel a a kohcha tuk osh, yvmmvt okpula he, tikbanli anoli: 3 micha ilap okvt mihantikma, nan isht atokowa kvv yvmohma he, micha na palvmmi kvv ibafoka he miha: 32 mikmut nana a mihiba kvv ont aiahla hi oka, iti vlvpoba fik achi kvv hishi toba chi hosh bokobli chatuk a nan isht apesvt anumpuli: 42 micha ahah! ahnit im vltaha he im apesa.

1. YUMOHMI mvt Chisvs vt kohcha mvt, tempel a issvt kanima ia tok: mihma nan im ai ithvna vhleha hvv, tempel vt toba kvv kaniohmi puta ka pisacha chi hosh im ai ola tok.

2. Mihma Chisvs vt, Na yakohmi puta moma ka hvch ik

peso cho? ghli mak o hvchim achi lishke, Ilvppak oka tvi vt achvfona kia aka ik itolo ke tuk osh, it on telkanchit itonla kv̄t iksho ka hi oke, im achi tok.

3. Yvmohmi tuk o yvmmak ash osh nv̄nih chaha Alii paknaka ya āsha ma, nan ithvna v̄hleha hv̄t lumvt im ai ona mvt, Nitak kaniohmikmak o nana kv̄t ai yakohma hi o, mi-cha ish minta he, mikmvt yakni vt ont ai v̄hli aiena ch̄i isht atokowa kv̄to nanta hi o? ish pim anolashke, achi tok.

4. Mihma Chisvs vt afalaminchi mvt, Ahah! hv̄sh aiahni na hatak nana kia ik hv̄chi yoshublecho kashke.

5. L̄awa hosh sa hohchifo h̄a ishit hohchifo kv̄t itrnova cha, Klaist sia hoke, acha hi oka; mikmvt lauachit yoshub-licha he oka.

6. Yohmikma tv̄nvp āsha, miha tv̄nvp āsha he annoa aiena ka hv̄sh hakla hi oke: ahah! hv̄sh aiahni cha ik hv̄chi komunto kashke: ilvppa puta kv̄t moyumvt ont a yvmohmi pulla hi oka: yohmi kia ont ai ishtaiyopi kv̄no keyu k̄isha hi oke.

7. Okla achvfa kv̄t okla mak inli ka it amokvfa he, mikmvt apēhlichika achvfa kv̄t apēhlichika mak inli ka it amokvfa hi oka: yohmikma hohchvfo chinto, miha ililli puta, mikmvt yakni winakvchi aiena kv̄t yakni kaniohmi ka ai itulvt aya hi oke.

8. Ilvppa puta kak osh nanukh̄aklo ai ishtia v̄mmona mak oke.

9. Yohmikma hv̄ch issikkopa ch̄i ka hv̄ch ishit okla ibbak hv̄chi fohki, mikmvt hv̄ch illicha hi oke; miha sa hohchifo pulla hatuk mak o oklushi moyumvt hv̄ch̄i nukilla hi oke.

10. Yv̄mma fokakma ibetv̄bli kv̄t laua he, miha ilap b̄ika atuk kia ishit okla h̄a im issa, miha ilap b̄ika it̄i nukilla hi oke.

11. Mikma hopaīi ilahobi vt hiohli kv̄t laua cha, laua o yoshublicha hi oke.

12. Mikma nan ik v̄lhpeso b̄ieka hatuk mak o i hullo atuk vt kapv̄svt taha kv̄t laua hi oke.

13. Yohmi kia kv̄na hosh achunanchit mah̄ayvt ai v̄hli ka ona hok mak osh mihi yosh okchaya hi oke.

14. Yohmi ka vba apelihika isht anumpa hanta ilvppvt oklushi moyuma ka isht im ai atokowa he mak osh yakni mominchit ai annoa he: yvmohmi mak o ont ishtaiyopi kvv vla hi oke.

15. Yohmi hoka nan okpuni a i nukkilli vhpesa ka hopaii Taniel vt isht anumpuli tok a, aholitopaka ya a hikia na hvsh pisa hokma, kvna hosh ilvppa it im anumpuli hokmvt, akostininchashke.

16. Yohmikma kvna hosh Chutea, ya maya tuk mvt, nvnih chaha puta ka pit ik o yihlepá;

17. Aboha pakna yo anta tuk vt akowvt, im aboha ya nana kia ont kohchit ik esho kashke;

18. Mikma osapa anuka yo anta tuk mvt, falamvt im ilefoka ya ont ik esho kashke.

19. Yohmikma nitak yvmma fehna ka kvna hosh vlla i foka hatuk, micha pishechi atuk aiena hokvto i palvmma he mak oke.

20. Yohmi kia hvsh yihlepa hi a hvshstula yokmá, keyukmvt nitak hullo nitak okmá, ik nano ka hi a vba pit hvsh asihihlashke.

21. Yvmma fehnakma na palvmmi kvv chinto fehna hosh takanla he, yakni vt toba vmona tok ai vhlit mihintit himak a ai vla ka, yvmma chohmi kvv takali chatuk keyu, mikmvt hinmakma nitak nana yvmma chohma he keyu ka hi oke.

22. Yohmi ka nitak yvmma chohmi ka ik falaiacho ho keyukma, hatak nana hosh okchaya he keyushke: yohmi kia nan vlhtoka vlheha ak pulla tuk mak o nitak yvmma puta kvv ik falaio ka hi oke.

23. Yvmohmikma hatak nana kia, Yakeh! ilvppa Klaist vt antvshke, achi; keyukmvt yvmma antvshke, hvchim achi hoh kia, ik hvchi yimmo kashke.

24. Klaist ilahobi vhleha, micha hopaii ilahobi vhleha aiena kvv hohlit nan isht atokowa chinto puta, mikmvt na fehna puta aiena ka okla otvnicha he; yvmohmi cha, yvmmvt yohma hinlakma, nan vlhtoka, vhleha fehna atuk kia yoshublichia hi oke.

25. Yakeh ! tikbanli hvchim anoli lishke.

26. Yohmi hoka, yakeh ! yummvt yakni haiaka ya anta hoke, hvchim achi hoh kia, kohchvt hvch ik aiyo kashke : micha, yakeh ! vba potvlhpo a lumaka yak o yummvt anta hoke, hvchim achi hoh kia, ik hvchi yimmo kashke.

27. Malvtha kvv hvshi akochaka imma yo a kohchakmvt, hvshi aiokvtula ya pit tohwikelichi chatuk oka, Hatak Ushi vt minti kak kia yummak inli ho chiyuhma hi oke.

28. Kanima yo nan illi vt itonla hokma, mihi yo ossi puta mvt ai itahomba hi oke.

29. Na palvmmi nitak yummak atuk a in chekosikma, hvshi vt okhlilikma, anonti hvshi ninak aya mvt ik tommo ka he : mikma fochik puta kvv vba ya asht aka fohopakma, nan isht aighlika puta vba shutik ash osh faiokahancha hi oke.

30. Yvmma fokakma, Hatak Ushi a isht atokowa kvv vba ya auet a haiaka hi oke : yohmikma oklushi moma yakni paknaka aiasha kvv yahaya he, mikma Hatak Ushi vt nan isht aighlika, micha isht a holiopaka chinto aiena ka il ai eshi hosh vba hoshonti anukaka ya mihinti na okla pisa hi oke.

31. Atuk ma yummak ash osh im enchil vhleha ha isht-pufa ola chinto ieshi ho tihlinlikma, ilap atokoli tok vhleha ha a mahli ushta shutik ont ai vli achvfa ka vhlit ivt in tvnvp pit a fullota ka a hoyot itahohomba hi oke.

32. Yohmi ka fik vpi nan isht ulhpisa ka hvsh ai ithv-nashke. Yummak okvt hishi toba chi hosh bokoblit tahakma, tofa yvt olanlosi vla ka hvsh ithana chatuk :

33. Yohmi hokvt na yakohmi puta ka hvsh pisakmvt, ai vla hosi, okhissa ak kia ai itukonofa hoka, hvsh ithanashke.

34. Ahli mak o hvchim achi lishke. Himak a okla asha ilvppvt ont ik taho kisha ho, na yakohmi puta kvv ont aighla chi hoke.

35. Uba shutik micha yakni aiena kvto ont ai iksho ka he, amba vno vm anumpa puta hatuk vto ont ai iksho ka he keyu hoke.

36. Yohmi ka nitak yummak a he, micha hvshi kanvlli

vlhpisa a he aiena hokvno, hatak nana hosh, mikmvt enchil puta vba aiasha mak osh pit ithana keyu hō, amba Aki ak bano hoke.

37. Yohmi ka Noah hvt ahanta nitak a kaniohmi tok ma, Hatak Ushi vt mihinti kak kia yummak inli hō chiyuhma hi oke.

38. Oka falama yvt ik aiyo kisha nitak foka ma, impa nicha nan ishko, itauwaya mikmvt itauwaya he im vlhpisa aiena hosh aiasha na Noah hvt peni chukowa he nitak vt ona tok,

39. Yohmi ma ik ithano hosh okla aiasha na oka falama yvt vla cha, mominchit ishit kaiyanchi tok a, Hatak Ushi vt mihinti kak kia yummak inli hō chiyuhma hi oke.

40. Yvmmma fokakma tuklo kvv osapa ya ashwa tuk ma; achvfa hō ai eshi na achvfa kvto anta he.

41. Ohoyo tuklo kvv nana a botoli a botoli hosh ashwa tuk ma; achvfa hō ai eshi na achvfa kvto anta hi oke.

42. Yohmi hoka hvchishno vt hvchin Chitokaka yvt ai vla he hvshi kanvlli vlhpisa hā hvsh ithana keyu kvv, okchvt hvsh hoyashke.

43. Yohmi kvv hatak chuka-chvfa pehlichy yatuk mvt hvshi kanvlli vlhpisa kaniohmi kak o na hukopa yvt aya hinla ka ithana hatuk okmvt, okcha pulla cha, im aboha yatuk mvt tiwa hi a ahna he tuk keyu, ilvppa hvsh ithanashke.

44. Yohmi hoka hvchishno ak kia hvchim vlhtashke: yummak a he hvch ik aiahno hvshi kanvlli vlhpisa takla kia, Hatak Ushi vt vla hi oke.

45. Yohmi ka kvta hak osh tishu aighli, hopoyuksa achukma aiena tuk o, i shahli hvt ilap in chuka chvfa ya apesvchit ont ai vlhpiesakma ilhpak ipihinta chi ka, atokoli tok oh cho?

46. Yvmohmi hosh ahanta hō, i shahli hatuk vt vla cha ant pisa chi ka, tishu yummvt na yukpa hi oke.

47. Ahli mak o hvchi miha lishke, Yummak atuk ma nana im gsha ka moma apesvchi mak o ikba hi oke.

48. Yohmi tuk kia tishu ik vlhpeso yo kvto chukvsh

anukaka, A shahli hv̄t ai vla he tuk vt vbanvblichushke, achi ;

49. Yohmi cha tishu bika v̄hleha hash o bolit ishtia, yohmi mv̄t ishkot haksi v̄hleha h̄a it ibai imp̄vt ibai ishkot ahanta hokmv̄no ;

50. Tishu yv̄mma i shahli hatuk vt, yv̄mmak ash osh vla ch̄i ik ahno nitak, mikmv̄t ik akostinincho i hv̄shi kanv̄lli v̄lhpisa h̄o vla hi oke.

51. Yohmikmv̄t yv̄mmak ash o chanlit itz hokofi cha, nan ilahobi v̄hleha isht ai im v̄lhtoba mak o ibafohkit im apesa he : yv̄mmak oka yah̄aya micha not̄i akampa aiena he mak oke.

CHAPTA XXV.

Chisvs vt nitak ishtaiyopi vla hi oka isht anumpuli : yohmi kv̄t, ohoyo himita hatak haleli keyu pokoli, 1 : 14 micha talent aiena ka nan isht apesvt anumpuli. 31 Chisvs vt vla cha nana apesa hi okvt isht anumpuli.

1. YUMMA fokakma v̄ba apelhlichika yvt ohoyo himithoa hatak ik halelo pokoli hosh p̄vla sholit, hatak himona itauwaya ch̄i ka afamvt ilhkoli tok o chohma he.

2. Mihmv̄t tahlapi hosh hopoyuksa yokma, anonti tahlapi kv̄to ik hopoyukso ya tok.

3. Ik hopoyukso v̄hleha hatuk ash osh p̄vla h̄a okla ishi kia, bila yano okla ik esho ki tok.

4. Amba hopoyuksa hatuk okv̄to bila yvt aiv̄lhto a abeha h̄o p̄vla h̄a aieninchit okla ishi tok.

5. Hatak himona ohoyo itauwaya chin tuk ash osh ile svlahachit anta na nosilhv̄t taha cha, okla nusi tok.

6. Atuk o ninak ont iklv̄nna ma tahpahanla kv̄t, Inta ! hatak himona ohoyo itauwaya chin tuk ash osh mintishke, ivt ont oh afamá, achi tok.

7. Yohmi ma ohoyo himithoa yv̄mmak ash osh momvt tanit i p̄vla h̄a okla aiiskiachi tok.

8. Mihma ik hopoyukso v̄hleha hash osh hopoyuksa

vhleha hash o, Pim pvla hvv mosholi hoka, hvchi bila ya hvsh pipetashke, im achi tok.

9. Yohmi kia hopoyuksa vhleha ash osh afalaminchi mvt, Yohma he keyu; yvmmak keyukma, pishno micha hvchishno aiena ka hvvim ona he keyu hoka: amba ivt kanchi vhleha hak o ont hvsh in chumpa he, hvsh ahna he vlvpesvshke, achi tok.

10. Atuk o chumpvt ilhkoli takla ma, hatak himona itauwaya chin tuk ash osh vla tok; mihma im vlvhtaha tuk vhleha hash osh apihvt ai itauwaya ya pit abeha na okhissa yvt vlvkvma tok.

11. I himmak o anonti ohoyo himithoa kashapa kash osh ai vla mvt, Chitokaka ma! Chitokaka ma! ish pin tiwashke, achi tok.

12. Yohmi kia yvmmak ash osh afalaminchi mvt, Ahli mak o hvchim achi lishke, Hvch ithanali keyushke, achi tok.

13. Yohmi ka Hatak Ushi vt ai vla he nitak, mikmvt hvshi kanvlli vlvpisa aiena hoka pit hvsh ithana keyu hokvt, okchvt hvsh hoyashke.

14. Uba apelhlichika yvt, hatak osh yakni hopaki nowvt aya chi hosh in tishu vhleha ha itahobi cha, nana im asha tuk vt ibbak fohki tok o chohmi hoka.

15. Mihmvt achvfa ho talent tahlapi ho ima mvt, anonti achvfa ka tuklo ho ima, anonti achvfa ka achvfa ho ima tok; hatak vt kanimihcha hinla aiyuka ka ai vlvhtokowa mak o ima tok; micha mih mak inli ho nowvt aya tok.

16. Yohmi ma talent tahlapi ishi tuk ash osh ia mvt, yvmmak ash o isht itatobvt, anonti talent tahlapi mak inli ka isht ikbi tok.

17. Mihma tuklo ho ishi tuk ash kia, yvmmak ash inli ho chohmit tuklo mak inli ka isht ahayuchi tok.

18. Amba achvfa ho ishi tuk okvto ia mvt, yakni o ont kulli cha, i shahli in tvli holisso atuk ash luhmi tok.

19. Atuk o hopakit taiyaha ma tishu vhleha yvmma i shahli hash osh vla cha, yvmmak ash i hotinvvt pisa tok.

20. Yohmi ma talent tahlapi ishi tuk ash osh, anonti

talent tahlapi mak inli ka aieninchit isht vla mvt, Chitokaka ma! yakeh! talent tahlapi hō is sūma tok: yummak atuk a talent tahlapi mak inli ka isht ahayuchi li tuk oke, achi tok.

21. I shahli hash osh, Ulhpiessvshke, tishu aiahli achukma chia ma! nana kanomosi ka aiahli chi achukma hoka, nana lawa pehlichī a chikbi la chī hoke: chī shahli nan isht im ilaiyukpa ya ish chukowashke, im achi tok.

22. Mihma talent tuklo hō ishi tuk ash kia vla mvt, Chitokaka ma! yakeh! talent tuklo hō is sūma tok: yummak atuk a talent tuklo mak inli ka isht ahayuchi li tuk oke, achi tok.

23. I shahli hash osh, Ulhpiessvshke, tishu aiahli achukma chia ma! nana kanomosi ka aiahli chia achukma hoka, nana lawa pehlichī a chikbi la chī hoke: chī shahli nan isht im ilaiyukpa ya ish chukowashke, im achi tok.

24. Yohmi ma talent achufa hō ishi tuk ash osh vla mvt, Chitokaka ma! hatak palvmmi chia chatuk; chishno ak osh ish hokchi keyu kia, ish ai vmo chatuk; mikmvt chishno ak osh ish mvshlichī tuk keyu kia, ish pehli chatuk oke, chithanali tuk:

25. Yohmi hatuk osh sa nukshopa cha, ivt chin talent a yakni anuka yō luhmi li tuk oke: yakeh! chimmi hatuk vt yak chin tonlvshke, achi tok.

26. Mihma i shahli hash osh afalaminchi mvt, Tishu haksi nan intakobi chia hvv, vno ak osh hokchi li tuk keyu kia ai vmo likmvt, anonti vno ak osh a mvshlichī li tuk keyu kia, a pehli li chatuk a, ish ithana;

27. Yohmi hokvt an tvli holisso a tvli holisso abohli ya ont ish bohla he tuk: yohmi tuk na minti li kvv vmmi atuk micha ushi atuk a aieninchit ishi la hi atuk oke.

28. Yohmi hoka talent a oh im ai eshi cha, talent pokoli ishi kak o oh imá.

29. Kvna hosh ishi hok mak o ima na lauvv im aiasha hi oka: amba ik im iksho hatuk okvno ishi tuk ash kia, im ai isha he oke.

30. Mikmvt tishu ik ahobo yokvno kocha aiokhlilika mak

o pit hvsh kanchashke: yummak oka yahaya micha nou ahampa aiena mak a hi oke, im áchi tok.

31. Hatak Ushi vt, enchil vhleha moma kv̄t apiha h̄o, ilap isht aholitopaka il ai ish̄it v̄la he, yohmikmvt im ai om binili holitopa yatuk ma om binila he oke.

32. Yohmikma itikba ya oklushi moma kv̄t ai itahoba he: yohmikma yummak ash osh yumma achafolichit it̄i filamohlichi kv̄t, chukfvlhpoba apesvchi vt chukfvlhpoba ya isi kosoma it̄i filamohlichi chatuk mak o chiyuhma he.

33. Mikmvt chukfvlhpoba ya im ibbak isht-impak imma yak o ashachikmvt, amba isi kosoma yokvno vllfvbekimma yo ashacha he.

34. Yohmikmvt Miko ash osh im ibbak isht-impak-imma asha kash o, Aki i holitopa hvchia ma! ho minti, vba apelihika yakni vt ik tobo k̄isha mak o hvchim vlhtaha tok vt hvsh ai ahantashke.

35. Uno vt sa hohchvfo ma, ilhpak a hv̄s sv̄peta tok: sa tukshila ma, nana h̄o hv̄s sv̄shkochechi tok: hatak ik ithanc sia hatuk a, aboha ya ik chukowa, hv̄s sv̄m aiahni tok:

36. Sa nipi bano ma, nana hv̄s sa fohkichi tok: si abeka ma, ant hv̄s sa pesa tok: vno vt aboha kv̄llo f̄oka li ma, ant hv̄s sa nowa tok okvt, im acha he.

37. Yohmikma hopoyuksa vhleha hash osh im afalaminchi kv̄t, Chitokaka ma! katiohmi kash o chishno vt chi hohchvfo tuk a, e chi pisa cha nana e chipeta tok o? micha chi tukshila tuk a, nana e chishkochechi tok o?

38. Katiohmi kash o hatak ik ithano chia hatuk a e chi pisa cha, aboha ya ik chukowa, e chim aiahni tok o? mihmvt chi nipi bano tuk a, nana e chi fohkichi tok o?

39. Michā katiohmi kash o chi abeka, mihmvt aboha kv̄llo ish̄ f̄oka aiena tuk a, e chi pisa cha, a chi nowa tok oh cho? acha he.

40. Mikma Miko vt afalaminchikmvt Ahli mak o hv̄chi miha lishke, Itibapishi li vhleha yakohmi ka moma ik lauwo achv̄fona ka kaniohmi h̄o hv̄sh ai i yvmohmi tuk okvt, vno ak o hv̄s sa yvmohmi mak atuk oke, im acha hi oke.

41. Yohmikmvt ibbak vllfvbeka imma asha tuk ash kia.

Issikkopa he vhpesa hvchia hv, a filvmit luak ataha iksho, Setan micha imi shilombish okpulo vhleha aiena im vltaha tok mak o, hvsh ilhkolashke.

42. Uno vt sa hohchvfo ma, ilhpak nana kia hvch ik sapeto ki tok : sa tukshila ma, nana kia hvch ik svshkochecho ki tok : hatak ik ithano sia hatuk a, aboha ya ik chukowa hvch ik svn ahno tok : si abeka, micha aboha kvllo foka li aiena ma, ant hvch ik sa nowo ki tok okvt, im acha he.

44. Yohmikma yvmmak ash kia afalaminchi kv, Chitokaka ma! katiohmi kash o chi hochaiyafo, mihmvt chi tukshila, micha hatak ik ithano chia, mihmvt chi nipi bano, chi abeka, mihmvt aboha kvllo ish foka aiena ka e chi pisa cha ke chi apelacho ke tuk oh cho? acha hi oke.

45. Yohmikma yvmmak ash osh afalaminchikvt, Ahli mak o hvchi miha lishke, Yakohmi ka moma ik lauwo achvfona kia katiohmi ka a hvch ik i yvmihcho tok mvt, vno ak o hvch ik sa yvmihcho tok mak oke, acha hi oke.

46. Yohmikma yakohmi kash osh ai issikkopa bilia mak o pit ilhkola he, amba hopoyuksa yokvto aiokchayvt bilis yo ia hi oke.

CHAPTA XXVI.

Na pehlichu vhleha hv it afama cha, Chisvs a vba chi kv isht anumpuli, 1. 6 Ohoyo hosh nan-ahama ya Chisvs noshkobo isht im a hvmmi. 14 Chutas Iskaliot vt Chisvs a tvli hvta pokoli tuchina ho ishit kanchi. 17 Chisvs vt nan im ai ithvna vhleha ha nan vbanvblit ontia it ibai impa ; 26 mihmvt opiaka na holitopa impa isht vhpisa ka apesa, 30 mihmvt kohchvt nvnih chaha Alif a ona ; mihmvt Pita yvt ik ithano miha chi ka tikbanlit anoli. 36 Chisve vt Ketsemane osapushi ont chukowa cha, vba pit anumpuli. Chutas Iskaliot vt hatak na-halupa sholi bieka ho pehlichu cha, Chisvs a ont ishi. 57 Okla hv Chisvs a ishi mvt na holitopa isht asha pehlichu in chuka holitopa isht ona mvt, okla hash osh kalakshichit on tuftua. 69 Pita yvt in Chitokaka ya ik ithano il ahobi : yohmit ashvchi tok vt nukhaklo.

1. ATUK o yakohmi tok ; Chisvs vt anumpa ilvppa moma ka ahanchit ont in taiyaha mvt, nan im ai ithvna vhleha hash o,

2. Nitak tuklokma vbanvblit-ontia impa hut asha chi mikma Hatak Ushi vt iti-taiyukhvna ahonvhlvt illa chi mak o, ishit okla ibbak fohka chi ka hvsh ithaiyanvshke, im achi tok.

3. Yvmma foka ma na holitompa isht asha pehlichi vhleha, mikmvt na holissochi vhleha, mikmvt okla ha i hochitoka vhleha aiena kvt na holitompa isht asha pehlichi Kaiafas hohchifo ho im aboha holitopa ya ai itvnaha tok.

4. Mihmvt haksichi hosh Chisvs a okla ishi cha, vba hinla kvt it im anumpulit maya tok.

5. Yohmi kia, Impa chito asha nitak ak o keyu ho, yvmmak keyukma okla hvt i sanali fehna hinla yoba ka achi tok.

6. Atuk o Chisvs vt Betani a Saimon leplosi vbi a tok in chuka ya asha ma,

7. Ohoyo pash-ahama holitompa fehna alabasta itombu shi achvfa ho ishi kvt im ona mvt, impa hosh asha ma, noshkobo a ont o fohobli tok.

8. Yohmi kia nan im ai ithvna vhleha hash osh pisa kvt, okla ik im vhpeso fehna mvt, Katiohmi mak o ilvppt yakohmit okpulo cho?

9. Pash-ahama ilvppt lawa kia isht vlhtoba cha, ilbvsha vhleha ha i holhpela hinia tuk oka, achi tok.

10. Chisvs vt akostininchi mvt, Nanta katiohmi ho ohoyo ha hvsh ataklvmmichi cho? ilvppak okvt nan achukma mak o isht vm ai yvmihchi hoka.

11. Ilbvsha yokvto hvchim asha bilia cha tuk : amba vno yokvto hvch ibatakla li bilia keyushke.

12. Pash-ahama ilvppa sa haknip a o fohobli hokvt, sa hollopa chi kak o vm atahli hosh yvmihchi hatuk oke.

13. Ahli mak o hvchi miha lishke, Yakni moma ka kanima fehna yo vbanumpa ilvppt isht ai anuhumpakma, nana ka ohoyo ilvppt yakohmichi tuk a yvmmak ash o isht ithaiyana hi a, anohowa hi oke, im achi tok.

14. Yvmma foka ma auah tuklo tuk ash achvfvt Chutas Iskaliot hohchifo hosh ivt na holitompa isht asha pehlichi vhleha hash o im ona tok.

15. Mihmvt, Yvmmak oka ishit hvchim issa la chi ka nanta hq hvs svma hinla cho? yvmmak ash o im achi tok. Mihma tvli hvta boshulli pokoli tuchina hi o okla i kahli tok.

16. Yohmi ma nitak yvmma ai vhlit mahaya ka yvmmak ash o kaniohmichit ishit im issa he akostininchi bahana tok.

17. Yohmi tuk o pvka ik shatvmmo vpa nitak vmmona hq nan ithvna vhleha hv Chisus a im ai ona mvt, Ubanvblit-ont ia ish impa chi ka, katima yak o ont e chim ai atahla hi a ish ahni cho? im achi tok.

18. Mihma yvmmak ash osh, Ivt tvmaha ha hvsh onak mvt, hatak yvmmak o hvsh im ona cha, Nan ithvnanchi vt, Nitak vt vm ai ona hosishke: chin chuka ak o nan vm ai ithvna vhleha ha pehlichit vbanvblit-ontia ya a holitobli la chi hoke, achi kano, hvsh im achashke, achi tok.

19. Yohmi ma nan ithvna vhleha hash osh, Chisus vt ai im atokoli tuk mak o yvmohmi tok; micha vbanvblit-ontia ya okla atahli tok.

20. Yohmi ma ont opivt taha ma, auah tuklo kash o pehlichich cha impa chi hosh binili tok.

21. Atuk osh okla impvt maya ma, Ahli mak o hvchi miha lishke, Hvsh achvfona kv svshit okla ha hvsh im issa chi hoke, achi tok.

22. Mihma okla nukhaklo fehna mvt, achvfaiyukvt momvt, Chitokaka ma! vno ak oh cho? im achi tok.

23. Mihma yvmmak ash osh afalaminchi mvt, Kvna hosh ampo a ibbak a pit sv ai okvchikmvt, mihi yosh svshit okla ha im issa chi mak oke.

24. Kaniohmit isht holihiso tok mak o Hatak Ushi vt a yvmohmi hoke: amba Hatak Ushi a ishit inla ya im issa hatak okvto i palvmma chi mak oke; hatak yvmmak okvt ik tobo tok okmak osh im achukma hi atuk oke achi tok.

25. Yohmi ma ishit inla ya im issa Chutas ash osh afalaminchi mvt, A shali ma! vno ak oh cho? achi ma, Ahli, ish mihvshke, achi tok.

26. Mihmvt okla impa hosh maya ma, Chisus vt pvka ya ishi cha, vba pit aiokpvchi mvt, tushahlichich cha, nan ithvna

vhleha hash o pit ima mvt, Ilvppvt sa haknip mak oke; ishit oh vpa, achi tok.

27. Mihmvt isht-ishko ya ishi cha vba pit aiokpvchi mvt, yummak ash o pit ima mvt, Hvsh moma kvh hvsh ish-kashke.

28. Ilvppak okvt svssish nan isht vhpisa himona, laua kvh nan ai ashvchika puta isht i kashofa he mak o, hlatapa hatuk oka.

29. Yohmi kia himak a pilla ma pakvpi vnit waya ilvppa ak ishko mak atuk osh himonvchit Aki apelihchika ya a hvch ibai ishko la he nitak mak a hi oke, hvchim achi lishke, achi tok.

30. Mihma vba isht taloa ya okla talovt issa mvt, okla kohchvt nvnih Alif a pit ilhkoli tok.

31. Yohmi ma Chisvs vt yummak ash o, Himak ninak a vno ak atuk mak o hvsh moma kvh hvch ibetvbla chi hoke. Chukfulhpoba apesvchi a issot kanchi likma, chukfulhpoba atuk vt itafimimpvt aya he, achi hosh holisso hatuk oka.

32. Yohmi kia falamvt tani li ha yokvto, hvchi tikba Kalili a ona la chi, im achi tok.

33. Pita yvt afalaminchi mvt, Moma kvh chishno ak atuk mak o isht ai ibetvbli kia, vno yokvto nitak nana si a ibetvbla he keyushke, im achi tok.

34. Mihma Chisvs vt, Ahli mak o chi miha lishke, Himak ninak a akaka yvt ik olo kisha ho, hituchina ha chik svthano ka ish miha chi hoke, im achi tok.

35. Pita yash osh, Chi awant svlla chi ik nana kia, ak chithano miha la he keyushke, im achi tok. Mihma nan ithvna vhleha hvh momvt yummak inli ho miha tok.

36. Yumma foka ma Chisvs vt yummak ash o pehlichich, yakni Ketsemane hohchifo ho ona mvt, nan im ai ithvna vhleha hash o, yumma ivt ont vba pit anumpvli li takla ka, ilvppak inli ho hvsh chiyashke, im achi tok.

37. Mihmvt Pita, micha Sebete ushi tuklo aiena kvno pehlichich ia tok; mihmvt nukhaklo fehvvt i wekit kvnia tok.

38. Yohmi mvt yummak ash o, Sa shilombish vt nukhak

lo fehna. il₂ he ak kia chiyuhmishke: ilvppak inli h₀ chiyvt hvs svb ai okchashke, im achi tok.

39. Mihmvt achakalit ivt misha ituma ona mvt, hlipivt itula cha, vba pit anumpuli mvt, Aki ma! yohma hinla yoba hokma, isht-ishko ilvppvt a kanvllashke: yohmi kia vno ak osh ahni li kak keyu, amba chishno ish ahni kak ashke.

40. Mihmvt mintit nan ithvna aiasha kash o vla mvt, nusi hosh maya na ant pisa cha, Pita yash o, Hvs svb ai okcha na hvshi kanvlli achvfa ka ona hinla keyu mak oh cho?

41. Okchvt vba pit hvsh anumpohcni cha, ayoshuba ya hvch ik iba chukowo kashke: shilombish okvto im vlhtaha ho mvhli, amba nipi ak osh tikambishke, im achi tok.

42. Anonti atukla ma ia cha, ont vba pit anumpuli mvt, Aki ma! isht-ishko ilvppa ai ishko li ha yo keyukma, a kanvlla he keyu hokma, chishno nana ish aiahni ka yvmoh-mashke, achi tok.

43. Micha vla mvt, anonti nusi hosh maya na ant pisa tok: nishkin ak osh weki hatuk okvt.

44. Mihma anonti issvt ia mvt, ont atuchina ma vba pit anumpuli kv, anumpa yvmmak ash inli h₀ miha tok.

45. Yohmi mvt nan im ai ithvna aiasha kash o vla mvt, Himmak mak o mayvt nusit hvsh fohashke; inta! hvshi kanvlli vhpisa hv ai ona mak oke; yohmi ka Hatak Ushi a haksichit nan ashvchi vhleha ibbak sa fohka chi mak oke.

46. Ho tani, kiloh ilhkoli, yakeh! sa haksichit okla ibbak sa fohka chi hokvt olanlosi vlvshke, im achi tok.

47. Mihma anumponhli moma h₀, auah tuklo atuk achvfa Chutas vt na holutompa isht a₂sha pehlichy vhleha micha okla i hochitoka vhleha aiena im anumpa h₀ okla chinto bvshpo falaiia puta, mikmvt iti t₀ptua aiena svoli h₀, pehlichy cha vla tok.

48. Yohmi kv haksichit okla ibbak fohka chi, yvmmak okvt isht akostinincha hi a im anoli kv, Kvna h₀ ont i suk-sowa likma, yvmmak osh mih mak a chi hoke; kullochit hvsh ishashke, achi tok.

49. Mihmvt yvmmak ash osh Chisvs a im ona mvt, A shahli ma! na chi yukpashke, achi mvt, i suk-sowa tok.

50. Mihma Chisvs vt, A kana hv̄t katiohmi hō ish la cho? im achi tok. Yohmi ma okla ai onvt Chisvs ash o itī hoklit ishi tok.

51. Yohmi ma Chisvs a apehvt aya tuk vt achvfa hosh ibbak atuk ma i bvshpo falaia ya pit ishit shufi mvt, na holitompa isht asha pehlichī in tishu hō isht fahamvt, haksobish a chanlit tvbli tok.

52. Yvmma foka ma Chisvs ash osh, Chim bvshpo falaia a falaminchit afohka ya pit ish fohkashke: kva hosh bvshpo falaia yo ishi hokvto, bvshpo falaia yo isht illa he bano hoka.

53. Himonasi ak kia Aki a pit im asilhha li hok ma, ashaliika enchil vhleha lechvn auah tuklo atampa ka auet vma hinla ka ik chim ahobo cho?

54. Yohmi hokma katiohmi hosh yakohma hi a tok vt Baibil vt ont aiahla hinla cho? im achi tok.

55. Chisvs vt hvshi kanvlli vhpisa yvmmak inli hō okla laua yash o, Hatak hukopa yo avt i kohcha hō chiyuhmit bvshpo falaia, mikmvt iti tvptua aiena sholi hosh hvs svsha chi kv̄t hvsh itvnowa cho? tempel anukaka ya nana ai ithv-nanchit nitak moma hvch itintakla binili li ka itī hoklit hvch ik sasho chatuk oke, im achi tok.

56. Yohmi kia hopaii vhleha hv̄t holissohonchi tok a ont aiahla chi mak o, ilvppa moma kv̄t yakohmi tok. Yohmi ma nan ithvna vhleha hatuk vt momvt yvmmak ash o issvt yihlepa tok.

57. Yohmi ma Chisvs a itī hoklit ishi tuk vhleha hash osh yvmmak ash o ilaelit ivt na holitompa isht asha pehlichī i shahli Kaiafas a isht im ona tok; yvmmak o na holissochi vhleha, mikmvt hochitoka vhleha aiena kv̄t ai itvnahvt maya hatuk oka.

58. Yohmi ma Pita yvt auet i mishemanchit pit iakaiyvt yahayvt na holitompa isht asha pehlichī i shahli im aboha holitopa hatuk ma ont chukovvt, ont ishtaiyopi ka pisa chi hosh tishu vhleha ha takla ont binili tok.

59. Mihma na holitompa isht asha pehlichī vhleha, micha hochitoka vhleha, mikmvt nan-apesa moyuma kv̄t Chisvs a

vba chi kv̄t, anumpa ik ḡhlo isht atokola hi ḡ hoyot aiasha tok.

60. Yohmi kia ik ahayucho tok. Anumpa ik ḡhlo isht atokoli hokv̄to lauv̄t ai ahanla mv̄hli kia, ai v̄lhpesa hi ḡ ik ahayucho tok. Ont ishtaiyopi ma anumpa ik ḡhlo isht atokoli vt tuklo hosh vla tok ;

61. Mihmvt, Ilvppvt Chihowa in tempel ḡ okpv̄ni li tuk mvt, anonti nitak tuchinakma ikbit tahli la hinla hoka, achi kv̄no, achi tok.

62. Yohmi ma na holitompa isht ḡsha pehlich̄i i shahli vt wakaya mvt, afalaminchit, Afalaminchit nana kia chik acho cho ? nanta mak ḡ yakohmit isht chi atokoli cho ? im achi tok.

63. Yohmi kia Chisvs vt nana ik acho ki tok. Mihma na holitompa isht ḡsha pehlich̄i i shahli vt anumpuli mvt, Chishno ak osh Klaist Chihowa Ushi chia hatuk okmvt, keyukma nana hatuk okmvt, ish pim anola he mak ḡ Chihowa okchaya pulla ka isht a chim apesa lishke, im achi tok.

64. Mihma Chisvs vt, Ulhpesa ish mihv̄shke : yohmi kia, Himak a pilla ma Hatak Ushi vt nan okluha im aiya im ibbak-ishtimpakimma ya binili, micha vba hoshonti anukaka minti aiena hḡ hv̄sh pisa hi oke, hv̄chim achi lishke, im achi tok.

65. Yohmi ma na holitompa isht ḡsha pehlich̄i i shahli ash osh im ilefoka, im anchi aieninchit ita hlilv̄ffi mvt, Chihowa ik ahobalot anumpa hḡ anumpulishke ; himmakma nan-isht ai atokowa katiohmi hḡ iloh ahna hinla cho ? inta ! himak okv̄no Chihowa ik ahobalot anumpuli ka hv̄chishno vt hv̄sh hakloshke.

66. Katiohmi hv̄chim anukfila cho ? achi ma, okla afalaminchi mvt, Illa he ak ḡ v̄lhpesa hoke, achi tok.

67. Yohmi ma nashuka ya on tuftua ma, ibbak ḡ bonulit isht isso tok, kanimi kv̄t ibbak ḡ isht pasalichi mvt,

68. Klaist chia ma ! kv̄na hosh chisso hokma, akostininchit pin anoli, achi tok.

69. Yohmi ma Pita yvt aboha holitompa kocha ya ḡsha

tok: mihma ohoyo himita yosh yummak ash o vla mvt, Chishno ak kia Chisvs Kalili vta ya awant ish aya kamo, achi tok.

70. Yohmi kia moma itikba yatuk ma ik ithano ilahobit, Nana ish miha hoka, ak akostininchoshke, achi tok.

71. Micha kohchvt ivt apishia ona ma, ohoyo himita inla yosh pisa mvt, yumma maya kash o, Ilvppak kia Chisvs Nasalet vta ya awant aya kamo, im achi tok.

72. Mihma anonti anumpa kullo isht il onochit ik ithano ilahobit, Hatak yumma ithana li keyushke, achi tok.

73. Atuk o in chekosi ma bilikasi bihmaya tuk ash osh a vla mvt, Pita yash o, Chishno ak kia okla yumma ish ib ai achvfa yatuk o pullvshke; chim anumpa hvvt chi otvnichi hoka, im achi tok.

74. Yohmi ma yummak ash osh, Hatak yumma ithana li keyushke, achit ik ahobalot anumpulit anumpa kullo isht il onochit ishtia tok. Mihma chekosi mak inli ho akaka yvt ola tok.

75. Yohmi ma Pita yash osh, Akaka yvt ik olo kisha ho, hituchina ha chik svthano ish miha chi hoke, im achi tok, Chisvs im anumpa hash pit ithaiyana tok. Mihmvt kocha ia cha, yahaya fehna tok oke.

CHAPTA XXVII

Na holitompa isht asha pehlichy vhleha hash osh Chisvs a Pailat Loman i miko ak o isht im ona, 1; 3 mihma Chutas Iskaliot vt ile nuksiteli. 19 Pailat tekchi vt Chisvs a nana ik kanimihcho hok bano im ahni; yohmi kia na holitompa isht asha vhleha hvvt nan ahni kak o vlhpesa im ahni cha, 26 Balabas ak o peh i hotofi mvt, Chisvs vto illa chi mak o miha. 27 Loman tvshka chipota vhleha vt Chisvs a ishi cha, kvti halupa yo noshkobo ha isht iachukolichi. 32 Tvshka chipota yvt Chisvs a ishit Kalkohla ona cha, im ilefoka yash na shoeli isht apesvt im ishi mvt, Chisvs ash iti-taiyuchona ahonvhlchi ma; 50 Chisvs vt chitoli fehvvt tahpola mvt, illit kvnia, illi ma na fehna kvvt ai yvmohmi. 57 Chosef Alimahlea vta yak osh, Chisvs vt iti-taiyukhona takali tuk a ishit akvchi, miha hatak illi ai asha homona ilap immi ak inli ho fokkit bohli.

62 Na holitompa isht a^usha pehlichⁱ v^hleha hak osh asihⁱhla ma, Pailat vt tvshka chipota ya atoinchi na Chisvs ahollopi a atoni.

1. ONT onvt taha ma na holitompa isht a^usha pehlichⁱ v^hleha hv^t moma, micha okla i hochitoka v^hleha aiena kv^t Chisvs a vba chⁱ kv^t isht it im anumpulit maya tok.

2. Micha yvmmak ash o okla takchi mvt, ilaelit isht ivt, nahullo miko Pantivs Pailat ibbak a ont fohki tok.

3. Yvmma foka ma yvmma ishit okla ha im issa tuk Chutas ash osh yvmma illi issa na pisa mvt, inlv^t im anukfila cha, tvli hv^ta boshulli pokoli tuchina kash o falaminchit na holitompa isht a^usha pehlichⁱ v^hleha micha hochitoka v^hleha aiena ka isht om ona mvt,

4. Nan ashvchi keyu issish o ishit okla ha im issa li hv^t ashvchi lishke, achi tok. Mihma, Yvmmvt nanta isht pi ahalaia cho? yvmmak okvno chishno ak inli hosh ish pisashke, achi tok.

5. Mihma tvli hv^ta boshulli a tempel anukaka ya pit fohbli cha, kocha ia mvt, ont ile nuksiteli tok.

6. Yohmi ma na holitompa isht a^usha pehlichⁱ v^hleha hash osh tvli hv^ta boshulli ash ishi mvt, Tvli holisso ai itabota holitopa ya pit fohka he vlhpesa keyu, issish o isht vlhtoba hatuk oka, achi tok.

7. Yohmi mvt okla isht im anumpulit maya cha, oklushi inla hatak puta ka a hollopa hi vt shuti-tvna im osapa yo isht chumpa tok.

8. Yvmohmi hatuk o osapa yvmmvt, Osapa issish hohchifo tok vt himak nitak a moyuma hoke.

9. Yvmohmi ma hopaii Chelemaias vt anumpuli mvt, Isael ushi v^hleha hv^t ai vlhtoba he okla apesa tok mak o ai vlhtoba he vlhpesa tuk vlhtoba tvli hv^ta boshulli pokoli tuchina ka okla ishi tok.

10. Micha Chitokaka yvt vm apesa tok mak o, shuti-tvna atuk im osapa yo isht atobbi tok; achi tok a ont aighli tok.

11. Mihma Chisvs vt nahullo miko itikba ya hikia tok; mihma nahullo miko vt yvmmak ash o i ponaklot, Chishno ak osh Chu okla ha i miko chia mak oh cho? achi

tok. Mihma Chisvs vt, Uhpesa hq ish mihvshke, im achi tok.

12. Atuk o na holitempa isht asha pehlichu vhleha, mikmvt hochitoka vhleha aiena kvv nan isht mihachi ka, nanasi kia ilapvt afalaminchit ik miho ki tok.

13. Yohmi ma Pailat ash osh, Nana lawa ka isht a chi atokoli ka chik haklo ho tuma? im achi tok.

14. Yohmi ma yvmmak ash osh anumpa achvfa kia ik im afalamincho ki tok; yohmi hatuk o nahullo miko ash osh nukhlakancha fehna tok.

15. Micha vbanvblit ontia impa ashakma, kvna hq okla ahnikma, nahullo miko vt yukvt talakchi atuk a okla ha imi hotofi chatuk a tok.

16. Atuk o yvmma fehna ma annohova fehna chatuk yukvt talakchit Balabas hohchifo hosh okla ha im anta tok.

17, 18. Yohmi hatuk o Pailat ash osh yvmma okla isht ik i yukpo kak osh ishit okla ha im issa hatuk a, ithana hatuk osh, okla itvnavvt taiyaha ma, Kvta mak o hvchimi hotofi la he a hvsh aiahni cho? Balabas ak okma, keyukmvt, Chisvs osh Klaist hohchifo kak okma, katimampo kak a chi cho? im achi tok.

19. Mihmvt nan-apesa aiasha ya ont binili ma, tekchi vt pit im anolit, Yvmmak atuk mak o himak nitak a si holhpokunvt nana isht ik svv ai achukmo kvv an laua hatuk oka, hatak ahli achukma yvmma nana chik kanihcho kashke, achi tok.

20. Yohmi kia na holitempa isht asha pehlichu vhleha, micha hochitoka vhleha aiena hokvto Balabas ak o okla asilhaha cha, Chisvs ak o vba chi ka, okla laua ya atohnochi tok.

21. Nahullo miko ash osh afalaminchi mvt, Tuklo ka katimampo hvchim i hotofi la hi a hvsh aiahni cho? im achi ma, Balabas ak o, okla achi tok.

22. Pailat ash osh, Yohmikmvt Chisvs osh Klaist hohchifo kvno, nanta hak o katimihchi la hinla cho? im achi ma, Iti-taiyukhvna yak o ahonvhlvt illashke, momvt okla achi tok.

23. Mihma nahullo miko ash osh, Katiohmi hq? nan okpulo nanta mak o vvmohmi tuk oh cho? achi tok, Yohmi

kia i shahlichit tahpvlvt, Iti-taiyukhvna yak o ahonvhlvt illashke, okla achi tok.

24. Pailat ash osh ilapvt na kanihma he keyu, amba yahapa kak osh i shahlit toba pulla hi a akostininchi mvt, oka kapvssa ya ishi cha, okla itikba ya ibbak ai achifa mvt, Hatak ahli achukma ilvppa im issish a isht si ahalaia keyu mak oke: hvchishno ak osh isht hvsh ashashke, im achi tok.

25. Yohmi ma okla momvt afalaminchi mvt, Im issish vt pishno, micha pim vlla aiena kak o onvtonlashke, im achi tok.

26. Yohmi ma yvmmak ash osh Balabas ak o okla ha imi hotofi tok: micha Chisvs ash o fvmmit issa mvt, iti-taiyukhvna ahonvhla chi mak o im issa tok.

27. Yvmma foka ma nahullo miko in tvshka chipota vhleha hash osh Chisvs a ishtivt nana ai apesa yo isht ona mvt, tvshka chipota vhleha ha mominchit ont im itvnahli tok.

28. Mihmvt nafohka ya i shoeli cha tvshka chipota pehlichi i nafohka humma yo ishit fohkvchichi tok.

29. Micha kvti iachuka ho okla tvnvt tahli mvt, noshkobo ha iachukolichi cha, anonti ibbak isht impakimma ya kvshak o pit fohki tok: mihmvt itikba ya okla i hvchukbihlepa cha, isht yopulvt, Chu okla i miko ma! na chi yukupashke, achi tok.

30. Mihmvt yvmmak ash o okla on tuftua, micha kvshak ash ishi cha, noshkobo ha isht boli aiena tok.

31. Mihmvt yvmmak ash o okla ishit yopulvt issa mvt, tvshka chipota i nafoka humma yash o i shufi cha, ilap i nafoka yash inli ho fohkvchichi mvt, iti-taiyukhvna ahonvhlicha chi hosh ilauevit ishtia tok.

32. Atuk osh okla ont kocha wiha fehna mvt, Saileni hatak Saimon hohchifo ho okla pisa tok: mihmvt im iti-taiyukhvna ya yvmmak osh shola he a okla atohnochi tok.

33. Atuk osh yakni Kalkohla hohchifo yvmvt, Noshkobo foni aiasha, achi mak o ona ma,

34. Yvmmak ash o ishka chi ka wineka yosh basunlvsh okchi yvt ibvlhto ho ipeta tok: mihma yvmmak ash o ishkot pisa mvt, ishka he keyu ki tok.

35. Mihma yummak ash o iti-taiyukhona okla ahonvhli-chi mvt, na shoeli o im ilefoka yatuk ash isht iti hopela tok, hopaii vt, anumpuli mvt, Um ilefoka yatuk puta ka okla iti hopela mvt, anonti vm ilefoka lumbo atuk a okla nan-isht a shoelishke, achi tok vt aiahla chi mak a tok.

36. Micha okla hash osh yummak o aka binohli cha, yummak ash atoni tok.

37. Mihmvt noshkobo paknaka anumpa onvtula holisso hvt, ILUPPAK OSH CHISUS CHU OKLA I MIKO MAK OKE, achi ho takalichi tok.

38. Yohmi ma hatak hukopa tuklo hosh apihvt ititai-yukhona ahonvhla tok; achvfa kvv ibbak isht impakimma yo takali ma, anonti achvfvv vlhfvbekimma yo takali tok.

39. Mihma yumma bilikasi ont ihiya kvv yummak ash o ik ahobalot pit i yuchunukli beka tok.

40. Mihmvt, Tempel a okpvni cha, anonti nitak tuchinak-ma ikbit tahli chia hvt, ish ile okchalinchashke, Chihowa a Ushi chia hokmvt, iti-taiyukhona ya auet akowá, achi tok.

41. Na holitompa isht asha pehlichí vhleha ak kia na holissochi vhleha, micha hochitoka vhleha ai itapeha kvv yummak ash o ishit yopulvt,

42. Inla yokvno okchalínchi hatuk okak osh, ilap inli kvto ile okchalíncha he keyushke. Ilvppak osh Israel a i miko yatuk okmvt, himonasi ak o iti-taiyukhona ya auet ik akowá, yohmikmak o iloh i yimmashke.

43. Chihowa ya anukcheto atuk oka, yummak osh i hullo hatuk okmvt, himonasi a ant ik hlakofichí; Chihowa Ushi sia hoke, achi hatuk oka achi tok.

44. Hatak hukopa tuklo yumma apihvt iti-taiyukhona ahonvhla tuk kak kia ik ahobalo kvv, yummak inli ho, choh-michi tok.

45. Yohmi ma hvshi kanvlli vlpisa ont isht hannalik fehna ai vhlit ivt, hvshi kanvlli vlpisa isht chakkali ona ka, yakni moma ka ai okhlilit kvnia tok.

46. Yohmi ma hvshi kanvlli vlpisa ont isht chakkali foka ma, Chisus vt chitoli fehna hosh tahpvvt, Eli, Eli, lama sabakhani? achi tok; yummvt an Chihowa ma! an

Chihowa ma! nanta katiohmi ho is sa kanchi cho? achi hoke.

47. Mihma yvmma hiohmaya tuk vt kanimi kvv haklo mvt, Hatak ilvppvt Elias a pit i howvshke, achi tok.

48. Mihma mih mak inli ho achvvt malelit ia mvt, na shatvmmi o ont ishi cha wineka alotoli mvt, kushak o takalichi cha, yvmmak ash o ishka chi ka pit ipeta tok.

49. Mihma inla ka yash osh, Ik ashá, Elias vt okchalin chit aya hinlakmá, nanakmá, keho pesá, achi tok.

50. Mihma Chisvs vt atukla ma chitoli fehna hosh tahpvla mvt, fiopissa tok.

51. Yohmi ma nantvna tempel anukaka takali tuk vt paknaka ak o a hlilavvt ia mvt, aka ont taha cha tuklo tok: mihma yakni vt winakahanchi ma, tvli hochito puta kvv bakahli tok.

52. Mihma hatak ahollopi puta kvv tiwa ma, vbanumpuli puta haknip mavvt nusi tuk vt lava kvv tani tok.

53. Atuk osh Chisvs vt illi tuk vt falamvt tani ma, ahollopi puta ka akohcha wihvt ia mvt, tmaha holitopa ya onvt lava ka i haiaka tok.

54. Sintulion micha apihvt mavvt Chisvs a apesvchi tuk aiena kash osh yakni winakvchi, mihmvt nana kvv ai yakohmi puta na pisa mvt, okla nukshopa fehna mvt, Ilvppak okvt Chihowa ha Ushi yo mvhli tuk pullvshke, achi tok.

55. Yokmi ma ohoyo lava Chisvs a apelvvt Kalili a asht, mintit yvmma nan im atahli yatuk vt yvmma maya cha, auet mishema ho pit pisa tok.

56. Yvmma takla maya kvv, Meli Maktalene micha Meli, Chemis, mikmvt Choses aiena ishki, mikmvt Sebeta ushi vhleha ha ishki ak osh aiena tok.

57. Ont opivvt taiyaha ma hatak nan in laua Alimahlea vttta Chosef hohchifo hosh, yvmmak kia Chisvs a nan im ai ithvna ak inli tuk osh vla tok.

58. Micha ia mvt, Chisvs haknip a Pailat a ont im asilhha tok. Yohmi ma haknip atukma ima he a, Pailat vt miha tok.

59. Mihma Chosef vt haknip atuk a ishi mvt, yummak ash o nantvna kashofa linen achukma ho a bonulli tok.

60. Mihmvt yummak ash o ilap i sepvka himona tvli chito yo a kulli hosh ikbi tuk osh ont fohki tok: mihmvt sepvka okhissa ash o tvli chito yo tonolichit pit isht akamali cha, ia tok.

61. Mihma Meli Maktalene, micha Meli achvfa itatuklo kvv sepvka i chapaka ya chiya tok.

62. Yohmi ma nana ai vlhtaha nitak atuk auct achakaya nitak o na holitempa isht asha pehlichv vhleha, micha Falisi vhleha aiena kvv Pailat a ant im ai itvna cha,

63. Pi shahli ma! na haksichi yummvt okchaya momvt ahanta mvt, Nitak ont atuchinakma falamvt tani la hi oke; achi tok a il ithaiyanvshke.

64. Yohmi hoka ish apesa na sepvka vt kvllot vlhkama na nitak atuchina ka onashke; yummak keyukma nan im ai itvna vhleha hvv ninak a ai vlvv hukopvt ishit kvnia cha, Illi tuk vt falamvt tanishke, okla ha im acha hinla hoke: yohmikma ishtaiyopi ka isht haksi kak osh ik ai vlhpeso kvv vmona tuk a i shahla hinla hoke, achi tok.

65. Mihma Pailat ash osh, Nan atoni vt hvchim ashvshke: oh ilhkoli cha, kanimihchit hvsh a kvllocha hinla kvv hvsh yvmihchashke, im achi tok.

66. Mihma ilhkoli mvt, tvli ash o in chunli cha, nan atoni a ashachit, sepvka ash a kvllochit kaiyanchi tok.

CHAPTA XXVIII.

Nitak ont atuchina onnahinli fehna ohoyo tuklo kvv Chisvs ahollopi tuk a ona; yvmma enchil vt ai afama, 1; 2 micha Chisvs vt illi tuk vt falamvt tani tuk a, im anoli; mihmvt nan im ai itvna vhleha ha ia cha, ont im anola chi ka i miha. 11 Kaniohmi hosh Chisvs ahollopi ya atonit aiasha tuk vt falamvt tmaha chito ya ona cha, ahollopi nana a kaniohmi tuk a na holitempa isht asha pehlichv vhleha ha im anoli. 15 Chisvs vt nan im ai itvna avh achvfa ka Kalili ak o ai i haiaka, 19 micha vbanumpa ha oklushv puta ka isht im anumpohonlit itvnohowa he a im apesa.

1. YUMOHI tuk o nitak hullo vt ont taha tuk wek nitak vmona chi hosh onvt mihinti ma, Meli Maktalene, micha Meli achufa itatuklo kut sepulka yash pisvt aya hosh itonachi tok.

2. Yohmi ma yakni vt winakvchi fehna tok: Chitokaka im enchil osh vba mintit vla cha, tvli okhissa onvtula tuk a kanompit tonolichi cha, paknaka ya on asha ha tok,

3. Mihma haknip vt malvtha ak o chiyuhmi ma, im ilefoka yvt tohbi kut okti pushi ak o chiyuhmi tok.

4. Mihma nan atoni vhleha hatuk vt yvmma i nukshopa kut wvnbichini mvt, illi yo chiyuhmi tok.

5. Yohmi ma enchil vt anumpuli mvt, ohoyo hash o, Ititaiyukhona ahonvhtv illi tuk Chisvs ak o hvsh hoyo ka hvchim ithanali hoka, ik hvchi nukshopo kashke.

6. Ilvppa ikshoshke; miha tuk okvt falamvt tani tuk oke. Mintit Chitokaka yvt ai itola tuk a ant ho pesa.

7. Michi tushpvt ivt, illi tuk vt falamvt tani cha, hvchi tikba Kalili a ia chi ka, yvmmak o ont hvsh a pisa chi hoke, nan im ai ithvna vhleha ha ont hvsh im anolashke: inta! hvchim anoli li mak oke, im achi tok.

8. Yohmi ma nukshopa, mikmvt nayukpa fehna aiena hosh sepulka ya ashvvt tushpvt itiachi tok; mihmvt nan im ai ithvna vhleha hatuk a anumpa isht im ona chi kut tihlahaya tok.

9. Atuk o nan im ai ithvna vhleha ha im anolit ia hosh ayvt okla ma, Chisvs vt afama cha, Na hvchi yukpashke; achi tok. Mihma ivt yvmmak ash o iyi a ont halvli cha, aiokpahanchit okla tok.

10. Yohmi ma Chisvs ash osh, Ik hvchi nukshopo kashke: Oh ia cha, itibapishili vhleha ha ont hvsh im anolikma, Kalili a okla ai onvt yvmmak o a sa pesashke, im achi tok.

11. Yohmi na itiachi hosh ayvt okla ma, nan atoni vhleha hatuk kaniohmi kut vmaha ha ona cha, nana kut kaniohmi tuk a mominchit na holitempa isht asha pehlichivhleha ha im anoli tok.

12. Mihma yvmmak ash osh hochitoka vhleha ai itapivvt

itvnaha cha, it im anumpulit okla in taiyaha mvt, tvshka chipota vhleha hash o tvli holisso lawa ka ima cha,

13. Nan im ai ithvna vhleha hvv ninak o ai vla cha, nusi hosh e maya takla ma, ant hukopvt ishit kvnia tuk oke, hvsh achashke.

14. Yohmikma ilvppak atuk mvt nahullo miko haksobish g afohka hokma, yvmmak oka e hopohlvchi cha, e hvchi hlakofichashke, achi tok.

15. Yohmi ma tvli holisso ash o okla ishi mvt, nan im avvchi tok mak o okla ai yvmohmi tok: yvmohmi tok o anumpa ilvppvt himak nitak ak kia Chu okla itintakla ya ai annghoa hoke.

16. Yohmi ma nan ithvna auah achvfa kash osh Kalili g ilhkolit, nvnih chaha Chisvs vt ai im atokoli tok mak o ona tok.

17. Micha yvmmak ash o pisa mvt, okla ai okpahanchi tok: yohmi kia kanimi kvto anuktuklo tok.

18. Yohmi ma Chisvs vt vla cha, ant im anumpuli mvt, Uba yakni, micha yakni ilvppa aiena nan-isht im ai ahlika puta moma kvv vmmi toba hoke.

19. Yohmi hoka hvsh ilhkoli cha, oklushi moma ka nan ithvna ikbit, Iki, micha Ushi, mikmvt Shilombish Holitopa aiena ho isht a hochifochit hvsh baptismo honchashke:

20. Nan okluha ka nana ho hvchim apesa li tuk g holi-tobla he mak o hvsh im abahanchashke: yohmikma yakeh! vno vt hvchi awant aya li bilia ho, yakni vt ont ai vha hi oke, achi tok oke. Amen.

UBANUMPA MAK.

UT HOLISSOCHI TOK.

CHAPTER I.

Chan Baptist vt vbanumpa isht anumpohonli 1; 9 Chan vt Chisvs a baptismochi; 12 atuk o yummak atuk a i himmak ma Setan vt Chisvs ash o imomaka pisa. 14 Chisvs vt Kalili a vbanumpa isht anumpohonli; 16 mihmvt Saimon, micha Antilu, mikmvt Chemis, micha Chan aiena ka nan im aithvna toba chi ka i miha. 28 Nitak hullo ya Chisvs vt nan ithvnanchi, micha shilombish okpulo kohchichi aiena mvt; 29 Pita tekchi ishki, 32 micha hatak abeka inla yvt laua ho hlakofichi; 35 Chisvs vt vba pit anumpula chi hosh onmvt ik taho kisha ho tani; 39 atuk osh i himmakma Kalili vbanumpa isht ai anumpuli, 40 leplosi vbi yo hlakofichi.

1. CHISVS Klaist Chihowa Ushi im vbanumpa ai ishtia vmona kvv,

2. Yakeh! vm anumpeshi ya chi tikba chvffichi li hoka mihi yosh chi hina ya tikbanli apoksiacha hi oke.

3. Achvfa hosh yakni haiaka ya a pahaya kvv, Chitokaka ataya hi a apoksiachit i hina puta ka oh apissvlichí, ahan-chishke, achit hopaii vhleha i holisso ha a holisso tok ak o ai itilau tok.

4. Chan vt yakni haiaka ya a baptismohonchi mvhli tok: mihmvt ai ashvchika puta ka isht a kashofa chi ka, ile kottininchit baptisma hi a isht anumpohonli tok.

5. Yohmi ma Chutea yakni ai asha tuk, micha Chelusalem ai asha tuk aiena kvv, mcmvt yummak ash o im ai ona cha, nan im ai ashvchika puta ka il anohonlit, Chatan okhina yak o ai im a baptismo tok.

6. Mihmvt Chan vt kamel hishi nafohka fohka cha, na-

hakshup vskofvchi y_o vskofaiyachi tok: mihmvt h_awa, m-
cha foi-bila kowi anuka a_{sha} yak o vpa beka tok.

7. Mihmvt vbanumpa isht anumpohonli mvt, Ūno a a
shahli fehna hosh auet siakaiyvt minti, yvmmak okvno vno
vt i shulush isht-talakchi yak kia a hlipivt hotofi la he si
ahoba keyu hoke.

8. Ūno vto oka y_o isht hvchi baptismochi li mvhli hatuk;
amba yvmmak okvto Shilombish Holitopa y_o isht hvchi
baptismocha chi hoke, achi tok.

9. Atuk o nitak yvmma foka ka yakohmi tok: Chisus v'
Nasalet Kalili talaia ka vttvt mintit vla cha, Chatan ak
Chan a ai im a baptismo tok.

10. Micha oka ya ai vttvt kocha ia mak inli h_o, vba shu-
tik vt auet tiwa na Shilombish Holitopa yvt pvchi-yoshuba
chiyuhmi hosh vba mintit yvmmak ash o ant o binili tok.

11. Yohmi ma vba ya anumpa hvv auet takali kvv,
Chishno ak osh Svso a holitopa chia hoke; chishno ak o
nan-isht chi a sai yukpa hoke, achi tok.

12. Atuk o chekosi mak inli h_o Shilombish Holitopa yvt
yakni haiaka ya pit chvffichi tok.

13. Yohmi na yakni haiaka yvmma nitak pokoli ushta h_o
ahanta na Setan vt imomaka pihisa tok; mihma napoa ok-
pulo puta ka itintakla ahanta tok; mihma enchil vhlehs
hosh nan-isht im anta tok.

14. Chan vt aboha kullo fohka ha yo, Chisus vt Kalili a
vla cha, Chihowa apehlichika isht anumpa hanta ya isht
anumpohonli tok.

15. Mihmvt, Nana kvv ont aiahlit taha na Chihowa apeh-
lichika yvt olanlosi vlvshke; ile kostininchit, vbanumpa h_a
ho yimmí, ahanchi tok.

16. Atuk osh Kalili okhvta lapalika ya aya mvt, Saimon
vt itibapishi Antilu itatuklot, n_vni-hokli yatuk okvt, n_vni-
isht-hokli a okhvta pit okvchi hosh ahashwa na pisa tok.

17. Mihmvt Chisus vt, Mintit vno ak o hvs si apeha na
hatak hokli y_o hvch ikbi lashke, im achi tok.

18. Yohmi ma mih-makinli h_o i n_vni-isht-hokli yash issa
cha, iakaiyvt okla tok.

19. Mihma yummak atuk a ivt mishema ona mvt, Sebete ushi Chemis, micha itibapishi Chan itatuklo kak kia, peni anuka ya nuni-isht-hokli aiskiachi hosh chiya na pisa tok.

20. Mihmvt mih makinli ho yummak ash o pit i howa tok; mihma yummak ash osh iki Sebete vt hatak ilhtohno vhleha ho iba taklvt peni ash foka na issvt, pit iakaiyvt okla tok.

21. Atuk o Kapenavm ak o okla ai ona tok: atuk o chekosi ma nitak-hullo nitak o sinakak a ont chukowa cha, nana abahanchi tok.

22. Yohmi ma nan isht ai im avchi ka okla anukhlakan-cha tok: yummak okvt nana kvv ai im vhpiesa hosh nana im abahanchi kia, na-holissochi vhleha yak okvno ik holbo ki tok.

23. Yohmi ma sinakak yumma hatak vt shilombish okpulo ai i foka hosh asha tuk osh, tahpvvt,

24. Ikikke! Chisvs Nasalet ai vta chia ha nanta ho isht e chi ahalaia cho? kvna ho chia hoka chithana li, Chihowa i na-holitopa chia mak oke, achi tok.

25. Mihma Chisvs vt yummak ash im olvbit, Nukchintot yumma ish a kohchashke, im achi tok.

26. Mihma shilombish okpulo ash osh yummak ash o haiochechi cha, chitolit tahpula mvt, yummak ash a kohcha tok.

27. Yohmi ma momvt, okokko! aiahni fehna; yohmi cha, Ilvppvt nanta mak osh yakohmi cho? ilvppak osh nanisht avchi himona nanta mak oh cho? ai im vhpiesa hosh yummak ash osh shilombish okpulo vhleha hak kia nan im apesa ma, im antivshke, achit okla it im a ponaklot maya tok.

28. Yohmi ma chekosi makinli ho yummak ash isht annoa kvv Kalili a folumpa yakni moma ka hlopulli tok.

29. Atuk o sinakak a ashvt a kohcha makinli hosh Chemis, Chan itatuklo ka ai it apivvt Saimon, micha Antilu itatuklo in chuka yo okla ont abeha tok.

30. Mihma Saimon tekchi ishki yvt-yvha hosh itonla tuk o, ashalika yummak ash im anoli tok.

31. Mihma ona cha ibbak a halvllit, tanichi tok ; mihma yunha hash osh ashalika shipa na nan isht im vta tok.

32. Atuk o ont opia hvshi vt okatula ma, haknip ik in chukmo puta, mihmvt nan-isht-ahullo okpulo ai i foka aiena tvk a, mominchit okla isht im ai vta tok.

33. Mihma tmaha okla hash osh momvt okhissa ya ant ai itahoba tok.

34. Mihma haknip ik in chukmo ilaiyuka isht abeka tuk a laua ho hlakofichi mvt, nan-isht-ahullo okpulo mvt laua ho kocha weli tok : mihmvt nan-isht-ahullo okpulo yvt ilapa okla ithana hatuk o, ik anumpuli ik im ahno ki tok.

35. Atuk osh ont onnahinli, onnvt ik taho kisha pilla ho, tani cha, kohchvt ivt haiaka ona cha, vba pit anumpuli tok.

36. Mihma Saimon, micha apeha tuk ash aiena kvv pit iakaiyvt ilhkoli tok.

37. Atuk osh yvmmak ash ont pisa mvt, Hatak momvt chi hoyoshke, okla im achi tok.

38. Mihma auet apanta tmaha maya kak o kil ohona na yvmmak ma vba isht ai anumpohonli lashke, yvmmak a he mak osh aya li ha tok okvt, im achi tok.

39. Atuk osh Kalili fullota i sinakak puta ka vba isht a anumpohonlit, nan-isht-ahullo okpulo puta ka kocha wihinli tok.

40. Mihma leposi vbi yosh ayvt im ona cha, i hvchuk-bihlept im ilbvsha mvt, Ulhpesa ish ahni hokmvt, is sa kashofa hinlvshke, im achi tok.

41. Mihma Chisvs vt i nukhaklo cha, ibbak a pit welit, potoli mvt, Ulhpesa ahni lishke ; chi kashofashke, im achi tok.

42. Mihma anumpulit ont issa makinli ho, leposi ash ot ashalika i kunia na yvmmak ash osh kashofa tok.

43. Mihma ik annoo ka hi a kullochi fehna hoshi yvmmak ash i mihvt taiyahli cha, ashalika kanima pit chvffichi ;

44. Yohmi mvt ahah ! aiahnit hatak kvna kia na chik im anolo kashke ; amba chi hlakofi hokvt okla ha nan im atokowa chi ka, ia cha, na-holitompa-isht vta yak o ont isb il imi haiakvchi cha, nana puta ka Moses vt apesa tok mak o ish yvmihchashke, im achi tok.

45. Yohmi tuk kia yummak ash osh ia mvt, anoli fehvt, nana kash kanima moma ai im annoachi, yohmi na Chisvs vt himmakma ile haiakvchit ayvt temaha ha chukowa he keyu hosh, amba kochvt yakni haiaka yak o vtvtv aya tok: yohmi ma kanima moma a mintit im ai ohona tok.

CHAPTA II.

Chisvs vt hatak palsi isht abeka yo hlakofichi, 1 : 13 Chisvs vt Mahlu vt nan im ai ithvna toba chi ka i miha; 15 micha pøblikan vhleha mikmvt nan ashvchi vhleha aiena ibai impa ka nan isht mihachi ma kaniohmi ho yohmi hatuk vt anoli. 18 Mihmvt nan im aiithvna vhleha ha nan ik hullocho hoka nan isht mihachi; mihma yvm mak ash osh ik yohmo kvv im ai vhpesa atuk a miha mvt; 23 nan im aiithvna vhleha ha nitak hullo kobvffi ho nan isht mihachit asha ma, yummak okvt nitak hullo kobvffi hatuk o keyu ka miha.

1. ATUK o nitak kanohmi ma, anonti Kapenavm a ont chukowa tok: mihma aboha anuka asha ka annoa tok.

2. Yohmi ma ashalika lavvt ant itahoba, yohmi na aiasha hi vt iksho ma, okhissa itikba yash kia a hikia hi vt iksho ki tok, mihma vbanumpa ha isht im anumpohonli tok.

3. Yohmi ma hatak vt palsi isht abeka ho ushtvt it i shoyulit, isht im vla tok.

4. Micha okla itakantvli ka, i bilika okla ona he keyu mvt, a hikia ka paknaka ya isht hulmo ya tiwi tok; atuk osh tiwit tahli mvt, palsi isht abeka yvt ai onvtola topa hash okla aka pit bohli tok.

5. Okla na yimmi ka Chisvs vt pisa mvt, palsi isht abeka atuk ash o Svso ma! na chim aiashvchika puta kvv chi kashofa mak oke, im achi tok.

6. Yohmi kia na-holissochi vhleha kanimi kvv yvma binohmaya tuk vt, chukvsh anukaka isht anukfillit,

7. Na katihmi ho hatak ilvppvt yakohmichit Chihowa ik ahobalot anumpuli cho? Kvta hosh nan ai aiashvchika puta ka kashofa hinla ho? Chihowa ak illa keyu?

8. Mihma yakohmichit okla im anukfila ka Chisvs vt ilap chukvsh ak inli ka isht akostininchi mvt, ashalika, Na katih-

mi h_o ilvppa puta ka hvchi chukvsh anukaka isht hvchiu anukfila cho?

9. Palsi isht abeka atuk a, Na chim ai ashvchika puta kv_t ch_i kashofa hoke; im achi kak okmá, keyukmvt, Wakayvt, ch_i potvlhpo a sholi cha, nowá, achi kak okmá, kati-ma kak osh ahchiba kv_t ik lauwo cho?

10. Yohmi kia Hatak Ushi vt yakni paknaka nan aiashv-chika puta ka kashofa hi vt ai im vlhpiesa hatuk a hvsh akostininha ch_i kak o.

11. Palsi isht abeka yash o im anumpulit, Tanit, ch_i potvlhpo a sholi cha, chin chuka ish iashke; chim achi lishke, im achi tok.

12. Mihma ashalika yummak ash ot tanit, potvlhpo ash sholi cha, okla momvt pisa na kohchvt ia tok: yohmi na momvt nukhlakanha mvt, Nitak nan ash ilvppa chohmi na e pisa chatuk keyushke, ahanchit Chihowa ya pit holitobli-chi tok,

13. Atuk o anonti kohchvt ia mvt, okhvta lapalika yo ona tok: mihma okla laua yvt momvt ant im ai itahoba na nan im abahanchi tok.

14. Atuk osh ont ia hosh aya mvt, Lefai Alfevs ushi vt tvli-holisso abohli a asha na pisa mvt, yummak ash o, Is siakaiyashke, im achi tok.

15. Atuk o yakohmi tok: Chisvs vt yumma im aboha anuka ya impa hosh asha ma, pvblikan micha nan-ashvchi vhleha aiena kv_t laua hosh Chisvs, micha nan im ai ithvna vhleha aiena ka takla binohmaya akinli tok: yummak okvt laua hatuk osh, okla apihvt aya tuk a tok.

16. Michi na-holissochi vhleha, micha Falisi vhleha aiena kv_t, yummvt pvblikan vhleha, micha nan ashvchi vhlehe aiena ka it ibai-impá na pisa mvt, nan im ai ithvna vhleha hash o, Katiohmi h_o pvblikan vhleha, micha nan-ashvchi vhleha aiena kvno it ibai impvt nan it ibai ishko cho? im achi tok.

17. Mihma Chisvs vt haklo mvt, Haknip im achukma hokvto, alikchi a bvna keyu, amba abeka kak oke: nan-ashvchi ik im iksho vhleha h_o hohoyot aya li tok keyu.

amba, nan-ashvchi vhleha yosh ile kostinicha chi kak a tok; im achi tok.

18. Mihma Chan, micha Falisi vhleha aiena nan im ai ithvna vhleha hvt na hullohonchi beka tok: atuk osh ai vla mvt, Nanta katiohmi ho Chan micha Falisi vhleha aiena nan im ai ithvna vhleha hvt na hullohonchi ma, amba chishno na chim ai ithvna vhleha hvto nan ik hullocho cho? im achi tok.

19. Mihma Chisvs vt, Hatak himona ohoyo itauwaya tuk vt takla anta moma ka, i kanomi vhleha hvt nukhaklot na hullocha hirila cho? Hatak himona ohoyo itauwaya tuk vt im asha takla hokvt okla nahullocha he keyu hoke.

20. Yohmi kia hatak himona itauwaya yash ot ai i filvma he nitak vt ai ona he; yohmikmak o nitak yvmma fokakmvo okla nukhaklot nahullocha hi oke.

21. Hatak nana kia nantvna hlilafa himona ka anchi hlipa ya isht avlli chatuk keyu: yvmmak keyukma, na hlilafa himona vlvkva atuk vt sipokni ash hlilvffi na i shahlit hlilavt okpulo hoke.

22. Mikma hatak nana kia oka-paki himona ya shukcha sipokni yo apitta chatuk keyu: yvmmak keyukma, oka-paki himona yash ot shukcha yash mitahlichu na hlayakma; shukcha yash ot okpula hinlvshke: amba oka-paki himona vt shukcha himona yo vlvpitta pullashke, im achi tok.

23. Atuk o yakohmi tok; nitak-hullo nitak o osapa hlopullit aya tok: mihma nan im ai ithvna vhleha hvt onush a hlinlit itvnowa tok.

24. Mihma Falisi vhleha hvt, Yakeh! na-katihmi ho nitak-hullo nitak o nana kvv ai vlvpesa keyu ka, okla yvmohmi cho? im achi tok.

25. Mihma, Lewi vt ilap, micha apehvt aya tuk aiena kvv hohchvfo mvt, nana ka bvna cha, a katiohmi tok:

26. Michu na holitompv isht vttv i shahli Abaiavla vt shanta nitak a Chihova im aboha ya pit chukova cha, yvmma ai vpv he vlvpesa hatuk keyu, amba na-holitompv isht asha vhleha kak a he tuk a, pvsvka holitopa ya vpv mvt.

anonti apéhv̄t aya tuk ma ipeta tok a himonna kia holisso hv̄ch ik it im anumpulo chatuk oh cho? im achi tok.

27. Mihmvt nitak-hullo vt hatak ak o im vlhpisa a tok: hatak ak osh nitak-hullo ak o im vlhpisa tok keyushke.

28. Yohmi hoka, Hatak Ushi vt nitak hullo ak kia in Chitokaka yoke, im achi tok.

CHAPTER III

Chisvs vt hatak ibbak shila hlakofichi, mihma yvmmak o Falisi vhleha hv̄t vbi b̄vna hatuk o Chisvs vt kochvt krnia, 1; 10 mihma okla laua apéhv̄t ilhkoli na lauachit hlakofichi. 13 Mihmvt anum-peshi auah tuklo h̄o atokoli. 20 Chisvs a j kanomi vhleha hv̄t tasimbo h̄o im ahoba, 22 mihma Falisi vhleha hv̄t Chisvs a ik ahobalot anumpuli; yohmi ma yvmma okla miha ka āhli keyu ka atokolit im anoli. 31 K̄vna hosh Chihowa nana aiahni puta ka yvmohmi hokvt Chisvs a j kanomi fehna mak oke.

1. **ATUK** osh anonti sinakak a ont chukowa ma, yvmma hatak vt ibbak shilvt illi yosh āsha tok.

2. Mihma nitak-hullo nitak a hlakofichikmá, nanakmá, nan-vlhpisa onocha hi vt ahnit okla apesahanchi tok.

3. Mihma hatak ibbak shilvt illi yash o Iklvnnaka ya w̄akayvt a hikiá, im achi tok.

4. Mihmvt, Nitak-hullo nitak a nan achukma h̄o yvmohmi, keyukmvt achukma keyu h̄o yohmi kak okmá; ilhfio-pak okchalínchi, keyukmvt vbi kak okmá, nanta kak osh ai vlhpesa cho? im achi tok. Yohmi kia nan ik acho hosh maya tok.

5. Mihma okla chukvsh kvllo ka isht nukh̄aklot, ik im vlhpiesot filemvt pisa mvt, hatak ash o, Chisemochí, im achi tok. Mihma chisemochi tok; yohmi ma ibbak ash osh falamvt hlakofit in t̄vnnv̄p ak inli h̄o chohmi tok.

6. Mihma Falisi vhleha hv̄t kocha wiha mvt, ashalika Helotian vhleha aiena kv̄t yvmmak ash vba hi vt isht it im anumpulit maya tok.

7. Yohmi kia Chisvs ash ot nan im ai ithvna vhleha hasb

pehlichí cha, filvmmít okhvta ía tok: mihma Kalí, mícha Chutea aiena mínti,

8. Mícha Chelusalem mínti, anontí Itumea, mícha Chatan mísh-tvnnvp mínti, mícha Taia, mícha Saiton a fullota mínti aiena okla chinto kv́t nan aiyaka fehna ka yvmihchí hq okla haklo mvt, íakaiyv́t okla chinto fehvt im ai ona tok.

9. Mihma okla laua hokvt ík atehlefo ka chí kak o, pení vt im vlhtaha chí kv́t, nan im ai íthvna vhleha ha í míha tok.

10. Lauachít hlakofichí hatuk; yohmí hatuk oka, nan í palummit aiasha atuk vt momvt yvmmak ash halelí bvvnt okla a hvhlíhinchí tok.

11. Mihma shilombísh okpulo putá kv́t yvmmak ash písa mvt, ítikba aka hlipkvchí mvt, táhpahanvt, Chishno ak osh Chíhowa Ushí chíá mak oke, achí tok.

12. Mihma yvmmak ash ot ílap a ík otv́níncho ka chí ka, yvmma kv́llochít im apesa tok.

13. Mihmvt nv́nín chíáa yo ont oíya chí, kvna hq ílap aiahní hosh hoyo na, okla im ai ona tok.

14, 15. Mihma tohno na yvmmvt ílapa apehvt aya chí, vbanumpa íshít ahánta hé; mícha abeka putá hlakofichít, nan-íshít-ahullo okpulo kochá wela hé aiena kv́t, ai im vlhpesa chí ka auah tuklo hq atokolí tok.

16. Mihmvt Saimon atuk a Pítá hochífo tok.

17. Mihmvt Sebeté Ushí Chemís ítibapíshí Chan ítatuklo, yvmmak ash o Boaneches hochífo, yvmmvt Híloba ushí, achí hoke.

18. Míkma Antílu, míkmtví Fíllíp, mícha Bahlolomu, míkmtví Máhlu, mícha Tamás, mícha Alfevs ushí Chemís, míkmtví Tátevs, mícha Kenán hatak Saimon aiena,

19. Míkmtví yvmmak ash íshít ínla im íssa tok Chutas Ískalíot vt aiena tok: mihma chíka chíková tok.

20. Mihma okla laua yash osh anontí ant ai ítahoba na ílhpa k ak kíá okla vpa hé keyu ka chíhmi tok.

21. Yohmí má í kanomí vhleha hv́t haklo mvt, Tasímbo hoke, achí chí, hokla chí hosh okla ílhkolí tok.

22. Atuk o na-holíssochí vhleha Chelusalem mínti tuk

ash osh, Beelsevub ak o il ai ishi hosh, nan-isht-ahullo okpulo puta ka isht kocha weli hoke, achi tok.

23. Yummak ash o hoyo mvt, nan-isht-vlhpisa ho anum-pulit, Katiohmi kak osh Setan vt Setan a kohcha hinla cho?

24. Micha apelihika achvfa kvit it a kashapvt ilap ash inli it im i sanali hokmvt, apelihici achvfa yummak atuk vt talaia he keyu hoke.

25. Mihma chuka achvfa vt it a kashapvt ilap ash inli it im i sanal kmvt, chuka achvfa yummvt talaia he keyushke.

26. Mikma Setan vt ilapo inlit it a sanalit ahanta cha, it a kashapa hokmvt, kullot hikia he keyu, amba ont iksho ka he bano hoke.

27. Hatak nana ak osh hatak hlampko in chuka ya ont chukowa cha, im ilayak puta ka wehpula he keyu: vmona hak o hatak hlampko yak o takchi ho keyukmvt; amba yummak okmvt in chuka ya wehpula hinla hoke.

28. Ahli pulla ho hvchim achi lishke. Hatak puta nan im ai ashvchika yvt okluha, micha kaniohmit Chihowa ik ahobalot anumpuli a puta kvit i kashofa hi oke.

29. Amba kvna hosh Shilombish Holitopa yak o ik ahobalot anumpuli hokvto nitak nana i kashofa he iksho, amba issikkopvt bilia mak osh im vlhpisa hi oke, im achi tok.

30. Yummvt nan-isht-ahullo okpulo yo il ai ishi hoke, okla achi ha tok oka.

31. Yohmi ma itibapishi vhleha, micha ishki aiena kvit ai vla cha, kocha ya ont hiohmavvt, inla atohnot yummak ash pit hoyo tok.

32. Mihma okla laua vt a fuloblit binohmaya tok; yummak ash osh, Yakeh! chishki micha chitibapishi vhleha aiena kvit kocha hiohmaya hosh chi hoyoshke, im achi tok.

33. Mihma afalaminchit, Hvshki micha itibapishi li vhleha aiena kak osh kvta hoh cho? achi tok.

34. Mihmvt filemvt i bilikasi binohmaya kash pisa mvt, Hvshki micha itibapishi li vhleha aiena ka ho pesa.

35. Kvna hosh Chihowa nana aiahi ka yvmohmi hokmvt, yummak osh svtibapishi, micha an tek, mikmvt hvshki aiena mak oke, achi tok.

CHAPTA IV

Na hokchi nan isht v̄lhpisa; micha kaniohmi kak o Chisvs vt nan isht v̄lhpisa h̄o isht anumpuli, 1; 14 na hokchi isht v̄lhpisa yvt ato-kowvt annoa. 21 Krna hosh Chihowa im anumpa h̄a ithana hok-vto, ai ithana kv̄t inla ḡsha ka im av̄cha he tuk: 26 v̄banumpa hanta hatak chukv̄sh a fohka hokvt na-nihi yakni a holokchi yvm mak oka yakohmi hosh ahni keyu kia, offot mahayvt waya cha, v̄lmo ona chatuk a chiyuhmi hoke: 30 micha mv̄stvt nihi ak o it v̄lhpisa akinli. 35 Chisvs vt kocha umba, mahli kv̄llo ka im anum-pulit yukobli.

1. ATUK osh anonti okhvta lapalika ya nan ai im av̄ chit ahanta tok; yohmi ma okla chinto fehna kv̄t im ai ita-hoba: yohmi na yvmmak ash ot peni yo pit chukowa cha, okhvta paknaka yo binili ma; okla laua yash ot okhvta alaka ak inli h̄o maya tok.

2. Mihma nana ka lauachit nan-isht v̄lhpisa h̄o isht im abahanchi tok: mihmv̄t nan isht im av̄chi kv̄t;

3. Inta! ho haponakl̄o; na-hokchi vt na-hokcha ch̄i hosh ia tok oke.

4. Atuk o hokchi ma, yakohmi tok; kanimi kv̄t hina lap-alika yo kaha tok; yohmi tuk o v̄ba hushi, puta kv̄t ant v̄pvt tahli tok.

5. Mihma kanimi kv̄t tv̄li foka yakni ḡsha fehna keyu h̄o kaha tok; atuk osh yakni vt i s̄uko keyu hatuk okvt, chekosi fehna offo tok.

6. Yohmi kia hv̄shi vt kohcha ma, anakshv̄t hakshish vt iksho hatuk okvt, bv̄shit kv̄nia tok.

7. Mihma kanimi kv̄t kv̄ti foka yo kaha tok: atuk o kv̄ti vt offo cha, ai olv̄bi na ik wayo ki tok.

8. Mihma inlaka yvto yakni achukma yo kaha tuk osh, offot i shahlit mahayvt, v̄nit waya mv̄t, kanimi kv̄t pokoli tuchina ma, kanimi kv̄t pokoli hannali, anonti kanimi kv̄t tahlepa achv̄fa v̄nit waya tok.

9. Mihmv̄t, Krna hosh haksobish isht haponakla hi vt i hinlikmv̄t, haklashke, im achi tok.

10. Atuk o ilap banot ḡsha ma, yumma aiasha tuk vt

auali tuklo kash it apeha cha, nan-isht vlhpisa hash im a ponaklo tok.

11, 12. Huchishno ak okvto Chihowa apelihika nan ik otano ka hvsh ithana hi vt a hvchim vlhpisa hoke; amba kocha maya kak okvno pisa hokvno pisa kia ik ithano ka he: haklo hokvno haklo kia ik akostinincho ka he mak o, ilvppa puta kvv nan-isht vlhpisa ho ai im vlhtaha hoke: yvmmak keyukma nitak kanima ka chukvsh vt inlvv toba cha, nan im ai ashvchika puta kvv i kashofa hinla hoke, im achi tok.

13. Mihmvt, Nan-isht vlhpisa ilvppa hvch ik ithano cho? mih kvvto katiohmi hosh nan-isht vlhpisa puta moma ka hvsh ithvna hinla cho? im achi tok.

14. Na-hokchi vt vbanumpa hak o hokchi hoke.

15. Yohmikma kanima yo vbanumpa hvv a holokchikma, yakohmi kak osh ai itvnowa lapalika kaha mak oke: haklo tuk kia, chekosi mak inli ho Setan vt vlvv chukvsh im a holokchi tuk vbanumpa hash ishit kanchi hoke.

16. Yohmikma anonti, yakohmi kak osh tvli foka yakni a holokchi mak oke: yvmmak okvt vbanumpa ha haklo mvt, ashalika na-yukvvv ai okvvchi hoke.

17. Yohmi kia ilap hakshish vt ik im iksho, yohmi hokvt chekosi takla kak bano ho kvvllot hiohmaya hoke: atuk mvt vbanumpa pulla hatuk mak o nan ilbvsha, keyukmvt na-palvmmi kvv gshakma, chekosi mak inli ho ibetvvbli chatuk oke

18. Mikma yakohmi kak osh kvvti foka yo a holokchi mak oke.

19. Vbanumpa ha haklo; yohmi tukmvt yakni ilvppa nan isht im anukfila, micha nan in laua bvna kvv isht ashvchi, mikmvt nana inla puta ai anushkunna aiena kvv ibai alota cha, vbanumpa hash ai olvbit ishi na ik vno toba kak oke.

20. Mikma yakohmi kak osh yakni achukma a holokchi mak oke; vbanumpa ha haklo mvt, yvmmak ash yimmi cha, vnit wayvv, kanimi kvv achvfa tuk vt pokoli tuchinakma; kanimi kvv pokoli hannali; anonti kanimi kvv tahlepa achvfa ona hoke, im achi tok.

21. Mihmvt, Pula ha tanchi isht-vlhpisa nutaka, keyuk

mut topa nuta yokmá, nana hō talali cha, ai-ō hikia ik o hi-
iecho ka hi o toba hō ?

22. Nana kv̄t ik otano ka hi osh luma kv̄t ikshokma,
anonti nana kv̄t ik haiako ka hi osh luma tuk vt ikshc, amba
haiaka he ak o bano hoke.

23. Hatak nana hosh haksobish isht haponakla hi vt i
hinlikmut, haklashke, im achi tok.

24. Mikmut, Nana hv̄sh haklo kv̄t ahah! hv̄sh aiahnash-
ke: nan-isht vlhpisa nana hō isht hv̄sh apesa tuk mut, hv̄-
chishno vt isht hv̄chim vlhpisa hi oke; mikma na haponaklo
hv̄chia hoka i shahlit hv̄chim ibvlhta hi oke.

25. Kv̄na hosh ishi hokmut, mihi yosh im ibvlhta he,
mikma kv̄na hosh ik im iksho tuk ma, mihi yo ishi tuk ash
kia im ai isha hi oke, im achi tok.

26. Mihmut, Chihowa apelihchika yvt hatak osh na-nihi
o yakni anuka pit hokchi:

27. Yohmi cha ninak a nusit, nitak ma tahanikma, na-
nihi ash ot offot hofantit taiyaha ka, yakohmi kak osh ik
aiahno;

28. Yakni ak osh ilap inlit wayachi hoka: vmmona ka
vpi atuk mut, okshonli, yohmi ha mak osh waya chatuk.

29. Yohmi kia vni vt a lakna hokvno, ai-vmmo ona hatuk
oka, ashalka isht-vmmo isht iba chukowa chatuk ak o chi-
yuhmi hoke, achi tok.

30. Mihmut Chihowa apelihchika ya nanta hak o ohmi-
chit, nan-isht vlhpisa nanta mak o il ai itilauecha chi
cho?

31. Mustvt nihi yvmmak okvt yakni anuka a holokchi
kv̄t, na-nihi yakni paknaka moma ka iskitini kv̄t ik lauwo;

32. Yohmi kia holokchi mut, offot isht mahayvt, chito
kv̄t haiyukpulo moma imaiya ma, naksish vt hochitot fila-
mobli: yvmohmi na vba hushi puta kv̄t hoshontika nutaka
a nusi ka chiyuhmi hoke.

33. Mihmut ai akostinicha hinla ka, anumpa hash nan-
isht vlhpisa yvma chohmi ka lauachit isht ai anumpohonli
beka tok.

34. Amba nan-isht vlhpisa hō keyukmeno ik im anum-

pulo; micha ilapo banot maya hokma, nan im ai i'hvna vhleha ha nana moma ka achukmalit im anoli beka tok.

35. Atuk osh nitak yummak atuk vt ont opivt taha ma, yummak ash o, Misha tvnvp ak o pit keho hlopullí, im achi tok.

36. Mihma okla laua kash kanima pit yuhli mvt, yummak ash o peni fohka tuk vt moma na okla isht ia tok. Yohmi ma peni inla ak kia apehvt aya tok.

37. Atuk o mahli okpulo chinto kvv kocha: yohmi na oka banvtha kvv peni ash ai-issot pit vlpiphinta ma, polaka alota tok.

38. Mihma yummak ash osh nusi hosh peni asha ka pilla ho vlpishí on itonla tok: atuk o okla ont okhvli mvt, Nan ithvnanchi ma! pilla chí ka nan-isht chik ahno cho? im achi tok.

39. Mihma wakaya cha, mahli hash im alvmmít okhvta hash, Nuktanlvv lumvt ish talaiashke, im achi tok. Mihma mahli hvv issa na yokopa achukmvt talaiá tok.

40. Mihma, Na katihmi ho hvchi nukshopa fehna cho? na katihmi ho na-yimmi kvv ik hvchim iksho cho? im achi tok.

41. Yohmi ma okla nukshopa fehna mvt, Ilvppvt hatak katiohmi mak atuk a mahli, micha okhvta aiena kak kia im antia cho? im achit maya tok.

CHAPTA V

Chivv vt nan-isht-ahullo okpulo laua ho kohchichi, 1; 13 mikmvt shukha aya achvfa ho ont abeha chí ka im ahni. 25 Chivv vt ia cha ushetik a ont hlakoficha chí ho Chailv vt im asilhba: mihma ia tuk osh takla ya ohoyo issish ont ia isht abeka yo hlakofichi, 35 mihmvt Chailv ushetik vt illi tuk a falaminchit tanichi.

1. **ATUK** osh okhvta hash mish tvnvp pit tanvblit Katalenes yakni a okla ona tok.

2. Mihma yummak ash ot peni kohchvt ia kash o chekosí ma, hatak vt shilombish okpulo ai i foka hosh, yummak

okvt hatak illi aiasha ak o takla vttvt aya yosh hatak illi aiasha ya a kohchvt afama tok.

3. Yohmi ka yvmmak oka hatak nana hosh tvli itatakvli yoka isht takcha hi o keyu tok.

4. Yvmmak okvt iyi isht talakchi, micha tvli itatakvli aiena ka isht talahakchi kv, tvli itatakvli ya hokohlichit, anonti iyi isht talakchi a kobahlihinch; yohmi hoka hatak nana hosh yvmmak oka kostininha he keyu ya tok.

5. Mihma ninak, nitak moma ka nvnih foka, micha hatak illi aiasha aiena kak o vttvt ayvt bilia cha, yahayvt tvli puta ka isht ile boli beka tok.

6. Yohmi tok kia Chisvs vt mishema ho minti na pit pisv mvt, malelit ont aiokpvchit,

7. Chitoli hosh anumpulit, Chisvs, Chihowa nana moma imaiya Ushi chia ka nanta ho vno vt isht chi ahalaiia li cho? chik svlvshacho ka chi ka Chihowa pulla ho isht a chim apesa lishke, achi tok.

8. Yvmmak ash ot, Shilombish okpulo chia hv hatak yvma ish a kohchashke, im achi ha tok.

9. Mihmvt i ponaklot, Chi hohchifo hv nanta hoh cho? achi tok. Mihma afalaminchi mvt, Pi laua hoka, sa hohchifo hv Lechvn oke, achi tok.

10. Mihmvt yakni ashwa tuk ash a kohchit kanima pit ik tihlelo ka chi ka im asilhha fehna tok.

11. Yohmi ma yvma nvnih foka pit bilika ho shukha laua vt impa hosh maya tok.

12. Mihma nan-isht ahullo okpulo ash ot momvt im ilbvshvt, Shukha laua ak o pit ish pi on tihleli na yvmmak o ont il abehashke, achi tok.

13. Mihma Chisvs ash ot mih mak inli ho vhpesa im ahni tok. Yohmi ma nan-isht ahullo okpulo vhleha hash ot a kohchvt ilhkoli mvt, shukha laua yash ont abeha tok: mihma shukha laua yash osh, yvmvt tahlepa sipokni tuklo foka tuk osh, yihlepa fehvt sakti chaha yo okhvta ha pit ai oka kahvt oka ai illi tok.

14. Mihma shukha laua ya impvchit maya tuk ash ot yihleptv, tomaha, micha haiaka gsha tuk aiena ka ont okla

anoli tok: yohmi ma nana mak osh yumohmi tuk okma pisa chi hosh ilhkoli tok.

15. Atuk osh Chisvs a okla im ai ona mvt, nan-isht-ahullo okpulo ai i fokvt Lechvn il ai eshi tuk ash ot nafohka fohka cha, im anukfila mvt achukma hosh a sha na, okla pisa tok; mihmvt okla nukshopa tok.

16. Mihma okla pisa tuk ash ot nan-isht-ahullo okpulo ai i foka tuk vt im a kaniohmi hatuk; mihma sbukha laua yvt a kaniohmi tuk aiena kash okla im anoli tok.

17. Mihma i yakni a kohchvt aya hinla ka, yummak ash o okla im asihihla tok.

18. Yohmi na peni a ont chukowa ma, nan-isht-ahullo okpulo ai i foka tuk ash osh awant aya hinla kv im asilhba tok.

19. Yohmi kia Chisvs vt vhpesa ik im ahno hosh, amba, Chin chuka ia cha, Chitokaka yvt chi nukhaklo cha, na chinto febna ka a chim ataiyahli tuk a chi kanomi vhleha ha ish im anolashke, im achi tok.

20. Mihma filummit ia mvt, na chinto nana mak o Chisvs vt im a tahli tuk a Tekapolis a ai anohonli tok. Yohmi ma okla momvt nukhlakancha tok.

21. Mihma Chisvs ash ot peni fohka cha okhvta in tvn- nvp ash inli ho pit tanvbli ma, okla laua hosh im itahoba tok; mihma okhvta pit bilika ho anta tok.

22. Mihma sinakak apesvchi vhleha achvfa Chailvs hoh- chifo hosh vla cha, yummak ash ant pisa mvt, iyi ituma ya hlipvt,

23. Im ilbahasha fehvt, Svso tek iskitini vt illi mak osh itonlvshke: ish ona cha, hlakofa he mak o chibbak a ont isht ish umbitepa hokbano chim ahni lishke: yohmikma okchaya he banoshke, im achi tok.

24. Mihma Chisvs vt awant ia tok: mihma okla laua kv a hahlhinchit apehvt aya tok.

25. Atuk o ohoyo achvfa hosh yummvt issish ont ia vbi tok a afvmmi auah tuklo;

26. Yohmi hatuk o alikchi lava ka nan isht i palvmmi ai im a pisvt, nana im a sha tuk vt moma kampilvt tahli; yohmi

kv̄t achukma hi vt iksho, amba okpulo kv̄t i shaht ia bano tok.

27. Atuk osh Chisvs a haklo mvt, okla itakantvli ka asha ka imma yo ont chukowvt, im anchi ya ont potoli tok.

28. Yohmi kv̄t im anchi ak illa ho ont ak potoli kia, sa hlakofa hinla hoke, ahnit im anukfila hatuk osh.

29. Mihma issish a mitafa yash osh ashalika sbipa tok: mihma ililli yummak atuk a a hlakofi kv̄t ilap haknip anuka ak inli ka isht akostininchi tok.

30. Mihma Chisvs ash osh isht-a-hlakofi vt im a kohcha kv̄t mih-makinli ho akostininchi hatuk osh, okla laua itintakla ash a filemvt, Kv̄ta hosh vm anchi ya potoli cho? achi tok.

31. Mihma nan im ai ithvna vlbeha hv̄t, Okla laua hv̄t chi a kantv̄lit kv̄nia ka ish pisa kv̄t, Kv̄ta hosh sa potoli cho? ish achi há cha, im achi tok.

32. Mihma yv̄mma yv̄mihchi tuk ash o pisa bv̄nna kv̄t filemoa tok.

33. Yohmi ma ohoyo hash osh nana kv̄t ai i kaniohmi tuk vt ithana hatuk osh, nukshopvt wv̄nihinchi hosh vlvt, itikba ya ant hlipia mvt, ai aghi mak o im anoli tok.

34. Mihma yv̄mmak ash osh, Suso tek ma! na chi yimmi yak osh chi hlakofichi hoke; nuktaiyalvt, micha ililli hatuk a ai i hlakofit ish ayashke, im achi tok.

35. Anumpuli kv̄t isht anta moma na kaniohmi kv̄t sinakak apesvchi in chuka minti hosh ai vla mvt, Chiso tek vt illishke; na katihmi ho nan-ithvnanchi a ish im ahchibali na himak a cho? achi tok.

36. Chisvs vt anumpa hv̄t anumpa na haklo makinli hosh, sinakak apesvchi ash o, Chi komunta ná; amba na chi yimmi kak illashke, im achi tok.

37. Mihmvt hatak nana kia apehv̄t aya hi a ik ahno mvt, amba Pita, micha Chemis, mikmvt Chemis itibapishi Chan aiena kak illa tok.

38. Atuk osh sinakak apesvchi in chuka ash vla mvt, okla yahapa, micha nishkin okchi minti, mikmvt chitolit yaiya fehna aiena hosh maya na pisa;

39. Yohmi cha pit chukowa mvt, Na katihmi hō yakohmi yahapvt, yaiyvt hvsh aiasha cho? ohoyo himita vt illi hō keyu, amba nusi hoke, im achi tok.

40. Mihma ishit yopulvt olvli tok. Yohmi kia yummak ash o mominchit kocha welit tahli mvt, ohoyo himita iki micha ishki itatuklo, mikmvt apehvt aya tuk ash aiena hō pehlichī cha, kanima ohoyo himita vt ai itola kash pit chukowa tok.

41 Mihmvt ohoyo himita yash ibbak a ont halvli mvt, Talihla kumi, im achi tok; yummvt toshowa kv, Ohoyo himita ma! tani, chim achi lishke, achi hoke.

42. Yohmi ma ohoyo himita yash ot ashalika tani cha, nowa tok, vta tok afvmmi auah-tuklo hatuk okvt. Yohmi ma nukhlakancha chinto fehna okla nukhlakancha tok.

43. Yohmi ma yummak oka hatak nana kia ik akostinicho ka hi a i miha tok; mihmvt nanasi kia i hoyo na impa hinla ka miha tok.

CHAPTER VI.

Chisvs vt vbanumpa isht anumpohonli: yohmi ma im ai okla achvfa yvt kanimanchi, 1. 7 Vbanumpa isht anumpula chi ka im anumpe-shi auah-tuklo ka pit tihleli mvt, nan-isht-ahullo okpulo puta imaiya chi ka im apesa. 14 Helot vt Chan a aboha kvllo fohki; atuk osh tekchi ash osh anukfohkichi hō, noshkobo tvbli tok. 30 Im anumpe-shi vhleha hv falamvt Chisvs a im ai ona: 34 Chisvs vt hatak tahlepa sipokni tahlapi hō nan im avchit abanta mvt, pvska lumbo tahlapi, micha hvni tuklo aiena tuk a okla hā impvchi.

1. ATUK osh yummak ash vttvt ia mvt, ilap i yakni ash mli hō ona; yohmi ma nan im ai ithvna vhleha hv apihvt aya tok.

2 Atuk o nitak-hullo nitak ai ona ma, sinakak anukaka yo nana ai ithvnanchi tok; mihma yumma haklo mvt, lauvt nukhlakancha mvt, Katima yak o hatak ilvppvt na yakohmi ka ai ithaiyana tuk o? mikma isht a hopoyuksa ilvppvt nanta hokak osh yummvt anukfohka tuk o, nafehna yakohmi puta kv ibbak atuk ma isht ai yvmohmi cho?

3. Ilvppvt Meli ushi, Chemis micha Choses, mikmvt Chuta anonti Saimon aiena ka itibapishi chuka ikbi yash keyu hō? mikma in tek vhleha mvt ilvppa pi takla maya keyu hō? achi tok. Mihmvt yummak ash o okla isht ai ibetvbli tok.

4. Yohmi kia Chisus ash ot, Hopaii vt ik holitopo hosh ahanta keyu kia, amba ilap i yakni ak inli, micha i kanomi vhleha, mikmvt in chuka-chufa aiena takla ahantak mak bano chatuk oke.

5. Mihmvt yummak oka na-fehna nana ka ik ai yvmihcho ka hi vt ahni tok: amba hatak abeka kaniohmi kak illa hō ibbak isht umbitepvt hlakofichi tok.

6. Mihmvt okla na yimma he keyu kak oka, okokko! aiahni tok. Mihmvt tumahushi taloha ka fullokvchit ayvt nan-ithvnanchi tok.

7. Atuk osh auah-tuklo kash o hoyo cha, tuklo aiyukachit kanima pit tihleli mvt, nan-isht-ahullo okpulo vhleha ha ai imaiya he mak o im apesa tok;

8. Mihmvt itvnowvt aya kvv nana kia isht ik ayo, amba tvbi ak illa he; bahta vt iksho; pvska mvt iksho; tvli hollisso kia i shukcha ya ik foko ka he;

9. Amba shulush ak o honla he; mikmvt nafohka lumbo tuklochit ik fohko ka chi hō im apesa tok.

10. Mihmvt peh kanima yo aboha ya ont hvsh chukowakmvt, yummak o hvsh ai ahashwa tuk osh a kohchvt hvsh ayashke.

11. Mikma kvna kia ik hvchi aiokpacho, micha ik hvchi haponaklo aienakma, yummak ash a kohchvt hvsh iakmvt, nan-isht im atokoli mak o hvchi iyi putha nuta hituk tohbi asha ka hvsh tahtolashke. Ahli mak o hvchim achi lishke, Nan-vlhpisa chinto nitak ma Sotom micha Komola aiena kvto pit im vlhpisa kvv tumaha yummak atuk a i shahla hi oke im achi tok.

12. Mihma ilhkoli mvt, hatak puta kvv ile kostinicha he ak o isht anumpohonli tok.

13. Michā nan-isht-ahullo okpulo a lauachit kocha weli mvt, anonti abeka yatuk ash lauachit bila isht a hvmmichit hlakofichi tok.

14. Mihma miko Helot vt yumma pit haklo, (hohchifo kv̄t kanima annoa kv̄t a mominchi hatuk oka;) mihmvt, Chan Baptist vt illi tuk vt tani hoka: yohmi hatuk ō nafehna puta kv̄t yummak ash ō ai isht il otvnihinchishke, achi tok.

15. Kanimi kv̄to, Elias ak oka, achi ma: kanimi kv̄t Hopaii oka: keyukmvt hopaii v̄hleha ha tok achvfona ma chohmi hoka, achi tok.

16. Yohmi kia Helot ash ot yumma haklo mvt, Chan noshkobo tv̄bli li chash oka: illi tuk vt tani hoke, achi tok.

17. Helot vt itibapishi Filip ā tekchi, Helotias ak atuk pulla mak ō, ilap inlit pit on tihlelit, Chan ā ish̄it takchi mvt, aboha kv̄llo fohki tok: yummak oka itauwaya tuk okvt.

18. Chan vt Helot ā, Chitibapishi tekchi ā ish̄ itauawaya hi ā chim v̄lhpesa keyu hoke im achi tuk a tok.

19. Yohmi hatuk ō Helotias vt yummak ash ō ī nukkilli cha, v̄bi ka ahni; yohmi kia na kanihma he keyu ki tok.

20. Helot vt Chan yummak okvt hatak ai v̄lhpiesa, micha ai ahli achukma hoka ithana hatuk osh, holitoblit nan ik ī kanihmo ka hi ā ahni tok; mihmvt yummak ash im a haponaklot, nana ka lauachit ai yumohomi, mihmvt na yukvt ī haponaklo beka tok.

21. Atuk osh ont ai v̄lhpiesa nitak vt-ai ona ma, Helot vt ilap ai v̄tta tok nitak ō ī hochitoka v̄hleha, kv̄pitv̄ni hochito, mikmvt Kalili ī holitompa v̄hleha aiena ka opiaka impa im ikbi tok.

22. Atuk ō Helotias yummak ash ushitek vt ant chukowa cha, hibla ma, Helot micha apehvt binohmaya tuk aiena kash ot na-yukpa ma, miko yash ot ohoyo himita ash, Peh nana hō ish̄ ahni cha is sv̄m asilhhakma, chima lashke, im achi tok.

23. Mihmvt anumpa kv̄llo im isht il ai onochit peh nana hō is sv̄m asilhhakma, apehliechi li iklv̄nna hatuk ik nana kia, chima lashke, im achi tok.

24. Mihma yummak ash ot kohchvt ia mvt, ishki ash ō,

Nanta hak o asilhha la chi cho? ont im achi ma, yummak ash osh, Chan Baptist noshkobo hak o', achi tok.

25. Mihma tushpvt chekosi makinli ho ont chukowvt, miko ash im ona mvt, Chekosi mak o, Chan Baptist noshkobo yosh ampo fohka ho, is soma he ak o ahni lishke, achit im asilhha tok.

26. Mihma miko ash ot nukhaklo fehna tok: yohmi kia ilap vt anumpa kullo ikbi tuk pulla, micha apehvt binohmaya hatuk pulla mak o ik im ai ghlo ka hi g ik ahno ki tok.

27. Mihmvt miko ash ot ashalika nan-atonu pit chvffichi mvt, noshkobo ya isht vla hi g im apesa tok; mihma ia mvt, aboha kullo anukaka akinli ho noshkobo ya ont a tvbli tok.

28. Mihmvt noshkobo hash ampo fohkit isht vla cha, ohoyo himita yash o ima na, ohoyo himita yash ot ishki g ont ima tok.

29. Yohmi ma nan im ai ithvna vhleha hash ot yvmma haklo mvt, okla ai vlvv illi haknip ash ishit, hatak illi aiasha yo bohli tok.

30. Mihma anumpeshi vhleha hash ot Chisvs g ant im ai itahoba cha, nana ka a kanihmi tuk, micha nan avvchi tuk puta ka mominchit im anoli tok.

31. Mihma yummak ash o, Hvchishno banot filvmmitt haiaka oh ia cha, chekosi takla ka mavvt ho fohá, im achi tok; lavvt ai ahanla ma, anonti ilhkohonli aiena hatuk o, peh maya cha impa kak kia impa he keyu chohmi tok.

32. Mihma lumvt peni pit vlhto cha, a haiaka ka pit ilhkoli tok.

33. Mihma ilhkoli ka okla pisa ma, anonti ithana kvv lau tok: micha tvmaha puta ka a kohchvt aka itvnowa hosh yummak ash pit yihlepa tuk osh, yummak ash o imaiya cha, ont im itvnaha tok.

34. Atuk o Chisvs ash ot ont kohcha cha, okla lau fehna ho pisa mvt, chukvvlhpoba yosh apesvchi iksho ho itilau hatuk o i nukhaklo tok: mihmvt himona nana ka lauvchit im avvchit isht ia tok.

35. Atuk o nitak ash ot ont shohba hosi ma, nau im ai ithvna vhleha hash osh im ai ona mvt, Ilvppak okvt yakni haiaka, anonti nitak mvt shohbit mahayvshke.

36. Kanima pit ish tihleli na yakni auet i bilika tumahu-shi puta ka itvnowvt, nana vpa hi vt ik im iksho hatuk okvt, pvska okla chumpashke, im achi tok.

37. Mihma, afalaminchi mvt, Ilimpa ha oh ipeta, im achi tok. Mihma, Ivt pvska iskvli tahlepa tuklo ai vlbi o ont e chumpa cha, ilimpa ha il ipeta chi hoh cho? im achi tok.

38. Mihma, Pvska katohmi ho hvsh ishi ho? ont ho pesa, achi ma; okla pisa mvt, Tahlapi cha, nvni tuklo hosh aienvshke, achi tok.

39. Mihma it a kvshkolit mominchit hvshuk okchaki ya ai o binohliha chi ka, im apesa tok.

40. Mihma tahlepa achvfa, anonti pokoli tahhapi, yohmit it a kvshkovt binohli tok.

41. Mihma pvska tahlapi, micha nvni tuklo aiena kash o ishi cha, vba pit chakalit aiokpuchi mvt, pvska yash tushalichi cha, okla ha in talohla chi ho, nan im ai ithvna vhleha hash o ima tok: mihmvt nvni tuklo kash o okla mominchit in tushtuli tok.

42. Yohmi ma momvt impvt okla kaiya tok.

43. Mihma boshulli vt nvni pit aiena kv kishi auah-tuklo no ishi tok.

44. Yohmi ka pvska ya okla vpa tuk vt hatak tahlepa sipokni tahlapi foka tok.

45. Mihma ilap vto okla ha kanima pit tihlelit anta takla ma, nan im ai ithvna vhleha hash osh peni pit vlhto cha, tikba ivt mish tvnvp Betsaita okla ona chi ka, mih makiiali ho i miha tok.

46. Atuk osh okla hash kanima pit tihleli mvt, vba pit anumpula chi hosh nvni chaha yo pit oiya tok.

47. Atuk o ont opivt taha ma, peni ashot okhvta iklvna ya aya ma, ilap bano hosh haiaka ya anta tok.

48. Atuk o mahli ak osh a sanali hatuk o peni mofi kvlllo fehvvt aiasha na pit pisa tok: atuk osh ninak isht vlpisa

ont ai ushta foka hō okhvta paknaka yā a nohōwt, ayvt im ona, yohmi kv̄t ont ia hi ā aiahni tok.

49. Yohmi kia yv̄mvt okhvta paknaka yā a nohōwt gya-na okla pisa mvt, shilup atuk q̄ okla im ahoba mvt, tah-pv̄la tok.

50. Momvt okla pisa hatuk osh komunta ha tok. Mihma ashalīka pit im anumpulit, Hv̄chi nuktanla achukmashke. Uno ash sia hoke, hv̄chi nukshopa ná, im achi tok.

51. Mihmvt peni ash ont ibachukowa ma, mahli hash osh issa tok: mihma okla nukhlakan̄cha atampa fehna mvt, okokko! aiahni tok.

52. Yohmi kv̄t okla ak osh ch̄kv̄sh kullo hatuk osh, puska yatuk ash okla pit ik anukfillo kak a tok.

53. Atuk osh yv̄mmak ash pit tanv̄blit Kenesalet yakni ā okla ai v̄la mvt, v̄hli hā ont ataiyuli tok.

54. Mihma peni ash okla a kocha wiha ma, mih makinli hō yv̄mmak ash okla pit ithana tok.

55. Mihmvt yihlepvt yakni auet a bilika ka mominchit hlopullit ayvt, abeka puta tuk ash topa onochit sholit, yv̄mmak ash osh kanima yō anta na haklo mvt, isht itv̄nowa tok

56. Mihmvt tv̄mahushi, okmá, keyukmvt, tv̄maha chito yokmá, yakni kocha yokmá nana p̄eh kanima yō ona hoka, abeka yā okla ai itv̄naha yā ashachi mvt, yv̄mmak ash q̄ im ilefoka ā aposhokv̄chi ak oh kia okla potola hinla ka, okla im asilhha tok: mihma yv̄mmak ash okla potonli aiyuka hokv̄to, momvt hlakofi tok.

CHAPTER VII.

Chisvs nan im ai ithv̄na v̄hleha hv̄t ibbak ik abchifo hosh isht impa ka.

Falisi v̄hleha hv̄t nan isht mihachi, 1; 8 mihma ilap ak osh anumpu kochanli nan v̄lh̄pisa tikba in tonla cha, Chihowa i nan v̄lh̄pisa hā isht kobv̄ffi hatuk ā Chisvs vt atokolit im anoli: 14 yohmi kv̄t nana hosh hatak ch̄kv̄sh ā a kocha ilv̄ppak osh hatak ā okp̄eni hoke, achi, 24 Chisvs vt Silofenisian ohoyo ushetk ā hlakofichi mvt; 31 hatak vt ik haponaklo, micha anumpuli anuktuklot aiena tuk a. hlakofichi.

1. **YOHMI** ma Falisi vhleha, micha na-holissochi ka nohmi Chelusalem minti tuk aiena kv̄t ant im ai itahoba tok.

2. Atuk osh nan im ai ithvna vhleha kanimi kv̄t, ibbak liteha yo, yummvt ibbak ik ahchifo kak o miha, pvska isht vpa hosh maȳa na pisa mvt, nan isht a mihachi tok.

3. Yohmi kv̄t Falisi vhleha, micha Chu okla moma aiena kv̄t in tikba vhleha nan im vlpisa halanli fehna hatukosh achukmalit ibbak achifa ha yo keyukmvt, impa keyu beka tok.

4. Mihmvt ilhpak ai-itatoba mintit vla kv̄t, ibbak achifa ha yo keyukmvt, impa keyu beka tok. Michā nana inla ishtishko, micha ampo, mikmvt asonak lakna, anonti aiimpa achifa aiena ka a puta chohmi nan-isht-a hullocha he im vlpisa tok vt lauvt asha hoke.

5. Yohmi mvt Falisi vhleha, micha na holissochi vhleha aiena kash osh, i ponaklot, Na katihmi hō na chim ai ithvna vhleha hv̄t pin tikba vhleha nan im vlpisa ya ik halanlo hosh, amba ibbak vt ahchifa keyu hō pvska isht vpa cho? achi tok.

6. Mihma afalaminchi mvt, Nan ilahobi hvchia hā vlpisesa hō tikbanli Esaias vt isht hvchi anohonli tuk vt, okla ilvppvt iti-vlbi yokvno isht sa holitobli kia, chukvsh okvto auet a hopakishke.

7. Yohmi kia nana avchi kv̄t hatak i nan-vlpisa yo ithvnanchi hokvt, nana vlpesa hi o keyu hō okla si aiokpachishke, achit holissochi tok.

8. Yohmi kv̄t Chihowa i nan-vlpisa hoka naksika pit hvsh bohli cha, hatak i nan-vlpisa, ampo, micha ishtishko aiena achifa hō hvsh halanlishke; yohmikmvt nana yvma ai itilau ka hvsh a yvmohmi kv̄t lauvshke, im achi tok.

9. Mihmvt hvchishno hvchi nan vlpisa ya hvsh ai ahlichā chī kv̄t, Chihowa i nan-vlpisa ya aiahli hosh hvsh shitalmushke.

10. Moses okvto, Chiki, micha chishki aiena ka ish holi-toblashke: yohmikma, Kvna hosh iki okmá, keyukmvt ishki

okmá, nana h_o shítilemvt na mihachikmvt, illi mak o illi pullashke, achi tok.

11. Yohmi kia hvchishno. vto, Hatak vt iki, keyukmvt ishki okmá nana kash o vm isht ish ai yukpa he tuk a Kolban oke, yvmma achi hokmvt, vba-isht aiokpvchi isht vlpisa hoke, achi mak okvt nan ik i kanihmo kashke, hvsh achi ;

12. Yohmikmvt himmakma iki, ishki ita tuklo ka nana kia isht im vtta hi a hvch ik im ahnot,

13. Hvchin tikba vhleha i nan-vlpisa isht hvsh avchi pulla hosh Chihowa im anumpa ha hvsh akshochishke ; micha nana yvmma ai itilau ka a hvchi yvmohmi kvv lau- vshke, im achi tok.

14. Micha okla hash mominchit hoyot itahobit taiyahli mvt, Hvsh moma kvv hvs sa haponaklot, hvsh akostinin- chashke.

15. Nana hak osh kocha mayvt hatak a itih fohka kvv, okpvna hi vt ikshoshke : amba nana kvv a kohcha hokvto, yvmmak osh hatak a okpvni hoke.

16. Hatak nana hosh haksobish isht haponakla hi vt i hinlikmvt, haklashke, im achi tok.

17. Atuk o okla aiasha kash vttvt aboha ont chukowa ma, nan im ai ithvna vhleha hash osh nan-isht vlpisa kash isht im a ponaklo tok :

13, 19. Mihma, Hvchishno ak kia na hvch ik akostinin- cho fehna akinli h_o ? peh nana hosh kocha mayvt hatak a itih fohka kvv okpvna he keyu, chukvsh ak o pit chukowa h_o keyu hokvt, amba takoba yak o ont chukowa tuk mak osh, anonti a hlopulli kvv ilhpak moma ka ai it im vlpes- vchi ka hvch ik akostinincho cho ? achi tok.

20. Mihmvt, Nana kvv hatak a a kohcha yvmmak osh hatak a okpvni hoke.

21. Hatak haknip anuka chukvsh ak o im anukfila okpulo havi puta, ohoyo ik im iksho, micha hatak ik im iksho in lumaka :

22. Hatak bika vbi, hukopa, inla nan im anushkunna, nan i nukkilli, haksichi, havi anukfohka, nishkin isht ik ai

vlhpeso, Chihowa ik ahobalo, ilefehuvchi, im anukfila iksho puta kv̄t a kohcha hoke.

23. Nan ik vlhpeso ilvppa puta moma kv̄t anukaka yak ō asht kohcha hosh hatak ā okp̄ni hoke, achi tok.

24. Mihmvt yummak ash asht wakaya mvt, ivt Taia micha Saiton aiena yakni vhli h̄a ona cha, aboha ont chukowa mvt, hatak nana kia ik akostinincho ka hi ā ahni tok; yohmi kia kaniohmit luma he keyu ki tok.

25. Ohoyo hv̄t ushetik himita vt na shilombish okpulo ai ī foka hatuk ō, yummak ash pit haklo mvt, onvt iyi ituma yā hlipia tok oka.

26. Ohoyo hv̄t Klik osh Silofenisian im okla ai achufa a tok: mihmvt ushetik ā na-shilombish okpulo ā ai ishit ī kohcha hinla ka yummak ash ō im asilhha tok.

27. Yohmi kia Chisvs vt, Ulla vhleha ak osh tikba kaiya ha yō; vlla vhleha ī pvska yā ishi cha ofi puta ka pit ī pila he vlhpesa keyu hoka, im achi tok.

28. Mihma afalaminchi mvt, Ahlishke Chitokaka ma! yohmi kia ofi puta kv̄t ai impa nuta yā vlla vhleha im pvska boshulli yak ō ai vpa chokvmo, im achi tok.

29. Mihma yummak ash ō, Anumpa ilvppa pulla hatuk mak ō ish iashke; chiso tek ā nan-isht-ahullo okpulo vt a kohcha hoke, im achi tok.

30. Atuk ō ilap in chuka yash ona mvt, nan-isht-ahullo okpulo vt a kohcha tuk ō, ushetik ash osh topa paknaka itonla na ont pisa tok.

31. Mihma anonti Taia micha Saiton itatuklo yakni ash issvt ia mvt, Tekapolis yakni ā iklvna hlopullit ayvt Kalili okheta h̄a ona tok.

32. Mihma achufa hosh ik haponaklo, micha anumpuli anuktuklo aiena hatuk ō yummak ash isht im v̄la; yohmi mvt yummak ash ō ibbak ā isht umbitepa hinla ka, okla im asilhha tok.

33. Mihma yummak ash ō okla laua yā a kohchit nak-sika isht ona cha, haksobish ā ibbak ushi pit hiohlichy mvt tofa cha, isunlvsh a pit halelichy tok.

34. Mihmut, pit vba chakalit pisa mut, hijvt, Effahlá, im achi tok: yvmmut ish tiwashke, achi hoke.

35. Mihma yvmmak ash osh ashalika haksobish vt wakama ma, anonti isunlvsh isht talakchi vt yuhapa na kohchi achukmut anumpuli tok.

36. Yohmi ma hatak nana kia okla ik im anolo ka chi ka, im apesa tok. Yohmi kia i shahlichit im apesa kak o, anonti okla anoli kvv isht i shahli fehna tok.

37. Mihmut nukhlakancha kvv atampa fehna mut, Yvmmak okvt nan okluha kvv vlvpesa bano hq yvmihchishke: ik haponaklo atuk a haponaklochi mut, anonti ik anumpulo atuk a anumpuli ikbishke, achi tok.

CHAPTA VIII.

Chisvs vt pvska lumbo untuklo, micha nvni chipunta kanomosi aiena tuk a hatak tahlepa sipokni ushta impvchi, 1; 11 Falisi vhleha hq nan isht ai atokowa ya i haiakvchi ik bvnno; 14 mihma nan im ai ithvna vhleha hvv Falisi vhleha, micha Helot aiena i na-pvska ishit-shatvmmi a ahah! okla im ahna chi ka i miha. 22 Betsaita ya hatak lvpa yvt anta tuk o, Chisvs vt hoaponayochi. 27 Pita yvt, Chishno ak osh Klaist chia mak oke, atokolit achi ma, Chisvs vt im aiokpanchi; ilap ak o il im antia hosh ile kaiyanchit nana palvmmi puta ma e pihisa chi hokvto ik pi nukwaiyo ka hi a, Chisvs vt pim abahanchi.

1. NITAK yvmma foka ma okla hvv laua fehna, micha vpa hi vt nanasi kia ik im iksho ma, Chisvs ash osh nan im ai ithvna vhleha hash hoyo mut,

2. Okla laua vt si apehvt maya na himak nitak tuchina ka nana vpa hi vt ik im iksho hatuk o, i sa nukhakloshke.

3. Yohmi kvv okla ik impo hq in chuka ya pit yuhli li hokma, kanimi kvv mishema hq minti hatuk okvt, takla tikamba hinlvshke, im achi tok.

4. Mihma nan im ai ithvna vhleha hash osh, Yakni haiaka ilvppa katima yak o hatak vt pvska ya ai ishi hosh okla ilvppa fihobla hinla hq? im achi tok.

5. Mihma i ponaklot, Pvska yvt katohmi hq hvsh ishi hq? im achi ma, Untukio. achi tok.

6. Mihma okla hvt binohla chi ka apesa tok ; micha pvska untuklo kash ishi cha, vba pit aiokpvchi cha boshullichi mvt, okla ha itikba in talohla chi ho nan im ai ithvna vhleha hash ima ma, yvmmak ash osh okla hash itikba in talohli tok.

7. Michi nvti chipunta kanomosi ka okla isht aya tok ; atuk o yvmmak ash o vba pit isht aiokpvchi mvt, yvmmak-ma itikba in talohla chi ka apesa tok.

8. Yohmi na okla impvt kaiya tok : mihma ilhpak boshulli atampvt aha ka kishi untuklo ho okla ishi tok.

9. Mihma okla impa tuk vt tahlepa sipokni ushta foka tuk a tok ; yohmi ma okla hash kanima pit yuhli tok

10. Mihmvt ashalika nan im ai ithvna vhleha hash it apihvt peni pit fohkvt ia mvt, Talmanuhla yakni a kaniohmi ho ona tok.

11. Mihmi Falisi vhleha hvt ayvt ai vla cha, imomaka pisa hosh, nan isht ai atokowa vba minti ka okla ai im a hoyo hosh himona isht it im anumpulit aiasha tok.

12. Mihmi chitolit chukvsh ai anukaka hiha mvt, Na katihma ho hatak himonasi aiasha ilvppvt nan isht atokowa ya okla hoyo cho? Ahli mak o hvchim achi lishke, Hatak himonasi aiasha ilvppa nan-isht atokowa nana hosh in takala he keyu mak oke, im achi tok.

13. Mihmvt issvt ivt, peni ash o anonti chukowa mvt, mish-tvnnvp o ia tok.

14. Mihma nan im ai ithvna vhleha hvt pvska okla isha he tuk vt immihaksi, yohmi mvt peni a foka kv pvska achvfa ka ont ia keyu ho okla isht aya tuk a tok.

15. Mihma yvmmak ash osh achukmalit nan i mihvt, Falisi vhleha i pvska isht-shatvmmi, micha Helot i pvska isht-shatvmmi aiena ka im il anuktahlvt ahah! ahnit hvsh pihisashke, achi tok.

16. Mihma ilap bika it im anumpulit, Pvska vt ik pim iksho kak oka, achi tok.

17. Mihma Chisvs vt akostininchi mvt, Na katihmi ho pvska vt ik hvchim iksho kak atuk a hvsh miha cho? hvch ik akostinincho, mikmvt hvch ik ithano aiena kvt moma ho? hvchi chukvsh vt kullo kvt moma ho tuma!

18. Hvchi nishkin vt asha kv̄t hvch ik peso cho? micha hvchi haksobish vt hinli kv̄t, hvch ik haponaklo hō? mikmvt hvch ik ithano cho?

19. Pvska tahlapi hō hatak tahlepa sipokni tahlapi ka in tushahlichī li ma, boshulli vt kishi alota katohmi hō hvsh ishi ha tok o? im achi ma, Auah-tukló, okla achi tok.

20. Anonti tahlepa sipokni ushta ma, untuklo tuk g a boshulli vt kishi alota katohmi hō hvsh ishi ha toko? achi ma, Untuklo, im achi tok.

21. Yohmi ma, Katiohmi hō na hvch ik akostinincho boh cho? im achi tok.

22. Atuk osh Betsaita v̄la; yohmi ma hatak lv̄pa yō okla isht im ona mvt, yvmmak ash potola chī ka im asilhha tok.

23. Mihma hatak lv̄pa yash o ibbak g halvli cha, tmaha hā ishit kohcha; yohmi mvt nishkin g im on tofa cha, ibbak g isht umbitepa mvt, Nanasi kia ish pisa cho? achit i ponaklo tok.

24. Mihma v̄ba chakali mvt, Hatak vt iti yak o chohmi hokak osh itvnowa hō pisa lishke, achi tok.

25. Yohmi ma anonti nishkin ash o ibbak isht umbitepa mvt, v̄ba chakalichi tok: mihma hlakofi cha, hatak moma ka pisa achukma tok.

26. Mihma in chuka pit chv̄ffichi mvt, Tvmaha hā ont chik chukowokmvt, anonti tmaha asha ka achv̄fona kia chik im anolo kashke, achi tok.

27. Mihmvt Chisvs vt nan im ai ithv̄ua v̄hleha hā ai itapehvt kohchvt ivt, tmaha Sesalea Filippi yā ona tok: mihmvt takla yā nan im ai ithv̄ua v̄hleha hash i ponaklot, Okla hvto kv̄ta sia hō miha cho? im achi tok.

28. Mihma afalaminchi mvt, Chan Baptist; yohmi kia kanimi mvt, Elias ak o achi; kanimi kv̄to Hopaii v̄hleha ha tok achv̄fona mak oka, achi hoke, achi tok.

29. Mihma, Amba hvchishno vto kv̄ta hō hv̄s si achi hō? im achi ma, Pita yvt afalaminchi mvt, Chishno ak osh Klaist chia mak oke, im achi tok.

30. Mihma yvmma hatak nana kia ik im anolo ka chī ka kv̄llochit i miha tok.

31. Mihmvt Hatak Ushi vt nan-isht ai ilbvsha in laua chi micha hochitoka vhleha, mikmvt na-holitompa isht gsha pehlichy vhleha, anonti na-holissochi vhleha aiena ka ai im a kuliakshit illa he; atuk mvt nitak atuchinakma anonti tana hi a isht im avuchit isht ia tok.

32. Mihmvt anumpa yummak ash o haiakvchit anumpo honli tok. Mihma Pita yvt halulli cha, im alvmmmit isht ia tok.

33. Yohmi ma yummak ash osh filemvt nan im ai ithvna vhleha hash pisa mvt, Pita yash im alvmmmit, Setan chia hvv vm ashaka yo ish hikiashke: chishno vto Chihowa ai im anukfila hano ish ahninchy keyu, amba hatak ai im anukfila yok mak oka, achi tok.

34. Mihmvt okla ha, micha ilap nan im ai ithvna vhleha aiena kash hoyot itvnahli mvt, Kvna hosh siakaiyvt aya chikmvt, ik ile holitoblott im ititaiyukhvna ma sholi cha, siakai yashke.

35. Kvna hosh ilap im ilhfiopak a okchalinchi ka ahni hokvt i kvnia he; amba vno pulla, micha vbanumpa aiena pulla ho kvna hosh im ilhfiopak a kanchy hokvto, mihi yosh okchalincha hi oke.

36. Hatak vt yakni a mominchit immi ikbi hoh kia, anonti ilap im ishilombish ash osh i kvnia kvv, nanta ho isht im ai achukma hinla cho?

37. Keyukmvt, hatak vt nanta hak o ilap shilombish a isht atobba hinla cho?

38. Yohmi hoka havi shahli, mikmvt nan-ashvchi fehna aiena aiasha ilvppa kvna kia vno, micha vm anumpa aiena ka ai i hofahya atukma, mihi yo Hatak Ushi vt Iki im aholitopa il ai ishit, enchil holitopa vhleha aiena pehlichit ayvt vlakmvt, i hofahya ak inla hi oke, im achi tok.

CHAPTER IX.

Chisvs vt nvnih chaha oiyvt pakna ont hikia mvt inlvv toba, 1
11 mikmvt Elias vt vla he achi chatuk a, Chan Baptist ak osh mik
mak atuk o anoli; 14 mihmvt hatak achvfa hosh shilombish ok

pulo anukfobka kv̄t ik haponaklo, micha anumpula he keyu ka aiena tuk o hlakofichi; 30 mihmvt ititaiyukhona a takalit illi tuk mvt, anonti falamvt tana hi vt atuklanchit anoli; 33 nan im ai ithvna v̄hleha hv̄t nafehna b̄v̄nvt āsha ka, Chisvs vt nan isht i miha, 38 mihma kv̄na hosh nan isht ahullo okpulo ya ilap hobchifo ak o isht kocha weli hoka ik atakl̄mo ka hi a i miha; 42 na yimmi im anukfila ik hochito puta yoshubli ka ai v̄lhpesa keyu ka miha.

1. **MIHMVT**, Ahli mak o hv̄chim achi lishke, Ilvppa hioh-maya ka kanimi kv̄t ik illo hosh Chihowa apelihchika yvt nan-isht ai āhlika ya ai it ish̄it v̄la na pisa chi kv̄t, āsha hoke im achi tok.

2. Atuk osh yv̄mmak atuk a nitak hannali ma, Chisvs vt Pita, micha Chemis, mikmvt Chan aiena ka yv̄mmak bano ho pehlich̄i cha nv̄nih chaha yo pit oiya tok: mihmvt inlv̄t tobtv̄t itikba hikia tok.

3. Mihma im ilefoka yvt shohmalali tohbit kv̄nia kv̄t, okta pushi ak o chiyuhmi tok: yohmi hatuk o nant̄onna tohbichi nana ak osh i shahlichit tohbicha he keyu ki tok.

4. Mihma Elias, micha Moses itatuklo hosh ant i haiaka tok: mihmvt yv̄mmak ash osh Chisvs a it im anumpulit okla tok.

5. Yohmi ma Pita yash ot anumpuli mvt, Chisvs ash o, Pi shahli ma! ilvppa e maya kv̄t pim achukm̄v̄shke: yohmi ka v̄lhtipo tuchina kak o il ikbi na achv̄fv̄t chimmi hokma, anonti achv̄fv̄t Moses ak o immi hokma, anonti achv̄fa kv̄t Elias ak o immi hashke, im achi tok.

6. Yohmi ka okla nukshopa fehna hatuk o nana a miha ik ithano ha tok.

7. Yohmi ma hoshonti hv̄t ant im okhlilichi tok: mihma hoshonti anukaka ya auet anumpuli kv̄t, Ilvppak osh Svs̄o a holitopa mak oke, hv̄sh i haponaklashke, achi tok.

8. Mihma ashalika filemvt okla hopokoyo kv̄t, hatak mla nana kia ik peso; amba Chisvs ash bano ho ai it apiha tok.

9. Atuk o nv̄nih āsht okla akowvt minti ma, nana ka okla pisa tuk vt hatak nana kia ik im anolo mak o, Hatak Ushi vt illi tuk vt tani ha ya hi a, i miha tok.

10. Atuk o anumpa yummak ash o ilap illvt okla ithanvt, Illi tuk osh tani kv̄t nanta hak oh chishba? ahnit ilap bika it im a ponaklot itvnowa tok.

11. Mihmvt im a ponaklot, Na katihmi hō na-holissochi v̄hleha hv̄t, Elias ak osh tikba vla pulla he, okla achi cho? achi tok.

12. Mihma afalaminchi mvt, Ahli, Elias ak osh tikba vla cha, nan-okluha ka ant falaminchit apoksiacha he; mikmvt Hatak Ushi vt kaniohmit nana lawa ka isht ai ilbv̄sha he, micha nan isht ik ahobo ka he aiena ka isht a holisso hatuk oke.

13. Yohmi kia, Isht a holisso tok mak oka Elias vt vla ahli ho mv̄hli: yohmi na okla kanimihchi bv̄nna kv̄t yummak ash o im ai yvmihchi tuk oke, hv̄chim achi lishke, im achi tok.

14. Atuk osh nan im ai ithv̄na v̄hleha aiasha ka ona mvt, okla chinto fehna kv̄t aiasha ma, anonti na-holissochi v̄hleha hv̄t yummak ash o nan im asilhv̄chit maya na ont pisa tok.

15. Mihma okla hv̄t yummak ash o pisa mvt, mih makinli hō okla nukhlakan̄cha feh̄nvt, yihlept im ai onvt, okla aiokpv̄chi tok.

16. Mihma na-holissochi v̄hleha hash o i ponaklot, Nanta mak o hv̄sh it im asilhv̄chi hatuk o cho? achi tok.

17. Yohmi ma okla laua yash osh achv̄vt afalaminchi mvt, Nan-ithv̄nanchi ma! suso hv̄t na-shilombish ik anum-pulo yo il ai eshi hatuk o ishit chim vla lishke.

18. Yohmi ka kanima yo ai ilhkolicikhmvt, haiochichechi chatuk: mikma itukpokpokit noti ahampvt, chunnvt taha chatuk; yohmi hō na chim ai ithv̄na v̄hleha hā yv̄mma kohcha chi ka im anoli li tuk ak o, okla kohcha he keyu ke tuk oka, achi tok.

19. Mihma afalaminchi mvt, Na yimma he keyu isht-ai unchululi hv̄chia ma! hv̄chi takla ahanta li katiohmi foka chi cho? nana ka isht ak hv̄chi ahno hō katiohmi foka chi cho? Isht hv̄s sv̄m v̄lashke, achi tok.

20. Mihma yummak ash o okla isht im ona tok: mihma yummak ash pisa ma, na-shilombish ash osh mih mak-inli

ho haiochichechi tok; mihma aka itula cha, shalali mtv itukpokpoki tok.

21. Mihma iki ash o i panaklot, Katiohmi foka kash o ilvppvt ai yakohmi tok o? achi ma, Ulla tomba mak a tok.

22. Yohmi ka vbi bvna kvv luak, mikmtv oka aiena ka it a kanchi beka tuk oke: yohmi kia nana ho ish kanimihcha hinlakmtv, ish pi nukkaklo cha, ish pi apelashke, achi tok.

23. Mihma Chisvs ash osh chi yimma hinla hok ma, na-yimmi hokvno nan okluha kvv ai i yvmohma hinla hoke, im achi tok.

24. Mihma vlla ya iki yash ot mih makinli no nishkin okchi mihinti hosh chitolit, Chitokaka ma! sai yimmishke; nan-isht ik a sai yimmo ya is svv apelvchashke, achi tok.

25. Mihma okla hvv yihleptv ant ai itahoba ka, Chisvs vt pisa mtv, na-shilombish okpulo ash o im alvmmitt, Na shilombish ik anumpulo, mikmtv ik haponaklo aiena chia hvv ilvppa ish a kohcha cha, mikmtv himmakma chik chukowo ka he mak o chim apesa lishke, im achi tok.

26. Mihma na-shilombish ash osh tahpvvt, yvmmak ash o haiochichechi fehna cha, a kohcha tok: mihma yvmmak ash ot illi yo chohmi tok: yohmi hatuk o, Illishke, achi kvv laua tok.

27. Yokmi kia Chisvs ash osh ibbak a halvli cha, tanichi ma; yvmmak ash ot wakaya tok.

28. Atuk o aboha ont chukowa ma, nan im ai ithvna vhleha hash ot ilap banot im a ponaklot, Na katihmi hvv pishno vto yvmma e kohcha he keyu ke tuk oh cho? achi tok.

29. Mihma, Ilvppa chohmi kvv nana ho isht kohcha hi vt iksho, amba vba pit anumpuli, micha na-hullochi aiena hok mak bano hoke.

30. Mihma yvmmak ash asht okla ilhkoli mtv, Kalili a okla hlopulli tok: mihma hatak nana kia akostinincha hi oka, ik ahno ki tok.

31. Yohmi kvv nan im ai ithvna vhleha hvv nan im avvchi kvv, Hatak Ushi vt hatak puta ibbak a fobka hoka, okla

vba chi hoke: atukma illi ha ya tuk vt, nitak ont atuchin-akma tana hi oke, im achi tok.

32. Yohmi kia anumpa yvmma okla ik akostinincho; yohmi mvt i ponaklo nukshopa tok.

33. Atuk o yvmmak ash ot Kapenarm a vla tok: mihmvt aboha anuka asha hosh i ponaklot, Takla ya hvchishno bika isht hvsh it im anumpuli kash osh nanta mak atuk o? achi tok.

34. Yohmi kia lumvt okla maya tok: yohmi kvv takla ya, Kvta hak osh moma i shahli ahanta chishba? ahnit ilap bika okla isht it im anumpuli tuk a tok.

35. Mihma binili mvt, auhtuklo kash o hoyo cha, Hatak nana hosh moma i shahli bvna hokmvt, mihi yosh moma ka ik lauwokmvt, anonti moma in tishu a hi oke, im achi tok.

36. Mihmvt vlla yo halvli cha, itintakla binilichi tok: atuk osh ishit sholi mvt,

37. Kvna hosh sa hohchifo pulla hatuk mak o vlla hvppa chohmi achvfa ka holitoblikmvt, vno ak o sa holitobli hoke: mikma kvna hosh vno a sa holitoblik mvt, vno ak o sa holitobli ho keyu, amba auet sa kanchi tok ak oke, im achi tok.

38. Mihma Chan vt afalaminchi mvt, Nan ithvnanchi ma! achvfa hosh chishno chi hohchifo ha nan-isht ahullo okpulo puta isht kocha weli hosh anta ho e pisa ka, ik pibafokoshke: yohmi ma il im alvmmi kano, ik pibafokko hoka, achi tok.

39. Yohmi kia Chisvs ash osh, Hvch ik im alammo kashke: hatak vt sa hohchifo pulla hatuk mak o na fevna ka isht ai yvmihchi hokvt vno a yvmmak fokalechit na sa mihacha hi vt iksho hoka.

40. Mikma kvna hosh hvvishno a hvv i sanali keyu hokvto, hvv-ibai achvfa hoke.

41. Klaist a immi hvchia hoka, kvna kia oka kapvssa isht-ishko achvfa ka hvsh ishka chi ho, vno sa hohchifo pulla hatuk mak o hvch ipeta hokmvt, isht vltoba ka i hlakofa he keyu, ghli mak o hvch im achi lishke.

42. Micha kɔna hosh a yimmi vɔleha chipunta ilɔppa achɔfona ma ibetɔblichɪ hokmɔt, ilapa ak o tanchi botoli tvli ak osh ikunla ya a takanli hɔ okhɔta hɔ oka kɔnia hokmak osh, im vɔhpesa he tuk mak a hi oke.

43. Yohmi ka chibbak vt chi ibetɔblichɪ hokma, chanlit ish hokofashke : imomokpulo yosh ai-okchaya ya ont ish chukowa hok mak osh, chim vɔhpesa kvɔt chibbak vt tuklo hosh aiokpuloka, luak vt nitak nana moshola he keyu mak o, chi itvɔtula hi atuk a chim i shahli hoke.

44. Yummak oka i shushi yvɔt illi keyukma, anonti luak mɔt nitak nana mosholi keyu hoke.

45. Mikmɔt chiyi yvɔt chi ibetɔblichɪ hokma, chanlit ish hokofashke : imomokpulo yosh ai-okchaya ya ont ish chukowa hok mak osh chim vɔhpesa kvɔt, chiyi yvɔt tuklo hosh ai-okpuloka, luak vt nitak nana moshola he keyu mak o chi itvɔtula hi atuk a chim i shahli hoke.

46. Yummak oka i shushi yvɔt illi keyukma, anonti luak vt nitak nana mosholi keyu hoke.

47. Mikmɔt chi nishkin vt chi ibetɔblichɪ hokma, kohchit ish kanchashke : nishkin achɔfa yosh Chihowa apɔhlichika ya ont ish chukowa hok mak osh chim vɔhpesa kvɔt, chi nishkin vt tuklo hosh aiokpuloka luak a chi itvɔtula hi a chim i shahli hoke.

48. Yummak oka i shushi yvɔt illi keyukma, luak vt nitak nana mosholi keyu hoke.

49. Mikma moma kvɔt luak o isht ai yummi bano kvɔt, vba isht aiokpɔvchi vt hvpi isht ai yumma hi a ohma hi oka.

50. Hvpi vt achukma ; yohmi kia hvpi vt homi kvɔt i kɔnia hokma, nanta hak o isht hvsh homincha hinla cho ? Hvpi a hvchishno inli il anit hvsh ieshikmɔt, hvchishno bika ma hvsh it i nanaiya achukmashke, achi tok.

CHAPTA X

Chisɔs vt Chutea yak o nan im ai abɔchit anta, mihmɔt it i kɔnia holisso hak o Falisi vɔleha hɔ isht it im anumpuli, 1 ; 13 vɔlla chipunta ya halvllit sholi. 17 Chisɔs vt hatak himita nan in laua yo

aiokpochit imomaka pisa : 28 mikmvt kvna hosh ilap ak o holitoba pulla hosh nan okluha ka issvt gya tuk okvno im atobba hi vt miha : 32 ilap vt ititaiyukhona a takalit illi tuk mvt anonti, falamvt tana ni vt himmakma Chisvs vt anoli : 35 Chemis Chan ita tuklo kvv Chisvs g nana im asilhha ; mihma Chisvs vt ilap ma nana hq im achi mvt ; 46 ik hoponayo Batimevs g hoponayochi.

1. **MIHMA** yummak ash o asht wakayvt minti mvt, Chatan hlopullit mish-tvnnvp g ayvt Chutea yakni g vla tok : mihma okla hvv im ai itahoba na ai yakohmi yatuk okvt, anonti nan im avchit ahanta tok

2. Mihma Falisi vhleha hvv im ai vla mvt, imomaka pisa hosh, Hatak vt tekchi g kancha he vlpesa hoh cho ? achit i ponaklo tok.

3. Mihma yummak ash osh afalaminchi mvt, Moses vt nanta hak o hvchim apesa tok o ? im achi tok.

4. Mihma, It i kvnia holisso hak o ikbi cha, kancha hi o Moses vt ahni tok, achi tok.

5. Mihmvt Chisvs vt afalaminchi mvt, Hvchishno hvchi chukvsh kvllo pulla kak o nan vlpisa ilvppa hvchim ikbi tok.

6. Amba nan okluha toba vmona ka Chihowa hvv nani, tek ita tuklo hq ikbi tok.

7. Ilvppa pulla hatuk mak o hatak vt iki, micha ishki aiena ka issa cha, tekchi ak o asitia hi oke.

8. Yohmikmvt tuklo yummak atuk vt haknip achvfa hi oke. Yohmi ha mvt i himmakma tuklo mak a hi o keyu, amba haknip achvfa hoke.

9. Yohmi hoka, Chihowa hvv nana ka it a halvllichi ha ya, hatak nana kia ik it i filvmmicho kashke, im achi tok.

10. Atuk o aboha anukaka maya hq nan im ai ithvna vhleha hash osh anonti na mihi yash inli hq i ponaklo tok.

11. Mihma kvna hosh tekchi g kanchi cha, inla yo it auwaya hokmvt, havi tobtv yummak ash o isht ik vlpisalo hoke.

12. Mikma ohoyo hvv i hatak g kanchi cha, inla yo auwaya hokmvt, havi toba hoke, im achi tok.

13. Mihma yummak ash ot potola chi hq vlla chipunta

ya okla isht im ai vla tok : atuk ak o nan im ai ithvna vhle-
ha hut nan isht ai vla yummak ash o im alvmmi tok.

14. Yohmi kia Chisvs vt yumma pisa mvt, ik im vlhpiesc
fehna cha, Ulla chipunta yvt vm ai vla hi a hvsh ahni cha,
hvch ik im alammo kashke : ilvppa chohmi kak osh Chiho
wa apehlichika mak oka.

15. Ahli mak o hvchim achi lishke, Kuna hosh vlla iski-
tini ak o chiyuhmit Chihowa apehlichika ya aiokpvchi ho
keyukmvt, yummak oka chukowa he keyu hoke, im achi
tok.

16. Mihmvt yummak ash o ishit sholi cha, ibbak a isht
umbitepa mvt, yukpali tok.

17. Mihmvt kohchvt ivt hina ont fohka ma, achvfv ma-
lelit mintit ant i hvchukbihlepa mvt, Nan-ithvnanchi achuk-
ma ma ! ai okchayvt bilia ya pisa la he vlhpesa kvto nanta
hak o yvmohmi la chi cho ? achit i ponaklo tok.

18. Mihma Chisvs ash osh, Na katihmi ho achukma is si
achi cho ? achukma vt iksho ; amba achvfa kak illa : yvm
mvt Chihowa ak oke.

19. Anumpa vlhpisa, Haui chik tobo kashke : Kuna kia
chik bo kashke : Nana kia chik hukopo kashke : Anumpa
ik ahlo isht atokolit chik ahanto kashke : Kuna kia chik
haksicho kashke : Chiki, chishki aiena ka ish holitoblashke,
achi puta ka ish ithanvshke, im achi tok.

20. Mihma afalaminchi mvt, Nan ithvnanchi ma ! vlla sa
tomba kash inli hosh ilvppa puta ka holitoblit isht mihinti
li tuk oke, im achi tok.

21. Yohmi ma Chisvs vt pisa kvv i hullo : mihmvt, Nana
achvfa hosh ik chim onoshke ; ish ia cha, nana hosh chim
ashakmvt, ish kampila cha, ilbvsha puta ka ish imashke :
yohmik mak osh na holitompa kvv vba yakni ya chin tonla
he mak oke : mikmvt mintit ititaiyukhvna ant ish eshi cha,
is siakaiyashke, im achi tok.

22. Mihma yummvt nan in laua fehna hatuk osh anumpa
yumma haklo mvt, nukhaklot, kanima ia tok.

23. Mihma Chisvs vt filemvt hopokoyo mvt, nan im ai
ithvna vhleha hash o, Na palvmmi nana kvv a fehna ho nan

in laua vhleha kv̄t Chihowa apehlichika yā chukowa hi oke, im achi tok.

24. Mihma nan ithvna vhleha hash osh anumpa yv̄mma achi ka okla nukhlakancha tok. Yohmi kia Chisvs ash ot anonti anumpuli mv̄t, Ulla vhleha ma! im ilayak ai anuk-chieto hosh ahanta kv̄to Chihowa apehlichika yā chukowa kv̄no palv̄m̄mi kv̄t katiohmi fehna hoh chishba!

25. Kamel vt chofak ushi nishkin ā hlopulli ka palv̄m̄mi kv̄t, hatak nan in laua yosh Chihowa apehlichika chukowa ka ik lauwoshke, im achi tok.

26. Mihma okla nukhlakancha atampa fehna mv̄t, Yohmikma kv̄ta hosh okchaya hinla cho? ilap bika it im achit mayā tok

27. Mihma Chisvs vt atokolit pisa mv̄t, Hatak okmv̄no yohma he keyu kia, amba Chihowa hokv̄no ai yohmi hoke. Chihowa yak okmv̄no nan okluha kv̄t aiahli chatuk oka, achi tok.

28. Yohmi ma Pita vt, Yakeh! pishno v̄to mominchit il issa cha, e chiakaiya tuk oke, im achi tok.

29. Mihma Chisvs vt afalaminchi mv̄t, Ahli mak o hv̄chim achi lishke, Hatak nana hosh v̄no pulla, micha v̄banumpa aiena hatuk mak o, in chuka, keyukmv̄t itibapishi vhleha, in tek puta, iki, ishki, keyukmv̄t tekchi, mikmv̄t v̄lla, micha yakni aiena ka issvt āya hokv̄to,

30. Mihi yosh okchaya takla kv̄t chuka, itibapishi vhleha, micha in tek vhleha, mikmv̄t ishki, micha v̄lla, anonti yakni aiena kv̄t mihi atuk ā ohmi tahlepa achv̄fa hō pisa he; mikmv̄t nan ishtai i palv̄m̄mi mv̄t im aiena tukmv̄t, anonti yakni inlakma aiokchayvt bilia yā pisa hi oke.

31. Yohmi kia tikba yatuk vt ont ishtaiyopa hi vt lāwakma, anonti ishtaiyopi atuk vt tikba ya hi vt lauv̄t gsha hi oke, achi tok.

32. Micha Chelusalem ilhkoli hosh hina vlhtot gsh̄t āya ma, Chisvs vt tikba hikv̄t ia ma, okokko! okla ahni mv̄t, iakaiya kv̄t nukshopvt okla itv̄nowa tok. Mihma auah-tuklo kash o i howa cha, ilap nana im a kanih̄ma chi kv̄t im anolit,

33. Inta! Chelusalem a iloh ilhkolishke; yohmi ka Hatak Ushi vt na-holitompa isht a sha pehlichy vhleha, micha na-holissochy vhleha aiena ka ibbak fohka chy; mikma illa he anumpa onochy cha, Chentail okla ho ibbak fohka chy hoke.

34. Mikmut yummak ash o okla ishit yopula, micha fvm-mi, mikmut on tuftua aiena cha, okla vba chy hoke: atukma nitak ont atuchinakma falamvt tana hy oke, achy tok.

35. Mihma Sebetey ushy Chemis, micha Chan ita tuklo kvv im ona mvt, Nan-ithvnanchy ma! nana ho il ahnikma, ish pim aiahlichy hokbano il ahnishke, achy tok.

36. Mihma, Nanta hak o hvchy yvmichy la hy a hvsh ahny chy? im achy tok.

37. Chim a holitopa ya achvvt chibbak isht impak-imma ashakma, anonty achvvt vlhfvbekimma a sha hosh, e chyha hy ak o ik yohmy ish ahnashke, im achy tok.

38. Yohmy kyia Chisvs ash osh, Nana ho hvsh asilhha hokvt hvsh akostininchy keyushke: isht-ishko vno vt ay ishko la chy ka hvsh ay ishka hynla chy? mikmut baptismo a vno vt isht baptismo ly ka hvchishno vt isht a hvchy baptisma hynla chy? im achy tok.

39. Mihma, Py yvmohma hynlvshke, im achy tok. Mihma Chisvs ash osh, Isht-ishko vno vt ay ishko ly ka hvsh ay ishkokmvt, anonty baptismo vno vt isht a baptismo ly aiena ka isht a hvchy baptisma chy ho mvhly hoke.

40. Amba' sabbak ishtimpak imma, micha vlhfvbekimma aiena a sha hy okvno ima la hy o keyu; amba kvna ho im vlhtaha mak a he oke.

41. Mihma pokoly kash ot haklo mvt, Chemis, Chan ita tuklo kash okla isht ik y yukpo fehna tok.

42. Yohmy kyia Chisvs vt yummak ash o hoyo cha, Chentail okla y miko vhleha hvv ay y shahlyt pehlichy chatuk: mikma y hochitoka vhleha hvv nana kvv im a vlhpiesa mak osh okla ha y yvmichy chatuk a hvsh ithaiyanvshke.

43. Yohmy kyia hvchishno yokvto hvchy yvmohma he keyushke: amba hvchy kanima mvt y shahly bunna hosh hvch ibafoka hokmvt, nan-isht hvchym vttay ya he.

44. Mikma hvchi kanima hosh moma i shahli hvchi bon-nakmvt, moma in tishu hvchia ha hi oke.

45. Hatak Ushi ak kia nan isht im vtta hi o, aya tok keyu : amba ilapo ak osh nan isht vtta he, anonti lawa kvv isht a hlakofa hi a ilap im ilhfioyak a isht atobba he mak a tok oke, im achi tok.

46. Mihma Cheliko a okla ai vla tok : atuk osh nan im ai ithvna vhleha, micha okla lawa fehna aiena ho pelichi cha Cheliko ash a kohchvt ia ma, Timevs ushi Batimevs lypa yvt hina lapalika yo a binilit nan asilhha tok.

47. Atuk osh yvmmak ash ot Chisvs Nasalet minti yatuk o haklo mvt, tahpvlvt, Chisvs Lewi ushi chia hvv is sa nuk-haklashke, ahanchi tok.

48. Mihma nukchinta chi ka, i miha kvv laua tok : yohmi kia yvmmak o i shahlichi fehvtv tahpvlvt, Chisvs Lewi ushi ma ! is sa nukhaklashke, ahanchi tok.

49. Mihma Chisvs vt hikia cha, yvmmak ash o hoyo hi a miha tok. Mihma hatak lypa yash o ont hoyot, Chi nuk-tanla achukmashke, auet chi hoyo hoke ; wakaya, im achi tok.

50. Mihma im anchi ash o kanima pit bohli mvt, waka-yvt, Chisvs a ima ona tok.

51. Mihma Chisvs vt afalaminchi mvt, Nanta mak o chi yvmihchi la hi a ish ahni cho ? im achi tok : mihma hatak lypa yash osh, A shahli ma ! hoponayo la hi a, im achi tok.

52. Mihma Chisvs ash ot, Ish iashke ; na chi yimmi hvv chi hlakofichi hoke, im achi tok. Mihma ashalika hoponayo mvt, hina fohkvv Chisvs a iakaiya tok.

CHAPTA XI.

Chisvs vt issuba haksobish falaia himita om binili cha, Chelusaletv ont chukowa, 1. 12 Fik vpi yo nitak nana ik ano ka hi a, Chisvs vt im apesa : 15 mihmvt nan-itatoba vhleha tempel anukaka asha tuk a kocha pit tihleli. 27 Kanimi kvv nan isht ai vvhpesa nana ho isht ai yvmohmi hatuk a a ponaklo tuk kia, yvmmak ash o Chisvs vt im a tvblich.

1. **ATUK** osh Chelusalem bilika Betfachi, micha Betani ita tuklo, Alif nvnih fehna hō ai vla ma, nan im ai ithvna vhleha hash tuklochit tihleli tok.

2. Mikmvt, Ivt tomahushi hvchi chapaka auet talaiia ka hvsh onashke: yohmikmvt yvmma ont hvsh chukowa mih makinli hosh, issuba himita hatak vt ik om binilo kisha yvt asinta na hvsh pisa chī hoke: yvmma i hotofit isht hvsh lashke.

3. Yohmi ka hatak nana kia, Na katihmi hō ilvppa hvsh yvmihchi hō? hvchim achi hokma, Chitokaka yak osh bvna hatuk oke, hvsh achashke: yohmikma mih makinli hō auet pila chī hoke, im achi tok.

4. Mihma it iachi mvt, hina tuklot ant ai it afama hō, issuba himita yvt okhissa kocha ya asinta na ont pisvt okla cha, i hotofi tok.

5. Mihma yvmma hiohmaya tuk vt kanimi kv̄t, Nanta mak o hvsh katiohmi hosh issuba himita ya hvsh i hotofi cho? im achi tok.

6. Mihma Chisvs vt nan apesa tuk ash o i miha tok: mihma peh ik ilhkoli okla im ahni tok.

7. Mihma issuba himita yash o Chisvs a isht im vla cha, im anchi puta ka om pv̄lli na yvmmak ash osh o minili tok.

8. Mihma hina ya im anchi puta ka pv̄lli kv̄t laua ma, anonti kanimi kv̄t iti naksish o vmot hina ya pv̄lli tok.

9. Mihma tikba ilhkoli, micha pit iakaiya aiena tuk vt, chitoli hosh, Hosanna, Chitokaka i hohchifo il ai eshi hosh minti kv̄t holitopa mak oke.

10. Piki Lewi apehlichī vt Chitokaka i hohchifo il ai eshi hosh aya kv̄t, holitopashke; shutik tv̄bokaka fehna, Hosanna ai ahanchashke, achi tok.

11. Mihma Chisvs vt Chelusalem a ont chukowvt, tempel a ont chukowa tok: micha nana puta kash filemvt pisvt in taha, mihma opivt taha aiena hatuk o, auah-tuklo kash o peblichī cha, pit kohchvt Betani a ia tok.

12. Atuk osh ont onna ho, Betani a asht okla minti na, yvmmak ash osh hohchvfo tok.

13. Michā fik vpi vt hishi aasha hosh, mishema ka hikia

hō pit pisa tok ; mihmvt yvmma nana kia ahayuchi li yoba hinla ká, ahni cha, ona tok ; atuk osh ona mvt, fik vt a nuna ik ai ono kisha hatuk o, nana kia iksho hō, amba hishi ak bano na ont pisa tok.

14. Mihmvt Chisvs vt anumpuli mvt, Himak a pilla ma hatak nana kia vni isht ik chi ai vpo hō biliashke. Mihma nan im ai ithvna vhleha hvv haklo tok.

15. Atuk osh Chelusalem a okla ai vla tok : mihma Chisvs vt tempel a pit chukowa mvt, tempel anukaka ya nana a kanchi, micha a chumpa aienvt maya tuk ash kocha pit yuhli mvt, anonti tvli holisso a bohlt itatoba ai-impá, micha pvchi vhpoba kanchi vhleha im ai om-binili aiena tuk ash halvllit filemohlt kinahlichí tok.

16. Mihmvt hatak nana kia ai vlbeha ya tempel a isht hlopulla hi a ik im ahno ki tok.

17. Mihmvt nan im avchit, Ūm aboha ya oklushi moma kvv vba pit ai anumpuli chuka hochifa hi oke, achi hosh holisso hō keyu ? yohmi kia hvchishno yokvto na hukopa vhleha in chuka yo ish ikbishke, achi tok.

18. Mihma na-holissochi vhleha, micha na-holitompa isht asha pehlichí vhleha aiena kvv haklo mvt, okla ak osh momvt, yvmmvt nan isht im avchi ka ai im anukhlakancha hatuk o i komunta mvt, kanimihchit vbi ka ahni tok.

19. Atuk o opivt taha ma, tvmaha hash a kohchvt ia tok.

20. Atuk o onnahinli ma, fik vpi ash ot ak-isht-vla pit vhlit bvshít kvnia tuk o pit pivt ont ilhkoli tok.

21. Mihma Pita vt pit anukfilli mvt, Yakeh ! a shahli ma ! fik ik ano ka hi o ish im apesa kash bvshít kvnivshke, im achi tok.

22. Mihma Chisvs vt afalaminchi mvt, Chihowa ak o hvsh i yimmashke.

23. Ahli pulla hō hvchim achi lishke, Kvna kia nvnt chaha ilvppa, Kanvllit, okhvta hak o pit ish okvtulashke ; im achi cha, chukvsh mvt anuktuklochi ik im iksho, amba nana hō miha tuk vt ont aighla hi a yimmi hokmvt, im aighla hi oke.

24. Yohmi hoka vba pit hvsh anumpulikmvt. hvsh asilhha

kv̄t hv̄sh isha hi vt hv̄chi yimmashke, yohmik mak osh hv̄chiro aighla hi oke.

25. Micha vba pit anumpulit hv̄sh hikiakmvt, nana a hv̄chi kaniohmi tuk ashakma, hv̄sh i kashofashke: yohmi na hv̄chishno na hv̄chim aiashv̄chika puta ka Iki vba binili kv̄t hv̄chi kashofi makinlashke.

26. Amba hv̄sh i kashofi keyu hokmvno, hv̄ch Iki vba binili kv̄t hv̄chishno a na hv̄chim aiashv̄chika puta ka hv̄chi kashofa he keyu akinli hoke, im achi tok.

27. Atuk o anonti Chelusalem a okla ai vla tok: mihma yummak ash ot tempel anukaka ya nowvt hikikia ma, naholitompa isht-asha pehlichī vhleha, micha naholissochi vhleha, mikmvt hatak hochitoka vhleha aiena kv̄t im ai vla tok.

28. Mihmvt, Nan isht ai v̄lhpesa mak o ilv̄ppa puta ka ish yakohmichi cho? micha ilv̄ppa puta ka ish yakomichi ka nan isht ai v̄lhpesa ka kv̄ta hosh chim apesa tok oh cho? im achi tok.

29. Mihma Chisvs vt afalaminchi mvt, Uno ak kia nana achv̄fa ka hv̄chi ponaklo likma, hv̄s svm anolashke; yohmikma, vno vt nan-isht-ai-v̄lhpesa kaniohmi h̄o ilv̄ppa puta ka isht ai yakohmichi li hatuk vt hv̄chim anoli lashke.

30. Chan i baptismo vt vba yakni a minti hokmá, keyukmvt hatak akinli hokmá, nanta tuk oh cho? oh vm anoli, im achi tok.

31. Mihma ilap bika it im anumpohonlit, Uba yak a tok: il achi hokma, Yohmik mak o kaniohmi h̄o hv̄ch ik i yimmo tuk oh cho? acha hinla.

32. Amba, Hatak ak a tok; il achi hokma, achi mvt, okla moma kv̄t Chan a hopaii fehna hoke, ahni hatuk o, okla hak o i nukshopa tok.

33. Mihmvt afalaminchi mvt, Chisvs ash o, Il anola he keyushke, im achi tok. Mihma Chisvs vt afalaminchi mvt, Uno vt nan isht ai v̄lhpesa kaniohmi h̄o ilv̄ppa puta ka isht ai yakohmichi li tuk vt ak hv̄chim anoloshke, achi tok.

CHAPTER XII.

Pak-vpi a holokchi y_o hatak toksvli ai v_lhpesa keyu v_hleha i pota tok o isht v_lhpisa, 1. 18 Falisi v_hleha h_vt Sesa t_vli holisso im itahobi ak o Chisvs a isht i ponaklo h_o, anumpa falama ima. 18 Satusi v_hleha h_vt hatak illi falam_vt tana hi ak o, Chisvs a isht i a ponaklo h_o, im anoli: 28 anumpa v_lhpisa puta kv_t kanima kak osh mema i shahli hatuk a Chisvs v_t im anoli: 35 Kl_hist v_t kv_na hak o ushi ahinla ka, ponaklo: micha nan im ai ithvna v_hleha h_a ahah! im ahna ch_i ka, i miha. 41 Ohoyo ilbvsha i hatak illi yosh mait tuklo h_o t_vli holisso abohli y_a ont apitta h_o, Chisvs v_t im ahn_inchi.

1. **MIHMUT** nan-isht-v_lhpisa h_o isht im anumpulit ahanta m_vt, Hatak osh pak-vpi aiasha y_a hokchi cha, kv_ti apushi isht a holihtvchit apakfobli cha, oka-paki ai v_lbeha y_a kulli cha, chuka chaha y_o ikbi m_vt, hatak toksvli v_hleha h_o i pota cha, yakni hopaki h_o ia tok.

2. Atuk osh waya he ai v_lhpesa ma, pak-vpi aholokchi nana waya ka, hatak toksvli v_hleha hash ot ipeta ch_i h_o, hatak toksvli v_hleha hash o tishu h_a pit in chvffichi tok.

3. Atuk ak o yvmmak ash o okla it i hoklit boli cha, nana kia iksho h_o pit chvffichi tok.

4. Mihma anonti tishu inla h_o pit in chvffichi tok: atuk o yvmmak ash o t_vli isht bolit, noshkobo h_a mitvffit hofahyalichi fehna cha, okla pit chvffichi tok.

5. Mihma anonti inla h_o pit chvffichi tok: mihma yvmmak ash o okla vbi tok: mihma inla yv_t laua h_o pit yuhli kash kia, pit aieninchit kanimi ka boli m_vt, anonti kanimi ma vbi tok.

6. Yohmi hatuk o iso achvfa, i holiropa fehna yosh im anta moma m_vt, S_vso hokvno okla holi_tobla ch_i hoke, achi m_vt, ishtaiyopi mak o yvmmak ma pit chvffichi tok.

7. Yohmi tuk kia hatak toksvli v_hleha hash ot Ilvppak osh immi mak oke; inta! kiloh vbi na immi hatuk v_t hv_pimmi hashke; it im achit m_aya tok.

8. Michi yvmmak ash o it i hoklit vbi cha, pakvpi a holokchi a ai ishit kocha pila tok oke.

9. Yohmi kvno, pak-vpi aholokchi immi atuk vto nanta hak o katiohna chi cho? Yummak ash ot vla cha, hatak toksvli vhleha hash o vbit tahlikmt, pakvpi a holokchi ash inla ho im issa chi hoke.

10, 11. Yohmi ka, Tvli yvmma chuk-ikbi vhleha hvv shiti-
 lema chash o, yvmmvt chukbika nutaka in tola holitopa i
 shahli ho tobvshke. Ilvppa Chitokaka yvt yvmihchi ha
 tok o, hvpi nishkin g i na-fehvvshke, achi Holisso Holitopa
 ilvppa hvch ik it im anumpolo chatuk oh cho? im achi tok.

12. Mihma nana isht apesa hosh ilap ak o isht anumpuli
 tuk g okla ithana hatuk osh, yummak ash o hoklit ishi hvvna
 nokak osh, okla ak o i nukshopa tok: mihmvt yummak ash
 o issvt filamohlit taba tok.

13. Mihmvt ilap im anumpa akinli ho isht ai isht kanv-
 pacha chi ka, Falisi vhleha kanimi, micha Helotian iksa
 aiena ho pit on tihleli tok.

14. Atuk o yummak ash ot ai vla mvt, Nan-ithvnanchi
 ma! chishno yokvt aiahli chia, mikmvt hatak nana kia nan
 isht ik chim ahobo; hatak nashuka yak o ish pisa ho keyu
 hatuk okvt; amba Chihowa nana aiahni ak o aiahlit ish
 ithvnanchi chatuk g il ithaiyanvshke. Noshkobo isht
 chumpa tvli holisso ya Sesa yak o ima he ai vlvpesa hok-
 ma, keyukma, nanta cho?

15. Pi kvniakma, ik pi kvniokma nanta chi cho? im
 achi tok. Yohmi kia okla nan ilahobi ka ithvna hatuk osh,
 Na-katihmi ho vmomaka hvv sa pesa cho? iskvli isht hvv
 svv vla na pisa lashke, im achi tok.

16. Mihma okla isht im vla tok. Mihma, Ilvppvt kvta
 hak o holvvt toba ho, mikmvt kvta ho a hohchifo ho? im
 achi tok. Mihma Sesa yak oke, okla im achi tok.

17. Mihma Chisva vt afalaminchi mvt, Nana puta kvv
 Sesa yak o immi hokma, Sesa yak o hvsh imashke; mikmvt
 nana puta kvv Chihowa ak o immi hokma Chihowa ak o
 hvsh imashke, im achi tok. Mihma okla i nukhlakancha
 tok.

18. Yohmi ma Satusi vhleha hvv, Illi yvt falamvt tana he
 keyu; achi mak osh im ai vla cha, i ponaklot,

19. Nan-ithonanchi ma! Kuna boh kia itibapishi hvt tek ebi gsha hosh vlla vt iksho hq illikma, itibapishi ash osh tekchi atuk g itauwaya cha, itibapishi im vlla ai ikba hi o, Moses vt holisso pim ikbi tok.

20. Atuk o itibapishi hvt untuklot gsha tok; mihma akni ak osh tekchi gsha tuk osh, vlla iksho hq illi tok.

21. Mihma iakaiya kash osh itauwaya tuk osh, anonti vlla vt iksho hq illi tok: mihma ont atuchina kvv mihinli tok.

22. Mihma untuklo kash osh okla itauwaya ka, vlla vt iksho ki tok: ont ishtaiyopi ma ohoyo hash kia illi tok.

23. Yohmi ka illi yvt falamvt tanikma, okla tanik mvno, untuklo hosh itauwaya tok g yvmma katima aiyukali mak o tekchi mak a hi oh cho?

24. Mihma Chisus vt afalaminchi mvt, Holisso Holitopa, micha Chihowa nan isht im aighli ka aiena ka hvch ik ithano hatuk osh hvsh ashvckhi hq keyu?

25. Illi tuk vt tani hokvto, okla ik itauwayokma, anonti auwaya he i bohli kia iksho ka hi oka; amba enchil vhleha vba yakni aiasha kak inli hq chiyuhma hi oke.

26. Mikma illi yvmmak okvto tana he ak o miha hosh Chihowa hvt bvfaaha anuka a kaniohmit im anumpuli mvt, Uno ak osh Eblaham in Chihowa sia, mikmvt Aisaak in Chihowa siakmvt, anonti Chekob in Chihowa sia hoke, achi tok g Moses i holisso ha a hvch ik peso chatnk oh cho?

27. Yvmmak okvt illi ak o in Chihowa keyu, amba okchaya ak o in Chihowa yoke: yohmi hoka hvchishno ak osh hvsh ashvchi fehna hoke, im achi tok.

28. Mihma na-holissochi vhleha hvt achvfvv vla cha, okla it im anumpulit maya ka haklot, yvmmak ash osh vlvpesa fehna isht i miha na akostininchi mvt, Nan-vlhpisa moma i shahli katima kak osh vmmona fehna boh cho? achit i ponaklo tok.

29. Mihma Chisus vt afalaminchit, Nan vlvpisa moma i shahli vmmona fehna kvv, Israel vhleha ma! bo haklo, Chitokaka hvpin Chihowa vt Chitokaka achvfa hoke.

30. Micha Chitokaka chin Chihowa ya chi chkvsh g a

mominchit, chi shilombish a uhvlinchit, mikmut chim anuk-fila ha mominchit, anonti chim ishthlampko ma a mominchit isht ish holitoblashke, achi ilvppak osh nan-vlhpisa moma i shahli vmona hoke.

31. Mikma atukla kut yummak inli ho chohmi hoke, Chin chuka-panta hatak a ish holitobli kut, chishno akinli ka chim itilauashke, achi hoke: nan vlhpisa inla vt ilvppa i shahli kut ikshoshke, im achi tok.

32. Mihma na-holissochi ash ot, Uhpesa nan-ithvnanchi ma! aighli mak o ish mihvshke Chihowa hvv achvfa; yohmi ka inla mut iksho ho yummak ilvshke;

33. Mikma yummak ash o chukvsh a mominchit, im anukfila ha mominchit, anonti shilombish a mominchit, im isht-hlampko ma mominchit isht holitoblikmut, in chuka-panta hatak a holitobli kut ilapa ai itilauечи kak osh vba isht aiokpvchi nana achvfa nipi vt momvt lua puta ka, micha vba isht aiokpvchi aiena ka moma i shahlishke, im achi tok.

34. Mihma yummvt vlhpesa fehna miha na Chisus vt pisa mut, Chihowa apelihika ya auet ish i hopaki keyushke, im achi tok. Mihma yummak ash i himmakma hatak nana kia ik nukwiyot nana ik im asilho ki tok.

35. Mihma Chisus vt tempel anukaka nan avchit ahanta mut, anumpulit, Katiohmi ho na-holissochi vhleha hvv Klaist vt Lewi a ushi achi cho?

36. Lewi vt ilapo inli kak kia Shilombish Holitopa pulla kak o Chitokaka yvt an Chitokaka ya, Subbak ishtimpakimma ya ish binili na chin tvnnp vhleha ha chiyi ai-o-hikia ya ikbi lashke, im achi kvno, achi tok.

37. Yohmi kut Lewi vt ilapo akinli kut yumma Chitokaka hochifo tok; yohmi ka katiohmi kak osh yummvt ushi yoh cho? achi tok. Mihma hatak holitempa keyu kvto momvt i haponaklo kut na-yukpa tok.

38. Mihma nan isht ai im avchit ahanta kut, Na-holissochi vhleha na-fohka hofaloba abekvchit itvnowa kut im achukma, micha ilhpak a kanchi ya ai it aiokpvchi aiena kak osh im achukma:

39. Mikmut sinakak a aiasha holitopa i shahli, mikmut impa chito aasha ka aiasha holitopa i shahli aiena kak osh im achukma ;

40. Micha ohoyo i hatak illi puta in chuka a wehpuli, mikmut peh vbanumpuli ilahobi kut anumpa ilbusha falaiachit itvnowa yoka, ahah! hvsh im ahnashke; yummak okvto nana palvmmi kut i shahli hosh im vlhpisa hi oke, im achi tok.

41. Mihmut Chisvs vt tvli holisso abohli i chapaka yo ashvt okla hv tvli holisso tvli holisso a bohli pit apitta ka pisa tok. Mihma nan in laua atuk vt lauachit pit apitta kut laua tok.

42. Mihma ohoyo i hatak illi ilbusha achvfa hosh vla mut, mait tuklo yummvt sint achvfa ik ono ho pit abehli tok.

43. Mihma nan im ai ithvna vhleha hash o hoyot, Ahli mak o hvchim achi lishke, Ohoyo i hatak illi ilbusha ilvpak osh tvli holisso abohli pit apittvt aiasha ka moma i shahlichit fohkishke.

44. Moma kvto nan in laua im atampa hatuk osh okla bohli hatuk: amba yummvt ilbusha yatuk vt ishi tuk vt mominchit pit bohli, isht okchaya he tuk ash kia mominchishke, im achi tok.

CHAPTA XIII.

Tempel, micha Chelusalem aiena kut aiokpulokvt taha hi a Chisvs vt tikbanli anoli: micha nana kut ont ik a yakohmo takla ka, nana kut isht ahoba kut kaniohma he, 1; 14 micha na-palvmmi kut a kaniohma he aiena ka anoli: 24 mihmut ilapvt aya chikma a kaniohma he puta ka anoli. 28 Fik vpi ak o nan isht it apesa hosh nana kut ai yakohma chi ka, ai onvt mahaya hi a anoli: 32 nitak kaniohmi, hvshi kanvlli nana ho ai yakohma hi a, hatak nana hosh ithana keyu hatuk o, moma kut il anuktahlvt vba pit anumpobonlit im vhtahvt maya chi ka, miha.

1. MIHMUT tempel a a kohchvt iak fehna, nan im ai ithvna vhleha hv achvvt, Nan-ithvnanchi ma! tvli hochito

puta, micha chuka hochito puta aiena kvt a kaniohmi hosh yak aiasha ka, pisá, im achi tok.

2. Mihma Chisvs vt afalaminchi mvt, Chuka hochitoka yak hiohmaya ka ish pisa cho? tvli vt achvfa kia aka ik itulo ka hi vt it on tvlkanchit itonla kvt iksho hoke, im achi tok.

3. Atuk osh tempel in chapaka Alif nvnih paknaka ya asha ma, Pita, micha Chemis, mikmvt Chan, anonti Antilu aiena kvt lumvt i ponaklot,

4. Nitak katiohmik mak o ilvppa puta kvt yohma hi o, micha ilvppa puta kvt ont aiahla chikma, nanta hosh ai isht atokowa hi oh cho? ish pim anolashke, achi tok.

5. Mihma Chisvs vt afalaminchi mvt, Ahah! hvsh aiahni na hatak nana kia ik hvchi yoshublecho kashke.

6. Sa hohchifo isht hohchifo kvt itvnowa cha, Klaist sia mak oke, achi kvt laua he, micha lauachit yoshublicha hi oke.

7. Yohmikma tvnvp asha, micha tvnvp asha he annoa puta aiena ka hvsh haklokmvt, ik hvchi komunto kashke: ilvppa puta kvt moyumvt ont a yvmohmi pulla hi oke; yohmi kia ont ai-vhli kvto ik ai ono kisha hoke.

8. Okla achvfa kvt okla makinli ka it amokvfa he, mikmvt apelihchika achvfa kvt apelihchika mak inli ka it amokvfa hi oka; yohmikma yakni ilaiyuka ka yakni vt a winakvcha he: mikma hohchvfo, micha okla ik it im ai achukmo aiena kvt takala hi oke: yakohmi kak osh nanukhaklo ai ishtia vmona mak oke.

9. Yohmi kia ahah! hvsh il aiahnashke; okla hvch ishit nan apesa vhleha ibbak a hvchi fohka he: mikma sinakak anukaka ma a hvchi a bohova he: micha atokowa hvsh im anola chi ka, vno pulla hatuk mak o na pehlichu vhleha, micha miko puta aiena itikba ya hvch ishit ohona hi oke.

10. Yohmikma vbanumpa hak osh tikba oklushi moma ka isht ai im anuhumpa pulla hi oke

11. Amba okla hvch ishit, ivt okla ibbak a hvchi fohkikma, nana hvsh anumpula hi vt tikbanli hvch ik anukfillokmvt, anonti tikbanli anukfillit ik hvchim vltaho kashke:

amba hvshi kanvlli yvmma fehna ka nana hq hvchi nukfol-kikma, yvmmak o hvsh anumpulashke: hvchishno ak osh hvsh anumpula hi o keyu, amba Shilombish Holitopa yak a hi oke.

12. Mikma itibapishi hatuk vt itibapishi hash illi issakma, anonti iki atuk vt iso ha illi issa he; mikma vlla vhleha hut iki, ishki ita tuklo ka i nukkilli cha, illi issa hi oke.

13. Yohmikma vno pulla hatuk mak o hatak moma kvv hvchi nukkilli hi oke: yohmi kia kvna hosh aiahlit mahayvt ai vhli ka ona hok mak osh, mihi yosh okchaya hi oke.

14. Yohmi kia hopaii Taniel vt isht anumpuli tok nan-okpuni a i nukkilli vhpesa kvv a hikia he keyu kvv hikia na hvsh pisakmvt, (kvna hosh ilvppa it im anumpulikmvt akostininchashke,) yohmikma Chutea ya asha tuk mvt nv-nih chaha pit a yihlepashke.

15. Mikma kanima hosh aboha paknaka ahanta tuk mvt aboha ya akowa cha in chuka ya nana kia ai ishit kohcha chi kvv, ont ik chukowo kashke.

16. Yohmikma osapa anukaka yo anta tuk mvt, i nafohka ya isha chi kvv, falamvt ik aiyo kashke.

17. Yohmikma nitak yvmma foka ka kvna hosh vlla shanli hatuk, mikmvt vlla pishechi atuk aiena hokvto ai i palvmma he mak oke.

18. Micha hvshhtula yo hvch ik yihlepo ka hi vt vba pit hvsh anumpohonlashke.

19. Nitak yvmma foka na-palvmmi kvv nana toba vmmo-na Chihowa hvv nan ikbi tok ai vhlit mihinti ka yvmma chohmi kvv iksho chatuk: mikmvt yvmma chohma he keyu ka hi oke.

20. Micha Chihowa yak osh nitak yvmma foka ka hokohlichi tuk o keyukma, hatak nana hosh okchaya he tuk keyushke: amba nan-vlhtoka ilap vt atokoli tok pulla hatuk mak o nitak yvmma hokohlichi tok oke.

21. Micha yvmma fokakma hatak nana hosh, Yakeh! Klaist vt ilvppak o antvshke, keyukmvt yakeh! yvmma antvshke, hvchim achi hoh kia, ik hvchi yimmo kashke.

22. Klaist ilahobi vhleha, micha hopaii ilahobi vhleha

aiena tovt hiohli kv̄t nan isht atokowa puta, micha nafehna puta aiena ka otv̄nibinchit, yohma he yobakma, nan-vlhtoka v̄hleha nana kia yoshublich̄a hi oke.

23. Yohmi kia yakeh! nan okluha ka tikbanli hv̄chim anoli li tuk oke, ahah! hv̄sh aiahnashke.

24. Amba na-palv̄mmi yv̄mmak atuk a misha foka nitak okv̄no. hv̄shi vt okhlilikma, anonti hv̄shi ninak aya mvt ik tommo ka he.

25. Mikma v̄ba fochik puta kv̄t aka fohopakma, v̄ba shutik nana aiasha puta kv̄t winakv̄cha hi oke.

26. Yv̄mma fokakma, Hatak Ushi vt nan-isht-aighlika chinto, micha isht a holitopaka chinto aiena ka il ai eshi hosh hoshonti anukaka mihinti na okla pisa hi oke.

27. Yv̄mma fokakma yv̄mmak ash ot im enchil v̄hleha h̄a pit tibleli na ilap i nan-vlhtoka v̄hleha h̄a a mahli ushta yakni atahaka ya ai v̄hlit shutik ont ataha pit ai v̄hli ka a hoyot itahoba hi oke.

28. Inta! fik v̄pi nan isht vlhpisa ka hv̄sh ai ithv̄nashke; Yv̄mmak okvt hishi toba ch̄i hosh bokoblit tahakma, toffa ch̄i kv̄t olanlosi ka hv̄sh ithana hoke.

29. Yohmi hokvt hv̄chishno vt yv̄mmak o hv̄sh chiyuhmi; na-yakohmi puta kv̄t ont aighli na hv̄sh pisakmvt, ai v̄l̄a hosi, okhissa ak kia ai itukonofa hoka hv̄sh ithanashke.

30. Ahli mak o hv̄chim achi lishke, Himak a okla maya ilv̄ppvt ont ik taho k̄isha h̄o, nana ilv̄ppa puta kv̄t a yv̄mohma ch̄i hoke.

31. Uba shutik, micha yakni aiena kv̄to ont ai iksho ka he, amba v̄m anumpa puta hatuk v̄to ont ai iksho ka he keyushke.

32. Yohmi kia nitak yv̄mmak a he, micha hv̄shi kanv̄lli isht vlhpisa yv̄mmak a he aiena hokv̄no, hatak nana hosh pit ithana keyu, enchil v̄hleha v̄ba aiasha, mikmvt Ushi aiena kak kia pit ik ithano, amba Iki ak bano hoke.

33. Ahah! aiahnit okchvt v̄ba pit hv̄sh anumpohonlashke: nitak ont ai vlhpesa hi a hv̄sh ithana keyu hoka.

34. Hatak Ushi vt hatak osh anowa hopaki ia hosh, in chuka issvt ia mvt, in tishu v̄hleha hash o chuka apesv̄chi

atokoli mvt, mominchit a toksvli aiyuka im apesa cha, okhissa atoni ash o ahah! ahnit okcha chi ka, im apesa tok o chohmi hoka.

35. Yohmi hoka ahah! ahnit hvchi okchashke: chuka chvfa pehlichit vt opiakmá, keyukmvt ninak iklvna hokmá, akaka ohonla kak okmá, keyukmvt, onnahinli kak okmá nana ho vla hi a hvsh ithana keyu hokvt.

36. Yvmmak keyukma ashalika vla cha, nusi hosh hvsh maya na ant hvchi pesa hinla hoke.

37. Yohmi hoka nana ho hvchim achi li kvv moma kak o Ahah! ahnit hvchi okchashke, im achi li hoke, achi tok oke.

CHAPTA XIV.

Na-holitompa isht gsha micha na-holissochi vhleha aiena kvv Chisvs a illichit chi kvv anumpa it im achvfa, 1: 3 micha ohoyo hosh passhi ahama Chisvs noshkobo yq o fohopli. 10 Chutas Iskaliot vt Chisvs a ishit okla ibbak a fohka chi kvv inla nan isht it im apesa. 12 Chisvs ak osh miha ho, nan im ai ithvna vhleha hvv vbanvblit ont ia isht-vlhpsa ha atahli: mihma Chisvs vt ibai impa hosh nahaksichi a atokolit bihlibli; 22 mihmvt Chitokaka im ai-impvt gsha hi a apesa; 27 nan im ai ithvna vhleha hvv issvt tvmoa he, 33 mikmvt Pita yvt ilapa ik ithano miha he puta ka Chisvs vt tikbanli anoli. 32 Chisvs vt Ketsemane a ont chukowa cha, vba pit anum-puli; micha nan i palvmmmit ahanta. 43 Chutas vt vla cha Chisvs a ant yukachit ishi ma, nan ai ithvna vhleha hvv issvt tamoa: 53 Chisvs a Kaiapas a okla isht im ona mvt, ik ahobalo fehna, mihmvt illi issa; 66 Pita yvt i shahli ha ik ithano miha tuk osh anonti falamvt nukhaklo.

1. YUMMAK atuk o i nitak tuklo ma, vbanvblit ont ia, micha puska ik shatvmmo aiena kvv gsha tok: mihma naholitompa isht gsha pehlichit vhleha, micha naholissochi okla aiena kvv yvmmak ash o kaniohmit haksichit okla ishi cha, vbi bvnvt maya tok.

2. Yohmi kia, Impa holitopa maya nitak ano keyu kashke, yvmmak keyukma, okla hvv isht ik ai vlhsesot gsha hinla hoke, okla achi tok.

3. Mihma yummak ash osh Betani tomaha Saimon leplo-si-vbi a tok in chuka yo impa hosh asha ma, ohoyo hvv spiknat nan-ahama toba ho alabasta kotobushi vlhto, holi-topa fehna ho ishi hosh vla tok: mihmvt kotobushi ash o koli mvt, yummak ash o noshkobo ha o fohopli tok.

4. Yohmi ma kanimi mvt chukvsh anukaka isht ik im vlhpeso fehna kvv asha tok; mihmvt, Na katihmi ho nan-ahama ilvppvt yakohmit okpulot kvnia cho?

5. Ilvppvt iskvi tahlepa tuchina atampa kia aivlbi cha, ilbvsha vhleha ha i holhpela hinla tuk oka, achi tok. Mihmvt ohoyo hash o okla nan isht mihachi tok.

6. Mihma Chisvs vt, Ik ashá, nanta katiohmi ho hvsh achibvchi hosh? nana achukma fehna mak o a si ai yvmihchi hoke.

7. Yohmi hoka ilbvsha yak okvto hvchim asha bilia chatuk: yohmi hokvt yummak okvno peh nitak katiohmi ho hvcbishno hvsh ahnikmvt, nana achukma ka hvsh i yvmihcha hinla hoke; amba vno vto hvchi takla anta li bilia keyushke.

8. Ilvppak ashot nana ka ai yvmihcha hinla kvto yvmihchi hoke: sa nipi vt hollopa chi ka, tikbanli ahvmma chi hosh vla ha tuk oke.

9. Ahli mak o hvchim achi lishke: Ubanunpa ilvppvt yakni moma ka kanima fehna ho ai anuhumpakma, nana ai yakohmichi tuk ilvppak ash kia yummak ash o isht ithaiyana hi a, anohowa hi oke, achi tok.

10. Mihma auah-tuklo kash achvvt Chutas Iskaliot vt yummak ash o ishit na-holitompa isht asha pehlichichihleha ibbak fohka chi hosh im ona tok.

11. Mihma yvmma okla haklo mvt, na-yukpa mvt, tvi holisso ima he apesa tok. Mihma katiohmi kak osh ai vlhpesa na yummak ash o ishi cha, yvmma ibbak fohka hinla kvv anukfihinli tok.

12. Atuk o pvaska ik shatvmmo nitak vmmona ka vbanvblit ontia ya okla ai vbi ma, nan im ai ithvna vhleha hash osh, Katima yak o il ia cha, il atahli na vbanvblit ont ia ya ish impa hinla kvv ish ahni cho? im achi tok.

13. Mihma nan im ai ithvna vhleha hash o tuklochit pit tihleli cha, Tumaha ha ont hvsh chukowashke: mikma hatak vt lukfi kotoba oka vlhto ho sholi kvv hvchi afama chi hoke: apihvt hvsh iashke.

14. Mihma kanima yo ont chukowakma, chuka yvmma vta hatak ash o, Nan-ithvnanchi vt, Ubapotvlhpo ai impa aboha hvv katima yak o talaia ho, nan vm ai ithvna vhleha ha pehlichit vbanvblit ont ia ya it ibai impa la chi cho? achishke, hvsh im achashke.

15. Mikma vba-potvlhpo yosh chito, nana vlhtaha achukma ho hvchim anola chi hoke: yvmmak o hvsh a pim atahlashke, im achi tok.

16. Mihma nan im ai ithvna ash osh ivt, tumaha ha ont chukovvt okla mvv, nana ai im anoli tuk ash ai vlhpiesa na pisvt okla tok: micha vbanvblit ont ia ya atahlit okla tok.

17. Atuk o ont opia ma yvmmak ash ot auahtuklo kash o pehlichich cha, ona tok.

18. Mihma binohmayvt impa ma, Chisvs ash ot, Ahli mak o hvchim achi lishke; Svbai impvt hvsh maya kvv hvsh achvfona mvv, svshit inla ibbak hvv sa fohka chi hoke, achi tok.

19. Mihma okla nukhaklo fehna mvv, achvf-aiyukvt, Uno ak oh cho? im achi ma, anonti inla mvv, Uno ak oh cho? achit isht mahaya tok.

20. Mihma afalaminchi mvv, Auah tuklo kvv achvfvv ampo achvfa ho a svbai impa kak oke.

21. Hatak Ushi yokvto isht a holihiso tok mak o aya ho mvhlishke: amba Hatak Ushi a ishit inla ibbak fohki yvmmak okvto i palvmma chi mak oke: hatak yvmmak okvt ik tobo tok okmak osh im achukma hatuk mak a chi hoke, im achi tok.

22. Mihma impa hosh maya ma, Chisvs vt puska ya ishi cha, vba isht aiokpvchi mvv, tushahlichich cha, yvmmak ash o ima mvv, Ishit oh vpa, ilvppvt sa haknvp mak oke, achi tok.

23. Anoni isht-ishko ya ishi cha, vba pit aiokpvchit issa mvv, yvmmak ash o ima tok: mihma momvt okla ishko tok.

24. Mihma, Ilvppvt svssish nan-isht-vlhpisa himona hosh lgwa ka i fohopa mak oke.

25. Ahli mak o hvchim achi lishke, Pakvpi a waya ka himmakma ak ishko mak atuk osh himonvchit Chihowa spehlichika yak o ai ishko la he nitak mak a hi oke, im achi tok.

26. Mihma vba-isht-taloe ya okla taloe mvt, kohchvt Alif nvnih ha pit ilhkoli tok.

27. Mihma Chisvs ash osh, Hvsh moma kvv himak ninak a vno pulla kak o hvsh ibetvbla chi hoke: Chukfulhpoba apesvchi a issot boli likma, chukfulhpoba vt it a fimimpa hi oke, achit holisso hatuk oka.

28. Yohmi kia tani li ha mvto, hvchi tikba ivt Kalili a ona la chi hoke, im achi tok.

29. Yohmi kia Pita ash osh, Moma kak osh ibetvbli ik nana kia, si yvmohma he keyu, im achi tok.

30. Mihma Chisvs vt, Ahli mak o hvchim achi lishke, Himak nitak peh himak ninak akinli, akaka yvt hitukla ha ola takla ka hituchina ha chik svthano ish miha chi hoke; im achi tok.

31. Yohmi kia Pita ash ot i shahlichit kvllochit anum-pulit, Chi awant svlli hokmvt, kaniohmi kak osh ak chitha-no ka miha la he keyushke, achi ma, momvt yvmmak inli ho miha tok.

32. Mihma osapushi Ketsemane hohchifo taloia ho okla ai ona tok: mihma nan im ai ithvna vhleha hash o, Uba pit anumpuli la chi takla ka ilvppak inli ho ho chiyá, im achi tok.

33. Mihmvt Pita, micha Chemis, mikmvt Chan aiena ka pehlinchit ia mvt, okokko! ahni fehna mvt, anonti nukhaklot isht alotowa tok. -

34. Mihmvt yvmmak ash o, Sa shilombish vt nukhaklo atampvt illi hoke. ilvppakinli ho okchvt hvsh chiyashke, im achi tok.

35. Mihmvt itikba ivt olanlosi ona mvt, aka ont hlipia mvt, yohma hinla hokma, hvshi kanvlli ai vlhpisa atuk vt: kanvlla hinla ka, asilhha tok.

36. Mihmvt, Aki Abba ma! nan okluha kv̄t a chim aiahl̄i bano hoke; isht-ishko ilvppa is sa kanvlichashke: ik yohmi kia vno ak osh nan ahni li kak keyu, amba chishno ak osh nana hō ish ahni mak ashke, achi tok.

37. Micha v̄la mvt, nusi hosh maya na ant pisa cha, Pita ash o, Saimon chia hv̄t chi nusi hō? hv̄shi kanvlli v̄lhpisa achv̄fa takla ka chi okcha he keyu cho?

38. Okchv̄t v̄ba pit hv̄sh anumpv̄lashke, yv̄mmak keyukmvt anukp̄vli hō ish iba chukowa hinlv̄shke. Shilombish okv̄to im v̄lhtaha ho mv̄hli kia, amba haknip ak osh tikambi hoke, im achi tok.

39. Mihmvt anonti kanima ia cha, v̄ba pit anumpuli mvt, anumpa mihi ash inli hō miha tok.

40. Micha falamvt v̄la ma, nishkin ak osh weki hatuk osh, anonti nusi hosh maya na ant pisa tok: mihma nana hō okla im acha hi vt ik ithano ki tok.

41. Atuk o ont isht atuchina v̄la mvt, Himmak mak o, mayvt nusit hv̄sh fohashke: ont ai v̄hli hoke, hv̄shi kanvlli v̄lhpisa hv̄t ai onv̄shke: yakeh! Hatak Ushi a ishit nanashv̄chi v̄hleha ibbak a fohka ch̄i mak oke.

42. Ho taní; kiloh ilhkoli, sv̄shit okla ibbak sa fohka ch̄i hokv̄t olanlosi v̄lv̄shke, im achi tok.

43. Yohmi ma mih makinli hō anumpuli moma na auah tuklo atuk achv̄fa Chutas vt okla chinto na-holitompa isht asha pehlich̄i v̄hleha, micha na-holissochi v̄hleha aiena aiasha ka a minti hosh bv̄shpo falaia, micha iti tv̄ptua aiena sholi hō it apehv̄t v̄la tok.

44. Yohmi kv̄t ishit okla ibbak fohka ch̄i yv̄mmak osh ot nana apesvt, Kv̄na hō i suksowa likma, yv̄mmak osh mih mak ach̄i hoke; yv̄mmak o hv̄sh ishi cha, achukmalit ishit hv̄sh iashke, im achi tuk a tok.

45. Atuk osh v̄la makinli hosh, yv̄mmak ash o apissanlit iv̄t im ona mvt, A shahli ma! A shahli ma! achi mvt, i suksowa tok.

46. Mihma yv̄mmak ash o ibbak onochit okla ishi tok.

47. Mihma bilikasi hiohmaya tuk vt achv̄fet bv̄shpo falaia

y_o ishit shufi mvt, na-holitompa isht a_sha pehlich_i in tishu h_a ishit fahamvt haksobish a_s chanlit tvbli tok.

48. Mihma Chisvs vt anumpuli mvt, Hatak hukopa y_o ayvt i kohcha h_o chiyuhmit bvshpo falaia, micha iti toptua aiena sholi hosh hvs svsha ch_i kv_t hvsh itvnowa cho?

49. Nitak moma ka tempel anukaka ya hvchi takla antvt, nan itvnanachi li ka, hvch ik sasho chatuk: yohmi kia Holisso Holitopa yvt ont aiahli pulla ch_i kak o hvsh yakohmishke, im achi tok.

50. Mihma momvt yvmmak ash o issvt yihlepa tok.

51. Mihma hatak himita achvfa nipi bano hosh linen anchi kv_t, yvmmak ash iakaiyvt aya tuk o, hatak himita vhleha hv_t it i hokli tok.

52. Mihma linen anchi ash o kanchi cha, nipi bano hosh mokofit mvllelit i kvnia tok.

53. Mihma Chisvs ash o na-holitompa isht asha i shahli y_o okla isht im ia tok; mihma yvmma na-holitompa isht a_sha pehlich_i vhleha, micha hochitoka vhleha, mikmvt naholissochi okla aiena kv_t momvt im ai itvnavt maya tok.

54. Yohmi ma Pita yvt auet mishemanchi hosh pit iakaiyvt maya mvt, na-holitompa isht a_sha i shahli im aboha holitopa yak kia ona tok: mihmvt tishu vhleha h_a takla ashvt luak libesha tok.

55. Mihma na-holitompa isht a_sha pehlich_i vhleha, micha nan-apesa moma aiena kv_t Chisvs a_s nan isht im ai atokowa na vba ch_i kv_t, okla akostininchi bvna tuk osh, ik akostinincho ki tok.

56. Yohmi ka yvmma nan isht atokoli ilahobi hokvto laua kia, nan isht atokoli kak osh ai it im achvfa keyu ki tok.

57. Mihma kanohmi hosh wakaya mvt, nan isht im atokoli ilahobit,

58. Ilvppvt ibbak o, isht toba tok tempel ilvppa okp_vni lish, nitak tuchinakma, inla yosh ibbak o isht toba keyu h_o ikbi la ch_i hoke, achi ka e haklo tuk oke, achi tok.

59. Yohmi kia yvmmv_t okla nan isht atokoli kv_t ont ik itibai achvfo akinli tok.

60. Mihma na-holitompa isht asha i shahli ash osh iklon-na wakayvt hikia mvt, Chisvs ash o i ponaklot, Afalaminchit nana kia chik acho cho? yakohmi kv̄t nan isht chi atokoli ka katiohmi hatuk oh cho? achi tok.

61. Yohmi kia nana ik acho hosh lumvt asha tok. Mihma anonti na-holitompa isht asha i shahli ash ot i ponaklot, Chishno ak osh Na-holitopa ya Ushi Klaist chia mak oh cho? im achi tok.

62. Mihma Chisvs vt, Mih sia mak oke: yohmi ka Hatak Ushi vt nan-okluha imaiya ibbak ishtimpakimma ya binili, mikmvt vba hoshonti anukaka minti aiena ho hvsh pisa he mak oke, achi tok.

63. Mihma na-holitompa isht-asha i shahli yash ot i nafohka ya it a hlivffi mvt, Na katihmi ho himmakma nan isht atokowa ka iloh ahna hinla cho?

64. Chihowa isht ik ahobalo anumpa ha hvsh hakloshke: nanta hvchim anukfila cho? achi tok. Mihma illa he vlvh-pesa kak o, momvt okla anumpa onochi tok.

65. Mihma kanimi kv̄t on tuftua mvt, anonti nashuka ya ompohomo cha, ibbak bonunta isht isso cha, Akostininchit anoli, achi tok: mihma tishu vhleha hv̄t ibbak p̄vtha ya okla isht p̄vsaha tok.

66. Mihma Pita yvto nutaka aboha holitopa anukaka ya asha na ohoyo himita na-holitompa isht asha i shahli in toksvli vhleha hv̄t achvfv̄t v̄la tok.

67. Mihma Pita yvt libisha hosh asha na ont pisa cha atokolit pisa tok: mihmvt Chishno vt Chisvs Nasalet v̄tta ya awant ish aya tuk akinlishke, achi tok.

68. Yohmi kia Pita yvt ik ithano ilahobit, yv̄mma ithana li keyu; mikmvt nana ish miha kak kia ak chim akostininchoshke, acki tok. Micha kohchvt apishia ya ona ma, aka-ka yvt ola tok.

69. Atuk o anonti ohoyo himita yosh yv̄mmak ash o pisa mvt, bilikasi hiohmaya kash o, Ilvppak osh yv̄mma pit ai achvfa mak oke, im achi tok.

70. Mihma anonti yv̄mma ik ithano, miha tok. Yv̄mmak atuk a in chekosi ma bilika hiohmaya tuk ash ot anonti Pita

yash o, Chishno ak kia okla yvmma ish ibai achvfa yatuk o pullvshke: Kalili hatak chia hatuk osh, chim anumpa hv̄t pit ai achvfa hoke, im achi tok.

71. Yohmi kia Pita yash ot, Hatak ilvppa isht anumpulit hv̄sh maya ka ithana li keyushke, achit ik ahobalot anumpulit anumpa kv̄llo isht ile ononchit ishtia tok.

72. Mihma atukla ma akaka vt ola tok. Mihma Pita ash osh, Akaka yvt hitukla ha ik olo kisha h̄o hituchina ha chik sv̄thano ish miha ch̄i hoke, im achi tok. Chisvs im anumpa hash pit ithaiyana tok. Mihma yvmma anukfieli mv̄t, yahaya tok.

CHAPTA XV

Chisvs a okla takchi cha, Pailat ibbak fohki, 1 ; 15 na-holitompa isht asha v̄hleha hv̄t Pailat a anukfohkechi na Balabas ak o i hotofi cha Chisvs okvno ititaiyukhv̄na ahonv̄hlvt illa ch̄i h̄o im issa: 17 mihma tv̄shka chipota v̄hleha hv̄t yvmmak ash o kv̄ti tv̄nna yo iachukolichi cha, isso: 20 mihmv̄t ititaiyukhv̄na ahonv̄hla ch̄i mak o ilauct ia. 21 Chisvs a Kolkohla ya okla isht ona mv̄t, hatak hukopa tuklo itin takla yo a tak alichit ititaiyukhv̄na ahonv̄hlich̄i; 29 mihma na-holitompa isht asha v̄hleha, micha okla puta kv̄t ishit yopula: 33 hv̄shi vt okhlilit kv̄nia ma, Chisvs vt Chihowa h̄a pit in tahpahanlv̄t illi. 38 Nantv̄nna holitompa tempel anykaka takali tuk vt it a hlilafa; Sintulion vt, Chisvs vt Chihowa ushi pulla tuk achi; Chisvs vt ititaiyukhv̄na a takali ka, ohoyo kanimi kv̄t pisa 42 Chosof vt Chisvs haknip ititaiyukhv̄na takali tuk a ishit akv̄chi cha, sepv̄lka himona ilap i hikia tuk vt fohki.

1. **ATUK** o onnahinli makinli h̄o na-holitompa isht asha pehlich̄i hash osh hochitoka v̄hleha, micha na-holissochi okla, mikmv̄t nan-apesa v̄hleha moma aiena h̄o nana ai it im apesvt maya cha, Chisvs a takchi mv̄t, isht iv̄t, Pailat ibbak a ont fohki tok.

2. Mihma Pailat ash ot i ponaklot, Chishno ak osh Chu okla h̄a i m̄iko chia mak oh cho? achi tok. Mihma Chisvs vt, Ulhpesa h̄o ish mihv̄shke, im achi tok.

3. Mihma na-holitompa isht asha pehlich̄i v̄hleha hv̄t

yummak ash o nana ilaiyuka laua ho isht onochi tok yohmi kia nanasi kia ilapvt afalaminchit ik miho ki tok.

4. Mihma Pailat ash osh anonti i ponaklot, Nana chik acho ha cha? yakeh! nana ka isht a chi atokoli ka laua fehvshke, achi tok.

5. Yohmi kia Chisvs ash ot nana ik acho moma tok. Yohmi hatuk o Pailat ash osh, okokko! aiahni tok.

6. Mihma vbanvblit ont ia impa gsha ka ilap mak osh, kanima yo okla ahnikma, yukvt talakchi atuk a achvfalit im i hotofi chatuk a tok.

7. Mihma achvfa hosh, Balabas hohchifo kvv nan-vlhpisa ya itibai i sanalit ahashwa cha, nan-vlhpisa i sanali kvv hat tak vbi tuk vt ai it apehvt talakchi hosh itonla tok.

8. Atuk o okla laua yash ot chitolit tahpvlvt, nana ka ai i yvmihchi bilia yatuk vt yvmihcha chi ka okla im ahni tok.

9. Yohmi kia Pailat ash osh afalaminchi mvt, Chu okla i Miko ak o hvchim i hotofi la chi ka hvsh ahni cho? im achi tok.

10. Yummak okvno na-holitompa isht gsha pehlichu vhlena hvv i nukkilli kak osh ishit ibbak fohki tuk a ithana hatuk okvt.

11. Yohmi kia na-holitompa isht gsha pehlichu vhleha hash ot Balabas ak o im i hotofi pulla chi ka okla ha isht a nukfohkichi tok.

12. Mihma anonti Pailat ash ot afalaminchi mvt, Yohmi ka Chu okla i Miko hvsh achi yummak amo nanta ho kati-michi la he ak o hvsh ahni cho? achi tok.

13. Mihma atuklanchit chitoli hosh, Ititaiyukhvna ak o ahonvhlvchi, achi tok.

14. Yohmi ma Pailat ash ot, Nanta katiohmi ho nan ik achukmo nanta mak o yvmohmi tuk oh cho? im achi tok. Mihma yummak o okla isht i shahlichu fehvvt tahpvlvt, Ititaiyukhvna ak o ahonvhlvchi, achi tok.

15. Yohmi ma Pailat ash ot okla ha yukpali bvna kvv, Balabas ak o im i hotofi tok: micha Chisvs ash o fvmmi mvt, ititaiyukhvna ahonvhlvt illa chi mak o, yummak ash o ishit okla hash ibbak fohki tok:

16. Mihma tvshka chipota vbleha hash ot yummak ash o halvllit isht ivt nan ai apesa Pletolium hobchifo hō isht ona tok : mihmvt aya achvfa tuk ash o momint hoyot itvnali tok.

17. Mihmvt na-fohka hummakbi hō ishit fokvchi mvt, kvti tvnvt iachuka ikbi cha, iachukolichi tok.

18. Mihmvt aiokpvchit, Chu okla i Miko ma ! na chi yuk-pashke, achi tok.

19. Mihmvt noshkobo hā kushak ishit isso mvt, on tuf-tvvt, anonti hvchikbihleptv hikia cha, aiokpvchi aiena tok.

20. Mihmvt yummak ash o okla ishit yopula hayosh na-fohka hummakbi ash o i shufi cha, ilap i na-fohka yash inli hō okla fokvchi mvt, ititaiyukhvna ahonvhlicha chī mak o kocha isht ia tok.

21. Mihma Saimon Silinian hatak Aleksanta, micha Lufvs aiena iki vt yakni kocha vttvt minti hosh aya ma, im ititai-yukhvna ya shola chī ka okla atohnochi tok.

22. Mihma yummak ash o yakni Kolkohla, yummvt to-showakma, Noshkobo foni aiasha achi hō okla isht ona tok.

23. Mihmvt ishka chī ka oka-paki osh mvh it-ibvlhto hō okla ipeta tok ; yohmi kia ik ishko ki tok.

24. Mihmvt yummak ash o okla ititaiyukhvna ahonvhlichi mvt, hatak achvfa kvv kaniohmi aiyuka isha chī kvv nan isht a shoelit mavvt, i na-fohka yash okla it i hopela tok.

25. Yohmi kvv hvshi kanvlli vlvhvisa ont atuchina hō ititaiyukhvna ya okla ahonvhlichi tok

26. Mihma anumpa isht ai onvtula hatuk holisso kvv pak-naka ya **CHU OKLA I MIKO YOKE**, achi hosh a holisso tok.

27. Micha hukopa tuklo hō achvfvv ibbak ishtimpak-imma takali ma, anonti achvfvv im vlvhvbekimma takali hō it aieninchit ititaiyukhvna ahonvhlichi tok.

28. Mihma holisso holitopa yvt achi kvv, Micha nan-vlhvvisa kobvffi vbleha hō iba holhtiena tok achi hatuk vt ont aighli tok oke.

29. Mihma itvnovvt aya mvt, yummak ash o ik ahobalot pit i yuchunuklit, Tempel a okpvni cha anonti nitak tuchinakma ikbi chia hash osh,

30. Chishno ak inli kak osh ile okchalinchit ititaiyukhvna ya auet akowá, im achi beka tok.

31. Mihma na-holitompa isht asha pehlichí vhleha, micha na-holissochi vhleha aiena hash kia ishit yopula akinlit, Inla yokvno okchalinchi hatuk o kak osh, ilap inli hokvto ile okchalincha he keyushke.

32. E pisa cha pi yimma chí ka, himonasi ak o Israeł i miko Klaist vt ititaiyukhvna ya vttvt auet ik akowá, it im achit maya tok. Mihma apehvt ititaiyukhvna ahonvha kash kia yummak ash o na-mihachi tok.

33. Atuk o hvshi kanvlli vhpisa isht hannali kv̄t ai ona ma, okhlili hv̄t yakni mominchit takali na hvshi kanvlli vhpisa ont isht chakkali ka ona tok.

34. Mihma hvshi kanvlli vhpisa ont isht chakkalik fehna. Chisvs ash ot chitoli hosh tahpvt, Eloi, Eloi, lama sabakhlani, yummvt toshowa kv̄t, An Chihowa ma! an Chihowa ma! nanta katiohmi ho is sa kanchi cho? achi hoke.

35. Mihma bilika hiokmaya tuk vt kanimi kv̄t haklo mv̄t, Yakeh! Elias ak o i howvshke, achi tok.

36. Mihma achvvt malelit iv̄t na-shatvmmi o wineka ont alotoli cha, kushak o takalichit ishka chí ka pit ima mv̄t, Ik ashá, Elias vt vla cha ant ishit akvchikmá nana chí hokmá, keho pisá, achi tok.

37. Mihma Chisvs ash osh chitoli hosh anumpuli mv̄t, fiopa issa tok.

38. Mihma nantvna tempel anvkaka takali kash ot paknaka ai it a hlilav̄t ia mv̄t, aka ont taha cha tuklo tok.

39. Mihma Sintulion vt im a chapaka hikia tuk vt, yummvt chitolit makachi cha, fiopa issa na pisa mv̄t, Hatak ilvppvt Chihowa Ushi yatuk o pulla mv̄hlishke, achi tok.

40. Mihma ohoyo aiena hosh mishema ho p̄sv̄t hiohmaya ma, Meli Maktalene, micha Chemis iskitini, mikmv̄t Choses aiena ishki Meli, mikmv̄t Salome aiena kak osh takla hinli tok.

41. Yohmi kv̄t Kalili a anta ma, ohoyo ilvppak osh apehvt av̄t, nan isht im ashwa tok: mihma apehvt av̄t Chelusalem a ai vla tuk vt ohoyo inla yvt laua hosh pit ai okluha tok.

42. Atuk o ont opivt taha ma, nana il ai atahli nitak, yummvt nitak hullo vt onnvt gsha hq.

43. Chosef Alimahlea vttā, nan-apesa holitompa hosh, yummak kia Chihowa apelihchika hohoyo hosh anta hatuk osh, nukwaya ikshot Pailat ash o ont iba chukowa cha, Chisvs haknip a im asilhha tok.

44. Mihma Pailat ash ot mihi ash takla illi hotuma, ahni kv̄t nukhlakan̄cha tok, micha Sintulion a hoyo mvt, illi tuk a ahchibakmá, nana tuk a, i ponaklo tok.

45. Michā sintulion a isht ai akostininchi mvt, haknip ash Chosef a im issa tok.

46. Mihma yummak ash ot linen lapushki yo chumpa mvt, yummak ash ishit akvchi cha, linen a a bonulli cha, sepulka tvli yosh kulvt toba ho ont bohli cha, tvli yo tonolichit sepulka okhissa yash pit o bohli tok.

47. Mihma Meli Maktalene, micha Meli Choses ishki ita tuklo kv̄t yummak ash a bohli ka piv̄t okla tok.

CHAPTA XVI.

Enchil osh Chisvs vt falamvt tani tuk a oboyo im anoli, 1. 9 Chisvs vt falamvt tani ha yvt Meli Maktalene a im otvni tuk osh, 12 nan im ai ithvna v̄hleha ha tuklot i haiaka: 14 atuk osh i himmakma auah-chv̄fa kash ont im otvni: yohmi mvt na yimma he keyu tuk a nan isht i miha; 15 micha v̄banumpa ya kanima moyuma isht ai anumpohonla chi ka im apesa; 19 mihmvt v̄ba ya ia ma, v̄ba isht anumpa hv̄t anuhumpa.

1. ATUK osh nitak hullot issa ma, Meli Maktalene, micha Chemis ishki, mikmvt Salome aiena kv̄t iv̄t yummak ash o ont ahv̄mma chi kv̄t, na-balama, okla chumpa tok.

2. Atuk osh wek chukowvt ia nitak vmmona onnahinli fehna hv̄shi kohcha ho sepulka yash okla ona tok.

3, 4. Mihmvt, Kv̄ta hosh tvli vt chito fehna kash o sepulka okhissa a pim a kanv̄lichā chi ho? ilap bika it im achi tok: mihmvt okla pit hopokoyo kash osh, a kanv̄lli tuk a, okla pit pisa tok.

5. Michā sepulka ya okla pit chukowa mvt, hatak himita

yvt na-fohka tohbi falaiia fohka hosh, ishtimpak imma tvn-
nvp a binili ho, okla pisa cha, nukhlakancha tok.

6. Mihma yvmmak ash ot, Ik hvchi nukshopo kashke,
Chisus Nasalet vta yvt ititaiyukhona ahonvha tuk ash o
hvsh hoyoshke: tani tuk oke: ilvppa ikshoshke: okla a
bohli tuk a, pit ho pesá.

7. Yohmi kia hvsh ia cha, nan im ai ithona vhleha, Pita
aiena ka, yvmmak okvt hvchi tikba Kalili a ia he tuk a, ont
hvsh im anolashke: yvmmak o hvchi miha tuk mak oka,
yvmmak o hvsh a pisa chi hoke, im achi tok.

8. Mihma tushpvt pit okla kohcha mvt, sepulka yash
ashvvt pit yihlepa tok: nukhlakancha, wvnihinchi, micha
nukshopa aiena hatuk osh, kvna kia nanasi kia okla pit ik
im acho ki tok.

9. Micha Chisus vt wek chukovvt ia nitak vmona on-
nahinli fehna ho tani tuk vt, Meli Maktalene, yvmmak o
nan-isht-ahullo okpulo untuklo ka a kohchi tuk ash nan
tikba i haiaka tok.

10. Mihma yvmmak ash osh ivt apehvt itvnowa yatuk vt
nukhaklot yaiya hosh maya ma, ont im anoli tok.

11. Mihma yvmmak ash osh okchaya na yvmmvt pisa
tuk a okla haklo mvt, ik yimmo ki tok.

12. I himmakma yvmmak ash osh, tuklo hosh itvnowvt
ayvt, yakni kocha itonachi ma, anonti ai inlvvt i haiaka tok.

13. Mihma itiachi cha, kashapa kash o ont im anoli tok.
mihma yvmmak ash kia okla ik i yimmo ki tok.

14. Atuk o i himmakma auah-chvfa hash osh impa hosh
maya ho ont i haiaka cha, tani ha ya inla yvt pisa tuk a
okla ik i yimmo hatuk oka, na yimma he keyu, micha chu-
kvsh kullo aiena ka nan isht ai i miha tok.

15. Mihmvt, Yakni moma ka ivt, vbanumpa ha hatak hi-
xia puta isht hvsh im anumpohonlashke.

16. Kvna hosh yimmi cha baptismokmvt, okchaya hi oke,
amba kvna hosh ik yimmo hokvto, issikkopvt bilia im vlpisa
hi oke, im achi tok.

17. Micha na-yimmi vhleha hokvno nan-isht atokowa ya-
kohmi kak osh a takanlit aya hi oke. Uno sa hohchifo ha

nan-isht ahullo okpulo puta isht kocha welikmvt, anumpa ilaiyuka anumpula hi oke.

18. Micha sinti chilita puta ka peh okla aiowa he, mikmvt ishkot illi nana kia ishko hoh kia, nan ik kanihcho ka he : abeka ya ibbak isht umbitepakma, hlakofa he bano hoke, im achi tok.

19. Yohmi mvt Chitokaka yvt ant im anumpuli mvt, vba ivt vba yakni a ont chukowa cha, Chihowa im ibbak ishtimpak-imma ya a binili tok oke.

20. Mihma Chitokaka yvt apelahanchit anumpa ha nan isht atokowa kvv a takanlit aya hatuk ash isht aiahlichi ma, kanima moma ka vba isht ai anumpohonlit itvnowa tok oke.
Amen.

UBANUMPA LUK

VT HOLISSOCHI TOK

CHAPTAL

Luk vt Hliopilvs a pit im anumpuli, 1. 5 Enchil vt Sakalias a ont im otvni: 18 mihmvt ushi gsha hi a i miha; 24 Elisabet vt vlla shali cha, ile luhmi. 26. Enchil vt ohoyo himita Meli a ont i haiaka; yohmi mvt Shilombish Holitopa yosh nan anukfilli ho, Klaist ishki a toba pulla hi a i miha. 39 Meli vt Elisabet a ont i nowa mikmvt ita tuklo kvv Chihowa ya aiokpahanchi. 57 Chan vt vtta cha, hakshup tupa mvt hohchifo: 64 mihma Sakalias vt falamvt anumpuli mvt, 67 na tikbanli anolit Chihowa ha aiokpahanchi.

1, 2. NANA ka isht a pi yimmi ahli fehna vmmonvt isht auehinchi ka nishkin isht pivt, nana ka isht ahashwa tuk vt yvmma pim anohonli tok mak osh lava kvv yvmmak atuk a isht anumpa holisso ha ikbi tuk o,

3, 4. Uno ak kia nan vmmona isht-auehinchi ka nana kvv akaniohmi tok puta ka mominchit asilhit achukmalit akostinichi li tuk vt, chishno vt nana ka isht chim annoa tuk a aiahi ka ish ithaiyana chi ka, nan-annoa ma it iakaiyachi hosh pit chi holissochi la hi vt vm anukfila tuk oke; Hliopilvs holitopa fehna ma!

5. Chutea i miko Helot vt ahanta nitak a, na-holitompa isht vtta achvfa Sakalias hohchifo kvv, Abia apehlichika a ibafohka yosh anta tok: mihma tekchi vt Aalon ushetik vhleha isht-atiaka yosh, hohchifo kvv Elisabet a tok.

6. Mihi yosh yvmmvt tuklot Chihowa yvt pisa ho aiahi biekvt, anumpa vlpisa puta, mikmvt nan-vlpisa ilaiyuka Chihowa yvt apihisa tok a moma ka i shanaiya iksho hosh ahashwa tok.

7. Yvmohmi hosh Elisabet ak osh ushiksho yatuk o, vlla yvt ik im iksho ket okla hosh, tuklot sipoknit taiyaha tok.

8, 9. Atuk o yakohmi tok : ilap ai itvpeha yvt ont im ai vllhpiesa ma, yvmmvt na holitompa isht asha Chihowa itikba ya isht ai ahanta chi ka, na holitompa isht asha nan im vllhpisa chatuk mak o, Chihowa in tempel a ont chukowa cha, na-balama luacha hi vt nashoeli ho isht im vllhpisa tok.

10. Yvmohmi ma okla laua yvt na balama lua takla ka vba pit anumpuli hosh kocha ya aiasha tok.

11. Yvmohmi ma Chihowa im enchil vt na-balama a lua alta ishtimpak imma tvnnvp o hiki vt i haiaka tok.

12. Mihma Sakalias vt pisa mvt, nukhlakanchvt nan-nukshopa mvt anukfoyuka tok.

13. Mihma enchil ash ot, Sakalias vt chi nukshopa na ; vba pit ish asilhha tok vt chim vllhpesa mak oke : yohmi ka chi tekchi Elisabet vt vlla nakni o chi shala he ; mikma yvmma Chan ish hochifa he ;

14. Yohmikmvt na chi yukpvt chim achukma fehna he ; yohmikma yvmmvt vta ka na yukpa kvv laua hi oke.

15. Yvmmak okvt Chihowa ya i holitopa fehna he : mikmvt oka-paki, micha oka homi nana kia ik ishko ka hi oke : micha ishki ikfoka a kohcha mak inli hosh Shilombish Holitopa isht anukfohkvt alotowa hi oke.

16. Yvmohmikmvt yvmmak okvt Islael isht-aiunchululi vhleha ha lauachit in Chitokaka Chihowa ya im antia hi a anukfohkicha he mak oke.

17. Mikmvt iki vhleha chukvsh a falaminchit vlla puta ka ai it ibafohkit it in nanaiyachikmvt, anonti nan ik yimmo puta ma hopoyuksa vhleha ha im anukfila ha pit ai ibafohkit, okla ha anukfohki na Chihowa hoka im vllhtaha chi ka, Elias im anukfila chinto il ai eshi hosh Chitokaka itikba ya ia hi oke, im achi tok.

18. Mihma Sakalias vt, Nanta hosh katiohmi na ilvppa isht akostininchi la chi cho ? vno vt hatak sa sipokni, yohmikma sa tekchi mvt sipoknit taiyaha kvno, enchil a im achi tok.

19. Mihma enchil ash ot afalaminchi kvv, Vno vt Chiho-

wa itikba hikia Kebliel sia mak oke: mih hosh ant chit im anumpulit, nan annoa achukma ilvppa chim anoli la hi vt si vlhtoka tuk oke.

20. Yvmohmi tuk o vm anumpa ha ont im ai vlhpiesak-mvt aiahla hi oka ik chi yimmo; yohmi hokvt ik anumpulo ish toba cha, ish anumpula he ik chim vlhpeso mak o, nana kash ot ont aiahli nitak a onak mak a hi oke, im achi tok.

21. Mihma okla hash ot Sakalias a pit hoyot aiasha mvt. tempel anukaka ya anta na hopaki hatuk o, katiohmi cho? okla ahni tok.

22. Atuk o yummak ash ot kohcha mvt, okla hash im anumpula he keyu ki tok: peh abahanchi mvt, anumpula he keyu hosh hikia hatuk o, tempel anukaka ya nana ho a pisa tuk a, okla akostininchi tok.

23. Atuk o yakohmi tok; ilap na-holitompa isht ai ahanta he nitak atuk vt ont taha makinli ma, in chuka ia tok.

24, 25. Atuk o nitak yummak atuk a i himmak ha yo. tekchi Elisabet vt vlla i fohka cha, Hatak puta itintakla sa hofahya kvv a takali tuk a isht kancha chi hosh, auet sa pihisa nitak vt Chitokaka yvt ilvppak o a yakohmichi tuk oke; achi mvt ile luyuhmi na hvshi tahlapi tok.

26, 27. Atuk o hvshi ont isht hannalik fehna ohoyo him-ita yvt hatak Chosef hohchifo hosh, Lewi in chuka-chvfa isht atiaka yo, im vlhpoa hosh ohoyo himita hohchifo mvt Meli osh, Kalili yakni tumaha Nasalet hohchifo ho anta ho, Chihowa yvt Kebliel a pit i chvffichi tok.

28. Yvmohmi na enchil ash ot im aboha ha ant chukowa mvt, Holitopa fehna chia hvv na chi yvkvashke; Chihowa hvv chi halvlli hoke, holitopa kvv ohoyo puta moma ka ish imaiyvshke, achi tok.

29. Mihma yummak ash ot pisa mvt, yvmvvt nana ahan-chi ka nukhlakancha mvt, nan isht aiokpvchi katiohmi hosh yakohma hinla cho? ahnit im anukfila tok.

30. Mihma enchil ash ot, Meli vt ik chi nukshopo kash-ke; Chihowa ish i holitopa hi vt chim vlhpesa tuk oke.

31. Yohmi kvv yakeh! vlla yvt chi fohka cha, vlla nakni o ish ishikmvt, hohchifo ha Chisvs ish hochifa he mak oke.

32. Yvmmak osh Chitokaka tobvt ahantvt, Nana moma i shahli Ushi hohchifa he; yohmikma Chitokaka Chihowa yvt iki Lewi im ai om binili holitopa ya ima hi oke.

33. Yohmikma yvmmak osh Chekob in chuka chvfa isht atiaka pehlichu na bilia he: yohmikma yvmma apelihika ya ont ataha he mvt iiksho ka he mak oke, im achi tok.

34. Mihma Meli ash ot, Hatak kia ithana li keyu hatuk ano, katiohmit ilvppvt yakohma chi cho? enchil ash o im achi tok.

35. Mihma enchii ash osh anonti afalaminchit, Shilombish Holitopa yak osh chim aya he; yohmikma Nana moma i shahli nan isht im aiahlika yvt chi o hoshontikacha hi oke; yohmi hoka na-holitopa kvv chim vttta hi vt yvmmak kia Chihowa Ushi hohchifa hi oke.

36. Micha yakeh! chi kanomi Elisabet vt ushiksho hohchifo chatuk kia, sipoknit taiyaha hosh vlla nakni i fohka tuk a himak vt hvshi ont isht i hannali hoke.

37. Chihowa ak okvto nana kvv ik im aiahlo ka hi vt iksho hoka, im achi tok.

38. Mihma Meli ash osh, Chitokaka immi ohoyo sia ka is sa pesashke: chim anuhumpa tuk mak o nana kvv vm ai vlvpiesashke, im achi tok. Mihma enchil ash ot issvt ia tok.

39. Mihma nitak yvmma foka ma Meli ash ot wakaya cha, tushpvt ivt, Chuta yakni nnih foka tmaha chito mvt talaia ho ona tok.

40. Yohmi mvt Sakalias in chuka ya ont chukowa cha, Elisabet a aiokpvchi tok.

41. Mihma yakohmi tok; Meli vt aiokpvchi na Elisabet vt haklo ma, vlla yvt ikfoka anuka ilhkoli tok; yohmi ma Elisabet vt Shilombish Holitopa isht anukfohkvv alotowa tok.

42. Mihmvt chitoli hosh anumpulit, Holitopa kvv ohoyo puta moma ka ish imayvshke: mihma chikfoka anuka a toba mvt holitovshke.

43. An Chitokaka ishki vt avvt vm vla ilvppvt katiohmi ho a yakohmi cho?

44. Yakeh! is si aiokpvchi ka anumpa bvt olvt sa hak-

sobish a ant fohka mak inli ho, vlla yvt na yukpa kv̄t sak-foka anuka ya ilhkoli kano.

45. Chitokaka yvt yv̄mma nana ho im anoli tuk a ont aighlit taiyaha hi oka, na yimmi tuk yv̄mmv̄to na yukpv̄sh-ke achi tok.

46. Mihma Meli ash ot, Sa shilombish vt Chitokaka ya holitobli,

47. Yohmi ma sa chukv̄sh vt Chihowa si okchalinchi a ai isht ilaiyukpv̄shke.

48. Yv̄mmak okvt in tishu ohoyo ilbv̄sha ya i nukh̄aklot pisa tuk oke: yohmi hoka himak p̄llvt ia ka hatak isht ai unchululi puta kv̄t na-yukpa sia hochifa hi oke.

49. Yv̄mmak osh nana moma imaiya mak osh nafehna chinto ka a yvmihchi tuk oke: yohmi kv̄t hohchifo hv̄t ho-itopa yoke.

50. Micha hatak it ai unchululi ia puta ka ilapa im antia vhleha ha yv̄mmvt i nukh̄aklo kv̄t ai in takali mak oke.

51. Yv̄mmak okvt ilapo shakba isht imaiyachi chatuk: ilapunla vhleha hv̄t ilap chukv̄sh nan isht im anukfilvt ma-yakma, yv̄mmak okvt it a fimibli chatuk oke.

52. Yv̄mmak okvt hochitoka vhleha im aiasha puta tuk a ai isht akakohlikmvt, anonti ilbv̄sha vhleha ak o holitobli-chi chatuk oke.

53. Hohchv̄fo ya yv̄mmak okvt na hochukma puta ka isht fihoblikmvt, anonti nan in laua yano nana kia ik im iksho-chit kanom pit tihleli chatuk oke.

54, 55. Eblaham, mikmvt yv̄mma isht ai unchululi ka i nukh̄aklot a bilia hi vt pin tikba vhleha ha pim anumpohonli tok vt ithaiyana mvt, in tishu Israel a apelahanchi chatuk oke, achi tok.

56. Mihmvt Meli vt yv̄mma awant anta na hv̄shi tuchi na foka mvt, falamvt in chuka ona tok.

57. Yohmi ma Elisabet vt vlla in tonla hi vt ont ai im v̄lhpiesa mvt, vlla nakni o sholi tok.

58. Mihma in chuka panta a sha, micha i kanomi vhleha aiena kv̄t, Chitokaka yvt yv̄mma i nukh̄aklo fehna tuk a okla haklo mvt, ibai yukpa tok

59. Atuk o yakohmi tok: nitak ont isht untuchina ma vlla ya hakshup toblit itvnowa tok; atuk osh iki a hochifochit yvmmak ash Sakalias hochifo tok.

60. Mihma ishki ash osh anumpuli mvt, Yohma he keyu; amba Chan ak o hochifa chi hoke, achi tok.

61. Mihma Chi kanomi hvt kanima mvt hochifo ilvppa isht a hochifo kvv ikshoshke, okla im achi tok.

62. Mihmvt iki ak osh nana ho hochifa hi a ahnik mak a chi ka, okla pit avvchi tok.

63. Mihma yvmmak ash ot aholissochi a hoyo cha, Hochifo hvt Chan oke, achit holissochi tok. Mihma, Na katihmi ho? momvt okla ahni tok.

64. Mihma yvmmak ash ot itih hvt ashalika wakama ma, isunlush vt yuhapa na anumpuli mvt, Chihowa ya aiokpahanchi tok.

65. Yvmohmi ma yvma ai i bilika fullota aiasha tuk ash ot momvt nukshumpa tok: yohmi ma ilvppa yakohmi tuk vt momvt annovt Chutea yakni nvnih foka yash mominchit a hlopulli tok.

66. Mihma okla yvma haklo tuk vt moyumvt, Ulla katihma chi hosh ilvppvt yakohmi cho? ahanchit chukvsh anukaka okla isht anukihinli tok. Mihma Chitokaka ibbak vt yvmmak ash o apelahanchi tok.

67. Mihma iki Sakalias ash ot Shilombish Holitopa isht anukfohkvv alotovvt, tikbanli nana anolit pit aiokpahanchit,

68-71. Israel in Chitokaka Chihowa hvt holitopashke: yvmmak okvt yakni toba tok taiyakla ka i hopaii hochukma aiashvt isht-avvchinchit ka itih isht ai anumpohonli tok mak osh, pishno vt pin tvvvp vvleha, mikmvt pi nukkilli vvleha ibbak ma mominchit il ai o hlakofa hi o, im okla talaiia ka i nuknaklot pihisa cha, nan isht vvhtoba he im atahlit, isht aiokchaya chinto fehna ka ilap in tishu Lewi in chuka-chvfa a pi hilechi tok.

72-75. Yohmi kvv pishno vt pin tvvvp vvleha ibbak ma il ai in hlakofikmvt, pi okchayvt nitak il ai ahanta kvv, nukshumpa iksho hosh nan-avvchi ikshot ai vvhpiesa hosh im antivt, itikba ma il avvshwa he mak o, avvvt pim aiahna hi v

ilap i nan-vlhpisa holitopa anumpa kullo aiena ka pin tikba Eblaham a isht ai im il onochi tok vt ithaiyana cha, anonti nan i nukhakla he anumpa ha pin tikba vhleha ha ihima tok vt aiahlichi mak oke.

76-79. Yohmikma, Ulla chishno vt Chitokaka yvt ataya chi puta ma apoksiachit, anonti hvpin Chihowa nan-isht i nukhaklo chinto pulla hatuk mak o, ilap nan im ai ashvchika yvt i kashofa hosh isht-ai okchaya ma im okla ha ish ithv-nahancha chi hosh Chitokaka itikba ish ia chi hokvt, Moma imaiya i hopaii chi hohchifa hi oke. Yvmmak atuk pulla mak o ai okhlilika, mikmvt ai-illi ai o hoshonti aiena anukaka aiasha tuk a in tohwelicha chi, mikmvt hvv iyi yvt ai itin-nanaiya hina foyuka chi ka apelvcha chi mak o onna tohwikeli vba minti kvv auet pi on tommishke.

80. Yvmohmi tuk o vlla yash ot asvnot ivt, im anukfila mvt kvllot i shahlit ia; yohmi hosh yakni haiaka ya ahanta na Israel a i haiaka he nitak vt ai ona tok.

CHAPTA II.

Chisvs vt Behlehem ak o ai vtta cha, vlhpoba ai-impv peni yo fohka,

1. 8 Chukvvlhpoba apesvchi vhleha Behlehem bilika asha tuk o, Chisvs vt vtta ka, enchil osh ont im anoli; 13 mihma enchil vhleha hvv laua hosh ai vva cha, ibai achvfvt Chihowa ha okla aiokpahanchi. 21 Chisvs vt hakshup tvpa; yohmi ma tempel anukaka yak o Chitokaka ya pit ai im issa ma, Simeon, micha Anna aiena kvv, avvt okla hosh tempel a ont chukowa; yohmi cha hatak okchalinchi himona vtta tuk a pisa mvt, Chihowa ha pit aiokpahanchi. 40 Chisvs vt afvmmi auah-tuklo ka ona mvt, 46 tempel o nan ai im avvchi vhleha puta ka i haponaklo, nan im asilhvchi aienvt anta: 51 atuk osh falamvt Nasalet ona cha, iki, ishki aiena ka im antia hosh ahanta.

1. **MIHMA** yakohmi tok: nitak yvmma foka ma, yakni yvmvvt okluyuhvt holissa hi a Sesa Akvstvs vt apihisa tok.

2. Yakohmi ka Silenivs vt Silia i mikot ahanta mak o okla holissa he ilvppvvt vlhpisa vmmona tok.

3. Mihma momvt ilap in tvmaha aiyuka a holissa chi hosh ilhkoli tok.

4, 5. Mihma Chosef ak kia, yummvt Lewi in chuka-chufa yo isht-ai-unchululi hatuk okvt, Kalili yakni Nasalet tumaha ha vttvt kohchvt ia mvt, Chutea yakni Lewi in tumaha Behlehem hohchifo ho tekchi vllhpoa Meli vt vlla in tola hosi ho, it iba holissa chi hosh ona tok.

6. Atuk o yakohmi tok: yumma ont ahashwak fehna, yummvt vlla in tola he nitak vt ont ai vllhpiesa tok.

7. Mihmvt ishi ahpi kvv vlla nakni osh in tola cha, yummak ash na-hlilabli o a bonulli mvt, aboha anuka yano aiasha yvt iksho hoka, issuba ai-ilhpita yo fohkit bohli tok.

8. Yohmi ma yakni yummak inli ka chukfulhpoba apesvchi vhleha kvv vllhpoba apesvchi hosh ninak a haiaka yo aiasha tok.

9. Yvmohmi tuk o Chihowa im enchil vt ayvt im vla na Chihowa im a tohwekeli ehinto kvv ai on tommit talaja ma, okla nukshopa fehna tok.

10. Mihma enchil ash ot, Hvchi nukshopa na; vno vt anumpa na-yukpali a chinto fehna okla moyuma ka im aya he mak o isht hvchim aya li hoke.

11. Himak nitak a nan-okchalinchi, yummvt Klaist Chitokaka mak osh Lewi in tumaha ha a hvchim ai vttvshke.

12. Yohmi ka atokowa kvv ilvppak o yakohmi ha chi hoke: Ullosi vt nahlilahli o a bonunta hosh, issuba ai ilhpitta yo fohkvv itonla ho ont hvsh pisa chi hoke, im achi tok.

13. Yohmi ma i mih-makinli ho enchil okla chinto yvt enchil ash o ant okla apeha cha, Chihowa ya aiokpvchit,

14. Chihowa yvt vba chaha moma i shabli ya ik a holi-topa; mikmvt yakni paknaka ma ik a nanaiya: mikmvt hatak a nana achukma im anukfilli aiena kvv ik ai ituyula, ahanchi tok.

15. Mihma yakohmi tok: enchil okla hash osh issvt vba ya kvv taha ma, chukfulhpoba apesvchi vhleha hash osh, Inta Behlehem fehna ka kiloh ia cha, nana kvv a yvmohmi tuk o, Chitokaka yvt hvvim anohonli tuk ilvppa ont eho pisashke, it im achi tok.

16. Mihmvt tushpvt itvnowvt ona cha, Meli, Chosef ita

tuklo ka, micha vllōsi atuk mvt issuba ai ilhpitta yō fohkvt itonla aiena hō okla pisa tok.

17. Yakohmit ont pisa mvt, vlla yvmma nana ka okla nan isht im annoa tuk ash ot mishema a mominchit ai anoli tck.

18. Yohmi ma na yakohmi ka chukfulhpoba apestchi vhleha hvt im anoli na okla haiyaklo tuk vt momvt, okokko! aiahni tok.

19. Yohmi kia Meli vto nana yakohmi kash mominchit chukvsh anukaka isht ithaiyanvt, anukfihinli tok.

20. Mihma chukfulhpoba apesvchi vhleha hash ot nana kv̄t im ai annoa tuk ash fehna ka oklv̄vlinchit haklo, micha pisa aiena mvt, Chihowa yā holitoblichit aiokpahanchit, falamvt okla ilhkoli tok.

21. Yvmohmi tuk o nitak ont isht untuchina ma, vlla yā hakshup wishakchi tvbla hi a ai ona hatuk o, ikfoka anuka ik foko kisha mak o, enchil vt yvmmak o hochifo tok oka, yvmmak ash ot Chisvs hohchifo tok.

22–24. Yvmohmi tuk o Moses vt nana apesa tok a, ishki ash ot na-hullochi nitak vt ont in taha mvt, ishi ahpi ka nakni osh vta hokvto moyumvt Chitokaka ma pit im a holitopa he mak o, Chitokaka i nan-vlhpisa ha a holihsō hatuk oka, yvmmak ash Chitokaka ima chi, micha nan-isht aiokpvchi vt pvchi yoshuba tuklo, keyukmvt pvchi himita yosh tukla hi o, Chitokaka i nan-vlhpisa yvto ahanchi hatuk oka, isht aiokpvcha chi hosh Chelusalem a itvlachi tok.

25. Yvmohmi ma yakeh! hatak Simeon hohchifo hosh Chelusalem a anta tok: yohmi kv̄t yvmmak okvt hatak vlhpiesa, Chihowa ma holitobli aiahli hosh Israel okla nayukpali a pit hohoyo hosh anta tok: yohmi ma yvmmak oka Shilombish Holitopa yvt anukfoyuka tok.

26. Yohmi kv̄t yvmmak okvt Chitokaka i Klaist a ik peso kisha hokvto, illa he keyu ka, Shilombish Holitopa yvt tikbanli im anoli tok.

27. Yvmohmi tuk o Shilombish Holitopa yosh yvmmak ash o anukfoyuka hō ayvt tempel a ant chukowa tok: atuk

o ai yvmohma he nan-vlhpisa ha isht ai yvmihcha chi hosh iki, ishki ita tuklo kvv vllosi Chisvs a sholi cha, ant chukowa;

28. Yohmi ma yvmmak ash ot ibbak ishit sholi cha, Chihowa ya pit aiokpahanchi mvt,

29. Chitokaka ma! chishno chim anumpa ha tok pulla mak o, himak okvno chin tishu hvv na-yukpa hosh ia hi a im aiahni:

30—32. Chi nan-ai-okchaya na-tohwikeli yvt oklushi nan ik ithano vhleha ha isht in tohwikela chi, micha chim okla vhleha Israel mvt isht a holitopa chi ka, okla moma itikba ish ai atabli tok a, sa nishkin vt pisa hoke, achi tok.

33. Yohmi ma yvmmak ash o ishki, Chosof ita tuklo kvv yvma nana kvv isht anumpa ka, anukhlakancha tok.

34, 35. Mihma Simeon ash ot, yvmmvt ai yukvvt okla hi a, im aiahnit vba isht asilhha; yohmi mvt ishki Meli ash o, Yakeh! vlla ilvppvt Israel okla hvv isht ai akakoha, mikma anonti a tana he aiena kvv lava he: micha nan-isht-atokowa ka i sanalit isht anumpohonli na chukvsh lava nan isht im anukfila puta mvt ai otaiyana he mak o isht ai vlhtoka hoke; ahli, mikmvt chishno chi shilombish ma aieninchit bvshpo falaia yvt a hlopulla hi oke; im achi tok.

36. Yohmi ma ohoyo hopaii Anna hohchifo Ase isht ai unchululi, Fanuel ushetik osh, himitasit hatak auwaya tuk o, afvmmi untuklo ma illi tuk o, antvt sipoknit kvnia tok.

37. Yohmi kvv vlhtakvt hikia tuk a afvmmi pokoli untuchina akocha ushta foka hosh, yvmmak okvt tempel a issvt ik aiyo hosh, nitak, micha ninak aiena ka na-hullochi, micha vba pit anumpuli aiena hosh Chihowa ma isht a holitoblit ahanta tok.

38. Atuk osh yvmmak ash ot yvmmak fehna ma ant chukowa mvt, Chihowa ha, yakoke, achit aiokpvchi akinli tok: mihmvt isht ai okchaya hi a Chelusalem a hoyot aiasha tuk puta ka yvmmak ash ai isht im anumpohonli tok.

39. Yvmohmi ma Chihowa i nan-vlhpisa hatuk ash mo munchit nana ka ont aighlichit taiyahli mvt, falamvt, Kalili vakni ilap o in tumaha Nasalet a it onachi tok.

40. Atuk o vlla yash ot asvnot ia mvt, im anukfila hvt hopoyuksvt alotvt kvllo^t i shahlit mabaya; yohmi ma Chihowa nan isht ahniechi ka mvt ai anukfoka tok.

41. Ubanvblit ont ia nan-ai-impa holitopa ashakma iki, ishki ita tuklo kv^t afvmmikma Chelusalem a itiachi beka tok.

42. Atuk osh impa holitopa isht asha yvmmak oh chatuk mak osh ont ai vlhpiesa ma, yvmmak ash ot afvmmi auah tuklo ho, Chelusalem a ilhkoli tok.

43. Atuk osh nitak vlhpisa hatuk vt ont in taha cha, falamvt itiachi ma, vlla Chisvs ash ot olbulaka Chelusalem a anta hokak o; Chosef, micha ishki ita tuklo kv^t ik akostinincho ki tok.

44. Amba okla it apehvt asht aya ka takla aya he ak o im ahombvt, avvt nitak achvfa nowvt okla tok: mihmvt yvmmak ash ilap i kanomi vhleha, micha ai it ithvnaka puta itin takla ya a hoyo tok.

45. Atuk osh yvmmak ash ik ahayucho mvt, hoyo kv^t falamvt Chelusalem a itiachi tok.

46. Atuk ak o yakohmi tok: nitak ont atuchina ho yvmmak ash ot tempel anukaka ya hatak nan-ithvnanchi vhleha i haponaklo, micha nan im a ponaklo aiena hosh takla asha na ont ahayuchit okla tok.

47. Mihma yvmmvt nan-ithana, micha anumpa afalaminchit miha imponna aiena ka okla haklo mvt, momvt okokko aiahni tok.

48. Mihma yvmmak ash ot ont pisa mvt, nukhlakanchvt okla tok: mihma ishki ash ot, Svsso hvt nanta katiohmi ho ish pi yakohmichi na chiki ita tuklo li kv^t nukhaiyaklot chi hoyo li cho? im achi tok.

49. Yvmohmi ma yvmmak ash ot, Nanta katiohmi ho hvs sa hoyo hosh? Aki nan isht im a katiohmi ka isht ahanta la he vlhpiesa kvno, hvch ik ithano cho? im achi tok.

50. Mihma anumpa yvmma, yvmmvt isht im anumpuli ka, ik ai akostinincho kit okla tok.

51. Mihma yvmmak ash ot awant ia cha, falamvt Nasalet a ona mvt, im antia achukma hosh ahanta tok: yohmi kia

ishki ash ot anumpa yummak atuk ash mominchit ilap chukvsh ma isht il anukfohkit ieshi tok.

52. Mihma Chisvs ash ot ahopoyuksvt asvnot mahaya mvt, Chihowa, micha hatak puta aiena ka im a holitopa kv̄t i shahlit mahaya tok.

CHAPTA III.

Chan Baptist vt vbanumpa isht anumpohonli, 1: 15 Klaist a ato kowa anoli; 20 anonti aboha kv̄llo fohka. 21 Chisvs vt baptismo, yohmi ma yummak okvt Chihowa ha Ushi pulla hatuk vt annoa. 23 Alvm ak o isht ai unchululit mihinti ho, Chisvs vt hatak a toba tok a vlhtokowa annoa.

1. TIBELIUS Sesa yvt miko tobtv ahanta tok afvmmi ont isht auah tahlapik fehna, Pontivs Pailat vt Chutea yakni apehlichī ma, Helot vt Kalili ak o apehlichī ma, anonti itibapishi Filip vt Itulea, micha Hlakonitis yakni aiena ka apehlichī ma, Lisantias mvt Abilene ak o apehlichī ho,

2. Annas, micha Kaiafas ita tuklo kv̄t na-holitompa isht a sha i shahli yosh ashwa ho, Chihowa im anumpa hv̄t Chan Sakalias ushi a yakni haiaka yo im ai ona tok.

3—6. Yvmohmi ma hopai Esias im anumpa holisso ha a holihiso kv̄t, Achvfa hosh yakni haiaka yo ai anumpohonlit, Chitokaka ataya hi a apoksiachit, i hina puta ka oh apissvlechī: kolukbi puta mvt momvt ik alotá: mikma nv̄nih, micha nv̄nih hochito aiena moma kv̄t akanlosit ik tahá: hina fullota atuk kia apissvt ik tobá: yohmi ma ai itilauī iksho ke tuk vt itilauit tahashke: yohmikma hatak moma kv̄t Chihowa i nan okchalinchi a pisa he mak oke, achishke; ahanchi tok mak o, yummak okvt ai ashvchika puta ka isht a kashofa chi ka, ile kostininchit baptisma hi a isht anumpohonlit Chatan a bilika yakni a mominchit aya tok.

7. Mihmvt im a baptisma chi hosh ok'a laua yvt ai via ma, Sinti chilita isht-atiaka hv̄chia ma! na palvmmi mihinti ka hv̄sh i hlakofa hi a, kv̄ta hosh hv̄chim anoli tuk oh cho?

8. Yohmi hokvt ile kostinichi ai it vllhpesa mak o vnit hvsh wayashke; micha, Himona Eblaham ak osh piki yoke, acha hi okvno hvch ik il anukfillo kashke; Chihowa hvv tvi yak aiasha ka, Eblaham im vlla ya chi ka ai ikba hinla hoka, hvchim achi lishke.

9. Yohmikma himak ak kia iskifa yvt iti puta ak-isht-vla ya ai itonla hoke; yohmi hatuk o iti yvt vni achukma ho vnit waya keyu hokvto, moyumvt chayvt akakoha cha, luak a pit itokaha hi oke, im achi tok.

10. Yohmi ma okla hash osh i ponaklot, Yohmi kvno nanta hak o e katiohma chi ho? achi tok.

11. Mihma afalaminchi kvv, Kvna hosh na-fohka yvt in tuklokmt, kanima hosh ik im ikshokma ik in chvfalli; mikma kanima hosh ilimpa hvv im asha kvv, yohmi makinlashke, im achi tok.

12. Yohmi ma pvblikan vhleha hak kia baptisma chi hosh ai vla mvt, Nan-ithvnanchi ma! nanta hak o e katiohma chi cho? im achi tok.

13. Yohmi ma, Nana hvchim vllhpisa tuk vt atamblit hvch ik hoyo kashke, im achi tok.

14. Yohmi ma tvshka chipota vhleha hak kia i ponaklot, Mikma pishno ak osh nanta hak o e yvmohma chi ho? achi tok: yohmi ma yvmmak ash o, Hatak nana kia hvch ik o mahlantokmt, anonti kvna kia a holvbit hvch ik wehpulo kashke; yohmikmt na hvchim ai vllhtoba ma, Vllhpisa akinli hvsh aiahnashke, im achi tok.

15. Okla hvv nana ka pit hohoyo hosh asha hatuk, atul osh hatak moma kvv, Chan a yvmmak osh Klaist mak okma, keyukma, nanta ho chishba? ahnit chukvsh a isht anukfielit okla aiasha ma,

16. Chan ash ot mominchit im anumpullit, Vno yokvto oka yo isht hvchi baptismochi li mvhli; yohmi kia achvfa kvv a shahli-fehna hosh mihinti ka i shulush isht-talakchi a vno vt hlitoli la hi o si ahoba keyu hoke; yvmmak osh Shilombish Holitopa, micha luak aiena ho isht hvchi baptismocha hi oke.

17. Yvmmak osh i nan-isht mvshahchi yvt ibbak a foyuka: yohmi kv̄t i nan-anihechi yatuk ma achukmali fehvt kashofa he; mikmvt onush atuk ma kanchak a pit ashachikmvt, anba hakhlopish okvno luak vt moshola he keyu a isht hukma hi oke, ahanchi tok.

18. Micha okla ha nana inla mvt laua ho isht ai i mihivt, vbanumpa ha isht im anumpohonli tok.

19. Yohmi kia Helot miko yvt ilap itibapishi Filip tekchi Helotias atuk, micha Helot vt nan ik vlhpeso puta ai yvmohmi chatuk ash, pit a mominchit atokowvt nan isht ai i miha hatuk o.

20. Nana ik ai vlhpesacho ke tuk moma kv̄t ilvppakma isht ai ibafobki hosh Chan a aboha kv̄llo fohkit im okhishta tok.

21. Okla moyuma kv̄t baptismot taha ma, yakohmi tok: Chisvs ak kia baptismo cha, vba pit asilhha ma, vba yvt auet tiwa,

22. Yohmi ma Shilombish Holitopa yvt nipi a sha hosh pvchi-yoshuba chiyuhmit vba mintit im vla ma, vba ya anumpa hv̄t auet takali kv̄t, Chishno ak osh sv̄so a holitopa chia hoke; chishno ak o nan isht chi a sai yukpa mak oke, achi tok.

23. Mihma Chisvs vt afvmmi pokoli tuchina ka ona foka hosh, peh im ahoba kv̄no, Chosef ak o ushi a tok: mihma yvmmvt Heli ak o ushi a tok.

24. Mihma yvmmvt Mahlat ak o ushi a tok: mihma yvmmvt Lefai ak o ushi a tok: mihma yvmmvt Melchi ak o ushi a tok: mihma yvmmvt Channa ak o ushi a tok: mihma yvmmvt Chosef ak o ushi a tok.

25. Mihma yvmmvt Mattahlias ak o ushi a tok: mihma yvmmvt Amos ak o ushi a tok; mihma yvmmvt Navm ak o ushi a tok; mihma sv̄mmvt Esli ak o ushi a tok: mihma yvmmvt Nakke ak o ushi a tok:

26. Mihma yvmmvt Maath ak o ushi a tok: mihma yvmmvt Mattahlias ak o ushi a tok: mihma yvmmvt Semei ak o ushi a tok: mihma yvmmvt Chosef ak o ushi a tok: mihma yvmmvt Chuta ak o ushi a tok:

27. Mihma yummvt Choanna ak օ ushi a tok: mihma yummvt Lehesa ak օ ushi a tok: mihma yummvt Solobabei ak օ ushi a tok: mihma yummvt Salahliel ak օ ushi a tok: mihma yummvt Neli ah օ ushi a tok:

28. Mihma yummvt Melchi ak օ ushi a tok: mihma yummvt Alli ak օ ushi a tok: mihma yummvt Kosam ak օ ushi a tok; mihma yummvt Elmolam ak օ ushi a tok: mihma yummvt El ak օ ushi a tok.

29. Mihma yummvt Chose ak օ ushi a tok: mihma yummvt Eliesel ak օ ushi a tok: mihma yummvt Cholim ak օ ushi a tok; mihma yummvt Mathlat ak օ ushi a tok: mihma yummvt Lefai ak օ ushi a tok.

30. Mihma yummvt Simeon ak օ ushi a tok: mihma yummvt Chuta ak օ ushi a tok: mihma yummvt Chosef ak օ ushi a tok: mihma yummvt Chonan ak օ ushi a tok: mihma yummvt Eliakim ak օ ushi a tok.

31. Mihma yummvt Melea ak օ ushi a tok: mihma yummvt Menan ak օ ushi a tok: mihma yummvt Mattahla ak օ ushi a tok: mihma yummvt Nahlan ak օ ushi a tok: mihma yummvt Lewi ak օ ushi a tok.

32. Mihma yummvt Chesse ak օ ushi a tok: mihma yummvt Obet ak օ ushi a tok: mihma yummvt Boos ak օ ushi a tok: mihma yummvt Salmon ak օ ushi a tok: mihma yummvt Naason ak օ ushi a tok.

33. Mihma yummvt Aminatab ak օ ushi a tok: mihma yummvt Alam ak օ ushi a tok: mihma yummvt Eslom ak օ ushi a tok: mihma yummvt Fales ak օ ushi a tok: mihma yummvt Chuta ak օ ushi a tok.

34. Mihma yummvt Chekob ak օ ushi a tok: mihma yummvt Aisaak ak օ ushi a tok: mihma yummvt Eblaham ak օ ushi a tok: mihma yummvt Hlala ak օ ushi a tok: mihma yummvt Nachol ak օ ushi a tok.

35. Mihma yummvt Saluk ak օ ushi a tok: mihma yummvt Lakau ak օ ushi a tok: mihma yummvt Falek ak օ ushi a tok: mihma yummvt Hebeh ak օ ushi a tok: mihma yummvt Sala ak օ ushi a tok.

36. Mihma yummvt Kainan ak օ ushi a tok: mihma

yummvt Alfaksat ak 0 ushi a tok: mihma yummvt Sem ak 0 ushi a tok: mihma yummvt Noah ak 0 ushi a tok: mihma yummvt Lamek ak 0 ushi a tok.

37. Mihma yummvt Mehlusala ak 0 ushi a tok: mihma yummvt Enok ak 0 ushi a tok: mihma yummvt Chalet ak 0 ushi a tok: mihma yummvt Maleleel ak 0 ushi a tok: mihma yummvt Kainan ak 0 ushi a tok.

38. Mihma yummvt Enos ak 0 ushi a tok: mihma yummvt Seth ak 0 ushi a tok: mihma yummvt Alam ak 0 ushi a tok: mihma yummvt Chihowa ak 0 ushi a tok.

CHAPTA IV

Chisvs vt, nan-isht-ahullo okpulo yosh imomaka pihisa ma, ik impo ho nitak pokoli ushta mvt, nan-isht ai imomaka pisa puta ka imai-yachi, 1. 14 Chisvs vt falamvt Kalili a ona cha, vba isht anumpohonli; 16 atuk osh Nasalet a ona cha, nitak hullo yo sinakak a nan ai ithvnanchi: 28 mihma okla hvt ik im vlhpeso mvt, vbi bvna; 31 Chisvs vt Kapenavm a ona cha, nitak hullo ya nan ithvnanchit ahanta mvt, 33 nan-ishtahullo okpullo ma kohchichi; 38 Pita tekchi ishki a hlakofichi; 40 mihmvt nan abeka ilaiyuka laua ka isht ahullo fehna kia ai yvmihchit ahanta mvt, 43 Kalili fullota ka vbanumpa ya isht ai anumpohonli.

1. CHISUS vt Shilombish Holitopa isht anukfohkvut im alotowa hosh, Chatan vttvt falamvt ia ma, Shilombish ash ot im aiahni na ayvt yakni haiaka ont chukowa na,

2. Nitak pokoli ushta ka Setan vt imomaka pisa tok. Mihma nitak yvmma fehna ka nanasi kia vpa tok keyu: atuk osh yummvt ont taha na misha pilla mvno hohchvfo tok.

3. Yohmi ma Setan ash ot, Chihowa Ushi chia hokmvt, tvli ilvppvt pvaska toba chi ka i mihá, im achi tok.

4. Yohmi ma Chisvs vt afalaminchi mvt, Hatak vt pvaska yak bieka ho ai okchaya he keyu; amba Chihowa im anumpa moma kak ashke; achi kvut holisso hoke, im achi tok.

5. Mihma Setan ash ot yvmmak ash ilauelit nvnih chaha

y_o isht oiya cha, yakosi itin takla fehna h_o m_iko apelihchi puta yakni aiasha ka mominchit i haiakvchi tok.

6. Mihmt Setan ash ot, Nan im aiahlika, micha im a holitopaka aiena ilvppa mominchit chima lashke; yummvk okvt vno ak o vmmi toba tok: yohmi ka kvna h_o vno ahni li hok mak osh ima li hoke.

7. Yohmi hoka chishno vt aka hlipvt is si aiokpvchi hokma, moma kvt chimmi hashke, im achi tok.

8. Mihma Chisvs ash ot afalaminchit, Setan chia hvv ashaka yak o ish hikiashke; Chitokaka chin Chihowa yak o i hvchukbihleptv ish aiokpahanchashke; micha yummak illa h_o holitoblit ish im antiashke; achi kvv holisso hoka, im achi tok.

9. Mihma yummak ash ot Chisvs ash o ilauevit Chelusalem a ont isht chukowa cha, tempel wishakchi y_o ont o hilechi mvt, Chihowa Ushi chia hokmvt, aka pit ish ile pilashke:

10, 11. Chishno a chi apesahancha chi ka, im enchil vhleha h_a atohno na ibbak a okla vba isht takalihinchit chisht aya na nitak kanima kia chiyi ya tvli isht chik ai isso ka hi a, achi hosh holisso tok oka, im achi tok.

12. Mihma Chisvs ash ot afalaminchi mvt, Chitokaka chin Chihowa ya imomaka chik peso kashke; achi tok a ashvshke, im achi tok.

13. Mihma Setan ash ot nan isht ai imomaka pisa puta kash o isht im anukfillit ont tahli mvt, yakosi takla kvno i filvmmi ia tok.

14. Yohmi ma Chisvs ash ot Shilombish nan-isht im aiahli ka yvt anukfoyuka hosh falamvt Kalili a ona tok: mihma yvmma isht annoa kvv yakni yvmma a bilika a mominchit hlopulli tok.

15. Mihma yvmma i sinakak a puta ka nan ai ithvnan-chit ahanta ma, momvt ahninchit tok.

16. Yohmi ma ai vtvtv hofanti tok Nasalet mak o vva tok; mihmvt a yohmi atuk okvt, nitak hullo nitak a sinakak a ont chukowa cha, holisso it im anumpula chi hosh wakayvt hikia tok.

17—19. Mihma hopaii Esaias i holisso ho ant ima tok. yohmi ma holisso hash wakummi mvt, yvmma a holisso kv̄t, Ilbvsha puta ka vbanumpa isht im anumpuli la hi a yvm-mak osh nan isht si ahvmmi tuk okvt, Chitokaka im i shi-lombish vt si onvtuyula hoke: chukvsh nukhaklo puta ha-tuk kia hopohlvchit, yuka vhleha hatuk ma isht a hlakofa he; mikma lva puta yatuk mvt isht a hoponaya he, micha issikkopa puta kv̄t a sha tuk a isht a mokofit, Chitokaka yvt aiokpahanchi afvmmi ma isht anumpohonli la hi o, si a tohno tuk oke, achi ho ahayuchi tok.

20. Micha holisso hash akamvli mvt, falaminchit sinakak nan-isht aivta yash ima cha, aka binili tok. Mihma sinakak aiasha tuk ash ot momvt nishkin isht aiokchifeli tok.

21. Mihma yvmmak ash ot, Holisso ilvppvt himak nitak a hvchi haksobish a isht hvsh haklo kv̄t ont aiahli hoke, im achit isht ia tok.

22. Yohmi ma moma kv̄t nan ia atokowa ma piv̄t, anum-pa hochukma kv̄t itih ha a kohoncha ka okokko! aiahni tok: mihmvt, Ilvppvt Chosef ushi keyu ho? okla achi tok.

23. Mihma, Alikchi a chishno inlit ile hlakofichí: nana kv̄t Kapenavm a a yvmohmi na e haklo tuk okma, chi yakni ilvppak inli ma a yvmihchi, achi anumpa isht vlpisa ilvppak o hvsvm achi pulla chi hoke, im achi tok.

24. Mihmvt, Ahli pulla ho hvchim achi lishke, Hopaii nana ak osh ilap i yakni ak inli hoka ai a holitopa chatuk keyushke, achi tok.

25. Yohmi kia aiahli mak o hvcnim anoli li: Elias vt ahanta nitak a vba vt ai okshilitvt kv̄nia na afvmmi tuchina hvshi hannali; yohmi na hopoa chinta fehvt a hlopulli ka, Israel okla ha ohoyo i hatak illi vt lauvt aiasha tok.

26. Yohmi kia yvmma achvfona kia im aya hi vt Elias vt ik vlhtoko: amba Saiton yakni Salepta tv̄maha, ohoyo i hatak illi yvmmak illa tok.

27. Micha hopaii Elisevs vt ahanta nitak a Israel okla ha leplosi vbi kv̄t lauvt aiasha tok: yohmi kia yvmmak ash ot achvfona kia ik hlakofa ho, amba Naaman Silian hatak ak illa tok.

28. Mihma sinakak aiasha tuk vt ilvppa puta ka haklo mvt, momvt anukhobelvt kvnia tok.

29. Mihmvt okla wakaya cha, yummak ash o tumaha ha kohcha pit chvffichi mvt, itehpelvt aka pit kancha chi hosh ilauehit, in tumaha ai on talaia sakti ont on talaka fehna isht ona tok.

30. Yohmi tuk kia yummak ash ot okla hash itin takla a hlopullit kanima ia tok.

31. Mihmvt Kapenavm tumaha Kalili yakni a ona cha, nitak hullo nitak puta ka okla nana ithvnanchi tok.

32. Yohmi ma im anumpa hvt a na-fehna hatuk o, nana ithvnanchi ka okokko! okla aiahnit im anukfila tok.

33. Yohmi ma sinakak a hatak vt shilombish okpulo yvt isht ai i foka hosh anta tok: atuk osh yummak ash ot chitolit tahpvlvt,

34. Ikikke! Chisus Nasalet minti chia ha nanta ho isht e chi ahalaia cho? ish pissikkopala chi hosh ish la hoh cho? kvna ho chia hoka chithana li, Chihowa i holitopa yak oke, achi tok.

35. Mihma Chisus ash ot yummak ash im olvbbit, Nukchintot yvma ish a kohchashke, achi tok. Yohmi ma shilombish okpulo ash ot okla ai itintaklvchit ai akvchi mvt, nan ik kanehiho hosh a kohcha tok.

36. Yohmi ma okla moyuma mvt nukhlakanchvt, ilap bika it im anumpulit, Ilvppvt anumpa nanta hokak osh yakohmi cho? nan im vlpisa, nan aiahlika aiena ho shilombish okpulo puta ka nan isht im ai apihisa hoka, okla kocha wihvshke, achi tok.

37. Yohmi ma yvma ai isht annoachi ka yakni auet a bilika aiasha ka moyuma a hlopulli tok.

38. Mihma sinakak a vttvt kohchvt ia mvt, Saimon in chuka ont chukowa tok: mihma Saimon tekchi ishki vt yvna fehna tuk o, pisa hinla ka okla im aiahni tok.

39. Mihma yummak ash o wakayvt hikia mvt, yvna hash im olvbbi: yohmi ma yummak ash o yvna hvt ai issuchi tok; mihma ashalika tani cha, okla hash nan isht im vttv tok.

40. Yohmi hatuk o hvshi vt okvtula ma, ililli ilaiyuka isht abeka im a₂sha tuk puta kv₂t momvt yummak ash o im ai ona tok ; yohmi ma ibbak vt aieninchit mominchit isht umbitepvt hlakofihinchi tok.

41. Mihma nan-isht-ahullo okpulo puta kv₂t laua ka a kocha wiha mv₂t, chitoli hosh mihvt, Chishno ak osh Chihowa Ushi Klaist chia hoke, ahanchi tok. Mihma yummak ash im olvbbi mv₂t, ilap ak osh Klaist atuk a ithvna ka, yumma ik mihá, ik im ahno ki tok.

42. Atuk osh ont onnvt taha ma, kohchvt ivt yahni haiaka yo ona tok : mihma okla hv₂t hoyot itvnowvt im ai ona mv₂t, ai i filummit kanima ik aiyo ka chi ho, im olvbbi tok.

43. Mihma tumaha inla ak kia Chihowa apehlichika ya isht im anumpohonli la chi hoka, yummak a he mak osh aya li ha tok okvt, im achi tok.

44. Mihmv₂t sinakak pv₂ta Kalili aiasha ka vbanumpa isht ai anumpohonli tok.

CHAPTER V.

Chisvs vt Saimon i peni yo fohkv₂t a₂sha hosh okla ha nan-ithvnan chi, 1 : 4 Saimon vt, Chisvs osh i mihvt nan anukfilli pulla ho, himona ka n₂ni l₂wa fehna hokli : 11 mihma Saimon, Chemis, micha Chan aiena kv₂t Chisvs a apeha. 12 Chisvs vt leplosi vbi yo hlakofichi : 16 atuk osh vba pit anumpula chi hosh haiaka ia ; 17 mikmv₂t hatak p₂lsi isht abeka yatuk a hlakofichi ; 27 Chisvs vt Leifai nan im ai ithvna toba chi ka i miha : 29 micha pv₂blikan v₂hleha mikmv₂t hatak nan-ashvchi v₂hleha aiena ka yvmmv₂t ai v₂lhpesa ho ibai impa hatuk vt miha ; 33 ilap nan im ai ithvna v₂hleha hv₂t kanihmit nan i palvmma he anoli.

1. ATUK o yakohmi tok ; okla hv₂t Chihowa im anumpa ha hakla chi kv₂t yummak ash atehlichit kaiyanchi ho, Chenesalet hohtak lapalika yo hikia ;

2. Yohmi cha peni tuklo kv₂t hohtak lapalika ya takohnli na pisa tok : yohmi kia hatak n₂ni vbi v₂hleha hatuk vto a kocha wiha tuk osh n₂ni isht-hokli achvfa hosh maya ha tok.

3. Mihmv₂t peni achv₂falit Saimon ak o immi yo pit chuk-

owa mvt, oka alaka takali tuk a kanvlichit mishemanchit pit takalicha hinla ka, im ahni tok. Mihmvt binili cha, peni yq fohkvt a sha hosh okla ha nan ithvnanchi tok.

4. Anumpuli kvv ont issa mvt, Saimon ash o, Ahofombika pit takalichi cha, nuni isht-hokli puta ka okvchit ish hoklashke, im achi tok.

5. Mihma Saimon ash osh afalaminchi mvt, A shahli ma! ninak a isht il a sha na oyunna kvv nana ke hoklo ke tuk: yohmi kia chishno chim anumpa atuk oka, nuni isht-hokli a pit okvchi li mak inlashke, im achi tok.

6. Micha ilvppa okla yvmihchi mvt, nuni lava fehna ho hokli na i nuni isht hokli vt mitafa tok.

7. Yohmi ma im itapela vhleha hvv peni achvfa ya a sha tuk vt vla cha, ant apela hinla ka, okla pit im avvchi tok. Mihma okla ai vla cha, peni ash it aieninchit okla alotoli: yohmi hoka yvmmak ash ot okbilhhvt isht ivv okla tok.

8. Saimon Pita yvv yakohmi na pisa mvt, Chisvs iyikalahya ya pit tikinlit aka hlipivv, Hatak nan-ashvchi sia hoka a filvmmitt, kanima ish iashke, Chitokaka ma! achi tok.

9. Himonna okvchit kohchi kvv, nuni yvv yohmi ho hokli kvv, ilapo, micha inla ahevvt aya tuk vt momvt nukhlakancha tok.

10. Mihma Saimon im itapela, Sebeta ushi, Chemis, micha Chan ita tuklo kak kia yvmohmi tok. Mihma Chisvs vt Saimon a, Chi nukshopa na, himak pilla ha hatak ak o ish hokla chi hoke, im achi tok.

11. Mihma i peni ash vli ha okla ant itaiyali mvt, nana moma kvv a sha na issa cha, yvmmak ash okla iakaiya tok.

12. Atuk o yakohmi tok; yvmmak ash ot tvnaha kaniolmi ho anta tuk o, hatak vt leplosi isht ai vbi fehna hosh anta tuk osh, Chisvs a pisa mvt, hlipivv itola cha, im ilbvshvt Chitokaka ma! chishno vt vlvpesa ish ahnikmvt, is sa kashofa hinlvshke, im achi tok.

13. Mihma ibbak pit welit potoli mvt, Vlvpesa ahni lishke; chi kashofashke, im achi tok. Yohmi ma leplosi ash ot ashalika a mokofvt kvnia tok.

14. Mihma hatak nana kia ik im anolo ka chi ka i miha

mut, amba ivt na-holitompa isht vtta yak o ont im ile haia-
kvchi cha, na chi kashofa ka nan-isht-ai im atokowa mak o
Moses vt nan apesa tok a, nana ka ish bohlahke, im achi
tok.

15. Yohmi kia yohmi ha yak o isht i shahlit kanima mo-
ma ka yummak o ai annoa tok: yohmi ma im a haponakla
chi, micha haknip ik achukmo puta kvt a hlakofa chi hosh
okla chinto fehvt ai itvnaha tok.

16. Mihma ilap illvt ai i mokofvt, yakni haiaka ona cha,
vba pit anumpohonli tok.

17. Atuk o yakohmi tok: nitak kaniohmi ho nana ithv-
nanchi hosh ahanta ma, Falisi vhleha, micha nan-vlhpisa
ithvnanchi vhleha aiena kvt Kalili yakni tmaha aiasha
moma, micha Chutea, mikmvt Chelusalem aiena ka asht
kohchvt aya kvt yumma binohmaya tok: yohmi ma Chito-
kaka nan-isht im aiahlika yvt okla ma hlakoficha chi kvt ai
iklvnvt takali tok.

18. Yohmi ma hatak kanothmi kvt hatak vt palsi vbi yo
potvlhpo ai it i sholit isht vla tok: mihmvt kaniohmit ym-
ma pit isht chukowa cha, itikba ya ont bohla hinla kvt,
okla akostininchi bvna tok.

19. Mihmvt okla hak osh laua fehna hatuk o, kaniohmit
pit isht chukowa hinla kvt ik akostinincho mvt, aboha pak-
naka yo okla pit oiya cha, pit hlopullichit in topushi ash
fokit iklvna ka Chisvs itikba ya pit bohli tok.

20. Mihma okla na yimmi ka pisa mvt, Hatak chia kv
na chim ai ashvchika yvt chi kashofa hoke, im achi
tok.

21. Mihma na-holissochi vhleha, micha Falisi vhleha
aiena kv, Ilvppvt kvta hokak osh Chihowa ik ahobalot
anumpuli cho? Kvta hosh nan-ai ashvchika ya kashofa
hinla? Chihowa ak illa keyu? aiahnit okla im anukfilvt
aiasha tok.

22. Yohmi kia yumma im anukfila ha Chisvs vt im akos-
tininchi mvt, anumpulit, Nanta mak o hvchi chukvsh an-
kaka isht hvchim anukfila cho?

23. Na chim ai ashvchika puta kvt chi kashofashke, achi

kak okmá, keyukmvt, Tani cha nowá : achi kak okmá, katimampo kak osh ahchiba kv̄t ik lauwo cho ?

24. Yohmi kia Hatak Ushi vt nan ai ashvchika puta kashofa hi vt yakni paknaka yá ai im v̄lhpiesa hatuk a hvsh akostininha chí kak oka, im achi mvt, palsi v̄bi ash, Tanit chin topushi a ish ishi cha, chin chuka ish iashke, chim achi lishke, im achi tok.

25. Mihma okla momvt písa na tanit ai onvtola tuk ash ishi mvt, Chihowa yá holitoblichit aiokpahanchit in chuka ia tok.

26. Mihma okla momvt nukhlakanha fehv̄t, Chihowa yá holitoblichit aiokpahanchi mvt, nukshopa fehna hosh, Himak nitak oka nana kv̄t inla fehna h̄o eho piesvshke, achi tok ;

27. Atuk o nana kv̄t a yakohmi ha yá kohchvt ia mvt, pvblikan vt Lefai hohchifo hosh tv̄li holisso abohli yá asha na ont pisa mvt, Is si akaiyashke, im achi tok.

28. Mihma nana moma kv̄t aasha na issvt wakaya mvt, iakaiya tok.

29. Mihmvt Lefai ash osh ilap in chuka akinli h̄o yvm-mak ash o impa chinto fehna im ai ikbi tok : mihma pvblikan v̄hleha, micha inlaka aiena kv̄t laua hosh iba takla binoh-maya tok.

30. Yohmi kia i na-holissochi v̄hleha, micha Falisi v̄hleha aiena kv̄to yv̄mma nan im ai ithvna v̄hleha h̄a lumvt nana mihachit, Nanta katiohmi h̄o pvblikan v̄hleha, micha nan-ashvchi v̄hleha aiena ka it-ibai impvt, nan it ibai ishkot hvsh aiasha cho ? achi tok.

31. Mihma Chisvs vt afalaminchi mvt, Haknip im achuk ma hokv̄to alikchi a b̄v̄nna keyu ; amba abeka mak oh chatuk oke.

32. Hopoyuksa v̄hleha ak o hoyot aya li ha tok keyu : amba nan-ashvchi v̄hleha hv̄t ile kostininha chí kak atuk oke, im achi tok.

33. Yohmi ma, Nanta katiohmi h̄o Chan nan im ai ithvna v̄hleha hv̄to chekosikma nahullochit, v̄ba pit anumpuli aienvt abashwa, mikma Falisi v̄hleha nan im ai ithvna v̄hleha ak

kia yvmohmi akinli hokak o, amba chimmi hvto impvt nan-
ishkot aiasha cho? okla im achi tok.

34. Mihma hatak himona ohoyo itauwaya tuk vt takla
anta moma ka, i kana vhleha hvv nukhaklot nahullocha
hinla, hvsh im apesa vvhpesa cho?

35. Yohmi kia hatak himona ohoyo itauwaya tuk ash ot
ai i filvmma he nitak vt ai ona he: yohmik mak o nitak
yvmma fokakmvo okla nukhaklot nahullocha hi oke.

36. Mihmvt nan isht vvhpisa ho aieninchit isht im anum-
puli mvt, Hatak nan ak osh na-fohka himona a hlilafa ka na-
fohka sipokni a akvlli chatuk keyu: yvmmak keyukma hi-
mona yvt hlilvffikmvt, anonti himona ya a hlilafa tuk okvt
sipokni a ai it im vvhpesa he keyu hoke.

37. Mikma hatak nan ak osh oka paki himona ya shukcha
sipokni yo pit vni chatuk keyu: yvmmak keyukma oka paki
himona yash ot shukcha ya mitahlichy cha hlayakma, anonti
shukcha yash ot okpulo chatuk.

38. Amba oka paki himona yvt shukcha himona yo vlvto
hok mak osh tuklot nan ik kanihmo chatuk oke.

39. Micha hatak nan ak osh oka paki siponki a ishko ha
yvt ashalika himona ma bvna chatuk keyu: sipokni ak osh
achukma kvv i shahlishke, achi hokvt, im achi tok.

CHAPTA VI.

Nana kvv achukma he okvno nitak hullo kia isht anta he ai vvhpesa
hatuk a, Chisvs vt anoli, 1 : 8 mihmvt ibbak shila yatuk a hlakofi-
chi. 12 Chisvs vt ninak a vba pit anumpohonli na onna mvt, vba-
numpeshi auah-tuklo ka atokoli; 17 yohmi mvt hatak abeka laua
ka hlakofichi. 20 Hatak kaniohmi hosh holitopa he, mikma hatak
kaniohmi ho na-palvmmi kvv onvtula he puta ka, Chisvs vt otr-
nichi. 27 Pin tvnvp vhleha kia e holitoblit, nan isht ai achukma
he puta ma il i yvmohma hi a Chisvs vt pi miha; mikmvt okla
moyuma ka il i kana hi ak o, pim ahni; 37 hatak inla gsha ka
nan ik achukmo imma hokvno im anukfillit kil anumpulo ka hi
a, pim abvchi. 43 Iti a ilap vni akinli kak o isht ithvna cha-
tuk: mikma hatak a ilap nana a kaniohmi kak o isht akostininchi
chatak.

1. YUMOHMI tuk osh vbanvblit ont ia yatuk nitak atukla ka ai isht nitak-hullo vmmona ho, yummak ash ot osapa taloha ha hlopullit aya tok: yohmi ma nan im ai ithvna vhleha hash ot onush vni ya tvptulit ibbak isht koyuhlit okla vpa tok.

2. Mihma Falisi vhleha kaniohmi kvv, Nanta katiohmi ho nana ka nitak hullo nitak a a yohma he vhpesa keyu krno hvchi yvmohmi cho? im achi tok.

3. Mihma Chisvs ash ot afalaminchi mvv, Lewi vt ilapo, micha apehvt aya tuk aiena kvv hohchvfo mvv, nana a kaniohmi tok;

4. Yohmi kvv kaniohmit Chihowa im aboha ha pit chukovv, pvska otvnni a ishi cha vpa mvv, apehvt aya tuk ash kia ipeta tok: yummak oka ai vpa he vhpesa keyu, amba na-holitompa isht asha ak illa ha tok oka, ilvppak kia holisso ha hvch ik a peso chatuk oh cho? achi tok.

5. Mihmvv Hatak Ushi vt nitak-hullo a in Chitokaka akinli hoke, im achi tok.

6. Atuk o anonti yakohmi tok: nitak-hullo inla ho sinakak ont chukowa cha, nana ithvnanchi tok: mihma hatak vt ibbak ishtimpak imma yvt shila yosh yvmma asha tok.

7. Mihma na-holissochi vhleha, micha Falisi vhleha aiena kvv nan vhpisa onocha chi hosh, nitak-hullo nitak a na hla-kofichikma, nanta chi chishba? ahnit apesvchi tok.

8. Yohmi kia ilap vt okla im anukfila ha im ithana hatuk osh, hatak ibbak shila yash, Wakaya cha, iklvnnaka ya ont hikiá, im achi tok. Mihma yummak ash ot wakaya mvv, ont hikia tok.

9. Mihma Chisvs ash ot okla hash, Nana achvfa ho hvchi ponaklo lashke: Nitak hullo nitak a nana achukma kak o a yvmohmi kak okma, keyukmvv nana ik vhpesa yak o a yvmohmi kak okma, ilhfiopak a okchalinchi kak okma, keyukmvv tvbli kak okma, nana kak osh ai vhpesa hob cho? im achi tok.

10. Mihmvv filemvv okla hash o mominchit pisa mvv, hatak ash o, Chibbak a chisemochi, im achi tok: mihma yo

mihchi tok : yohmi ma ibbak ash osh falamvt achukmvt taha mvt, in tvumvp akinli hq chiyuhmi tok.

11. Mihma okla hvt anukhobela fehna tok : yohmi mvt Chisvs q nana hq kvnihcha chi kvv it i mihvt aiasha tok.

12. Mihma nitak yvmma foka ka, yakohmi tok : vba pit anumpula chi hosh kohchvt nvnih chaya yo ont oiya tok ; micha ninak q Chihowa pit im asilhvvt ahanta na onna tok.

13. Mihmvt ont onnvt taha ma, ilap nan im ai ithvna vhleha hash hoyot itahobi tok : mihmvt yvmmak ash auah-tuklo hq ai atokoli mvt, yvmmak ash vbanumpeshi hochifo tok.

14. Saimon yvmmakma ilap ak osh Pita yo hochifo, mikmvt itibapishi Antilu, Chemis, micha Chan, Filip, mikmvt Bathlolomu,

15. Mahlu, micha Tamas, Alfvs ushi Chemis, Saimon Selotes hohchifo :

16. Michu Chutas Chemis itibapishi, mikmvt Chutas Iskaliot, yvmmak osh na haksichi yosh aiena tok.

17, 18. Mihmvt yvmmak ash ot awant akowa cha, yakni matali yo ant hikia ma, nan im ai ithvna yvt lava, mihmvt okla chinto fehna Chutea yakni moma, Chelusalem aiena ka a minti ; mikma okhvta lapali ka Taia, micha Saiton aiena asht minti ; mihma shilombish okpulo yo isht issikkopa yavtuk aiena kvv yvmma im a haponakla chi, micha haknip ik in chukmo puta atuk vt im a hlakofohla chi hosh im ai vlvv hlakofohli tok.

19. Mihma okla chitc ash ot momvt, nan-isht a hlakofi vt yvmmak o a kohcha hosh mominchit hlakofichi hatuk oka, yvmma potoli bvna tok.

20. Mihma ilap nishkin ash nan im ai ithvna vhleha hq isht on talohli mvt, Ilbvsha hvchia ma ! Chihowa apehlichika yak osh hvchimmi hokvt na hvchi yukpvshke.

21. Himonasi hokvno hohchvftot aiasha hvchia mvt, hvchi kaiya hi okvt na hvchi yukpvshke. Himonasi hokvno yahgvvt hvsh aiasha mvt, hvsh yukpa hi okvt na hvchi yukpvshke.

22. Hatak Ushi pulla atuk mak o hatak puta mvt hvchi

nukkillit, ilap ai itapeha ya isht a hvch il a filamohlichit, na hvchi mihachit, hvchi hohchifo ma nan okpulo yo ai itilau-
chit kahancha hi oke: yohmikma na hvchi yukpvshke.

23. Yakeh! nan-isht-vlhtoba hvv chinto hosh vba ya hv-
chin tonla hokvt, nitak yvmma fehnakma, na ho yukpa: na
hvchi yukpvv hvsh mullashke: yvmma in tikba vhleha hvv
hopaii puta ka yvmmak inli ho i yvmihchi beka tok oke.

24. Amba nan in laua hvchia hvto nan-isht a hvchi yuk-
pa ma hvsh pisa hokvt, na hvchi palvmmi mak oke.

25. Kaiya hvchia hvto hvchi hohchvfa hi okvt na hvchi
palvmmi mak oke. Himonasi a hvchi yukpa hokvto hvchi
nukhaklot hvsh yahaya hi okvt na hvchi palvmmi mak oke.

26. Hatak moma kvv ahninchit isht hvchi anumpohonlik-
ma, na hvchi palvmmi mak oke: in tikba vhleha hvv hopaii
ilahobi puta ka yvmmak inli ho i yvmihchi tok oka.

27. Amba hvsh haklo hvsh puta kvno hvchin tvnvp vhle-
ha ma i hullot, hvchi nukkillikma nana achukma ho hvsh i
yvmohmashke.

28. Nan ik vhpeso isht hvchim anukfillit na hvchi miha-
chi ya na-yukpali hosh anumpulit, anonti anumpa isht hvchi
a holvbechikma, vba pit isht hvsh anumpohonlashke.

29. Micha kvna hosh chitisukpi a issokma, in tvnvp ma
pit ish i well makinlashke: mikmvv kvna hosh chim anchi a
chim ai ishi ka, chi na-fohka lumbo ma isha chi ka, chik i
halanlo makinlashke.

30. Kanima hosh nan chim asilhha ka ish imashke; micha
kvna hosh nana ka chim ai ishikma, falaminchit chik i hoyo
kashke.

31. Micha hatak puta kvv hvchishno a a hvchi yohma hi
a, hvsh aiahni hok mak osh, hvchishno ak kia mih-mak o
hvsh ai i yvmohmi makinlashke.

32. Micha hvchishno a hvchi hullo na mihi yo hvsh i
hullo hokvto, nanta ho isht a hvchi yukpa cho? nan-ashv-
chi vhleha hvv, kanima hosh ilap a i hullo hokvno i hullo
chatuk akinli hoka.

33. Micha kanima kvv hvchishno a nana achukma ka isht
a hvchi yvmohmi ho hvchishno mvv nan achukma ka isht

hush ai i yvmohmi hokvto, nanta hō isht hvchi yukpa cho? nan-ashvchi vhleha ak kia yummvno yohmi chatuk oka.

34. Micha yvmvnt hvchim atobba hinla ka hvchim ahoba hokmak osh hvsh i-pota hokvto, nanta hō isht a hvchi yukpa cho? nan-ashvchi vhleha ak kia yummak atuk ash inli ohmi hō isha chi kv, nanashvchi bika ya i pota chatuk oka.

35. Amba hvchishno vto hvchin tvvvp puta ka hvsh i bullo, mikvnt nana achukma hō hvsh yvmohmikvnt; anonti nana kia isht ai vlhtoba hi a ik aiahno hosh hvsh i potashke: yohmikma isht a hvchim vlhtoba hokvto chinta he; micha Nana moma imaiya in vlla hvchia ha hi hoke. Yummak okv ilap a ik aiokpacho, micha nan vlpesa keyu vhleha aiena ka i kana achukma yoka.

36. Yvmohmi hoka hvchishno mvnt na hvchi nukhaklo bano kv, hvch i ki vt nan i nukhaklo bano yoka yummak inli hō hvsh chiyuhmashke.

37. Inla ya ik vlpesachot nan hvch ik apeso kashke. Yohmik mak osh nan ik hvchim vlpiso ka he mak oke. isht a hotopa he anumpa ha hvsh onochi ná: yohmikmak osh hvchishno vt isht a hotopa he anumpa hv ik hvchi onvtulo ka hi oke: inla ya i kashofit hvchim i haksashke; yohmikmak osh hvchishno mvnt hvchi kashofa hi oke.

38. Hvsh ihimashke: yohmikmak osh hvchishno mvnt hvsh habihina hi oke: vlpisa achukma, vlhtekvchit, mikvnt faiokvchit it ai isso hosh ont atampvt hlahaya ho, hatak vt hvch il ai vskofvchi anukaka ya pit hvchim apitta hi oke. Nan isht vlpisa hvchishno vt isht hvsh apesa tuk a, yummak inli hosh hvchishno ma isht hvchim vlpisa hi oke, hvchim achi lishke.

39. Mihmvnt nan isht apesvt anumpulit, Lvpa yvt lvpa ya halvllit isht aya hinla? tuklot yakni chiluk kia pit ik kaho ka hinla hō?

40. Nana ithvna vt nan ithvnanchi a i shahli chatuk keyu: amba nana ka imponvnt aiahli hok mak osh moma kvnt nan-ithvnanchi ak o ai itilaua hi oke.

41. Micha nanta kati ohmi hō na hishonluk iskvtnosi kv

ish itibapishi nishkin a foka na ish pisa hokak osh, anonti iti chito yvt chi nishkin akinli ka foka kvno chik akostininecho cho?

42. Keyukmvt anonti katiohmit ish itibapishi ha, Itibapishi li ma! na hishonluk iskvtnosi kvt chi nishkin a foka ka ak chi kohehi, ish acha hinla cho? chishno chi nishkin akinli kvno iti chito yosh foka ka chik peso kvt; nan-ilahobi chia hoka, iti chito yak o tikba ishit chi nishkin a ish a kohchashke; yohmikmak osh ish pisa achukma hosh ish itibapishi nishkin a nahishonluk iskvtnosi kvt foka ka ish kohcha hinla hoke.

43. Iti achukma kvt vni vt okpulo yo vnit waya chatuk keyu: yohmikma iti okpulo mvt vni achukma ka vnit waya keyu chatuk oke.

44. Iti puta kvv ilap vni yak o isht il ai otvninchi chatuk: hatak vt kvv hak o fik a ai vmo chatuk keyu: yohmikmvt bissupi ak o paki a ai vmo chatuk keyushke.

45. Hatak achukma yvt chukvsh a nana achukma kvv i foka hatuk osh, nana kvv achukma ho ai ishit kohonchi chatuk: mikma hatak vlhpesa keyu kvto chukvsh a nana okpulo yosh i foka hatuk osh, nana kvv vlhpesa keyu ho ai ishit kohonchi chatuk: chukvsh vt isht alotowakmak o itih hvv kohchit anumpuli chatuk oke.

46. Na katihmi ho nana ka hvchi mihha li ka hvsh yohmi keyu kak osh, Chitokaka ma! Chitokaka ma! hvv si achi cho?

47. Kvna kia vm vlvt, nana mihha li ka haponaklo cha, ai yvmohmi kvv, kvna ho holba ka hvchim anoli lashke.

48. Hatak vt chuka ya ikbi kvv, yakni a kullit, hofobichit, tvli yo nutaka in tola ya ai om bohli tuk mak o chiyuhmi hoke: yvmohmi tuk o okchito hvv aya mvt, chuka yvmmak ash yanvli hvv kvllot ai isso fehna tok: yohmi kia tvli yo a toba ha tok oka, ik winalecho ki tok.

49. Amba kvna hosh haklo cha, mihma ik yohmo hokvto, hatak vt nutaka in tonla yvt iksho ho yakni yak o chuka ya ai on talali tok mak o chiyuhmi hoke: yvmohmi tuk o yvmmak ash yanvli hvv kvllot ai isso fehna tok: yohmi ma

chekosi makinli hō kinafa mvt, chuka yummvt okpulo kv̄t ai oklyha tok, im achi tok.

CHAPTER VII.

Chisvs vt Kapenam̄ a ona cha, Sintulion na-yimmi ka ahn̄inchi mvt, 1; 10 in tishu h̄a hlakofichi. 11 Nain a ona cha, ohoyo ī hatak illi ushi illi tuk a falaminchit tanichi. 18 Chan vt aboha kv̄llo foka mvt, yummak osh Klaist mak okma, keyukma, nana hatuk ma Chisvs a pit ī ponaklo: 22 mihma ilap vt nana kv̄t a fehna kia yummichi tok puta kv̄t Chisvs vt im anoli: 24 mihmvt Chisvs vt Chan a isht anumpulit atokowa ka anoli. 37 Ohoyo hv̄t nanashv̄ chi yō ik yohmi, im aiahni na iyi ȳa nan-ahama a hv̄m̄mi; mihma ohoyo hash hopohl̄v̄chit nan im ai ashv̄chika ȳa ī kashofi.

1. OKLA hv̄t haponaklot aiasha na nana ka mihvt ont in taiyaha mvt, Kapenam̄ a ont chukowa tok.

2. Mihma Sintulion achv̄vt in tishu, yummvt ī holitopa chatuk osh, abeka cha, ill̄a hosi tok.

3. Atuk osh Chisvs a pit haklo mvt, vla cha, in tishu hash hlakoficha hinla ka, pit im aiahni hosh, Chu okla in tikba vhleha h̄a pit in tihleli tok.

4. Atuk o yummak ash ot Chisvs a im ai oua mvt, im asilhha kv̄t achilita fehvt, Il̄oppa ai ī yvmihcha he v̄lhpiesa fehna;

5. Yummak okvt pim okla talaiia h̄a pi holitoblit sinakak a pim ikbi tok oka, achi tok.

6. Mihma Chisvs vt awant ia tok. Atuk osh chuka atuk ash on̄a hosit taha ma, Sintulion ash osh ī kana vhleha h̄a pit in tihleli mvt, Chitokaka ma! ayvt ik chim ahchibo kashke: chishno vt vm aboha ȳa ant ish chukowa he si ahoba keyu hoka.

7. Yohmi kv̄t anonti vno akinli hosh ayvt ont chi pisa la he si ahoba keyu kv̄t vm anukfila atuk oke: amba anum- pa bano hō ish mihakma, an tishu hatuk mvt hlakofa hin- lvshke.

8. Ūno ak kia hatak tv̄shka chipota vhleha pehlichit ī shahli nutaka ahanta chatuk sia hoka: yohmi kv̄t achv̄fa ka, Iá, im achi likma, ia hoke: mikmvt inla ma, Mintí, im achi

likma, minti hoke: mikmut an tishu ha, Ilvppa yakohmichi, im achi likma, yvmihchi chatuk oke, pit im achi tok.

9. Mihma Chisus vt ilvppa puta ka haiyaklo mut, pit im aiokpanchi fehvt, filemut hikia cha, apehvt aya tuk okla hash, Israel okla ha kanima kia na yimni chinto yakohmi ka ak a pesoshke, hvchim achi lishke, im achi tok.

10. Mihma yvmut yakohmit itnowa tuk vt chuka ash falamvt, tishu abeka tuk vt hlakofi tuk o ont pisa tok.

11. Atuk o ont onna ma yakohmi tok: tmaha Nain hohchifo ho ia tok; mihma nan im ai ithvna laua, micha okla laua aienvt apehvt ilhkoli tok.

12. Atuk osh tmaha okhissa ya i bilika vla ma, hatak vt ohoyo i hatak illi yo ushi yosh, ishki a yvmmak osh i bano chatuk osh illi na okla sholit kohcha tok; yohmi ma tmaha okla hvvt lauvt yvma apehvt aya tok.

13. Mihma Chitokaka yvt ishki atuk a pisa mut, i nukha-klo cha, Ish yaiya na, im achi tok.

14. Mihmut yvmmak ash ot ai onvtola kash ant potoli tok: mihma sholi tuk vt lumvt hielit tok. Mihma, Hatak himita chia hvvt ish tanashke, chim achi lishke, achi tok.

15. Mihma illi yatuk yvmmak ash ot tanit binili cha, anumpuli tok; mihma yvmmak ash ishki a pit ima tok.

16. Mihma okla moma ka nanukshopa kvv ai anukfoyuka tok: mihmut Chihowa ya holitoblichit aiokpahanchit, Hopaii chinto kvv pitintakla ya a tovtv hikiushke; micha Chihowa yvt im okla ha i nowvt ayvshke, okla achi tok.

17. Mihma yakohmit Chisus isht ai annoa kvv Chutea yakni a mominchit, anonti yakni inla auet a bilika aiasha ma moma a hlopulli tok.

18. Mihma Chan nan im ai ithvna vhleba hvvt nana kvv a yakohmi tuk a mominchit im anoli tok.

19. Mihma Chan ash ot ilap nan im ai ithvna ya tuklot hoyo cha, Chisus a pit in tihleli mut, Chishno ak osh aya he, tuk mak o chia hokma, ak chu? himmak pilla hak o inla yo e hoyo chi cho? achi tok.

20. Hatak ash ot ayvt im it onachi mut, Chan Baptist vt, Chishno ak osh aya he tuk mak o chia hokma, ak chu?

himmak pilla hak o inla yo e hoya chi cho? achi hosh auet pi tihleli tuk oke, achi tok.

21 Mihma hvshi kanvlli vhpisa yummak fehna ka haknip ik in chukmo, mikmut ililli isht ai ilbvsha, micha shilombish okpulo ai i foka puta aiena kvv lau h hlokofichi tok: mihmut lva vt lau atuk a hoponayochi tok.

22. Mihmut Chisvs vt afalaminchi mut, Oh ia cha, nana ka hvsh pisa tuk, mihmut hvsh haklo tuk aiena kvv Chan a ont oh im anoli; lva yvt hoponayo, imomokpulo yvt nowa ma, leplosi vbi vt i kashofa, ik haponaklo vt haponaklo ma, illi mut falamvt tani, mihma ilbvsha ya vbanumpa hvv isht un anuhumpvshke.

23. Yohmi ka kvna hosh vno a ik si ai ibetvblokmvt, mihi yosh na yukpa hoke, achi tok.

24. Mihma Chan im anumpa isht aya tuk vt a falamvt, itiachi ma, okla ha Chan ak o isht im anumpulit, Nanta ho hvsh pisa chi hosh yakni haiaka yvno hvsh ilhkoli tuk oh cho? Kushak osh mahli na winakvchi kak atuk o?

25. Amba nanta ho hvsh pisa chi hosh hvsh ilhkoli tuk o? Hatak na-fohka lapushki fohka kak atuk o? Yakeh! na-fohka holitopa ishit shemvt, ilimpa hochukma in lau hokvto, hatak miko vhleha in chuka ak o aiasha cho kvmo.

26. Amba nanta ho hvsh pisa chi hosh hvsh ilhkoli tuk o? Hopaii ak atuk o? Ahlishke, micha holitopa kvv hopaii ya i shahli fehna hoke, hvchim achi lishke.

27. Ish-ataya he chi tikba ai apoksiahancha chi mak o vm anumpeshi a chi nashuka itikba ma chuffichi lishke, achit holisso tok a, ilvppak osh mih mak oke.

28. Ohoyo ho a tovt ai vta tok puta ka hopaii chito kvv Chan Baptist a imaiya kvv iikshoshke, hvchim achi lishke; yohmi ik nana kia moma ik lauwo hosh Chihowa apelihika yvno anta kvv, Chan a imaiya hoke.

29. Yohmi ma Chan a okla im a haponaklo tuk vt moyuma, micha pvblikan vhleha aiena kvv Chan a i baptismo ya isht a baptismot, Chihowa ya im aiahlichi tok.

30. Amba Falisi vhleha, micha nan-vhpisa ithvnanchi

vhleha aiena kvto ilapo yokvto yummak ash o ik im a baptismo, Chihowa nana im aiahni tuk a ik aiahlecho hokvt.

31. Mihma Chitokaka yvt, Yohmi kvno hatak himaka aiasha ka nanta hak o pit it apesa la chi cho? yohmi ka nanta hak o okla pit hoyulba cho?

32. Ulla yosh ilhpak a kanchi yo binomaya hosh ilap hika it i howvt, Oskula ha e hvchim olachi ka, hvchik heh-loshke; illi isht taloa isht e hvchi yaiya ka, hvch ik yaiyosh-ke, ahanchi ho chiyumishke.

33. Chan Baptist vt pvka yo ik po, mihmvt oka paki ma ik ishko yosh aya; yohmi ma, Nan-isht-ahullo okpuli il ai ishishke, hvsh achi.

34. Hatak Ushi yokvto impa, micha nan ishko aiena hosh aya: yohmi ma, Yakeh! hatak isikopa, micha oka paki ishko shahli, pvlikan vhleha mikmvt nan ashvchi puta ka kana yoke, hvsh achishke.

35. Yohmi kia Ahopoyuksaka yokvto ilap im vlla vhleha ha mominchit ai isht aiahli chatuk oke, achi tok.

36. Mihma ibai impa hinla ka Falisi achivvt im ahni tok: yohmi ma Falisi in chuka yash ont chukowvt, impa chi hosh binili tok.

37. Yohmi ma ohoyo nan-ashvchi yosh tumaha yumma anta tuk osh, Falisi in chuka ya Chisvs vt asht impa na akostinichi mvt, alabasta kotoba nan-ahama balama vlihto ho isht ona mvt,

38. Im asha-ka iyi pit a chiya ka ont hikivt yahaya cha, iyi ash nishkin okchi yak o isht achivvt, anonti ilap noshko-bo pashi akinli ho ishit kasholinchi mvt, iyi a i suksohowvt, nan ahama balama ash o isht a hvmmi tok.

39. Mihma Falisi vt yummak ash o hoyo tuk ash ot, yumma pisa mvt, Hatak ilvppvt hopai atuk ok mvt, kvna hosh, micha ohoyo kaniohmi chatuk osh potoli ka, ik akostinicho ka heto; ohoyo ilvppvt nanashvchi yoka, ahnit ilapo inli il im achi tok.

40. Mihma Chisvs ash ot afalaminchit, Saimon a nana chi miha la hinla kvt vm ashvshke, im achi tok. Mihma

yummak ash ot, Nan ithvnanchi ma! ish mihashke, achi tok.

41. Mihma, Hatak nan-ahekuichi achufa yumma aheka um in takohnli kv̄t tuklo tok: achufa kv̄to aheka yvt iskuli tahlepa in tahlapikma, anonti achufa kv̄to pokoli tahlapi ha tok.

42. Atuk osh isht atobba hi vt nana kia ik im iksho kit okla ma, it aieninchit pilla hō yummak ash ot i kashofi tok. Yohmi ka, Um anolī; katimampo kak osh yumma i hullo kv̄t i shahlicha hinla cho? achi tok.

43. Saimon ash ot afalaminchi mvt, Laua i shahli tuk o i kashofi kak a hinla, ahni li, achi tok. Mihma, Pit v̄lhpesvchit ish anukfilli mv̄hlishke, im achi tok.

44. Mihmvt ohoyo a hikia ka pit filema mvt, Ohoyo ilvppa ish pisa cho? chim aboha ant chukowa li ma, chishno vto saiya isht achifa he oka kapvssa kia chik samo ke tuk: amba ilvppak okvto nishkin okchi yo saiya ya isht achifa mvt, ilap noshkobo pashi ak o isht kasholihinchishke.

45. Chishno vto chik sa suksowo ke tuk: amba ohoyo ilvppak okvto, ilvppa ant chukowa li tuk takla ka, saiya ya i suksowowa kv̄t ik iesoshke.

46. Chishno vto sa noshkobo ha nan-ahama isht chik sum a hv̄mmo ke tuk; amba ohoyo ilvppak okvto saiya ya nan-ahama isht ahv̄mmishke.

47. Yohmi hokvt, Nan im ai ashvchika yvt laua tuk vt kashofa hoke: mihi yosh nan i hullo fehna hatuk okvt, chim achi lishke: amba ik lauo hosh i kashofa hok mak osh mihi yosh nan i hullo kv̄t a fehna keyu chatuk oke, im achi tok.

48. Mihmvt ohoyo hash o, Chim ai ashvchika puta kv̄t chi kashofa mak oke, im achi tok.

49. Mihma it apehvt asht impa tuk yummak ash ot, Ilvppvt kv̄ta hokak osh nan-ai ashvchika puta kak kia kashofi boh cho? ahnit ilapo inli okla im anukfila tok.

50. Mihma ohoyo hash o, Na chi yimmika yvt chi okchalinchishke: na-yukv̄t ish ayashke, im achi tok.

CHAPTER VIII.

Chisvs vt im anumpeshi vbleha, micha nan-isht im vttta vbleha ohoyc-
 aienvt apihvt aya hq, vbanumpa isht anumpuli, 1. 4 Na hokchi
 isht vlpisa anumpa; 6 micha yummak atuk vt vlbivt achukma
 annoa. 16 Pyla tohwikeli isht vlpisa; 21 kva hosh Klaist im
 anumpa puta ka im antia hokvto, yummak o i kanomi fehna mak
 oke. 22 Chisvs vt kocha umba mahli kvlllo ka yukobli; 26 mihmvt
 nan-isht-ahullo okpulo lava hq batak achvfa ka a kocha weli:
 yohmi ma, shukha lokoli achvfa hq ont abeha chi ka, vlpesa im
 ahni; 48 ohoyo issish ont ia vbi yatuk o hlakofichi; 49 mihmvt
 Chailvs ushetik illi tuk a falaminchit tanichi.

1. **ATUK** osh i himmakma yakohmi tok: tmaha,
 micha chuka lokoli puta aiena ka mominchit a hlopullit
 ayvt, vbanumpa isht anumpohonli; micha Chihowa apehli-
 chika ai isht ilaiyukpa anumpa ha otvminchit isht anumpo-
 honli tok: mihma auah tuklo kash ot apehvt aya ma,

2. Michi ohoyo kanohmi, yummvt shilombish okpulo
 puta, micha haknip ik in chukmo puta aiena tuk osh a
 hlakofi tok, Meli Maktalene hohchifo yummak o nan-isht-
 ahullo okpulo untuklot a kohcha tok.

3. Mihmvt Choanna Helot a nan-isht im vttta Chusa a
 tekchi, micha Susanna, mikmvt inlaka mvt laua hosh nana
 im asha tuk vt, Chisvs a isht apelvchi tuk vt apehvt aya
 akinli tok.

4. Okla lava fehvvt tmaha moma ashvt minti kvv im ai
 itvnaha ma, nana isht apesa hosh im anumpuli tok.

5. Na hokchi vt i nanihi hokchit ia tok; atuk osh hokchi
 ma, kanimi kvv hina lapalika yo kaha tok: atuk o a hvhli-
 chi; yohmi na hushi puta vba itvnova kvv ant aiowvt vpa
 tok.

6. Mihma kanimi kvvto tvli yo ai o kaha tok: atuk osh
 offo mak inli hosh a shummi takanli kvv ik im iksho hatuk
 okvt, bvshit kvnia tok.

7. Anonti kanimi kvvto kvvti foka yo a kaha tok: atuk a
 kvvti ash ot awant offo cha, olvbbit ishi tok.

8. Yohmi ma inla kvto yakni achukma hq ai o kaha tuk osh offot, nihi achvfa tuk kia tahlepa achvfa unit waya tok: ilvppa puta ka achit ont in taiyaha mvt, Kvna hosh isht haponakla he haksobish vt i hinlikmvt, haklashke, chitoli hosh achi tok.

9. Mihma nan im ai ithvna vhleha hash ot, Ilvpput nan-isht vlhpisa katiohmi ha hinla hoh cho? achit i ponaklo tok.

10. Mihma, Hvchishno ano Chihowa apehlichika ya nana kvt ik otaiyano ke tuk a hvsh akostininha he mak osh hvchim vlhpisa hoke: amba inla ka yokvto pisa kia, pisa he keyu; mikmvt haklo kia, ik akostininchò ka chi ho nan-isht vlhpisa anumpa ha chi ha tok.

11. Nan-isht vlhpisa kvt ilvppak oke. Na-nihi ak osh Chihowa im anumpa mak oke.

12. Hina lapalika kaha kvt, anumpa ha haklo kak oke: yohmi ma Setan vt ayvt, okla yimmit ik okchayo ka chi ka, anumpa ha chukvsh ash a kohchit im ishi chatuk oke.

13. Tvli yo ai o kaha kvto, anumpa ha haklokmvt, na yukpa hosh ahninchì kak oke; yakohmi kak osh hakshish vt iksho; yohmi hosh chekosi takla hokvno yimmi tuk osh, nana kvt ont a palvmmikma, mokohli hoke.

14. Mikma kvti foka yo a kaha kvto, anumpa ha haklo tuk kia, yakni pakna ahantvt nan-isht a katiohmi puta, mikmvt nan in laua bvna, micha na-washoha puta isht a nukfoyuka kak osh ai im olvbbi na unit ahlit ik wayo kak oke.

15. Amba yakni achukma yo ai o kaha kvto, yvmmvt chukvsh achukma aiahli mak osh anumpa ha haklokmvt, ieshit achunanchi cha, unit waya kak oke.

16. Hatak nan ak osh pvla ha luachi mvt, nan-aivlhto yo isht ompohomokmá, keyukmvt topa nutaka yo pit tala-likmá, nana chatuk keyu; amba kvna hosh ant chukowakmvt tohwikeli ka pisa chi ka, pvla ai-o-hikia yak o o hilechi chatuk oke.

17. Na luma nana hatuk osh ik otaiyano ka hi vt iksho:

mikma nana hosh luma tuk ak o ik akostinincho ki, ik otano ka he mvt iksho hoke.

18. Yohmi hoka nana ka hvsh haklo kvv, Ahah! hvsh ahnashke; kvna hosh ishi hokmak o, mihi yo ima hi oke: mikmvt kvna hosh ishi keyu tuk muno, mihi yo ishi ahomba tuk ash kia aieninchit im ai isha hi oke, achi tok.

19. Yohmi ma ishki, micha itibapishi vhleha aiena kvv im ai vla kia, okla hak osh atehlevt kvna hatuk o, a hikia ka ona he keyu ki tok.

20. Mihma, Chishki, micha chitibapishi vhleha aiena kvv chi pisa bvna hosh, kocha ya hiohmavvshke, achit im anoli tok.

21. Mihma yvmmak ash ot afalaminchi mvt, Chihowa im anumpa ha haponaklo cha, mihi yo ai yvmohmi vhleha ilvppak osh vshki, micha itibapishi li vhleha aiena mak oke, im achi tok.

22. Atuk osh nitak kaniohmi ho yakohmi tok: nan im ai ithvna vhleha hash ai it apehvt peni ont chukowa tok; mihmvt, Okhvta mish-tvnnv ak o pit eho tanvblashke, achi tok. Mihma peni ash okla oka tobli tok.

23. Atuk o yakohmit peni a asht itvnowa ma, yvmmak amo nusi tok: atuk o mahli chito kvv okhvta hash on itu-yula; yohmi ma oka yvt ibai alota na ai isht-kvnnvvt ai i palvmma he pullvt aiasha tok.

24. Yohmi cha okla onvt yvmmak ash okchvli mvt, Pithvnanchi ma! Pithvnanchi ma! pilli mak oke, achi tok. Mihma yvmmak ash ot tani cha, mahli micha oka poakvchi aiena kash im alvmmi tok: mihma yvmmak ash ot yokopa na chulusvt talaia tok.

25. Mihma yvmmak ash ot, Na hvchi yimmika mvt? im achi tok. Mihma okla nukshopa hatuk okvt, nukhlakanvvt, Ilvppvt hatak katiohmi mak oh cho? ilvppvt mahli, oka aiena kak kia nan i miha ma, im antivshke, it im achit maya tok.

26. Atuk osh Katalenes okla i yakni Kalili auet i chapa ka talaia ka, okla ont ataiya tok.

27. Yohmi na yvmmak ash ot pit kohvvt ia ma, hatak achvfa kvv nan-isht-ahullo okpulo puta kvv ai i fokva tok ho-

paki hosh, na fohka kia fohka chatuk keyu, mihmut chuka yo ai vta chatuk keyu, amba hatak illi aiasha yak o ai vta chatuk osh, tumaha ha a kohchvt aya hosh afama tok.

28. Mihmut Chisvs a pisa mut, chitolit tahpula mut, yummak ash itikba ya aka hlipvt chitoli hosh anumpulit, Chisvs Chihowa nana moma imaiya Ushi chia ha, vno vt nanta ho isht chi ahalaia li cho? chik svlvshalo ka chi mak o, chim asilhha lishke, achi tok.

29. Yummak okvt shilombish okpulo vt hatak ash a kohcha chi ka, im apesa ha tok. Yummak okvt himonna haksinchit hohokli beka tok; yohmi hatuk a yummak okvt tvli ita-takvli, micha iyi ai vlpitta tvli aiena isht talakchi ho okla apesvchi ha tok: yohmi kvv isht a kamvssa yatuk a kobvffikma, nan-isht-ahullo okpulo ash osh chvffichi na yakni haiaka a kvnia beka tok.

30. Yohmi hatuk o Chisvs ash ot i ponaklot, Chi hohchifo hvv nanta ho? achi tok: mihma yummak ash ot nan-isht-ahullo okpulo vt laua hosh pit ai abeha hatuk oka, Lechvn sia, achi tok.

31. Yohmi ma kohchvt ahofobika ai-ilbvsha mak o okla ia hi a ik im apeso ka chi ka, okla im asilhha tok.

32. Yohmi ma nvnih pilla yummak oka shukha laua yvt ai impa hosh aiasha tok: yohmi ma yummak o okla ont abeha chi ka vlpesa, im ahna chi ka, im asilhha tok. Yohmi ma vlpesa, im ahni tok.

33. Yohmi ma-nan-isht-ahullo okpulo puta kash ot hatak ash a kocha wihvt ia mut, shukha yash o ont chukowa tok. Yohmi ma shukha laua yash osh nvnih chakpatali ka asht aka pit yihlepa fehvt, okhvta ont ai oka kahvt, nuksakkit illi tok.

34. Yohmi ma yvmma apesvchi vhleha hvv nana kvv ai yvmohmi ka pisa mut, yihlepvv ivv, tumaha mikmut haiaka aiasha tuk aiena ka ai im anoli tok.

35. Yohmi ma nana kvv ai yvmohmi tuk ash okla pivv ilhkoli tok. Atuk osh Chisvs ash im ai vla cha, hatak nan-isht-ahullo okpulo puta kvv a kocha wiha tuk ash, ilefoka fohka cha, im anukfila mut hopoyuksa achukma hosh,

Chisvs iyi ituma ya binili ho okla pisa tok: yohmi mvt okla nukshopa tok.

36. Yohmi ma nan-isht-ahullo okpulo puta ai i foka tuk vt kaniohmit a hlakofi na okla pisa tuk ash kia im anoli tok.

37. Yvmohmi ma Katalenes yakni ai i bilika tuk vt okla laua kvv nanukshopa chinto kvv ai onvtuyula hatuk osh, yvmmak okvt i filvmma hinla ka, momvt okla im asilhha tok. Yohmi na yvmmak ash ot oiyvt peni ash pit chukowa mvt, falamvt aya tok.

38, 39. Mihma nan-isht-ahullo puta kvv a kocha wiha tuk hatak ash ot awant aya hinla kvv, im asilhha tok: yohmi kia Chisvs ash ot, Chin chuka yak o falamvt ish ona cha, Chihowa hvv nana chinto nana mak o a chi yvmihchi tuk a, ont ish anolashke, achit pit chvffichi tok. Mihma yvmmak ash ot ia mvt, nana chinto fehna nana mak o Chisvs vt i yvmihchi tuk a, vmaha hash mominchit ai anoli tok.

40. Atuk o yakohmi tok; Chisvs ash ot falamvt vla ma, okla hvv momvt hoyo hosh aiasha tuk okvt, okla na yukpvt aiokpvchi tok.

41. Yohmi ma hatak vt Chailvs hochifo hosh, sinakak apesvchi yosh vla tok; mihmvt Chisvs iyi ituma ya aka ant hlipia cha, in chuka ya ona hinla ka, im asilhha tok.

42. Yvmmak okvt ushetik vt achvfa illa hosh, afvmmi auah-tuklo foka tuk osh, illa hosi hosh itonla ha tok. Yohmi ma yvmmak ash ot ia hosh aya ma, okla chinto kvv ai a folublitt kvnia tok.

43. Yohmi ma ohoyo hvv issish um-bokafa tok afvmmi auah-tuklo hatuk osh, nana im asha tuk a mominchit alikchi puta kak o ai ataiyaha kia, achvfona ma a hlakofa he mvt iksho hosh, aya tuk osh,

44. Im ashaka ona cha, im anchi aposhokvchi ya pit potoli tok: yohmi ma ashalika issish ont ia tuk vt i hokofa tok.

45. Mihma Chisvs vt, Kvta hosh sa potoli cho? achi tok. Kvna hatuk keyu ka momvt miha ma, Pita yvt, micha apehvvt aya tok aiena kash ot, Pi shahli ma! okla chito vt chi a folublitt chi atehlifichi fehna hokak o, Kvta hosh sa potoli, ish achi cha? achi tok.

46. Mihma Chisvs ash ot, Kva hosh sa potoli tuk, nanisht aialhika yvt a si a kohcha ka akostininchi li hoka, achi tok.

47. Yohmi ma ohoyo hash ot ilapvt luma keyu kv akostininchi mvt, wunihinchit ona mvt, itikba ya aka ont hlipia cha, nana kaniohmi ho yvmmak oka potoli tuk, micha kaniohmit ashalika hlakofi tuk aiena kv okla moma itikba ya ai im anoli tok.

48. Mihma yvmmak ash ot, Svsotek ma! na chi yukpa achukmashke; na chi yimmika yak osh chi hlakofichi hoka, na-yukpa bieka anukfoyuka hosh ish ayashke, im achi tok.

49. Yvmmak okvt anumpuli moma ho, sinakak apesvchi in chuka ya achvvt minti hosh vla mvt, Chiso-tek vt illishke; nan-ithvnanchi ma chik im ahchibalo kashke, im achi tok.

50. Yohmi kia Chisvs vt pit haklo mvt nan i mihvt, Ik chi komunto kashke; pilla ik chi yimmi, mikma yvmmak okvt hlakofa chi hoke, im achi tok.

51. Atuk osh aboha yash ont chukowa mvt, hatak nana kia ik chukowa, ik aiahno; amba Pita, micha Chemis, mikmvt Chan, micha ohoyo himita ya iki, mikmvt ishki itatuklo kak illa tok.

52. Yohmi ma moyumvt ilbvshvt isht yahaya tok: yohmi kia yvmmak ash ot, Hvsh yaiya na; illi keyu; pilla nusi hoke, achi tok.

53. Mihma yvmmak okvt illi hoka, okla ithana hatuk osh, yvmmak ash ik ahobalot olvi tok.

54. Yohmi ma yvmmak ash ot mominchit kohchichit tahli mvt, yvmmak ash ibbak a halvli cha, i howvt, Ohoyo himita ma! tani, achi tok.

55. Mihma shilombish vt falamvt im vla cha, yvmmak ash ot ashalika tani tok; mihma nan-ilimpa i hoyo hinla ka, miha tok.

56. Mihma iki, ishki itatuklo kash ot nukhlakancha fehna tok. Yohmi ma nana kv a yvmohmi tuk ash hatak nana kia ik im anolo ka hi o i miha tok

CHAPTER IX.

Chisvs vt im anumpeshi auah-tuklo ka vbanumpa isht anumpula chi micha nana kv̄t isht ahullo fehna kia yvm̄hchi a puta hosh im ai v̄lhpesa hatuk vt otv̄ninha chi h̄o, pit tihleli, 1. 7 Helot vt, Chisvs a pisa b̄onna. 17 Chisvs vt p̄vska lumbo tahlapi, micha n̄vni chipunta tuklo aiena tuk a, hatak tahlepa sipokni tahlapi ka imp̄chi: 18 micha ilapa kv̄na hak o okla im ahoba hatuk a ponaklo tok; 22 micha ilap vt illi tuk osh, anonti falamvt tana he aiena kv̄t tikbanli anoli: 23 yohmi m̄vt nan im ai ithv̄na v̄hleha ilapa holi-tobli pulla kv̄t, ile kaiyancha he, micha na-palv̄mmi puta ma pisa chi aiena kv̄t im v̄lhtaha hi a, i miha. 28 Chisvs vt v̄ba pit anumpula chi hosh n̄vni chaha pit oiya atuk osh, v̄ba pit anumpulit ahanta moma hosh pisa ka inlv̄t toba. 37 V̄lla yosh nan-isht-ahullo okpulo isht abeka tuk a Chisvs vt hlakofichi: 48 mihmvt anonti ilap i palv̄mm̄t illa hi vt tikbanli anoli; 46 nan im ai ithv̄na v̄hleha hv̄t ilap na-fehna b̄onna im anukfila puta ka im okt̄v̄bli: 51 Samalia okla hv̄t Chisvs a ik aiokpacho kv̄t okla illit taba chi ka, Chemis, Chan, Ita-tuklo kv̄t ahni ma, Chisvs vt nan isht i miha; 57 hatak kaniohmi kv̄t chukv̄sh a mominchit isht im antia he keyu kv̄t āsha hatuk o, nan i miha.

1. YUMOHMI m̄vt ilapo nan im ai ithv̄na v̄hleha auah-tuklo kash hoyot itahobi m̄vt, nan-isht-ahullo okpulo puta imaiyvt, mikm̄vt abeka ilaiyuka puta ma hlakofihinja chi ka, nan aiahlika ya isht im apesa tok.

2. Yohmi m̄vt, Chihowa apehlichika yoka isht anumpohlit, anonti abeka puta ma hlakofihinja chi mak o pit tihleli tok.

3. Yohmi m̄vt, Itv̄nowvt hv̄sh aya kv̄t tv̄bi kia, mikm̄vt shukcha, micha p̄vska, anonti tv̄li holisso, ilefoka lumbo m̄vt tuklo aiyuka, peh nanasi kia hv̄ch ik īsho kashke.

4. Mikm̄vt chuka nana h̄o ont hv̄sh chukowakm̄vt, yvm̄mak o hv̄sh ah̄ashwa tuk osh, kohchvt hv̄sh iashke.

5. Michā kv̄na kia ik hv̄chi aiokpachokma, tm̄maha yvm̄ma a kohchvt hv̄sh iakm̄vt, nan-isht im atokowa mak o hituk tohbi ka hv̄ch iyi ya tahtulit hv̄sh a kanchashke, im achi tok.

6. Mihma okla ivt tm̄maha puta ka hlopullit ayvt, v̄ba-

numpa isht anumpohonlit, kanima moma ka abeka a hlakofichit itvnowa tok.

7, 8. Helot miko ash ot, yummvt nana puta ai yvmihchi ka haklo tok; yohmi mvt kanimi kvv, Chan ak osh illi tuk vt falamvt tani tuk, achi ma; anonti kanimi kvv, Elias ak osh ant haiaka, achi: mihma inlaka mvt hopaii vhleha tikba ya tok ak osh achvvt falamvt tani hoke, achi hoka, katiohmi ahnit ik im vhpiesot im anukfila tok.

9. Mihmvt Helot ash ot Chan ano noshkoba ha tvbli li chamo: amba na yakohmi puta a hahaklo li ka yvmmak osh kvta hoh cho? achi tok. Mihmvt yvmmak ash pisa bvna tok.

10. Mihma vbanumpeshi vhleha hash ot falamvt ai ona mvt, nana ai yvmihchi tuk vt mominchit okla im anoli tok. Mihma yvmmak ash ot pehlinchit il a lumvt, naksika tmaha hohchifo Betsaita ai i bilika yakni haiaka yo ia tok.

11. Mihma okla hvv akostininchi mvt, yvmmak ash o pit iakaiya tok; mihma yvmmak ash ot im aiokpahanchit, Chihowa apehlichika isht im anumpohonlit, yvmmak okvt hlakofi bvna hokvno hlakofihinchi tok.

12. Atuk o nitak ash ot ont shohbit mahaya ma, auah-tuklo kash ot ai vlvv, Yakni haiaka yo il aiasha hoka, okla laua ya ish in tohno na ilhkolit tmaha puta, micha a kocha chuka hohli yakni auet a bilika fullota aiena ka ont a nusit, ilhpak ma ahayuchit mayashke, im achi tok.

13. Yohmi kia yvmmak ash ot, Impa oh ipeta, im achi tok. Yohmi ma, Pvska tahlapi, mikmvt nvnv tuklo aiena misha keyu hosh pin chiyvshke; kanima yo ivv okla moma ilvppa ilhpak a kil in chumpo hokmvt, okla achi tok.

14. Yohmi ka hatak vt tahlepa sipokni tahlapi foka ha tok. Yohmi ma nan im ai itvna vhleha hash o, Pokoli tahlapi aiyukvt ia ho ho binohlichí, im achi tok.

15. Yohmi ma yvmihchit, mominchit okla binohlichit tok.

16. Yohmi ma yvmmak ash ot pvska tahlapi, micha nvnv tuklo aiena kash o ishi cha, pit vba chakalit aiokpvchi cha, tushahlichit mvt, okla laua ya in talohla chi ho, nan im ai itvna vhleha hash pit ima tok.

17. Mihma okla impvt momvt kaiya tok ; mihma okla im atampa tuk a, boshulli yvt kishi auah-tuklo hq okla aiowa tok.

18. Atuk o yakohmi tok : nan im ai ithvna vhleha ak illa hosh apiha hq antvt, vba pit anumpuli tok : atuk osh yvm-mak ash o i ponaklot, Okla hvto vno vt kvta sia hq achi hq ? achi tok.

19. Yohmi ma afalaminchi mvt, Chan Baptist ; amba kanimi kvto, Elias ak o achi : mikma inlaka yvto, Hopaii vhleha tikba ya tok ak osh achvvt falamvt tani hoke, okla achish ke, achi tok.

20. Amba, Hvehishno vto vno vt kvta sia hq hvsh achi hq ? im achi ma, Pita yvt afalaminchit, Chihowa i Klaist á, achi tok.

21. Yohmi ma yvmma hatak nana kia okla ik im anolo ka chi ka, achukmalit kvloochit i miha mvt,

22. Hatak Ushi yokvt nan isht ai ilbvsha kv in laua chi, yohmikmvt hochitoka vhleha, micha na holitompa isht gsha pehlichit vhleha, mikmvt na holissochi puta aiena mvt ik i yimmot ik aiokpachot vbi tuk ma, nitak ont atuchinakma falamvt tana hi oke, achi tok.

23. Yohmi mvt mominchit i miha kv, Kvna hosh siakaiya he, ahni hok mvt, ilapo yvt ik ile holitoblo hosh nitak moma ka im iti-taiyukhvna atuk ma ieshi hosh, vno a siakaiyashke.

24. Kvna kia ilap im ilhfiopak a okchalinchir bvna hokmvt, i kvnia hi oka ; amba kvna hosh vno pulla hatuk mak o im ilhfiopak vt isht i kvnia hokmvt, mihi yosh il im okchalinya hi oke.

25. Hatak vt yakni a il a mominchit ieshi hosh, anonti ilapo fehna yash il okpvnichit il issikkopalit kaiyanchi hokmvt, nanta hq isht ilaiyukpa hinla cho ?

26. Kvna hosh vno, micha vm anumpa puta aiena ka i hofahya tukma, mihi yo Hatak Ushi vt ilapo, mikmvt Iki, micha enchil hochukma vhleha a puta nan-isht aholitopa ka il aieshit ayvt vlakmvt, i hofahya hi oke.

27. Yohmi kia Chihowa apelihchika ya pisa ha keyuk-

mv̄t, illa ch̄i keyu kv̄t ilv̄ppa kanimi mv̄t hiohmaya hoke :
ah̄li mak o hv̄chim anoli lishke, achi tok.

28. Ilv̄ppa puta ka ahanchi tuk ash nitak ont isht untu-
china foka ma, Pita, micha Chan, mikmv̄t Chemis aiena ka
pehlich̄i cha, nv̄nih chaha yo v̄ba pit anumpula ch̄i hosh ia
tok.

29. Atuk osh v̄ba pit anumpuli ma, nashuka yvt inlv̄t
toba ma, i na-fohka yvt tohbit shohmalili tok.

30. Yohmi ma hatak tuklo kv̄t, yvm̄mv̄t Moses, micha
Elias ita-tuklo mak osh yvm̄mak ash ant im anumpulit okla
tok.

31. Yvm̄mak okvt nan-isht a holitopa ah̄li ka il aieshi
hosh ant otaiyanit okla cha, yvm̄mak okvt Chelusalem a ai
v̄la hi a, isht anumpohonlit okla tok.

32. Yohmi kia Pita, micha inlaka aiena yv̄mma apehvt
aya tuk ash ot nosilhha fehna tok : atuk osh okla ont okchvt
taha mv̄t, isht-a holitopaka yash, micha hatak tuklo kv̄t
apehvt hiel̄i tuk ash aiena ka okla pisa tok.

33. Atuk o yakohmi tok ; yvm̄mak ash ot ai i filv̄mmit
tamov̄t okla ma, Pita yash osh Chisvs ash, Pi shahli ma !
ilv̄ppa e maya kv̄t pim achukmv̄shke : yohmi ka v̄lhtipo
tuchina ka il ikbashke, achv̄fa kv̄t chimmi hokma, anonti
achv̄fv̄t Moses ak o immi hokma, anonti achv̄fa kv̄to Elias
ak o immi hashke, achi tok : yvm̄mak o miha li, ahni keyu
hosh :

34. Yvm̄mak ash ot yakohmichit anumpohonli moma na
hoshonti aya kv̄t, ant o hoshontikachi tok ; yohmi ma ho-
shonti anukaka ya pit chukov̄vt ia kv̄t, okla nukshopa tok.

35. Yohmi ma hoshonti anukaka ya auet ai anumpa kv̄t,
Ilv̄ppak osh Sv̄so a holitopa mak oke, hv̄sh i haponaklashe,
achi tok.

36. Atuk o anumpa hash ot ont taha ma, Chisvs ak illa
hosh hik̄ia na okla pisa tok. Yvm̄ohmi ma nana yakohmi
kash okla nana ik achot, nana ho p̄isa tuk vt achv̄fonv̄chi
mv̄t hatak nana kia nitak yv̄mma foka ka ik im anolo beka tok.

37. Atuk o yakohmi tok : ont onna ma nv̄nih hash okla
asht akov̄vt minti ma, okla lava kv̄t ont afama tok.

38. Yohmi ma okla hā takla āya tuk vt hatak achvot chitolit mihvt, Nan-ithvnanchi ma! svso hā ish pisakba chim ahni lishke, vm vlla yvt yummak bano hatuk oke.

39. Yohmi hō shilombish okpulo yvt ishikma, ashalika tahpahanla hoke; mikmvt haiochichehit itukpokpokihinchichi beka hoke: yohmi kv̄t kaniohmit ī filv̄mma he keyu chohmit, haknip litolit hotopahanlishke.

40. Yohmi hō na chim ai ithvna vhleha hak ō yv̄mma kohchicha hinla ka, im asilhha li tuk ak ō, okla yvmihcha he keyu ketuk oke, achi tok.

41. Mihma Chisvs ash ot afalaminchi mvt, Na yimmi iksho, micha nan-āhli ai ī shanaia fehna okla hv̄chia ma! hv̄ch iba takla ahantvt, nana ka isht ak ahno hō katiohmi foka ch̄i cho? Chiso hā ilv̄ppa ishit minti.

42. Mihma ishit minti hosh āya ma, nan-isht-ahullo okpulo yash ot aka pila cha, haiochichechi tok. Mihma Chisvs vt nan-isht ahullo okpulo yash im alv̄mmi cha, vlla yash hla-kofichit, īki ibbak ash falaminchit fohki tok.

43. Yohmi ma Chihowa nan isht im aiahli chinto fehna ka momvt okla isht nukhlakancha tok. Yohmi kv̄t nana ka Chisvs vt ai yvmihchi tuk puta kash momvt, okokko! okla aiahnit maya takla ma, yummak ash osh ilap nan im ai ithvna vhleha hash,

44. Anumpa ilv̄ppa puta kv̄t hv̄chi haksobish atuk ma ik a fohoká, hv̄sh ahnashke; Hatak Ushi yokvt hatak puta ibbak ā ī foyuka hi oke.

45. Yohmi kia anumpa ilv̄ppa okla ik akostinincho ki tok: mihma na miha kash ik im ai otano; yohmi hoka yummak ash okla ik ai ithaiyano ki tok: mihmvt anumpa yummak ash im asilhhv̄chi okla nukwia tok.

46. Yohmi ma, Katima kak osh holitopa kv̄t moma ī ahahla hinla hoh chishba? ahnit okla isht im ai anukfilvt maya tok.

47. Mihma okla chukv̄sh nan im anukfila hā Chisvs vt im akostininchi mvt, vlla yō ishit, il a bilikv̄chit binilichi tok.

48. Mihmvt, Kv̄na hosh vlla ilv̄ppa v̄mmi hohchifo hō ahninchichi hokv̄to, vno ak ō si ahninchichi hoke: mikmvt kv̄na

hosh vno a si ahninchí hokmvt, yummvt auet sa kanchi tok ma pit ahninchí hoke: kanima hosh moma ik a lauwo kv̄t hv̄chi takla ahanta hokv̄to, mihi yosh moma i shahla hi oke, im achi tok.

49. Mihma Chan vt afalaminchi mvt, Pi shahli ma! achvfa hosh chí hohchifo h̄a nan-isht-ahullo okpulo puta ka ishít kocha weli hosh anta h̄o e p̄isa tuk: yohmi kia yvm-mak okvt ik piba fohko hatuk o, il im alvmmi kano, achi tok.

50. Mihma Chisvs ash ot, Hv̄ch ik im alammo kashke· kv̄na hosh p̄i sanalit anta keyu hokv̄to, pibai achvfa hoke.

51. Atuk o yakohmi tok: yvmmak ash o aiokpanchit vba ȳa isht ia chí nitak vt ont v̄lhpiesa hatuk o, Chelusalem a ia chí kv̄t ai anukfoyokvt nashuka ȳa pit filimmi tok.

52. Mihmvt nan ont im atahla chí ho, anumpa shali vhle-ha h̄a tikba pit tihleli tok: yohmi na okla iv̄t Samalitan okla in tv̄mahushi o ont chukowa tok.

53. Yohmi ma yvmmak okvt Chelusalem a ia h̄o fehna nashuka yatuk o, okla ik aiokpacho ki tok.

54. Yohmi na nan im ai ithv̄na Chemis, micha Chan ita tuklo kv̄t yakomi ka pisa mvt, Chitokaka ma! Elias vt v̄vmihchi tok akinli h̄o chohmichit, pishno mvt luak vba minti kv̄t aka itula cha, okla ilv̄ppa hushmit tahla chí ka il im apesa hinla ka, ish ahni cho? achi tok.

55. Mihma yvmmak ash ot filemvt im alvmmi mvt, Hv̄chi chukv̄sh ai im anukfila a kaniohmi hosh hv̄sh aya kv̄t hv̄ch ik ithanoshke.

56. Hatak Ushi vt hatak puta ka vba chí hosh aya ha tok keyu, amba okchalíncha chí ha tok oke, achi tok. Mihma ilhkolit tv̄mahushi inla yo ona tok.

57. Atuk o yakohmi tok; ia hosh okla itv̄nowa ma, takla ȳa hatak achv̄vt, Chitokaka ma! kanimak fehna chik aya kia, vno vt chiakaiya la chí hoke, im achi tok.

58. Mihma Chisvs ash ot, Chula puta kv̄t chiluk vt im ai ashakma, vba hushi puta kv̄t v̄lhpichik vt im āsha hoke: amba Hatak Ushi okv̄to noshkobo h̄a kanima a bohla hi v̄ ik im iiksho hoke, im achi tok.

59. Mihmvt inla yo, Is siakaiyashke, im achi tok. Yoh-

mi kia yvmmak ash ot, Chitokaka ma! vhpesa, vm ahni na ivt, a₂ki ak o tikba ont ak hohpi ha yosh; im achi tok.

60. Mihma Chisvs ash ot, Illi ak osh ilap bika illi yokvno hohpashke: amba chishno vto ivt, Chihowa apelihchika ya isht ish anumpohonlashke, im achi tok.

61. Mihma anonti inla mvt, Chiakaiya la chi mak oke; yohmi kia ivt an chuka maya kak o tikba ont aiokpvchi la hi a, is svm ahnashke, achi tok.

62. Mihma Chisvs ash ot, Hatak nana kia yakni isht patafa ya ibbak a isht ishi ha yvt, olbulaka a pit hopokoyo kvv, Chihowa apelihchika ya ahalaia he vhpesa keyu hoke, achi tok.

CHAPTA X.

Chisvs vt nan im ai ithvna vhleha pokoli untuklochit vbanumpa isht anumpula chi, micha nana kvv a fehna kia yvmihchi puta hosh im ai vhpesa hatuk vt otvnicha chi mak o a tohno, 1: 17 kaniohmi kak o okla na yukpa he isht ai vhpesa hatuk a, Chisvs vt im anoli; 25 Chisvs vt nan-vhpisa ithvnanchi hatuk a vba yakni hina ya isht it im anumpuli: yohmi hosh hatak achukma Samalitan vt kaniohmi tok nan-isht vhpisa yvmmak o, ilapvt in chuka panta hatak puta ka isht ithana he mak o isht im anumpuli.

1. NANA kvv a yakohmi ha ya, Chitokaka yvt inla yosh pokoli untuklo ho atokoli akinli cha, tuklo aiyukachit tvma-ha puta, mikmvt kanima yo ilapo vt ai ona hinla kvv, tikbanli pit tihleli tok.

2. Yvmohmi hatuk osh na-waya yvt ai-vlmo-ona hokvto laua mvhli ho, amba na-toksvli vhleha hak osh chvbehassish ke: yohmi hoka na-waya yvt ai-vlmo-ona ka in Chitokaka ya hvsh im asilhhahanchi na na-toksvli vhleha ha i na-waya yvt ai-vlmo-ona ka pit apittashke.

3. Hvsh itvnowashke: yakeh! chukfvhpoba ushi yosh nashobo ai itintakla maya ho, ohmichi mak osh pit hvchi tihleli li hoke.

4. Tvli holisso ai-vlhto, micha bahta, mikmvt shulush

aiena ka isht hvch ik ayo kashke: micha hina takla ya hatak nana kia hvch ik aiokpacho kashke.

5. Mikmut chuka nana ho ont hvsh chukowa kv̄t nan tikba, Na-nanaiya kv̄t chuka ilv̄ppa ant iba fokashke, ahnit hvsh mihashke;

6. Mikma na-nanaiya ushi vt yv̄mma anta tukma, nan-isht hvsh il a nanaiya mv̄t ai onvtuyulashke: amba keyukmv̄no, nan-isht hvsh il a nanaiya yvt hvchi falama hi oke.

7. Mikmut chuka yv̄mmak ash inli ho ahashv̄t, peh nana hoh kia hvch ipetakma, v̄p̄t hvsh ishkashke: toksvli vt im vlhtoba he ak osh im ai vlhpesa hoka. Chuka vbaiyv̄chit hvch ik itv̄nowo kashke.

8. Mikmut tv̄maha nana ho ont hvsh chukowa ka, okla hvchi aiokpochikma, impa nana hosh hvchi tikba talaiya hokma, hvsh pashke.

9. Yohmikmut abeka yvt yv̄mma ashakma, ho hlakofichi: yohmikmut Chihowa apelihika yvt hvch i bilika vl̄v̄shke, hvsh im achashke.

10. Amba tv̄maha nana ho ont hvsh chukowa na ik hvchi aiokpachokma, yv̄mmak ash a kohchv̄t iv̄t, hina bv̄shkv̄chi puta ka hvsh ona cha,

11. Hvchin tv̄maha i hituk tohbi vt pi a lapali tuk a, hvchi o kashofit e kanchishke: yohmi kia Chihowa apelihika yato hvch i bilika vla hoka, hvsh ithaiyanashke, hvsh im achashke.

12. Yohmi kia nitak yv̄mma fehnakma Sotom vt im ahleka hoh kia pit im vl̄hpisa kv̄t, tv̄maha yv̄mma i shahla hi oke.

13. Kolasin ma! na chi palv̄mmi mak oke; Betsaita ma! na chi palv̄mmi mak oke; na-fehna puta kv̄t hvchishno ya a hvchim a yvmohmi tuk vt Taia, micha Saiton ita-tuklo ka a yvmohmi ha tok okma, hopaki kash inli ho na-pashi tv̄nna fobka cha, hituk chubbi anuka binoh-mayvt ile kostinincha hi a tok oke.

14. Yohmi kia nan ai-vl̄hpisa chinto nitak okv̄no Taia, micha Saiton ita-tuklo kv̄t im ahleka hoh kia pit im vl̄hpisa kv̄t, hvchishno a i shahla hi oke.

15. Yohmikma Kapenavm chia hvt shutik ak o ont ish talaia tuk vt, aka ivt ai-okpuloka mak o pit ish a kvnia hi oke.

16. Mikma kvna hosh hvchi haponaklokmt, vno a a haponaklo hoke: mikma kvna hosh hvchishno a hvchi shitilemakmt, vno a sa shitilema hoke: mikmt vno a sa shitilemakmt, auet sa kanchi tok a shitilema hoke.

17. Yvmohmi tuk o pokoli untuklo kash osh na yukpa hosh falamvt ai vla mt, Chitokaka ma! chi hohchifo pulla kak o nan-isht-ahullo okpulo puta kak kia pim antihyvshke, achi tok.

18. Mihma yvmmak ash ot, Setan vt malvtha kvv vba vttvt aka minti chatuk a, chiyuhmi ho pisa li kvno.

19. Yakeh! sinti chilita puta, mikmt halambia puta aiena ka hvsh a hvhlihinch: micha na tvnvp nan-isht ai im ahli ka ma mominchit a hvsh imaiya chi mak o nan isht aighlika ya hvch ima lishke: yohmi ka nana hosh a kaniohmit hvchi hotopala hi vt iksho ka hi oke.

20. Yohmi kia shilombish okpulo puta kvv hvchum antia ilvppak okvno nan ik hvchi yukpo kashke; amba hvchi hohchifo puta kvv vba ya a holisso, yvmmak o na hvchi yukpa vlhpesa hoke, im achi tok.

21. Hvshi kanvlli vlhpisa yvmma fehna ma Chisvs vt chvkvsh na yukpa mt, Aki, vba, mikmt yakni ita-tuklo in Chitokaka ma! na yakohmi puta ka na kostini, micha nan-ithvna aiena kvno ish in luhmi tuk osh, vlovi puta ho ish im otvninchi hoka, yak oke, chim aiahni lishke, vlhpiesvshke, Aki ma! yvmmak osh chim vlhpiesa hatuk oka:

22. Nan oklvha ka Aki vt svbbak a a fohkishke; yohmi ka kvna hosh Ushi yoka hatak nana kia ik ithano ho, amba Iki vt ak illa hoke: mikmt kvna hosh Iki yoka kvna kia ik ithano ho, amba Ushi vt ak illa; micha Ushi vt kvna ho im otvninchi mak bano hoke, achi tok.

23. Yohmi mt nan im ai ithvna vhleha a hiel ka pit filema mt, yvmmak ash bano ho, Nishkin vt hvchishno nana hvsh pisa ka pisa kvto na yukpvshke.

24. Hopaii vhleha, micha miko vhleha aiena kvv laua hosh

huchishno nana hvsh pihisa ka pisa bvna tuk osh, ik peso ki tok: micha hvchishno nana hvsh hahaklo ka haklo bvna tuk osh, ik haklo ki tok o, hvchim anoli lishke, achi tok.

25. Yohmi ma yakeh! nan-vlhpisa ithvnanchi achvfa hosh wakayvt hikia mvt, imomaka pisa bvnnvt, Nan-ithvnanchi ma! ai okchayvt bilia ya pisa la hi okvto, nanta ho katiohmi la chi cho? achi tok.

26. Mihma yvmmak ash ot, Nan-vlhpisa holisso ha katiohmit a holisso ho? katiohmi ho ai ish it im anumpuli ho? im achi tok.

27. Mihma yvmmak ash ot afalaminchi mvt, Chi chukvsh mominchi hosh, chi shilombish ma mominchit, chim isht-hlampko a mominchit, mikmvt chim anukfila ma mominchi hosh Chitokaka chin Chihowa ya isht ish holitoblashke; mikmvt chin chuka panta hatak ma ish holitobli kv, chishno akinli chim itilauashke, im achi tok.

28. Mihma yvmmak ash ot, Ulhpesa, ish miha mvhlishke: ilvppak o ish yvmihchashke: yohmi hokmak osh chi okchaya hi oke, im achi tok.

29. Yohmi kia yvmmak ash ot il ai achukmali bvna kv, Chisvs ash, Yohmi ka kvta hak osh an chuka panta hatak o? im achi tok.

30. Mihma Chisvs ash ot afalaminchi mvt, Hatak achvvt Chelusalem vttvt Cheliko ia tuk osh, hatak hukopa vhleha ont iba chukowa na i nafohka ya im apoyua cha, isskkopalit boyubli na illa hosit itonla ho, issvt ilh-koli tok.

31. Atuk o yakohmi tok; na-holitompa isht vta yosh hina yvma minta he mak yoba tuk osh, yvmmak ash ant pisa mvt, apakfompvt hina in tvnvp o ant ia tok.

32. Mihma Lefait hatak ak kia yvmmak ash vlt ant pisa kia, yvmmak ash inli ho apakfompvt hina in tvnvp o ant ia tok.

33. Amba Samalitan hatak osh nowvt aya tuk osh, yvm-mvt ai itola kash, vlt pisa mvt, i nukhaklo tok.

34. Mihmvt ai-itola kash vla cha, ai okpunlo tuk a na-

bila, micha okapaki aiena ka isht ahvmmit, afohlit in tabli cha, ilap im issuba hatuk ash o binilichit isht ayvt, a-foha chuka yo isht ona cha, apesvchi tok.

35. Atuk osh ont onna ma ia chi mut, iskvli tuklo ka ishit kohchit, afoha chuka apesvchi yash ima mut, Iluppa ish apistikelashke: micha atampa kvv kaniohmi hosh chi kvnia tuk mak heno, falamvt aya likmvt, chim atobbi lashke; im achi tok.

36. Yvmohmi ka tuchina iluppa katima kak osh hatak hukopa vhleha ont im isht kanvpa tuk a in chuka panta hatak a tok o, chim ahoba cho? achi tok.

37. Mihma yvmmak ash ot, I nukhaklo tok á, achi tok. Mihma Chisvs ash ot, Ia cha, chishno mut yvmmak inli ho ish chohminchashke, im achi tok.

38. Atuk osh yakohmi tok; ia hosh okla itvnowvt aya ma, yvmmak ash ot tvmahushi achvfa ho pit chukowa tok: mihma ohoyo achvfa, Mahla hohchifo hosh, aiokpvchit im aboha ya isht chukowa tok.

39. Mihma yvmma itibapishi hvv Meli hohchifo hosh anta tuk osh, yvmmak ash kia Chisvs iyi ituma ya binilit, im anumpa ha haklo tok.

40. Amba Mahla vto nan-isht vta in lauvt isht ik im ai vhpieso mut, yvmmak ash o im ai vlvv, Chitokaka ma! sa nakfish vt si apela hi a ik ahno ho, vno ak bano hosh nan-isht anta li ka, nan isht chik ahno cho? yohmi hoka nan isht ik svbai vttá, ish i mihashke, ant im achi tok.

41. Mihma Chisvs ash ot afalaminchi mut, Mahla ma! Mahla ma! nana ka ahalavt im anukfila isht ik chim vhpieso kvv chin lauvshke.

42. Yohmi kia nana ai vhpiesa hokvto achvfa hoke; yohmi ka ai im ai isha he keyu nana achukma mih mak o Meli yokvto ai apissali tuk oke, im achi tok.

CHAPTER XI.

Chisvs vt nan im ai ithvna vhleha ha vba pit anumpuli im avvchi, 1
14 nan-isht abullo okpulo kohchichi: 28 mikmvt kvna hosh Chibo

wa im unumpa ha im antia hokvto holitopa ka anoli; 37 Falisi okla nana ka ilahobi, yummak oka nana palvmmi onvtula he puta ka atokowa anoli.

1. **ATUK** o yakohmi tok: a kaniohmi ho antvt vba pit anumpuli tuk osh ont issa ma, nan im ai ithvna vhleha ha achvvt, Chitokaka ma! Chan vt nan im ai ithvna vhleha ha im avvchi tok a, chohmit pishno ma vba pit anumpuli ka, ish pim avvchashke, im achi tok.

2. Mihma yummak ash ot, Uba pit hvsh anumpulikmvt, Piki vba ish binili ma! Chi hobchifo hv holitopashke. Ish apelihika yvt vlashke. Nana ish aiahni ka vba ya a yohmi kvv yakni ilvppak ma a yohmi makinlashke.

3. Nitak moma ilhpak vt a pim vlvpiesa mak o nitak osh nitak ma ish pihimashke.

4. Mikmvt il ai-ashvchika puta ka ish pi kashofashke: pishno mvt kvna kia aheka pin takalikma, il i kashofi bano hoke: micha anukpvlika imma hokvno ik iba chukowá, chik pim ahno kashke; amba nanokpulo ya ish pi a hlakofihinchashke, hvsh achashke, im achi tok.

5, 6. Mihmvt yummak ash ot, Hvsh katima kak osh chi kana hvv asha tuk osh, ninak iklvna ho ayvt ish onvt, A kana hvv nowvt aya tuk osh vm vla ho, nana kia itikba ma talali la hi vt ik svm iksho hoka, pvska tuchina ka is sam potashke, a kana ma! ish im achi;

7. Yohmikma aboha anukaka ya auet ai afalaminchi kvv, Chik svm ahchibalo kia, himak ano okhissa vt vlvkama ho, vm vlla vt si apihvt topa ha kahvt maya ka, tani lish chima la he keyushke, auet chim achi;

8. Yohmi tuk kia i kana hatuk ak osh tani cha, ipeta he tuk keyu kia, amba yummak ash osh im ahchivvchi fehna kak o tani cha, laua kvv kaniohmi ho bvvnakma, ima hinla hoke, hvchim achi lishke.

9. Yohmi ka hvsh asilhhakma, hvch ima he: hvsh hoyokmvt, hvsh ahayucha he: hvsh sokohakma, hvchin tiwa hi oke.

10. Asilhha aiyuka hokvto habena hoke; mikma kvna

hosh hoyo hokvto, ahayuchi hoke: micha kvna hosh sok_o-hakma, in tiwa pulla hi oke, hvchim achi lishke.

11. Hvsh kanima kv_t iki atuk _o, ushi vt peska im asilhhakma, yvmmak ash tvli y_o ima hinla? keyukmvt n_{vni} y_o asilhhakma, n_{vni} a he tuk ash sinti y_o ima hinla h_o?

12. Yvmmak keyukmvt, akak-ushi lobunchi y_o asilhhakma, halambia h_o ima hinla h_o?

13. Yvmohmi ka hvchishno vt hvchi ai v_lhpesa keyu kia, hvchim vlla ya nana achukma puta ka isht ima hokvto hvchimponna ka, hvch Iki vba binili kv_t i shaiyahlit, kvna hosh im asilhhakma, Shilombish Holitopa ya ima hinla keyu cho? im achi tok.

14. Mihma yvmmak ash ot ik anumpulo y_o nan-isht ahullo okpulo ya a kohchit anta tok. Atuk _o ya_ohmi tok: nan-isht ahullo okpulo vt a kohcha m_{vno}, ik anumpulo ash ot anumpuli tok; mihma okla hv_t anukhlakancha tok.

15. Yohmi kia kanimi kv_to, Ilvppvt nan-isht ahullo okpulo puta i miko Beelsebv_b ak _o nan-isht ahullo okpulo puta ka isht kocha weli hoke, achi tok.

16. Mihma inlaka m_{vto} imomaka pisa kv_t, nan-isht-ato-kowa kv_t vba a minta hi a im a hoyo tok.

17. Yohmi kia yvmmak okvt nana im anukfila puta ka ithana hatuk osh, Apehlichika achvfa kv_t it a kashapvt ilapo ash inli it im i sanali hokvt, ont aiokpulokvt taha hoke: mikma chuka yvt ita kashapvt ilapo ash inli it im i sanali hokvt, akvma hoke.

18. Setan ak kia ita kashapvt ilapo ash inlit il im i sanali hokmvt, im apehlichika yvt katiohmi hosh talaiia hinla cho? vno vt Beelsebv_b ak _o nan-isht ahullo okpulo puta ka isht kocha.weli li h_o hvsh miha hoka,

19. Yohmi ka vno vt Beelsebv_b ak _o nan-isht ahullo okpulo puta ka isht kocha weli li hokma, hvch iso v_hleha hv_{to} kv_{ta} hak _o yvmma isht kocha weli cho? Yohmi hoka yvmmak osh na hvchim apesa yashke.

20. Amba vno vt Chihowa ibbak-ushi _o nan isht ahullo

okpulo puta ka isht kocha wihinli li hokma, yohmi hokmuno, Chihowa apelihika yvt hvchim vla mak oke.

21. Hatak hlampko yosh na-halupa ai im vlhtaiyaha hosh im chuka apesvchi hokvno, nana kv̄t aiyubaka hoke.

22. Amba kullo kv̄t ilapo ā i shahli hosh ant i kohchvt, imaivachi hokmak osh, i na-halupa ai anukchieto tuk ash mominchit im ai eshi cha, nana immi hatuk ash inla im it a kvshkoli chatuk oke.

23. Kvna hosh vno ā svb ai achvfa keyu kv̄t vm i sanali hoke: mikma kvna hosh svba hoyo keyu hokvto na fimmi yoke.

24. Shilombish okpulo yvt hatak ā a kohchakmvt, a foha he hoyot haiaka oka ik ai iksho puta ka hlopullit aya kia ik ahayucho mvt, An chuka ai vttvt kohchvt a minti li kash osh falamvt ia lashke, achi hoke.

25. Atuk osh onakmvt, yvmmak ash ot pashpovt shemvt taiyaha cha hikia hq̄, ont pisa hoke.

26. Yohmikmvt shilombish okpulo untuklo inla yvt okpulo kv̄t ilapo ā i shahli hq̄ ont pehlichit vla na, yvmmak ash okla pit abeha cha, aiasha hoke; yohmikma hatak yvma nana kv̄t ont ai-isht im aiyopa kak osh ik achukmo kv̄t vmona tuk ash i shahli hoke, im achi tok.

27. Atuk ō yakohmi tok; ilvppa anumpohonli moma hq̄, ohoyo achvfv̄t okla takla hikia tuk vt chitoli hosh mihvt, Ikfoka yvt yvmmak osh chisht aya tuk, mikma i pishi ma ish a pihishi tuk ā aiena kv̄to holitovshke, im achi tok.

28. Yohmi kia yvmmak ash ot, Ahli, na-yukpa aiahli kv̄to Chihowa im anumpa hq̄ haklo cha, im antia hak oke, achi tok.

29. Atuk ō okla hv̄t itahobvt ant a laua fehvt taha ma, Hatak himonasi āsha ilvppvt ai vlhpesa keyushke; nan-isht atokowa okla hoyo; yohmi kia nan-isht atokowa nana hosh in takala he keyu, amba hopaii Chonas nan-isht im atokowa kak a hi oke.

30. Chonas vt Ninefeh okla hq̄ isht ai im atokowa tok ā. Hatak Ushu mvt hatak himonasi āsha ilvppa ai in chiyuhmi makinla hi oke.

31. Nana vlhpisa chinto nitak okvno oka-mahli ohoye miko vt hatak himonasi a₂sha ilvppa awant hikia cha, atokowvt anumpa onocha hi oke; yvmmak okvto yakni ont ai vhli pilla vttvt minti kv₂t, Solomon isht im a hopoyuksaka ya haklot a₂ya tok okvt; atuk o yakeh! Solomon a₂ imaiya mak osh ilvppa ahantvshke.

32. Nana vlhpisa chinto nitak okvno Ninfefeh okla hv₂t hatak vt himonasi a₂sha ilvppa iba takla wakayvt hiohmavvt, atokowvt anumpa onocha hi oke; yvmmak okvto Chonas vt vbanumpa ont isht im anumpohonli ma, ile kostinichi tok okvt; atuk o yakeh! Chonas a₂ imaiya mak osh ilvppa ahantvshke.

33. Hatak nana ak osh p₂ula h₂a p₂ulali kv₂t a lumaka ho talali chatuk keyu, keyukmvt tanchi isht-vlhpisa nutaka yo talali chatuk keyu, amba kvna hoh kia ant chukowakmvt tohwikeli ka pisa ch₂i ka, p₂ula ai-o hikia ak o o hilechi chatuk.

34. Haknip a₂ i p₂ula hv₂t nishkin ak oke: yohmi hoka chi nishkin vt achukmakma, chi haknip ak kia momvt tohwikelit alota hoke; amba chi nishkin vt okpulo yokmvno, chi haknip ak kia ai okhlilikvt kvnia hoke.

35. Yohmi ka ahah! ish aiahni na na tohwikeli kv₂t a chi foyuka yvmmvt ik okhlilo kashke.

36. Yvmohmi ka chi haknip vt im a kanima kv₂t ai okhlika iksho hosh tohwikeli banot alotowa hokma, moma kv₂t tohwikelit alotowa kv₂t, p₂ula lua achukma kv₂t chim a tohwikelichi chatuk a₂ a chiyuhma hinla hoke, achi tok.

37. Yvmohmit anumpohonli moma na Falisi achvfv₂t, yvmmak ash ot ont ibai impa hinla ka im ahni tok: mihma ont chukowa cha, impa ch₂i hosh binili tok.

38. Yohmi ma Falisi ash ot pisa mvt, ik impo kisha kv₂t ibbak ik ahchifo ke tuk a₂, okokko! aiahni tok.

39. Mihma Chitokaka ash osh, Falisi hvchia hv₂t isht-ishko micha ampo aiena ka paknaka yokvno hvsh kashofishke: amba hvchi anukaka yvto na wehpuli, micha nan ik ai vlhpeso banot isht hvchi alotovvshke.

40. Nan anukfila iksho hvchia ma! nana ka paknaka ya ikbi mvt, anukaka yak kia ikbi akinli tok kevu cho?

41. Amba yohmi kia nana hvchim gsha kv̄t hvsh habenv-chashke: yohmikma yakeh! nana puta kv̄t a hvchim v̄lh-pesa bano hoke,

42. Amba Falisi hvchia ma! na hvch̄i palv̄m̄mi mak oke, m i n t, m i c h a l u, mikmvt haiyukpolo ilaiyuka puta waya it a kashkoa ont isht pokoli kak osh hvch̄i kv̄nia, mikmvt nana ai-v̄lhpiesa ka, micha Chihowa holitobli aiena hokvno hvsh v̄banv̄bli hoka: ilvppak o a hvchi yvmohmi ha yosh, anonti yvmmak ma hvch ik a haksecho ka hetuk oke.

43. Falisi hvchia ma! na hvch̄i palv̄m̄mi mak oke, sinakak puta anukaka aiasha holitopa puta, mikmvt ilhpak a kanchi ai it aiokpv̄chi aiena kak o hvchim ai achukma hoka

44. Na-holissochi v̄hleha, micha Falisi okla aiena nan-ilahobi hvchia ma! na hvch̄i palv̄m̄mi mak oke; a-hollopi vt otani keyu hō, hatak vt a nowvt v̄banopoli kia, yvmv̄t ik akostinincho chatuk a hvch itilauī hoka, im achi tok.

45. Mihma nan-v̄lh-pisa ithv̄nanchi v̄hleha hv̄t achv̄vt afalaminchit, Nan-ithv̄nanchi ma! ilvppa yak ish achi kv̄t pishno a aieninchit nan isht chik pi ahobaloshke.

46. Mihma yvmmak ash ot, Nan-v̄lh-pisa ithv̄nanchi hvchia ma! hvchishno ak kia na hvch̄i palv̄m̄mi mak oke; nana weki shali ka palv̄mma hinla hō hatak a hvsh shalihinchi mvt, hvchishno yak okvto nana weki ash hvch ibbak ushi achv̄fona kia ishī hvch ik potolo hoka.

47. Na hvch̄i palv̄m̄mi mak oke: hopaii puta ka hvchin tikba v̄hleha hv̄t v̄bi tok a i sepv̄lka yo hvsh ih̄ikbi hoka.

48. Hvchin tikba v̄hleha hv̄t yvmmak oka ahambi mv̄hli ma, hvchishno vt i sepv̄lka puta ma hvsh ih̄ikbi kv̄t, hvchin tikba v̄hleha hv̄t nana a kaniohmi tok a hvsh im abn̄inchi kv̄t isht atokowa mak o hvsh ieshi mv̄hlishke.

49. Yvmohmi ka Chihowa i hopoyuksaka yak kia yak achi tok. Hopaii v̄hleha, micha v̄banumpeshi v̄hleha aiena ka pit in tih̄lih̄inli likma, kanima ka v̄bikmvt, anonti issikko-pali aiena ke;

50. Yohmi na yakni vt toba tok taiyakla ka hopaii v̄hleha im issish vt hlatahampa tok moyuma ka, himonasi hatak ahashwa ilvppak o im a hoyā hi oke.

51. Ebel a im issish a tok a ai vhlit mihintit Sakalajas al t a micha t e m p e l itin takla ai vbi tok issish ak o ant ai vhli yvmmak o himonasi hatak aiasha ilvppak o im a hoyz he mak oke, aiahli mak o hvchi miha lishke.

52. Nan-vlhpisa ithvnanchi hvchia ma ! na hvchi palvmmi mak oke ; nan-ai-ithvna isht tiwa ya ishit hvsh kanchi hoka : hvchishno ak kia pit hvch ik chukowokmvt, inla yvt pit abeha he tuk a hvsh ataklahamishke, achi tok.

53. Ilvppa puta ka isht im ahanchi moma na na holissochi vhleha micha Falisi vhleha aiena kv t a tushpalechit, yvmmt nana ilaiyuka miha he tuk, okla achivchi ho fehna mvt,

54. Nana kia itakha a kohchvt miha na haklot nan-vlhpisa isht onocha he bvna hosh okla im aiechi tok.

CHAPTA XII.

Chisvs vt nan-im ai ithvna vhleha ha nana ka peh ilahoba he imma hokvno ahah ! okla ahna chi ka i miha, 1 ; 13 yohmi mvt nan im ai ithvna vhleha hv chvksh a nan ilaiyuka isht ik asitio ka chi ka, hatak nan in laua yosh nana 'ai isht ilaiyukpvt ahanta tuk o, nan illi hv ashalka a mokofit ishi tok, nan isht vlhpisa ha isht im anumpuli. 22 Chisvs vt nan im ai ithvna vhleha ha yakni paknaka nana a kanihmi puta hokvno chvksh isht ik anushkunno ka hi a i miha ; 31 micha hatak shilombish okchaya he ak o na tikba anukfihinli ; 36 yohmikmvt Chitokaka yvt aya hi a, tikbanli im vlhtaha he puta ka isht im anumpuli. 54 Chisvs vt okla ha, ilap ak osh Klaist mak atuk a ik akostinincho ka, nan isht i miha ; yohmi mvt Chihowa ha iti nanaiya pulla hi a i miha.

1. YUMOHMI ai itin takla ma, okla laua kv t atampa fehna hosh itvnaha, yvmohmi cha ilap bika okla it i hvhlihinchima, yvmmak ash ot nan im ai ithvna vhleha hash, Falisi vhleha i pvka isht shatvmmi, yvmmt nan-ilahobi yak oka, ik kanihmi kia ahah ! hvsh aiahnashke.

2. Nana kv t ompoholmo tuk vt ik wakamo ka he, mikma nana kv t luma tuk vt ik otaiyano ka he aiena kv t iksho ka hi oke.

3. Yvmohmi hoka nana hō aiokhlilika ya hvsh ai anum-pohonli tuk ma, a tohwikeli yō a hakla he; mikmvt haksobish ont tikelichit abohushi anukaka yō hvsh ai anumpohonli tok ma, aboha paknaka puta ma ai annoa hi oke.

4. Yohmi ka a kana hvchia ma! Haknip a vbi kia, himmakma nana hō a kaniohma he mvt ik im iksho yummak okvno hvch ik i nukshopo kashke, hvchim achi lishke.

5. Amba kvna hō hvsh i nukshopa he okvno hvchim anoli lashke; Illichi ha mvt, ai-okpuloka ya pit kancha hi vt im vlhpiesa yummak o hvsh i nukshopashke; ahli, Yummak o hvsh i nukshohompashke, hvchim achi lishke.

6. Hushi chipunta tahlapi kv t sint tuchina hō ai vlbi chatuk keyu? Yohmi kv t yummak okvt achvfona kia Chihowa itikba ya ai a haksi keyu chatuk oke.

7. Yohmi ka hvchishno hvchi pashi puta noshkobo ai o bieli kak kia moyumvt holhtinv taha yoke. Yohmi hoka ik hvchi nukshopo kashke; holitopa kv t hushi chipunta laua ka hvsh i shahli hoke.

8. Kvna hosh vno a hatak itikba ya Klaist oke, si achit si ahninchit tuk ma, mihi yō Hatak Ushi vt Chihowa im enchil puta itikba ai ahninchit, Um antia yoke, achit aiokpvcha he akinli hoke.

9. Amba kvna hosh hatak puta itikba vno a ik si ahniechot, Ahalaiya li keyu, achi tuk ak o, mihi yō Chihowa im enchil itikba ya ik ahniechot ik ahalaiyo ka hi oke.

10. Mikma kvna hosh Hatak Ushi a na mihachit anumpuli tuk okvto, i kashofa he; amba kvna hosh Shilombish Holitopa ak o ik ahobalot anumpuli tuk okvto, i kashofa he keyu kv mohmi hoke.

11. Micha sinakak puta, mikmvt miko vhleha, mikmvt nan apesa puta ka hvch isht im ai onakma, kaniohmi hosh, micha afalaminchit nana ka hvsh anumpula he aiena kv t hvch ik anukfillo kashke.

12. Nana hō hvsh acha he vlhpesa ka Shilombish Holitopa ak osh hvshi kanvlli yummak fehna akinli ka hvchim anola hi oke, hvchim achi lishke, im achi tok.

13. Mihma okla hash ot achvft, Nan-ithvnanchi ma!

itibapishi li hā ish i miha na, nana kv̄t vlhtoshowvt pibbāš
 ā pī fohka tuk ā ā kashvblashke, im achi tok.

14. Mihmvt yvmmak ash o, Hatak chia hā, kv̄ta hosh nana
 hvchim apesa yokmá, keyukmvt nana hvchi itakvshkoli
 yokmá, nanta hō sakbi tok oh cho? im achi tok.

15. Mihmvt, Ahah! hvsh aiahni cha, nan in laua bv̄nna
 yā hvch ik ahalaiyo kashke: hatak vt nana kv̄t laua hō il
 aieshi kak o im ilhfiopak vt takali hō keyu hoke, im achi tok.

16. Mihmvt okla hash nan-isht vlhpisa hō isht im anum-
 pulit, Hatak nan in laua achvfa hosh im osapa yvt nana
 waya fehna tok.

17. Mihmvt, Nana ā waya puta ka kanima ai ashachi la
 hi vt ik sv̄m iksho kv̄to, nanta ak o katiohmi la chī cho?
 achit il anukfilli tok.

18. Mihmvt, Ilvppak o yakohmi lashke; an tanchi in
 chuka yak o yubli lish, chito i shahli hō ikbi lashke: micha
 yvmmak o ā nan a waya, micha na hochukma puta ka mo-
 minchit ashachi lashke.

19. Mikmvt sa shilombish ā, Sa shilombish ma! na ho-
 chukma laua kv̄t afv̄mmi laua taha he vlhpesa ka achukmalit
 ashachit chin tahlishe; peh nan ik pilesot fohvt, imvt,
 nan-ishkot, nan isht ish ilaiyukpashke, im achi lashke, achi
 tok.

20. Yohmi kia Chihowa yokv̄to yvmmak ash, Ik hopo-
 yukso chia ma! chi shilombish ā falaminchit himak ninak ā
 chim a hoyā chī hoke; yohmikm̄vno nana ish atahli tuk
 amo kv̄ta hō immi ha chī cho? im achi tok.

21. Yohmi ka kv̄na hosh na hochukma puta ma ilap inli
 isht im atahlit ahanta hosh, anonti Chihowa ai imma hokv̄no
 nana kv̄t im vlhtaiyaha tuk keyu kv̄t yvmmak o chiyuhmi
 hoke, achi tok.

22. Mihmvt nan im ai ithvna vhleha hash, Yvmohmi
 hoka hvchi ai okchaya hi ā nana hō hvsh pā he; mikmvt
 hvchi haknip ma nana hō hvsh fohka hi ā anukfillit hvch ik
 ilbv̄sho kashke, hvchim achi lishke.

23. Okchaya kv̄t holitopa kv̄t ilhpak ā i shahlikma,
 anonti haknip vt holitopa kv̄t na fohka yā i shahli hoke.

24. Fvla chito puta ka anukfillit ho pesá: yvmmak okvt nana kia hokchi cha vmo hō keyu: mikmvt yvmmak okvt vlhpoyak in chuka, micha kanchak aiena kia im a₂sha keyu hō, Chihowa ak osh ipeta hoke. Holitopa kvto hushi puta ka katiohmit isht hvsh i shahli hō?

25. Yohmi ka hvsh katima kak osh, anukfihinlit isht ilbvsha kv₂t hvchi chaha ka k u b i t achvfa kia hvsh il achakala hinla cho?

26. Nana kv₂t moma ik a lauwo hoka hvsh yvmihcha he keyu kv₂t, nanta katiohmi hō inla yokak heno anukfillit hvsh pisa cho?

27. Lilli puta kv₂t kaniohmit offot hofantit mahaya ka anukfillit ho pesá; yvmmak okvt toksulit a hoyubli keyu: anonti nana hō shvnni keyushke: yohmi kia Solomon vt nan isht im a holitopa moma isht a shema kv₂t ilvppa achv-fona kia chohmi tok keyu, hvchim achi lishke.

28. Yohmi ka Chihowa hv₂t hvshuk himak nitak a kow₂i hā hiohmaya tuk osh, onna hā apalvska pit vlhpita ch₂i kia shemvchi kv₂t yvmihchi kv₂to, hvchishno a i shahlich₂i hosh ik hvchi shemacho ka hinla cho? na yimmi fehna keyu hvchia ma!

29. Yohmi hoka nana hvsh impa he, mikmvt nana hvsh ishka he aiena kv₂t hvch ik hoyo kashke; mikmvt komuntvt ik hvchim anukfilo kashke.

30. Ilvppa chohmi puta kak o oklushi yakn₂i paknaka aiasha kv₂t hoyo chatuk mak oke: ilvppa chohmi puta ka a hvchi bvna hokvno hvch Iki vt ithana hoke.

31. Yohmi kia amba Chihowa apehlichika yak o hvsh hoyashke; mikmvno ilvppa moyuma kv₂t a hvchim ibakaha hi oke.

32. Apehlichika ya hvch ima kv₂t im achukma hoka, chukfulhpoba aya ik lauwo hvchia mv₂t, ik hvchi nukshopo kashke.

33. Na hvchim a₂sha kv₂t hvsh kanchi cha, ilbvsha ya hvsh habenvchashke: tvli holisso i shukcha yvmmak okvt nitak nana ont a sipokna he keyu, na-holitompa nitak nana taiyaha he keyu vt vba itonla; hukopa nana hosh ai i bilin-

cha he keyu, mikma shushi mvt okpuna he keyu, yak q isht hvsh il atablashke.

34. Kanina yo hvchim ilayak vt itonla hokma, hvchi chukvsh ak kia mihi yo pit takanla hinla akinli hoka.

35. Il ai-vskufvchi ma isht il ai vskufvchit im vlhtahvt, pola puta mvt hvchin lihimbashke.

36. Yohmikmvt hvchishno ak kia hatak osh i shahli hvv ohoyo ipetvchi ia tuk osh falamvt vla chi, atuk osh vla cha sokohakma, ashalika in tiwa chi cha, pit hoyo hosh aiasha ho hvsh chiyubmashke.

37. Chitokaka yvt ayvt vlvv, okchvt asha na ont pisa ka, tishu vvhleha yvmmvt na-yukpa mak oke: ahli mak q hvchim achi lishke, Ilap ash osh nan isht il ai vskufvchit tahli cha, yvmmak osh impa chi ka binohlichikmvt, wakayvt nan isht im vta hi oke.

38. Micha ninak kashapa ont atukla ho ayakma, keyukmvt ont atuchina ho ayakma, nana cha yvmohmit aiasha ho ont pisa ka, tishu vvhleha yvmmvt nayukpa hi oke.

39. Hatak chuka chvfa pehlichy vt in chuka ahanta kvv hvshi kanvlli vlhpisa kaniohmi kak q hukopa yvt vla hi a akostininchi hokmvt, atoni tuk osh in chuka yvt okpulot ik in tiwo ka hetuk a, ilvppa hvsh ithaiyanashke.

40. Yohmi hoka hvchishno mvt, hvchim vlhtahashke: yvmmak a he hvch ik aiahno hvshi kanvlli vlhpisa takla kia Hatak Ushi vt vla hi oke.

41. Mihma Pita yash ot, Chitokaka ma! nan-isht-vlhpisa ilvppa pishno ak okma, keyukmvt peh moma kak q isht ish im anumpulikma, nanta cho? im achi tok.

42. Mihma, Yohmi kvno kvta hak osh nan-apesvchi aiahli, mikmvt hopoyuksa achukma aiena tuk q, mihi yo i shahli hvv ont ai-vlhpiesakma nan-vpa hvv ai immi ha he vlhpesa ka, ipihinta chi ka, ilap in chuka chvfa yash pehlichy ikba chi cho?

43. I shahli hvv ayvt vla kvv, yakohmi hosh ahanta na ant pisa ka, tishu yvmmvt na yukpa mak oke.

44. Ahli mak q hvchim achi lishke: Nana im asha ka moma apesvchi q ikba hi oke.

45. Yohmi tuk kia tishu yvmmak ash osh chukvsh anuk-aka, a shahli hv̄t ai v̄la he tuk vt vbanvblichishke, achi cha, hatak toksvli puta, micha ohoyo toksvli puta aiena kash bolit, impvt, nan-ishkot, okishkot haksi aiena hosh ahanta tok m̄no ;

46. Tishu yvmma i shahli hash ot ilapvt yvmma pit hoyo nitak keyu, micha ik akostinincho ai itin takla hv̄shi kanvlli v̄lh̄pisa fehna h̄o ayvt v̄la cha, chanlit ita hokofit, nan ik yimmo v̄hleha yak o ai iba foyuka ch̄i ka im apesa hi oke.

47. Yohmikma i shahli nan ahni tuk a akostininchi hosh, ik il atahlokmvt, nan-ahni tuk ash kia yvmihchi keyu ke tuk tishu yvmmak ash ot fahama l̄awa isht boa hi oke.

48. Amba ik akostinincho hosh nana ka isht a fv̄ma he v̄lh̄pesa ka yvmohmi hokm̄vto, fahama ik lauwo h̄o isht fv̄ma hi oke : kv̄na h̄o lauachit ima tok ma, mihi ȳo laua h̄o im a hoya hi oke : micha kanima h̄o hatak vt lauachit ibbak fohki tuk ma, mihi ȳo laua i shahli h̄o im a hoya hi oke.

49. Yakni paknaka ya luak o ai ȳo bohyuli la ch̄i hosh aya li tok : atuk osh himonasi ak o lua hatuk bano, nana ka ai ahni lishke

50. Yohmi kia baptismo isht a baptismo la ch̄i kv̄t vm asha : yohmi ka yvmmvt ont ai yvmohma ch̄i takla hokvno a paltv̄m̄mi fehnv̄shke.

51. Yakni paknaka ya a nanaiyvcha ch̄i hosh aya li tok o, hv̄chim ahoba cho? Keyushke ; ita kv̄shkoli kak illa hoke, hv̄chim achi lishke.

52. Himak pilla ma chuka chv̄fa ka tahlapit ashvt it a kashapa cha, tuchina kv̄t tuklo ka i sanalikma, anonti tuklo kv̄t tuchina ka i sanala hi oke.

53. It i kanimachi cha, iki vt ushi a i sanalikma, anonti ushi atuk vt iki a i sanalikma ; ishki vt ushetik a i sanalikma, anonti ushetik atuk vt ishki a i sanalikma, anonti ipokni vt ipok a i sanalikma, ipok atuk vt ipokni a i sanala hi oke, achi tok.

54. Mihmvt anonti okla hash, Hv̄shi ai-okvtulaka hoshon- tit kocha na hv̄sh pisakmvt, ashalika, Umbvt mihintishke, hv̄sh achi chatuk ; atukma yohm. mv̄hli chatuk.

55. Micha oka-mahli hosh mahlikma, Lvshpa chishke, hvsh achi chatuk; atuk ma ont yvmohmi chatuk oke.

56. Nan ilahobi hvchia hoka, shutik, micha yakni aiena kv̄t pisa kaniohmi hokvno nan isht hvsh ai akostininchi hokak osh, amba katiohmi h̄q himak okvno nana ka hvch ik akostinincho cho?

57. Ahli, micha nanta katiohmi h̄q hvchishno akinli kv̄t nana vlhpesa kvno hvch ik ithano cho?

58. Nan-vlhpisa chi onochi ȳa awant m̄iko ish im ona ch̄i hosh ish aya kv̄t, takla ȳa, ai i hlakofi bv̄nna kv̄t ish achunanchashke: yvmmak keyukma chi halvllit nan-apesa ȳa isht chi ai onakma, anonti nan apesa yash ot tishu h̄a ibbak a a chi fohki na tishu hash ot aboha kv̄llo ȳa chi foh ka hinla hoke.

59. Isk̄vli ont isht aiyopi fehna ka ish atobbi h̄q keyukmvt, yvmmak oka ish kohcha he keyu hoke, chim achi lishke, achi tok.

CHAPTA XIII.

Chisvs vt ile kostininchit il aiasha he ak o pi miha, 1. 6 Fik vpi vna he keyu nan isht-vlhpisa. 10 Nitak hullo yo Chisvs vt naa ithv̄nanchit ahanta hosh ohoyo iksitopo ilbv̄sha ȳa hlakofichi; 15 micha vba yakni apehlichika ȳa mv̄stvt nihi, micha pvska isht shatv̄mmichi aiena kak o isht it apesa; 24 okhissa isk̄vtinosi yvmma chukowa bv̄nna kv̄t achunancha hi a, okla h̄a i miha. 31 Chisvs a Helot vt vbi bv̄nna hatuk o, kohchvt kv̄nia hinla ka, okla im ahni ma, nana h̄q im achi; anonti Chelusalem vt ont aiokpulokvt taha ch̄i ka, itukonofvt mihinti ka, Chisvs vt tikbanli anoli mvt, isht yahaya.

1. YUMMA fehna ma kanimi kv̄t yvmma asha tuk vt, Pailat vt Kalili hatak issish a okla vba pit isht aiokpv̄chi a ai itaiomi tuk a, im anoli tok.

2. Mihma Chisvs ash ot afalaminchi mvt, Kalili hatak osh yakohmi hokvt nan-ashvchi kv̄t Kalili okla h̄a moma i shahli atuk osh na yakohmi ka isht ai ilbv̄sha tuk o, hvchim aboba cho?

3. Keyushke; amba hvchishno ak kia hvsh ile kostininchi keyukmvt, hvsh moma kvv ilbvshvt hvch illi akinla chj ka, hvchim anoli lishke.

4. Yummak keyukmvt Siloam a chuka chaha hikia tuk vt auah untuchina ka o kinafvv vbi tok a, yummak osh nan ashvchi kvv hatak Chelusalem asha moma ka i shahli ha tok a, hvchim ahoba cho?

5. Keyushke; amba hvchishno ak kia hvsh ile kostininchi keyukmvt, hvsh moma kvv ilbvshvt hvch illi akinla chj ka, hvchim anoli lishke.

6. Nan-isht-vlhvisa ilvppakma isht anumpuli tok: Hatak achvfa hosh f i k vpi vt osapushi anukaka ya im a hollokchi tuk osh ona cha, vni a a hoyo tuk osh, ik ahayucho ki tok.

7. Mihmvt im osapushi apoksiachi ash o, Inta! ilvppvt afvmmi atuchina mak o f i k vpi ilvppa vni a hoyo kvv aya li hosh ak ahayucho bekvshke: chanlit akvchi; nanta katiohmi ho hikivt yakni a ai okpvvinchi cho? im achi tok.

8. Mihma yummak ash ot afalaminchi mvt, Chitokaka ma! himak afvmmi achvfa takla hokvno ant hikia na, kullit apakfoplit, yakni achukmali ya isht apolichit tahli li hayashke.

9. Yohmi na vnit waya hokmvno, vlhpesa: amba keyukmvno, yvmma misha pilla mak o chanlit ish akvchashke, im achi tok.

10. Mihmvt nitak hullo yo yummak ash ot nan ithvnanchi hosh sinakak achvfona ka anta tok.

11. Mihma ohoyo hvv shilombish okpulo nan iksitopochi yvt ai i foka tuk a afvmmi auah untuchina hosh, kochofvv kvnia, kaniohmit il apissalecha he keyu kvvohmi hosh anta tok:

12. Atuk o Chisvs vt yummak ash pisa mvt, pit i howa cha, Ohoyo chia ma! nan ik chi ai iksitopo ka ish ai i mokofa mak oke, im achi tok.

13. Mihmvt yummak ash o ibbak a ita tuklonchit isht umbitepa tok: mihma yummak ash ot mihmakinli ho apissvt taha mvt, Chihowa ha holitoblichit tok.

14. Mihma sinakak a apesvchi ash ot, Chisvs vt nitak

hullo y_o hlakofichi ka im okpulo fehna hatuk osh, okla hash, Nitak hannali kak o hatak vt a toksvla he vhpesa kvtc ashvshke: yohmi ka nitak hullo ak a he tuk keyu; yohmi hoka yvmma ai itintakla kak o ai vlv_t hvchi hlakofashke, im achi tok.

15. Yohmi ma Chitokaka yash ot afalaminchi mvt, yvmmak ash, Peh nana ilahobi chia hoke: hvsh moma kv_t nitak hullo a ch_i wak toksvli okmá, keyukmvt chim issuba hakso-bish falaia okmá, nana kv_t ai ilhpitta ya talakchit hikia tuk a i hotofi cha, halvllit oka ipetvt ish ia chatuk keyu?

16. Yohmi ka ohoyo ilvppvt Eblaham ushetik atuk o, Setan vt takchit ishi tok a, ilvppvt afvmmi auahuntuchina hatuk a, nitak hullo ya isht talakchi tuk vt ai i holhtofa he vhpesa keyu cho? im achi tok.

17. Mihma ilvppa yvmmak achi ma, i sanali vhleha hash ot momvt hofahya tok; mihma nan isht a chinto a puta ka yvmihinchi ka okla hv_t momvt na yukpa tok.

18. Mihma yvmmak ash ot, Chihowa apehlichika yvt nanta hak o hoyulba? yohmi ka nanta hak o isht it apesa la ch_i cho?

19. Mvstvt nihi achvfa h_o hatak vt ishi cha, im osapushi a pit a pila tok o, offot hofantit mahayvt, iti chito tovt hikia tok: yohmi na vba hushi puta kv_t naksish puta ka ant ai o binohonli tok mak o chiyuhmi hoke, achi tok.

20. Mihmvt anonti Chihowa apehlichika ya nanta hak o isht it apesa la ch_i cho?

21. Pvska shatvmmichi y_o ohoyo hv_t ishi cha, tanchi pushi isht vhpisa tuchina h_o a yvmslichi tuk o, momvt shatvmmit taiyaha tuk mak o holba hoke, achi tok.

22. Mihmvt tmaha puta, micha tmahushi aiena ka hlopullit ayvt nan ithvnanchit, Chelusalem imma ia hosh aya tok.

23. Mihma achvvt, Chitokaka ma! Achafoa kak illa hosh okchaya hi oh cho? im achi tok.

24. Mihma yvmmak ash ot, Yichina fehvvt okhissa iskitini a chukowa hvchi bvnashke; chukowa bvnvt pisa kia, nan ik kanihmo ka ch_i kv_t laua hoke, hvchim achi lishke.

25. Chuka chvfa pehlichy yvt kaniohmi hq wakayvt, okhissa ya okhishta ha ma, kocha ya hvsh hiohmayvt, okhissa ya sokohvt, Chitokaka ma! Chitokaka ma! ish pin tiwashke hvsh achi kia, yvmmak ash ot afalaminchit, Yvmmak o minti, ahnit hvch ithana li keyu kv, hvchim acha hi oke.

26. Yvmma fokakma hvchishno ash ot, Chi tikba ya ai impvt, nan ishkot il aiasha chatuk: yohmi ma chishno vt pin tumaha itin takla ya nana ish ai ithvnanchi tok mak oke, hvsh acha he.

27. Yohmi kia yvmmak ash ot, Yvmmak o minti, ahnit hvch ithana li keyu hoka, nan ai vhpesa keyu puta ka a yohmi hvchia hv, momvt hvš sa filvmmashke, hvchim achi lishke, acha hi oke.

28. Yohmikma hvchishno yokvno kocha hvchi kanchi na, Eblaham, micha Aisaak, mikmvt Chekob, micha hopaii puta ka a moyuma hokvto Chihowa apelihchika ya auet aiasha na hvsh pisa he, yvmma fokak mak osh yahayvt noti a vpv hvsh aiasha hi oke.

29. Mikma hvshi akochaka imma, micha hvshi ai okvtula ka, mikmvt falvmmi, micha oka mahli aiena ka a mihintit Chihowa apelihchika im ai-impā ya ai a binohla hi oke.

30. Mikma yakeh! ishtaiyopi tuk vt mihi yosh na tikba hi oke, mikma na tikba tuk vt mihi yosh ishtaiyopa hi oke.

31. Mih-nitak fehna akinli ka Falisi kaniohmi kv ai vla cha, Ilvppa a kohchvt kanima ish iashke; Helot vt chiba he ahna hinla hoka, achi tok.

32. Mihma yvmmak ash o, Oh ia cha, chula yvmma ont oh im anoli; Himak nitak, micha onna ha aiena kvno nanisht ahullo okpulo puta kocha weli, micha haknip ik in chukmo puta ka hlakofichi aienvt ahanta li tuk osh, nitak ont atuchinakma, nana ka aighlit ont vm ataiyaha hok mak a hi oke.

33. Yohmi kia himak nitak, micha onna ha, anonti nitak ont atuchina kvno, nowa li pullashke; hopaii atuk vt Chelusalem keyu ka ai illa he keyu hoka.

34. Chelusalem, Chelusalem hopaii vhleha vbi, micha auet

chin tihleli tuk a tvli ishit boli chia ma! akaka yosh ush vhleha ha sanahchi nuta ya pit ai itahobi chatuk mak o, chiyuhmit chim vlla vhleha ha itahohombi la he, aiahni li tuk uana kia, hvchishno ak osh vllhpesa hvch ik aiahno hokvno,

35. Yakeh! hvchin chuka yvt hvchin chuk-illissvt taiyaha mak oke. Yohmi hoka aiahli mak o hvchi miha lishke; Chitokaka i hohchifo mak o aya kv holitopvshke, hvsh acha chi ka, ont ai vllhpiesa keyukma, hvch ik sa peso ka chi hoke, im achi tok oke.

CHAPTA XIV.

Chisvs vt, nitak hullo nitak o hatak nipi shofohli isht abeka ya hlako fichi, 1 : 7 hatak im anukfila kvllo vhleha hvvt im anukfila ha akanlosecha hi a, micha nan in laua vhleha hvvt ilbvsha ya i kana he aiena ka im avvchi. 15 Opiaka impa chito aasha tok isht vllhpisa. 25 Chisvs a nan im ai ithvna e toba chi hokmvt, yvmmak o e holitobli hatuk mak osh pishno vt ile kaiyanchit, nana fehna hatuk kia il issa hinla hatuk puta ka, yvmmak okvt nan isht vllhpisa ilai-vuka ho isht a pim avvchi.

1. **ATUK** o yakohmi tok; nitak hullo yo impa chi Falisi miko vhleha achvfa ka in chuka yo pit chukowa ma, okla apesvchi tok.

2. Yohmi ma hatak achvfa kv haknip oka atoba ililli ho isht abeka kv itikba ya aasha tok.

3. Mihma Chisvs ash ot na mihvt, nan-vllhpisa ithvnanchi vhleha, Falisi okla aiena kash im anumpulit, Nitak hullo ya na hlakoficha he ai vllhpiesa hoh cho? achi tok.

4. Mihma nan ik achot maya tok. Mihma yvmmak ash ishi cha, hlakofichi mvt, kanima ia chi ka, im ahni tok.

5. Mihmvt okla hash im anumpulit, Hvsh katima kak osh hvchim issuba haksobish falaia okma, keyukmvt wak toksvli okma, nana kvt yakni chiluk hofobi o pit itula ka, ashalika nitak hullo nitak a halvllit hvch ik kohcho ka hinla cho? achi tok.

6. Yohmi ma anonti ilvppa puta ka okla ai isht im afalamincha he keyu ki tok.

7. Mihma im annoa tuk vhleha hv̄t aiasha holitomp̄a kak ǝ hoyot a binohli na pisa mvt, nan-isht v̄lh̄pisa h̄a takalichit,

8. Ohoyo ipetv̄chi ish ǝya hi ǝ, kv̄na hosh enim anoli tuk ma, aiasha holitopa i shahli ka chik binilo kashke; hatak holitopa kv̄t chishno ǝ ch̄i shahli kia yv̄mmak ash ot im anoli tuk a hinla hoke.

9. Atuk ǝ chim anoli tuk, anonti yv̄mma im anoli tuk yv̄mmak ash ot ita tuklot v̄la cha, Hatak ilv̄ppak osh ik aiashá, chim achikma, chi hofahyv̄t aiasha ik a lauwo kak ǝ ish a binila hinla hoke.

10. Amba chim annoakmvt iv̄t, aiasha ik a lauwo kak ǝ ish a binili tuk ǝ, na chim anoli tuk ash ot v̄lakmvt, A kana hv̄t chaha i shahli kak ǝ pit oiyá, chim acha hinla hoke: yohmikma chibai impvt m̄aya yv̄mma ish ai i holitopa he mak oke.

11. Kv̄na hosh ilefehnv̄chi hokv̄to aka ona he; anonti kv̄na hosh ik ile fehnacho hokv̄to holitopa hi oke.

12. Yohmi mvt ilapa hoyo tuk ash kia, Tv̄bokoli impa yokmá, keyukmvt opiaka impa yokmá, nana h̄o ish ikbi kv̄t, ch̄i kana vhleha, micha ish itibapishi vhleha, mikmvt ch̄i kanomi vhleha, chin chuka panta hatak nan in laua puta kia chik hoyo kashke; yv̄mmak keyukma, ilapo mvt chishno ǝ ch̄i hoyo hinla hoke: yohmikma nana h̄o, ish yv̄mihchi tuk ǝ ai itilavit chim v̄lhtoba hi oke.

13. Amba impa chito ish ikbikmvt, ilbv̄sha, imomokpulo, kinafa, lv̄pa aiena kak ǝ ish hoyashke.

14. Yohmikmak osh na chi yukpa hi oke: yv̄mmak okv̄to chishno ma afalaminchit ai itilauechit ch̄i yv̄mihcha he keyu hoka: hatak v̄lh̄pesa illi puta kv̄t tanik mak ǝ yv̄mmak atuk ǝ falamvt pit ai itilavit chim v̄lhtoba hi oke, im achi tok.

15. Mihma ai ibai impvt m̄aya tuk ash ǝ achv̄fvt ilv̄ppa puta ka haklo mvt, Chihowa ap ehlichika ȳa pvska ai v̄pa kak osh mihi hosh na yukpa hi oke, im achi tok.

16. Mihma yv̄mmak ash ǝ, Hatak achv̄fa hosh opiaka impa chito fehna ka ikbi cha, lauv̄t ǝya ch̄i ka, im anoli tok.

17. Atuk ash opiaka impa ont ai v̄lh̄pesa ma, im annoa

tuk v̄hleha hash, Himak ano nana moma kv̄t v̄lhtav̄shke, ho mintí, im acha chí h̄o, in tishu h̄a ch̄v̄ffichi tok.

18. Mihma moyumvt im anukfila achvfa ohmit taha mvt, okla nan isht ile mihachit isht ia tok. Ūmmona kv̄t, Osapa iskitini ȳo chumpa li tuk osh, yv̄mma pisvt ia la he v̄lhpesa hoke; vno yokvno ik aȳo mak kia ba is sv̄m ahna hi a chim asilhha lishke, im achi tok.

19. Mihma inla mvt, Ūno vt wak toksuli y o k tahtapi h̄o, chumpa li tuk osh, ivt kaniohmi hatuk okma pisa la chí hatuk oka, vno yokvno ik aȳo mak kia ba is sv̄m ahna hi a chim asilhha lishke, achi tok.

20. Mihma anonti inla hosh, Ūno vt ohoyo itauwaya li; yohmi hatuk osh aȳa la he keyushke, achi tok.

21. Yvmohmi ma tishu yv̄mmak ash ot vla cha, i shahli h̄a ilv̄ppa puta kash ant im anoli tok. Mihma chuka yv̄mma pehlichí ash ot im okpulo mvt, in tishu hash, Tushpvt kohchvt ivt tv̄maha itin takla hina hochito, chipunta aiena ka ayvt, ilbv̄sha, micha imomokpulo, mikmvt kinafa, micha l̄vpa aiena ka pehlichit ilv̄ppa isht ish lashke, im achi tok.

22. Atuk o tishu hashot, Chitokaka ma! chishno nana ish ai apesa tuk ano, ont aighlit taha akinli kia, aiasha vt āsha momv̄shke, achi tok.

23. Mihma i shahli ash ot tishu hash, Kohchvt ivt, haika hina bv̄shkv̄chi, mikmvt kv̄ti holihta anukaka aiena puta ka ayvt, ilv̄ppa vla chí ka, ish atushpalechi na an chuka vt alota mak inlashke,

24. Im annoa tuk v̄hleha hatuk yv̄mmak amo achvfa kia vm opiaka impa ȳa iskitinosi kia ai v̄pa he keyu mak oke, hv̄chim achi lishke, im achi tok, im achi tok oke.

25. Atuk o okla l̄awa fehna hosh apehvt aȳa ma, yv̄mmak ash ot filema cha;

26. Kv̄na hosh ayvt vm vla kv̄t, iki, micha ishki, mikmvt tekchi, mikmvt im v̄lla, anonti ilap itibapishi, mikmvt in tek v̄hleha aiena, mikmvt im ilhfopak akinli aiena kak kia, i nukkilli keyu hokvto, nan vm ai ithv̄na a he keyushke.

27. Micha kva hosh im iti-taiyukhona ya shoyuli cha, siakaiya keyu hokvto, nan vm ai ithvna a he keyushke.

28. Hvsh katima kak osh chuka chaha ikba he ahni kv, vmona ka aka binilit, Tahli la hinlakma, nanta cho? ahnit a' vltoba he ma hotinvt ik peso ka hinla cho?

29. Yvmmak atuk keyukmvt nutaka in tola ya bohli ha yosh, anonti atahla he keyukma, yvmmak atuk ash pisa kv momvt isht itukhlakavt,

30. Hatak ilvppvt itvbvnnit isht ia tuk ak osh, atahla he keyu ke tuk, acha hinla hoke.

31. Yvmmak keyukmvt miko nanta ak osh miko inla yo it in tanampa chi kv, vmona ka aka binilit, ilavt tahlepa sipokni pokoli ishi kv, tahlepa sipokni pokoli tuklo pehlich hosh i kohcha ka, amokvfa he vlpesakma, nana kv anukfillit ik peso ka hinla cho?

32. Yvmmak keyukmvt, achvfa yash ot hopaki pilla auet takanli moma kak inli ho itin nanaiya ka ahnit, anumpa shali a pit chvfficha hinla hoke.

33. Yohmi ka yvmmak o chiyuhmit, hvchishno vt hvsh moma kv nana ho hvchim asha tuk vt mominchit hvsh issa keyukmvt, nan vm ai ithvna hvchia ha he keyu hoke.

34. Hvpi vt achukma hoke: yohmi kia hvpi hash ot homi tuk vt i kvniakmvt, katiohmi kak osh anonti homa hinla cho?

35. Yvmmvt yakni, micha nan i yvlhki yakni isht achukmvtli aiena kak kia isht ai im vlpesa he keyu; amba hatak vt kocha pit kanchi chatuk oke. Kva hosh isht haponakla he haksobish vt i hinlikmvt, haklashke, im achi tok.

CHAPTER XV.

Obukvohpoba kvnia nan isht vlpisa, 1; 8 mikmvt teli hvta tushafa kvnia nan-isht-vlpisa aiena. 11 Hatak himita ik hoyoyukso nan isht vlpisa.

1. YUMMA foka ma publikan vhleha, micha nan-ashvchi okla aiena kv i haponakla chi kv, momvt auet a kanvlli tok.

2. Yohmi ma Falisi vhleha hvt micha na-holissochi vhleha aiena kash ot lumasit na-mihachit, Hatak ilvppvt nan-ashvchi vhleha hvt ilapa ai ibafohka chi ka ahninchit, it ibai impa yoke, achi tok.

3. Mihma yummak ash ot nan-isht-vlhpisa ilvppa isht im anumpuli mvt,

4. Hatak hvsh katima kak osh chukfulhpoba tahlepa achvvt im aasha tuk osh, achvvt i kvnia hokmvt, pokoli chakkali a kocha chakkali kash ot yakni haiaka ya maya na issvt, kvnia tuk yummak ash o hoyot hikikivt ahayuchik mak a hinla keyu ?

5. Atuk osh ahayuchikmvt, na yukvt isht iabvnali ;

6. Atuk osh in chuka yash vla mvt, i kana vhleha, micha in chuka panta hatak puta ka hoyot itahobi cha, An chukfulhpoba yvt kvnia tuk ash ahayuchi li hoka, na hvs svba yukpashke, im achi hoke.

7. Yohmi ka yummak inli ho chohmit, Nan-ashvchi achvfa hosh ile kostininchikma, vba ya na yukpa aasha kvv hatak vlhpesa pokoli chakkali akocha chakkali kvv nan ile kostinichi yvt ai im ahalaiya he keyu, yummak oka i shahla hi oke, hvchim achi lishke.

8. Yummak keyukmvt ohoyo nanta hak osh tvli hvta tushahli pokoli kvv im aasha tuk osh, tushafa achvvt i kvniakmvt, pva ha pvlali cha, aboha ya bvshpolit achukmalit hoyot hikikivt ahayuchik mak ahinla keyu ?

9. Atuk osh ahayuchikmvt, i kana puta, micha in chuka panta aasha tuk aiena kash hoyot itahobi cha, Tvli hvta tushafa a kvnia tuk ash ot ahayuchi li hoka, na hvs svb ai yukpashke, achi hoke.

10. Yohmi ka nan-ashvchi achvvt ile kostininchikma, Chihova im enchil vhleha aiasha ka na yukpa kvv yumma akinli ho chiyuhmi chatuk oke, hvchim achi lishke, achi tok.

11. Mihmvt, Hatak achvfa hosh ushi vt in tuklo tok.

12. Atuk o nakfish ash ot iki a, Aki ma ! nana kvv vmmi ha he tuk ash is svdashke, im achi tok. Mihma nan isht ai okchaya yash o im it a kashvli tok.

13. Mihma yummak atuk a nitak kanohmi keyu ho, ushi nakfish ash osh mominchit itahobit taiyahli cha, ivt yakni hopaki fehna ho ona cha, nan isht aya tuk puta kash yummak o isht a yopomot ahantvt kampilvt taiyahli tok.

14. Yohmit mominchit kampilvt tahli ma, yakni yumma hohchvfo chinto fehna kvv a kohcha tok; mihma yummak ash ot nana kvv ik im iksho kit isht ia tok.

15. Mihmvt yakni yumma hatak ont iba fohka tok; atuk o yummak osh shukha laua ipeta beka chi ka im osapa puta ka pit chvffichi tok.

16. Atuk o yummak ash ot shukha laua yvt nanvni a vpa beka tok yummak o vpvv kaiya bonna beka tok: yohmi kia kvna kia yumma ik ipeto beka tok.

17. Atuk o yummak ash ot ont il akostinichi mvt, Aki im ilhtohno vhleha hvv laua kvv katiohmi hosh pvvka yvt laua kvv im vlvpesakma, anonti atampa mvt a sha chatuk ak o, vno ilvppa a hohchvfo svlli cho?

18. Wakayvt ivt, aki im ona lish, Aki ma! Chihowa im ashvchit, mikmvt chi tikba ya a sai yoshuba tuk.

19. Yohmi kvv himak a pilla ma, chiso sa hohchifa he si ahoba keyushke; chim ilhtohno vhleha achvfa kak o is si ai itilauechashke, im achi lashke, achi tok.

20. Mihmvt wakaya cha, iki a im ia tok; atuk osh auet hopaki pilla minti kak inli ho, iki ash osh pit pisa mvt, i nukhaklo cha, chvfvv ivt, yummak ash ikunla ont vbvnaiyvt i suksowa tok.

21. Mihma ushi ash ot, Aki ma! Chihowa im ashvchit, mikmvt chi tikba ya a sai yoshohumba tuk; yohmi kvv himak a pilla ma chiso sa hohchifa he si ahoba keyushke, im achi tok.

22. Yohmi kia iki ash ot im ilhtohno vhleha hash, Nafohka holitopa moma i shahli kak o ishit kohchit ant ho fohkvchi cha, ibbak ma ibbak-ushi-fohka ant fohkit, iyi ma shulush hvsh holochashke;

23. Micha wak ushi ilhpitvt nia ya ilvppa isht vlvv, oh vbi na impvt na-yukpvv kiloh aiashá;

24. Svso ilvppvt illi tuk osh, falamvt okchaya hoke;

kvnia tuk osh haiaka hoke. Mihma na yukpot okla aiasha tok.

25. Yohmi ka ushi akni hvto osapa anta tok : atuk osh minti cha, chuka yash bilikasi vla mvt, vhlepa ola, micha hihla aiena ka pit haklo tok.

26. Mihmvt ilhtohno vhleha hash achvfalit pit i howa cha, Katiohmi hosh yakohmi cho? achit i ponaklo tok.

27. Mihma yvmmak ash ot, Chi nakfish ak osh vla hosh achukmakvt ayvt vla ho, chiki vt pisa kak osh wakushi ilhpitvt nia ya vbi hatuk oke, im achi tok.

28. Mihma yvmmak ash ot hvshaya cha, ont chukowa ik bunno ki tok : yohmi hatuk o iki ash ot kohchvt ivt, ont i howa tok.

29. Mihma afalaminchi mvt, iki ash o, Inta! afvmmi kanohmi ilvppa chi yuka chiyuhmit isht chim ahanta li mvt, chim anumpa ma himonna kia ak kobvffoshke; yohmi kia a kana vhleha ai isht it ibai yukpa la chi ka, isi kosomushi kia chik samo chatuk,

30. Amba chiso ilvppvt havi puta ai iba fohkvt ayvt, nan isht ish ai okchaya he tuk ash isht yopomot tahli cha vla ma, mih makinli ho wak ushi ilhpitvt nia ya ish im vbishke, im achi tok.

31. Mihma yvmmak ash ot, Svso ma ! nitak moma ka si awant ish ahantvshke, yohmi kvv nan okluha vm aasha kvv chimmi hoke.

32. Chi nakfish ilvppak okvt illi tuk osh, anonti falamvt okchaya; micha kvnia tuk osh haiaka hoka, impa ikbit na yukpot il aiasha he vvhpesa hatuk oke, im achi tok oke; achi tok.

CHAPTA XVI.

Nan-apesvchi ik aighlo nan-isht-vlhpisa, 1; 14 Chisvs vt Falisi vhleha hvv ilap a okla ishit yopula ma, nana ka peh ilahobi vhleha hatuk a nan isht i miha. 19 Hatak nan in laua, micha Lasalvs ita tuklo nan-isht-vlhpisa.

1. MIHMUT yummak ash ot nan im ai ithona vhleba ha, Hatak nan in laua achvfa hosh nan-apesvchi vt im anta tok : atuk o yummak ash ot nana immi puta kash isht i yopomot tahli ho, im annoa cha haklo tok.

2. Mihmut yummak ash o i howa cha, Katiohmi ho ilvppa isht a chi haklo li cho? nan ish apesvchi yatuk vt achukmalit ish ai il anolashke : himak a pilla ma nan apesvchi chia ha chi keyu hoke, im achi tok.

3. Yohmi ma nan apesvchi yash osh, Nanta hak o katiohmi la chi cho? a shahli hvv nan ai apesvchi li ash si a kohchichikma, okchahli la he keyukmut, nan asilhha ma sa hofahyvshke.

4. Nan ai apesvchi li ash sa kohchichikma, in chuka yokvno chukowa la hi a okla vm ahna chi ka, nana ho katiohmi la chi kvto ithaiyana lishke, achi tok.

5. Mihmut i shahli ha aheka im asha tuk vhleba hash mominchit hoyo mut, Ummona ka a shahli ho aheka katiohmi ho ish in takanli cho? im achi tok.

6. Mihmut yummak ash ot, Na-bila vlvhpesa tahlepa achvfa, achi tok. Mihma, Chim aheka holisso ha ishi cha, tushpvt aka binilit, pokoli tahlapa ho takalichi, im achi tok.

7. Mihma anonti inla ho, Mikma chishno vto katiohmi hosh aheka yvt chim asha cho? im achi tok. Mihma, Onush vlvhpesa tahlepa achvfa, achi tok. Mihma yummak ash o, Chim aheka holisso ha ishi cha, pokoli untuchina ho takalichi, im achi tok.

8. Yohmi ma nan-apesvchi nan ik ai vlvhpesa ash ot kostini fehvvt yvmohmi hatuk o, i shahli hvv im ai okpahanchi tok : yakni ilvppa im vlla vhleba hvv ilap bika nan it im a katiohmit hopoyuksa kvv, a nitaki im vlla vhleba ha i shahli hoke.

9. Yohmi ka, Nan-ai-vlvhesa keyu m a m m o n a hvchi kana vhleba ha hi a isht hvsh ikbashke, hvchim achi lishke : yohmi tukma ont hvch ai illikma, ai vta bilia ya ik chukowa, hvchim aiahna hi oke.

10. Kvna hosh nana kvv moma ik a lauwo ho aiahli achukma yatuk mut, nana kvv ik aiaka kia aiahli achukma

akinli chatuk; yohmikma kvna hosh nana kvt moma ik a lauwo h_o aiahli achukma atuk keyukmvt, nana kvt ik aiaka kia, aiahli achukma chatuk keyu akinli hoke.

11. Yohmi ka nan-ai-vlhpesa keyu m a m m o n a isht a hvch ik aiahlo ke tuk ma, kvta hak osh na holitopa ahli ya hvsh apesvcha hi a hvchi tohna hinla cho?

12. Micha inla yo nana kvt immi batuk a isht hvch ik aiahlo ke tuk m_vno, kvta hosh nana kvt chimmi fehna ya chima hi o?

13. Tishu yuka nana kia i shahli tuklochit im antia he keyushke; achvfalit i nukkilli cha, achvfa kamo holitobla hinla; keyukmvt achvfalit halanli cha, anonti achvfa kamo a haksicha hinla hoke. Chihowa, micha mammon it aieninchit hvsh im antia he keyushke, im achi tok.

14. Mihma Falisi vt tvli holisso anuksitia fehna vhleha hatuk osh, ilvppa puta ka haiyaklo mvt, isht ik imi ahno ki tok.

15. Mihma yummak ash o, Hvchishno ak osh hatak itikba ya ai il achukmvtli hvchia mak oke: yohmi kia Chihowa hvv hvchi chukvsh puta ka ithaiyanvshke: nana kvt hatak a im a holitopa fehnakma, Chihowa hvv ai i nukkilli mak oke.

16. Nan-vlhpisa, micha hopaii vhleha i holisso aiena kvt aiashvt mihinti tuk o Chan vt vla tok: yummak a tok takla kvno Chihowa apehlichika yak osh anuhumpa na hatak puta kvv yichinvv pit vlbihivshke.

17. Micha vba shutik, mikmvt yakni aiena hokvto ont ik ahobot ik ai iksho ka hinla kvv, nan-vlhpisa iskitinosi kvv moma ik lauwo hosh ont ik ai iksho ka hi a ik lauwo ka hi oke.

18. Kvna hosh tekchi a kanchi cha, inla itauwayakmvt, havi toba hoke; mikma kvna hosh i hatak vt kanchi tok o itauwaya hokmvt, havi toba hoke, im achi tok.

19. Hatak nan in laua achvfa hosh na-fohka hummakbi h_o anonti linen lapushki aiena h_o foyuka mvt, nitak moma nan-vpa in chitot nan isht ilaiyukpa hosh anta tok.

20. Yvmohmi ma hatak ilbvsha yosh Lasalvs hohchifo

hosh liahpo bieka ho, yvmma i holihta okhissa ya ont bohyuli na ituyula tok.

21. Yohmi kv̄t hatak nan in laua im ai-imp̄a yō boshulli vt a chilofa kak o habenvt vpa ka aiahni ha tok; yohmi ma ofi puta nana kia ai vlv̄t liahpo a i holahakshi tok.

22. Atuk ash o yakohmi tok: hatak ilv̄sha yash ot illi ma, enchil v̄hleba hosh ant isht iv̄t, Eblaham shakba pohloma ka ont fohki tok. Mihma hatak nan in laua yash kia illi cha, hollopi tok.

23. Atuk osh yvmmak ash osh aiokpuloka ya ont ai issikkopa cha, v̄ba chakali mv̄t, Eblaham vt hopaki pilla ka auet āsha ma, Lasalvs vt shakba pohloma ka foka na pisa tok.

24. Mihmv̄t tahpahanlv̄t, Aki Eblaham ma! auet a nukhaklot Lasalvs a auet chv̄ffichi na ibbak-ushi wishakchi a oka kapvssa ik oka hilechi cha, sasunlv̄sh a ant ik kapvsulli: a libbi ilv̄ppa vm a palvmmi kv̄t atampa fehnvshke, achi tok.

25. Yohmi kia Eblaham ash ot, Svso ma! chi okchaya taklv̄t ish ahanta kv̄t, na hochukma puta ka ish pihisa tok: yohmi ma Lasalvs ak kia nana kv̄t a palvmmi puta ka pihisa tuk a, ish ithaiyanashke: yohmi tuk kia yvmmak ash ot himak okvno hopohlvt na yukpa ma, anonti chishno vto chim a palvmmi fehnvshke.

26. Micha ilv̄ppak osh ai v̄hli keyu; a hv̄p itin takla ya kolukbi chito fehna hosh bachaya hoke: yohmi hatuk o ilv̄ppa ai āsht ia kv̄t tanv̄blit yvmma a chim ona he tuk mak osh, na kanihma he keyu; yohmikma anonti yvmma āsht minti kv̄t hlopulli cha pim v̄la he keyu akinli hoke, achi tok.

27. Yohmi ma yvmmak ash ot, Yohmi hoka aki ma! yvmmak oka aki in chuka ya pit ish chv̄fficha he mak o chim asilhha lishke.

28. Yohmi ka itibapishi li hv̄t tahlapit āsha hoka, atokowa ka ont ai im anoli na ai issikkopa ilv̄ppa yvmmakmv̄t ai v̄la yoba ná, achi tok.

29. Eblaham ash ot, Moses micha hopaii puta im anumpa

hvt in tonla hokvt, yvmmak o okla i haponaklashke, im achi tok.

80. Yohmi ma yvmmak ash ot, Ahq! aki Eblaham ma! illi atuk ak osh achvvt gyvt im ona hokmvno, okla ile kostinicha hinla hoke, achi tok.

81. Mihma yvmmak ash ot, Moses, micha hopaii puta im anumpa ha haklo keyukmvt, illi tuk osh achvvt tani mak o, yvmma hi vt anukfoyuka he keyu hoke, im achi tok.

CHAPTA XVII.

Chisvs vt nan im ai ithvna vhleha hvt ahah! abni cha, inla ya ik yoshublecho ka he, 1, 8 micha ilap bika yvt nana ka it i kashofa he aiena ka i miha: 6 na yimmi aiahlika yokvt na fehna ka anoli: micha Chihowa ha bolitobli kvvt nana ho ik yvmohmi kia im anuk-fila mvt akanlosi bieka hi q, i miha; 11 leplosi vbi q hatak pokoli ho hlakofichi; 20 Chihowa apehlichika yvt hatak chukvsh anuka-ka ak o fohka: micha kvna hosh yvmmak oka nan isht ik abno tuk okvto momvt ont ai okpulokvt taha pulla hi q, anoli.

1. YOHMI mvt nan im ai ithvna vhleha hash o ik kaniohmi hob kia nana isht ai ibetvbli okvt iksho ka chi keyu pulla hoke; yohmi kia kvna ho yvmmvt isht a tobakma, mihi yosh nan i palvmmi mak oke.

2. Chipunta ilvppa achvfona ka ibetvblichi hokmvt, ilap ak o ikunla ya tvli chito na botoli ak osh a takanli ho, okhvta ha pit okvchi kak o, vlvpesa kvvt im i shahli hoke.

3. Ahah! hvsh il aiahnashke. Ish itibapishi hvt chi yoshuba hokma, im alvmmi nana ish i mihashke: yohmi na yvmmak ash ot nukhaklot ile kostinichi hokma, kashofit ish i kanchashke.

4. Micha nitak achvfa ka untuklo ha chi yoshuba cha, anonti nitak achvfa ka untuklo ha yo filemvt, Sa nukhakloshke, achi hokma, ish i kashofa he mak oke.

5. Mihma vbanumpeshi vhleha hash ot Chitokaka yash, Na pi yimmi ka i shahlichit ish pi nukfohkashke, im achi tok.

6. Mihma Chitokaka yash osh, Na hvchi yimmi kvvt mvt vt nihi achvfa ka chohmi hosh hvchi anukfoka hok-

mt, bihi vpi iloppa hakshish fehna ai isht alobafvt okhvta hak o ont ish a holokchashke, hvsh im achikma, hvchim antia hinla hoke.

7. Yohmi ka hvsh katima kak osh yuka hv im anta tuk vt yakni patvffi hokmá, keyukmt wak ipeta hokmá, nana hosh anta tuk osh osapa mintit vla makinli hō, Ivt ont binili cha, impá, im acha hinla?

8. Amba yummak o keyukmt; Nana hō opiaka impa la chi ka atabli cha, il ai-vskofvchit chin taha cha, nan isht is svm anta na impvt nan ishko aienvt issa li ha yo, himmak o impvt nan ish ishkashke, im acha hinla keyu?

9. Micha yuka yummak ash ot nan ai im vlhpisa atuk ash ot yvmihchi ma, yak oke! im ahni hō? keyu ka, vm ahobvshke.

10. Yohmi hoka yvmma chiyuhmit hvchishno mt, nana kv a hvchim vlhpisa tuk vt mominchit ont hvsh ataiyahlikmt, Nana hō isht ai yukpa hi o keyu tishu pia: nana ka isht il ai vttá hi a pim vlhpisa tuk mak osh e yvmihchishke, hvsh achi makinlashke, achi tok.

11. Atuk o yakohmi tok: yummak ash ot Chelusalem ia hosh aya mt, Samalia micha Kalili ajena ka iklvna hlopullit ia tok.

12. Micha tvmahushi achvfa hō ont chukowak fehna, hatá pokoli kv leplosi vbi yosh ant afama cha, mishemanchit auet hiel tok.

13. Mihmt chitoli hosh okla anumpulit, Chisvs pi shahli ma! ish pi nukhaklashke, achi tok.

14. Mihma yummak ash ot pit pisa mt, Oh ia cha, naholitompa isht agha vhleha hak o ont hvsh im ile haiakvchashke, im achi tok. Atuk o yakohmi tok: ilhkoli hosh asht aya mt, okla hlakofi tok.

15. Mihma yummak ash ot achvft hlakofi kv ile pisa mt, falama cha, chitoli hosh anumpulit, Chihowa hā holi-toblichí tok.

16. Mihmt yummak ash iyi ituma yak o hlipia cha, yak oke! ahnit aiokpuchi tok: yohmi kv yvmmvt Samalatan hatá a tok.

17. Yohmi ma Chisvs ash ot anumpuli mvt, Pokoli hosb hlakofi tuk keyu? amba chakkali mvto?

18. Falamvt Chihowa ha holitoblichit aya kut iiksho ho, amba oklushi inla hatak ilvppak illvshke, achi tok.

19. Mihmvt yvmmak ash o, Ish wakaya cha, ish iashke; a chi yimmika yak osh chi hlakofichi hoke, im achi tok.

20. Yvmohmi ma Falisi vhleha hvvt Chihowa apehlichika yvt, Katiohmi kak o aya hi o? ahnit i ponaklo ma, afalaminchi mvt, Chihowa apehlichika yvt ai im akostininchi ho aya he keyu.

21. Micha Yakeh! ilvppak oke: keyukmvt, Yakeh! yvmmak oke; achi kak okma, kanimampa he keyu hoke. Chihowa apehlichika yvt hvchi chukvsh anukaka foyuka hoka, achi tok.

22. Yohmi mvt nan im ai ithvna vhleha hash o, Hatak Ushi i nitak o achv falichit pisa ka hvchi bvna fehna kia, hvch ik peso ka hi a nitak vt ai ona pulla hi oke.

23. Yohmi ka Yakeh! ilvppak oke; keyukmvt, Yakeh! yvmmak oke; hvchim achikma, nana hi oke. Yohmikma ivt hvch ik im onokmvt, hvch ik iakaiyo kashke.

24. Malvtha kvvt shutik nutaka kanima ho a malvthakachit kohchakmvt, shutik nutaka bakapa tvnvp ma pit on tommy chatuk a, Hatak Ushi i nitak vt ont ai vlvpiesakma, yvmmak inli ho chiyuhma hi oke.

25. Yohmi kia ik a yvmohmo kisha ka, isht ai issikkopa mvt in laua he; mikma hatak himonasi asha ilvppvt ik i yimmot ik ahnincho ka hi mak oke.

26. Mikma Hatak Ushi i nitak mvt, Noah vt ahanta nitak a a kanihmi tok mak o, a chiyuhmi makinla hi oke.

27. Okla impvt, okla nan ishkot, ohoyo okla itauwayvt, okla itauwaya hi vt im vlvpowvchit aiasha tuk o, Noah vt peni chito a pit chukowa nitak fehna ma, oka falama vt aya cha, mominchit vbit taiyahli tok.

28. Lat ahanta nitak a a kanihmi tok mvt, okla impvt, okla nan ishkot, okla na chumpvt, okla na kanchit, okla na hokchit, chuka okla ikti aienvt aiasha tok.

29. Yohmi tuk kia Lat vt Sotom a a kohchvt ia nitak

fehna ma, ruak, micha hituk lakna aiena kv̄t v̄ba ȳa anet ai umba cha, mominchit v̄bit taiyahli tok.

30. Yakohmi tok ā chiyuhmit Hatak Ushi vt ont haiaka nitak fehnakma, yvmohma he akinli hoke.

31. Nitak yv̄mma fehnakma kv̄na hosh aboha paknaka anta na im v̄lhpoyak vt aboha anuka āsha tuk ma, akowvt apoyvt isht ik aiyo kashke; yohmikma anonti kv̄na hosh osapa anta tukmvt, falamvt ik aiyo akinlashke.

32. Lat tekchi a tok ā hv̄sh ithaiyanashke.

33. Kv̄na hosh ilap im ilhfiopak okchalinchi bv̄nna hokv̄to, kaiyancha he; mikma kv̄na hosh im ilhfiopak ā ik ī hullo hokmvt, okchalincha hi oke.

34. Ninak yv̄mma fehnakma topa achv̄fa ka hatak tuklot kaha tuk ma, achv̄fa ka ai eshi na achv̄fa hosh itonla he.

35. Ohoyo tuklo hosh nan it iba botoli hosh āshwa tuk ma, achv̄fa kash ō ai eshi na achv̄fa hosh anta he.

36. Hatak tuklo hosh osapa ȳa āshwa tuk ma, achv̄fa kash ō ai eshi na achv̄fa hosh anta hi oka, hv̄ch im anoli lishke, im achi tok.

37. Mihma okla afalaminchi.mvt, Chitokaka ma! katima yak ō? im achi tok. Mihma yv̄mmak ash ot, Kanima yō illi hakn̄ip vt ituyulakma mihi yō ossi puta mvt ont ai itahoba hi mak oke, im achi tok.

CHAPTA XVIII.

Nan apesa ai āhlich̄i keyu, micha ohoyo ī hatak illi nan asilh̄ha achunanchi aiena nan isht v̄lhpisa, 1; 9 Falisi, micha p̄vblikan ita tuklo nan isht v̄lhpisa. 15 Chis̄vs vt v̄lla chipunta ȳa holitoblit ishit sholi. 18 Chis̄vs vt hatak pehlich̄i himita nan in laua yō Klaist okm̄a, nan laua im āsha kak okm̄a, nanta kak osh holitopa kv̄t im ī shahli chishba! ahnit imomaka pisa. 31 Chis̄vs vt ilapvt ititaiyukhv̄na ahonv̄hlvt illa he, atukmvt nitak ont isht atuchinakma falamvt tana he, anonti tikbanli anoli.

1. MIHMVT yv̄mmak ash ō, Hatak vt v̄ba pit anum-pohonli kv̄t bilia cha, ik in takobo ka he tuk ā, nan isht v̄lhpisa h̄o isht anumpulit achi mvt,

2. Tumaha ho nar apesa vt ahanta kv̄t, Chihowa ya nukshompa keyukm̄vt, anonti hatak ma nan isht ik im aho bo ya tok.

3. Yohmi ma tumaha yv̄mma ohoyo ī hatak illi yosh anta tok; atuk osh yv̄mmak ash ō im ai vla cha, Nan v̄lh̄pisa si onochi tuk ā nan āhli achukma ka isht is̄ sv̄m ai apesashke, achi tok.

4. Yohmi ma yakosi takla kv̄no yv̄mihcha he ik ahno ke tuk osh, amba himmak ō nan il anukfilli kv̄t, Chihowa ya ī nukshompa li keyu m̄vt, anonti hatak ma nan isht v̄m ahomba keyu hatuk nana kia,

5. Ohoyo ī hatak illi ilv̄ppvt si ataklaiyami hoka, nan āhli achukma ka isht ai im apesa lashke; yv̄mmak keyukma, mihinti bekakm̄vt, an takobicha hinlv̄shke, achi tok.

6. Mihma Chitokaka yash ot, Nan apesa ai v̄lh̄pesa keyu vt nana achi tuk ā, ho haiyakl̄o.

7. Yohmi ka Chihowa hv̄t ilap osh ai atokoli tok mak ō nitak, micha ninak aiena ka pit in tahpahanla ka, im ile sv̄laha tuk mak osh, nan ai āhli achukma ka ik im apeso ka hinla cho?

8. Chekosi makinli ho nan ai āhli achukma ka isht ai im apesa hi oka, hv̄chim achi lishke. Yohmi kia amba Hatak Ushi vt ayakm̄vto, yakni paknaka yā na yimmi kv̄t āsha na pisa hi oh cho? achi tok.

9. Mihm̄vt kanimi kv̄t ile yimmit, ilap ak osh ai v̄lh̄pesa mak ō im ahobvt, inla āsha kv̄no ik ahobalo v̄hleha hatuk ash nan-isht-v̄lh̄pisa ilv̄ppa isht im anumpuli m̄vt,

10. Hatak tuklo kv̄t v̄ba pit anumpula chī hosh tempel ā pit chukowvt okla tok: achv̄fa kak osh Falisi okma, achv̄fa kv̄to pv̄blikan a tok.

11. Falisi ash osh hikia cha, v̄ba pit isht il anumpuli m̄vt, Chihowa ma! hatak inla āsha na-wehli; nan ik ai v̄lh̄pieso; haui puta; mikm̄vt pv̄blikan ilv̄ppak kia ak chohmo kv̄t, yak oke! pit chim aiahni lishke.

12. Nitak hullo achv̄fakma hitukla na hullochi likm̄vt, nan v̄m āsha puta kv̄t ont isht pokoli kv̄t ā kv̄nihiyv̄shke, achi tok.

13. Yohmi ma publikan ash ot auet mishema yak inli ho hikivt, i holhponayo ak kia vba chakalinchi keyu hosh, peb ikkishi ak o isso mvt, Nan ashvchi sia hoka, Chihowa hvt is sa nukhaglashke, im achi tok.

14. Yohmi kvv hatak ilvppvt nan im aiahli achukma kvv achvfa yash i shahli hosh in chuka ona tok a hvchim anoli lishke: kvna hosh ile fehuvchikmvt, aka ona he; mikma kvna hosh ile akanlosichi hokmvt, holitopa hi oka, achi tok.

15. Yohmi ma vloshi puta kia, yvmmak ash ot potola hinla ka okla ishit im ai vla tok: yohmi kia nan im ai ithvna vhleha hash ot pisa mvt, okla im alvmmi tok.

16. Yohmi kia Chisvs vto yvmmak ash o pit hoyo cha, Ulla chipunta vt vm ai vla hi a hvsh ahni cha, hvch ik im alammo kashke; ilvppak o chohmi hosh Chihowa apelihika ya aiasha hoke.

17. Ahli mak o hvchim achi lishke; Kvna hosh vlla iskitini ak o chohmit Chihowa apelihika ya aiokpvchi ho keyukmvt, kaniohmi kak osh yvmma chukowa he keyu hoke, achi tok.

18. Mihma hatak pehlich i achvvt i ponaklot, Nan-ithv-nanchi achukma ma! nantak o katiomi li kak osh ai ok-chayvt bilia yato vmmi ha hinla cho? achi tok.

19. Mihma Chisvs vt yvmmak ash o, Na katiomi ho vno a achukma is si achi cho? achukma kvv iksho ho, amba achvfa kak illa, yvmmvt Chihowa ak oke.

20. Nan vlvpisa, Havi ish toba na: Kvna kia ish bi na: Na chik hukopo kashke; Anumpa ik ahlo isht atokolit chik anto kashke; Chiki, micha chishke aiena ka ish holitoblashke; achi puta ka ish ithanvshke, im achi tok.

21. Mihma yvmmak ash ot, vlla sa tomba kash inli hosh ilvppa puta ka holitoblit isht mihinti li tok a ant a himak vshke, achi tok.

22. Mihma Chisvs vt ilvppa puta ka haklo mvt, Yohmi kia nana achvfa ho isht chik ai onoshke; nana chim gsha kvv mominvhit ish kampila cha, ilvsha ya ishit it a kvsh-koachi, yohmik mak osh vba ya chim ilayak vt gsha hi oke; micha ant is siakayashke, im achi tok.

23. Mihma yummak ash ot iluppa haklo mvt, nan in laua fehna hatuk osh, nukhaklo fehna tok.

24. Yohmi ma nukhaklo fehna ho Chisvs vt pisa mvt, Nana in laua vhleha hokvto palvmmi fehna nana ho Chihowa apelihika ya chukowa he ;

25. Kamel vt chofak ushi nishkin a hlopulli ka palvmmi kvh hatak nan in laua yosh Chihowa apelihika chukowa hokvno ik lauwoshke, im achi tok.

26. Mihma yvmma okla haklo mvt, Yohmikma kvta hak osh okchaya hinla cho? achi tok.

27. Mihma yummak ash ot, Hatak okmvno nana kvh ai yvmohma he keyu kia, Chihowa yak okmvno ai yvmohmi hoke, achi tok.

28. Yohmi ma Pita yash ot, Yakeh! Pishno vto mominchit il issa cha, e chiakaiya kvno, achi tok.

29. Mihma yummak ash ot okla hash, Ahli mak o hvchim achi lishke; Hatak vt Chihowa apelihika pulla hatuk mak o in chuka, iki, ishki, itibapishi vhleha, tekchi, im vlla puta aiena ka a kanima kia issvt aya hokvto,

30. Yakni ilvppak inli ka nana laua kvh yummak atuk a im i shahli tuk mvt, yakni inla mihintikma, ai okchayvt bilia ya ik peso ka hi vt iksho hoke, im achi tok.

31. Yohmi mvt auah-tuklo kash hoyo cha, Inta! Chelusalem ak o iloh ivshke; yohmi ka hopaii vhleha hvh Hatak Ushi ak o holisso ha ishi ai ikbichi tok a puyuta kvh ont ai ahla chi hoke.

32. Yummak oka ishit Chentail okla ibbak fohki na ishit yopulvt, itukhlakavvt hofahyalichit, on tuftua chi:

33. Micha okla fvmmi cha, vba chi hoke; atukma nitak ont a tuchinakma falamvt tana hi oke, im achi tok.

34. Yohmi ma iluppa puta ka achi kia okla ik akostinicho ki tok: mihma anumpa ilvppvt im a luma na nana kvh anumpa tuk ash kia okla ik ithaiyano ki tok.

35. Atuk o yakohmi tok; yummak ash ot Cheliko bilikasi ka vla ma, hatak lupa achufa kvh hina lapalika yo binilit nan asilhha tok.

36. Atuk osh okla laua vt ont ihya ka haklo mvt, Katiohmi hosh yakohmi cho? achit a ponaklo tok.

37. Mihma, Chisvs Nasalet ai vttā ak osh aya hatuk a okla im anoli tok.

38. Mihma yummak ash ot tahpvlvt, Chisvs, Lewi Ushi chia hv̄t is s̄a nukhaklashke, achi tok.

39. Mihma tikba asht aya tuk ash ot, nukchinta chi ka, i miha tok: yohmi kia yummak o isht i shahlichī fehv̄t tahpvlvt, Lewi Ushi chia hv̄t is s̄a nukhaklashke, achi tok.

40. Mihma Chisvs vt hikia mvt, yummak ash o isht im vla hinla ka miha tok: atuk osh yummak ash ot i bilikasi vla ma, i ponaklot,

41. Nanta hak o a chi katimichi la hi a, ish ahni cho? achi tok. Mihma yummak ash ot Chitokaka ma! hoponayo la hi á, achi tok.

42. Mihma Chisvs ash ot, Ish hoponayashke, a chi yimmi yak osh chi okchalinchishke, im achi tok.

43. Yohmi ma yummak ash ot ashalika hoponayo cha, yummak ash o iakaiya mvt, Chihowa ya holitoblichī tok: mihma okla hv̄t pisa mvt, Chihowa ya pit aiokpahanchi tok.

CHAPTA XIX.

Sakevs vt vbanumpa anukfohka tok a isht anumpa, 1. 11 Hatak holitompa hosh miko tobvt ia hosh, in tishu v̄hleha h̄a tv̄li holisso ibbak fohki. 25 Chisvs vt issuba haksobish falaiā himita yo o minilit aya hosh Chelusalem a ont chukowa; 45 Chisvs vt tempel a ont chukowa cha, nan itatoba v̄hleha maya tuk a kocha pit tihleli.

1. MIHMA Chisvs vt Cheliko ont chukowvt a hlopullit ia tok.

2. Mihma hatak vt publīkan v̄hleha pehlichī yosh Sakevs hohchifo kv̄t, nan in laua hosh anta tok.

3. Atuk osh yummak ash ot, Kv̄ta hoh chishba? ahni mvt, Chisvs a pisa bv̄nna tok: atuk ak osh okla a fohopa fehna hatuk o, ik chaho hatuk osh na kanihma he keyu ki tok.

4. Mihmut yvm-imma ont ia chi hatuk o, pisa chi hosh tikba pit malelit, bihi iti o ont oiya tok:

5. Atuk o Chisus ash ot yummak ash o vla mut, pit vba chakalit yummak ash o pisa cha, Sakevs ma! tushpvt akowá; himak nitak a chin chuka ya anta la chi hatuk oke, in achi tok.

6. Mihma yummak ash ot tushpvt akowa cha, na yukpa fehna hosh yummak ash o ilauelit ilap in chuka isht chukowa tok.

7. Mihma okla hvt pisa mut, momvt lumasit na mihachit, Hatak nan ashvchi yo kak o ont ibai vta chi hosh ia tuk, achi tok.

8. Mihma Sakevs ash osh hikia cha, Chitokaka yash, Inta! Chitokaka ma! vm ilayak a iklvnnachit ilvsha ya im issa lishke; yohmi kvv hatak nana kia nanasi ka anumpa isht a holabi hosh im ishi li tuk okmvt, yummak atuk a ohmi ushta ho i falamichi lashke, im achi tok.

9. Mihma Chisus ash ot, Ilvppak kia Eblaham ushi akinli hatuk oka, himak nitak a ai-okchaya vvt chuka ilvppa vlvshke.

10. Hatak Ushi vt okpulot taha tok mak o hoyot okchalicha chi hosh aya tok oka, achi tok.

11. Mihma ilvppa puta ka okla haklo ma, achakalinihchi mvt, Chelusalem a onã he, micha Chihowa apehlichika vvt chekosi otvna hinla ka, okla im ahoba aiena hatuk oka, nanisht-vlhpisa ho isht anumpuli tok.

12. Yohmi hatuk osh, Hatak holitempa achvfa hosh miko ont vlhtoka cha, falamvt aya hi osh yakni hopaki ka ia tok.

13. Mihmut in tishu pokoli ka hoyo cha, tvli holisso weki pokoli ka ibbak fohki mvt, Nan isht hvsh itatomba tuk o, vla lashke, achi tok.

14. Atuk ak o i yakni achvfa okla hash ot i nukkilli cha, Hatak yummak okvno ik pi pehlichí, il ahna he keyu, achit anumpa shali a iakaiyachit pit chvffichi tok.

15. Atuk o yakohmi tok; yummak ash ot miko ont vlhtokvt im vlhtaha cha, falamvt vla; yohmi mvt nana isht itatoba kvv hatak achvfa aiyuka kvv kaniohmi ho ahayuchi

tukma, akostinincha hinla kv̄t, tishu v̄hleha ilv̄ppa tv̄li holisso ima tok ash, yv̄mmv̄t im annoa cha, im ai v̄la ch̄i ka, apesa tok.

16. Mihma t̄ikba v̄la kv̄t, Chitokaka ma! chin tv̄li holisso weki achv̄fa tuk ash osh weki pokoli h̄o isht il ahayuchi li tuk oke, achi tok.

17. Mihma yv̄mmak ash o, Ulhpesa, tishu chi achukm̄v̄shke; nana kv̄t ik lauwo fehna kia aiahli chi achukma tuk okv̄t, tumaha pokoli h̄o ai i shalhit ish pehlich̄a ch̄i kv̄t a chim v̄lhpiesashke, im achi tok.

18. Mihma atukla kv̄t v̄la m̄v̄t, Chitokaka ma! chin tv̄li holisso weki achv̄fa tuk ash ot weki tahlapi h̄o isht il ahayuchi li tuk oke, achi tok.

19. Mihma yv̄mmak ash kia, Chishno m̄v̄t, tumaha tahlapi h̄o ish pehlich̄a ch̄i kv̄t a chim v̄lhpiesashke, im achi tok.

20. Yohmi ma inla yosh v̄la m̄v̄t, Yakeh! Chitokaka ma! chin tv̄li holisso weki achv̄fa kash nantapv̄ski ȳo a bonullit bohli li tuk o, yak itonlv̄shke.

21. Nana ka chishno ak osh ish bohli tuk keyu kia, ish ishi; yohmikm̄v̄t ish hokchi tuk keyu kia ish mo chatuk; hatak palv̄mmi chia hatuk oka ch̄i sa nukshopa tuk oke, im achi tok.

22. Mihma yv̄mmak ash o, Tishu haksi chia ka chishno chitih a kohcha kak inli h̄o nan isht chim apesa la ch̄i hoke. Hatak palv̄mmi sia nana ka v̄no yak osh bohli li tuk keyu kia ishi li; mikm̄v̄t hokchi li tuk keyu kia v̄mo li chatuk a, ish ithana;

23. Yohmi ho kak osh na katihmi h̄o an tv̄li holisso weki achv̄fa kash tv̄li holisso a bohli a chik bohlo ke tuk o, v̄la li kv̄t v̄mmi hash a chelichi hosh ak hoyo cho? im achi tok.

24. Mihm̄v̄t bilika hiohm̄aya kash o, Yv̄mma tv̄li holisso weki achv̄fa kash oh im ishi cha, tv̄li holisso weki pokoli h̄a ishi kak o oh imá, im achi tok.

25. Mihma, Chitokaka ma! yv̄mmak okv̄to tv̄li holisso weki pokoli ka ishishke, okla im achi tok.

26. Kv̄na hosh ishi hok mak o ima he; amba ik im iksho

hatuk okvno ishi tuk ash kia, im ai isha hi oka, hvch im achi lishke.

27. Amba a nukkilli vhleha hv t i miko la he tuk a, vhpesa ik ahno ke tuk yummak okvno ilvppa isht vla cha, sa tikba ya oh ai vbi, achi tok oke, achi tok.

28. Micha ilvppa yakohmichit anumpuli mv t, tikba hikv t Chelusalem a pit oiyv t ia tok.

29. Atuk o yakohmi tok; Betfachi, micha Betani aiena ka auet bilika nvnih chaha Alif hohchifo ho vla mv t, nan im ai ithvna ya tuklochit pit tihleli mv t,

30. Ivt tmahushi hvchi chapaka talaiia ka hvsh onashke: yvmma ont hvsh chukowak fehna kv t issuba himita hatak vt ik o minilo kisha yosh talakchit hikia na hvsh pisa chi hoke; yvmma hvsh i hotofi cha, isht hvsh lashke.

31. Mikma hatak nana hosh hvchim ponaklot, Nanta katiohmi ho hvsh i hotofi cho? achikma, Chitokaka yak osh bvna hatuk oke; hvsh im achashke, im achi tok.

32. Mihma vlhtoka tuk ash ot itiachi mv t, yvmma nana ai i miha tuk ash yohmi fehna mvhli ho ont piv t okla tok

33. Micha issuba himita yash i hotofi hosh ahashwa ma, yvmmv t immi atuk ash ot, Nanta katiohmi ho issuba himita ya hvsh i hotofi cho? im achi tok.

34. Mihma, Chitokaka yak osh bvna hatuk oke, achi tok.

35. Mihmv t yummak ash o Chisvs a isht im ona; yohmi ma issuba himita yash anchi puta ka om pvlli cha, Chisvs a okla o minilichi tok.

36. Micha ia hosh aya ma, hina ya im anchi puta ka okla pvlli tok.

37. Atuk osh yummak ash ot ona he Alif nvnih ha pit okvtanovv t mahaya ma, nan im ai ithvna vhleha okla chito ash ot moyumv t na fehna puta kv t yvmohmi na okla pihisa tuk vt, na yukv t chitolit tahpvv t, Chihowa ya pit aiokpachanchi tok.

38. Chitokaka i hohchifo ho aya kv t miko yvmmv t holi-topvshke; vba ya nanaiya achukmakma, achaha moma i shahli ma Chihowa vt ik a holitopa, achi tok.

39. Mihma Falisi vt okla laua takla asht aya tuk vt kani

mi kv̄t, Nan ithv̄nanchi ma! na chim ai ithv̄na v̄hleha h̄a im alv̄mmi, im achi tok.

40. Mihma yv̄mmak ash ot afalaminchi m̄vt, Yakohmi kv̄t ont yokopa hokma, tv̄li puta kv̄t chekosi fehna tabp̄v̄lt anumpula hinla hoka, hv̄ch im anoli lishke, im achi tok.

41. Atuk osh bilika ona cha, tv̄maha hash pit pisa cha, isht yaiya m̄vt,

42. Chishno akinli fehna kv̄t a ch̄i nitak ilv̄ppa fehna kak kia nana isht chi ai yukpa he ai v̄lhpesa ka ish ithaiyana tok okbato; amba himak okv̄no ch̄i holhponayo h̄a ai in lum̄vt kv̄nia hoke.

43. Chin tv̄nvp̄ v̄hleha hv̄t yakni kullit on talaka holihta kullo ai ikbichit isht chi a folv̄blit a chim okt̄v̄bli bieka na anukaka ya ish foyuka hi a nitak vt chim aya hi oke.

44. Yohmikma a ch̄i now̄vt aya he nitak a chik ithaiyano ke tuk oka, chishno, mikm̄vt chim v̄lla chi anukaka a sha aiena ka yakni ak o ai itilauechit aka chi bohla he; mikm̄vt tv̄li achv̄fona kia it v̄lant̄vt kaha hi a, ik chim ahno ka hi oke, achi tok.

45. Mihma tempel a ont chukowa cha, anukaka yv̄mma nana a kanchi, micha nana a chumpa aiena maya tuk ash kocha pit yuhli m̄vt,

46. An chuka yv̄t v̄ba pit ai anumpuli chuka yoke: achi hosh holisso tok okak o, hv̄chishno yokv̄to na hukopa v̄hleha in chuka yo hv̄sh ikbishke, im achi tok.

47. Yohmi m̄vt nitak moma tempel anukaka ya nana im ai abahanchi tok. Yohmi kia na holitompa isht a sha pehlichiv̄hleha, mikm̄vt na-holissochi puta, micha hatak hochitoka v̄hleha aiena kv̄t v̄bi b̄nn̄vt aiasha tok.

48. Yohmi kia okla mom̄vt im a haponaklo kv̄t im achukma fehv̄t aiasha hatuk o, nana a kaniohma hinla kv̄t ik ithaiyano ki tok.

CHAPTA XX.

Kanimi kv̄t, Klaist kaniohmit isht im ai v̄lhpesa hosh yv̄mohmi hatuk vt atokowa anola ch̄i ka, im ahni hatuk o nan anoli, 1. 9 Pa kv̄pi a hollokchi isht v̄lhpesa. 20 Iskv̄li itv̄nali vt Sesa ak o im

itahoba he ai v̄lhpesa hatuk ā Chisvs vt otv̄ninchī. 27 Chisvs vt hatak illi falamvt tana he ilv̄ppa Satusi okla h̄a isht it im anum- puli mvt, anumpa h̄a ī kobv̄ffi. 41 Klaist vt a katiohmi kak osh Lewi ā ushi okmvt, anonti Lewi ā in Chitokaka ya hinla chishba† achit Chisvs vt ponaklo tok.

1. **ATUK** ō yakohmi tok: nitak yv̄mma foka ma tempel anukaka yā okla nana im abv̄chi, micha v̄banumpa isht anumpuli aiena hosh ahanta ma, na-holitompa isht āsha pehlichī v̄hleha, micha na-holissochi v̄hleha, mikmvt hochi- toka v̄hleha aiena kv̄t ai it ap̄ihvt ant ī kohcha tok.

2. Mihmvt im anumpulit, Nan-isht ai v̄lhpesa nana h̄o ilv̄ppa puta ka isht ish yakohmichi, micha kv̄na hosh nan isht ai v̄lhpesa ilv̄ppa chima tok ā ish pim anolashke, achi tok.

3. Mihma yv̄mmak ash ot afalaminchi mvt, Ūno ak kia nana achv̄fa ka hv̄chī ponaklo la chī hoke, mikma is s̄m anolashke.

4. Chan baptismo vt v̄ba yak ō a minti hokmá, keyuk- mvt hatak ak ō a minti hokmá, nanta ha tok ō? im achi tok.

5. Mihma ilap b̄ika nan it im achit maya mvt, Ūba yak ō a minti tok; il achi hokma, Nanta katiohmi h̄o yv̄mma hv̄ch ik ī yimmo ke tuk oh cho? acha hinla.

6. Amba anonti, Hatak ak ō a minti tok; il achi hokma, Chan vt hopaii a tok ā okla yimmi hatuk okvt, okla momvt tv̄li isht pi bola hinla hoke, achi tok.

7. Mihmvt afalaminchit, Kanimampo kak a tok ā kil itha- noshke, okla im achi tok.

8. Mihma Chisvs ash ot, v̄no ak kia nan isht ai v̄lhpesa nana h̄o ilv̄ppa puta ka isht yakohmichi li hatuk vt ak hv̄- chim anoloshke, im achi tok.

9. Mihmvt nan-isht v̄lhpesa ilv̄ppa okla h̄a isht anumpulit isht ia tok: Hatak achv̄fa hosh pakv̄pi ā hokehit tahli cha, hatak toksv̄li v̄hleha h̄o ī pota cha, yakni hopaki h̄o nowvt āya na achiba tok.

10. Atuk osh a waya ont v̄lhpesvt taha ma, pakv̄pi a hollokchi a waya ka okla ipeta chī h̄o, yv̄mmak ash ot tishu

hə hatak toksvli vhleha hash pit i chvffichi tok: yohmi tok kia hatak toksvli vhleha hash ot yummak ash o boli cha, nana ik im iksho hō kanima pit chvffichi tok.

11. Mihma anonti tishu inla hō pit chvffichi tok; atuk o yummak ash kia okla bolit hofahyalichi fehna cha, nana ik im iksho hō kanima pit chvffichi tok.

12. Mihma anonti ont atuchina ma pit chvffichi tok; yohmi ma yummak ash kia okla bolit ai okpvninchi cha, kocha pit pila tok.

13. Yohmi ma pakvpi a hollokchi vt immi hatuk ash ot, Nanta hō katiohmi la chi cho? svso a holitopa yak o pit chvffichi lashke; yummak okmvno okla pisakmvt, holitobla hinla yoba ká, achi tok.

14. Yohmi tuk kia hatak toksvli vhleha hash ot yummak ash o pisa mvt, Ilvppak osh immi ha he mak oke; inta! kiloh vbi, atuk mvt nan im ai vlhtoshowa he tuk vt hvvimmi ha hinla hoke, ilap bika it im achit maya tok.

15. Mihma yummak ash o pakvpi a hollokchi a ishit a kohchi cha, okla vbi tok: yohmi kvno pakvpi a hollokchi vt immi hatuk ash ot yummak ash o nanta hō katimihcha hinla cho?

16. Yummak ash ot ayvt vla cha, hatak toksvli vhleha ilvppak ash vbit tahlikmvt, pakvpi a hollokchi ash inla yo i pota hi oke, achi tok. Mihma okla haklo mvt, Yohma hi a Chihowa yvt ik ahno kashke, okla achi tok.

17. Mihma okla hə atokolit pisa mvt, Yohmi ka tvli ya chuk-ikbi vhleha hvv shitlema yash o mihi ash inli hosh chukbika nutaka in tola holitopa i shahli hō tobvshke, achi holisso ilvppvt katiohmi hoh cho?

18. Kvna hosh tvli yvma onvtulakmvt, kobahla he; amba yummak ash ot kvna hō onvtula hokmvt, litolit kaiyancha hi oke, achi tok.

19. Yohmi ma hvshi kanvlli vlvpisa yummak fehna ka na-holitompa isht asha pehlichhi vhleha, micha na-holissochi vhleha aiena kvv, yvmvt nan-isht-vlhpisa ilvppa ilap ak o isht anumpuli hatuk a okla akostininchi hatuk osh, yvma ash ishi bvna hokak osh okla hak o i nukshopa tok.

20. Mihmvt okla apesvchi beka ; yohmi mvt hatak vhpessa ilahobi cha, yvmmak ash ilap im anumpa akinli hō ai isht onochi : yohmi hokmak osh yvmmak ash ishit hatak pehlichī ibbak a ont fohki na nana im apesa hinla ka, na pisa vhleha hā tohno tok.

21. Mihmvt yvmmak ash ot okla i ponaklot, Nan ithvnanchi ma ! nana kv̄t ai-vlhpiesa hō ish miha, mikmvt ish ithvnanchi, yohmi kv̄t hatak mvt a chim it i shahsholi keyu, amba Chihowa i hina ai ahli mak o ish ithvnanchi chatuk a il ithaiyanvshke.

22. Noshkobo isht chumpa tvli holisso a Sesa yak o ima he ai vlhpesa hokmá, keyukmá, nanta cho ? pit achi tok.

23. Yohmi kia yvmmak ash ot okla nan-ilahobi ka akostininchi hatuk osh, Nanta katiohmi hō imomakachit hvs sa pisa cho ?

24. Iskvi a oh a haiakvchí. Kv̄ta hak o holvut toba hō, mikmvt kv̄ta hō a hohchifo hō ? im achi tok. Mihma afalaminchi mvt, Sesa yak oke, okla im achi tok.

25. Mihma yvmmak ash ot, Yohmi hoka nana kv̄t Sesa yak o ai immi hokma Sesa yak o hvsh imashke ; mikma nana kv̄t Chihowa yak o ai immi hokmvno Chihowa yak ashke, im achi tok.

26. Yohmi ma okla itikba ya im anumpa hā ai isht onocha he keyu mvt, yvmmvt nana miha ka anukhlakancha cha, nana ik acho ki tok.

27. Yohmi ma Satusi vhleha kanimi kv̄t, Illi yvt falamvt tana he keyu, achi chatuk osh im ai vla cha, i ponaklot,

28. Nan-ithvnanchi ma ! hatak nana kia itibapishi hv̄t illi kv̄t tekchi vt a sha hosh, vlla yvt iksho hō illi hokma, itibapishi hatuk ak osh tekchi atuk a ilauei cha, itibapishi hatuk a vlla isht im ai ikba hi oka, Moses vt holissochit pi bohli tok.

29. Yohmi tok o itibapishi hv̄t untuklo hosh a sha tok : atuk o akni ak osh ohoyo itauawa tuk osh, vlla yvt iksho hō illi tok.

30. Mihma atukla kash ot yvmmak ash ilauei tuk osh, anonti vlla yvt iksho hō illi tok.

31. Yohmi ma ont atuchina kash ot ilauei; yohmi tok o ont isht untuklo kash kia yummak ash inli ho chomit ilauei; yohmi kv̄t v̄lla kia iksho ho illi tok.

32. Ont isht aiyopi fehna ma ohoyo hash kia illi tok.

33. Yohmi ka untuklo kash ot yumma tekchi ikbit ilauei tok okvno, illi yvt falamvt tanikma, katima kak o tekchi mak a hi oh cho? achi tok.

34. Mihma Chisvs vt afalaminchit, Yakni iluppa v̄lla yov̄kto itauwaya, mikmvt v̄lhpov̄vchit itauwayv̄chishke.

35. Amba yakni yumma pisa he, micha illi tok vt falamvt tana he aiena kv̄t ai im v̄lhpesa tuk yummak okvto itauwaya he keyu, micha it im apov̄vchit itauwacha he keyu hoke,

36. Mikmvt himmakma illa he keyu; yummak okvt enchil v̄hleha hak o ai itilau hokvt, micha falamvt tani tok okla hokvt Chihowa im v̄lla mak oke.

37. Illi yvt tana he, Moses ak kia b̄vfaha an̄kaka ya ai otv̄nichi mak osh Chitokaka yvt Eblaham in Chihowa, mikmvt Aisaak in Chihowa, micha Chekob in Chihowa aiena ka hochihifo tok.

38. Yummak okvt illi ak o in Chihowa yo keyu, amba okchaya yak oke; yummak o moma kv̄t ai okchaya hoka, im achi tok.

39. Mihma na-holissochi v̄hleha kanimi kv̄t afalaminchit, Nan ith̄vnanchi ma! v̄lhpesa fehna ho ish mihv̄shke, achi tok.

40. Mihmvt yummak atuk o i himmakma okla nan i ponaklo kv̄t nukwia tok.

41. Mihma yummak ash ot okla hash, Katiohmi ho Klaist vt Lewi a Ushi okla achi cho?

42. Mihma Lewi vt ilap inli kv̄t ataloe holisso ha, Chitokaka yvt an Chitokaka ya, Svbbak isht-impakimma ya ish binili na,

43. Chin tv̄nvp v̄hleha ha chiya yvt ai-o-hikia yo ikbi lashke, im achi tok, achishke.

44. Lewi vt yumma Chitokaka achi, yohmi ka katiohmi hosh ilap ushi oh cho? im achi tok.

45. Yohmi mvt okla momvt haklo na nan im ai ithvna vhleha yash,

46. Na-holissochi vhleha nafohka holitopa hofvloha hq abehkvchit itvnowa bunna, micha ilhpak a kanchi ai it-aiokpvchi yak o, micha sinakak puta anukaka ma ai-o-minili holitopa i shahli puta kak o, mikmvt impa chito gsha ka aia-sha holitopa i shahli puta kak o ai im achukma vhleha;

47. Ohoyo i hatak illi vhleha in chuka puta ka a wehpuli, micha peh ilahobi kvv vba pit anumpuli aiena kvv falaiachi vhleha hq ahah! hvsh im aiahnashke; yvmmak okvto na palvmmi chito i shahli hq pisa he mak oke, im achi tok.

CHAPTA XXI.

Ohoyo i hatak illi yosh Chitokaka ya na kvvtnosi pit isht aiokpvchi hq, Chisvs vt ahninci fehna, 1. 5 Tempel vt ont aiokpulokvv taha hi g, anonti Chelusalem vt ont aiokpulokvv taha cha, chukillissvt talaia hi g isht anumpuli; 25 micha ilap vt vla chikma, nan isht atokowa puta kvv kaniohma hi g anoli.

1. MIHMVT vba chakalit hopokoyo mvt, hatak nan in laua vhleha hvv tvli holisso abohli holitopa yo in tvli holisso ya pit apittvv maya hq pisa tok.

2. Mihmvt ohoyo i hatak illi ilbvsha yosh mait tuklo hq yvmma pit apitta ka, pisa akinli tok.

3. Mihmvt yvmmak ash ot, Ahli mak o hvchim achi lishke, Ohoyo i hatak illi ilvppet moma i shahlichit pit fohkishke.

4. Ilvppak okvto moma kvv nan in laua hatuk osh ai im atampa kvv Chihowa isht aiokpvchi abohli ya pit apittvshke; amba yvmmak okvto ilbvsha yosh isht ai okchaya he vt itonla tuk vt lushumit pit abehlishke, achi tok.

5. Yohmi ma kanimi kvv tempel vt tvli hochukma, micha na hvlbena puta ishit shema fehna ka okla isht anumpulit maya ma, yvmmak ash ot,

6. Ilvppa puta hvsh pisa ka, tvli achvfona kia aka ik itolo ke tuk osh, it o tvlkanchit itonla kvv ai iksho ka he nitak vt vla hi oke, achi tok.

7. Mihma okla i ponaklot, Nan-ithvnanchi ma! katiohmi fokak mak o ilvppa puta kv̄t ai yvmohma hi oh cho? micha ilvppa puta kv̄t ont a yvmohma ch̄ik ma, nan-isht atokowa nanta hosh otaiyana hi oh cho? achi tok.

8. Mihma yvmmak ash ot, Ahah! hvsh ahni cha, ik hvchi yoshubo kashke; sa hohchifo h̄a isht hochifo kv̄t, Ūno ak osh Klaist sia hoke, achit aya kv̄t laua hi oka; ai yohma he nitak vt ik hopakoshke: yohmi kia yvmma hvch ik iakaiyo kashke.

9. T̄v̄v̄p̄ āsha, micha nana ik it̄ im achukmo fehna ka hvsh haklo kia, ik hvchi nukshopo kashke: yvmma puta kak osh tikbanli ai yvmohma hi oka; amba ont ishtaiyopi kv̄to chekosa ch̄i keyu hoke.

10. Yvmma fokakma oklushi achvfa kv̄t oklushi inla ya it in tanampa he; yohmikma m̄iko apelihi achvfa kv̄t m̄iko apelihi inla ya it in tanampa hi oke.

11. Yohmikma kanima ai ilaiyukachit yakni vt winakv̄chi chinta he; mikma hohchvfo chinto, micha abeka okpulo aiena kv̄t āsha he; yohmikma nana p̄is̄vt ai i nukshopa he fehna, micha nan isht atokowa chinto aiena kv̄t v̄ba ya auet a haiaka hi oke.

12. Yohmi kia ilvppa puta kv̄t ik a yvmohmo k̄isha ka, sa hohchifo pulla hatuk mak o okla hv̄t ibbak a hvchi onochi cha, hvch issikkopala he; yohmi kv̄t m̄iko v̄hleha, micha hatak pehlich̄i a puta itikba ya isht hvchi ai onvt, sinakak puta isht hvchi ai ona, mikmvt aboha kullo a hvchi fohka hi oke.

13. Mikma yvmmak ash osh nan isht a hvchim atokoli mak a hi oke.

14. Yohmi hoka afalaminchit nana h̄o hvsh miha hi vt tikbanli hvch ik anukfillo ka ch̄i kv̄t, hvchi chukvsh ma hvsh il anukfoykashke.

15. Ūno ak osh itih, mikmvt im anukfila hopoyuksa aiena ka hvch ima likma, yvmmak o hvch̄i nukkilli v̄hleha hv̄t i sanalit miha, mikmvt a kanimancha he kia iksho ka hi oke.

16. Michā hvch īki, hvch ishki, mikmvt hvsh itibapishi

vhleha hvchi kanomi vhl'eha, micha hvch i kana vhleha aiena kv̄t hvch ishit, okla ibbak a a hvchi fohka he: mikmvt hvsh kanima mvt, yummak osh ai ahni hō, hvch illa hi oke.

17. Micha vno sa hohchifo pulla hatuk mak o hatak moma kv̄t isht a hvchi nukkilli hi oke.

18. Yohmi kia hvchi noshkobo pashi vt achvfa kia ai okpuloka he keyu hoke.

19. Nuklanlv̄t achunanchit hvsh ahanta pulla hosh hvchim ilhfiopak atuk ma hvsh il ai eshashke.

20. Micha Chelusalem a tvshka chipota puta ka isht apakfoyupa na hvsh pisakmvt, yummvt aiokpulokvt taha chi ka, atukonofa ka hvsh ithaiyanashke.

21. Yumma fokakma Chutea ya aiasha tuk vt nunih chaha foka pit yihlepakma; anonti yumma ai iklv̄nna aiasha tuk vt a kocha wihashke; mikma kocha foka tmahushi maya tuk okv̄to yumma pit ik vlbeho kashke.

22. Nana puta holihiso tok vt ont ai ahla chi mak o, ilvppvt na palv̄m̄mi chinto kv̄t isht ai im vlhpisa he nitak a hi oke.

23. Amba nitak yumma foka hō vlla shanli, micha pishinchi aiena hokv̄to i palv̄m̄ma he; na komunta chinto kv̄t yakni a ai onvtuyulakma, vba auet i nukkilli mvt okla ilvppa onvtula hi oke.

24. Yohmikma bvshpo falaia yo isht akakoha he; micha yuka tobvt oklushi moma ai im ohona he; mikma Chelusalem a Chentail okla hosh aka a hvhlihinchī na Chentail okla nana im ai vlhpisa atuk vt ont ai ahlik mak a hi oke.

25. Yohmikma hvshi, micha hvshi-ninak-aya, mikmvt fochik puta aiena ka nan isht atokowa kv̄t aiasha he; mikma oklushi puta a kaniohmi ik ithanot isht a komunta yvt yakni paknaka ya ai onvtuyulakma, okhvta oka bvv̄v̄tha kv̄t fohompa he;

26. Ilvppa puta kv̄t yakni a ai onvtuyula chi ka hohoyo tuk vt hatak chukvsh puta kash ot nukshopvt illa hi oke: vba nan isht aiahli ka puta a sha kash ot winakahancha hi oke.

27. Yumma fokakma Hatak Ushi vt nan-isht-aiahlīka.

micha isht a holitopa chinto aiena ka il ai eshit a hoshonti anukaka minti na okla pisa hi oke.

28. Mikma nana ilvppa puta kv̄t ont aiahlit isht ia, yohmikma a hv̄chi hlakofa ch̄i kv̄t atukonofvt taha hoka, vba pit hopokoyot hv̄chi noshkobo h̄a hv̄sh vba chakalichashke, im achi tok.

29. Mihmvt nan-isht v̄lh̄pisa h̄o okla hash isht im anum-pulit, Fik vpi, micha iti puta ka ho pesá.

30. Yvmmvt bokoplit kohcha na hv̄sh pisakmvt, hv̄chish-no akinli kia toffa vt olanlosi ant takanli ka hv̄sh ithana chatuk oke.

31. Yohmi kv̄t yvmmak inli h̄o chiyuhmit nana ilvppa puta kv̄t ont aiahli na hv̄sh pisakmvt, Chihowa apelihchika yvt auet olanlosi v̄la ka hv̄sh ithaiyanashke.

32. Ahli mak o hv̄chim achi lishke; Himak a hatak asha ilvppvt ont ik ai ikshot ik kv̄nio k̄isha h̄o, momvt ont aiahli ha ch̄i hoke.

33. Uba shutik. micha yakni aiena hokvto ont ik ai iksho ka he; amba vno vm anumpa puta hatuk vto ont ik ai iksho ka he keyu hoke.

34. Michah ahah! hv̄sh il aiahnashke; yvmmak keyukmvt kanima kash inli h̄o isikopa, micha na homi ishkot haksi, mikmvt yakni ilvppa antvt nana ai okchaya he anukfoyuka fehna aiena kak osh hv̄chi chukvsh ma isht alotvt atvpa, yohmi na hv̄ch ik akostinincho h̄o, nitak yvmmvt ayvt ant hv̄ch̄i kohcha hinla hoke.

35. Yvmmak okvt nan-isht hokli o chiyuhmit ayvt, yakni pataiya ai ahashwa tuk a mominchit i kohcha hi oke.

36. Yvmohmi hoka il a nuktahlvt vba pit anumpohonlit hv̄sh biliashke: yohmi tuk osh nana kv̄t a yakohma ch̄i puta ka mominchit ai i hlakofit, Hatak Ushi itikba ya hioh-maya hi vt a hv̄chi v̄lh̄pesashke, im achi tok.

37. Mihmvt nitak okvno tempel anukaka yak o nana ithvnanchit anta tuk osh, ninak ano kohchvt ia mvt, nvnih chaha Alif hohchifo h̄o ont antvt on onna tok.

38. Atuk o onnabinli fehna i haponakla ch̄i kv̄t, okla hv̄t momvt tempel a im ai ona tok.

CHAPTER XXII.

Chutas Iskaliot vt Chisvs a ishit na-holitompa isht asha pehlich vhleha ha ibbak fohka chi kv̄t nan it im apesa, 1. 7 Pita, Chan ita tuklo hosh ont ai vbanv̄blit isht v̄lhpisa ka atahli h̄o, Chisvs vt auah-tuklo yash it ibai impa mvt, 19 opiaka na holitopa impa isht v̄lhpisa ka apesa. 31 Pita na-yimmi im anukfila hatuk vt i k̄onia chi keyu, amba hituchina ha yo ilapa ik ithano chatuk vt miha chi ka, Chisvs vt im anoli. 39 Nana kv̄t im a palv̄mni, micha v̄ba pit anumpohonlit osapushi anukaka ya anta; 47 Chisvs a okla isht ia na na holitompa isht asha pehlich a im ona. 54 Pita yvt hituchina ha yo Chisvs a ik ithano ka miha tuk osh, i himmak o nukhaklot yahaya fehna, 63 mihma Chisvs a okla ik ahobalot na mihachi. 66 Chisvs a ilaelit nan ai apesa ya isht ona na illa chi im v̄lhpisa.

1. MIHMA vbanv̄blit ont ia achi, pvska ik shatv̄mmo impa hv̄t ai on̄a he tok.

2. Yvmohmi ma okla hak o i nukshopa hatuk osh, na-holitompa isht asha pehlich vhleha, micha na-holissochi puta kash ot yv̄mma kaniohmichit v̄ba hinla kv̄t akostinichi bahana tok.

3. Yohmi ma Setan vt Chutas Iskaliot hohchifo, auah-tuklo ka ai iba holhtina hatuk ash ont chukowa tok.

4. Mihma yv̄mmak ash ot ia mvt, kaniohmichit ishit ibbak fohka hinla kv̄t, na-holitompa isht asha pehlich vhleha, micha kv̄pitv̄ni vhleha aiena ka ont isht it im anum-puli tok.

5. Mihma okla na yukpa mvt, yv̄mmak ash tv̄li holisso ima chi kv̄t im apesa tok.

6. Mihma, Yohma hinla kv̄t miha mvt, okla laua yvt ai iksho ma ataklv̄chit ishit, ibbak a fohka hinla kv̄t ai v̄lhpisa hi a hoyo tok.

7. Atuk o pvska ik a shatv̄mmo ka he, micha ai vbanv̄blit ont ia illa he nitak vt ai ona tok.

8. Mihma Chisvs vt Pita, Chan ita tuklo ka pit tihlelit, Ivt ai vbanv̄blit ont ia ya hv̄sh pim atahli tuk o, iloh impashke, achi tok.

9. Mihma yummak ash ot, Katima yak o il ai atahla hinla ka ish ahni cho? im achit okla tok.

10. Mihma, Yakeh! tumaha ha ont hvsh chukowakma, hatak vt lukfi kotoba oka vlhto ho sholi kvv hvchi afama chi hoke; yummak o apihvt aboha kanima yo pit chukowakma, hvsh chukowashke.

11. Mikmut hatak chuka yumma ai vta yatuk ash, Nanthvnanchi vt, Katima ko ai impa aboha yvt talaia ho, nan vm ai ithvna vheha ha pehlichit ai vbanvblit ont ia ya ai it ibai impa la chi cho? auet chim achi kvno; hvsh im achashke.

12. Yohmikma yummak ash ot vba potvlhpo chito hosh nana ai vlhtaha achukma ho hvchi pisacha chi hoke; yummak o hvsh ai atahlashke, im achi tok.

13. Mihma itiachi tuk osh, yummvt nana ai i miha hatuk ash ont ai vlhpiesa na pivt okla tok; yohmi mut ai vbanvblit ont ia ya ai atahlit okla tok.

14. Atuk o hvshi kanvlli vt ai ona ma, vbanumpeshi auah-tuklo kash ot apiha ho, binili tok.

15. Mihmut, Ik si ai ilvsho kisha takla kak osh ai vbanvblit ont ia ilvppa a hvch ibai impa ka ahni kvv ahani li fehna tuk oke.

16. Himak a pilla ma yumma ak ai vpo mak o, Chihowa apelihika yak o ai isht aghla chi mak oke, hvchim achi lishke, im achi tok.

17. Mihmut isht ishko a ishi cha, vba pit aiokpvchi mut, Ilvppa oh ishi cha, hvsh ita kashkoashke;

18. Pakvpi a waya ka ak ai ishko mak o, Chihowa apelihika yvt vla chi mak oke, hvchim achi lishke, im achi tok.

19. Mihmut puska ya ishi cha, vba pit aiokpvchi mut, tushalichi cha, yummak ash o ima mut, Ilvppvt sa nipi yosh hvchishno yak o isht hvchi vlhtoba mak oke, isht hvv sathaiyana chi mak osh ilvppa hvchi yvmohmashke, achi tok.

20. Impvt issa ma, isht ishko ma aieninchit, Isht ishko ilvppvt nan vlhpisa himona yosh vm issish vt hvchishno atuk mak o hlatapa ka isht a toba mak oke.

21. Yohmi kia yakeh! svshit inla ibbak fohka chi ibbak vt si awant ai impa ya ashvshke.

22. Yohmi ka Hatak Ushi yokvto ai im vlpisa tok mak osh yohmi mvhli; amba ishit inla ibbak fohki yummak okvto ai i palvmmi mak oke.

23. Yohmi ma, E katima mak osh ilvppa a pi yakohma chi hatuk oh cho? ahnit il im asilhvchit maya tok.

24. Atuk osh anonti, E katima kak osh moma i shahli ha hinla chishba? ahnit ai ita-chapovt maya tok.

25. Yohmi ma yummak ash ot, Chentail okla i miko vhleha hak osh i na-hullo ho tovt, nana ho ahnikmvt, ai i yvmihchi chatuk; micha yumma ai i shahlit nan im ai vlpisvt antakmvt, nana achukmali yo, hohchifo chatuk.

26. Amba hvchishno vto hvchi yvmohma he keyu hoke; mikma kvna hosh moma i shahli kv hvch ibafoka hokmvt, yummak osh himmak o chohmashke; mikma na pehlichy yokmvt, nan-isht im vta yo chiyuhmashke.

27. Ashvt impa kak okma, nan isht im anta kak okma, nanta kak osh i shahli yo? ashvt impa kak keyu? yohmi kia vno vto nan isht im vta mak o chohmi hosh hvchi ibafoka lishke.

28. Isht ai imomaka sa pesa a puta ka hvchishno ak osh hvs si apeha beka tuk mak oke.

29, 30. Yohmi ka a pehlichy li a vm ai impa ai impvt, ai ishkot, aiasha holitopa ka chieyvt, Israel hatak isht-ai-unchululi auah-tuklo ka nana hvsh im apihisa chi mak o, apehlichika ya hvch im apesa li kv, vno a Aki vt ai vm apesa tok a chiyuhmichi lishke, im achi tok.

31. Mihmvt Chitokaka yash ot Saimon, Saimon, yakeh! Setan vt chishi cha, mvshlichit onush o chiyuhmichi ka bvna tuk.

32. Yohmi kia na chi yimmi tuk vt ik chi kvnio ka chi ka, vba pit isht chi anumpuli li tuk; yohmi ka a filemvt ish ile kostininchikmvt, ish itibapishi vhleha ha ish hlampkochashke, achi tok.

33 Mihma yummak ash ot, Chitokaka ma! aboha kvllo.

micha ai-illi aiena ka chi awant ona la hi vt vm vllitaha hoke, im achi tok.

34. Mihma, Pita chia ha chim anoli lishke, himak nitak a akaka yvt ik olo kisha ho, hituchina ha chik svthano ish miha chi hoke, achi tok.

35. Mihmvt, Tvli holisso i shukcha, micha bahta pinak ai-vlhto, mihmvt shulush aiena kvv iksho ho pit hvchi tihleli li chash, nanasi kia isht ik hvchim ai ono ke tuk o? im achi tok; mihma, Nanasi kia ik pim ai ono ke tuk keyu, okla achi tok.

36. Mihma, Amba himak okvno, kvna hosh tvli holisso i shukcha yvt in tonla tukmvt, ishi cha, anonti bahta pinak-ai-vlhto ma mihinlashke; yohmikma kvna hosh bvshpo falaia yvt ik im iksho ke tuk mvt, im anchi a kanchi cha, achvfa ka chumpashke.

37. Yohmi kvv yvmmak ash ot, Nan-vlhvisa kobvffi vhleha ho ai iba holhtina tok, achi holisso tok ilvppvt vno ak o ant si ai isht ai ghla chi ka pulla moma hoke; nana kvv vno ak o svst anumpa tok okvto ont ai vbla chi mak oke, im achi tok.

38. Mihma, Yakeh! Chitokaka ma! bvshpo falaia yvt tuklo hosh yak chiyvshke, achi tok. Mihma, Yvmmak ob kia vlhpesa hoke, im achi tok.

39. Mihmvt yvmmak o yohmi chatuk okvt, kocha ia mvt, Alif nvni chaha ya ona ma, nan-im ai ithvna vhleha hash kia iakaiya tok.

40. Mihma yvmmak ash ot yvma ont anta mvt, A yoshuba ya hvch ik iba chukowo ka chi kvv vba pit hvsh anumpohonlashke, im achi tok.

41. Mihmvt ai i filvmmitt tvli bohpoa ont ai itola ho tuk ohmi foka ho, ont hvchukbihleptv hikia cha, vba pit anum-pulit,

42. Aki ma! vlhpesa ish ahni hokmvt, isht-ishko ilvppa is sa kanvllichashke: yohmi kia vno ak osh ahni li kak o keyu; amba chishno ish aiahni kak o ai yvmohmashke, achi tok.

43. Mihma euchil vba minti kvv ant i haiakvt hlampko-bonchi tok.

44. Mihma i palvmmi kv̄t a fehna hatuk okv̄t, i shahlichit a chilitv̄t v̄ba pit asilhha tok: mihma laksha kv̄t issish hlatapa chinto aka fohompa h̄o chiyuhmi tok.

45. Atuk osh v̄ba pit asilhha tuk ash ot wakaya cha, nan im ai ithv̄na v̄hleha aiasha ka v̄la mvt, nukh̄aklo kv̄t nusi tuk osh aiasha na pisa mvt,

46. Nanta katiohmi h̄o hv̄chi nusi cho? ai-ashv̄chika ya hv̄ch ik iba chukowo ka ch̄i kv̄t, tanit v̄ba pit oh asilhhá, im̄ achi tok.

47. Mihma yv̄mmvt anumpuli moma h̄o, auah̄tuklo ai iba holhtina Chutas hohchifo hash ot okla l̄awa ka in tikba hikv̄t aya tuk osh, i suk̄sowa ch̄i kv̄t Chisvs a atukonofv̄t ia tok.

48. Yohmi kia Chisvs ash ot, Chutas ma! na suk̄sowa hak o Hatak Ushi a isht haksichit ishit inla ibbak a ish fohki hoh cho? im̄ achi tok.

49. Mihma apeha atuk ash ot nana kv̄t a kaniohma hinla ka pisa mvt, Chitokaka ma! bv̄shpo falaia yo isht e fahama ch̄i cho? im̄ achi tok.

50. Mihma achv̄fv̄t na-holitompa isht āsha pehlich̄i i shahli in tishu h̄o fahama cha, ishtimpak imma haksobish a tv̄bli tok.

51. Mihma Chisvs ash ot anumpulit, Yv̄mmak okv̄no ant ik a yohmi na hv̄sh aiahnashke, achi tok. Mihmvt haksobish ash i potoli mvt, hlakofich̄i tok.

52. Mihmvt Chisvs ash ot na-holitompa isht āsha pehlich̄i v̄hleha, micha tempel i kv̄pitv̄ni v̄hleha, mikmvt hochitoka v̄hleha aiena kv̄t ai im v̄la tuk ash, Na-hukopa yo ayv̄t i kohcha h̄o chiyuhmit bv̄shpo falaia, mikmvt iti tv̄ptua aiena ka sholi hosh hv̄sh itv̄nowa cho?

53. Nitak moma hv̄chi takla tempel a anuk̄aka ya ahanta li kv̄no; ibbak nana kia hv̄ch ik si o welo ke tuk; yohmi kia himak okv̄to hv̄chishno, micha aiokhlilika nana im aigh̄li aiena ka hv̄ch̄i nitak mak okv̄t, im̄ achi tok.

54. Yohmi ma yv̄mmak ash o okla ishi mvt, isht iv̄t na holitompa isht āsha pehlich̄i i shahli in chuka yo ont ishit chukowa tok. Mihma Pita yv̄t auet i mishemanchit iakaiya tok.

55. Atuk o kvsbi aboha ai itin-takla talaiia tuk a ai ik-lvna ka okla luak ai oti cha, binohlit taha ma, Pita yvt takla binili tok.

56. Atuk o yvmmvt luak bilika ont binili ka, ohoyo himita achvvt pisa cha, atokolit pisa fehna mvt, Hatak ilvppak kia yvmma awant aya kamo, achi tok.

57. Mihma ik ithano ilahobit, Ohoyo ma! yvmma ak ithanoshke, achi tok.

58. Atuk o anonti in chekosi ma, inla yosh yvmmak ash pisa mvt, Chishno vt yvmma ai achvfa chia akinli, achi ma; Pita ash ot, Hatak ma! mihi yo sia keyushke.

59. Atuk o yvmmak atuk a i hvshi kanvlli achvfa foka ma, inla hosh kvlochi fehvvt miha mvt, Ilvppak kia yvmma awant aya yatuk vt aiahli hoke; ilvppvt Kalili hatak oka, achi tok.

60. Mihma Pita yash osh, Hatak ma! nana ho ish miha ka ak ithanoshke, achi tok. Mihma ashalika anumpohonli moma na akaka yvt ola tok.

61. Mihma Chitokaka yvt filemvt Pita ya pisa tok. Mihma Pita yash ot, yvmmvt, Akaka yvt ik olo kisha ho, hituchina ha chik svthano ish miha chi hoke, im achi tuk Chitokaka im anumpa hash ithaiyana tok.

62. Mihmvt Pita yvt kohcha cha, yahaya fehna tok.

63. Mihma Chisvs ash apesvchit maya tuk hatak ash ot ik ahobalot na-mihachi mvt, boli tok.

64. Micha nishkin a okla ompohomot; nashuka ya isso mvt, kvta hosh chisso ho? akostininchit anoli, achit i po-naklo tok.

65. Mihmvt ik ahobalo fehvvt nan ilaiyuka isht im i sanalit mihachi kvv lauachi tok.

66. Atuk o onvt taha mak inli ho, hochitoka vhleha, micha na holitompa isht asha pehlichy vhleha, mikmvt naholissochi vhleha aiena kvv itahoba cha, yvmmak ash ilauelit im ai-apesa aboha ya ishit chukowa mvt,

67. Chishno ak osh, Klaist mak o chia hoh cho? pim anoli, im achi tok. Mihma, Hvchim anoli li mak o, hvchi yvmma be keyu.

68. Micha vno mvt na hvchim asilhha li mak o, afalaminchit hvs svm anumpula he keyukmvt, anonti ant ik i hotofá, hvs svm ahna he keyu.

69. Himak a pilla ma Hatak Ushi vt Chihowa nan okluha imaiya im ibbak isht impak imma ya a binila he mak oke, im achi tok.

70. Mihma momvt, Mih-kvto chishno ak osh Chihowa Ushi chia ho? okla achi tok. Mihma yvmmak ash ot, Mihi yo sia mak atuk o hvsh mihvshke, im achi tok.

71. Mihma, Hvpishno akinli hosh ilap itih fehna iloh a haklo kvt, himmakma nan isht atokowa ka iloh ahna hinla cho? okla achi tok.

CHAPTER XXIII.

Chisvs a okla ilaelit Pailat ak o isht im ona ma, 1, 13 Pailat ash ot, okla ak osh yvmma im ahni fehna hatuk o, Chisvs vt ititaiyukhvna ahonvha chi ka, im issa cha, Balabbas ak o i hotofi. 26 Chisvs vt iti-taiyukhvna ahonvha chi ho okla isht ia mvt, Saimon ak osh iti taiyukhvna ya iba shola chi ka atohno; 33 hatak hukopa tuklo hosh apihvt iti-taiyukhvna ahonvha ak inli; achvfa kvto Chisvs vt yvmma takanli moma ho, i yimmit aiokpvchi. 44 Chisvs vt illi. 50 Chosof Alimahlea minti osh Chisvs haknip a ishi cha, hohpi.

1. MIHMA okla laua yvt momvt wakaya cha, yvmmak ash ilaelit Pailat a isht im ona tok.

2. Yohmi mvt, Hatak ilvppvt Klaist miko yo ile mihvt, Sesa ya noshkobo isht chumpa tvli holisso im itahobi chatuk a im alvmminchit ahantvt, pim okla talaja ka okponit ahanta ho, e pisa tuk oke, achit anumpa okla onochi tok.

3. Mihma Pailat vt yvmmak ash o i ponaklot, Chishno ak osh Chu okla ha i miko chia mak oh cho? achi tok. Mihma afalaminchi mvt, Mih-mak atuk ish mihvshke, achi tok.

4. Yohmi ma Pailat ash ot, na-holitompa isht a sha pehlichivhlea, micha okla puta kash, Hatak ilvppa nan ik ai vhpeso nana kia ak ai akostininchoshke, im achi tok.

5. Mihma okla isht i shahlit a chilitvt, Ilvppvt vmmona ka Kalili ak o ai isht ia hosh Chu okla aiasha ka mominchit a hlopullit nana im avchit, okla ha ai okpvnichit isht aya hosh ilvppa vla hoke, achi tok.

6. Mihma Kalili achi na Pailat vt haklo mvt, Kalili hatak okma, nanta hatuk ba? achit ponaklo tok.

7. Atuk osh Helot apelihchi yak o ai iba fohka atuk o akostininchi makinli hosh, Helot ak kia ilavt nitak yvmma fehna ma Chelusalem a ant anta hatuk o, pit i chvffichi tok.

8. Yohmi na Helot vt Chisvs a pisa mvt, na yukpa fehna tok: yohmi kvv yvmma isht ai annoa ka hahaklo ka laua hatuk osh, pisa bvna fehna tuk a hopaki tok; yohmi hatuk osh nana a fehna kaniohmi kia a yvmihchi na pisa chi kvv ahni tok.

9. Mihmvt anumpa lauachit nana isht im asilhvchi tok: yohmi kia yvmmak ash ot afalaminchi kvv nana kia ik im acho ki tok.

10. Mihma na-holitompa isht asha pehlichich vhleha micha, na-holissochich vhleha aiena kash ot kvvlochi fehvt anumpa onochit hiohmaya tok.

11. Mihma Helot ash ot in tvshka chipota vhleha hash o pehlinchich cha, yvmmak ash o na-keyukechich fehvt isht itukhlakavt ik ahobacho ke tuk: mihmvt na-fohka tohbi holitompa ho fohkachechich cha, falaminchit Pailat a pit i chvffichich tok.

12. Mihma tikba hokvno ai it i nukkilli yoh chatuk ak osh, ritak yvmma fehna ka Pailat, micha Helot itatuklo kvv ai iti kana toba tok.

13. Mihma Pailat ash ot na-holitompa isht asha pehlichich vhleha, micha hochitoka vhleha, mikmvt okla a puta kash hoyot itahobi mvt,

14. Hatak ilvppvt okla ha i miko a isht ai iti filamolichich yoke, achi hosh isht hvv svv vla tuk: mihma yakeh! hvchich tikba ya nana ka ai im asilhhahanchich li kvv, anumpa isht hvsh ai onochi tuk imma ka, nana ik ai-vlhpeso kvv hatak ilvppa ai a takali ka ak im akostininchoshke.

15. Mihma Helot vt mihinli tuk; yummak o pit hvchi a tihleli li; yohmi ka nana ka isht ai illa he vlhpesa ma a takali keyushke.

16. Yohmi hoka fvmmi lish, i hotofi la chi hoke, im achi tok.

17. Yohmi kut ai-vbanvblit ont ia impa a sha ka achv-falichit ai i hotofa hi a vlhpesa ha tok.

18. Mihma himonna achufa momvt tahpvlvt, Hatak iluppuno kanima isht ia cha, Balabbas ak o ish pi kohchichashke, achi tok.

19. Yummak okvt tmaha ha antvt i miko a ik im antio ka chi ka okla ha anukfohkichi, micha hatak vbi aiena hatuk o, aboha kullo a pit a fohki tuk a tok.

20. Yohmi hatuk o Pailat vt Chisvs ak o i hotofi ka ahni hatuk osh, himmak ma okla ha im anumpuli tok.

21. Yohmi kia okla tahpvlvt, Iti-taiyukhvna yo ahonvh-hvchi, iti-taiyukhana yo ahonvhlichí, ahanchi tok.

22. Mihma ont atuchina ma, Nanta katiohmi ho? nan ik ai vlhpeso nanta mak o yvmohmi tuk oh cho? nana ka isht ai illa he vlhpesa ka vno vt ak im akostininchoshke; yohmi hatuk osh fvmmi lish, i hotofi la chi hoke, im achi tok.

23. Mihma okla a chilita fehvt chitolit anumpuli hosh, yvmvt iti-taiyukhvna ahonvhla hinla ka asihhlha tok: mih-mvt yomma, micha na-holitompa isht a sha pehlichí vhleha aiena im anumpa hak osh imaiyachi tok.

24. Mihma Pailat ash ot okla hvvt nana asilhha tuk mak o vlhpesa chi ka apesa tok.

25. Mihma yummak o okla asilhha tuk oka, i miko ik im antio ka chi ka anukfokvchichi, micha hatak ma vbi aiena hatuk o aboha kullo a pit a fohki tuk a tok ash, i kohchichi tok: amba Chisvs ak okvno nana ho okla ahna chi ka, im issa tok.

26. Mihma yummak ash o kanima isht ivt itvnowa mvvt, Silinian hatak Saimon osh haiaka vttvt minti ho okla halvllit ishi; yohmi mvvt yummak osh Chisvs a iba shola chi ka, iti-taiyukhvna ya om bohli tok.

27. Yohmi ma okla lava fehna kvvt iakaiyvt itvnowa ma,

ohoyo aiena tuk osh yummak ash o isht nukhaklot chitolit yahaya tok.

28. Yohmi kia Chisvs ash ot pit filema mut, Chelusalem ushetik hvchia ma! vno ak okvno svshyt yaiyvt nishkin okchi hvch ik hlatvblo kashke: amba hvchishno inli kak o isht ile yaiyvt nishkin okchi hvsh hlatvblikmut, hvchim vlla aiena kak ashke.

29. Yakeh! vlla ik im iksho, micha oshvto nana a foyuka keyu, mikmut i pishik vt na pishechi keyu aiena hokvto im achukmushke, okla acha he nitak vt mihintishke.

30. Yumma fokakma nvnih chaha puta ka, Pi o kinahli, im achikmut, nvnih chipunta ya, Hvsh pi ompohomashke, achit isht ia hi oke.

31. Yohmi ka iti vt okchaki o ilvppa okla ai yvmichi tuk mvno, anonti shila yokvno nanta mak osh a katiohna hi oh cho? achi tok.

32. Yohmi ma hatak haksi tuklo hosh illit okla chi ho, a apehalinchit isht aya tok.

33. Atuk osh Kalfali hohchifo yummak atuk ash okla a vla mut, yummak ash, mikmut hatak haksi tuklo aiena kash ot achvvt ibbak isht-impak imma yo takali ma, anonti achvvt vlfvbeke tvnvp o takali ho, iti-taiyukhvna ya ai ahovhlichit tok.

34. Yohmi ma Chisvs ash ot, Aki ma! ish i kashofashke: nana ka katiohmi kvv okla ithana ho keyu hoka, achi tok. Yohmi ma i na fohka ya ita kvshkolit mayvt na-shoeli tok.

35. Mihma okla hvv pisvt hiohmaya tok: mihma hochitoka vhleha mut ik ahobalot, Inla ya okchalinchit yatuk okvt, ilap ak osh Chihowa i hovitopa Klaist atuk okmut ilap inli kak osh ik il okchalinchit, achi tok.

36. Mihma vshka chipota vhleha ak kia ai im vlvv, ishit yopulvt, anonti wineka ipeta mut,

37. Chishno ak osh Chu okla ha i miko chia hokmut, ish il okchalinehashke, achi tok.

38. Yohmi ma Klik, micha Latin, mikmut Heblu aiena anumpa ho isht a holisso kvv, ILUPPAK OSH CHU OKLA HA I MIKO MAK OKE, achi hosh paknaka ya takali tok.

39. Mihma hatak haksi tuklot vba takohli tuk ash ot achvvt yvmmak ash ik ahobalot mihachit, Chishno ak osh Klaist chia hokmvt, il okchalinchi cha, pishno ma ish pi okchalinchashke, achi tok.

40. Amba achvfa kvto afalaminchit im alvmmmit, Chishno ak kia na chim vlhpisa kvt a miha achvfa hokak osh Chihowa h̄a chik i nukshopo cho ?

41. Micha pishno ak okvto pim ai vlhpesa ho mvhli; pishno nana il a kaniohmi tuk isht ai vlhtoba he vlhpesa mak o e pisa hoka; amba hatak ilvppak okvto nana h̄o okpni tuk keyushke, achi tok.

42. Mihmvt Chisvs ash, Chitokaka ma! ish apelihchika ya ont ish chukowakmvt, is svthaiyanashke, im achi tok.

43. Mihma Chisvs ash ot, Himak nitak a si awant palatais a ish anta ch̄i hoke, ai āhli mak o chim achi lishke, im achi tok.

44. Yohmi ka yvmvvt hvshi kanvlli vlhpisa ont isht han-nali foka tok; mihma yakni moma ka ai okhlilit kvnia na hvshi kanvlli vlhpisa ont isht chakkali tok.

45. Yohmi ma hvshi vt okhilli ma, nan-tvna tempel anukaka takali atuk vt iklvna ita hlilafa tok.

46. Mihma Chisvs vt chitoli hosh anumpuli mvt, Aki ma! sa shilombish a chibbak pit a fohki lishke, achi tok: mihmvt yakohmichit miha mvt, fiopissa tok.

47. Mihma nana kvt ai yvmohmi na Sintulion vt pisa mvt, Ilvppvt hatak āhli achukma yatuk o pulla mvhlishke, achit Chihowa ya holitoblich̄i tok.

48. Mihma okla yvma pisvt ai itahoba tuk ash ot, nana kvt ai yvmohmi ka pisa mvt, momvt ilap ikkishi h̄a isso cha, falamvt ilhkoli tok.

49. Mihma yvma ai it ithangka puta, micha ohoyo Kalili a asht ai apelv̄t minti tuk aiena kash ot mishema h̄o auet hielit, na yakohmi puta ka pibisa tok.

50. Mihma hatak vt Chosef hohchifo nan-apeša, micha hatak āhli achukma hosh anta tok.

51. Okla nana im anukfila, micha a kaniohmit maya aiena ka ilvppvto ik ibafohko ki tok: ilvppvt Chu okla in tumaha

Alimahlea ak o ai vta hosh yummak kia Chihowa apehlichika ya pit hohoyo ya tok.

52. Hatak iluppak ash ot ivt, Pailat a im ona cha, Chisvs haknip a asilhha tok.

53. Micha yummak ash ot akvchi cha, na-lapushki linen o a bonullit sepulka vt tvli yosh kulvt toba ho, yumma hatak nana kia ik a fohko yatuk o fohki tok.

54. Mihma yummvt ai atahli nitak atuk o, nitak hullo vt atukonofvt mihinti tok.

55. Mihma ohoyo Kalili a asht ai apehvt aya tuk ash kia, iakaiyvt ilhkoli cha, sepulka, micha haknip ash ot kaniohmit itola aiena ka achukmalit pisa tok.

56. Mihmvt falamvt ilhkoli cha, na-balama, micha nanahama aiena ka atahlit maya tok: mihmvt anumpa vlpisa yoka nitak hullo yokvno foha tok.

CHAPTA XXIV

Chisvs vt falamvt tani tuk a enchil tuklo hosh ohoyo hash sepulka ak o ai im anoli, 1. 13 Chisvs nan im ai ithvna vhleba tuk vt tuklot Emmave a itiachi hosh ayvt okla; 38 il otvnichi, nan im ai ithvna vhleba hatuk vt chiya moma na Chisvs vt itintakla ant hikia: 47 yohmi cha Chelusalem ak o vmona ka ai isht ia hosh vbanumpa ya okla isht anumpula chi ka, im apesa. 51 Chisvs vt vba a holitopa ya ia.

1. **ATUK** osh we k nitak vmona onnvt okhlillinchi fehna ho na-balama atahli tuk vt ishit, inla ka ai itapihvt, sepulka yash okla ai ona tok.

2. Mihma tvli vt sepulka ya kanima pit tonoli tuk o okla pisa tok.

3. Mihmvt okla pit chukowa tuk osh, Chitokaka Chisvs haknip ash ik peso ki tok.

4. Atuk o yakohmi tok; okla nana a kaniohmi ik ai ithano fehvt maya ma, yakeh! hatak tuklo kv j na-fohka shohmalali hosh itumasi a hinli tok.

5. Mihma okla nukshopvt, aka pit yochonoli ma, yummak

ash ot, Nanta katiohmi ho okchaya illi aiasha ak o hvsh hoyo cho?

6. Ilvppa ikshoshke; amba tani tuk oke; Kalili a anta moma mut hvchim anoli kut;

7. Hatak Ushi vt hatak nan ashvchi vhleha ibbak a a fohka cha, iti-taiyukhuna ai ahonehla tuk osh, nitak ont atuchinakma falamut tana hi oke, achi tuk a hvsh ithaiyanashke, im achi tok.

8. Mihma im anumpa ha tok ash okla ithaiyana tok.

9. Micha sepulka yash asht falamut ilhkoli mut, auahachvfa kash, micha inla moma aiena ka na yakohmi puta tuk ash mominchit ont im anoli tok.

10. Meli Maktalene, micha Choanna, mikmut Meli, Chemis ishki, micha ohoyo inla ka yvmma apehvt aya tuk aiena kak osh vbanumpeshi vhleha ha na-yakohmi puta tuk a ont im anoli tok.

11. Mihma yvmma im anumpa hv annoa ik ahlo yak o ai im itilau cha, okla ik yimmo ki tok.

12. Mihma Pita yvt wakaya cha, malelit sepulka ya onvt, pit aka chonoli mut, l i n e n nan-tvna ak bano hosh asha na pisa cha, ia mut, nana kut ai yvmohmi tuk ash, okokko! ahni tok.

13. Atuk o tuklo kut nitak mih-makinli ka tvmahushi Emmaus hohchifo hosh, yvmmut Chelusalem a auet i kovi untuchina foka hatuk o itiachi tok.

14. Mihmut nana kut ai yvmohmi tuk ilvppa puta kash isht it im anumpohonli tok.

15. Atuk o yakohmi tok; it im anumpulit nan it im asilbahanchi kash ot moma ho, Chisvs akinli kut sakki cha, takla aya tok.

16. Yohmi kia ik ithano ket okla chi ka, nishkin vt mocholi ho chiyuhmi tok.

17. Mihma yvmmak ash ot, Ilvppak osh anumpa katiohmi mak o isht it im anumpohonlit hvsh aya cha, hvsh ilapissa cho? im achi tok.

18. Mihma achvvt Kleopas hohchifo hosh afalaminchit; Hatak kanima minti chishno ak hosh Chelusalem a ish anta

kv̄t himak nitak chohmi yv̄mma nana kv̄t a kaniohmi ka chik akostinincho ke tuk oh cho? im achi tok.

19. Mihma yv̄mmak ash ot, Nana nanta ho? achi ma, Chisvs Nasalet hatak nan im a kaniohmi tuk a, yv̄mmak okv̄t hopaii yosh Chihowa, mikmvt okla puta aiena itikba ya nana a kaniohmi, micha anumpuli aiena kv̄t a chintc fehna tuk;

20. Yvmohmi tuk o na-holitompa isht asha pehlichi v̄hleha, micha pi hochitoka v̄hleha aiena kv̄t, yv̄mmvt ila chi hosh im v̄lh̄pisa chi ka, kaniohmichit ishit inla ibbak a fohki na iti-taiyukhv̄na ahonv̄hlichi tuk.

21. Yohmi kia yv̄mmak osh Israēl okla ha hlakoficha he tuk mak atuk a pi yih̄immi tuk; yvmohmi tuk kia keyushke; micha yv̄mmak bano keyu, nana kv̄t a yakohmi tuk a himak nitak vt nitak ont isht atuchinv̄shke.

22. Michā anonti ohoyo il ai itapeha tuk a a kanimi kv̄t onnahinli fehna sepulka ya ont maya tuk vt,

23. Yv̄mma haknip a ik peso hosh ai v̄la mvt, anonti enchil mvt i haiaka na pisa ma, Yv̄mmak ash ot okchaya hoke, achi tuk achi cha, okla pi nukhlakv̄shli tuk oke.

24. Yohmi ma il ai itapeha tuk a a kanimi kv̄t sepulka ya ona, yohmi mvt ohoyo nana a miha tuk a v̄lh̄pesa ho ont pisa tuk; yohmi kia yv̄mmak amo okla ik peso ke tuk oke, im achi tok.

25. Mihma yv̄mmak ash ot, Im anukfila iksho, hopaii v̄hleha hv̄t anumpuli tok moma ka chukv̄sh isht yimma he sv̄laha hv̄chia ma!

26. Klaist vt na yakohmi puta ka pisa ha yosh a holitopaka ya chukowa he v̄lh̄pesa ha tok keyu cho?

27. Mihmvt Moses, micha hopaii puta aiena tok ai v̄hli kak o isht ia hosh, Holisso Holitopa ya a mominchit ilap a isht ai annoa ka achukmalit im anohonli tok.

28. Mihma tumahushi itiachi yv̄mmak atuk ash ot itonachā hosi tok; yohmi ma yv̄mmak ash ot ont ia hinla ka, ile chohmichi tok.

29. Yohmi kia im a chilita fehmt oklv̄t, Nitak vt shohbit ont opiv̄t mahaya hoka, pi takla ish antashke,

achit okla tok. Mihma takla anta chi hosh ont chukowa tok.

30. Atuk o yakohmi tok; yummak ash ot takla impvt binili mvt, pvska ya ishi cha, vba isht aiokpvchi mvt, tush-tolit, yummak ash o ipeta tok.

31. Mihma nishkin vt i fatumvt okla cha, yummak ash ithanvt okla tok; yohmi ma yummak ash ot i holhponayo ha ai i kvninihya tok.

32. Mihma, Ilvppvt takla ya a pim anumpuli, micha Holisso Holitopa aiena ka achukmalit a pim otvninchi ma, pi chukvsh vt libisha tuk keyu? it im achi tok.

33. Mihmvt hvshi kanvlli vlhpisa mih-makinli ho wakaya cha, falamvt Chelusalem a it vlachi mvt, auah-achvfa kash ot, micha ai itapeha tuk aiena kvv, itvnaha mvt,

34. Chitokaka yvt falamvt tani pulla mvhli tuk osh, Saimon a i haiaka kvno, achit maya ho ant pisvt okla tok.

35. Mihmvt yummak ash osh hina takla ya nana kvv a kaniohmi tuk, micha yummvt pvska tushalichit ashvt kani-ohmit im otaiyani tuk aiena kash anolit okla tok.

36. Mihma yakohmichit anumpohonli moma ho, Chisvs vt ilap fehna hosh ai iklvna ont hikia cha, Nanaiya kvv hvchimmi hashke; im achi tok.

37. Yohmi kia yummak ash ot komuntvt nukshopa fehna mvt, Shilup o pisa ka, im ahoba tok.

38. Yohmi ma, Na katihmi ho hvchi komunta cho? micha, Na katihmi ho hvchi chukvsh anukaka ya na hvchim anukfila anuktuklo kvv takali cho?

39. Subbak, saiyi aiena ka ho pesa; vno sia hash inli hoke; sa pvsholit ho pesa: shilup vto nipi, micha foni puta aiena asha, vno vt si yvmohmi na hvv sa pisa ka, chohmi keyu hoka, im achi tok.

40. Michi ilvppa yakohmichit anumpuli mvt, ibbak, micha iyi aiena kash i haiakvchi tok.

41. Mihma okla na yukpa kak osh yimmi keyu kisha, micha okokko! aiahni aienvt maya takla ma, yummak ash ot, Ilvppa nan-ilhpak nana kia hvchim asha cho? im achi tok.

42. Mihma nuni vlhpusha tushafa, micha foi-bila aiena hō okla ipeta tok.

43. Mihma ishi cha, okla itikba ya ai vpa tok.

44. Mihmvt, Nan okluha kv̄t isht a si annovt Moses, micha hopaii vhleha aiena i holisso, mikmvt atalōa holitopa aiena ka ai o holisso tok vt ont aiahli pulla ch̄i mak o, hvchi takla anta li moma kv̄t anumpa ilvppa puta ka isht hvchim anumpuli li tok oke, im achi tok.

45. Mihmvt Holisso Holitopa ya ithaiyana ch̄i ka, im anukfila nan-isht akostinichi a in tiwi tok.

46. Mihmvt, Klaist vt yakohmi hosh i palvmm̄it, illi tuk osh, anonti nitak ont atuchinakma illi tuk vt tana hi a, isht ai vlhpiesa tok.

47. Micha ile kostinicha he, mikmvt ai ashvchika puta isht a kashofa he aiena kv̄t yv̄mma hohchifo hō isht anumpa kv̄t, v̄mmona ka Chelusalem ak o ai isht ia hosh, oklushi moma isht im anumpa hi oke, achi hosh yakohmit holihiso hoke.

48. Yohmi hō hvchishno ak osh na yakohmi puta ka ai-atokowvt anoli hvchia mak oke.

49. Yohmi ka yakeh! Aki vt nana ka hvch ima hi vt miha tok mak o, hvchishno a hvchi o kaiyanchi lishke: yohmi kia Chelusalem tv̄maha hak o hvsh aiashvt, nana aiahli vba minti kv̄t ont hvchi anukfoyuka kak mak ashke, im achi tok.

50. Yvmohmi tuk osh yv̄mmak ash pehlichit kohchvt ivt Betani yokvno isht ona tok: mihmvt ilap ibbak ash vba pit weli cha, yv̄mmak ash holitoblit aiokpv̄chi tok.

51. Atuk o yakohmi tok: yv̄mmak ash holitoblit aiokpv̄chi ai itin takla mvt, ai i filvmm̄it vba pilla pit a kv̄nia tok.

52. Mihma yv̄mmak ash okla pit holitoblichit aiokpv̄chi cha, na-yukpa fehna hosh falamvt Chelusalem a ai vla tok.

53. Yohmi mvt Chihowa ya in talovt holitoblichit pit aiokpahanchit tempel anukaka ya aiasha beka tok. Amen.

UBANUMPA CHAN

VT HOLISSOCHI TOK.

CHAPTA I.

Anumpa achi Chisvs Klaist yummak osh vmona fehna ka Chihowa ha iba chvfa, 1; 6 Nan-tohwikeli ai ahli kv̄t achvfa illa ilvppak atuk a atokowa anola chi mak osh Chan vt aya hatok. 15 Chan vt Klaist a nan vltokowa isht ai anoli. 35 Chan nan im ai ithvna yatuk vt tuklot Chisvs a apeha toba; yummak atuk vt achvft An-tili ak osh itibapishi Pita ya ilauelet Chisvs a isht im ona.

1. UMMONA ka Anumpa hv̄t ahanta mv̄t, Anumpa hv̄t Chihowa ya ai iba chvfa tok: mihmv̄t Anumpa hash ot Chihowa ya tok.

2. Yummak inli hosh vmona ka Chihowa ya ai iba chvfa tok.

3. Yummak atuk mak o nan okluha kv̄t toba tok; yohmi ka nana kv̄t toba tok vt yummak o keyu hokvno ik tobo ki tok.

4. Yummak oka isht ai okchaya yvt a sha tok: yohmi ka isht ai okchaya yummak ash ot hatak puta ka in tohwikeli ya tok.

5. Mihmv̄t tohwikeli hash ot ai okhlilika ya a tohommi; yohmi ka okhlilika yvt yummak ash o ik akostininche ki tok.

6. Hatak Chan hohchifo hosh, Chihowa nana aiahni ho aya tok.

7. Yumma pulla tuk mak o hatak vt momv̄t yimma hi o, yummak ash osh nan atokoli osh Nan-tohwikeli ash atokowa anola chi hosh aya tok.

8. Yummak osh Nan-tohwikeli mih mak a tok keyu; am-

ba Nan-tohwikeli yvmma atokowa anola chi mak osh aya tok.

9. Yakni pakna hatak vt ai vta hoka mominchit in tohwikelichi, yvmmak osh Nan-tohwikeli ahli mak a tok.

10. Yvmmak atuk mak o yakni vt toba tok o, yakni a ai ahanta ma, yakni vt yvmmak ash ik ithano ki tok.

11. Yvmmak okvt ayvt ilap immi vhleha ho im vla ma, immi vhleha hash osh ik i yimmo ki tok.

12. Amba laua kaniohmi hosh ahninchit, ilapo hohchifo ha i yimmi hokvno, Chihowa ushi vhleha toba chi mak o isht ai vhpesa ka ima tok;

13. Issish ak o keyu, mikmut haknip nan ahni keyu, micha hatak osh nan ahni keyu ho, yvmmak okvt toba tok; amba Chihowa yak a tok.

14. Micha Anumpa hash ot nipi yo toba cha, nan isht i kana, micha nana aiahlika aienvt isht alotowa hosh pi takla ahanta tok: yohmi na isht a holitopa ya, Iki a Ushi vt achvfa illa cha ai isht a holitopa chatuk mak o, chiyuhmi ho e pihisa tok.

15. Chan vt yvmmak oka atokowa anoli hosh, chitolit anumpulit, Auet siakaiyvt mihinti kak osh sa tikba ahanta tok mak okvt, yvmmak ash holitopa kv vno a a shahli ho, isht anumpohonli li tuk a ilvppak atuk mak oke, achi tok.

16. Micha yvmmvt isht alotowa hatuk ash e moma kv nan isht i kana yvt ai itvlbitkvchi ho, e pisa tok.

17. Nan-vlhpisa yokvto Moses ak atuk mak o vlhpihisa tok: amba nan isht i kana, micha nan-iahlika aiena hokvto Chisvs Klaist ak o a minti tok.

18. Hatak nana hosh Chihowa ya nitak nan ash o pisa tok keyu: Ushi holitopa achvfa illa Iki shakba ya afoyuka yvmmak atuk okvto yvmmak oka otvninchi tok oke.

19. Mihma yvmmak ash o, Kvta chia hoh cho? achit ont i ponakla chi ka, Chu okla hv na-holitompa isht asha, micha Lefait okla aiena ka Chelusalem a a kohchit pit tihle na Chan vt atokowa anoli tok a ilvppak oke.

20. Yohmi kv yvmmak ash ot atokolit anoli kv, Mih sia

hoke, achi tok keyu; amba atokolit, Uno ak osh Klaist o sia keyu hoke, achi tok.

21. Mihma okla i ponaklot, Mih kvto kvta hak o? Elias ak o chia ho? achi tok: mihma, Mih sia keyu, achi tok. Hopaii mih mak o chia ho? achi ma; afalaminchi mvt, Keyú, achi tok.

22. Mihma, Kvta chia hak o? ish pim anoli na auet pi tihleli tuk vhleha ha anumpa falama ka ont il imashke: chishno akinli kvto, Kvta ho ish ile miha cho? im achi tok.

23. Mihma yvmmak ash ot, Achvfa hosh yakni haiaka yo ai anumpohonlit, Chitokaka ataya hi a oh apissvlichí, ahanchi ho hopaii Esaias vt isht anumpohonli tok mak o mih sia mak oke, achi tok.

24. Mihma okla vlhtokvt ilhkoli tuk ash ot Falisi vhleha ha tok.

25. Atuk osh yvmmak ash o okla i ponaklot, Chishno ak osh Klaist mih mak o chia keyu; Elias a chia keyu; anonti hopaii mih mak o chia keyu hokak osh, nanta katiohmi ho ish baptismochi cho? im achi tok.

26. Chan ash osh yvmmak ash o im afalaminchi mvt, Uno vto oka yo ishit baptismochi lishke; amba achvfa kvv hvchi takla hikia yvmmak okvno hvch ik ithanoshke.

27. Yvmmak osh siakaiyvt minti kvv holiropa kvv a shahli ka, i shulush isht-talakchi a hotofi la he si ahoba keyu mak oke, achi tok.

28. Chatan misha Behlabala yvmmak o Chan vt a baptismochi hosh ahanta hatuk o, ilvppa puta kvv ai yakohmi tok.

29. Atuk o ont onna ma Chan vt, Chisvs vt i minti na pisa mvt, Chihowa in Chukfulhpoba ushi, yvmmak osh yakni im ai-ashvchika isht kanchi a, ho pesá.

30. Hatak vt auet siakaiyvt minti kvv, yvmmak osh sa tikba ahanta tuk osh holiropa kvv a shahli hoke; achi li tuk a ilvppak osh mih mak oke.

31. Yohmi kvv ilvppa ithana li tuk keyu; yohmi kia

ilvppak osh Islael okla hā im otvna chī kak o, vno vt oka ya ishit baptismochit aya li hatuk oke, achi tok.

32. Mihmut Chan vt atokowa anolit, Shilombish okvto pvchi yoshuba yo chiyuhmi hosh vba ya vttvt mintit, yummak ash ant o binili na pisa li tok.

33. Yōhmi ka yummak ash o ak ithano ki tok; yohmi kia oka ishit baptismochi la chī hō, sa tohno tuk yummak osh, Kvna hō Shilombish ak osh aka mintit ant o binili na ish pisa chī ka, mihi yosh Shilombish Holitopa ya ishit baptismocha chī mak oke, im achi tok.

34. Atuk o, Ilvppak osh Chihowa hā Ushi pulla hatuk a pisvt, atokowa anoli li tuk oke, achi tok.

35. Anonti ont onna ma Chan vt ilap, nan im ai ithvna tuklo aienvt hinli tok.

36. Micha Chisvs ash ot nowvt aya na pisa mvt, Chihowa in Chukfulhpoba ushi a ho pesá, im achi tok.

37. Mihma nan im ai ithvna tuklo kash ot, yummak ash ot anumpuli na haklo mvt, Chisvs a iakaiyvt okla tok.

38. Mihma Chisvs ash ot filema cha, iakaiyvt okla kash o pisa mvt, Nanta hō hvsh hoyo cho? im achi ma, Labbai ma yummvt vlhtoshowakmvt, nan-ithvnanchi ma! achi, Katima kō ish ai vta yoh cho? im achi tok.

39. Mihma, Mintit ant ho pesá, im achi tok. Mihma itvlachit kanima ai-vta yatuk a ant pisvt okla mvt, hvshi kanvlli vlpisa ont isht pokoli foka hatuk oka, nitak yummvno apehvt ashwa tok.

40. Tuklot Chan vt anumpuli na haklo cha, yumma iakaiyvt okla tuk ash, achvfa kv Antilu, Saimon Pita itibapishi ha tok.

41. Yummak ash ot na tikba ilapo itibapishi akinli Saimon ak o pisa mvt, Messias ash, yummvt vlhtoshowakmvt, Klaist achi hō il ahayuchishke, im achi tok.

42. Mihma yummak ash o ilaelit Chisvs a im vla tok. Mihma Chisvs vt yummak ash o pisa mvt, Chona ushi Saimon chia hv Sefas, yummvt toshowakmvt, tuli achi hoke, yummak o chi hohchifashke, achi tok.

43. Atuk osh ont onna ka Chisvs vt Kalili a ia h' atuk osh Filip a pisa mvt, Is siakaiyashke, im achi tok.

44. Filip vt Antilu, micha Pita ita-tuklo in tmaha Bet-saita yak o ai vttā ya tok.

45. Filip vt Nahlanael a pisa mvt, Chisvs Nasalet vttā, Chosef ushi, yummak o nan vhpisa ya Moses ot, micha hopaii puta kv̄t isht a holissohonchi tok mak o, e pisvshke, im achi tok.

46. Mihma Nahlanael ash osh, Nana achukma kv̄t Nasalet a ai itolv̄t kohcha hinla hō? im achi ma, Filip ash osh, Minti cha, ant pisá, im achi tok.

47. Chisvs vt Nahlanael vt i minti na pisa mvt, Yakeh! Islael hatak ahli fehna kv̄t nana ilahobi keyu mak oke, achi tok.

48. Mihma Nahlanael ash ot, Katiohmit is sv̄thana cho? im achi ma, Chisvs vt afalaminchi mvt, Filip vt ont ik chi hoyo kisha hō, fik vpi nuta ya ish asha kak o, chi pisa li kamo, im achi tok.

49. Mihma Nahlanael ash ot afalaminchi mvt, Labbai ma! chishno ak osh Chihowa Ushi chivshke; chishno ak osh Islael okla i miko chivshke, im achi tok.

50. Chisvs vt afalaminchi mvt, Fik vpi nuta ya ish asha hō chi pisa li tuk achi li kak o, chi yimmi há cha? nana kv̄t ilvppa i shahli fehna ka ish pisa hi oke, im achi tok.

51. Mihma, Ahlishke, ahli mak o chim achi lishke, Himak a pilla vba vvt tiwa na Chihowa im enchil vhleha hvt Hatak Ushi a auet ai akohowa, anonti vba pit ai ibiya aiena ka, ish pisa hi oke, im achi tok.

CHAPTER II.

Kana ak o nan-itaawayvchi asha hō Chisvs vt oka kapvssa atuk a oka paki ikbi, 1; 12 Chelusalem a ona cha, na chumpa vhleha, micha na kanchi vhleha aiena tempel anykaka aiasha tuk a kocha pit yuhli; 23 yohmi ma Chisvs vt na fehna yvmihinchi hō pisa hatuk mak osh lauv̄t i yimmi.

1. **ATUK** o nitak ont atuchina ma Kalili yakni Kana a nan-itauguayuchi vt asha tok: mihma Chisvs ishki vt yvmma ont anta tok.

2. Mihma Chisvs, micha nan im ai ithvna vhleha aiena kvv nan-itauguayuchi a aya hi a, im annoa tok.

3. Atuk o oka paki vt ont ai ik im ikshot taha ma, Chisvs ishki vt yvmmak ash o, Oka paki vt okla ik im ikshoshke, im achi tok.

4. Chisvs ash ot, Ohoyo ma! vno vt nanta isht a chi aha-laia li cho? hvshi kanvlli vm ai vhpisa hvv ik ai ono kisha hoke.

5. Ishki ash ot nan-isht asha vhleha hash, Nana ho hv-chim achikma, hvsh yvmihchashke, im achi tok.

6. Mihma Chu okla ai yvmohmi yatuk osh isht il ai achifa ya tuk, tvli shuti oka ai-vlbeha hannali kvv, fvk in tuk-lokmá, tuchinakmá nana ai vlhto aiyuka hosh yvmma talohmaya tok.

7. Atuk o Chisvs ash ot, Shuti oka ai-vlbeha ya oka oh alotoli, im achi tok. Mihma yvmmak ash o okla alotolit iti-vlbi vhlchi tok.

8. Mihma, Inta! ho bicheli cha impa pehlichy ya ishit oh im iá, im achi tok. Mihma okla ishit im ia tok.

9. Mihma impa pehlichy ash ot oka oka paki toba tuk ash ishkot pisa cha, kaniohmi hosh toba tuk a ik akostinincho mvv, yohmi kia nan-isht asha vhleha oka ochi tuk okvvc ithana ho, impa pehlichy ash ot himona ohoyo itauwaya ash hoyo tok.

10. Yohmi mvv, Hatak moma kvv vmona ka okapaki achukma ka talohli chatuk; atuk osh hatak vt ishkot fihopak mak o, okpulo yak oh chatuk; amba chishno vto oka paki achukma ya ish il atomba na himak atoshke, im achi tok.

11. Na fehna yvmihchit isht ai vmona kvv ilvppak o Chisvs vt Kalili yakni Kana yak o ai yvmihchit, ilap im a holitopa ya otvminchi tok; mihma nan im ai ithvna vhleha hvv i yimmi tok.

12. Ai yakohmi ha ya, yvmmak ash ot, ishki, micha itibapishi vhleha, mikmvv nan im ai ithvna vhleha aienvt Ka-

penavm a ilhkoli tok; atuk osh nitak kanohmi keyu ho ont maya tok.

13. Mihma Chu okla i nan-ubanvblit ont ia yvt ai ong hosi hatuk o, Chisvs vt Chelusalem a ia tok.

14. Atuk osh tempel anukaka ya wak, chukfulhpoba, micha pvchi vlpoba aiena kanchi vhleha, mihmvt tvi holisso itatoba aiena kvv binohmaya na pisa tok.

15. Mihmvt aseta chipunta yo isht fvma ikbi cha, yvm-mak ash, chukfulhpoba, micha wak puta aiena kash mom-inchit tempel a a kocha weli tok; mihmvt tvi holisso itatoba vhleha in tvi holisso ash aka fohopli mvt, anonti ai-impa tvi holisso ai-itatoba puta kash kinahlichit tok.

16. Mihmvt pvchi yoshuba vlpoba kanchi vhleha hatuk ash o, Ilvppa kanima ishit oh ia cha, Aki in chuka yano nana ai-itatoba chuka hvch ik ikbo kashke, im achi tok.

17. Mihma, Chin chuka i hullo pulla kak osh vm anuk-fila uhvlinchit ai ishit kaiyanchishke, achi hosh holisso ha tok a, nan im ai ithvna vhleha hvv ithaiyana tok.

18. Mihma Chu okla hash ot afalaminchi mvt, Nan isht atokowa nanta ho ish pim otvninchi hosh ilvppa puta ka ish yakohmichi cho? im achi tok.

19. Mihma Chisvs ash ot afalaminchi mvt, Tempel ilvppa oh okpvní; atuk ma nitak tuchinakma falaminchit ikbit hilechi lashke, im achi tok.

20. Yohmi ma Chu okla hash ot, Tempel ilvppvt afvmmi pokoli ushta akocha hannali ho tovt vltaha tok: yohmi ka chishno vto nitak tuchina ho falaminchit ikbit ish hilecha hinla cho? achi tok.

21. Yohmi kia yvmmak okvt ilap haknip tempel ak o isht anumpuli ha tok.

22. Yohmi tok o yvmmak ash ot illi tuk vt falamvt tani ma, ilvppa im achi tok a, nan im ai ithvna vhleha hvv ithaiyana tok; mihmvt Holisso Holitopa, micha Chisvs vt anumpa anumpuli tok aiena ka okla yimmi tok.

23. Ubanvblit ont ia isht ashvt impvt maya nitak o, yvmvvt Chelusalem a anta cha, na-fehna puta ka yvmihinchit na okla pisa mvt, lauvv i yimmi tok.

24. Yohmi kia Chisvs vt hatak moma ka ithana hatuk okvt ik i yimmo ki tok.

25. Micha nana hosh hatak a anukfoyuka ka ithaiyana hoka, kva kia hatak a isht atokolit im anola he vlpesa keyu ki tok.

CHAPTA III.

Chisvs vt Nikotemvs a it im anumpuli; yohmi hosh atuklanchit vta hi oka ai vlpesa hatuk, 1; 14 micha kanihmi kia ilapvt ititaiyuk-hvna a takalit illa hi a ai vlpesa hatuk aiena; 16 mikmvt Chihowa hvv hatak a i hullo ka, 18 micha Chihowa ik im antio vbleha hvv nan i palvma he aiena ka anoli. 22 Chan vt Klaist nan-isht a holitopa ya, micha yvma i yimmi hatuk okvto ai okchaya he.

1. HATAK vt Falisi yosh Nikotemvs hohchifo hosh, Chu okla pehlichy yosh ahanta tok.

2. Atuk osh yvmak ash ot ninak o avt Chisvs a in vla cha, A shahli ma! chishno ak osh nan ithvnanchy yosh Chihowa ak o ish a minti ka il ithanvshke; Chihowa ak osh ik apelachokma, hatak nana hosh na-fehna ilvppa puta ish yvmihinchy ka, yvmihcha he keyu hoka, im achi tok.

3. Chisvs vt afalaminchy mvt, Ahlishke, ahli mak o chim achi lishke, Hatak vt atuklant vta keyukmvt, Chihowa apelhichy ya pisa he keyu hoke, im achi tok.

4. Nikotemvs ash ot, Hatak vt sipoknit taiyaha kvv kati-ohmi kak osh vta hinla ho? atukla ma ishki im oshvto ya pit chukowa cha, vta hinla ho? im achi tok.

5. Chisvs vt afalaminchy mvt, Ahlishke, ahli mak o chim achilishke, Hatak vt oka, micha Shilombish ita-tuklo kak c isht ai vta keyu hokvto, Chihowa apelhichy ya chukowa he keyu hoke.

6. Nipi yo a tovt vta hokvto, nipi yoke; mikma Shilombish o a tovt vta hokvto, shilombish oke.

7. Atuklanchit hvsh vta pullashke, chim achi li tuk a, okokko! chik ahno kashke.

8. Mahli hvv kanima yo pit ai im vlpesakmvt, pit mahlit fokka hokvno ish haklo kia, yvmak o a minti hosh, anonti

yvmmak o ia, ish ai ahni keyu ka, Shilombisli ak o a tovt rttta hokvto yvmmak inli kak o chiyuhmi bano hoke, im achi tok.

9. Nikotemvs ash osh afalaminchi mvt, Katiohmi kak oeh ilvppa puta kvv yvmohma hinla cho? im achi tok.

10. Chisvs vt afalaminchi mvt, Islael okla ha nan-ithv-nanchi chia hokak osh, ilvppa puta ka chik ithano cho?

11. Ahlishke, ahli mak o chim achi lishke, Nana ka il ithana mak osh il anumpuli: mikmvt e pisa tuk mak osh atokolit il anoli hoke; yohmi ka nana atokolit il anoli ka ik hvchi yimmoshke.

12. Nana kvv yakni paknaka asha yo isht a hvchim anoli li ha ya tuk a, ik hvchi yimmo ke tuk vt, anonti nana kvv vba asha ho isht a hvchim anoli li hok mak o, katiohmit hvchi yimma chi cho?

13. Yohmi ka hatak nana hosh vba ya ia tuk keyu; amba vba ya mintit vla tok Hatak Ushi vba ya asha yvmmak ilvshke.

14. Yohmi ka Moses vt sinti a kowi anukaka ya vba takalichi tok a, yvmmak inli chiyuhmit Hatak Ushi vt vba takali pulla hi oke:

15. Yohmi na kvna hosh yvmma i yimmikmvt, ik illo hosh, amba ai-okchayvt bilia yo pisa hi oke.

16. Chihowa yvt yakni a i hullo fehna kvv, kvna hosh yvmma i yimmikmvt ik illo hosh, amba ai okchayvt bilia yo pisa hi o, Ushi achvfa illa holitopa ya auet ima tok.

17. Yakni ak o ilbvshacha chi ho, Chihowa yvt Ushi a auet ima tok keyu hoka; amba yvmmak atuk mak o yakni vt isht ai okchaya hi a tok;

18. Kvna hosh yvmma i yimmi kvvto, isht ai ilbvsha he anumpa hvv onvtula keyu hoke: amba kvna hosh i yimmi keyu hokvto, Chihowa Ushi achvfa illa holitopa hohchifo hatuk a i yimmi keyu kvv, isht ai ilbvsha he anumpa hvv onvtula mashko hoke.

19. Yohmi ka tohwikeli hvv yakni a ant iba chukowa ma, ilap nana a katiohmi ai vlhpesa keyu hatuk okvt, hatak vt ai okhlilika yak osh im ai achukma kvv atobwikinli ka,

im i shahli, ilvppak o isht ai ilbusha he anumpa hvt onvtula hoke

20. Nan ik ai vlhpeso ya a yohmi aiyukali vt atohwikinli ka i nukkillikmvt, anonti ilap nana a kaniohmi yvt otvnit ik hofahyalo ka hinla ka, atohwikinli ka ik ono chatuk oke.

21. Amba kvna hosh nan-ai ghlika yo a yohmi yokvto, ilap nana a kaniohmi yvt Chihowa yak atuk mak o isht a yvmohmi tuk vt otvna chi ka, atohwikinli ka ona chatuk oke, im achi tok.

22. Nana kvv ai yakohmi ha ya, Chisvs vt nan im ai ithvna vhleha ha it apihvt Chutea yakni a ai vla tok; mibma takla yummak o antvt baptismochi tok.

23. Mihma Chan ak kia Salim i bilika Enon yummak o oka vt laua hatuk o, baptismochit ahanta tok: mihma okla hvt ai vlvv baptismo tok.

24. Chan vt aboha kvllo ik fohko kisha ha tok.

25. Yohmi ma Chan nan im ai ithvna vhleha kanimi, micha Chu okla aiena kvv na-baptismo a isht ai it im asilh-hvchit maya tok.

26. Mihmvt Chan a ai im ai vlvv, Nan-ithvnanchi ma! Chatan misha ya a chi awant aya tok yummak o nana ai atokowa isht ish anohonli kash, yummak fehna kvv baptis-mohonchi ho, okla momvt im ai itahohombvshke, im achi tok.

27. Chan ash ot afalaminchi mvt, Uba yak o auct ai ima ho keyukma, hatak vt nana ho ilap inli kvv isha he keyu hoke.

28. Uno vt Klaist mak o sia keyu: amba itikba aya a si vlhtoka hatuk oke; achi li tok a hvchishno fehna akinli kvv ai atokowa ka hvs svm ithanvshke.

29. Ohoyo himona hatak auwaya ka ilauei kak osh, yvm-mvt hatak himona ohoyo itauwaya mak oke: amba himona ohoyo itauwaya i kana hokvto himona ohoyo itauwaya anumpuli pulla kak o hikivt i haponaklot isht a yukpa chinto hoke: yohmi ka na sai yukpa ilvppvt isht aighli mak oke.

30. Yummak okvto isht i shahlit mahaya he vlhpesakma, amba vno vto ak a lauwot mahaya la he vlhpesa hoke.

31. Uba ya a minti yummak okvto moma ka i shahli hoke: yakni yak o a minti hokvto yakni yakinli; mikmvt yakni yak o ai isht anumpuli hoke; vba ya a minti yummak okvto moma ka i shahli hoke.

32. Micha nana ka pisa tuk; mihmvt haklo tuk aiena mak osh yummak ash atokolit anumpuli hoke; yohmi kia nan ai vlhtokowa anohonli ka, hatak nana kia ik yimmoshke.

33. Kuna hosh, yummvt nan ai vlhtokowa anoli ka yimmit aiokpuchi hokvto, Chihowa yvt aiahli ka, aiahlichu hosh yimmi hoke.

34. Chihowa yvt atohno tok a, yummak okvt Chihowa im anumpa ho anumpohonlishke; yummak oka Shilombish vt vlhpisa ho Chihowa yvt ihima keyu hoka.

35. Iki vt Ushi a i hullo kvt nan okluha ka yumma ibbak o fohkishke.

36. Kuna hosh Ushi a i yimmi hokvto ai-okchayvt bilia ya pisa hoke; mikma kuna hosh Ushi a i yimmi keyu hokvto, ai-okchaya ya pisa he keyu; amba Chihowa nan-isht ai i nukkilli yak osh onvtuyula hoke, achi tok.

CHAPTER IV.

Chisvs vt Samalia ohoyo ho ai okchaya oka ak o isht im anumpuh hosh 1, 26 ilap ak osh Klaist mak atuk vt il anoli; 28 mihma ohoyo hash ot falamvt tomaha ha ona cha, yummak atuk a okla ha im anoli; 39 mihma okla hash ot na yimmi. 43 Chisvs vt falamvt Kalili a ona tuk osh Kana ak o anta hosh, hatak holitompa ushi vt abeka hosh Kapenavm ak o itonla ka, pit hlakofichi.

1. CHISUS vt nan ithvna vhleha ikbit baptismochi kv, Chan a i shahlichu ka, Falisi vhleha hv haklot maya ka, Chitokaka yvt akostininchi hatuk osh,

2. Chisvs vt ilap inli kvto baptismochi keyu ho, amba nan im ai ithvna vhleha hak atuk ak o,

3. Chutea yash issvt Kalili yash inli ho anonti ia tok.

4. Yohmi kv Samalia ya pit hlopullit maya he vlhpesa tuk a tok.

5. Atuk osh Chekob vt ushi Chosof a osapa ima tok ta-

laia ka bilika, Samalia yakni tmaha Saika hohchifo ho, vla tok.

6. Yohmi ma Chekob i kvli hvt yvmma hikia tok; yohmi hatuk o Chisus vt nowvt ayvt hoyvbli mvt, hvshi kanlli isht vhpisa ont hannali foka hatuk o, kvli yvmmak ash yakohmit a bininli tok.

7. Atuk o Samalia ohoyo hvt oka ochit aya hosh yvmmak ash o vla ma, Chisus ash ot, Svpeta na ak ishkó, im achi tok.

8. Nan im ai ithvna vhleha hamo ilimpa chumpet tmaha ilhkoli tuk a tok.

9. Yohmi ma Chu okla hvt Samalia okla ha nan ai itim ahalaia keyu chatuk oka, Katiohmi ho Chu chia hokak osh, vno vt Samalia ohoyo sia ha oka is svm asilhha cho? im achi tok.

10. Chisus ash ot afalaminchi mvt, Chihowa i na-hvlbena ha, micha kvna hosh, Svpeta na ak ishkó; chim achi aiena ka ish ithana hatuk okmvt, ilapo ak o ish im asilhha na yvmmak okvt oka okchaya yo chipeta he tuk oke, im achi tok.

11. Mihma ohoyo hash ot, A shahli ma! isht ish ocha hi vt nana kia ik chim iksho ho, anonti kvli hvt hofobishke; yohmi ka katimak o oka okchaya yvmma ish ai ishi hosh?

12. Chishno ak osh piki Chekob vt ilapo inli, micha im vlla vhleha, mikmvt i wak aienvt ai ishko yatuk vt kvli ha pima tok a ish imaiya hotuma! im achi tok.

13. Chisus vt afalaminchi mvt, Kvna hosh oka ilvppa ishko tukmvt, anonti itukshila he;

14. Amba kvna hosh oka ya ipeta la chi yvmmak o ishko hokvto, nitak nana itukshila he keyu; amba vno ak osh oka ya ipeta la chi hokvno, yvmmak atuk ma a foyukvt tobohonli na nitak bilia hi oke im achi tok.

15. Ohoyo hash ot, A shahli ma! oka ilvppa is svpeta na ik svtukshilokmvt, anonti ochit aya kvv ilvppak o ak lc kashke, im achi tok.

16. Chisus ash ot, Ia cha, chi hatak a ont i howut vla, im achi tok.

17. Mihma ohoyo hash ot afalaminchi mut, A hatak vt ikshoshke, achi ma, Chisvs vt, A hatak vt iksho, ish achi kv, vlhpesa ish mihvshke.

18. Hatak vt tahlapi hosh chim aasha tuk osh, anonti himonasi a chim aasha kvto, chi hatak atuk o keyu hoka, yummak okvno aiahli mak osh ish mihvshke, im achi tok.

19. Ohoyo hash ot, A shahli ma! hopaii chia hatuk o chi akostininchi lishke.

20. Pin tikba vhleha hvv nvnih ilvppak o asht Chihowa pit aiokpahanchi tok: a tok ak o hvchishno vto Chelusalem a asht hatak puta kv Chihowa pit aiokpahancha he vlhpesa hatuk a ish mihvshke, im achi tok.

21. Mihma Chisvs ash ot, Ohoyo chia mut is sa yim-mashke; nvnih ilvppa, micha Chelusalem aiena kak kia mavvt Iki a pit hvsh aiokpvcha he keyu ka hi a hvshi kanvlli vlhpisa hvv mihinti hoke.

22. Hvchishno vto yummak o hvsh ahni keyu hosh pit hvsh aiokpvchishke; isht-ai-okchaya hi vt Chu okla immi hoka, pishno vto nana ho pit il aiokpvchi hokvt il ithana hoke.

23. Yohmi kia Chihowa pit aiokpvchi aiahli vhleha hvv shilombish, mikmut aiahli aiena mak o isht aiokpahancha hi a, hvshi kanvlli at vlhpisa hvv mihinti ho, anonti himonasi a vla hoke: yumma chohmi hosh ilapa aiokpvcha he ak o Iki vt hoyo hoka.

24. Chihowa yvt Shilombish oke: yohmi ka kvna hosh yumma pit aiokpvchi hokvt shilombish, mikmut aiahli aiena mak o isht aiokpvchi pullashke, im achi tok.

25. Ohoyo hash ot, Messias, Klaist hohchifo kv, vla hi a ithana lishke, yummvt vla hok mak osh, nana moma ka pim anola hi oke, im achi tok.

26. Chisvs ash osh, Uno vt chim anumpohonli li kak osh mihi yo sia hoke, im achi tok.

27. Mihma nan im ai ithana vhleha hash ot ilvppa atak-lama ma ai vla cha, yummvt ohoyo ha it im anumpuli tuk a, okla anukhlakancha tok: yohmi kv hatak achufa kia, Nanta ho ish hoyo hosh? Katiohmi ho yumma ish it im anumpuli cho? achi kia iksho ki tok.

28. Yohmi ma ohoyo hash ot isht-ochi ash talali cha, ivt tumaha ont chukowa mut, hatak puta kash,

29. Yakeh! hatak vt nana hō a kaniohmi li tok a mominchit vm anoli ka ant ho pesá, ilvppvt Klaist mak o keyu hō? achi tok.

30. Mihma tumaha hash a kohchvt ivt, yummak ash okla im ai ona tok.

31. Yohmi takla ma nan im ai ithvna vbleha hash ot, Pi shahli ma! impá, achit im asilhha tok.

32. Yohmi kia, Ilhpak vpa la chí kv̄t vm aśha yummak oka hvch ik akostininchoshke.

33. Yohmi hatuk o nan-ithvna vbleha hash ot, Ūpa chí ka hatak nana kia isht im vla tuk atuk o? it im achit maya tok.

34. Chisvs ash ot, Auet sa kanchi tok nan ahni kak o a yvmohmi, micha i na-toksvli atahli aiena kak osh vm ilhpak oke.

35. Na-hoyo ai vlhpesa chí ka hvshi ushtvt aśha moma, hvsh achi keyu hō? yakeh! oh vba chakali cha, osapa puta kv̄t himonasi ak kia a hoyá he ai ona kv̄t tohmbi ka ho pesá, hvchim achi lishke.

36. Na-hokchi, micha nan vmo ita-tuklo kv̄t itibai yukpa chí ka, nan vmo yash ot vlhtoba hā ishi hosh ai okchayvt bilia na-waya ya hoyo hoke.

37. Yohmi ka achvfv̄t hokchi okma, anonti achvfa hosh vmo, achi tok a yvmmvt aiahlishke,

38. Hvchishno vt hvsh a toksaiyali tok keyu kv̄t hvsh ai vma chí ka, pit hvchi tihleli li tuk: hatak inla yosh toksvli tuk o, im a toksvli yash pit hvsh chukowa tuk oke, im achi tok.

39. Mihma ohoyo hv̄t nana vlhtokowa ka anolit, Nana hō a kaniohmi li tok a mominchit vm anolishke, achi ka Samalia okla tumaha aśha tuk vt lauv̄t yummak ash isht ai i yimmi tok.

40. Yohmi hatuk osh Samalia okla hv̄t yummak ash im ai vla mut, takla anta hinla ka im asilhha tok; mihma yvma anta na nitak tuklo tok.

41. Mihma ilap fehna akinli im anumpa hatuk o himakma yimmi kv̄t laua tok.

42. Mihmvt ohoyo hash o, Himak ano pi yimmishke, chishno ak osh nan ish anoli kak o keyu; pishno akinli hosh il ai i haponaklo cha, ilvppak osh Klaist, yakni okchalinchi mak atuk pulla ka il akostininchishke, im achi tok.

43. Nitak tuklo ont vbanvpa ma yummak ash kohchvt ia mvt, Kalili a ona tok.

44. Chisvs akinli kv̄t hopaii vt ilap i yakni akinli ka a holitopa hi vt ik im iksho ka, vlhtokowa anoli tok.

45. Micha Kalili ash vla ma, Kalili okla hv̄t yummak kia impa holitopa ya itvnova hatuk osh, impa holitopa isht asha yummvt Chelusalem a nana puta ka a yvmihchi tuk mo minchit pisa tuk okvt, yummak ash o okla aiokpv̄chi tok.

46. Yohmi hatuk o Chisvs ash ot Kalili yakni Kana yvm-mak o oka ya okapaki ai ikbi tok ash ot, anonti ona tok. Mihma hatak holitopa achvfa hosh ushi vt abeka kv̄t Kapenam a itonla tok.

47. Atuk osh, Chisvs vt Chutea ya a kohchvt ayvt Kalili vla ka, haklo mvt, yummak ash im ona cha, ushi vt illa hosi hatuk o, ivt ont hlakoficha hinla ka, im asilhha tok.

48. Yohmi ma Chisvs ash ot, Nan isht atokowa, micha na-fehna aiena ho hv̄sh pisa ho keyukmvt, hv̄chi yimma he keyushke, im achi tok.

49. Mihma hatak holitopa hash osh, A shahli ma! um vlla vt ik inlo takla ish onashke, im achi tok.

50. Mihma Chisvs ash ot, Chiso hv̄t okchaya hoke; ish iashke, im achi tok. Mihma hatak ash ot, Chisvs vt im anumpuli ka anumpa ha yimmi cha, ia tok.

51. Atuk osh ia hosh aya ma, nan isht im asha vhleha hv̄t afama cha, Chiso hv̄t okchayvshke; achit im anoli tok.

52. Mihma hv̄shi kanvlli vlhpisa yvt kaniohmi kak o pit nuktanlv̄t isht ia tuk a im a ponaklo tok. Mihma, Pila-shash hv̄shi kanvlli vlhpisa ont isht untuklo kak o yv̄nha hv̄t shipa tuk, im achi tok.

53. Yohmi ma iki ash ot, Chisvs vt, Chiso hv̄t okchaya hoke, im achi tuk hv̄shi kanvlli vlhpisa vt yummak fehna

akinli tuk a ithana tok ; micha ilapo fehna, mikmut in chuka chufa yvt a momvt yimmi tok.

54. Chisvs vt Chutea ya a kohchvt ayvt Kalili a vlvvt, anonti na-fehna ka ai yimihchi kvv ilvppvt ont atukla ha tok oke.

CHAPTA V

Chisvs vt Chelusalem a ona tuk osh, nitak hullo nitak o Behlesta oka talaiia ho hatak vt abeka tok a afvmmi pokoli tuchina akocha untuchina tuk a a hlakofichi, 1. 10 Chu vhleha hvvt, Chisvs vt nitak hullo yo na hlakofichi hatuk o, vbi bvna ma ; 17 Chisvs ash osh ilapvt Chihowa ya Ushi yatuk okvt yvmmak oka yvmihcha he im ai vlvpesa-hosh yvmihchi tuk vt anoli. 32 Chisvs vt ilapvt Chihowa Ushi pulla hatuk a, Chan vt atokolit anoli ma, 36 atukla ma ilapo inli kvv nana kvv a fehna kia yvmihinchi ka isht otvni ; 39 Baibil vt yvmma atokolit anoli akinli hoke.

1. ILUPPUT ai yakohmi ha ya, Chu okla impa holitopa hvvt a sha tok : mihma Chisvs vt Chelusalem a ia tok.

2. Yohmi ka Chelusalem a chukvvlhpoba a kanchi i bilika yvmmak o ai-yupi vt Heblu hohchifo hosh Behlesta yosh i hoshontika tahlapi hosh talaya hoke.

3. Yakohmi ka hatak iksitopo, ik hoponayo, imomokpulo, nipi vt ikshot kvnia puta aiena kvv laua fehna hosh oka piakvcha chi ka, im aiehchi hosh kahvt maya tok.

4. Enchil vt kaniohmikma ayvt, ai yupi ash oka ont piavlichhi hatuk o ; yohmikma kvna hosh oka vt piakvchikma, tikba pit okvtulakmut, abeka nana ho isht abeka hatuk kia hlakofi beka tok.

5. Yohmi ho hatak achvfa kvv iksitopo ik nowo tok a afvmmi pokoli tuchina akocha untuchina hosh yvmma itonla tok.

6. Yvmmak ash ot itonla na Chisvs vt pisa mut, ai yvmohmi tok vt hopaki fehvvt taha ka ithana hatuk osh, yvmmak ash o, Chi hlakofa hi a ish ahni cho ? im achi tok.

7. Mihma hatak iksitopo ik nowo yash ot afalaminchi mut, A shahli ma ! hatak nana kia oka yvt piakvchikma, ai-yupi a pit si okvcha hi vt ik svv ikshoshke ; yohmi hatuk o maya

li taklakma, inla yosh sa tikba okvtula beka hoke, im achi tok.

8. Chisvs ash ot, Tanit, chi potvlhpo ya ishi cha, nowá, im achi tok.

9. Yohmi ma ashalika fehna hatak ash ot hlakofi cha, i potvlhpo ash ishi mut, nowa tok; mihma nitak yvmma fehna kv̄t nitak hullo ya tok.

10. Yohmi hatuk o Chu okla hv̄t na hlakofi tuk yvmmak ash o, Nitak hullo yoke; chi potvlhpo a isht ish aya he ai vhpesa keyu hoke, im achi tok.

11. Mihma yvmmak ash osh afalaminchi mut, Na sa hlakofichi yvmmak osh, Chi potvlhpo ya ishi cha, nowá, im achi tuk oke, im achi tok.

12. Mihma yvmmut, Hatak nanta hosh, Chi potvlhpo ya ishi cha, nowá, chim achi tuk oh cho? achit okla im asilhv̄chi tok.

13. Yohmi ma okla laua yvt yvmma a sha hatuk o, Chisvs vt lumvt a kv̄nia tuk atuk a, na hlakofi tuk ash ot kv̄na ak atuk a ik ithano ki tok.

14. I himmakma Chisvs vt yvmmak ash o tempel anyuka-ka ya a pisa mut, Yakeh! chi hlakofi hokvt, nan okpulo i shahli kv̄t ik chi onvtulo ka chi kv̄t, himmak mv̄no ik chi yoshubo kashke, im achi tok.

15. Mihma hatak ash at kohchvt ia mut, hlakofichi tuk vt Chisvs ak atuk a, Chu okla ha ont im anoli tok.

16. Yohmi hatuk o Ch-ı okla hash osh, Chisvs vt nitak hullo nitak o yvmma yvmihchi tuk o, yvmmak ash i nukkil-lit vbi bvv̄nt maya tok.

17. Yohmi kia Chisvs vt, Aki vt toksahanli na himak a kak o, vno vt toksuli li hoke.

18. Yohmi ka yvmmut nitak hullo ya kobvffi kak o illa keyu, amba Chihowa yak osh Iki yo mihvt, Chihowa ya ila-pinli kv̄t itilauı ho isht il ilapissa aiena hatuk o, Chu okla hv̄t yvmmak ash vbi bvv̄na kv̄t i shahlichi tok.

19. Mihma Chisvs ash osh afalaminchi mut, Ahlishke, ahli mak o hv̄chim achi lishke; Ushi yvt ilapo inli hokvto nana kaniohma he keyu, amba nana ho Iki vt yvmihchi ho,

pisa tuk mak oh chatuk oke; nana ho yummak osh a yohmik mak o, Ushi yak kia yummak o ai yohmi akinli hoke.

20. Iki vt Ushi a i hullo hatuk osh, ilapvt nana ho a kaniohmi kv̄t mominchit yumma im otv̄n̄inchi chatuk; yohmi kv̄t hv̄chi nukhlakan̄cha ch̄i ka, nana kv̄t iloppa i shahli fehna ka im otv̄n̄incha hi oke.

21. Iki vt illi a tanichit okchalinchi chatuk a, Ushi vt yummak inli ho chohmit kv̄na ho ilap ahni hosh okchalinchi hoke.

22, 23. Iki vt hatak kv̄na kia nana ka im apesa keyu hoka; amba hatak vt momvt Ushi a holitobli kv̄t, Iki a holitobli kak inli hosh ai itilauecha ch̄i ka, nan-vlhpisa he puta ka mominchit Ushi ak o im issa hoke. Kv̄na hosh Ushi yash ik holitoblokv̄t, yumma auet kanchi tuk Iki ash ik holitoblo hoke.

24. Ahlishke, ahli mak o hv̄chim achi lishke; Kv̄na hosh vm anumpa ha haklo cha, auet sa kanchi tok a pit i yimmi hokv̄to, ai-okchayvt bilia ya ahayuchi; mikvt isht ai ilbusha he anumpa hv̄t ik onvtulo ka hi oke: amba ai-illi ha a kohchvt ai-okchaya yo ona hoke.

25. Ahlishke, ahli mak o hv̄chim achi lishke; Illi yvt Chihowa Ushi im anumpa ha hakla he hv̄shi kanv̄lli ai vlhpisa kv̄t mihintit, himonasi ak kia vlushke; yohmi ka haklo hokv̄to, yumvt okchaya he mak oke.

26. Iki vt ilapvt kaniohmit ai-okchaya ya ilap inli il ai ishi hokv̄t, yummak inli ho chohmit Ushi vt ilap inli il ai isha ch̄i ka, im apesa hoke:

27. Micha yummak okvt Hatak Ushi atuk oka, nan apesvt ahanta he isht ai vlhpesa ka im apesa hatuk oke.

28. Hv̄shi kanv̄lli ai vlhpisa kv̄t mihinti yummak okv̄no a-hollopi ya vlbehvt maya kv̄t, momvt yumma im anumpa ha haklo cha, kocha wiha he;

29. Kv̄na hosh ai vlhpisa ho yumohmi tok okv̄to okchaya ch̄i mak osh tana he; anonti kv̄na hosh aivlhpesa keyu ho yumohmi tok okv̄to, nan isht ai i palv̄n̄ma ch̄i mak osh tana hi oka, iloppa hv̄ch ik anukhlakan̄cho kashke.

30. Uno akinli hokv̄to nana ho kaniohmi la he keyu: na-

na ka haklo lik mak osh apesa li; yohmi kv̄t vno vm anuk-fila h̄o hoyo li keyu, amba Aki auet sa kanchi tok im anuk-fila ak oka, nan apesa li kv̄t ai v̄lhpiesa hoke.

31. Ūno akinli hosh nan il atokolit anoli li hokmvno, nan il atokolit anoli li kv̄t ik āhlo hoke.

32. Na si atokowa anoli kv̄t inla hosh āsha kv̄t, yvmmv̄t nan atokowa isht si anoli ka nan v̄lhtokowa aighli mak oka ithana lishke.

33. Chan ā nan ī ponakla chī ka, pit hvsh tihleli ma, yvmmak ash ot aighli ka atokolit anoli tok.

34. Yohmi kia hatak osh nan atokowa anoli h̄o, hoyo li keyu hoke; yohmi kia hvchishno yak osh a hvchi okchaya chī kak o, ilvppa puta ka achi li hoke.

35. Yvmmak okv̄t pula lua yosh shohmalalit tohwikeli ya tok: yohmi ma hvshi kanv̄lli v̄lhpisa achufa kvno in tohwi-kinli ka nan isht il aiyukpa ka hvsh abni tok.

36. Yohmi kia nan atokowa si anoli kv̄t Chan ā ī shabli-chi kv̄t āsha hoke; na toksv̄li atahli la hi o Aki vt vm apesa tok o, na toksv̄li h̄o isht ahanta li ka yvmmak osh, Aki vt auet sa kanchi tok o mv̄hli ka, atokowa si anohonli hoke.

37. Mihma Aki vt auet sa kanchi tok vt, ilapvt ai atokowa ka si anohonli tok. Nitak kaniohmi kash o yvmma im anum-pa ha hvsh im antia tok keyu mv̄t, anonti kaniohmit otaiyani ka hvsh pisa tok keyushke.

38. Mihma im anumpa hv̄t hvchi anukfoka keyu hoke: auet sa kanchi tok ash yvmma hvsh ī yimmi keyu hoke.

39. Holisso Holitopa ya achukmalit asilhhit ho pihisá: yvmmak o ai okchaya yvt a hvchin takali ka hvchim ahoba hatuk okv̄t, micha yvmmak osh ai-atokowa ka si anohonli mak oke.

40. Yohmi ka vm v̄lv̄t ai-okchaya ya hvsh pisa hi vt hvch ik ahno kv̄mohmishke.

41. Hatak o ai m a holitopa hi ano ahni li keyushke.

42. Yohmi kia Chihowa holitobli kv̄t hvchi anukfoka keyu ka, hvch ithana lishke.

43. Ūno vt Aki ī hohchifo h̄o āya li ma, hvch ik si ahnin-

choshke; inla yosh ilap i hohchifo akinli ho aya hokmuno, yummak o hvsh ahnicha hinlvshke.

44. Ilap bika ai it im aholitopa yak o hvsh aiahni cha, Chihowa ak illa ai im a holitopa hi ano hvsh ahni keyu kv, katiohmi kak osh hvchi yimma hinla cho?

45. Anumpa hvchi onochit Aki a im anoli la hinla ka, ik hvchim ahobo kasbke; amba hvsh anukchieto tuk Moses ak osh anumpa hvchi onochi hoke.

46. Moses a hvsh i yimmi tok okmvt, vno a hv sa yimma he tuk oke; yummvt vno ak o isht a sa holissochi tok oka.

47. Amba yummvt holissohonchi tok a ik hvchi yimmo hokmvt, katiohmit vm anumpa hak o hvchi yimma hinla cho? im achi tok.

CHAPTER VI.

Chisvs vt pvska lumbo tahlapi, micha nuni tuklo aiena tuk a hatak tahlepa sipokni tahlapi ka impvchi, 1. 14 Nan-ithvna vhleha ash ot okhvta ilhkoli tuk osh, mahli okpulo itafama; yohmi tuk kia okhvta paknaka ya a nowvt maya hosh Chisvs vt ona. 27 Hatak vt imi shilombish ak o ilhpak im atahli bnnvt maya hi a i miha mvt, 32 ilap ak osh ai okchaya pvska mak atuk vt miha. 65 Laua hosh ik im vlpeso mvt, issvt i filvmmi; 66 Pita yvt auah tuklo nan im anukfila ka anoli hosh, Chisvs vt Chihowa ak o Ushi pulla ka yimmi ka anoli.

1. NANA kv ai yakohmi ha ya, Chisvs ash ot Kalili okhvta, yummvt Tibelias okhvta ho pit tanvbli tok.

2. Mihma abeka puta hatuk a nana ka ai i yvmihchit anta na pisa tuk ak osh okla laua fehvt pit iakaiya tok.

3. Yohmi ma Chisvs vt nvni chaba yo pit oiya cha, yummak o nan im ai ithvna vhleha hash pehlinchit binili tok.

4. Mihma vbanvblit ont-ia Chu okla im impa holitopa yvt ai ona hosi tok.

5. Yohmi ma Chisvs ash ot vba chakalit, okla laua fehna

hosh im ai v_la na pisa mvt, Filip ash o, Katima k_o pvs-ka ya il a chumpa na okla ilvppvt impa ch_i cho? im achi tok.

6. Ilapvt nana a kaniohma hinla hokvto ithana hatuk osh, yvmmak o imomaka pisa hosh ilvppa achi tok.

7. Mihma Filip ash ot afalaminchi mvt, Pvska yvt isk_vli tahlepa tuklo vlhtoba mak osh, momvt iskvtinosi aiyuka h_o isha hinla kia, vlhpesa he keyushke, achi tok.

8. Nan im ai ithvna achvft, Antilu, Saimon Pita itibapishi hash osh,

9. Ulla himita yvt bali palvska tahlapi, micha n_vni chipunta tuklo aiena h_o ishi kv_t ilvppa ashvshke; yohmi mak osh laua fehna hoka, na katihma heto, im achi tok.

10. Mihma Chisvs ash ot, Okla h_a ho binolich_i, achi tok. Yvmma hvshuk vt a_sha fehna tok. Yohmi hatuk o hatak holhtina kv_t tahlepa sipokni tahlapi foka hosh aka binohli tok.

11. Mihma Chisvs vt pvska yash ishi cha, vba pit aiokpuchi mvt, nan im ai ithvna v_hleha h_a ima ma, nan im ai ithvna v_hleha hash ot aka binohli tuk ash ima tok: mihmvt n_vni mvt kaniohmi h_o okla b_vna hinla tuk a yvmmak atuk ash inli h_o okla chohmichi tok.

12. Mihma okla hash ot kaiyvt taha ma, nan im ai ithvna v_hleha hash o, Boshulli vt atampvt a_sha ka oh itahob_i, n_anasi kia ik kv_nio kashke, im achi tok.

13. Yohmi na yvmmak ash ot bali palvska tahlapi ka okla ai v_pa ma im atampa tuk boshulli a_sha ka, aiowvt itahobi mvt, kishi auah tuklo ka okla alotoli tok.

14. Yohmi ma Chisvs vt na-fehna h_o yvmihchi na okla pisa mvt, Ilvppak osh hopaii yakni ilvppa v_la he tuk mak o pulla mvhlishke, achi tok.

15. Yohmi hatuk osh okla mintit it_i halvllit ishit, miko ikba hinla ka, Chisvs vt akostininchi mvt, filvmm_it ilap bieka hosh n_vnih chaha y_o anonti ia tok.

16. Atuk o opivt taha ma, nan im ai ithvna v_hleha hash ot pit okvtahvt okh_vta h_o ona tok.

17. Micha peni ont vlhbeha mvt, Kapenavm imma ia hosh

okhvta hā asht aya tok. Atuk o ont okhlilit taiyaha ka, Chisvs ash ot ik im ayo kisha tok.

18. Mihma mahli chito yosh mahli hatuk o, okhvta hash ot poakahanchi tok.

19. Yohmi hatuk o peni ash okla mofī kv̄t, kowi tuchi-nakmá, keyukmvt ushtakmá, nana foka hō ona mvt, Chisvs vt okhvta paknaka a nohōwa hosh peni ash i bilika ona na okla pisa tok; yohmi mvt okla nukshopa tok.

20. Yohmi kia yummak ash ot, Hvchi nukshopa ná, vno sia hash oke.

21. Mihma okla na yukpa fehv̄t yummak ash o peni ash ik chukowá, okla im ahni tok; atuk o peni ash ot chekosi fehna okla ai ona he tuk ash yakni a ont ataiya tok.

22. Ont onna ma okla okhvta mish tv̄nvp hiohmaya kv̄t, peni inla mvt yumma iksho hō, achvfa yummak illa tuk o nan im ai ithvna vhleha hv̄t vlbeha tuk; yohmi ka Chisvs vt nan im ai ithvna vhleha hā takla peni ont ik chukowo hō, amba nan im ai ithvna vhleha ak bano hosh ilhkoli tuk a, pisa mvt;

23. Yohmi kia Chitokaka yvt pvska vba pit ai isht aiok-pvchi na okla ai impa tuk a pit bilika Tibelias a a minti kv̄t peni inla kanohmi hosh vla tok.

24. Yohmi hatuk a Chisvs, micha nan im ai ithvna vhleha aiena kash ot yummak ash iksho hō okla akostininchi mvt, yummak kia peni inla kanohmi kash vlbeha cha, Chisvs a hoyot, itvnowvt Kapenavm a okla ai vla tok.

25. Mihmvt okhvta hā mish in tv̄nvp o anta na okla ont pisa mvt, Pi shahli ma! katiohmi kash o ilvppa ish la tuk oh cho? im achi tok.

26. Chisvs vt afalaminchi mvt, Ahlishke, ahli mak o hvchim achi lishke; Nana a fehna puta ka yvmihchi li hō hvs sa pisa tuk ak osh hvs sa hoyo kak keyu, amba pvska ya hvsh pvt, hvchi kaiya tuk ak oke.

27. Ilhpak vt okpula hi okvno ahnit hvch ik toksalo kashke; amba ilhpak vt ik taho hosh ai-okchayvt bilia ya ona hinla, yumma Hatak Ushi vt hvch ima he yummak ash

ke: yummak o Iki Chihowa yvt ai atokolit ai im aiahlich hatuk oke, im achi tok.

28. Yohmi ma okla afalaminchi mut, Nanta ak o e kati-ohmi hosh Chihowa i na toksvli ha e toksvla hinla cho? im achi tok.

29. Chisvs vt afalaminchi mut, Auet sa kanchi tok yummak o hvch i yimmi ilvppak osh Chihowa i na toksvli mak oke, im achi tok.

30. Yohmi hatuk o okla hash ot, E pisa cha, e chi yimma chi kvno, na-fehna nanta ho ish yvmihchi ho? nanta hak o isht ish ahanta cho?

31. Pin tikba vhleha hvvt chukushmi foka ya manna yo ai ahampa tok; okla vpa chi ka pvska vba minti ho ipeta tok, achi kvv holisso tok oke, im achi tok.

32. Yohmi ma Chisvs ash ot, Ahlishke, ahli mak o hvchim achi lishke, Pvska vba minti yvmma Moses ak osh hvch ipeta ha tok keyu; yohmi kia Aki ak osh pvska aiahli vba minti ka hvch ipeta hoke.

33. Uba mintit vla cha, yakni a ai-okchaya ihima kak osh, yvmmvt Chihowa i pvska mak oke, im achi tok.

34. Yohmi ma, Chitokaka ma! Pvska ilvppak o ish pipihinta na biliashke, im achi tok.

35. Mihma Chisvs ash ot, Uno ak osh ai-okchaya pvska ya sia mak oke: kvna hosh vno ak o vm vla hokvt nitak nana hohchvfa he keyu; micha kvna hosh vno a a yimmi hokvt nitak nana itukshila he keyu hoke.

36. Yohmi kia hvchishno vto hvs sa pisa kvv ik hvchi yimmo ka, hvchim anoli li tuk oke.

37. Aki vt vma hokvno momvt vm vla hi oke; mikma kvna hosh vm vla hokvno, ik kaniohmi kia falaminchit kocha pit tobli la he keyu hoke.

38. Uba ya mintit vla li kvv, vno akinli nana vm anukfila hosh a yvmohmi la he tok keyu hokvt, amba auet sa kanchi tok nan im anukfila ha he tok.

39. Yohmi kvv auet sa kanchi tok Aki vt vma tok moyuma ka achvfa kia ik sa kvnio hosh, amba nitak ont ishtaiyopikma falaminchit tanichi la he ilvppak o im anukfila hoke.

40. Micha Ushi a pisa cha, yummak ash i yimmi hokvto, momvt ai-okchayvt bilia ya pisa he, ilvppak o auet sa kanchi tok vt aiahni hoke; yohmi ka nitak ont ishtaiyopikma yummak ash o falaminchit tanichi la hi oke.

41. Yummvt, Uno ak osh pvska vba minti tok mak o sia hoke, achi hatuk o, Chu okla hash ot yummak ash o lumasit na-mihachit maya tok.

42. Mihmvt, Ilvppvt Chisvs, Chosef a Ushi yoh chokvsh keyu? mikma iki, micha ishki aiena ka iloh ithana keya ho? yohmi hokak osh katiohmi ho vba mintit vla li tok, achi cho? achi tok.

43. Yohmi hatuk o Chisvs vt afalaminchi mvt, Lumasit nan itiba mihvt hvch ik mayo kashke.

44. Hatak nana kia vm vla he keyv, amba auet sa kanchi tok Aki ak osh halvli hok mak a hi oke: mikma nitak ont ishtaiyopikma falaminchit tanichi la hi oke.

45. Mihmvt momvt Chihowa yak o nan im ai ithvna he, achi kvv hopaii puta i holisso ha a holisso tok. Yohmi hatuk o hatak vt Aki a im a haponaklot, nana ka im ai ithvna aiyuka hokvto, vm ahanla hoke.

46. Hatak nana hosh Aki ak o pisa chatuk o keyu; Chihowa yak o a minti tok ak bano yummvto Aki a pisa chatuk oke.

47. Ahlishke, ahli mak o hvch im achi lishke, Kva kia a yimmi hokvto ai-okchayvt bilia ya pisa hoke.

48. Uno ak osh ai-okchaya pvska sia mak oke.

49. Hvchin tikba vhleha hvv chukushmi foka ya manna ai ahampa tok vt illi tok.

50. Pvska ilvppak o hatak vt ai vpa cha, ik illo ka hi o, vba ya mintit vla tok mak oke.

51. Uno ak osh pvska okchaya vba minti tok a sia mak oke; hatak nana hosh pvska ilvppa vpa hokmvt, okchaya na bilia he; yohmikma pvska ipeta la he, yummvt vno sa nipi yakni vt ai okchaya hi o, isht atobbi la chi kak oke, im achi tok.

52. Yohmi hatuk o Chu okla hash ot, Hatak ilvppvt

katiohmi kak osh ilap nipi ya pipeta na e pa hinla bō? achit itachowvt maya tok.

53. Mihma Chisvs vt, Ahlishke, ahli mak o hvchim achi lishke; Hatak Ushi nipi ya vpvvt, im issish ma hvsh ishko keyu hokmvt, ai okchaya hi vt hvchi anukfoka keyu hoke.

54. Kuna hosh sa nipi a vpa cha, svssish ma ishko hokvto, ai-okchayvt bilia ya pisa hoke; atukma nitak ont ishtaiyopikma falaminchit tanichi la hi oke.

55. Sa nipi vt ilhpak o fehnakma, svssish a ishka hi o fehna hoke.

56. Kuna hosh sa nipi a vpa cha, svssish ma ishko hokvt, vno a a subai achafakma, anonti vno mvt ilapa ai ibachafa li hoke.

57. Aki okchaya yvt vno a auet sa kanchi tok o, Aki ak o vno vt ai okchaya li hatuk a, kuna hosh vno a svpa hokvt, yvmak inli ho chohmit vno ak o si ai okchaya hi oke.

58. Ilvppak osh pvska vba minti tok mak oke; hvchin tikba vhleha hvvt manna ya vpa tuk osh anonti illi tok a a chohmi ho keyu; kuna hosh pvska ilvppa vpa hokvto okchayvt bilia he mak oke, im ahanchi tok.

59. Kapenavm a nan ai ithvnanchit ahanta mak osh sinakak anukaka ya ilvppa puta ka ai ahanchi tok.

60. Yohmi hatuk o nan im ai ithvna vhleha hvvt ilvppa haklot in taha mvt, lawa kvvt, Ilvppvt anumpa kullo fehvshke, kvta hosh haponakla hinla cho? achi tok.

61. Nan im ai ithvna vhleha hvvt yvmma lumasit nan isht a miha ka, Chisvs vt ilapo inlit akostininchi mvt, Ilvppvt hvchi ibetvblichi hoh cho?

62. Yohmi kvto Hatak Ushi vt tikba ma ai vta tok vba ya ia na hvsh pisa hok mvt o?

63. Okchalinchi vt shilombish ak oke; yohmikma nipi vto nana ho isht ai vhpesa keyu hoke; anumpa hvchim anumpuli li yvmak osh shilombish okmvt, anonti isht ai-okchaya yoke.

64. Yohmi ka hvsh katiohmi mvt ik yimmo kvvt hvsh ashvshke, im achi tok. Ummonvt isht auehinchi kak inli ho kuna hak osh ik yimmo ka he, mikma kuna hak osh.

ilapa ishit inla ibbak fohka he aiena ka Chisvs vt ithana tuk a tok.

65. Mihmet, Yohmi hatuk o Aki ak osh anukfohkichi ho keyukma, hatak nana hosh em vla he keyu hoke, hvchim achi li kvno, achi tok.

66. Yvmmak fehna kak o nan im ai ithvna vhleha hv lavt filamovt taha mvt, i himmak ma apehvt ik itvnowo ki tok.

67. Yohmi ma Chisvs ash ot auah-tuklo kash o, Hvchishno ak kia filmmit aya hi a hvchim anukfila cho? im achi tok.

68. Mihma Saimon Pita yvt afalaninchi mvt, Kuta hak o il im ia hinla cho? chishno ak osh ai okchayvt bilia isht anumpa ha ish ieshishke.

69. Micha chishno ak osh Chihowa okchaya Ushi, Klaist mak o chia pulla ka il ithanvt, pi yimmi fehna hoke, im achi tok.

70. Chisvs ash ot, Auah-tuklo ho hvchi atokoli li tok o, hvsh achvfona kv nan-isht-ahullo okpulo yo chia keyu? im achi tok.

71. Yvmmak osh auah-tuklo ka ai iba chvfa yatuk osh, yvmmak ash ishit inla ibbak fohka chi ha tok oka Saimon, ushi Chutas Iskaliet ak o isht anumpuli ha tok oke.

CHAPTA VII.

Chisvs vt luma chohmi hosh gyvt Chelusalem a ona ma, Chu vhleha hv yvmmak ash pisa bvnvt aiasha mvt, nan isht anukfilli kv im ilaiyukvt aiasha, 1. 14 Chisvs vt tempel a ont chukowa cha, nan ithvnanchit ahanta. 37 Hatak vt itukshila hokvto, ilap ak o im ai ovvt nan ishka hi a, ahnit Chisvs vt boyo.

1. NANA kv ai yakohmi ha ya, Chisvs vt Kalili yakni ak o ahanta tok: Chu okla hash osh yvmmak ash vbi ka bvnvt maya hatuk o, Chu i yakni yokvno ahanta he ik ahno ha tok.

2. Mihma Chu okla chishako vhtipo nuta ai impa holi-topa yoh chatuk nitak vt a tikeli tok

3. Yohmi hatuk o i kanomi vhleha hut yummak ash o, Ilvppa issvt ivt, Chutea yakni yak o ish ona na nan chim ai ithvna vhleha hak kia na-fehna puta ish ai yvmihchi ka pisashke.

4. Ilapo vt otvni achukmvt annoa hi a ahni hokvt, hatak vt ai alumaka ho nana ka yvmihchi chatuk vt iksho hoke. Ilvppak oka a chi yvmohmi mvhli chatuk okmvt, yakni a ish il ai im otvnochashke, okla im achi tok.

5. I kanomi vhleha hak kia ik i yimmo hatuk osh.

6. Mihma Chisus ash ot, Uno vt ia la he ai vlhpiesa kvto ik ai ono kisha hoke; amba hvchishno vto hvsh ia hi vt hvchim vlhpiesa bieka hoke.

7. Yakni vt hvchishno yokvno hvchi nukkilli he keyu: amba vno vto yvmma nana a kaniohmi kvt ai vlhpiesa keyu ka atokolit anoli li hatuk o, vno yokvno a nukkilli hoke.

8. Ai-impa holitopa asha ilvppa hvsh iashke; vno yokvto ai vlhpesa kvt ai ona fehna keyu kisha hoka, ai-impa holitopa asha ilvppa himonasi kvno ia la chi keyu hoke, im achi tok.

9. Anumpa ilvppa puta ka im ahanchit in taha mvt, Kalili yakni akinli ho anta tok.

10. Yohmi tuk kia i kanomi vhleha hash ot ivt taha tuk o, ilap ash kia ile haiakvchi fehna keyu, amba luma chohmit gyvt, ai-impa holitopa asha kash ona tok.

11. Yohmi ma Chu okla hut yummak ash ai-impa holitopa asha ka hoyot, Mih mvto katima yak o hikia cho? achi tok.

12. Mihmvt kanimi kvt, Yvmmvt hatak achukma hoke, achi ma, inlaka yokvto, Keyu, amba okla ha haksichi yoke, achi hatuk o yummak ash lumasit isht anumpulit, ilap bika itachowa fehnt maya tok.

13. Yohmi kia Chu okla ha i nukshopa hatuk osh, hatak nana kia haiakvchit yvmma isht anumpuli kvt iksho ki tok.

14. Atuk o ai-impa holitopa asha ka iklvnvt taha foka

ma, Chisus ash ot tempel a pit chukowa cha, nana ithunanchi tok.

15. Mihma Chu okla hv̄t nukhlakancha cha, Hatak ilv̄ppvt katiohmi kak osh ithvna tok keyu kv̄to, holissc h̄a imponna hoh chishba? achi tok.

16. Chisus vt afalaminchi mvt, Nan isht ai ithunanchi li kv̄t vno v̄mmi h̄o keyu, amba auet sa kanchi tok ak o immi hoke.

17. Hatak nana hoshi, yv̄mmvt nana ai ahni tok mak o ahninchit yvmihchi hokmvt, nan-isht-ithunanchi ka Chihoa ak o a minti hokmá, keyukmvt peh vno ahni li hosh anumpuli li hokmá, nana hatuk ma akostininha hi oke.

18. Kvna kia peh ilap ahni hosh anumpuli hokv̄to ilap isht a holitopa he ak o aiahni chatuk; amba auet kanchi tok vt nan-isht a-holitopa he ak o aiahni hokv̄to, yv̄mmak osh aiahli, mikma nana ik ai v̄lhpeso nana kia ai a takali keyu hoke.

19. Moses vt vba-nan-v̄lh̄pisa ya hv̄ch ima tok keyu h̄o? a tok ak o hv̄chi achv̄fona kia vba-nan-v̄lh̄pisa mv̄no hv̄ch ik holitobloshke. Nanta katiohmi h̄o sv̄bi b̄v̄nvt hv̄sh itv̄nowa cho?

20. Okla hash ot afalaminchi mvt, Nan-isht-ahullo okpulo yo il ai eshi chia hoka, kv̄ta hosh chibi b̄v̄nvt itv̄nowa hoh cho? okla achi tok.

21. Chisus vt afalaminchi mvt, Nana achv̄fa h̄o ai yvmihchi li, yv̄mohmi ma momvt okokko! hv̄sh ahnishke.

22. Yohmi ka Moses vt hakshup tv̄pa ka hv̄chim apesa tok. Moses ak osh yv̄mma tikbanlichi tok keyu, amba in tikba v̄hleha ak a tok: a tok kia hv̄chishno vto nitak hullo nitak o hatak hakshup hv̄sh in tahamblishke.

23. Moses i nan-v̄lh̄pisa yut ik kobafō ka ch̄i ka, hatak vt nitak hullo nitak o hakshup in tv̄ptoh̄owa ma, vno vto nitak hullo nitak o hlakofichit kaiyanchi li kak o, hv̄s sa nukkilli cho?

24. Nana kv̄t a katiohmi ahoba kak o isht ik hv̄chim a-

nukfilo kashke; amba nana kv̄t isht v̄lhpisa kv̄t ai-v̄lhpiesa mak ̄ o isht hv̄chim anukfilashke.

25. Mihma Chelusalem ̄ āsha tuk vt kanimi kv̄t, Okla v̄bi b̄v̄nvt maya beka tuk ̄ ilv̄ppak osh mih mak ̄ keyu?

26. Yohmi kia nukwaya iksho hosh anumpohonli ma, nan ok ik im achoshke. Ilv̄ppak osh Klaist fehna mak ̄ mv̄hli kv̄no, hatak pehlichī v̄hleha hv̄t akostininchi hoh chishba?

27. Yohmi kia hatak ilv̄ppv̄to kanima ȳo a minti ka iloh im ithanv̄shke; amba Klaist ak osh v̄la hokma, kanima ȳo a minti ka hatak nana hosh akostinincha he keyu hoke.

28. Mihma Chisvs vt tempel an̄kaka ȳa nana ai ithv̄nan-chi hosh anta tuk ash osh chitolit, V̄no ̄ hv̄s sv̄thana mv̄t, anonti kanima ȳo a minti li tuk ma hv̄sh ithanv̄shke; yohmi ka v̄no akinli ahni li hosh aya li keyu, amba auet sa kanchi tok yv̄mmak osh aiahli mak atuk ̄ yv̄mma chik ithanoshke.

29. Amba v̄no v̄to yv̄mmak ̄ a minti li tuk okvt, yv̄mma ithana li hoke; yv̄mmak osh auet sa kanchi tok mak oke, achi tok.

30. Mihma okla ishi b̄v̄na tok; yohmi kia hv̄shi kanv̄lli isht ai im v̄lhpisa kv̄t ik ai ono k̄isha hatuk oka, hatak nana kia ibbak ̄ ik onochō ki tok.

31. Mihma okla l̄av̄vt yv̄mmak ash·i yimmi mv̄t, Klaist ak osh v̄la hokmv̄to, na-fehna puta ka yv̄mihchi kv̄t, hatak ilv̄ppvt ai yv̄mihchi tuk puta ka i shahlichā hinla h̄o? okla achi tok.

32. Okla hv̄t lumasit yakohmichit yv̄mma isht anumpulit maya ka, Falisi v̄hleha hv̄t haklo tok; micha Falisi v̄hleha, mikmv̄t na-holitompa isht āsha pehlichī v̄hleha aiena kash ot yv̄mmak ash isha chī ka, tishu v̄hleha h̄a pit tihleli tok.

33. Mihma Chisvs ash ot, Chekosi itintakla kak ̄ hv̄chi takla anta li moma chī; atuk mv̄t anonti auet sa kanchi tok ̄ im ia la chī hoke.

34. Hv̄s sa hoyo kia, hv̄ch ik sa peso ka chī; mikmv̄t kanima ȳo ai ahanta likma, yv̄mma hv̄sh ai ona he keyu hoke, im achi tok.

35. Mihma Chu okla hash osh ilapo b̄ika it im achit, Katima k̄o ia chī hokak ̄, keho pesa ka chī hoh chishba?

ita-fimimvut Chentail okla ibvlhkahvt asha hak o im ayvt, Chentail okla ha nan ithvnancha chi ho?

36. Ilvppak osh anumpa nanta mak o, Hvs sa hoyo kia, hvch ik sa peso ka chi; mikmvt kanima yo ai ahanta likma, vumma hvsh ona he keyu hoke, achi tok.

37. Nitak ont ishtaiyopi na holitoblit ai-impa nitak chinto yummak fehna Chisvs vt hikia cha, tahpahanla mvt, Hatak nana hosh itukshila hokmvt, vno ak o vm ai vlvut ik ishkó.

38. Kvna hosh vno a a yimmikma, yummak o, Holisso Holitopa yvt achi hatuk oka, oka okchaya okhina yvt chukush a a yanvllit a kokoncha chi hoke, achi tok.

39. Yohmi kia ilapa i yimmi vhleha hv Shilombish a habena he yummak o isht anumpuli hosh ilvppa miha tok: Chisvs vt ont ik a holitopo kisha hatuk o, Shilombish Holitopa yvt ik ayo kisha ha tok.

40. Yohmi hatuk o anumpa ilvppa haklo mvt, okla hash ot lauvt, Ilvppak osh hopaii mih mak o fehna ho mvhlishke, achi tok.

41. Kanimi mvt, Ilvppak osh Klaist mak oke, achi ma, amba kanimi kvto, Klaist vt Kalili yakni a vttvt a kohchvt aya hinla ho?

42. Klaist vt Lewi Ushi ai isht atiaka ho, micha Behlehem tomaha Lewi vt ai ahanta tok mak o ai vta ahpa hi a, Holisso Holitopa yvt achi hatuk keyu? achi tok.

43. Yohmi hatuk o yummak atuk mak o okla hv isht ai ta kashapvt maya tok.

44. Mihma kanimi kvt yummak ash ishi ka ahni tok; yohmi kia hatak nana hosh ibbak a ik onochó ki tok.

45. Yohmi ma tishu vhleha hash osh na holitompa isht asha pehlichí vhleha, micha Falisi vhleha aiena kash im ai ona tok; mihma yummak ash osh, Nanta katiohmi ho yummak ash isht hvch ik lo cho? im achi tok.

46. Mihma tishu vhleha hash ot, Hatak nana hosh anumpuli kvt hatak ilvppa chohmi chatuk keyushke, achi tok.

47. Mihma Falisi vhleha hash ot afalaminchi mvt, Hvchishno ak kia hvsh i haksi hotuma?

48. Hatak hochitoka, keyukmut Falisi vhleha aiena kv̄t kanimi mut, yv̄mma ī yimmi tuk ō?

49. Yohmi ka nan-vlhpisa kia ithana keyu okla ilvpp̄to nan isht ī palv̄mma he vlhp̄esv̄shke, achi tok.

50. Nikotem̄vs, yv̄mm̄vt ninak ō ayv̄t Chis̄vs ā im ona tok ash ot, yv̄mma ai ibach̄v̄fa hatuk osh,

51. Nan vlhpisa pin tonla kv̄t hatak ā ai ī haponaklot, nana h̄o a kaniohmi hatuk ma ai akostin̄inchi keyu k̄isha kv̄t, nan im apesa chatuk oh cho? im achi tok.

52. Mihma okla afalamin̄chi mut, Chishno ak kia Kalili hatak chia hatuk ō? achukmalit hoyot pisá: hopaii vt Kalili yakni ā ai vt̄vt̄t kohch̄vt aya hi vt iksho hoka, im achi tok.

53. Yohmi ma hatak ash ot mom̄vt in chuka aiyuka ilhkolit taha tok.

CHAPTA VIII.

Falisi vhleha hv̄t, ohoyo hosh̄ havi tob̄vt ahanta na yv̄mm̄ak osh naa im apesa ch̄i h̄o, isht im ona, 1. 12 Chis̄vs vt ilap ak osh yakni in tohwikeli; yohmi ka yv̄mm̄vt im aiāhli ka Iki vt atokolit anoli chatuk aiena ka miha. 80 Chu okla hv̄t Chis̄vs ā ī sanali; yohmi hatuk ō ilap̄vt Eblaham ak okv̄no isht atiaka ho mv̄hli akinli kia, nan ai ash̄chika yokv̄no ī yuka vhleha; micha nan isht ahullo okpulo ā im v̄lla vhleha aiena hatuk ā, Chis̄vs vt im otv̄ninchi.

1. CHISUS vt Alif n̄vn̄ih h̄a ia tok.

2. Atuk osh onna-hinli fehna falam̄vt tempel ash ant chukowa ma, okla mom̄vt im ai itv̄naha tok: mihma aka binilit nan ithv̄nanchi tok.

3. Mihma na-holissochi vhleha, micha Falisi vhleha aiena kv̄t, ohoyo hv̄t lumak̄vt anta tuk ō, isht im ona tok; micha ai iklv̄nna ka okla binilichi mut,

4. Nan-ithv̄nanchi ma! ohoyo ilvpp̄vt lumak̄vt anta, ai yakohmi fehv̄vt haiaka na ishi tuk oke.

5. Yohmi ka Moses vt ilvppa chohmi hokvt tv̄li isht boe hi ō, nan-vlhpisa ya isht a pim apesa tok; yohmi ka chishno v̄to nantuk ish achi cho? im achi tok.

6. Ilap ak o anumpa onocha hi vt ahnit, imomaka pisa hosh ilvppa okla achi tok. Yohmi kia Chisvs ash ot ik i haponaklo ho chohmit, aka pit waiahput, ibbak-ushi a yakni a isht ai o holissochi tok.

7. Yohmi ka okla i ponaklo kash ot a moyuma ma, wakaya mt, Kanima hosh ai ashvchika ik im iksho kvv hvchi takla hikia hokmt, yvmmak osh na tikba tvli ya isht ik boli, im achi tok.

8. Mihmt anonti aka pit waiahput yakni a ai o holissochi tok.

9. Mihma okla haklo tuk ash ot, ilap chukvsh akinli ka nan isht ai il akostininchi mt, holitopa i shahli tuk ak osh tikba achvfa aiyukvt kohchvt ihya mt, ik a lauwo ke tuk vt momvt ont taiyaha tok; mihma Chisvs ak bano hosh hikia ma, ohoyo hash osh ai iklvna ash hikia tok.

10. Chisvs ash ot wakaya mt, inla yvt iksho ho, ohoyo ak bano ho pisa mt, Ohoyo chia ma! anumpa chi onochi vhleha mvto? hatak nana kia anumpa ik chi onochi ke tuk oh cho? im achi tok.

11. Mihma, Hatak nana kia anumpa ik si onochoshke, Chitokaka ma! achi tok. Mihma Chisvs ash ot, Uno ak kia anumpa chi onochi li keyushke, ia cha, himmakma ik chi hakso kashke, im achi tok.

12. Mihmt Chisvs ash ot anonti okla ha im anumpuli mt, Uno ak osh yakni im a tohwikeli sia mak oke; kvna hosh vno a siakaiya hokvt, ai okhlilika yo aya he keyu; amba ai okchaya tohwikeli hvv in takala he mak oke, im achi tok.

13. Yohmi hatuk o Falisi vhleha hash ot, Nan ish ai atokoli kvv chishno akinli hosh ish il ai-anoli hokvt, nan ish ai atokoli ka ahli keyushke, im achi tok.

14. Chisvs ash ot afalaminchi mt Atokoli kvv vno akinli hosh il ai anoli li akinli kia, nan ai atokoli li ka ahli hoke: vno ak okvto kanima yo a minti li tuk: mikmt kanima yo atia la he aiena kvv ithanali hoka; amba hvchishno vto kanima yo a minti li tuk, micha kanima yo atia la he aiena ka hvsh akostinincha he keyushke.

15. Haknip nan isht a kaniohmi chatuk mak o nana hvsh apesvshke; vno vto hatak nana kia nana ak im apesoshke.

16. Yohmi kia nana ka apesa li hokma, nan apesa li ka aiahli hoke; vno ak illa keyu hoka, amba vno vt auet sa kanchi tok Aki a itatuklo li hoke.

17. Hatak tuklo hosh nana atokolit anoli ho aiahla hi a, hvchi nan-vlhpisa yak kia a holihiso hoke.

18. Nan isht a si atokowa anoli kvv vno akinli kak osh mihi yo sia hokma, anonti auet sa kanchi tok Aki ak osh nana atokowa ka si anoli hoke.

19. Yohmi ma Katima ko Chiki vto asha hosh? okla im achi tok. Chisvs vt afalaminchi mvv, Uno, mikmvv Aki ita tuklo li ka hvch ik pithanoshke; vno a hvv svthana hatuk okmvv, Aki ma hvsh ithana he tuk akinli hoke, im achi tok.

20. Anumpa ilvppa Chisvs vt tempel anukaka ya nana ai ithvnanchi hosh ahanvvv, tvli holisso abohli yo hikia hosh anumpuli tok: hvshi kanvlli isht ai im vlhpisa kvv ik ai ono kisha hatuk o, hatak nana kia ibbak a ik onochoki tok.

21. Anonti Chisvs ash ot, Kanima ia likma, hvv sa hoyo kia, nan ai-ashvchika puta kak o isht hvchi ai illa hi oke: kanima yo ai ona li ka, hvchishno vto hvsh ona he keyu, im achi tok.

22. Yohmi ma Chu okla hash ot, Kanima yo ai ona li ka, hvchishno vto hvsh ona he keyu, achi kvv ilap inli kak osh ile ba chi hoh cho? achi tok.

23. Mihma, Hvchishno vto aka yo a minti hvchia hokma, vno vto vba yo a minti li hoke; hvchishno vto yakni ilvppak o ai ibachvfa hvchia hokma, vno vto yakni ilvppa ai ibachvfa sia keyu hoke.

24. Yohmi ka na hvchim ai-ashvchika puta kak o isht hvchi ai illa hi oke, hvchim achi li hokvno; vno ak osh mi mak o sia ka ik hvchi yimmo hokmvv, na hvchim ai-ashvchika puta kak o isht hvchi ai illa hi oka, im achi tok.

25. Mihma, Chishno ak osh kvvta hak o chia ho? okla im

achi tok. Mihma Chisus ash ot, Ummona ka nana hq hvchim anoli li kash mih mak o sia hoke.

26. Nana ka hvchi mihvt, nan isht apesa la hi vt lauvt vm ashvshke. Yohmi kia auet sa kanchi tok yvmmak osh aighli mak oke; mihma vno vt yvmmak o nana ka ai im a haklo li tuk mak osh yakni a isht im anumpuli li hoke.

27. Iki ak o isht im anumpuli hatuk a, okla ik akostinincho ki tok.

28. Mihma Chisus ash ot, Hatak Ushi a vba hvsh takalichi hok mak osh, vno vt mih mak sia hatuk; micha vno akinli vm anukfila hosh nanasi ka ai yvmohmi li keyu; amba Aki ak osh nan svthvnanchi tuk mak o ilvppa puta ka anumpuli li hatuk a hvsh akostinincha hi oke.

29. Michi auet sa kanchi tok vt sa takla aya hoke; Aki vt ilap illvchit sa kanchi tok keyu; nana kvv yvmma yukpali pulla kak o yvmohmi kvv a sa bilia chatuk oke, im achi tok.

30. Anumpa ilvppa puta ka anumpohonli ma, i yimmi kvv laua tok.

31. Yohmi ma Chisus ash ot i yimmi tuk vhleha Chu okla hash o, Um anumpa ha hvsh halvlli kvv hvch ik issokmvt, nan vm ai ithvna ahli fehna hvchia mak a chi hoke.

32. Mikmvt nan-aighli ka hvsh ithana he; mikma nan-aighlika yash ot yuka keyu hvch ikba hi oke, im achi tok.

33. Okla afalaminchi mvt, Eblaham ak o isht atiaka pia, yohmi kvv nitak nan ash o hatak nana kia ai i yuka hosh il anta tok keyu ka, katiohmi hq, Yuka keyu hvchi toba hi oke, ish achi cho? im achi tok.

34. Chisus ash ot afalaminchi mvt, Ahlishke, ahli mak o hvchim achi lishke, Kvna hosh nan ai ashvchika ya ai yohmi hokmvt, nan-ai-ashvchika ya i yuka mak oke.

35. Yohmi ka yuka hokvto chuka ya ai ahantvt bilia chatuk keyu; amb² Ushi yokvto ahanta na bilia chatuk oke.

36. Yohmi hoka Ushi yak osh yuka keyu ka hvch ikbi hokma, yuka keyu ahli mak o hvchia ha hi oke.

37. Eblaham ak o isht atiaka hvchia hokvno hvchim

ithana li; yohmi kia vm anumpa hak osh hvchi chukvsh g ai anukfoyuka keyu kak o, svbi hvchi bunnvshke.

38. Aki a ai iba pisa li tok mak osh vno vt nana ka isht anumpuli li hoke; mihma hvchishno vt hvch iki a hvsh ai iba-pisa tok mak osh a hvchi yvmohmishke, im achi tok.

39. Mihma okla afalaminchi mvt, Eblaham ak osh piki oke; im achi tok. Chisvs ash ot, Eblaham ak o ushi hvchia hatuk okmvt, Eblaham vt nana a kaniohmi tok mak o, hvsh yvmohma he tuk oke.

40. Amba Chihowa ya nana ai im a haponaklo li tuk vt nan ai ahlika mak o hatak hvchim anoli li ka, svbi hvchi bunnvshke; Eblaham vt ilvppa yakohmi tok keyu hoke.

41. Hvch iki vt nana a kaniohmi tok mak o hvsh yvmohmishke, im achi tok. Mihma, Iki, ishki ita tuklo kv ai vlhpesa keyu ho a toba hosh il vta tok keyu: Piki vt achvfa, Chihowa ak oke, im achi tok.

42. Chisvs ash osh, Chihowa ak osh hvch Iki atuk okma, hvs sa hulla he tuk oke; vno vt Chihowa yak o a kohchvt gya li hosh vla li ha tok oka; yohmi kv vno vm anukfila akinli hosh vla li tok keyu; amba yvmmak osh auet sa kanchi tok oke.

43. Nanta katiohmi ho vm anumpa ha hvch ik svm akostinicho cho? vm anumpa ha haponaklo ik hvchi bvnno kak okvt,

44. Setan hvch iki ak o hvsh a toba hatuk osh, hvch iki nana ai-ahni kak o ai yohna hi a hvchim anukfilvshke; yvmmak okvt vmona kash inli ho hatak vbi a tok; micha ilap ak osh nan ai^hli kv anukfoka keyu hatuk osh, nan ai ahlika ya a hikia keyu hoke. Holabit anumpuli kv ai immi ka mak okvt anumpuli hoke; ilap ak osh holabi yokvt, anonti na-holabi iki mak oke.

45. Yohmi hatuk o ai ahlika yo hvchim anoli li hatuk o, hvch ik sa yimmoshke.

46. Hvsh katima kak osh nan ai-ashvchi li tuk a hvs svm atokola hinla cho? Ahli mak o miha li hok mak heno, nanta katiohmi ho hvch ik sa yimmo cho?

47. Kvna kia Chihowa ya immi hokmvt, Chihowa im

anumpa ha haklo hoke; yohmi hoka hvchishno vto Chihowa immi hvchia keyu hokvt hvch ik hakloshke, im achi tok.

48. Mihma Chu okla vhleha hash ot afalaminchi mvt, Chishno vt Samalitan hatak chia hosh, nan-isht-ahullo okpulo a ish il ai eshi hatuk a, e chi achi kvv vhpesa ho e miha keyu cho? im achi tok.

49. Chisus vt afalaminchi mvt, Nan-isht-ahullo okpulo il ai ishi li keyushke: amba Aki a holitobli li hatuk o, hvchishno vto vno a hvch ik sa holitobloshke.

50. Micha vno akinli isht a sa holitopa hi o ahni li keyu; yvmma aiahni cha, nan apihisa kvto achvfa hosh a sha hoke.

51. Ahlishke, ahli mak o hvchim achi lishke; Hatak vt nana mihiha li ka vm antia hokmvt, nitak nana ai-illika ya pisa he keyu hoke, im achi tok.

52. Mihma Chu okla hash ot, Nan-isht-ahullo okpulo a ish il ai eshi hatuk a, himak vno il akostininchishke; Eblaham, mikmvt hopaii vhleha aiena kvv illi tok: yohmi ka hatak vt nana mihiha li ka vm antia hokmvt, nitak nana ai illika ya pisa he keyu, ish achishke.

53. Piki Eblaham illi tok a ish i shaiyahli cho? mihma hopaii vhleha aiena kvv illit taha tok. Chishno ok ash kvta hak o ish il ai apesa hoh cho? im achi tok.

54. Chisus vt afalaminchi mvt, Vno akinli hosh ile holitobli li hokma, na sa holitopa he mak keyu hoke. Hvchin Chihowa hvsh miha tuk Aki yvmmak osh sa holitobli hoke.

55. Yohmi kia hvchishno vto yvmma hvch ik ithanoshke; amba vno vto yvmma ithana lishke; yohmi kvv yvmma ak ithano hoke; achi li hokmvt, holabi hvchishno akinli ho chohmi la chi hoke; yohmi kia yvmmak oka ithana li mvt, nana ahanchi ka holitobli lishke.

56. Hvch iki Eblaham vt ai ahanta li nitak a pisa hi okvt na yukpa tok; atuk osh pisa cha, na yukpa chinto fehna tok, achi tok.

57. Mihma Chu okla hash ot, Sipokri kvv afvmmi pokoli tahlapi ka chik ono kisha hokak osh, Eblaham a ish pisa tok oh cho? im achi tok.

58. Mihma Chisus vt Ahlishke, ahli mak o hvchim achi

lishke, Eblaham vt iksho kisha ma, anta li tok oke, im achi tok.

59. Yohmi ma ishit bola chi kv̄t, tuli a okla aiowa tok yohmi kia Chisvs ash ot lumvt okla a iklv̄nnaka ya hlopul-lit ayvt tempei a a kohchvt ont ia tok.

CHAPTA IX.

Hatak vt lva yosh v̄tta tok a, Chisvs vt hoponayochi, 1: 13 hatak ash ō ilauct Falisi v̄hleha ha isht im ona ma, Falisi v̄hleha hash ot hatak ash sinakak a a kohchichi. 35 Chisvs vt ilap ak osh Chihowa ha Ushi mak atuk vt hatak yv̄mmak ash im il otv̄nichi ma, hatak ash ot ī yimmi cha, aiokpv̄chi.

1. MICHA Chisvs vt ont ia cha aya mvt, hatak vt lva imoma yosh v̄tta tok osh āsha na pisa tok.

2. Mihma nan im ai ithvna v̄hleha hv̄t, Pi shahli ma! hatak ilvppak okmá, keyukmvt īki, ishki itatuklo ka a kati-ma kak osh nan ashv̄chi tok ō, hatak ilvppvt lva imoma yosh v̄tta tok oh cho? achit ī ponaklo tok.

3. Chisvs ash ot afalaminchi mvt, Hatak ilvppak okmá, keyukmvt īki, ishki ita-tuklo ka a kanima kak osh nana ashv̄chi tok ō keyu hoke; amba Chihowa nan-isht im ai āhlika yvt ilvppak ō isht ai otv̄na he mak ō, ai yakohmi tok oke.

4. In toksvli la he mak ō auct sa kanchi tok oka nitaki moma kak ō isht im ahanta li pullashke; ninak vt vla ha yokm̄vno, hatak nana kia pilesa he keyushke.

5. Yakni a ai ahanta li takla hokv̄to, yakni a in tohwikeli sia hoke, im achi tok.

6. Ilvppa mak achit ont issa mvt, yakni a on tofut, lukfi a itukchi ishit yv̄m̄slit tahli mvt, hatak lva nishkin a lukfi ash ō isht im apolusli tok.

7. Mihmvt, Oka talaia Siloam, yv̄mmvt toshowakmvt, Pila, achi ho ia cha, ont okamí, im achi tok. Yohmi ma ia cha ont okami mvt, pisa hosh vla tok.

8. Yohmi hatuk ō chuka panta hatak v̄hleha, micha yv̄m̄mvt lva yō tikba ka pisa beka tuk v̄hleha yv̄mmak ash ot, Ilvppvt āshvt nana asih̄hla chokv̄sh mak ō keyu? achi ma,

9 Kanimi kv̄t, Il̄pp̄t mihi yoka, achi ma, inla m̄v̄t, Peh holba hoka, achi tok : yohmi kia ilap v̄to, Mihi yō sia hoke, achi tok.

10. Yohmi hatuk ̄, Katiohmi hosh chi nishkin v̄to fatuma tuk oh cho? im achi tok.

11. Mihma afalaminchi m̄v̄t, Hatak Chisvs hohchifo kak osh lukfi ̄ ymv̄slit, sa nishkin ̄ isht v̄m apolusli cha, Oka talaia Siloam ̄ ia cha, ont okamī, v̄m achi ma, iv̄t ont akami li hosh, hoponayo li tuk oke, achi tok.

12. Mihma, Atuk osh mih m̄v̄to? okla im achi ma, Ak akostininchoshke, achi tok.

13. Mihma l̄pa yō beka tuk yvm̄mak ash ̄ ilaunlit Falisi v̄hleha h̄ isht im ona tok.

14. Yohmi ka nitak hullo nitak ̄ Chisvs vt lukfi ̄ ymv̄sli cha, nishkin a i fatummi tuk a tok.

15. Yohmi hatuk ̄ anonti Falisi v̄hleha hv̄t kaniohmit hopanayo tuk ̄, im asilhhv̄chi akinli tok. Lukfi ymv̄ska yō sa nishkin ̄ isht a lapohlechi na okami li tuk osh, hoponayo lishke, im achi tok.

16. Yohmi hatuk ̄ Falisi v̄hleha kanimi kv̄t, Hatak yvm̄m̄v̄t nitak hullo nitak ̄ holitobli keyu hokv̄t, Chihowa ak ̄ a minti keyushke, achi tok. Inlaka yokv̄to, Hatak vt nan ashv̄chi atuk vt katiohmi hosh na-fehna puta yakohmi ka yvm̄ihcha hinla cho? achi tok : yohmi m̄v̄t ilap b̄ika okla ai ita kashapv̄t m̄aya tok.

17. Hatak l̄pa yatuk ash ̄ anonti, Chishno v̄to chi nishkin ̄ chi fatummi tuk ̄, yvm̄mak oka nanta isht ish achi cho? okla im achi ma, Yvm̄mak ash ot hopaii yoke, achi tok.

18. Yohmi kia Chu okla hash ot hoponayo tuk ash iki, ishki ita tuklo ka hoyot ik im asilhhacho k̄isha kv̄t, yvm̄m̄v̄t l̄pa yatuk osh hoponayo tuk ̄, ik yimmo ki tok.

19. Atuk osh yvm̄mak ash ̄ okla i ponaklot, Il̄pp̄t hv̄ch iso l̄pa yosh v̄tta tok hv̄sh achi chokv̄sh oh cho? Yohmi hokak osh katiohmi h̄ himak ano hoponayo cho? okla achi tok.

20. Iki, ishki ita-tuklo kash ot afalaminchi m̄v̄t, Il̄pp̄t piso, micha l̄pa yosh v̄tta tok okv̄no il ithanv̄shke.

21. Amba nana hosh kaniohmi h̄ himak ano p̄isa kv̄no.

kil akostininchoshke ; mikmut kuna hosh nishkin a i fatummi tuk aiena kvno, kil ithanoshke ; vlla keyu hoka, ilap ak o hvsh i ponaklokma, ilap inli hosh isht il ai anumpula hinla hoke, achit okla tok.

22. Hatak nana hosh, yummvt Klaist oke, achi hokmut, sinakak a a kohcha hi o, Chu okia hvv ai it ibachvvt taha mashko hatuk o, iki, ishki itatuklo kvv Chu okla hak o i nukshopa hatuk osh, anumpa ilvppa achit okla tok.

23. Yohmi hatuk osh iki, ishki itatuklo kash ot, Ulla keyu hoka, ilap ak o oh i ponaklo, achit okla tok.

24. Yohmi ma atukla ma hatak lva yatuk ash o okla hoyo mvv, Chihowa yak o pit holitoblichí, hatak ilvppak okvto nan ashvchi a il im ithana hoke, im achi tok.

25. Mihma afalaminchi mvv, Yvmmak okv nana ashvchi yokmá, keyukmá, nana hokvno ak im ithanoshke ; nana achvfa kvno ithana li ; yohmi kvv lva sia ha tuk kia, himak ano hoponayo li kak oke.

26. Mihma anonti, Nanta ho a chi katimichi tuk o ? Katimihchi hosh chi nishkin a fatummi tuk oh cho ? okla im achi tok.

27. Mihma im afalaminchi mvv, Hvchim anolit taiyahli li kia, hvch ik haponaklo ke tuk vt, nanta katiohmi ho atuklanhit haklo ka hvsh ahni cho ? hvchishno ak kia nan im ai ithvna toba hvchi bvna ho ? achi tok.

28. Yohmi ma okla ishtukhlakavv, Chishno ak osh yvma nan im ai ithvna chia hoke ; amba pishno vto Moses ak o nan im ai ithvna pia hoke.

29. Moses ak okvno Chihowa yv im anumpuli beka tok a il ithana ; amba ilvppak okvto kanima yo a minti ma, il ai im ithana keyushke, okla im achi tok.

30. Mihma hatak ash osh afalaminchi mvv, Yvmmvv kanima yo a minti tuk a hvch ik im akostinincho ho, anonti sa nishkin a a fatummi hoka, ilvppvt na-fehvshke.

31. Mihmvv Chihowa yv nan ashvchi vheha hokvno i haponaklo keyu chatuk ; amba hatak nana hosh Chihowa ya aiokpvchi, micha nan ahni ka im antia aiena yok mak o mibi yo i haponaklo chatuk a iloh ithanvshke

32. Yakni vt toba tok a taiyakla ka lupa imoma yosh vttatok a hatak nana kia nishkin ash i fatummi tok a annoa chatuk keyushke.

33. Hatak ilvppvt Chihowa yak o a minti hatuk keyu hokmvt, nana ho yvmihcha he keyushke, im achi tok.

34. Mihma okla afalaminchi mvt, Nana ai ashvchika bieka mak osh ish vttatok ak naka nan ish pim avvchi hotuma? im achi mvt, a kohchichi tok.

35. Yvmma a kohchichi tuk a, Chisvs vt haklo tok; atuk osh yvmmak ash o pisa mvt, Chihowa Ushi a ish i yimmi cho? im achi tok.

36. Afalaminchi mvt, Chitokaka ma! i yimmi la hinla yvmmak osh kvta ho? achi tok.

37. Mihma Chisvs ash osh, Yvmmak oka ish pisa tuk o, anonti mihi yosh chit im anumpohonli hoke, im achi tok.

38. Mihma, Chitokaka ma! sai yimmishke, achi mvt, yvmmak ash aiokpvchi tok.

39. Ik hoponayo atuk vt hoponayo yokma, anonti hoponayo tuk vt lupa yo toba he, yakohmit nan isht im vlhpisa hi o, yakni ilvppa aya li hatuk oke.

40. Mihma Falisi vhleha kanimi kvv yvmma apela tuk ash ot anumpa ilvppa puta ka haklo mvt, Pishno ak kia lupa pia hoh cho? im achi tok.

41. Chisvs ash ot, Lupa hvchia hatuk okmvt, nan ai ashvchika vvt ik hvchim iksho ka he tuk; amba, E hoponayo, himak a hvsh achi; yohmi hokvt hvchim ai ashvchika vvt takanli moma hoke, im achi tok.

CHAPTA X.

Chisvs ak osh okhissa, mikmvt yvmmak osh chukvvlhpoba apesvchi achukma yatuk osh chukvvlhpoba ya vltobvt illi, 1. 19 Okla hvv Chisvs a nan isht ai im anukfila kvv ilaiyuka, 24 Chisvs vt Chihowa hak o a minti tuk a ilap nana ai isht ahanta kak inli hosh otrvinchi ka im anoli; 39 Chu okla hvv vbi bonna kia im a hlakofit kocha. 40 Chisvs vt ia mvt Chatan misha tvnvp o ona ma, okla lana hosh i yimmi.

1. **AHLISHKE**, ahli mak o hvchim achi lishke, Kona hosh chukfulhpoba i holihta okhissa yak o ik a chukowo hosh, amba naksika kanima yo pit oiyvt o walvbli hokvto, yummvt hukopa, mikmvt na wehpuli mak oke.

2. Amba okhissa yak o pit a chukowa hokvto, yummak osh chukfulhpoba ya apesvchi mak oke.

3. Yummak o okhissa apesvchi atuk vt in tiwikma, itih ola ka, chukfulhpoba yvt ithana; yohmi hatuk oka in chukfulhpoba atuk ash hohchifo aiyuka hochifot pehlichit koheha chatuk.

4. Atuk osh in chukfulhpoba yash kocha welit tahlikmvt, tikba im iakma, itih ola ka, ithana hatuk okvt, chukfulhpoba yash ot apehvt ia chatuk.

5. Yohmi kia inla itih ola hokvno ik ithano hatuk osh, apihvt ia he keyu hosh, amba i filvmmmit yihlepa chatuk oke, im achi tok.

6. Nan-isht-vlhpisa ilvppak o Chisvs vt okla ha isht im anumpuli tok: yohmi kia nana ho yummvt isht ai im anumpuli hatuk a, okla ik akostinincho ki tok.

7. Yohmi hatuk o Chisvs ash-ot atuklanchit, Ahlishke, ahli mak o hvchim achi lishke, Uno ak osh chukfulhpoba im okhissa sia hoke.

8. A sa tikba aya tok puta kvto hukopa, mikmvt na wehpuli bano ha tok: yohmi hatuk o chukfulhpoba yvt yummak okvno ik i haponaklo ki tok.

9. Uno ak osh okhissa sia hoke: hatak nana hosh vno ak o si a chukowa hokvto, okchaya he: micha pit chukohqvvt, anonti kohonchvt, ai-impa ya ahayuhoncha hi oke.

10. Na-hukopa yvt hukopa, micha vbi, nan okvni aiena he ak bieka hosh aya chatuk; amba ai okchaya ya okla ahayuchikmvt, anonti laua kvv i shahli fehna ho pisa he mak o, vno vto aya li ha tok.

11. Uno ak osh chukfulhpoba apesvchi achukma sia mak oke; chukfulhpoba apesvchi achukma yvt chukfulhpoba ya ilap im ilhfiopak a a kaiyanchi hoke.

12. Amba peh ilhtohno, chukfulhpoba apesvchi keyu hatuk, micha chukfulhpoba yvt immi atuk keyuk mvto, na-

shoba vt minti na pisakmvt, chukfulhpoba ya issvt chvfa hoke; yohmi ma nashoba yvt yummak ash ant hoklit, chukfulhpoba yash it ai yuhli hoke.

13. Ilhtono hvt peh ilhtohno atuk okvt, chukfulhpoba ya nan isht ik ahno hatuk mak osh chvfa hoke.

14. Uno ak osh chukfulhpoba apesvchi achukma sia hoke; an chukfulhpoba ya ithaiyana li hoke; mikma anonti vmmi hvt vno a svthana hoke.

15. Aki vt svthana ka, vno mvt Aki a ithana li akinli koke; yohmi hosh chukfulhpoba ya isht vltoba ho vm ilhfiopak a aka bohyuli lishke.

16. Yohmi kvv chukfulhpoba inla mvt ilvppa ashaka ai achvfa keyu kvv vm asha hoke: yummakma pehlichit vla likma, vm anumpa ha hakla hi oke: yohmikma aiasha vt achvfakma, anonti chukfulhpoba apesvchi vt achvfa hi oke.

17. Vm ilhfiopak a falaminchit ishi la hinla hosh aka bohyuli li; yohmi hoka Aki vt sa holitobli hoke.

18. Hatak nana hosh vm ishi ho keyu: amba vno akinli ahni li hosh aka bohyuli li hoke. Aka bohyuli la hi vt isht vm ai vlpesakmvt, anonti falaminchit ishi la hi vt isht vm ai vlpesa hoke. Nan-vlhpisa ilvppak o Aki a im a habena li tok, im achi tok.

19. Yohmi hatuk o anonti Chu vhleha hash ot anumpa ilvppa isht ai it a kashapvt maya tok.

20. Yohmi mvt, Nan-isht-ahullo okpulo il ai ishi hatuk osh tasimbo hokvto, nanta katiohmi ho hvsh i haponaklo hosh? achi kvv laua ma,

21. Inlaka yokvto, Ilvppak okvt nan-isht-ahullo okpulo il ai ishi ho im anumpa keyushke. Nan-isht-ahullo okpulo vt lypa nishkin a fatumma hinla ho? achi tok.

22. Hvshtula yo tempel a himonvchit Chitokaka pit im issa impa hosh Chelusalem a asha ho, yohmi tok.

23. Mihma Chisvs vt tempel anukaka Solomon im api-shia nutaka ya hikikja tok.

24. Mihma Chu vhleha hash ot vlvv yummak ash o ant a folubli cha, Ik ai ithano chohmit il aiasha na katiohmi foka

chi ho ish pim ahni cho? Chishno ak osh Klaist chia hok-mvt, achukmalit ish pim anolashke, im achi tok.

25. Mihma Chisus ash ot afalaminchi mvt, Hvchim anoli li ka, ik hvchi yimmo hoke: nana ka Aki hohchifo ho isut a yvmihinchi li kak o, yvmmak osh ai vltokowa ka si anohonlishke.

26. Yohmi kia ik hvchi yimmoshke; yvmmak o hvchim achi li hatuk oka, an chukfulhpoba keyu hvchia hatuk okvt.

27. An chukfulhpoba vto vm anumpa ha haklokma, anonti vno vt ilap ma ithana li ho, a si apeha chatuk.

28. Mikma ai-okchayvt bilia ya yvmma im issa li; yohmi ka nitak nana ilbvshvt illa he keyukma, anonti kvna kia yvmmak ash svbbak a a kohchit isha hi vt iksho hoke.

29. Aki yvmma vma tok vt moma i shahli; yohmi ka kvna kia yvmmak ash Aki ibbak a a kohchit isha hi vt iksho hoke.

30. Uno, Aki itatuklo li kvv il it ibai achvfa hoke, achi tok.

31. Mihma anonti Chu okla hash ot tvli ishit bola chi kvv tvli a okla aiowa tok.

32. Chisus vt afalaminchi mvt, Isht il apelvchi vt Aki a minti pulla na na hochukma lava ka isht a yvmihinchi li hvsh pisa tuk a, na-fehna yvmma puta tuk ash katima kak o tvli a isht hvv sa bola chi mak oh cho? im achi tok.

33. Mihma Chu okla hash ot afalaminchi mvt, Na fehna achukma yvmmak atuk ak o tvli a ishit e chi bola chi mak o keyu; amba ik ahobalot anumpulit, anonti hatak chia hokak osh, Chihowa ish il apesa aiena kak oke, im achi tok.

34. Chisus vt afalaminchi mvt, Chitokaka vhleha hvchia hoke, achi li tok, achi kvv hvchi nan-vlhpisa holisso ha a holihiso keyu cho?

35. Chihowa im anumpa hvv ayvt ai im ahanta yo yvmmak o Chitokaka vhleha hohchifo tok okma, anonti Holisso Holitopa yvt kobafa hi o keyushke:

36. Iki vt na-holitopa ka isht a im atokoli cha, yakni a auet kanchi tok o, Chihowa Ushi sia hoke, achi li tuk ak o, Nan ik ahobalot ish anumpuli, hvsh achi hoh cho?

37. Aki vt nana a kaniohmi ak o ak yvmihcho hck mak o, hvchik sa yimmo kashke.

38. Amba yvmihchi li hokmvno, vno ak okvno hvch ik sa yimmo hoh kia, nana kvv a kaniohmi yvmmak o hvchi yimmi cha, Aki vt auet a si achafakma, anonti vno vt ilap a pit ai achafa li ka, akostininchit hvchi yimmashke, im achi tok.

39. Yohmi hatuk o anonti okla ishi bvna tok: yohmi kia ibbak a im a hlakofi tok.

40. Mihmut anonti ict, Chatan misha Chan vt a baptis-mochi vmona tok yvmmak o ona cha, ahanta tok.

41. Mihma okla lavvt im ai itahoba mut, Chan vto nafehna nana kia yvmihchi tok keyu; yohmi kia Chan vt hatak ilvppa isht anumpohonli tok a, momvt aighli ha tok, achi tok.

42. Yohmi ma yvma ashvt ai i yimmi kvv laua tok.

CHAPTA XI.

Lasalvs vt abeka na in tek vhleha hvv Chisvs a pit im anoli, 1; 17 Chisvs vt Betani a vva, mihmut Lasalvs a falaminchit tanichi. 45 Laua hosh Chisvs a i yimmi kia, kanimi kvv Falisi vhleha hvv ont im anoli; Chisvs vt kohevvt ia mut, tmaha Efihaim ont anta.

1. HATAK achvfa Lasalvs hohchifo, Meli micha itibapishi Mahla itatuklo in tmaha Betani ak o vva yosh abeka tok.

2. Meli yvmmak osh Chitokaka ya pashi ahama isht a hvvmi cha, iyi ma ilap pashi yo isht i kasholichi tok mak o i nakfi yosh Lasalvs vt abeka ha tok.

3. Yohmi hatuk o in tek tuklo kash ot yvmmak ash pit im anolit, Yakeh! Chitokaka ma! ish holitobli chatuk vt abekvshke, achi tok.

4. Mihma ilvppa Chisvs vt haklo mut, Nan abeka ilvppv isht ai illa hi o keyu hoke; amba Chihova vt isht a holitopa na Chihova Ushi vt yvmmak o isht a holitopa chj mak oke, achi tok.

5. Mahla, micha itibapishi, mikmut Lasalvs aiena ka Chisvs vt holitobli tok.

6. Yohmi hatuk osh yummvt abeka tuk a haklo ha yvt, ai vta tuk ash inli ho ahanta na nitak tuklo tok.

7. Atuk osh yumma ont vbanpa ma nan im ai ithvna vhleha hash, Anonti Chutea yakni ya iloh iashke, im achi tok.

8. Mihma nan im ai ithvna vhleha hash ot, Pi shahli ma! Chu okla hv chekosi kash o tvli a ishit chi boli bvna tuk a, anonti yumma ish ia chi ho? im achi tok.

9. Chisvs vt afalaminchi mvt, Nitak achvfa ka hvshi kanvlli vhpisa auah-tuklo chatuk keyu cho? Hatak nana hosh nitak o nowvt aya hokmvt, yakni ilvppa ai in tohwikeli ka pisa hatuk osh ik ibetvblo hoke.

10. Amba hatak vt ninak o nowvt aya hokmvto, tohwikeli kv ik im iksho hatuk osh, ibetvbli hoke, achi tok.

11. Ilvppak o achi tok: yohmi ha yosh i himmak o, Hvpi kana Lasalvs vt nusishke; yohmi kia nusi tuk a ont okchvli la chi mak osh ia li hoke, im achi tok.

12. Yohmi ma nan im ai ithvna vhleha hv, Chitokaka ma! nusi hatuk okmvt, hlakofa chi hoke, achi tok.

13. Yohmi kia yummvt illi kak o Chisvs vt miha ha tok; amba nusit foha kak o miha ka, okla im ahoba tok.

14. Yohmi ma Chisvs vt achukmali fehvvt, Lasalvs vt illi tuk oke.

15. Yohmi ka vno vt yumma ont ak anto ke tuk vt, hvchishno na hvchi yimma chi ka, hvchishno ak atuk mak o sai yukpvshke; yohmi kia yumma iloh im ai onashke, im achi tok.

16. Mihma Tamas, yummvt Titimvs hohchifo hosh yumma nan im ai ithvna ai itilauv vhleha hash, Pishno ak kia iloh ia cha, apihvt hv illashke, im achi tok.

17. Atuk o Chisvs ash ot ona mvt, yummak ash ot hollopi tuk a nitak ushta tuk o, ont akostininchi tok.

18. Betani vt Chelusalem a pit i bilika kovi tuklo foka tok.

19. Mihma i nakfi illi Mahla, micha Meli itatuklo ka hophvla chi hosh Chu okla hv lauv im ai itahoba tok.

20. Atuk o Mahla ash osh, Chisvs vt minti ka, haklo

makinli hosh, ivt ont afama tok ; amba Meli vto aboha any-ka yash gsha moma tok.

21. Mihma Mabla vt Chisvs ash o, Chitokaka ma ! ilvpa ant ish anta tuk okma, a nakfi vt illa hetuk keyushke.

22. Ik yohmi kia himonasi mak o Chihowa ya nana ho ish im asilhha hoka, Chihowa yvt chima hinla ka ithana lishke, im achi tok.

23. Mihma Chisvs vt, chi nakfi vt falamvt tana chi akinli hoke, im achi tok.

24. Mihma Mahla ash ot, Nitak ont ishtaiyopi illi vt falamvt tani yvmmak okvno falamvt tana hi oka, ithana lishke, im achi tok.

25. Chisvs vt, Uno ak osh illi a falaminchit tanichi, mikmvt ai-okchaya aiena ka sia mak oke. Kuna hosh vno ak o a yimmi hokvto, ik illi tuk nana kia, okchaya he mak oke.

26. Micha kuna hosh okchayvt ahanta hosh vno a a yimmi hokvto, nitak nana illa he heyu hoke. Ilvppa chi yimmi cho ? im achi tok.

27. Ahli, Chitokaka ma ! chishno ak osh Chihowa Ushi Klaist yakni ilvppa aya hi a tok mak o chia ka sai yimmishke, im achi tok.

28. Ilvppa yakohmichit miha mvt, ivt itibapishi Meli a lumasit ont i howvt, Nan-ithvnanchi vt vla cha, chi hoyoshke, achi tok.

29. Yvmma haklo makinli hosh, ashalika wakayvt ivt ont afama tok.

30. Chisvs vt tmaha ha ant ik chukowo kisha hosh, Mahla yvt ai afama tuk ash akinli ho hikia ha tok.

31. Mihma Chu okla hvvt apehvt aboha anuka ya mayvt hopohlvli tuk ash ot, Meli vt tushpvt wakayvt kocha ia na okla pisa mvt, Ahollopi yvmmak o ont a yaiya chi hosh ia hoka, achi mvt iakaiya tok.

32. Atuk o Meli ash ot Chisvs a hikia kash ona cha, pisa mvt, iyi ituma ya ont hlipia cha, Chitokaka ma ! ilvppa ant ish anta tuk okma, a nakfi vt illa he tuk keyushke, im achi tok.

33. Yvmmvt yahaya ma, anonti Chu okla yvmma apihvt

ai vta tuk aiena kv̄t yahaya akinli na Chisvs vt pisa hatuk osh, chukvsh anukaka isht a nukhaklo fehnvt ik im vllpieso ki tok.

34. Mihmvt, Katima yak o hvsh bohli tuk oh cho? achi ma, Chitokaka ma! minti cha, ant pisá, okla im achi tok.

35. Chisvs vt nishkin okchi minti tok.

36. Mihma Chu okla hash ot, Yakeh! i holitopa fehna tuk o mvhli, achi tok.

37. Mihma kanimi kv̄t, Lvpa yatuk a hoponayochi tuk vt, hatak ilvppak kia ik illo ka hinla ka, a kanimihcha he tuk keyu chishba? okla achi tok.

38. Yohmi ma Chisvs ash ot anonti chukvsh anukaka isht anukhaklo fehnvt gyvt ahollopi a ona tok. Yakni chiluk o tvli yosh isht vlvkuma ha tok.

39. Chisvs ash osh, Tvli ya ishit ho kanvllichí achi, ma, Mahla illi tuk a in tek ash osh, Chitokaka ma! illi tuk a nitak ushta hokvt himak foka ma shua hoke, im achi tok.

40. Mihma Chisvs vt, Chi yimmi hokmvt, Chihowa isht a holitopaka ya ish pisa hinla hoke, ak chim acho ke tuk oh cho? im achi tok.

41. Mihma illi ai itola tuk ash tvli ya okla ai ishit kanvllichí tok. Mihma Chisvs vt nishkin a pit vba chakalichi mvt, Aki ma! is sa haiyaklo hatuk a yak oke, chim aiahni lishke.

42. Yohmi kv̄t is sa haiyaklo a bilia chatuk a ithaiyana li kvno; yohmi kia okla ilvppa hiohmaya kv̄t, chishno ak osh auet is sa kanchi tok a ai yimma chi kak o, yvmma achi li tuk oke, achi tok.

43. Yakohmichit anumpulit ont in taha mvt, chitoli hosh anumpulit, Lasalvs ma! auet kohchá, achi tok.

44. Mihma ñli atuk ash ot ibbak, iyi aiena ka ahollopi ishit shema yvt isht vlvfowa ho ant kohcha tok; mihma nashuka yano nantapvski yosh isht vlvfoyuka tok. Mihma Chisvs vt, Oh i hotofi na ik iá, im achi tok.

45. Yohmi ma Chu okla Meli a im ai itahoba tuk osh, Chisvs vt nana ka ai yvmihchi na pisa mvt, laua hosh i yimmi tok.

46. Yohmi kia kanimi hokvto falamvt ivt, Falisi vhleha hã im ona cha, nana ka Chisvs vt ai yvmihchi tuk ash okla im anoli tok.

47. Yohmi ma na-holitompa isht a₂sha pehlichi vhleha, micha Falisi vhleha aiena kash ot hatak hochitoka nan apesa vhleha hã itahobi mvt, Hatak ilvppvt na-fehna la₂wa ka yv-mihchi ka, nanta mak o katiohmi hosh iloh aiasha cho?

48. Ilvppa ant ik yohmí, iloh im ahni hokma, hatak mo-ma kv₂t i yimma ch₂i hoke; yohmikma Loman okla hv₂t vla cha, p₂i yakni, micha pim okla talaia aiena kash ai okpvnicha hinla hoke, achi tok.

49. Mihma achvvt Kaiafas hohchifo hosh afvmmi yvm-ma fehna ka na holitompa isht a₂sha pehlichi i shahli a ai ibafohka hatuk osh, Nana ka hvch ik akostinincho kvmo-h-mishke.

50. Mikmvt hatak achvfa hosh okla hã vlhtobvt illi na okla talaia kash ot momvt ik illo ka hi a, a hv₂pim vlhpiesa hatuk a hvch ik anukfilloshke, im achi tok.

51. Yohmi kv₂t ilap nana aiahni hosh ilvppa anumpuli ha tok keyu; amba afvmmi yvmma fehna ka na-holitompa isht a₂sha pehlichi i shahli hosh anta hatuk okvt, Klaist vt okla yvmma vlhtobvt illa he.

52. Yohmi kv₂t okla yvmmak bana hi o keyu; amba Chihowa im vlla vhleha kanima ai it afimimpvt a₂sha tuk aiena ma hoyot a miha chvfa hã ai itahoba he ak o, tikbanli anoli ha tok.

53. Yvmohmi hatuk o nitak yvmma ai vhlit mihinti ka, yvmma vba ch₂i kv₂t nana it im apesvt okla m₂ya beka tok.

54. Yohmi hatuk o Chisvs vt himmakma haiaka fehvvt Chu okla itintakla ya ik a hikikio ki tok; amba yvmmak ash vttvt ia mvt, yakni haiaka pit a bilika tmaha Eflihaim hohchifo hã nan im ai ithvna vhleha hã pehliechit ahanta tok.

55. Atuk o Chu okla nan im vbanvblit ont ia yvt ai onã hosi tok; mihma ilap nan ai il atahlit m₂ya ch₂i kv₂t, nan-vbanvblit ont ia yvt ik ai ono kisha hã yakni yvmma asht Chehusalem a ia kv₂t laua tok.

56. Atuk osh Chisvs ash okla hoyot, tempel anukaka ya hiohmayvt, Impa holitopa asha ka ik lo ka chi hokmá, nana ka hvchim ahoba cho? it im achit maya tok.

57. Na-holitompa isht asha pehlichí vhleha, mikmvt Falisi vhleha aiena kash ot, yummvt kanima yo anta ka hatak nana hosh akostininchi hokmvt, anoli na okla isha hinla kvv anum-pa vhpisa ka bohli tuk a tok oke.

CHAPTER XII.

Meli vt Chisvs iyi ya nan-ahama im ahvmmi ma, yummvt ai vhpere ho yohmi hatuk a Chisvs vt miha, 1. 12 Chisvs vt issuba nashoba yo om binili hosh Chelusalem a ona. 20 Klik kanimi kvv Chisvs a pisa banna: 23 Chisvs vt ilapvt kaniohmit illa he, anoli. 27 Chisvs vt chukvsh anukaka nan isht nukhaklo in chito mvt, vba pit anumpuli; 37 Hatak pehlichí vhleha hvv laua hosh Chisvs a i yimmi: yohmi kia Chisvs a isht anumpuli nukwia.

1. ATUK o nan vbanvblit ont ia isht asha chi ka nitak hannalit takanli moma ho, Chisvs vt Betani ak o Lasalvs vt ai illi tuk o falaminchit tanichi tuk a yummvt yummak o ai vta chatuk o, ona tok.

2. Mihma yummak o opiaka impa yo okla ai im atahli tok; mihma Mahla ak osh nan ai isht im anta ma, amba Lasalvs vto ibai impa hosh maya kak o iba takla asha tok.

3. Yohmi ma Meli vt spiknat nan-ahama holitopa fehna weki achvfa ka ishi cha, Chisvs iyi ya ishit a hvmmi mvt ilap pashi akinli ho iyi yash isht i kasholichi tok: mihma nan ahama balama kvv aboha yash alotowa tok.

4. Mihma nan im ai ithvna vhleha achvfa Saimon ushi Chutas Iskaliot vt yummak oka inla ibbak fohka he mak osh,

5. Nanta katiohmi ho nan ahama ilvppvt iskvli tahlepa tuchina kia isht ik vbi cha, ilbvsha ya ik i holhpelo ke tuk oh cho? achi tok.

6. Ilbvsha yak o i nukhaklo kak osh ilvppa achi tok keyu; amba hvkopa yatuk osh, micha yummak osh shuk-

cha ya işhi hatuk osh, nana kv̄t yv̄mma ai v̄lbeha h̄o shaiyalı̄ yatuk ak a tok.

7. Mihma Chisvs vt, Ant ik yvmihchı̄, ish im aiahnashke, a sa hollopa chı̄ nitak mak a hi ̄o, ilv̄ppa ilatomba hatuk oke.

8. Ilbv̄sha yak okv̄to hv̄chim āsha na bilia chatuk; amba vno ak okv̄to hv̄chim anta lī a bilia he keyushke.

9. Yohmi ma yv̄mma ant anta ka Chu okla hv̄t lauv̄t akostininchi tok: mihmvt Chisvs ak bano kak ̄o keyu, amba Lasalvs, yv̄mmvt illi tuk ̄o, falaminchit tanichi tuk ash it aieninchit pisa chı̄ hosh okla ai v̄la tok.

10. Yohmi kia na-holitompa isht āsha pehlichi vhleha hokv̄to Lasalvs ak kia aieninchit illicha hinla kv̄t, isht it im anumpulit m̄aya tok.

11. Yv̄mmak atuk pulla mak ̄o Chu vhleha laua kv̄t yv̄mma itv̄nowvt, Chisvs ā ai ī yimmi kak a tok.

12. Nitak ont atukla ma okla laua kv̄t ai-imp̄a holitopa yā itv̄nowa tuk vt, Chisvs vt Chelusalem ā v̄la chı̄ hosh minti na okla haklo mvt,

13. P a m vpi naksish ā işhit, kohchvt afamvt okla ia mvt, chitoli hosh, Hosanna, Islael ī miko Chitokaka ī hohchifo h̄o il ai eshi hosh āya hokv̄t holitopa mak oke, okla achi tok.

14, 15. Saion ushetik chia hv̄t chi nukshopa ná, chı̄ miko vt issuba haksobish falaia himita yā on talaia hosh minti hoke, achi hosh holisso hatuk oka, Chisvs ash ot issuba haksobish falaia himita yō pisa mvt, yv̄mmak ash on talaia tok.

16. Ummona kv̄no nan im ai ithv̄na vhleha hv̄t ilv̄ppa ik ai akostinincho ki tok; amba Chisvs vt ont a holitopa ha yak ̄o, nana kv̄t yakohmi hosh yv̄mma isht a holisso tok a, anonti okla hv̄t nana kash ai ī yvmihchi tok aiena ka ithai yana tok.

17. Mihma yv̄mmvt Lasalvs ā ahollopi ai ī howvt kohchit illi tuk ā falaminchit tanichi ka, okla apı̄hv̄t āya tuk ash oab ai v̄lhtokowa ka anohonli tok.

18. Yv̄mmvt na-fehna ilv̄ppa yvmihchi tuk ā okla haklo tuk atuk osh, ilv̄ppak atuk pulla kak ̄o okla mak kia ont afama ha tok.

19. Yohmi ma Falisi vhleha hash ot, Nana hvsh kanihma he keyu kvto hvsh akostinichi cho? yakeh! okla puta hash ot yvmmak o pit a kanvllishke, ilap bika it im achit maya tok.

20. Mihma Klik vhleha kanimi kvv vba pit aiokpvchit ayvt, ai impa holitopa gsha ka ai vla tuk vt takla maya tok.

21. Yohmi hatuk osh yvmmak ash ot Kalili yakni Bet-saita tvmaha a minti tuk, Filip ash im ai ona mvv, Pi shahli ma! Chisvs a pisa pi bvvvvshke, achit i ponaklo tok.

22. Mihma Filip ash osh ivt, Antilu a ont im anoli tok; atuk o anonti Antilu ash osh Filip a ita tuklo cha Chisvs a im anoli tok.

23. Mihma Chisvs vt afalaminchi mvv, Hatak Ushi vt a holitopa he tuk a hvshi kanvlli vlvpisa kvv ai onvshke.

24. Ahlishke, ghli mak o hvchim achi lishke, Onush nihi vt yakni anukaka yo itola cha, illi ho keyukmvv, ilap ash bievvt itonla hoke; amba illi hokmvto, waya fehna chatuk oke.

25. Kvna hosh ilap im ilhfiopak a i hullo fehna hokvto, i kvnia hi oke; amba kvna hosh yakni ilvppa ahanta kvv ilap im ilhfiopak a i nukkilli hokvto, mihma ieshit okchayvt a bilia hi oke.

26. Hatak nana hosh vm antia hokmvv, siakaiyashke; mikmvv kanima yo ai ahanta likma, yvmmak o an tishu hoh kia anta hi oke; hatak nana hosh vm antia hokma, yvmmak o Aki vt holitobla he mak oke.

27. Himak oka sa shilombish vt ik im ai vlvpesoshke: yohmi ka, Aki ma! hvshi kanvlli ai vlvpisa takali ilvppa ai isht is sai i hlakofichashke, achi likma, nanta chi cho? yohmi kia ilvppak a he mak o hvshi kanvlli vlvpisa takali ilvppa im aya li ha tok oke.

28. Chi hoehifo ha ish holitoblichashke, Aki ma! achi tok. Yohma ma vba ya auet ai anumpa kvv, Yvmmak oka holitoblichi li tuk osh, anonti himmakma holitoblichi la chi akinli hoke, achi tok.

29. Yohmi hatuk o okla hvv bilika hiohmaya tuk vt, yvmm-

ma haklo mut, Hilohvshke, achi tok. Mihma kanimi kv̄t, Enchil osh auet im anumpuli hoke, achi tok.

30. Chisvs ash osh afalaminchit, Uno ak atuk mak ̄ anumpa ilv̄pvt auet takali h̄ keyu, amba hvchishno pulla kak oke.

31. Himak okvno yakni vt nana im ai vlhpisa mak oke: himak okvno yakni ilv̄ppa ai i shahli nan im aiyahanchi ash ot issvt kohcha he mak oke.

22. Uno vt yakni a a mokofvt vba takali li hokimvt, hatak moma ka halvllit il a kanvllichī la hi oke, achi tok.

33. Ai-illi kaniohmi h̄ isht illa he ak osh anoli hosh ilv̄pa achi ha tok.

34. Mihma okla hash ot afalaminchi mut, Klaist vt ahanta na bilia h̄ nan-vlhpisa holisso h̄ okla il a haklo chatuk; yohmi ka katiohmi h̄, Hatak Ushi vt vba ya takala hi ̄ ish achi cho? Hatak Ushi ilv̄ppak osh kv̄ta hokak ̄? okla im achi tok.

35. Mihma Chisvs vt Himonasi takla kak ̄ tohwikeli hv̄t hvch in takanli hoke. Tohwikeli hv̄t hvchin takanli takla kak osh hvsh nowashke, yummak keyukma okhlili hv̄t hvchi onvtula hinla hoke. Kv̄na hosh okhlili h̄ nowvt aya hokvto, kanima yo ia kv̄t ithana keyu hoke.

36. A tohwikeli hv̄t hvchin takanli takla kak osh a tohwikinli vlla hvchia ha ch̄i kv̄t, a tohwikeli h̄ hvsh i yim-mashke, im achi tok. Ilv̄ppak ̄ Chisvs vt anumpohonli mut, ai i filv̄mmit kv̄nia cha, ik i haiako ki tok.

37. Na-fehna laua h̄ itikba ya yummak ash ot ai yv̄mihinchī hoh kia, okla ai i yimma he keyu ki tok.

38. Yohmi kv̄t hopaii Esaias vt anumpuli mut, Chitokaka ma! nana il anoli ka kv̄ta hosh p̄i yimmi cho? micha kv̄ta hak ̄ Chihowa i shakba mut i haiaka tuk oh cho? ahanchi tok a ont aiahla ch̄i mak a tok.

39, 40. Anonti Esaias vt i himmakma, Nishkin a isht ik peso, mikmut chukvsh ma ik akostinincho kish, chukvsh himona ik anukfoyuko k̄i, ak hlakoficho ka ch̄i ka, nishkin a im akv̄m̄mi mut, anonti chukvsh ma i kv̄llochishke; achi tok oka, okla yimma he keyu ki tok.

41. Yvmma im isht a holitopa ya pisvt yvmma pit isht anumpuli mak osh Esaias vt ilvppa puta ka achi tok.

42. Yohmi kia nan apesa hochitoka vhleha hv̄t ī yimmi kv̄t laua akinli tok: yohmi kia sinakak ā a kohchicha hinla hatuk ō, Falisi vhleha pulla kak ō yvmmak ash ī yimmi ha tuk vt okla ik otvnincho ki tok.

43. Hatak ai im aholitopa yak ō im achukma kv̄t, Chihoa ai im a holitopa ka im ī shahli hatuk osh.

44. Chisvs vt chitoli hosh, Kvna hosh vno ā ā yimmi kv̄t vno ak ō ā yimmi hō keyu, amba auet sa kanchi tok yvmmak ō ī yimmi mak oke.

45. Micha kvna hosh vno ā sa p̄isa hokmvt, auet sa kanchi tok ma p̄isa mak oke.

46. Kvna hoh kia vno ā ā yimmi hokvt ai-okhlilika yā ik ai ahanto ka ch̄i mak ō, nan-tohwikeli mak osh ayvt yakni ā vla li ha tok oke.

47. Yohmi kia hatak nana hosh vm anumpa h̄a haklo cha, ik yimmo hokma, nan im apesvt ilbvshali la hi ō keyushke; yakni ak ō nan im apesvt ilbvshali la hi osh aya li tok keyu; amba yakni ā okchalinchi la ch̄i ha tok oke.

48. Kvna hosh vno ā sa shitilema cha, vm anumpa h̄a ik ahnincho hokvno, achvfa hosh nan im apesvt ilbvshali kv̄to āsha hoke; anumpa anumpohonli li tuk ash fehna akinli kak osh nitak ai ishtaiyopikma nana im apesvt ilbvshala he mak oke.

49. Vno akinli hosh nana ka ahnit anumpuli li tuk keyu hoka; amba auet sa kanchi tok Aki ak osh nana hō achi la he, mikmvt nana hō anumpuli la he aiena ka nana vm apesa ha tok.

50. Yohmi ka ī nan-vlhpisa vt ai-okchayvt bilia yoka ithaiyana lishke; yohmi hatuk osh nana hō anumpohonli li ka, yvmmvt Aki vt vno ā ā miha tok ā mih mak ō anumpuli li hoke, achi tok.

CHAPTER XIII.

Chisvs vt nan im ai ithvna vhleha hg iyi im achifa, 1. 18 Chisvs vt Chutas ak osh ishit inla im issa chi hatuk a, nana kv̄t isht v̄lhpisa hq isht im atokoli. 31 Chisvs vt ilap nan isht a holitopa hi anoli, mihmvt nan im ai ithvna vhleha hv̄t it i hulla chi ka, i miha mvt, 36 Pita yvt hituchina ha yo ilapa ik ithano miha chi ka, tikbanli im anoli.

1. NAN vbanv̄blit ont ia ai-imp̄a holitopa kv̄t ik ai ono k̄isha hq, Chisvs vt ilapvt yakni ilv̄ppa ai issvt, Iki a im ia chi hv̄shi kanv̄lli v̄lhpisa kv̄t ai ona ka ithaiyana mvt, immi hv̄t yakni paknaka āsha ka i hullo hatuk vt, yv̄mma i hullo kv̄t imomvt ont illi tok.

2. Yohmi ka okhlili ai-imp̄a yvt ont v̄lhtaha yv̄mma fehna ma, yv̄mmak ash ishit inla im issa chi ka Setan vt Saimon ushi, Chutas Iskaliot chukv̄sh a anukfokichi hatuk o;

3. Chisvs vt, Iki vt nana moma ka ilap ak o ibbak a fok̄i tok, micha ilapvt Chihowa hak o a minti ha tok osh, anonti Chihowa hak o im ia chi kv̄t ithaiyana mvt,

4. Okhlili imp̄a āsha tuk vt wakayvt, im anchi ash o naksika pit bohli mvt, tikba takali ishi cha, isht il ai vskofechi tok.

5. Yohmi ha yosh oka ya ampo pit v̄nit ishi cha, nan im ai ithvna vhleha iyi yash achifvt isht ia mvt, tikba takali isht ai il ai vskofanchi tuk ash o ishit isht i kasholichi tok.

6. Atuk osh Saimon Pita yash o ont a hikia tok; mihma Saimon Pita yash ot, Chitokaka ma! saiyi ya ish achifa chi hoh cho? im achi tok.

7. Chisvs vt afalaminchi mvt, Nana ka yvmihchi li ka himonasi kv̄no chik akostininchoshke; yohmi kia himmak o ish akostinincha hi oke, im achi tok.

8. Pita yash ot, Saiyi yak okv̄no nitak nana chik sum achifo kashke, im achi tok. Chisvs vt afalaminchi mvt, Ak chi achifo hokma, is si ahalaia keyu hoke, im achi tok.

9. Saimon Pita yash ot, Chitokaka ma! saiyi ak bano

keyu kashke, amba subbak, micha sa noshkobo pit aieninchi nosh, im achi tok.

10. Chisvs vt, Ulhchifa tuk okvto himmak ma ik vlhchifo hō iyi ak bano kia, momvt kashofa chatuk; yohmi ka hvchishno vt hvchi kashofa akinli kia, hvsh moma keyushke.

11. Kvna hosh ilapa ishit inla ibbak fohka chi hoka ithana, yohmi hatuk osh, Momvt hvchi kashofa keyushke, achi tok.

12. Yohmit iyi ya im achifvt taiyahli mvt, im anchi ash ishi cha, falamvt aka binili mvt, Nana ka hvchi yvmihchi li ka hvsh ithana cho?

13. Uno a, Na pithvnanchi, pin Chitokaka hvs si achi; yohmi ka mih sia hō mvhli hoka, vlhpesa hvsh mihvshke.

14. Yohmi kia vno vt hvchin Chitokaka, micha na hvch ithvnanchi sia hatuk osh, hvch iyi ya hvchim achifa li hatuk okma, hvchishno ak kia hvchishno bika iyi ya hvsh it im achifa he vlhpesa hoke.

15. Uno vt a hvchi yvmihchi li tuk mak o hvsh a chiyuhmicha he mak o, na hvchim abvchi li hatuk oke.

16. Ahlishke, ahli mak o hvchim achi lishke; Tishu hv i shahli hā imaiya chatuk keyu; mikma nan-vlhtoka yosh aya kvn nan-atokoli tuk a imaiya chatuk keyu hoke.

17. Ilvppa puta ka hvsh ithana cha, yvmmak o hvsh yvmihchi hokmvt, na hvchi yukpa mak oke.

18. Moma kak o isht hvchi anumpuli li hō keyushke: kanima kak o vno vt atokoli li tok okvto ithana lishke: yohmi kia Holisso Holitopa yvt, Pvska svbai vpa kash ot iyi kotoba ya isht a sai o wakelishke, achi ha tok a yvmmvt ont ai ahla chi mak oke.

19. Yvmmak ash ot ont ai yvmohmi ha ma, vno ak atuk a hvchi yimma he mak o, ik ai ono kisha hō himak ano hvchim anoli lishke.

20. Ahlishke, ahli mak o hvchim achi lishke, Kvna kia vno ak osh nan tohno li hō aya ka ahninch i hokvt, vno ak o si ahninch i hoke; micha kvna kia, vno a si ahninch i hokmvt, auet sa kanchi tok mak o ahninch i hoke; im achi tok.

21. Chisvs vt yakohmiechit anumpuli mvt, chykuvsh anykaka ai ik im vhpieso mvt, atokolit anolit, Ahlishke, ghli mak o hvchim achi lishke, Hvsh achvfona kvv svshit inla ibbak o hvv sa fohka chi hoke, achi tok.

22. Mihma nan im ai ithvna vhleha hash ot kanima kak o miha hatuk a ik ai akostinincho mvt, filemvt okla iti pisa tok.

23. Yohmi ma nan im ai ithvna vhleha ha achvfa ka Chisvs vt holitobli yatuk o, Chisvs ikkishi ha vtayvt gsha tok.

24. Yohmi tuk o yvmmak ash osh kvna hak o miha hatuk ma a ponakla chi ka, Saimon Pita yvt i yuchunukli tok.

25. Mihma Chisvs ikkishi ha vtayvt gsha hosh, Chitokaka ma! kvta hak o cho? im achi tok.

26. Mihma Chisvs vt afalaminchi mvt, Itih fohka achvfa ka pit okvchit kohchi li kvv, kanima ho pit ima likma, yvmmak osh mih mak a chi hoke, achi tok. Atuk osh itih fohka achvfa ka pit okvchit kohchi mvt, Saimon ushi Chutas Iskaliot ak o ima tok.

27. Mihma itih fohka achvfa ishi ma, Setan vt yvmmak ash ont ekukowa tok. Mihma Chisvs vt, Nana ka ish yv-mohma chi kvv tushpot ish yvmihchashke, im achi tok.

28. Nana ka a kanihoma hi o, ilvppa im achi ka, impot maya tuk vt hatak achvfa kia ik akostinincho ki tok.

29. Chutas ak osh shukcha ya ishi hatuk oka, ai impa holitopa gsha takla ka nana ho pi bvna hinla ka chumpakma, keyukmvt ilbvsha vhleha yak o nanasi kia i hopela hinlakma, nana ho Chisvs vt i miha hatuk a, kanimi kvv im ahoba tok.

30. Mihma itih fohka achvfa ka ishi makinli hosh kocha ia tok; mihma yvmmvt ninak a tok.

31. Yvmmak ash ot kocha ia ma, Chisvs vt, Himak okvno Hatak Ushi vt ai ghli holitopakma, anonti Chihowa yvt yvmmak o isht a holitopa ai ghla chi mak oke.

32. Chihowa yvt yvmmak o isht a holitopa ai ghli hokmvt, Chihowa yvt anonti ilap inlit yvmmak ash o ai isht il

a holiloblichi ai ghla chi akinli: micha chekosi fehna yvm-mak ash o holiloblichi ai ghla chi mak oke.

33. Chipota vhleha ma! chekosi takla kak o hvchi takla gsha lishke; yohmi ka hvš sa hoyā chi hoke; Chu okla hā, Kanima yō ai ia li hoka, hvsh ona he keyushke, im achi li tuk mak osh anonti hvchishno ma himonasi ā hvchim achi lishke.

34. Hvsh it i hullo kv̄t, vno vt hvchi hullo li tuk ā ohmi-chi hosh hvchishno yak kia hvsh it i hulla he mak o, nan v̄lhpisa himona ka hvch ima lishke.

35. Hvchishno bika yvt hvsh it i hullo ilv̄ppa pulla kak o nan v̄m ai ithvna hvchia hatuk ā, hatak moma kv̄t isht ithaiyana he mak oke, achi tok.

36. Saimon Pita yash ot, Chitokaka ma! katima kō ish ia chi hoh-cho? im achi ma, Chisvs vt afalaminchi mvt, Kanima yō ia li hoka, himonasi kvno pit is siakaiya he keyushke; yohmi kia i himmak o pit is siakaiya hi oke, im achi tok.

37. Pita yash osh, Chitokaka ma! Na katihmi hō himo nasi akinli kvno pit ak chiakaiyo ka hinla cho? chishno ā pulla kak o v̄m ilhf̄opak ā aka bohyuli lashke.

38. Chisvs vt afalaminchi mvt, Ūno ā pulla kak o chim ilhf̄opak aka ish bohyula chi cho? Ahlishke, ghli mak o chim achi lishke; Akāka yvt ik olo kisha hō, hituchina ha chik sv̄thano ish miha chi hoke, im achi tok.

CHAPTA XIV.

Chisvs vt nan im ai ithvna vhleha hā pehlichit impvt gsha moma hosh, apihvt vba yakni ā ont okla gsha hi ā i miha, 1; 18 micha ilap bohchifo hak o nan isht asilhvt anumpuli hokvno moma im aighlicha hi vt miha. 15 Chisvs vt nanuktalali inla auet ima hi vt miha.

1. HVCHI chukvsh vt nana ik hvchi kaniohmo kashke Chihowa hā, oh i yimmi cha, vno ma oh ā yimmī.

2. Δki in chuka yā aiasha yvt laua hoke: ik yvmohmo

hatuk okma, hvchim anoli la he tuk oke, aiasha ya hvchim apoksiachit atahli la chi hosh ia li hoke.

3. Yohmi kv̄t ont apoksiachit hvchim atahli li hokmvt, anonti falamvt v̄la lish, vno vt kanima yō ai ahanta likma, hvchishno mvt yummak o hvsh ai ahashwa hi a, ant hvch ishit ai v̄tta li ka ona la hi oke.

4. Yohmi hokvt kanima yō ia li hoka pit hvsh ithana; mikmvt hina ya hvsh ithanvshke, im achi tok.

5. Tamas ash osh, Chitokaka ma! kanima yō ish ia hoka il ithana keyu: yohmi kv̄t katiohmi hosh hina yano il ithana hinla cho? im achi tok.

6. Mihma Chisvs ash ot, Uno ak osh hina, micha ai ghlika, ai okchaya aiena sia mak oke: vno ak o keyukma hatak nana hosh Aki a im ai ona he keyu hoke.

7. Uno a hv̄s sv̄thana hatuk okmvt, Aki ma hvsh ithana akinla he tuk oke: atuk kia hvsh p̄isa tuk okvt himak ai v̄hlit ia hokvno hvsh ithaiyanvshke.

8. Filip ash osh, Chitokaka ma! Chiki a ish p̄i haiakv̄chashke, yohmikma pim v̄lhpesa hinla hoke, im achi tok.

9. Mihma Chisvs vt, Chi takla ahanta li hopakit taiyaha ka, Filip vt chik sv̄thano k̄isha tuk oh cho? kv̄na hosh vno a sa p̄isakmvt, Aki a p̄isa hatuk; yohmi ka katiohmi hō, Chiki a ish p̄i haiakv̄chashke, ish achi cho?

10. Uno vt Aki ibai achafa likma, anonti Aki vt vno a a sv̄bai achafa ka ik chi yimmo cho? anumpa hvchim anum-pohonli li kv̄t vno akinli v̄na anukfila hosh anumpuli li keyushke; amba Aki sv̄bai achafa yummak osh nana ka ai yvmihchi hoke.

11. Uno vt Aki a ibai achafa likma, anonti Aki vt auet sv̄bai achafa ka hv̄s sa yimmashke; keyuk mak heto nana kv̄t a katiohmi tuk yummak pulla kak o isht ai hv̄s sa yimmashke.

12. Ahlishke, ghli mak o hvchim achi lishke, Kv̄na hosh a yimmikmvt, vno nana ai yvmihchi li tuk ash yvmihchi akinla hi oke: yohmikmvt vno vto Aki a im ia li hatuk oka, nana kv̄t a fehna ilv̄ppa puta ka i shabli hō vvmihcha hi oke.

13. Micha g hohchifo pulla ho nana ka isht hvsh asilhna hokma, Iki vt Ushi g ai isht a holitopa ai ghla hi g, mihi yo yvmihchi la hi oke.

14. A hohchifo pulla ho nana ka isht hvsh asilhha hokma, ai yvmihchi la hi mak oke.

15. Hvs sa hullo hokmvt, vm anumpa vlpisa puta ka hvsh holitoblashke.

16. Mikma Aki g im asilhha likma, yvmvt a hvchi takla ahanta na bilia he mak o hvchi nanuktalali inla ya auet hvch ima hi oke.

17. Yvmvt Shilombish ai ghli, yvmmak oka yakni okvto pisa keyu, micha ithana keyu aiena hatuk osh, ahnicha he keyu mak oke; yohmi kia hvchishno yokvno hvchi takla ahanta tuk osh, anonti hvchi anukfoyuka chi hoka hvsh ithana hoke.

18. Hvchi vltakla ho hvch issvt gya la he keyu; hvchim gya la hi oke.

19. Chekosikma yakni vt sa pisa chi keyu hoké; amba hvchishno vto hvs sa pisa hi oke; yohmi ka sai okchaya hoka, anonti hvchi okchaya he akinli hoke.

20. Uno vt Aki g ibai achafa likma, anonti hvchishno vt vno g hvs svbai achafa na hvchishno ma hvch ibai achafa li aiena ka, nitak yvmma fehnakma hvsh akostinincha hi oke.

21. Kvna hosh vm anumpa vlpisa vt in tonla cha, holi-
tobli hokmvt, yvmmak osh sa holitobli mak oke; micha kvna hosh vno g sa holitoblikmvt, Aki ma i holitopakma, vno mvt holitoblit il im otvninchi la hi oke.

22. Chutas vt Iskalot ak keyu hosh, Chitokaka ma! katiohmi ho pishno ano ant ish pim ile haiakvchi hokak osh, yakni ano chik im ile haiakvcho ka chi hoh cho? im achi tok.

23. Chisvs vt afalaminchi mvt, Hatak vt g hullo hokmvt, vm anumpa hg holitobla he; yohmikma Aki vt ilapo ma holitoblikma, il im gya cha, il ibai vta he mak oke.

24. Uno g g hullo keyu hokvto, vm anumpa hg ik holitoblo hoke; micha anumpa ilvppa hvsh haiyaklo ka vm anumpa keyu, amba auet sa kanchi tok Aki ak o immi hoke.

25. Huchi takla ahanta li takla hatuk mak osh ilvppa puta ka isht hvchim anumpohonli lishke.

26. Yohmi kia nanuktalali, yvmmvt Shilombish Holitopa mak o a hohchifo pulla hatuk mak o Aki vt auet kancha chi hoka, yvmmak osh nan okluha ka hvch ithvnanchit, nana ho hvchim ahanchi li tuk ma, moma falaminchit hvchi anukfohka hi oke.

27. Nanaiya ya hvchi bohli lishke: a nanaiya ya hvch ima lishke: yakni vt ima chatuk a chohmi keyu ho hvch ima lishke. Huchi chukvsh vt ik kaniohmokmvt, anonti ik nukshopo kashke.

28. Ia li tukmvt, anonti falamvt hvchim aya la hi oke, hvchim achi li ka hvsh haklo kvno. Hvs sa hullo hatuk okmvt, Aki ak o im ia li hoke, achi li tuk a na hvchi yukpa he tuk; Aki vt vmaiya hatuk oka.

29. Micha ont ai ghlikma, hvsh i yimma he mak o, himonasi ik ono kisha ho hvchim anoli li tuk oke.

30. Yakni ilvppa ai i shahli yatuk mvt, nana ho isht a si ahalaia keyu hosh minti hoka, himak a pilla mvno hvch it im anumpuli li fehna chi keyu mak oke.

31. Yohmi kia Aki a holitobli li ka, yakni vt ithaiyana chi ka, Aki vt nana ho vm apihisa tok a, mih mak o yvmihchi li hoke. Ho wakaya, kiloh ilhkoli.

CHAPTA XV.

Uhisvs vt paki vpi yosh naksish puta aiena hosh nan isht vlpisa ilvppak o hatak vt ilap ak o pit ai achafa pulla hosh vnit waya ka chohma he ai vlpesa hatuk a anoli, 1: 9 micha ilapvt nan im ai ithvna vhleha ha i hullo fehna hatuk vt anoli mvt, 12 anonti yvmmakmvt it i hullo kvvt yvmmak inli ho chohma hi a in tohno; 19 yakni ilvppak okvt ilap, micha Iki ita-tuklo ka ik ahnincho yatuk okvt yvmmakma i nukkillit ilbvshacha hi a im anoli.

1. UNO ak osh pak-vpi ghli sia hokma, anonti Aki ak osh apoksiachi oke.

2. Naksish vno ak o a sai offo hosh vni keyu hokma, mo-

minchit ishit kanchi hoke: mikmut naksish vt vni hokvto, isht i shahlit vna chi ka, achukmalit apoksiachi hoke.

3. Anumpa isht hvchim anumpohonli li tuk pulla ho himonasi a isht a hvchi a kashofvshke.

4. Uno a ho svbai achafa; mikma vno mut hvch ibai achafa lashke. Naksish vt vpi ak o pit a hikia ho keyukmut, ilap illa kvv vna he keyu chatuk a, yvmmak i chiyuhmit hvchishno ak kia vno a hvv svbai achafa ho keyukmut, nana hvsh kanihma he keyushke.

5. Uno ak osh pakvpi sia hokma, hvchishno vto naksish hvchia hoke. Kvna hosh vno a svbai achafa na anonti ilap ma ibai achafa li hokma, mihi yosh vni fehna chatuk oke: vno ak o keyukma nana hvsh kanihma he keyu hoke.

6. Kvna kia vno a svbai achafa keyu hokma, naksish mak o ai itilauechit kanchi na bvshi chatuk; yohmikma hatak puta mut yvmmak ash aiowvt luak a pila na lua chatuk oke.

7. Uno a hvv svbai achafa na vm anumpa mut hvchi anukfoyuka hokma, nana ho hvsh aiabni cha hvsh asilhha hokvt, hvchim ai ahla hi oke.

8. Hvsh vni fehna yvmmak okmak o, Aki vt isht a holi-topa ai ahla he; yohmikma nan vm ai ithvna hvchia mak a hi oke.

9. Uno a Aki vt a hullo tok mak o, ai itilauechi hosh hvchi hullo li hoke; a sa holitobli kvv hvsh biliashke.

10. Vm anumpa vlvpisa puta ka hvsh im antia hokmut, a sa holitobli kvv a hvchi bilia he: vno vt Aki a im anumpa vlvpisa puta ka im antia li kvv, ai i hullo mut a sa bilia tok mak o hvsh chiyuhma hi oke.

11. Hvchishno pulla atuk mak o nan isht vm ilaiyukpa hatuk mut hvchin takali bilia na, na hvchi yukpa kvv alotowa chi mak o, ilvppa puta ka isht hvchim anumpohonli li hoke.

12. Uno vt hvchi hullo li tok mak o, chiyuhmichit hvsh it i hulla he, ilvppak osh vm anumpa vlvpisa mak oke.

13. Hatak vt i kana vhleha ha i hullo kvv im ilhfopak a aka bohyuli hoka, hatak nana kia yvmma i shahlichit it i hulla hi vt ikshoshke.

14. Nana ho hvchim apesa li ka hvsh yvmohmi hokmt, g kana hvchia mak oke.

15. Himak pilla kvno ilhtohno hvchi achi la he keyu; ilhtohno yokvt, i shahli hv nana ho isht ahanta ka, akostinichi keyu chatuk; amba nana ho Aki g im a haklo li tuk vt okluyuha hvchim anoli li hatuk okvt, g kana vhleha hvchi achi lishke.

16. Hvchishno ak osh hvsi atokoli tok o keyu; amba itvnowvt vnit hvsh waya he ak atuk oke; yohmikma hvchi a waya kv aiasha na Aki g nana ho g hohchifo pulla kak o isht hvsh im asilhhakma, hvch ima he mak o, vno ak osh ai atokolit hvchim apesa li hatuk oke.

17. Hvsh it i hulla he mak o, ilvppa hvchim apihisa li hoke.

18. Yakni vt hvchi nukkilli hokmt, ik hvchi nukkillo kisha hosh vno g g nukkilli tok g hvsh ithaiyanvshke.

19. Yakni ak o hvsh ai achvfa hatuk okmvno, yakni vt immi hatuk okvno holitobla he tuk; amba yakni g hvsh ai achvfa keyu; amba vno ak osh atokolit yakni g a kohchit hvch ishi li hatuk; yohmi hatuk o yakni vt hvchi nukkilli hoke.

20. Tishu hv i shahli ha imaiya chatuk keyu, hvchim achi li tok anumpa yvma hvsh ithaiyanashke. Uno g okla svlvshachi tok okmt, hvchishno ma hvch ilvshacha he akinli hoke; vm anumpa ha im antia tok okmt, hvchim anumpa ha im antia he akinli hoke.

21. Yohmi kia auet sa kanchi tok g pit ithana keyu hokvt, vno pulla hatuk mak o ilvppa puta ka hvchi yvmihcha hi oke.

22. Uno ak osh gyvt vlv ant ak im anumpulo hatuk okmvno, ai ashvchika yvt okla ik im iksho ka he tuk; amba himak okvno nan im ai ashvchika ya isht ompoholma hi v okla ik im ikshoshke.

23. Kvna hosh vno g g nukkilli hokvt, Aki ma i nukkilli akinli hoke.

24. Uno vt na-fehna puta ka, hatak inla nana kia ai yvmihchi chatuk keyu ka ai itintakla ma vno vt ai yvmihchi E

tuk keyu hokmvno, nan ai ashvchika yvt okla ik im iksho ka he tuk ; amba himak okvno pisa cha, anonti vno, mikmvt **Δ**ki ita-tuklo ka i nukkilli tuk oke.

25. Yohmi kia na kaniohmi keyu ho okla a nukkillishke, achi anumpa hvt i nan vlhpisa holisso ha a holisso tok vt ont ai ghla chi kak o, ilvppvt ai yakohmi tok.

26. Yohmi kia nanuktalali, yvmmak okvt Shilombish ghli, **Δ**ki a a kohchvt aya mak o, **Δ**ki a im ai isht auet hvchi kanchi li vla hokmvt, yvmmak osh ai atokowa ka si anohonla he mak oke.

27. Yohmikma hvchishno vt nana vmmona ka si apehvt hvsh aya tuk okvt, nan ai-atokowa ka hvsh anoli akinla hi oke.

CHAPTER XVI.

Chisvs vt anonti nan im ai ithvna vhleha ha okla hvt ilbvshala chi puta ka im anoli, 1: 7 mihmvt nanuktalali, yvmmvvt Shilombish Holitopa mak o auet ima hi vt miha. 16 Falamvt tani ha yvt, ilapvt i nowvt aya pulla he im anoli ; 23 ilap hohchifo pulla ho Chihowa ha nan isht im asilhba hokvto im anumpa hvt holitopa pulla hi a miha.

1. **I**K hvchi ibetvblo ka he mak o, ilvppa puta ka isht hvchim anumpohonli li hoke.

2. Sinakak puta ka okla a hvchi kohchicha he ; ghli, kvna hosh hvchibi hokmvt, Chihowa ha holitoblichy mak o im ahoba he nitak vt mihinti hoke.

3. Yohmi kvvt **Δ**ki, mikmvt vno il ita-tuklo ka ik pithanv hatuk mak osh, ilvppa puta ka hvchi yvmihcha hi oke.

4. Yohmi kia nitak yvmmvvt ai ona hokma, yvmmak oka hvchim anoli li tok a hvsh ithana he mak o, ilvppa puta ka hvchim anoli li hoke. Yohmi kvvt vno vt hvchi takla anta li hokvt, nana vmmona hokvno ilvppa puta ka ak hvchim acho ki tok oke.

5. Yohmi tuk osh himonasi yokvno auet sa kanchi tok mak o falamvt im ia la chi hoke ; yohmi na hvsh kanima kia, Katima yo ish ia chi cho ? achit hvchik sa ponakloshke.

6. Amba ilvppa puta ka hvchim achi li kak o, nanukhaklo kvv hvchi chukvsh a alotolishke.

7. Yohmi kia ahli mak o hvch im anoli lishke. Uno vt ia li hok mak o nan isht a hvchim vlhpiesa chi hoke; vno vt ia li keyu hokmvno, nanuktalali vt hvchim aya he keyu: amba ia li hokmvto, yvmma auet hvchi kanchi la he mak oke.

8. Yohmikma yvmmak osh vlakmvt, ai ashvchika, micha nan ai vlhpiesa, mikmvt nan-vlhpisa aiena ka okla puta ka, anukfohkicha hi oke.

9. Uno a okla a yimmi hatuk keyu hoka, nan im ai ashvchi hatuk a im otvnihincha he;

10. Uno vt Aki a im ia li; yohmi na himmakma hvch ik sa peso hatuk oka, nan ai vlhpiesa hatuk a im otvnihincha he:

11. Yakni a ai i shahli hvv nan im vlhpisa hatuk oka, nan-vlhpisa ma im otvnihincha hi oke.

12. Na hvchim achi la he yokvto vm aasha moma akinli kia, himonasi okvno yvmmak oka hvsh akostinincha he keyushke.

13. Yohmi kia Shilombish ahli, yvmmvt vla hok mak osh, nan ai ahlika puta ma hvch ithvnancha hi oke; yvmmak okvt ilap nana aiahni hosh anumpula he keyu hokvt; amba nana ho haklo tuk mak osh mihi yo anumpula hi oke; mikmvt nana a kaniohma he puta ka hvchim otvnihincha hi oke.

14. Yvmmak okvt vno ak o vm ai ishi cha, hvchim otvnihincha hi okvt, vno a sa holitoblichha he mak oke.

15. Nana moma Aki vt im aasha kvv vmmi hoke; yohmi hatuk mak o, vno ak o vm ai eshi cha hvchim otvnihincha he, hvchim achi li tuk oke.

16. Chekosikma hvv sa pisa chi keyushke; atukmvt anonti Aki ak o im ia li hatuk oka, chekosikma hvv sa pisa hi oke, im achi tok.

17. Yohmi ma nan im ai ithvna vhleha kaniohmi kvv, Chekosikma hvv sa pisa chi keyushke; anonti Aki a im ia li hatuk oka, chekosikma hvv sa pisa chi hoka hvvim achi ka, ilvppak osh kaniohmi hoh cho? ilap bika it im achit mgya tok.

18. Yohmi hatuk osh, Chekosikma, achi ilvpput nants hak oh cho? nana ho miha ka kil im akostininchoshke, okla achi tok.

19. Ilapa okla i ponaklo bvna ka Chisvs vt im ithana hatuk osh, Chekosikma hvs sa pisa chi keyushke: atuk osh anonti chekosikma hvs sa pisa chi oke, achi li tuk yvmmak ash isht ai it im a ponaklot hvsh maya cho?

20. Ahlishke, ahli mak o hvch im achi lishke; Hvchishno yokvto nishkin okchi mintit hvsh yahaya chi hoke; yohmikma yakni vto na-yukpa chi hoke: mikma hvchi nukhaklo fehna he; yohmi kia na hvchi nukhaklo kash ot falamvt isht a hvchi yukpa hi oke.

21. Ohoyo hvv vlla in tonla chikmvt, hvshi kanvlli vlhpisa hvv im ai vla hokvt ilbvsha hoke; yohmi tuk kia hatak osh tovt yakni a ai ituyula ka, na yukpa kvv, vlla yvt in tola makinli hosh na palvmmi tuk a imi-haksi hoke.

22. Yohmi ka hvchishno vt himonasi kvno hvch ilbvshvshke; yohmi kia himmakma hvchi pisa la chi akinli; yohmikma hvchi chukvsh vt yukpa he, mikma na hvchi yukpa ka hatak nana hosh ishit hvchi kancha wa.

23. Mikma nitak yvmma fehnakma nana kia hvch ik sa ponaklo ka hi oke. Ahlishke, ahli mak o hvch im achi lishke, Uno a hohchifo ho nana ka Aki a isht a hvsh im asilhhakma, hvch ima he mak oke.

24. Tikvt a mihinti hokvno a hohchifo ha nana ka isht hvch ik asilhho ke tuk; oh asilhhá; yohmikmvt na hvchi yukvt isht alotowa chi ka, hvsh habena he mak oke.

25. Nana ilvppa puta ka nan isht vlhpisa ho isht hvchim anumpuli lishke; yohmi kia himmakma nan isht vlhpisa ho isht ak hvchim anumpulo hosh, amba otvvinchi achukma hosh Aki a isht a hvchim anohonli la he nitak vt mihinti hoke.

26. Nitak yvmmak okvno a hohchifo ha nan isht a hvsh asilhha hi oke: yohmikma Aki a hvch isht im a ponaklo la hi oke; hvchim achi li keyushke.

27. Hvchishno vt hvs sa hullo. mikmvt Chibowa ak o a

kochvt aya li hatok a hvchi yimmi tuk: yohmi hatuk o Aki vt ilapo akinli kvv hvchi hullo hoka.

28. Aki ak o a kohchvt aya hosh yakni a vla li tok osh; anonti yakni ash issvt, Aki a im ia li hoke, im achi tok.

29. Nan im ai ithvna vhleha hash ot, Inta! himak okvno achukmalit isht pim anumpuli cha, nan-isht vllhpisa ho chik anumpuloshke.

30. Nan okluha ka ish ithaiyana ka, hatak nana hosh nana ka a chim a ponakla hi o keyu ka himak okvno il akostininchishke; Chihowa ak o a kohchvt ish aya tok pulla ka ilvppak o isht a pi yimmishke, okla im achi tok.

31. Chisvs vt afalaminci mvt, Himak ano okla hvchi yimmi cho?

32. Inta! hatak vt ilap in chuka aiyukali ka ai ita fimim-pvt ilap banochit hvs sa filvmma chi ka hvshi kanvlli ai vllhpisa kvv mihinti tuk osh, anonti himak okvno ai ona hoke; yohmi kia Aki ak osh si ahina hoka, vno ak illa he keyushke.

33. Vno pulla ho nana anuktanla ka hvsh iesha he mak o, ilvppa puta ka isht hvchim anumpuli lishke. Yakni paknaka yokvno na palvmmi puta kvv a hvchim aiasha he; yohmi kia hvchi nuktanla achukmashke; vno vt yakni a imaiyachi li tuk oke, im achi tok.

CHAPTA XVII.

Ishit inla ibbak fohka chi ninak a Chisvs vt vba pit anumpuli kvv, ilapvt illi tuk vt falamvt tani ha ya, Ohihowa hvv nan im ai ithvna vhleha ha apelahanchi na im anukfila hvv ai it achvfa he, 1; 20 Chihowa, Ushi ita tuklo ka im anukfila pit ai itachvfa he: 24 yohmi cha ilap vt vba yakni a holitopvt ahanta ka ont ahevvt maya he puta ka vba isht anumpohonli.

1. ANUMPA ilvppa puta ka Chisvs vt anumpohonli mvt, vba pit vba chakali cha, Aki ma! hvshi kanvlli vllhpisa yvt ai onvshke. Chiso ha ish holitoblichy na anonti chiso mvt chi holitoblichy akinlashke.

2. Laua kvv kaniohmi ho ish im ihisa tuk ma, yummak

ash ai okchayvt bilia yo yummak ash ot ima hi vt, hatak puyuta ma ai imaiya he mak o, ish im apihisa tok oke.

3. Yohmi ka Chishno ak illa kak osh Chihowa ahli chia ka, micha Chisvs Klaist auet ish kanchi tok ma okla ithaiyana he ak o ilvppak osh ai-okchayvt bilia yoke.

4. Yakni paknaka ya a chi holitoblichi lishke. Natoksvli isht ahanta la hi o is sum apesa tok a, atahli lishke.

5. Yohmi ka, Aki ma! yakni vt iksho mak o na holitopa ka isht chiba holitopa li ya tok mak o, himak a chishno a ai il a aieninchit is sa holitoblichashke.

6. Hatak puta ka yakni ak o ai ishit is suma hatuk a, chi hohchifo ha im otvninchi li hokvno; yummak okvt chimmi hatuk o, is suma hatuk oka, chim anumpa ha okla holitobli tuk oke.

7. Nana ka is suma tok okluyuba kvt chishno ak o a minti hatuk a himak okvno okla akostininchishke.

8. Anumpa is suma chash yummak o ima li hokvno; mihma yvma okla aiokpochi mut, vno vt chishno ak o a chi a minti li hatuk a, okla akostininchi, micha chishno ak osh auet is sa kanchi tok aiena ka okla yimmi hatuk oke.

9. Yummak o isht chim ilbushvt anumpuli lishke; yakni ak o isht chim ilbushvt anumpuli li keyu, amba ilvppak o is svraa tok a, yummvt chimmi vhleha hoka, isht chim ilbushvt anumpuli lishke.

10. Yohmi ka vmmi hvv momvt chimmi hokma, anonti chimmi hvv vno a vmmi makinli hoke: yohmi hoka vno vt yvma isht a sa holitopa hoke.

11. Himak okvno yakni paknaka ya himmakma ik si ai iksho mak oke; yohmi kia ilvppak okvto yakni a ai ahashwa na vno vt chim aya li mak oke. Aki holitopa ma! is suma tok vhleha ilvppak oka chishno chi hohchifo pulla hatuk mak o ish apesahanchi na yummak mut ai itibai achvfa kvv pishno a chiyuhmashke.

12. Pehliechit yakni paknaka ai ahanta li moma kvto chi hohchifo pulla ho isht ai apesahanchi li tok: is suma tok vhleha yummak oka apesahanchi li ma, achvfa kia ik kvnio

hō, amba Holisso Holitopa vt ont ai ḡhla chī kak o, nan-ok-puni ushi ak illa tuk oke.

13. Yohmi ka vno pulla hatuk mak o a nan-isht ilaiyukpa ma ilap inlit okla il ai esha hi o, ilvppa puyuta ka yakni paknaka isht ai anumpohonli li, yohmi tuk osh himak okvno chim ḡya li mak oke.

14. Chim anumpa hḡ ima li tuk oke: yohmi ma yvm-mak okvt yakni a ai immi keyu kv̄t, vno vt yakni a ai immi sia keyu kak inli hō chohmi hatuk o, okla i nukkilli hatuk oke.

15. Yakni ak o a kohchit ish isha hi o chim asilhha li keyu; amba apesahanchit nan-okpulo ak o ishit chik ahalai-yacho ka he ak oke.

16. Yakni a ai immi keyu kv̄t, vno vt yakni a ai immi sia keyu kak inli hō okla chiyuhmi hoke.

17. Yvmmak oka na chim ai ḡhlika pulla kak o isht ish i vashofichashke; chim anumpa hak osh nan ai ḡhlika yoke.

18. Chishno vt yakni paknaka yḡ auet is sa kanchi tok mak o, chohmichit vno mvt ilvppak ma yakni paknaka yḡ a tihlehinli lishke.

19. Micha ilap ak kia nan-ai ḡhlika yḡ ai isht a kashofa chī ka, vno vt ilvppak pulla hatuk mak o ile kashofichi li hoke.

20. Micha ilvppa illa hō isht asihihla li keyu; amba ilvppa pulla im anumpa hatuk mak o a yimma he aiena kak oke.

21. Moyumvt ai itib achufa kv̄t, Aki chia hv̄t vno a is subai achafakma, anonti vno mvt a chibai achafa li kak inli hō okla chiyuhmi cha, yvmmak mvt pishno a a pibai achafashke: yohmi na chishno ak osh auet is sa kanchi tok a okla moma kv̄t.ithaiyanashke.

22. Yohmikma ilvppot ai itib achufa kv̄t pishno il itibai achufa kak inli hō chohma hi a, nan-isht aholitopa is suma tok a ilvppa ima lishke.

23. Uno vt ilvppa ai ibachafa likma, anonti chishno mvt auet is subai achafa; ai yakohmi hō yvmmak osh ont ai ḡhli achufa ka tobashke; yohmikma chishno ak osh auet is sa

kanchi tok; a tok osh ilvppak oka ish i hullo kvv vno a is sa hullo kak inli hq ish chohmichi ka, yakni vt itha'ya-nashke.

24. Aki ma! is suma tok vhleha hak kia kanima yo ai ahanta likma, si apihvt gsha cha, nan-isht vm aholitopa yvmma is suma tok a pisa he ak o, ahni lishke: yakni vt ik tobo kisha mak o is sa holitobli tok mak oke.

25. Aki ahli achukma ma! yakni vt ik chithanoshke; yohmi kia vno vto chithana li; mihma chishno ak osh auet is sa kanchi tok a ilvppak okvto akostininchi hatuk oke.

26. Yohmi na ilvppak o chi hohchifo ha isht im anohonli li tuk osh, anonti anohonli la chj hoke: yohmikma na-holitobli ai isht is sa hullo hatuk vt ilvppak ma anukfoyuka na, anonti vno mvt ai ibachafa lashke, achi tok.

CHAPTA XVIII.

Chisvs vt osapushi yo ont chukowa, 1; 6 Chutas vt Chisvs a isha cvj hosh ai vla na, Chisvs vt anumpuli ma, falamvt obvlhpelvt aka ont fobopa; 10 Pita yvt Malkvs haksobish a chanlit hokofi. 12 Chisvs a okla takchi cha isht ia mvt, Annas ak o isht im ona tuk osh achakalinchi mvt, Kaiafas ak o okla isht im ona; 15 mihma Pita yvt Chisvs a ik ithano miha. 29 Chisvs a Pailat ak o okla isht im ona ma, Pailat ash osh achukmalit nan im a ponaklo.

1. CHISUS vt ilvppa puta ka ahanchit in taiyaha mvt, nan im ai ithvna vhleha pehlinchit Kitlon bokushi a pit tanvblit osapushi vt yvmma talaia tuk o, nan im ai ithvna vhleha hash ai it apihvt ont chukowa tok.

2. Yohmi ka Chisvs vt nan im ai ithvna vhleha ha pehlichit yvmma ai ona fehna chatuk a ishit inla im issa tok Chutas ak kia yvmma pit ai ithana tok.

3. Yohmi hatuk osh Chutas ash ot hatak ai-itapeha achvfa, i kvpitvni vhleha aiena ka na-holitompa isht gsha pehlichi vhleha, mikmvt Falisi vhleha aiena ka ai im ai ishi mvt, pva afohka, mikmvt na shimahli pva, micha na halupa aiena ka sholi hosh yvmmak ash ai vla tok.

4. Yohmi ma Chisvs vt nana hosh ilapa ai ovvtuyula chj

puta moma ka ithana hatuk okvt, ivt ont afamvt, Kvtā hq hvsh hoyo cho? im achi tok.

5. Mihma, Chisvs Nasalet minti ak oke, okla im achi ma, Chisvs ash osh, vno ak osh mih sia mak oke, im achi tok. Mihma ishit inla im issa tok Chutas ash kia yvmma takla hikia tok.

6. Atuk o, Ūno ak osh mih sia mak oke, im achi makinli hq, okla obvlhpelvt ivt aka ont kaha tok.

7. Mihma atuklanchit i ponaklot, Kvtā hak o hvsh hoyo cho? achi tok. Mihma, Chisvs Nasalet minti ak oke, okla achi tok.

8. Chisvs vt afalaminchi mvt, Ūno ak osh mih sia hatuk vt hvchim anoli li kvno; yohmi hoka vno ak o hvsa sa hoyo hatuk okmvt, ilvppak okvno qst ik itvnowá, hvsh im ah-nashke.

9. Yohmi na yvmmak o isht anumpuli hosh, Is svma tok vhleha hokvt achvfa kia ik sq kvnioshke, ahanchi tok q ont ai qhlashke, achi tok.

10. Yohmi ma Saimon Pita yvt bvshpo falaiā shanli tuk osh halvllit shufi mvt, na holitempa isht qsha pehlichī i shahli in tishu hq isht fahamvt, haksobish isht impak imma yg chanlit hokofi tok. Tishu hohchifo hv Malkvs a tok.

11. Mihma Chisvs vt Pita yash o, Chī bvshpo falaiā yg i shukcha pit fohki; isht ishko Aki vt auet vma tok q ak ai ishko ka hinla cho? im achi tok.

12. Yohmi ma hatak qya achvfa, micha kvpitvni, mikmvt Chu okla nan vlhtoka vhleha aiena kash ot Chisvs ash ishi cha, takchi tok.

13. Mihmvt yvmmak osh Kaiafas vt afvmmi yvmma feh-na ka na holitempa isht qsha pehlichī i shahli yatuk o, yvmma ipochi yatuk oka Annas ak o tikba okla isht im ona tok.

14. Kaiafas ilvppak osh hatak achvfa hosh okla hoka vhllobvt illa he ak o ai vlhpiesa ka, Chu okla hq it im apesa tuk a tok.

15. Mihma Saimon Pita yvt Chisvs q pit iakaiyvt qya ma, anonti nan im ai ithvna achvfa yvmmak oka na-holi-

tompa isht a^gsha pehlichî î shahli hv^t ithana hatuk o, Chisv^g a awant na-holitompa isht a^gsha pehlichî î shahli î nan-ai-apesa y^g ont chukowa tok.

16. Amba Pita vto okhissa kocha yak o hikia tok. Yohmi ma nan im ai ithvna achvfa na-holitompa isht a^gsha pehlichî î shahli hv^t ithana hatuk, yvmak ash ot kohchv^t ivt, ohoyo okhissa apesvchi yash ont im anoli cha, Pita y^g ilauelit chukowa tok.

17. Mihma ohoyo himita okhissa apesvchi yash ot Pita y^g, Chishno ak kia hatak ilvppa nan im ai ithvna chia keyu? im achi ma, Mih sia keyushke, im achi tok.

18. Mihma kapvssvchi hatuk o, ilhtohno vhleha, micha nan vlhtoka vhleha aiena kash ot tobaksi yo oti cha, libisha hosh hiohmaya tok; mihma Pita yvt takla hikiv^t libisha tok.

19. Na-holitompa isht a^gsha pehlichî î shahli ash ot Chisv^g a nan im ai ithvna vhleha, mikmv^t nan isht im avchi aiena ka ai im asilhv^hvchi tok.

20. Chisv^g vt afalaminchi mv^t, okla puta ka ai im otvni achukma hosh anumpohonli li hatuk; Chu okla hv^t ai itvnaha bilia sinakak, micha tempel aiena yvmak o nana ai ithvnanchi li chatuk; yohmi kv^t luma chohmi hokvto nana ak achoshke.

21. Na katihmi h^o vno ak o is suma ponaklo cho? nana im achi li ka haklo chatuk vhleha hak o ish î ponaklashke: yakeh! yvmak osh nana achi li chatuk a okla ithana boke, achi tok.

22. Ilvppa yakohmichit anumpuli ma, nan-^vlhtoka vhleha hv^t achvfv^t bilikasi hikia tuk osh, Chisv^g ash ibbak isht pasalichi mv^t, Na holitompa isht a^gsha pehlichî î shahli y^g yakohmichi hosh ish im anumpuli cho? achi tok.

23. Chisv^g vt afalaminchi mv^t, Ik vlhpeso h^o anumpuli li hokma, nan ik vlhpeso mak o isht ish atokolashke: amba vlhpesa tuk mvno, katiohmi h^o is susso cho? achi tok.

24. Yvmak ash ot talakchi na Annas vt na holitompa isht a^gsha pehlichî î shahli Kaiafas a pit pila tuk a tok.

25. Mihma Saimon Pita yvt libisha hosh hikja tok : yoh mi ma, Chishno vt yvmma nan im ai ithvna vhleha hā ish ibai achvfa tuk keyu ? okla im achi ma, ik āhlo mihvt, Ūnc yokvt mih sia keyushke, achi tok.

26. Na holitompa isht āsha pehlichi i shahli im ilhtohnc vhleha achvvt Pita yvt haksobish tvbli tuk ash i kanomi hosh, Chishno ak osh yvmma awant osapushi ā ish anta hō, chi pisa li tuk keyu ? achi tok.

27. Mihma Pita yvt ik āhlo kash inli hō miha tok : mihma chekosi fehna akāka yvt ola tok.

28. Yohmi ma Chisvs ash Kaiafas ā im ai ishit ivt, nan ai apesa yō okla isht ona tok : yvmmvt onnahinli ha tok ; yohmi kvv nan-vbanvblit ont ia yā ai impa he tuk vt, im ai okpuloka hinla hatuk osh ilapo ak okvto nan ai-apesa ya okla pit ik chukowo ki tok.

29. Mihma Pailat vt kohchvt ona mvt, Hatak ilvppa anumpa nanta mak o hvsh ai ikbichi cho ? achi tok.

30. Mihma okla afalaminchi mvt, Ilvppvt nanokpvni keyu hatuk okma, chibbak oka ant e chi fohka he tuk keyu hoke, okla im achi tok.

31. Mihma Pailat vt, Isht oh ia cha, hvchi nan-vlhpesa mak o isht oh ai im apesā, im achi tok. Yohmi hatuk o Chu okla hash osh, Hatak nana kia illa he il im apesa he vt a pim vlhpesa keyu hoke, okla im achi tok.

32. Yohmi ka Chisvs vt kaniohmit ai-illi yō ai illa hi vt anumpohonli tok ā, ont ai āhla he mak a tok.

33. Mihma Pailat vt atuklanchit nan-ai-apesa yash ont chukowa cha, Chisvs ā i howa mvt, Chishno ak osh Chu okla i miko chia mak oh cho ? im achi tok.

34. Mihma Chisvs vt afalaminchi mvt, Chishno akinli hosh, keyukmvt, inla yak osh vno ā isht a chim anolikmā, nanta tuk o ilvppa ish achi cho ? im achi tok.

35. Pailat vt afalaminchit, Ūno vt Chu sia hō ? chishno chim okla ash inli, mikmvt na holitompa isht āsha pehlichi vhleha aiena kak osh chishit svbbak ā fohki tuk oke. Nanta mak o ish katiohmi tuk oh cho ? achi tok.

36. Chisvs vt afalaminchi mvt, Apehlichi li ka yvt yakni

ilvppak inli keyushke. Apehlichli li ka yvt yakni ilvppak inli hatuk okma, Chu okla ibbak ak a fohko ka chj ka, an tishu vhleha hv̄t itihimba he tuk: amba himak okvno apehlichli li ka yvt ilvppak inli h̄o keyushke, achi tok.

37. Yohmi hatuk o Pailat ash osh, Mih kvto miko chia akinli hotuma? im achi ma, Chisvs vt afalaminchit, Miko sia mak atuk o ish mihvshke. Nan ai ghlika atokolit anoli la he ilvppak osh sa toba cha, anonti ilvppa pulla hatuk mak o ayvt yakni a v̄la li tuk oke. Nan ai ghlika yo anukfoyuka aiyukali hokvto, vm anumpa h̄g haponaklo bano hoke, achi tok.

38. Pailat ash osh, Nan-ai ghlika yak osh nanta ho? im achi tok. Mihmvt ilvppa achi mvt, falamvt kohchvt Chu okla hash im ona mvt, Nan ik ai-vlhpeso nana kia a takali ka ak im akostinincho kvmohmishke.

39. Yohmi kia nan-vbanvbli ont ia isht gsha hokvno, achvfalichit a hvchim i hotofi la he ai vlhpesa chatuk vt ashvshke: yohmi hoka Chu okla i miko ak o a hvchim i hotofi la hi a hvsh ahni cho? im achi tok.

40. Mihma anonti momvt chitoli hosh, Hatak ilvppvno keyu h̄o, amba Balabbas ak ashke, okla achi tok. Yohmi ka Balabbas vt hatak hukopa ya tok.

CHAPTA XIX.

Pailat vt Chisvs ash fvmmit issa ma, tvshka chipota vhleha hv̄t kv̄ti tv̄nna yo iachokolichi, 1: 4 hlakofichi bv̄nna kia, Chu okla nan ahni kak o im antia hatuk osh, yvmmvt ititaiyukhv̄na ahonv̄hla chj mak o, im issa: 17 tvshka chipota vhleha hv̄t i nafohka yatuk a iti hopela: 26 Chisvs vt ishki yatuk a achukmalit apelahancha chj ka, nan im ai ithv̄na i hovitopa yatuk a i miha cha, illi. 31 Tvshka chipota vhleha hv̄t, Chisvs naksi a tv̄li halupa ish̄it bahli. 38 Chosef Alimablea minti, micha Nikotemvs ita tuklo hosh Chisvs hakn̄ip a ishi cha, hobpi.

1. YOHMI hatuk o yv̄mma foka ma Pailat vt Chisvs a ishi cha, fvm̄mi tok.

2. Mihma tvshka chipota vhleha hv̄t kv̄ti tv̄nvt iachuka

ikbit, noshkobo ha iachukolichi mvt, na tishepa na fohka holitopa yo ishit okla anchichi tok.

3. Mihmvt aiokpuchi mvt, Chu okla i miko yosh nan ik yukpa, achi mvt ibbak okla isht isso tok.

4. Yohmi ma anonti Pailat ash ot ia cha, Yakeh! nana ik ai-vlhpeso nana kia ai a takali na akostininchi li keyu ka hvsh akostinicha chi mak o, ilaelit hvchi kohchi lishke, im achi tok.

5. Mihma Chisvs vt kvti iachuka ha iachukoli cha, natishepa na-fohka holitopa fohka hosh auet kohcha tok. Mihma Pailat ash osh, Yakeh! hatak atukma ho pesa, okla ha im achi tok.

6. Yohmi ma na-holitompa isht gsha pehlichí vhleha, mikmvt nan-vlhtoka vhleha aiena kash ot yummak ash pisa mvt, chitoli hosh mihvt, Ititaiyukhvna ak o oh ahonvlichí, ititaiyukhvna ak o oh ahonvlichí; ahanchi ma, Pailat ash osh, Oh ishi cha, ititaiyukhvna ak o oh ahonvlichí; t.o yokvto nana ik ai-vlhpeso nana kia ai atakali ka ak im akostinincho hoke, im achi tok.

7. Chu okla hvv afalaminchi mvt, Nan-vlhpisa hvv pin tonla: yohmi ka ilvppak okvt Chihowa Ushi ilapissa hatuk okvt, pi nan-vlhpisa pulla kak o isht illa he vlhpesa hoke, im achi tok.

8. Yohmi hatuk o Pailat vt anumpa yvmma haklo mvt, nukshopa kvv isht i shahli tok.

9. Mihmvt anonti nan ai apesa yash ont chukowa cha, Chisvs ash o, Katima kv ish minti tok oh cho? im achi tok. Yohmi kia Chisvs ash ot nana ik im acho ki tok.

10. Yohmi ma Pailat ash ot, Chik svv anumpulo mak oh cho? vno vt ititaiyukhvna ya a chi ahonvlichí la hi vt vv vlhpesa, anonti chi hotofi la hi vt vv vlhpesa aiena ka chik ithaiyano cho?

11. Chisvs vt afalaminchi mvt, Chishno yokvt vba ak o auet a chima hv keyukma, vno yoka nana hv is sa kanihcha hi vt chim vlhpesa keyushke: yohmi hoka svshít gyvt chibbak g ant sa fohki tuk g yummak osh nan-ashvchi kvv ai in chinto hoke, achi tok.

12. Yohmi ma yvmma ai vhlit minti ka Pailat vt yvmmak ash i hotofi bvnvt im anukfihinla tok: yohmi kia Chu okla hvv chitolit anumpulit, Hatak ilvppa ish i hotofi hokmvt, Sesa ya i kana chia ha he keyu. Kona hosh miko il ape-sakmvt, Sesa ak o i sanalit anumpuli hoke, okla achi tok.

13. Yohmi hatuk o Pailat vt anumpa yvmma haklo mvt, Chisvs ash ishit kohchi cha, ilap vto nan ai-apesa ai-o-minili om binili tok, yvmmvt Tvli potvlhpo hohchifo ho, amba Heblu ano Kabbahla hohchifo ha tok.

14. Mihma nan vbanvblit ont ia gsha chi ka, ai il atahlit maya nitak, mihmvt hvshi kanvlli vlvpisa yvt ont isht han-nali foka aiena; yohmi hatuk o Chu okla hash o, Hvchi miko ya ho pesa, im achi tok.

15. Yohmi kia okla chitoli hosh anumpulit, Kanima isht oh ia cha, kanima isht oh ia cha, ititaiyukhvna oh ahonvhli-chi, achi ma, Pailat ash ot, Hvchi miko ya ititaiyukhvna ahonvhlichi la chi cho? im achi ma, na holitompa isht gsha pehlichi vhleha hash ot, Pi miko vt iksho, Sesa ak banoshke, im achi tok.

16. Yohmi ma polaka yvmmak ash ot ititaiyukhvna ahon vhlvt illa chi mak o, ibbak i fohki tok. Yvmma foka ma Chisvs ash o okla ishi cha, halvllit kanima isht ia tok.

17. Yohmi ma im ititaiyukhvna yash o sholi cha ivt yakni hohchifo noshkobo foni aiasha yo, anonti Heblu yokvno yv-mvt Kalkohla hohchifo ho ona tok.

18. Mihma yvmmak ash, micha inla yvt tuklo ho aienin-chit ititaiyukhvna okla ai ahonvhlichi tok: Chisvs ak osh ikhvna yo takali na achvfa bivvt ita hlaklaka takohli tok.

19. Mihma Pailat vt nan anoli holisso ha holissochit iti-taiyukhvna ya a lapalichi tok. Yohmi ka holisso kvv, CHI-SUS NASALET MINTI CHU OKLA I MIKO YOKE, achi ha tok.

20. Yohmi na Chisvs vt ititaiyukhvna ai ahonvhlvt illi yvmmvt tvvaha ha i bilika ha tok: yohmi ka holisso kvv Heblu, Klik, mikmvt Latin aiena anumpa hosh isht a holisso hatuk oka, nan anoli holisso ilvppak ash Chu okla laua kvv pisa tok.

21. Yohmi ma Chu okla na holitempa isht im gsha peh lichy vbleha hash osh Pailat g, Chu okla i miko, achit chik holissocho kashke; amba Chu okla i miko sia hoke, achi chatuk yummak o ish holissochashke, okla im achi tok.

22. Mihma Pailat ash ot, Nana ho holissochi li kvv holissochi li mak atuk oke, im achi tok.

23. Yohmi ma tvshka chipota vbleha hvv Chisvs g ititaiyukhvna ahonvlichy mvt, i na fohka yatuk g ishit ita kvshkoa ushtali cha, tvshka, chipota vt i kashampg aiyuka tok; mihmvt i na fohka lumbo ash kia aieninchi tok: na fohka lumbo yvt ahchvwa yo keyu, paknaka yak o a tvnvt maya hosh ont taiyaha ha tok.

24. Yohmi hatuk o, Ilvppak okvno keho hlilvffo hosh, amba kvna hosh immi ha chv ka, na shoelit kil oh gshá, ilap bika it im achit maya tok; yohmi ka Holisso Holitopa vt, Um ilifoka ya okla itv hopela mvt, g na fohka lumbo yoka na shoeli isht aiasha kvno, achi ka ont aighla chv mak a tok; yohmi hatuk o tvshka chipota vbleha hvv ilvppa okla yakohmi tok.

25. Mihma Chisvs ititaiyukhvna a takali ka ituma ya ishki, micha ishki nakfish, mikmvt Meli Kleofas tekchi, mikmvt Meli Maktalene aiena hosh hiohmaya tok.

26. Yohmi hatuk o Chisvs vt ishki, micha nan im ai ithvna yvmma i hullo beka tuk mak osh itatuklot hinli na pisa mvt, ishki ash o, Ohoyo ma! chiso hg ish pisashke, im achi tok.

27. Mihmvt nan im ai ithvna yash o, Chishki g ish pisashke, im achi tok. Mihma nan im ai ithvna yummak ash osh hvshi kanvlli vlvpisa yummak fehna ai-vhlit ia ka, ohoyo hash ilauelit ilap in chuka akinli ho bohli tok.

28. Yakohmi ha ya, nan oklvha kvv ont ai vlvtaba ka, Chisvs vt ithana hatuk osh, Holisso Holitopa yvt ont ai ghla chv ka, Sa tukshilvshke, achi tok.

29. Yohmi ma nan-ai-vlhto wineka alota kvv talaiia tok; atuk o na-shatvmmi yo wineka yash alotolit hissop o takalichit itih hg pit tikelichi tok.

30. Yohmi hatuk o Chisvs vt wineka yash ishkot pisa

mt, Ulhtaiyahvshke, achi tok; yohmi cha aka yubenu-nukli mt, fiopissa tok.

31. Yohmi hatuk o nan il ai atahli nitak atuk oka, nitak hullo ya haknip vt ititaiyukhvna ya ik a takohmayo ka chi ka, nitak hullo yummvt nitak holitopa hatuk oka, Chu okla hash osh yvmma hanali ak osh kobahli na ishit kanima ia hinla ka, Pailat a im asilhha tok.

32. Yohmi na tvshka chipota vhleha hash ot ivt, ititaiyukhvna ai iba honvhlvt okla kash achvfalit tikba hanali ha kobahlichy mt, anonti achvfa yash kobahlichy tok.

33. Amba Chisvs vt a takali tuk a okla ona mt, yummvto illi mashko tuk o pisa cha, yummvno hanali ha ik kobahlecho ki tok.

34. Yohmi kia tvshka chipota vhleha yash ot achvft naksi a na halupa ho ishit bahli na ashajika issish, micha oka aiena hosh auet fohopa tok.

35. Yohmi ka yvmma pisa tok mak osh atokowa ka anoli; yohmi ka yummvt atokoli ka ai ahli hoke: yohmi ka hvchishno vt hvchi yvmma chi ka, ai ahli mak o miha kvv ithana hoke.

36. Holisso Holitopa yvt, Foni vt ik pakoto ka he, achi kvv ont ai ahla chi mak o, nana kvv a yakohmi tok.

37. Michy anonti Holisso Holitopa ai anumpa inla mt, Yvmma okla bahli tuk vt yvmmak ash pisa hi oke, achishke.

38. Michy ai yakohmi ha ya, Chosof Alimahlea minti vt Chisvs a nan im ai ithvna akinli kia, Chu okla ha i nukshopa kvv il aluma beka tuk osh, Chisvs haknip a isha hinla kvv, Pailat a ont im asilhha tok: mihma Pailat vt vlvpesa, im ahni tok. Yohmi hatuk o ivt, Chisvs haknip ash ont ishi tok.

39. Yohmi ma Nikotemvs vt nan vmmona ka ninak o gyvt Chisvs a pisa tok yvmmak ash kia vla cha, m v h michy aloes itivlvhto kvv weki tablepa achvfa foka ho isht vla tok.

40. Yohmi ma Chisvs haknip ash o ishit okla cha, Chu okla hvv hohpi kvv yvmihchi chatuk mak o, yvmmak ash o linen osh na-balama pit aiena ho isht a bonulli tok.

41. Ititaiyukhvna ahonvhlvt ai illi yvmma osapushi osh ta-

lais tok : mihma osapushi anykaka ya sepulka himona, ha tak vt ik a hollopo kisha yo, hikia tok.

42. Yohmi hatuk o Chu okla nan il ai atahli nitak a tok; yohmi hatuk o sepulka yvt yvmma auet i bilikasi hatuk oka, vmmak o Chisvs a bohli okla tok.

CHAPTA XX.

Meli Maktalene vt sepulka yash ona, 1. 2 Pita, Ohan itatuklo kvv tshpvt ivt, sepulka yash it onachi akinli. 11 Meli Maktalene ash ot sepulka ya falamvt ona, atuk o i himmak o Chisvs fehna kash osh yvmmak ash inli ho ont i haiaka. 19 Mih nitak akinli opivt taha ho nan im ai ithvna vhleha hvv itvnavvt chiya ma, Chisvs vt im ona; 25 Wek inla hosh ont taha ho nan im ai ithvna vhleha hvv Tamas a pit a momvt itvnavvt chiya ho, Chisvs vt anonti i haiaka.

1. WEK chukovvt iahpi onnahinli fehna okhlilinchi moma ho, Meli Maktalene vt sepulka yash ona cha, tvli yash osh sepulka ya a kavvli tuk o, pisa tok.

2. Yohmi ma maleli hosh vlvv, Saimon Pita, micha nan-ithvna achvfa Chisvs vt holitobli yatuk ita tuklo ka, Chitokaka ya sepulka ya ai ishit kohchi cha kanima yo ont bohli tuk a chini ho, kil akostininchoshke, im achi tok.

3. Yohmi ma Pita yvt, micha nan-ithvna achvfa yash ita tuklo cha ivt, sepulka ya it onachi tok.

4. Yohmi kvv tuklot pit tihlaiya tok; atuk o nan-ithvna achvfa yash ot Pita ya imaiya cha, tikba sepulka ya ona tok.

5. Yohmi cha ont a hlipvt pit hopokoyo mvv, linen vto kahvt maya na pisa akinli kia, pit ik chukowo ki tok.

6. Yohmi ma Saimon Pita yash ot auet iakayvt vla mvv, sepulka yash pit chukowa cha, linen vt kahvt maya ka pisa tok.

7. Yohmi ma nantapvski noshkobo isht afoa tuk vto linen a ik ibafoko hosh, amba pohlvv taha cha, ilapissa yo itonla tok.

8. Mihma nan-ithvna achvfa na tikba sepulka ya ona tuk ash kia pit chukowa cha, pisa mvv, yimmi tok.

9. Yvmma foka mvno illi tuk vt falamvt tana hi oka, Holisso Holitopa ya ik ai akostinincho kishvt okla tok.

10. Yohmi mvt nan-ithvna ash osh ilap in chuka atuk akinli hq itiachi tok.

11. Yohmi kia Meli vto sepvka a kocha ya nishkin okchi mihintit hikia tok: atuk osh nishkin okchi mihintit pit aka chunulit, sepvka anvkaka ya pit hopokoyo tok.

12. Mihmvt enchil tuklo i na-fohka tombi kvv Chisvs haknip ai itola tuk a, achvvt noshkobo imma yatuk ak o gsha ma, achvvt iyi pilla hatuk ak o gsha na pisa tok.

13. Mihma, Ohoyo chia hvv na katihmi hq ish yahaya cho? im achit okla ma, An Chitokaka ya okla ishit kvnia tuk a chini hq, kanima yo a bohli tuk a ak ithano kak oke, im achi tok.

14. Micha ilvppa mak achi mvt, im ashak-imma pit filema mvt, Chisvs vt hikia na pisa kia, yvmmak osh Chisvs ash atuk a ik ahno ki tok.

15. Chisvs ash ot, Ohoyo chia hvv na katihmi hq ish yahaya cho? Kvta hq ish hoyo cho? im achi tok: mihma osapushi apesvchi mak o im ahoba mvt, A shahli ma! chishno ak osh yvmmak ash ai isht ish ia tuk okmvt, kanima yo ont ish bohli tuk mvt, is svv anoli na ont ishit minti lashke, im achi tok.

16. Chisvs ash ot, Meli, im achi ma, pit-filema mvt, Labboni, yvmmvt nan-ithvnanchi ma! achi hoke, im achi tok.

17. Chisvs vt, Uba ivv Aki a ak im ono kisha hoka, is sa potoli na; amba ivv tibapishi li vhleha aiasha kak o ona cha, Aki, mikmvt hvch Iki, an Chihowa, mikmvt hvchin Chihowa im ia li ka, ish im anolashke, im achi tok.

18. Meli Maktalene ash osh vla cha, Chitokaka ya pisa tuk, yohmi na ilvppa puta ka im ahanchi tuk a, nan-ithvna vhleha hash im anoli tok.

19. Atuk o nitak yvmmak ash inlit ont shohbi wek chukovvt iahpi nitak atuk o, Chu okla ha i nukshopa hatuk osh nan-ithvna vhleha ai itvnavvt chieya ka, okhissa yvt

vlhkuma hō, Chisvs ash ot vltv iklvna ant hikia cha. Hvchi nuktanlashke, im achi tok.

20. Ilvppa mak achi mvt, ibbak iti chaplinchit, naksi aiena ka i weli tok. Yohmi ma nan-ithvna vhleha hash osh Chitokaka ya pisa kvv na yukpa tok.

21. Yohmi ma Chisvs ash ot atuklanchit, Hvchi nuktanlashke; Aki vt na sa tohno tok mak o, ai itilauechi hosh hvchishno ma na hvchi tohno li hoke, im achi tok.

22. Micha ilvppa makachit in taha mvt, o fiopa mvt, Shilombish Holitopa ya oh ishi.

23. Kvna im ai ashvchika yo hvsh i kashofi hoka, i kashofa he mak oke; mikmvt kvna im ai ashvchika yo hvch ik i kashofo hokma, ik i kashofo ka he mak oke, im achi tok.

24. Yohmi kia Chisvs vt vla ka, auah-tuklo yatuk a achvfa, Titimvs hohchifo. Tamas vt takla a sha tok keyu.

25. Yohmi tuk o nan-ithvna vhleha inla yash osh, Chitokaka ya e pisa kvno; im achi tok. Yohmi kia, Ibbak chofak ai ahonvha tuk a pisa lish, chofak pit a hika tuk a svbbak ushi pit maiachi lish, anonti naksi a svbbak pit hilechi li hō keyukmvt, sai yimma he keyushke, im achi tok.

26. Atuk o anonti nitak isht untuchina ma nan im ai ithvna vhleha hash osh aboha anuka aiasha ma, Tamas vt takla a sha tok; yohmi ma okhissa yvt vlhkuma hō, Chisvs vt vla cha, iklvna ya ant hikivt, Hvchi nuktanlashke, achi tok.

27. Mihmvt Tamas ash o, Chibbak ushi a auet welit, svbbak a pisá; mikmvt chibbak ma auet welit sa naksi a pit hilechi: yohmi cha, na yimmi iksho hosh ish anta ná, amba chi yimmi kvv a chim alotowashke, im achi tok.

28. Mihma Tamas vt afalaminchi mvt, An Chitokaka ma! an Chihowa ma! im achi tok.

29. Chisvs ash ot, Tamas is sa pisa hatuk mak osh chi yimmishke: pisa hō keyu kia, yimmi tok vhleha hokvt na yukpa mak oke, im achi tok.

30. Micha na-fehna inla kvv laua hō, Chisvs vt nan im ai ithvna vhleha hvv pisa na yvmihchi mvhli tok a holisso ilvppa ik a holissoshke.

31. Amba Chisvs vt Chihowa Ushi Klaist mak a tok a,

huchi yimma he; micha huchi yimmi pulla hosh yumma hohchifo hatuk mak o okchayvt bilia ya hush ahayucha he mak o, ilvppa puta kvv holisso hatuk oke.

CHAPTER XXI.

Chisvs vt, nan im ai ithvna vhleha hvv Tibelias okhvta hvv nuni hokli hosh maya hv, ont im otvni, 1; 12 yohmi cha nan-isht-hokli g nuni im alotoli cha, anonti itibai impa. 15 Chisvs g i hullokmvt in chukfvlhpoba, micha in chukfvlhpobushi aiena ka im ipeta hi g hituchina ha Pita ya i miha; micha Pita yvt na palvmmi isht illa hi g tikbanli im anoli. 24 Chan vt ilap nana anohonli ka aighli, micha Chisvs vt na fehna ka yvmihchi tok g, inla yvt lauvv gsha hosh ik holisso ka, miha.

1. ILUPPUT ai yakohmi ha ya, anonti Chisvs vt nan im ai ithvna vhleha hvv Tibelias okhvta hak o ont a im ile haiakvchi tok: mihmvt ilvppak o ai yakohmi hosh ile haiakvchi tok.

2. Saimon Pita, micha Tamas Titimvs hohchifo, mikmvt Nahlanael Kalili yakni Kana vta, micha Sebeta ushi tuklo, anonti nan im ai ithvna inla tuklo aiena kvv ai itapehvt maya tok.

3. Saimon Pita yash ot, Nuni vbit ia lishke, im achi ma, Pishno ak kia chi apihvt il ivshke, im achi tok. Okla kohchvt ivt chekosi makinli hvv peni g ont vlbeha tok; atuk osh ninak yumma nana kia okla ik hoklo ki tok.

4. Atuk o ont onvvt taha ma, Chisvs vt alaka ya hikia tok; yohmi kia nan-ithvna vhleha hvv Chisvs ash atuk g ik ithano ki tok.

5. Yohmi ma Chisvs ash ot, Ulla vto ilimpa hvchim gsha cho? im achi ma, afalaminchit, Ikshoshke, achi tok.

6. Mihma, Peni ishtimpak-imma yak o nuni-isht-hokli g oh okvchi, micha hush ahayuchashke, im achi tok. Yohmi hatuk o pit okvchi mvt, anonti nuni yvt laua fehna ka, halvlli kvv okla na kanihma he keyu ki tok.

7. Yohmi ma nan-ithvna Chisvs vt holitobli yatuk, yvm-mak ash ot, Chitokaka mak oke, Pita ya im achi tok

Mihma yummvt Chitokaka mak atuk o, Saimon Pita yvt haklo mvt, nipi bano tuk osh nafokvt nuni hokli yatuk ash o ishit il ai vskofvchi mvt, okhvta hash pit okatula tok.

8. Mihma nan-ithvna vhleha inla ka yvto alaka ya pit i nopaki keyu, amba k u b i t tahlepa tuklo foka ho gsha hatuk okvt, pen-uschi ash o alhtot nvn-isht-hokli nuni alota ka halvlit isht ia tok.

9. Atuk osh alaka ya okla ona makinli ho, tobaksi luak vt yvma gsha ma, nuni yvma itotonla ma, poska ak kia itonla na okla pisa tok.

10. Chisvs ash ot, Nuni himonasi hvsh hokli tuk vt, ishit ho minti, im achi tok.

11. Saimon Pita yvt pit chukowvt nvn-isht-hokli ash nuni hochito tahlepa achvfa pokoli tahlapi cha, akocha tuchina aienvt alota ho halvllit, alaka isht ona tok: laua hokvto yakohmi nana kia nvn-isht-hokli ash ot ik okpulo ki tok.

12. Chisvs ash ot, Mintit ant oh impa, im achi tok. Mihma yummvt Chitokaka mak atuk g ithana hatuk osh, nan-ithvna vhleha hv achvfa kia i ponaklot, Kvta chia ho? achi kia iksho ki tok.

13. Mihma Chisvs ash ot onvt, poska ya ishi cha, i hopela mvt, nuni ma yvmihchi akinli tok.

14. Chisvs vt illi tuk osh falamvt tani ha yvt, ilvppvt ont atuchina mak o nan im ai ithvna vhleha ha im ile haiakvchi tok.

15. Atuk o impvt okla issa ma, Chisvs ash ot Saimon Pita ya, Saimon, Chonas ushi chia hv is so hullo kv, ilvppa puta ka chim i shahli cho? im achi ma, Ahlishke, Chitokaka ma! chi hullo li hoka chishno vt ish ithanvshke, im achi ma, An chukvlpoba ushi puta ka pehlichit ish ipihintashke, im achi tok.

16. Anonti atukla ma, Saimon, Chonas ushi chia hv is sa hullo cho? im achi ma, Ahlishke, Chitokaka ma! chi hullo li hoka, chishno vt ish ithanvshke, im achi tok: mihma, An chukvlpoba puta ka pehlichit ish ipihintashke, im achi tok.

17. Ont atuchina ma, Saimon, Chonas ushi chia hv is sa

hullo cho? im achi ma; ont atuchina mak o, Is sa hullo cho? im achi hatuk o, Pita yash osh nukhaklot taha tok. Yohmi mvt, Chitokaka ma! nan okluha ka ish ithanvshke, chi hullo li hoka chishno vt ish ithanvshke, im achi tok. Mihma Chisvs vt, An chukfulhpoba puta ka pehlichit ish ipihintashke, im achi tok.

18. Ahlishke, ahli mak o chim achi lishke, Chi himita mvto chishno inlit il ai vskofachechit, chishno ish ahni hosh kanima ish aya beka tok: yohmi kia ont a chi sipokni hayokmvto, chibbak a ish wakeli na inla hosh chi vskofachechi cha, kanima ish aiahni keyu kia, chisht aya hi oke, im achi tok.

19. Ai illi kanihmi ho Chihowa ha isht a holitoblichia he ak o, anoli hosh ilvppa anumpuli tok. Mihmvt ilvppa anumpuli mvt, Is siakaiyashke, im achi tok.

20. Mihma Pita yvt filemvt, nan-ithvna achvfa Chisvs vt holitobli chatuk opiaka impvt maya ka ikkishi ha pit vtayvt ashvt, Chitokaka ma! chishit inla ibbak chi fohki kvto, kaitima kak oh cho? achi tok ash osh awant aya na pisa tok.

21. Pita yvt yvmma pisa mvt, Chisvs ash o, Chitokaka ma! yohmikmveno hatak ilvppak amo katiohma chi cho? im achi tok.

22. Chisvs ash osh, Uno ak osh ahni li hokma, ilvppak okvt ahanta tuk o vla la he, yvmmvt nanta isht chi ahalaia cho? Is siakaiyashke, im achi tok.

23. Yohmi ma itibapishi vhleha hv, nan-ithvna yvmmvt ik illo ka he yatuk a, it im anolit maya tok; yohmi kia Chisvs vt, Yvmmvt ik illo ka hi a i miha tok keyu; amba vno ahni li hokma, ahanta tuk o vla la he, yvmmvt nanta isht chi ahalaia cho? achi tok.

24. Nan-ithvna ilvppak a tok mak osh ilvppa puta ka atokoli cha, anonti yakohmi ka holissochi tok: yohmi ka yvmmvt nana atokolit anoli ka ai ahli ka il ithaiyanvshke.

25. Micha nana inla Chisvs vt a kanihmi tok a lauvt a sha, yvmmak osh momvt holisso hokma, holihiso kv, yakni ak oh kia holisso hv ai itola hi vt iksho ka hinla, vm abobvshke. Amen.

CHISVS KLAIST

IM APOSTEL VHLEHA HVT NANA A KANIOHMI TOK.

CHAPTA I.

Klaist vt illi ha ya tok g isht annoa kaniohmi kv̄t vlbitvt annoa, 1. 9
Yvmmvt vba ia isht annoa. 15 Chutvs vlhtoba hq achvfa ka ato-
kola hi g, Pita yvt isht anumpuli.

1, 2. **TIAFILUS** ma! Chisvs vt vmona, nana puta
a kaniohmit nan im avchit isht mahaya tok osh, vba anum-
peshi vhleha hg ilapo akinli atokoli tok vt, nana vhpisa ka
Shilombish Holitopa pulla hq isht ai ihima tok osh, vba ia
tok nitak fena ka, holisso tikba kash o, isht ai ikbi li tok.

3. Yvmmak okvt ilbvsha hayvt okchaya kv̄t, nana ghli
isht ikhaiyana he lava ka, yvmmak ash o ai isht im ile hai-
akvchi cha, nana kv̄t Chihowa apehlichika ya, pit ai ahalaia
puta ka isht anumpohonli ka, okla pisa na nitak pokoli ushta
tok.

4. Micha itahobit taiyahli mvt, Chelusalem g okla issvt ik
aiyo hosh; amba Iki vt nana miha tok, Yvmma hv̄s sum
a haklo tuk vt, pit hoyot hv̄sh chieyashke; achit im apesa
mvt,

5. Chan ak okvto oka yo isht baptismochi mv̄hli tok;
amba hv̄chishno vto himmak pila hg, nitak kanohmi keyuk-
ma, Shilombish Holitopa yak o isht hv̄chi baptisma chj hoke;
achi tok.

6. Yvmohmi na okla itahobvt chieya mvt, nan i ponaklot,
Chitokaka ma, himak foka hokvno apehlichika ya falamin-
chit Israel g ish ema chj cho? achi tok.

7. Mihma, Nitak, micha avm̄mi puta ka, Iki vt ilapo ib-
bak akinli hq fohkit ieshi ka hv̄sh ithana vhpesa keyu hoke.

8. Amba Shilombish Holitopa yvt ayvt hvchim v̄la ha mvno, nana ai ahlika ya, hvsh esha he : yvmohmikmvt Chelusalem, micha Chutia moma, micha Samelia, micha yakni afolota ont ai vhli fena aiena ka, atokolit a na si anoli hvchia ha he mak oke ; im achi tok.

9. Mihma nana yakohmi ka anumpulit ont in taiyaha ma, oklat p̄isa na, vba ishtia ma, hoshonti hv̄t i holhponayo h̄g ant im a luhmit ishi tok.

10. Mihma vba ia na, pit aiokchifelit shutik pilla ka pit hopokoyot h̄ieli ma, hatak tuklot nafohka tohbi fohka hosh i bilikasi h̄ieli tok.

11. Mihmvt yvmmak ash osh, Kalili hatak hvchia hv̄t, nanta katihmi h̄o shutik pilla ka pit hopokoyot hvsh h̄ieli cho ? Chisus ilvppak ash fehna akinli kv̄t hvchim eshit vba ishtia ka, kaniohmit vba ia h̄o hvsh p̄isa tuk a yvmmak inli h̄o chohmit ayvt v̄la hi oke ; achi tok.

12. Yvmohmi ma, nv̄nih chaha Alifit hohchifo h̄o, yvmmak okvt Chelusalem a pit bilika nitak hullo anowa v̄lhpesa h̄o asht falamvt Chelusalem a okla v̄la tok.

13. Michā okla ant chukowa mvt, vba potv̄lhpo ya yvmmak o Pita, micha Chemis, micha Chan, mikmvt Antilu, Filip, micha Tamvs, Bahlolomu, micha Mahlu, Chemis, Alfiv̄s ushi, mikmvt Saimon Selotis, micha Chutvs̄ Chemis itibapishi aiena kv̄t ai asha tuk o pit oiyat taha tok.

14. Ilvppak osh momvt ohoyo puta, micha Meli Chisus ishki, micha itibapishi v̄hleha hatuk aiena ka ai itapehv̄t im anukfila ai achv̄fv̄t vba pit anumpulit, nana asilh̄ha aiena kv̄t ik isso hosh aiasha tok.

15. Atuk o nitak yv̄mma foka ma ! nan ithv̄na v̄hleha hohchifo holhtina kv̄t tahlepa achv̄fa cha pokoli tuklo foka hosh itv̄nahv̄t chieya h̄o, Pita yvt ikl̄onna wakayvt h̄ikia cha,

16. Hatak itibapishi li v̄hleha ma ! Shilombish Holitopa yvt tikbanli, Lewi ash itakha ai isht Chutvs̄ a isht anumpuli tok o, Chisus okla ishi ka in tikba hika tuk a, ik kaniohmi kia holisso ilvppvt ai ahli tuk pulla hoke.

17. Yvmmak okvt hv̄p iba holhtiena cha, anonti nan isht v̄tta ilvppa pit ahalaia ka ieshi hatuk,

18. Micha hatak ilvppvt yoshoba isht vlhtoba tuk a osapa yo ishit chumpa tuk; micha itihpelvt aki vt, iklonna mitafana, iskuna puta kashot momvt kocha pit fohopa tok.

19. Yvmohmi ka Chelusalem okla aiasha kv t momvt akostininchi tuk; yohmi hatuk o osapa yvmvt ilap im anumpa ya, Esiltama hohchifo, yvmvt osapa issish achi hoke.

20. Micha ataloea holisso ha a holisso kv t, Yvmvt ai ahanta yatuk a ik chukilissá, yohmikma hatak nana kia yvm-mak ash ik ai ahanto kashke; micha, Nana ai isht vta yatuk a, inla yosh ishashke; achishke.

21, 22. Yvmohmi hoka, Chitokaka Chisvs vt pi takla vttvt aya, Chan a im a baptismo chash, vhlit mintit a hvvim eshi na vba ia nitak fehna ai vla ka, hatak yakohmi kv t pi apehvt, aya na bilia tok okvt, yvmvt falamvt tani tuk a, atokowa pib ai anola chi kv t, achvvt vlhtoka pullashke; achi tok.

23. Mihma hatak tuklot, Chosef osh Basabvs hohchifo hosh, hochifo apunta kv t Chvstvs o, anonti Mathlaivs aiena ho, okla hiohlichitok.

24. Micha okla vba pit anumpuli mv t, Chitokaka hatak moma chukvsh a ithaiyana chia hokvt, tuklo ilvppa kanimampo kak o, ish atokoli hatuk okmv t ish otvninchi na,

25. Nan isht vta ilvppa, micha vba anumpa isht vta pit ahalaia aiena, yvmmak atuk o, Chvstvs vt ilap ai vta ya ia chin cha, yoshoba cha issa tuk oka, ieshashke; okla achi tok.

26. Micha okla nashoeli bohli tok; mihma nashoeli ash ot Mathlaivs ak o onvtula na, yvmmak osh vbanumpeshi auahchvfa kash iba holhtiena tok oke.

CHAPTA II.

Vbanumpeshi vhleha hv t Shilombish anukfohka fehna mv t, anumpa ilaiyuka anumpuli, 1. 14 Pita yvt vbanumpa isht anumpuli.

1. **A**TUKO Pentekost nitak vt ont vlhpiesvt taha ma momvt im anukfila ai achvvt mih achvfa yo chieya tok.

2. Yvmohmi ma ashalika mahli kullo chinto chiyuhmit, vba ya fopa hosh mintit vla cha, aboha anuka okla aiasha tuk ash ant alotolit kaiyanchi tok oke.

3, 4. Yvmohmi ma, isunlvsh chuhlahli kv̄t luak o chiyuhmi hosh ant i haiaka, micha achvfaiyuka ant onvtoyula tok; yvmohmi na, moyumvt Shilombish Holitopa yvt isht anukfohkvt alota ma, anumpa inla puta anumpula hi a, Shilombish vt apelahanchi na, okla anumpulit ishtia tok oke.

5. Yvmohmi ma Chelusalem a Chu vhleha, hatak hopoyuksa puta, oklushi moma shutik nuta ka aiasha ka a minti hosh, aiasha tok.

6. Mihma ilvppak ashot annovt takakanli ma, okla laua yvt ant itahoba cha, ilap im anumpa aiyuka yo, ai anumpulit maya na, hatak momvt haklo hatuk osh, okla anukhlakancha tok.

7. Michā momvt okla nukhlakancha mvt, okokko! ai ahni mvt, Ilvppa anumpulit maya kv̄t momvt Kalili okla keyu hō?

8. Michā nanta katiohmi hō hatak moma kv̄t il a toba tok pim anumpa akinli hō, e hahaklo cho?

9. Patia okla, micha Mit okla, micha Ilam okla, mikmvt Mesopotemia, micha Chutia, anonti Kapatosha micha Pontvs mikmvt Asia,

10. Fichia micha Pafilia Echip, mikmvt Libya pilla Saini foka aiena aiasha puta, micha Chu vhleha, mikmvt ai ibvlhto puta, Lom mintit itvnowvt aya,

11. Klit okla, micha Alabia okla puta kashot, Chihowa i na fehna ka, pishno pim anumpa hō okla isht anumpuli na eho haiyakloshke; itim achit maya tok.

12. Michā okla momvt nukhlakancha mvt, ik ai akostinincho chohmi cha ilvppvt, Katiohma hinla hosh yakohmi hō? itim achit maya ma,

13. Anonti inla ka mvt isht yopulvt, Hatak yakohmi kv̄t oka paki himona yo yvmmi hoka; achi tok.

14. Yohmi kia Pita yashot, auah chvfa kash ibafohkv̄t hikia cha, im anumpa vba takalichit, Chutia hatak hvchia,

micha Chelusalem aiasha hvchia, hvsh moma kv̄t, ilvppa oh ithaiyana cha, v̄m anumpa h̄a hvsh haponaklashke.

15. Yakohmi kv̄t nan ishkot haksi h̄o keyu, chishno yokv̄to yohmi h̄o hvchim ahoba kia nitak hvshi isht vlhpisa ont atuchina hoka.

16. Amba ilvppv̄to hopaii Choel vt isht anumpo-honlit,

17. Nitak himmaka pilakma yakohma hi oke: Nipi puyuta ka v̄mi shilombish ma ai isht o fohohompli la hi oke: yohmikma hvch iso nakni v̄hleha, micha hvch iso tek puta kash ot v̄ba anumpa isht anumpulikma, anonti hatak hvchi himithoa puta kash ot nan isht ahoba pih̄isa he; yohmikma hatak hvchi sipokni puta kv̄t holhpokunna ma holhpokohuna hi oke.

18. Michā nitak yv̄mma fokakma, an tishu v̄hleha, micha ohoyo an tishu moyuma ka v̄mi shilombish a o fohohombli la he; yohmikma v̄banumpa isht anumpula hi oke.

19. Michā v̄ba shutik a nana fehna ka a haiakahanchi lik-mvt, anonti aka yakni ma nan isht ahoba, issish, micha luak, anonti shobulli yobota aiena ya hi oke.

20. Chitokaka i nitak chinto holitopa kv̄t ik lo k̄isha h̄o, hvshi ash ot okhlili h̄o tobakma, hvshi ninak aya ash ot issish toba hi oke.

21. Michā yakohma hi oke, Kv̄na kia Chitokaka hohchifc h̄a pit hochihifokmvt okchaya he mak oke; Chihowa yvt ahanchishke: ahanchi tok mak oke.

22. Israel hatak hvchia hv̄t, anumpa yakohmi ka hvsh haiyaklashke; Chisvs Nasalet ai v̄tta, Chihowa yvt ai ahniechi hatak osh, hvch itintakla ahanta ma, yv̄mmak o Chihowa yvt isht ahullo, nana fehna, micha nan isht ahoba puyuta ka isht hvch itintakla ma, a yv̄mihinchi tuk a, hvchishno akinli kak kia hvsh ithainayvshke.

23. Yv̄mma Chihowa yvt nan tikbanli pit akostininchi, micha ik kaniohmi kia yohma he ma im anukfila cha, issa tok pulla hatuk mak o, hvsh ishi cha, ibbak haksi yash isht iti taiyukhv̄na a takalichit hvsh bi tok.

24. Yv̄mma Chihowa yvt illi na-hotopa puta ka hotoff

cha, tanichi tok: yummak oka yummvt a foka he vhpesa keyu hatuk oka.

25. Lewi yvt yumma isht anumpuli mvt, Chitokaka yvt sa nashuka itikba ya hikia na, pit pihisa li chatuk. Ik sa kanullo ka hi a, yummak okvt svbbak isht impak imma ya hikia hoka:

26. Yohmi hatuk o, sa chukvsh vt na yukpa ma, anonti sa sunlvsh vt yukpa tok: yohmikma sa nipi ak kia nan ahni iksho hoshi foha hi oke.

27. Ūmi shilombish a aiokpuloka ya ish a kancha he keyu hokvt, anonti chi Holitopa tuk ash kia ant toshbit ik tahá, ish im ahna he keyu boke.

28. Chishno yvt ai okchaya hina puta is svm otvnichi tok; chishno vt chi nashuka ya, isht yukpalit is si alotola hi oke; ahanchi tok.

29. Hatak il itibapishi vhleha ma! nukwaya ikshot hatak iki chinto Lewi atuk osh illi cha hollopi aiena tok o, im ahollopi yvt hvp itin takla ya hikia na himak a nitak fehna hatuk a, isht hvchim anumpohonli lashke.

30. Yomohmi ka hopai atuk, micha Chihowa yvt, nipi okvto yumma isht atia ka yo, Klaist a ai ikbit yumma im ai asha holitopa tuk ash, ai o binila chi mak o, hilecha hi vt, anumpa kullo isht ai im il apihisa tok a, ithaiyana tok oke.

31. Ilvppa tikbanli akostininchi hatuk osh, Klaist vt falamvt tana hi a isht anumpuli mvt, ilap imi shilombish a aiokpuloka ya ik im a kancha ma, anonti nipi yvt toshbit ik taho ki tok aiena ka, miha tok oke.

32. Chisvs ilvppa Chihowa yvt tanichi tuk o, yumma atokowa nan anoli pi bieka mak osh e hielishke.

33. Yohmi ka Chihowa im ibbak isht impak imma a binili holitopa, micha Shilombish Holitopa im ihisa tuk ash, Iki ya im ai ihishi aiena hatuk makosh, ilvppa auet fohohombli na, himonasi ka mihmak o hvsh pisa, micha hvsh hahakloshke.

34. Lewi yvt vba shutik a ona tok keyu hoka; yohmi kia ilapinli kv, Chitokaka yvt an Chitokaka ya, Svbbak isht impak imma ya ish binili na,

35. Chin tɔnɔp v̄hleha h̄a chiyi ai ɔ hikia ikbi lashke; im achi tok, ahanchi tok.

36. Yvmohmi hoka, Israel okla moma kv̄t, Chisvs iti itai-yukvna hv̄sh a takalichi chash fehna ka, Chihowa yvt yvm-mvt Chitokaka, micha Klaist aiena mak ɔ, ikbi tok a, ithaiyana pullashke; im achi tok.

37. Yohmi ma ilv̄ppa okla haiyaklo mvt, ch̄ukvsh vt nuk-haklo fena mvt, Pita, micha vbanumpeshi inla aiena kash ɔ, Hatak il it̄ibapishi v̄hleha ma! nantak ɔ e katiohma ch̄i cho? im ahanchi tok oke.

38. Yvmohmi ma Pita yashot, Hv̄sh moma kv̄t ile kostininchit, nan ai ashv̄chika puta isht kashofa ch̄i ka, Chisvs Klaist hohchifo h̄a, im a hv̄chi baptismashke; yohmikmvt Shilombish Holitopa holhpila ka hv̄sh isha he mak oke.

39. Anumpa hv̄t hv̄chishno, micha chim v̄lla puta aiena, micha auet hopaki pilla aiasha ka moma, peh laua kv̄t kaniohmi h̄o Chitokaka hv̄pin Chihowa yvt pit hoyā hi a, im aya hoka; im ahanchi tok oke.

40. Michā anumpa inla mvt laiyawa h̄o, isht im anumpu lit, anonti atohnohonchi mvt, Aiv̄lhpesa iksho isht ai unchululi v̄hleha ilv̄ppa hv̄sh ai ile mokofashke; ahanchi tok oke.

41. Yvmohmi ma im anumpa h̄a na yukpvt ih̄ishi tuk puta kv̄t baptismo tok; yvmohmi na nitak yvmmak inli ka hatak tahlepa sipokni tuchina fokvt ib̄vlhkaha tok oke.

42. Yvmohmi cha vbanumpeshi v̄hleha im anumpa hash, micha it̄i hullo aiena, micha p̄vska boshullichi, mikmvt vba pit anumpuli aiena kv̄t kullo fenhvt ahashwa tok.

43. Yvmohmi ma hatak moma ka nukshopa hv̄t onvtuyula tok; mihma nana fehna, micha nan isht ahoba laua aiena kv̄t vbanumpeshi v̄hleha hash isht a yvmohmi tok.

44. Yvmohmi ma na yimmi tuk v̄hleha hv̄t momvt ai it achv̄fa mvt, anonti nana puta ka ai i moma hosh ai asha tok.

45. Michā im osapa puta, v̄lh̄poyak aiena kash okla kampela cha, hatak mominchit hatak vt nana h̄o bv̄nna hatuk aiyuka ka, i hopela tok.

46. Michā im anukfila mvt ai achv̄ft, Tempel anukaka ya, nitak moma ai ahashwa, micha chuka taloha puta ma,

puska a boshullichit itynowa aiena mut, chukresh ai ghlit na yukpet im ilhpak ma vput aiashvt,

47. Chihowa ya ai okpahanchi ma, okla moyuma kvt ahniechi tok. Yvnohmi ma okchaya he puta kano, Chitokaka yvt nitak moyuma ka vbanumpuli iksa ya isht ibakanli tok oke.

CHAPTA III.

Pita, Chan ita tuklo kvt hatak imomokpulo hlakofichi tok o isht anoa, 6.

1. YOHMI ma Pita, Chan ita tuklo kvt hvshi kanvlli isht vhpisa chakkali ho, vba pit ai anumpuli hvshi kanvlli hatuk o, tempel a itiachit ont chukowa tok.

2. Yvmohmi ma hatak vt imomokpulo yosh vta tok o, yvma okla iti sholit, tempel a, okla ont a chukowa ka, nanasi kia im asilhha chi ho, nitak uha tempel okhissa, yvmut hohchifo mut aiukli achi ho, ont okla bohyuli beka tok o;

3. Yvmmak ashot, Pita, micha Chan ita tuklo kvt tempel a pit chukovvt okla chi ho, pisa mut nanasi kia asilhha tok.

4. Mihma Pita yvt Chan ash awant yvmmak ash aiokchifelit pihisa mut, Auet pi pesa, achi tok.

5. Yohmi ma yvmmak ashot nana ho im a habena chi ka, im ahoba mut im atia tok.

6. Mihma Pita yashot, Tvli holisso, micha tvli holisso lakna aiena hokvto ik svn ikshoshke: amba nana ho ishi li kvto chima lishke: Chisvs Klaist Nasalet ai vta hohchifo pulla ka, wakaya cha nowa, achi tok.

7. Mihmut ibbak im ishtimpak imma ya halvlli cha, wakeli tok: mihma ashalika iyi, micha iyi imoksak foni puta aiena kash ot hlampkot toba tok.

8. Mihma yvmmak ash ot balaklit tanit hikia cha, nowa tok: mihmut nohovvt, anonti mullit, Chihowa ma pit aiokpahanchit, yvmmak ash awant Tempel a ont chukowa tok

9. Mihma okla momvt yummvt nohwa, micha Chihowa pit aiokpahanchi aiena ka, piesa tok.

10. Mihmvt yummak osh na habena chi hosh tempel okhissa aiukli a asha beka tuk a, okla ithana tok: nana kv̄t ai i yakohmi tuk a, okla okokko! ahnit anukhlakanchvt kv̄nia tok.

11. Micha hatak imomokpulo hlakofi tuk ash ot Pita, micha Chan ita tuklo ka halanli ma, okla moma kashot okokko! ahni fehvt, o yihlept Solomon im apishia achi ho nutaka ya, ont ai itahoba tok.

12. Yvmohmi na Pita yvt pihisa mvt, okla hash im anumpulit, Israel hatak hvchia hv̄t, nanta katihmi ho ilvpa isht hvchi anukhlakancha cho? Micha nanta katihmi ho pishno nan isht a pim ghlika akinli hokma, keyukmvt pi achukma hokina, nana tuk osh hatak ilvppa e nowvchi tuk o chiyuhmit aiokchifeli fenvt hvsh pi pihisa cho?

13. Eblaham micha Aisak, mikmvt Chekob in Chihowa, micha hv̄p iki vhleha in Chihowa yvt Ushi Chisvs a holitobli tok; yummak oka Pailat vt ant ik ia, im ahni vlhpiesa tuk a hvchishno vt itikba hielit kanchit ibbak hvsh fohki tok oke.

14. Micha Holitopa, mikmvt Aighli aiena tuk ash hvsh kanchi cha, hatak vbi yak osh a hvchim vlhpiesa chi kv̄t, hvsh asihjla tok.

15. Micha Aiokchaya i miko ya hvsh bi tok o, yummak ash illi tuk a, Chihowa yvt tanichi tok o; yvma atokowa anoli vhleha pia mak oke.

16. Yvma hohchifo, hohchifo yvma a yimmi pulla hosh hatak ilvppa hlampkochi tuk o, hvsh pisvt hvsh ithaiyanvshke: ghli, yvma ai i yimmika pulla hosh haknip achukma aighl ilvppa, hvsh moma hvchi tikba ya a im ataiyahli hoke.

17. Yohmi ka itibapishili vhleha ma! na hvchik ithaiyano kak osh hvsh yvmohmi tok; micha hatak hvchi pehlichihleha ak kia yohmi akinli tuk a, himak a ithaiyana lishke.

18. Yohmi kia Klaist vt ilvsha he a, Chihowa yvt tikba

ma i hopaii puta itih ha, nana yvmma puta ka isht anohonli tuk vt, yvmihchit ai ahlichit tok oke.

19. Yvmohmi hoka ile kostininchit im anukfila inla hvchi anukfokashke; yvmohmi na nitak hochukma Chitokaka itikba a mihinti kv̄t ahanlakma, nan hvsh ai ashvchika puta kv̄t hvchi kashofa hi oke.

20. Yvmohmikma tikba kash isht hvchim anumpa tek Chisvs Klaist a auet chvfficha hi oke.

21. Yvmmak oka vba shutik vt ieshi pulla na, nana okluha Chihowa yvt nitak tikba pilla mihinti ka, i hopaii hochukma puta itih ha isht anumpohonli tok vt, ont ai ahla he vhpiesa hoke.

22. Moses okvt hatak pin tikba vhleha ha, Chin Chitokaka Chihowa yvt, hvsh itibapishi hatuk a hopaii, vno chohmi ka ikbit hvchi hilecha he: yvmmak o nan okluha nana ho hvchim ahanchikma, hvsh haiyakla hi oke.

23. Yohmikma, yakohma hi oke: kvna hosh Hopaii yvmma i haponakla he keyukmvt, okla ai ibafohka tuk vt ai okpulo kv̄t kvnia hi oke; im ahanchi mvhli tok.

24. Ahli, micha hopaii moma, Samuel ai vhlit minti, micha ola takla ha asht isht auehinchit anumponli kv̄t momvt, nitak yakohma hi oka, tikbanlit anoli akinli tok.

25. Hvchishno vt, hopaii vhleha, micha Chihowa yvt hvpin tikba vhleha ha, nan it im apesvt Eblaham a, chishno isht chi ai unchululi ho, oklushi puta yakni paknaka aiasha kv̄t ai isht ilayukpa hi oke; im ahanchi tok, anumpa ha ushi hvchia hoke.

26. Chihowa yvt ushi Chisvs ikbit hilechi mvt, hvchishno ak o mominchit nan im ai ashvchika ya ai isht filvmmichit a chi yukpala chi ka, tikbanli auet chvffihinchit tok oke; achi tok oke.

CHAPTER IV.

Pita, Chan ita tuklo kv̄t aboha kv̄llo vhpitta tok, 1. 8 Pita yvt nukwaya iksho tok. 18 Vbanumpeshi vhleha hv̄t anumpa kv̄llo im vhpisa tok.

1, 2. **MICHA** okla ha im anumpulit ahashwa ma, na holitompa ish vta vheha, micha tempel atoni, mikmvt Satusi vheha aiena kv, yummvt hatak illi puta tana hi oka, Chisus atuk mak o okla ha nan ikhvnanchi, micha isht anumpohonli kak o, ik im vhpieso hatuk osh, ant i kocha tok.

3. Michā okla ibbak isht ieshit, aboha kullo apitta na onna tok, opia hosi tok oka.

4. Yohmi kia anumpa ha hahaklo tuk vt, laua hosh yimmi tok; yvmohmi ma hatak holhtina kv tahlepa sipokni tahlapi foka tok.

5. Ont onna ma yakohmi tok; Okla i pehlichika vheha, micha hatak hochitoka vheha, micha na holissochi vheha,

6. Mikmvt Annas, na holitompa isht asha pehlich, micha Kaiafvs, mikmvt Chan, micha AlikSanta, micha na holitompa isht asha pehlich i kanomi vheha moma aienvt, Cheluselem a ai itahoba tok.

7. Michā yummak ash o ai iklvna hiehlechi mvt, Kvt hosh nan apesa tuk o, keyukmvt nanta hohchifo ho ilvppa isht hvsh ai yakohmi tuk oh cho? achit ponaklo tok.

8. Yohmi ma Pita vt Shilombish Holitopa isht anukfoka fehna mvt, Okla pehlich vheha micha Israel i hochitoka vheha hvchia ma!

9. Hatak iksitopo vt nan isht il ayukpa yvt im vlhtaha tuk a, kaniohmi ho isht a hlakofi tuk a, himak nitak a pishno ak o pi ponaklo hatuk oka,

10. Hvchishno vt hvsh moma, micha Israel okla moma kv hvsh ithaiyanashke; Chisus Klaist Nasalet ai vta hohchifo pulla, ymma iti itaiyukhvna hvsh a takalichi tok o ili tuk a, Chihowa yvt tanichi tok: yummak fehna kak o, hatak ilvppvt isht a hlakofi cha hvchi tikba ya, yak hikia hoke.

11. Tvli ilvppak o, chuk-ikbi vheha hvchia hv, ik ahobalot hvsh kanchi tok mak o, yummak ash ot chukbi ka nutak intola fehna toba hoke.

12. Michā ai okchaya mvt inla kia iiksho: shutik nutaka ya hohchifo inla ma hatak puta ka auet ai ima tok o, mihi yo il ai okchaya he vhpesa kv iksho hoka; im ahanchi tok.

13. Yohmi ma Pita, micha Chan ita tuklo kv̄t nukwaya iksho hō okla pihisa, micha yvm̄vt hatak holisso imponna keyu, micha nan ik ithano aiena yatuk a, akostininchi mvt, okokko! okla aiabni tok; micha yvm̄vt Chisvs a apehvt aya tuk a, okla im akostininchi tok.

14. Michā hlakofi tuk hatak ashot ibafokvt hikia na, okla pisa hatuk osh, yv̄mma okla nan isht a miha he keyu tok.

15. Amba ai itv̄naha ka a kohcha ch̄i ka, okla im apesa ha yokv̄to, ilap bika it im anumpulit mayvt,

16. Hatak ilv̄ppa nanta kō eho katimihcha ch̄i hō? na fehna ithana hinla mak o, yv̄mma ai isht yvmohmi mv̄hli tuk a, Chelusalem ai asha kv̄t momvt akostininchi hoka; anonti pishno vt ik ahlo, e miha he keyushke.

17. Amba okla hā ibai a chukowvt i shahlit isht ik aiyo ka he a, i nokowa fehvt, himmak a pilla ma, hatak nana kia hohchifo ilv̄ppa isht ik im anumpulo ka hi a, iloh im apesashke; ahanchi tok.

18. Mihmvt okla pit i howa cha, Chisvs hohchifo hā isht ik anumpulo kv̄mohmikmvt, anonti nan im abv̄chit ik ahashwo ka ch̄i hō, im apesa tok.

19. Yohmi kia Pita, micha Chan ita tuklo kash ot, afalaminchi mvt, Hv̄chishno ak o a hv̄ch̄i haponaklo kv̄t, Chihowa ya, i shahlich̄i kak okmā, nanta kosh Chihowa itikba ya ai v̄lhpiesa hō anukfillit ho pesá.

20. Nana ka e pisa tuk, micha e hahaklo tuk aiena kv̄t, isht kil anumpulo ka he keyu hoka; im achi tok.

21. Yvmohmi ma okla hatuk pulla mak o, kanimihchit a fvm̄ma hinla kv̄t, ik akostinincho hatuk osh, achakalit nan i mihvt tahli mvt, ant ik ayá, okla im ahni tok; nana kv̄t a yvmohmi tuk a, hatak moma kv̄t, Chihowa ya pit isht holi-tobli hatuk o.

22. Hatak vt hopahki kv̄t afv̄m̄mi pokoli ushta ka atampa hō na fehna nahlakofichi ilv̄ppvt ai i yvmohmi hatuk oka.

23. Ant ik ayá, im ahni mv̄no, iv̄t ilap ai itapeha ai asha kash itonachi tok; micha na holitompā isht v̄tta v̄hleha, hohchitoka aiena kv̄t nana im achi tuk ash mominchit anōi tok.

24. Mihma yv̄mma okla haklo mvt, im anukfila ai achv̄vt,

Chihowa ya okla pit im anumpuli mvt, Chitokaka ma chishno akosh Chihowa chia hosh, vba shutik, micha yakni, mikmvt okhvta, micha nana moma yakohmi aiasha ka ikbi tok chia hvt ;

25. Lewi chim vlla itih hā isht ish ai anumpuli mvt, Nanta katihmi hō okla nan ik ithano yvt nokowa ma, anonti okla hvt nana tok keyu ka anukfillit ai asha tok on cho ?

26. Yakni miko vhleha hvt hielī ma, yohmi na pēhlichī vhleha hvt Chitokaka, micha ī Klaist aiena ka ī sanalit itahomba tok, ish achi tok.

27, 28. Ahli mōhlishke, chiso holitopa Chisvs, yvmmak o chishno vt ish il a hvmmichi tuk ash, Helot vt Pashis Pailat a ita tuklot, okla nan ik ithano vhleha, micha Israel okla aiena ka itapehvt ī sanalit nana hosh kaniohma hi a, chibbak, micha chim anukfila aiena kv̄t, tikbanlit aiahni tok a, yvmihcha chī mak osh, okla itahohomba tok oke.

29, 30. Yvmohmi ka himonasi a, Chitokaka yvt okla im anumpa palvmmi a ish ithaiyanashke, micha hlakoficha chī kv̄t, chibbak a auet ish wihinli ; micha nan isht ahoba puta, anonti na fehna puta aiena kv̄t chiso holitopa Chisvs hohchifo pulla ka isht a yvmohmi na, chin tishu vhleha hvt nukwaya iksho hosh chim anumpa hā isht anumpohonla chī ka auet ish im aiahnashke ; achi tok.

31. Yvmohmit vba pit anumpulit okla in taiyaha ma, itv nahvt okla a chieya tuk ash winakahanchi tok : yohmi ma momvt Shilombish Holitopa yvt anukfohkv̄t kv̄nia mvt, nukwaya iksho hosh Chihowa im anumpa hā okla isht anumpohonli tok oke.

32. Okla laua na yimmi tuk vhleha hashot chukvsh achvfa mvt, Shilombish mvt achvfa hosh ai asha tok ; micha achvfona kia nana im aiasha kv̄t kaniohmi ka ilvppa vno vmmi fena, achi tok keyu ; amba nana moma ai ī moma hosh aiasha tok.

33. Ubanumpeshi vhleha hash ot nan āhlika chinto ka il aieshi hosh, Chitokaka Chisvs vt tani tok a atokowa okla anohonli tok : yvmohmi ma ayukpa chinto kv̄t mominchit cnvtoyula tok.

34. Micha achufona kia nana kv̄t ik im iksho mvt ibafoka tok keyu; amba osapa, micha chuka kia in talohmaya aiyukali atuk vt, kampila cha, nana hosh nana kanchi ka it vltoba tuk puta ka, okla isht ai vla tok.

35. Micha yummak ash vbanumpeshi vhleha iyi ituma ya, ant ashachi tok; yohmi na hatak vt nana ka banna ka aiyukali tuk a isht i holhpila tok oke.

36. Yohmi ma Choses atuk o, vbanumpeshi vhleha hv̄t Banabas hochifo tok, yummvt toshowakmvt Nana im abvchi ushi achi hoke, Lefait hatak Saipus yakni vta vt,

37. Osapa in talaia tuk osh, kanchi cha, tvli holisso a isht vla cha, vbanumpeshi vhleha iyi ituma ya, ant ashachi tok oke.

CHAPTA V.

Ananais, Safaila itatuklo kv̄t, Pita yvt nan i miha ma, illit aka kana,

1. 12 Vbanumpeshi vhleha hv̄t na fehna puta yvmihinchi tok.

1. YOHMI kia hatak achvfa Ananais hochifo hosh, tekchi Safaila itatuklot, osapa kanchi,

2. Micha isht vltoba tuk ash kashvblit ishi tok; tekchi ak kia im akostininchi ho; micha a kashampa ho isht vla cha, vbanumpeshi vhleha iyi ituma ant bohli tok.

3. Yohmi ma Pita yashot, Ananais, nanta katiohmi ho Shilombish Holitopa ya ish i holabi cha, osapa isht vltoba tuk a kashvblit ish isha chi ka, Setan vt chi chukvsh a anukfohki tok oh cho?

4. Talaya moma mvt, chishno ak o chimmi ha tok keyu? micha yummvt kvnia ha ya, chishno chibbak o foka tuk keyu? nanta katiohmi ho, ilvppa chi chukvsh anukaka isht chim anukfiela tuk oh cho? Hatak o ish i holabi tuk keyu, amba Chihowa ak atuk oke; achi tok.

5. Yvmohmi ma, Ananais ashot anumpa ilvppa bahaklo mvt, aka itulvt fiopissa tok; yohmi ma na yakohmi ka haklo kv̄t momvt nukhlakancha fehna tok.

6. Mihma hatak himita vhleha yosh wakayvt, nan abonullit isht kohcha cha, ont okla hohpi tok.

7. Mihma yummak atuk a hopaki kv̄t hvshi kanvlli ishr v̄lhpisa tuchina foka h̄o, tekchi vt nana kv̄t yvmohmi tuk a, ik akostinincho hosh ant chukowa tok.

8. Mihma Pita yvt im anumpuli mvt, Yakohmi h̄o osapa ya hvsh kanchi tuk okmá, nanakmvt, is sv̄m anolashke; achi tok, mihma, Yau, yummak okvno; achi tok.

9. Mihma Pita yashot, Katiohmi h̄o Chitokaka imi Shilombish a imoma ka hvsh pisa ch̄i kv̄t, hvchim anukfila hv̄t ai achvfa tuk oh cho? Ch̄i hatak a hohpi tuk, micha chishno ma isht chi kohcha ch̄i v̄hleha iyi vt okhissa ya āsha ka, pisá; im achi tok.

10. Yohmi ma mih makinli h̄o yummak ash ot iyi ituma ya ont itula mvt fiopissa tok; mihma hatak himita v̄hleha yash ot ant abeha cha, yvmvt illi tuk o pisa mvt, ishit kohcha cha, i hatak ont apotulit hohpi tok.

11. Mihma vbanumpuli iksa yvt moma, micha katiohmi hosh na yakohmi ka haklo tuk vt momvt nukshopa fena tok.

12. Yvmohmi ma vbanumpeshi v̄hleha ibbak a nan isht ahoba, micha na fehna aiena laua kv̄t okla itintakla ya isht a yvmohmi tok. Mihma momvt im anukfila hv̄t ai achvvt Solomon im apishia nutaka chieya tok.

13. Mihma inla hokvto nukwia kv̄t hatak achvfa kia ik ibafohko ki tok; yohmi kia okla hokvto yv̄mma ahninch̄i tok.

14. Mihma na yimmi v̄hleha hatak nakni, micha ohoyo puta aiena kv̄t, laua hosh Chitokaka ya ai ibv̄lhkaha kv̄t i shahlit ia tok.

15. Yohmi hatuk o Pita yvt ayvt ont iakma shilombish ak illa kia katiohmi ka pit o hoshontikacha hi a, abeka puta ka isht kohchvt hina puta isht onvt topa, micha topushi aiena paknaka ont okla o kahpulli tok.

16. Mihma auet abilika tumaha talohmayvt fullota ka asht minti kv̄t laua hosh abeka puta, micha na shilombish okpulo puta isht issikkopa v̄hleha hatuk aiena isht ayvt, Cheluselem a ai v̄la tok; mihma momvt hlakofit taiyaha tok.

17. Yohmi ma na holitompa isht āsha pehlich̄i, micha apeha tuk vt, (yvmvt Satusi iksa yatuk osh,) momvt wakaya mvt, anukhobela fehna tok.

18. Mihmut vbanumpeshi vhleha hã, okla ibbak isht ieshi cha, okla moma im aboha kullo yõ pit apitta tok.

19. Yohmi tuk kia Chitokaka im enchil vt ninak ă aboha kullo okhissa yã ant tiwit tahli cha, pehlichit kohcha mut,

20. Oh ia cha, ai okchaya ilvppa isht anumpa hã mom-inchit tempel anukaka yã ont hielit okla hã isht hvsh im anumponlashke; achi tok.

21. Mihma yvmma okla haklo mut, onnahinli fehna tempel ă ont abeha cha, nan ithvnanchit ahashwa tok. Yohmi kia na holitompa isht asha pehlichi vt apeha tuk ash aienrt ai vla mut, nan apesa vhleha, micha Israel okla i hochitoka moma i howvt itahobi mut, yvmmak ash isht vla chi hõ, aboha kullo ă pit tihleli tok.

22. Yohmi tuk kia nan vlhtoka vhleha hash ot ai vla cha, aboha kullo anukaka yã, yvmmak ash ant ik a peso mut okla falamut ont anolit,

23. Aboha kullo yokvto vlhkama achukma bano, yohmi ma apistikeli yvt okhissa puta itikba kocha yã hiel hõ, ont e pisa ho mvhli tuk, yohmi kia e tiwi mut, hatak nana kia anukaka yã asha na ke peso kano; ahanchi tok.

24. Yvmohmi ma na holitopa isht asha pehlichi i shahli micha tempel atoni, mikmut na holitompa isht asha pehlichi vhleha aiena kv, na yakohmi ka haklo mut, nana ak õ ilvppvt ont ai vlhpiesa hinla ka, ik ai akostininchot okla aiasha tok.

25. Yohmi ma achvfa kv ăyvt okla hash ant im anohonli kv, Yakeh! hatak aboha kullo pit hvsh apitta tuk ash õ tempel anukaka yã hielit, okla hã nan im abahanchishke, achi tok.

26. Yohmi ma nan atoni ash ot, nan vlhtoka vhleha hash itvpeha cha ia mut, okla hã i nukshopa, yvmmak keyukmut, tvli okla isht boa hinla hatuk osh, yvmmak ash õ nan ik kan-ihcho hosh ont pehlichit vla tok.

27. Ont okla pehlichit vla mut, nan apesa vhleha itikba yã hiohlichi tok: yohmi ma na holitompa isht asha pehlichi yvt im a ponaklot,

28. Hohchifo ilvppa isht im avrchit hvchik ahanto ka hi

ḡ, krylochi fehnt okla e chim apesa tuk keyu? Yohmi kash o Cheluselem ḡ hvchim anumpa isht ai alotolit hvsh kaiyanchi; yohmi mvt hatak ilvppa im issish ḡ pishno ak o isht pi onochi hvchi bvnvshke; ahanchi tok.

29. Yohmi ma, Pita, micha vbanumpa isht vta vhleha inla aiena kashot afalaminchi mvt, Chihowa yak o il im antia kvv hatak ḡ, il i shahlichā he tuk oke.

30. Hvpin tikba puta in Chihowa yvt, Chisvs yvmma iti a takalichit hvsh bi tuk ḡ, tanichi tok.

31. Yvmmak o Miko, micha Nan okchalinchi aiena cha, ilekostininchi Islael ḡ anukfohki, micha ai ashvchika aiena ma kashofa chi ka, Chihowa yvt ilap ibbak ishtimpak imma ya isht holitobli tok oke.

32. Yvmohmi ka pishno ak osh nan ilvppa puta ka isht im a atokovvt anoli pia; yohmikma Shilombish Holitopa, yvmma Chihowa yvt im antia vhleha hḡ ima tok ḡ, yohmi akinli hoke; achi tok.

33. Yvmma haklo mvt, okla anukhobela fehna mvt, vba chi kvv, isht anumpulit maya tok.

34. Mihma achvvt Falisi hatak, Kameliel hohchifo, nan vlvpisa ikhananchi, okla momvt i holitopa cha tuk o, nan apesa vhleha itin takla ya hikia mvt, vbanumpeshi vhleha hash, chekosi takla ka kocha pit ashacha chi ka, miha tok.

35. Yvmohmi mvt, Islael okla hvchia hvv hatak ilvppa imma yo, nana kanihcha chi ka, hvsh aiahni hokvto, ahah! isht hvsh il aiahnashke.

36. Himak nitak takla ka, Hlutas vt ilap ak osh hatak fehna mak o, mihvt ahanta na yvmma hatak holhtina kvv tahlepa ushta fokvt iba kaha tok o; yvmmak ash o vbi ma, im antia vhleha hatuk ash ot momvt, ita fimimpvt, ont aiokpulokvt taha tok.

37. Chutvs Kalili hatak osh hatak ilvppak ash achkvv, okla holhtinvv maya nitak ash ahanta cha, okla lava ka isht il akanvllichi tok osh, yvmmak ash kia illi tok: yohmi ma kanihmi hosh im antia tuk vt, momvt itatiapvt taha tok.

38. Yvmohmi hoka, Hatak ilvppa nan isht hvchik ahalaio ho, peh asht ik itvnowá; chim ahanchi lishke Anumpa, mi-

cha, nan isht v^tta aiena ilv^pvt hatak atuk okma, ont aiok-p^ulokvt taha chⁱ hoka.

39. Amba y^umma Chihowa yak atukm^vno, ai okp^unit hvsh kancha he keyushke. Y^ummak keyukm^vt, Chihowa v^ak o itibi hosh hvsh ah^ashwa na hvchi ahayucha hinla hoke ; im ahanchi tok.

40. Mihma, vlhpesa okla im ahni tok. Micha vbanumpa isht v^tta v^hleha hash i howa cha, f^ummit ashachi m^vt, Chisvs hohchifo h^a okla isht ik anumpolo ka chi k^a, im apes^vt taiyahli cha, kvnompit tihleli tok.

41. Yohmi ma y^umma hohchifo pulla h^o na hofahya ka isht ile pisa he a, ont ai vlhpiesa tuk v^t, na yuh^uk^pvt nan apesa v^hleha itikba y^a a^sht okla ia tok.

42. Micha nitak moma tempel anukaka, micha chuka taloha moma ka, nan im av^uchi, micha Chisvs Klaist isht anumpuli aiena kv^t okla ik isso tok.

CHAPTA VI.

Ubanumpeshi v^hleha hv^t hatak ilv^usha ithana, micha anumpa h^a isht anumpuli aiena, 1. 5 Hatak vlhtoka untuklot vlhtoka tok.

NITAK y^ummak foka, nan ithvna v^hleha hv^t laua kv^t isht i shaht taha ma, im ohoyo vlhtakla puta ka nitak moma nana iti hopela y^a ahaksichi beka hatuk o, Klik okla hv^t Heblu okla h^a nanumachit aiasha tok.

2. Yohmi ma auah^tuklo kashot nan ithvna v^hleha laua kash itahobi cha, Chihowa im anumpa h^a il issa cha, ai im-
pa yak o isht il ai a^shwa he, vlhpesa keyushke.

3. Yohmi hoka il itibapishi v^hleha ma ! hvsh ai itvpeha y^a hatak untuklo annoa achukma chatuk, nan imponna, micha Shilombish Holitopa anukfohka aiena h^o hvsh atokoli na, y^ummak o nan ai isht v^tta ilv^ppa e hiohlehashke.

4. Amba pishno ak ok^vto, vba pit anumpuli, micha anumpa isht v^tta aiena kak o, kil isso kv^umohma chⁱ hoke ; achi tok.

5. Yohmi ma okla l^awa kash ot mom^vt anumpa h^a aiok-

panchi tok. Yohmi mut Istefin hatak na yimmi, micha Shilombish Holitopa yvt anukfohka fehna, micha Filip, micha Pokolvs, mikmut Naikena, micha Taimon, micha Paminvs, mikmut Nikolis vbanumpa nukfohka Antiak ai vttā aiena hō, okla atokoli cha,

6. Yvmma puta kash o vbanumpeshi vhleha itikba hiohlechi tok. Mihma okla vba pit anumpuli mut, ibbak isht umbitepa tok.

7. Yohmi ma Chihowa im anumpa hv̄t isht i shahlit ia ma, Cheluselem a nan ithvna vhleha holhtina laua kv̄t i shahlit ishtia fehna tok; yohmi ma na holitompa isht aasha lawa fena kv̄t ayimmika ya im antivt aiasha tok.

8. Mihma Istefin vt ayimmika, micha isht ai ahlika aiena kv̄t isht alota mut, nan isht ahoba chinto, micha nafehna aiena ka, okla itin takla ya a yvmihinchi tok.

9. Yvmohmi ma sinakak Laibatin okla i sinakak achi hō, aasha yatuk, micha Sailini okla, micha Aleksantia okla, mikmut Silisia, micha Asia minti aiena kaniohmi kv̄t, Istefin a itim anumpulit hielī tok.

10. Yohmi kia chukvsh, micha ahopoyuksaka aiena hō isht ai anumpuli hatuk ash, okla nan isht a miha he keyu tok.

11. Yohmi mut hatak lumvt tohno na, Yvmmak ashot Moses, micha Chihowa aiena ka ik ahobalot isht anumpohonli ka, e haklo kano; achi tok.

12. Michā okla puta, mikmut i hochitoka vhleha micha holissochi vhleha aiena kash okla ilhkolihinchi na, okla i kohcha cha yvmmak ash ishi mut, nan apesa vhleha ha isht im ona tok.

13. Michā hatak nana aholvbi ya hiohlechi na, yvmmak ash ot, Hatak ilvppvt aholitopaka ilvppa, micha nan vlpisa aiena ka, anumpa ik ahobalo isht mihachi kv̄t ik issoshe.

14. Chisus Nasalet ai vttā ilvppvt ilvppa okpvna he, micha nan vlpisa puta Moses vt hv̄p ima tok a inlvcha he, ilvppvt achi hō, okla e haklo kamo; achi tok.

15. Yvmohmi ma, itvnahvt maya kash ot morvt yvmmak

ash aiokchifeli fehvt pisa ma, nashuka mvt enchil nashuka
yq chivuhmi na, pisa tok oke.

CHAPTA VII

Istefin a im asilhhvchi hatuk o isht il anumpuli.

1. YUMOHMI ma na holitempa isht asha pehlich
ashot, Nana kv̄t yakohmi hq̄ mv̄hli cho? achi tok.

2. Mihma yvm̄mak ashot, Hatak itibapishi li v̄hleha, mi-
cha an tikba puta ma! hv̄sh haiyaklashke. Pin tikba Ebla-
ham vt Chalan a, ont ik vtto k̄isha hosh, Mesopotemia ak o
anta moma ma, Chihowa holitopa yvt ant i haiaka tok.

3. Mihmvt yvm̄mak ash o, Chi kanomi v̄hleha i filv̄mmit,
chi yakni a a kohchvt ayvt, yakni chi pisachi la chi ka, ish
lashke; im achi tok.

4. Mihma Kaltia okla i yakni ash a kohchvt minti cha,
Kalan ak o ant ai ahanta tok. Atuk o iki vt illi ma, yvm̄-
mak ash o a wihachit yakni ilv̄ppa himonasi hv̄sh ai ahashwa
ka, isht vla tok.

5. Ulla yvt ik im iksho k̄isha ma, ilap micha isht ai-un-
chululi aiena ka, yvm̄mvt immi ha he mak o, ima hi okvt, i
miha tok nana kia, a binila hi a peh iyi pv̄tha a habli achv̄fa
kia, ilap a ik emo ki tok.

6. Micha Chihowa yvt yakohmichit anumpuli tok: Yvm̄-
ma isht ai unchululi v̄hleha hv̄t yakni inla ai itv̄nowa he;
yohmikma okla yukachit ilbv̄shahanchi na, afv̄m̄mi tahlepa
ushta he.

7. Yohmikma oklushi nana hq̄ i yukvt ahashwa tukma,
yvm̄ma na kanichi la hi oke; yohmi ha mv̄no, okla kocha
wiha cha, ilv̄ppa ant a si aiokpahancha hi oke; Chihowa
yvt achi tok.

8. Mihmvt hakshup tv̄pa nan v̄lhpisa ka ima tok. Atuk
o Eblaham vt Aisak a ikbi cha, nitak isht untuchina ma,
hakshup tv̄bli tok. Atuk o Aisak vt Chekob a ikbi tok o,
Chekob vt hatak p̄iki hochitoka auah tuklo ka ikbi tok.

9. Yohmi tuk o, hatak iki hochitoka yash ot Chosef a i

nukilli hatuk osh, nan isht chumpvt Echip a pit kanchi tok; yohmi kia Chihowa yvt awant anta tok.

10. Micha nan isht im a palvmmi puta ka mominchit ai isht kohchi cha, Echip miko Feleo a itikba ya aholitopa, mi-cha nan imponna aienvt ahanta chi ka, ima tok; yohmi na yvmmak ashot Echip yakni, micha in chuka moma pehlichikbi tok.

11. Yvmohmi ma Echip yakni moma, micha Kenan aiena ka na hohchvfo, micha na palvmmi chinto aiena kvv onvtuyula tok; yohmi ma hvpin tikba vhleha hashot nan ilimpa nana kia ik ahayucho ki tok.

12. Yohmi kia Echip a tanchi vt asha na Chekob vt haklo mvt, hvpin tikba vhleha ak o vmmona ka pit tihleli tok.

13. Atuk o ont atukla kak o, Chosef vt itibapishi vhleha ha im il anoli tok. Yohmi ma Chosef i kanomi vhleha hatuk vt Feleo a im annoa tok.

14. Yohmi ma Chosef vt iki Chekob, micha i kanomi vhleha moma kvv, hatak pokoli untuklo akucha tahlapi ho, pit hoyo hosh, pit chvffichi tok.

15. Yohmi na Chekob vt Echip a ona tok osh, ilap ash, micha hvpin tikba vhleha aienvt illi tok.

16. Yvmohmi na ishtivt Saikam a isht ona cha, Eblaham vt ahollopi Saikam iki, Ema ushi vhleha ha tvli holisso isht in chumpa tok a, ont fohki tok.

17. Yvmohmi kash o Chihowa yvt anumpa kvvillo Eblaham a nan isht ai im apihisa tok, nitak vt ai ona het mahaya ma, okla hashot Echip a a laua kvv i shaht isht mahaya na,

18. Miko inla Chosef a ithana keyu hosh hikia tok.

19. Yvmmak ash osh hvpi kanomi vhleha ha haksichi mvt, hvpin tikba vhleha hash o ilbvshachi, yvmohmi cha okchayvt ik mayo ka chi ka, im vvloosi a isht kampila beka tok.

20. Yvmmak foka ma Moses vt vta mvt, aiukli fehna, yvmohmi cha iki in chuka ya hvshi tuchina ho, a pishi tok.

21. Yvmohmi tuk o kocha kanchi ma, Feleo ushetik vt eshi cha, ilap ushi a chi ho hofantichi tok.

22. Yvmohmi ma, Moses vt Echip okla nan ai ithana

puta ka mominchit ithaiyana, yvmohmi mvt anumpa puta, micha na fehna puta aiena ka isht anta imponna tok.

23. Yvmohmi tok osh hopaki kv̄t afv̄m̄mi pokoli ushta ont v̄lh̄piesa mvt, itibapishi Israēl ushi v̄hleha h̄a ī now̄vt aya li oka, chukv̄sh anukfoyuka tok.

24. Yvmohmi tok osh, achv̄fv̄t nan v̄lh̄piesa keyu h̄o isht ilbv̄sha na pisa mvt, yvm̄mak ash apelv̄chi, yohmi cha, issik-kopa tuk ā atobbit, Echip hatak ash v̄bi tok.

25. Yv̄mma ibbak ak ō Chihowa yvt isht hlakoficha hi ā, itibapishi v̄hleha hv̄t okla akostininchi hatuk ā, im ahoba hatuk kia, okla ik akostinincho ki tok.

26. Yvmohmi tuk ō nitak ont atukla ma itibi hosh ash-wa ma, yvm̄mak ashot ont ī haiaka cha, itin nanaiyv̄cha ch̄i hosh, Hatak, itibapishi hv̄chia hoke; na katihmi h̄o hv̄sh iti okpv̄ni cho? ahanchi tok.

27. Yohmi kia in chuka panta hatak okpv̄ni tuk ashot, Kv̄ta hosh na pi pehlich̄i, micha na pim apesa aiena ka chik-bi tuk ō?

28. Pilashash Echip hatak ish bi tuk vt, is sa chomicha ch̄i h̄o? achi mvt, naksi ka pit tobli tok.

29. Yohmi ma ilv̄ppa ahanchi ka, Moses vt kv̄nia cha, hatak now̄vt aya yosh, Matian yakni yā ahanta hosh, yvm̄mak ō ushi tuklo ka ai ikbi tok.

30. Atuk ō afv̄m̄mi pokoli ushta kv̄t ont taha ma, Chitokaka im enchil vt yakni haiaka n̄v̄nih chaha Saina yā bv̄faha anuka luak libbi h̄o, ant im a haiaka tok.

31. Moses vt yv̄mma pisa mvt, na pisa kv̄t okokko! aiahni tok; micha akostinincha ch̄i hosh bil̄ika ona ma, Chitokaka im anumpa hv̄t im v̄la kv̄t,

32. Ūno akosh chin tikba v̄hleha yā in Chihowa sia, Ebla ham ā in Chihowa, micha Aisak ma in Chihowa, micha Chekob ā in Chihowa sia mak oke; ahanchi tok. Yohmi ma Moses vt w̄v̄nihinchi mvt, atokov̄vt pisa nukwia tok oke.

33. Yvmohmi ma Chitokaka ashot, Shulush ā chiyi ish a shuelashke; ish a hikia yvm̄mvt yakni holitopa hoka.

34. Ūm okla v̄hleha Echip ai ah̄shw̄vt ilbv̄sha ka pisa kv̄t pih̄isa li: micha okla yah̄aya ka hah̄aklo li chatuk;

yvmohmi cha kocha weli la chi hosh aka minti lashke. Yohmi ka minti, chishno ak o himonasi a Echip a pit chi chvffichi lashke; im achi tok.

35. Moses ilvppa, okla shitilema cha, Kvta hosh na pehlichí, micha nan apesa aiena ka chikbi tok o? ahanchi tok ash fena akinli ka, na pehlichí, micha na hlakofichi aiena ka, enchil bvfaa anuka ai i haiaka ka ibbak o, Chihowa yvt isht a pit chvffihinchí tok.

36. Mihma na fehna, micha nan isht ahoba puta aiena ka, Echip yakni, micha okhvta humma, mikmvt afvmmi pokoli ushta ho yakni haiaka ya, isht a kaniminchi hosh, yvmma pehlichit kohcha tok.

37. Moses ilvppak osh Israél ushi vhleha ha, Chihowa hvchin Chitokaka yvt hvsh itibapishi hatuk a, hopaii vno chohmi ho, ikbit hvchi hilecha he; yvmmak o hvsh i haponakla hi oke; im ahanchi tok oke.

38. Ilvppak osh yakni haiaka okla ai itvnaha ka ibafohka, enchil vt nvnih chaha Saina ya ai im anumpuli ka awant anta; micha hvpin tikba vhleha ma ibafohka tok; yvmmak osh isht ai okchaya, nan vlvhvisa puta ka hvv ima chi kvv, ishi tok mak oke.

39. Yvmmak o hvpin tikba vhleha hvv im antia he keyu hosh, amba naksi ka pit tobli cha, chukvsh vt falamvt Echip a ia mvt,

40. Alon ash o Pi tikba ilhkola chi ka, Chitokaka puta ka, pim ikbi; Moses ilvppa pi pehlichí Echip yakni ai isht pi kohchi ano, nana mak osh isht a kaniohmi tuk chishba, kil ithaiyano hoka, im ahanchi tok.

41. Michá nitak yvmma foka ma, wak ushi okla ikbi cha, na holba toba yash nan isht aiokpvchi ya, isht im ai vla cha, ilap ibbak nan ikbi tuk a isht il ai yukvvt aiasha tok.

42. Yohmi ma vba fochik puta ka, okla aiokpvcha chi mak o, Chihowa yvt issvt i filvmmi tok. Hopaii vhleha i holisso ha a holihiso kvv, Israél in chuka achvfa vhleha hvchia ma! afvmmi pokoli ushta ka yakni haiaka, nan vlvhvisa nipi puta, micha nan isht ai okpvchi puta aiena ka, isht hvv scm ahanla cho?

43. Amba Molak im vlhtipo a, micha Limfan chin Chihowa i fochik aiena, na holba hvsh aiokpucha chi mak osh, hvsh ikbi tok vt shoyulit hvsh aya cha tok. Yumohmi hoka wihachit Babulon misha pilla, hvch isht aya la hi oke, achi hoka.

44. Yummak okvt Moses a i mihvt, kaniohmi ho pisa tuk vt, holba ho ikba he o, apesa tok mak o, hvpin tikba vhleha hvvt yakni haiaka ya isht ai atokowa vlhtipo vt in takali tok.

45. Atuk o hvpin tikba vhleha hak kia, yumma ishi tok osh. Choshua a apehvt oklushi nan ik ithano, yummak o Chihowa yvt pin tikba vhleha itikba ya a kohchit tihlihini tok, i yakni a isht chukowa tok o, ituyula na, Lewi vt ahanta nitak a oyuna tok.

46. Mihma yummak osh Chihowa itikba ai isht il ayukpa ahayuchi, yumohmi cha, Chekob in Chihowa ya aboha im atahli bvna tok;

47. Yohmi tuk kia Solomon ak osh chuka ya im ikbi tok.

48. Yohmi kia Moma i shahli hvvt tempel puta ibbak o isht ikbi yokno, ai ahanta cha tuk keyu;

49. Uba yvt vm aiasha okma, yakni vt saiyi ai o hikia yoke. Chuka nanta ho hvsv sm ikba chi ho? mikma a foha li ak osh nanta ho?

50. Uno svbbak ak osh nana ilvppa moma ka i'bi tok keyu cho? Chitokaka yvt achishke; hopaii vt achi hoka.

51. Ikunla kvllo, micha chukvsh mikmvt haksobish aiena wishakchi ik tapo hvchia hvvt, Shilombish Holitopa ya i svnalit hvsh bilia. Hvchin tikba vhleha hvvt yohmi tok a, hvsh chiyuhmishke.

52. Hopaii vliha ha katima kak o hvchin tikba vhleha hvvt ik ilbvshacho ki tok o? Micha Aiahli vt aya hi a, tikbanli anoli vhleha, yumma okla vbi tok o mihi o himak a hvchishno vt na haksichi, micha nan vbi aiena hvsh a toyuba tuk oke.

53. Micha enchil vhleha hosh nan vlvpisa ya auet tosholi

na, hvsh eshi tok; yohmi kia hvchik holitoblo cha tuk oke: achi tok oke.

54. Yohmi ma na yakohmi ka okla haiyaklo mut, chukvsh vt nvhla tok; micha yummak ash noti isht o shakan-lichi tok.

55. Yohmi kia yummak okvt Shilombish Holitopa anukfohkvt kvnia hatuk osh, vba ya pit ai okchifeli fehnvt hopokoyo mut, Chihowa im aholitopaka, micha Chisvs vt Chihowa im ibbak ishtimpak imma ya hikia aiena ho, pisa tok

56. Micha, Uba yvt tiwa, micha Hatak Ushi vt Chihowa ibbak isht impak imma ya auet hikia aiena ho, pisa lishke; achi tok.

57. Yohmi ma chitoli fehnvt okla tasali mut, haksobish a akvmmi cha, achvfa chohmit o yihhleptv tmaha ha ishit a kohchi cha, tvli ishit boli tok.

58. Yohmi ma nana atokowa anoli vlheha hashot, ilap anchi a hatak himita Sal hohchifo ho, iyi ituma ont ashachi tok.

59. Micha Istefin vt pit im payvt, Chitokaka Chisvs ma! Sa shilombish a ish ishashke; ahanchi na, okla tvli ishit boli tok.

60. Yohmi ma hvchukbihleptv hikia cha, chitoli hosh, Chitokaka ma! ai ashvchika ilvppa isht ish onochi na; achi tok. Micha ilvppa ahanchi mut, nusit kvnia tok oke.

CHAPTA VIII.

Filip vt Samelia ya vbanumpuli ikxa ahilichi, 5. 26 Ehliopia hatak anumpeshi yo baptismochi.

1. YUMMUT illi ka Sal vt vlhpesa ahni tok. Micha nitak yvmma foka ma, vbanumpuli ikxa Cheluselem ashwa tok a i palvmmichi fehna tok; yohmi ma momvt ita fimim-put Chutia yakni, micha Samelia aiena a mominchi na, vbanumpeshi vhleha hash illa tok.

2. Yohmi ma hatak hochukma yosh Istefin a hohpit taiyahli mut, okla isht yaiya fena tok.

3. Yohmi ma Sal vto, vbanumpuli iksa ya okpvnit, chuka moma iba chukowa cha, hatak puta, ohoyo puta aiena ka halvllit ishit, aboha kvlllo pit apihinta tok.

4. Yvmohmi hatuk o ita fimimpa tuk vhleha hash ot, anumpa ha isht anumpulit kanima moma itvnowa tok.

5. Yohmi ma Filip vt Samelia tmaha ha ona cha, Klaist a isht im anumpohonli tok.

6. Mihma okla hv, yvmmt na fehna yvmihinchi ka haklo, micha pihisa aiena mvt, im anukfila ai achvvt Filip vt nana ahanchi puta ka, haponaklo tok.

7. Shilombish okpulo puta a foyuka tuk vt chitolit tahpanlv lawa ka a kocha wiha hatok o; micha palsi isht abeka lawa tuk, micha imomokpulo aiena tuk vt hlakofi tok.

8. Yvmohmi ma tmaha yvma a yukpa chinto tok.

9. Yohmi kia hatak achvfa Saimon hohchifo hosh, tikba ma tmaha yvmak inli ka ai isht ahullot ahantvt, ilap ak osh hatak na fehna mak o, mihaha cha, Samelia okla ha nukhlakvshli tok.

10. Yvmak o, chipunta, micha asvno aiena kvv momvt, Hatak ilvppvt Chihowa nan isht im ai ahlika chinto mak oke; ahanchi mvt, okla im antia tok.

11. Mich a yvmak osh isht ahullot, isht nukhlakahashli tok hopaki hatuk o, okla im antia beka tok.

12. Yvmohmi tuk kia, Filip vt Chihowa apehliechika, micha Chisvs Klaist hohchifo aiena nana puta ka isht ai anumpohonli na, okla yimmi mvt, hatak, micha ohoyo puta aiena kvv baptismo tok.

13. Yohmi ma Saimon vt ilap ash kia yimmi akinli tok, micha baptismo mvt, Filip a ibafohkv ayvt, na fehna, micha nan isht ahoba puta aiena kvv a kaniohmi na pisa mvt, nukhlakancha tok.

14. Yohmi ma vbanumpeshi vhleha Cheluselem maya tuk vt, Samelia vt Chihowa im anumpa ha ishi tuk o, haklo mvt, Pita micha Chan aiena ka okla pit in tihleli tok.

15. Atuk o, yvmak ashot itonanchi mvt, okla Shilombish Holitopa anukfohka chi ka, vba pit isht anumpulit oklat tok.

16. Yvmma foka ma, achvfona kia yvmmvt ik onvtulo kisha ha tok; Chitokaka Chisvs hohchifo ha isht a baptismo tuk ak illa ha tok.

17. Yohmi mvt okla hash ibbak isht umbitehimpa ma, Shilombish Holitopa yvt okla anukfohka tok.

18. Yvmohmi ma Saimon vt vbanumpeshi vhleha ibbak isht umbitepa ka, Shilombish Holitopa yvt ai anukfohka ho, pisa mvt tvli holisso ant i weli cha,

19. Uno ak kia nan isht im ai ahlika ilvppa hvs sama na, kvna ho vno vt subbak isht umbitepa likma, Shilombish Holitopa yvt ai anukfohkashke, ahanchi tok.

20. Yohmi kia, Pita yvt, Chihowa yosh nan ima ya, tvli holisso yvt isht vlhtoba hinla ka, chim ahoba tuk oka, chin tvli holisso yvt chi awant aiokpuloka pit kvniashke.

21. Chi chukvsh vt Chihowa ya itikba ya ai vlhpiesa keyu hokvt; nan ilvppa kaniohmi kia, micha ahalaia kia ik chim ikshoshke.

22. Yvmohmi hoka, nan isht ik chi ai vlhpeso ilvppa ish ile kostininchashke; micha Chihowa pit ish im asihihla na, yohma he yobakma, chi chukvsh im anukfila yvt chi kashofa hi oke.

23. Chishno vt basunlvsh homi, micha nan ai ashvchika abonunta aiena chia hatuk o, akostininchi li hoka; im achi tok.

24. Mihma Saimon vt afalaminchit, Chitokaka ya pit im ilbvshvt isht hvs si anumpuli na, na yakohmi hvsh anumpuli tuk a achvfona kia ant ik si onvtulo kashke; achi tok.

25. Mihma yvmmak ash ot, Chitokaka im anumpa ha atokowvt anolit, isht anumpohonli cha falama mvt, Samelia okla in tomahushi lava ka vbanumpa isht ai anumpohonlit, Cheluselem a itvlachi tok.

26. Yvmohmi ma, Chitokaka im enchil vt Filip a im anumpulit, Wakaya cha, oka mahli pila ivt, hina Cheluselem vttvt, Kesa ia bachaya chukushmi foka yvmma ish onashke, im achi tok.

27. Mihma wakaya cha ia tok. Atuk o Ehliopia hatak, Kantisi ohoyo Ehliopia okla i miko im anumpeshi holitompa

hosh, yummak osh t̄vli holisso a mominchit i shoyuli yosh v̄la pit aiokpucha ch̄i hosh, Cheluselem a v̄la tok osh,

28. Falamvt ia kv̄t im iti chanv̄lli anukaka binilit, Esaias hopaii i holisso h̄a itim anumpv̄li tok.

29. Mihma Shilombish vt, Filip a, Bilika ona cha, iti chanv̄lli ilv̄ppa ont ibafoká; im achi tok.

30. Mihma Filip vt pit o malelit ona cha, Esaias hopaii i holisso itim anumpuli ka haklo mvt, Nan ish itim anumpuli kv̄to ish akostinichi cho? achi tok.

31. Mihma, Katiohmi li kak osh, hatak nana hosh v̄m av̄chi h̄o keyukma? achi tok. Mihmvt, Filip vt pit oiya cha, awant āsha hinla ka; ahni tok.

32. Anumpa holisso holitopa ai itim anumpuli ka ilv̄ppak a tok. “Chukfi v̄lhpoba chohmi h̄o yumma ai illi hv̄llat ishtia tok; micha chukfi v̄lhp̄o-ushi yosh hishi im v̄mo in tikba hikia kv̄t, nan ik ayo chatuk a chohmit, yummvt itih h̄a ik wakummo ki tok:

33. “Ilv̄sha fena ma, nan ai v̄lhpiesa ka im ishi tok Im ilhfopak a yakni a ai ishi tok oka; im ai itilauj kv̄t ah̄ashwa tok a, kv̄ta hosh anola hinla ch̄o?”

34. Mihma anumpeshi v̄to, Filip a afalaminchi mvt, Ch̄i ponaklo lishke; Kv̄ta h̄o hopaii vt ilv̄ppa isht anumpuli h̄o? Ilapo akinli hokmá, keyukmvt hatak inla yokmá, nanta h̄o? achi tok?

35. Mihma Filip vt itih h̄a wakummi cha, holisso mihi ash inli h̄o ai isht iv̄t, Chisvs a isht im anumpohonli tok.

36. Yvmohmit hina fohkv̄t mah̄ayvt okla mvt, oka nana kia ont a h̄ieli tok. Mihma anumpeshi ashot, Yakeh! oka yoke; baptismo la hi a nanta kosh ai atakv̄m̄mi cho? achi tok.

37. Mihma Filip vt, Chi chukv̄sh mominchit ishit ch̄i yimmi hokma, v̄lhpiesv̄shke, achi tok. Mihma afalaminchi mvt, Chisvs Klaist vt Chihowa ȳa ushi yoka, sa yimmishke, achi tok.

38. Mihma iti chanv̄lli vt lumvt hikia ch̄i ka, miha tok; micha Filip vt anumpeshi ash ita tuklot pit okvtahvt oka ȳa itonachi na, yummak ash baptismochi tok.

39. Yvmohmi ma oka yash ai ashvut kochvt okla ma, Chitokaka imi Shilombish vt Filip a isht ia na, anumpeshi ash ot himmakma ik peso ki tok: micha na yukpa hosh i hina fohkvt ia tok.

40. Amba Filip vto Asotvs ak o antvt haiaka tok; micha a hlopullit aya mvt, tmaha moyuma ka vba isht ai anum-pohonlit ayvt Seselia ya vla tok oke.

CHAPTA IX.

Sal vt Tamaskvs pilla ia hosh aya ho, Klaist vt im anumpuli, 1. 10 Ananaivs vt ayvt im ona ma, baptismo tok. 20 Pal vt nukwaya iksho hosh Klaist a isht anumpohonli.

1. YUMOHHMI ma, Sal vt Chitokaka i nan im ai ithana vhleha ha i nokowa, micha vbi aiena he fiopvt kohonchi kvv imoma mvt, na holitompa isht asha pehlich i im ona tok.

2. Mich a sinakak puta, Tamaskvs asha ka, nakni okma, keyukmvt ohoyo hokma nana hosh, ilvppa chohmi kvv asha na, ahayuchikmvt talakchi o Cheluselem a pehlichit vla hinla kvv, yvma puta pit holisso ha, im ikba hi a, im asilhha tok.

3. Atuk osh ia hosh aya mvt, Tamaskvs pit bilika ona tok; mihma tohwikelit vba minti kvv yvmak ash o ashali ka tommit a folupli tok.

4. Yohmi ma aka ont itula tok; micha anumpa kvv, Sal, Sal, nanta katihmi ho is svbvshali cho? im ahanchi na haklo tok.

5. Mihmvt, Chitokaka ma! kvta chia hoh cho? achi tok. Mihma Chitokaka ashot, Uno akosh, Chisvs ish ilbvshahanli ka sia mak oke, Na halupa puta asvnalinchit ish hahahli kvv chi palvmmi hoke; achi tok.

6. Yohmi ma yvmak ashot nukhlakanchvt wunihinchi mvt, Chitokaka ma! nanta hak o katiohmi la hi a, si sum ahni cho? achi tok. Mihma Chitokaka yvt, Wakaya cha, ivt tmaha ha ont ish chukowakmak o, nana ish kaniohma chi kvv, chim annoa chi hoke; im achi tok.

7. Yohmi ma hatak apehvt ya tuk ashot anumpa kune haklo kia, hatak nana kia ik peso mvt, ik anumpolo hosh hieli tok.

8. Atuk o, Sal vt aka itolvvt tani tok: micha nishkin vt fatuma mvt, hatak nana kia ik peso ki tok. Yohmi ma ibbak a halvli cha ishtivt, Tamaskvs a okla isht chukowa tok.

9. Yohmi ma ik hoponayo mvt, anonti ik impo, nan ik ishko aienvt ahanta na nitak tuchina tok.

10. Yumohmi ma hatak nan ithvna achvfa, Ananaivs hohchifo kvv Tamaskvs a anta tuk o: yvmmak ash o holhpokuna ka, Chitokaka yvt, Ananaivs, im achi tok; mihma, Yak anta lishke, Chitokaka ma! achi tok.

11. Mihma, Wakayvt ivt hina Apissa hohchifo ka ish ona cha, Chutvs in chuka ya, Tasvs hatak Sal hohchifo ka, ish aponaklashke; yvmmak ash osh vba pit anumpohonli hoka.

12. Micha holhpokuna kvv, hatak Ananaivs hohchifo hosh ant chukowa cha hopokoya chi ka, ibbak a ant isht um bitepa na, pisa tuk oke: Chitokaka yvt im achi tok.

13. Yohmi ma Ananaivs ashot afalaminchi mvt, Chitokaka ma! hatak ilvppvt, chi holitopa vhleha Cheluselem aiasha ka kaniohmit nan isht okpvi ka, laua ho a haklo li chatuk.

14. Micha chi hohchifo pit hohchifo vhleha mominchit takcha chi ka, na holitopa isht asha pehlichu vhleha yvt im apesa tuk o, ilvppa anta hoke: achi tok.

15. Yohmi kia Chitokaka ash ot, Iá, nan isht vm vttá holitopa, sa hohchifo ha shoyulit, miko vhleha micha okla nan ik ithano puta, micha Isiael ushi vhleha aiena itikba ya hikia hi oka.

16. Micha vno sa hohchifo pulla ka, na palvmmi hochito kaniohmi kia isht ilbvsha chi ka, im anoli la chi hoka; im achi tok.

17. Mihma Ananaivs ash ot, ivt aboha ya ont chukowa tok; micha ibbak a isht umbitepa mvt, Itibapishi li Sal ma! ish minti ma, hina takla ya a chi haiaka tuk, Chitokaka Chisvs vt chishno vt ish hopokoyo cha, Shilombish Holi-

topa yvt chi anukfohka chi ho, auet sa chvffichi tuk oka; achi tok.

18. Yohmi ma chekosi makinli ho, na bakhlobish atuk o chohmit nishkin a mokohlit aka itula tok; yohmi ma ashaliika hopokoyo mvt, wakaya cha baptismo tok.

19. Micha nana impvt in taha mvt hlampko tok; yohmi mvt Sal vt nan-ithvna vhleha Tamaskvs maya ka awant anta na nitak kanohmi tok.

20. Micha in chekosi makinli ho, Klaist a yummvt Chihowa Ushi atuk a, sinakak puta ka, isht ai anumpohonli tok.

21. Yohmi ma okla haklo kvv momvt anukhlakancha mvt, Ilvppak osh na hohchifo ilvppa pit hochifot Cheluselem ai asha tuk a ilbvshahanli cha, ilvppa aya kvv, yummvt talakchi yo, na holitompa isht asha pehlichi vhleha, isht im ona chi mak atuk keyu? achi tok.

22. Yohmi kia Sal vto hlampko kvv isht i shahlit ishtia, yohmi mvt atokowvt, ilvppak osh Klaist fehna mak oke; ahaya mvt, Chu okla Tamaskvs asha tuk a imaiyvchi tok.

23. Yvmohmi kash o nitak kanohmi kvv taha ma, Chu okla hvv, yvmma vba chi kvv isht anumpulit maya tok.

24. Yohmi kia okla nan ahnit maya ka, Sal vt akostininchi tok; mihma vba chi kvv nitak, micha ninak moyuma holihta okhissa puta ka okla atoni tok.

25. Yohmi ma nan ithvna vhleha hvv nitak o ishit, kishi fohkit tvli holihta lapalint aka pit bohli tok.

26. Yvmohmi na Sal vt Cheluselem a vla mvt, nan ithvna vhleha ha ibafohka bvna tok. Yohmi kia momvt okla i nukshopa tok; micha yummvt nan ithvna yo ik im ahobo ki tok.

27. Yohmi kia Banabas ato eshi cha, ilauevit vbanumpeshi vhleha ya isht im vla tok; micha hina takla ya kaniohmit Chitokaka ya pisa tok, yohmi na im anumpuli tok, micha kaniohmit nukwaya iksho hosh, Chisvs hohchifo ha Tamaskvs a isht ai anumpohonli tok aiena ka, im anoli tok.

28. Yohmi ma Cheluselem a asht kocha, micha ant abeha aiena ka takla ahanta tok.

29. Micha nukwaya iksho hosh, Chitokaka Chisvs hou-

chifo ha isht anumpohonli cha, Klik okla ma itim anumpohonli tok; yohmi kia vbi bvnvt okla aiasha tok.

30. Yohmi na itibapishi vhleha yvt akostinichi mvt, ilauelit Seselia isht vla cha, Tasvs a pit chvffichi tok.

31. Yohmi na Chutia yakni vt moyuma, micha Kalili, micha Samelia aiena ka, vbanumpuli iksa puta kvv nuktanla mvt isht i shahlit ia tok; mihma Chitokaka i nukshoyupa, micha Shilombish Holitopa ya isht ilai yukpa aienvt itvno-wa kvv, lauvt isht i shaiyahli tok oke.

32. Yakohmi tok; Pita yvt mominchit hlopullit aya mvt, vbanumpuli vhleha Litti ai asha tuk ash kia, im vla tok.

33. Mihmvt yvmma hatak achvfa, Enias hochifo kvv palsi isht abeka hosh topa itoyula na afvmmi untuchina tuk o, ont pisa tok.

34. Micha Pita yashot, Enias ma! Chisvs Klaist vt chi hlakofichishke. Tani cha, chishno inlit chin topa ha patali, im achi tok. Mihma chekosi tani tok oke.

35. Yohmi ma Litti, micha Salon aiena asha tuk vt momvt yvmma pisa mvt, filemvt Chitokaka ya im ai ona tok.

36. Yohmi ma nan ithvna achvfa Tabihla hochifo, yvmvt toshowakmvt Takvs achi ho, Chappa ya anta tok: ohoyo ilvppvt nan achukma a yvmohmi, micha na habenvchi aiena biekvt ahanta tok.

37. Atuk o nitak yvmma foka ma yakohmi tok; yvmvt abeka cha illi tok; yohmi ma yvmmak ash okla achivt tahli mvt, vba potvlhpo ya boyuhli tok.

38. Mihmvt Litti yvt Chappa ya pit bilika hatuk, micha nan ithvna vhleha hvv, Pita yvt yvmma anta ka, okla haklo tuk osh anukwaya im vla hinla ka, pit im ahnit hatak tuklo ka pit tihleli tok.

39. Atuk o, Pita yash ot wakaya cha awant ia tok. Atuk osh vla ma, ilauelit vba potvlhpo ya okla ishit chukowa tok; mihma ohoyo vlhtakla vhleha yvt momvt apehvt hiohmavvt yaiya mvt, nafohka, micha anchi chohmi, Takvs vt awant anta moma mvt ikbi tok a, haiakahanchi tok.

40. Yohmi kia Pita yvt mominchit kocha weli cha, hvchukbihlept hikia mvt, vba pit anumpuli tok; mihmvt hak-

nip ai ittola ka pit filema mut, Tabihla, tani, achi tok; yohmi ma nishkin a fatummi cha Pita ya pisa mut, tanit binili tok.

41. Mihma ibbak pit ima cha wakayvchi tok. Micha vba pit anumpuli vbleha, micha ohoyo vltakla puta aiena kash hoyo cha, okchaya ho ima tok.

42. Yohmi ma Chappa okla hvv momvt yumma akostin- inchi tok; yohmi mut lavvt Chitokaka ya i yimmi tok.

43. Mihma yakohmi tok; Saimon wak hakshup hummv. chi ya awant Chappa ya ahanta na nitak kanohmi tok oke.

CHAPTER X.

Kanilis vt Pita ya pit hoyo, 1. 34 Pita yvt vbanumpa isht anumpuli Shilombish Holitopa yvt haponaklo vbleha ha onvtoyula.

1. HATAK achvfa Seselia ya ahanta kvv, Kanilis hohchifo hosh tvshka chipota aya achvfa, Itili okla achi ho, i kvpitvni ha tok.

2. Hatak achukma, micha in chuka-chvfa moma aienvt Chihowa ya i nukshompa cha, okla ha na habenvchi fehna mut, Chihowa ya pit im anumpohonli na bilia tok.

3. Yvmmak ashot holhpokuna chohmit pisa ka nitak hvshi kanvlli isht vlpisa ont isht chakkali foka ho, Chihowa im enchil vt haiaka achukma hosh mintit ant iba chukowa mut, Kanilis, im achi tok.

4. Yohmi ma yvmmak ash atokowvt pisa mut nukshopa cha, Chitokaka ma! nanta hoh cho? achi tok; mihma, Vba pit ish anumpohonli, micha nan ish honela puta aiena ka, Chihowa yvt ithaiyana he mak o vba ihya hoke.

5. Yohmi hoka himak a, Saimon, Pita hohchifo ka pit hoyot, hatak a Chappa pit ish tihlelashke.

6. Yvmmak okvt Saimon wak hakshup hummvchi in chuka mut okhvta lapali ka yo talaia ho, awant anta hoke; yvmmak osh nana ho ish kanohma he tuk ma, chim anola hi oke; im achi tok.

7. Mihma enchil, Kanilis a im anumpohonli tuk ash ot ia

ma, chuka nan isht im ai vta ya tuklo, micha tvshka clu pota nan isht im ai ashwa bilia ya ahli achukma achvfa hq aieninchit hoyo tok.

8. Micha nan okluha kash mominchit im anolit taiyahli mvt, Chappa ya pit tihleli tok.

9. Ont onna ma okla itvnowvt mahaya mvt, tvmaha hash pit bilika ona ma, hvshi kanvlli isht vlhpisa ont isht hannali foka hq, Pita yvt vba pit anumpula chi hosh aboha pakna pit oiya tok.

10. Atuk osh hohchvfo fehvt taiyaha cha, impa he tuk osh ; amba okla atahlit isht maya ma, holhpokuna hq chohmi tok.

11. Micha shutik vt tiwa, yohmi ma, nan ai vlhpitta yosh nan tohbi chito wishakchi ushtvt ita shekonopa hq chohmi hosh aka i mintit, yakni ant onvtoyula hq, pisa tok.

12. Mihma anukaka ya nan-vlhpoa puta, hanalushta ilia-yuka yakni aiasha kvv moyuma, micha napoa puta, micha nana aka a balvlli puta, micha vba hvshi puta aiena kvv ai asha tok.

13. Yvmohmi ma anumpa hvv mintit im vla kvv, Pita, tani cha, vbit vpa ; achi tok.

14. Yohmi kia Pita ashot, Yohma he keyushke, Chitokaka ma ! nana kvv ai vlhpesa keyu, kashofa keyu hokvno himonna kia, vpa li chatuk keyu hokvv ; achi tok.

15. Yohmi ma anonti anumpa hvv atukla ma, im anumpuli kvv, Nana hq Chihowa yvt kashofi tuk a, yvmma vlhpesa keyu, chik hochifo kashke ; achi tok.

16. Hituchina ha yo ilvppa yakohmi tok ; yohmi ma nana ai vlhpitta kash ot falamvt vba ia tok.

17. Pita yvt holhpokuna chohmit nana pisa tuk, yvmmvt nana isht akaniohmi hatuk a ik akostinincho chohmi ai itin takla ma, hatak Kanilis vt pit tihleli tuk ash, Saimon in chuka ya a ponaklo tuk osh okhissa itikba ya hieli tok.

18. Mihmvt tahpula cha a ponaklot, Saimon, Pita hohchifo kvv, yvmmak o antakma, nanta cho ? achi tok.

19. Pita yvt holhpokuna tuk ash o anukfihinli fehna, Shilombish vt, Yakeh ! hatak tuchina kvv chi hoyoshke.

20. Yohmi hoka tanit pit akowa cha, nana kia isht ai anuktuklo iksho hosh awant ish iashke, yvmma vno ak osh auet tihleli li tuk oka; im achi tok.

21. Yohmi ma Pita yash ot akowvt ivt, Kanilis vt auet in tihleli tuk hatak ash im ona mvt, Yakeh! vno ak osh hatak hvsh hoyo hatuk a sia mak oke. Nanta hosh a katiohmi ho ayvt hvsh la cho? achi tok.

22. Mihma, Kanilis Kvpitvni hatak ahli, micha Chihowa ya i nukshohumpa cha tuk, micha Chu okla moyuma ka ai im annoa achukma hosh ahanta chatuk, yvmmak osh in chuka ya ish ona chi ka, chi hoyo cha, anumpa ha chi a hakla chi ka, Chihowa yvt enchil holitopa ya isht ai im anoli tuk oke; okla achi tok

23. Yohmi ma i howvt aboha pit apitta na maya tok. Atuk o ont onna ma, Pita yvt wakaya cha awant ia ma, itibapishi vhleha kanohmi kvv Chappa ya asht apihvt ilhkoli tok.

24. Atuk osh yvmmak atuk a onna ma, Seselia ya okla ont chukowa tok; yohmi ma Kanilis vt i kanomi vhleha, micha i kana fehna aiena ka hoyot itahobit tahli cha, asht pit hoyo tok.

25. Atuk osh Pita yvt ant chukowa ma, Kanilis vt ont afama cha, iyi ituma ya hlipiyvt ai okpvchi tok.

26. Yohmi kia Pita yvt, Hikiá, vno ak kia hatak sia akinli hoke, ahanchi cha halvllit tanichi tok.

27. Michá im anumponlit pit chukowa mvt, itahoba tuk vt laua hosh ai asha na pisa tok.

28. Yohmi mvt Chu hatak okvt okla inla takla aya hokmá, keyukmvt ont ibafohka hokmá nana ka kaniohmit im ai vlhpiesa keyu ka hvsh ithaiyanvshke; yohmi kia vno yokvto hatak nana kia ik vlhpeso, micha okpulo a la he keyu ho, Chihowa yvt vm abahanchi tuk oke.

29. Yvmohmi hatuk o, sa hoyo makinli ho nana ak acho hosh, ayvt hvchim vla li hoke. Yohmi hosh hvchi ponaklo lishke, nanta katiohmi ho is sa hoyo tuk oh cho? im achi tok.

30. Mihma Kanilis vt, Nitak ushta kash o nahullochit an-

ta li, hvshi kanvlli himak foka tok. Yohmi hosh hvshi kanvlli isht vlpisa ont isht chakkali ho, vm aboha anukaka ya vba pit ai anumpuli li tuk; yohmi ma hatak vt nafohka shohmalali fohka kvv sa tikba ya hikia tuk.

31. Mihmut, Kanilis, vba pit ish anumpuli ka haklo, micha nan ish hopehinla chatuk a Chihowa yvt ithaiyana hoke.

32. Yohmi hoka Saimon, Pita hohchifo ka pit hoyot Chappa ya pit ish tihlelashke; yvmmak okvt okhvta lapali ka Saimon wak hakshup hummvchi in chuka yo anta hoke; yvmmak osh vlakvt ant chim anumpula hi oke: achi tok.

33. Yohmi hatuk o ashalika pit chi hoyo li kvno; atuk o ish la kvv ish vlpesa hoke, yvmohmi ma Chihowa yvt nana chim apesa tuk a, mominchit e hakla chi mak osh momvt himak a yakohmit Chihowa itikba ya e chiya hoke; achi tok.

34. Mihma Pita yvt itakha ya wakvmmi mvv Chihowa yvt hatak a kanimanchi keyu ka, ai ahlit akostininchi lishke—

35. Amba oklushi moyuma ka kvna hosh yvma i nukshoyupa cha, ai vlpiesa ka yvmohmi hokvt, im a holitopa chatuk oke.

36. Chihowa yvt Israel ushi vhleha ya anumpa auct ema na Chisvs Klaist pulla ho nuktanla hi a, isht ai im anuhumpa tok a, yvmmak osh moma in Chitokaka yoke.

37. Baptismo yo Chan vt isht anumpuli ha yak o, anumpa yvmvt Kalili ai ishtia tuk osh, Chutia yakni a mominchit ai anumpvt hlopulli tok;

38. Kaniohmit Chihowa yvt, Chisvs Nasalet ai vta ya Shilombish Holitopa, micha nan isht im ai ahlika aiena ka isht ahvmmichi tok; Chihowa yvt awant aya hatuk o, yvmmak ashot nan achukma ka isht ahanta, micha nan isht-ahullo okpulo isht ilbvsha vhleha ya mominchit hlakofichit nohova tok, hvsh ithaiyanvshke.

39. Michu yvmvt Chu okla i yakni, micha Cheluselem aiena ka nana ho a kanimihinchi tukma, moyuma atokowa anoli pia mak oke; yvmmak o okla iti a takalichit vbi tok.

40. Yvmmak ash nitak ont atuchina ma, Chihowa yvt tannichi cha, achukmalit haiakvchi tok.

41. Yohmi kia okla moma kak a tok keyu, amba nana

atokowa anoni vhleha, Chihowa yvt tikbanli atokohonli tok, illi tuk vt falamvt tani ha ya, nan itibai impvt, ishkot maya tok, pishno ak a tok oke.

42. Mihma okla ha il im anumpula he, micha okchaya vhleha, mikmvt illi puta aiena nan im apesa ya he, Chihowa yvt atokoli ka ilap ak atuk a, atokowa il anohonla he, pim apesa tok oke.

43. Yvmmak o hopaii moma kvv, yvmma hohchifo pulla hatuk mak o, kvna ho kia i yimmi hokvt ai ashvchika puta kvv isht a kashofa ahayucha hi a, atokolit okla anohonli tok ; achi tok.

44. Pita yvt anumpa ilvppa anumpohonli kvv moma ho, anumpa haklo yash Shilombish Holitopa yvt mominchit onvtuyula tok.

45. Yohmi ma hakshup tvptua na yimmi vhleha Pita ya apihvt vla tuk vt, okla nan ik ithano vhleha ak kia Shilombish holhpila kvv o fohopa hatuk o,

46. Anumpa ilaiyuka okla anumpulit Chihowa ahnihinchi ka, okla haklo hatuk osh momvt nukhlakanha tok ; Mihma Pita yvt afalaminchit,

47. Shilombish Holitopa yvt anukfoka tuk vhleha pishno akinli chohmi ; yakohmi kvv ik baptismo ka chi ka, hatak nanta hosh oka ya im ataklvmma hinla cho ? achi tok.

48. Yohmi mvt Chitokaka isht a hochifot okla baptisma chi, i miha tok ; yohmi ma awant anta na nitak kanohma chi ka okla im ahni tok oke.

CHAPTER XI.

Pita yvt oklushi nan ik ithano vbanumpa ont isht im anumpuli tuk o, nanumachi, 1. 19 Vbanumpa yvt tmaha kanohmi ka ai anumpa.

1. YUMOHMI ma vbanumpeshi vhleha micha itibapishi vhleha aiena Chutia maya tuk vt okla nan ik ithano vhleha hak kia Chihowa im anumpa ha ishi tuk a, okla haklo tok.

2. Yvmohmi tuk o, Pita yvt Cheluselem a vla ma, hakshup tupa vhleha yatuk vt i chapvt anumpulit,

3. Chishno vt hatak hakshup tupa keyu vhleha ya ont ish iba chukowa cha, ish ibai impa tuk oke; ahanchi tok.

4. Yohmi ma Pita yvt ai ishtia vmona ka silhhit im anolit,

5. Chappa tumaha ha vba pit anumpuli hosh ahanta li tuk osh, sa holhpokuna chohmit na pisa li ka, nan ai vlhpitta yvt mihinti kv̄t nan tohbi chito yo chiyuhmi hosh vhli ushta ka ishi ho vba ya ai aka mihinti tok, mihmvt vno ash fehna vm vla tok.

6. Yvmmak ash sa nishkin a isht atokoli li mvt, nana vm anukfihinla tok, mihmvt nan-vlh̄poba iyushta puta yakni pakna aiasha, micha na-poa nukshopa, mikmvt nan aka balli puta, micha vba hushi aiena ka pihisa li tok oke.

7. Mihma anumpa hvt, Pita yvt wakaya cha, vbit vpa, vm ahanchi na, haklo li tok.

8. Yohmi kia vno ashot, Yohma he keyushke, Chitokaka ma! nitak nan ash nana kv̄t ai vlhpesa keyu, micha okpulo aiena kv̄t satakha ya fohka tok keyu chatuk oke; achi li tok.

9. Yohmi kia atukla ma anumpa hvt vba auet si afalaminchit, Nana ho Chihowa yvt kashofi tuk a, yvma ai vlhpesa keyu, chik acho kashke; achi tok.

10. Ilvppa yakohmi kv̄t hituchina ya tok; yohmi ma moma falaminchit vba isht maya tok.

11. Yvmohmi ma, mih makinli ho hatak tuchina Seselia auet ai an tihleli tuk a, chuka ai vta li tuk ash, ai vla tok.

12. Yvmohmi ma Shilombish vt, nana kia isht anukwaya iksho hosh awant ia la he, a miha tok; yohmi ma il itibapishi hannali ilvppvt si apelvt itvnowa ho, hatak ash in chuka ont e chukowa tok.

13. Yohmi ma yvmmak ash ot kaniohmit enchil vt ilap im aboha anuka ya hikia na pisa ho, Hatak a Chappa ya pit tihlelit Saimon, Pita hohchifo ka pit ish hoyashke.

14. Yvmmak osh anumpa, chishno, micha chin chuka

achufa moma aienvt isht hvchi okchaya hi a, chim anola hi oke, im achi tuk a, pim anoli tuk oke.

15. Yvmohmi ma anumpulit ishtia li makinli ho, Shilombish Holitopa yvt okla ha onvtuyula kv, vmona ka hvpushno a pi onvtula chash chiyuhmi tok.

16. Yohmi ma Chitokaka yvt, Chan okvto oka yo ishit baptismochi mvhlishke; amba hvchishno yokvto Shilombish Holitopa yo ishit hvchi baptisma hi yoke; achi tok a, im anumpa ha ithaiyana li kvno.

17. Yvmohmi ka Chihowa yvt, Chitokaka Chisvs Klaist i yimmi vhleha ha hv ima tok, ai itilau na holhpila ka ihima tuk a, vno ak osh nanta sia hatuk osh Chihowa ya ataklvmmi la hinla cho? im achi tok.

18. Na yakohmi ka okla haiyaklo mut lumvt chieya cha, Chihowa ya aiokpahanchi mut, Yohmikma Chihowa yvt okla nan ik ithano vhleha ak kia isht okchaya ile kostinichi ya ihima tumvshke; ahanchi tok oke.

19. Yvmohmi ma na palvmmi kv Istefin a isht atoba ma, okla ita fimimpa tuk vt itvnowvt aya kv Finisi, micha Saipilvs, mikmut Antiak a pit vlichit inla ka yano keyu, amba Chu vhleha ak bano ho anumpa ha okla isht im anumpohonli tok.

20. Micha kanimi kv Saipilvs hatak, micha Sailini hatak aiena hatuk osh Antiak a ai vla mut, yvmmak ash ot Klik okla ha im anumpulit Chitokaka Chisvs a isht anumpohonli tok.

21. Yohmi ma Chitokaka ibbak vt awant anta tok, holhtina laua hosh yimmi cha filemut Chitokaka ya im ona tok.

22. Yvmohmi ma na yakomi kv annovt, iksa Cheluselem ashwa tok haksobish a ont chukowa tok; mihma Banabas a yvmmut ia kv Antiak a ona chi ho okla pit chvffichi tok.

23. Yvmmak ash osh vla cha, Chihowa im isht il aiyukpa ka pihisa mut na yukpa tok; micha chukvsh mut kullo hosh Chitokaka ya isht asitia chi ka, mominchit atonohonchi tok.

24 Yvmmak okv hatak achukma hosh, Shilombish Ho-

litopa, micha ayimmika aiena kv̄t anukfoyuka fehna hatuk oka; yohmi ma okla hv̄t l̄gv̄vt Chitokaka ȳa iba kaha tok.

25. Yohmi ma Banabas vt Sal ̄a hoyā chī hosh, Tasvs ̄a ia tok.

26. Atuk osh yvmmak ash ahayuchi mvt, ilauevit Antiak ̄a isht v̄la tok. Mihma yakohmi tok, afvmmi achvfa v̄lh-piesa ka vbanumpuli iksa ȳa ibai itahobvt okla l̄awa ka nan im abahanchi tok. Mihma nan ithvna v̄hleha hv̄t v̄mmona ka Antiak ak ̄o, Klaist okla a hohchifo tok.

27. Yvmohmi ma nitak ilvppa foka ma, hopaii v̄hleha Cheluselem minti kv̄t, Antiak ̄a ai v̄la tok.

28. Micha yvmmak ash ot achvfv̄t Akabus hohchifo hosh hikia cha, hohchvfo chinto kv̄t yakni mominchit a hlopulla chī ka, Shilombish pulla isht ai anohonli tok. Yvmmvt Kilatvs Sesa yvt ahanta nitak ak ̄o ont ai ̄ahli tok.

29. Yohmi ma nan ithvna v̄hleha yvt nana kv̄t kaniohmit im ̄asha tukmvt ik kaniohmi kia, itibapishi v̄hleha Chutia maya ka isht apelvchi ȳa pit ī pila chī kv̄t, hatak moma tok.

30. Yvmmak ash okla yohmi mv̄hli cha Banabas, micha Sal ita tuklo kak ̄o ibbak fohkit, hatak tikba v̄hleha ȳa pit pila tok oke.

CHAPTA XII.

Helot vt vbanumpuli v̄hleha h̄a issikkopali.

1. YOHMI ma nitak yvmma foka ma, Helot miko yvt vbanumpuli iksa yatuk ̄a kaniohmi h̄o, ilbvshala chī kv̄t ibbak ̄a ̄o weli tok.

2. Micha Chemis, Chan itibapishi h̄a bvshpo falaia h̄o isht v̄bi tok.

3. Micha yohmi ka Chu okla hv̄t im achukma h̄o, pisa hatuk osh achakalinchi mvt, Pita ȳa aieninchit isha chin tok; mihma p̄ska ik shatvmmo v̄pa nitak a tok.

4. Atuk osh yvmmak ash hoklit ishi mvt, aboha kullo pit fohki cha, vbanv̄blit ont-ia issa ha ȳo okla h̄a isht ī kohcha

chi mak o, ahni hosh, tvshka chipota ushta bat aya ushta ho apesvcha chi ka, im issa tok.

5. Yohmi hatuk o Pita yashot aboha kullo ya foka tok; yohmi kia vbanumpuli ikxa yvt yvmma isht Chihowa pit im asilhha kvv, ik yokopo ki tok.

6. Atuk o Helot vt isht kohcha he tuk a, yvmma ninak fenak akinli ka, Pita yvt tvli itatakvli tuklo hosh isht talaiyakchi ho, tvshka chipota tuklo itin takla yo a nusi tok; yohmi ma apesvchi vt okhissa itikba ya hielit aboha kullo ya apesahanchi tok.

7. Yvmohmi kash o Chitokaka im enchil vt im vla na tohwikeli kvv aboha kullo anukaka ya tommi tok: mihma yvmmak ash osh Pita ya naksi a isso cha, tanichi mvt, Tushpvt taní; achi tok; yohmi ma in tvli itatakvli yvt ibbak a a mokohli tok.

8. Mihma enchil ash ot, Il ai vskofachi cha, chi shulush a holó, im achi ma, yvmihchi tok, mihma, Chim anchi a anchi cha, is siakaiyashke, im achi tok.

9. Mihma kohcha mvt iakaiya tok; yohmi kvv enchil vt nana a yvmihchi ka ai ahli mak atuk a, ik akostinincho ki tok. Amba nana mak o pisa ho im ahoba tok.

10. Ai atoni vmona, micha atukla aiena ka ant itiachi mvt, tvmaha pila ia tvli holihta okissa ya itvlachi ma, ilap akinlit in tiwa tok; mihma pit kohcha cha, hina achvfa ho fokvt ayvt okla tuk o, enchil ash ot ashalika i filvmmi tok.

11. Yohmi ma Pita yvt falamvt kostieni mvt, Chitokaka yvt im enchil a auet chvffichi cha vno a Helot ibbak, micha Chu okla nana ahni tuk puta ka, a sa hlakofichi tuk a, himak a ai ahli mak o ithaiyana lishke; achi tok.

12. Micha nan im anukfihinla mvt Chan, Mak hohchifo ishki, Meli in chuka ya, yvmma laua hosh itahobvt vba pit anumpuli hosh maya na, vla tok.

13. Micha Pita yvt apishia okhissa ya ant sukoha ma, ohoyo himita Loti hohchifo hosh ont haponaklo tok.

14. Micha Pita im anumpa ho pit ithana mvt, na yukpa kvv apishia ya okhissa ya ik tiwo hosh, amba malelit ant chukowa mvt, Pita yvt apishia itikba ant a hikia ka, anoli tok.

15. Mihma, Ik chi hopoyuksoshke, im achi tok. Yohmi kia i shablichit, yohmi tuk ash pulla ho mihiha tok; yohmi ma, Im enchil oka, okla achi tok.

16. Yohmi kia Pita ash ot sukoha kv̄t imoma tok; yohmi ma okla tiwi cha, pisa mvt nukhlakan̄cha tok.

17. Yohmi ma nukchintot maya chi ka, ibbak pit i fahv̄mmi mvt, kaniohmit Chitokaka yvt ilap a aboha kv̄llo isht a kohchi tuk a, im anoli tok; mihmvt, Na yakohmi ka Chemis, micha il itibapishi vhleha aiena ka ivt oh im anoli, achi tok; mihmvt kohchvt ivt inla ho ona tok.

18. Atuk o onnvt taha makinli ho, tvshka chipota vhleha ash ot Pita yvt nanta mak o a katiohmi tuk, ahnit nukhlakan̄cha kv̄t chohmi tok keyu.

19. Yvmohmi tuk o Helot vt yvmmak ash hoyo tuk osh ik peso mvt, apesvchi vhleha yash achukmalit im asilhhvchi mvt, yvmmak ash o vba chi ka, apesa tok. Mihmvt Chutia ya vttvt ivt Seselia ona cha, yvmmak o anta tok.

20. Mihmvt Helot vt Taia, micha Saitvn aiena ai asha ka isht ik i yukpo fehna tok; yohmi kia miko im vba potvlhpo apesvchi Blastvs a iti kana okla ikbi tok, micha ilap i yakni ya miko i yakni yak osh ai apelvchi atuk aiena hatuk oka, im anukfila mvt ai achvfa hosh im ai vla cha, nanaiya ka ai ahni tok.

21. Yvmohmi ma ai vlhpisa tuk nitak o, Helot vt miko na fohka ishit shemvt taiyahli cha, im aiasha holitopa pak naka ya binili cha, anum̄pa isht hikvt im anum̄pohonli tok.

22. Mihma okla hash ot tahpvlvt, Ilvppvt Chihowa yak o im anum̄pa, hatak im anum̄pa yo keyushke; ahanchi tok.

23. Mihma isht aholitopaka ya Chihowa yak o pit ik im isso hatuk o, mih makinli ho Chihowa im enchil vt isso tok, mihma shushi yosh ai ahampa na fiopissa tok.

24. Amba Chihowa im anum̄pa hvto achakvt isht i shahlit ia tok.

25. Yohmi ma Banabas micha Sal ita tuklo kv̄t nan isht ahashvvt atahli mvt Chan, Mak hohchifo ka ilauint Cheluselem a ashvvt falamvt ia tok oke.

CHAPTER XIII

Pal, Banabas ita tuklo kv̄t oklushi nan ik ithano, yā im ia. 42 Oklushi nan ik ithano v̄hleha yv̄t v̄banumpa yimmi.

1. YOHMI ma iksa Antiak ahāshwa ka kaniohmi kv̄t hopaii, micha nan im av̄chi v̄hleha, Banabas, micha Simion osh Naika hohchifo, anonti Lusivs, Sailini v̄tta, micha Manevn, Helot na pehlichy yā iba hofanti tok, micha Sal chohmi kv̄t maya tok.

2. Okla Chitokaka pit aiokpv̄chit nahullochit maya ma, Banabas, micha Sal ita tuklo ka, a toksvli im ai atokoli li tuk isht āshwa ch̄i ka, hvs sv̄m atokolashke, Shilombish Holitopa yv̄t achi tok.

3. Mihma okla nahullochit v̄ba pit anumpuli cha, ibbak a isht umbitepv̄t taiyahli mv̄t, okla pit tihleli tok.

4. Yohmi ma Shilombish Holitopa yak osh pit tihleli hoka, iv̄t Silushi a itonachi tok osh, yv̄mma āshv̄t peni v̄lhtot iv̄t Saipilvs a itonachi tok.

5. Michā Salemv̄s a ont āshwa mv̄t, Chu okla i sinakak puta Chihowa im anumpa isht ai anumponli tok. Mihma Chan a il ai apekahanchi akinli tok.

6. Michā tashaiyi yā a hlopullit Pefvs a itonachi mv̄t, hatak isht ahullo achv̄fa hopaii ilahobi, Chu hatak Bachisvs hohchifo hō, pisa tok.

7. Yv̄mmak okv̄t nahullo m̄iko hatak nan ithana, Sachis Paulvs a awant anta tuk o, yv̄mmak ash ot Banabas, micha Sal aiena ka hoyo mv̄t, Chihowa im anumpa hā haklo bvnna tok.

8. Yohmi kia Ilimvs hatak isht ahullo ash ot, hohchifo hv̄t toshowakmv̄t yv̄mmak oka nahullo m̄iko a na yimmika ai i filv̄mmichi bvnna kv̄t yv̄mmak ash im ataklv̄mmi tok.

9. Mihma Sal mv̄t, Pal hohchifo akinli hosh, Shilombish Holitopa yv̄t anukfohkv̄t kv̄nia hosh, yv̄mmak ash atokolit pisa tok.

10. Mihma, Na haksichi, micha nan ik ai v̄lhpeso aiena banot isht alotowa, nan isht ahullo okpulo ushi, ahopoyuksa

okluha in tynvp ma! Chitokaka i hina ai ahli puta okpuni kv̄t, ish issa he keyu cho?

11. Mikma, yakeh! himak a Chitokaka ibbak vt chi onvtula hoka, chi lvpakmvt hvshi a chik peso ho ahehiba chi hoke; achi tok. Mihma chekosi makinli ho tohbi, micha okhlilika aienvt onvtula tok. Mihma kvna kia ibbak a halvli cha isht aya chi ka, hoyot fullokahanchi tok.

12. Mihma nahullo miko vt Chitokaka im anumpa ha anukhlakancha cha, nana kv̄t yvmohmi na pisa mvt yimmi tok.

13. Mihma Pal vt itvpeha yash aienvt Pefvs a a hotofi cha, okla mintit Pafilia yakni Pvki a ai vla tok. Mihma Chan vt i filvmm̄it Cheluselem a falamvt ona tok.

14. Amba Pvki a asht kohchvt okla ia mvt, Pisitia yakni Antiak a ai vla cha, nitak hullo a sinakak a ont chukowvt chieya tok.

15. Mihma nan vlpisa, micha hopaii i holisso puta aiena kash, itim anumpulit atahli ma, sinakak apehlich̄i vhleha yvt, Hatak, il itibapishi vhleha ma! okla isht im anumpa he anumpa hv̄t hvch̄im ashakmvt hvsh anumpulashke; achit auet im anoli tok.

16. Mihma Pal vt hikia cha ibbak a pit isht im alvmm̄it, Islael okla, micha Chihowa ya i nukshohumpa vhleha hvchia ma! hvsh haponaklashke.

17. Okla ilvppa Islael vhleha in Chihowa yvt pin tikba vhleha ya atokoli mvt, hatak nowvt aya chiyuhmi hosh Echip a okla ahashwa ma, yvm̄mvt holitobli tuk osh, ilap ibbak kv̄llo pulla kv̄t yvm̄mak ash isht akohonchi tok.

18. Mich̄a afv̄m̄mi pokoli ushta foka yakni haiaka okla nana a kaniohmi ka, ant ik yohmi, im ahni tok.

19. Mich̄a Kenan yakni a oklushi untuklot ai imaiyachi mvt, i yakni atuk a, na shueli ho, isht ai i hopela tok.

20. Mich̄a yohmi ha ya nan apesa vhleha im a hiohlich̄i na, afv̄m̄mi tahlepa ushta cha pokoli tahlapit aiena foka ho, Samuel hopaii vt vtta tok.

21. Atuk o i himmakma, miko okla asilhha tok. Mihma Chihowa yvt Sis ushi, Sal, hatak Benchamin isht atiaka yo, i hilechi na afv̄m̄mi pokoli ushta tok.

22. Atuk osh yummak ash ai ishi mvt, Lewi ak osh i mi-ko ya chi ho okla ha i hilechi tok; yummak o pit atokolit, ilap vt, Lewi Chesse ushi, vno sa chukvsh fehna iakaiya hatak, micha vno nan ai ahni li ya mominchit ai ahlichia chi mako ahayuchi lishke; achi tok oke.

23. Hatak ilvppa isht ai unchululi yo Chihowa yvt ilap miha tok pulla hosh, okchalinski Chisvs a Israel okla ha i hilechi tok.

24. Yummvt ik lo kisha ho, Chan vt vmona ka Israel okla moyuma ka ile kostininchit baptismo ya isht im anum-pohonli tok.

25. Micha Chan vt anumpulit ahanta mvt, Kvt hak o sia hvchim ahoba cho? Uno vto mih mak o sia keyu hoke. Amba siakaiyvt minti kak o, yumma iyi i shulush a vno vt i hotofi la he si ahoba keyu hoke; achi tok.

26. Hatak itibapishi li vhleha ma! Eblaham isht atiaka ushi, micha kvna hosh hvchi takla ashwa kv Chihowa ya i nukshohumpakma, hvchishno ak o, ai okchaya isht anumpa ilvppvt hvchim aya hoke.

27. Cheluselem ai asha, micha i hochitoka aiena kv, yumma, micha hopaii vhleha im anumpa nitak hullo moma ka itim anumpuli chatuk aiena ka ik ithano hatuk osh, na palvmmi ka onochit yummak atuk a, ai-ahlichia tok oka.

28. Micha kanihmi ho yummak okvt isht ai illa he vhpesa kvno, im ai akostininski keyu ho kakosh, illa he a ahnit, Pailvt a okla im asilhha tok.

29. Micha yumma isht a holihiso tok a mominchit ai ahlichit okla tahli mvt, iti ash ai ishit akvchi cha ahollopi anukaka ya bohyuli tok.

30. Yohmi kia illi tuk a Chihowa yvt tanichi tok.

31. Yohmi ma Kalili ya asht apehvt mintit Cheluselem a ai vla tuk vt yumma okla pisa na nitak kanihmi tok; mih mak osh yumma atokovvt okla ha im anoli yoke.

32. Yohmi hosh anumpa achukma pin tikba vhleha ima tok a isht e hvchim anumpulishke.

33. Im vlla vhleha hvpia hak o, Chihowa yvt yummak ash isht pim ai ahlichia hosh Chisvs a falamichit tanichi

tok. Yohmi kv̄t ataloe ont atukla ka, Svs̄o chia hoke, himak nitak ā chikbi lishke, achit aholisso akinli hoke.

34. Micha yummvt illi tok ā falaminchit tanichi ka himmakma falamvt ahollopi ā chukowa he keyu hatuk ō yak ahanchi tok, Lewi ī nan isht il aiyukpa ahli ka chima la hi oke.

35. Yvmohmi hatuk ō anonti, Chi Holitopa ka ant nan toshbi ka ik pisá, ish im ahna he keyu hoke, inla ma ai ahanchi hoke.

36. Lewi ak okv̄to Chihowa nan ahni pulla h̄o, im okla h̄a nan isht im ahantvt in taiyaha mv̄t, illi cha in tikba v̄hleha h̄a ibafohkv̄t itoyulvt nan toshbi ma piesa tok oka.

37. Amba Chihowa yvt falaminchit tanichi tok, yummv̄to nan toshbi nana kia ik peso ki tok.

38. Yvmohmi ka hatak il itibapishi v̄hleha ma! hatak ilv̄ppa pulla hatuk mak ō, nan ai ashv̄chika puta isht kashofa yvt ishit hv̄chim anumpa hoka hv̄sh ithaiyanashke.

39. Micha Moses ī nan v̄lhpisa ak okmv̄no yv̄mma kaniohmit isht hv̄sh ai ī hlakofa he keyu ke tuk kia, na yimmi vt momvt yv̄mma pulla kano okluha isht ai ī hlakofi hoke.

40. Yvmohmi hoka ahah! hv̄sh ai ahnashke; yv̄mmak keyukma hopaii v̄hleha ī holisso h̄a isht ai anumpvt,

41. Na shitilema v̄hleha hv̄chia hv̄t ho pesa cha, okokko! ahnit, ik hv̄chi nukhlakanchá; hv̄chi nitak ā nan isht v̄tta ya isht ahanta li ka, kv̄na kia ik hv̄chim anoli mak ō, kaniohmit nan isht v̄tta yv̄mma a hv̄chi yimma he keyu, achi kv̄t hv̄chi onvtula hinla hoke; achi tok.

42. Mihma Chu okla hv̄t sinakak ā a kohcha wiba ma, okla nan ik ithano v̄hleha yvt anumpa yakohmi kash ot nitak bullo atuklakma isht im anumpa hinla kv̄t asilhha tok.

43. Yvmohmi tuk ō itv̄naha yash ot tisheli ma, Chu okla laua, micha himona v̄banumpuli toba v̄hleha aiena kv̄t Pal micha Banabas ita tuklo ka apehvt aya tok. Mihma yv̄mmak ash ot im anumpulit, Chihowa im ai isht il ayukpa pulla h̄o ai itv̄nowa chi ka atohnoh̄onchi tok.

44 Atuk ō atukla nitak hullo ya t̄maha chito achv̄fa

kv̄t mom̄a hosit Chihowa im anumpa hakla chi kv̄t itv̄naha tok.

45. Yohmi kia Chu okla hv̄to okla laua ya pisa mv̄t, nukhobelvt alota mv̄t, Pal vt nana anumpuli ka ik ahobalot na mihachit itachowvt maya tok.

46. Yohmi ma Pal, micha Banabas ita tuklo kash ot nukwaya iksho kv̄t isht i shahlit ia mv̄t, Chihowa im anumpa hv̄t tikba hv̄chishno ak o a hv̄chim anumpa he mv̄to ai v̄lh-piesa tuk okv̄no; yohmi kia, yummak ash naksi ka pit hv̄sh bohli cha, okchayvt bilia he o ik chi ahobo kv̄t isht hv̄sh il anukfihinli hoka, okla nan ik ithano yak o pit il i file-mv̄shke.

47. Yakohmi ho Chitokaka yvt pim apihisa mv̄t, Okla nan ik ithano v̄hleha ya ish in tohwikela chi, yakni ont v̄hli fullota kv̄t isht ai okchaya he mako, chi hilechi lishke; ahanchi tuk oke, achi tok.

48. Mihma okla nan ik ithano v̄hleha yvt ilv̄ppa haklo mv̄t, okla na yukv̄t Chitokaka im anumpa ha aiokpahanchi tok. Mihma okchayvt bilia he isht im v̄lhpisa tok v̄to momv̄t yimmi tok.

49. Yohmi na Chitokaka im anumpa hv̄t annovt yakni yv̄mma mominchit a hlopulli tok.

50. Yohmi ma Chu okla hv̄t, v̄banumpuli ohoyo holitompa v̄hleha, micha hatak holitompa tumaha asha tuk aiena ka atohnohonchi cha, Pal, micha Banabas ita tuklo ka isht ai ilbv̄shaka ya ilhkolichi tok; micha i yakni a kohchit kanom pit tihleli tok.

51. Yohmi kia iyi hituk chubbi asha tuk a on tahtuli cha, mintit Aikonivm a itvlachi tok.

52. Mihma nan ithv̄na v̄hleha yvt na yukpa, micha Shilombish Holitopa aiena ka isht anukfohka tok.

hvt ahobvchi, 1. 19 Pal vt tvli isht boa, 21 Tvmaha ilaiyuka hlo pullit aya mvt, falamvt Antiak a itvlachi.

1. **MIHMA** Aikonivm a yokohmi tok; Chu okla i sina-kak o ita tuklot ont chukowa cha, kaniohmit anumpohonli ma, Chu okla, micha Klik okla ai itvpeha kvv laua hosh yimmi tok.

2. Amba Chu nan ik yimmo vhleha hvto okla nan ik ithano a atohnochit, im anukfla ha itibapishi vhleha hash isht i nukkilichi tok.

3. Yvmohmi hatuk o nukwayiksho kit Chitokaka ya isht anumpulit, yvmmak ash ahshwa na hopaki ma, yvmmak ash ot nan isht ahoba, micha na fehna puta aiena kvv yvma ibbak a isht ai yohma hi a ahni cha, im anumpa hanta ya isht ai ghlichit tok.

4. Yohmi kia tvmaha okla chinto kash ot ita kashapa tck; mihma kashapa kvto Chu okla hak o pit halanli ma, anonti kashapvt vbanumpa isht vta vhleha yak a tok.

5. Atuk osh okla nan ik ithano vhleha, micha Chu okia ha pit aiena kvv i pehlichit ka ai itvpehvt, yvmmak ash ilbv shachit, tvli isht bola chi kvv im anukfilvt maya ma,

6. Akostininchit okla mvt, tihlavt Laikeonia yakni a tvmaha Listi, micha Tabi ita tuklo, micha yakni auct folumpa ka ona tok.

7. Micha yvmmak o vbanumpa isht ai anumpulit okla tok.

8. Mihma Listi a hatak achvfa kvv ishki ikfoka anuka yakinli ho ai imomokpulo tok osh, iyi vt ik kvv hosh, nitak nana nowa tok keyu vt binili tok.

9. Yvmmak ash ot Pal vt anumpuli ka baklo tok; mihma yvmmak ash ot atokovvt pihisa cha, hlakofa he vt yimmi ka akostininchi mvt,

10. Chitoli hosh anumpulit, Wakayvt chiyi a apissvt isht ish hikiashke; achi tok. Mihma yvmmak ashot mvlit, micha nowa aiena tok.

11. Mihma okla hash ot, Pal vt nana yvmihinchi na pisa mvt, Laikeonia anumpa ho okla anumpulit chitoli hosh, Chi-

tokaka vhleha yvt hatak o chiyuhmit aka mintit ayvt hvp im vlvshke; ahanchi tok.

12. Micha Banabas a Chupita hochifo mvt, Pal ak okvto anumpuli chito atuk o, Makulus hochifo tok.

13. Mihma in tmaha itikba hikia Chupita ya na holi-tompa isht im vta yvt, wak nakni chohmi, micha sita bita puta aiena ka ishit holihta okhisa ya vla kv, okla ai itv ehvt vbit isht aiokpvcha he ahni tok.

14. Mihma vbanumpeshi vhleha Banabas, micha Pal ita tuklo kv haklo mvt, im ilefohka ya ita hlilvffit, okla mvt pit tihlaiyvt okla ha iba chukowa cha, tahpvlvt,

15. Hatak puta ma! na katihmi ho hvchi yakohmi cho? Pishno ak kia hatak hvchishno chohmi pia hoke, mih hosh nan ik ahobo yakohmi ka ai i filvmmmit, Chihowa okchaya, vba shutik, micha yakni, micha okhvta, micha nana puta, yvmma ai ahashwa ka aiena ikbi tok a, hvsh im ona he mak o, e hvchim anumpohonli hoke.

16. Yvmmak okvt nitak tikba ma, oklushi moma ka ilap o inli nana a kaniohmi a ant ik ai itanowá, ahni tok.

17. Yohmi kia ilap fehna isht ai atokowvt anoli a ik takohlichu hosh ahanta tok keyu; yohmi kv nana ka achukmali hosh umba vba minti, micha na waya achukma nitak aiena ka auet hvp ihima cha, pi chukvsh a ilhpak, micha na yukpa aiena ka, isht alotohonli hoke; ahanchi tok.

18. Micha ilvppa ahaya pulla hosh na kvni okla ha yokobli na, yvmma okla nan ik im abo ki tok.

19. Yvmohmi ma Chu hatak kanomona Antiak, micha Aikonivm aiena mintit vla cha, okla ha ant atohnochit, Pal a tvli isht bolit, illi ho im ahoba cha hvllat tmaha ha isht kohchi tok.

20. Yohmi tuk kia, nan ithvna vhleha yvt afolublithinli ma, tani cha, tmaha ha ant chukowa tok. Atuk osh nitak ont atukla ma, Banabas awant Tabi a ia tok.

21. Atuk osh tmaha yvmma vba isht im anumpulit, micha lava ho nan im avvchi mvt, falamvt anonti Listi, micha Aikonivm, micha Antiak aiena kash itvlachit.

22. Nan ithvna vhleha im anukfila hlampkochi, nicha ayimmi kv̄t achunancha ch̄i h̄o atobnochi mvt, na palvmmi laua ka il a hlopulli pulla hosh Chihowa apehliechika ȳa e chukowa hi oke; achi tok.

23. Micha vbanumpuli ik̄sa moma pehlich̄i aiyuka atokolit hiohlechi cha, nahullochit v̄ba pit anumpulit issa mvt, Chitokaka yvmmak ō okla anukcheto tuk ash pit im issa tok.

24. Micha Pisitia hlopulli mvt, Pafilia itvlachi tok.

25. Micha anumpa hash Pv̄ki ā isht ai anumpuli cha, Atelia itonachi tok.

26. Atuk osh yvmmak ō peni ai vlhtot Antiak yvmmak ō toksvla ch̄i ka Chihowa im aholitopaka hi ō, pit im issa tok ash ai ahlich̄i tuk vt itonachi tok.

27. Micha itvlachi cha ik̄sa ȳa itahobi cha, Chihowa yvt isht kaniohmibinchi tuk moma, micha okla nan ik ithano vhleha ȳa ayimmika okhissa ȳa ik tiwi tuk aiena ka, im anohonlit okla tok.

28. Micha yvmmak ō nan ikhvna vhleha ȳa awant ahashwa na hopaki tok oke.

CHAPTA XV

Hakshup t̄pa isht ai itachowa, 1. 6 Vbanumpeshi vhleha hv̄t isht itim anumpulit maya. 22 Ai apissalechit im anukfila ha tok.

1. MIHMA hatak kaniohmi Chutia mintit ai vla tuk vt, itibapishi vhleha h̄a nan im abvchit, Moses ī nan vlhpisa ak c̄ chohmit hakshup hv̄chi tapa keyukmvt, hv̄chi okchaya he keyushke; achi tok.

2. Yohmi na Pal, micha Banabas ita tuklo kv̄t yvmmak ash itachowvt itim inla fehna ma, Pal, micha Banabas anonti inlaka kaniohmi aiena kv̄t anumpa itachowa tok, ilvppak atuk vt vbanumpeshi vhleha, micha asononchika vhleha aiena ka Cheluselem ā im ona ch̄i ka, okla apesa tok.

3. Mihma ik̄sa vhleha yvt pit apehvt aya na kohchvt ilh-koli mvt, okla nan ik ithano vbanumpuli toba tuk ā anohon-

lit, Finisi, micha Samelia aiena ka hlopulli tok; micha itibapishi vhleha ya mominchit yukpali chinto tok.

4. Atuk osh Cheluselem ash itonachi ma, iksa vhleha, micha vbanumpeshi vhleha, micha asononchika vhleha aiena kvt aiokpanchi tok. Mihma Chihowa yvt ilapo a nana isht a kaniminchi tuk a mominchit anoli tok.

5. Yohmi kia Falisi iksa kaniohmi na yimmi atuk vt wakaya cha, Hakshup a in tupli cha, Moses i nan vhpisa ha holitobla he aiena ka im apesa he vhpiesvshke; ahanchi tok.

6. Yvmohmi ma vbanumpeshi vhleha, micha asononchika vhleha aiena kvt anumpa ilvppa anukfillit pisa chi kvt itvnaha tok.

7. Atuk osh itachowa chuma naha ma, Pita yvt wakaya mvt, Hatak itibapishi li vhleha ma! nitak hopaki kash Chihowa yvt hvpin takla ma auet ai atokoli ka, yvmvt svtih ak o okla nan ik ithano vhleha yvt vba isht anumpa anumpa ka a haiyaklo cha, yimma hi a tok a, hvsh ithaiyanvshke.

8. Michi Chihowa yvmak osh chukvsh puta ka ithaiyana kvt, aiokpanchi hosh Shilombish Holitopa ihima kvt hvpushno yo chash itilavechi hoke.

9. Michi hvpushno a yvma a pit im invchi keyu, yimmi hatuk o chukvsh a i kashohufi hoke.

10. Yvmohmi ka nanta katihmi ho Chihowa hvchik anukcheto hosh, nan itvna vhleha ikonla ya ikonla abana yvma pin tikba vhleha, michi hvpushno aiena kvt e lauwi cha, e shala he keyu ka, yvma hvsh onochi cho?

11. Yohmi kia Chitokaka Chisvs Klaist achukma pulla hatuk mak o, pi okchaya kvt yvmak inli il itilaua he aiahnit pi yimmishke; achi tok.

12. Yohmi ma okla laua yvt lumvt chieyvt, Banabas, michi Pal ita tuklo Chihowa yvt ilapo a, na fehna, michi nan isht ahoba puta aiena kaniohmi ho okla nan ik ithano vhleha itin takla ya, isht a yvmihinchi tuk a anoli ka haklo tok.

13. Okla hv lumvt chieya ha yano, Chemis vt achakalinchi mvt, Hatak itibapishi li vhleha ma! hv sa haponaklashke.

14. Chihowa yvt v̄mmona ka oklushi nan ik ithano ā kan-
iohmit aiokpanchit okla ilap isht hohchifa ch̄i ka akohchit
ishi tuk ā, Simion vt anohonli tok.

15. Micha hopaii v̄hleha im anumpa hvt ilvppak ō ai
achvfvshke.

16. Yakohmi ha ma falama lish, Lewi in chuka kinafa
tuk ā falaminchit ikbi la hi oke; micha okpulo tuk ā fala-
minchit ikbit hilechi la hi oke.

17. Yvmmvt hatak a kashampa, micha okla nan ik ithano
v̄hleha moma sa hohchifo h̄a isht a hohchifo tuk puta kv̄t,
Chitokaka ȳa okla hohoya ch̄i ka, yvmmak osh na yakohmi
moma ka yvmihchi mak osh Chitokaka yvt achishke; achi
holisso tok ā.

18. Ummona pillvt isht auehinchi ka Chihowa yvt ilap
nana a kaniohmi puta ka mominchit ithaiyana chatuk.

19. Yvmohmi hoka okla nan ik ithano atuk filemvt Chi-
howa ȳa im onvt maya ka, kil anumpulicho ka he ak ō, vno
vt aiahni lishke.

20. Amba na holba toba puta isht ai okpulo, micha oho-
yo himita itin lumaka, mikmvt nana kv̄t nuksitvt illi puta,
micha issish aiena ka ik ahalaio ka ch̄i kak ō pit iloh ī holis-
sochashke.

21. Nitak hopaki isht auehinchi ka, Moses ī holisso h̄a
vmaha moma, kv̄na hosh isht ai anumpohonlikma, nitak
hullo moma, sinakak ā ai itim anumpohonli chatuk oka;
ahanchi tok.

22. Mihma v̄banumpeshi v̄hleha, micha asononchika v̄hle-
ha, iksa v̄hleha moma ai itvpeha kv̄t ilap ai itvpeha akinli,
hatak ai vlhtoka h̄o Pal, micha Banabas ita tuklo ka ai itv-
pelinchit Antiak ā pit tihlela he, v̄lhpesa ahni tok Chutvs
osh Basabas hohchifo, micha Saulvs itatuklo itibapishi v̄hle-
ha ȳa moma ī shashonli kak a tok.

23. Micha holissochit ibbak fohki kv̄t yakohmichi tok.
Ubanumpeshi v̄hleha, micha asononchi ka, micha itibapishi
v̄hleha aiena kv̄t, itibapishi v̄hleha okla nan ik ithano a tok
Antiak, Silia, micha Selisia puta aiasha ka pit aiokpvchishke.

24. Yvmohmi kv̄t hatak kaniohmi ilvppa isht ia tuk osh,

anumpa isht hvchi ataklvmmmit hvchi shilombish okpanit, Hvchi hakshup vt trpa cha, nan vlhpisa ya hvsh holitoblashke, ahanchi tuk a e haiyaklo tok ; yvmmak oka il atohno tuk keyu hoke.

25, 26. Chukvsh vt achvfa chohmit itvnahvt e chieya mvt, hatak vlhtoka hvpin Chitokaka Chisvs Klaist hohchifo pulla ka ilap im ilhfopak a a kaiyanchi chohmi hatak o, pi holitopa Banabas, micha Pal ita tuklo ka ai itvpehvchit pit e hvchin tihlela he a, vlhpesa il aiahni tuk.

27. Yvmohmi hatuk osh Chutvs, micha Sailvs aiena ka pit e hvchin tihleli hoka, mihi yosh yvmmak ash fehna ka itih ho isht hvchim anohonla hi oke.

28. Yvmohmi ka Shilombish Holitopa, micha pishno il aiena kvv nana kvv weki kvv ai vlhpesa ilvppa chohmi ka, ai i shahli ho e hvchi onoicha he keyu kak o vlhpiesa il aiahni tuk oke.

29. Yohmi kvv nipi na holba toba pit im issa tuk, micha issish, mikmvt nana kvv nuksitvt illi tuk puta, micha ohoyo himita itin lumaka aiena kak o, hvchik ahalaio kashke. Yvmmak o hvchik il ahalaicho hokmvtto hvsh vlhpiesa hi oke. Hvchi achukmakashke ; achi tok.

30. Yohmi na okla pit tihleli ma, Antiak a ai vla tok ; micha okla laua ya itahobit tahli mvt, holisso hash ima tok.

31. Mihma yvmmak ash okla itim anumpuli mvt, nan im annoa kvv okla na yukpa tok.

32. Mihma Chutvs, micha Sailvs ita tuklo kvv, ilap mvt hopaii akinli hatuk okvt, itibapishi vhleha ha anumpa lava ka isht atohnohonchi cha kvullochi tok.

33. Atuk osh yvmmak osh ahashwa na ahchieba ma, itibapishi vhleha yvt aiokpanchi cha vbanumpeshi vhleha la pit in tihleli tok.

34. Yohmi kia Sailvs vto yvmmak inli ahanta kak osh im vlhpiesa tok.

35. Pal ak kia, micha Banabas aiena kvv Antiak a, inla laua ho ai itvpehvt mayvt Chitokaka im anumpa ha im ahanchi, micha isht im anumpohonli aiena tok oke.

36. Yvmmak atuk a nitak ont isht kaniohmi ma, Pal vt

Banabas ash, Anonti ivt tvmaha moma Chitokaka im anum-pa il ai anumpohonli tuk vt, il itibapishi vhleha ha i nowvt ayvt kaniohmi hosh ai ashakma e pisashke ; im achi tok.

37. Mihma Banabas vt Chan osh Mak hohchifo ka ilau-ehit aya lhi a ahni tok.

38. Yohmi kia Pafilia ai i filvmmi cha iba takla nan isht vttvt ik ayo ke tuk ash, ilauelit aya ik vhpeso, Pal vt ahni tok.

39. Mihma itachowa kvv kullo fehna hatuk osh, iti filvmmi mit okla tok. Yohmi ma Banabas vt Mak a ilauei cha peni fokhvt Saipilvs a ona tok.

40. Mihma Pal vt Sailvs a hoyo cha itibapishi vhleha yvi Chihowa im aholitopa he mak o, pit im issa ma, ia tok.

41. Mihmvt yvmmak ashot iksa vhleha ya hlampkochit isht ayvt, Silia, micha Silisia aiena ka hlopulli tok oke.

CHAPTA XVI

Pal vt Timohli a hakshup tvpli, 1. 14 Litie vt vbanumpuli toba.
24 Aboha kulloapestchi vt vbanumpuli toba.

1. **YUMOHMI** mvt Tabi, micha Listi aiena ka vla tok. Mihma yvmma nan ithvna achvfa Timohlius hohchifo hosh anta tok : Chu ohoyo na yimmi o ushi ; amba iki okvto Klik hatak a tok.

2. Yvmmak oka itibapishè vhleha Listi, micha Aikonium aiena aiasha kvv ahnichi tok.

3. Yvmmak osh takla aya hi a, Pal vt aiahni tok ; micha ishi cha hakshup tvpli tok, yakni koyofa yvmma aiasha kvto Chu vhleha hatuk o, micha iki okvto Klik hatak a momvt ithana hatok oka.

4. Michä tvmaha puta a hlopullit aya mvt, nan vhpisa vbanumpeshi vhleha, micha hatak asononchi aiena Cheluselem aiasha kvv apesa tuk a, holitobla chi ka ihimvt okla tok.

5. Yvmohmi ho iksa. puta kvv yimmi kvv kullot hiohli ma, holhtina mvt laua kvv nitak atukma, i shahlit ia tok.

6. Yvmohmi ma Fichia, micha Kaleshi yakni aiena a hlo-

pullit okla, micha Asia a anumpa ha isht ai anumponia he keyu, Shilombish Holitopa yvt i miha tuk o,

7. Mishi a itvlachi mvt, Bihlinia chukowa bunna tuk kia, Shilombish vt vlhpesa, ik im ahno tok.

8. Yohmi ma Mishi a ant itiachi mvt, Tloas a itvlachi tok.

9. Mihma ninak o, Pal a nan isht ahoba yvt ant i haiaka tok. Masetonia hatak osh hikia cha, im asilhhvchit, Masetonia ak o vla cha ant pi apelá, ahanchi tok.

10. Mihma yummak oka vbanumpa ont isht il im anum-pula he mako, Chitokaka yvt auet pi hoyo tok pulla ka, pim anukfihinla mvt, nan isht ahoba ka pisa tuk a, in chekosi ma, Masetonia ya ia pi bunna tok.

11. Yohmi cha Tloas a il a hotoffi mvt, auet apissalint mintit Samoleshi e la tuk osh, nitak atukla ka Niapolis a e la.

12. Michá yumma ashvut il ia mvt, Filippi, yummak okvt tmaha chito kvv Masetonia yakni koyofa yumma moma i shahli, okla wiha a binili a e la tok. Michá tmaha yumma il ashwa na nitak kanohmi tok.

13. Michá nitak hullo ma tmaha kohevvt ivt okhina la-pali ka, yummak o vba pit ai anumpuli chatuk a, ont e chi-eya mvt, ohoyo hvv itahohumba ma il im anumpuli tok.

14. Mihma Chihowa aiokpanchi ohoyo achvfa Litie hoh-chifo, na humma lusbi kanchi, Hlaiataila tmaha vttá yvt pi haklo tok; mihi yo chukvsh o Chitokaka yvt tiwi na Pal vt nana isht ai anumpohonli ka anukfoká tok.

15. Michá ilap vt in chuka chvfa aienvt baptismo mvt, asilhhvchit, Uno vt Chitokaka ya pit im ai ahli li ka hvchim ahobakmvt, an chuka ya ont hvsh chukowa cha hvsh ash-washke; ahanchi mvt, pi atushpalechi tok.

16. Yakohmi tok, vba pit ai anumpuli ia hosh il aya ma, ohoyo himita achvfa kvv isht ahullo shilombish anukfoka hosh pi afama tok; yummak okvt nan anoli ilahobit vlhto-ba chinto i shahli vhleha isht im ahayuchi a tok.

17. Yummak ashot Pal, micha pishno aiena ka piakai-yvt aya mvt tahpvlvt, Hatak yakohmi kvv Moma i Shahli Chihowa yako, in tvshka vhleha yosh ai okchaya hina hvvim abahanchi hoke; ahanchi tok.

18. Mihmvt ilvppa yakohomi na nitak kanohmi tok. Yohmi kia Pal vt ik im vlhpeso hatuk osh filema mvt, shilombish ash, Chisvs Klaist hohchifo pulla hō, chishno vt yumma ish akohcha chī ka, chī miha lishke; im achi tok. Mihma yummak ashot mih makinli hō kohcha tok.

19. Yvmohmi ma ī shahli vhleha yvt nan isht ai ahayunchi ashot kvnia na pisa mvt, Pal, micha Sailvs ita tuklo ka hokli cha, hullat ishtivt nan vpa a kanchi ā isht chukowvt, hatak pehlichī vhleha ya isht im ona tok.

20. Micha ishtivt tvshka chipota ī mīko vhleha ya isht im ona cha, Hatak ilvppvt Chu okak osh hvpin tvnaha hā ataklaiyummi fenvshke.

21. Micha Lom okla pia hv, nan vlhpisa yumma il aiokpvchi cha, e holitobla he pim ai vlhpesa keyu ka pim abahanchishke; ahanchi tok.

22. Yohmi ma okla laua yashot im a svnali himona achvfa wakaya tok; mihma tvshka chipota ī mīko vhleha yashot im ilefohka ya okla ī shueli mvt bola chī ka, okla apesa tok.

23. Mihma fuma lāwa hō okla onochi mvt, aboha kvllō apesvchi ā achukmalit apesahancha chī ka im apesvt tahli cha, aboha kvllō pit apitta tok.

24. Yummak ashot nana kvv yakohmit im vlhpihisa mvt, aboha kvllō anukaka pilla pit apitta cha, iti iyi isht akvllō isht a kvllōchi tok.

25. Yvmohmi tuk o ninak iklvnna ma, Pal, micha Sailvs ita tuklo kashot vba pit anumpulit, Chihowa pit aiokpvchit in talohōwa tok; mihma aboha kvllō vlhpinta tuk vt haiyaklo tok.

26. Mihma yakosi fena makinli hō, yakni winakvchi chinto na, aboha kvllō nutaka intola yvt ilhkoli tok: mihma ashaliika okhissa yvt momvt tiwa ma, momvt im isht talakchi yvt ī mokohli tok.

27. Mihma aboha kvllō apesvchi yvt nusi tuk vt okcha cha, aboha kvllō okhissa puta kvv tiwa hō pisa mvt, aboha kvllō vlhto ā tihlaiyvt tamoa tuk ā, im ahoba mvt ī bvsipo falaiya ya hullat shufi kvv ile ba chin tok.

28. Yohmi kia Pal vt chitolit pit tahpvlvt, Momvt ilvppa e maya hoka, nana kia chik ile kanihcho kashke; ahanchi tok.

29. Mihma p_vla h_a pit hoyo cha, m_vlet pit chukow_vt w_vnihinch_i hosh v_la m_vt, Pal, micha Sail_vs ita tuklo itikba y_a ant hlipia tok.

30. Mich_a pehlichit kohcha m_vt, Hatak hvchia ma! sai okch_aya ch_i k_vto nanta k_o katiohmi la ch_i cho? achi tok.

31. Yohmi ma, Chitokaka Chis_vs Klaist ak o ish i yim_vashke, mikmak osh chishno, micha chin chuka ach_vfa aien_vt chi okch_aya hi oke; achit okla tok.

32. Mich_a Chitokaka im anumpa h_a ilap, micha in chuka an_uka y_a m_aya tuk ash a mominchit isht im anumpuli tok.

33. Mihma ninak hvshi kanvlli isht vlhp_visa mih makinli h_o ishi cha, a f_vma tuk a achifa tok; mihma ashalika ilap v_t in chuka ch_vfa m_om_vt baptismo tok.

34. Mich_a pehlichit im aboha y_a ish_it chukowa m_vt, ilh_vpak a itikba in talohli m_vt, in chuka ch_vfa y_a a moyum_vt Chihowa y_a yimmit na yukpa tok.

35. Yvmohmi tuk o on_vt taha ma, tvshka chipota i m_iko vhleha y_vt anumpeshi a pit tihleli m_vt, Hatak yvm_vt ant ik itiachi, ahanchi tok.

36. Atuk o aboha kullo apes_vchi y_vt Pal a anumpa il_vppa im anolit, Tvshka chipota i m_iko vhleha y_vt ant ik ay_a, auet hvchim aiahni tuk oke; yvmohmi hoka himak ano koh_vch_vt ivt, na yuk_vt hvsh ayashke, achi tok.

37. Yohmi kia Pal v_t, Anumpa vlhp_visa yosh pi on_vtula keyu ka, Lom hatak pia ho kak o haiak_vchi hosh pi fahami cha, aboha kullo y_a pit pi apitta tuk; yohmi kash ot anonti peh luma hosh pi kohchi hoh cho? Yohma he keyu pul_vshke. Amba ilapo inlit ai v_la cha, isht pi kohchashke: im ahanchi tok.

38. Atuk o anumpeshi ash ot anumpa il_vppa tvshka chipota i m_iko vhleha yash ont im anoli tok. Mihma yvm_vt Lom hatak atuk o okla haklo m_vt, nukshopa tok.

39. Mih_vt ai v_la cha ant im asilh_vt, isht kohchi m_vt, tmaha h_a a kohch_vt okla hinla ka, im ahni tok.

40. Mihma aboha kullo a a kohch_vt ia m_vt, Litie in chuka ont chukow_vt okla tok; micha itibapishi vhleha y_a pisa cha hopohl_vlit tahli m_vt, kohch_vt itiachi tok oke.

CHAPTA XVII.

Pal vt Hlessalonika ya vba isht ai anumpuli, 1. 10 Pal vt Belia ako ai anumpuli. 15 Pal vt Ahlens a ai anumpuli.

1. YUMOHMI kashot Amfipolis, Apollonia aiena ka llopullit okla mvt, Hlessalonika yummak o Chu okla i sinakak vt hikia ho itvlachi tok.

2. Mihma Pal vt yummak o a yohmi atuk okvt ont iba chukowa cha, nitak hullo nitak tuchina ka Holisso Holitopa ya ai isht okla ha im anumpohonli tok.

3. Klaist vt issikkopa he, micha illi tuk osh ialamvt tana hi vt ai vlhpiesa tok, isht i fahpullit im avchit, yvmohmi ka Chisvs ilvppa vno vt isht hvchim anumpohonli li kak osh, yummvt Klaist mak oke; achi tok.

4. Mihma kanimi kvv yimmi mvt Pal, Sailvs ita tuklo kash iba kaha tok. Mihma Klik hatak vbanumpuli laua fehna, micha ohoyo holitempa aiena kvv kanomosi tok keyushke.

5. Yohmi kia Chu okla nan ik yimmo hokvto anukhobela mvt, hatak haksi nan isht vta ik im iksho kaniohmi ho pehlichit itvnali cha, tmaha okla ha mominchit nukhlakashlit, Chesvn in chuka ya o yihlepa tok; micha pehlichit kohchvt okla isht im vla chi hosh yummak ash hoyo tok.

6. Atuk osh yummak ash okla ik ahayucho mvt, Chesvn micha itibapishi vhleha kaniohmi ka-aieninchit, hvllat tmaha apehlichi vhleha ya isht im ona cha, tahpvlvt, Yakohmi kvv yakni a shot filipmi tuk vt ilvppak kia ai vlushke.

7. Mihi yo Chesvn vt pehlichit ishi tuk; micha yakohmi kvv momvt Sesa i nan-vlhpisa ai ahalaia keyu ho, okla yvmohmit, miko inla Chisvs vt asha hoke, ahanchishke, achi tok.

8. Mihmvt okla puta, micha tmaha apehlichi vhleha aiena kvv na yakomi ka haklo ma, nukhlakashli tok.

9. Mihmvt Chesvn, micha inla aiena anumpa nana ho im ai ishi kvv im vlhpesa mvt, asht ik itvnowa, okla im ahni tok.

10. Mihma itibapishi vhleha yvt ashalika ninak o Pal, Sailvs itatuklo kash Belia pit tihleli tok ; yvmmak ash itonachi mvt, Chu okla i sinakak o ont abeha tok.

11. Yakohmi kvto hochukma kvt Hlessalonika maya ka i shahli tok, im anukfila mominchit isht aiokpanchit anumpa ha ishi hatuk osh, micha yvmmvt yohmi ho mvhli ho chishba, nitak moma Holisso Holitopa ya a hohoyo tok.

12. Yvmohmi hatuk osh okla yvmmvt laua hosh yimmi tok ; mihma Klik ohoyo holitempa vhleha, micha hatak aiena mvt kanomosi tok keyushke.

13. Yohmi kia Chu okla Hlessalonika asha kvt, Pal vt Chihowa im anumpa ha Belia ya isht ai anumpohonli ka pit akostininchi mvt, yvmmak ash kia okla ai vla cha, okla ha ant okpni tok.

14. Mihma ashalika itibapishi vhleha ash osh Pal a okhuta ak o ia chohma chi ho, pit chvffichi tok. Amba Sailvs, micha Timohlivs itatuklo kvto yvmmak inli ho ashwa moma tok.

15. Mihma Pal ilauet isht okla aya tuk vt Ahlens a isht ona tok ; micha Sailvs, Timohlivs itatuklo kvt tushpa fehvt im itonancha chi ka, pit i miha, anumpa ishi mvt, okla illkoli tok.

16. Yohmi ma Pal vt yvmma pit hoyo hosh Ahlens a anta takla cha, vmaha hvv na holba toba banot isht alotowa na, pihisa mvt im anukfila hvv ik vlvpeso ki tok.

17. Yvmohmi hatuk osh Chu okla, micha vbanumpa ahni vhleha aiena ka, sinakak micha kvna ho nana ai itatoba ai itafama lokvt nitak moma ai im anumpohonli beka tok.

18. Mihma hatak nan-imponna Epikulvs iksa, micha Istoik okla aiena kaniohmi kvv, yvmma okla itim anumpuli tok. Mihma kanimi kvv, Anumpuli shahli ilvppvt nanta ko acha hinla ? achi ma ; kanimi kvv, Chisvs, micha falamvt tani aiena isht im anumpuli hatuk o, Yakni kanima nan isht ahullo ho isht anumpuli ha chinishke ; achi tok.

19. Mich a okla ilaelit ishtivt, Mas nvnih a isht ona mvt, Ilvppvt anumpa himona nana ho isht ish ai anumpuli ha ukma, il ithvna hinla cho ?

20. Chishno yokvt nan inla nana mak o pi haksobish a ant ish foyuki hoka. Yohmi hoka ilvppvt kaniohmi hatuk okma il akostinincha hinlvshke; ahanchi tok.

21. Ahlens okla moma, micha yakni inla hatak puta yumma aiasha aiena kv̄t, nan inla yō keyu, amba na himona fehna anoli, keyukmvt haklo hokmá, nana hosh aiasha bilia hatok oka.

22. Yvmohmi ma Pal vt Mas nv̄nih iklv̄nna yā hikia cha, Ahlens okla hv̄chia ma! nana a kaniohmi puta ka na holba toba yā hv̄sh aiokpanchi fehna hō, hv̄chim akostininchi lishke.

23. Ant ia li kv̄t hv̄chi na holba toba puta ka pihisa li mvt, vba tv̄la yā, Kv̄na ik ithano Chihowa mak o, achi, ilvppak osh isht ai o holisso ka pisa li hokvno. Yohmi hoka hv̄sh ithana keyu hosh, pit hv̄sh aiokpahanchi chatuk, mihmak o, vno vt hv̄chim anohonli lishke.

24. Chikowa yakni, micha nana moma yumma anukaka aiasha aiena ka ikbi tok; yummak okvt vba shutik, micha yakni aiena ka in Chitokaka yokvt tempel puta ibbak a isht toba yā, ai ahanta keyu.

25. Micha nana hosh ik im iksho hatuk o, hatak ibbak vt im isht anta chatuk keyu; yummak osh moma ka okchaya, micha im ilhfopak, micha nana moma aiena ka ihima hatuk oka.

26. Micha issish achvfa hō, hatak oklushi moma yakni paknaka a mominchit aiasha hi a ikbi tok; mihmvt nitak kaniohmi vlv̄pisa hō, micha kanima yō aiasha he puta ka, apesa tok.

27. Yvmv̄t Chitokaka yā hoyā chi hatok; yummak okvto eho moma ka hv̄pi mishemanchi keyu nana kia, yohma he yobakmvt, pasholit hoyo fehna cha, yummak oka ahayucha hinla hoke.

28. Hv̄pishno vt yummak o iloh ai okchaya, micha ilhkolit, iloh aiasha hoka. Hv̄chim ataloa ikbi kaniohmi kv̄t, Hv̄pishno ak kia yumma ushi hv̄pia hoka, ahanchi akinli tok oka.

29. Yohmi ka Chihowa yā ushi v̄hleha pia hokvt, Chiho-

wa imma ya tvli holisso lakna okmá, keyukmvt, tvli hvta. keyukmvt tvli, hatak nan isht vttá imponna nana anukfilli hosh, na holba ikbi ya chohmi hoka, hvvim ahoba he tuk keyu hoke.

30. Nan ik ithaiyano nitak yvmmak foka hokvno, Chihowa yvt tohmosonli hosh pihisa tok kia; amba himak okvno hatak okluha kanima moyuma ahanta kvt ile kostininha he ak o, im apihisvshke.

31. Hatak a ilapo inlit atokoli tok, yvmmak o yakni a ai ahli banot nan isht im apesa he vt nitak a apesa tok okvt; illi tuk a tanichi hosh moma ka im ai ahlichí tok; ahanchi tok.

32. Illi falamvt tana he puta okla haklo mvt, kanimi kvt isht yopula tok; mihma kanimi kvt, Anonti himmakma ilvppa e chim a hakla hi oke; achi tok.

33. Yakohmi ho Pal vt okla iklvnnaka ya, akohcha tok.

34. Yohmi kia hatak kaniohmi kvto yimmi cha, yvmmak ash ibakaha tok. Yvmma iba takla kvt Taionishvs, Mas nvnih nan ai apesa, micha ohoyo Tamelis hohchifo hosh, anonti inla ai itvpeha tok oke.

CHAPTA XVIII.

Pal vt Kolinhla, a ibbak isht a toksvli, micha vba isht ai anumpuh aiena, 1. 9 Holhpokuna hosh isht ai i yiminta.

1. NANA kvv a yakohmi ha ya, Pal vt Ahlens a akohchvt ia mvt, Kolinhla a vla tvk.

2. Micha Chu hatak achvfa Akuila hohchifo, Pantvs ai vttá tok vt, tekchi Plisilla ita tuklo kvv, Kilativs vt Chu vhleha yvt momvt Lom a akocha wiha chi ka, apesa hatuk o, Itili ya ashvvt itvlachi tuk a cheki hosh ashwa na, pisa mvt yvmmak o im ona tok.

3. Micha ilap vt a toksvli itim ai achvfa hatuk okvt, takla ahantvt toksvli tok; yvmmak okvt isht vlhtipo ikbi im vlhtayak vhleha ha tok okvt.

4. Mihmvt sinakak a nitak hullo moma ai anumpulit, Chu vhleha, micha Klik okla aiena ka nukfokichi tok.

5. Atuk o Sails, micha Timohlivs ita tuklot Masetonia ashvvt itvlachi ma, Pal vt chukvsh vt a yimihinta mvt, Chisvs ak osh Klaist pulla mak atuk a, Chu okla ha im abahanchi fehna tok.

6. Mihma okla i sanalit ik ahobalot anumpuli ma, ilap im ilefohka ya wilohli mvt, Hvch issish vt hvchi noshkobo akinli ho onutulashke, vno vto sa kashofvshke. Himmak pilla ano okla nan ik ithano vhleba ak o im aya la chi hoke; im achi tok.

7. Michha yummak ash akohchvt ia mvt, hatak achvfa Chvstvs hohchifo, Chihowa aiokpahanchi in chuka ont chukowa tok. Yumma in chuka yvt sinakak o bilikasi ho, talaia hatok.

8. Mihma Kispvs sinakak apelhlichika yvt in chukachvfa moma ai itvpehvt, Chitokaka ya i yimmi tok. Mihma Kolinbla okla hvv haklo mvt, laua hosh yimmi cha baptismo tok.

9. Mihma Chitokaka yvt ninak o, Pal vt bolhpokuna chohmi ka im anumpulit, Chi nukshopa na, amba anumpuli, micha lumvt chik ashv kashke:

10. Vno vt chi awant aya li hoka; hatak nana hosh chi onvtulvt chi hotopala he keyu hoke, tmaha ilvppa okla lauvt vm ai ashva hoka; im achi tok.

11. Mihma Chihowa im anumpa ha ai im avchit ahanta na avvmmi achvfa cha hvshi hannalit aiena tok.

12. Atuk o Kalio vt Akaia i nahullo mikot ahanta ma, Chu okla hvv im anukfila ai achvfa chohmit, Pal a o kinafvv ishit nana ai apesa. ya isht ona mvt,

13. Nan-vlhpisa ya ai ahalaia keyu ka, Chihowa ya aiokpvcha chi ka, hatak ilvppvt okla ha atohnohonchishke, achanchi tok.

14. Mihma Pal vt ilap itih ha vakvmma chi foka ma, Kalio vt, Chu okla hash nana kvv ik vlhpeso, keyukmvt, okpulo fehna nana hatuk okmvno, vno vt hvchim aiokpanchi la hi a, ai vlhpiesa he tuk oke, Chu okla hvchia ma!

15. Amba anumpa, micha hohchifo puta, mikmvt hvchi nan-vlhpisa imma aiena isht anumpa hatukmvno, hvchishno

akinli hosh yummuno isht hush ashashke. Uno yokuto nana yumma chohmi hokvno, non apesvt ahanta la he keyushke, im achi tok.

16. Mihmut nana ai vllhpisa asha tuk a kvnom pit tibleli tok.

17. Mihma Klik vhleha hvv momvt sinakak apehlichy Soshlenes a, okla hoklit ishi cha, nana ai vllhpisa itikba ya a boli tok. Mihma Kalio vt yumma puta ka nan isht ik ahno tok.

18. Yakohmi ha ya, Pal vt ahanta na nitak kanohmi tok; atuk osh itibapishi vhleha ya aiokpvchit tahli mvt, Plisilla, micha Akuila aiena ka ai itapihvt peni fohkut ayvt Silia ya ia tok; anumpa ha il onochi tok okvt, Kenklea pashi ai vmo tok.

19. Micho Efesus a vla mvt, yummak o ant ashachi cha; amba ilapo vto vba isht ai anumpa chuka ont chukowa cha, Chu vhleha ya im anumpohonli tok.

20. Mihma takla anta na hopaka hinla ka, okla ahni ma, ilap ak osh ik haklo tok.

21. Micho okla ha aiokpvchi mvt, Ik kaniohmi kia, impa holitopa mihinti ilvppa Cheluselem ak o ai isht anta la chi hoke. Yohmi kia Chihowa ak osh ik yohmi ahni hokma, falamvt chim aya la he akinli hoke; ahanchi tok. Mihmut peni fohkut Efesus vttvt ia tok.

22. Atuk osh Sesalia ya ont atayali cha, pit oiyvt iksa vbleha ha ont aiokpvchit tahli mvt, Antiak a ia tok.

23. Mihmut yumma ont anta naha cha ia mvt, Kaleshi, micha Fichia yakni aiena ka, nan ithvna vhleha moma hlampkochit abaiyvt ayvt hlopulli tok.

24. Mihma Chu achvfa Apollos hohchifo, Aleksantia ai vttta tok, hatak anumpuli imponna, micha Holisso Holitopa ya imponna fehna yosh Efesus a vla tok.

25. Hatak ilvppvt Chihowa i hina yvt im vlvvchi ya tok; micha chukvsh vt ai yimihinta hatuk osh, Chan i baptismo ak illa hq ithana hosh, achunanchit Chitokaka immi ya isht anumpuli, micha im avvchi aiena tok.

26. Micho rukvaya kvv iksho hosh, sinakak a ai anum.

pulit ishtia tok. Yummak ash o Akuila, micha Plisilla ita tuklo kv̄t haklo m̄vt, yummak ash pit hoyot ishi cha, Chihowa i hina ya achukmalit i shahlichit im anohonlit okla tok.

27. Micha Akaia ya ia ka b̄vna ma, nan ithvna vhleha yvt okla aiokpahancha chi ka, pit atohnochit, itibapishi vhleha yvt holissochi tuk o; yummak ashot v̄la m̄vt, i nukhaklo na yimmi tuk vhleha ya apelahanchi fehna tok.

28. Yummak okvt, Chisvs ak osh Klaist mak a tok a okla itin takla Holisso Holitopa ya ai isht im abahanchit Chu okla ha anukfohki fehna tok oke.

CHAPTA XIX.

Pal vt ibbak isht umbitepaka Shilombish Holitopa yvt anukfohka tok. 17 Vbanumpa yimmi kv̄t laua.

1. ATUK o, yakohmi tok, Apollos vt Kolinhla a anta moma ma, Pal vt ibetv̄p pilla ka a hlopulli m̄vt, Efesvs a v̄la tok; micha nan ithvna kaniohmi ka ant pisa m̄vt,

2. Hvchi yimmi tok takla kv̄to, Shilombish Holitopa ya hvsh eshi tok oh cho? im achi tok. Mihma Shilombish Holitopa yvt āsha hokmá, nana kak kia, e haklo chatuk keyu hoke; okla im achi tok.

3. Mihma, Yohmi kv̄to, nanta ko ai isht hvchi baptismo hatok o? im achi tok. Mihma, Chan i baptismo ak a tok; okla achi tok.

4. Mihma, Chan v̄to ile kostininchit baptismo yo isht baptismochi ho m̄v̄hli cha, ilap iakayvt mihinti, Klaist Chisvs mak o yimma hi a, okla ha im ahanchi tok; Pal vt achi tok.

5. Mihma ilv̄ppa okla haklo m̄vt, Chitokaka Chisvs hohchifo ha isht okla baptismo tok.

6. Mihma Pal vt ibbak a okla hash, isht umbitepa ma, Shilombish Holitopa yvt ant onv̄toyula tok. Mihma anumpa ilaiyuka okla anumpuli m̄vt, vbanumpa aiena isht anum-puli tok.

7. Micha hatak vt moma kv̄t auah̄tuklo foka hatok.

8. Micha sinakak ont chukowvt, nukw̄aya iksho hosh, Chihowa apelihika imma ya isht anumpulit, anukfohki-chit ahanta na hvshi tuchina tok.

9. Yohmi kia kaniohmi hokv̄to chukv̄sh kullo taha cha, ik yimmo mv̄t, hina yv̄mmak ash na mihachit okla laua itikba ya ai anumpohonli ma, yv̄mmak ashot ai i filv̄m̄mi cha, nan ithv̄na vhleha hash a filamolechit eshi cha, Tailanvs osh nana ai ikhv̄na i hikia h̄o, nitak moma ai anumpohonli tok.

10. Ilv̄ppa yakohmi kv̄t imoma na afv̄m̄mi tuklo tok; yohmi hatuk o, Chu, micha Klik okla aiena Asia ai asha tuk vt momvt Chitokaka Chisvs im anumpa h̄a haklo tok.

11. Mihma Chihowa yvt nana kv̄t isht ahullo fehna kaniohmi ka, Pal ibbak a isht a yvmihinchi tok.

12. Yvmohmi hatuk o, nantav̄ski puta, keyukmv̄t, tikba takohlich̄i kia, yv̄mma haknip a ai isht abeka puta ka isht im ohona; yohmi ma nan ililli puta kv̄t ai i filamoli, micha shilombish okpulo aiena kash ot akohoncha beka tok.

13. Yvmohmi ma Chu kaniohmi nan isht-ahullo okpulo kohchi ilahobit itanowa yvt, shilombish okpulo anukfoka vhleha h̄a, Chitokaka Chisvs hohchifo h̄a isht ai o hochifochit pisvt, Chisvs, Pal vt yv̄mma isht ai anumpohonli ka pulla h̄o, anumpa kullo ai isht e chi onohonchishke; ahanchi tok.

14. Yohmi ma Chu hatak Sifa hohchifo, na holitompa isht a sha pehlich̄i o ushi untuklo hosh yv̄mma yohmi tok.

15. Mihma shilombish okpulo ash ot falaminchi mv̄t, Chisvs a ithana li, mikmv̄t Pal ano ithana li; amba hv̄chishno ak osh kv̄ta hv̄chia h̄o? achi tok.

16. Mihma shilombish okpulo yvt a foka hatak ash ot yv̄mmak ash o mv̄let, onvtulvt isht i shahlichit imaiyachi tok; yvmohmi na na fohka iksho micha ai okpulo kv̄t taha aiena hosh, chuka yv̄mmak ash akohchvt yihlepa tok.

17. Yohmi ma Chu okla hv̄t moma, micha Klik puta aiena Efesvs a sha tuk vt, ilv̄ppa okla akostininchi tok; mihma na nukshopa hv̄t mominchit onvtoyula ma, Chitokaka Chisvs hohchifo hv̄t holitopa tok.

18. Mihma na yimmi tuk vt laua hosh ai vlt ant il anolit, nana akaniohmi chatuk puta kv̄t anohonli tok.

19. Micha isht ahullo imponna v̄hleha hatuk aiena kak kia, laua hosh ī holisso puta ka isht itahobi cha, hatak moma itikba ya a hukmi tok. Micha ai v̄lhtoba ya okla hohina mut, tvli hv̄ta boshulli tahlepa sipokni pokoli tahlapi tuk o, akostininchi tok.

20. Chihowa im anumpa hv̄t kullo kv̄t ī shahlit ia fehna, yakohmi hosh imaiyachi tok.

21. Nana kv̄t a yakohmit ont ai issvchi ma, Pal vt Masetonia, micha Akaia aiena ka hlopullikmut, Cheluselem a ia hi vt chukvsh a isht ai ahni mut, Yv̄mma ont anta li tukmut, anonti Lom ma pisa li pulla akinlashke; ahanchi tok.

22. Mihmut im ai itapela tuklo Timohlius, micha Elastus aiena ka Masetonia pit tihleli cha, amba ilapa v̄to Asia ya anta na ahchiba tok.

23. Mihma nitak yv̄mma fehna ma, hina yv̄mma okla hv̄t nanumachi fehna tok.

24. Hatak achvfa Temetivs hohchifo, tvli hv̄ta ikbi, yv̄mmak osh Taiena ya tvli hv̄ta itombushi puta im ikbi yosh isht v̄lhtoba mut chv̄bihasi keyu h̄o, hatak nan ikbi imponna v̄hleha ya isht im v̄la cha;

25. Yv̄mmak ash, micha nan isht v̄tta ai itim achvfa v̄hleha aiena ka hoyot itahobi mut, Hatak puta ma! nan isht ai v̄tta ilv̄ppa pulla h̄o, nan isht il ahayuchi ka hv̄sh ithaiyanvshke.

26. Yv̄mohmi ka Efesvs ak o bano keyu, amba Asia a a mominchi chiyuhmit Pal ilv̄ppvt, ibbak isht toba yokvto chitokaka v̄hleha nana h̄o keyu hoke, ahanchi cha, okla laua ka anukfokichit filamolihinchi ka hv̄sh p̄isa, micha hv̄sh haklo aienvshke.

27. Yv̄mohmi ka hv̄pishno nan isht iloh ai v̄tta ilv̄ppak bano h̄o, ik ahobalo ka he fehna keyu; amba nan isht ahullo ohoyo chito Taiena in tempel ak kia aienvt kalakshikma, anonti yv̄mmak o Asia moyuma, micha yakni puta kv̄t aiokpahanchi yash isht aholitopa yvt ont ai okpulot kv̄nia hinla fehna hoke; achi tok.

28. Mihma okla haklo mut, anukhobelvt alota mut, tahpvlvt, Efesus okla in Taiena vt chinto hoke: ahanchi tok.

29. Mihma tmaha hā yahapa kv̄t alotvt kv̄nia tok. Micha Masetonia hatak, Pal apehvt nowvt aya Kaius, micha Alistakvs ita tuklo ka hoklit okla ishi mut, im anukfila ai achvfa chiyuhmit yihleptv̄t, okla ai itahoba chatuk a pit abeha tok.

30. Mihma Pal vt okla hā pit iba chukowa bv̄nna tuk ak o nan ithv̄na vhleha yvt v̄lhpesa, okla ik im ahno ki tok.

31. Mihma Asia hatak pehlichī vhleha kaniohmi, yv̄mma i kana yatuk vt, okia ai itahoba yā pit chukowa bv̄nvt ik peso ka hi a, ahnit pit im anoli tok.

32. Yvmohmi ma kanimi kv̄t nana hō mihakma, anonti inla mut inla hō miha tok; itv̄naha hak osh ai v̄lhpesa keyu hatuk o, micha moma chohmi kv̄t nana kaniohmi hō itv̄naha hatuk vt ik ahostinincho ki tok.

33. Mihma Aleksanta yā okla laua akohchi ma, Chu okla hv̄t tikba pit hilechi tok; mihma Aleksanta yvt ibbak pit fahv̄m̄mi mut, okla hā im isht il anumpuli bv̄nna tok.

34. Yohmi kia yv̄mmak okvt Chu atuk o, okla akostininchi mut, momvt anumpa achvfa, Efesus okla in Taiena yvt chinto hoke, tahpvlvt ahanchi na hv̄shi kanv̄lli tuklo foka tok.

35. Mihma tmaha i holissochi yokvt okla hā yokopli mut, Efesus hatak hv̄chia ma! Efesus tmaha hv̄t nan isht ahullo ohoyo chito Taiena, micha na holba toba Chupita a mintit akatula tok aiena ka aiokpv̄chi a, hatak nanta hosh ik akostinincho kv̄t ahanta cho?

36. Yohmi ka ilv̄ppa nana hō isht ai acha hi o keyu hoka, hv̄chishno yvt nukchintot hv̄sh māya cha, tushpvt nana hv̄chik kaniohmo ka he tuk oke.

37. Hatak yakohmi kv̄t tempel puta wehpuli keyu mut, anonti hv̄chī nanisht ahullo ohoyo ma ik ahobalot na mihachi o keyu hokak o, ilv̄ppa isht hv̄sh la tuk oka.

38. Yvmohmi hoka Temetivs vt, micha hatak nan ikbi vhleha yv̄mma apeha kv̄t, hatak nana kia nana im a kanioh-

mi tuk in takanli hokma, nan vlhpisa nitak vt a_{sh}a, micha nan apesa vhleha mvt mayvshke; nan vlhpisa iti onochit ik a_{sh}a.

39. Amba nana inla imma yo hvsh ai asilhhvchi hokma, yummak okvto itvnaha ai a_hli ho ai vlhpisa hi oke.

40. Itvnaha ilvppak atuk a nana ho isht il ai anola he mvt iksho; yohmi hokvt himak nitak nana ai vlhpisa mvt iksho ka, nan vlhpisa yvt hvpi onvtula he fehna hoka; achi tok.

41. Micha yakmichit anumpulit issa mvt, itvnaha yash tishelichi tok oke.

CHAPTA XX.

Pal vt Masetonia ona, 1. 7 Pal vt Chitokaka im opiaka impa holi-
toblit antvt, vba isht anumpuli. 28 Pal vt iksa in tikba vhleha ha
atohnochi.

1. ATUK o yahapa kash ot issa ma, Pal vt nan ithvna vhleha ya hoyo cha ai okpvchi mvt, Masetonia a ona chi hosh ia tok.

2. Atuk osh yakni puta yummak ash a hlopullit, im anumpohonli fehvvt aya tuk osh Klis a vla tok.

3. Micha yummak o ahanta na hvshi tuchina tok. Mihmvt peni fohkvvt Silia ia chi foka ma, Chu vhleha hvvt im aie chi ma, falamvt Masetonia pit hlopulli ka ahni tok.

4. Mihma apehvvt Asia ona kvvt Sopeta, Belia hatak, micha Hlessalonika okla Alistakvs, micha Sikvntvs, micha Tvbi hatak Kaius, mikmvt Timohlivs aiena kak, a tok; mikma Asia hatak vt Tikikvs, mikmvt Tafimvs aiena kak a tok.

5. Yakohmi kvvt tikba ilhkoli tuk osh Tloas ak o ont a_{sh}-
wvt pi hoyo tok.

6. Mihma pvska ik shatvmmo vpa nitak vt ai issachi ha yo, peni vlbihvt, Filippi a_{sh}t e minti kvvt, nitak tahlapi ho Tloas a il im ai vla cha, yummak o il a_{sh}a na nitak untuklo tok.

7. Mihma nitak hullo achvfa nitak ahpi ho, nan ithvna

vhleha hvt pvska kobahlichā chī hosh itahoba ma, Pal vt onnakma kanima ia chī hatuk osh, im anumpuli mvt; anumpa hash isht mahaya na, ninak iklvna ona tok.

8. Mihma aboha vba potvlhpo ai itahobvt maya ka, pva hvt lava tok,

9. Mihma hatak himita achufa Yutikus hohchifo hosh okisushi ya asha tuk osh nusit kvnia tok; anonti Pal mvt anumpa ha falaiachi aiena hatuk o, nusit kvnia kv akia cha, vba potvlhpo ont atuchina ho vttvt aka ont ittula cha, illi yo okla sholit wakeli tok.

10. Mihma Pal vt pit akowa cha, ont onvtuyulvt ishi mvt, Im ilhfiopak vt a foka moma hoka, ik hvchi nukhlakancho kashke, achi tok.

11. Yvmohmi hatuk osh falamvt oiya mvt, pvska ya kobahlichit impa cha, anumpohonli hopaki, polaka onvt taha ho, kohchvt ia tok.

12. Mihma hatak himita yashot okchaya ho, okla isht vla mvt, na yukpa kv chohmi tok keyu.

13. Mihma tikba ivt peni ya il ona cha, ilap vt aka avt ia kak o ahni cha, yvmmak o miha tuk oka, yvma Pal ont ai isht e fohka chī, pim ahoba hosh peni fohkv ivt Asvs a il ona tok.

14. Atuk osh yvmmvt Asvs a a pi afama ma, ishit auet e fohki cha, mintit Mitilini ya e la tok,

15. Micha yvma asht peni fohkv, e minti tuk vt nitak atukla ma, Kaios, i chapaka e la tuk osh, anonti onna ma, Samvs e la cha, Tochilvm a ant il ashwa tok; atuk osh onna ma mintit Mailitvs a e la tok.

16. Pal vt Asia a antvt nitak i kvnia ik bnno hatuk osh, yohma hinla yobakmvt, Pentekost nitak a Cheluselem a, ont anta chī hatuk osh, tushpvt aya hokvt Efesvs a peni fohkv ont ia he ak o, ahni tok.

17. Micha Mailitvs ak o vttvt, iksa i pehlichī vhleha ha Efesvs a pit hoyo tok.

18. Atuk o okla im ai vla ma, Asia ya vla li nitak vmona tok ai itin taiyakla kv, nitak moyuma ka kaniohmi hosh hvchi awant ahanta li chatuk,

19. Chukvsh akanlosi bieka, micha nishkin okchi mihinti fehna hosh, Chu vhleha hv̄t aiechit maya na, na palvmmi puta sai onvtulvt, Chitokaka ya im antihya li tok.

20. Michā hv̄chishno nan isht hv̄chim ai vlvpesa puta ka hv̄chim a luhmi li tok keyu; amba hv̄chim anolit ai itvnaha, micha chuka puta, a hv̄chim abahanchi li tok.

21. Chu okla, micha Klik vhleha aiena ka, Chihowa ile kostininchit i falama cha, hv̄pin Chitokaka Chisvs Klaist a i yimmi aiena ka, im abahanchi li fehna chatuk a, hv̄sh ithaiyanvshke.

22. Yvmohmi hosh himak a sa chukvsh vt pit a yiminta fehna hosh, yvmma nana a si akaniohma hi a pit ithana iksho hosh, Cheluselem a ia lishke.

23. Amba Shilombish Holitopa ak osh tumaha moma ka ai anolit, talakchi, micha na palvmmi puta kv̄t an takalishke; ahanchi kak illvshke.

24. Yohmi kia nan ilvppa puta kv̄t achvfona kia ik sa folulechoshke, micha na yukpa hosh a nitak ma, micha nan isht v̄tta Chihowa achukma ka anoli, vbanumpa im av̄chi la he, Chitokaka Chisvs a ai im ishi li tuk vt atahli la chi kv̄t, vm ilhfopak a a holitopa ak ai ahnoshke.

25. Yvmohmi hosh himak a, Chihowa apelhichika ya isht hv̄chim anumpulit hv̄ch itin takla ma aya li chatuk a, hv̄sh moyuma kv̄t himmakma sa nashuka ya hv̄sh pisa chi keyu ka, ithaiyana lishke.

26. Yvmohmi hoka hatak okluyuha im issish a, vno yvt nan isht ai ahalaia li keyu kv̄t, ai ahli mak osh himak nitak a hv̄chishno a hv̄chim anohonli lishke.

27. Vno vt Chihowa im anukfila puyuta ka hv̄chim anoli ka, sa nukwya iksho chatuk okvt.

28. Yvmohmi hoka hv̄chishno akinli, micha nan iakaya vhleha moma, Shilombish Holitopa yvt mihi yo apesvchi puta hv̄ch ikbi tok a, ahah! ahnit Chihowa im iksa puta ilap im issish akinli ho isht chumpa tok a, mominchit hv̄sh pehlichashke.

29. Vno vt kanima atia li ha ma, nashoba okpulo nan

iakaiya vhleha hash, i nukhaklo iksho mak osh, ant hvch iba chukowa he ; iluppa vno vt ithaiyana li hoka,

30. Micha hvchishno hvsh ai itapeha yash inli hatak ak kia nan ikhena vhleha ya filvmmichit il iakaiyucha chi kv, nan isht okpuni ya anumpulit hiohla hi oke.

31. Yvmohmi hoka, hvsh ile nuktahta chiké ; micha afvmmi tuchina ka nishkin okchi mihinti hosh, nitak micha ninak puyuta ma, moma nan im anolit ahanta li kv, ak isso kv-mohmi chatuk a hvsh ithaiyanvshke.

32. Inta ! il itibapishi vhleha ma ! Chihowa, micha ilap o achukma isht anumpa aiena, yvmmak osh ai ahlichit hvchi hiohlichea hinla, mikmut hochukma toba tok vhleha moyuma ka ai itin takla ya, ai vtvt hvch ima he vhpiesa mak o, yvmma ibbak a pit hvchi fohki lishke.

33. Hatak nana kia in tvli hvta kia, mikmut in tvli holisso lakna yokmá, keyukmut ilefohka yokmá nana kia im anushkuna li chatuk keyushke.

34. Ahli, ibbak ilvppak osh vno, micha si apehvt aya puta na pi bvna ka, nan isht ahanta chatuk a, hvchishno ak kia hvsh ithaiyanvshke.

35. Yakohmit toksahanli hosh ilbvsha puta ka hvsh apevcha he tuk, micha Chitokaka Chisus im anumpa puta, yvmmak okvt, Ima kak osh na yukpa kv habena ka, i shahli hoke, achi tok a hvsh ithaiyana chi ka mominehit hvchim anohonli li chatuk oke ; im ahanchi tok.

36. Micha yakobmichit anumpulit taiyahli mut, hvchukbihlept hikia cha, moma ka pehlichit vba pit anumpuli tok.

37: Mihma momvt nishkin okchi minti fehna mut, Pal ikonla ya okla onvtuyula cha i suksowa tok ;

38. Himmakma i nashuka ya okla pisa he keyu, miha tok ; anumpa yvmmak o isht nukhaklo im atampa ha tok. Mihmut apihvt peni ya okla ona tok oke.

CHAPTA XXI.

Pal vt Cheluselem a ia, 1. 17 Pal vt Cheluselem a ont anta ma, iti hokli. 31 Kvptvni chito vt Pal hlakofichi.

1. **MIHMA** yakohmi tok, yummak ash pit il oka topli cha, i mokofvt auet apissanlit mihintit, Kous a e la tuk osh, nitak atukla ma Lotis a e la; atuk osh yumma ashvvt Patela ya e la tok.

2. Micha peni vt Finishi ya ia hosh aya ka e pisa mvt, ont e chukowa cha, e maya tok.

3. Atuk osh Saipilus vt auet pi haiaka mvt, yummak ash pim vlfvubeka imma yo talaia na, ont il ia mvt, Silia ya il ona cha, Taia yak o ont il ataya tok; peni na shali ka yummak o ont akohcha wiha chi hatuk o.

4. Micha yumma nan ithvna vhleha ya ont il ai ahayuchi mvt, il ashwa na nitak untuklo tok; yummak osh Pal a Cheluselem ik aiyo ka hi a, Shilombish pulla hatuk mak o, im achi tok.

5. Nitak yummak ash ot ont pin taiyaha mvt, pishno ash ot kohchvt pi hina fohkvt il ia ma, momvt tekchi vhleha, micha im vlla puta aienvt pi apehvt pisht aya na, tumaha ha ant e kohcha tok; mihma oka takchvka ya hvchukbihlept e hiel cha, vba pit il anumpuli tok.

6. Atuk osh okla it aiokpvchit pin taiyaha ma, peni pit il vlhto ma, yummak ash ot falamvt, in chuka ilhkoli tok.

7. Atuk o peni fohkvt, Taia asht e minti tuk vt ont pim ai vhli mvt, Talimeis a e la cha, il itibapishi vhleha ya ant il aiokpachi cha, nitak achvfa ho takla il ashwa tok.

8. Atuk osh ont onna ma, Pal a apeha pia hatuk vto kohchvt ivt, Sesalia ya e la tok; micha Filip vbanumpa isht vta, yummak osh untuklo kash aiena hatuk ash, in chuka ont e chukowa cha apehvt e maya tok.

9. Mihma hatak yummvt ushetik ohoyo himita ushta hosh im ashwa tuk osh, vbanumpa isht anumpuli tok.

10. Micha yumma il asha na nitak kanohmi ma, hopai achvfa Akebus hohchifo hosh Chutia mintit vla tok.

11. Micha yummak ashot ayvt pim vla mvt, Pal im vskofvchi yash ishi cha, ilap ibbak micha iyi aiena ka isht takchi mvt, Hatak vskofvchi ilvppvt immi yatukma, Chu vhleha Cheluselem aiasha kvv yakohmichit takchi cha, ishit okla

nan ik ithano ibbak a a fohka hi oke ; Shilombish Hol topa yvt achishke ; ahanchi tok.

12. Mihma ilvppa okla e haklo mvt, pishno ash ot yvm-mak inli aasha yatuk pit il aienvt, Cheluselem a ik aiyō ka hi a, okla il im ahni tok.

13. Mihma Pal vt afalaminchi mvt, Katiohmi hō hvsh ahni hosh yayvt sa chukvsh a hvsh kobvffi cho ? Sa talakcha he ak o illa keyu ; amba Cheluselem a Chitokaka Chisvs hohchifo pulla ka, isht a si ai illa chi aiena kvv vm vlhtaha hoke, achi tok.

14. Micha hakla he keyu ma, Chitokaka nan ahni yak osh ik yvmohmi, il ahni mvt, okla il issa tok.

15. Mihmvt nitak yakohmi kvv ont taha ma, il il apoyua cha, Cheluselem a pit il ilhkoli tok.

16. Mihma nan ithvna vhleha kanihmi kvv Sesalia ya asht pi apehvt ia akinli tok ; micha Nesun Saipilvs vta nan ithvna sipokni ka yo, yvmmak o il ibai ashwa chi ka, okla pisht ona tok.

17. Atuk o Cheluselem ash il ai ona ma, il itibapishi vhleha yvt na yukpa hosh pi aiokpvchi tok.

18. Atuk o onna ma, Pal vt pi awant Chemis a im ona ; mihma hatak tikba vhleha yvt momvt chieya tok.

19. Mihma yvmmak ash aiokpvchit tahli mvt, ilap vt nana isht ahanta hō, Chihowa yvt okla nan ik ithano vhleha itin takla ya, nana ai atahanli tuk puta kash o atokowa fehna kak o anohonli tok.

20. Mihma okla haklo mvt, Chitokaka ya okla aiokpachanchi mvt ; yvmmak ash o, Chu vhleha na yimmi kvv tahlepa sipokni kanihmi hosh ai asha kvv, yvmmak okvt moyumvt nan-vlhpisa holitobli fehna ka, ish pihisvshke, il itibapishi ma !

21. Micha chishno vt Chu vhleha hosh oklushi nan ik ithano takla aasha ka, mominchit Moses a okla issa chi ka, im avchit im vlla puta ka hakshup tvpla he tuk keyu, mikmvt ilap nana a kanihmi vlhpisa puta aiena ka, okla iakaiya he tuk keyu ka, ish i mihaha hō, okla im annoe tok

22. Yohmi ka nanta mak oh cho? Ish la tuk a, okla hakla chi hokvt, okla laua yvt itvnaha pulla chi hoke.

23. Yvmohmi hoka pishno yvt nana e chi miha, ilvppak o ik chi yvmohmi; hatak anumpa holitopa ile onochi tuk ushta hosh pim ashvushke.

24. Yummak o pehliechi cha, takla nan iba hullochit, micha chishno ak osh vlhtoba hut ibafohkvt chi kvnia pulla na, okla noshkobo shafashke; mina momvt chishno a nana a chi haiyaklo tuk vt peh pilla hatuk; amba chishno ak kia ai vlhpiesvt ish aya cha, nan vlhpisa ya ish holitobli ka ithaiyanashke.

25. Amba okla nan ik ithano na yimmi vhleha imma kamo, nana yvmma chohmi ka ik holitoblo ka chi, amba nana ka na holba toba pit im issa tuk puta, micha issish mikmvt nana kvt nuksitvt illi puta, micha ohoyo himita itin lumaka aiena kak o, okla ik ahalaio ka he yak o, okla pim anukfilvt pit il i holissochi tok; im achi tok.

26. Mihma Pal vt hatak ash pehliche cha, onna ma, nan iba hullochi mvt, vba nan isht pit aiokpvchi ya achufa ai-yuka pit im isht aiokpachi ha ya chi ho, nahullochi nitak vt ont taha ka, anola chi hosh tempel a chukowa tok.

27. Atuk o nitak untuklo kash ot ont taha ghosi ma, Chu vhleha Asia minti tuk vt, yvmvt tempel anyakaka ya gsha na, okla pisa mvt, okla mominchit atushpulihinchit yummak ash ibbak isht ishi mvt;

28. Israel hatak puta ma! pi apelá; hatak ilvppak osh yakni ilvppa, okla, micha nan-vlhpisa aiena ka i sunalit, hatak moyuma ka kanima mominchit ai imavchi mak oke; micha achakalechi mvt, Klik vhleha ma pehlichit tempel a ant isht chukowa cha, aholitopaka ilvppak ash aiokpvnishke; achit tahpahanla ha tok.

29. Tikba ka Tafimus, Efesus hatak vt yvmma awant tv-maha anta ho, okla pisa tuk osh, yvmma Pal vt ilauint tempel a chukowa tuk a, okla im ahoba tok.

30. Mihma tmaha hash ot momvt wakaya ma, oklat yihleptv itahoba tok; micha Pal ash okla ishit tempel a a kohchi ma; chekosi makinli ho okbissa puta kash ot vlkvna tok.

31. Micha okla vbi banna hosh maya ma, tvshka chipota gya-chvfa i kupitvni chito ya, Cheluselem vt momvt nan ik ai vhpeso bano ka annoa kv̄t ayvt im vla cha ;

32. Yvmmak ash ot ashalika tvshka chipota vhleha, micha kupitvni puta ka pehlichī cha, chvfv̄t ivt im ona tok ; mihma kupitvni chito, micha tvshka chipota vhleha aiena ka okla pisa mvt, Pal a boli mvt issa tok.

33. Mihma kupitvni chito ash ot ivt ituma ona cha, yvmmak ash ishi mvt, tvli itatakvli tuklo hosh ishit talakcha chī ka miha tok ; mihmvt, yvmmvt kvna hatuk, micha nana hō kaniohmi aiena tuk a, asilhv̄chi tok.

34. Mihma okla laua gsha tuk vt tahpvlvt, kanimi kv̄t kanimihchit miha ma, anonti kanimi kv̄t inlv̄chi tok ; mihma yvmmak ashot yahapa hatuk o, ai atokowa ma ik ai akostinicho mvt, yvmmak ash isht holihta kv̄llo ont fohka chī ka, miha tok.

35. Atuk o yakohmi tok, okla hak osh okpulo ka fehna o, yvmmak ashot pit atuyvt ia ya ona ma, tvshka chipota vhleha yosh sholit ishtia tok.

36. Okla laua yak osh, Yvmma kanima isht oh ia cha, ahayvt iakaiya hatuk o,

37. Atuk o Pal ash o holihta kv̄llo ya, ont isht chukowa chī foka ma, yvmmak ash ot kupitvni chito yash, Chim anum-puli la hinla cho ? im achi ma, yvmmak ash ot, Klik anumpa ya ish anumpula hinla ho ?

38. Chishno ak osh Echip hatak chia hosh, nitak tikba kash nan isht ish ataklaiyama cha, hatak bika vbi ya tahlepa sipokni ushtat pehlichit yakni haiaka ya, pit isht ish chukowa tok keyu ? achi tok.

39. Mihma Pal vt, Uno vt Chu hatak Tasvs, Silisia yakni tv̄maha ai v̄tta, tv̄maha ik ahobo nana hō ai v̄tta sia keyu hoke : mi hosh okla hā im anumpuli la hi a vm ahnikbano, chim ahni lishke ; achi tok.

40. Mihma yvmmak ash ot vhpesa im ahni ma, Pal ash-ot pit atuyvt ia ya o hikia cha, okla hā ibbak a pit i fahvm mi tok ; micha luma biev̄t okla aiasha ma, Heblu anumpa hō im anumpulit yak ahanchi mvt,

CHAPTA XXII.

Pal vt katiohmit vbanumpa nukfoka tok vt anoli, 1. 25 Pal vt fuma he tuk kia, Lom hatak atuk osh hlakofi.

1. **HATAK** il itibapishi vhleha, micha an tikba puta ma! himak a isht hvchim il anumpohonli li ka, hvsh haiyaklashke.

2. Yummvt Heblu anumpa ho isht im anumpuli na, okla haklo mvt, isht i shahlit lumvt aiasha tok. Mihma yvm-mak ashot,

3. Uno vt Chu hatak fehna sia, Tasvs, Silisia yakni in tumaha ak o ai vta li tok nana kia, tumaha ilvppa Kamiliel iyi itumaka yo ahantvt sa hofanti; micha hatak tikba vhleha i nan vlpisa ai apissali mvt, vm vlbahanchi tok; mihmvt Chihowa ya pit achunanchi kvv himak a nitak hvsh moma kvv, hvchi yvmohmi kak inli chiyuhmi li tok.

4. Mihma ilvppa yakohmi ka nakni, micha ohoyo aiena ka, illa he mak o, takchit aboha kvvlo pit apittvt ilbvshachi li tok.

5. Yohmi ka na holitompa isht asha pehlichy, micha hatak tikba vhleha hak kia momvt vm ithaiyana hoke; micha yvmmak o il itibapishi vhleha pit i holisso ka, im ai ishi li hosh, yvmma asha tuk vt talakchi ya Cheluselem a isht vla likma, na palvmmi pisa chi ho, Tamaskvs a ia li tok.

6. Atuk o yakohmi tok; nowvt aya li mvt, hvshi vt tvbokoli foka ho, Tamaskvs a ona la hosi ma, ashalika nan tohwikeli chito vba minti kvv ant tommit si afolupli tok.

7. Mihma aka ont sa tula cha, anumpa hvv, Sal, Sal, nanta katiohmi ho, is sa palvmmichi cho? vm ahanchi na, haiyaklo li tok.

8. Mihmvt afalaminchit, Kvta chia hoh cho, Chitokaka ma? achi li ma, Uno ak osh Chisvs Nasalit ai vta mihi yo ish i palvmmichi ka sia mak oke; vm ahanchi tok.

9. Mihma si apehvt aya tuk vt tohwikeli hokvno okla pisa mvhli cha, nukshopa tok; yohmi kia anumpa auct vm anumpuli hokvno okla ik haklo ki tok.

10. Mihma, Chitokaka ma! nanta ko katiohmi la chi ho? achi li tok. Mihma Chitokaka yash ot, Wakaya cha, Tamaskvs 'a ish onashke; mikma nana ish a kaniohma he a chim vllhpisa tuk vt moyuma, yummak o a chim annoa hi oke; vm achi tok.

11. Mihma tohwikeli yumma shohpakali tuk a ak hopanayo hatuk o, si apehvt aya tuk ibbak ak osh sa halvlli ho, ayvt Tamaskvs a ona li tok.

12. Mihma hatak achvfa vbanumpuli nan vllhpisa ya isht ai ahli, Ananavvs osh, Chu vhleha yumma ai asha ka moma ai im annoa achukma chatuk osh,

13. Ayvt vm vla cha hikia mvt, Itibapishi li Sal ma! ish hoponayashke, vm achi tok; mihma hvshi kanvlli makinli ho, vba chakalit ilap a pisa li tok.

14. Mihma, Hvpin tikba vhleha in Chihowa yvt, chishno vt ilap o nan ahni ka ish ithaiyana he, mikmvt Ahli yumma ish pisa cha, yumma itakha ai anumpa ma ish hakla hi a chi atokoli tuk oke.

15. Chishno vt nana ho ish pisa tuk, micha ish haklo tuk aiena kvv, hatak moyuma ka im anoli chia ha chi mak oka.

16. Yohmi kvv nanta katiohmi ho himak a ish ahchibali cho? wakaya cha, baptismot, Chitokaka ya pit hochihifot, nan chim ai ashvchika puta kvv kashofvt chi kvniashke; achi tok.

17. Atuk o yakohmi tok, falamvt Cheluselem ash vla lish, tempel anukaka ya vba pit ai anumpohonli li mvt, sa holhpokuna chohmi tok.

18. Mihma yummak ash ot vno ya, Nana isht is si ai anoli ka, okla chim aiokpahancha he keyu hoka, tushpa, micha Cheluselem a chekosi ish akohchashke; vm ahanchi na pisa li tok.

19. Michu vno ash ot, Chitokaka ma! chishno chi yimmi vhleha hatuk a aboha kullo pit apittvt, sinakak puta ka, a fahami li tuk a, okla ithaiyanvshke.

20. Michu Istefin atokowa chi anolit im issish hlatapa ka, vno ak kia itomasi ya hikia li tuk osh, yummvt illa chi ka, vllhpesa ahni li mvt, yumma v'it maya ka, im ilefokka ya ishi li tok oke; achi li tok.

21. Mihma, Hopaki pilla, okla nan ik ithano vhleha aisha kak o pit chi chvffichi la chi hoka, ish ayashke; vm achi hokvno; achi tok.

22. Mihma anumpa ilvppa vhli kano okla i haponaklo tok; atuk osh chitolit, Hatak yvmma chohmi ka, yakni a ai isht ho kanchi, yvmmak okvt okchayvt anta he vhpesa keyu hoka, okla achi tok.

23. Micha okla tahpulvt i na fohka puta kash shoelit kampilvt, lukfi pushi aiena ka pehlit vba pilvt maya ma,

24. Kvpitvni chito yvt yvmmak ash o holihta kullo ya isht ona chi ka, apesa mvt, anonti yvmmak ash fvmmi hosh nan i ponaklo na, kaniohmi ho okla hvv isht anumpuli kvv yohmi fehna hatukma, ilap vt akostinincha chi kvv, miha tok.

25. Mihma wak hakshup aseta chuhla ka, okla ishit takchi ma, Pal ash osh kvpitvni hvv bilikasi hikia tuk o, Lom hatak, micha nan vhpisa yosh ai atokowa keyu ka, ish fvmma he chim ai vhpesa ho? im achi tok.

26. Kvpitvni vt ilvppa haklo mvt ivt, kvpitvni chito ya ont im anolit, Nana ish kaniohmi kvv, ahah! ish ahnashke, ilvppvt Lom hatak oka; ahanchi tok.

27. Mihma Kvpitvni chito ash ot vla mvt, Chishno vt Lom hatak chia ho? vm anoli, im achi ma, yvmmak ash ot, Yau, achi tok.

28. Mihma kvpitvni chito yash ot afalaminchi mvt, Ilap inli nan ahni hosh aya ilvppa, vltoba chinto ho isht ishi li tok, achi tok; mihma Pal ash ot, Amba vno vto si ai imoma yosh vta li tok oke, achi tok.

29. Yohmi ma yvmma nan i ponakla he tuk ash ot mih makinli ho, ai i filanoli tok; mihma kvpitvni chito ash kia, yvmmak okvt Lom hatak atuk a akostininchi, micha takchi tuk aiena hatuk osh nukshopa tok.

30. Ont onna ma, kaniohmi ho Chu vhleha yvt anumpa ha onochi hatukma atokowa ka akostininchi benna hatuk osh, isht talakchi ya i hotuffi mvt, na holitompa isht asha pehlich i vhleha, micha i nan apesa vhleha moyuma kvv itvna ha chi ka, apesa tok. Micha Pal ash isht ona cha itikba ya ont hilechi tok oke.

CHAPTA XXIII.

Pal vt isht il anumpuli, 1. 10 Pal vt atukla aboha kullo fokā tok.
28 Pal vt nahullo miko Filiks ā im ia.

1. MIHMA Pal vt hochitoka vhleha yā ai okchifelit pi-
hisa mvt, Hatak il itibapishi vhleha ma! im anukfila ai
achukma biekvt Chihowa itikba ma ai ahanta lī himak nitak
fenushke; achi tok.

2. Mihma na holitompa isht āsha pehlichī Ananaiṽs ash ot,
yṽmma bilika hiohmaya tuk vt itih hā lṽsalicha chī ka, miha
tok.

3. Mihma Pal ash ot, Chihowa yvt chishno ak o chissa chī
hoka, holihta kullo tohbi chia ka; nan vḷhpisa yō nan isht
vm ai apesa chī hosh ish āsha mvt, anonti nan vḷhpesa yā ai
vḷhpesa keyu ka, svssa hi ā ish miha cho? im achi tok.

4. Mihma a bilika hiohmaya tuk vt, Chihowa ī na holi-
tompa isht āsha pehlichī ā chik ahobalo hō? achi tok.

5. Mihma Pal ashot, Iloh itibapishi ma! yṽmmak okvt
na holitompa isht āsha pehlichī yā, ak akostinincho ke tuk
oke. Chim okla talaia pehlichī yā ik ahobalot ish anumpuli
nā, achi hosh holihiso hoka, achi tok.

6. Yohmi kia kashapa kvṽ Satusi okla yokma, anonti ka-
shapa kvṽ Falisi yō akastininchi mvt, itṽnaha itin takla yā
tahpṽlvṽt, Hatak il itibapishi vhleha ma! vno vt Falisi sia,
Falisi o ushi sia hoke; illi falamvt tana he isht a sai yimmi
hatuk mak o, nan vm ai asilhhvchi hoke; achi tok.

7. Yṽmihchit anumpuli ma, itachowa anumpa kvṽ Falisi
vhleha, miha Satusi vhleha aiena itin takla yā takakanli
tok; mihma okla laua yvt ita kashapa tok.

8. Satusi iksa yokvt falamvt tana hi vt takanli keyu, mik-
mvt enchiil, miha shilombish aiena kvṽ iksho, achi hoka;
amba Falisi yokvto tuklonchit yimmit anoli hoke.

9. Mihma yahapa chinto kvṽ takali tok; mihma holisso-
chi vhleha, Falisi apehanchi kvṽ wakaya cha, anumpa hā
isht ai isso fehvt, Nan ik vḷhpeso nana kia hatak ilṽppa kil

ai akostininchoshke ; amba shilombish okmá, keyukmut enchil okmá nana hosh im anumpuli tok okma, Chihowa ya kiloh itibo kashke ; ahanchi tok.

10. Mihma okla itachowa chinto kv̄t takali ma, kv̄pitvni chito ash ot, Pal a okla it̄i hv̄lat nipli na ahni kv̄t, komunta mut, ont afovt mokofit im ishit, holihta kv̄llo ya ant foka chi h̄o, tv̄shka chipota v̄hleha ya i miha tok.

11. Mihma yvm̄mak atuk ninak a, Chitokaka yvt ant a hik̄iv̄t, Pal ma! na chi yukpashke, Cheluselem a is si ai anohonli hatuk okvt, chiyuhmit Lom ma atokowvt ish ai anohonla ch̄i pulla akinli hoke ; achi tok.

12. Atuk o on̄vt taha ma, Chu v̄hleha kaniohmi kv̄t itibai ach̄v̄vt anumpa kv̄llo ile onochit, Pal a okla v̄bi h̄o keyukmut ik impo, micha nana kia ik ishko ka ch̄i kv̄t, mih̄iha tok.

13. Mihmvt pokoli ushta ka atampa hosh anumpa yakohmi ka ikbi tok.

14. Mihmvt na holitompa isht āsha pehlich̄i, micha asononchika puta aiena ka im ai v̄la mvt, Anumpa kv̄llo fehna ka il il onochi kv̄t, Pal a ke bokmvt nana kia ke po ka ch̄i hoke.

15. Yvmohmi hoka, himik a hv̄chishno, micha hochitoka v̄hleha hv̄sh ai itapeha kv̄t, yvm̄mak atuk ak o anonti achukmalit i shahlichit im ai asilhv̄cha ch̄i h̄o chohmit, kv̄pitvni chito ya hv̄sh im anoli na, onna ha ma yv̄mma isht hv̄chim ayashke, yohmikma yvm̄mvt ilv̄ppa itomasi a ik lo h̄o e ba ch̄i kv̄t pim v̄lhtaha yoke ; achi tok.

16. Mihma Pal in tek ushi yvt, yv̄mma im aiechit maya ka haklo mvt, iv̄t holihta kv̄llo a ont chukowa cha, Pal a im anoli tok.

17. Mihma Pal vt kv̄pitvni v̄hleha ya ach̄v̄vt pit hoyo cha, Hatak himita ilv̄ppa ilauet kv̄pitvni chito ya isht im ona, yvm̄mak oka nanasi kia im anola ch̄i kv̄t in takanli hoka ; achi tok.

18. Mihma yvm̄mak ash ilauēli cha, kv̄pitvni chito ya isht im ona mvt, Pal aboha kv̄llo fohka yak osh pit sa hoyo na v̄la li h̄o, hatak himita ilv̄ppvt nanasi kia chim anola hi vt

im asha hatuk o, ilauct chim vla la hinla ka, um ahni tuk oke; achi tok.

19. Mihma kvpitvni chito yvt yvmmak ash ibbak a halvli cha, naksika alumaka isht im ona mut i ponaklot, Yvmmak osh nanta mak o is sum anola chi kvv chin takanli hatuk o? achi tok.

20. Mihma, Yvmmak oka achukmalit i shahlichit im asilhvcha chi ho chohmit, onnaha ma, Pal a ilauct ai itvnaha ya isht ish ona chi ka, chim asilhha chi kvv, Chu vhleha yvt itib ai achvfa tuk oke;

21. Yohmi kia chishno vto vlvpesa, chik im ahno kashke; yvmmak okvt hatak pokoli ushta ka atampa hosh, yvmma im aiechi kvv ai asha hosh, yvmmvt anumpa kvvlo ya isht il onochit, yvmma okla ik bokmvt nana kia vpvv, ishkot ik mayo ka chi, isht il apesa tuk oke; yohmi Latuk osh himak a im vlvthvvt, anumpa falama ka auct chim a hoyot maya hoke; achi tok.

22. Mihma kvpitvni chito yvt hatak himita yash ant ik ia, im ahni mut, nana ilvppa puta is sum anoli tuk vt hatak nana kia, chik im anolo kashke; im achi tok.

23. Mihmvt yvmmak ash ot kvpitvni tuklot hoyo mut, Ninak hvshi kanvlli isht vlvpisa ont atuchinakma, Sesalia ilhkola chi ka, tvshka chipota tahlepa tuklo, micha issuba o binili tvshka pokoli untuklo, mikma na halupa ishi mut tahlepa tuklo ho hvsh atahlashke.

24. Micha Pal a, okla o binilichit achukmalit isht ayvt, nahullo miko Filiks a isht im ona chi ka, nan vlvpoa ma, hvsh atahlashke, ahanchi tok,

25. Mihmvt ilvppak o yakohmichit holissochi tok.

26. Kilativs Lisivs vt nahullo miko holitompa fena Filiks a pit aiokpvchishke.

27. Hatak ilvppa Chu vhleha yvt ishi tuk; micha okla vba he tuk o; ilvppvt Lom hatak atuk o haklo li mut, tvshka chipota pehlinchit vla lish, okchalinchi li hokvno.

28. Micha kaniohmi ho okla anumpa onochi tuk okma. akostininchi ka sa bvna mut ilauelit ilap itvnahvt mgya ka iba chukova li tuk.

29. Mihmut yummak okvt ilap i nan-vlhpisa yak o anum-
pa hv̄t isht im atoba hatuk o, akostininchi li tuk; yohmi kia
isht ai ilikmá, keyukmut talakchikmá nana he imma hokvto
ik onvtulo ke tuk oke.

30. Micha Chu v̄hleha yvt hatak ash im aiechi hosh ma
ya ka vm annoa mut, ashalka pit chin chvffichi lishke, mi-
cha anumpa onochi v̄hleha mut, yumma nana h̄o isht a miha
hi vt im āsha tuk vt, chishno chi tikba yak o a miha ch̄i ma,
aieninchit im apesa li tuk oke. Chi achukmakashke; achi
tok.

31. Mihma tvshka chipota v̄hleha yvt, yummak osh im
vlhpisa tuk okvt, Pal ā ilaelit ninak o isht ayvt Antipetis ā
isht vla tok.

32. Ont onna ma yumma ap̄ihvt ia ch̄i ka, issuba o binili
tvshka ya ashachi cha, falamvt holihta kullo ya okla ona
tok.

33. Yummak ashot Sesalia ya ai vla cha, holisso hash
nahullo m̄iko ya ant ima mut, Pal ma aieninchit ibbak fohki
tok.

34. Mihma nahullo m̄iko vt holisso hash pisvt issa mut,
ulhti nana h̄o vttvt aya hatuk ā i ponaklo tok; Silisia ak
atuk o akostininchi mut,

35. Anumpa chi onochi v̄hleha ak kia ai vla hok mak o,
chi haklo lashke; achi mut Helot i nan ai vlhpisa chuka yak
o, yummvt a foka ch̄i ka, apesa tok oke.

CHAPTA XXIV.

Tatv̄lvs vt Pal ā anumpa onochi, 1. 10 Pal vt isht il anumpuh.

24 Pal vt nahullo m̄iko tekchi ita tuklo ka Klaist isht im anum-
puli.

1. YUMMAK atuk ā nitak tablapit taha ma, na holi-
tompa isht āsha pehlich̄i Ananaivs vt asononchika v̄hleha,
micha hatak anumponhi achvfa Tatv̄lvs hohchifo h̄o itapehvt
vla na, yummak osh Pal ā nahullo m̄iko ā nan isht im anoli
tok.

2. Yummak ash pit hoyo na vla ma, Tatvlvs vt anumpa ouochit ishtivt, Filiks holutompa fehna ma! chishno ak atuk mak o nukchinto fehnvt il ahashwa chatuk, micha chishno vt nan chimponna pulla ho, nan isht im ai ahli achukma fehna kvv okla ilvppa ai i yvmohmi chatuk oke.

3. Nitak moma, micha kanima a mominchit yukpa fehna hosh, il aiokpanchi chatok oke.

4. Himmakma achakalechit ak chin takobecho ka chi na na kia, nuktanla chia hvv, anumpa tilofasi ish pi haiyaklok-oano, chim ai ahni lishke.

5. Hatak ilvppvt, Chu vhleha yakni paknaka aiasha ka mominchit ai itin takla ma, nan isht ataklaiyamvt nan itachowa ma atohnochit aya mvv, Nasalin iksa ya in tikba hika yo e pisa hatuk oka.

6. Tempel ma aieninchit yvmmvv ik akobalo bvna ho, ilvppa il ishi kvv pishno pi nan vlvpisa yo, nan isht il im apesa chin tok.

7. Yohmi tuk kia kvpitvni chito Lisivs vt ayvt ant pi kohcha cha, kvvllv fehnvt yummak ash pibbak a a kohchit eshi cha,

8. Yvmma anumpa ai ikbichi vhleha yvt ayvt chishno a chim vla chi ka apehisa tuk; yummak oka chishno inlit im ai asilhvuchi hosh, anumpa isht il ai ikbichi hatuk puta ilvppa ish akostinincha chi hatuk oke, ahanchi tok.

9. Mihma Chu vhleha hak kia pit ataklammvv nana kash yvmmvv yohmi tok oka, ahanchi tok.

10. Mihma anumpula chi ka, nahullo miko vt pit im avuchi ma, Pal ash ot, Okla ilvppa nan im apesvt ish ahanta avvmmi kanohmi ka, chim akostininchi li hatuk osh, na yukpa fehna hosh isht ile anumpohonli lishke.

11. Uba pit aiokpvchi la chi hosh, Cheluselem ia li chash, nitak auah tuklo ka atampa keyu ka, ish ithaiyana hinla kama.

12. Yohmi ka tempel anukaka ya hatak nana kia ai itachovvt ahanta li, micha sinakak puta, micha tumaha aiena ka okla ha ai ilhkolicht ahanta li, okla sa pisa tuk keyu.

13. Mikmut nana ka anumpa ma himonasi a okla isht a sai onochi tuk vt atokola he keyu hoke.

14. Amba ilvppak o chim il anohonli li, vno nana puyuta nan vlpisa holisso, micha hopaii vhleha i holisso aiena, a holihiso tok moma ka, yimmit iksa inla yo okla achi batuk oka, an tikba vhleha in Chihowa ya yakohmit aiokpahanchi li mvlhishke.

15. Micha, ahli mikmut ik ai ahlo, moma illi yvt tana hi a, yvmma ilap ak kia yohmi, okla ahni akinli hoka, vno vt Chihowa ya pit anukchieto lishke.

16. Yohmi batuk o Chihowa, mikmut hatak puta aiena itikba ya chukvsh mut yoshoba iiksho bilia hosh ahanta la chi kvv achunanchi li chatuk oke.

17. Yvmmak a tok a afvmmi kanohmit taha ma, na holhpila vm okla ha isht im aya li mut, vba pit isht aiokpvchi puta aiena ka isht vla li tok.

18. Mih ho yvmmak o Chu kaniohmi Asia minti kvv okla laua yokma, keyukmut a yahapa itin takla yokma nana keyu, tempel anukaka yo, nahullochit vm vlhtahvt anta li ka, sa pisa tok.

19. Yvmmak osh chi tikba ma, ant maya tuk osh nana kia isht sa mihacha hi vt im asha tukmut acha he tuk.

20. Yvmmak keyukmut ilvppa maya kak inli kia vno vt nan ai apesa itikba hikia li ka, nan ik vlpeso nana kia vm ai akostininchi tukmut, ik mihá.

21. Amba yvmma itin takla hikia li mut, illi tani yak o isht tahpahanli li tuk, anumpa achvfa ilvppa illa tok o, himak nitak a hvchishno vt hvv svv asilhvchishke; achi tok.

22. Mihma Filiks vt ilvppa puta haklot, na yakohmi puta kash achukma fena ai akostininchi mut, Kvpitvni chito Lisivs ak osh vla hokmak o nana hvchim a kaniohrai ya okluha hvchim akostininchi lashke; achi mut, im achakalechi tok.

23. Micha kvpitvni hvt Pal a apesvcha chi, yohmi kia fohacha he, mikmut it ithvna ka vhleha yvt, nana ant isht im

utta, keyukmut im ai itanowut maya ka, ik im olabo ka hi a, im apesa tok.

24. Yummak atuk a i himak nitak kanohmi ho, Filiks ut tekchi Chu ohoyo Tusila ya ilauelit vla mut, Pal a pit hoyo cha, Klaist a i yimmi imma ka im a haponaklot chieya tok.

25. Yohmi na yummak ash ot, ai ahli, mikmut ile nukta-lanli, micha nan-vlhpisa hi ut mihinti aiena ka isht anumpo-honli ma, Filiks ut wvnhinchi mut, Himak okvno ish iashke, nitak ut vm vlhpiesa hok mak osh pit chi hoyo la hi oke; achi tok.

26. Michä Pal ut tvli holisso kia ima na, i hotofa hinla ka im ahoba tok; yohmi hatuk osh chekosikma pit hoyo cha, itim anumpohonli beka tok.

27. Yohmi tuk kia yummak atuk a, afvmmi tuklo taha ma, Pashis Festvs ut Filiks vlhtobvt hikia tok; mihma Filiks ut Chu vhleha ya yukpali bvna kv, Pal ut talakchi na, issvt ia tok.

CHAPTER XXV.

Chu okla hv, Festvs itikba hielit, Pal a anumpa onochi.

1. YOHMI tak o Festvs ut ulhti ha vla tuk a, nitak tuchina ont ia ma, Sesalia ya vttvt ivt Cheluselem a ona tok.

2. Mihma na holitompa isht asha pehlichy, micha Chu vhleha i hochitoka aiena kv, yvmma Pal a ai isht im anoli cha, nan im asilhha tok.

3. Michä im aiokpanchi cha, yummak ash Cheluselem a vla chi ka, pit hoyo na, takla im aiechit vba chi kv, im asilhha tok.

4. Yohmi kia Pal ut Sesalia yak inli ho anta pulla he, micha ilapo akinli mut chekosikma, yvmma ia chi kv, Festvs ut miha tok.

5. Yohmi hoka hatak vlhpisa hvchi takla maya kv si apihvt ik ia cha, nan ik achukmo kv / takanli hatukma hatak ilvppa ont ik atokoli; achi tok.

6. Micha yummak ash takla ahanta na, nitak pokoh ka ont atampa ma, ivt Sesalia ya ona tok. Atuk osh ont onna ma, nan apesa aiasha ya om binili mvt, Pal a isht vla hi a miha tok.

7. Atuk o yummak ash ot vla ma, Chu vhleha Cheluselem mintit vla tuk vt, afoluplit hiohmavt anumpa laua, micha okpulo fehna ho, ai ikbichit Pal a onochi mvt, yummak ash ai atokolit ghlicha he keyu ki tok.

8. Mihma ilapo inlit isht il anumpulit ahanta mvt, Chu okla i nan vlpisa, micha tempel, mikmvt Sesa yak okma nana kia, nana ka isht ai i yoshoba li iksho kvmohmishke, achi tok.

9. Yohmi kia Festus vt Chu vhleha ya yukpali bunna kv, Pal a afalaminchi mvt, Cheluselem a ish ona cha, sa tikba hiki vt ilvppak atuk puta kv nan isht chim vlpisa hinla cho? achi tok.

10. Mihma Pal ash ot, Nana vm ai vlpisa he ai vlpesa mak o, Sesa vt ai asht nan apesa yo hikia lishke; Chu okla hoka nana ik achukmo nana kia, ai i yvmohmi li iksho ka, chishno vt ish ithaiyana fehvshke.

11. Uno vt anumpa kobuffi sia hokma, keyukmvt isht ai illa he vlpiesa kaniohmi ho a si yvmohmi tuk okmvt, ik svillo ka hi a ak ahnoshke, Amba ilvppa puta kv takali ho anumpa ma yakohmi kv a sai onochi keyu hokmuno, hatak nana kia sasht ibbak ma ik fohko kashke, Sesa ya achakvlit pit im anoli li mak oke, achi tok.

12. Mihma Festus vt nan itibai apesa vhleha ya itim anumpulit issa mvt, afalaminchit, Sesa yak o ish im anoli mak o? Sesa yak o ish im iashke, achi tok.

13. Atuk o nitak kanohmit taha ma, miko Ekilipa, micha Banisi ita tuklo kv, Festus a aiokpuchit aya hosh Sesalia ya itvlachi tok.

14. Micha yummak ash ant gshwa na nitak kanohmi ma, Festus vt Pal nana im a kaniohmi ya, miko im anolit, Hatak achufa kv talakchi na, Filiks vt issvt ia tok a gshvshke.

15. Mihi vo Cheluselem ont anta li ma, na holitompa

isht asha pehlichi vhleha, micha Chu in tikba vhleha aiena kvt nan im apesakbano, ahnit vm anoli tok.

16. Mihma afalaminchit, Anumpa onvtula tuk vt anumpa onochi ya nashuka bika ita sanali keyu, micha nana isht a kaniohmi nan ash onvtula tuk vt, mihma isht il anumpula he mut, ik im vlhpeso kisha ka Lom okla hvt hatak nana kia illi issa, im ai vlhpesa chatuk keyu hoke; im achi li tuk.

17. Yohmi hatuk o ilvppa okla ai vla ma, ahchiba iksho ont onna ma, nan apesa ai o binili ya o binili lish hatak ash isht kohchvt vla chi ka, apesa li tok.

18. Mihma anumpa onochi vhleha yvt wakayvt hieli mut, yakohma chi ka ahni li tuk amo, achvfali kia isht ik onocho ki tok.

19. Amba ilapo vba pit anumpuli isht a tobvt maya, mikmut Chisvs illi tok, yvmmak o Pal ak osh yvmmut okchaya kak pulla, miha kak o; yvmmak o anumpa isht onochi tok.

20. Mihma anumpa yvma chohmi ka, nan ai anukfilli ak ithano hatuk osh, Cheluselem ak o ona cha, yvmmak o ilvppa puta kash ot nan isht im ai vlhpisa hinlakma, nana ka i ponaklo li kvno.

21. Yohmi kia Pal vt anumpa ha Akvstvs vt atoshowa ka, hakla he pulla ho ahni ma, apesanchi tuk o Sesa ya pit in chvffichi la he vt miha li tuk oke; ahanchi tok.

22. Mihma Ekilipa ash ot Festvs a, Uno ak kia hatak yvma i haponaklo la hinla, im achi ma; Onna ha mak o, ish i haponaklashke; achi tok.

23. Atuk o ont onna ma, Ekilipa, micha Banisi aiena kvt shema chinto fehna hosh itvlachi cha, kvpitvni hochitoka vhleha, micha hatak holitompa vhleha vmaha asha tuk a, ai itapeha cha ai asht na haklo ya pit abeha ma, Festvs im anumpa ho Pal a isht kohchit vla tok.

24. Mihma Festvs ash ot, Ekilipa miko, micha hatak pi apehvt ilvppa hvsh maya kvt momvt hatak ilvppa, Chu okla laua yvt moyumvt, yvmmak okvt himmakma okchayvt ahanta na ahchiba he vlhpesa keyushke, ahanchit Cheluselem, micha ilvppak inli aiena ka, ai vm vla beka tuk mak o, hvsh pihivshke.

25. Yohmi kia nana h_o isht ai illa he v_lhpesa ka y_umoh mi tuk keyu ; micha ilapo akinli m_ut anumpa h_a achakalin-
chit Akustus a im anoli mak atuk o, akostinichi li m_ut, pit
ch_uffichi ka v_m-anukfihinla tuk okano.

26. Mih hosh nana h_o y_umma ai isht, a shahli h_a pit i
holissochi li fehna hi vt ik s_um iksho : yohmi hatuk osh nana
i_m asilhv_uchi yak osh a_sht issa ha yokm_uno, nanasi ka ho-
lissochi la he vt v_m a_sha hinla kak osh kohchit hv_uchi tikba,
micha chishno ak o fehna kak o chi tikbi y_a ant hilechi
lishke, m_iko Ekilipa ma !

27. Anumpa m_ut isht ai onvtula ka atokowa ma anoli
ka aieninchi h_o keyu kv_t, aboha kullo f_oka y_a pit ch_ufficha
he v_lhpisa keyu ka, v_m ahoba hokv_t ; ahanchi tok oke.

CHAPTA XXVI

Pal vt Ekilipa a itikba hiki_vt kani_ohmit aya chatuk puta kv_t anoli, i
12 Pal vt vbanumpuli toba tok vt anoli.

1. MIHMA Ekilipa ashot, Chishno isht ish il anumpula
ch_i kv_t, chim v_lhpesvshke, Pal a im achi tok. Mihna Pal
ash ot ibbak a pit fah_ummi m_ut, isht il anumpohonli tok.

2. Chu v_hleha yvt anumpa isht a sai onochi tok imna
puta ka mominchit himak nitak a, chi tikba hiki_vt isht il
anumpohonli la ch_i kv_t, na yukv_t v_m anukfihinlvshke, m_iko
Ekilipa ma !

3. Chu okla i nan v_lhpisa puta, micha anumpa ai isht
itachowa puta aiena ka, chishno vt chimponna pulla hatuk
mak o ; yohmi hoka achukmalit a haponaklokbano, chim ai
ahn_ilishke.

4. Ulla sa tomba tok takla, y_ummv_t v_mmona ka vno v_m
okla talaia ai itin takla Cheluselem ak a tok oka, nana a ka-
ni_ohmit mihinti li puta ka, Chu v_hleha yvt momv_t itha-
nvshke.

5. Ummona kash inli h_o, sv_lhanv_t isht aueh_inchi tok,
y_ummak osh vbanumpa isht pim iksa apissali kv_t moma i
shahli, Falis_i yosh abanta li tok a, anola hinla chishke.

6. Micha Chihowa yvt hvpin tikba vhleha ya anumpa ma tok a, a yimmi hatuk pulla hosh himonasi a hikivt nan vm vlpisa mak oke.

7. Anumpa tok yvmmak o pisa ka, aiahni hosh pim okla auah tuklo kvv nitak, ninak puyuta ka Chihowa ya pit aiok-pahanchi na bilia hoke. Na pit ai ahni yvmmak pulla ho, Chu vhleha yvt anumpa isht a sai onochi hoke, Ekilipa miko ma!

8. Chihowa yvt illi puta ka tanicha hi a, katiohmi ho ayimma he keyu nana ho hvchim ahoba cho?

9. Uno vt Chisvs Nasalet vta hohchifo ha i sanalit nana ka lauachit a si yvmohma he tuk oka, ahnit il anukfili li mvhli tok.

10. Mihmvt na yvmmak ash Cheluselem a ai yvmihinchi li akinli tok; micha na holitempa isht a sha pehlichy vhleha yvt vm apesa hatuk o, vbanumpuli lauachit aboha kullo pit apihinta li tok; micha okla vba chi ka vno vt vlpesa, ahanchi li tok.

11. Micha sinakak puta ka ai ilbvshahanchi li mvt, Chihowa pit ik ahobalot anumpula hi a, atushpalihinchi li tok; micha yohmi ka i nukkilli li fehna hatuk osh issikkopali kvv, yakni inla tmaha puta kak kia isht aya li tok.

12. Yvmmak o na holitempa isht a sha pehlichy vhleha yvt atokowa, anumpa kullo ai ahli achukma ka vma na, ieshi hosh Tamaskvs a ia hosh aya li tuk o,

13. Ont tvbokolik fehna, hina takla ya, tohwikeli vba minti kvv shohmalali kvv hvshi a imaiya hosh, tommit vno micha si apehvt nowvt aya tuk aiena kash a folupli na, pi-hisa li tok oke, miko ma!

14. Mihma momvt aka ont pi kaha ma, anumpa hvv vm anumpuli kvv, Heblu anumpa yo Sal, Sal ma! nanta katiohmi ho is svbvshali cho? Na halupa puta ho pit ish hvhli kvv chi palvmmi hoke; ahanchi na haiyaklo li tok.

15. Micha, Kvta chia hoh cho. Chitokaka ma! achi li tok. Mihma, Uno akosh Chisvs ish issikkopali a sia hoke.

16. Yohmi kia chishno a vbanumpa isht vta, mikmvt nana ish pisa tuk ilvppa, micha nana chim ottvvinchi likma,

yumma puta ka ish anohonla he aiena ka, chikbi la chi, avisali ilvppa pulla hosh chi haiaka li hatuk oka; wakayvt chiyi a isht ish hikiashke.

17. Okla ha, micha oklushi nan ik ithano vhleha aiena ka akohchit chi hlakofichi li hatuk okvt.

18. Yummak oka i holhponayo ha fatummi, anonti ai okhlilika ya a filvmmichit tohwikelika ya isht onvt, micha Setvn apehliche a akohchit Chihowa ya isht ish im ohona na, nan ai ashvchika puta isht a akashofa ka, micha vno a yim-mika pulla hosh isht kashofa tok puta ka, iba takla ai ahanta aiena ma, ahayucha chi mako himak a pit chi chvffhinchilishke; achi tok.

19. Yohmi ma vba mintit haiaka kash ik im antiot ahanta li tok keyushke, miko Ekilipa ma!

20. Amba ile kostininchi cha filemvt, Chihowa ya okla im ona cha, ile kostininchi yvt a yohmi ai vhpiesa ho yvmohmit aiasha hi a, vmona ka, Tamaskvs, mikmvt Cheluselem, micha Chutia yakni afulloa moma aiasha ka mominchit im anoli li mvt, anonti oklushi nan ik ithano vhleha ma im anohonli li tok oke.

21. Yakohmi puta pulla hatuk mak o, tempel anukaka ya anta li ho, Chu vhleha yvt sashi cha, svbi bunvt maya tok.

22, 23. Chihowa yvt si apelahanchi hatuk mak o, hopaii vhleha, micha Moses aiena kvv nan a kaniohma he, Klaist vt illvsha he, micha yummak osh illi tani ka tikba he, micha okla hash, mikmvt okla nan ik ithano vhleha aiena ka tohwekali ka i haiakvcha he a, ahanchi tok a, yumma nan isht inla yo miha keyu hosh avno, micha chipunta aiena ka im anohonli kvv, himak nitak a sa moma hoke, ahanchi tok.

24. Yakohmihchit isht il anumpohonli ma, Festvs vt chitolit anumpulit, Pal, chi tasimboshke; holisso chimponna fehna kak osh isht chi tasimbo hoke; achi tok.

25. Mihma, Sa tasimbo ho keyushke; amba anumpa ai ahli, anumpa kostini yo anumpohonli li hoke, Festvs holi-tompa fehna ma!

26. Miko vt ilvppa puta ka ithaiyana ho, itikba ma hikiot

nukwlya ikshot anumpuli li akinlishke. Nana ilvppak okvt chukbika yo a yvmohmi tok keyu hoka. A yakohmi puta kvv achufona kia in luma keyu ka, vno vt akostininchi li hoka.

27. Miko Ekilipa ma! hopaii vhleha im anumpa ha chi yimmi cho? Chi yimmi ka ithana lishke, achi tok.

28. Mihma Ekilipa ash ot Pal a, Ubanumpuli toba la hi a is si anukfokichi naha fehvshke; im achi tok.

29. Mihma Pal vt, Chishno ak o bano keyu, amba himak nitak a sa haklo kvv moyumvt naha fehna cha, anonti fehna, vno ak o chiyuhmi hosh, amba talakchi yakohmi kano keyu hosh, hvsh aiasha hi a, Chihowa ya pit im asilhha li hoke; achi tok.

30. Yakmihchit anumpulit issa ma, miko vt, nahullo miko, micha Banisi, mikmvt apehvt chieya tuk aiena kvv wakaya tok.

31. Micha naksika onvt taha mvt, Hatak ilvppvt isht ai illa he, micha isht a talakcha he ai vhpesa nana ka, nana ho a kaniohmi kvv ikshoshke; achit itim anumpuli tok.

32. Mihma Ekilipa vt, Hatak ilvppvt i holhtufa hinla tuk, Sesa ako achakalit im anola chintuk keyu hatukmvt; Festvs a im achi tok oke.

CHAPTER XXVII.

Pal vt peni fohkvv Lom pila ia hosh aya, 1. 14 Mahli kvvilo vt peni a onvtula. 39 Yakni a ont ahayuchi cha okla hlakofi.

1. MICHA peni fohkvv Itili ya il ona hi a ai vhpisvt taha ma, Pal, micha aboha kvvilo fohka inla kaniohmi aiena ka, tvshka chipota Akvstvs ai itapeha i kvv pitvni, Chulivs hohchifo ho ibbak fohki tok.

2. Mihma Hlessalonika tumaha Masetonia hatak, Alistakvs vt piba foka hatuk o, Asia ya pit lapalika okla e maya chi mak osh pim anukfila hosh Atlemitivm peni yo pit il vlbeha mvt il ilhkoli tok.

3. Atuk osh ont onna ma, Saitvn a ont il ataya tok; mih-

ma Chulius vt Pal a i kana fehvt isht aya mvt, i kanomi vbleha aiasha ka ona cha, impa hinla chohmi ka, im apesa tok.

4. Atuk o yvmma asht il ilhkoli mvt, mahli hak osh ai isso hatuk o Saipilvs a nutaka il aya tok.

5. Micha Silisia, mikmvt Pafilia aiena okhvta ha pit il a hlopulli mvt, Lishi yakni, Maila tumaha ha e la tok.

6. Mih ho yvmmak o Aleksantia peni yvt Itili ya ia hosh aya na, kupitni hvv pisa cha, yvmmak o pishno ash pit pi apitta tok.

7. Mihma svlahvt il itvnowa na nitak kanohmi hosh, Naitvs a ont kil i chapo kisha chiyuhmi ho, mahli hak osh pi a sanali hatuk o Salmoni i chapa ka Klit ak o nunta asht il aya tok.

8. Micha yvmmak ash ont kil aiyo chohmi hosh, peni ai ataya achukma hohchifo ho e la tok; yvmmak o bilika yo Lesi tumaha hvv talaiia ha tok.

9. Atuk o ahchievtv taha, micha nahullochi hvv ai issa-chi ha ya tuk o, himak okak heno peni isht aya ka ai achukma he keyu hatuk o, Pal ash ot nan i miha tok.

10. Mihmvt, Hatak puta ma! himak okhvta aya ka nana kvv ai okpulo kvv kvvniha fehna chishke, vlvpoyak, micha peni aiena kak bano keyu; amba hvvvim ilhfiopak vt aiena chi ka akostininchi lishke; im ahanchi tok.

11. Yohmi kia kupitni hash ot, peni vt immi hatuk, micha isht aya pehlichii aiena kak o i yimmi kvv, Pal vt nana anumpuli tuk a, im i shahli tok.

12. Micha peni ai ataya yokvt hvvshvula ya aiasha achukma keyu hatuk o, yvmma asht achakvilit ivt kaniohmi kia yohma hinlakmvt, Finisi yvmmak okvt Klit peni im ai ataya yosh falvmmi im okvtula imma pit bachayakmvt, anonti oka mahli im okvtula imma ma pit hikia ho, ona cha hvvshvula ya yvmmak o okla asha hi a, miha kak osh laua kvv i shahli tok.

13. Atuk o oka mahli hvv lomvt mahli ma, okla nan ahni tuk vt im vlvpesa, im ahoba mvt, hotofi cha, Klit pit a bilikasit peni isht aya tok.

14. Yohmi tuk kia yummak atuk a hopaki keyu ho, mahli kvllo fehna tobt, Yulaklitvn hohchifo hosh ai isso tok.

15. Mihma peni vt atapvchit kvnia cha, mahli ha a sanalit ia he keyu ma, ant shalit isht ik ayá, il ahni tok.

16. Mihma shalit ishtia ma, yakni tashaiyi achvfa Kilati hohchifo ho nutaka ona ma, penushi yak osh palvmmi ho isht e mihinti tok.

17. Yummak ash o okla hvlat ishi mvt, apelvchi kvv peni chito ash afohlit takchi mvt; anonti ik yohmokma, okchv-nak ont ai issa hinla ka, nukshopa kvv na hvta ha ai akvchi na shalit isht aya tok.

18. Atuk o mahli kvllo ka e takakanlit aya fehna hatuk o, ont onna ma, peni a okla shohhvvlachi tok.

19. Atuk osh nitak ont atuchina ma, pishno pibbak akinli ho peni isht talakchi ya ishit kocha pit e kampila tok.

20. Micha nitak kanohmi ka, hvshi, mikmvt fochik nana kia ik haiako ma, anonti mahli kvllo mvt atampa fehna hosh pi onvtuyula ma, pi okchaya he pit ahomba kash ot, momvt pi kvnia tok oke.

21. Yohmi kia okla ik impo ho hopakit taha ma, Pal vt wakayvt itin takla hikia cha, Holitopa vhleha ma! vno ak o hvs sa haponaklo tukmvt, Kilati a hvchik a hotofo ke tuk osh, nan okpulo, micha nan kvnia aiena ilvppa hvchik peso ka he tuk oke.

22. Yohmi kia hatak hvsh achvfona kia im ilhfiopak vt a kvnia chi keyu, amba peni ak illa chi hoka, hvchi yukpa hi a hvchi miha lishke.

23. Himak ninak a Chihowa yummak o immi sia hosh, mihi yo im atihya li yatuk mak o, im enchil vt sa tuma ya hikivt,

24. Pal vt ik chi nukshopo kashke. Sesa itikba ya ish ona chi pulla hoke; mikmvt Chihowa yvt ai itapehvt peni isht hvsh aya ka, yvma mominchit chima hoke; ahanchi tuk oka.

25. Yvmohmi hoka holitopa vhleha yvt na hvchi yuk-

pashke; nana vm annoa tuk fena kv̄t ont v̄lhpiesa ch̄i ka, Chihowa ī sai yimmi hoka.

26. Yohmi kia yakni tashaiyi kaniohmi h̄o, ont iloh ō hlatapa ch̄i hoke; achi tok.

27. Yvmohmi tuk ō ninak vt ont isht auah ushta mak ō Atelia okhv̄ta h̄g e fullokahanchi na, ninvk iklv̄na foka ma, peni isht aya v̄hleha hash ot yakni nana mak ō pit bilika ona h̄o, im ahoba tok.

28. Micha oka ya apesa mvt, ashatv̄pa pokoli tuklo h̄o akostininchi tok; atuk osh achakvlit ivt mishema ona mvt, anonti apesa ma, ashatv̄pa auah tahlapi na pisa tok.

29. Mihmvt tv̄li hochito ka ont ai issa hinla kv̄t, okla nukshopa kv̄t, yakni yichifi ya ushtat peni hasimbish ā pit ai okvchi mvt, onnakbano ahnit aiasha tok.

30. Mihma peni chito isht aya v̄hleha yash ot peni chito ya a kohcha wihvt yihlepa chin cha, penushi yash okhv̄ta h̄a pit oka talali mvt, yakni isht yichifi ya peni chito itikba ya pit ai oka kapulla hi ā ahoba ma,

31. Pal vt, kv̄pitoni, micha tv̄shka chipota v̄hleha aiena kash, Yakohmi kak osh peni chito anukaka ya maya h̄o keyukma, hv̄chi okchaya he keyushke; im achi tok.

32. Mihma tv̄shka chipota v̄hleha yvt peni usbi isht-talakchi ya chanlit hokofi na akia tok.

33. Atuk ō onv̄t mihinti ma, Pal ash ot, momvt impa hinla ka, im ahni mvt, Nahullochit hv̄sh ah̄ashwa cha, nana kia hv̄chik impo mak ō himak vt nitak ont isht auah-ushtv̄shke.

34. Yohmi hoka nanasi hv̄sh impa hinla ka hv̄chim ahni lishke. Ilv̄ppak ō hv̄sh ai okchaya ch̄i mak okvt; hv̄sh achv̄fona kia chi noshkobo h̄a pashi vt ai akia ch̄i keyu mak oke; achi tok.

35. Yakohmihchit anumpulit tahli mvt, pvska ya eshu cha, moma itikba ya Chihowa pit ai aokpachi tok; micha tushtuli mvt, impvt ishtia tok.

36. Yohmi ma momvt yukpa chukma mvt, yummak ash kia okla impa tok.

37. Micha peni il alhto kv̄t e moma kv̄t hatak tahlepa tuklo cha pokoli untuklo akucha hannali il aiena tok.

38. Micha impa kv̄t okla ont im v̄lhpesa mvt, onush a okla okhv̄ta pit oka hlahlit peni a shohhalali tok.

39. Atuk o onvt taha ma, yakni ya okla ik ithano ki tok; yohmi kia okhv̄ta filv̄minchi yvt v̄hli hv̄t auet asha ho, okla pit pisa mvt, yohma hinla yobakma, yv̄mma peni ya ont fohka ch̄i kv̄t okla im anukfila tok.

40. Micha isht yichifi ya okla kohchit aiowa mvt, okhv̄ta ha okla im ile kaiyanchit peni isht afana isht talakchi a hotofi cha, nan tohbi shv̄pha wishakchi fehna takali ya mahli ha pit a asanalichit v̄ba takalichi mvt, oka v̄hli pilla ka, okla ia tok.

41. Micha okhv̄ta tuklo ai itafama ya pit v̄lh̄to cha, peni ash yakni ont on talali tok; mihma ibbish imma kv̄to a kv̄llot kv̄nia cha ilhkola he keyu hosh talaya ma, amba hasimbish pila hamo oka banv̄tha kv̄llo fena kv̄t okp̄v̄nit kanchi tok.

42. Mihma tv̄shka chipota v̄hleha hash ot aboha kv̄llo v̄lh̄pita yatuk a v̄ba hinla, yv̄mmak keyukma, kanima mvt okshonullit kohcha cha, hlakofa hinla ka, anumpulit maya tok.

43. Yohmi kia kv̄p̄itv̄ni hv̄t Pal a okchalinchi bv̄nna hatuk osh, okla nan ahni tuk a im olv̄bbi tok; mihmvt kanima hosh okyohla hinla kak osh tikba okhv̄ta ha pit oka kahvt kocha ona ch̄i ka,

44. Mikma inla kanimi kv̄t iti bv̄sha yo o binohli ma, kanimi mvt peni pahlahli yak o o binohla ch̄i ho, miha tok. Mih hosh yakohmi tok; momvt nana kaniohmi iksho hosh yakni ya, okla onvt hlakofi tok oke.

CHAPTA XXVIII.

Pal, micha apehvt gya tuk aiena kash okla nan ik ithano v̄hleha hv̄t i kana fehna, 1. 8 Pal vt yakni tashaiyi abeka aiasha tuk a laua ho hlakofichi. 16 Pal vt Lom a v̄la mvt, Chu okla ha v̄bi isht im anumpuli.

1. **MICHA** okla hlakofi mvto yakni tashaiyi vt Milita hohchifo hatuk o akostininchi tok.

2. Mihma okla nan ik ithano vhleha yvt p̄ kana kv̄t peh chohmi tok keyu; mihma uhumba hatuk, micha kapvssa aiena hatuk oka, okla luak oti cha, mominchit pehlichit pishi tok.

3. Mihma Pal vt iti chipunta laua itahobit, sholit luak a ant itoyashachi ma, sinti okpulo fena yvt luak lvshpa ka vttvt kohchvt, ibbak a apakfoa tok.

4. Mihma sinti okpulo fehna yvt ibbak a a takanli na, oklushi nan ik ithano vhleha yash ot pisa mv̄t, Ik kaniohmi kia hatak ilvppvt hatak b̄ika vbi pulla tuk osh, okhvta hokvno i hlakofi tuk nana kia, na palvmmi ak okvto okchayvt ik antá, ahni keyu hoke; ilap b̄ika itim achit maya tok.

5. Mihma sinti yash fahlit luak pit itvchi mv̄t, nan ik kanihmo ki tok.

6. Yohmi kia shatalikmá, keyukmv̄t ashalika illit aka itulakmá nana ch̄i kak o, im ahobvt maya tok; yohmi tuk kia okla p̄isa na hopaki h̄o, nan ik i kanihmo h̄o pisa mv̄t, inlvchit im anukfila mv̄t, yummak ash nan isht-ahullo hoka, achi tok.

7. Yakni yummak oka yakni tashaiyi ya apelihchi Pvbliivs hohchifo h̄o, im osapa yosh talohmaya tok. Atuk ost yummvt p̄i kana achukmv̄t pehlichit pishi na, nitak tuchina il ashwa tok.

8. Atuk o yakohmi tok, Pvbliivs īki vt yv̄nha, micha is sish ikfia aiena h̄o isht abeka hosh ittoyula tok; atuk o Pal vt yummak ash ont iba chukowa cha, vba pit anumpulit ibbak a isht umbitepa mv̄t, hlakofehi tok.

9. Ilvppvt a yakohmi ma inlaka ak kia, yakni tashaiyi yv̄mma abeka maya tuk vt ai vlv̄t hlakeh̄ofi tok.

10. Michā yummak okvt nan isht a holitopa laua ka isht pi holitobli tok; micha kocha il ilhkoli ma, nana kia isht gya he vlpesa puta ka okla pi shaliichi tok.

11. Mihma hv̄shi tuchina kv̄t taha ma, Aleksantia peni yosh yummvt yakni tashaiyi yak o hv̄shtula ya takanli tok; micha hohchifo mv̄t Kasta, mikmv̄t Palvks aiena hosh lapali h̄o, pit vlv̄tot il ilhkoli tok.

12. Micha Sailekus a ont il ataya cha, yvmma il ashwa na nitak tuchina tok.

13. Yvmma asht e minti mvt apakfompvt mihintit Lichivm a e la tok; atuk o ont onna ma, oka mahlit mahli ma, mintit nitak ont atukla ma, Putioli, ya e la tok.

14. Yvmmak o il itibapishi vhleha ya ant il ahayuchi ma, takla e maya na nitak untukla chi ka pim ahni tok; yohmi ma Lom pila imma pit il ilhkoli tok.

15. Mihma yvmma asht il ilhkoli ka, il itibapishi vhleha yvt pi haklo mvt, Api Folvm, mikmvt Ai-impa chuka tuchina heli ka ai vhli kak o, ant a pi afamvt itvnowa tok, Pal vt yvmma pisa mvt, Chihowa ya, yakoke, pit im ahni mvt, ayiminta tok.

16. Atuk o Lom a okla il ai vla ma, kupitvni hv aboha kvlllo vhpita yatuk a nan apesvchi i kupitvni ha ont ibbak fohki tok; amba Pal ano ik yohmi im ahni na, ilap bano hosh isht aya tuk tvshka chipota ya awant anta tok.

17. Atuk o yakohmi tok, nitak tuchina ont taha ma, Pal vt Chu hochitoka vhleha ha hoyot itahobi tok; micha itahoba ma, Hatak il itibapishi vhleha ma! vno vt okla hoka, micha pin tikba nana a kaniohmi a puta kia nana im ai isht a kaniohmi li kv iksho nana kia, Cheluselem a vttvt talukchi yosh Lom okla ha ibbak fohka li hokvno.

18. Atuk o yvmmak ashot okla achukmalit vm asilhhvchit taiyahli mvt, isht ai illa he vhpesa mvt, si a takali keyu hatuk oka okla a hotofa he tuk.

19. Yohmi kia Chu vhleha yvt yvmma a sanalit anumpuli ma, vno vt ik kaniohmi kia, Sesa ya im anoli la hi vt, vm anukfila ha tok; vm okla talaiia ka nana ho isht ai atokoli la hi vt vm asha ha tok o keyushke.

20. Yvmohmi hatuk osh ilvppa a yakohmi pulla kak o hvchi pisvt isht hvchitim anumpuli la chi hosh hvchi hoyo li tuk oke; Israel nan pit ai ahni a tok pulla mak o, tvli itakvli ilvppvt isht sa talaiyakchi hokvt; im ahanchi tok.

21. Mihma, Chishno a chi nanumachi holisso kv Chutia yg minti kv ik pim vlo; yohmikma il itibapishi vhleha ak kia ai vla kv kanima mvt, nana ik achukmo nana kia chi anolit anumpuli chatuk keyushke.

22. Yohmi kia chishno nana isht chim anukfila kano haklo ka il ahnishke; amba iksa ilvppak okvno na mihachi kv̄t kanima mominchi hoka, il ikhaiyanvshke; okla im ach tok.

23. Micha nitak okla pit im apesa tuk o, laua kv̄t ai v̄tta ȳa okla ant iba chukowa tok; mihma yummak osh Chihowa apelihika ȳa atokolit im anolit, Moses i nan-vlhpisa, micha hopaii v̄hleha i holisso puta ka akohchit, Chisvs a isht ai anukfohkichit ahanta na onnahinli tuk vt opia tok oke.

24. Yohmi ma nana kv̄t anumpa tuk puta ka kanimi kv̄to yimmi ma, anonti kanimi mv̄t ik yimmo ki tok.

25. Micha okla ik ai it achvfo mv̄t, Pal vt anumpa achvfa anumpulit, Shilombish Holitopa yvt hopaii Esaias a, aghi hosh ai isht anumpulit hv̄pin tikba v̄hleha ȳa,

26. Oh ia cha, okla ilvppa haklo hokvno hv̄sh haklo kia hv̄chik akostinincho ka hi oke; mikmv̄t pisa hokvno hv̄sh pisa kia, yakohmi hv̄chik ai ahno ka hi oke; hv̄sh in ahanchashke.

27. Yummak keyukmv̄t nishkin a ishit pisa cha, anonti haksobish ma, ishit haklokmv̄t, anonti chukvsh a akostinichi cha inlv̄t im anukfila na, hlakofichi la hinla ka, okla ilvppa chukvsh vt nusilhha fehvt taha ma, anonti haksobish mv̄t haponaklo kv̄t in takobi ma, anonti nishkin a okla okhishta hoka; im ahanchi tok.

28. Yvmohmi hoka, Chihowa yvt isht ai okchalinechi ȳa okla inla puta kak o ima ka, yummak okvto haponakla chi hoke, hv̄sh ithaiyanashke; achi ma, tisheli tok.

29. Yvmv̄t anumpa ilvppa ahanchit ont issa ma, Chu v̄hleha yvt tisheli cha, ilapo bika yak o itim anumpuli fehna hosh maya tok.

30. Yvmohmi ma Pal vt, ilap chuka puta tuk vt ahanta na, afv̄m̄mi tuklo vlhpiesa hlopulli tok; yohmi mv̄t kv̄na hosh i nowvt ayvt vla ka aiokpahanchi banot,

31. Chihowa apelihika ȳa isht anumpulit, hatak nana hosh im alv̄m̄mi iksho ho, nana kv̄t Chitokaka Chisvs Klaist a pit ai ahalaia putakma nukwaya iiksho hosh im abahanchi beka tok oke.

HOLISSO PAL UT CHUCH LOM

A HIKIA HO I HOLISSOCHI TOK.

CHAPTA I.

7^{ba}numpa yimmi Lom aiasha ka Pal vt pit aiokpuchi, 1; 16 ^Ubanumpa hvt nana, micha nan vhpiesa nana ho isht otaiyani; 18 nashvchi moma ka Chihowa yvt i nukkilli; 21 nan ik ithano okla nan im ai ashvchika yvt nana hatuk okma anoli.

1. PAL, Chisvs Klaist in tishu, apostel toba kv, Chihowa im vbanumpa isht vtta hi osh vlhtoka tok vt,

2. Ymma tikha pilla kash o Chihowa hvt Holisso Holi-topa yak o i hopaii vhleha ha isht ai anohonli kv,

3. Ilap Ushi Chisvs Klaist hvpin Chitokaka, yummvt haknip imma hokvno Lewi isht atiaka yo isht atoba kak atok;

4. Micha shilombish holitopa hokvno illi tuk osh falamvt tani kak osh Chihowa Ushi nan im ai ghli fehna kv isht otaiyani ai oklyha tok:

5. Ymmak atuk pulla mak o isht ai i kana, micha vbanumpa isht-ai vtta vlhtoka aiena ka il ai eshi ka, oklushi moyuma kv vbanumpa ha im antia na ilap hohchifo hvt isht a holitopa hi atok:

6. Ymmak o ibai achvvt Chisvs Klaist a im a hvchi vlhtohoka tok:

7. Lom aiasha moyuma Chihowa i holitopa, vbanumpuli tohomba tok moyuma ka Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kv hvchi anukfoyakashke.

8. Ummona ka Chisvs Klaist ak atuk mak o hvsh moyuma ka hvch ithaiyanvt, na hvchi yimmi hoka annohvvt

yakni moyuma ka a hlopulli kak o, an Chihowa ya yak oke, pit im ai ahni li hoke.

9. Yohmi ka yummak oka ilap Ushi im vbanumpa hak o ai isht sa shilombish oka isht in toksahanli li kv̄t, anumpa ilvusha anumpuli li puta kv̄t pit hv̄ch ithaiyana bieka nosh, isht hv̄chi anumpohonli li kv̄t ak isso kamohmi hoka, Chihowa yak osh nan atokowa si anoli yoke.

10. Himak a yohma he yoba tuk o nitak vt ik hopako kia achukma biekv̄t ayvt, Chihowa yak osh ai ahni pulla na hv̄chim ona la he ak osh asihihla lishke.

11. Yohmi ka hv̄chi pisa sa bunna fehna kv̄t, shilombish isht im achukma he yak o hv̄chi hopela li, nana ka isht hv̄chi hlampka hi atok.

12. Ilvppvt nana ka hv̄ch ibai yukpa li hokbano, na yimmi bika pia hatuk oka, achi li hoke.

13. Yohmi ka itibapishi li v̄hleha ma! hv̄ch im ona la hi okvt himonna vm anukfihinla kv̄t, nan-vni kaniohmi ka hv̄ch itintakla ya ai ishi li kv̄t, Chentail inla v̄hleha ha ai ihishi li tok a chiyuhmi ak inlikbano ahni li tuk kia, si ataklama na himak a hv̄ch ik ithano ka he ai ahni li keyu hoke.

14. Klik, micha Belbaha v̄hleha, nan ithana, nan ik ithano aiena ka vbanumpa ha isht im anumpohonli la he vm v̄lh-pisa hoke.

15. Yohmi hoka, vno yokvto Lom hv̄sh ai asha kak kia, vbanumpa isht hv̄chim anumpohonli la chi kv̄t vm v̄lhtaha hoke.

16. Yohmi ka Klaist im vbanumpa ha i sa hofahya hu keyu hoke: yohmi ka yummak okvt Chihowa nan im ai ghli pulla hatuk ak o kv̄na hosh yimmi puta hokvto isht ai okchaya hoke; v̄mmona ka Chu hak osh ai yvmohmi ho, anonti Klik vt ai yvmohmi ak inlishke.

17. Yohmi ka yummak o na yimmi ak atuk pulla kak o Chihowa i nan isht okchalinchi yvt na yimmi v̄hleha ha im otaiyani hoke; holihiso kv̄t, Ai-v̄lhpiesa yokvto na yimmi pulla kak osh isht okchaya hi oke, achi hoka.

18. Yohmi ka Chihowa vba yakni binili nan isht i nukkilli yvt hatak vt Chihowa ik holitoblo, micha nan ai v̄lhpiesa

keyu yvmohmi puta kv̄t anumpa ai aḥli ka ataklv̄mmi kak o onvtuyula hosh otaiyani hoka.

19. Yohmi ka Chihowa imma ka isht ithvna linla ka ilap inli kv̄t isht otaiyani hoka, Chihowa yak osh i haiakv̄chi hatuk oka.

20. Yohmi ka yakni, micha nan okluha vba ai asha kv̄t toba tok takla ka nana nishkin isht pisa he keyu Chihowa immi puta ka akostininchi fehna kv̄t nan okluha tohomba tok a Chihowa nan okluha im ai aḥli, micha okchayvt bilia yoka isht akostininchi hatuk osh nan isht a miha hi vt ik im ikshoshke.

21. Yohmi ka Chihowa yoka ithana ha yokv̄t, Chihowa chohmichit ik holitoblo kish, yak oke ik im ai ahno, amba im anukfila kv̄t nan isht ik ahobo tobt, chukv̄sh anukfila iksho yvt okhlilit kunia tok.

22. Yv̄mmvt hopoyuksa ilahobi hosh ik hopoyukso toba tok.

23. Micha Chihowa illa he keyu isht a holitopa ya kanchit na holvt toba hatak illa he, micha hushi, micha nam-poa iyi ushta, micha nana balali puta aiena ka holvt toba ho holitobli tok.

24. Yvmohmi hatuk ak o Chihowa hokv̄t ilap inli chukv̄sh okpulo nan ai ahni puta kak atuk mak o na liteha ya a yvmohmit, ilap haknip puta kash inli isht ik iti hofahyali, im ai ahni tok ak inlishke :

25. Yohmi ka yv̄mmvt Chihowa i nan ai aḥli yoka holabi yo isht ai ikbi cha, natoba yak o aiokpv̄chit, in toksahanli kv̄t Nan ikbi ya i shahlichit tok : yv̄mmak okv̄to holitopvt bilia yoke. Amen.

26. Ilv̄ppak atuk pulla kak o Chihowa hv̄t ant ik yvmohmi ai ahni ho, havi isht ile hofahyali ilaiyuka ka ai yvmohmi tok. Yohmi kv̄t ohoyo hak kia nana ka ai yvmohma he atuk ash o ai inlv̄chit, ohoyo hv̄t ai yvmohma he atuk keyu ka yvmohmi tok.

27. Mihma nakni yak kia ohoyo hak o ai yvmohma he atuk vt issa cha, it i havi anukfilli kv̄t luhwa fehna mv̄t, nakni vt nakni bika ka isht a hofahya yak o it i yvmihinchi

hosh, ilap nan ai ashvchika isht vltoba ai vlhpiesa mak o ilap ash inli hosh ihishi tok.

28. Micha Chihowa hoka ithaiyana ka ik bvnno hatuk oka, Chihowa hvt ant ik yvmohmi ai ahni hō, im anukfila okpulo yoka nan isht ai ahni hosh, nan isht a hofahya he puta ka yvmihinchi tok.

29. Yohmi hosh nan ai vlhpiesa keyu, itin lumaka, nan okpulo anukfilli, nan anushkunna, inla chukvsh hotopali bvnna, nan it i potrnno, hatak bika vbi, itachowa, it i haksichi, nan isht i nukkilli, inla lumvt na mihachi aiena ka isht ai alotovvt kvnia hatuk osh,

30. Inla ya ashakachit na mihachi puta, Chihowa i nukkilli vhleha, na hofahyalit isht anumpuli, ilefehvtchi, ilauata, nan isht ik achukmo puta ihikbi, iki, ishki ita tuklo ik im antio,

31. Nan im anukfila iksho, nan it im vlhpisa kobvffit shahli, im vlla i hullo ik im iksho, it i hopohla himma keyu, it i nukhaklo ik im iksho :

32. Yummak okvt Chihowa i nan vlhpisa yvt, kvna hosh nana yvmma chiyuhmi ka yvmihinchi hokvt isht ai illa he vlhpiesa achi ka ithana kia; yvmma yvmihinchi kak bano keyu, amba kvna hosh yvmihinchik mak o isht im ai achukma hoke.

CHAPTER II.

Kvna hosh nanashvtchi hokvto nana hō isht apohpoacha hi vt ik im iksho, 1 : 6 mikmvt Chu yokmā, keyukmvt Chentail okmā, nana hatuk oh kia Chihowa i nau vlhpisa hā im a hlakofa he keyu.

1. YUMOHMI ka kvna chia hoh kia inla anumpa ish onochikmvt, nan isht ile mihacha hi vt ik chim ikshoshke, hatak chia ma ! kvna chia hosh inla anumpa ish onochi hokmvt, nana yummak ash inli hō ish ai yvmohmi chatuk okvt; nana hō inla ya ish onochi kv, chishno yash inli hosh anumpa ish il onochi hoke.

2. Yohmi kia ilvppa chiyuhmi yvmihchi puta hokvno

Chihowa yokvt ai ahli mak o nan vlpisa ya onochi ioka il ithaiynvshke.

3. Yohmi ka hatak chia ma! nana yumma yvmhinchhi puta ka anumpa ish onochi mvt, yummak ash inli ho ish yvmhinchhi kv, Chihowa i nan vlpisa ya ish ai i hlakofa hinla, chim ahoba cho?

4. Micha Chihowa isht chj kana ya isht ish ile kostinicha he atuk vt chik ithaiyano hosh, isht chj kana fehnvt, chim ile salalit, na palvmmi chi onocha hi osh ile halanli aiena ka ish shitelama cho?

5. Amba chi chukvsh kvlllo nan ai ashvchika isht nukhaklo keyu yak o ish iakaiya hosh, Chihowa yokvt nan ai vlpiesa apesa ka otaiyana he, micha ai ilbvsha nitak vt otaiyanikma, a chilbvsha hi vt ish il im itvnahanlishke.

6. Yummak okvto hatak puta kv ilap nana kaniohmi tok ak o isht ai im atobba hi oke.

7. Yohmi kv kvna hosh nuktaiyalvt achunanchit nan achukma yvmohmi kv, isht a holitopa, micha isht annoa achukma, micha isht ai illa he keyu hohoyo hokvno isht ai okchaya bilia he im apesa hi oke.

8. Amba kvna hosh Chihowa ya i sanali, micha anumpa ai ahli ik holitoblo hosh, amba nan ai vlpiesa keyu a yvmohmi yokvno, isht i nukkilli chinto kv onvtuyula hi oke,

9. Micha hatak nan ik achukmo yvmhinchhi puta hokvno isht ai ilbvsha, micha isht anukhvmmi aiena hosh onvtuyula kv; Chu ak o tikba onvtuyula cha, Chentail ak kia onvtuyula hi oke:

10. Amba isht a holitopa, micha isht annoa achukma, micha isht it i nanaiya aiena hosh hatak nana achukma yvmhinchhi puta hokvno onvtuyula he; yohmi kv Chu ak o tikba onvtuyula cha, Chentail ak kia onvtuyula hi oke;

11. Yohmi ka Chihowa hokvto hatak puta ka it i shahshohlichhi kv ik im iksho hoke.

12. Yohmi ka laua kaniohmi hosh vba nan vlpisa yvt ik im iksho hosh nan ashahanchi hokvto, vba nan vlpisa iksho ho ai okpulo kv kvnia mak inla he; mikma laua kaniohmi hosh vba nan vlpisa yvt in tonla hosh nan ashahan-

chi hatuk mvt, vba nan vlhpisa yak o nan isht ai im vlhpisa hi oke :

13. Yohmi ka vba nan vlhpisa ya haklo vhleha hak osh Chihowa itikba ya isht ai vlhpiesa ho keyu, amba vba nan vlhpisa ya yvmihinchi vhleha hak osh ai vlhpiesa hoke.

14. Yohmi ka Chentail vba nan vlhpisa ik im iksbo vhleha hut ilap nan anukfilli hosh nana a kaniohma he vba nan vlhpisa ya foka tuk a yvmihchi hokmvt, yummvt vba nan vlhpisa yvt ik im iksbo ak inli kia, ilap ash inli hosh isht im il i nan vlhpisa yoke.

15. Yummak osh vba nan vlhpisa yvt nan i miha ka otv-ninchi kvv i chukvsh oka ai o holihiso ho, ilap nan isht il akostininchi yak kia nan atokowa ka ibai anohonli, mikma im anukfila puta kvv i himmak ano ilap ash inli hosh anumpa isht il onochi, isht il achukmali, kanimampo ka it im anohonli hoke.

16. Yohmi kvv Chihowa hokvt vm vbanumpa ak atuk pulla kak o Chisvs Klaist oka ishit hatak im anukfila luma puta tuk a nan im apesa he nitak yummak fehna ka yvmohma hi oke.

17. Yakeh ! Chu chi hohchifo kvv, vba nan vlhpisa ya ish anukchieto hosh Chihowa ya isht ish ilauata ;

18. Micha vba nan vlhpisa ya isht a chim vlbvchi hatuk osh, nan ai ahni ka ish ithana, micha nan achukma i shahli ka ish holitobli hoke ;

19. Micha nishkin tamoa ya in tikba hika, ai okhlilika anukaka aiasha ka im pula sia hoke, ai ahnit ish ile yimmi hokvt ;

20. Micha im anukfila iksbo kostininchi, vlla chipinta nan im avvchi, nan ithana, micha nan ai ghli vba nan vlhpisa foka ka ai isht ithvna ish ishi hoke.

21. Yvmohmi ka chishno yvt inla nan ithvnanchi chia hokvt, chishno inli kvno chik il ithvnancho cho ? Hatak vt hukopa he keyu ho otvninchit ish anumpohonli hokak osh, chishno yvt ish hukopa cho ?

22. Hatak vt itin lumaka he keyu, ish ahaya hokak osh, ish itin lumaka cho ? Na holvt toba ya i yuwalvt ish shi-

tilema hokak osh, Chihowa ya nana ish ima hi atuk vt ish ishi cho?

23. Uba nan vlhpisa isht ish ilauata ho kak osh, vba nan vlhpisa yash kobuffit Chihowa ya isht chik holitoblo cho

24. Yohmi ka, Yohma hi o holihiso hatok oka, Chihowa hohchifo hv̄t Chentail v̄hleha h̄a ai ī kullakshi kv̄t hv̄chishno yak atuk pulla kak oke.

25. Yohmi ka vba nan vlhpisa yak o ish holitoblik mvno, hakshup tupa yvt isht ai achukma ai ahli; amba vba nan vlhpisa ya, ish kobuffi yokmvno chi hakshup tupa yvt hakshup ik tapo hoke.

26. Yvmohmi ka hakshup ik tapo yvt vba nan vlhpisa yvt isht ai vlhpiesa kak o holitobli hokmv̄t, hakshup ik tapo yash ot hakshup tupa yo chohma hinla keyu?

27. Micha hakshup ik in tapo yoh mak osh vba nan vlhpisa ya holitobli hokmv̄t, chishno yokvt holisso hv̄t chir tonla, micha chi hakshup tupa kia vba nan vlhpisa ya ish kobahafi ka, nan chim apesa hinla keyu?

28. Yohmi ka paknali yokvto Chu keyu, micha nipi ai otvni kv̄to hakshup tupa keyu hoke.

29. Amba im anukfila anukaka yokvto Chu oke; mikma hakshup tupa yvto chukvsh anukaka yak oke; yvmmak oka hatak okvt ahninchī keyu, amba Chihowa yak oke.

CHAPTA III.

Chu okla nan isht im achukma kv̄t ī shahli, 1. 9 Uba nan vlhpisa yvt nanashv̄chi Chu ā isht im atokowa; 20 hatak nana hosh vba nan vlhpisa ya isht ai vlhpiesa he keyu: moma kv̄t na yimmi h̄o isht ai vlhpiesa; yohmi kia vba nan vlhpisa yvt akshot kv̄nia keyu.

1. YOHMI ka Chu hv̄t nanta isht ī shahli h̄o ishi h̄o? micha hakshup tupa ya nanta hak o isht im ai achukma h̄o?

2. Ai okluha bicka; v̄mmona ka Chihowa im anunpa hv̄t ibbak a foyuka hatok oka.

3. Yohmi ka kaniohmi kv̄t ik yimmo hatuk okma, nanta

katiohmi cho? yummvt ik yimmo kak osh Chihowa yvt nan isht ai ahli yoka ik ai ahlecho ho?

4. Ik yvmohmo pullashke; ahli, Chihowa hokvto ai ahlikma, amba hatak moma kvto holabi ashke; yohma hi o holihiso hatok oka, Ish ai anumpohonli puta kvt ish ai ahla hi atok, micha nana chim vlhpisakmvt, ish imaiyacha hi atok.

5. Yohmi ka nan ai vlhpiesa keyu e yvmohmi kak osh Chihowa hvvt nan ai vlhpiesa yvmohmi ka otvninchi hokmvno, nanta hak o il acha hinla ho? Chihowa hvvt na palvmmi ka onochi kvt ik ai vlhpieso ho? Hatak vt anumpuli chatuk mak o anumpuli lishke.

6. Ik yvmohmo pullashke; yohmi hokmvno, Chihowa hvvt okla moyuma ka katiohmit nan im apesa hinla ho?

7. Yohmi ka Chihowa nan isht ai ahli yokvt vno ak osh holabi li kak o isht i shahlit otvni na ilap vt isht a holitopa hokak o, nanta katiohmi ho nan ashvchi yo chiyuhmit nan vm vlhpisa hinla ak inli ho?

8. Amba nan ik ahlo isht a pi annohowa kvvt, nan ik achukmo kak o e yvmohmi na nana kvvt isht ai achukmashke, il achi ho kaniohmi hokak heto kullochit anohonli hatuk a, nanta katiohmi ho ke yvmohmo cho? yummak ash nan vlhpisa hvvt onvtuyula he vt ai vlhpiesa hoke.

9. Yakohmi ka katiohmi ho? isht a pim achukma kvvt yvma il i shahli ho? Keyu kamohmi hoke; yohmi ka Chu, micha Chentail vhleha moyuma hokvt ai ashvchika nanta ai asha ka tikba kash il otvninchi tuk oke:

10. Yohma hi o holihiso hatok oka, ai vlhpiesa yvt iksho, achvfa kia iksho hoke:

11. Achvfona kia nana ka akostininchi kvvt iksho; achvfa kia Chihowa ya hohoyo kvvt iksho hoke.

12. Moyuma kvvt naksika yo itvnohowa, moyuma kvvt itapivvt isht ai achukma hi vt iksho; achvfa kia nana achukma yvmihchi kvvt iksho; achvfa kia iksho hoke.

13. Ishit nelli yvt hatak a hollopi tiwa yoke; isunlvsh a isht haksihinchi; asps nan isht vbi yvt itivlbi anukaka ya foka hoke:

14. Inla ya nan okpulo im ai ahnit anumpuli, micha anunpa na hotopali aiena kv̄t itih h̄a alotowa hoke.

15. Iyi yvt issish a hlatahampla ch̄i kv̄t pulhki hoke.

16. Isht ai okpulo, micha isht ai ilbvsha aiena kv̄t i hina ya foyuka hoke :

17. Isht it i nanaiya hina ya ik ithano chatuk oke.

18. Chihowa isht i nukshopa yvt nishkin itikba ya ik im iksho hoke.

19. Yohmi ka nana h̄o vba nan vlhpisa yvt achi kv̄t, kuna hosh vba nan vlhpisa i nuta ai asha kak o im achi ka il ithana; yohmi na itih puta kv̄t vlhkuma hi atok; micha okla moyuma kv̄t Chihowa itikba ya nan vlhpisa yvt ai onvula hi atok.

20. Yvmohmi hoka nan isht ai vta vba nan vlhpisa yvt ai ahni kak o hatak nana kia itikba ya ai vlhpiesa he keyu hoke; yohmi ka vba nan vlhpisa yak o ai ashvchika ya isht ithvna yoka.

21. Amba himonasi kano nan ai vlhpiesa kv̄t vba nan vlhpisa holitobli kak o keyu, Chihowa hv̄t atahli tok a otaiyani kv̄t, vba nan vlhpisa, micha hopaii vhleha hv̄t nan atokowa anohonli tok ak atok :

22. Yvmmvt Chihowa i nan ai vlhpiesa Chisus Klaist i yimmi kak o a minti mak osh moyuma ka im annohowa, micha yimmi moyuma, kv̄t anukfoyuka; it im inla kv̄t iksho hoka :

23. Yohmi ka moyuma kv̄t nan ashvchi hatuk, micha Chihowa hv̄t ai ahninja hi a ik ono hatuk oka :

24. Chisus Klaist vt isht vlhtoba ya atobbi tok pulla mak o, Chihowa isht i kana ya pilla isht ai im vlhpiesa hatuk oke :

25. Yvmmak oka im issish a anukchieto hokmak o, Chihowa hv̄t haiakvchi tok; yohmi hosh Chihowa hv̄t na palvmmi onocha hi osh ile halanlit, tikba nan ai ashahanchi tok a i kashofi kv̄t, nan isht ai vlhpiesa otvningha hi osh yvmohmi tok :

26. Yohmi hosh himonasi ya nan isht ai vlhpiesa ya otvningha ch̄i hosh yvmohmi kv̄t, Chisus ak o i yimmi hokono

nan ai ashvchika yā ai vlhpiesachi kv̄t, ilap vt ai vlhpiesa hi atok.

27. Yohmi ka nan isht ilauata yvt katimak o? Iksho kamohmishke. Nan vlhpisa nanta hak o isht ai akshu hō? nan isht v̄tta nan vlhpisa hak o? Keyu, amba na yimmi nan vlhpisa kak oke.

28. Yvmohmi hoka batak vt v̄ba nan vlhpisa yā holitobli tok ak o keyu, amba na yimmi pulla kak osh isht ai vlhpiesa il ai ahnishke.

29. Chihowa hv̄t Chu ak illa in Chihowa hō? yummvt̄ Chentail ak kia in Chihowa ak inli keyu hō? Ahli, Chentail ak kia in Chihowa hoke;

30. Yohmi ka hakshup t̄vpa yvt i yimmi hatuk pulla mak o, micha hakshup ik tapo yvt yimmi hatuk pulla mak o ai vlhpiesacha hi vt Chihowa achvfa illa hoka.

31. Yohmi ka na yimmi yatuk pulla kak o v̄ba nan vlhpisa yā il akshochi hō? Ik yvmohmo pullashke: amba v̄ba nan vlhpisa yak o il ai ahlichī hoke.

CHAPTER IV

Eblaham vt na yimmi hosh ai vlhpiesa isht hohchifo, 1: 18 na yimmi moma hokvno Eblaham vt iki; 26 na hv̄pim a yimmi ka yak kia ai vlhpiesa isht pi hohchifa chī.

1. YOHMI ka piki Eblaham vt haknip imma hokvno nanta hak o ahayuchi tok o, il acha hinla hō?

2. Yohmi ka Eblaham vt v̄ba nan vlhpisa yā isht ahanta kak osh isht ai vlhpiesa hokmvt, nan isht ilauata ishi; yohmi kia Chihowa itikba hokvno yvmohmi keyu ki tok.

3. Yohmi ka Holisso Holitopa yvt nanta hak o achi hō? Eblaham vt Chihowa yā i yimmi kak osh nan isht ai vlhpiesa yvt immi toba tok.

4. Yohmi ka na toksahanli ka isht im vlhtoba kv̄t isht i kana yo keyu, amba aheka yoke.

5. Amba toksahanli yak keyu, amba nan ashvchi yā ai

vlhpiesachi yak o i yimmi hokvto, ilap na yimmi ak osh nan isht ai vlhpiesa yvt immi toba hoke.

6. Yumma chiyuhmi ka hatak vt toksahanli keyu kia, nan isht ai vlhpiesa ya Chihowa hvt ima na nan isht ilaiyukpa ka Lewi ak kia isht anumpuli kv, t,

7. Kvna hosh nan ik ai vlhpieso yvt i kashofa, micha ai ashvchika yvt im ompoholmo hokvto, na yukpvshke.

8. Chitokaka yvt ai ashvchika ik im iksho yo chohmichi hokvno hatak yummvt na yukpvshke, achi tok.

9. Yohmi ka nan isht ilaiyukpa ilvppvt hakshup tupa ak illa ho immi ho? keyukmvt hakshup ik tapo yak kia aiena ho? Yohmi ka na yimmi yak osh Eblaham a nan isht ai vlhpiesa immi toba tok, il achi hoke.

10. Yohmi ka katiohmit immi toba tok o? hakshup tupa hayak atok o? keyukmvt hakshup ik tapo kisha kak atok o? Hakshup tupa hayak atok keyu, amba hakshup ik tapo kisha kak atok.

11. Yohmi ka hakshup tupa yak osh nan isht atokowa, micha nan isht ai vlhpiesa isht ai ahli mak o hakshup ik tapo kash inli hosh ishi tok; yohmi kv hakshup ik tapo kia, yimmi hokvno moyuma ka iki ya hi atok; yohmi ho yummak kia nan isht ai vlhpiesa yvt immi ak inla hi atok:

12. Yohmi kv hakshup tupa iki, micha hakshup tupa kak illa keyu, amba piki Eblaham vt hakshup ik tapo kisha ak inli kash osh yimmi a nohova tok ak o iakaiya yummak okvno iki ya hi atok.

13. Yohmi ka Eblaham, micha isht atiaka yvt yakni moyuma kv immi ha hi o im issa kv, vba nan vlhpisa ya holitobli tok ak atok keyu, amba na yimmi nan isht ai vlhpiesa kak atok.

14. Yohmi ka vba nan vlhpisa yumma anukchieto yak osh immi ha he yokma, na yimmi vt akshu toba, micha nan im issa tok a ai ahla he keyu hoke.

15. Yohmi ka vba nan vlhpisa yvto nan isht a palummi yoka; yohmi ka nan vlhpisa iksho hokvno, nan vlhpisa kobeffi iksho hoka.

16. Yvmohmi hoka isht i kana yak a hi atuk pulla kak o, na yimmi isht ai vlhpiesa kak oke: yohmi ho yvmmak ash isht atiaka moyuma ka nan im issa tok ash im ai ghla hi-atok: isht atiaka vba nan vlhpisa in tonla kash illa keyu, amba isht atiaka Eblaham e moyuma ka piki vt yimmi tok ak o chiyuhmi aiena kak o im ai ghla hi atok.

17. Yohmi ka, Oklushi lawa ka iki yo chikbi li tok; achi kvh holihiso hatok ak o yohmi hoke; Chihowa i yimmi tok yvmmak osh illi ya tanihinchi, micha nana kvh ik yvmohmo kisha kia, yohmi tuk ash inli ho chohmichit isht anumponli yvmmak o itikba ai yvmohmi hoke.

18. Yvmmvt yohma he ik ahobo fehna kia, yohmi pulla chi ahnit, oklushi lawa ka iki toba hi atuk vt yimmi tok; yohma hi o anuhumpa hatuk oka, Isht chi ai unchululi hvh yvmohma hi oke.

19. Yohmi kvh yimmi kvh ik kullo keyu hokvt, sipokni kvh afvmmi tahlepa achvfa foka kia, ilap haknip vt himonasi kvno illi, micha Sela im oshvto yvt illi, ai ahni tok keyu.

20. Chihowa hvh nan im issa tok ash ik yimmot anuk-tuklo keyu; amba yimmi kvh kullo hatuk osh Chihowa ha holitohombli tok:

21. Michi nan im ihisa hatuk vt ai ghlichia he bano aiena ka nukfoyuka fehna tok.

22. Michi yvmohmi kak o nan isht ai vlhpiesa yvt immi toba tok.

23. Yohmi ka yvmmvt immi toba tok a, holihiso kak osh ilap ak atuk illa hak atok keyu:

24. Amba pishno ak kia pi holihiso ak inli tok; pin Chitokaka Chisvs okvt illi tuk a falaminchit tanichi tok a il i yimmi hokmvt, pishno ak kia pimmi toba hi atok oka,

25. Yvmmak ash ot pim ai ashvchika yak atuk pulla mak o illa chi hosh im vlhpisa tuk osh, isht pi ai vlhpiesa he mak o anonti falamvt tani tok.

CHAPTER V.

Na yimmi ho isht a pi vlhpiesa hokmak osh nan isht i kana Chihowa il ibai ishi, 1; 8 in tenvp pia hatuk kia Chisvs im issish pulla ho il itin nanaiya tok; 10 il itin nanaiya hokvt hvpi okchaya chi pulla; 12 nanashvchi, micha nan illi itatuklo kvv Alvm ak o nunti tok; yohmi hoka nan ai vlhpiesa micha nan okchaya itatuklo kvv Chisvs Klaist akv a minti hoke.

1. YUMOHMI ka na yimmi pulla yak o isht a pi ai vlhpiesa hatuk osh, pin Chitokaka Chisvs Klaist ak atuk pulla mak o Chihowa ya il it i nanaiya hoke.

2. Yvmmak atuk pulla mak o isht i kana il a hielu ilvppa na yimmi pulla kak osh e chukowa cha, Chihowa isht a holitopa ya il isha he ahnit, pi yuhvkpvshke.

3. Michu yvmmak illa keyu, amba na palvmmi puta ak atuk mak o pi yuhvkpa ak inlishke; na palvmmi yak osh nuktaiyalvt achunanchi ikbi hoka, il ithana hoke:

4. Mikvvt nuktaiyalvt achunanchi yak osh Chihowa immi ai a atokowa isht ai il ithana ikbi hoke; michu Chihowa immi ai atokowa isht ai il ithana yak osh ai okchaya pisa he ahni ikbi hoke:

5. Michu ai okchaya pisa he ahni yvt hofahyali keyu; Shilombish Holitopa yvt pi anukvoka hatuk osh Chihowa isht i hullo ya lauachit pi chvkvsh anvkaka ya pit fohobli hoka.

6. Yohmi ka hlampko ik pim iksho moma kak o ont ai vlhpiesa ma, Chisvs vt Chihowa ik holitoblo ya vlhtobvt illi tok.

7. Yohmi ka hatak vlhpesa yak ok mak o kanima kvv vlhtobvt illa he keyu chiyuhmi; amba hatak achukma yokvno kaniohmi kvv vlhtobvt illi kvv ik nukviyo ka hinla chishke.

8. Ambu Chihowa hokvto isht pi hullo otvnnichi kvv, nan ashvchi pia moma kash o, Chisvs Klaist vt pi vlhtobvt illi kak a tok.

9. Yohmi ka himonasi hokvno im issish ak o isht a pi

vlhpiesa hokvt, yummak atuk pulla kak o isht i shahli fehnvt na palvmmi mihinti ka il i hlakofa hinla hoke.

10. Yohmi ka in tenvp pia moma kash ot, Ushi yvt illi tok pulla kak o Chihowa ya isht a il it i nanaiya hatuk okmvt, il it i nanaiya ha yokvt, ilap okchaya pulla kak o isht i shahli fehnvt isht a pi okchaya hinla hoke.

11. Micha yummak illa keyu, amba pin Chitokaka Chisvs Klaist ak atuk pulla kak o Chihowa ya isht a pi yuhukpa fehna cha, yummak atuk pulla kak o himonasi kvno isht il it i kana hoke.

12. Yvmohmi ka hatak achvfa nan ashvchi achvfa pulla hq ai ashvchika yokvt yakni paknaka yoka chukowa tok; micha ai ashvchika yak atuk pulla mak o nan illi yvt yakni paknaka yoka onvtuyula tok; yohmi hatuk o nan illi yvt hatak moyuma ka onvtuyula tok, moyuma kvt ashahanchi hatuk oka.

13. Yohmi ka vba nan vlhpisa yvt ik holisso kisha hq ai ashvchika yvt yakni paknaka ya a takali tok: amba nan vlhpisa yvt iksho hokvno ai ashvchika yvt onvtuyula he keyu hoke.

14. Yohmi kia Alvm ai ahantvt Moses ai ahanta ant ai vpli Alvm nan ashahanchi tok a chohmi keyu moyuma kak kia nan illi yokvt i shaiyahli tok; yummak ash ot vla hi atok yvmma isht vlhpisa hoke.

15. Amba nan ai ashvchika yash o na hulbina yvto ik chiyuhmo hoke. Yohmi ka achvfa hosh nan ashvchi kak o moyuma kvt illi hokma, Chihowa hvv isht i kana, micha isht i kana yak o isht a Lvlbina yvt isht i shahli fehnvt, Chisvs Klaist, hatak achvfa, yummak atuk pulla kak o moyuma ka in laua hoke.

16. Micha achvfa nan ai ashvchi tok ash o na hulbina yokvto chiyuhmi keyu hoke: yohmi ka ai ashvchika achvfa nan im vlhpisa kvv isht ai i palvmmi yatok, amba pilla na hulbina yak okvto ai ashvchika lqwa isht a kashofvt isht ai vlhpiesa yoke.

17. Hatak achvfa kash im ai ashvchika yak o nan illi yvt hatak achvfa kash pulla kak o isht i sharyahli hatok okma;

isht i kana lawa, micha nan isht ai vihpiesa hvlbina lawa ka ihishi hokak heto isht i shahli fehnt, hatak achvfa, Chisus Klaist ak atuk pulla mak o ai okchaya ya a mikot aiasha hi oke.

18. Yvmohmi ka achvfa nan ashvchi kash pulla kak o isht ai i palvmmi yvt hatak moma kvv isht im vlhpisa tok ash inli chiyuhmit, achvfa i nan isht ai vlhpiesa yuk pulla kak o pilla na hvlbina ai ashvchika i kashofvt isht ai vlhpiesvt okchaya hi vt hatak moyuma ka im gya hatok.

19. Hatak achvfa kash osh ik im antio pulla kak o moma kvv nan ai ashvchi vhleha toba tok ash inli chiyuhmit, achvfa kash osh im antia pulla kak o lawa kvv ai vlhpiesa toba hi oke.

20. Anonti ai ashvchika yvt lawa chi mak o, vba nan vlhpisa yvt gya tok: yohmi kia ai ashvchika yvt lawa ma, isht i kana yvt isht i shahli fehnt lawa tok.

21. Yohmi ka ai ashvchika yvt imaiyvt illihinchi tok ash inli chiyuhmit, isht i kana isht ai vlhpiesa pulla kak osh isht i shahlit pin Chitokaka Chisus Klaist atuk pulla mak o, isht okchalinchi bilia hi atok.

CHAPTA VI.

Nanashvchi il ai ahanta he keyu, 1; 3 na baptismo pulla hosh yvmak ash il im illi hatuk okvt: 12 nan ahopoyuksa a yvmohma he osh pishno ak inli il im issa hatuk oka; himaka pilla ma nanashvchi yvt ik hvv i shahlo kashke: 22 nanashvchi atoksali isht im vltoba kvv nan illi.

1. YOHMI ka nanta hak o il acha hinla ho? Isht i kana yvt laua chi mak o, isht ai ashvchika ya e mahaya hinla ho?

2. Ik yvmohmo pullashke. Ai ashvchika ya il im illi ha yvt, katiohmi kak osh yvmak ash inli ho il ai ahanta moma hinla ho?

3. Yohmi ka Chisus Klaist ak o im a baptismo kvv, illi tok g isht a pi baptismo ak inli hatuk g, hvch ik ithano ho?

4. Yvmohmi ka pi baptismo pulia kak osh illit il iba hol.

lopi hoke: yohmit Klaist illi tok vt Chihowa isht a holi-topa yak pulla kak o falamvt isht a tani tok ash inli chiyuhmit, pishnc yak kia himonvt toba yosh il itnowa hi atok.

5. Yohmi ka ilap illi tok ak o isht a hoyulba hosh il iba hollokchi hatokmvt, illi tuk vt falamvt tani tok ak kia isht il a hoyulba ak inla hi atok.

6. Yohmi ka ai ashvchika haknip vt okpulot kvnia na himak a pilla hokvno ai ashvchika yvno il i yuka he keyu mak o, pim anukfila tikba yvt ititaiyukhvna yak o yumma ibai illi hatok, ilvppa il ithana hoka.

7. Yohmi ka kvna hosh ibai illi hokvto, ai ashvchika ya ai i mokofa hoke.

8. Anonti Klaist a il ibai illi hatok mvt, il ibai okchaya ak inla hi okvt, pi yimmishke.

9. Yohmi ka Klaist vt illi tuk vt, falamvt tani hatok okvt, himmakma illa he keyu: nan illi yvt himmakma imaiyacha he keyu ka il ithaiyanvshke.

10. Yohmi ka illi hokvto, himonna illa ho ai ashvchika pulla kak o illi hatok: amba okchaya hokvto, Chihowa hak o im ahantvshke.

11. Yummak inli ho chiyuhmit hvchishno yak kia ai ashvchika ya il im illi bo mvhli, hvsh il ahni, amba pin Chitokaka Chisvs Klaist ak atok pulla mak o okchayvt Chihowa ya il im ahanta, hvsh il ahni ak inlashke.

12. Ai ashvchika yvt hvchi haknip illa hi a ik imaiyacho ki, im anukfila okpulo yumma hvch ik im antio kashke.

13. Hvchi haknip moyuma ka vlhpesa ahnit, nan ik ai vlhpieso isht a yvmohmi yo chiyuhmit isht hvsh ashvchi na; amba illi tok osh falamvt okchaya ho chiyuhmit, Chihowa ya hvsh il im issashke; micha hvchi haknip moyuma kv Chihowa yak o nan isht ai vlhpiesa isht i yvmohmi mak o hvsh chiyumashke,

14. Yohmi ka ai ashvchika yvt hvch i shahla he keyu; yohmi ka nan vlhpisa yak o nutaka hvsh anta keyu, amba isht i kana yak oke.

15. Yohmi ka katiohmi cho? nan vlhpisa ya nutaka il

anta keyu; amba isht i kana nutaka yo il anta kak osh il ashvcha chi ho? ik yvmohmo pullashke.

16. Yohmi ka kvna ho in tishu tovt hvsh im antia hokmvt, kvna ho hvsh im antia kv, in tishu hvchia hokvt hvch ik ithano ho? Ai ashvchika isht ai illi, keyukmvt im antiot isht ai vlhpiesa yak okma, kanimampo yoke.

17. Amba ai ashvchika ya i yuka hvchia hatok ak inli kia, nan isht vlvchi kaniohmi ho hvchim vlvchi hatok vt hvchi chukvsh ak o isht hvsh holitobli hatok ak o, Chihowa ya yak oke, pit im ai ahni lishke.

18. Yvmohmi ka ai ashvchika ya hvsh ai i mokofa mak osh, nan isht ai vlhpiesa ya in tishu hvsh toba hatok.

19. Hvchim anukfila hv ik hlampko pulla kak o, hatak anumpuli chatuk mak o chiyuhmit anumpuli lishke; yohmi kv hvchi haknip moyuma ka vlhpesa ahnit, nan ik vlhpeso ya hvsh yvmohma chi kak osh, na liteha, micha nan ik vlhpeso aiena ka i yuka hvsh toba tok ash inli chiyuhmit, himonasi hokvno hvchi laknip moyuma ka vlhpesa ahnit, ai ashvchika yvt ik hvchim iksho ka chi kak osh nan isht ai vlhpiesa ya in tishu hvsh tobashke.

20. Yohmi kv ai ashvchika ya i yuka hosh hvsh ai asha mvto, nan isht ai vlhpiesa yvt ik hvchim iksho ki tok;

21. Yohmi ka nana yakohmi puta kvno nan isht il ai yukpa nanta ho hvsh ai ishi tok okak osh himonasi hokvno yummak a tok a hvsh i hofahya ho? yohmi ka nana yakohmi puta ka ont im ai isht aiyopi hokvto nan illi hak oke.

22. Amba himonasi hokvno ai ashvchika ya ai i mokofa hatok osh, Chihowa yak o in tishu hvsh toba hosh, ai ashvchika i kashofvt isht il ai yukpa hvsh ishi hoke: yummvt ont im ai ishtaiyopi kv ai okchayvt bilia yak oke.

23. Yohmi ka ai ashvchika ya isht vltoba hokvto nan illi hak oke; amba pin Chitokaka Chisvs Klaist ak atok pulla mak o Chihowa i na hvlbina hokvto ai okchayvt bilia yak oke.

CHAPTER VII

Okchayvt anta kak illa ho vba nan vlhpisa yvt onvtuyula, 1, 4 yohmi ka vba nan vlhpisa ya il im illi tok; 7 yohmi kia vba nan vlhpisa yvt nanashvchi keyu; 12 amba holitopa vlhpiesa. micha achukma; nan vlhpisa ya holitobli kv̄t ik onancho kak osh. Pal vt nukhaklo tok.

1. ITIBAPISHI li vbleha ma! nan vlhpisa ya ithana vbleha hak o im anumpuli lishke; yohmi ka hatak vt okchaya takla ka nan vlhpisa yvt i shaiyahli hoka hvch ik ithano cho?

2. Yohmi ka ohoyo hv̄t i hatak ashakmvt, nan vlhpisa ya nutaka ahanta hatuk osh, i hatak vt okchaya takla ka i filvma he keyu; amba i hatak ak osh illi hok mvno, i hatak a i filvma he keyu nan vlhpisa yash o ai i mokofa hoke.

3. Yvmohmi hatuk o i hatak vt okchaya takla ho, hatak inla auwaya hokmvt, havi hohchifa hi oke; amba i hatak vt illi hokmvno, nan vlhpisa yvmmak ash ai i mokofa hoke; yohmi hokvt hatak inla yo ik auwaya mak osh havi toba he keyu hoke.

4. Yvmohmi hoka itibapishi li vbleha ma! hvchishno yak kia Chisvs Klaist haknip atuk pulla mak o nan vlhpisa ya hvsh im illi hoke: yohmi kv̄t inla yo hvsh auwaya kv̄t, illi tok vt falamvt tani tok yvmmak a hi atuk: yohmi hosh Chihowa yoka nan vnit hvsh i waya hi atok.

5. Yohmi ka haknip ak o i nutaka hosh il ai asha mvno, ai ashvchika anukfila puta kv̄t nan vlhpisa atuk pulla mak o yvmohmit, haknip moyuma ka a toksahanli hosh isht illi ya vnit wahaya tok.

6. Amba himonasi kvno nan vlhpisa ya il ai i mokofa kv̄t, i nutakvt il ai asha hatok vt il im illi hatuk okvt; Chihowa ya holisso tikba ya tok ak o isht il a holitobla he atuk keyu, amba shilombish himona yo isht e holitobla he atuk oke,

7. Yakohmi hoka nanta hak o il acha hinla ho? vba nan

vlhpisa yak osh ai ashvchika yo? ik yvmohmo pullashke. Keyu, ai ashvchika ya ak ithano ke tuk osh, amba vba nan vlhpisa ak atuk pulla mak o ithana li tok; yohmi kv̄t nan vlhpisa yak osh, Chik anushkunno kashke, achi hatuk keyukma, nan anushkunna yo ithana la hi atuk keyu hoke.

8. Amba ai ashvchika yvt vba nan vlhpisa atuk pulla mak o nan-anushkunna ilaiyuka puta ka isht si anukfokihinchitok; vba nan vlhpisa yvt iksho hokvno ai ashvchika yvt illi yatok oka.

9. Yohmi ka vba nan vlhpisa ya ak ithano hokvto, himonna ka sai okchaya tok; amba vba nan vlhpisa nan ai ahni kv̄t vla mvno, ai ashvchika yvt okcha tok: mihma sv̄lli tok.

10. Micha vba nan vlhpisa yvmmvt isht ai okchaya yosh vlhpihisa tok ash osh, isht illi yo ahayuchi li tok

11. Yohmi ka ai ashvchika yvt vba nan vlhpisa yak o isht okcha cha, sa haksichi tok; micha yvmmak o isht sv̄bi tok.

12. Yvmohmi hatuk o vba nan vlhpisa yvt holitopa, mikma nan vlhpisa nan ai ahni kv̄t holitopa, ai vlhpiesa, micha achukma hoke.

13. Yvmohmi ka nana achukma yvmmak okak osh isht a sv̄lla he an toba tok o? ik yvmohmo pullashke. Amba ai ashvchika yak atok yohmi ho ai ashvchika yvt otvna chi kak osh, nana achukma ka isht a sv̄lla he vm ikbi tok; yohmi ho ai ashvchika yvt ik achukmo atampa fehna kv̄t nan vlhpisa nan ai ahni kak o isht ai otvna hi atok.

14. Yohmi ka vba nan vlhpisa yvto shilombish imma hoka il ithanvshike; amba vno yokvto haknip nan ai ahni i nuta sia, ai ashvchika ya i yuka sia hoke.

15. Yohmi kv̄t nana ho yohmi li kv̄t, vlhpesa ak ahno; yohmi kv̄t nana ho ai ahni li hokvto, yvmmvno ak yvmihcho; amba nana ho ak ahninchokmvt, yvmmak o yvmihchilishke.

16. Yvmohmi kv̄t nana ka ak yvmihcho hokbano ai ahni lik mak osh vvmihchi li hokmvt, vba nan vlhpisa yvt achukmushke, vno yvt ai ahni lishke.

17. Yakohmi hoka vno ak osh himmakma yvmina yvni.

hinchí li kak keyu, amba ai ashvchika si anukfoyuka kak oke.

18. Yohmi ka vno yǎ sa foyuka, yummvt sa haknip anq-kaka yǎ nana achukma kv̄t iiksho ka ithaiyana lishke: yohmi kv̄t nana achukma ai ahni hokvto si anukfoyuka; yohmi kia nana achukma yumma yumihinchí la he ak osh ak ahayuchoshke.

19. Yohmi kv̄t nana achukma kvno yumihinchí la he ai ahni li kv̄t, ak yumihchoshke; amba nana ik achukma kvno yumihinchí la he ak ai ahno kia, yummvno yumihinchí lishke.

20. Anonti nana ka ak yumihcho hok bano ai ahni lik mak osh yumihinchí li hokvvt, vno ak osh himmakma yumma yumihinchí li kak keyu; amba ai ashvchika si anukfoyuka kak oke.

21. Yakohmi hoka nana achukma ka yumihinchí la he ai ahni likma, nana ik achukmo hokvvt si anukfoyuka a bilia kv̄t, il akostininchí lishke.

22. Yumohmi hoka Chihowa i nan vlhpisa yǎ vm anukfila himona yak okvno isht i hullo lishke.

23. Yohmi kia sa haknip nan ai ahni hokvvt inla hatuk osh, vm a nukfila nana ai ahni ka in tanahampi, micha ai ashvchika nan ai ahni sa haknip foyuka kak o i yuka sahǎkbi hǎ, pisa lishke.

24. Uno hatak ilbvsha fehna sia hoka, kvta hak osh isht ai illi haknip ilvppa a sa hlakoficha chí cho?

25. Pin Chitokaka Chisvs Klaist atuk pulla kak o Chihowa yǎ yak oke pit im ai ahni lishke. Yakohmi hoka vm anukfila hokvno Chihowa i nan vlhpisa yoka isht holitobli li; amba sa haknip okvno ai ashvchika nan ai ahni kak o isht i yuka sia hoke.

CHAPTER VIII.

Klaist ǎ kvna hosh ib ai achvfa cha, Shilombish nan ahni hǎ ahanta hokvto isht ai ilbvsha he nan vlhpisa yǎ im ai i hlakofi, 1; 5-18 nan isht ahotopa he nana hosh haknip ǎ atoba: 6-14 nan achukma nana hosh Shilombish ǎ a minti, 17 mikma Chihowa im vlla toba

ka nana achukma nana hosh otvni; 29 nan isht ai okchaya hi vt Chihowa pulla hq tikba ma im vlhpisa tok; 38 nan isht i hullo ya nanta hosh isht a pit i filamincha hinla hq !

1. YUMOHMI hoka Klaist Chisvs ibai achvfa, haknip nan ai ahni kak o yvmohmi keyu, amba Shilombish nan ai ahni kak o iakaiya vhleha hokvno himonasi ka isht ai i palvmma he anumpa hvv im vlhpisa keyu hoke.

2. Yvmohmi ka isht ai okchaya Shilombish nan ai ahni Klaist Chisvs a minti kak osh ai ashvchika nan ai ahni isht ai illi yo a sa hlakofichi hatok oke.

3. Yohmi ka vba nan vlhpisa yvt nana ka ik atahlo kvv, haknip ak atuk pulla kak o ik ai ghlo hatuk o, Chihowa hvv ilap Ushi ak inli hq ai ashvchika isht vltoba mak o hatak nan ashvchi haknip a hobachit auct kanchi hosh, haknip ak o ai ashvchika ya ai i palvminchi tok :

4. Yohmi hq pishno yokvno haknip nan ai ahni ka e yvmohmi keyu, amba Shilombish nan ai ahni kak o il iakaiya kak osh, vba nan vlhpisa isht ai vlhpisa kvv pim ai ghla he atok oke.

5. Yohmi ka haknip nan ai ahni kak o iakaiya hokvto, nana puta haknip immi hak o i hullot anukfihinli chatuk : amba Shilombish nan ai ahni kak o iakaiya hokvto, nana puta Shilombish immi hak o i hullot anukfihinli chatuk oke.

6. Yohmi ka haknip nan ai ahni kak o isht ahanta hokvto isht ai illi yoke ; amba Shilombish nan ai ahni kak o isht ahanta hokvto isht ai okchaya, micha isht it i nanaiya yoke :

7. Haknip nan ai ahni kak o isht ahanta hokvto Chihowa i nukkilli yoka ; yohmi kvv Chihowa i nan vlhpisa ya im antia keyu, micha yohma hi o keyu kamohmi mvhlishke.

8. Yakohmi hoka haknip nan ai ahni kak o i nutakvt ahanta hokvto Chihowa ya yukpala himma keyushke.

9. Amba haknip nan ai ahni kak o i nutakvt hvsh ahanta keyu, amba Shilombish nan ai ahni kak o i nutakvt hvsh ahanta hoke ; Chihowa imi Shilombish ak osh hvchi anukfoyuka ho mvhli hokvvt. Yohmi ka hatuk nana hosh Klaist imi Shilombish a ishi keyu bohvt, immi hq keyu hoke .

10. Micha Klaist ak osh hvchi foyuka hokma, hvchi hak-

nip okvto ai ashvchika yak atuk pulla kak o illi hoke : amba hvchi shilombish okvto nan isht ai vlhpiesa pulla kak o okchaya hoke.

11. Amba Chisvs vt illi tuk a falaminchit tanichi tok imi Shilombish ak osh hvchi anukfoyuka hokmvt, Klaist vt illi tuk a falaminchit tanichi hatok ak osh hvchi haknip illi im vlhtayak ilap imi Shilombish hvchi anukfoyuka kak o isht okchalinski ak inla hi oke.

12. Yvmohmi ka itibapishi li vhleha ma! nan aheka vhleha pia kvh haknip nan ai ahni kak o il im aheka yosh haknip nan ai ahni kak o il iakaiya hi o keyu hoke.

13. Yohmi ka haknip nan ai ahni kak o hvsh iakaiya hokmto, hvch illa hi oke ; amba Shilombish ak atuk pulla kak o haknip nan a kaniohmi puta ka hvsh illihinski hokmto, hvchi okchaya hi oke.

14. Yohmi ka laua kaniohmi ho Chihowa imi Shilombish ak osh anukfohkit isht aya hokvno, Chihowa ak o ushi vhleha hoke.

15. Yohmi ka anonti isht a hvchi nukshopa chi hosh yuka im anukfila ho hvsh ishi hatok keyu ; amba vlla im anukfila ho hvsh ishi hatok ak o, pishno vt Abba, Piki, il achishke.

16. Shilombish Holitopa ak inli hosh pimi shilombish a nan isht atokowa it ibai anohonli kvh, Chihowa im vlla vhleha pia ka anolishke,

17. Micha im vlla pia hokmvt, isha he ai vlhpiesa pia : micha Chihowa yak o im ai isha he vlhpiesa pia, micha Klaist ak o it ibai isha he ai vlhpiesa pia hoke : yohmi ka il ibai ilbvsha ho mvhli hok mak osh il iba holitopa hi atok.

18. Yohmi ka yakni paknaka ilvppa nan isht ai ilbvsha puta hokvto nan isht a holitopa pim otaiyana hi a pit it vlhpisa hi a ik ono, ai ahni lishke,

19. Nana toba tok puta hokvto Chihowa ushi vhleha hvh isht otaiyana hi ak o pit hohoyo fehna hosh ai asha hoke.

20. Nana toba tok puta hokvto vlhpesa ik ahno kia, isht ai illa hi vt im vlhpisa tok : yohmi kia isht ai illa he im apesa kvh, isht a hlakofa he ahna hi a nukfohkit yvmihchi tok.

21. Yohmi hoka nana toba tok ash puta kv̄t isht ai illa he ī yuka hatuk vt ai ī hlakofi cha, Chihowa im vlla vhleha kv̄t yuka keyut isht a holitopa yvt immi ak inla hi oke.

22. Yohmi ka nana toba tok puta moyuma kv̄t it ibai hih̄iv̄t, it ibai ilbahasha na himak a hoka, il ithaiyanvshke.

23. Micha yummak illa hō keyu, amba pishno ak kia Shilombish isht ai vni waya vmmona ka il ishi kv̄t, pishno ak kia e hih̄iha kv̄t vlla ai ahli e toba he, yummut pi haknip isht a hlakofi yak o e hohoyo hoke,

24. Yohmi ka nana kv̄t pim vlhtaha tok vt il isha he il ai ahni kak osh isht ai okchayvt il ahanta hoke: amba nana ka il ishi hokv̄to, himmak o il isha he il ahna he keyu hoka: yohmi ka katiohmit hatak vt nana ka ishi kv̄t himmak o ishi la hi oka, ahni hō?

25. Amba nana ka e pisa keyu hosh il isha chi, il ai ahni hok mak osh nuktaiyav̄t achunanchit e hohoyo hoke.

26. Yummak ī chiyuhmit Shilombish ak kia ik a pi hlampko puta ka pi apelahanchi fehna hoke: nana ka il asilhha he tuk ai vlhpiesa kv̄t pishno ak inli kv̄t il ithana keyu hoka; amba Shilombish ash inli hosh isht a hih̄iha isht anumpa he keyu puta kak o pi anukfokihinchi hoke.

27. Yohmi kia chukv̄sh puta silhhit akostininchi yak okv̄to Shilombish vt nana hō pi anukfokihinchi ka ithana hoke: Chihowa nan ai ahni kak o Shilombish ash ot vbanumpuli ahli puta ka nana ka anukfokihinchi hokv̄t.

28. Yohmi ka nan okluha hokv̄t Chihowa ī hullo vhleha, ilap nan ai ahni tok pulla mak o vlhtohoka tok vhleha hokv̄to, isht im ai achukma he mak o it ibai toksahanli ka il ithaiyanvshke.

29. Yumohmi ka tikbanli ithaiyana tok okv̄to ilap Ushi yak o hoyulba he mak o tikbanli atokohonli mak inli tok; yohmi hō yummak ash ot itibapishi laua ka tikba vttahpi ha hi atok.

30. Anonti tikbanli atokohonli hatok okv̄to hoyo mak inli tok: mihmut hoyo hatuk okv̄to ai vlhpiesv̄chi mak inli tok:

mihmvt ai vlpiesvchi hatuk okvto ilap isht aholitopa yq ib ai isha he im ai ahni tok.

31. Yakohmi kvno nana ilvppa puta imma hokvno nant: hak o il acha hinla hq? Chihowa hak osh pi kana hokma, kvta hosh pi sanala hinla hq?

32. Ilap Ushi fehna ka ik ilatombo hosh, amba pishno e moyuma hak atok pulla mak o pim issa tok vt, katiohmi hq yvmma pima hatuk vt nan okluha ka anonti pilla pima ak inla he keyu hq?

33. Kvta hak osh Chihowa im vlhtoka vhleha hq isht ai i palvmmi anumpa kia onocha hinla hq? Chihowa ak osh i kashofi hoke.

34. Kvta hosh nan vlpisa onocha hinla ho? Klaist ak osh illi hatok; ahli, yvmma i shahli, yvmmak osh falamvt tani hatok osh Chihowa ibbak isht impak imma yq binilit, yvmmak osh isht pi anumpohonli hoke.

35. Kvta hak osh Klaist vt pi hullo ka pi filvmmicha hinla hq? Isht ai ilbvsha, isht a palvmmi, hatak bika yvt pi hoto-pali, isht a hohchvfo, haknip bieka, isht ai illa he, keyukmvt bvshpo falaia yak a hinla hq?

36. Yohma hi o holihiso hatok oka, Chishno yak atuk pulla mak o nitak moma ka pihimbi na shohombishke, chukfi vlpoba vba chi kak o e chiyuhmi hoke.

37. Yvmmak illa keyu, nan okluha ilvppa puta ka ilap pi hullo tuk pulla kak o im aiyachi yak kia il i shahli hoke.

38. Yohmi ka isht illa he, isht okchaya he, enchil vhleha, enchil vhleha i shahli, miko puta, himonasi nana ai asha puta, himak a pilla ai asha he puta;

39. Isht a holitopa fehna, ilbvsha fehna, keyukmvt nana toba tok nana kia, pin Chitokaka Chisvs Klaist ak atuk pulla mak o, Chihowa il i hullo ka, pi filvmmicha himma keyu ka, sai yimmishke.

CHAPTER IX

Pal vt Chu i mukhaklo, 1. 7 Eblaham isht ai unchululi moma kvv nan ai yukpa isha hi vlla keyu: 18 Kvna hq ahni hok mak osh

Chihowa yvt i nukhaklo; 28 Chentail vt yimma he; mikma nan ik yimmo kak osh Chu yvto ik holitopo ka he a tuk tikba anoa.

1. **K**LAI**S**T ak o nan ai ahli ka isht ai anumpuli li kvt holabi li keyu, Shilombish Holitopa ak osh anukfokihinchi ho, isht akostininchi li yak kia nan atokowa ka anohonli ak inlishke.

2. Yohmi kvt sa chukvsh anukaka ya isht a nukhaklo bilia, micha isht a weki chinto kvt a foyuka kak osh miha lishke.

3. Yohmi ka itibapishi li vhleha, vm okla achvfa yak atuk pulla mak o Klaist g i filvmmmit sa kvnia hi g, ahni la hinla hokbano.

4. Yvmmak osh Israel isht atiaka vhleha hoke: yvmmak o ushi isht a toba, micha Chihowa yvt holitopa fehvvt im otaiyani, micha nan it im vllhpisa puta, micha vba nan vllhpisa in tonla, micha Chihowa isht aiokpvchi, micha ai okchayvt bilia puta im issa tok aiena kvt immi hoke:

5. Mihmvt iki vhleha tikba chash ot immi, micha yvmmak o Klaist vt hatak haknip imma hokvno a minti tok osh, moma i shaiyahlit Chihowa holitopvt bilivshke. Amen.

6. Chihowa im anumpa hokvt aka itulvt kvnia tok o chiyuhmi keyu hoke. Yohmi ka Israel vhleha hak osh moyumvt Israel okla keyu hoke.

7. Micha Eblaham isht atiaka vhleha hokak osh moyumvt im vlla vhleha keyu ak inli: amba Aisaak ak o isht chi ai unchululi hohchifa hi oke.

8. Yohmi kvt haknip imma im vlla vhleha hokvto, Chihowa im vlla vhleha keyu hoke: amba im issa tok vlla vhleha hak osh isht ai unchululi mak osh toba ho mak a chi hoke.

9. Yohmi ka nan im issa tok isht anumpa hvv ilvppak oke, Vllhpisa tok nitak ont ai vllhpiesakma vla la hi oke, mikma Sela yvt ushi im vtta hi oke.

10. Micha yvmmak illa keyu; amba Lebeke yak kia achvfa piki Aisaak ak o isht ai i chakali hatuk o;

11. Yohmi ka vlla yokvt ik ashwo kisha hokvt, nana

achukma, nana ik achukmo nana kia ik yvmihcho kisha ak inli kia, nana hō yvmihchi tok ak o keyu, amba ilap ak osh hoyo hatuk o vlhtoka kv̄t Chihowa nana ai ahni tok vt ai ahla chi kak o;

12. Yvmmak ash o, Akni ak osh nakfish a i nutaka hi oke, im achi tok.

13. Holihiso kv̄t, Chekob ano i hullo li tok: amba Esau yokvno ak i hullo ki tok, ahanchi hatok oka.

14. Yakohmi ka nanta hak o il acha hinla hō? Chihowa hv̄t nana yvmihchi kv̄t ik ai vlhpeso hō? ik yvmohmo pullashke.

15. Yohmi ka, Kvna hō i nukhaklo la he ahni likmvt, i nukhaklo la hi oke; micha kvna hō i kana la he ahni likmvt, i kana la hi oke, Moses a im achi tok.

16. Yakohmi hoka yvmmak ash o, ilap nan aiahni hokmá, mvlihinli kak okmá, nana kak osh ishi hō keyu; amba Chihowa yak osh i nukhaklo kak o yvmohmi hoke.

17. Yohmi ka, Chishno yak o nan isht vm ai ahli yoka ai otvninchi la he, micha sa hohchifo hokvt yakni moma ka hlopullit ai annohōwa he, ilvppak fehna kak atuk mak o ik ahantá chim ai ahni li tok, Feleo ya Holisso Holitopa yvt im achislke.

18. Yvmohmi hoka kvna hō i nukhakla he ahnikmvt, i nukhaklo hoke: micha kvna ho kvllocha he ahnikmvt, kvllochi hoke.

19. Yakohmi ka chishno yokvt, Nanta katihmi hō ik ahnincho imoma hō? Kvta hak osh ilap nan ai ahni ka i sanali hatuk o? is sv̄m acha chi hoke.

20. Yohmi ak inli kia, amba hatak chia ma! kvta chia hokak osh Chihowa ya i sanalit ish anumpuli cho? Nana toba tok vt ikbi tok ash o, Nanta katihmi hō yakohmichit chishno yvt is sakbi tok o? im acha hinla hō?

21. Lukfampo ikbi yvt lukfi ya kanimihcha hi vt im ai vlhpiesa keyu hō? lukfi yvmv̄ska miash inli ka achvfa kvto isht a holitopa, mikma achvfa kvto isht a kvllakshi ampo yo ikbi chatuk keyu hō?

22. Yohmi ka Chihowa hv̄t ilap isht i nukkilli, micha ilap

nan isht ai ahli ya otvnincha he ai ahni kak osh, isht i nukkilli onvtuyula he nan ai vlhto okpulot kvnia he im vlhtaiyaha puta ka ilbushala hi vt i svlaha fehna hatuk mvt :

23, 24. Micha ilap isht a holitopa lawa fehna ka i nuk haklo onvtuyula he nan ai vlhto puta, yummvt isht a holi-topa pisa hi o tikbanli im ataiyahli hatok vt, pishno yak fehna ka pi hohoyo hatok ; Chu okla hak bano keyu, amba Chentail okla hak kia ai isht otvnincha he ai ahni hatok okma, nanta katihmi cho ?

25. Hosea yak o isht ai anumpohonli mvt, vm okla vhleha hatok keyu ka vm okla vhleha hochifa la he : micha a holi-topa tok keyu kv, a holitopa hi oke, ahanchi ak inli hatok oka.

26. Yohmi ka, Um okla hvchia keyu ai im ahanchi tok ash inli, yummak o Chihowa okchaya im vlla vhleha a hoh-chihifa he mak oke.

27. Esaias ak kia, Israel imma ka chitolit isht anumpo-nonli mvt, Israel im vlla vhleha holhtina kv okhvta on ta-laka shinuk ai asha kak o chiyuhmi ak inli kia, kashapa hosh okchaya he mak oke.

28. Yohmi kv ilap im anumpa ha ai ahlichia chi kv ai vlhpiesa hosh tushpa fehvvt yvmihcha hi oke : yohmi hosh Chitokaka yvt yakni paknaka ya a yvmohma he vlhpisa tok anumpa ha ai ahlichia he mak oka.

29. Mikma Esaias vt tikba kash, Sabaolh in Chitokaka yak osh kashapa ka pim ashahanchi hatok keyukma, Sotom atok ash inli ho e chiyuhmi, micha Komolah yak o chiyuhmit e toba hi atok oke, ahanchi tok.

30. Yakohmi ka nanta hak o il acha hinla ho ? Chentail okla hv nan isht ai vlhpiesa yak o achunanchit hohoyo hatok keyu kv, isht ai vlhpiesa na yimmi yak o ai isht ai vlhpiesa yak fehna ka ihishi hatok oke.

31. Amba Israel okla hokvto nan vlhpisa isht ai vlhpiesa ya achunanchit hohoyo kv, nan vlhpisa isht ai vlhpiesa ya ik ai ono hatok oke.

32. Yohmi ka katiohmi hatok o ? isht ai vlhpiesa yash o isht ai yimmi kak o keyu, amba nan vlhpisa yak o a mihintz

hi ash o in chiyuhmit hohoyo hatok okvt. Isht ai ibetvblí tvli yvmma isht ibetvbli hatuk okvt.

33. Holihiso kv̄t, Yakeh! isht ai ibetvbli, micha isht ai itula tvli yo Saion anukaka ya bohli lishke: yohmi ka kvna hosh i yimmikmvt, hofahya he keyu mak oke, ahanchi tok oke.

CHAPTER X.

Vba nan vlpisa, micha na yimmi yo isht ai vlpiesa kv̄t itim inla ka anoli, 5, 11 Chu yokma, Chentail okma nana hohkia, na yimmi kv̄t momvt hofahya he keyu, 18 Chentail vt vbanumpa h̄ holitoblit yimma he.

1. ITIBAPISHI li vhleha ma! sa chukvsh nan aiahni, micha Israel oka anumpa ilbvsha Chihowa h̄ isht im anum-pohonli li kv̄t, okla okchaya he ak o ai ahni lishke.

2. Yohmi ka Chihowa ya ai yiminta fehna kia, ai ghli ithana keyu ka atokowa im ithaiyana lishke.

3. Yohmi kv̄t Chihowa hv̄t nan isht ai vlpiesa ya ataiyahli tok a ithana keyu hatuk osh, ilap inli i nan isht ai vlpiesa yo ai ghlichí bvna kv̄t, Chihowa hv̄t nan isht ai vlpiesa ataiyahli hatok okvno ik im antio hatuk oke.

4. Yohmi ka na yimmi puta hokvto isht ai vlpiesa he mak o, Klaist ak osh vba nan vlpisa nan ai ahni ka ai ghlichí yoke.

5. Yohmi ka Moses okvt vba nan vlpisa isht ai vlpiesa ka isht anumpuli mvt, Hatak vt yvmma puta ka yvmihin-chik mvt, isht ai okchaya hi oke, achi tok oke.

6. Amba na yimmi isht ai vlpiesa hokvto yakohmichit anumpulishke: Chi chukvsh oka isht anumpulit, Kvta hak osh vba yakni yoka ont chukowa hi o? achi kv̄t, Klaist a ont ilaelit aka isht vla chí h̄? achi ka, chik acho kashke.

7. Keyukmvt, Kvta hak osh ahofobi fehna ka ont chukowa hi o? achi kv̄t, Klaist a falaminchít tanichi cha, isht vla chí h̄? achi ka, chik acho kashke.

8. Amba yvmrak ash ot nantuk achi? Anumpa hokvt chí bilikasi, chitakha anukaka yak fehna, micha chí chukvsh

anukaka foka hoke; achi kv̄t isht ai yimmi anumpa isht il anumpuli kak oke.

9. Chishno yokvt chitih fehna ka Chitokaka Chisvs oka isht otv̄ninchit ish anumpuli, micha illi tuk a falaminchit Chihowa hak osh tanichi tok a chi chukvsh oka isht chi yimmi hokmvt, chi okchaya hi oke, yvm̄vt achi hoke.

10. Yohmi ka hatak vt chukvsh ak o isht ai yimmi kak osh isht ai vlhpiesa hoke; micha itih hak o Klaist a isht otv̄ninchit anumpohonli kak osh isht ai okchaya hoke.

11. Yomohmi ka Holisso Holitopa yvt, Kv̄na fehna hoh kia i yimmikmvt, hofahya he keyu mak oke, ahanchishke.

12. Yohmi ka Chu, micha Klik ita tuklo ka nana kv̄t ai it im inla keyu hoke: yohmi ka Chitokaka moyuma i shaiyahli miash inli hosh ilapa i pahaya moyuma ka i nukhaklo kv̄t a chinto fehna hoke.

13. Yohmi ka kv̄na hoh kia Chitokaka hohchifo ha i pahayakmvt, okchaya hi oke.

14. Yohmi ka katiohmit yv̄mma i yimmi hatuk keyu kv̄t i pahaya hinla ho? micha katiohmit yv̄mma haklo hatuk keyu kv̄t i yimma hinla ho? micha katiohmit vbanumpa isht anumpuli yvt iksho ka, hakla hinla ho?

15. Micha vlhtoka keyu kv̄t katiohmit vbanumpa ha isht anumpula hinla ho? holihiso kv̄t, Isht it i nanaiyvchi vbanumpa isht anumpohonli, micha na hochukma isht anohowa isht ai yukpa puta isht aya ka iyi yvt yakeh! aiokli fehv̄shke, ahanchishke.

16. Yohmi kia moyumvt vbanumpa ha im antia hatuk keyu. Yohmi ka Esaias vt, Chitokaka ma! kv̄ta hak osh pim anumpa ha yimmi hatuk o? achishke.

17. Yakohmi hoka haklo kak osh isht a yimmi hoke: Chihowa im anumpa hv̄t isht anuhumpa pulla kak o a haklo hoke.

18. Yohmi kia haklo tuk keyu ho? Ih! ai ghli fehna; yakni moyuma ka itih ola kv̄t im ohona tok; micha anumpa puyuta kv̄t yakni hatak ai ahanta moyuma ka im ohona tok oke, vno vto achi lishke.

19. Amba Isael vt ithana hatuk keyu ho? vno vto achi

lishke. Ummona ka Moses vt okla hō keyu kia isht a chi nuktahlachi la hi oke, micha oklushi ik hopoyukso yō isht a chi nokowuchi la hi oke, achishke.

20. Anonti Esaias vt nukwaya iksho hosn, Sa hohoyo hatok keyu kv̄t si ahayuchi tok; si a ponahaklo hatok keyu ka im otaiyani li hatok, achishke.

21. Amba v̄m antia he keyu, micha a sanalit anumpuli okla hoka sabbak a pit i wiyeli li shohombishke, Israel okvno im ahanchishke.

CHAPTA XI.

Chihowa hv̄t Chu moma kak o kanchi hatok keyu, 1; 7 kanimi kv̄to chukv̄sh kv̄llochi kia, kanimi kv̄to okchaya he v̄lhtoka tok: 16 v̄banumpa anukfohka hi yokvno im ahna he v̄lhpesa; 26 Chihowa yak osh ahnit imissa tuk atok oka, 33 Chihowa nan im anukfila yokvno kv̄na hosh hoyo kv̄t im ithvna he keyu.

1. YAKOHMI ka Chihowa hv̄t im okla fehna ka kanchit taiyahli hatok o? Ik yvmohmo pullashke; yohmi ka vno yak kia Israelait Eblaham isht atiaka Benchamin iksa sia hoke, achi lishke.

2. Chihowa hv̄t im okla fehna tikbanli ithaiyana tok okvto kanchit taiyahli hatok keyu hoke. Holisso Holitopa yv̄t Elias ai isht anumpohonli ka chik ithano cho? Israel oka anumpa onochit Chihowa ya isht anumpohonli kv̄t,

3. Chitokaka ma! chi hopaii v̄hleha ha ahambi tok, chim alta puta ka iba kullit akahanchi tok; yohmi ka vno ak bano hosh ahanta li ma, v̄m ilhfiohpak a tv̄bli bahav̄shke, ahanchishke.

4. Yohmi kia Chihowa hv̄t afalaminchit nanta hak o im achi hō? Hatak tahlepa sipokni untuklo hokvto Baal hol-
bv̄t toba ya ik i hv̄chukbihlepo atuk okvno vno v̄m̄mi yō ilatohomba li tuk oke, achishke.

5. Yvmmak ash inli chiyuhmit himonasi ak kia isht i kanv̄t isht ai v̄lhtoka tok vt kaniohmi kv̄t ai asha ak inli hoke.

6. Yohmi ka isht i kana yak okma, toksahanli tuk pulla yak o ai yvmohmi keyu hoke; yakohmi hokma isht i kana

yvt isht i kana keyu yoke. Amba toksahanli tuk pulla yak o ai yvmohmi hokma, isht i kana yak o ai yvmohmi keyu hoke: yakohmi hokma toksahanli yvt toksahanli keyu hoke.

7. Yakohmi ka katiohmi ho? Islael okvt nana hohoyo kvv ishi hatok keyu hoke: amba vlhtoka yak osh ishi hatok; mihma kashapa hokvto im anukfila hvv kvllot kvnia tok oke;

8. Yohmi ka holihiso kvv, Chihowa hokvt im anukfila nosilhhvv kvnia, nishkin nan isht pisa he keyu, micha hak-sobish nan isht hakla he keyu puta aiena ho ihima hatok; ahanchi hatok ash o ihima na himak a nitak a ai vlshke.

9. Mihma Lewi vt achi kvv, Ai impa yvt isht ai ibetvbla he, micha isht ai itula he, micha isht ai okpula he, micha isht ai im vlhtoba he aiena isht ai in tobashke.

10. Michu nishkin vt im okhlili cha, isht ik peso hosh hlipkvchit maya na biliashke, achishke.

11. Yakohmi hoka ibetvbli hatok ak osh isht ai itulvt kvnia ho? Ik yvmohmo pullashke: amba isht ai itula hatok pulla kak o isht ai okchaya yvt Chentail a im vla ho isht a nuktahlahancha chj hatok oke, achishke.

12. Yohmi ka yvmvvt isht ai itulvt kvnia kak o yakni moyuma kvv isht ai yukpa laua kvv im vla hokma, micha isht ik a lauwot taiyaha kak o Chentail vhleha ha isht ai yukpa lava kvv im vla hokma; isht ai alotowa hokak heno isht i shahli fehna hi o keyu?

13. Yohmi ka Chentail hvchia ha hvch im anumpohonli il kvv, Chentail im apostel sia hatok okvt, nan isht ai vttali ya holitobli lishke.

14. Yohmi hosh kanihmit isht a nuktahlachit sa haknip ai achvfa kash kanimi kvno okchalanchi la hinla hokmvv,

15. Yohmi ka yvmma kaiyanchi kak o yakni moyuma kvv isht ai it i nanaiya hokma, yvmmak ash i kanvt falaminchit ishi hokak heno nanta ha hi o? amba illi tuk vt falamvvt isht ai okchaya kak a hi o?

16. Yohmi ka vnit waya vmmona kvv holitopa hokma, a moyuma kvv holitopa ak inli hoke: micha hakshish vt holi-topa hokma, naksish puta kak kia yohmi ak inli hoke.

17. Mihma naksish kanihmi kvto atvptovt kvnia hokma,

alif haiaka ai offo chia hash osh ish ibafohka hatuk; micha yummak ash ibafoka hosh alif okchi, micha hakshish aiena ka ish ibai ishi hatuk okmvt;

18. Naksish puta ka ik ahobalot chik im ilauato kashke; amba ish ilauata hok mak osh chishno yak osh hakshish ish il ai ishi keyu, amba hakshish ak osh chishi hoke.

19. Yumohmi ka, Naksish kaniohmi kv̄t kobahlit kv̄nihiya kv̄t, vno yak osh iba fohka la he yak o yohmi hatok, ish acha chi hoke.

20. Ahli; ik yimmo kak osh kobahlit kv̄nihiya hatok; amba chishno vto na yimmi kak osh isht ish a hikia hoke. Chik ilefehnacho kashke, amba ish il akanlosechashke:

21. Yohmi ka Chihowa hv̄t naksish fehna yash kanchi nukwiya tok keyu hokmvt, chishno yak kia chi kancha he yoba ká, ahah! ish ahnashke.

22. Yumohmi ka Chihowa hv̄t isht i kana, micha isht palvminchi ya ho pesá: aka itula tok ash isht palvminchi; amba chishno yokvno isht chi kana, ilap isht i kana yash o ish a mahaya hokmvt; yummak keyu hokmvno chishno yak kia chayvt chi tupa he ak inli hoke.

23. Yummak ash kia ik yimmo kak o keyu hokmvt, iba fohoka he; Chihowa hak osh yummak ash falaminchit iba fohoka hi vt im ai ahli hoka.

24. Yohmi ka chishno yvt alif haiaka ai offo yo a tupa hosh alif achukma yash, ai yumohmi chatuk keyu kia, ish ibafohka hatok okma; naksish fehna yatok ilvppak heto isht i shahli fehv̄t ilap immi yatuk ash inli ka ibafohoka hinla keyu ho?

25. Yohmi ka itibapishi li v̄hleha ma! Israel a kashapa hokvt im anukfila hv̄t kahanlo na Chentail v̄hleha isht ai alotowa yvt vla he yak atok, anumpa ai ahli ik otano chatuk ilvppa hv̄ch ik ithaiyano hosh, hv̄chishno ash inli hosh ile yimmit hv̄sh ai asha hi g ak hv̄chim ai ahnoshke.

26. Yakohmikmvno Israel v̄hleha hv̄t moyumvt okchaya hi oke; holihiso kv̄t, Nahlakofichi yvt Saion ak o a mintit kohcha hosh ai ashv̄chika ya Chekob g ai isht i kahancha hi oke, achi hatok oka.

27. Micha ai ashvchika yash ai isht i kanchi likmvt, ilvppak o nan it im apesa la he tok mak oke.

28. Ubanumpa hash imma hokvno, hvchishno yak atuk pulla kak o yvmmak ash ot tvnvp vhleha hoke; amba vlhtoka yash imma hokvno iki vhleha yash ak atuk pulla kak o i holitopa vhleha hoke.

29. Yohmi ka Chihowa hvv na habenahanchi, micha atokohonli aiena kvv inlvchit im anukfila he keyu hoke.

30. Yohmi ka hvchishno yokvto tikba pilla kash Chihowa ya hvsh i yimmi hatok keyu; yohmi kia yvmmak ash ot isht ik a yimmo pulla kak o isht i nukhaklo yash hvsh ishi hatok ash o;

31. Chiyuhmit ilvppak ash ot himonasi ka ik yimmo ak inli hatok kia, isht hvsh i nukhaklo yak atuk pulla kak o ilvppak ash kia isht i nukhaklo ya ishi mak inla hi atok.

32. Yohmi ka Chihowa hvv yvmmak ash moyuma kvv ik yimmo ka he im ai ahni hosh moyuma ka i nukhakla he ak atok.

33. Yakeh! Chihowa hvv hopoyuksa fehna, micha nan ithana aiena kvv ataha hi vt ik im iiksho; nana apihisa ka akostininchit nana a kaniohmi puta ka silhhit ahayucha he keyu hoke.

34. Yohmi ka kvvta hak osh Chitokaka im anukfila ha ithaiyana tok o? keyukmvt kvvta hak osh nan i miha yatok o?

35. Keyukmvt kvvta hak osh tikba ima hatok osh, anonti falamvt im vlhtoba hi atok o?

36. Yohmi ka nan okluha kvv yvmmak o a mihinti, micha yvmmak o isht a toba, micha yvmmak o immi mak osh tohomba tok; isht a holitopa yvt yvmmak o immit peh biliashke. Amen.

CHAPTA XII.

Ohihowa ahnichit e yukpa la chi ka Chihowa nan isht i nukhaklo yash pi nukfokibincha hi a tuk, 1; 3 ilifehvvchit pishno ak inli ka isht ik pim anukfilo kashke; 6 amba kanima yo il a hikia na nana

ka yvmohma he vllpesa kv̄t a pi onutuyulak ma, mihi yō e yv-
mohmashke; 9 iti hullo, micha nana ka il a yvmihcha he vllpesa inla
aiena ka pim apesa; 19 afalvminchit nana ka ik vllhpesalo ka hi
okvno pim ahni keyu hoke.

1. YŪMOHMI ka itibap̄shi li vhleha ma! Chihowa
hvt isht ī nukh̄aklo puta hak atuk pulla mak ō hvchi haknip
puta hokvno vba isht aiokp̄vchi okchaya, holitopa, Chihowa
yvt aiokpancha he vllpesa hō, yvma isht hvsh ai ahan-
ta he vllpiesa hokvt, hvsh im issa he, hvchim ai ahni lishke.

2. Micha yakni ilvppak inli ka hvch ik hoyulbo kashke;
amba hvchim anukfila hvt himonvt toba pulla hatuk mak
osh inlt hvsh tobashke; yohmi hosh nan achukma, nan ai
vllpiesa, nan ai ḡhli Chihowa nan ai ahni ka hvsh akosti-
ninchashke.

3. Yohmi ka isht ī kana ya vma hatuk pulla mak ō, ha-
tak hvch ibafoka puta ka ilap ash inli kv̄t isht il anukfilla
he ai vllpiesa ka isht ī shahlichit isht ik anukfillo kashke,
im achi lishke: amba il oktambilit Chihowa hvt hatak hikia
aiyuka ka isht ai yimmi kaniohmi hō ima hatok ash ō, hatak
hikia aiyuka kv̄t isht il anukfillashke.

4. Yohmi ka pi haknip vt achvfa kia, pit ai achvfa hvt
laua, micha pit ai achvfa ilvppvt moyuma kv̄t nan isht ai
vttā yvt miash inli keyu kash ō:

5. E chiyuhmi hosh e laua kia, Klaist il ibai achvfa kv̄to
haknip achvfa pia, micha achvfa aiyuka kv̄t pit il it ibai
achvfa hoke.

6. Yvmohmi ka isht ī kana yvt kaniohmi hō il ishi hatok
ak osh na hvlbina puta kv̄t ilaiyuka hō il ieshi hokvt, Shi-
lombish anukfoykvt anumpuli isht ai vttā yō e habena ha-
tuk okmvt, isht ai yimmi yak ō ai itilauī hō yvmmak ō isht
il ahantashke.

7. Mikmvt chuch nan isht im vttā isht ai vttā ya e habe-
na hatok mvt, yvmmak ō isht il ahantashke; micha nan
ithvnanchi yokmvt, yvmmak ō isht ahantashke.

8. Micha vbanumpa isht atohnochi yokmvt, yvmmak ō
isht ahantashke: na hopela yokmvt, im anukfila apissali
hosh yvmihchashke: pehlichī yokmvt, ai ḡhli achukmashke:

ī nukhāklot nan isht im vta yokmt, aiokpanchi hosh yv-mihchashke.

9. Isht ī hullo yvt isht il ahobi iiksho hashke. Nan ik achukmo ka ish ī nukkillashke; nan achukma hoka ish asi-tiashke.

10. Itibapishi chiyuhmit it ī kana fehv̄t hvsh it ī hul-lashke; hvsh iti holitobli kv̄t hvsh it im ī shahlashke.

11. Nan isht vta kv̄t intakobi keyu; chukvsh isht ai yiminta fehv̄t, Chitokaka yak o in toksvli hosh isht hvsh ahantashke.

12. Ai okchayvt bilia pisa la he ai ahnit, hvchi yuh-pashke: na palv̄m̄mi hvsh pih̄isa kv̄t hvchi nuktaiyalashke: achunanchi hosh anumpa ilbv̄sha hvsh anumpohonlashke.

13. Ubanumpuli a b̄v̄na ka hvsh ī hopehinlashke: hatak ik ithano ya hvsh ī kana fehnashke.

14. Hvch ilbv̄shali ka isht im ai achukma he ai ahnit isht hvsh anumpohonlashke; isht ai okpula hi a hvch ik ai ahno hosh, isht ai achukma he ak o ai ahnit isht hvsh anumpohonlashke.

15. Nan isht ilaiyukpa ka hvsh ibai yukpashke; micha nukhāklokma, hvsh iba nukhāklashke.

16. Hvchim anukfila hv̄t ai achv̄v̄t hvsh it im anukfil-lashke. Isht a holitopa puta ka hvch ik hohoyo kashke: amba hatak ilbv̄sha yak o hvsh il itilauechashke. Hvchish-no inli hvch ik ile yimmo kashke.

17. Hatak vt nan ik achukmo hvchi yvmihchi ka nan ik achukmo yo hvch ik ī falamincho kashke. Hatak moyuma itikba ya nana achukma puta ka hvsh yvmihchashke.

18. Yohma he yobakma, hvsh a yvmohma he ai vlhpiesa kv̄to, hatak moyuma ka hvsh it ī nanaiya hosh hvsh ahantashke.

19. A holitopa ma! hvch ik il ai okho kashke, amba ai vlhpiesa isht im atobbi yak o hvsh il im issashke; holih̄iso kv̄t, Ai vlhpiesa isht atobba hi okv̄t v̄m̄mi hatuk osh, afala-minchit atobbi la hi oke, Chitokaka yvt achi hatok oka.

20. Yvmohmi ka chin tv̄v̄p vt hohchv̄fo hokma, ish ipetashke; itukshila hokma, nan ishko ish ipetashke; ilv̄ppak

o ish yvmihchi hokmak osh luak tobaksi yo noshkebo ha ish o fohobla hi oke.

21. Nan ik achukmo i nutvt chik il ai okho kashke; amba nan achukma kak o nan ik achukmo ka isht ish imaiyachashke.

CHAPTA XIII.

Nan apesa ya im antia, mikmvt nana ka il i yvmohma he vlhpesa kvv inla mvt gsha ka isht anumpuli, 1, 8 vba nan vlhpisa yvt ghla hi a holitobli, 11 atampli fehnvt impa, nan ishkot haksi aiena kvv ai okhlili ka yo yvmohmi hatuk osh kanima yo vbanumpa hvv atobwikeli hokvno ai otaiyana he keyu.

1. SHILOMBISH puta kvv nan vlhtoka i shahli vhleha ha im antiashke. Nan vlhtoka inla kvv iksho: amba Chihowa ak osh ai ahni kak bano hoka; nan vlhtoka puyuta ka Chihowa hak osh vlhtoka he ai ahni hoke.

2. Yvmohmi hoka kvva fehna hoh kia nan vlhtoka yoka i sanali hokvt, Chihowa hvv nan apesa tok a i sanali hoke: mikmvt i sanali vhleha hokvto ilap inli isht ai ilbvsha yosh im vlhpisvt isha hi oke.

3. Nan vlhtoka vhleha hoka nan toksvli achukma yak osh ai i nukshopa yo keyu hoke: amba nan ik achukmo toksvli yak oke. Yakohmi ka nan vlhtoka yoka chishno yvt i nukshopa la he, chik ai ahno cho? Nan achukma kak o ish yvmohmashke; mikmvt yvmmak ash o ish im a holitopa hi oke.

4. Nan isht chim achukma chi mak o yvmvt Chihowa nan isht im vta hatuk oka. Yohmi kia nan ik achukmo kak o ish yvmihchi hokmvt, chi nukshopashke: yohmi ka yvmvt bvshpo falaia ya peh pilla ieshi ho keyu; amba yvmvt Chihowa nan isht im vta yosh nana ka ai ghlichit nan ik achukmo yvmihchi ya isht ai i palvmmi ka onohonchi mak oke.

5. Yvmohmi hoka isht ai i palvmma he ak bano kak o keyu, amba isht il akostininchi yak atuk pulla aiena kak o ish im antia pullashke.

6. Yohmi ka ilvppak atuk pulla kak o noshkobo chumpa ya ish atobbi makinlashke: yvmmt Chihowa nan isht im vttta vhleha hatuk osh nana ilvppak fehna ka isht ahantot bilia hoke.

7. Yvmohmi ka moma kvv ilap ai isha he ai vlhpiesa ka ish imashke: noshkobo chumpa ya kvna hosh isha he ai vlhpiesa kak o ish imashke: vlhpoyak isht ai vlhtoba ka shampa kvnia he tuk a kvna hosh isha he ai vlhpiesa kak o ish imashke: kvna ho i nukshopa he, ai vlhpiesa kak o ish i nukshopashke: kvna ho holtoba he ai vlhpiesa kak o ish holtoblashke.

8. Hatak nana kia aheka yvt ik chin takanlo kashke: amba hvsh it i hulla he vto hvsh it in takanlashke; yohmi ka kvna hosh inla ya i hullo hokvto vba nan vlhpisa ya ai ghlichy hoke.

9. Yohmi ka, Chik it in lumako kashke, Chik bo kashke, Chik hukopo kashke, Chik aholvbecho kashke, Chik anushkunno kashke; micha nan vlhpisa inla kvv takanli hokvmt, anumpa kanomosi, Chin chuka panta hatak a ish i hullo kvv, chishno ish il i hullo kak i chiyuhmashke, achi ilvppak o foka hoke.

10. It i hullo yvt nan ik achukmo in chuka panta hatak a ik i yvmihcho yoke: yvmohmi hoka it i hullo yak osh vba nan vlhpisa ya ai ghlichy mak oke.

11. Micha ilvppak o hvsh yvmohmashke: mikvmt himonasi ka nusi tuk vt pi okcha he hvshi kanvlli hvv ont ai vlhpiesa ka il ithaiyanashke; himonasi kvno isht ai pi okchaya yokvvt pi bilika kvv pi yimmi hatok ano i shahli hoka.

12. Ninak vt ant ia hosi ma, nitak vt vla hosishke: yvmohmi hoka okhlili isht a toksuli puta ka e kaiyanchashke: micha nan tohwikeli isht il atukkochi yak o e foyukashke.

13. Nitak itvnowa yak o chiyuhmit ai vlhpiesa hosh il itvnowashke: haksi, micha tasimbot tasali keyu, itiba nusit isht a havi keyu, itachowa, micha it i potvnot hvch ik it i nukkillo kashke.

14. Amba Chitokaka Chisvs Klaist ak o hvsh foyukash-

ke; micha haknip nan ai ahni okpulo puta ka im ai ghlicha chj kv̄t haknip a nana hv̄ch ik atablo kashke.

CHAPTER XIV.

Nana kv̄t ilim itim inla mak osh il iti shetilima he tok keyu, 1; 18 amba nana ka ahah! il oh ahni na, nana ka il itim inla hoh kia, inla maya kv̄t isht ik pim ai ibetv̄blo kashka; 15 nana kv̄t yohmi ka na laua hq̄ isht mihv̄t Pal vt otv̄ninchi hoke.

1. NA yimmi kv̄t ik ono ka hv̄sh i kana banashke; micha im anukfila anuktuklo atuk a nana isht chik im apeso kashke.

2. Yohmi ka achv̄fa hokv̄to nan okluha ka vpa hi atuk vt yimmishke; inla hokv̄to na yimmi kv̄t ik ono mut, na waya yak o vpv̄shke.

3. Yohmi ka vpa hokv̄t ik po hoka ik kanimancho kashke; micha ik po hokv̄t vpa hoka nan ik im apeso kashke; Chihowa ak osh i kana hatuk oka.

4. Kv̄ta chia hokak osh hatak inla in tishu hq̄ nan ish im apesa hoh cho? ilap i shahli ak illa hq̄ isht im a hikia he, keyukm̄vt isht ai im itula hi oke. Ahli, ai gh̄lit hikia hi oke, Chihowa hak osh ai gh̄lichit hilecha hinla hoka.

5. Hatak achv̄fa hokv̄to nitak achv̄fa kv̄t inla ka i shahli, ai ahnishke; inla hokv̄to nitak moma kv̄t itilau, ai ahnishke. Hatak puyuta kv̄t ilap im anukfila fehna ka ai gh̄lit anukfoyukashke.

6. Kv̄na hosh nitak a holitoblikm̄vt, Chitokaka yak o i holitobli hoke: mikma kv̄na hosh nitak a ik i holitoblo hokm̄vt, Chitokaka yak o ik i holitoblo hoke. Kv̄na hosh vpakm̄vt, Chitokaka yak o im vpa hoke; Chitokaka yak o isht aiokpv̄chi ya ima hokv̄t: mikma kv̄na hosh ik pokm̄vt, Chitokaka yak o ik im vpo hoke: yohmi kia isht aiokpv̄chi ya Chihowa yak o ima hoke.

7. E kanima kv̄t pishno inli il im anta keyu hoke: micha hatak nana kia ilap inli il im illi keyu hoke.

8. Pi okchayv̄t il ahanta kv̄t, Chitokaka yak o il im ahanta hoke; micha pilli hokm̄vt, Chitokaka yak o il im illi hoke

yemohmi hoka pi okchaya, pilli, kanimampo hoh kia Chitokaka yak o immi pia hoke.

9. Yohmi ka Klaist okvt illi tuk vt salamvt okchaya kv, illi, micha okchaya it aieninchit in Chitokaka toba chi ilvpak fehna hatok oka.

10. Yohmi kia nanta katiohmi ho chitibapishi ha nan ish im apesa cho? micha nanta katiohmi ho ish itibapishi ha ish kanimanchi cho? e moyuma kv Klaist nan apesvt ai o binili ka itikba ya e hiohla hi oka.

11. Yohmi ka holihiso kv, Sai okchaya hoka iyikalaha puta kv a hvchukbihlapa hi oke; mikma isunlvsh puta kv Chihowa ha aiokpahancha hi oke, Chitokakayvtachi hoke, achi hatok oka.

12. Yakohmi hoka e moyuma kv Chihowa hoka il im il anohonla hi oke.

13. Yemohmi hoka himak a pilla kvno nan it im apesvt kil ahanto kashke; amba hatak nana kia isht ai ibetvbla he, keyukvt isht ai itula he nana kia itibapishi i hina ya ik bohlo ka he ilvppak o lvsh im anukfillashke.

14. Yohmi ka nana kv ilap ak inli kv ik kashofo kv iksho ka, Chisvs Klaist ak atuk mak o isht a sa nukfoykvt, ithaiyana lishke: amba kvna hosh nana kv ik kashofo ai ahni hokvno, ymmvno nana kv ik i kashofo hoke.

15. Ish itibapishi hv nana ish pa ka isht ik im vhpieso hokma, himak a i hullot ish nohwa keyushke. Yvmak ash Klaist vt vhtobvt illi hatok oka, chim ilhpak a isht chik okpano kashke.

16. Yemohmi hoka nana achukma isht ish ilaiyukpa kv ik ai vhpesot isht ik anumpo kashke.

17. Yohmi ka Chihowa apelihika yokvt nan impa, nan ishko kak o keyu hoke; amba nan isht ai vhpiesa, micha isht it i nanaiya, micha Shilombish Holitopa ai isht ilaiyukpa yak oke.

18. Yohmi ka kvna hosh nana ilvppak fehna ka Klaist a isht im antia hokvno Chihowa yvt ahnichi, mikvt hatak puta kv vhpesa ai ahni hoke.

19. Yemohmi hoka nana kv isht ai it i kana puta, micha

nana ka isht it i hlampkohoncha he aiena kak o e yvmohq-mashke.

20. Yohmi ka nan vpa ak atuk mak o Chihowa hvt nana toksahanli tuk ash isht chik okpano kashke. Nan oklgha kvv kashofa mvhli hoke: yohmi kia hatak nana hosh inla isht ai ibetvbli ho impa hokvto, isht ik im achukmo hoke.

21. Nipi vpa, oka paki ishko, keyukmvt nana kia ish itibapishi hvt isht ai itulvt isht ai ibetvblit isht ik a hlampko ka chi ho, ai yvmohmi kvv ik achukmo hoke.

22. Nana kash chi yimmi cho? Chihowa itikba yak o chishno illa hosh ish a yvmohmashke. Kvna hosh ilap vt nana ho vhpiesa ahnit, ilap ash inli anumpa isht ik il onochokvvt, na yukpa hoke.

23. Yohmi ka kvna hosh anuktuklo hoh kia vpa hokmvt, anumpa onvtula hoke: nana hoh kia yimmi keyu hosh yvmihchi hokvto ai ashvchi yoka.

CHAPTA XV.

Hlampko kvv, ik hlampko ya nan ib ai isha he, 1; 2 pishno inli kil ile yukpalo, 3 Klaist vt yohmi tok keyu, 7 amba e moma ka Klaist vt pi kanvt nan pim anukfilli tok a chohmit it i kanvt il i tiholito blichha he: 80 Pal vt Loman vbanumpuli vhleha hvt vba isht anumpula he im a silha.

1. YAKOHMI hoka pi hlampko hokvto ik hlampko hokvno nan il ib ai isha he atuk; micha pishno inli il ile yukpala hi atuk keyu hoke.

2. E moyuma kvv ilap in chuka panta hatak vt vbanumpa ha isht a hlampkot im achukma chi ka e yukpalashke.

3. Yohmi ka Klaist ak kia ile yukpali tok keyu hoka; amba holihiso kvv, Isht a hofahyali puta kvv chi onvtula hatuk vt sai onvtula hatuk oke, achi hatok oka.

4. Yohmi ka nana fehna hoh kia tikba pilla kash holihiso kvv nana isht a pim vlvcha he mak o holihiso hatok oka; yohmi kvv Holisso Holitopa ak o nana ka isht a nuktaiyalvt achunanchit ai okchayvt bilia ya il isha he, il ai ahna hi atok oke.

5. Yohmi ka Chihowa hak osh hvchi atohnohonchit isht anuktaiyakt achunanchi ya hvch ima na nana hvsh it im anukfilli kv̄t ai achv̄vt Klaist Chisvs ak atok ak o hvsh chiyumashke.

6. Yohmi hosh hvchim anukfila hv̄t ai achv̄vt, itih achv̄fa hosh Chihowa, pin Chitokaka Chisvs Klaist İki yak fehna ka hvsh holitobla hi atuk oke.

7. Yumohmi hoka Chihowa hv̄t isht aholitopa chi kak o Klaist ak kia p̄i kana hatok ash o, chiyuhmit hvsh it i kanashke.

8. Yohmi ka Chihowa isht ai ahli yak atuk pulla kak o Chisvs Klaist okvt hakshup tupa yak o nan isht im v̄tta toba kv̄t, iki vhleha ha nan im ihisa tok puta ka ai ahlicha chi kak atok oke, achi lishke.

9. Micha yohmi ho Chentail vhleha hv̄t ilap isht i nukhaklo tok ak o Chihowa ya holitobla hi atok oke; holihisc kv̄t, Ilvppak atuk mak o Chentail vhleha ha ibai achv̄vt chi aiokpahanchi la he; micha chi hohchifo ha isht talohowa la hi oke, achi hatok oka.

10. Micha anonti Chentail hvchia hv̄t vm okla vhleha ha hvsh ibai okpahanchashke, Chitokaka yvt achishke.

11. Micha anonti, Chentail moyuma kv̄t Chitokaka ya hvsh aiokpahanchashke: micha okla moyuma kv̄t hvsh aiokpahanchashke, achishke.

12. Micha anonti Chesse ak o isht atiaka yosh ahanta he, micha yummak fehna hosh Chentail okla ha i shahlit mikot wakaya hi oke: yummak o Chentail okla hv̄t anukchieta hi oke, Esaias vt achishke.

13. Yohmi ka ai okchayvt bilia ya pisa he ai ahni ya in Chihowa yak osh isht ai yimmit ai isht it i nanaiya, micha ai isht il aiyukpa moyuma ka hvchi alotoli ho Shilombish Holitopa nan isht ai ahli yak atuk pulla mak o ai okchayvt bilia hvsh isha hi okvt, ai ahli fehv̄vt hvchi anukfoyukashke.

14. Micha itibapishi li hvchia hv̄t nana achukma bieka hosh hvchi anukfoyukvt, nan ithana isht a hvchi alotowa hatuk osh, nana ka hvsh it i miha he bieka ak inli ka, vno ak inli kv̄t hvchi yimmi li ak inlishke.

15. Yohmi ak inli kia itibapishi li vbleha ma! Chihowa ak osh isht i kana ya vma hatuk oka, ik sa nukwayo kut isht i shahli hosh isht hvsh ithana chi kak o, nana a kaniohmi ka hvchi holissohonch lishke;

16. Yohmi hosh Chisvs Klaist nan isht im vta yosh, Chihowa im vbanumpa hq Chentail okla hak o isht im ahanta la chi hatok; yohmi hq Chentail vt Shilombish Holitopa yak o isht a kashofa hatuk o vba isht aiokpuchi ka ahnincha hi atok oke.

17. Yvmohmi hoka nan okluyuha, Chihowa hvv isht pit ahalaya ka Chisvs Klaist ak atuk pulla mak o, nana ka isht ilauata la hi vt ieshi lishke.

18. Chihowa imi Shilombish nan isht ai ahli yak atuk pulla mak o nan isht nukhlakancha, micha nan isht atokowa yo nana ka isht ai yvmohmit anumpohonli li hq, Chentail okvt im antia chi ka, Klaist vt isht a si atoksoli hatuk keyu hokvno nana ai yvmohmi tuk ash achvfa kia isht anumpuli la he keyu hoke.

19. Yvmohmi hosh Chelusalem, micha isht ai apakfoyupvt Illilikvm a ont ai vhli itintakla ya Klaist im vbanumpa ya ai ahli fehvvt isht ai anumpohonli li hatuk oke.

20. Ahli, yakohmi hosh intolahpi hatak inla immi paknaka yo ai ikbi li yoba na, ai ahni li kak osh kanima yo Klaist vt isht ik ai anumpo hokvno vbanumpa ya isht ai anumpohonli sa bvna fehna chatuk oke.

21. Yohmi kia holihiso kvv, yvmmak o isht im anumpa hatok keyu kia, okla pisa hi oke; micha okla yvmvvt haklo hatok keyu kia, akostinincha hi oke, achi hatok oka.

22. Yohmi ka ilvppak atuk pulla kak o hvchim ona la hi atok vt, isht a si atakvma fehna ak inli hatuk oke.

23. Yohmi kia himonasi hokvno ilvppa ai anumpuli la hi okvt ik svv iksho hatuk osh; micha hvchim ona sa bvna fehna tok a himak a afvmmi hvv laua fehna hatuk osh;

24. Kanima kash inli hq nowvt avvt Ispani yoka chukowa likvvt, hvchim ona la hi oke: yohmi kvv nowvt avva li hokvt, ont hvchi pisa la he ai ahni li: micha hvchi pivvt

kaniohmit um vlhpiesa ha yokmuno, nowvt aya li kash achakalit pit hvs sa pila he chishke, ai ahni lishke.

25. Yohmi kia himonasi hokvno vbanumpuli vhleha hak o i hopela la chi hosh Chelusalem ak o ia la chishke.

26. Yohmi ka Masetonia, micha Akaia okla aiena kut im vlhpiesa hosh vbanumpuli ilbusha Chelusalem ai asha ka nan isht apelvchi kaniohmi ka i bohoni tuk oke.

27. Im vlhpiesa ai ahli fehna hosh yvmihchi tuk: yohmi hatuk o im aheka vhleha hokvt. Yohmi ka Chentail okla hut nana Shilombish immi puta ka ibai ihishi toba hatuk mvt, anonti nana haknip immi puta ka yvmma isht apelvcha hi okvt im ai vlhpiesa ak inlishke.

28. Yvmohmi hoka ilvppa isht vttvt um vlhtaha, micha nan isht apelvchi ilvppak ash o im ai ahli li ha yok mak osh, hvchin tmaha ha hlopullit Ispani yoka ont chukowa la hi oke.

29. Michah hvchim ona likmvt, Klaist im vbanumpa ai isht ilaiyukpa ai ahli fehna laua ka isht hvchim ona la hi okvt, ithaiyana lishke.

30. Yohmi ka itibapishi li vhleha ma! Chitokaka Chisvs Klaist ak atuk puyula, micha Shilombish ak atuk mak o isht iti hullo yvt hvchi anukfoyuka hokvt, svbai yichina fehna hosh anumpa ilbusha Chihowa ya im anumpohonli kv, isht hvs si anumpohonlashke.

31. Yohmi ho ik yimmo vhleha Chutia ai asha ka ai i hlakofi lashke: micha Chelusalem a nan i hopela la chi ishi li kash vbanumpuli vhleha hash ot aiokpahanchashke.

32. Yohmi ho Chihowa nan ai ahni pulla ho nan isht ilaiyukpa ya ieszit hvch im ona li hosh, nana ka hvch ibai yuhukpa li hokbano.

33. Yohmi ka nan isht it i nanaiya in Chihowa yak osh hvsh moyuma ka hvch iba foyukashke, Amen.

okla im ahna chi ka im anoli ; 21 atuk osh nana ka yakmihchit na pit i mihihvt tahli mvt, ishtaiyopichi kv̄t Chihowa ya aiokpanchi.

1. **KLENKLEA** chvch hikia ka nan isht im v̄tta, pin tek, Febi ya hvsh aiokpancha he pit hvchim ai ahni lishke :

2. Yohmi hosh Chitokaka yak o ai achvfa hoka vbanumpuli ai yvmohmi yak o chiyuhmit hvsh aiokpvchashke : micha nana hoh kia isht apelvcha hi a v̄vna hokma, hvsh apelahke : yohmi ka yvmmvt laua ka apelahanchi chatuk ; micha vno ak kia aieninchit si apelahanchi chatuk oke.

3. Klaist Chisvs a ibai achvfv̄t sv̄b a toksahanli Akuila, micha Plissilla ita tuklo ka hvsh aiokpvchashke.

4. Yvmmak okvt v̄m ilhfiopak ak atuk pulla kak o ilap ikunla fehna ka aka ya bohonli tok : yvmmak oka vno ak illa keyu, amba Chentail iksa hiohli puyuta aiena kv̄t yak oke, im ai ahnishke.

5. Yvmmak ash chiyuhmit yvmma in chuka vbanumpuli iksa maya ka hvsh aiokpvchashke. Epenetvs a holitopa fehna, yvmmvt Klaist i yimmi kv̄t Akaia ya ai yvmohmit nan vni v̄mmona hatok a hvsh aiokpvchashke.

6. Meli ya hvsh aiokpvchashke ; yvmmak okvt pin toksahanli fehna hatok oke.

7. A kanomi, micha sv̄bai yuka Antonikvs, micha Chunia itatuklo, yvmmak okvt vbanumpeshi v̄hleha ha i holitopa yoka hvsh aiokpvchashke ; yvmmak okvt sa tikba Klaist ai ibai achvfa hatok mak oke.

8. Amplias Chitokaka ya ai achvfa a holitopa ya hvsh aiokpvchashke.

9. Ulbani Klaist ai achvfv̄t piba toksahanli, Stakvs a holitopa aiena ka hvsh aiokpvchashke.

10. Apelles, Klaist vt ahninch̄i ya hvsh aiokpvchashke. Alistobulvs in chuka chvfa ai achvfa ka hvsh ai okpvchashke.

11. A kanomi Helotion a hvsh aiokpvchashke. Nasissvs in chuka chvfa Chitokaka ai achvfa ka hvsh aiokpvchashke.

12. Tlaifina, micha Tlaifosa itatuklo, Chitokaka in toksahanli ya hvsh aiokpvchashke. Pasis holitopa, yvmmvt

Chitokaka ya in toksahanli fehna chatuk a, hvsh aiokpvchashke,

13. Lufvs Chitokaka im vlhtoka, micha ishki, micha yvmvt vshki ya hvsh aiokpvchashke.

14. Asinklitvs, Flekon, Hemas, Patlobvs, Hemes, micha il itibapishi vhleha hv yvmma apehvt maya aiena ka hvsh aiokpvchashke.

15. Filolokvs, micha Chulia, Nelevs, micha in tek, micha Olimpas, micha vbanumpuli yvmma apehvt maya aiena ka hvsh aiokpvchashke.

16. It i suksowa holitopa yo isht hvsh it aiokpvchashke. Klaist in hvch vhleha hokvt hvchi aiokpvchishke.

17. Yohmi ka itibapishi li vhleha ma! nan vlvchi hvsh ithvna kash i sanalit isht it i filvmmichi; micha isht ibetvblichi aiena ihikbi hokvno, yakohmi hvsh ahni pulla cha, hvch ik ahalaiyo kashke.

18. Yohmi ka ilvppa chiyuhmi puta hokvto Chitokaka Chisvs Klaist ak o in toksvli keyu hoke, amba ilap ikfoka yak inli hoke: mikmvt anumpa achukma puta, micha isht ahninchu anumpa puta aiena kak o nuktvlvt ahah! ik ahno chukvsh puta ka isht haksichi hoke.

19. Yohmi ka isht hvsh im antia yokvt hatak moyuma ka im anohova hoke: yvmohmi hoka hvchishno yak atuk pulla kak o sai yukpvshke: yohmi ak inli kia nana achukma kak o hvch imponna cha, nan ik achukmo hokvno ik hvch imponno hok bano hvchim ai ahni lishke.

20. Mikma nan isht it i nanaiya in Chihowa yak osh Setan oka chekosikma chiyi nuta ya a litola chi hoke. Pin Chitokaka Chisvs Klaist isht i kana yvt hvchi anuk foyu kashke. Amen.

21. Timohlivs svba toksvli, micha Lusivs, micha Chason, micha Sosipata a kanomi aiena kv pit hvchi aiokpvchishke.

22. Tetivs sia holisso ilvppa holissohonchi kash ot Chitokaka ibai achvfa hvchia ha pit hvchi aiokpvchi lishke.

23. Uno, micha hvch moma aiena ka nan im atahli Kais ash ot pit hvchi aiokpvchishke. Elastvs, tvmaha in

tvli holisso sholi, micha il itibapishi Katus aiena kv̄t pit hv̄chi aiokpv̄chishke.

24. Pin Chitokaka Chisvs Klaist isht ĭ kana yvt hv̄sh moyuma ka hv̄chi anukfoyukashke. Amen.

25. Yohmi cha Chisvs Klaist vt nan abahanchi tok vm vbanumpa ak atuk na luma ituyula chatuk yakni toba tok itin takla ka isht ik anumpo chatuk osh isht anuhumpa ak atuk puyula mak ǝ isht a hv̄chim ai ḡhlich̄a he im ai v̄lhpiesa hatuk,

26. Micha Chihowa okch̄ayvt bilia yvt nan apih̄isa hatuk mak ǝ hopaii v̄hleha hv̄t holissohonchi tok ǝ, oklushi moyuma kv̄t na yimmit isht im antia ch̄i mak ǝ, im otaiyani hatok:

27. Chihowa hopoyuksa ach̄vfa bano kash ot Chisvs Klaist ak atuk pulla kak ǝ isht a holitopa yvt immit biliashke Amen.

HOLISSO VMMONA PAL VT

KOLINHILA CHVCH

A HIKIA HO I HOLISSOCHI TOK.

CHAPTA I.

Vbanumpuli Kolinhla gsha tuk a Pal vt pit ai okpvchi, muhvvt Chihowa ya aiokpvchi, 1; 10 itibachvvt maya he i miha; 12 itakshapvt maya tuk a nan i miha. 18 Aka a nahopoyuksa yvt nan isht a hopoyuksa ka; 21 nan ik ahobo vbanumpa isht anumpuli kak o Chihowa yvt isht okpaninchi: 26 na hopoyuksa, micha nan i shahli aiena kak osh vlhtoka keyu, amba ik hopoyukso, ik hlampko, aiena kak osh vlhtoka.

1. **PAL**, Chihowa nan ai ahni atuk pulla mak o Chisvs Klaist im apostel vlhtoka tok, micha il itibapishi Soshlenes ita tuklo kv,

2. Chihowa in chvch Kolinhla a hikia, Chisvs Klaist ak atuk pulla kak o isht a kashovt, vbanumpuli vlhtoka tok, micha pin Chitokaka Chisvs Klaist vt yvma, micha pishno il ita tuklo ka pimmi hatuk o hohchifo ha anukchietot hohoyot kanima moma ai asha aiena ka pit i holissohonchishke.

3. Isht i kana, micha isht it i nanaiya aiena Piki Chihowa, micha Chitokaka Chisvs Klaist ita tuklo ka a mihinti kv hvchi anukfoyakashke.

4. Yohmi ka Chisvs Klaist ak atuk pulla kak o Chihowa hv ilap isht i kana ya hvch ima hatuk oka, an Chihowa ya hvchishno yak atuk pulla mak o yak oke im ai ahni li bilivshke.

5. Yohmi ho nan okluha kv yvmmak o isht a hvchin

laua' hosh isht anumpuli puta, micha nan ithana puta kv̄t isht a hvchim aienvshke.

6. Yakohmi hosh Chisvs Klaist nan isht atokowa yash osh hvchishno a isht ai aghli hatuk oke.

7. Yohmi hosh na hvlbina nana kia ik ai ono ho hvsh ishi tuk keyu hatuk osh; pin Chitokaka Chisvs Klaist vt otaiyana hi a hvsh hohoyo hoke.

8. Yvmmak ash inli hosh hvchi ai aghlihinchit ont ai v̄hli ka isht hvch ona hi oke: yohmi ho pin Chitokaka Chisvs Klaist i nitak fehna ka anumpa isht a hvchi onvtula hi vt iksho ka hi oke.

9. Chihowa hv̄t ai aghli yoke, yvmmak o ilap Ushi pin Chitokaka Chisvs Klaist a ai ib ai eshi isht a hvchi vlhtoka hatuk oke.

10. Yohmi ka itibapishi li v̄hleha ma! nana a miha chvfa ho isht hvsh anumpula he, mikmvt ai it i filvmmi puta kv̄t ik hvchim iksko ka he; amba nana hosh ai ahni kv̄t hvchim anukfila hv̄t ai aghli fehvt hvsh it ibafoyuka he mak o, pin Chitokaka Chisvs Klaist isht a hochihifo hosh hvchim ai ahni lishke.

11. Itibapishi li v̄hleha ma! nan itachowa vt hvchin takla a takali ka, Kloe in chuka chvfa yosh vm anoli hatuk oke.

12. Yohmi ka hvsh moma kv̄t, Uno ak osh Pal ai achvfa sia; anonti, Uno mvt Apollos ai achvfa sia; mikma, Uno vto Sefas ai achvfa sia; yohmik ma, Uno vto Klaist ai achvfa sia; hvsh achi ilvppak o achi lishke.

13. Klaist vt ita kvshkoa ho? hvchishno atuk mak o Pal ak osh ititaiyukhvna ai illi tok o? keyukmvt Pal i hohchifo ho isht hvchi baptismo tok o?

14. Hvsh kanima kia ak hvchi baptismocho hosh Klisv̄s, micha Kais ita tuklo bano tok a yak oke, Chihowa ha im ai ahni lishke.

15. Yohmi hatuk o vno ak inli a hohchifo ho isht baptis-mochi li tok a, hvsh kanima kia hvsh acha he keyushke.

16. Mikmvt Stefanvs in chuka chvfa ak kia baptismochi li tok; inla yano baptismochi likma, nana tuk vt ak ithanoshke.

17. Baptismochi la hi o, Klaist vt si atokoli tok keyu hoka, amba vbanumpa isht anumpuli la he ak atok: anumpa hopoyuksa ya he atuk keyu, yohmi hokma Klaist im ititaiyukhvna yvt nan ai ahla he keyu hoke.

18. Ititaiyukhvna isht anumpuli yokvt kvna hosh ilbeshvt illa chi yummak, o ik im ahobo yoke: amba okchaya chi pishno ak okvno Chihowa nan isht im ai ahli yoke.

19. Nan imponna isht a hopoyuksa yokvno okvni la chi, mikmvt nan ithana nan isht akostininchi yano akshochi la chi, achi hosh holihiso hatok oke.

20. Katima yak o na-hopoyuksa yvt anta ho? katima yak o na-holissochi yvt anta ho? yakni ilvppa nan isht ai it i ponaklo yvto katima yak o maya ho? yakni ilvppa isht a hopoyuksa ya Chihowa hvto ik ahobalecho hatuk keyu?

21. Nan isht a hopoyuksa hosh Chihowa hvv nan atahli tok kia, yakni vt ilap hopoyuksa kak osh Chihowa ya isht ik ithano ma, vbanumpa isht anumpuli ik ahobo kia, kvna hosh yimmi hokvno mihi yo Chihowa hvv vhpesa, ahnit isht okchalinchi yoke.

22. Chu okla hvv nan isht atokowa asihihla, mikma na hopoyuksa yo Klik vto hohoyoshke:

23. Yohmi kia pishno vto Klaist ititaiyukhvna ai illi tok a isht il anumpohonli ka, Chu okla hokvno isht ai im ibetv-bli yokmvt, anonti Klik okvno nan ik im ahobo yoke;

24. Yohmi kia Chu okla, mikmvt Klik okla ita tuklo ka kanima hosh vlhtoka hokvno mihi yo Chihowa nan isht im ai ahli, micha Chihowa nan isht im ahopoyuksa Klaist a isht il im anumpohonlishke.

25. Chihowa nan isht ik im ahobo yvt hatak okvno hopoyuksa kvv i shahli hoka; micha Chihowa yvt isht ik a hlampko ahoba kia hatak okvno hlampko kvv i shahli hoke.

26. Itibapishi li vhleha ma! hvchishno vto hvchi vlhtoka hokvto yakni pakna a hopoyuksa yvt ik lauwo, nan isht ai ahli ishi kvv ik lauwo, hatak holitempa aiena kvv ik lauwo hosh vlhtoka ka hvsh pisvshke:

27. Yohmi kvv ilap hopoyuksa ya hofahyala chi kvv

Chihowa hvt yakni ilvppa nana ik ahobo puta ka atokoli hatuk; micha nana hlampko yvmma hofahyala chi kv̄t yakni ilvppa ik a hlampko yō Chihowa hvt atokoli hatuk:

28. Mikmvt nana kv̄t yakni ilvppa ik a holitopo, micha nana kv̄t yvmma ik ai ahobo aiena ka, Chihowa hvt atokoli hatuk; ahli, yohmi kv̄t nana a sha tuk a akshocha chi kv̄t nana kv̄t iksho ke tuk a atokoli hatuk:

29. Yohmi hō hatak nana kia Chihowa itikba yā ai ilauata he atuk keyu hoke.

30. Yohmi kia hvchishno vto yvmmak atuk mak o Klaist Chisvs a hvsh ibai achvfa ka yvmmak o Chihowa pulla kak o isht pi a hopoyuksa, micha isht pi ai vlpiesa, micha isht pi a kashofa, micha isht pi ai vlbi yoke:

31. Yohmi ka holisso hatuk oka, Kuna kia ilauata hokmvt, Chitokaka yak o isht ik ilauatá.

CHAPTER II

Vbanumpa isht anumpohonli ka Chihowa nan isht im ai ahli yosh ai ibafoyuka tuk a, Pal vt achi, 1. 14 Im anukfila himona hatak keyu hokvto vbanumpa hā ik akostinincho.

1. YOHMI ka itibapishi li vhleba ma! kaniohmi kash hvchim ona li kv̄t, Chihowa isht atokowa yō hvchim anohonli la chi kv̄t, isht ahninja he anumpa hokmá, keyukmvt isht ahninja he hopoyuksa hokmá, nana hō isht hvchim aya li hatok keyu hoke.

2. Nana ka a hvchim ai ithvna la he ahni li hatok keyu, amba Chisvs Klaist, micha yvmmak osh ititaiyukhvna ai illi tok ak bano hatok ak oka.

3. Yohmi mvt isht a hlampko iksho, mihmvt komunta, micha wvnihinchi fehna hosh hvchin takla yā ahanta li tok.

4. Mihmvt anumpuli li, micha vbanumpa isht anumpuli li aiena kv̄t, hatak hopoyuksa nan isht yukpali anumpa hatok keyu, amba Shilombish, micha nan ahli yō otvnincht isht anohonli li tok:

5. Yohmi ka na hvchi yimmi kv̄t hatak nan isht im a

hopoyuksa yo a minta chi hatok keyu, amba Chihowa nan isht ai ahli yak a he atok.

6. Yohmi kia vbanumpa ithana ahli yokvno na hopoyuksa yo isht il im anumpulishke: yohmi kia yakni ilvppa isht a hopoyuksa yak keyu; mikmvt yakni ilvppa i miko vhleha isht a hopoyuksa, yvmmak okvt ont ik ai iksho ka he ak atuk keyushke.

7. Yohmi kia Chihowa isht im a hopoyuksa yvmmtv luma hatok a yvmma isht pi a holitopa hi o, yakni vt ik tobo kisha ma, Chihowa hvv apesa tok ak o isht il anum-pohonlishke.

8. Yakni ilvppa i miko vhleha achvfa kia ilvppak ash ik ithano ki tok: okla ithana hatuk okmvt, a holitopa in Chitokaka ya ititaiyukhvna ai vba he atok keyu hoke.

9. Yohmi kia kvna hosh yvmma i hullo hokvno mihi yo Chihowa hvv nana ka im ataiyahli tok a, yvmmak oka hatak nishkin vt ik pesokma, anonti haksobish vt ik haklokma, hatak chukvsh ak kia ik anukfovko hoke, achi hosh holihiso hatuk oka.

10. Yohmi tok o Chihowa hvv ilap imi Shilombish pulla ho yvmmak ash isht a pim otvninchi hatuk: Shilombish ak osh nana puta ka silhhit ithana hokvt, ahli, Chihowa nana im a kaniohmi a hofobi kak kia ai yvmohmi yoke.

11. Kvta hosh hatak nana im a kaniohmi puta ka ithana cho? hatak shilombish yvmmtv ilapa anukfoyuka ak illa keyu? yvmmak i chohmi ho Chihowa nana im a kaniohmi puta ka hatak nana hosh ithana keyu ho, amba Chihowa imi Shilombish ak illa hoke.

12. Yohmi ka yakni nana isht ai im anukfila yo il ishi hatuk keyu, amba Chihowa hatuk mak o nana puta ka il ishi hatuk vt il ithana chi pulla hosh Shilombish Chihowa a minti ho il ishi hatuk oke.

13. Nana puta yvmma isht il anumponli kvv yvmma hatak nan isht im a hopoyuksa yosh avvchi anumpa keyu, amba yvmmak oka Shilombish Holitopa yosh avvchi anumpa ho Shilombish nana im a kaniohmi ya Shilombish anukfoyuka vhleha ho il ithvnavhanchishke.

14. Hatak chukvsh ik kashofo hokvt Chihowa imi Shilombish nana im a kaniohmi puta ka ik ithano yoke; yvm-mak okvt ilap a nana ik ahobo hokvt: mikmvt ithana he keyu, yvmmak ash o Shilombish osh avchi hoka.

15. Yohmi ka kvna hosh Shilombish anukfoyuka hokvto nana puta ka anukfillit akostininchi, yohmi kia ilap okvno hatak nana hosh im akostininchi keyushke.

16. Kvta hosh Chitokaka im anukfila ha ithaiyana cha, mihi yosh nan im avcha hinla cho? Yohmi kia pishno vokvto Klaist im anukfila yo il ieshvshke.

CHAPTER III.

Pishukchi vt vlla chipunta yak o immi, 1: 3 kaniohmi ho itakvsh-koa hatuk a haknip imma im anukfila hatuk vt otvni. 7 Kvna hosh hokchi, mikma kvna hosh oka o foechi itatuklo kvt nana keyu: 14 Chihowa ak osh wayachi. 16 Vbanumpuli yvt Chihowa in tempel; 19 yakni nan isht ahopoyuksa yokvto Chihowa i nabo poyuksa keyu.

1. **YOHMI** ka itibapishi li vhleha ma! Shilombish anukfoyuka ho chohmichit hvchim anumponli la he keyu, amba haknip nan ai ahnit Klaist ibai achvfa vllosi yo hvchi chohmichi lishke.

2. Pishukchi yo isht hvch ipeta li tok, ilhpak kullo atok keyu; tikba kamo isht a hvchim vhpesa tok keyu kvt himonasi ak kia, isht a hvchim vhpesa keyu momvshke.

3. Haknip nan ai ahni hvchia moma hoka iti potvno, micha itachowa anonti iti filamohli aiena kvt hvch itin takla aiasha hoka, haknip nan ai ahni mak o hvchia moma, micha hatak im anukfila yo chohmit hvsh itvnohova keyu?

4. Hvsh kanima kv, Vno vto Pal ai achvfa sia; anonti in-la mvt, Vno vto Apollos ai achvfa sia, hvsh achi hokvt haknip nan ai ahni hvchia mak o keyu?

5. Yohmi ka kvta hosh Pal okma, anonti kvta hosh Apollos o? amba vbanumpa isht vta yvmmak atuk mak o hvsh moma ka Chitokaka yvt hvchi anukfohki tuk mak o, hvchi vimmi tuk oke.

6. Hatak moma kv̄t yohma he mak ɔ Chitokaka yvt apesa tok ɔ, Ūno ak osh na-hokchi li tok, Apollos vto oka on hlali tok; amba Chihowa yokvto offochi hatuk oke.

7. Yohmi ka kv̄na hosh hokchi, mikma kv̄na hosh oka isht ɔn hlali hokvto na kanihma he keyu, amba Chihowa yvmmak osh offochi yoke.

8. Yohmi ka kv̄na hosh na hokchi, anonti kv̄na hosh oka isht ɔn hlali ita tuklo kv̄t itibai achvfa yoke: yohmi ka moma kv̄t ilap na toksvli isht ai v̄lhpiesvt v̄lhtoba ak illa hɔ isha hi oke.

9. Chihowa immi hosh itiba toksvli v̄hleha pia hoke. Chihowa nan im ahollokchi hv̄chia, micha aboha Chihowa hv̄t atahli tuk mak ɔ hv̄chia hoke.

10. Chihowa hv̄t ilap nan isht i kana yvmma v̄ma tuk mak ɔ aboha ikbi imponna hopoyuksa yɔ chohmit in tolahpi ya bohli li hatuk, mihma inla yosh yvmmak ash ɔ ai itv̄bni hoke. Yvmohmi hoka hatak moma kv̄t kanimihchit yvmmak ash ɔ ai itv̄bni kv̄t ahah! ahnashke.

11. Intolahpi yvmmvt Chisvs Klaist, yvmmak osh itola ha ya, hatak nana hosh inla ya bohla he keyu hoka.

12. Yohmi ka hatak kv̄na kia intohlapi ilv̄ppa pakna ya tv̄li holisso lakna yokmá, tv̄li hv̄ta yokmá, tv̄li ai v̄lbi chito yokmá, iti yokmá, hv̄shuk okmá, onush v̄pi yokmá, nana hɔ isht itv̄bni tuk okmá;

13. Nana v̄lhtaha tuk aiyuka kv̄t otaiyana hi oke: nitak yvmmak osh otv̄nicha he, luak ɔ isht otaiyana hi oka; yvmohmi ka hatak a im a toksvli aiyuka kv̄t kanihmi hatuk oh kia, luak osh imomaka pisa hi oke.

14. Yvmmak ash pakna ai itv̄bni tuk a hatak nana hosh atoksvli tuk ak ɔ ik okpulokma, mihi yosh nan v̄lhtoba ya isha hi oke.

15. Kv̄na hosh atahli tuk a lua hokma, yvmmak osh i kv̄nivt ilv̄sha hi oke: yohmi kia ilap okvto okchaya he, yohmi kia luak ɔ a hlopulli kak inli hɔ chohma hi oke.

16. Chihowa in tempel hv̄chia, yohmi hatuk ɔ Chihowa imi Shilombish vt hv̄chia chukvt anta ka hv̄ch ik ithano cho?

17. Kvna kia Chihowa in tempel a litehlikma, mihi yč Chihowa hv̄t ishit kancha he ; Chihowa in tempel vt hulitopa yoka, tempel yummak o hv̄chia hoke.

18. Kvna kia ik ile haksecho kia. Hv̄chi kanima hosh yakni ilv̄ppa hopoyuksa hō ilahobikm̄vt, yummvt hopoyuksa ch̄i kv̄t yakni ilv̄ppa ik ahobo yō ik tobá,

19. Yakni ilv̄ppa isht im a hopoyuksa yokv̄to Chihowa ya isht ik im ahobo yoka. Yummak okv̄t hopoyuksa ya ilap nan isht imponna ak inli hō isht ishi yoke, achi hosh holisso tok oka.

20. Mihm̄vt anonti atuklanchi m̄vt, Chitokaka yv̄t hopoyuksa im anukfila puta, yummvt ai ahli ik ono ka ithaiyana hoke, achi tok.

21. Yvmohmi hoka kvna kia hatak puta hō isht ik ilauato kia, nana moma kv̄t hv̄chimmi hoka ;

22. Pal ak okmá, keyukm̄vt Apollos, keyukm̄vt Sefas, keyukm̄vt yakni ilv̄ppa, keyukm̄vt ilhfopak okchaya, keyukm̄vt nan illi, keyukm̄vt nana kv̄t himonasi aśha, keyukm̄vt nana kv̄t aśha he moma kv̄t hv̄chimmi yoke.

23. Mikma hv̄chishno v̄to Klaist immi hv̄chia ; mikma Klaist vt Chihowa immi hoke.

CHAPTA IV.

Kanlohmit Klaist im v̄banumpa isht v̄tta ya il ahnicha he tuk 1 ; 7 nana ka e habena tuk keyu kv̄t il i shi keyu. 9 Apostel v̄hleht̄ yakni pakna ik ahobo yō isht v̄lhpisa, 16 yummak o il im antia he tuk.

1. **KLAIST** in tishu v̄hleha, micha, nan ahli Chihowa hv̄t otv̄nichi tok puta nan im apesv̄chi v̄hleha mak o, chiyuhmichit hatak puta kv̄t isht pi anukfillashke.

2. Anonti nan apesv̄chi v̄hleha nan isht im v̄lhpisa kv̄t hatak yummvt ai ahla hi ak oh chatuk oke.

3. Yohmi kia hv̄chishno, keyukm̄vt hatak inla nana kia nana hō isht hv̄s sv̄m anukfillit hv̄sh apesa kia, vno yokv̄t:

yummvt vm iskitinosi fehna hoke; ghli vno ak inli kv̄t isht il anukfillit nan apesa li keyu hoke.

4. Uno ak inli kv̄t nana hō isht il akostininchi li keyu kv̄t; yohmi kak osh ilvppak o isht si ai v̄lhpiesa hi o keyu; amba kv̄na hosh nan isht si anukfillit apesa hokvto Chitokaka yak oke.

5. Yvmohmi hoka Chitokaka yvt ik lo k̄isha ka tikbalinchit nan isht anukfillit hv̄ch ik apeso kashke, yvmmak osh ai okhlilika ya nana kv̄t a luma puta tuk a otv̄ninchikmvt, anonti chukvsh im anukfila puta hatuk ma haiakahancha hi oke; yvmohmi ha ya hatak moma kv̄t nana ai isha he v̄lhpesa tuk vt Chihowa ya im ai isha hi oke.

6. Yohmi ka itibapishi li v̄hleha ma! yv̄mma puta kash hv̄chishno pulla hatuk mak o, vno, mikmvt Apollos, ita tuklo li kak o isht il onochi li: yohmi ka nana kv̄t holisso tok a i shahlichit hatak o isht ik hv̄chim anukfilo hosh pishno ak o hv̄sh pim ai ithv̄nashke; yohmi hosh hv̄sh achv̄fona kia achv̄fa ka ish ile fehv̄chit, anonti achv̄fa ka hv̄ch ik i sanalo kashke.

7. Kv̄ta hosh hv̄ch iti shashoblichit hv̄chim apesa tok o? Nanta hō ish īshi hosh yv̄mma chik habeno tok o? yohmi ka ish habena hatuk mvt, nanta katiohmi hō chik habeno ke tuk ak inli hō chohmit isht ish ilauata cho?

8. Himak ano na hv̄chi fihopa, himak ano na hv̄chin laua, ik piksho hō m̄ikot hv̄sh m̄ayv̄shke; yohmi ka hv̄sh m̄iko hatuk o m̄v̄hli hokbano ahni li, yvmmak atuk m̄v̄no pishno ak kia e hv̄ch iba m̄ika he atuk.

9. Illa he isht im v̄lhpisa kak o chohmit v̄banumpeshi ishtaiyopi pishno a Chihowa hv̄t pi atokoli tuk a vm ahoba hoka; yakni moma, mikmvt enchil v̄hleha, mikmvt hatak puta itikba a yopissa e toba tok oka.

10. Klaist atuk mak o ik pi ahobo ma, amba hv̄chishno vto Klaist a isht hv̄chi a hopoyuksa hoke: ik pi hlampko ma, amba hv̄chishno vto hv̄chi hlampkoshke: hv̄chi holitopa ma, amba pishno vto ik pi holitoposhke.

11. Pi hohchahafot, pi tukshihinla, micha haknip hieka, mihma pi pvsahaha; yohmi hō ai v̄tta ghli yvt ik pim iksho na ant himakvshke.

12. Mihmvt pishno pibbak ak inli hō isht toksahanli hosh ont pi a hoyublishke. Isht pi atukhlakahafa kia, i kanvt il anumpohonlishke: pi palvmihinchi kia, vlhpiesa il ahnishke.

13. Ik ahobalot na pi achi kia, i kana hosh il im anumpohonlishke; yakni pakna im a liteha ak inli hō a pi chiyuhmi, mikma nana moma isht liteha chukvlhpvsh ak o e chiyuhmi na ant himakvshke.

14. Hvchi hofahyali la he osh ilvppa puta ka holissochi li keyu, amba vm vlla a holitopa hvsh chiyuhmi kv ahah! hvsh ahana chi kak o hvchi miha lishke.

15. Klaist nan isht ithvnanchi tahlepa sipokni pokoli hosh hvchim ai asha hob kia, hvch iki vt ik lauwashke; Klaist Chisvs osh nan apelvchi hō vbanumpa pulla hō isht hvchi tobachi li tuk oke.

16. Yvmohmi hokvt hvs siakaiya hi a hvchi miha lishke.

17. Ilvppa yakohmi kak o Timohlivs, svso a holitopa, Chitokaka im ai ahlit achukma ya pit hvchi kanchi li ka, mihi yosh kanima moma iksa a hiohli puta ka Klaist isht avchit, nana a kaniohmi li puta ka anolit hvchi anukfohki-cha hi oke.

18. Yohmi ka ak hvchim ono ka he im ahobvt, hvsh kanimi kv isht hvsh ilefehcvchishke.

19. Yohmi kia Chitokaka yvt vlhpesa ahnikma, chekosi hvchim ona la chi hoke: yohmi kv ilefehvnvchi vhleha hatuk yvmmak ash im anumpa hak a chi keyu, amba nan ai ahli yak o ithana la chi hoke.

20. Chihowa im apehliechika yokvt anumpa hō keyu, amba nan isht ai ahli yak oke.

21. Nanta hō hvsh ahni? fuli yokmá, keyukmvt i hullo, micha chukvsh im anukfila yohbi hokmá, nanta hō ieshi hosh hvchim ona la chi cho?

CHAPTER V.

Hau mvt Kolinhla chvch a ibvlhkavt maya kak osh hofahyalichi, 1: 10 nan ibetvblichy okpulo yokvno hofahyalit kano pit kancha he vlhpesa.

1. ITIN lumaka yvt hvch itin takla ya asha kvv anohwa fehna hoke; yohmi ka kvna kia iki tekchi atuk a itauwaya, nan itin lumaka chohmi kvv Chentail okla ak kia ai yvmohmi fehna chatuk keyu hoke.

2. Yohmi ka kvna hosh na yakohmi ka yvmihchi tuk vt hvch itin takla ya a filvmma chi ka, ik hvchi nukhaklo kish, isht hvsh ile fehvchishke.

3. Sa haknip okvno isht a hvchi filvmmi li mvhli; yohmi kia sa shilombish okvno isht hvch ibafokvt hvch itin takla ahanta li ka chohmit, kvna hosh na yakohmi ka yvmohmi tuk mihi yo nana im apesa li mashkoshke.

4, 5. Kaniohmi ho pin Chitokaka Chisvs Klaist i hohchifo ho isht itvnavvt hvsh chiyakma, sa shilombish vt a hvch iba foyuka na pin Chitokaka Chisvs Klaist nan isht im ai ahli pulla hatuk mak o, kvna hatuk ash haknip isht ai im ilbvsha tok osh Chitokaka Chisvs Klaist i nitak vla hokvno imi Shilombish okvto okchaya chi ka, Setan ak o hvsh im issashke.

6. Nan isht hvsh ilauata ka ik achukmoshke. Nan isht shatvmmi iskvtnosi kia na yvmvvska moma ka yvmmichi ka hvch ik ithano cho?

7. Yvmohmi ka ik yvmmo hvchia hokvt, na yvmvvska himona mak o hvchia ha chi kvv, nan isht shatvmmi tikba yash isht ile filvmmichit hvsh kanchashke. Klaist vt na pim vbanvblit ont ia yvt vlhtobvt illi tok oka.

8. Yvmohmi hoka impa holitopa isht kiloh ai ashá; yohmi kvv nan isht shatvmmi tikba yash o keyu, mikmvt isht iti nukkilii, micha nan ik ai vlhpeso aiena ka isht shatvmmi yak o keyu, amba nan ilahobi keyu hosh ai ahli i pvvka ik shatvmmo yak ashke.

9. Itin lumaka vhleha ha hvch ik itiba chvfo ka chi ho, holisso ha hvchi holissochi li tuk oke.

10. Yohmi kak osh yakni ilvppa ai itin lumaka vhleha, mikmvt nan anushkunna atampa vhleha, micha na wehpuli vhleha, mikmvt na holvvt toba aiokpvchi vhleha aiena ka hvch ik itvpeho kvvmohe he ak atok keyu; yohmi hokmvt yakni ya hvsh a kohcha he ak osh hvchim vlhpesa hoka.

11. Yohmi tok kia kvna hosh itibapishi hohchifo hatuk vt itin lumaka, keyukmvt nan anushkunna atampa, keyukmvt na holvvt toba aiokpvchi, keyukmvt inla isht itukhla-kafa, keyukmvt oka homi ishko, keyukmvt na wehpuli ok-má, nana hokvno hvch ik itibai achvfokmvt, yumma chohmi kash impa kia hvch ik itibai impo ka hi o himak a hvchi holissochi lishke.

12. Kvna hosh iksa ibafohka yatuk keyu yummak kia nanta hō isht im apesa la he vlvpesa hō? iksa ibafohka yummak atuk okvno hvsh im apesa keyu hō?

13. Amba kvna hosh iksa ibafohka keyu hokvno Chihowa yosh nan im apesa yoke. Yvmohmi hoka hatak nan ashvchi yummak ash ai il i filvmmichit hvsh kanchashke.

CHAPTA VI.

Vbanumpuli vt nan vlvpisa isht it onocha he keyu, 1; 9 nan ik vlvpeso vto vba apelihoodi ka ai ahanta he keyu. 15 Hōpi haknip vt Klaist a ibachvfa, 19 mikmvt Shilombish Holitopa in tempel oke.

1. HUSH kanimi kvv inla ya nana hvsh iti kaniohmikmvt, nan ik vlvpeso itikba yo ont nana hvchim vlvpisa hi osh hvsh ahni cha, amba na yimmi vhleha itikba yokvno keyu ka hinla hatuk o?

2. Na yimmi vhleha hvv yakni moma nan im apesa hi a hvch ik ithano cho? yohmi ka yakni a nan hvsh im apesa hi okmvt, nana kvv iskvtnosi hokvno hvsh apesa he hvchi vlvpesa keyu hō?

3. Enchil vhleha ha nan iloh im apesa hi a hvchik ithano cho? yohmi hokvt okchaya ilvppa nana im a kaniohmi yokak heno il i shaiyahlichy fehna hinla keyu hō?

4. Yohmi ka okchaya ilvppa nana im a kaniohmi yo nan isht hvchim vlvpisa chi hokmvt, kvna hosh iksa im a holitopa keyu mihi yosh na hvchim apesa chi ka, hvsh atokoli chatuk oh cho?

5. Hvchi hofahya chi hō hvchim anumpuli lishke. Hatak hopoyuksa kvv hvch itin takla ya iksho hō? achvfa kia

itibapishi vhleha nan iti kaniohmi ka im apesa he keyu kut iksho ho? yohmi ho muhli ho?

6. Yohmi kia itibapishi achufa kut itibapishi atuk a anumpa onochi cha, nan ik yimmo vhleha itikba yo nana im vlpisa chi kut ohonvshke.

7. Yomohmi hoka himonasi kia anumpa itonochit nan im vlpisvt hvsh maya hokvt, nana hvsh ashvchi fehvshke. Nanta katiohmi ho nan ik vlpeso ka hvchi onocha he hvch ik im ahno hosh? nanta katiohmi ho nana ka ik vlpesachot hvchim isha hi a vlpesa hvchik im ahno hosh?

8. Yohmi keyu, amba hvch itibapishi ak kia ai vlpiesa keyu ho na hvsh im ishi kut, nan hvsh ashvchi hoke.

9. Ik vlpeso vhleha hokvt Chihowa im apehlichika yvt ai immi ha he vlpesa keyu ka hvch ik ithano cho? hvch ik ile haksecho kashke; itin lumaka vhleha, naholvt toba aiokpvchi vhleha, micha haui vhleha, micha nakni haui vhleha, micha nakni bika iti hauichi vhleha,

10. Micha hukopa vhleha, micha nan anushkunna atampa vhleha, micha oka homi ishko vhleha, micha inla isht itukhlakafa vhleha, micha na wehpuli vhleha, aiena hokvno Chihowa im apehlichika yvt ai immi toba he vlpesa keyu hoke.

11. Yohmi ka hvsh kanimi kut yvmma chohmi hvchia hatuk oke. Yohmi tuk kia hvchi ahchifa hatuk, mihmut hvchi kashofa hatuk, yohmi kut Chihowa imi Shilombish pulla ho Chitokaka Chisvs i hohchifo ho isht a hvchi vlpiesa hoke.

12. Nana puta kut isht vm ai vlpesa, yohmi kia nana puta kut isht vm ai achukma keyu; nana puta kut isht vm ai vlpesa, yohmi kia yvmma kanima kak oh kia i yuka la he keyu hoke.

13. Il impa hvvt takoba yak o immi hoh chatuk oke, mikma takoba yato ilimpa hak o ai immi hoh chatuk oke: yohmi kia yvmmak ash o it aieninchit Chihowa hvvt ikshokecha chi hoke. Yohmi ka haknip okvt haui yak o ai im vlpisa keyu, amba Chitokaka yak oke: yohmikma Chitokaka yvt haknip a nan im atahli yoke.

14. Yohmi kut Chihowa hvvt Chitokaka ya tanichi hatuk

okvt anonti pishno g ilap nan isht im ai ghli yo isht pi tantcha he ak inli hoke.

15. Yohmi ka hvchi haknip vt Klaist g ai it immi hg hvch ik ithano cho? yohmi hatuk g Klaist g ai it immi hash ishi lish, anonti haui yo ai it immichi la chi cho? ik yvmohmo pullashke.

16. Yakeh! kvna hoh kia haui yo ibafohka kv, yummvt haknip achvfa ka hvch ik ithano cho? tuklo tuk kia haknip achvfa toba hi oke, achi hoka.

17. Amba kvna hosh Chitokaka ak o ibafokkakmut, shilombish achvfa hoke.

18. Haui ya ili filvmmichit hvsh m lelashke. Kvna kia nan ai ashvchika moma ka yvmihchi hokvto, haknip okvno nana kanihchi keyu hoke: amba kvna hosh itin lumaka hokvto, ilap haknip ak inli ho okpanit nan ashvchi hoke.

19. Yakeh! hvchi haknip vt Shilombish Holitopa mihi yosh hvchi afoka, yummak osh Chihowa a minti ho hvsh ieszhi, yummak o in tempel hvchia hosh, hvchishno ak inli kvno keyu kv hvch ik ithano cho?

20. Nan ai vlli ho isht hvsh ai vlhtoba hatok: yvmohmi hokvt hvchi haknip, micha hvch imi shilombish, yummak okvt Chihowa immi hoka, Chihowa ya isht hvsh holitoblashke.

CHAPTER VII.

Nan itauwaya imma ka miha, 1; 4 mikmvt ik iti lumako ka hi g itau waya hi g miha: 10 nan itauwaya kvt pilla ik ahobot itimokofa he keyu: 18 moma kvt ilap nan im vlhpisa kvt vlhpesa ahnit ahi kia he; 25 ohoyo himithoa itauwaya ka nan isht anumpuli.

1. YUMOHMI ka nana ka hvsh sa holissochi tok imma kak oke. Hatak vt ohoyo hg ik potolo kak osh im achukma hoke.

2. Yvmohmi kia itin lumaka iksho ka chi kak o, hatak moma kvt ilap tekchi ak inli ho ieszikma, anonti ohoyo moma kvt i hatak ak inli ho ieszashke.

3. I hatak vt ohoyo hg isht ai im vlhpesa ka imashke mikma tekchi atuk ak kia i hatak g mihinlohimchashke

4. Tekchi vt ilap haknip ak o immi ho keyu, amba i hatak ak oke; mikma i hatak ak kia mihi yo chohmit ilap haknip a immi keyu, amba tekchi ak oke.

5. Isht im ai vlhpiesa hatuk ash hvch ik it im esho kashke, amba anumpa ilbvsha hvsh anumpuli fehna chi hosh chekosi itin takla yo hvsh it im ahni hok mak ashke; atuk osh nan isht il ai oktambli ik hvchim iksho ki Setan vt imomaka hvchi pisa hinla ka, atuklant hvsh it im onashke.

6. Yohmi kia vno nana vm anukfila hosh ilvppa isht hvchim anumpuli lishke, yohmi kvv nana isht vm vlhpisa tuk keyu hoke.

7. Hatak. puta kvv vno ak inli chiyuhma he ak o ahni lishke. Yohmi kia hatak moma kvv Chihowa i nan hvlbina ya isht im vlhpiesa cha, achvfa kvv ilvppak o isht ai im vlhpiesakma, anonti inla yvt yvmmak o isht im vlhpiesa yoke.

8. Yvmohmi ka nan ik itauwayo kisha, micha i hatak illi vhleha aiena kvv, Vno ak inli chohmit maya hinla hokmvto, im achukmvshke, achi lishke.

9. Yohmi kia okla il oktampla he keyu mvto, okla itauwayashke: itauwaya kak osh lua hi a im i shahli hoke.

10. Anonti itauwaya vhleha hokvno im apesa lishke; yohmi kia vno ak keyu, amba Chitokaka yak oke; Tekchi atuk vt i hatak atuk a ik i filvmmo kashke.

11. Yohmi kia anonti tekchi atuk vt filvmmi hokmvto, inla ik auwayo hosh antashke: keyukmvv i hatak atuk ash o i kanvt i falamashke; mikma i hatak vt tekchi a ik kancho kashke.

12. Yohmi ka inlaka yano vno ak osh anumpuli li, Chitokaka yak keyu; iloh itibapishi kvna kia tekchi ik yimmo, yohmi kia yvmmak ash o awant anta kvv im achukmakma, yvmma ik kancho kashke.

13. Anonti ohoyo hvv i hatak osh ik yimmo, yohmi kia yvmmak ash awant anta kvv im achukmakma, yvmma ik kancho kashke.

14. I hatak vt ik yimmo yvt tekchi atuk pulla mak o isht im a kashofa yoke; mikma tekchi nan ik yimmo yvt i hatak atuk mak o isht im a kashofa voke; yvmmak keyukma hv-

chim vlla yvt ik kashofo ka he tuk; amba himak ano holi-topa hoke.

15. Yohmi kia ik yimmo yvt filvmmi hokmvt, filvmmi ayashke. Yvmma chohmi hokvno il itibapishi yokmá, pin tek okmá, nana hash osh i yuka he keyushke; yohmi ka Chihowa hvto iti nanaiya he ak o pi atokli tuk oke.

16. Tekchi chia ma! chi hatak a ish okchalinchikmá nana chi kvv nanta ish ithana cho? mikma hatak chia ma! chi tekchi a ish okchalinchikmá, nana chi kvv katiohmit ish ithana cho?

17. Yohmi kia Chihowa hvv katiohmichit hatak moma ka i hopehinla hatuk, Chihowa yvt moma achvfalechit atokoli tok; yohmi hoka yvmmak o ik ai itvnowá. Yohmi ka chvch hiohli moma ai yvmohma chi mak o apihisa lishke.

18. Kvna kia hakshup tupa yvt vbanumpa nukfohka ho? Yohmi hokmvt hakshup ik tapo yo ik tobo kashke. Kvna kia hakshup ik tapo yosh vbanumpa nukfohka ho? yohmi hokmvt hakshup tupa keyu kashke.

19. Hakshup tupa yokvto nana keyu, mikma hakshup ik tapo yokvto nana keyu, amba Chihowa i nan vlvhvisa holitohombli kak oke.

20. Hatak moma kvv katiohmit antvt vbanumpa anukfohka tuk vt, yvmmak inli ho anukfoyukvt isht ahantashke.

21. Yuka chia hosh vbanumpa chi nukfohka ho? yohmi hokmvt na yohmi chik ahno kashke; yohmi kia yuka keyu ish toba hinla hokmvt, yvmmak o ish yvmihchashke.

22. Kvna hoh kia yuka hosh Chitokaka isht anukfoyukakma, mihi yosh Chitokaka immi yuka keyu hoke; yvmmak ash inli ho chohmit kvna hosh yuka keyu yosh vbanumpa anukfohkakmvt, mihi yosh Klaist in tishu yokvto.

23. Nan ai vlli yo hvsh ai vlbi hatuk; hatak i yuka ho hvchia keyu kashke.

24. Itibapishi li vvhleha ma! hatak moma kvv kania yo hikivt anukfohka tuk mvt, Chihowa im antihiyvt yvmmak inli ho antashke.

25. Yvmohmi ka ohoyo himithoa hatak haleli keyu vvhleha umma kak a he tuk okvno Chitokaka i nan vlvhvisa yvt ik

sun ikshoshke: yohmi kia ai a_hla chi hosh Chitokaka nan isht i nukhaklo ahayuchi tuk mak o, chohmit vno vm anukfila ha ima lishke.

26. Yohmi kia himonasi yokvno nan isht palvmmi ak atuk mak o ilvppak okvt achukma, ahni li; na yakohmi ka hatak vt yohmi kak o achukma, achi lishke.

27. Tekchi a ish a talaiyakchi ho? i holhtoyufa he, chik ahno kashke. Chi tekchi a ish i holhtoyufa ho? tekchi a chik hoyo kashke.

28. Yohmi kia anonti ish itauwaya hokmvt nana ish ashvchi tuk keyu hoke: mikma ohoyo himita hatak haleli keyu yosh hatak auwaya hokmvt, nan ashvchi tuk keyu hoke. Yvmohmi ak inli kia yvmma chohmi kvk haknip nan isht ik im vhpieso ka he; yohmi kia hvchi kanvt nana kaniohma hi okvno ak hvchim anoloshke.

29. Yohmi ka itibapishi li vhleha ma! ilvppak o achi lishke: nitak vt ik falaio yosh takanli hoke; tekchi im a_sha vhleha yatuk vt, ik im iksho chiyuhmashke.

30. Mikma kvna hosh yaiya kia, yaiya tuk keyu chiyuhmashke; mikma kvna hosh yukpa kia, yukpa tuk keyu chiyuhmashke; mikma kvna hosh chumpa kia, ik esho ke tuk chiyumashke.

31. Mikma kvna hosh yakni ilvppa nan isht ai ahanta kia, ik vhpesachot ahanta ik chiyuhmo kashke. Yakni ilvppa nana a kaniohmi yokvto ont ikshot i_hiya hoka.

32. Yohmi hoka nan isht im anukfilvt ik hvchi komunto ka he ak o hvchim ai ahni lishke. Kvna hosh itauwaya keyu hokvto, kaniohmit Chitokaka ya yukpala chi kvk, nana kvk Chitokaka ai immi hak o anukfihinli hoke.

33. Amba kvna hosh itauwaya yokvto, kaniohmit tekchi a yukpala chi kvk, nana kvk yakni ai immi hak o anukfihinli hoke.

34. Hatak im a_sha, mikmvt ohoyo himita hatak haleli keyu hokvto, it im inla hoke: ohoyo hatak auwaya keyu hokvto ilap haknip, micha im anukfila ita tuklo ka isht ik ashvcho ka chi kvk, nana kvk Chitokaka ai immi hak o anukfihinli hoke: amba hatak im a_sha yokvto, kaniohmit i hatak yukpala chi kvk, nana kvk yakni ai immi hak o anukfihinli hoke.

35. Yohmi ka hvchishno isht ai hvchim vlpesa hi q ilvppa anumpuli lishke : yohmi kv̄t nan isht atakvma yō isht hvchi onochi la chi hatuk keyu ; amba nana kv̄t ai vlpiesa kak atuk ; yohmi ka nan isht fitekvchi ik im ikshot, Chitokaka ya im antihyv̄t nan isht hvsh im ahantashke.

36. Yohmi ka hatak kv̄na hosh ilap ushetik hatak haleli keyu hatuk a ilap inli hosh ik vlpesalo kv̄t anukfillikmvt, yummak ash osh hofantit taha ha ya tuk okma, anonti yvmohma he vlpesa hoka, nana hō iki ash osh ahnikmvt nanashvchi keyu hokvt, yvmihchashke : yohmi hō hatak auwayashke.

37. Yvmohmi kia yvmohma he vlpesa keyu hokm̄no, iki ash osh ilap chukvsh isht ile kullochit ilap nan ahni hosh ahlichā hinla hosh, anonti yakohmashke, ahnit ilap chukvsh a anukfoyuki hokmvt, ushetik hatak haleli keyu kash ot imoma hosh im anta he ahnikmvt, vlpesa hō yvmihchi hoke.

38. Yvmohmi hoka kv̄na hosh ushetik hatak haleli keyu hā hatak auwayvchi kv̄t vlpesa hō yvmihchi hoke ; yohmi kia kv̄na hosh ushetik hatak haleli keyu ya hatak auwayachi keyu kak osh, vlpesa kv̄t i shahli hō yvmihchi hoke.

39. I hatak vt okchaya moyuma ka tekchi vt nan vlpisa pulla hō isht a talaiyakchi hoke ; yohmi tuk kia i hatak ash osh illi hokm̄no, Chitokaka immi kv̄na hoh kia ahnikmvt, auwaya hi vt i holhtofa hoke.

40. Yohmi ka Chihowa imi Shilombish vt a si anukfoyuka ak inli ka vm ahoba hoka, vno vm anukfila hā yummak ash osh iakaiyv̄t peh anta hokmvt, yummvt yukpa kv̄t i shahli hoke.

CHAPTA VIII.

Naholvt toba puta ka nan isht aiokpvchi ka isht anumpuli, 1 ; 9 kv̄na kia na kil ibetv̄blichō kashke.

1. YOHMI ka na holvt toba isht aiokpvchit nana ka im issa tok imma hokvno, nana ka iloh ithaiyana kv̄t il

ithanvshke. Nan ithana yvt ile chahvchi, amba nan i hullo yokvto nan achukmali yoke.

2. Yohmi ka kvna kia nana ka ithana im ahoba hokmvt, nana ka kaniohmit ithana he tuk ash osh ik ithano kisha hoke.

3. Amba kvna hosh Chihowa ya i hullokma, mihi yosh yvmma im a holitopa hoke.

4. Na holbut toba puta isht aiokpuchit nana ka im issa tok yvmmak o vpa hatuk imma tok okvno, na holbut toba yvt yakni pakna ya nana ho keyu; micha Chihowa inla yvt iksho, amba achvfa kak illa ka iloh ithanvshke.

5. I shahli hohchifo kvt ai asha kvt vba shutik ak okma, keyukmvt yakni pakna yak okma, nana ho ai asha kvt, i shahli hvv laua cha, anonti chitokaka mvt laua hoke.

6. Amba pishno yokvno Chihowa achvfa, Iki, yvmmak osh nan ai ahni pulla ho nana moma kvv toba hoke; mikma pishno vt yvmmak o immi pia hi osh il in toba hoke; mikma Chitokaka Chisvs Klaist achvfa yvmmak atuk mak o nana moma kvv ai asha, mikma pishno mvt yvmmak atuk mak o il ai ashvshke.

7. Yohmi kia nan isht ithaiyana yash hatak moyuma ka anukfoyuka keyushke: kanimi kvv na holbut toba ya nana ho chohmichit isht ai i yimmi cha, na holbut toba yash nana ho im issa tuk ash o yvmmak o ai vpvv maya na ant himakvshke: yohmi mvt nan isht il ai akostininchi yvt ik ono hatuk osh ai okpuloka hoke.

8. Yohmi ka il impa hatuk mak o Chihowa hvv pi ahninchi ho keyu: il impa hoh kia, kaniohmit il i shahli keyu hoka; mikmvt kil impo kia kil a lauwo keyu hoke.

9. Yohmi kia ahah! hvsh ahni na na hvsh a kaniohma he vlvpesa ilvppak ash ot kvna hosh ik hlampko, yvmmak ash o ibetvblichi yo ik kaniohmi kia ik tobo kashke.

10. Kvna chia hosh nana hash isht ithaiyana kia, na holbut toba in tempel anukaka ya ish ai impa na kvna hosh chi piesakmvt, yvmmvt nan isht il akostininchi hvv ik hlampko hatuk okmvt, na holbut toba nana ho im issa tok yvmmak ash o vpa hi vt i shahlit anukfohka keyu ka hinla ho?

11. Yohmi ka nana ish ithana pulla tuk ash o chitibapishi ik hlampko yummak o Klaist vlhtobvt illi tok a ai okpuloka chi cho ?

12. Yohmi ka hvsh itibapishi vhleha ha yakohmiechit hvsh im ashvchi cha, nan isht il akostininchi ik hlampko yash hvsh hotopali kv, Klaist ak o hvsh im ashvchi hoke.

13. Yomohmi ka ilhpak vt itibapishi li ha ibetvblichi hokma, itibapishi li hash ak ibetvblecho ka chi kv, yakni vt talaia moma ka nipi nana kia vpa la he keyu hoke.

CHAPTA IX.

Vbanumpa isht vta yvt nan isht il apelacha hi okvno im atahla he otvninchi, 1: 18 yohmi kia ilap vt kvna kia nana ka iwekechi tok keyu. 21 Okchayvt il anta ilvppvt nan iti timiya pvlhki ho chohmi.

1. APOSTEL sia keyu ho? yuka keyu sia keyu ho? pin Chitokaka Chisvs Klaist a pisa li tuk keyu ho? Chitokaka hvsh ibai achvfa ka yummvt na hvchi atahli li tuk mak keyu?

2. Inla yokvno im apostel sia keyu hok mak heto, hvchishno yokvno hvchim vbanumpeshi sia mvhlishke: Chitokaka hvsh ibai achvfa kak osh vbanumpeshi si vlhtoka hatuk a isht ahlichi hvchia hoke.

3. Kvna hosh ik yimmot si a ponaklo tuk yumma im afalaminchi li ka ilvppak oke;

4. Impa, micha nan ishko ita tuklo kv isht a pim vlhpiesa keyu ho?

5. Ohoyo pin tek a ilaelit aya kv, apostel inla vhleha, mikmvt Chitokaka itibapishi vhleha, micha Sefas aiena ka chohmit pim ohoyo, pin tek a ilaelit il aya hi vt pim vlhpiesa keyu ho?

6. Yohmikmvt Banabas ita tuklo li kak bano hosh ke toksulo ka hi vt pim vlhpiesa keyu ho?

7. Kvta hosh kaniohmi hoh kia itotinowa kv ilap inli hosh nan i kvnia ho? kvta hosh pakvpi a hollokchi ya ikbi tuk vt, yumma nan ai vni ka ai vpa keyu ho? keyukma

kvta hosh nan vlpoba apistikeli kv̄t anonti nan vlpoba yā i pishukchi yā ik ishko ka hinlā?

8. Hatak ō chohmit ilvppa puta ka achi li hō? vba nan vlpisa yak kia yvmmak inli hō achi ak inli keyu hō?

9. Wak toksvli yvmvt na nihechi ka, Itakha yā chik takeho kashke, achi hosh Moses ī nan vlpisa yā holisso hoke. Chitokaka yvt wak toksvli yā nan im atahli hō?

10. Yohmi ka pishno ak illa puyulla hatuk mak ō achi tok ō? pishno puyulla mvhli hatuk mak ō ilvppvt holisso hatuk: yohmi ka kvna hosh yakni patvffi kv̄t, nawaya pisa he ahni hosh yakni patvffashke; mikma nan isht ilai yukpa pisa he ahni hosh kvna kia nanihechi kv̄t, na pisa he ahni tuk ak ō ibai isha hi oke.

11. Nana kv̄t shilombish imma kō e hvchim a hokchi hatuk okma, nana kv̄t haknip ahalaia imma e hvchim ai vma chī ka, nana kv̄t a fehna hō?

12. Inla yvt ilvppa hvch ibai isha hi vt vlpesa hokma, pishno yokak heto isht a pim vlpiesa keyu hō? yohmi kia nana vlpesa ahnit ilvppak ash ō isht kil il apelacho hatuk: amba Klaist im vbanumpa hā kil ataklammo ka chī kv̄t, nana moma ka ik yvmohmī il ahni hoke.

13. Kvna kia nana kv̄t holitopa imma kak ō isht vta kv̄t, yvmvt nana kv̄t tempel ā ai immi hak ō ai vpa; mikma kvna hosh alta yā nan isht ai vta kv̄t, yvmvt alta yā nan ai ibai ishi ka hvch ik ithano cho?

14. Yvmmak inli hō chohmit kvna hosh vbanumpa isht anumpuli kv̄t, yvmvt vbanumpa hā ai isht il apelacha hi ō, Chitokaka yvt apesa tok.

15. Yohmi kia ilvppa puta kash achvfona kia isht il apelachi li tuk keyu: yohmi mv̄t nana kv̄t vm ai yvmohma chī kv̄t ilvppa puta kash holissohonchi li tuk keyu: kvna kia nan isht il a holitopa li yā ik ahobalecho ka he atuk a, illi kak osh achukma kv̄t yvma vm ī shahliske.

16. Vbanumpa isht anumpohonli li hoh kia, nan isht il aholitopa la hi vt ik sv̄m iksho kamohmishke: nana kv̄t ai vlpiesa mak osh si onvtuyula hoka; ahli, vbanumpa hā isht anumpohonli li keyukmv̄t, nan vm a palvmmi hoke.

17. Ahni li hok mak osh ilvppa yvmohmu li hokmvt, nan vlhtoba kia ieshi li hoke; amba ak ahno hok mak osh ilvppa yvmihchi li hoh kia, vbanumpa isht ai vtta hi okvto si vlhtokowa hatuk oke.

18. Yohmi ka nanta hosh nan isht vm vlhtoba yo? ahli, vbanumpa ho isht anumpohonli li kvv, Klaist im vbanumpa hash nan ak ai illecho ka chi hatuk; yokmi hokvt vbanumpa isht vm ai vlhpiesa hatuk a ak vlhpesacho ka hi o keyushke.

19. Achvfona kia i yuka sia keyu, yohmi kia i shahlichit asitvbi la chi kvv, vno ak inli hosh moma ka il im i yukahanchi li hoke.

20. Yohmi hokvt Chu okla ha asitvbi la chi kvv, Chu okla hokvno Chu ak inli ho toba li hatuk; mihmvt kvna hosh nan vlhpisa ya ai i nutaka atuk a asitvbi la chi kvv, nan vlhpisa ai i nutaka hokvno nan vlhpisa ai i nutaka ak inli ho toba li hatuk;

21. Kvna hosh nan vlhpisa a keyu ka asitvbi la chi kvv, nan vlhpisa a keyu hokvno nan vlhpisa a keyu ak inli ho toba li hatuk; yohmi kia nan vlhpisa ik im ikshot Chihowa ik im antio ka hi o keyu, Klaist i nan vlhpisa yosh onvtuyula hoka.

22. Ik hlampko ya asitvbi la chi kvv, ik hlampko hokvno ik hlampko ak inli ho toba li hatuk; yohmi kvv ik kaniohmi kia kanimi ka okchalanchi la chi kvv, hatak moma ka nana moma ka in toba li hoke.

23. Yohmi kvv vbanumpa ha hvch ibai ishi la chi kvv, vbanumpa pulla kak o ilvppa yakohmi li hoke.

24. Kvna hosh ai itin timiya ai yihlepa chi hatuk okvt, moma kak osh yihlepa kia, nan isht a holitopa hi okvno achvfa bano hosh ishi chatuk a hvch ik ithano cho? Nan isht a holitopa hi ya hvsh isha chi kvv, yummak inli ho chohmit hvsh malelashke.

25. Yohmi ka hatak moma kvv i shahlicha he ahnit ile lushummi hokvto, yummvt nana moma ka il ai oktamplicho hoke. Yohmi kvv iachuka okpula hi o isha chi kvv, okla ilvppak o yakohmi hoke: pishno yokvto nan okpula he keyu kak oke.

26. Yvmohmi hoka ik im ai ono keyut, yakohmit malihinli lishke: k_vna hosh mahli h_o ihisso h_o chohmi keyut, itihimbi lishke.

27. Yohmi kv_t sa haknip imaiyachi li, yohmi mv_t yukahanchi lishke: yvmmak keyukmv_t ik kaniohmi kia inla ya vbanumpa isht im anumponhli li haya tuk vt, vno ak inli kak osh ak ai ghlo ka hinla hoke.

CHAPTA X.

Chu okla nan isht im v_lhpisa holitopa, 1. 7 Chu okla nan isht un apalv_mi tok a nan isht il ithana he tuk. 21 Chitokaka im ai impa ya Setan o im ai impa kiloh ikbo kashke. 24 Il itibapishi im anukfila ha il itim ahnicha he tok.

1. YAKOHMI ka itibapishi li v_hleha ma! pin tikba v_hleha hv_t kaniohmit moma kv_t hoshonti ha ai i nutakv_t ayv_t, anonti momv_t okhv_ta h_o a hlopulli tok a hv_{ch} ik ithano ka hi a, hv_{ch}im ai ahni li keyushke.

2. Yohmi ka Moses a im antia ch_i kv_t hoshonti, micha okhv_ta ita tuklo kash o isht a baptismo tok.

3. Mihma il impa shilombish imma a miha chv_fa h_o momv_t vpa tok.

4. Mihmv_t nan ishko shilombish imma a miha chv_fa h_o momv_t ishko tok. Tv_li chito shilombish imma yvmmak ash okla ai ishko tok a yvmmak ash ot iakaiya tok oka: yohmi ma Tv_li chito yvmmv_t Klaist mak atok oke.

5. Yohmi kia yv_mma kashampa laua ka Chihowa yv_t isht ik i ahno fehna tok; illit yakni haiaka ya okla a fimimpa tok oka.

6. Yohmi ka nana yakohmi kv_t nan isht a pim v_lv_{ch}a hi atuk; yvmohmi hokv_t okla nan anushkunna tok ak inli h_o chokmit nan ik v_lhpeso puta ka kil anushkunno ka he atuk oke.

7. Okla hv_t binohmayv_t impv_t, nan ishkot wakaya cha, a bihlv_{ch}i tok, achi kv_t holisso hoka; kanima kv_t yohmi hatok a chohmit nan holv_t toba aiokpv_{ch}i hv_{ch}ia keyu kashke.

8. Mihmvt kanimi kv̄t itinlum̄ka tuk osh, nitak achvfa ka tahlepa sipokni pokoli tuklo akocha tuchinv̄t ak-akoha tok vhleha h̄a chohmit kil itinlum̄ko kashke.

9. Mihmvt kanimi kv̄t Klaist imomaka pisa tuk osh, sinti ̄ isht ai illi tok vhleha h̄a chohmit Klaist a imomaka ke peso kashke.

10. Mihmvt kanimi kv̄t ik im v̄lhpesot na mihachi tuk osh, nan okpv̄ni ̄ isht ai okpuloka tok vhleha h̄a chohmit, na hvch ik mihacho kaskke.

11. Yohmi ka isht a pim v̄lvucha hi a ilv̄ppa puyuta kv̄t yvm̄mak ash ̄ ai i yvmohmi tok: yohmi tuk osh yvm̄mak atok vt isht a pim achukma ch̄i mak ̄ holisso ma, yakni ont ai v̄hli hv̄t pishno ak ̄ pim v̄lvshke.

12. Yvmohmi h̄oka kv̄na hosh, Hik̄ia li, ahni kv̄t, mihi yosh ik itulo ka ch̄i kv̄t ahah! ahnashke.

13. Nana imomaka pisa nana hosh hv̄chi onvtula he keyu; amba hatak moma ka ai onvtuyula chatuk chohmi kv̄t yvm̄mak oke; yohmi kia Chihowa yvt ai āhli, yvm̄mvt nan hv̄sh a lauecha he ont ia hokvno imomaka hv̄chi pisa hi a ahna he keyu hoke; amba yvm̄mak ash hv̄sh a lauecha ch̄i ka nana imomaka pisa yvt hv̄chi ontuyulakma, a hlakofa he at̄aya ya hv̄chim ikba he ak inli hoke.

14. Yvmohmi hoka a kana a holitopa vhleha ma! na holv̄t toba ai okpv̄chi hv̄sh i filv̄mmashk̄e.

15. Hatak hopoyuksa yo hv̄chi chohmichit anumpuli lishke; nana h̄o achi li ka anukfillit hv̄sh akostininchashke.

16. Isht ishko holitopa mihi yo Chihowa isht il aiokpv̄chi kv̄t, yvm̄mvt Klaist im issish a isht itibai ishi keyu h̄o? Pvska e boshullich̄i ka, yvm̄mvt Klaist hakn̄ip a isht itibai ishi keyu h̄o?

17. Pishno vt pi laua kia, pvska achvfa, anonti hakn̄ip achvfa pia hoke; pvska achvfa yvm̄ma momvt iloh itibai ishi hokvt.

18. Israel okla hakn̄ip imma hokvno ho pesá; kv̄na hosh v̄ba nan isht aiokpv̄chi nipi yo ai vpa kv̄t, yvm̄mvt alta ya itibai ishi keyu h̄o?

19. Yohmi ka nanta h̄o achi li h̄o? na holv̄t toba

yummvt nana hoke; mikmvt na holbvt toba nana hō isht aiokpvcha chī hō imma ka yummvt nana hoke, achi li hō? keyú.

20. Amba nana hō Chentail okla hvv vba isht aiokpvchi kvv, nan isht a hullo okpulo yak o isht aiokpvchi kvv, Chihowa yak okvno keyu, achi li hoke: yohmi hokvt nan isht a hullo okpulo yā hvsh ibai isha hi o, hvchim ahni li keyushke.

21. Chitokaka im isht ishko, mikmvt nan isht ahullo okpulo im isht ishko it aieninchit hvsh ai ishka he keyushke. mikmvt Chitokaka im ai-impā, mikmvt nan-isht ahullo okpulo vvhleha im ai-impā it aieninchit hvsh ibai achvfa he keyushke.

22. Chitokaka yā il anukhobelvchi na pī nuktvhla hinv hō? yvmma hlampko kvv il ī shahli hō?

23. Nana moma kvv isht v̄m ai vlvpiesa, yohmi kia nana moma kak osh isht achukma he keyu; nan moma kvv isht v̄m ai vlvpiesa, yohmi kia nana moma kak osh achukmalechi keyu hoke.

24. Hatak kvna kia ilap nan isht im ai vlvpiesa he ak bano hō ik hoyo kashke; amba hatak moma kvv invla nan isht im ai vlvpiesa he yak ashke.

25. Nipi a chumpa yā nana hosh a kvnia tuk a, yvmma nan isht il akostininchi pulla kak o nana ik a ponaklot, hvsh pashke.

26. Yakni moma, micha awaya moma kvv Chitokaka immi hoke.

27. Kanimi kvv na yimmi keyu hosh ont hvsh ibai impa he hvchim ahni hokma, ia hi a hvsh ahni hokmvt; nana hosh hvchin tikba yā talaiakma nan isht il akostininchi pulla kak o nana ik a ponaklot, hvsh pashke.

28. Yohmi kia kvna hosh, Na holbvt toba isht aiokpvcha hi o ilvppa im issa tok a hvchim achikma, na hvchim anoli tuk yvmmak pulla, mikmvt nan isht il akostininchi aiena pulla kak o hvshpa ná; yakni micha ai immi moma aiena kvv Chitokaka immi hoke.

29. Nan isht il akostininchi achi li ka, chimmi ak o keyu,

amba yummak ash oke; nan isht vm ai vlhpisa hosh yummihchi li ka, nanta katiohmi hō inla nan isht il akostininchi hosh si onochi hō?

30. Chihowa nan isht i kana pulla hō ibai ishi li hokmvt, yummak oka yak oke isht ahni li ka, nanta katiohmi hō nan ik vlhpeso yō isht a si anumpa cho?

31. Yumohmi hoka hvsh impa, keyukmvt na hvsh ishko, keyukmvt nana hō hvsh yummihchi hokmvt, Chihowa isht a holitopa chī hō, mominchit hvsh yumohmashke.

32. Achvona kia Chu ak okmá, keyukmvt Chentail ak okmá, keyukmvt Chihowa in chvch ak okmá, nana kia hvch ik ibetvblichō kashke.

33. Hatak moma ka nana moma ka yukpali kv̄t, vno nan isht vm ai vlhpiesa hi o hoyo li keyu; amba lawa yummvt okchaya chī ka, isht im ai vlhpiesa hi o hoyo li ka hvsh chiyuhmashke.

CHAPTER XI.

Chihowa aiokpabanchi & nana kv̄t ik vlhpeso, micha Chitokaka im opiaka impa ma ik ahobalo aiena ka im alvmmi, 1. 23 Chitokaka im opiaka impa vlhpisa vmonnvt isht a minti tok & im anoli; mihmvt kaniohmit okla holitobla hi tok & im otv̄ninchī.

1. **U**NO vt Klaist & iakaiya sia akinli hō chohmit, siakaiya hvchia hashke.

2. Yumohmi ka itibapishi li vhleha ma! nana moma isht hv̄s sv̄thaiyana, mikmvt nan vlhpisa holitopa moyuma ka hvch ichima li tuk & hvsh holitobli hoka, hvchi ahninchī lishke.

3. Yohmi ka hatak moma i noshkoboka yvt Klaist ak okma; anonti ohoyo hā i noshkoboka yvt hatak ak cke; mikma Klaist i noshkoboka yvt Chihowa yak oka, hvsh ithana he ak o, hvchim ahni lishke.

4. Hatak moma kv̄t anumpa ilbvsha anumpuli, keyukmvt Shilombish o anukfoykvt anumpuli kv̄t, noshkobo hv̄t im o hlipia hokmvt, ilap noshkobo hā hofahyali hoke.

5. Amba ohoyo moma kv̄t noshkobo o hlipia keyu hosh,

anumpa ilbusha anumpuli, keyukmut Shilombish o anukfo-
yukvt anumpuli hokmut, noshkobo yash o hofahyali hoke,
yummak okvt noshkobo i shafa yak inli ho chiyuhmi hoka.

6. Ohoyo hut noshkobo ompoholmo keyukmut, pashi ak
kia vlmashke; yohmi kia pashi vlmo, keyukmut shafa kak
okma, nana ka ohoyo hut isht a hofahya hinla hokma, nosh-
kobo hut ompoholmashke.

7. Chihowa ya a hoyulba na isht a holitopa hoka, hatak
vt noshkobo ha nan o hlipela he vhpesa keyu mvhlishke:
amba hatak a isht im a holitopa yokto ohoyo ak oke.

8. Hatak vt ohoyo ak o a toba tok keyu, amba ohoyo ak
osh hatak ak atok oka.

9. Mikmut hatak vt ohoyo ak atuk pulla mak o toba tok
keyu, amba ohoyo ak osh hatak ak atok oke.

10. Yumohmi kak o ohoyo hut enchil vhleha ak pulla
kak oka, noshkobo hut ompoholma he vhpesa hoke.

11. Yohmi kia ohoyo hut iksho ka hatak vt anta he keyu,
mikma hatak vt anta he keyu, mikma hatak vt iksho ka
ohoyo hut anta he keyu. Chitokaka yvt im ahni hoke.

12. Ohoyo hut hatak ak o a toba yatuk o, yummak inli
ho chohmit hatak vt ohoyo pulla kak o atoba hoke; yohmi
ka nana puta kvv Chihowa ak o atoba hoke.

13. Hvchishno ak inli hosh anukfillit ho pesa; ohoyo hut
noshkobo ompoholmo keyu hosh Chihowa im ilbushvt an-
umpuli yummvt vhpesa ho?

14. Hatak vt pashi vt falaia hokmut, ishit hofahya ka
nan isht anukfilli kak oh kia nan hvchi ithvnanchi keyu ho?

15. Amba ohoyo hut pashi vt i falaia hokmut, isht im a
holitopa hoke; ilap pashi vt noshkobo isht ompoholma hi
o ishi tok oka.

16. Yohmi kia kvna hosh a sanali kak o bvna ahoba kia,
pishno yukto yvma chohmi kvv ik pim iksho chatuk;
mikmut Chihowa in chvch a hiohli kvv yvma chohmi kvv
ik im iksho chatuk oke.

17. Yohmi ka achukma i shahli kak o keyu, amba okpulo
i shahla chi hosh mintit hvsh itvnaha kak o, ak hvchim
ahnincho ilvppak osh hvchim anoli lishke.

18. Ūbanumpuli iksa yosh ant hvsh ai itvnaha kv̄t, nana v̄monna ka ita kvshkov̄t hvsh maya ka haklo lishke: yohmi kv̄t sai yimmi chohmishke.

19. Yohmi ka hvch ik itibachvfo kak o pulla ch̄i, yohmik mak o kvna hosh ai ahli hok mak osh hvch itin talia ya otaiyana hi oke.

20. Yohmi ka a miha chvfa h̄o ant hvsh ai itvnaha, ilvpak osh Chitokaka im opiaka impa ya vpa h̄o keyu hoke.

21. Hvsh impakm̄t, hvsh moma kv̄t hvchim opiaka impa yatuk kak illa h̄o tikba hvsh ishishke: yohmi hatuk o achvfa kv̄t hohchvokma, anonti inla yato nan ishkot haksishke.

22. Yakeh! ai impa he, mikm̄t ai ishka he aiena chuka yv̄t ik hvchim iksho h̄o? keyukm̄t Chihowa in chvch hvsh shitilema cha, anonti kvna hosh nana kv̄t ik im iksho ke tuk yvm̄mak ash kia hvsh hofahyala ch̄i hosh hvsh yohmi h̄o? Nanta h̄o hvchim achi la ch̄i h̄o? ilvppak ash o isht hvchi ahn̄inchi la ch̄i h̄o? isht hvchi ahn̄inchi li keyushke.

23. Chitokaka ya im ishi li tuk mihi yo hvch ih̄ima li; yohmi ka Chitokaka Chisvs vt tv̄nvp ibbak fohka ch̄i ninak yvm̄mak inli m̄t pvska ya ishi tok.

24. Mihm̄t yvm̄mak ash ot vba pit isht aiokpv̄chi cha, pvska yash boshullich̄i m̄t, Ieshi cha, ho vp̄a; ilvppvt sa hakn̄ip osh hvch̄i boshulli hoke: hv̄s sv̄thana ch̄i kv̄t ilvppak o hvsh yvm̄ihchashe, achi tok.

25. Yvm̄mak ash inli h̄o chohmichit opiaka impa ishi hayosh, isht ishko ash kia yvm̄mak ash ot ishi m̄t, Ilvppvt nan v̄lh̄pisa himona v̄m issish o isht ai ahli toba hoke; ilvppak o hvsh yvm̄ihchi cha, yvm̄mak ash hvsh ishko aiyukakm̄t, hv̄s sv̄thahanashke.

26. Pvska ilvppa hvsh pa aiyuka, mikm̄t isht ishko ilvppa hvsh ai ishko aiyuka aiena kv̄t, Chitokaka illi tok a hvsh otv̄nihinchi na yvm̄mak atuk vt v̄la hayashke.

27. Yvm̄ohmi ka kvna hosh yohma he ai v̄lh̄piesa keyu hosh, pvska ilvppak ash vpa ch̄i, mikm̄t Chitokaka im isht ishko ilvppak ash ai ishka ch̄i aiena hokm̄t, mihi yosh Chitokaka hakn̄ip, micha im issish ita tuklo ka ik holitobl̄ot nan isht i palv̄m̄mi mak a hi oke.

28. Yohmi ka hatak okvt anukfillit ik ile pisá: yvmohmi cha mihi yosh pvska yash ik pá, mikmvt isht ishko yash ik ai ishkó.

29. Kvna hosh ai vlhpiesa keyut yvmmak ash vpa, micha ishkc aiena kvv Chitokaka haknlp ash ik akostinincho hokvt, mihi yosh ilap nan isht im vlhpisa hi o yvmmak ash vpa, micha ishko aiena hoke.

30. Ilvppa yakohmi kak o ik sitopo, micha abeka aiena kvv laua hosh hvchim ai asha; mihma laua kvv nusi hoke.

31. Pishno ak inli kvv il il akostininchi hatuk okmvt, nan isht pim vlhpisa hi atuk keyu.

32. Yohmi ka nan isht pim vlhpisa kvv, yakni ya ai itvpehvt ik pi palvmmo ka chi kvv, isht pi achukma chi hosh Chitokaka ya il im afvma hoke.

33. Yomohmi hoka itibapishi li vhleha ma! hvsh irpa chi hosh hvsh itvnahakmvt, it i hullot hvsh iti hoyashk.

34. Yvmohmi ka itvnahvt nan isht hvchim vlhpisa chi kvv, kvna hosh hohchvfo hokvto, mihi yosh in chuka yak o ik ai impa. Nana inla ka yatuk okvno ona lik mak osh, apoksiachi la hi oke.

CHAPTER XII.

Shilombish na holhpela hokvto il ai yuka, 1; 7 yohmi kia moma kvv nan isht ai yukpa he vlhpesa bano. 12 Halap a ai ibachvfa yvt ai it im il aiyuka bano, yohmi kia ilap biva it im vlhpesak mvt, haknlp ma im ai vlhpiesa chatuk; 29 yohmi hoka na pi hvlbena kvv il aiyuka kia, isht il itapela he tok.

1. YUMOHMI ka itibapishi li vhleha ma! Shilombish imma ka hvch ik akostinincho ka hi a ak hvchim ahnoshke.

2. Chentail hvchia hvv na hvsh anukfoyuka hosh na holvvt toba ik anumpulo puta ilvppa hvsh im ohona kvv hvsh ithaiyanvshke.

3. Yvmohmi ka hatak nana kia Chihowa imi Shilombish anukfoyuka hosh anumpuli kvv, Chisvs a na kallakshi yo hochifa he keyu hoke: yohmikma hatak kvna kia Chisvs vt Chitokaka yoke, acha he keyu, amba Shilombish Holitopa yak osh anukfoyuka hok mak ahinla ka hvch itvnanchi lishke.

4. Yohmi ka na hulbina ilaiyuka kv̄t ai asha; yohmi kia Shilombish mihi ash inli hoke.

5. Mikma nan isht v̄tta mvt im ilaiyuka; yohmi kia Chitokaka yokv̄to mihi ash inli hoke.

6. Mikma na toksuli mvt im ilaiyuka hoke; yohmi kia Chihowa mihi ash inli hosh ilv̄ppa moma ka hatak moma ka anukfohkichi hoke.

7. Yohmi ka Shilombish nan isht otv̄ni h̄ hatak moma kv̄t isht ai v̄lhpiesa hi osh habena hoke.

8. Shilombish pulla h̄ na hopoyuksa anumpa h̄ achvfa kv̄t anukfoyuka hoke; inla yato Shilombish yv̄mmak inli h̄ nan ithana anumpa h̄ anufoyuka hoke.

9. Inla mvt Shilombish mihi ash inli pulla h̄ na yimmi h̄ ishi: mikma inla mvt Shilombish mihi ash inli pulla h̄ na hlakofichi hulbina ka ishi hoke.

10. Inla yvt na fehna puta yv̄mihcha hi vt ishi; inla mvt Shilombish anukfoyukv̄t nan ithonancha hi vt ishi; inla mvt chukv̄sh im anukfila puta akostininchi ȳ ishi; inla mvt anumpa ilaiyuka anumpula he vt ishi; inla mvt anumpa ilaiyuka toshola hi vt ishi ka Shilombish pulla kak oke.

11. Shilombish achvfa mihi ash inli kak osh hatak moma ka kanimi h̄ im ai ahni aiyuka hosh na yakohmi puta kash im it a kv̄shkolit anukfohkichi hoke.

12. Haknip okv̄to achvfa, yohmi kia yv̄mma ai immi hokv̄to in laua; mikma haknip achvfa yv̄mma ai immi moma kv̄t lai yawa kia, haknip achvfa hoke; yohmi ka Klaist ak kia ilv̄ppak inli h̄ chohmi hoke.

13. Shilombish achvfa pulla h̄ momvt isht il a baptis-mot haknip achvfa e toba; Chu, keyukmvt Chentail pia hokmá, yuka, keyukmvt yuka keyu ȳ pia hokmá, nana tuk kia momvt Shilombish achvfa il ibai ishi ȳ e toba hatuk.

14. Haknip vt ai immi im achvfa keyu, amba laua hoka.

15. Iyi yvt, Ūno vto ibbak sia keyu hokv̄t, haknip ai immi sia keyu; achi hokmvt, yohmi kia yv̄mmvt haknip a ai immi keyu h̄?

16. Mikma haksobish vt, Ūno vto nishkin sia keyu hokv̄t,

haknip ai immi sia keyu hoke; achi hokmvt, yohmi kia yummvt haknip a ai immi keyu hō?

17. Yohmikma haknip moma kv̄t nishkin okma, katima yak osh na haklo ya hinla hō? moma kak osh na haklo yokma, katima yak osh na huwa ya hinla hō?

18. Yohmi ka himonasi yokvno Chitokaka yvt yakohma hinla, ahni mak osh, ai immi hash achvfa aiyukali mominchit haknip ash ai iba fohkichishke.

19. Yohmi ka moma kak osh ai immi achvfa hokmvo, katima yak osh haknip a hinla hō?

20. Yohmi ka himonasi yokvno ai immi yvt laua: yohmi kia haknip okvto achvfa hoke.

21. Yohmi ka nishkin vt ibbak a, Nana ka ak chī svbvnoshke, im acha he keyu: keyukmvt anonti iyi yash o, Nana ka ak chī svbvnoshke, noshkobo hv̄t im acha he keyu hoke.

22. Keyú, yumma i shahli, haknip ai immi ilvppak ash osh ik hlampko fehna ahoba kia ai vlhpiesa hoke.

23. Yohmi ka haknip ai immi ilvppak ash kanima ka holitopa ik lauwo pim ahoba kia, ilvppak ash o holitopa i shahli fehna il ima hoke: mikmvt a pim alumaka imma hokvno i shahlichit e shemvchi hoke.

24. Isht a pi aiokli imma hokvno shema yvt isht im ai vlhpesa keyu hoke: yohmi ka Chihowa hv̄t haknip a iti fohkit apoksiachi mvt, kanimi kv̄t ik alauwo ke tuk ash holi-tobli kv̄t i shahlichit fehna hoke.

25. Yohmi na haknip ash ita kvshkoa iksho ka hi atok; amba ai it immi hash osh ahah! it im ahna he ak atok oke.

26. Yohmi ka haknip ai immi achvfa hatuk vt ilbvsha hokma, haknip ai immi moma kak osh ibai ilbvsha hoke: mihma ai immi achvfa kv̄t holitopa hokma, moma kv̄t ibai yukpa hoke.

27. Yohmi ka Klaist haknip o hvchia, micha yummak ash o ai immi ka a kashampa ai yuka hvchia hoke.

28. Yohmi ka Chihowa hv̄t kanimi ka atokolit chvch a hiohlichit; vmona ka apostel, atukla ka Shilombish anukfoyukvt anumpuli; atuchina ka vbanumpa isht ithvnanchi;

mikmut na fehna puta yvmihchi, mikmut na hlakofichi holhpela, nan apelvchi, chvch pehlich, anumpa ilaiyuka anumpuli puta kak oke.

29. Moma kak osh apostel o? keyukmut moma kak osh Shilombish anukfoykvt anumpuli yo? keyukmut moma kak osh vbanumpa isht ithvnanchi yo? keyukmut moma kak osh na fehna puta yvmihchi yo?

30. Moma kak osh na hlakofichi holhpela ha ishi ho? keyukmut moma kak osh anumpa il aiyuka anumpuli ho? keyukmut moma kak osh anumpa ilaiyuka tosholi yo?

31. Yohmi ka na holhpela puta achukma i shahli kak o ishi ka hvsh ahni fehnashke. Yohmi kia na fehna kvv i shahli ho hvchim anoli lishke.

CHAPTA XIII.

Shilombish holhpela moma kvv nan i hullo kvv aiena keyu hokvto nan ik ahoba, 1; 4 nan i hullo im anukfila nan a kaniohmi.

1. **HATAK** im anumpa ilaiyuka puta, mikmut enchil puta im anumpa ho isht anumpuli li hoh kia, nan i hullo yvt ik svv ikshokmut, tvli lakna ohonla, keyukmut tvli kusa kvsahahanchi ak inli ho holba li hoke.

2. Yohmi ka Shilombish anukfoykvt anumpuli na holhpela ka ieshi li, micha nan ik otano ki tok moma ka akostinichi li, micha nan ithana moma ka ieshi li, yohmi cha na yimmi moma ma ieshi li, yohmi hokvt nvnih hochito puta ka kanvllichi la hinla kia, nan i hullo yvt ik svv iksho hokmvt, nana ho sia keyu hoke.

3. Yohmikmut nana vv gsha moma kash ilbvsha ya im iti yopelachi li, micha sa haknip mvv lua chi ho im issa li; yohmi kia nan i hullo yvt ik svv iksho hokmvt, nana ho isht vv ai achukma keyu hoke.

4. Nan i hullo yvt na hotopali ya i svlaha, micha nan i kana yoke; nan i hullo yvt nana potvnnot i nukkilli keyu; nan i hullo yvt ilap inli ka isht ilauata keyu, ile chahvchi keyu.

5. Ilefehnuchi hosh inla ya hofahyali keyu, ilap immi yo hoyo keyu, nan ik kanihmo ka nokowa keyu ; nan ik vlhpeso anukfilli keyu.

6. Nan ik vlhpeso isht ai yukpa keyu, amba nan ahli yo isht ai yukpa yoke.

7. Nana moma ka ompohomo, nana moma ka yimmi, nana moma kvt vlhpesa chi, ahani a yimmi, nana moma kvt ant ik svm ai yohmi, ahani.

8. Nan i hullo yokvto nitak nana ont ai iksho ka he keyu : amba Shilombish anukfoyukvt anumpuli yokma, nana hatuk kia yummak okvto ont ai iksho ka hi oke ; anumpa ilaiyuka ithaiyana yokma, nana tuk kia yummak okvto ont issa hi oke ; nan ithana yokma, nana hatuk vt ont akshot kvnia hi oke.

9. Ik onancho hosh il ithaiyana hosh, anonti ik onancho hosh Shilombish anukfoyukvt il anumpuli hoke.

10. Yohmi kia nana ont ai ahli yummvt vla chi, yohmi hckmvno nana ik ono yummak atuk vt ont ai ikshot kvnia hi oke.

11. Ulla sa tomba mvt, vlla yo chohmit anumpuli li tok ; vlla yo chohmit nana akostininchi li tok ; vlla yo chohmit nana anukfilli li tok ; yohmi tok kia hatak ont toba li mvt, vlla nana im akaniohmi yash kanchi li tok.

12. Himonasi yokvno ik onanchot a pisa yo hlopullechit e pisa : yohmi kia yummak fokak mak o nashuka bika il iti pihisa hi oke : himonasi yokvno ak onancho hosh ithana li ; yohmi kia himmak o himonasi ya svthaiyana kak inli ho chohmit ithaiyana la hi oke.

13. Yohmi ka himonasi yokvno na yimmi, ai okchayvt bilia pisa he ahni, nan i hullo, tuchina ilvppak ash osh takali hoke : yohmi kia ilvppak ash moma i shahli hokvto nan i hullo yak oke.

CHAPTA XIV.

Shilombish anukfoyukvt anumpuli ha ahninchi ; 4 yummak osh anumpa inla ithanvt anumpuli ka i shahli : 12 isht a hlamoko

achukmvt i shaht ia chi ka ita tyklo ka a yvmihcha hinla,
84 chvch itvnahvt maya ka ohoyo hvvt anumpula he keyu im
v'vhpisa.

1. NAN i hullo ya achunanchit iakaiyvt, ishi ka hvchi
bvnashke: mikmvt Shilombish imma ka anukfoyuka chi ka
hvchi bvnashke: yohmi kia Shilombish anukfoyukt hvsh
anumpula he ak osh ahni kvvt hvsh i shahlichashke.

2. Kva hosh anumpa inla yo anumpuli hokvto, hatak o
im anumpuli keyu, amba Chihowa yak oke: kva hosh im
akostininchi keyu hoka; yohmi kia Shilombish anukfoyuka
hosh yvmmak ash ot nana luma hatok puta ka anumpuli hoke.

3. Amba Shilombish anukfoyukt anumpuli hokvto,
hlampkohonchi, mikmvt ai okchaya he ahna chi ka i mihija,
mikmvt hopohlahanli, aiena hosh hatak puta im anumpuli
hoke.

4. Kva hosh anumpa inla yo anumpuli hokvto, ilap illa
isht achukmali hoke; amba kva hosh Shilombish anukfoy-
ukt anumpuli hokvto, chvch a hlampkohonchi hoke.

5. Hvsh moma kvvt anumpa ilaiyuka hvsh anumpula he
ak o hvchim ahni li; yohmi kia Shilombish anukfoyukt
hvsh anumpula he ak o hvchim ahni li kvvt i shahlichili:
kva hosh anumpa ilaiyuka anumpuli ka, chvch vt achuk-
mvt i shahlit hlampka chi ka, yvmmvt tosholi keyukma, kv-
na hosh Shilombish anukfoyukt anumpuli kak osh holitopa
kvvt i shahli hoke.

6. Yohmi ka itibapishi li v'vleha ma! nana otvninchi, ke-
yukmvt nana ithvnanchi, keyukmvt Shilombish anukfoyukt
anumpuli, keyukmvt nana avchi nana hosh anumpa ilaiyu-
ka anumpuli la chi hosh hvchim ona li hokvto, nanta ho
isht hvchi yukpali la hinla ho?

7. Yohmi ka nana kvvt fiopa iksho hosh ohonla kvvt, oskula
hokma, keyukmvt hap okma, nana ka ai ola kak osh it im
ilaiyuka keyukmvt, katiohmi kak osh oskula yokma, keyuk-
mvt hap okma, nana ho ai ola kvvt otaiyana hinla ho?

8. Isht pufa yvt ola kvvt ik haiako hokma, kvta hosh itiba
chi kvvt il atahla hinla cho?

9. Yvmmak inli ho hvsh chiyuhmi kvvt anumpa akostinin-

cha he kullo keyu hō hvsh anumpuli keyukma, katiohmi kak osh nana hosh anumpa tuk vt otvna chī hō? mahli ak o hvsh ai anumpuli ha chī hoka.

10. Anumpa ola ilaiyuka laua kv̄t yakni pakna ai asha, yvmohmi chatuk; yohmi kia achvfa kv̄t nana hō miha keyu kv̄t iksho hoke.

11. Yvmohmi ka anumpa ola ka yvmmak o miha ka ak akostininchokma, kv̄na hosh anumpuli yvmmak ash o im bvlbaha sia mak a hi oke; mikma kv̄na hosh anumpuli yvmmak ash ot am bvlbaha mak a hi oke.

12. Yvmmak inli hō chohmit Shilombish imma ka ahnit hvsh achilita hokvt, chvch a hvsh hlampkohoncha he yak osh hvsh anukfillashke.

13. Yvmohmi hoka anumpa inla yō kv̄na hosh isht anumpuli hokmvt, yvmmak ash toshola chī kv̄t vba ik asilhhá.

14. Anumpa inla yō vba isht anumpuli li hokma, sa chvkvsh ak osh vba asilhha hoke: yohmi kia vm anukfila hokvto inla ya nan im vni keyu hoke.

15. Yohmi ka katiohmi kak a chī hō? chvkvsh o vba isht anumpuli la he, micha vm anukfila hō vba isht anumpuli la he: mikmvt chvkvsh o isht taloa la he, micha vm anukfila hō isht taloa la hi oke.

16. Yvmmak keyukma, Chihowa isht ish aiokpvchi kia, kv̄na kia nan ik ithano im ai o binili binili hatuk vt, nana hō ish achi ka akostininchi keyu kv̄t, katiohmi kak osh yvmmak ash osh yak oke ahnit, vba pit ish aiokpvchi ka, Amen acha hinla hō?

17. Ahli hosh yak oke vba pit ish aiokpvchi ho mvhli; yohmi kia inla yokvno hlampkohonchi keyu hoke.

18. Anumpa inla anumpuli li kv̄t, hvsh moma ka hvch i shablichī li kv̄t, an Chihowa ya yak oke im ahni lishke.

19. Yohmi kia chvch itvnaha ka inla maya ka vm anumpa ola ka nana isht im avchi la chī kv̄t, vm anukfila anumpa akostininchi tahlapi anumpuli li kak osh, anumpa inla tahlepa sipokni pokoli anumpuli ka vm i shahlishke.

20. Itibapishi li vhleha ma! nana akostininchi kv̄t vlla chipunta yō hvch ik tobo kashke: yohmi kia nana ik ai vlvh-

peso hokvno vllōsi yō hvsh tobashke; yohmi kia nana akostinichi hokvno hatak o hvsh tobashke.

21. Anumpa im inla, mikmvt itivlbi inla hatuk o okla ilvppa isht anumpohonli la chi: ilvppa moma yvmohmi hoh kia okla ik sa haponaklo ka chi, Chitokaka yvt achi hoke, achi kv̄t nan v̄lhpisa ya a holisso hoke.

22. Yohmi hoka anumpa inla anumpuli yvt na yimmi v̄hleha h̄a isht im atokowa keyu, amba kv̄na hosh yimmi keyu kak oke; yohmi hoka Shilombish anukfoyuka kv̄t anumpuli kak o kv̄na hosh yimmi keyu yvmmak o achukmali keyu, amba kv̄na hosh yimmi kak oke.

23. Yvmohmi hoka chvch moma kv̄t miha chvfa h̄o ant ai itvnaha cha, momvt anumpa inla anumpuli aiyuka hokma, anonti nan ik ithano, mikmvt nan ik yimmo aiena kak kia ai vlakmvt, tasimbo yō hvchim acha hinla keyu?

24. Amba moma kak osh Shilombish anukfoykvt anumpuli hokma, anonti na yimmi keyu, keyukmvt nan ik ithano yosh vla hoh kia yimmit, momvt anumpuli ka ahli ahnit anukfohka, yvmmak ash ot moma kak o nan isht ai im v̄lhpisa hoke.

25. Yohmi ka yakohmi hosh chukvsh isht im anukfila anukaka yvt otaiyani yoke: yakohmi hok mak osh hlipia cha, yvmmak ash ot Chihowa ya aiokpvchishke, mikmvt Chihowa hv̄t hvch iba takla ho mv̄hli hatuk a anola hi oke.

26. Yohmi ka itibapishi v̄hleha ma! nanta katiohmi h̄o? ant hvsh itvnahakmvt, hvsh moma kv̄t ataloa yokmá, anumpa tosholi ak okmá, nana h̄o hvsh ishi aiyuka hosh ant hvsh itvnahvshke. Isht achukma hi o nana moma kv̄t yvmohmashke.

27. Hatak kv̄na hosh anumpa inla yō anumpuli hokma, tuklo, keyukmvt tuchina kv̄no ont ik aiyo, yohmik mak o it iakaiyashke; mikma achvfa kak osh tosholi ashke.

28. Amba tosholi iksho hokm̄no, ai itvnaha ya lumvt binilashke: yohmi cha Chihowa, ilapo ak inli ita tuklonchit im anumpulashke.

29. Shilombish anukfoykvt anumpuli v̄hleha hv̄t tuklo

tuchinakma, nana kv̄t anumpulikma, inla yokvto aḡhli hō? ahnit anukfillit pisashke.

30. I bilikasi binili yvmmak ash o nana kv̄t im otvni hokma, v̄mmona kash ot nuktanlv̄t binilashke.

31. Momvt ithana cha, anonti moma kv̄t isht im ai achukmvt isht i shahla ch̄i ka, Shilombish anukfoykvt hv̄sh moma kv̄t it iakaiya hosh hv̄sh anumpula hinla hoke.

32. Shilombish anukfoykvt anumpuli v̄hleha im anuk-fila puyuta kv̄t Shilombish anukfoykvt anumpuli v̄hleha hash o i nutaka yoke.

33. Shakav̄t nan iti ataklv̄ma he Chihowa hv̄t ahni keyu, amba v̄banumpa anukfohka aḡhli im ai itv̄naha moma kak o chohmit iti nanaiya yak oke.

34. Iksa itv̄nahv̄t m̄aya ka hv̄chim ohoyo hv̄t lumvt binohmayashke; yvmmak okvt anumpula he im v̄lhpesa keyu hoka; amba im antia he ak osh im v̄lhpesa hoka, nan v̄lhvisa yvt yvmmak o achi ak inli hoke.

35. Yohmi ka nana hō ithv̄na b̄v̄na hokmvt, chuka ak inli kak o i hatak a ai im aponaklashke: iksa itv̄nahv̄t m̄aya ka ohoyo hosh anumpuli hokvto nan isht im a hofahya hoka.

36. Yakeh! Chihowa im anumpa hv̄t hv̄chishno ak o a kohchvt minti hatok o? keyukmvt hv̄chishno ak bano hō hv̄chim ona hatuk o?

37. Hatak kv̄na hosh ilap inli kv̄t Shilombish anukfoykvt anumpuli yokma, keyukmvt Shilombish holhpela ka isht anukfoyuka hō mihi yosh im ahobakmvt, pit hv̄chi holisso-chi li tuk yvmv̄t Chitokaka i nan v̄lhvisa mak atuk a akostininchit, aḡhli ahnashke.

38. Amba kv̄na hosh ik akostinincho hokvto mihi yoeh nan ik akostinincho kv̄t imomashke.

39. Yvmohmi ka itibapishi li v̄hleha ma! Shilombish anukfoykvt anumpula he ishi ka b̄v̄nv̄t hv̄sh achilitashke; mikmvt anumpa inla anumpuli ka hv̄ch ik im alammo kashke.

40. Nana moma kv̄t ai v̄lhpiessa, micha ai itiakaiyv̄t anuktanla mak o yvmohmashke.

CHAPTER XV.

Illit falamvt e tani pulla hi a, Klaist vt illit falamvt tani tok ak o isht anoli, 1: 21 Klaist vt illit falamvt tani tok a nana kv̄t isht a yv-mohmi: 86 falamvt e tana he nana akaniohmi: 51 Klaist vt vlak ma, okchayvt anta tuk vt inlv̄t toba he.

1. YUMOHMI ka itibapishi v̄hleha ma! vbanumpa yvm̄mak o hv̄chim anumpohonli li yv̄mma hv̄sh ishi tuk osh, anonti mihi yō anukfoykvt hv̄sh mah̄aya ka, yvm̄mak inli h̄o hv̄ch im anohonli lishke:

2. Yvm̄mak o hv̄chi ai okchaya, nana ka isht hv̄chim anumpuli li tuk a ithaiyanvt hv̄sh ieshi hokmvt, nana ka ik onancho keyut hv̄chi yimmi hatuk okmvt.

3, 4. Holisso Holitopa nana achi tok mak o nana pim ai ashv̄chika puta kak o Klaist vt kaniohmit isht ai illi; yohmi cha yvm̄mak ash ot hollopi tuk osh, anonti nitak ont atuchina ma Holisso Holitopa nana achi tok mak o yvm̄mak ash ot anonti tani tok, yvm̄mak o vno ak kia si anukfoyuka hatuk osh, mihi yō tikbanli hv̄chim anohonli li tuk oke.

5. Mihma yvm̄mak ash ot Sefas a i haiaka, yohmi mvt auah tuklo kash i haiaka tok.

6. Yohmi ha ya tuk osh himona achv̄fa yvm̄mak ash osh itibapishi tahlepa tahlapi ont ia ka i haiaka tok: yvm̄mak atok a akashampa laua kv̄t okchaya na ant himakv̄shke, yohmi kia kanimi kv̄to nusit akakoha tok.

7. Yohmi ha yō yvm̄mak ash ot Chemis a i haiaka tok; yohmi mvt apostel v̄hleha hash mominchit i haiaka tok.

8. Yohmi mvt moma ont ishtaiyopi ka ai v̄lhpiesa keyu h̄o chohmi, vno ak kia yvm̄mak ash ot a haiaka tok.

9. Apostel v̄hleha moma ik alauwo sia, yohmi kv̄t apostel hohchifa he si v̄lhpesa keyu, Chihowa in chv̄ch a ilbv̄shali li tok okvt.

10. Yohmi kia Chihowa nan isht i kana pulla h̄o kanima a hikia li kv̄t yvm̄mak o hikia sia mak oke; mikmvt yv̄mma nan isht i kana yvm̄mvt si anukfoyuka kv̄t ik ai ono ke tuk keyu hoke: yohmi hokvt toksv̄li hoyubli kv̄t yvm̄mak ash

moma ka j shahlichil li: yohmi kia vno ak keyu, amba Chihowa nan isht j kana mihi yosh a svbai achvfa kak atuk oke.

11. Yvmohmi hoka vno yak okmá, keyukmvt yvmmak okmá, e nana hosh yvmihchit il anumpohonli ma, yvmohmit hvchi yimmi hatuk oke.

12. Yohmi ka Klaist yvmmvt illit falamvt tani tuk vt isht anumpa hokma, katiohmi hq hvsh kanimi kvv illit falamvt tana hi vt iksho, hvsh achi cho?

13. Yohmi ka illit falamvt tana hi vt iksho hatuk; yohmi hokma Klaist vt ik tano ki tok oke.

14. Yohmi ka Klaist vt ik tano ki tok; yohmi hokma vbanumpa isht il anumpuli ka isht ai achukma he keyu, mikma nan isht hvchi ai yimmi ka yvt isht ai achukma he keyu ak inli hoke.

15. Ahli, yohmi ka Chihowa isht atokowa ik ghlo il otvni noke: Chihowa yvt Klaist g tanichi tok g isht il atokoli tok okvt: yvmmak ash ik tanicho ke tok, illi yvt falamvt tana he keyukma.

16. Illi yvt tana he keyu, yohmi hokma Klaist vt ik tano ki tok oke.

17. Yohmi ka Klaist vt ik tano kitok okma, na hvchim ai yimmi ka yvt ik ai ghlo; na hvchim ai ashvchi ka hvsh a hikia momvshke.

18. Yohmikma kvna hosh akakohvt Klaist g iba nusi tuk vhleha yvmmvt aiokpuloka mak oke.

19. Okchaya ilvppak bano kak osh Klaist g il ai okchaya chj il anukchieto hatuk okmvt, pilbvsha kvv hatak moma ka il j shahlishke.

20. Yohmi ka himak vno Klaist vt illit falamvt tani tok, micha kvna hosh nusi tuk vhleha yvmmak ash nan vni vmona mak q toba hoke.

21. Hatak puyulla hatuk mak q nan illi hvv aya tok, hatak pulla kak q illit falamvt tani vt a minti tok.

22. Alvm atok puyulla mak q momvt illi ka, yvmmak inli hq chohmit Klaist pulla atuk mak q momvt falamvt okchaya yq toba hi oke.

23. Yohmi kia hatak moma kv̄t ilap nan isht im ai vlh-
piesa kak a hi oke: Klaist ak osh nan vni vmmona hoke: i
himmak o Klaist immi hatuk vt, yvmmvt mintikma, tana hi
oke.

24. Mikma apeshlichika, nan vlhtoka, micha nan im ai ghli
aiena ka ai akshochi ha yosh apeshlichika ya yvmmak ash ot
Iki Chihowa mak o ibbak fohka hi oke; yohmik mak o ai
vhli hv̄t vla hi oke.

25. Yvmmak okvt mikot ahanta pullvt, in tvnvp vhleha
moma ka ilap iyi nuta ashachi ha ya hi oke.

26. Tvnvp ishtaiyopi mak osh yvmmvt ont ik ai iksho ka
chj kv̄t nan illi ak oke.

27. Nana moma ka yvmmak ash ot iyi nuta ya ashachi
tok oke. Yohmi ka nana puta kv̄t yvmmak ash ai i nuta-
kvshke, yvmmvt achi kia, nana moma ka yvmmak ash ai i
nutakvchi tok ilap ak bano hosh keyu kv̄t otaiyanishke.

28. Yohmi ka nana moma kv̄t yvmmak ash o ai i nutakvt
taha, yohmik mak o Ushi ilap ak kia nana moma ka ai i
nutakvchi tok yvmmak ash o ai i nutaka he; yohmi hq
Chihowa ya moyuma kv̄t nana moma ka isht ai okpahanchit
isht im antia hi oke.

29. Yvmmak a he keyukma; illi tuk ak o vlhtoba hosh
baptismo tuk, yvmmvto nanta hq katiohma hi o? illi yvt
tana he keyu kvmohmi hokma; nanta katiohmi hq illi atuk
pulla ka isht a baptismo hatuk o?

30. Mikma nanta katiohmi hq hvshi kanvlli moma ka isht
a pi palvmmi ya il a hikia cho?

31. Nan isht ilaiyukpa yvmma hvchishno pulla hatuk
mak o pin Chitokaka Klaist Chisvs isht im ai eshi li kak
osh ai ghlichit anohonli li mvt, nitak moma ka sahanlishke.

32. Hatak o chohmit nampoa nukshopa puta ka Efesvs
ak o ai itihimbi li tuk vt, illi yvt tani keyukma, nanta hosh
isht vm ai achukma hinla hq? onnaha ya hv̄p illa chj hokvt,
imvt, nan ishkot keho mayá.

33. Hvch ik ile haksecho kashke: nan ik vlhpeso a chu-
kulbi yokvto im anukfila achukma puta tuk a im okpvi
voke.

34. Yohma he ai vlhpiesa hoka oh okcha, micha na hvch ik ashvcho kashke; kanimi kv̄t Chihowa nan isht im ithaiyana ik im iksho hoka. Hvchi hofahya ch̄i h̄o ilvppa hvchim anumpuli lishke.

35. Yohmi ka katiohmi hosh illi yvt tani h̄o? mikmvt haknip vt katiohmi h̄o yummak ash ot isht kohcha h̄o? hatak kanimi kv̄t acha hi oka.

36. Im anukfilla iksho chia ma! nana ka ish hokchi tuk ḡ illi ȳo keyukmvt, yummak ash ot okchaya ȳo keyu hoke.

37. Mikma nana ish hokchi kv̄t nan vpi yummak a hi q̄ ish hokchi keyu, amba onush okmá, keyukmvt nihi inla yokmá, nana kia nihi ak bano hoke:

38. Yohmi ka Chihowa yvt yohmi ai ahni mak osh, nan vpi ya ch̄i ka ima hoke; mikmvt nihi moma kv̄to ilap im vpi ya ch̄i ka ima hoke.

39. Nipi moma kv̄t nipi mihi achvfa keyu hoke; yohmi ka hatak nipi vt inlak ma, inla mvt nampoa nipi, inla mvt n̄vni nipi, inla mvt hushi nipi yak oke.

40. Ūba imma na haknip ilaiyuka, aka imma na haknip ilaiyuka aiena kv̄t ai asha hoke: yohmi kia vba imma isht im a holitopa yokv̄to achvfa, mikma inla mvt aka imma nan isht im a holitopa yak oka.

41. Hvshi yvt nan isht im a holitopa yvt achvfa, inla mvt hvshi ninak ḡya nan isht im a holitopa, anonti inla mvt fochik puta isht im a helitopa yvt ḡsha hoke; isht a holitopa hokvno fochik achvfa kv̄t fochik inla ya it im inla hoke.

42. Illit falamvt tani kv̄t yummak inli h̄o chiyuhma hi oke. Toshba hi osh hollohokchi tuk vt, ik toshbo ka hi osh taiyani hoke.

43. Ik holitopot hollohokchi tuk vt, holitopa hi osh taiyani hoke: ik hlampkot hollohokchi tuk vt, nan ai ḡhlahē mak osh taiyani hoke.

44. Ilhfopak haknip hollohokchi tuk vt, shilombish imma haknip osh taiyani hoke. Ilhfopak haknip, mikmvt shilombish imma haknip ita tuklo kv̄t ḡshvshke.

45. Yvmohmi kak q̄ hatak v̄mmona Alvm vt shilombish

okchaya yosh toba tok; Alvm ishtaiyopi kvto Shilombish okchalinchi yq toba tok, achi hosh holihiso hoke.

46. Yohmi kia shilombish imma kak osh vmmona tuk keyu, amba haknip imma kak atok oke: atuk o i himmak o shilombish imma kak atok oke.

47. Hatak vmmona kvt yakni yq a toba hatuk osh, yakni imma kak oke. Hatak atukla kvto vba minti Chitokaka ak oke.

48. Yakni ai immi atuk ash o, chohmit kvna hosh yakni ai immi hokvto yvmmak inli hq chohmi hoke: mikma vba ai immi hokvto, yvmmak ash inli hq chohmi hoke.

49. Yohmi ka yakni ai immi kash o holba ka iloh ieshi hatuk a, chohmit vba ai immi kash o holba ka iloh iesha he ak inli hoke.

50. Yohmi ka itibapishi li vhleha ma! nipi, micha issish ita tuklo kvto Chihowa im apelihchika yvt ai immi ha he vhpesa keyu; mikma nan toshba hi okvto nan ik toshbo ya ai immi ha he vhpesa aiena keyu hoke.

51, 52. Yakeh! nana a luma hatuk a hvch im anoli lishke; moma kak osh hvpi nusa chi keyu, amba ai ishtaiyopi isht pufa yvt nana olakma, yakosi itin takla, nishkin mochukli ai itin takla hq, moma kvt inlvt e toba hi oke: nana ola hvv ohonla he, mikmak o illi atuk vt ik toshbo ka hi osh tana he, mikma inlvt e toba hi oke.

53, 54. Na toshba he ilvppak ash osh nan toshba he keyu hq isht a foyuka pulla he, mikma nan illa he ilvppak ash osh nan illa he keyu hq isht a foyuka he: yvmohmi ha yok mak o, nan illi hash o ont imaiyachi na ik ai iksho ka hi oke; abanchi hosh holisso tok vt yvmmak ash ot ont ai ghla hi oke.

55. Nan illi ma! katima yak o nan isht ish nvhli yq? ahollopi ma! katima yak o nan isht ish imaiyachi hq?

56. Nan illi i nan isht nvhli vt nana ashvchi ak oke; mikma nan ashvchi isht imi hlampko yvt nan vhpisa yak oke.

57. Yohmi kia hvpin Chitokaka Chisvs Klaist pulla ha tuk mak o nan isht imaiyachi ya Chihowa yvt hvv ima hoka, Chihowa ya yak oke; im ai ahni lishke.

58. Yvmohmi hoka itibapishi li a holitopa vhleha ma!

hvsh kullo cha ik hvchi fitekacho kish, vlhtoba iksho ka hi osh Chitokaka hvsh in toksvli keyu kv̄t hvsh ithaiyana hokv̄t, Chitokaka im atoksvli yā lauachit hvsh toksahanlashke.

CHAPTA XVI.

Nan ik im iksho a kaniohmit apelacha he, mikmvt vbanumpa hv̄t i shaht holitopvt mahaya chi ka, nanasi isht apelacha he im anoli; 13 i kanvt nan i mihvt tahli mvt, isht aiyopichi kv̄t vbanumpa hā yakoke ahāni tok.

1. YOHMI ka na yimmi ahli nan im itahobi imma hokvno, hvch Kaleshi a hiohli kak o nana im apesa li tok a, chohmit hvsh yvmihchi ak inlashke.

2. Ona li ha yo nan itahobi kv̄t ik ai iksho ka ch̄i ka, wek nitak vmmonakma achufa hvsh aiyuka kv̄t, Chihowa hv̄t nan im ilayak a ataiyahli ka, it ilauechit ishit hvsh il im bohonlashke.

3. Atuk o ona likma, kvna ho vlhpesa hvsh ahni hokma, mihi yosh nana hvsh habenvchi tuk ash Chelusalem isht ona ch̄i ka, holisso hā im atahli lish, pit yuhli lashke.

4. Yohmi kia ia li kak o vlhpesa hinla hokma, yvmmak ash ot si apihvt ia ch̄i hoke.

5. Yohmi ka Masetonia yakni ya a hlopulli li ha yosh, hvchim ona la ch̄i hoke, Masetonia yakni ya a hlopulli li mak okvt.

6. Yohmikmvt hvch ibai anta la ch̄i, ahli, hvsh tula yak kia hvch ibai anta la ch̄i chishke; yohmi ho anowa hopaki kanima yo ia la ch̄i ka hv̄s si apelvcha hi oke.

7. Himonasi ya nowvt aya li hokvto, hvchi pisa la he keyu; amba Chitokaka yvt ik yohmi ahni hokma, ont hvch ibai anta li hopaka he keyu, ahni li hoke.

8. Yohmi kv̄t Efesvs ak o anta li Pentekost ai onak mak a ch̄i hoke.

9. Okhissa yvt chito, mikmvt vm ai ahla hi vt an tiwa, mikma a sanali vt laua hoke.

10. Yohmi ka Timohlivs vt ona hokmvt, nukshopa ikshot hvch iba takla anta ch̄i ka hvsh pisashke: vno vt yvmmak inli chohmit, yvmvt Chitokaka im atoksvli li ya toksahanli hoka.

11. Yvmohmi ka kvna kia ik shitelemo kashke: amba yvmmt ayvt vm vla chi ka, i kanvt hvsh apelvchashke: itibapishi li vhleha takla vla hi a hoyo li hoka.

12. Il itibapishi Apollos okvno iloh itibapishi vhleha ha ai itvpihvt hvchim ona he ak o ahni li fehna tuk; yohmi kia himonasi yokvno ona hi vt ik ahno kvmohmi tuk; yohmi kia ona he im ai vlhpiesa onakma, ona chi hoke.

13. Okchvt oh il apistikeli, ai yimmika ya kvllot ieshit hvsh hikiashke, hatak ahli il otvninchit, hvsh hlampkashke.

14. Nana hvsh a kaniohmi puta kvv nan it i hullo mak o ik ai yvmohmi.

15, 16. Stefanas in chuka chvfa, yvmmak osh Akaia ya nan ai vni vmmona yosh, na yimmi ahli vhleha ha apelvcha chi kvv okla il im issa tok; yohmi ka itibapishi li vhleha ma! yvmma chohmi, micha na piba toksvli, micha toksvilit hoyubli ayuka ka hvsh im antia chi ka, hvch it i kanvt hvchi atohno lishke.

17. Stefanas, micha Fatunatvs, mikmvt Akaikvs aiena kvv ai vla ka sai yukpvshke; nana ka hvch ik onancho ke tuk a okla onanchit atahli hoka;

18. Sa chukvsh, micha hvchishno aiena chukvsh a okla yukpali hatuk: yvmohmi hoka yvmma chohmi vhleha ha i kanvt hvsh ithaiyanashke.

19. Asia yakni hvch maya kvv pit hvchi aiokpvchishke. Akuila micha Plissilla ita tuklo kvv, ilap in hvch maya ka aiena kvv, Chitokaka ibai achvfa hvchia hoka pit hvchi aiokpvchi fehvshke.

20. Itibapishi moma, kvv pit hvchi aiokpvchishke. Suk-sowa holitopa yo hvsh it aiokpvchashke.

21. Uno Pal nan isht aiokpvchi ka vno sebbak isht holisohonchi lishke.

22. Kvna hoh kia Chitokaka Chisvs Klaist a holitobli keyukmvt, mihi yosh Anahlema, Malanahla mak ashke.

23. Hvpin Chitokaka Chisvs Klaist nan isht i kana yosh hvchi anukfoyukashke.

24. Klaist Chisvs ibai achvfa hvchia ka nan isht i hullo li yvt mominchit hvchi anukfoyukashke. Amen.

HOLISSO ATUKLA PAI VT

CHUCH KOLINHLA

A HIKIA HO I HOLISSOCHI TOK.

CHAPTA I.

Pal vt ilap nan isht im apalvmi ka isht hopohghla kv̄t achi; mihmvt v̄banumpuli Kolinhla ai asha ka nan isht hopohla tok ash inli hō isht hopohlahan li kv̄t Chihowa ya yak oke im ai ahni, 1; 15 nana hosh kaniohmi hō ik im v̄lo ki tok vt anoli; 23 i kana kak a tok.

1. CHIHOWA nan ai ahni atuk pulla mak o Chisvs Klaist im apostel Pal, micha il itibapishi Timohli ita tuklo kv̄t Chihowa in chuch, yvmmvt Kolinhla a hikia, mikmvt na yimmi ahli moma yvmmvt Akaia moma ka ai asha ka aie-ninchit pit aiokpv̄chi kv̄t,

2. Piki Chihowa, micha Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyuk-ashke, hv̄chim ahnishke.

3. Pin Chitokaka Chisvs Klaist Iki, Chihowa, nan i nuk-haklo fehna Iki, micha nan isht anuktanla moma in Chihowa yvt holitopashke.

4. Yvmmak osh nan isht il ai ilv̄sha moma ka pi nukta-lahanli; yohmi hō pishno vt Chihowa hak o nan isht im anuktaiyala ya isht a pi nuktaiyala cha, kv̄na hoh kia ilbai-yasha hokma, e nuktalahanla hinlv̄shke.

5. Klaist pulla hatuk mak o nan isht ilv̄sha yvt pim a laua; yohmi hokvt Klaist pulla hatuk mak o nan isht a pi anuktaiyala yak kia lauvshke.

6. Yohmi ka nan isht a pilbaiyasha hoh kia, hv̄chishno

ano nan isht hvchim ahopohla, micha nan isht hvchim a okchaya chi kv̄t, nan ilbvsha yvmmak o pishno vt isht a pilbvsha tuk ak inli chohmi ka isht a hvch ilbvsha hokmak osh nan isht hvchim ai ghli hoke ; anonti pishno vt isht a pi nuktaiyala hok mak heno, yvmvt nan isht a hvchim a hopohla, micha hvchim ai okchaya mak oke.

7. Yohmi ka nan ilbvsha puta ka hvsh ibai ishi, yohmi hatuk okvt na hopohla ma hvsh ibai isha chi ka il ithaiyana kak osh nan isht e hvchim anukfilli kv̄t kullo fehvshke.

8. Iloh itibapishi v̄hleha ma ! nan isht a pilbvsha yvmvt Asia yakni ya a pi onvtula ; yohmi mv̄t pim isht hlampko hash imaiyachi na na pi weki fehna mv̄t ; okchaya he yak kia kil ahno ke tuk a, hvch ik akostinincho ka hi a e hvchim ahni keyu hoka :

9. Yohmi ka illa he anumpa il il ai eshi, yohmi kv̄t pishno ak inli ka il anukchieta he keyu ; amba illi tanichi Chihowa yak a hetuk oke.

10. Yvmmak osh nan illi chinto fehna kash a pi hlakofichi tuk osh, a pi hlakofichi moma : yohmi kv̄t yvmmak ash osh pi a hlakofihincha chi ka yvmmak o il anukchieta hoke.

11. Hatak laua pulla kak o nan isht i kana pi onvtuyula tuk a, hvchishno ak kia itapelvt anumpa ilbvsha isht hvsh pi anumpohonli ; yohmi ho pishno pulla kak o yak oke Chihowa ya im ahni kv̄t laua hi oke.

12. Isht il il akostininchi isht im ai atokowa kv̄t haknip imma isht hopoyuksa keyu, amba Chihowa nan isht i kana pulla hatuk mak o nan anukfila apissali achvfa, micha Chihowa anukfoyuka ai ghli hosh yakni paknaka il ai ahanta hatuk : yohmi hokvt hvchishno yak heno i shahlichit il a hvchi yvmohmi, ilvppak osh nan isht il il aiyukpa hoke.

13. Nana ka hvsh it im anumpuli ; micha ghli hvsh akostininchi fehna tuk yvmmak keyukma nana inla yo e hvchi holissochi keyu hoke ; yohmi hoka ghli ahnit, akostininchit mahayvt ont ai v̄hli ka hvsh ona hi a hvchim ai ahni lishke :

14. Chitokaka Chisvs i nitak vt vlakma, nan isht pim ilaiyukpa hvchia ha chi kv̄t, yvmmak inli ho chohmit nan isht

huchim ilaiyukpa pia ha chi ka, hvsh kanimi kv̄t ḡhli hvsh pi akostininchi ak inli tuk oke.

15, 16. Yohmi ka yakohmi tok ak օ na yimmi hosh atukla ma nan isht ilaiyukpa ka hvsh isha hi ḡ tikba huchim ona la he ahnit, anonti ont ivt, Masetonia yakni ona li tuk mvt, anonti Masetonia yakni yash օ akohchvt atuklant hvchim ḡya li hok mak osh, Chutia imma ḡya la chikma, hv̄s si apelvcha hi ḡ vm anukfila tuk oke.

17. Yvmohmi kv̄t yakohmit vm anukfila mvt, vm anukfila hv̄t fitekvchi hosh yvmihchi li tuk օ? yvmmak keyukmvt vno vto yau, yau, mikmvt keyu, keyu, achi la hi osh nana ka ahni li kv̄t, haknip nan ai ahni hօ isht anukfilli li tuk օ?

18. Yohmi ka Chihowa hv̄t ai ḡhli yatuk օ, pim anumpa nan isht e hvchim achi tuk ḡ yau yatuk osh anonti keyu, yatuk keyushke.

19. Uno, mikmvt Silfanvs, micha Timohlius aiena pulla kak օ, Chihowa Ushi Chisvs Klaist, yvmmvt hvchim anuhumpa kv̄t, yau yatuk osh, anonti keyu yatuk keyushke, amba yvmmak okvt yau yatuk oke.

20. Yvmmak atuk pulla mak օ Chihowa hv̄t nana im ihisa tuk moma kv̄t yau okma, anonti yvmmak atuk mak օ Amen oke, yohmi kak օ pishno ma Chihowa nan isht im a holitopa yoke.

21. Yvmohmi ka Klaist ḡ iloh ibai achvfa chi ka, hvpi hlampkohonchi cha, na pi a hv̄mmi kv̄t, yvmmvt Chihowa ak oke.

22. Mihmvt ilap immi pia ha chi ka, yvmmak ash osh pi ai ḡhlichy mvt, ai okchayvt bilia e pisa he pim ai ḡhlichy kv̄t, Shilombish ḡ pi anukfohkechi tuk oke.

23. Yvmohmi hoka hvchi kanvt na hvchim anukfilli la chi kak osh, Kolinhla yḡ ak ono kisha hatuk ḡ Chihowa hv̄t vmi shilombish ḡ atokowvt vm ithana ya chi ka hohoyo lishke.

24. Na hvchi yimmi ka il i shahli hatuk keyu hoka, amba na hvchim ai yukpa apelvchi pia hoke; na yimmi pulla hatuk mak osh hlampkot hvsh hikia hoke.

CHAPTER II.

Nana hosh kaniohmi kak o ik im ono ki tuk vt anoli, 1 ; 6 Chvch a a kohcha tok a i nukhanklot i kvshofa hi a im ahni ; 10 ilap ak kia i kvshofi tuk a chohmachi : 15 kanima yo vbanumpa isht anum-pohonli ka Chihowa yvt im ai okpanchi.

1. YOHMI ka vm anukfila kvv na nukhaklo hosh, atuk-la ma ak hvchim ono ka chi, ilvppak o vno ak inli kvv vm anukfila hatuk oke.

2. Hvchi nukhaklochi li, yohmi hokma kvta hosh na sai yukpala hinla ho? amba vno yak atuk mak o kvna hosh nukhaklo tuk yvmmak inli kak a hinla keyu?

3. Yohmi ka ona likmut, kvna ho ibai yukpa la hetuk, yvmmak ash ot nana a kaniohmi ka isht a nukhaklo la hinla kak osh, ilvppv mihi ash inli ka isht hvchi holissochi li hatuk oke : hvsh moma nan isht hvchim ai-yukpa yvt vno a nan isht vm il aiyukpa ak inli hoke, ai ahnit hvsh moma ka hvchi yimmi lishke.

4. Na nukhaklo fehna, chukvsh ilbaiyvshvt nishkin okchi mut laua aiena hosh isht hvchi holissochi li hatuk ; hvchi nukhakla he yak atuk keyu, amba nan isht i hullo yvma isht hvchi hoyullo li fehna hatuk a hvsh ithaiyana chi kak atuk oke.

5. Yohmi kia kvna hosh na nukhaklochi tuk okmut, vno ak illa ho si anukhaklochi tuk keyu : hvsh moma ka ak hvchi kvllo ka chi kak osh ilvppa hvchim achi lishke.

6. Hatak yvma chohmi kvno nan vlhpisa ilvppak o laua kvv im apesa tuk a, im ai vlhpiesa hoke.

7. Yohmi tuk a yvma chohmi kash i kashofit hopohluli kak o hvsh ahna he tuk oke ; yvmmak keyukma yvma chohmi kash ot na nukhaklot isht ai i palvmmit kvnia hinla hoke.

8. Yvmohmi hoka nan isht hvsh i hullo kvv yvmmak ash o hvsh im otvmincha chi kak o hvchim ai ahni lishke.

9. Ilvppak a he mak o holissochi li akinli hatuk ; nana

moma ka ai im antia hvchia hokmá, nana ka hvch imoma ka ithvna la chí hatuk oke.

10. Kvna hō nana ka hvsh i kashofi hokma, vno ak kia i kashofi li hoke; nana hatuk o i kashofi likmvt, hvchishno pulla kak o Klaist vlhtoba hosh yvmihchi li hoke.

11. Yvmmak keyukma Setan vt pi haksicha hinla, yvma nan ahni ik vlhpeso ya kil ithano keyu hoka.

12. Yohmi ka Klaist im vbanumpa isht anumpohonli la chí hosh, Tloas a ona li ma, Chitokaka yvt nan ai ahni hō, okhissa yvt an tiwa tok.

13. Itibapishi li Titvs a ak ahayucho hokvt, vm anukfila nuktula ik sv̄m iksho ki tok: yohmi ka okla yvmmak ash aiokpvchit issa li mvt, yvma a kohchvt Masetonia yakni ya ia li tok.

14. Yohmi hoka, yak oke ahnit, Chihowa hā kiloh aiokpvchí; yvmmak osh Klaist pulla hatuk mak o il imaiyacha chí ka pi apelahanchi; mikmvt kanima moma ka pishnc pulla atuk mak o ilap a nan isht im ithvna i na balama otvnihinchishke.

15. Pishno vto Klaist ibai achvfa pia hosh kvna hosh okchaya chí, micha illa chí aiena kak o Chihowa i nan isht balama champuli pia hoke.

16. Achvfa kano, illi bitema nan isht ai 'la he i pia hoke, mikmvt inla yano okchaya na balama nan isht ai okchaya pia hoke. Yohmi ka kvta hosh ivppa puyuta ka isht im ai vlhpiesa cho?

17. Laua hv̄t Chihowa im anumpa ik ai ahlecho ya e chohmi keyu; amba chukvsh ai ahli, yohmi kv̄t Chihowa im vlhtoka kv̄t, Chihowa itikba yo Klaist i hohchifo isht il anumpohonli hoke.

CHAPTER III.

Pal vt vbanumpa isht anumpohonli hō Kolinhlia vt vbanumpa anukfobka kak o yvmmak ash Chihowa hv̄t pit pila hatuk a otv̄ninchitok, 1; 6 vbanumpa anumpula chí ka Chihowa yak osh ataiyahli tok a tuk, 12 vbanumpa hak osh holitopa kv̄t Moses nan apesa tok a i shahli.

1. PISHNO ak inli kv̄t atuklanchit il il ahninchit isht il ia hō? keyukmvt inla maya ka chohmit, isht hv̄sh pī kana he holisso puta ka il isha he pim v̄lhpesa hō? yummak keyukmvt holisso isht ai ī kana ya e hv̄chim ai isha hi vt v̄lhpesa hō?

2. Hv̄chishno ak osh pī holisso hv̄chia hosh pi chukvsh a a holihiso tuk osh, hatak moma ka im otaiyanit im ai it anuhumpa hoke:

3. Pishno yatuk mak o hv̄chishno vt Klaist ī holisso toba tuk otaiyanit hv̄sh anohōwa kv̄t, isht holissochi oka yo isht holihiso tok keyu, amba Chihowa okchaya imi Shilombish ak atuk; tv̄li patvssa yo a holihiso tok keyu, amba chukvsh nipi ak atuk oke.

4. Yohmi hatuk o Klaist pulla hatuk mak o Chihowa yak osh yumihchi tuk a pī yimmishke.

5. Pishno ak inli nana ka ai isht anukfillit isht im ai ahla he il ahni kak osh pishno ak inli kv̄t il ona chī keyu hoke: amba Chihowa ak atuk mak o nana ka pim ai ahlit il ona chī hoke.

6. Nan it im v̄lhpesa himona nan isht im v̄tta ai ahla he mak o yummak osh pi atokoli ak inli tok: holisso tikba yak o nan isht im v̄tta hō keyu, amba Shilombish ak oke; holisso tikba yash okvto vbi yoka, amba Shilombish okvto okchalinchi yoke.

7. Yohmi ka tv̄li yo ai in chuwa holisso isht ai illa he isht ai v̄tta yvt holitopa; yohmi hō Moses yomma nashuka yvt shohpalali hoka, Israel ushi v̄hleha hv̄t nashuka yash o atokowvt pisa he keyu ki tok; yummak ash ot ont ai iksho ka hi atok oke;

8. Katiohmi hosh Shilombish nan isht ai v̄tta yokak heto holitopa kv̄t ī shahla hetuk keyu hō?

9. Isht a palvma he nan v̄lhpesa isht ai v̄tta yvt holitopa hokma, nan isht ai v̄lhpesa isht ai v̄tta yokak heto holitopa kv̄t ī shahli fehna he tuk keyu hō?

10. Nana kv̄t yakohmit holitopa tok ilvppak ash ot na holitopa yummvt ī shahli pulla kak o holitopa kv̄t ik alauwo ki tok.

11. Nana kv̄t ont ai iksho kak osh holitopa tok ukma, nana kv̄t takali kv̄t holitopa i shahli fehna hinla hoke.

12. Yvmohmi hoka yvmohma ch̄i ahnit na pi yimmi hosh anumpa otaiyani fehna hō isht il anumpuli hoke.

13. Yvmohmi kv̄t Moses atok ano chohmi keyu, yvm-mak okvto Isael ushi vbleha hv̄t nan vlpisa yvmmak ash ot kv̄nia kia, a hlopullichit ai v̄hli pit atokowv̄t pisa keyu kak o, isht ompoholmo yō ilap nashuka yash isht ompohomo tok.

14. Yohmi kia yv̄mma im anukfila hash ot l̄vpa yatok; himak nitak ak kia Testament sipokni im ai itim anumpuli hokvno nan ompoholmo mihi ash inli kv̄t ik i kv̄nio k̄isha hosh takali hoke; yohmi kia yvmmak ash ot Klaist ak o ont isht ai akshot kv̄nia hoke.

15. Yohmi ka himak ak kia Moses a ai itim anumpuli ka, nan ompoholmo yashot i ch̄ukvsh a on hlipia hoke.

16. Yvmohmi tuk o Chitokaka ya pit ai i filemvt im onakma, nan ompoholmo yash o isht i kancha hi oke;

17. Yohmi ka Chitokaka yvt, Shilombish yvmmak ash oke: yohmi ka kanima yō Chitokaka imi Shilombish vt ai otaiyanikma, mihi yō ai yuka keyu mak oke.

18. Yohmi ka nashuka ompoholmo keyut a pisa yō il a pihisa chohmit Chitokaka im aholitopa ya e pihisvt, yvm-mak ash inli hō hoyulba ch̄i hosh momvt inlv̄t e toba kv̄t, Chitokaka imi Shilombish vt a p̄i yvmihchi kak o, holitopa kv̄t i shahlit il a m̄ghaya hoke.

CHAPTA IV.

Ai ahli, achilita hosh v̄banumpa hā isht anumpohonli tuk vt otv̄nichi, 1; 7 mihmvt nan im apalv̄mi puta tuk vt Chihowa yosh isht aholitopa he, 12 chv̄ch nan isht im a chukma he; 16 mikmvt ilap nan isht il ai yukv̄t im a bilia hi a tuk a, achi.

1. YAKOHMA ch̄i mak o, nan isht i nukhaklo il ishi hatuk mak osh, nan isht ai v̄tta ilv̄ppak ash o isht il ahanta kv̄t, pin takobi keyushke.

2. Isht a hofahya he nan isht im aluma puta ka e kanchi

mt; i kostinit nan isht akanomi ya il ai itvnowa keyu, Chihowa im anumpa ha ik ahlechot il inlvchi keyu; amba Chihowa itikba ya nan ai ahli ya il otvninchi ka, hatak mo-
ma nan isht il akostininchi yvt ahli, pim ahni hoke.

3. Yohmi kia pim vbanumpa hvt luma hokmvt, okpula he vhleha hak o in luma hoke.

4. Klaist, yvmmvt Chihowa Hoyulba ka, im vbanumpa holitopa in tohwikeli hvt on tomma chi keyu ka, na yimmi keyu yummak ash o im anukfila puta ka yakni ilvppa i shahli yosh lvblichu hatuk oke.

5. Ubanumpa isht il anumpuli kv, pishno ak inli ho isht il anumpuli keyu, amba Klaist Chisvs Chitokaka yak atuk: yohmi hokvt pishno yokvto Chisvs pulla hatuk mak o hv-
chin tishu pia hvt il otvninchishke.

6. Tohwikeli hvt ai okhlilika ya a kohchvt tomma chi ka, Chihowa yummak osh im apesa tok okvt, Chihowa im aholitopa nan isht ithaiyana im a tohwikeli hvt Chisvs Klaist i nashuka a minti mak o pima chi hosh pi chukvsh a a tommi hatuk oka.

7. Yohmi kia nan isht ai ahli chinto fehna kv pishno ak o keyu, amba Chihowa ak o immi ha chi ka, nan ilayak holitopa ilvppak ash o nan ai vlhto okfulush toba ho isht il ieshi hoke.

8. A palvmmi bano hosh pia folubli kia, atukonofvt pi komunta keyu kisha; atia he pim okvpa, yohmi kia isht apelvchi yvt ik pim iksho ka chi kil ahno hoke.

9. Inla yvt pi palvmmichi, yohmi kia Chihowa hvt ik pisso; aka il itula; yohmi kia ik pi okpulo hoke.

10. Chitokaka Chisvs vt isht illi mak o pi haknip a isht ieshit il aya bilia; yohmi na Chisvs okchaya yosh pi haknip a ai otvna chi hatuk oke.

11. Chisvs vt okchaya kv illa he pi haknip a isht ai otahana chi ka, Chisvs pulla hatuk mak o okchayvt il anta kv, illa he pim vlhpihisa na bilia hoka.

12. Yohmi hoka nan illi yosh pi a toksahanli, yohmi kia nan okchaya yosh hvchi a toksahanli hoke.

13. Na yimmi im anukfila, Na sai yimmi yvmohmi hok

anumpuli li hoke; achit holisso tok a yummak inli ho il ieshi hosh na pi yimmi ak inli, yvmohmi hokvt il anumpuli hoke.

14. Chitokaka Chisvs a tanichi tok yummak osh Chisvs pulla hatuk mak o pi tanicha he ak inli, mikmvt hvchishno a a pit aieninchit pi hiohlicha hi a il ithaiyana hoke.

15. Nana puta kvv hvchishno pulla hatuk mak o ai yakohmi ka, laua kvv yak oke ahnit, aiokpvchi pulla ho nan isht i kana laua kvv Chihowa yvt isht a holitopa chi hoke.

16. Yakohmi hoka pin takobi keyu hoke; yohmi kia hatak pi pakna yokvto tikambit mahaya kia, hatak anukaka yokvto nitak osk nitak ma himonvt tohombvshke.

17. Yakosi itintakla ho na pim a palvmmi shohvla kia, na holitopa weki bilia nan imaiya fehna ka pim atahli hoke:

18. Nana puyuta yummvt otaiyani yak o e pihisa keyu, amba nana kvv otaiyani yak keyu; nana puta yummvt otaiyani yokvto a bilia keyu; amba nana puta yummvt otaiyani keyu kak osh a bilia yoke.

CHAPTA V

Aiokchaya bilia pisa he anukfoyuka ahli, 1; 9 mihmvt Klaist im a asha holitopa nan apesa itikba hikia chi kvv ithaiana, yohmi mvt im a holitopa he ahnit toksahanli; mihmvt ib ai achvfvv nohova, micha inla mvt okchaya chi ka anukfokihinchi.

1. ULHTIPO yakni pakna a pim aboha ilvppak okvt ont a yuhla kia, ibbak isht atoba tok keyu, vba a holitopa ya a bilia chuka, Chihowa hvv ikbi tok a, pin talaia kvv il ithaiyana hoka.

2. Ilvppak ash o il a foyuka kak osh ilbvshvt e hihaha kvv, pim aboha, yummvt vba a minti mak o, isht e fohka he ahni fehvt, e hohoyo hoke:

3. Yakohmit e foyuka mvhli hokmvt, haknvp biekvt i otaiyana chi keyu.

4. Ulhtipo ilvppa il ai ahanta hokvto, nan i weki tikabit ilbvshvt e hihaha; yohmi kia ik fohko ka hi ak o il ahni keyu, amba isht il a foyuka he ak oke; yohmi ho nana kvv

illa he imma hatuk okvto nan okchaya kak o ont ai iksho kak a chi hatok a il ahni hoke.

5. Yohmi ka nana kv̄t ilvppak a chi ka a pi atahli tuk vt Chihowa ak oke; yvmmak osh ai okchayvt bilia yvt pim ai ghla chi ka, Shilombish a pihima ak inli hoke.

6. Yvmohmi hoka yvmohmi pulla chi ai ahni fehna kv̄t, haknip o il ai anta takla hokvto, Chihowa ya i filvmmi hosh il anta kv̄t il ithaiyana hoke.

7. Na yimmi pulla kak osh il itvnohova, pisa kak o keyu hoka.

8. Yvmohmi pulla chi il ahni fehna, yohmi hokvt haknip a ai i filvmmi cha, Chitokaka yak o il ibai achvfa hi ak osh pim i shaiyahli hoke.

9. Yvmohmi hokvt ibai achvfa kak okmá, keyukmvt i filvmmi kak okmá, nana kia yvmmak ash e yukpala chi kv̄t e toksahanli hoke.

10. Ilap haknip aiyuka nana kv̄t ai yvmohmi tuk a nana achukma hokmá, keyukmvt okpulo hokmá, nana hoh kia, yvmma yvmihchi tuk isht vltoba mak o moyuma kv̄t il isha chi kv̄t, Klaist im o binili nan ai apesa itikba ya e moma kv̄t ont il ai otaiyana chi pulla hoka.

11. Yvmohmi hoka Chitokaka isht im anukshopa hi a ithaiyana hosh, hatak puta kv̄t hlakofa he ahnit il in tohono; yvmohmi hokvt Chihowa ho il im otaiyani pulla; yohmi hokvt nan isht hvsh il akostinichi ma e hvchim otaiyani ak inli, ahni li hoke.

12. Isht hvsh pi ahnicha hi a pishno ak inli kv̄t atukla ma isht e hvchim atahli keyu; amba chukvsh ak o keyu; ilap nashuka yo isht il aiyukpvt ilauata vhleha yvmma hvchishno vt i nan hvsh ok acha hi vt hvchi anukfoka chi kak osh, pishno ak o nan isht hvsh il aiyukpa kv̄t hvsh il auata chi kak o, e hvchim ahani hoke.

13. Pishno ak inli kak osh il il atamp̄li fehna hokmá, nana hoh kia, Chihowa nan isht im a holitopa chi kak oke: keyukmvt pim anukfila nuktaiyala hokmá, nana kia hvchishno nan isht hvchim achukma chi kak oke.

14. Klaist nan isht pi hullo yak osh a pi anukfoyukvt pi

ai yimilihinchi hatuk oka ; yohmi ka achvfa kv̄t moma ka im illi hatok, yohmi hokma, moma kak osh illi yoke, ahnit yakohmichit isht pim anukfila hoka.

15. Yohmi ka moma kak o im illi hatuk oka, kv̄na hosh himmak ma okchayvt ahanta kv̄t, ilap nan ahni banot ahanta he keyu, amba vlhtoba hosh illi tuk osh, anonti falamvt tani tok yummak o holitoblichy hosh ahanta he vlhpesa hoke.

16. Yohmi ka himak a pilla ka haknip imma hatak nana kia il ithaiyana ch̄i keyu: ahli, yohmi kia haknip imma Klaist okvno il ithaiyana tok: yohmi tok kia himak a pilla kvno yummak ash il ithaiyana ch̄i keyu mak oke.

17. Yumohmi ka hatak nana hosh Klaist a ibai achvfa hokmvt, mihi yosh nana toba himona yoke: na sipokni atuk vt ont ai ikshot kvnia na, yakeh! nana puta kv̄t himonvt toba hoke.

18. Yohmi ka Chihowa yummak osh Chisvs Klaist pulla hatuk mak o ilap a isht a pit i nanaiyvchi tok; mihmvt nan isht it i nanaiyvchi isht ai vta yo pi atokoli tuk mak osh, nana yakohmi puta ka yvmihchi yoke.

19. Yohmi kv̄t Klaist pulla ho Chihowa hv̄t yakni a ilap a isht il i nanaiyvchi kv̄t, yummak ash nan im ai ashvchi puta kash o isht in takalihinchi keyu; yohmi mvt nan isht it i nanaiya im anumpa ha pi anukfoyuki hatok.

20. Yumohmi hoka Klaist vlhtobvt im anumpa isht aya pia hoke; yohmi ka pishno pulla hatuk mak o Chihowa hv̄t i kanvt hvchim anumpohonli chiyuhmi ma; pishno mvt Klaist vlhtoba hosh e hvchim asilhha ka Chihowa ya hvsh i nanaiyashke.

21. Yummak atuk mak o Chihowa nan isht im ai vlhpiesa e toba ch̄i ka, yummvt nan ashvchi ithaiyana tok keyu ka, yummak ash o Chihowa yvt nan ashvchi yo pim ikbi tok.

CHAPTA VI.

Ilap, micha itapehvt tokstli aiena kv̄t Chihowa yak o iba toksahanli kv̄t achi. 1: 5 tbanumpa isht anumpohonlit nan isht im apalvni,

micha toksahanli a:na kv̄t anoli; 14 Chihowa okchaya yō in tempel a tuk okv̄t, na holbv̄t toba puta nan akaniohmi ik vlhpeso puta ka ai i filv̄mma chi ka i miha.

1. YUMOHMI hoka pishno vt nan itiba toksv̄li pia hosh, Chihowa nan isht i kana hv̄sh habena kv̄t, pilla hv̄sh habena ch̄i keyu hō i kanv̄t hv̄chin tohōno li hoke.

2. Ai okpancha he nitak vt takali ma chi habaklo li tok; anonti isht ai okchaya nitak vt takali ma chi on chv̄fv̄t chi apelahanchi li tok, yv̄mmv̄t achi hoka: yohmi hoka yakeh! himonasi ya aiokpahancha he nitak vt takali hoke; yakeh! himonasi yak osh isht ai okchaya he nitak vt takali hoke.

3. Ubanumpa isht ai v̄tta yv̄t ik hofahyo ka chi ka, nana kia isht ai ibetv̄bli ya kil i bohōno hosh;

4. Nuktaiyav̄t achunanchi fehna, nan apalv̄m̄mi puta ka isht ai atukonufv̄t a hlakofa he keyu;

5. Fahama, aboha kv̄llo ma fohōka, nukkillit yahapa puta, toksahanlit hoyubli, nusi mv̄t ik im iksho, hohchahāfo,

6. Chukv̄sh kashofa, nan ithaiyana, i kanv̄t nuktaiyala, sv̄lahv̄t nokowa, Shilombish Holitopa, ilahobi keyu hosh nan it i hullo,

7. Nan ghli isht anumpa, Chihowa nan isht im ai ghli, isht impakimma, mikmv̄t isht afv̄bekimma ita tuklo kv̄t nan isht ai vlhpiesa i nan isht tanampi isht ai im vlhtaiyaha;

8. Nan isht holitopa, anonti nan isht ik holitopo, nan ik achukmo isht annoa, anonti nan achukma isht annoa; na haksichi yō chiyuhmi, yohmi kia ai ghli bieka;

9. Ik ithano yō chiyuhmi, yohmi kia otaiyani achukma; illa he im ai vlhpihisa, yohmi kia yakeh! pi okchaya moma; kostina hi osh nan i palv̄m̄mi, yohmi kia illi keyu;

10. Na nukhaklo yō chiyuhmi, yohmi kia na yukpa bieka; ilbv̄sha yō chiyuhmi, yohmi kia lava ka nan in lauahanchi; nan ik im iksho kamohmi hō chiyuhmi, yohmi kia nana moma kv̄t ai immi; nana kv̄t a pi yakohmi hokv̄t, Chihowa nan isht im v̄tta vt kaniohma hetuk a chohmit nana moma ka isht il ai otv̄nihinchi hōke.

11. Kolinhlīan hv̄chia ma! pitakha yv̄t hv̄ch̄i wakame, pi chukv̄sh mv̄t hv̄chim a chinto fehna hoke.

12. Pi chukvsh a ai iskitinosi hō hvsh pim a foyuka keyu, yohmi kia hvchi chukvsh okvno iskitinesi hō hvsh a pi foyuki hoke.

13. Yohmi ka mihi ash inli chohmi hō hvsh pī falaminchi cha, hvchi chukvsh a hvsh pin chitolashke; vm vlla chipunta chohmi hō im anumpvli li hoke.

14. Na yimmi keyu vhleha hokvno it ibai achvft ikunla abana isht ik hvch abanaiyo kashke: nanta hō nan vlpesa kvv nan ik vlpeso ya it ibai ieshi hō? nanta hō tohwikli hvv okhlili hā isht ai it ibai achvfa hō?

15. Yohmikma Klaist vt Belial a nanta hō isht ai itiba ola achukma hō? mikma na yimmi yvt nan ik yimmo ya nanta hō isht ai it ibai achvfa hō?

16. Yohmikma Chihowa in tempel vt na holvvv toba puta ka nanta hō isht ai it ibai achvfa hō? Chihowa okchaya in tempel hvchia hoka; yohmi ka Chihowa hvv, Yvmmak oka ai ahanta la chi, mikvvv a nohova la chi: yohmi cha in Chihowa sia hokma, anonti ilap vt vm okla ha chi hoke, achi tok oka.

17. Yvmohmi hoka yvmma a kohvvv hvsh mintashke; yohmi cha oh i filvmmi, mikvvv nana kvv ik kashovo ka hvsh potoli ná; yohmik mak o hvch i kvvv hvchi ieshi la chi hoke, Chitokaka yvt achishke.

18. Yohmikvvv hvch Iki toba likma, anonti hvchishno vt svso vhleha, svvotek vhleha hvsh toba hi oke, Chihowa nana moma i shahli hvv achishke.

CHAPTA VII.

Nan ashvchi ik im iksho ka he i miha, 1; 2 Klaist im vbanumpa ishi ai ahli yatuk ilap a okla aiokpancha chi ka i miha; Ilap nan im ai ashvchika isht ilekostininha hi a i holisso vmonna kvv nukfo-kichichi tok o, Titvs vt ant im anoli ilvppak o nana kvv i palvvi ak inli kia isht hopohohla tok vt pit im anoli.

1. YUMOHMI ka a kana holitopa vhleha ma! nana hash yakohmiechit pimihisa ka, haknip, miha hvvim anuk-fila nan isht ai liteha puyuta ka isht kiloh il a kashofi,

Chihowa hā holitohombli pulla hosh ont ai ghlit nan ai ashvchi ka ik pim iksho kashke.

2. Pi kanvt hvsh il anukfoyakashke; hatak nana kia kil vhpesalo hatuk keyu; hatak nana kia il ai okponichi hatuk keyu; hatak nana kia haksichi hosh nan il im ishi hatuk keyu.

3. Anumpa hvchi onochi la hi osh ilvppa anumpuli li keyu; hvch ibai illi hokmá, okchayvt hvsh ibai ahanta hokmá, nana hi vt pi chukvsh ā hvsh pim a foyuka hoke, tikba kash achi li tuk oka.

4. Yohma chi ahnit, na yimmi chintot hvchim anumpuli li hokvt otvminchi li fehvshke; nan isht hvchi ilauahanta li chinto hoke; na hopohla ma isht vm alotowa kv, na pim apalvmmi a moma ka isht a sai yukpa vm atampa fehna hoke.

5. Masetonia yakni ya ant e chukowa ha yatuk ā pi hknip vt ik foho kvmoimi; yohmi hoka a pi afolubli moma ka nan isht a pi palvmmi; kocha ya ai itihimbi ma, pi anukaka ma, pi nukshohumpvshke.

6. Yvmohmi kia Chihowa hv kvna hosh im anukfila akanlosi puta hokvno nuktalali, yvmmak osh Titvs vt ayvt vla pulla hō pi nuktalali tuk.

7. Yohmi kv yvmvvt ayvt vla kak bano keyu, amba na nuktanla mihi yo yvmmak ash ot isht hvchi anuktanla pulla tuk osh, nan isht hvš sā hullo kvllo, mihmvvt na hvchi nukhāklo, hvchim anukfila hā kvllochit isht hvš si atakali aiena ka yvmmak ash ot ant pim anoli hoka: yohmi hoka nan isht sai yukpa vm i shahli fehna tuk oke.

8. Yohmi kv hvchi holissochit isht hvchi nukhāklochi li tuk vt sa nukhāklo tuk kia, himak ano sa nukhāklo keyushke; holisso yvmmak ash ot na hvchi nukhāklochi kia, hvshi kanvli achvfa hō chohmi tok ā akostininchi li hoke.

9. Himonasi ya sai yukpvshke, na hvchi nukhāklo kak keyu, amba na hvchi nukhāklot hvsh ile kostininchi kak atuk oke: pishno ak atuk mak o nana kia isht hvchi ai okpulo ka chi kv, Chihowa nan ai ahni hō na hvchi nukhāklo tuk oke.

10. Chihowa nan ai ahni hō na nukhaklo yokvto anukfohka cha, okchaya chi hosh ile kostininchi kv̄t nukhakla himma keyu hoke: amba yakni yō nan isht a nukhaklo yokvto illa hi osh anukfohka hoke.

11. Chihowa nan ai ahni hō na hvchi nukhaklo tuk vt ilvppak fehna ka ho pesá; tushpvt anukfohkv̄t nana isht hvsh ahanta tuk, ḡhli, na hvchi onvtula tuk ash hvsh il im i kanvllichī tuk, ḡhli, ile shitilemvt nan ai ashvchi hvsh i nukkilli tuk, ḡhli, na hvchi nukshopa tuk, ḡhli, yvmohmi pullakbano ahni fehvt hvchi anukfoyuka tuk, ḡhli, nan a mosholit hvsh ahanta tuk, ḡhli, ik vlhpeso mak o i sanalit hvsh i nukkilli tuk, yohmi hokvt nan ilvppak ash hvsh ai iti kashofa kv̄t nana ilvppa puta kak o isht hvsh il otv̄ninchishke.

12. Yvmohmi ka hvchi holissochi li tuk vt kv̄na hosh nan ik vlhpeso ka yvmihchi tuk, mihmvt kv̄na hosh ik vlhpesot nan i palvmmi tuk pulla kak o yvmihchi li tuk keyu; amba Chihowa itikba yō tushpvt anukfohkv̄t isht e hvchim ahanta ka hvchim otaiyana chi kak atuk oke.

13. Yvmohmi hoka nan isht hvchi nuktanla ka isht a pi nuktaiyala hoke; ḡhli, yohmi hokvt Titvs yvmvt im anukfila hv̄t hvsh moyuma kak o nan isht a nuktanla tuk okvt, na yukpa kak o pishno vt na pi yukpa pim atampa tuk oke.

14. Hvchishno pulla hatuk mak o isht im ilauata li tuk oh kia, sa hofahya keyu; yohmi ka ai ḡhli hō nana moma isht e hvchim anumpuli kv̄t, Titvs itikba yō na yukpvt il ilauata ha tuk ḡ, yvmmak ash ot ai ḡhli bieka hoke.

15. Yohmi ka nukshohumpa, micha wv̄nihinchi aiena hosh yvmmak ash hvsh aiokpv̄chi cha, nana ka mominchit hvsh im antia tuk ḡ ithaiyana momvt, yvmmak ash ot im anukfila isht hvchi kana kv̄t in laiyawa atampa hoke.

16. Yvmohma hoka nana moma ka hvsh ai ḡhli ka hvchi vimmi li ka'x osh na sai yukpa hoke.

CHAPTA VIII.

V̄banumpuli ilbv̄sha Cheluselv̄m ḡsha ka peh pilla nana ka isht apelacha he i miha, 1; 7 v̄banumpuli Masetonia ai ashvt nan akaniob-

mi ka hobacha he. 8 Chihowa nan isht i kana anukfoyuka pulla hosh; 14 Klaist a iakaia pulla hosh yvmihcha he; mikmvt nana ka yvkmichi kv̄t ilap shilombish nan im achukmali pulla ka, achi.

1. YUMOHMI ka itibapishi li vhleha ma! Masetonia yakni chvch a hiohli ka Chihowa hv̄t ilap nan isht i kana yo ihima ma,

2. Nan imomaka pisa chinto a palvmmi kak o nan isht im il aiyukpa kv̄t lāwa, yohmi mvt ilbvsha fehna yatuk vt ilap nan ahnit nan itahobi kv̄t, lauachi fehna tuk a isht e hvchim anolishke.

3. Nan isht il ilauechi, ahli, nan isht il ilauecha hi a m atampa ak inli kia, yvmihcha he ahnit, ilap inli nana im anukfila hatuk o atokowa anoli li hoke;

4. Nan isht i kana yash il ishi cha, na yimmi ahli vhleha isht im ia ka ibachv̄vt il apelvcha hi a, okla ai ahni fehvt pim asilhha tuk oke.

5. Yohmi kv̄t ilvppak o okla yvmihchi tuk, yohma he ahnit pim anukfila tuk keyu; yohmi kia na tikba Chitokaka yoka okla il im issa cha, anonti Chihowa nan ai ahni pulla ho pishno ma pim il issa tuk oke.

6. Yohmi hatuk o nana ka isht wakaya hatuk okvt, Titvs ak osh nan isht i kana hvsh bohla he yvmmak ash kia hvchi ai itahobit tahla hi a, il im ahni tuk oke.

7. Yvmohmi hoka na yimmi, micha anumpuli imponna, micha nan ithana, micha tushpvt anukfohkvt nana ka isht ahanta, mikmvt hvsh pi hullo aiena, nana moma ma isht a hvchim vlhtaiyaha laua ka, chohmit nan isht i kana ilvppak kia hvchin lauashke.

8. Nan vlhpisa yo isht anumpuli li keyu, amba inla tushpvt anukfohkvt nan achunanchi yak oke; yohmi kv̄t na hvshi hullo ai ahli kak o otv̄nichi la he ak atuk oke.

9. Hvpin Chitokaka Chisvs Klaist, yvmmak okvt nan in laua yatuk kia, hvchishno pulla kak o ilbvsha yo toba tok; yvmvt nan ilbvsha pulla hatuk mak o na hvchin laua chi hatok vt hvsh ithana hoke.

10. Yohmi ka tikba kash isht hvsh wakaya kv̄t, nana ka hvsh yvmihcha he ak illa keyu, amba afv̄m̄mi achv̄fa foka

kash yohmikbano ahnit, hvchi anukfoyuka ak inli tok, ilv-
pvt nan isht hvchim vlhpesa hoka, vno nana anukfilli li kv̄t
anoli lishke.

11. Yohmi hoka himonasi ya nana kv̄t ai yvmohma he
yatuk ash hvsh yvmihchashke: yohmik bano ahnit hvchim
vlhtaiyaha hatuk okvno na hvchim asha ka isht hvsh ai aḥli-
chi kv̄t, hvchim vlhtaiyaha ak inlashke.

12. Im anukfila ak osh nan tikba yohmikbano ahni ha
yatuk okvno, hatak yvmmvt nana hō ishi tuk ash isht vlhpisa
hō ima kv̄t isht ai vlhpesa hoke, amba yvmmak ash ot nana
hash ik isho ke tuk ak osh isht ik im ai vlhpiso chatuk keyu

13. Hvchishno ak osh na hvchi weki, nan inla yvto nan
ik ahalaio ka hi o miha li keyu.

14. Amba ai itilauashke, yohmi hoka himonasi ano na
hvchin laua yak osh ilbvshvt na bvna yak o apelvcha chi;
yohmi tukma ilap nan in laua yak kia ilbvshvt na hvchi bv-
nakma hvchi apelvcha chi; yohmikma nana kv̄t ai itilau kv̄t;

15. Kvna hosh nana ka lauachit itahobi hatuk kia, atampa
kv̄t ik im iksho hoke; mihma kvna hosh ik lauachot itahobi
hatuk kia, ak im ono keyu, achi hosh holisso ka chohmi
hoke.

16. Yohmi ka achilitvt nana yvmmak ash isht hvchim
vtta chi ka, Titvs im anukfila hā Chihowa hv̄t anukihki-
chechi tuk a yak oke, im ahni lishke.

17. Yvmmak ash osh nan in tohono li ka aiokpanchi
fehna mvhli hatuk; yohmi kv̄t ilap inli nan im anukfila kv̄t
achilitvt, ila tushpa fehv̄t hvchi maya hatuk oke.

18. Yohmi ma vbanumpa pulla hatuk mak o chvch hi-
ohli moma ka im a holitopa il itibapishi hā, tuklonchit pit e
pila hatuk.

19. Yohmi kv̄t yvmmak bano hatuk keyu, amba Chito-
kaka yvmmak ash inli kv̄t isht a holitopa chi, mikmvt nana
kv̄t yohmikbano ahnit hvchim vlhtaiyaha tuk vt otaiyana
chi ka, nan isht i kana ilvppak okvt pishno pulla hatuk mak
o ai yvmohmi tuk a yvmmak ash ieshit pi takla nowvt aya
chi kv̄t, chvch vhleha hō yvmmak ash ot ai im vlhtokowa
ak inli tuk oke.

20. Nan isht i kana laua ilvppak ash yakohmichit isht il ahanta na kvna kia nan isht ik pi mihacho ka ch_i ka, ilvppa ahah! il ahani tuk oke.

21. Chitokaka itikba ak illa keyu, amba hatak puta itikba yak kia, nana kv_t vlhpiesa h_o isht iloh il otvnincha hetuk oke.

22. Yohmi kv_t himonna imomaka e pihisa na nana lawa ka achunanchi yatuk il itibapishi, mihmak o ibafokit pit e pila tuk; yohmi ka hvch_i yimmi chinto kv_t nana ka achunanchi i shahli fehna ch_i pulla hoke.

23. Hvchishno yatuk mak o kvnia kia Titvs a a ponakla he yoba ka, yvmmak okvt vm itapela, micha na svba toksuli yoke; yvmmak keyukvt hv_p itibapishi vhleha hash a ponakla he yoba ka; yvmmak okvt Klaist nan isht a holitopa ch_i ka, hvch hiohli puta h_o ai im vlhtoka vhleha hoke.

24. Yvmohmi hoka nan isht hvsh i hullo, mikvt hvchishno a nan e hvch_i yimmit isht il ilauata hatuk ash atokolit ghlich_i kv_t, hvch hiohli puta, mikvt ilvppak ash aiena ka hvsh im otvninchashke.

CHAPTA IX.

Achakalinchi kv_t peh pilla nan ima he ak_o anukfokichi, 1; 6 na holokchi nihi y_o isht ita pesa hosh na hokchi tok aiyuk ali kak osh vma he, achi; 7 aiokpanchit nan ima kak o Chihowa yvt holitoblich_i; 10 pilla nan isht i kana lauachi y_a Chihowa kv_t ilap nan isht i kana y_a lauachit ima.

1. **UBANUMPULI** ahli vhleha nan isht im ahanta he imma yvmmak ash okvno, nan isht mihvt hvch_i holisso chi la he vm vlhpesa keyu.

2. Yohmik bano ahni kv_t hvchim vlhtaiyaha hatuk, mihma Akaia ai asha kak kia afvmmi achvfa foka kash nana kv_t im vlhtaiyaha hatuk, mihi yash o Masetonia ai asha ka isht m ilauata li hatuk; yohmi hatuk o na hvsh a mosholi kv_t laua fehna ka yimitvchit anukfohkiechi ka ithaiyana lishke.

3. Yohmi ka ilvppak ash o hvchim vlhtaha ch_i ka, achi

tuk mak osh il itibapishi vhleha hā pit tihleli li tuk oke; yohmi ka nan isht e hvch ilauwaiyata tuk ash o ont ik ai ahlo keyu ka chī kak atuk.

4. Masetonia hatak ash ot si apihvt ona yoba cha, nana kv̄t ik hvchim vlhtaho ke tuk o ont ahayuchi na, na yimmit isht ilauwaiyata tuk mihi yo ai isht a pi hofahya hinla kv̄t, hvchishno ak a he okvno il achi keyu.

5. Yohmi ka il itibapishi vhleha hash ot tikba hvchim aya cha, nan isht hvsh i kana he vt isht anuhumpa tuk ash, tikbanli atahla he vlhpesa ahnit, i miha li tuk; yohmi ka pilla nan isht i kana yummak a he ash ot vlhtaiyaha kv̄t, nan il ahayuchi bv̄na yo ik chohmo kashke.

6. Yohmi ka kv̄na hosh ik lauacho hosh hokchi hokvto, mihi yosh ik lauacho hosh vma chī ak inli hoke; mikma kv̄na hosh lauachi hosh hokchi hokvto, mihi yosh lauachi hosh vma chī ak inli, ilvppa achi lishke.

7. Kv̄na kia ilap im anukfila hak o na tikba nan isht ik ahni ha yosh hatak moma kv̄t nan ik imá; isht nukhaklo keyu, mikmvt yohma hi atuk ahni kak o keyu; aiokpanchit nan ima yak o Chihowa yvto i hullo hoke.

8. Yohmi ka Chihowa hv̄t nan isht i kana moma ka isht hvchim a lauacha hinla kv̄t im vlhpiesa hoke; yohmikma nana moma ka isht hvch im vlhtaiyaha biekv̄t, na toksvli achukma moma mvt isht a hvchin laua hi oke.

9. Yvmmvt na fimmi hatuk; micha yvmmvt ilbvsha yo nan ima hatuk aiena kv̄t, nan ai vlhpiesa ho yvmihchi tuk a takali na bilia hi hoke.

10. Yohmi ka kv̄na hosh na hokchi a na nihi im atahli yak osh hvchim ilimpa chī pvska ma ik atahanlí, micha hvchī na nihi hollokchi tuk ash ik ibakahanlí, mikmvt na hvsh a kaniohmi ai vlhpesa im vni ya i shahlichit ik ibafoh-oki; achi hosh holisso hoke.

11. Nana ka lauachit hvsh ima chī kv̄t, nana moma isht a hvchin laiyouwa ka yummak osh pishno pulla hatuk mak o, lāwa kv̄t Chihowa hā yak oke im ai ahna chi ka, nukfohkih-inchishke.

12. Nan isht apehlvchi ilvppak oka isht ahanta kv̄t vba-

numpuli ahli vhleha nan ik im iksho kash o nan im atahli illa keyu, aniba Chihowa ha lauachit yak oke im ai ahni vhleha ha isht a laiyawa ak inlishke.

13. Klaist im vbanumpa ha im antia hvsh il anohonli; yohmi mvt ilap, micha hatak moma ka nan isht hvsh apelvchi na nan isht apelvchi ilvppak ash o imomaka pihisa pulla hosh Chihowa ya okla holitoblichishke.

14. Yohmi mvt vba isht hvchi anumpohonli pulla hosh Chihowa nan isht i kana fehna kvv hvchi anukfoyuka chi ka, ai ahnit isht hvchi hullo hoke.

15. Chihowa nan isht i kana yvt anumpa ho isht annoe he keyu hoka yak oke im ai ahni lishke.

CHAPTA X.

Klaist im apostel atuk osh nana kvv vltoka, mikmvt shilombish im ma isht im ai ahli kvv anumpuli.

1. YUMOHMI kvv Klaist chukvsh yohbi, micha chukvsh nukhobela iksho pulla ho, vno Pal sia hvv hvchi kanvv hvchi tohono lishke; hvchi takla antakmvt, im anukfila akanlosi, amba hvchi filvmmikmvt, hvchi nukwaya iksho sia mak oke.

2. Yohmi kvv haknip imma nan ahni ho nana ka e yvmihchi tuk a kanimi kvv pi ahobachi, yvmmak okvno nukwaya ikshot i kvvlo li kvv hvchi takla ont anta li hokmvt, nukwayvt ak hvchi kvvlo ka he ak osh hvchim asilhha lishke.

3. Yohmi kvv haknip o il ai ahanta kia, haknip imma nan ahni yo ai isht e tanahampi keyu.

4. Nan isht e tanampi yokvto hatak osh nan isht tanampi yo chohmi keyu, amba Chihowa pulla hatuk mak o kvvlo ai ahli hosh nan a holihta kvvlo puta hatuk a yuhlichy yoka.

5. Nan anukfilli ik vlvpeso puta, mikmvt nan anukfilli chaha, yvmmak okv Chihowa nan ithana ya i sanalit ilap inli ile chahvchi moma ka ishit e kanchi, mikmvt Klaist a im antia chi ka, nan isht pim anukfila moma ka e yukahanchi yoke.

6. Yohmi ka na hvsh im antia he tuk vt ont a hvchim ai

ghlikma, nan ik im antio moma kvno nana kv̄t isht a₁ im vlhpisa mak o isht il i yvmihcha he vt pim vlhtaha hoke.

7. Nashuka yo chohmichit nana ka hvsh pihisa ho? Kvna kia Klaist immi sia, ahnit ilap inli il anukchieto hokmvt, atuklant ilap ak inli hosh ilvppak ash ik anukfilli, yvmmak ash ot immi sia, ahni ka, yvmmak inli ho chohmit pishno kia Klaist immi pia, il ahni hoke.

8. Yohmi kv̄t nana a pi vlhtoka tuk pulla ho nana ka i shahlichit isht ilauwaiyata li ka isht ik hvchi okpulo hosh, achukma i shahlit hvsh mahaya hi o, yvmmak ash Chihowa yvt pima hatuk oka, sa hofahya he keyu hoke.

9. Yohmi kv̄t holisso ho isht a hvchi nukshopli la he, ahni li tuk a ik si ahobo ka chi kv̄t, ilvppak o yvmihchi li hoke.

10. I holisso hokvto weki, micha kullo, yohmi kia ilap haknip fehna otaiyani hokmvt ik kullo, micha im anumpa mvt ik ahobo hoka, yvmmak ash ot achi.

11. Yvmma chohmi tuk ak osh ilvppa ik anukfilli, yohmi ka il i filvmmik mak osh holisso pulla ho anumpa yakohmi ka e yvmihchi kv̄t, pishno fehna il otaiyani hokmak heto, nan isht il anta kv̄t, yvmmak ash atuk ak inli ho e chohma hi oke.

12. Kanima kv̄t ilap inli il ahninchit vhleha, yvmma pishno vt isht il iba hotehnachit, isht il it apesa keyu; yohmi ka ilap inli ahninchit nan isht il apesa vhleha, micha ilap inli ka isht il it apihisa vhleha aiena hokvto hopoyuksa keyu hoke.

13. Yohmi ka nan isht a pim vlhpisa ya ont atampa hokvno nan isht il ilauwaiyata he keyu; amba nan isht vlhpisa pulla yvmmvt hvchishno ak kia hvchim ona he, nan vlhpisa yo Chihowa yvt pim apesa tok ak oke.

14. Ik hvchim ono ke tuk ak inli ho chohmit nan isht a pim vlhpisa ya pit il atamplit il ile mahampli keyu; Klaist im vbanumpa isht anumpohonli ak inli hosh hvchishno a e hvchim ona hatok:

15. Nan a pim vlhpisa, yash pit atamplit hatak inla im a pilesa yokvno nana ka isht il ilauwaiyata he keyu; amba na hvchi yimmi hatuk vt i shahlit hlampko na nan isht a pim

vlhpisa hash o, hvchishno pulla ho isht a pi chito fehna he ak o il ahni.

16. Yohmikmuno hvsh ai asha ka misha vbanumpa isht il anumpohonli kv, hatak inla nan isht im ai vlhpisa ai vlhtaiyaha ho isht kil ilauwaiyato ka chi hatuk.

17. Yohmi ka kvna hosh ilauwaiyata hokvto, mihi yosh (Chitokaka yo isht ik ilauwaiyatá.

18. Kvna hoh kia ilap inli il ahninchik kak osh mihi yosh holitopa keyu, amba kvna ho Chitokaka ak osh ahninchik mak oh chatuk oke.

CHAPTA XI.

Kolinhlia ya i hullo pulla hosh ilap inli il ahnichit vbanumpeshi moma i shahli ka ili tilanechit anohonli: 9 vbanumpa ha pilla isht im anumpohonli hatuk, vba nan vlhpiss imma nan achi ka ai itilau.

1. NAN isht ilauwaiyata li kanomosi ka ant ik yohmi, hvsvm ai ahnikbano hvchim ahni li; yohmi ka ant ik yohmi, hvsvm ahna chi pulla hoke.

2. Chihowa anukfoykvt nan isht i hullo mak o isht hvchi huhulo li hokvt: ohoyo himita hopoyuksa ahli hatak haleli keyu chohmi mak o, hvch ishik Chisvs a im otvninchi la hi mak osh, i hatak achvfa chi ka hvch it im apobvchi li hatuk.

3. Yohmi tuk kia sinti okvt ilap kostini pulla kak osh If a haksichi tok a, chohmit na hvchim anukfila hash ot shanaia na nan anukfilli apissali achvfa, yvmmt Klaist ak o ai achvfa yash o hvsh i filvmma hinla ka, sa nukshohumpa hoke.

4. Kvna hoh kia Chisvs inla yvmma isht il anumpuli tuk ash keyu ho isht anumpulit aya, micha Shilombish inla yvmma hvchi anukfoyuka tuk ash keyu ho hvchi anukfoyuka, yvmmak keyukvt vbanumpa inla yvmma hvsh aiokpvchi tuk ash keyu ho hvsh aiokpvchi hokvt, ant ik yohmi, hvsh im ahni vlhpesa hoke.

5. Apostel moma i shahli fehna kak kia ik alauecho sia keyu, vm aboha hoka.

6. Yohmi ka anumpuli hokvt ik imponno sia, yohmi kia nan ithana kak o keyu; yohmi kv̄t hvch itin takla yā nana moma ka achukmalit isht e hvchim otaiyani hatuk oke.

7. Nan isht hvchi holitopa chi ka il akanlosechi lish, Chihowa im vbanumpa hā pilla isht hvchim anumpohonli li kak osh nan ashvchi li hatuk o?

8. Hvchi apelvchit nan isht hvchim ahanta la chi kv̄t, chvch hiohli inla yo nan im ihishi li kv̄t, ilap ak osh nan atobbi hō ishishi li hatuk.

9. Yohmi kv̄t hvch iba takla ahantvt na sa baiyvna kia kvna hosh na hvchi kvnia tuk keyu; nana kv̄t ik sv̄m ono ke tuk okvno itibapishi li v̄hleha Masetonia minti hosh v̄m atahli tok; yohmi hoka nana moma ka isht ak hvchim ile wekecho ke tuk; yohmi hokvt yvmmak o a si yvmohma chi mak oke.

10. Klaist nan isht im ai ahli yvt a sa nukfoyuka hosh, nan isht ilauwaiyata li ilvppa kvna hosh Akaja afulloa anta kv̄t, sv̄ssacha he keyu hoke.

11. Nanta katiohmi hō? hvchi hullo li keyu kak o? Chihowa hv̄t ithaiyanvshke.

12. Amba anumpa si onochi bv̄na kia, anumpa isht si onocha hi vt ik im iksho ka he; m̄icha nana ka isht ai ilauata hatuk vt pishno ak inli hō chohmit otaiyana chi kak o, a kaniohmit ahanta li hatuk vt, yvmmak o ai yvmohmit ahanta la chi hoke.

13. Yv̄mma chohmi kv̄t vbanumpeshi ahli keyu hoke; na haksichi yosh Klaist nan isht im v̄tta ilahobi hoke.

14. Ilvppvt a yakohmi ka anukhlakancha he v̄lhpesa keyu; Setan ak fehna ak kia inlv̄t tobtvt a tohwikeli ka im enchil ilahobi chatuk oka.

15. Yvmohmi hoka yvmmak ash in tishu v̄hleha ak kia inlv̄t tobtvt, nan isht ai v̄lhpiesa in tishu v̄hleha hā holba hokvt na fehna keyushke; yv̄mma im ishtaiyopi yvt ilap vt nana a kaniohmi chatuk ak inli hō chiyuhma hi oke.

16. Hatak nana kia im anukfila iksho ik si ahno kashke: v̄mmak keyukm̄vt im anukfila iksho si ahni hob kia, v̄lh-

pesa um ahni; vno ak inli kv̄t iskvtinosi ka isht ilauata lashke, anonti achi lishke.

17. Ilvppa puta anumpuli li kv̄t Chitokaka ak o iakaiya hosh anumpuli li keyushke; amba im anukfila iksho yo chohmit nukwaya iksho hosh isht ilauata ilvppa anumpuli lishke.

18. Lawa kv̄t haknip imma ka isht ilauata kak o, vno ak kia isht ilauata li ak inla chi chishke.

19. Hvchishno vto hvchi hopoyuksa kak osh, im anukfila iksho a yukpa hosh ant ik yohmi, hvsh im ahni hoka.

20. Hatak okvt yuka ho hvch ikbi hokma, keyukmvt vpv̄t hvchi tahli hokma, keyukmvt nana hvchim ai ishi hokma, keyukmvt ile chahvchi hokma, keyukmvt hvchi nashuka ya isso hokma, nana kia ant ik yohmi, hvsh im ahni hoke.

21. Ik ahobo hatuk osh isht a hofahya hi o chohmichit anumpuli lishke. Yohmi ak inli hoh kia kanima kv̄t nana ka isht ik nukwayo kv̄t a sha hokma, nan im anukfila iksho chohmit anumpuli hosh, vno ak kia isht ik sa nukwiyo ak inlishke.

22. Heblu okla ho? vno ak kia yummak o sia hoke. Israel okla ho? vno ak kia yummak o sia hoke. Eblaham ak o isht atia ho? vno ak kia yummak o sia hoke.

23. Klaist in tishu ho? im anukfila iksho chohmit anumpuli li kv̄t, yummak oka i shahli li hoke; yumma i shahlichit toksvli li hoke, atampa ho sa fahama hoke, aboha kullo fohoka li chatuk, a svlli naha kv̄t laua chatuk oke.

24. Chu okla ha pokoli ushta chi ma achvfa hosh iksho ho tahlapi ha im a sa fahama tok.

25. Hituchina ha fuli isht sa fahama tok, himonna ka tvli isht sa boa tok, hituchina ha, peni fohkv̄t aya li tok a okpulo tok, ninak achvfa nitak achvfa aiena ka okhvta pakna takakanli li tok.

26. Anowa hopaki kia himonna a nohwa li, oka kia isht um a palvmmi, na wehli kia isht um a palvmmi, a yakni achvfa okla hak kia isht um a palvmmi, vbanumpa ik ithano ma isht um a palvmmi, tumaha anykaka kia isht um a pa-

lvmmi, yukni haiaka kia isht vm a palvmmi, micha itibapishi li ilahobi vhleha kia isht vm a palvmmi;

27. Hoyohambli, na hotohompa, himonna nusi vm okponlo fehna, himonna hohchvot, ituk shihinla, micha kapvssa ka, haknip bieka aiena hosh isht vm a palvmmi hatuk.

28. Nana ilvppa moyuma kv̄t kochanli a mintit a si onvtohonla ma, nitak moma ka chvch hiohli puyuta nana isht anukfilli mvt a si onvtohonla hoke.

29. Kv̄ta hak osh ik hlampko na vno ak osh sa hlampko hō? kv̄ta hak osh ibetv̄bli na vno ak osh ik sa nuklibisho hō?

30. Nana ka isht ilauata la he v̄lhpesa hokmvt, nana kv̄t isht a ik sa hlampko imma kak o isht ilauata la ch̄i hoke.

31. Chihowa pin Chitokaka Chisvs Klaist Iki, holitopa bilia yak osh, holabi li keyu ka ithaiyana hoke.

32. Hatak pehlich̄i m̄iko Aletas nutaka ahanta tuk vt Tamaskvs a si ai yukachi bv̄na kv̄t, Tamasenes tmaha ha tv̄shka chipota atonichi tok.

33. Yohmi na kishi hō fohkv̄t tv̄li holihta okhissushi a hlopullit aka ona hosh yv̄mma ibbak a j̄ hlakofi li tok.

CHAPTER XII.

Isht il anumpohonli mvt v̄ba atuchina ka nana kv̄t auet im atokov̄t im otv̄ni tok vt anoli, 1, 9 yohmi kia nan isht ik hlampko ak o isht aholitopa hi vt ahni, iki nan j̄ kana mak o chohmit im aya ch̄i kv̄t im anoli.

1. NANA ka isht ilauata la he okv̄to vm v̄lhpesa keyu ak inli chishke. Nana ka Chitokaka yvt sa pisachit vm otv̄ninchi tok ak o isht anumpuli li la ch̄i hoke.

2. Afv̄m̄mi auah ushta atampa kash hatak Klaist ibai achv̄fa ka ithanali tok; yv̄m̄mvt haknip o a fohka hokmá nana tok chishba, ak ithanoshke; keyukmvt haknip a ai j̄ filv̄m̄mi hokmá nana tok chishba, ak ithanoshke; Chihowa ak osh ithana; yv̄mmak atuk ash o hoklit v̄ba ont atuchine ka isht ona tok.

3. Hatak yvmma chohmi ka ithana li tok, haknip o a fohka hokmá, haknip a ai i filvmmi hokmá nana tok chishba, ak ithanoshke; Chihowa ak osh ithana hoke.

4. Yvmmak ash o hoklit Palatais a isht ona na, anumpa he keyu puta hatak okvt anumpula he vllhpiesa keyu ho haklo tok.

5. Yvmma chohmi kak o isht ilauata la chi hoke: yohmi kia vno ak inli hokvno isht ilauata la he keyu, amba nan isht ik sa hlampko puta kak a hi oke.

6. Isht ilauata ik sa bvna hoh kia, vm anukfila hokvto iksho ka he keyu hoka; ahli ho miha la hi okvt; yohmi kia ilolambi lishke; keyukma hatak kvna kia sa kaniohmi ho sa pisa, micha a sa haklo kv, isht i shahlichit isht si anukfilla hinla hoke.

7. Micha nana vm otvni apakna pulla ho isht chahvt ak atapo ka chi kak o, kvti haknip shamvlli, Setan in tishu mak o ahama kv, isht chahvt ak atapo ka chi kak o, ishit sahaso ya chi hatok.

8. Ilvppa pulla kak o Chitokaka ya hituchina ha im asilhha li kv, ilvppak ash osh vm a filvmma chi kak atuk oke.

9. Mihma, Nan isht vm i kana yvt isht chim vllhpesa hoke; nan vm isht hlampko yvt ik hlampko yak o isht im ai vlhtaha yoka, vm achi tok. Yvmohmi hoka Klaist isht i hlampko yvt si onvtuyula chi ka, nan isht ik sa hlampko isht ilauata li kak osh vm vllhpesa chi hoke.

10. Yvmohmi hoka Klaist pulla kak o nan isht ik sa hlampko puta, nan isht sa hofahyali puta, nan isht hotopa puta, na palvmmi atukonofa a hlakofa he keyu puta kak o, isht il ai yukpa li hoke, ik sa hlampko hok mak osh, sa hlampko hokvt.

11. Isht ilauahanta li kak osh ik hopoyukso yo toba lishke; hvs si atoblichit tuk oka; ahninchit isht hvs si anumpula he vllhpesa tok oka: nana ho si ahomba keyu kia, apostel vllhaha i shahli fehna kak kia gsha ka hikia li keyu hoka.

12. Apostel isht atokowa yvt hvch itin takla ya ai

yvmohmi kv̄t, nan nuk̄taiyalvt achunanchi, nan isht atokowa puta, nan isht nuk̄hlakv̄shli puta, na fehna yvmihchi puta aiena moma ka, isht ai yvmohmi mv̄hli tok.

13. Nanta hak ō chv̄ch inla puta ka isht hv̄ch ik a lauwo tuk oh cho? nana ka ak hv̄chī kullo ilv̄ppak atuk ak ō? vno fehna kv̄t hv̄chim ashv̄chi li tok ilv̄ppak atuk ash hv̄s s̄g kashofashke.

14. Yakeh! ont isht atuchina mak ō hv̄ch im ona la chi kv̄t vm vl̄htahv̄shke: yohmi kv̄t hv̄chī kullo la chi keyu; na hv̄chimmī hak ō keyu, amba hv̄chishno yak ō hoyo li hokvt. Ulla yak osh īki micha ishki ita tuklo ka nana im ahayucha he vl̄hpesa keyu, amba īki micha ishki ita tuklo kak a hetuk oke.

15. Micha hv̄chishno pulla kak ō a lushumichit ik si ataha kia sai yukpa fehna hi oke: hv̄chī hullo li kv̄t isht ī shahlichī li fehna kia, ik lauwo hv̄chim a holitopa li hoke.

16. Yohmi kia ant ik yohmī, hv̄chī kullo li tok keyu: yvmohmi kia ī kostinī li hatuk osh, a haksichit hv̄chim ishi li tuk ō, achi hoke.

17. Hv̄chī pila li tuk yv̄mmak ash ō kanimi ka nan isht hv̄ch im ai ishit il ahayuchi li tuk ō?

18. Titvs vt hv̄chim ona he, ahni lish, itibapishi ma aieninchit pila li tok. Titvs vt na hv̄chim ai ishit il ahayuchi tuk ō? anukfila achv̄fut il itv̄nowa tuk keyu? ataya achv̄fa h̄o il ai itv̄nowa tuk keyu?

19. Anonti nana isht hv̄chim il il a miha, hv̄chim ahoba cho? Klaist ā iba foyuka hosh Chihowa itikba ya il anum-pulishke, yohma kv̄t nana moma e yvmihchi kv̄t, pī holitopa fehna vhleha ma! isht hv̄sh a hlampka he ak oke.

20. Yv̄mmak keyukma ona likmvt, itachowa, it ī potv̄nno, it ī nokowa, it ī nukhobela, ashaka nana a mihachi, itī shukshort na mihachi, ilefeh̄nv̄chi, itakv̄shkoa, hv̄sh aiena cha vl̄hpesvt hv̄sh m̄aya na, hv̄chi ahayuchi la hetuk ash osh keyu h̄o hv̄chi ahayuchi li, yohmikmvt a kanihmi lī hv̄s sa pisa hetuk ash ō keyu hosh, hv̄chim otaiyani la he ká, ahnit sa nukshohumpa:

21. Yohmi ka anonti ona likma, an Chihowa yvt a hv̄chim

itin takla a si akanlosechi na nan ai ashvchi mashko tuk vt na liteha, micha na havi, micha chukvsh nan isht havi aiena ka yvmohmi tuk vt, i filvmmmit ik ile kostinincho kisha tuk o isht yahaya li yoba ná.

CHAPTA XIII.

Nan ibetvblichí vhleha hv̄t ile kostininchi keyu ka nana im apesa hi vt miha, 1; 5 nana ka a yimmi hatuk vt il imoma ka pisvt ik ono kisha h̄o nan a kaniohmi atuk vt falamvt il a chukmala hi a achi.

1. ILUPPUT isht atuchina mak o hv̄chim aya lishke: Nan atokoli tuklo, tuchina itih h̄o anumpa moma kv̄t isht ai ahlashke.

2. Tikba hoka hv̄chim anoli li tok osh, anonti atukla mak o hv̄chi takla anta li chohmit tikbanli hv̄chim ano li lishke; yohmi kv̄t himak a ik saksho hatuk osh tikba ka yoshuba tok ash, micha inla moma aiena ka pit i holissochi li, yohmi kv̄t anonti ona likmvt, apoanchi la he keyu hoke.

3. Klaist vt isht si a hv̄chim anumpohonli tuk a atokowa hv̄sh hoyo hoka, yvmmvt hv̄chishno yokvno ik hv̄chi hlampko keyu, amba hv̄chi ai a hlampko hoke.

4. Ik hlampko hosh ititaiyukhvna a takalit illi tok kia, Chihowa imi hlampko pulla h̄o okchaya hoka, pishno ak kia yvmma iba chafvt ik pi hlampko; yohmi kia Chihowa imi hlampko yvt hv̄chi onvtula chi pulla ka, yvmmak ash iba chafvt pi okchaya chi hoke.

5. Ai yimmi ka yoka hv̄sh ibai achvfakma, nana kv̄t hv̄chishno inli hv̄sh ile pisashke; hv̄chishno inli imomaka hv̄sh pisashke. Hv̄chishno inli hv̄ch ik ithano cho? Chisvs Klaist vt hv̄ch iba foyvka ka, ik ai ahl̄o hv̄chia keyukmvt.

6. Yohmi ka pishno yvt ik ai ahl̄o pia keyu ka, hv̄sh ithana chi ka sa yimmishke.

7. Michā Chihowa ya pit im asilhha li kv̄t, nan ik v̄lhpeso ka ik hv̄chi yvmohmo ka he ak oke: il ai ahl̄i kv̄t isht il otvna he ak keyu, amba ik ai ahl̄o yo pia e chiyuhmi kia, hv̄chishno yokvto nana achukma kak o hv̄sh yvmohma he ak oke.

8. Anumpa ḡhli il ĭ sanali kv̄t nana e kanih̄ma he keyu, amba anumpa ḡhli ya il apelv̄chi yak oka.

9. Ik pi hlampkokm̄vt, hv̄chi hlampko kak o, pi yukpa hokv̄t: anonti ai ḡhlit hv̄chim vl̄htaha he ilv̄ppak kia e hv̄chim ai ahni hoke.

10. Yvmohmi ka ik saksho hosh ilv̄ppa puta ka hv̄chi holissochi lishke, ilv̄ppak atuk keyukm̄vt ont hv̄ch iba takla anta likm̄vt, Chitokaka isht im ai ḡhli isht hlampkochi la he, micha isht okp̄ni la he ak keyu h̄o v̄ma tok ak o anumpa ishit halupv̄chi la hetuk yoba ká.

11. Ishtaiyopi ka itibapishi li vhleha ma! na hv̄chi yukpashke. Ai ḡhlit hv̄chim vl̄htahashke, ahopohla achukm̄vt hv̄chim anukfila achv̄vt, it ĭ nanaiyv̄t hv̄sh ai ashashke; mikma Chihowa holitoblit nan isht it ĭ nanaiyv̄chi yosh hv̄chi anukfoyuka ch̄i hoke.

12. S̄uksowa holitopa yo isht hv̄sh it aiokpv̄chashke.

13. Ūbanumpi yimmi ḡhli puta kv̄t pit hv̄chi aiokpv̄chishke.

14. Chitokaka Chisvs Klaist nan isht ĭ kana, micha Chihowa isht ĭ hullo micha Shilombish Holitopa ai itibai achv̄fa aiena kv̄t hv̄sh moyuma ka hv̄chi anukfoyukashke. Amen

HOLISSO PAL VT

CHVCH KALESHAN

YAKNI A HIOHLI HQ I HOLISSOCHI TOK.

CHAPTER I.

Hatak keyu, amba Chihowa pulla hosh vbanumpa isht anumpula chi ka atokoli tok a Pal vt achi, 1: 6 Kaleshan vbanumpuli vt chekosi vbanumpa ha i filami kak o okokko! ahnit miha; 11 hatak o keyu, amba Chihowa yo vbanumpa ha im ai ithona; 14 nana ka ik vltoko kisha kvv hatak kaniohmi hatuk vt anoli, 17 yvm-mak atuk vt ont i himmak o im anukfila kaniohmi kvv anoli.

1. PAL apostel sia kvv hatak kaniohmi ho nan a si vltoka tok keyu, mikmvt hatak nan ahni hatok keyu, Chisvs Klaist, micha Iki Chihowa, yvm-mvt illi tok a falaminchit tanichi tok ita tuklo kak atok:

2. Yohmi ka itibapishi li vhleha si apehvt maya kvv, m-mvt chvch Kaleshan yakni hiohli ka pit hvchi aiokpvchi lishke.

3. Iki Chihowa, micha hvpin Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyakashke.

4. Yvm-mak okvt Piki Chihowa nan ahni tok mak o yakni ik achukmo ilvppa a pi a hlakoficha chi hosh, nan il aiashvchi pulla kak o yvm-mak okvt il im issa tok.

5. Chihowa Piki yvm-mak osh holitopvt bilia cha biliashke. Amen.

6. Chekosi fehna ho Klaist isht i kana isht hvchi hohoyo

tok a i filvmmmit, vbanumpa inla yo hvsh eshi ka, okokko! ahni lishke.

7. Yvmmvt vbanumpa keyu; amba kanimi kvv hvchi anuktuklochi cha, Klaist im vbanumpa ha shanaiyvchi bvna kvv ashvshke.

8. Yohmi kia pishno, keyukvvt vba yakni enchil ak ok-ma nana hosh vbanumpa inla isht e hvchim anumpohonli tuk a keyu ho isht anumpulikvvt, okpulot taha he ik im vlhpisa.

9. Tikba ka e hvchim achi tok a, anonti himak a mih mak inli ho hvchim achi lishke; Hatak nana kia vbanumpa hvsh eshi tok a inla yo isht anumpulikvvt, okpulot taha he ik im vlhpisa.

10. Himak a hatak ak osh, keyukvvt Chihowa ak osh a kana he ahni li cho? hatak o yukpali sa bvna ho? hatak ak o yukpali li momakvvt, Klaist in tishu sia ha he keyu hokvt.

11. Amba itibapishi li vhleha ma! hatak nan ahni keyu ho vbanumpa isht anumpohonli li tuk vt hvch ithvnanchi lishke.

12. Hatak o im ai ishi li tuk keyu, micha im ai ithvna li tuk keyu hokvt; amba Chisvs Klaist ak osh vm otvninchi hatuk.

13. Nitak chashpo ma kaniohmit Chu okla im vbanumpa anukfoyvkvvt avvt, atablichit Chihowa in hvch a ilbvshalit, chukilissvchi li;

14. Yohmi kvv Chu im vbanumpa ithvna li kvv, vm okla achvfa ai itilau li laua ka i shaiyahlit, an tikba vhleha im anumpa vlhpisa ik holisso atok a amosholi li fehvt im antia li tok a, hvsh haklo tuk oka.

15. Yohmi tok kia Chihowa yvmmak osh hvshki im oshvto ya ai ishit sa kohchi cha, isht i kana isht sa hoyo tok,

16. Yohmi kvv vlhpesa ahni cha, Ushi ya si ai otvninchi kvv, vbanumpa ik ithano vhleha ha vbanumpa isht im anumpohonli la chi ak atok; yohmi mak inli ho hatak nana kia it im anumpuli li tok keyu.

17. Mihvvt Cheluselem a ivt apostel vhleha sa tikba tok

g ont pisa li tok keyu; amba Alabia yak o ona li tok on, anonti falamvt Tamaskvs g ona li tok.

18. Atuk osh afummi tuchina ma Pita ya pist ia hosh Cheluselem g ona li tok; mihmvt ibai anta li nitak auah tahlapi tok.

19. Yohmi kia apostel vhleha inla yano ak peso, Chemis Chitokaka itibapishi ak illa tok.

20. Chihowa itikba yo hikivt nana puta hvch i holissochi li kv, holabi li keyu ka ho pesa.

21. I himmak o Silia, micha Silisia foka ka ona li tok.

22. Micha Chutia hvch puta Klaist ibafoyuka yvt sa nashuka ya ik peso kisha tuk atok.

23. Amba chashpo ka pilbvshali tok yvmmak ash ot himak ano ai yimmi ka tikba ka okpni tok vt isht anumpohonli ka haklo kak illa tok.

24. Micha vno ak atuk mak o Chihowa ya holitobli tok.

CHAPTER II.

Atukla ma Cheluselem g ia tok, nana kv yvmma akaniohmi tok g anoli, 1: 11 Antiak g anta mvt, nana ka a yohma he vhpesa keyu kv Peta yvt yohmi na Pal vt im afummi, mihmvt na yimmi kak keyu hokma, kvna hosh nan vhpiesa he keyu ka im anoli.

1. YOHMI tok g i himmak afummi auah ushta ma anonti vno, Banabas ita, tuklot Titvs g ilauinlit Cheluselem g il ia tok.

2. Yohmi ka Chihowa yak osh vm otvninchi na ona lish, vbanumpa Chentail vhleha ha isht im anumpohonli li tuk vt isht im anumpuli li tok; yohmi kia vbanumpa tosholit aya li tuk g peh pilla na, anonti himmakma vbanumpa tosholit aya li kia peh pilla na, ahni li hatuk osh luma hosh hatak annoa achukma kak o im anumpuli li tok.

3. Yohmi ka Titvs vt si awant aya tuk vt, Klik atuk o, hakshuk tupa he i mihja kia, ik yvmohmo ki tok.

4. Yohmi ka yvmvt itibapishi ik ahlo takla iba chukowa kv, Klaist Chisvs puyulla ho a yuka keyut il ahashwa ka pim

agostinincha chi hosh lumvt piba chukowa tok ; yohmi kv̄t falaminchit pi yukacha chi hatok ; yohmi tuk kia ik yohmo ki tok oke.

5. Ubanumpa ahli yvt hv̄chin tonla chi kak o, yvm̄mak ash o hv̄shi kanv̄lli achv̄fa kia i nutakvt il a kanv̄lli tok keyu.

6. Amba, kv̄na hosh holitompa vhleha ahoba kv̄t, nana ho kaniohmi yoh kia, yvm̄mak okv̄to nan isht vm̄ a kaniohmi keyu ; Chihowa yvt hatak a nashuka yak o pisa keyu ; holitompa ahoba yvm̄mak ash o it im anumpuli li tok a na isht abafohki tok keyu.

7. Amba hakshup ik tapo vbanumpa in tosholi la hi vt si vlhtoka ma, hakshup tupa vbanumpa in toshola hi vt Pita ak osh vlhtoka tok a pisa mvt ;

8. Pita ya hakshup tupa vbanumpa in toshola he atokoli tok mak osh vbanumpa isht ai ahlich̄i tok, anonti mih mak inli hosh vbanumpa Chentail a in tosholi li ka isht ai ahlich̄i tok oka.

9. Yohmi ka Chemis, Sefas, micha Chan aiena kv̄t pebli-chika yo ahoba hatuk osh isht i kana vma tok a pisa mvt, vno, micha Banabas, il ita tuklo kv̄t il iba holhtina chi kak o, ibbak isht impakimma ya pima tok ; yohmikma vbanumpa ik ithano yak o im anumpulit il iakma, ilap vt hakshup tupa vbanumpa in toshola chi hatok.

10. Ilv̄sha ma il ithana he pim ahni tok ; yvm̄mak okv̄no vno ak kia aiokpanchit achunanchi li tok.

11. Yvmohmi tok kia Pita yvt Antiak a ant anta ma, atokov̄t im asanali li tok, nan ik vlhpeso yohmi tok ak oka.

12. Chemis vt tohno tok a ik lo k̄isha kano, Pita yvt Chentail a ibai impa tok ; yohmi tok kia ai vla ma, hakshup tupa ya i nukshopa hatuk osh, kohchvt il a filv̄m̄mi tok.

13. Mihma Chu inla ak kia nan il ahobi tok ; yohmi kak o Banabas ak kia nan il ahobi ka iba taklv̄t yvmohmi tok.

14. Yohmi kia yohmit vbanumpa ieshit ai vlhpiesvt itvnoh̄owa keyu ho pisa li mvt, momvt haklo ho, Pita ya, Chishno vt Chu chia hoh kia, Chentail nana a kaniohmi ka ish yvmohmi cha, Chu nana a kaniohmi ka chik yvmohmo

ho kak osh, nanta katiohmi ho Chentail vt Chu chohmit ahanta he ish im ahni cho? im achi li tok.

15. Pishno vt Chu yosh il vta tok, yohmi kvv Chentail nan ashvchi pia keyu,

16. Hatak vt vba nan vlhpisa iakaiya kak osh isht ai vlhpiesa keyu, amba Chisvs Klaist i yimmi hok mak osh isht ai vlhpiesa ka ithaiyana hosh, vba nan vlhpisa yak o keyu, amba Klaist i yimmi mak o isht a pi vlhpiesa chi kvv, Chisvs Klaist il i yimmi tok; vba nan vlhpisa iakaiya hokvno hatak nana hosh isht ai vlhpiesa he keyu hoka.

17. Yohmi ka Klaist ak o isht ai vlhpiesa pi bvna hokvto, pishno vt nana ashvchi pia moma hatuk vt otaiyani; yohmi ka Klaist vt nan ai ashvchi in tishu ho? ik yvmohmo pullashke.

18. Nana ka okpvni li tukvt anonti ikbi likvvt, nan vlhpisa kobvffi toba li hoke.

19. Uba nan vlhpisa pulla ho vba nan vlhpisa ya im illi li kvv, Chihowa yak o ai okchaya la he atok.

20. Klaist a ititaiyukhvna iba takalit svlli hoke: yohmi kia si okchaya hoke; yohmi kvv vno ak o keyu, amba Klaist ak osh okchayvt sa foyuka hoke; himak a okchayvt haknip a halaiya li moma hokvto, Chihowa Ushi, yvmmvt a hullot si vlhtobvt illi tok a i yimmi li hosh si okchaya hoke.

21. Chihowa nan isht i kana ya akshuchi li keyu; nan isht ai vlhpiesa hvv vba nan vlhpisa yak o isht atoba, yvm-mak okvno Klaist vt pilla illi tok.

CHAPTA III.

Ubanumpa ha i filvmmi ka nan i miha; 6 kvna hosh yimmi hokvto nan ai vlhpiesa; 9 mikvvt Eblabam a ibaiyukpa; 10 na laua ho isht miha hosh ilvppa anoli.

1. IM anukfila iksho Kalesan okla ma! hvchi nishkin a pisa yo Chisvs Klaist vt ititaiyukhvna atakalit illi tuk vt hvchi tikba ya ai anohova tok a, kvta mak osh hvchi yoshubli na vbanumpa ahli ya hvsh im antia he keyu cho?

2. Ilvppak illa hō hvchi ai ithvna sa bunnvshke ; vba nan vlhpisa yā hvsh iakaiya kak osh Shilombish Holitopa yā hvsh ieshi tok oh cho? akchu? haklot hvchi yimmi kak atuk o?

3. Hvchim anukfila iksho fehna kv̄t hvsh yvmohmi cho? Shilombish o anukfoykvt isht hvsh ia kash ot, himak ano haknip o isht a hvchi vlhtaha cho?

4. Nan laua hō isht hvchi ilbaiyasha ka peh pilla ha tok o? peh pilla keyu hatok pulla hoke.

5. Yvmohmi ka Shilombish a hvch ima cha, hvch itin takla yā na fehna puta ka ai yvmihchi kv̄t, vba nan vlhpisa yā hvsh im antia tok ak o? akchu? vbanumpa haklot a hvchi yimmi kak atuk o?

6. Yvmmak inli hō chiyuhmit Eblaham vt Chihowa yā yimmi tok: mihmvt nan isht ai yimmi kv̄t ai vlhpiesa im vlhpisa tok.

7. Yvmohmi ka hvsh ithaiyanashke, yimmi puyuta yvmmak okvto Eblaham im vlla vhleha yoke.

8. Mihma Holisso Holitopa yvt Chihowa yvt vbanumpa ik ithano yā na yimmi pulla kak o isht ai vlhpiesacha hi a tikbanli pisa kak osh, Eblaham a vbanumpa hā isht im anum-pulit, Chishno ak o okla moma kv̄t na yukpa hi oke, achi tok.

9. Yvmohmi hoka kv̄na hosh yimmi yokvto, mihi yosh na yimmi Eblaham a iba taklv̄t na yukpa hoke.

10. Vba nan vlhpisa anukchieto aiyuka hokvto, na hotopa anumpa hv̄t onvtonla bieka hoka: holisso kv̄t, Kv̄na kia vba nan vlhpisa holisso atakali puta ka achunanchit ik im antio aiyuka hokvno, na hotopa anumpa hv̄t onvtuyula hoke achi hoka,

11. Amba hatak kv̄na kia Chihowa ai itikba yokvno vba nan vlhpisa yā isht ai vlhpiesa he keyu kv̄t otv̄nishke; Hatak vlhpesa yokvto yimmi pulla kak osh isht ai okchaya hi oka.

12. Yohmi ka vba nan vlhpisa yvt ai yimmi ka yokvno ahalaia keyu, amba, Hatak vt yv̄mma yvmihchi hokvto, yvmmak o isht ai okchaya hi oke.

13. Klaist vt pi vlhtobvt na hotopa onvtula toba cha, vba

nan v_lhpisa isht a hotopa y_a a chumpvt pi falaminchi tok ; holisso kv_t, Kvna kia iti a atakalikmvt, na hotopa anumpa hosh onvtula hoke, achi hoke.

14. Yvmohmi h_o Chisvs Klaist pulla hatuk mak o Eblaham nan isht aiyukpa yvt Chentail a onvtula ch_i hatok ; yvmohmi h_o pi yimmi pulla kak osh, Shilombish pim issa tok a il isha ch_i hatok.

15. Itibapishi li v_hleha ma ! hatak nana a kaniohmi y_o anumpuli lishke : peh hatak nana it im v_lhpisa yoh kia kv_l-lochi hama, hatak kvna hosh akshochi, micha ibafohka he keyu.

16. Yohmi ka Eblaham, micha im isht atiaka yak o nan im ihisa tok ; Laua nana h_o ahobvchit isht atiaka v_hleha, achi keyu ; amba achvfa chohmichit, Chim isht atiaka yak o, achi yvmvt Klaist ak oke.

17. Yohmi ka ilvppak o achi lishke, Nan itim v_lhpisa Klaist isht anumpa yv_mma Chihowa yvt kv_llochi ha ya, av_mmi tahlepa ushta pokoli tuchina ha y_o vba nan v_lhpisa toha tok vt akshocha he keyu, yohmi kv_t nan im issa tok a ik ai ahlecho ka he atok keyu.

18. Uba nan v_lhpisa im antia pulla kak o nana ai isha he v_lhpesa kv_t ai yvmohmi hokma, nan im issa yak keyu hoka ; yohmi kia Chihowa yvt nan im issa tuk osh Eblaham a ima tok.

19. Yohmi ka vba nan v_lhpisa yvt nanta h_o katiohmichi hatok oh cho ? Nan v_lhpisa kobvffi pulla kak o v_lhpisa tok o, isht atiaka yv_mma nana im ihisa tok vt vlak mak a he v_lhpisa tok ; yohmi ka enchil v_hleha hosh iti takla hiki_vt tosholi y_a i nutaka hosh nan v_lhpisa y_a anolit haiakvchi tok.

20. Yohmi ka ititakla hiki_vt tosholi vt achvfa h_o ititakla hiki_vt tosholi chatuk keyu, amba Chihowa yvto achvfa hoke.

21. Yohmi kvno nan v_lhpisa yvt Chihowa nan isht im issa tok a i sanali cho ? ik yvmohmo pullashke ; nan v_lhpisa ima tok intonla kv_t okchalincha hinla hokma, nan v_lhpisa pulla kak o isht ai v_lhpiesa hi atok o mvhlishke.

22. Holisso Holitopa yvt moma ka nan ai ashvchi i nutakvchit ompohomo hoke ; yohmi h_o Chisvs Klaist i yimmi

pulla hō nan ai yukpa im issa tok ȧ kuna hosh i̇ yimmikmvt isha hi atok.

23. Yohmi kia ai yimmi ka yvt ik lo kisha ma, vba nan vlhpisa yȧ il i̇ nutakvt il ai ashvt, ai yimmi ka yvt himmak ȯ haiaka he yak ȯ il anukchieta hi ȧ pi atoblichitok.

24. Yvmohmi ka vba nan vlhpisa yvt pi kostininchit yosh Klaist ȧ pisht im ona na, na yimmi pulla hosh isht ai vlhpiesa hi atok.

25. Yohmi tok kia ai yimmi ka yvt ai vla ha yokvno, kostininchit yȧ il i̇ nuktȧka keyu hoke.

26. Klaist Chisvs ȧ i̇ yimmi pulla hosh hvsh moma kv̇t Chihowa im vlla hvchia hokvt.

27. Klaist ȧ ishit hohchifot hvchi baptismo tok aiyuka hokvto, Klaist ȧ isht hvsh foyuka hoke.

28. Chu okmá, Klik okmá, nana kv̇t iksho; yuka yokmá, yuka keyu yokmá, nana kv̇t iksho; nakni okmá, ohoyo hokmá nana kv̇t iksho, amba hvsh moyuma kv̇t achufvt Klaist Chisvs ȧ hvsh ibafoyuka hoke.

29. Yohmi kv̇t Klaist ȧ immi hvchia hokmvt, Eblaham isht atiaka hvchia, micha nan im issa tok ȧ ai isha he vlhpesa hvchia hoke.

CHAPTA IV.

Nan vlhpisa i̇ yuka pia hatuk ȧ Klaist akosh na pi hlakofichi; mikmvt Chihowa ushi v̇hleha pikbi, 1; 6 yv̇mma i̇ cḣvk̇sh okv̇nc Chihowa yvt ilap ushi imi shilombish ȯ auet nukfokihinchi. 22 Akah micha Sela itatuklo kv̇t nan isht vlhpisa.

1. ANONTI ibai isha he vlhpesa kv̇t, vlla moma hokvto, nana moma kv̇t immi hoh kia, yuka hȧ nan isht inla keyu hoke, achi lishke.

2. Amba kostininchit, micha apesvchi yȧ i̇ nuta kv̇t ahanta na, i̇ki vt im apesa tok nitak ȧ ona chatuk oke.

3. Yv̇mmak inli hō chiyuhmit, pishno ak kia vlla pia momo mvt, yakni nan ai ithvna ai ishtia v̇mmona yȧ i̇ nutakvt yukvt il ashwa tok.

4. Yohmi tok kia nitak ont vlhpesa kv̇t vla ma, Chihowa

yvt Ushi vt pila na, nan vllhpisa i nutaka toba hosh ohoyo ho a toba tok.

5. Uba nan vllhpisa i nutakvt gsha tuk g falaminchit pi chumpa na, Chihowa ushi vhleha e toba chi hatok.

6. Yohmi tok g ushi vhleha hvchia hoka, Chihowa yvt Ush imi Shilombish g hvchi chukvsh g anukfohki na Abba Iki achit tahpahanla hoke.

7. Yvmohmi hoka himak a pilla ka yuka chia keyu, amba ushi mak o chia hoke; yohmi kvv ushi chia hokmvt, Klaist pulla hatuk mak o Chihowa immi ha ai isha he vllhpiesa chia hoke.

8. Yohmi kia tikba ma Chihowa hvch ik ithano mvt, chihowa nana keyu ka hvsh i yuka tok.

9. Yohmi tok kia, himak g Chihowa ya hvsh ithana ha ya, yvmak keyukmvt, Chihowa yak osh hvch ithana ha ya, katiohmi ho anonti nan ai ithana ai ishtia vmmona isht hlampka he keyu, micha isht ai yukpa he keyu ka falamvt i nutakvt yuka hvchi bvna cho?

10. Nitak il aiyuka, micha hvshi talali, micha afvmmi vllhpisa aiena ka hvsh holitobliskhe.

11. Peh pilla ho hvchin toksvlit isht a sulbvsha tuk yoba ka ahnit, ahah! hvchim ahni lishke.

12. Itibapishi li vhleha ma! hvchishno ak inli chohmi li hokvt, vno ak o hvsh chohma chi ka hvchim asilhha lishke: nan ik vllhpeso hvv sa yvmihchi tok keyu kvvohmi hoke.

13. Vmmona hoka haknip ik hlampkot hoyubli hosh katiohmit vbanumpa ha hvchin tosholi li tok g, hvsh ithanvshke.

14. Micha imomaka pisa li yvt sa haknip g afoyuka ka ik shitlemot hvch ik sa kancho ki tok; amba Chihowa im enchil chohmichit, Klaist Chisvs mak o, chohmichit hvv sashi tok.

15. Yokmi kvno nan isht aiyukpa ya isht hvsh anumpuli tok mvt? hvsh yvmihcha hinla nana hokmvt, hvchi nishkin g hvsh kohchi cha, hvv suma hinla tok g, atokowa hvchim anoli lishke.

16. Yvmohmi ka ghli ho hvchim anoli li kak osh hvchin tvvvp o toba li cho?

17. Hvchi hullo fehna ahoba kia vhpesa keyu hoke; ahli, hvchi atakvma he ahni na hvch ik sa hullo hosh, ilsp ak o hvsh i hulla chi kak atok oke.

18. Yohmi kia nana achukma hokvno i hullo fehvt bilia kak o vhpesa hoke; micha hvchi takla anta li kak bano keyu.

19. Um vlla chipunta vhleha ma! ohoyo vlla esha chi nukvmi ka a hvchim a chohmi li tuk atok o Klaist vt a hvchi atobak mak a chi hoke.

20. Himak a hvchi takla anta lish, vm anumpa ha inlanchi la he sa bvnvshke; a hvchi anukfilli la he ak ithanoshke.

21. Uba nan vhpisa ya i nutaka hvchi bvna kv, vba nan vhpisa ya hvchik haklo ho? oh vm anoli

22. Holisso kv, Eblaham vt ushi in tuklo tok; achvfa kv ohoyo yuka yak o ushi yokma, achvfa kvto ohoyo yuka keyu yak o atok, achi hoka.

23. Yohmi ka ohoyo yuka ushi yvt haknip nana a kani-ohmi chatuk a chiyuhmi tok; amba ohoyo yuka keyu ushi vto im issa tok ak atok.

24. Yvmmvt nan isht vhpisa yoke: ilvppvt nan it im vhpisa tuklo yoka; achvfa kv nvnih chaha Sainai a tovt yuka ikbichi, yvmmvt Akah yak oke.

25. Akah ilvppvt nvnih chaha Sainai yosh Alabia yak o hikia hosh, Chelusalem vt himak a talaiia ka isht vhpisa hosh, im vlla puta ka il ai eshit yuka hoke.

26. Amba Chelusalem vba yokvto yuka keyu hosh, e moma ka hvv ishki yoke.

27. Holisso kv, Ulla ik chim iksho, vlla ish eshi chatuk keyu ma! chi yukpashke; vlla esha chi chi nukvmi chatuk keyu ma! chitolit ish tahpahanlashke; ohoyo vlhtakla ya tuk kia vlla in laua kv hatak im asha tuk kak kia, i shahli hokvt, achi hoka.

28. Yohmi ka itibapishi li vhleha ma! pishno vt Aisaak atok a, chohmit nan im issa tok ak o im vlla pia hoke.

29. Yohmi ka nitak yvmma haknip o kani-ohmi chatuk a chohmit ai vta yvt Shilombish ai vta ya ilbvshali tok a, chohmit himak ak kia yvmohmi hoke.

30. Yumohmi ka Holisso Holitopa yvt nan tuk achi ho? Ohoyo yuka, micha ushi ita tuklo ka kohchit ish kanchashke: ohoyo yuka ushi vt ohoyo yuka keyu ushi ya nana ibai isha he vhpesa keyu hoka.

31. Yumohmi hoka itibapishi li vhleha ma! ohoyo yuka im vlla pia keyu, amba ohoyo yuka keyu ak oke.

CHAPTER V.

Klaist pulla hatuk mak o yuka keyu toba tok vt yummak fehna ho ai itanohowa chi ka i miha, 1; 3 Chu okla nan im vhpisa yokno ik im antio ka chi, amba nan i hullo pullvt itanohowa he; 19 haknip imma atoksvli kvv kaniohmi ka anoli; 22 mihmvt shilombish imma nan vni ka anoli.

1. YUMOHMI hoka a yuka keyu ho Klaist vt pisht ona tuk a kvllot hvsh hielashke, micha anonti yuka ikunla im abana ilvppa isht hvch ik il onochokashke.

2. Yakeh! Pal sia hosh hakshup hvchi tupa hokma, Klaist vt nan isht hvchim ai achukma he keyu ka hvchim vchi lishke.

3. Anonti hatak moma kvv hakshup tupa yummak okvto, nan vhpisa moma ka yvmihcha he aheka in takanli ka atokolit im anoli lishke.

4. Kona hvchia hosh nan vhpisa yak o isht hvchi ai vhpiesa hokma, Klaist vt nana isht hvchim ai achukma keyu; isht i kana ya i filvmmitt hvchi tula hoke.

5. Yohmi ka Shilombish pulla hatuk mak o na yimmi nosh isht ai vhpiesa hi a il esha he ahnit, e hohoyoshke.

6. Chisvs Klaist imma hokvno hakshup tupa yokma, hakshup ik tapo yokma, nana hoh kia nana a kanihma he keyu hoke; amba ai yimmi ka i hullo isht atoba yak oke.

7. Vhpesa hosh hvsh maleli tuk; anumpa ahli ya hvch ik im antio ka chi ka, kvta hosh hvchi ataklvmmi tuk o?

8. Hvchi anukfohki na vhpesa hvsh ahni ilvppvt hvchi hoyo tok ak o a minti keyu hoke.

9. Isht shatvmmichi iskvtnosi kia yvmmvska ya momin chit shatvmmichi chatuk oke.

10. Chitokaka pulla kak o hvchi yiami li kv, nana inla hvch im anukfila he keyu ak oke ; amba kva hatuk oh kia mihi yosh hvchi anuktuklochikvt, nan vlpisa yvt onvtula hi oke.

11. Yohmi ka itibapishi li vhleha ma ! vno yvt hakshup tupa ya isht anumpuli li moma hokak osh, nanta katiohmi ho nan ilvsha yvt si onvtula moma cho ? yummak okma ititaiyukhvna isht ai ibetvbli vt yokopa hoke.

12. Hvchi anuktoklochi vhleha hatuk vt hvch a a tvput kvniakbano ahni lishke.

13. Itibapishi li vhleha ma ! a yuka keyu yo hvch isht ona tuk oke ; a yuka keyu yvto haknip yukpali keyu, amba it i hullot it apelahanchi yak oke.

14. Anumpa achvfa ho vba nan vlpisa a moma kv isht ai ahli hoka ; yummvt ilvppak oke, Chin chuka panta hatak a ish i hullo kv chishno ak inli ho chim itilauashke.

15. Amba iti koblit, vput hvsh ititahli hokvt, iti okpvnit hvch ik iti tahlo ka chi kv, ahah ! hvsh ahnashke.

16. Yohmi ka Shilombish iba foyukvt hvsh ayashke ; yohmi hokvto, haknip nan ahni okpulo ya hvch ik ai ahlecho ka chi hoke.

17. Haknip nan ahni kv Shilombish a im i sanalikma, Shilombish nan ahni kv haknip a im i sanali hoke ; micha ilvppet it im inla hoke : yvmohmi ho nana yvmihcha he hvsh ahni kia hvsh yvmihcha he keyu hoke.

18. Amba Shilombish ak osh hvch isht aya hokma, nan vlpisa ya hvsh i nutaka keyu hoke.

19. Yvmohmi ka haknip atoksvli otvni yummvt ilvppak oke : Haui toba, itin lumaka, na liteha, havi anukfilli,

20. Na holba aiokpvchi, ikhish isht yushpakama, iti nukkilli, itachowa, iti shahshohlechi, anukhobela, iti yichina, ita kvshkovt nan vlpisa i sanali, vbanumpuli iksa iti filamohli,

21. It i potvno, hatak bika vbi, okishko shahli, okishkot tvssahvt aya, micha yvma chohmi puta ka tikba ma hvchim anoli li ak inli tok kia, himak a atuklant hvchim

anoli li ka, ilvppa yvmihchi puta kv̄t Chihowa im apehlichika yō isha he vlhpesa keyu hoke.

22. Amba Shilombish o isht ai vni hokv̄to, I hullo, nayukpa, it i nanaiya, nuktaiyalvt nokowa svlaha, anukfila yohbi, nana achukma yvmohmi, na yimmi,

23. Il aiokha bv̄nna keyu, ahah! ahnit il oktamp̄li; yv̄mma chohmi ka onv̄tonla kv̄t nan vlhpisa yvt ikshoshke.

24. Yohmi ka kv̄na hosh Klaist a immi hokv̄to hakn̄ip, micha hakn̄ip nan isht i hullo, micha nan ai ahni okpulo yā hakn̄ip ash aieninchit ititaiyukhv̄na a takalichit ilichi hoke.

25. Shilombish ak o il ai okchaya hokm̄vt, Shilombish a iba foyukv̄t il iba nohv̄wa mak inlashke.

26. Nana ik ahobo a holitopa yā ahnit it i nokov̄v̄chit, it i potv̄nnot kiloh ai asho kashke.

CHAPTER VI.

Kv̄na hosh nana kv̄t ik im vlhpeso ka i kanv̄t nan im anukfilla he, micha nan i weki ka ib ai isha he i miha, 1; 6 v̄banumpa isht anumpuli yoka nana ka isht im v̄ttvt apelacha he i miha: nan vlhpisa chinto nitak yv̄mmak okv̄no momv̄t nan im vlhpisa hi a anoli.

1. ITIBAPISHI li v̄hleha ma! hatak kv̄na kia nan ai ashv̄chi ka iba chukowa hokma, Shilombish anukfoyuka hv̄chia hv̄t, chukv̄sh isht i nukhaklot yv̄mma chohmi kash falaminchit hv̄sh hilechashke; hv̄chishno kia nan ai ashv̄chi hv̄chi ai itula hinla kv̄t, hv̄sh il anukfihinlashke.

2. Nana isht a hv̄chi weki puyuta ka hv̄sh it̄i shaiyashke; yohmi hosh Klaist i nan vlhpisa yā hv̄sh ai aghlichashke.

3. Hatak vt nana keyu kia, na sa fehna ahni hokm̄vt, ilap inli hosh ile haksichi hoke.

4. Amba hatak puyuta kv̄t ilap nan isht ai v̄tta yak o yakohmi ahnit, pisashke; yvmohmi hosh inla yō ai yukpa keyut, ilap ak inli tuk ak osh nan isht il ai yuhukpa ch̄i hoke.

5. Hatak puyuta kv̄t ilap ī shahpo illa hō shaiyala he oka.

6. Kv̄na hosh vbanumpa hā isht im vlvchi hokm̄t, nan im avchi yvm̄mak ash nana hochukma puta ka it ibai eshashke.

7. Hv̄chik ile haksecho kashke; Chihowa hv̄t isht ik si yopulá, ahni keyu hoke; hatak vt nana hō hokchi tuk m̄t, yvm̄mak o vma hi oke.

8. Kv̄na hosh haknip ak o ī hokchi hatuk okv̄to, haknip ak o isht okpula hi o vma hi oke; amba kv̄na hosh Shilombish ak o ī hokchi hatuk okv̄to, Shilombish ak o ai okchaya bilia yō vma hi oke.

9. Yohmi kv̄t nana achukma isht il ahanta kv̄t ik pin takobo kashke; pi tikambi keyu hokm̄t, nitak ont ai vlvpiesakma, il ai vma hi okv̄t.

10. Yohmi hoka hatak moma ka nana il im ai achukma la hi vt pin takalikm̄t, e yvm̄hchikm̄t, na yimmi in chuka chv̄fa vhleha yokak heno ī shahlichit il ī yvm̄hchashke.

11. Holisso chito kv̄t, kaniohmi hō vno svbbak ak inli hō pit isht hv̄chi holissochi li tuk ā hopesá.

12. Haknip ak o isht otv̄ni achukma he ahni aiyukali hokv̄to, hakshup tv̄pa he ak o hv̄chim ahnishke; yvm̄mak keyukm̄t Klaist ititaiyukhv̄na ai illi pulla hatuk mak o na palv̄mmi pisa hinla kak illa kak osh yvm̄ohmi hoke.

13. Yohmi ka hakshup tv̄pa vhleha ilap inli kak kia vba nan vlvpisa yā holitobli keyu: yohmi kia hv̄chi hakshup tv̄pa he hv̄chim ahni kv̄t, hv̄chi haknip ak o isht ilauata he ahni hoke.

14. Amba vno yokv̄to isht ak ilauato pulla he, pin Chitokaka Chisvs Klaist ititaiyukhv̄na atakalit illi tok ak banashke: yvm̄mak atuk pulla mak o yakni vt ititaiyukhv̄na v̄m ai illi, mikm̄t vno yvt yakni ā im ai illi li hoke.

15. Klaist Chisvs imma hokv̄no hakshup tv̄pa, micha hakshup tv̄pa keyu aiena kv̄t nana keyu, amba himon̄t toba ak illa hoke.

16. Laua kv̄t kaniohmi hosh anumpa v̄lhpisa ilvppak ash im antivt̄ gya, micha Chihowa im Islael aiena hokvno isht ī nanaiya, micha isht ī nukh̄aklo ita tuklo kv̄t onvtuyu-lashke.

17. Chitokaka Chisvs pulla hatuk mak o sa haknip ḡ na misa laua ka isht shaiyali li hoka; himak a pilla mvno hatak nana kia ik si ataklammo kashke.

18. Itibapishi li v̄hleha ma! pin Chitokaka Chisvs Klaist isht ī kana yvt̄ hvchimi shilombish ḡ anukfoyukashke. Amen.

HOLISSO PAL VT

CHUCH EFESVS

A HIKIA HO I HOLISSOCHI TOK.

CHAPTA I.

Pal vt Efeshan okla pit ai okpuchi, 1 ; 4 vbanumpuli vbleha hvv yaku vt ik tobo kisha mak o vlhtavt Chihowa im vlla vbleha toba tok, 11 Klaist pulla ho nan ai yukpa ai immi ha he im vlhpisa 13 Shilombish Holitopa yo isht ai ahlit kvllo ; 17 mihmvt Chitokaka Chisvs Klaist im a holitopa vba ya pisa hi mak o vba anumpo-
bonli.

1. PAL, Chihowa nan ai ahni ha tuk pulla mak o Chisvs Klaist im apostel vt vbanumpuli ahli Efesvs ai asha, micha Klaist Chisvs i yimmi aiena ka pit aiokpvchishke.

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kvv hvchi anukfoyukashke.

3. Chihowa pin Chitokaka Chisvs Klaist Iki, yvmmak osh Chisvs ak atuk mak o vba nana ishit pi yukpahanli yvt holitopashke :

4. Yohmi hosh yakni in tolahpi vt iksho pilla ma, Klaist a pi atokoli kvv, i hullot nan ai ashvchi iksho, micha liteha iksho hosh yvmma itikba il gya he ak atok oke.

5. Yvmohmi kak osh vlhpesa ahni pulla tuk mak osh, Chisvs Klaist atuk mak o ilap im vlla e toba he ak o, tik banli pi atokoli tok,

6. Yohmi kvv isht i kana chinto yvt isht annohowa he,

yummak pulla ho Holitopa achufa yumma a pi ahninchi tok.

7. Yummak ash pulla im issish o isht a pi vlhtoba mut, isht i kana yvt chinto pulla hatuk mak o nan pim ai ashvchi yvt pi kashofa hoke :

8. Yohmi kvv hopoyuksa biekvt im anukfila chinto hosh, isht i kana yumma chitolechit pihima tok oke ;

9. Yvmihcha he il ai ahni tok vt vlhpiesa ahni pulla hosh, im anukfila luma hatok a pim otvvinchi kvv ;

10. Yvmvvt nitak vt ont ai vlhpiesakma, nana puta vba ai asha, micha yakni pakna ai asha aiena ka itahobit achufalechit, Klaist yumma fehna ka i nutakacha he ak atok :

11. Yummak inli pulla ho il ai isha he vlhpesa e toba hi osh, ilap nan ahni bieka hosh nana moma ka yvmihchi chatuk im anufila ho, tikbanli pi vlhtoka tok :

12. Yohmi kvv na tikba Klaist a il anukchieto tuk pishno ak o im a holitopa yvt a pi annohowa chi hatok.

13. Hvchishno ak kia anumpa ahli vbanumpa isht hvsh ai okchaya hvsh haklo hayvt, yummak ash hvsh anukchieto tuk ak inli ; hvchi yimmi ha yosh, yummak ash nana im ihisa tok Shilombish Holitopa yumma isht hvchim ai ahli tok,

14. Yummak okvt nana il ai isha he vlhpesa ka il isha he atokowa isht vlhpisa hosh mahaya tuk o falaminchit chumvvt a pim atahli tok a il ishi na, yumma im a holitopa yvt isht annohowak mak a he oke.

15. Yvmohmi ka vno yak kia Chitokaka Chisvs a hvsh i yimmi, micha vbanumpa yimmi ahli moma ka hvsh i hullo ka, haklo li hayvt,

16. Yak oke ishit hvchi ahni li kvv, issa li keyu mut, micha anumpa ilbvsha anumpuli likvvt, isht hvchi anohonli li hoke ;

17. Yohmi ka pin Chitokaka Chisvs Klaist in Chihowa, na holitopa puta Iki vt Shilombish isht a hopoyuksa, micha isht otvvinchi hvch ima na yumma ithaiyanvt hvsh mahaya he ;

18. Nan isht hvsh anukfilli i holhponayo yvt in tohwikeli

na, ai okchaya hvsh pihisa hi o hvchi atokoli kv̄t kaniohmi, micha vbanumpa yimmi ghli ya isht a holitopa chinto il ai isha hi vt kaniohmi,

19. Michā ilap nan isht im ai ghli chinto a yvmihchi kv̄t, na yimmi v̄hleha pia hā ilap nan isht im ai ghli chinto fehna ka isht p̄i yvmih̄ichi kv̄t kaniohmi aiena ka, hvsh a kostinicha he ak atuk oke.

20. Yvmmak ash o yvmihchi hosh, Klaist illi tuk a falaminchit tanichit, vba a holitopa ilap ak inli ibbak isht impakimma yo binilichit,

21. Hochitoka puta, nan vlhtoka puta, nan im ai ghli, nan i shahli puta, micha na hohchifo moma yvmmvt yakni ilvppa a hohchihifo kak bano keyu, amba yakni yvmmvt vla ch̄i aiena ka i shaiyahli yak oke :

22. Yohmi kv̄t nana moma ka yvmma iyi nutakvchi, mihmvt chvch im ai achukma ch̄i ka nana moma i noshkoba ha ch̄i ka atokoli tok,

23. Yvmmak ashot ilap haknip oke, ilvppak osh kanima moma alotoli a isht alota mak oke.

CHAPTA II.

Im anukfila kaniohmi yosh il vtta tok, 1 ; 8 Chihowa nan isht i kana pulla ho kaniohmit pim anukfila ka anoli ; 10 nan achukma ka e yvmihcha he e toba tok ; 13 Klaist il im antia hokmvt, vba imma nan im vhtaha hash il ahanta cha, Chihowa im okla achvfa mak o pia ha hi a tok.

1. YOHMI kv̄t na yoshuba, micha nan ai ashvchi isht hvchi illi yatuk a, hvchi okchalinchi tok oke.

2. Ilvppa chiyuhmi ka chashpo ma hvsh ai itvnova kv̄t, yakni ilvppa ai yvmohmi cha tuk a yvmohmit shutik takla i miko, shilombish vbanumpa ik im antio puta anukfoykvt isht aya kak o, iakaiya hosh hvsh itvnova tok oke :

3. Yohmi kak o pishno ak kia chashpo ma iba takla pi haknip im anukfila ik achukmo iakaiyvt, haknip nan ai ahni, micha chukvsh nan ai ahni aiena ho e yvmohmi tuk oke .

yohmi kv̄t chukvsh okpulo v̄mmona il ishi tok moma kv̄t im ai anukkilli pi onvtonla kv̄t, inla yak inli chohmi hoke.

4. Yohmi tok kia Chihowa nan i nukhaklo chinto im ai vlhtayak pulla hosh, nan isht i hullo chito h̄o isht pi hullo hatuk osh,

5. Nan ai ashvchi isht pilli moma kia, Klaist iba taklan-
chit hvpi okchalinchi tok oke; isht i kana pulla h̄o hvchi okchaya hoke;

6. Micha Chisvs Klaist ibafohkit wakayvchit, vba a holi topa puta pi binilichi tok oke;

7. Yohmi hosh himak a pilla ma Klaist Chisvs pulla h̄o pi nukhaklo tuk vt, isht i kana chinto fehna ka isht otr-
ninja chi hatok.

8. Na yimmi kak osh isht i kana pulla h̄o hvchi okchaya hoke; yohmi kv̄t ilvppvt hvchishno na hvsh ahni kak keyu, Chihowa na hvch ima kak oke.

9. Nan toksvli kak keyu, yvmmak keyukma kv̄na kia isht ilauata yoba ná.

10. Yvmma im a toba hvpia kv̄t, nan toksvli achukma isht il ahanta hi osh Klaist Chisvs ak o il a toba tok; yvmma il ai itvnowa hi o Chihowa hv̄t tikbanli apesa tok.

11. Yvmohmi ka nitak chashpo ma haknip i nuta yosh Chentail hvchia ma, nipi hakshup tupa ibbak isht toba hoh-
chifo yvmmak okvt hakshup ik tapo hvchi hochifo hoke.

12. Yohmi kv̄t yvmma foka mvno Klaist ibafoyuka keyut, Israel okla ai achvfa hvsh ahalaia keyu, micha nan im issa tok isht it im vlhpisa hvch ik ahalaio, aiokchaya pisa he ahni ik im iksho, Chihowa ik ithano yosh yakni a hvsh ai asha tok.

13. Yohmi tok kia himak ano Chisvs Klaist pulla hatuk mak o hvchishno vt tikba mvno hvsh mishemanchi tuk vt, Chisvs im issish o isht hvsh a bilika kv̄t hvsh ithaiyanashke.

14. Yvmmak osh pit i nanaiyvchi yosh, e tuklo ka achvfa pikbi cha, holihta nan isht pit i filvmmichi yatuk a ishit kanchi tok oke;

15. Yohmi kv̄t nan isht it i nukkilli nan isht vlhpisa yvt im vlhpisa tok, haknip isht ilbvsha cha, ishit kanchi tok:

yohmi hosh tuklo ka hatak himona achufa il ai ikbi cha, it i nanaiyvcha chi hatok :

16. Yohmi kv̄t ititaiyukhvna pulla h̄o tuklo ka hakniṣ achufa isht ikbit, yvm̄mak o it i nukkilli tuk a ai illichi cha, Chihowa ya it i kanvcha chi hatok :

17. Atuk osh mishemanchit hvsh ai asha, micha bilika ai asha aiena tuk a, anumpa isht it i nanaiyvchi isht anumpulit hvchim aya tok oke.

18. Yvm̄mak atuk pulla h̄o Shilombish achufa hosh pi anukfohkichi h̄o, il ita tuklo kv̄t Ūba Iki il im ohona hokvt.

19. Yakeh! yohmi ka himak a pilla ma ik ahalaio okla inla yo hvchia keyu, amba vbanumpuli ibai okla, micha Chihowa in chuka chufa hvchia hoke.

20. Yohmi cha apostel, micha hopaii puta kv̄t in tolahpi yokma, Chisvs Klaist ak inli hosh noshkoboka chukbika tvli yo, onvtula hosh hvsh it abana hoke.

21. Yvm̄mak o ai it abana iti fohka achukma kv̄t, Chitokaka ibafoyukvt tempel holitopa tovt isht mahaya hoke.

22. Yvm̄mak o hvchishno ak kia hvsh ai it abana cha, Chihowa im aboha imi Shilombish a foyuka hvsh toba hoke.

CHAPTA III.

Chentail vt vbanumpa habena he atok, 1 ; 9 Pal vt im anumponla he vt vhltoke ; 14 mihmvt Chihowa nan i hullo tok a okla akostinicha chi ka vba asihila ; 20 mihmvt nan isht aiokchaya chinto vt yakohmi ha tuk o Chihowa ya yakoke im ai ahni.

1. ILUPPA pulla kak o Pal sia hv̄t Chentail hvchia hatuk mak o Chisvs Klaist i yuka sia hoke.

2. Chihowa nan isht i kana vhpisa ishit hvchim anumpuli la chi h̄o vma tok a, hvsh haklo mvhli tok a ;

3. Yvm̄mvt Chihowa im anukfila luma hatok a kaniohmichit vm otv̄nichi tok a, anumpa ik lauwo ka tikba ka hvchi holissochi li tok oke.

4. Yvm̄mak o hvsh itim anumpulikmvt, Klaist im anukfila luma hatok a ithana li ka, hvsh akostinicha hinla hoke.

5. Yvm̄mvt nitak tikba ma hatak ushi vhleha ha im an-

noa tok a ohmi keyu ho, himak ano Shilombish vt apostel holitopa vhleha, micha hopaii puta aiena ka im otvninchi hoke ;

6. Yvmohmi na Chentail vt vbanumpa pulla ho iba tak-
lvt nan ai isha he vlpesa toba, micha haknip ai achufa
toba cha, Klaist pulla ho nan im ihisa tok a ibai isha he
atok :

7. Chihowa yvt ilap nan isht im ai ghli vm ai yvmihinchi
pulla hosh, ilap nan isht i kana vma pulla ho, vbanumpa
isht vta toba li tok oke.

8. Uno vt vbanumpa yimmi moma ik lauwo ka ik a lau-
wo sia hoh kia, isht i kana ilvppa vma na Klaist nan isht
yukpali kvna hosh ithvntv hlopullicha he keyu a, Chentail
a isht im anumpuli la hi atok.

9. Mich a im anukfila luma hatok a itibai achufa kvv ka-
niohmi ka hatak moma ka pisachi la hi atok ; yvmma yakni
tobahpi a minti ka Chihowa hvv Chisvs Klaist nana moma
ka isht ikbi tok vt, luhmit ieshi tok ;

10. Yvmohma hi o himak ano hochitoka ilaiyuka, nan
vlhtoka ilaiyuka, vba a holitopa ai asha kvv, hvch pulla
atuk mak o Chihowa a hopoyuksa chinto kvv im otaiyana
hi atok.

11. Yohmi kvv Chisvs Klaist pin Chitokaka isht yvmih-
cha he im anukfila bilia tok mak osh yvmihchishke.

12. Mihi yo i yimmi kak osh pi nukwaya keyut, pi hakla
chi ahnit, pi anukfoyvkvv il im ohona hoke.

13. Yohmi ka hvchishno ak atuk mak o nan isht svlvsha
ka, yvmmv nan isht a hvchi holitopa hvkv hvchi hvchvsh
isht ik hvchim ello kashke.

14, 15. Ilvppa pulla kak o pin Chitokaka Chisvs Klaist,
yvmmak o chuka hvfa vba yakni a ai asha, micha yakni ai
asha a moyuma kvv ai a hohchifo Iki a i hvchukbehlipa li
kvv,

16. Isht im a holitopa chinto fehna ka hvch ima na, imi
Shilombish vt hvkvsh isht hlampko isht hvchi hlampko-
honchi ;

17. Mich a na hvchi yimmi ho Klaist vt hvchi hvkvsh a

anukfoyuka he yohmi lishke; yohmi ho nan isht i hullo a akshish a tobrt a hvchi kvllo hosh,

18. Ubanumpuli ghli puta iba taklvrt a putha, micha afa-laia ka, micha hofobi, micha chaha aiena ka hvsh akostinincha hinla hoke.

19. Michu Klaist vt nan isht pi hullo ka ai ithvna he atampa ka hvsh ithvna hosh, Chihowa isht alotowa moma kvrt isht hvchi alotowa he ak atok.

20. Yvmmak osh ilap im isht hlampko isht pi hlampko-honchi kvrt, nana ho il asilhha, keyukmvt nan il anukfili moma atampa fehna ka pim atahla hinla,

21. Mihi yosh Klaist atuk pulla mak o chvch isht a holi-topa na nitak ataha iksho, yakni ataha iksko kashke. Amen.

CHAPTA IV

Itib achvfa he i miha, 1; 7 Chihowa hvrt 11 in chvch vt nan isht hlampkot i shaht mahaya chi ka im okla ha shilombish holhpela il aiyuka ihima ka anoli; 17 nan a kaniohmi tikba yatuk a naksi ka bohli; 28 nana a kaniohma he vlhpesa ka yvmihchi, micha nan ik vlhpesa moma ka mokofa chi ka i miha.

1. YUMOHMI ka Chitokaka atuk mak o yuka sia hvrt hvsh a yvmohma he hvchi vlhtoka tuk vt, ai vlhpiesvt hvsh gyvt,

2. Chukvsh akanlosi, micha chukvsh yohbi, micha anuk-hobela svlahvt, iti'hullot, it im i nuktaiyalvt;

3. Shilombish ai isht itibai achvfvrt nan isht it i nanaiya isht iti talakchi kak o hvsh ai ahna he, hvchim asilhha lishke.

4. Yohmi ka haknip achvfa, micha Shilombish achvfa hosh aiasha, yvmmak inli ho chohmit hvsh a yvmohma he hvchi vlhtoka tok vt, ai okchaya pisa he hvsh ai ahni kvrt achvfa hoke.

5. Chitokaka yvt achvfa, na yimmi mvt achvfa, baptismo mvt achvfa,

6. Moma Iki achvfa, yvmmvt nana moma i shahli; nana moma a hlopulli, hvsh moyuma ka hvchi foyuka hoke.

7. Yohmi ak inli kia e moma ka nan isht i kana pima kv̄t, Klaist i na hulbina kaniohmi ho pi anukfohki kak oke.

8. Yvmohmi kak o vba ia mvt, yuka lāwa yukachit isht ayvt, na hulbina puta ka hatak puta ka ima tok, achishke.

9. Yohmi ka vba ia tok, achi kv̄t nanta hoh cho? amba yummvt tikba ma vba mintit aka yakni vla tok ak inli keyu?

10. Uba minti tok mihi yo ak inli hosh vba shutik pakna-ka pilla ona kv̄t, nana moma alotowa chi kak atok.

11. Micha kanimi kv̄t apostel; micha kanimi kv̄t hopaii; micha kanimi kv̄t vbanumpa tosholi; micha kanimi kv̄t iksa apesvchi; micha kanimi kv̄t nan ithvnanchi aiena ya chi ima tok:

12. Yohmi kv̄t vbanumpa yimmi vbleha ha ai ahlichā he, vbanumpa isht vta he, Klaist haknip ithvnanchit hlampkohoncha hi ak atok oke.

13. Yvmohmi na e moma kv̄t mahayvt nan ai yimmi ka, micha Chihowa Ushi ai ithvna aiena ka ont il ai achv̄vt hatak im ahli e tovt, Klaist vt a kaniohmit ai alotowa fehna ka e chiyuhma hi oke:

14. Yvmohmi hosh himak a pilla ma vlla pia keyu hosh, oka piakvchi ka chohmit, anumpa il aiyukali mahli chohmi hatak vt nan isht i kostini o isht haksicha chi kv̄t, isht im aiihinchi ka ibafohkv̄t ke fullokahancho kashke.

15. Amba i hullo hosh anumpa ahli anumpulit, ran okluha ka isht im a hofantit mahayvt, Klaist yummvt noshkoboka ya e chiyuhmashke.

16. Yummak o haknip moma kv̄t ai itifohka achukma, micha hakshish puta isht iti talakchi hosh moma kv̄t nana a kaniohma he vlpisa kv̄t, ahlit yohmit it apelachi hosh haknip isht a chitot isht it i hullot mahaya hoke.

17. Yohmi ka ilvppa achi li mvt, anonti himak a pilla ma Chentail inla im anukfila ik ahobo,

18. Im anukfila okhlili, micha chukvsh vt okpulo fehna hatuk osh, nana ik ithano anukfoka kak osh, Chihowa im ai okchaya i filvmm̄it yoshubvt aya;

19. Chukvsh svlahbot atupa, na haui atampa, na liteha puta asitvt isht ahanta ka hech ik ai itvnowo ka he

mak o, Chitokaka pulla hatuk mak o atokolit hvchim anoli lishke.

20. Amba hvchishno vt yvmohma hi osh Klaist a hvsh ithvna tuk keyu hoke:

21. Yohmi ka hvsh i haponaklo cha, Chisvs im anumpa ghli yo isht hvchim vlvchi tuk okmvt;

22. Tikba ma nana hvsh a kaniohmi tok vt hatak sipokni, yummvt na haksichi chukvsh okpulo isht yoshuba aiena kvno, naksika hvsh bohlashke:

23. Micha chukvsh isht hvsh anukfilli vt himonvt tobashke:

24. Micha hatak himona, yummvt Chihowa holba tobt nan ai vlpiesa, micha nan ai ashvchi ik im iksho ghli mak o isht hvsh foyukashke.

25. Yohmi hokvt na holabi puta naksika bohli anumpa ghli in chuka panta hatak a hatak moma kv im anumpulashke; haknip il itib achvfa hokvt:

26. Hvchi nokowa kia, ik hvchi yoshubo kashke; hvsh nokowa moma na hvshi vt ik okvtulo kashke.

27. Micha nan isht a hullo okpulo ya hvchik i kanvillo kashke.

28. Kvna kia hukopa tuk vt, himmak ma ik hukopo kashke; amba ik pilesa cha nana achukma kak o ibbak isht tok-sahanli hosh, kvna kia ilbvshakma ima hi vt nan ahayuchashke.

29. Anumpa liteha yvt chitih ha ik kohchot, amba nana kv achukma isht hlampka he, micha haklo puta kv isht im achukma he ak ashke.

30. Micha Chihowa imi Shilombish Holitopa, yummak o hvsh ai okchaya he nitak pit isht hvchim vlpiesa kv, hvchik nukhaklocho kashke.

31. Chukvsh homi, micha it i nokowa, micha nukhobela, micha itachowa, micha anumpa ik achukmo nanumachi, micha nan ik achukmo puta aiena kv naksika itonlashke.

32. Micha it i kanvt, chukvsh na hih isht iti ahnit, Chihowa hv Klaist ak atuk mak o hvchi kashofi tuk a chohmit hvsh it i kashohofashke.

CHAPTER V

Chihowa ya im antiwt nan ai i hullo yo ai itanohowa he, 1 ; 3 im an-
 umpu liteha hosh itanowa beka tuk vt naksika bohla he ; 18 nan ish-
 kot haksa he imma ka ik ahalaio ka he, amba shilombish holitopa
 yo isht anukfoyukvt im vlhtaha he nan i miha ; 22 Ohoyo hvvt ka-
 nihmit ahanta he, ilap i hatak a im antia he ; 25 Klaist vt chvch a
 i hullo ka chohmit hatak vt im ohoyo ha i hulla he nan isht miha.

1. YUMOHMI hoka vlla holitopa yo chiyuhmit Chihowa ya hvsh iakaiyashke.

2. Micha Klaist vt pi hullo cha, pishno ak atuk mak o nan ashvchi isht vlhtoba, Chihowa nan i balama, isht il im issa tok a chiyuhmit, ai it i hullot hvsh ai itvnowashke.

3. Amba havi toba, micha nana liteha puta, nan anushkonna atampa vbanumpa yimmi vt yohma he vlpesa keyu ka, himonna kia yohmi tok achit ik hvchi annowo kashke.

4. Micha anumpa isht a hofahya, anumpa makali anum-puli, na yopula, a yvmohma he ai vlhpiesa keyu ka hvch ik anumpulo hosh, amba Chihowa ya yak oke im ai ahni kak osh hvchim i shahlashke.

5. Hatak havi nana kia, hatak ik kashofo, hatak nan anushkonna atampa, yvmmvt na holvt toba aiokpvchi, ilvppvt Klaist, micha Chihowa im apehlichika nan ai isha he vlhpiesa keyu ka hvsh ithana hoke.

6. Hatak nana kia anumpa ik achukmo isht ik hvchi haksecho kashke : ilvppa puyuta pulla kak o Chihowa nan isht i nukkilli yvt vbanumpa ik im antio hatak puta ka onvtuyula hoke.

7. Yvmohmi hoka yvmmak okvno hvchishno vt na hvch ik iba taklo yashke.

8. Tikba ma hvchi okhlili tok kia, himak ano Chitokaka hvsh a tohwikeli hokvt, tohwikeli vlla yo chohmit hvsh itvnowashke.

9. Shilombish isht ai vni hokvto nana achukma bieka, micha nan aivlhpiesa yvmohmi, micha anumpa ahli yak oke.

10. Yohmi cha nana hō Chitokaka yvt aiokpanchikma, hvsh akostinincha hi oke.

11. Micha okhlili ka a toksvli nan ik vno hvch ik iba taklo hosh, amba ik im abninchot hvsh im alummashke.

12. Alumaka hō nana kv̄t ai yvmohmi tuk ȳ isht anum-puli illa kak kia, isht hofaya he v̄hpesa hoke.

13. Yohmi ka atokowa otvni kv̄t nan tohwikeli ak ȳ isht otvni hoke: nana hosh nana ka otv̄ninchikmvt, yvmmak osh tohwikeli hoke.

14. Yvmohmi kak ȳ, Nusi tuk chia kv̄t, chi okchashke, micha illi tuk chia kv̄t falamvt ish tanashke, mikma Klaist vt tohwikeli chima ch̄i hoke, achi hoke.

15. Yohmi ka im anukfila iksho chohmi keyut, amba hopoyuksa chohmit ahah! ahnit hvsh itvnowashke.

16. Nitak vt ik hvch̄i kv̄nio hosh nan isht hvsh il im ahantashke; nitak hvsh ai ahanta kv̄t ik achukmo hoka.

17. Yvmohmi hoka ik hopoyukso yȳ hvchia keyu hosh, amba Ckitokaka im anukfila hv̄t kaniohmi ka hvsh akostin-ichashke.

18. Micha oka homi isht ik hvchi hakso, yvmv̄t im ilȳ-yak isht yopomo yoke; amba Shilombish ak ȳ isht hvchi alotowashke.

19. Ūba isht taloa, micha Shilombish imma isht taloa aiena ka isht il ai anumponlit, chukv̄sh isht in champulit Chitokaka yȳ hvsh in talohowashke.

20. Nana puta ka pin Chitokaka Chisvs Klaist isht hochihifot Chihowa, yvmv̄t Iki mak oka, yak oke ai ahnit, il aiokpahanchashke.

21. Chihowa ī nukshohompa hosh hvsh it im antiashke.

22. Tekchi v̄hleha ma! Chitokaka chohmichit hvch̄i hatak ȳ hvsh im antiashke.

23. Klaist vt chvch ȳ ī noshkobo yȳ yvmmak inli hō chohmit hatak vt ilap tekchi ȳ ī noshkoboka yoka: micha yvmv̄t haknip ai okchaya mak oke.

24. Yvmohmi ka chvch vt Klaist ȳ im antia ka yvmmak inli hō chohmit, tekchi v̄hleha hv̄t nana puta ka ilap ī hatak ȳ isht im antiashke.

25. I hatak vhlēna ma! hvchi tekchi a hvsh i hullo kv̄t Klaist vt chvch a i hullo hosh, il im issa tok ak inli ka, hvsh chiyuhmichashke :

26. Yvmohmi kv̄t oka isht achifvt vbanumpa isht kashofvt na hullochī cha,

27. Chvch holitopa, na liteha lapali iksho, shinowa, yvma chohmi nana kia iksho hō ilap itikba hilecha chī hatok; ghli a holitopa, imomokpulo keyu hō ilap itikba hilech, chī hatok.

28. Yvmmak inli hō chiyuhmit, hatak puta kv̄t ilap haknīp chiyuhmichit, tekchi vhlēha hā i hulla he vlpesa hoke Kvna hosh tekchi a i hūhullo kv̄t, ilap a i hullo hoke.

29. Kvna kia ilap haknīp a i nukkilli chatuk keyu hoka·amba Chitokaka yvt chvch a i yvmihchi ak inli hō chohmit, apovchit hiahnit ilauei hoke.

30. Pishno vt yvmma haknīp, nipi micha foni aiena ka ai achvfa pia hoka.

31. Ilvppa pulla kak o hatak vt iki, micha ishki ita tuklo ka issa cha, tekchi ak o asitia he, mikmvt tuklo ilvppvt nipi achvfa hi oke.

32. Ilvppvt na fehna chinto hoke: yohmi kia Klaist, micha chvch ita tuklo yvmmak o isht miha lishke.

33. Yohmi ak inli kia hvchishno hvsh puta aiyukali kv̄t ilap inli chiyuhmit hvchi tekchi a hvsh i hullashke; mikma tekchi vt yohmi ahnit, i hatak a holitoblashke.

CHAPTER VI.

Ulla yvt ishki, micha iki ita tuklo ka im antia he vt vlpesa, 1; 5 yuka hv̄t i shahli hā im antia he vt vlpesa: 9 mikma i shahli hv̄t ai vlpesa mak o i yuka hā i yvmohma he vlpesa; 10 na pi okchaya ilvppvt il itihimbi; 13 vbanumpuli vt nan isht ile atukkochi, 18 yohmi ka kanimihchit ilvppak ash isht gya he anoli.

1. **U**LLA vhlēha ma! Chitokaka ak o hvch iki, micha hvch ishki ita tuklo hvsh im antiashke; ilvppak osh vlpesa hoka.

2. Chiki, micha chushki ita tuklo ka ish holitoblashke, ilvppvt anumpa vhpisa nan im issa ya apatoa vmona.

3. Yohmi hosh chim achukmvt hopaki hō yakni paknaka ish ai ahantashke.

4. Mikma iki hvchia hv hvchim vlla ya hvch ik nokowv-cho kashke: amba Chitokaka yak o anukfohkí, micha nan ai ahni yak o a fohkit hvsh hofantibinchashke.

5. Yuka vhleha ma! yakni ilvppak inli haknip isht hvchi nahullo ya i nukwiyvt wvnilinchit, chukvsh apissali kv, Klaist ak inli hō chohmichit hvsh im antiashke.

6. Yohmi kv hatak yukpali yo chohmit, nishkin pisa bano toksuli keyu; amba Klaist in tishu hō chohmit hvchi chukvsh fehna Chihowa nan ai ahni ya hvsh yvmihinchashke:

7. Yohmi kv aiokpanchit yuka a toksuli toksulit, Chitokaka yak o i yvmihchi, hatak ak o keyu;

8. Nana achukma nana hō hatak kvna kia yuka hokmá, yuka keyu hokmá, nana hoh kia yvmihchikma, yvmak atuk mak inli hō Chitokaka ya im a habena hi a hvsh ithaiyanashke.

9. Mikma i nahullo hvchia hv i nokowvt anumpuli iksho hosh, yvmak inli hō hvsh i yvmihinchashke: hatak iti shahshohlechit anukfilli keyu hosh, vba yakni hvchim i Shahli yvt binili ka hvsh ithaiyanashke.

10. Ishtaiyopi ka itibapishi li vhleha ma! Chitokaka a hlampkot im a hlampko chinto yo hvsh a hlampkashke.

11. Nan isht ahullo okpulo isht a yoshubli a im i sanalit hvsh hikia hinla kv, nan isht il atukkochi Chihowa yvt atahli tok a moyuma ka hvsh foyukashke.

12. Nipi, micha issish o im i sanalit il itibi keyu, amba miko vhleha, nan vhtoka, hochitoka, yakni ai okhlili ka ilvppa pehlichí vhleha, shilombish okpulo vba itvnowa puta aiena kak oke.

13. Yvmohmi ka nitak ik achukmo ka im ai i sanalit hikia, micha hvsh atahli hayvt, hvsh hikia hinla kv, nan isht il atukkochi Chihowa yvt atahli tok a moyuma ka hvsh il ai eshashke.

14. Yvmohmi ka anumpa ai ghli isht uskofaiyachit nana isht ai vlhpiesa ikkishi alata hq foyukvt,

15. Micha vbanumpa it i nanaiyuchi nan isht im vlhtaiyaha ma hvch iyi isht hoyulo hosh hvsh hikiashke.

16. Nan okpulo yvmma im iti naki ishit hulohushmi puta ka isht hvsh mosholicha hinla kv, moma pahnaka ya telihpa na yimmi ka mak o hvsh il ai eshashke.

17. Noshkobo isht ompoholmo ai okchaya, micha Shilombish i bvshpo falaia, yvmmvt Chihowa im anumpa mak oka hvsh ieshashke.

18. Shilombish anukfoyuka hosh anumpa ilbvsha puta im anumpohonlit, asihihla hosh achunanchit ahah! ahani, micha vbanumpa yimmi puta ka isht hvsh asihihlashke:

19. Micha vno ma isht hvv si anumpohonlashke: yohmi na itih kohchit anumpuli la hi q vma na vbanumpa luma ya tok q anohonli la chi kv, nukwaya ikshot svtih ha wakvmmi lashke.

20. Yvmma pulla hq Uba Miko im anumpeshi talakchi sia hoke: si yvmohmi kia nukwaya ikshot anumpuli la he vlhpesa hokvt, anumpuli la hi q vba isht hvv si anumpohonlashke.

21. Amba nana vm a kaniohmi, micha nana isht anta li aiena ka hvsh akostinicha chi ak inli kvno, Tikikvs itibapishi q holitopa, micha Chitokaka nan im isht vta ai ghli ak osh nana moma ka hvchim anola chi hoke.

22. Yvmohma chi kak o yvmma hvchi pila li tuk oke; yohmi na nana pim a kaniohmi ka hvsh ithana chi hatuk; mikma hvchi chukvsh q hopohlva chi hoke.

23. Iki Chihowa, micha Chitokaka Chisvs Klaist a minti na yimmi ka isht ai it i hullo, micha it i nanaiya aiena kv itibapishi vbleha ha hvchi anukfoyakashke.

24. Chitokaka Chisvs Klaist i hullo ai ghli moyuma ka nan isht i kana yvt anukfoyakashke. Amen.

HOLISSO PAL VT

CHVCH FILIPPI

A HIKIA HO I HOLISSOCHI TOK.

CHAPTA I.

Filippi chvch hikia ka pit aiokpvchi, 1. 6 Na toksvli achukma isht wakaya tok vt Chihowa hvv isht ai ghlichit im atahla chi ka yimmi. 12 Lom aboha kvllo afoyuka ka nan isht im anukfila he nana hosh skaniohmi tuk a anoli. 22 Klaist pulla kak o okchaya kak okma, keyukmvt illi kak okma nana hi vt im vhltaiahvt anta tok vt anoli.

1. PAL, micha Timohlivs, ita tuklo Chisvs Klaist in tishu hvv vbanumpa yimmi ghli vhleha Chisvs Klaist ibafoyuka Filippi ai asha, bishop puta, micha chvch nan isht im vttta puta aiena ka pit aiokpvchi kvv,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya aiena kvv hvchi anukfoyukashke, hvchim ahnishke.

3. Hvchi anukfilli li aiyuka kvv an Chihowa ya yak oke im aiahnit,

4, 5. Nitak na hvchi yimmi tok vhlit mintit ant himak ak o hvchim ilayak iti hopinhinlvv, vbanumpa isht hvsh apelvchi kak o, anumpa ilbvsha isht hvchi anumpuli li puta kvv chukvsh yukvvt isht hvchi asihihla li bilivshke.

6. Ilvppa fehna ka sai yimmi hatuk osh, Nan toksvli achukma isht a hvchi wakaya kvv, ai ghlichit Chisvs Klaist i nitak a hvch isht ona he, ilvppa fehna ka sai yimmi hatuk oke.

7. Yvmohmit hvsh moma ka ilvppa hvchi anukfilli la he vlpesa, sa chukvsh isht hvch ithaiyana li hokvt; vbanumpa isht anumpuli li, micha ai ghlichli li hosh sa talakchi aiena ka nan isht i kana hvsvb ai ishi hoka.

8. Chisvs Klaist hiahnit isht i hullo chohmit hvchi sa palata fehna ka, Chihowa yvt atokolit si anoli yoka.

9. Micha ilvppa asihihla lishke; yvmmvt Chihowa im anumpa ithanvt, hvsh akostininchi puta kak osh hvsh it i hullo kv, chitot isht i shahlit hvsh mahayashke.

10. Yvmohmi hosh nana kv it im inla ka imoma ka pisvt, achukmaka vlpesa ahnit, ai ghli, isht im ai ibetvbla he iksho hosh Klaist i nitak a hvsh onashke.

11. Yvmohmit Chisvs Klaist ak atuk mak o nan ai vlpiesa isht ai vni isht a hvchi alotowa na, Chihowa yvt isht a holitopvt isht anumpa he yak oke.

12. Yohmi ka itibapishi li vhleha ma! nana vm a kaniohmi tuk a vbanumpa hv isht i shahlit isht atoba tuk a hvsh ithana he, hvchim ai ahni lishke.

13. Yvmohmi ka Klaist pulla ho sai yuka kv miko atoni tvshka chipota i holihta, micha kanima moma ka ai otvnishke.

14. Mihma itibapishi li vhleha laua kv sai yuka kak o Chitokaka anukchieto kv, isht i shahlit nukwaya keyu fehvnt, nukshopa mv iksho hosh vbanumpa ha isht anumpohonlishke.

15. Kanimi kv isht a potvno, micha nan isht an chowa aiena ka bvna hosh Klaist a isht anumpulikma; anonti kanimi kvto a kana he ahni hosh yohmi hoke.

16. Achvfa kv nan isht an chowa kak o ahni hosh Klaist a isht anumpulit, chukvsh ghli keyu hosh, sai yuka ka ai vbechit svlvshali bvna hosh:

17. Amba achvfa kvto holitobli hosh, vbanumpa afvt isht anumpuli la he si vlhtoka tuk a ithana hatuk osh, yohmi hoke.

18. Yohmi kvno ik kaniohmi hoh kia peh ilahobi hokma ghli hokma, nana kia Klaist vt isht anumpa hoke; yohmi na yvmma a sai yukpa ghli hosh, a sai yuhvka chj hoke.

19. Anumpa ilbusha isht hvs si anumpohonli; micha Chisvs Klaist imi Shilombish vt si apelahanchi aiena, ilvppak osh isht si okchaya hi a ithana li hokvt,

20. Yvmmak a he ahni li fehna kvv, nana kia isht sa hofahya he keyu, amba nukwaya iksho kumohmit ai yvmohmi chatuk vt, a moyuma chi ho si okchaya hokma, svlli hokma, nana kia Klaist vt sa haknip a isht a hovitopa hi a ahni li hoke.

21. Uno yak okvto si okchaya kvv Klaist ak okmvt, anonti svlli hoh kia nan isht vm ai achukma hoke.

22. Yohmi kia haknip ak o ai anta li hokmvt, a toksvli li nan ai vni kvv ilvppak oke; yohmi kia kanimampo ahni la hinla kvv ak ithanoshke.

23. Yakni issvt ia lish, Klaist a ont ai ibachvfa li, yvmmak ok mak o i shahli fehna hoka sa bvna hatuk osh, nan a mia tuklo isht a svb bikeli hoka:

24. Yohmi kia haknip ai anta li kak o achukma kvv isht hvchim i shahli hoke.

25. Micha ilvppa sai yimmi ahli hatuk osh, nana a hvchi yimmi kvv i shahlit a hvchi yukpa kvv isht i shahla hi ak o hvsh moyuma ka hvchi takla ahanta la chi kvv, ithana lishke.

26. Yohmi ka vno pulla, micha hvchim ona li kak o Chisvs Klaist a isht hvsh il ai yukpa kvv i shahla he ak oke.

27. Nana hvsh a kanihmi kvv Klaist im anumpa ak o isht ai vlhpesa kak banashke: yohmi na onvt hvchi pesa li hokma, keyukmvt kanima aya li ik saksho hokma nana kia na hvchim a kanihmi puta yvmmvt shilombish achvfa, im anukfila achvfa hosh vbanumpa ai yimmi ka hvsh it iba fohvt kvllot hvsh hiel ho hahaklo lashke.

28. Micha nana hoh kia hvchim i sanali puta ka ik hvchi nukhlakancho kashke: yohmikmuno yvmmak okvto ai okpuloka hi yosh isht ai im atokowa, amba hvchishno ano isht ai okchaya he Chihowa a minti mak osh isht hvchim atokowa hoke.

29. Hvchishno vto Klaist pulla kak o yvmma hvsh i

yimmi kak lano keyu, amba yvmma pulla kak o nan ish; hosh im ilbvsha he hvchim vlpisa hoka :

30. Yohmi kv̄t anumpulit it̄i kahanlot isht svlvsha yvmma hvs sa p̄isa tok, anonti himak a si onvtuyula ka hvs sa bahaklo ka yvmmak inli hosh hvchi onvtuyula hoke.

CHAPTA II

Klaist ā iakav̄t im anukfila iti bai achv̄v̄t il akanlosichi banot aisha hi ā i miha, 1; 12 ilap nan isht aiokchaya a toksahanlit pola h̄o chohmit yakni a im a tohwikela hi ā im achi.

1. YOHMI ka Klaist atuk pulla mak o ahopohla yv̄t āsha hokma, i hullo kv̄t a nuktanla yv̄t āsha hokma, Shilombish ai itiba chvfa yv̄t āsha hokma, chukvsh isht i nukhaklot hi ahni yv̄t āsha hokma,

2. Hvchim anukfila hv̄t itilavit nana a miha chvfa holitoblit, chukvsh achvfa cha, hvchim anukfila ai achvfa hosh nan a sai yukpa yā isht hvs sv̄m alotolashke.

3. Anumpa isht itachowa shahli, keyukmv̄t ilefeh̄nv̄chi nanasi kv̄t ik v̄lhtaho kashke; amba chukvsh akanlosi hosh moyuma kv̄t inla yv̄t achukma kv̄t ilap ā i shahli h̄o anukfillashke.

4. Hatak moma kv̄t ilap immi kak o bano keyu, amba hatak moma kv̄t inla immi ak kia anukfillashke.

5. Klaist Chisvs anukfoyuka tok akinli nan anukfila ilv̄p v̄v̄t hvchi anukfoyakashke.

6. Yv̄mmv̄t Chihowa hoyulba yatuk osh, Chihowa yā ile itilavechi kv̄t na wehpuli ya he ahni tok keyu.

7. Yohmi kv̄t il a kohchichit yuka ohmi h̄o il aieshit hatak chohmi hosh toba tok oke.

8. Micha hatak ohmi hosh haiaka mv̄t, il akanlosechit im antia kv̄t, ititaiyukhvna a takalit illi yoh kia isht illi kak atok.

9. Yvmohmi hatuk o Chihowa hv̄t holitoblich̄i fehna mv̄t, hochifo kv̄t na hohchifo inla moma ka i shahli h̄o ima tok oke :

10. Yvmohmi ka Chisvs hohchifo h̄a vba yakni aisha,

micha yakni paknaka aiasha, micha yakni nutaka aiasha puta kv̄t ĩ hvchukbihlepa he ;

11. Micha hatak isunlvsh puta kv̄t ĩki Chihowa yvt isht a holitopa he mak ƚ, Chisvs Klaist vt Chitokaka ya he, achit anohonlashke.

12. Yvmohmi ka a holitopa vhleha ma! hv̄s sv̄m antia chatuk vt hvchi takla anta li kak bano keyu, amba himo nasi yokak heno ik saksho ka ĩ shahlichit hv̄s sv̄m antia kv̄t, nukshumpvt wv̄nihinchi hosh hvchishno inli aiokchaya ya hvsh atahlashke.

13. Chihowa ak osh ilap nan isht im vlvpesa hosh ai ahni kak ƚ ahnit, hvsh yvmihcha chĭ ka hvchi a toksahanli hoke.

14. Nana moma ka ik ahninchot na miha keyu, micha anumpa ita chowa mv̄t iksho hƚ hvsh yvmihchashke.

15. Anumpa nana kia hvchi onvtonla keyu, nan okpv̄ni keyu, na liteha lapanli keyu hosh okla shanaïowa, micha nan ai ashvchi ai ititakla yƚ yv̄mma ĩ pva tohwikeli chohmit yakni paknaka ya hvsh ai ashvshke.

16. Micha anumpa okchaya ya hvsh otv̄ninchi na Klaist ĩ nitak a pilla hƚ chahafa li tok keyu, micha pilla hƚ toksvli li keyu kv̄t sai yukpashke.

17. Ahli, na hvchi yinmit vba isht hvsh il ai okpv̄chi, micha nan isht hvsh ai ahanta aiena ont aiahla chĭ kak ƚ, il imĭ kanchi li hokmv̄t, sai yukpv̄t hvsh moma ka hvch iba yukpa li hoke.

18. Yvmmak inli kak ƚ yukpv̄t hv̄s sv̄bai yukpa mak inlishke.

19. Yohmi kia chekikma Timohlivs a hvchi pila la chĭ, yvmohmi hosh hvchi a kaniohmi ka akostininchi lish, sai yukpa chĭ kv̄t, ahnit Chitokaka Chisvs a anukchieto lishke.

20. Nana a hvchi a kaniohmi ka anukfihinli fehna kv̄t hatak inla im anukfila yvmmak inli ohmi hƚ ik sv̄m ikshc hokvt.

21. Moma kv̄t ilap immi ak ƚ hoyo mv̄t, nana kv̄t Chisvs Klaist immi hokv̄no ik hoyo hokvt.

22. Amba yv̄mma imomaka pisa tuk a hvsh ithana ;

yvmiaak okvt ushi yosh iki iba toksvli chohmit vbanumpa isht sub a toksahanli tuk oke.

23. Yvmohmi ka yvmmak o chekosikma sa kaniohma chi ka pisa likmvt, pila la chi ahni lishke.

24. Yohmi kv̄t vno yak kia chekosikma ona la chi, ahnit Chitokaka ya anukchieto lishke.

25. Yohmi ak inli kia Epaflotitvs, itibapishi li, itiba toksvli li, micha tvshka chipota sv bika, micha hvchim anumpa shahli, micha nana a sa bunna tuk a isht vm anta chatuk, yvmmak o hvchi pila la he vhpesa ahni li tuk oke.

26. Hvchi palata fehnvt, ilap vt abeka tuk a hvsh haklo tuk ak o nan a nukhaklo kv̄t chukvsh a alota fehna tok.

27. Abeka ho mvhlit illi naha fehna tuk, yohmi kia Chihowa hv̄t i nukhaklo tuk: yohmi kv̄t yvmmak bano keyu, amba vno ma a nukhaklo tuk: yvmmak keyukma svlvsha kv̄t it vlbekvcha he atuk oke.

28. Yvmohmi kak o ahni fehnvt hvchi pila li tuk oke; yohmi na anonti hvchi pisa likmvt, hvchi yukpakma, vno vt a nukhaklo kv̄t ik lauwo ka he ak atuk oke.

29 Yvmohmi hoka Chitokaka ibafoyuka ka chohmichit chukvsh yukpa biekvt hvsh aiokpvchashke; mikmvt yvma chohmi kash hvsh holitohomblashke:

30. Klaist ak o in toksvli pulla kak osh ilap im ilhfiopak a na fehna ik ahno hosh, illi naha fehna kv̄t, isht hv̄s si apelacha he tuk ik ono ka vm atahla chi kak atuk oke.

CHAPTA III.

Nan i hullo cha, nan avchi ik ahlo yokvno ahah! im ahna hi a i miha, 1; 8 Klaist pulla ha tuk mak o nan okluha ka ik ahobo ahna he: 18 haknip imma nan ahni ho iakaiya yokvno i filvma he nan i miha.

1. ISHTAIYOPI ka itibapishi li vhleha ma! Chitokaka ya hvsh ai yukpashke. Nana kv̄t mihi yo ash inli ho hvchi holissochi li kv̄t, vm ahchiba keyu mvhli, amba hvchishno yak osh isht hvchi a hlampka chi kak oke.

2. Ofi ya ahah! hvsh im ahnashke, nan ik vhpeso yv-

mohmi ya ahah! hvsh im ahnashke, tvblit kanchi ya ahah!
hvsh im ahnashke.

3. Pishno ak okvto hakshup tupa shilombish anukfoyu-
kvt Chihowa holitoblich, micha Chisvs Klaist ai yukpa pia,
yohmi kvt haknip a ai anukchieto keyu pia hoke.

4. Uno ak kia haknip a ai anukchieto la hinla tuk ak inli
hoke. Kuna kia haknip a ai anukchieta hinla kvt ishi ka
ahnikma, vno vt i shahli li hoke.

5. Nitak ont isht untuchina ma hakshup sa tupa tok, Is-
lael isht ai unchululi, Benchamin apelhichi, Heblu ai ahli sia
hoke: vba nan vlpisa yak okmvo Falisi yo sia hoke.

6. Amosholi hosh chvch a i palvmichit, vba nan vlpisa
isht ai vlpiesa yvmak okmvo anumpa nana kia si onv-
tula he keyu ki tok.

7. Yohmi tok kia nana isht ahayuchi li yatuk vt, yvmvt
Klaist pulla kak o a kunia, ahni li tuk oke.

8. Ahli mvhlishke, yohmi kvt Klaist Chisvs an Chitokaka
athana achukma fehna kak o nana puta kvt peh ik ahobo
ahni lishke; yvma pulla kak o nana puta kvt isht a kunia,
mikmvt yvmak ash o chopilhkvsh a chohmichi li, yvmoh-
mit Klaist a asitvi li,

9. Mikmvt yvma ibafoyuka la he, micha vno ak inli kvt
vba nan vlpisa yvmak o isht ai vlpiesvt il ai eshi li keyu,
amba yvmvt Klaist a i yimmi kvt nan ai vlpiesa na yim-
mi pulla kak o Chihowa a minti yak oke:

10. Yvmohmi ka Klaist, micha yvmvt illit tani tok nan
isht im ai ahli, micha yvmvt ai ilbvsha tok a iba takla kvt
kaniohmi aiena ka ithana lish, yvmvt illi tok a hoyulba la
chi kak a hetuk oke.

11. Ik kaniohmi kia illit tani ka ona li yoba na, ahni li
hatuk osh.

12. Himak okvno ona li mashko ahni li keyu, micha hi-
mak ak kia ai ahlit sa taha ahni li keyu; amba achunanchit
iakaiya li, yvmohmi hosh yvmak a he ak o Klaist Chisvs
vt si atokoli tok yvmak ash ieshi la he ak atuk oke.

13. Itibapishi li vhleha ma! ont ishi li tuk il ahni li ke-
yu hoke; yohmi kia nana achvfa ilvppak o yohmi li, nana

puta olbul ai asha ka vmi haksi cha, nan tikba a₂sha kak o subbak a pit wielit,

14. Achunanchit ai vlbi ya mahaya li, nan vlbi yummvt Klaist Chisvs pulla kak o Chihowa yvt vba et a hohoyo kak oke.

15. Yohmi ka ai ahli aiyuka pia hokvto, yakohmit pim anukflashke; yohmi ka nana ka kaniohmit hvchim anukfila kv₂t inla tuk okma, Chihowa yvt ilvppak oh kia hvchim otv-nincha chi koke.

16. Yohmi kia iloh ai ona mashko hatuk okvto, yummak ash inli ho kiloh ai itvnowa cha, nana yummak ash inli ho iloh anukfihinlashke.

17. Itibapishi li vhleha ma! it apehvt na sa hobachi hvsh tobashke, micha pishno a hobachi hvsh ahni kv₂t yakohmit aya vhleha ha hvsh holitoblashke.

18. Lavvt aya kv₂t yvmma himonna hvchim anohonli li chatuk osh, anonti himak a nishkin okchi mihinti hosh, yummvt Klaist im ititaiyukhva in tvnvp vhleha hoka, hvchim anoli lishke.

19. Yvmma ont im ishtayopi kv₂t aiokpuloka he, yvmma i shahli yvt ilap takoba ak inli, micha nan isht hofahya isht ile holitobli, yummvt yakni paknaka nana a halaiia kak o asitia yoke.

20. Vba yakni okla ai achvfa pia hoka; yummak o a minta hi o pi Okchalinchi Chitokaka Chisvs Klaist a e hohoyo hoke.

21. Yummvt imi hlampko ho isht yvmihchit nana puta ka imaiyachit il aiesha hinla hokvt, ilap haknip holitopa ya hoyulba chi ka yummak ash ot pi haknip akanlosi ya invcha hi oke.

CHAPTER IV.

Chitokaka ya a kullo fehvvt itanowa he i miha, 1; 4 vbanumpuli ahli mak osh aiasha he im apesa; 10 ilap a i kana tuk a na yukvvt yak oke pit im ai ahni fehna.

1. YUMOHMI ka itibapishi li a holitopa, micha i palata li, isht sai yukpa, micha isht sa holitopa hvchia ma! kulot

hikivt Chitokaka ya hvsh ibai achvfashke, holitopa fehna vhleha ma!

2. Yuotias a ilbvshvt im asilhha li, micha Sintichi ma ilbvshvt im asilhha li ka, yummvt im anukfila it ibai achvfa hosh Chitokaka ya ibafoyukashke.

3. Mikmvt chishno itiba toksvli li ghli ak kia chim asilhha lishke, ohoyo yummvt vbanumpa ha isht svba toksvli tuk, micha Klement, micha svba toksvli vhleha inla aiena, yvma hobchifo hvv holisso okchaya a takali ka, ish apelahanchashke.

4. Chitokaka ya hvsh ai yukpa na biliashke; micha anonti, Na hvchi yukpashke, achi lishke.

5. Nana ka isht hvsh il oktampoli yvt hatak moma ka im otaiyanashke. Chitokaka yvt vla hosi hoke.

6. Nana kia isht ik hvchi ataklaiyamo kashke; amba nana puta ka anumpa ilbvsha anumpulit asihihlvv aiokpahanchi hosh nana a hvchi bvna kvv Chihowa ya im annohowashke.

7. Michi Chihowa im isht it i nanaiya, yummvt im anukfila moma i shahli yvt hvchi chukvsh, micha hvchim anukfila aiena ka Klaist Chisvs pulla hatuk mak o atohona chi hoke.

8. Ishtaiyopi ka itibapishi li vhleha ma! nana hosh ghlikma, nana hosh holitopakma, nana hosh ai vlvpiesakma, nana hosh kashofakma, nana hosh aioklikma, nana hosh annoa achukmakma, nan ai vlvpesa inla yvt ashakma, anonti aiokpancha he vlvpesa kvv ashakma, ilvppa puta kash hvsh anukfihinlashke.

9. Nana puta yvma hvv svv ai ithvna, micha hvsh ishi, micha hvsh haklo, micha hvv si a pisa aiena tuk vt hvsh yvmohmashke; yohmikma Chihowa im isht it i nanaiya yvt hvch ibafoyuka chi hoke.

10. Yohmi kia himak ano polaka hvv si anukfilli tuk vt anonti okcha i shahli ka Chitokaka ya isht a sai yukpa fehvshke; yvmmak a hi o isht hvv si anukfilli tuk kia, hvsh ai yvmihcha binla kak osh ik hvchim iksho ki tok oke.

11. Nana kvv ik svv ono kak osh ilvppa achi li hv keyu: kaniohmi hvv a hikia li hvv kia, yvmmak oka si a nuktaiyala he vt ithvntv tahli li tuk okvt.

12. Kaniohmit nana ka ik svm iksho hosh aya li kv̄t ithana li, micha kaniohmit nana an laua hosh aya li kv̄t ithana li hoke; kanima moma, micha nana puta ka sa kaiya, micha sa hohchvfo, micha nan an laua, micha nana ik svm ono aiena hosh aya li kv̄t ithana li hoke.

13. Klaist pulla hosh sa hlampkohonchi kak o, nana moma ka yvmihchi la hinla hoke.

14. Yohmi ak inli kia ai v̄lhpiesa hō yvmohmit nana vm a palv̄m̄mi ka hvs sv̄b anukh̄aklot hvs si apela tok oke.

15. Yvmohmi ka Filippiian v̄hleha hv̄chia ma! v̄banumpa hv̄t anumpa v̄mmona ka Masetonia ya akohchv̄t ia li ma, chv̄ch nana kia nana isht apela he v̄ma na ishi la hetuk ash imma ka yvmohmi keyu ma, amba hv̄chishno ak illa tuk v̄t hv̄sh ithaiyanashke.

16. Hlessalonika ya anta li ma, himonna ka pit hvs sa pila tuk osh, anonti nana ka a sa bv̄nna tuk a pit hvs sa pila tuk oke.

17. Na hv̄lbina sa bv̄nna kak o keyu; amba nana achukma hv̄sh yvmohmi tuk isht ai v̄ni kv̄t hv̄chin laua he kak o ahni lishke.

18. Yohmi kia nana moma ka ishi lish, nan an laua hoke; si alotowa hoke, Epaflotitvs ibbak fohkit nana balama v̄ba nan isht aiokpv̄chi Chihowa hv̄t v̄lhpesa ahni ya et hvs sa pila tuk a, vm v̄la tuk oke.

19. Yohmi ka an Chihowa holitopa fehna kv̄t Chisvs Klaist pulla kak o nana a hv̄chi bv̄nna moma ka hv̄chim atahla hi oke.

20. Yohmi ka Chihowa, mi laa Piki yak osh holitopa na biliv̄t biliashke. Amen.

21. Ubanumpa yimmi Klaist Chisvs ibai achv̄fa v̄hleha h̄a hv̄sh aiokpv̄chashke. Itibapishi li v̄hleha hv̄t si apih̄v̄t ma ya kv̄t hv̄chi aiokpv̄chishke.

22. Ubanumpa yimmi moma kv̄t pit hv̄ch. aiokpv̄chi; mihma Sesa in chuka chv̄fa yokak heto pit hv̄chi aiokpv̄chi fehv̄shke.

23. Pin Chitokaka Chisvs Klaist isht i kan. yv̄t hv̄sh moyuma ka hv̄chi anukfoyukashke. Amen.

HOLISSO PAL VT

CHUCH KOLOSSI

A HIKIA HO I HOLISSOCHI TOK

CHAPTA I.

Na yimmi ahlit maya pulla kak o Chihowa ya ai okpahanchi, 1 : 9 nan isht i kana anukfohkv̄t i shahlit mahaya he isht anumpohonli ; 14 Klaist holitopa he isht anumpuli ; 21 mihmvt nana ka Klaist vt im ataiyahli tok a im anoli.

1. PAL, Chihowa nan ai ahni hatuk pulla mak o Chisvs Klaist im apostel sia, micha Timohlivs pitibapishi ita tuklo kv̄t,

2. Ubanumpa yimmi ahli v̄hleha, il itibapishi ahli Klaist a ibafoyuka Kolossi ai asha ka pit aiokpv̄chi kv̄t, Piki Chihowa, micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo mak osh hv̄chi anukfoyukashke, hv̄chim ahnishke.

3. Chihowa, micha pin Chitokaka Chisvs Klaist Iki ya yak oke, im ahnit, v̄ba isht e hv̄chi anumpohonli na bilia hoke ;

4. Yohmi kv̄t Klaist Chisvs a hv̄sh i yimmi, micha v̄banumpa yimmi v̄hleha ha hv̄sh i hullo ka e haklo ha yokvt,

5. Ai okchaya bilia hv̄sh isha he v̄ba hv̄ch in tuyula pulla kak o e yohmishke ; yv̄mmak oka v̄banumpa ahli isht ai anumpa ho tikba kash hv̄sh haiyaklo tuk vt ;

6. Mihi yosh hv̄chim v̄la tuk ak inli chohmit, yakni mo-
ma ka im aya cha, nan v̄nit waya kv̄t, nana ka hv̄sh haiya-

klot, Chihowa nan isht i kana ahli hvsh ithaiyana nitak atuk taiyakla kv̄t, nan vnit hvsh waya kak inli hō chohmi hoke.

7. Yummak ash inli hō Epafias, tishu pi bika pi holitopa ya hvsh im ai ithvna tuk; yummak okv̄t Klaist im vbanumpa isht v̄tta hvchim ahli mak oke:

8. Yummak inli kak osh Shilombish a ibai achv̄v̄t hvsh it i hullo ka pim anoli tok.

9. Yakohmi kak o nitak yv̄mma fehna ka e haiyaklo tuk taiyakla kv̄t, anumpa ilbv̄sha isht e hvchi anumpohonli kv̄t il issa keyu, mihm̄v̄t hvchi hopoyuksa bieka, micha shilombish im ahalaia ka ithv̄n̄v̄t, Chihowa nan ai ahni ka hvsh ithana ka isht hvchi alotowa he ak o, il ai ahni hoke:

10. Micha nan toksuli achukma puta ka isht ai vni, micha Chihowa nan isht im ithana ya isht i shahlit isht ia hosh, Chitokaka ya ai im v̄lh̄piesv̄t nana moma ka isht yukpali cha;

11. Chihowa imi hlampko holitopa isht hlampko fehna hosh, nukchintot achunanchit, nan ilbv̄sha yv̄t onv̄tuyula kia nuktaiyalv̄t v̄lh̄pesa ahnit yukpa banot;

12. V̄banumpa yimmi yv̄t v̄ba atohwikeli ai isha he v̄lh̄pesa hosh ai asha ka ai il iba takla hi a pi ai atahli tok, Piki yv̄mma yak oke hvsh im ai ahna he ak o, il ai ahni hoke;

13. Yummak okv̄t aiokhlili ka isht im ai ahli ya a pi a hlakofichi m̄v̄t, anonti kanv̄lichit ilap Ushi holitopa im ap ehlichika ya pisht ona tuk oke;

14. Yummak o im issish isht v̄lbi ai okchaya, nan ai ashv̄chi isht kashofa mak o il eshi hoke:

15. Yv̄m̄v̄t Chihowa ya pisa he keyu ka hoyulba kv̄t, nana toba tok puta ka Uttahpi yoke.

16. Yummak atuk mak o nana moma toba kv̄t nana v̄ba aiasha, micha yakni paknaka ai asha, nana ka pisa he, micha nana ka ik peso ka he, miko yohmá, nan i shahli yokmá, hochitoka yokmá, nan v̄lhtoka yokmá, aiena mikm̄v̄t nana moma kv̄t yummak atuk mak o toba kv̄t, yummak ash o in toba tok.

17. Yohmi ka yummak ash osh nana moma ka in tikba yoke, mihma yummak o nana moma kv̄t a takala he atok v̄t ont ai yv̄mohmit isht ai it im v̄lh̄pesa hoke.

18. Yohmi ka yummak osh chvch haknip a i noshkobo yoke: yummvt nana moma ka ai in tikvt holitopa cha, ai isht ia vmona illi tuk osh falamvt tani vhleha ha im Ut-tahpi yoke.

19. Iki vt vlhpesa ahni kvv, yummak ash o nan isht ai vlhtaha yvt afoyuka he, ahni tok:

20. Yohmi kvv ititaiyukhvna issish a hlatapa tok pulla ho it i nanaiyvichi ikbi cha, yummak pulla ho nana moma ka isht il ai i kanvcha hi vt ahni tok; yummak pulla ho nana yakni ai asha yokma, nana vba yakni aiasha yokma, nana kvv yvmohmi hoke.

21. Yohmi ka hvchishno vt tikba kamo ik ahalaio yosh nana ashvchi toksvlit hvchim anukfla isht in tanampi atuk kia, himak ano hvch il i kanvchi tuk oke,

22. Ilap haknip nipi illi kak o himak ano hvch il i kanvchi tuk; yvmohmi hosh nan ai ashvchi iksho, micha liteha a lapali iksho, micha anumpa nana kia hvchi onvtula he keyu ho ilap a itikba ya hvchi hilecha hi atok:

23. Nan ai yimmika ya a kvllot nan anukfilli fitikvchi iksho, micha nana ka yohma he ahni, vbanumpa a takali yvma hvsh haiyaklo ma, yummak ash ot okla moma shutik nuta aiasha ka im anuhumpa tuk a hvch ik i filvmmo ka chi mak o, Pal sia hvv vbanumpa isht vta toba li tuk osh;

24. Himak a hvchishno pulla kak o, nan isht a palvmmi puta kvv sai yukpa hoke; micha Klaist ai ilbvsha tok a sa haknip isht svbvsha kvv ik ono kisha ka, haknip yummvt chvch pulla kak oka, isht alotolit isht mahaya li hoke.

25. Hvchishno pulla ho Chihowa hvv nana ai ahnit vm apesa kvv, Chihowa im anumpa mominchit isht anumpuli la he ak o vbanumpa isht vta si atokli tok.

26. Anumpa yummvt nitak bilia kash, micha hatak chash-po asha ka in luma hatok kia, himak ano vbanumpa yimmi puta ka im otvni yak oke.

27. Yummak ash o Chihowa hvv anumpa luma hatok ilvppak ash isht a holitopa chinto kvv Chentail ai itintakla otvni kvv kaniohmi ka im otvnincha he ai ahni tok; yummvt Klaist hvchi anukfoyuka a holitopa isha he isht ai ahni yoke.

28. Yumma isht il anumpohonlit e hopoyuksa biekvt, hatak moma kv̄t ahah! ahna hi a il im ahanchi mvt, hatak moma ka il im abahanchi hoke; yvmohmi hosh Chisvs Klaist pulla hatuk mak o hatak moma ka ai ahlichit e hilecha chi hatuk.

29. Yummak a chi mak osh vno ak kia imi hlampko isht sa hlampkohonchi fehna kak o amosholit toksahanli li hoke.

CHAPTER II

Ai vlhpiesa banot chvch a ai asha he i miha, 1: 8 hatak nan im anuk-fila, micha nana kv̄t Klaist a isht a hvch a filvmmicha hi okvno hvsh i filvmma he anoli.

1. HUCHISHNO, micha Laotisea ai asha, micha laua kv̄t kaniohmi hosh sa nashuka ya ik peso kisha puta ka anukfihinlit, isht svlvvsha fehna ka hvsh ithaiyana hi a hvchim ahni lishke:

2. Yvmohmi ho chukvsh vt it i hullot itrshekonompa hosh chukvsh vt lopohohlashke: yvmohmi hosh ai yimmi ahli isht ai yukpa chinto ka ai ahlit ithana he, yohmi hosh Chihowa yummvt Iki, micha Klaist isht anumpa luma hatok ma otvnihincha he ak atok;

3. Klaist ak o na hopoyuksa, micha nan ithana ita tuklo im isht ilaiyukpa moma kv̄t a luma hoke.

4. Micha hatak nana kia anumpa isht yimmichi isht hvchi haksicha hinla kak o ilvppa achi lishke.

5. Haknip okvno isht ik saksho kia, shilombish okvno isht hvch ibafoyukvt ai vlhpiesa hvsh yvmohmi, micha Klaist a i yimmi ka a kvllot hvsh hielī ka hvchi pihisa li kv̄t sai yukpa hoke.

6. Yvmohmi ka Klaist Chisvs Chitokaka ya hvsh i yimmi hatuk okvt, yvmohmit hvsh iba nohowashke:

7. Micha hakshish atobvt kvllot ontalaivt a hvchim ai vlvvchi tok mak o, ai yimmika a kvllot im ai vlhtaha fehnvt, yak oke hvsh ai ahnashke.

8. Ahah! hvsh ahnashke, keyukma hatak nana kia hatak

im anumpa chashpo isht auehinchi iakaiya, micha yakni nan ai ithvna isht ia vmona iakaiya cha, Klaist a ik iakaiyo yvt anumpa inla, micha anumpa isht haksichi aiena ka isht hvchi okpvnichí ná.

9. Klaist ak osh Chihowa yvt akaniohmi ka isht alotowa kv̄t:

10. Hochitoka, micha nan vlhtoka puta i noshkoboka yvm̄mak o isht hvchim ai vlhtaha hoke:

11. Yvm̄mak pulla h̄o hvchishno ak kia ibbak o hakshup isht t̄pa keyu h̄o hakshup isht hvchin t̄pa tok: yvmohmi hosh Klaist hakshup t̄pa pulla h̄o haknip nan isht ashvchi yash naksika hvsh bohli tuk oke:

12. Na baptismo h̄o hvsh iba hollopi tuk, Chihowa yvt toks̄vit yvm̄vt illi tuk a falaminchit tanichi tok ak o, hvchi yimmi hosh yvm̄mak ash awant hvsh tani hoke.

13. Yohmi kv̄t hvchishno vt nana hvsh ai ashvchi isht illi, micha hvchi haknip hakshup ik tapo atuk a nana hvsh ai ashvchi puta ka hvchi kashofi cha, yvm̄mak ash iba taklv̄chit hvchi okchalínchi tuk oke:

14. Nan isht vlhpisa ibbak isht holisso a kashofi tok, yvm̄vt p̄i sanali, micha pim ai vlhpiesa keyu hosh pi ai ititakla hikia tok a ishít kanchit, im ititaiyukhvna ya ahonvhlichí tok oke:

15. Yv̄mma pulla h̄o hochitoka, micha isht im ai āhli puta aiena ka wehpulit, haiakv̄chit pisachit isht ai yukpa tok.

16. Yvmohmi hoka hatak nana kia impa ak ok má, nan ishko ak okmá, impa holitopa nitak ak okmá, hvshi talali ak okmá, nitak hv̄llo puta ak okmá, nana kia nan isht apesvt ik hvchi onochó kashke.

17. Yvm̄vt nana kv̄t vla he isht vlhpisa yoke: amba haknip okv̄to Klaist ak oke.

18. Hatak nana kia ilap ahnit il akanlosechit, enchil vhleha h̄a aiokpv̄chit nana pisa chatuk keyu kv̄t, afv̄nalit haknip im anukfila isht ilefeh̄vchi, yvmohmit noshkoboka ya halv̄lli keyu kv̄t, na hvsh asitv̄ba he tuk a, ik hvchim eshc kashke.

19. Yvm̄mak o haknip moma itachakli, micha hakshish

aiena kv̄t isht ai iti talakchit isht hlampkot, Chihowa hv̄t ahni hō tobvt ia hoke.

20. Yohmi ka yakni ai ithvna isht ia v̄mmona ai ī filvmit, Klaist a hv̄sh ibai illi tok okmvt, nanta katihmi hō yakni hv̄sh ibafoyuka chohmit, nan isht v̄lhpisa hatak vt apes̄t ithvnanchi ka hv̄sh ī nutaka chō?

21, 22. Ilvppa chohmi ka, Ish potoli ná; v̄pvt ish pisa ná; ish pv̄shohli ná, moma kv̄t ieshi kv̄t okpula he bieka hoka.

23. Nana yv̄mma puta hokvt hopoyuksa ahoba ho mv̄hli, ilap ahnit v̄ba aiokpv̄chit il akanlosechit hahnip ā ilbv̄shali; yohmi kia holitoblichī keyu, peh haknip ak ō im achukmali hoke.

CHAPTER III.

Pim anukfila nan isht hih il ahni ā kanima yō il a bohla hi ā p̄m anoli, 1; 5 na liteha isht im anukfila puta ka illichā he v̄lhpesa ka ī miha; 9 nan āhli anumpuli; 12 ī kanvt nan it̄i nanaiyachi; 14 v̄ba isht talohōvt isht ī shahlit hv̄sh iti hlampkochashke; 18 hatak im ohoyo; 10 hatak ohoyo im āsha; 20 v̄lla, 21 īki 22, yuka aiena kv̄t nan a kanih̄ma hi v̄lhpesa ka isht anumpuli.

1. YOHMI ka Klaist ā hv̄sh iba tani tuk okmvt, Klaist vt a binili v̄ba Chihowa ibbak isht impakimma nana ai asha kak ō hv̄sh hohoyashke.

2. Hv̄chim anukfila hā nana kv̄t v̄ba ai asha kak ō hv̄sh onochi cha, nana kv̄t yakni paknaka ai asha kak ō keyu kashke,

3. Hv̄ch illi; yohmi hosh hv̄chi okchaya yvt Klaist ā iba lumvt Chihowa yā ibafoyuka hoke.

4. Klaist yv̄mmvt il ai okchaya yosh haiaka, yohmikma hv̄chishno ak kia a holitopa hosh yv̄mmak ash awant hv̄sh haiaka hi oke.

5. Yvmohmi ka hv̄chim ī nana kv̄t yakni ai asha ka hv̄sh illihinchī; havi toba, ch̄kv̄sh liteha, anushkunna atampa, haknip nan ahni okpulo, nana ahayuchi bv̄nna atampa, yv̄mmvt na holvt toba aiokpv̄chi yoke.

6. Na yakohmi pulla kak o Chihowa nan isht i nukkilli vt nan ik im antio hatak puta ka onvtuyula hoke :

7. Yvmma chohmi ka hvchishno ak kia chashpo ma hvsh ibafoyuka kvv hvsh ai itvnowa tok.

8. Yohmi tuk kia himak okvno hvchishno vt nokowa, nukhobela, i nukkilli, ik ahobalot anumpuli, anumpa isht hofahya, hvch itih ha akocha ilvppa moma kak kia hvsh kanchashke.

9. Hvsh it i holabi na, hatak sipokni ya shvfit nana a kaniohmi chatuk puta ka hvsh kanchi cha ;

10. Hatak himona yo isht hvsh foyuka tuk okvt, yvmmak okvt nan ithana ka isht a himonvt, Ikbi tok a hoyulba hosh himonvt toba tok :

11. Yvmmak oka Klik, micha Chu yo keyu, hakshup tvpa, micha hakshup ik tapo yo keyu, Bulbaha, micha okla nukshopa yo keyu, yuka, micha ik yuko yo keyu, amba Klaist vto nana moma ka im i shahli, micha moma ka ibafoyuka hoke.

12. Yvmohmi hoka Chihowa im vlhtoka nan ashvchi iksho, holitopa hvchia hokvt hiahni, i kana, anukfila akanlosi, chvkush yohbi, anukhobela svlahvt nukhtaiyala aiena kak o hvsh foyukashke.

13. Hatak kvna kia isht itachowa im ashakmvt, itin lumvt hvsh it i kashofashke ; Klaist vt hvchi kashofi tok oka, yvmmak inli ho chohmit hvsh yvmohmashke.

14. Micha ilvppa moma paknakachi kvv nan isht i hullo, yvmmak osh ai vlhtaha ai ghli ka isht iti talakchi yoka, isht hvsh foyukashke.

15. Micha it i nanaiyvchi Chihowa a minti vt hvchi chvkush a foyukvt nana hvchim apesashke, yvmmak a he ak o haknip achvfa hvsh toba chi hosh hvchi vlhtoka tok oke : micha yak oke, hvsh ahnashke.

16. Klaist im anumpa hvv a chitot hvchi foyuka na isht a hvchi hopoyuksashke ; vba isht taloa, micha shilombish imma isht taloa aiena ka isht it im avvchit, isht it i nukfobkit, nana aiokpahancha he hvchi chvkush a foyukvt Chitokaka ya hvsh in talohqashke.

17. Micha anumpa hokmá, na kaniohmi hokmá, nana hoh kia hvsh yvmohmikmvt, Chitokaka Chisvs hochihifot yvmak atuk mak o Iki Chihowa ya yak oke im ai ahnit, mominchit hvsh yvmihinchashke.

18. Tekchi vhleha ma! Chitokaka im ai vlpiesa mak o hvchi hatak a hvsh im ile nutakvchashke.

19. I hatak vhleha ma! hvchi tekchi a hvsh i hullashke; yohmi kvv chukvsh homit hvch ik i kvllo kashke.

20. Ulla vhleha ma! nana moma ka hvch iki, micha hvch ishki ita tuklo ka, hvsh im antiashke; ilvppak osh Chitokaka ya im ai achukma ahli yoka.

21. Iki vhleha ma! hvchim vlla vhleha ha hvsh nokowuchi ná; yohmikma im ai ahli la he keyu ahnit, chukvsh iella hinla yoba ká.

22. Yuka vhleha ma! hvchi haknip i nahullo vhleha ha nana puta ka hvsh im antiashke; nishkin pisa toksvli hatak ak o yukpali chohmi keyu, chukvsh achufa ai apissali hosh Chihowa ya hvsh i nukshoyupashke.

23. Yohmi kvv nan toksvli nana ho hvsh yvmihchikmvt, chukvsh ai ahlit Chitokaka pulla, micha hatak keyu ho hvsh i yvmihchashke.

24. Chitokaka yak o ai isha he ai vlpesa isht hvchim vlhtoba he vt hvsh ithaiyanashke: Chitokaka Klaist ak o hvsh in toksahanli hokvt.

25. Amba kvna hosh nan ik vlpeso yohmikmvt, nan ik vlpeso yohmi tuk ak osh isht im vlpesa hi oke: iti shahsholichit kvna kia im anukfilli kvv iksho hoka.

CHAPTA IV.

Nan i shahli vt nana a kaniohma he vlpesa ka achi, 1. 2 Uba a sihjla bilia he im achi; 5 chvch ik ibafoko itanowa ka nan vlpesa bievvt im itvnohwa he; 10 nana ka i shahlit mahaya he ahnit im achi.

1. I NAHULLO vhleha ma! hvchi yuka vhleha nan isht im vlpesa, micha nan isht im itilavi aiena ka hvsh

umashke; micha hvchishno ak kia hvchi shahli hvv vba yakni binili ka hvsh ithaiyanashke.

2. Anumpa ilbvsha anumpohonlit, yummak ash o ai okchvt yak oke hvsh ahānashke.

3. Yohmi mak inlit Klaist im anumpa luma yatok, micha yumma pulla kak o sa talakchi ak inli tuk vt isht anumpuli la he, okhissa ya Chihowa yvt pin tiwa hi a, isht hvsh anumpohonli mak inlashke.

4. Yumohmi ho anumpuli la he vlhpesa hatuk vt, otvninchi lashke.

5. Kocha ai asha ka i hopoyuksvt itvnowvt, nitak ik hvchi kvnio hosh nan isht hvsh il im ahantashke.

6. Hvchim anumpa puta kvv Chihowa nan isht i kana ai ibafoyuka biekvt hvpi ho isht yummashke; yohmi hosh kaniohmit hatak puta anumpa falama ka hvsh ima he vlhpesa kvv hvsh ithaiyana hoke.

7. Nana vma kaniohmi ka Tikikvs, ilvppvt itibapishili holitopa, micha vbanumpa isht vta ai ahlit, micha tishu sa bika Chitokaka ibafoyuka yak osh hvchim anola chi hoke.

8. Yumvt yumohma chi kak o hvchi pila li tuk: yohmi ka nana hvchim a kaniohmi ka akostininchi cha, hvchi chukvsh a hopohlva chi kak atuk;

9. Micha Onesimus itibapishi li ai ahli holitopa, yumvt hvchishno ak inli ka aieninchit hvchi pila li hatuk. Yummak osh nana moma ilvppa a kaniohmi ka hvchim anola chi hoke.

10 Alistakvs, svbai yuka yvt pit hvchi aiokpvchishke: micha Makvs, Banabas in tek ushi mvv pit hvchi aiokpvchishke; yummak oka isht anumpa vlhpisa ha hvsh ishi tuk vt hvchim onakma, hvsh aiokpvchashke.

11. Micha Chisvs, yumvt Chvstvs hohchifo hvv pit hvchi aiokpvchishke; yakohmi kvv hakshup tupa yoke. Ilvppak illa hosh Chihowa im apelihoodika a svba toksahanli yosh nan isht sa hopohhla yatuk oke.

12. Epafias, yumvt hvchishno mak inli, Klaist in tishu hosh pit hvchi aiokpvchishke, micha Chihowa nan ai ahni moma ka a kvllot ai ahli hvsh hikia hi a anumpa ilbvsha achunanchit isht hvchi anumpohonli bilia yoke.

13. Hvchishno, micha Laotisea ai asha, micha Hielapolis ai asha aiena ka hvchi anukfihinli fehna ka im atokowa anoli sia hoke.

14. Luk, alikchi holitopa, micha Temas, ita tuklo kv̄t pit hvchi aiokpvchishke.

15. Itibapishi v̄hleha hv̄t Laotisea aiasha, micha Nimfas, micha in chuka chvfa chvch ai asha aiena ka pit hvsh aiokpvchashke.

16. Micha holisso ilv̄ppa hvsh it im anumpulikm̄vt, anonti Laotisea chvch ak kia ai it anumpa hi a hvsh apesashke: mikm̄vt holisso Laotisea a minti ak kia hvsh it im anumpulashke.

17. Micha Achippvs a Chitokaka yak o v̄banumpa isht ai vtta ish im ai eshi tuk vt ahah! ahnit ish ai ahlichashke, hvsh im achashke.

18. Uno svbbak ak inli ho Pal sia hv̄t pit isht hvchi aiokpvchi lishke. Sa talakchi ka hvsh ithaiyanashke. Isht i kana yv̄t hvch anukfoyukashke. Amen.

HOLISSO VMMONA PAL VT

CHUCH HLESSALONIKA

A HIKIA HO I HOLISSOCHI TOK.

CHAPTA I.

Chuch Hlessalonika a hikia ka ithanvt vba isht anumpohonlit yak oke im ai ahni, 1 ; 5 mihmvt Chihowa anukfoyuka ahli ahnit i yimmi kvv isht anumpuli.

1. PAL, micha Silfanvs, micha Timohlivs aiena kvv Hlessalonian chuch Iki Chihowa, micha Chitokaka Chisvs Klaist ibafoyuka ya pit hvchi aiokpvchi kvv, Piki Chihowa micha Chitokaka Chisvs Klaist ita tuklo nan isht i kana, micha nan isht it i nanaiya ita tuklo kvv hvchi anukfoykashke hvchim ahnishke.

2. Anumpa ilbvsha il anumpulikmvt, e hvchi anohonlit, Chihowa ya yak oke hvsh moma ka isht e hvchim ahani hoke ;

3. Pin Chitokaka Chisvs Klaist ibafoyukvt na hvchi yimmi kvv na hvsh yvmihchi, micha na hvsh i hullo aiena kvv na hvsh toksahanli, micha ai okchaya pisa he ahnit nuktaiyalvt hvsh achunanchi aiena ka Chihowa Piki itikba ya ithaiyanvt e bilia hoke :

4. Micha itibapishi li vhleha ma ! Chihowa i holitopvt im ai vlhtoka hvchia ka il ithaiyana kak oke.

5. Pim vbanumpa hvv anumpa illa hosh hvchim aya tok keyu, amba nan isht ai ahli, micha Shilombish Holitopa ai

itibafoyuka aiena na na hvchi yimmi fehna tok ; yvmohmit hvchishno ak atuk mak o kaniohmit hvchi takla il aya tok a hvsh ithaiyana ak inli hoka.

6. Yvmohmi cha nan isht ai ilbvsha lawa kia, Shilombish Holitopa ai yukpvt vbanumpa ha hvsh aiokpvchi cha, pish no, micha Chitokaka ya im antia hvsh toba tuk oke :

7. Yvmohmi hokvt na yimmi moma Masetonia, micha Akaia aiena ai asha kvv im ai ithvvtvvt iakaiya hi o hvchia hoke.

8. Hvchishno ak o mvhli ho Chitokaka im anumpa an-noa kvv Masetonia, micha Akaia ak bano keyu, amba kani-ma moma kak kia, Chihowa hvsh i yimmi kvv annovshke ; yohmi ka pishno vt nana il acha he vlvpesa keyu hoke.

9. Micha yvmma chohmi puta kak osh pi anoli kvv, kaniohmit e hvch iba chukowa tok ; micha kaniohmit Chihowa ahli okchaya ya hvsh im antia chi hosh, na holba ya i filvmmitt Chihowa hvsh im ona tuk a anoli hoke.

10. Yohmi cha Ushi Chisvs vt illi tuk a falaminchit tani-chi tok a, mihi yosh vba yakni minta chi ka hvsh hohoyo ka, yvmmak osh nan isht i nukkilli minti ka pi ahlakofichi tok mak oke.

CHAPTA II.

vbanumpa hvv kaniohmit Hlessalonika ya ai anuhumpa ma, kaniohmit okla aiokpvchi tok a anoli, 1 ; 18 pisa ka bvonna fehna, yohmi kia nana hosh kaniohmi kak o ik im ono kvv anoli.

1. ITIBAPISHI li vhleha ma ! hvchishno ak kia kaniohmit e hvch iba chukowa ma, yvmmvt pilla tok keyu ka, hvsh ithaiyana hoka :

2. Yohmi ka tikba ka pilbvsha, micha Filippi okla hvv pi hofahyali aiena tok a hvsh ithaiyanvshke ; yohmi ha ya pin Chihowa pulla ho a nukwaya keyut, achunanchit a lushummit vbanumpa ha isht e hvchim anumpohonli tok.

3. vbanumpa isht e hvchim anumpohonli kvv, anumpa yoshubli, micha chukvsh litehli, micha i kostinit haksichi atok keyu hoka :

4. Amba Chihowa ak osh vlpesa ahnit vbanumpa ha pibbak fohki tok oka, yvmohmit il anumpuli hoke: hatak ak o e yukpali keyu, amba Chihowa pi chukvsh a pisa yak oke.

5. Micha nitak nan ash o na fehvchit il anumpuli tuk keyu, nan isht ahayuchi bvna hosh, nan il ilahobi ha tuk keyu ka hvsh ithana hoke: Chihowa mvt pisa yoke.

6. Micha hatak ak o a holitopa e hoyo tuk keyu, hvchishno, micha inla yak oh kia tok keyu, Klaist im apostel pia hv hvchi wekit na hvch im a hoyocha he vlpesa kia, e yvmohmi tuk keyu.

7. Amba hvchi takla il ashwa mvt, ik kullot, vlla ilauei vt ipetvt hofantichi chatuk a e chohmi tuk oke:

8. Yvmohmi hosh hiahnit e hvchi palata fehna hokvt, vlpesa ahnit Chihowa im anumpa ak bano keyu, amba pimi shilombish ak kia aieninchit e hvch ima hinla tuk, hvsh pi holitopa fehna hoka.

9. Itibapishi li vhleha ma! toksahanlit hoyvblit pilbvsha tok a hvsh ithana hoke; achvfona kia e hvchi weka chi keyu kv, ninak, micha nitak, aiena ka toksahanlit Chihowa im anumpa ha isht e hvchim anumpohonli tok.

10. Hvchishno, micha Chihowa ak kia kaniohmit chukvsh kashofvt ai vlpiesa, micha anumpa onvtula he iksho ho na yimmi vhleha hvchia ha hvchi takla il ashwa tok a atokolit pi anoli hvchia hoke.

11. Atohnochit, micha hopohlvlit iki yosh im vlla im anumpuli ak inli ho e chohmi tuk a hvsh ithaiyana,

12. Yohmi hokvt vba apehlichika holitopa ya hvsh esha chi ka, Chihowa, yvmak osh hvchi hoyo tuk a, hvsh im ai ahla he ak atuk.

13. Chihowa im anumpa ha hvsh pi haponaklo mvt, im anumpa nana ho chohmichit hvsh ishi keyu kv, amba ai ahli hoka, Chihowa im anumpa hoke, yvmvt na yimmi hvchia puta ka ai ahli hvchi atahli tuk ilvppa pulla aiena kak o Chihowa ya yak oke il im ahni kv, il issa keyu hoke.

14. Itibapishi li vhleha ma! hvchishno vt Chihowa in chvch puta Klaist ibafoyuka hosh Chutea aiasa ka, iakai-

ya hvsh toba tuk oke; hvchishno ak kia Chu okla hv^t yvmihchi tok a, hvchim okla hv^t chohmichit hvch ilbvshali tok oka:

15. Yvmmvt Chitokaka, micha ilap i hopaii puta atuk ak kia vbi tok osh, pishno ma pilbvshali tuk oke: mihmvt Chihowa yo yukpali keyu mvt, hatak moma ka im inla hoke:

16. Il im anumpuli na Chentail vt okchaya chi ka pim alvmmi hoke; ilap nan ashvchi alotola chi kak osh yvmohmi bilia chatuk okvt, nan isht i nukkilli vt onvtula kv^t ont im ai okluha hoke.

17. Yohmi ka itibapishi li vhleha ma! nitak ik hopako ka nashuka yokvno hvchi filvmmichit pi ai ishi tuk, chukvsh ak okvno keyu, yvmohmi ho isht i shahli fehvt hvchi nashuka ya pisa pi bvna fehna tuk oke.

18. Yvmohmi kak osh himonna, micha a tukla foka ka e hvchim ona he, Pal fehna sia hv^t vm anukfila tuk; yohmi tuk kia Setan vt pi ataklvmmi tok.

19. Yohmi ka nanta hak o il isha he il ahni ho? nanta hak o isht pi aiyukpa yo? nanta kak osh pim iachuka isht pi aiyukpa yo? Pin Chitokaka Chisvs Klaist vt vlakma itikba ya hvchishno yak a he keyu?

20. Hvchishno ak o isht pi a holitopa, micha isht pi aiyukpa yoka.

CHAPTER III.

Timohli a pit i pila kv^t Tlessalonian a i hullo; micha nan ai vhlpiesa ho okla yvmohmi ka isht yukpa kv^t, otvⁿnichi hatok, 1; 10 vba isht anumpohonli, micha im ona hi a ahni fehna aiena.

1. YVMOHMI hoka pi nuktaiyala he keyu kit taha mvt, Ahlens a pishno bano hosh il ashwa he vlpesa il ahni tok.

2. Micha Timohlivs, pitibapishi, Chihowa nan isht im vta, Klaist im vbanumpa a piba toksuli, vt hvchi ai yimmi ka ya a hvchi hlampkohonchit hvchi hopohlva chi ho, e pila tuk oke:

3. Yohmi na hatak kvna kia nan ai ilbvsha yakohmi ka isht ik a shanaiowo kashke; hvchishno ak kia yakohma hi vt isht pim vlpisa tok a hvsh ithanvshke.

4. Hvchi takla il ashwa mvhli mvt, nan isht ilbvsha ya e pisa hi vt tikbanli hvchim anoli tok fehna kvv ant ai yvmohmi tuk a, hvsh ithaiyanvshke.

5. Yakohmi kak o sa nuktaiyala he keyu kit taha mvt, na nukpvlichit vt kaniohmit haksichi tuk yoba ka, yohmi na e toksvli tuk vt peh pilla na, ahni li hosh, hvchi ai yimmi ka akostininchi la chi hosh pila li tuk oke.

6. Yvmohmi tuk kia himak vno Timohlivs vt hvchi a kohchvt pim vla cha, a hvchi ai yimmi, micha hvsh itj hullo annoa achukma ka isht pim vla, mihma hvsh pithaiyana a bilia, hvchi pisa pi bvna ka, hvchishno mvt pi pisa hvchi bvna fehna ak inli tuk a, e haklo tuk oke.

7. Yvmohmi kvv itibapishi li vhleha ma! a pilbvsha putvt nana kvv pim atukonofa kia a hvchi yimmi ka pulla kak o isht pi a hopohla tuk oke.

8. Chitokaka ya ibafoyuka kvllot hvsh hielikma, himak a pi okchaya mak okvt.

9. Hvchishno pulla kak o pin Chihowa itikba ya na yukpa puta isht pi aiyukpa kvv, yak oke ahni katiohmi ho hvchishno pulla kak o anonti Chihowa ya il ima hinla?

10. Ninak, micha nitak moma anumpa ilbvsha achunan-chit il asihihla kvv, yummvt hvchi nashuka ya e pisa cha, na hvchi yimmika yvt nan ik ai ono ketuk a il ai ahlichia he ak oke.

11. Yohmi ka Chihowa ilap vt Piki, micha pin Chitokaka Chisvs Klaist vt il atia chi ka apissvlichit pisht hvchim onashke.

12. Micha Chitokaka yvt hvsh it i hullo ka i shahlit isht ia, micha hatak moma hvsh i hullo ka i shahlit isht ia, a chinto ka hvchim ahnashke; pishno e hvchi hullo ka hvsh chohmashke:

13. Yvmohmi ho pin Chitokaka Chisvs Klaist vt vbanumpa yimmi puta pehlichit vlakma, nan asbvchi ikshot,

anumpa hvchi onvtula keyut, Chihowa, Piki mak o itikba ya hvsh hiela hi o, mihi yosh hvchi chukvsh a hlampkohon-chashke.

CHAPTA IV.

Chihowa anukfoyuka kv̄t i shahlit mahaya hi a atohnohonchi, 1 ; 9 iti hullo, 11 nuktanlv̄t ilap nan isht ai v̄tta he tok akbano ho abni ; 14 illit falamv̄t tani, mikm̄v̄t anonti Klaist v̄t minta hi a isht anum-puli.

1. YUMOHMI ka anonti itibapishi li v̄hleha ma ! Chitokaka Chisvs puyulla ho isht e hvchim anumpohonli kv̄t, yummv̄t kaniohmit ayv̄t Chihowa ya hvsh yukpala hi osh hvsh pi a haponaklo tok v̄t, yvmohmit chitot isht i shahli fehv̄t hvsh mahaya he ak o e hvchim asilhv̄shke.

2. Chitokaka Chisvs pulla ho anumpa v̄lh̄pisa nana ho e hvch ima tok a hvsh ithaiyana hokv̄t.

3. Nan ashv̄chi ik hvchim iksho ilv̄ppak osh Chihowa im anukfila hoka, yummv̄t na havi hvchik ahalaio ka he ;

4. Micha hvsh moyuma kv̄t nan ashv̄chi iksho, micha holiobli hosh, kaniohmit im ai v̄lhto ya iesha he v̄t ithana hi ak oke.

5. Haknip nan ai ahni isht havi toba keyu hosh, Chentail v̄t Chihowa ik ithano ka ik chohmo kashke :

6. Hatak nana kia atablit itibapishi ha nana hoh kia ik haksecho kashke ; Chitokaka yv̄t yumma chohmi ka im apesv̄t na hotopa onocha he oka, yumma chashpo ma ahah ! hvsh im ahna he, atokolit e hvchim anoli tok.

7. Chihowa yv̄t a litcha yo a pi atokoli tok keyu, amba nan il ai ashv̄chi iksho ka hi ak atuk oke.

8. Yvmohmi ka kv̄na kia shitilemakm̄v̄t, hatak o shitilema keyu, amba Chihowa yummv̄t ilap Shilombish Holitopa ya pima tok ak oke.

9. Amba itibapishi it i hulla he imma hokv̄no isht hvchi holissochi la hi a hvsh ahna he keyu : hvchishno ak inli hosh it i liulla hi okv̄to Chihowa yak o hvsh im ai ithv̄na tuk oka.

10. Yohmi kv̄t il itibapishi moma Masetonia moma ai asha ka hvsh i yvmohmi mv̄hli hoke : yohmi kia il itibapishi v̄hle-

ha ma! isht i shahlit hvsh mahaya hi ak o e hvchim asilh-hvshke.

11. Micha na fehna ahnit nuktaiyavt, nana ilap isht ai vttta he bieka ho yvmibchi, micha ilap ibbak ak inli ho isht toksahanla hi ilvppak o e hvchim apesa tok ak oke:

12. Yvmohmi hosh kocha asha ka ai vhpiesa ho hvshi i yvmohmi cha, nana kia ik hvch im ono kvv iksho kashke.

13. Yohmi kia itibapishi li vhleha ma! nusi vhleha ak okvno hvch ik im ithano ka he ahni li keyu, inla yvt nana ai okchaya pisa he ik ahno yo, chohmit ik hvchi nukhaklo ka he ak oke.

14. Chisvs vt illi tuk osh falamvt tani tok a pi yimmi hokma, yvmmak inli ho chohmit kvna hosh Chisvs a ibafoyukvt nusi tok okvno Chihowa hvv iba tanicha hi oka.

15. Chihowa im anumpa pulla ho ilvppa e hvchim achi hoka, yvmvt Chisvs vt vlakma, pishno vt pi okchayvt il asha tuk vt, nusi tok a il in tikba he keyu hoke.

16. Chitokaka yvt ilap ak inli hosh na shakapa, enchil i miko im anumpa ola, micha Chihowa im isht pufa chinto ohonla ho a pehliechit vba mintit vla hi oka; mikma Klaist a ibafoyukvt illi tuk vt tikba tana hi oke.

17. Yohmi mak inli ho pi okchayvt il asha kvv, hoshonti ataya shutik takla Chitokaka ya il ai afama chi ka, yvmmak ash aieninchit pisht ia hi oke: yvmohmi ho Chitokaka takla ya il asha na bilia hi oke.

18. Yvmohmi hoka, anumpa ilvppa puta kak o isht hvsh it i hopohlahanlashke.

CHAPTER V.

Nan vhpiesa chinto nitak a kaniohmit Klaist vt vla he anoli, 1; 12 nan im avvchi, micha nana ka achukma he bano ho ahnit, apesahanchi puta ka holitobla he i miha; mihmvt nan inla isht ai im avukfila he vhpiesa ka aieninchit achi.

1. YOHMI kia itibapishi li vhleha ma! himak a pilla nitak nan a kaniohma he puta imma hokvno isht hvchi holis sochi la hi a hvsh ahna he keyushke.

2. Chitokaka i nitak vt hukopa yosh ninak o aya ho chohmit vla hi okvno, hvchishno ak inli kvv hvsh ithana fehna hoka.

3. Achukma bieka, tvnvp vt iksho, okla ahanchikma, yoh mikmak o yohma chi ik ahno takla ho na palvmmi kvv onvtula kvv, ohoyo vlla esha chi kvv nukhvmi ka chiyuhma hi oka; mikma hlakofa he keyu hoke.

4. Yohmi kia itibapishi li vhleha ma! hukopa yo chohmit nitak yvmmvt hvchi sakka chi ka, ai okhlilika yo hvsh aya keyushke.

5. Hvsh moma kvv atohwikeli ka im vlla hvchia, micha nitak im vlla hvchia hoke; ninak, micha ai okhlileka yo pia keyu hoke.

6. Yvmohmi ka inla yo chohmit ik hvpi nuso kashke; amba okchvt ahah! il ahnashke.

7. Kvna hosh nusi hokvto ninak ak o nusi; mikma nan ishkot haksi hokvto ninak ak o haksi hoka.

8. Amba nitak o pia hokvto ahah! ahnit, na yimmi ikkishi alata, micha nan i hullo ma isht hvsh foyuka, micha noshkobo isht ompoholmo ai okchaya pisa he ahni ya il ieshashke.

9. Ohihowa yvt ai i nukkilli yo a pim apesa tok keyu, amba pin Chitokaka Chisvs Klaist pulla ho ai okchaya il isha chi hatok oka.

10. Yvmmvt pi vltobvt illi tok, yohmi ka pi okcha hokma, pi nusi hokma, nana kia iba takla il ahanta hi atok.

11. Yvmohmi hoka hvsh yvmohmi ak inli hatuk vt, it im anumpulit iti hopohlahanlit, hvsh iti hlampkohonchashke.

12. Micha itibapishi li vhleha ma! hvchin toksahanlit, Chitokaka pulla ho hvchi pehliechit, ahah! hvsh ahna he hvchi anukfohki ya, hvsh ithaiyana he;

13. Micha toksahanli pulla kak o holitoblit hvsh im anukfilli fehna hi a e hvchim asilhvshke. Micha hvchishno bika hvsh it i kanashke.

14. Yohmi ka itibapishi li vhleha ma! ilapunla yvt isht im ahleka hinla ka hvsh im anoli, chukvsh ielli ma hvsh hopohlahanlit, chukvsh ik hlampko hvsh hlampkohonchit,

hatak puta ka chukvsh isht hvsh i nuktaiyala he ak o e hvchi nukfokishke.

15. Yohmi ka hvsh ahni na kvna kia nana ik achukmo ka nana ik achukmo mak inli ho hatak nana kia ik i yvmihcho kashke; amba hvchishno ak inli, micha hatak puta ka isht im achukma kak o hvsh iakaiya na biliashke.

16. Hvchi yukpa na biliashke.

17. Anumpa ilbvsha hvsh anumpuli kvv hvch ik isso kashke.

18. Nana puta ka yak oke, hvsh ai ahnashke; Klaist Chisvs pulla kak o Chihowa hvv ilvppa hvchim ai ahni hoka.

19. Shilombish g hvsh mosholichi na.

20. Shilombish anukfoyukvv anumpuli ka hvsh shitilema na.

21. Nana moma ka imomaka hvsh pisashke; nana kvv achukma ka kvvlochit hvsh ieshashke.

22. Nana ik achukmo ahomba moma ka ik hvchi ahalaio kashke.

23. Mikma it i nanaiya yvv a mihinti Chihowa ak inli hosh ai oklvhchit hvchi kashofashke; micha Chihowa ya im asihhla li kvv, hvchi shilombish, micha hvchim anukfila, micha hvchi haknip aiena kvv anumpa onvtula ikshochit hvchi ieshit, pin Chitokaka Chisvs Klaist vt ai vla hi g hvch isht onakbano ai ahni lishke.

24. Nana miha kvv ai ghlichy yosh hvchi hoyo kvv, yvm-vvv yvmihcha chy ak inli hoke.

25. Itibapishi li vhleha ma! anumpa ilbvsha isht hvsh pi anumpohonlashke.

26. Hvsh itibapishi puta ka suksowa holitopa yo isht hvsh ai okpvchashke.

27. Chitokaka pulla ho holisso ilvppa il itibapishi holi-topa vhleha ha hvsh im it anumpohonla he ak o hvchi miha lishke.

28. Pin Chitokaka Chisvs Klaist nan isht i kana yvv hvchi anukfoyukashke. Amen.

HOLISSO ATUKLA PAL UT

CHUCH HLESSALONIKA

A HIKIA HO I HOLISSOCHI TOK

CHAPTA I.

Hlessalonian okla hut vbanumpa anukfohka ai ghli ahnit yiramit miha, 1; 7 nan i pulammit maya ka vba afoha he isht hopohlanli; mihmvt nana kv̄t isht ai vhlpiesa ho nan vhlpisa pulammi kv̄t i nukkilli vhleha ha onvtuyula he isht miha.

1. PAL, micha Silfanvs, micha Timohlivs pia hut Chuch Hlessalonika a hikia Piki Chihowa, micha Chitokaka Chisvs Klaist ibafoyuka ka pit il aiokpv̄chi kv̄t,

2. Piki Chihowa, micha Chitokaka Chisvs Klaist ita tuklo nan isht i kana, micha isht it i nanaiya ita tuklo kv̄t hv̄chi anukfoyukashke, e hv̄ch im ahnishke.

3. Hv̄chi ai yimmi ka yvt chitot isht i shahli fehna, micha hv̄sh moma kv̄t hv̄sh it i hullo kv̄t laua fehna hoka, itibapishi li vhleha ma! isht ai vhlpiesa ho hv̄chishno pulla kak o Chihowa ya yak oke il im ai ahni na bilia hi atuk oke:

4. Yvmohmi kv̄t pishno vt ai ilbv̄sha, micha na palv̄mmi puta aiena kv̄t hv̄chi onvtuyula kv̄t, hv̄chi nuktaiyalvt, na hv̄chi yimmi kak o, Chihowa in chuch puta ka a hv̄chi anolit isht e hv̄ch ilauata hoke.

5. Yvmmak okvt Chihowa hut ai vhlpiesa apesvt onochi ka isht otvni, yohmi ho Chihowa im apehlichu ka ya hv̄sh isha he vhlpiesa ka hv̄chi ahna hi atok, yvmmak a he mak o hv̄ch ilbaiyv̄sha hoka.

6. Chihowa hvt hvch ilbvshali ya i falaminchit na palvmmi ho onocha hi vt vvhpesa ;

7. Micha hvchishno vt hvch ilbvsha kvv, hvsh pibafoha hi a hvchim ahna hi vt vvhpesa hoka, nitak yvmma fehna Chitokaka Chisvs vt enchil hlampko puta ka il ai eshit,

8. Uba mintit luak libbi biekvt haiakvt, Chihowa ik ithano, micha Chitokaka Chisvs Klaist im vbanumpa ik im antio aiena ka isha he vvhpesa mak o im apesvt onochikma ;

9. Yvmmak okvt Chitokaka, micha nan isht im ai ahli holitopa itikba ai i filvmmi na palvmmi a bilia isht im vvh-tobvt ilbvsha he ;

10. Yvmmak okvt vla cha, vbanumpa yimmi puta ka isht a holitopa he, mikma i yimmi puta kvv okokko ! ahnit aiokpahancha he nitak yvmmak ok mak o yakohma he, atokolit il anoli tok a hvchi yimmi tok oka.

11. Yvmohmi hoka anumpa ilbvsha isht e hvchim anum-pohonli na bilia kvv, pin Chihowa yvt nan isht ilaiyukpa ilvppak ash hvsh isha hi a vvhpesa hvchi ahni cha, ilap nan isht i kana aiokpancha he achukma moma, micha ai yimmi a toksvli nan isht im ai ahli aiena ka isht hvchim atahli hokbano il ai ahni hoke.

12. Yvmohmi ka pin Chitokaka Chisvs Klaist hohchifo hvt, hvchi a holitopakma, pin Chihowa, micha Chitokaka Chisvs Klaist nan isht i kana pulla ho yvmmak ash hvchi a holitopashke.

CHAPTA II.

Nan ai ahli ya a kvllot iesha hi a i miha ; nan ai ahli laua kvv ai i filvmma he, mikma Klaist i sanali vt Chitokaka yvt ik lo kisha ka, otaiyana hi a anoli ; 16 vba isht anumponli.

1. YOHMI ka itibapishi li vvhleha ma ! pin Chitokaka Chisvs Klaist vt vla he, micha il im itvnaha he ak o isht e hvchim asilhvshke.

2. Yohmi ka chekosi, shilombish tikbanli anoli yokma, vbanumpa tosholi yokma, pi holisso hak okma, nana hob

kia Klaist i nitak vt auet olanlosi hvchi chohmit, hvchim anukfila hvv ik shanaïowot ik hvchi komunto kashke.

3. Hatak nana kia kaniohmit ik hvchi haksecho kashke: vbanumpa hã i filvmmmit ik ashokisha, micha nan okpuni ushi, hatak nan ashvchi yvmmvt ik haiako kisha ka, nitak yvmmvt vla he keyu.

4. Yvmmak okvt Chihowa hohchifo, micha i shahli ikbit aiokpvchi puta ka i sanalit ile chahvchit, il i shahlichy yoke: yohmi hosh yvmmvt Chihowa chohmit, Chihowa in tempel a binilit, Chihowa ile mihvt ile haiakvchi hoke.

5. Hvchi takla anta li moma mvv, ilvppa puta ka hvchim anoli li tok a hvch ik ithaiyano hõ?

6. Yohmi ka himak ano nitak vt im vlvpiesakmvv otvna hi a, nana hosh halvli ka, hvsh ithaiyanvshke.

7. Na luma chito ik vlvpeso yvt tovt isht ia mashko hoke: himak a halvli kvv halahanla chi; atuk o yvmmak ash o ishit i kanvlichik mak a hi oke.

8. Mikma yohmikmak o nan ashvchi yvmmak ash ot otvna hi oke; yvmmak oka Chitokaka yvt itih ilhfiopak isht illichy he, micha sholpakali hosh ant haiakakmvv, yvmmak ash o akshocha hi oke.

9, 10. Yvmmak okvt Setan nan akaniohmi yo iakaiya kvv, nan isht im ai ahli, nan isht atokowa puta, micha na holabi isht nukhlakanha, mikmvv nan ik vlvpeso isht yoshubli aiena hõ il ai ishit illi na bilia he puta ai itin takla ya avvt otaiyani yvmmak a he oke; okchaya hi atuk kia vbanumpa ahlika ya holitoblit ik yimmo tok okvt.

11. Mikma yakohmi kak o Chihowa yvt nan isht a yoshuba kvvlo kvv ik onvtula im ahni na na-holabi kia i yimma he:

12. Yvmohmi pulla hosh anumpa ahli ik yimmo hosh, amba nan ik vlvpeso aiokpanchi tuk vt momvt nan im vlvpisvt na hotopa hi atok.

13. Yohmi kia itibapishi li Chitokaka i holitopa hvchia ma! hvchishno pulla kak o Chihowa ya yak oke il im aiahnit bilia he vlvpesa hoke. Shilombish isht a kashofa, micha anumpa ahli yimmi pulla hosh hvchi okchaya he ai vmona ka hvchi atokoli tok oke:

14. Yummak a hi o pin Chitokaka Chisus Klaist isht a holitopa ya hvsh isha hi a, yummak ash ot pim vbanumpa isht hvchi hohoyo tok oke.

15. Yvmohmi hoka itibapishi li vhleha ma! kvllot hvsh hielashke, micha anumpa vlhpisa puta vbanumpa toshowa hokma, keyukmut pi holisso hokma, nana ho hvsh ai itvna tuk vt hvsh ieshashke.

16. Mikma pin Chitokaka Chisus Klaist ilap inli, micha Piki Chihowa, yvmut pi hullo, micha nan isht i kana pulla hosh chukvsh isht a nuktaiyala bilia, micha nana isha he ahni achukma ya pihima tok vt,

17. Hvchi chukvsh a hopohluli cha, anonti anumpa achukma puta, micha nan toksuli achukma aiena ka isht a hvchi hlampkohonchashke.

CHAPTER III.

Vba isht anumpohonla hi a im a sihlha, 1 ; 6 nan ai vlhpiesa ik shana iowo ka he i miha ; nan in takobi, micha nan ik vlhpeso aiena ka ik ai itapeho ka he, 16 isht aiyopichi kvv vba asihlha.

1. ISHTAIYOPI ka itibapishi li vhleha ma! anumpa ilbvsha isht hvsh pi anumpohonli na Chitokaka im anumpa yvt melihinlit ayvt, holitopa kvv, hvchim ai yvmohmi kak inli ho chohmashke :

2. Yohmi ho hatak ik vlhpeso, micha hatak nan ashvchi atampa aiena ka il i hlakofa he ak o, hatak moma kvv ai yimmi ka ishi keyu hoka.

3. Yohmi kia Chitokaka yvt na mihvt ai ahlichu, yummak osh hvchi hlampkochi cha, nan okpulo ya hvchi a filvmmichit hvch iesha hi oke.

4. Michu hvchishno pulla hokvno Chitokaka ya isht il anukchieto kvv, nana e hvchim apesa tok a hvsh yvmihchi kvv, anonti hvsh yvmihincha chi mak oke.

5. Mikma Chitokaka yvt hvchi chukvsh a apissvlechi na Chihowa ya hvsh i hullo, Klaist atok a chiyuhmit nuktaiyalt hvsh achunanchashke.

6. Yohmi ka itibapishi li vhleha ma! pin Chitokaka Chisus Klaist a hochihifot isht e hvchim apesa kv̄t, itibapish. kv̄na hosh ai v̄lhpesa keyu h̄o aya, micha anumpa v̄lhpesa pim ai ishi tok ak keyu hokv̄no, hv̄sh i filv̄mmashke.

7. Hv̄chishno ak inli kia kaniohmit hv̄sh pi ahobacha he v̄lhpesa kv̄t hv̄sh ithanv̄shke: hv̄chi takla il aghwa mvt, ai v̄lhpesa keyu ka a pi yvmohmi tok keyu:

8. Micha pilla hatak inla i pvska e pa tok keyu, amba nina, micha nitak moma ka toksv̄lit, hoyubl̄it pi palv̄mmi tok, yvm̄mvt hv̄sh kanima kia nana kv̄t ik hv̄chi kv̄nio ka chi kak atok.

9. Yohmi kv̄t e yvmohma he v̄lhpesa keyu nana tok keyu: amba hv̄sh piakaiya hi o e hv̄chim ile haiakv̄chi hatak oke.

10. Hv̄chi takla il aghwa mvt kv̄na kia toksv̄la he keyukmvt impa he v̄lhpesa keyu, ilv̄ppak oka e hv̄chim apesa tok.

11. Kanimi kv̄t hv̄chi takla ai v̄lhpesa keyut aya mvt, toksv̄la he keyu kv̄mohmit, nan isht ahalaia keyu kia isht v̄ttvt fullokahanchi ka e haklo hoka.

12. Yv̄mma chohmi puta kv̄t nuktanlv̄t ahanlv̄t, toksv̄lit, ilap i pvska vpa he ak o im apesvt, pin Chitokaka Chisus Klaist puyulla mak o il in tonohonchishke.

13. Yohmi kia itibapishi li vhleha ma! nana achukma ka hv̄sh yvmohmi kv̄t ik hv̄ch in takobokashke.

14. Micha hatak nana hosh pim anumpa holisso ilv̄ppa ik im antiokma, yohmi hv̄sh ahni cha, takla hv̄ch ik ayo ki hofahyashke.

15. Yohmi kia hv̄chin tv̄nvp o ahnit hv̄chik anukfillo hosh, amba itibapishi h̄a chohmichit nana hv̄sh i mihashke.

16. Chitokaka it i nanaiyuchi ilap ak osh ik kaniohmi kia isht it i nanaiya ya hv̄ch ima na biliashke. Chitokaka yvt hv̄sh moma ka hv̄ch ibafoyukashke.

17. Pal sia hv̄t sv̄bbak fehna h̄o isht hv̄chi aiokpv̄chi li ka, yvm̄mvt a holisso puta ka isht ithv̄na mak oke: yakohmi h̄o holissochi lishke.

18. Chitokaka Chisus Klaist nan isht i kana yvt hv̄sh moyuma ka hv̄chi anukfoyukashke. Amen.

HOLISSO UMMONA PAL VT

TIMOHLI YA

I HOLISSOCHI TOK.

CHAPTA I.

Timohli a pit aiokpvchi, mihmvt nana ka isht atokoli tok vt isht i ruihiha, 1; 5 nana ho isht ai vlpiesa hosh nan vlpiesa yatuk a anoli; 11 ilap vbanumpa nukfoka tok vt anoli.

1. PI Okchalinchi Chihowa, micha ai okchaya bilia e pihisa he ahnit il anukchieto, Chitokaka Chisvs Klaist ita tuklo ka im anumpa pulla ho, Chisvs Klaist im apostel Pal vt;

2. Nan ai yimmi pulla ho svso fehna Timohli ya pit aiokpvchi hoke; Isht i kana, isht i nukhaklo, micha isht it i nanaiya aiena kvv Piki Chihowa, micha pin Chitokaka Chisvs Klaist ita tuklo ka a mihinti kvv chi anukfoyukashke.

3. Masetonia ya ia li mvt, Efesvs a ish anta cha, kvna kia nana inla isht ik abacho ka chi ka,

4. Mikmvt anumpa ik ahobo, micha in tikba ai unchululit isht auehinchi isht annoa ataha iksho, yvmmak okvt Chihowa holitobli nan isht ai yimmi i shahlichit nukfohkicha he keyu hosh, iti posilhhvchit ai asha hi a anukfohkichi yvmmak oka isht ik ahanto ka chi ka, ish im apihisa he chim ai ahni li tok a, ish yvmihchashke.

5. Uba nan vlpiesa yokvto chukvsh kashofa, micha im anukfila achukma, micha na-yimmi ai ahli aiena hosh it i hulla he ak o, hoyo hoke:

6. Kanimi kv̄t ilv̄ppa puta kak ̄ i filv̄mmit, naksika ia cha, anumpa nan ik ahobo anumpuli hoh mak osh ;

7. Ilap okv̄t nana h̄o okla miha, miha nana h̄o kv̄llochit miha aiena kv̄t akostininchi keyu kia, v̄ba nan v̄lhpisa ith̄v̄ nanchi ̄ toba b̄v̄nna chatuk oke.

8. Yohmi ka hatak okv̄t ai v̄lhpiesv̄chi hosh isht v̄tta hokma, v̄ba nan v̄lhpisa yv̄t achukma hoka il ithanv̄shke.

9. V̄ba nan v̄lhpisa yv̄t hatak v̄lhpesa yak ̄ in toba tok keyu, amba v̄ba nan v̄lhpisa ik ahninchot ik im antio, Chihowa ik holitoblo, nan ashv̄chi, Chihowa ik im antio, v̄banumpa ik ahobalo, īki puta v̄bi v̄hleha, ishki puta v̄bi v̄hleha, hatak b̄ika v̄bi v̄hleha.

10, 11. Havi puta, kv̄na hosh ilap inli kv̄t nakni b̄ika isht ile litehli v̄hleha, hatak b̄ika h̄ukopa v̄hleha, holabi v̄hleha, anumpa kv̄llo il onochit ik āhlo v̄hleha, mikm̄vt ilap inli isht ilaiyukpa Chihowa im anumpa holitopa, isht v̄m atokowa tok, nan ai āhli yv̄mma ī sanali kia yvmohmi v̄hleha aiena kak atok, ilv̄ppa il ithaiyanv̄shke.

12, 13. Yohmi ka tikba ma v̄banumpa ik ahobalo, miha na yimmi v̄hleha ī palv̄mmihinchi, miha ch̄ukv̄sh hotopahanli sia yatuk kia, ai āhli la he v̄m ahnit, pin Chitokaka Chisvs Klaist mihi yosh sa hlampkohonchi cha, v̄banumpa isht im v̄tta ȳo sa hilechi tok ; yohmi ka nan ik yimmot nan ak ithano hatuk osh, nana ka yvmihchi li tuk osh nan isht ī nukh̄aklo ā ahayuchi li tuk vt, yak oke im ahni lishke.

14. Yohmi ka pin Chitokaka nan isht ī kana yv̄t lāwa fehna hatuk ̄, Klaist Chisvs ai ibafoyuka hosh na sai yimmi cha, nan isht ī hullo li tok oke.

15. Nan ashv̄chi v̄hleha yv̄mma v̄no ak osh moma ī shahli li yatuk ā, okchalinya ch̄i hosh Klaist Chisvs vt yakni pakna v̄la tok, anumpa ilv̄ppvt ai āhli fehna ka v̄lhpesa ahnit, a'okpancha he v̄lhpiesa hoke.

16. Yohmi ka nan ashv̄chi moma ī shahli v̄no yak atuk osh nan isht ī nukh̄aklo yā ahayuchi li tok, ilv̄ppak ̄ himak a pilla ai asha kv̄t yv̄mma ī yimmi cha, ai okchayv̄t bilia isha ch̄i ka, Chisvs Klaist vt v̄no ak ̄ nan isht ahobv̄cha he ak osh ilap nan isht ī sv̄lahvt ī nukh̄aklo yā otv̄nihinya ch̄i ha tok

17. Yohmi ka Miko okchayvt a bilia, illa he keyu, na holhponayo hv̄t pisa he keyu, Chihowa hopoyuksa yak banc kak ̄ ahninchit holitohombli na bilia hosh ik biliá. Amen.

18. Tikba nan atokowa isht a chi anoli kv̄t, tikbalichit isht chi otv̄nihinchi yvm̄mak atuk pulla mak ̄, tv̄shka ḡhli achukma hosh ish tanahampa ch̄i ka, sv̄so Timohli ya nan isht ish ahanta he ilv̄ppa chi atokoli lishke:

19. Ilv̄ppak ash im ai ḡhli achukma kv̄t isht il akostinichi achukma ka ish ieshashke: yakohmit isht il ithaiyana he tuk ash osh kanimi kv̄t kanchi kv̄to, nan ai yimmi ka yash ̄ it a yuhli yoke.

20. Yohmi ka kanimi kv̄t Himenevs, micha Aleksanta ita tuklo kak atuk; yvm̄mvt vbanumpa ik ahobalot nan ik mihacho ka ch̄i ka yvm̄mak ̄ ithv̄na ch̄i ka, Setan ḡ im issa li tok oke.

CHAPTA II.

Hatak moma ka v̄ba isht anumpohonla he, mihm̄vt nana kv̄t kaniohmi kak ̄ yakohma hi ḡ anoli, 1; 9 kaniohmit ohoyo hv̄t shema he: 12 ohoyo hv̄t v̄ba anumpa isht anumpula he keyu, yohmi kia na yimmi ḡhli hokm̄vt, okchaya he.

1, 2. YOHMI hoka nana ish a yvm̄ohma he v̄mmona kv̄t, Chihowa hv̄t hatak puta ka i nukh̄aklo ka yak oke pit im ai ahnit, anumpa ilbv̄sha ish anumpuli kv̄t, Chihowa hv̄t hatak puta i kanvt, miko v̄hleha, micha nan vlhtoka v̄hleha aiena ka hopoyuksiacha he ak ̄ ish im asih̄ihla he chi atohno lishke; yohmi kv̄t Chihowa ya e holitobli, micha hatak nana il ai it i kaniohmi puta kv̄t ḡhli achukma hosh il ahanta hok mak osh pi okchaya takla kv̄t, it i hullot it i kanvt il ah̄ashwa hinla hoke.

3. Ilv̄ppak okvt achukma hoke; yohmi ka pi Okchalinchi Chihowa hv̄t pisa kv̄t ahninchit hoke:

4. Yvm̄mak okvt hatak puta kv̄t vbanumpa ḡhli yoka nukfoyuka cha, okchaya he ak ̄ im aiahni hoke:

5. Yohmi ka Chihowa hv̄t achv̄fa, micha hatak, Chihowa ita tuklo it i nanaiyv̄chi yvt achv̄fa, hatak Klaist Chisvs ak oke.

6. Yvm̄mak okvt moma ka vlhtoba mak osh ilap inlit il

im issa kv̄t, anumpa ḡhli ilv̄p̄vt ont ai vlhpiesakma anohowa hi a tok oke.

7. Yummak atuk mak o apostel, micha vbanumpa isht v̄tta ita tuklo ka si vlhtoka tok oke; yohmi kv̄t anumpa ḡhli, micha na yimmi imma aiena ka Chentail okla im av̄chi sia hosh, holabi keyu hosh Klaist isht anumpa ḡhli mak o anum-puli lishke.

8. Yohmi ka anuktuklo, micha anukhobela aiena iksho hosh, ibbak mvt kashofa achukma bieka hosh vba pit welit, kanima moma ka hatak puta kv̄t anumpa ilbv̄sha ai anum pohonla hi ḡ im ai ahni lishke.

9. Anonti yummak ash inli hō chiyuhmit, ohoyo puta kv̄t ilefoka ai vlli chito, p̄vl, tv̄li holisso lakna aiena ka isht ik shemo ka he, micha p̄ashi aiena ka yikyuachit ik shemacho ka he; amba im anukfila puta kv̄t ile oktampilit, hatak ma ik ai okchifelo hosh nuktanlv̄t, ilap isht a shema he ai vlhpiesa ka isht shema he im ai ahni lishke.

10. Amba ohoyo puta kv̄t Chibowa holitobli kv̄t, si anuk-foyuka ahnit il anoli kv̄t, ai yvmohma he vlhpesa, nan isht v̄tta achukma kak o yvmohmashke.

11. Ohoyo hv̄t ai ḡhlit im antivt, lumvt maya hosh nana ka ithvnashke.

12. Yohmi ka hatak ḡ ohoyo hv̄t i shahlit, nana ka im av̄chit ahanta he ak im ahnoshke; amba lumvt ai asha he im ai ahni lishke.

13. Yohmi ka Alvm ak osh If ḡ tikba toba hatok oka.

14. Mihma Setan vt Alvm ḡ haksichi tok keyu, amba ohoyo hak o haksichi na ai ashv̄chika ya yvmohmi tok.

15. Yohmi kia vlla ishi kv̄t okchaya he, yohmi kv̄t na yimmi kv̄t ik isso hosh, i hullo, micha chukv̄sh kashofa hō isht holitoblit, ile oktamp̄li hok mak osh okchaya hi oke.

CHAPTA III.

Bishop, micha ikxa nan isht im v̄tta, micha im ohoyo aiena kv̄t nana hosh im v̄hltaiyaha he, 1; 15 Chihowa in chv̄ch, micha nan ai ḡhli vt ai vl̄v̄chi ka isht im anumpuli.

1. ANUMPA iluppvt ai ahlishe, yohmi kv̄t hatak kv̄na hosh bishop nan ai isht vtta ishi bunnakmvt, nan ai isht vtta achukma hō ishi bunnā hoke.

2. Yohmi ka bishop vt anumpa ik achukmo nana kia onvtula he keyu, tekchi achvfa ī hatak, nana ka ahah ! ahni, ile oktamp̄li, nana a kaniohmi mvt achukma, hatak ik ithano moma ka ī kana, nana im abvchi kv̄t imponna,

3. Oka homi ishko shahli keyu, na fahama keyu, ai vlp̄iesa keyu isht a hofahya he nan isht ahayuchi bunnā keyu ; amba nuktanlv̄t, ik itachowo, tv̄li holisso ī hullo keyu ;

4. Yohmi kv̄t ilap in chuka chvfa yā pehlichī kv̄t imponna, im vlla v̄hleha hv̄t im antia achukma chī ka yopunla keyu hosh im anukfila nuktanla achukma hosh nana im ap̄ihisashke :

5. Yohmi ka hatak in chuka chvfa pehlichī ik ithano kv̄t, katiohmit Chihowa in chv̄ch a apesvchi imponna hinla hō ?

6. Himona v̄banumpuli toba keyu hashke ; yohmi hatuk mvt ilefeh̄nv̄chi isht a wakayvt hikia hokmvt, nan isht ahullo okpulo nan isht ilbv̄sha im v̄lhp̄isa tok a chiyuhmit im v̄lhp̄isa hinla hoke.

7. Anonti v̄banumpuli keyu aiasha im annoa achukma kv̄t ieshashke ; keyukmvt isht a hofahya, micha nan isht ahullo okpulo nan isht haksichi aiena ka pit itula hinla hoke.

8. Anonti chv̄ch nan isht im vtta yvt yopunla iksho hosh im anukfila nuktanla achukmashke, im anumpa tuklo keyu, oka homi ishko shahli keyu, ai v̄lhp̄iesa keyu isht a hofahya he nan isht ahayuchi bunnā kv̄yu ;

9. Nan ai yimma hi vt v̄banumpa a luma hatok a im anukfila kashofa achukma hosh isht ieshashke.

10. Yv̄mmak ash o tikba imomaka pisashke ; yohmi kv̄t anumpa ik achukmo onvtuyula iksho hok mak osh, chv̄ch nan isht im ai vtta yā isht v̄ttashke.

11. Tekchi ak kia yopunla keyu hosh im anukfila nuktanla, hotopali bunnvt na-mihachi keyu, nana ka ahah ! ahni, nana moma ka ai ahlī banashke.

12. Chv̄ch nan isht im vtta yvt tekchi achvfa ī hatak osh,

im vlla vhleha, micha ilap in chuka chvfa yǵ ai vlpiesa hosh pehlichashke.

13. Yohmi ka chvch nan isht im vttā nan-ai isht-vttā isht vttā ai ǵhli yummak osh ilap isht hohchifo achukma ka ishi hoke; yohmi cha Klaist Chisvs isht ai yimmi kv̄t nukwǵaya iksho hosh anukfoykvt ahantvshke.

14, 15. Chekosikma chim ona la ch̄i, ahni li; yohmi kia anta li hopaki hokma, Chihowa im aboha anukaka, yummvt Chihowa okchǵaya in chvch okvt, vbanumpa ǵhli ka in tonik, micha in tolahpi yoka, ish a kaniohma he puta kv̄t ish ithaiyana he mak o, ilvppa puta ka pit ch̄i holissochi lishke.

16. Mikma moyuma kv̄t ilvppa ai ǵhli ai ahnishke; vbanumpa nan otvninchi kv̄t na chinto fehna; yohmi kv̄t Chihowa hv̄t haknip o isht otvnit, Shilombish Holitopa ka isht ai ǵhlit, enchil vhleha hǵ im a haiakvt, Chentail vhleha hǵ isht im anuhumpa tok, mihma yakni paknaka yǵ ai i yihimmi tok o, vba a holitopa ka ik chukowá im ai ahni na pit chukowa tok.

CHAPTA IV.

Nan ai yimmika yǵ i filvmm̄it akakoha hi ǵ tikbanli anoli, 1; 6 nana ka a yvmohma he vlpiesa ka mominchit yvmihcha hi ǵ anumpa vlpisa il aiyukali isht i miha.

1. SHILOMBISH Holitopa yvt otvninchi fehna hosh anoli kv̄t, himak a pilla ka kaniohmi kv̄t vbanumpa yimmi tuk vt issa cha, shilombish na yoshubli im antivt, nan isht ahullo okpulo vhleha imma isht vlvvchi ka yimmit,

2. Nan ilahobi holabi hosh anumpohonli kv̄t, isht il akostininchi mvt tvli lvshpa isht luv̄t yikotvt kv̄nia hatuk osh;

3. Nan-itauwaya im olvbichi, micha ilhpak kaniohmi ka ik po ka he aiena ka im apihisa he; ilhpak yummak oka anumpa ǵhli ithana, micha i yimmi aiena hokvto yak oke ai ahnit, habena he mak o, Chihowa hv̄t ikbi tok oke.

4. Yohmi ka Chihowa hv̄t nana moma ikbi tok ǵ achuk-

ma bano, yak oke ai ahnit habena hokvto, ik ahnincho ka hi g nana kv̄t ikshoshke.

5. Yohmi ka Chihowa im anumpa, micha anumpa ilbvsha ita tuklo atuk mak o yummak ash ot isht a pim vllhpiesa hoke.

6. Ilvppak o itibapishi vhleha hv̄t ithaiyana he mak o ish nukfoiyuki hok mv̄t, Chisvs Klaist im anumpa isht v̄tta achukma chia mak a he, na yimmi, micha nan vlvvchi achukma ita tuklo isht anumpa ka isht chim vlvvchit a chi anukfoiyuka hoke.

7. Anumpa kvllakshi shukanumpa, ohoyo sipokni nan anoli chohmi ka chik ahnincho hosh, amba Chihowa holitoblit isht ahantashke.

8. Haknip nan isht v̄tta isht ai achukma hokvto mishema he keyu hoke: amba Chihowa holitobli nana moma ka isht im ai achukma kv̄t, yakni paknaka nan ai isht ai yukpa, micha yakni inla vla he mihinti ita tuklo ka isht ai yukpa he im issa hoke.

9. Anumpa ilvppvt ai ghli fehna ka, vllhpesa ahnit, ai okpancha he vllhpiesa hoke.

10. Yohmi ka ilvppak osh yohma chi ho, e tokselit pi hoyvblit, isht a hofahya anumpa aiena kv̄t pi onvtohonla kv̄t, Chihowa okchaya ak o il anukchieto ka; yummak osh hatak moma okchalinchi, yumma i yimmi hok mak heno ghli fehna hosh okchalinchi yoke.

11. Ilvppa puta ka im apesvt ish im abahanchashke.

12. Chi himita kak o isht ik chi yukpo kv̄t kv̄na kia ik anto kashke; amba nan ish a kaniohmi, ish anumpuli moma, ish i hullo, chukvsh nan isht ish ai ahni, na chi yimmi, haui imma anukfila iksho, ilvppa puta ka ish yvmohmi pulla na na-yimmi vhleha hv̄t chim ai ithv̄vt chiakaiyashke.

13. Holisso it im annmpulit nan atohnochit, vbanumpa im avvchit isht ish ahanta na ona lashke.

14. Na hv̄lbina chimmi ha he nitak hopaki pilla kash anohowa tok o, vbanumpa isht v̄tta vhleha hv̄t ibbak chi onochi na chim ai ghli tok vt, chi anukfoiyuka kv̄t isht chik ahanto ki ná.

15. Ilvppa ish anukfihinli cha, chim anukfila ha a mo-minchit isht ish ahantvt, nana ka i shahlit ish mahaya ka nana moma ka ai otvnashke.

16. Ahah! ish il ahnashke, micha nana ish abahanchi kvv ahah! ish ahnashke: yohmi kvv yvmma achunanchit isht ish mahayashke: ilvppak o ish yvmohmi hokmak osh, ish ile okchalinchikmvt, anonti inlvt chi haklo aiena ka ish okchalinja hinla hoke.

CHAPTER V.

Hatak ilaiyuka ka kanimihchit nan i miha he anoli, 1: 5 ohoyo i hatak illi ya nan isht i miha: 17 ikxa nan isht im vttta, 23 Timohli abekoma chohmi aiena ka nan isht miha, 24 kanimi ka nan im ashvchika yvt tikba ivt nan vlhpisa ka ona, mikma kanimi nan im ashvchika yvt himmak o iakavt nan vlhpisa ka ona.

1. HATAK asvnochi ka anumpa kvvlo isht chik im alvmmicho hosh, amba iki chohmichit i kanvt nana ish i mihashke; micha hatak himita vhleha hokvno itibapishi chohmichit i kanvt nana ish i mihakmvt,

2. Ohoyo sipokni vhleha hokvno ishki chohmichit i kanvt nana ish i mihakmvt, anonti ohoyo himita vhleha hokvno havi imma anukfilli iksho hosh, in tek chohmichit i kanvt nana ish i mihashke.

3. Ohoyo i hatak illi vhleha hvv i hatak illi ahli pulla ka ish holitoblashke.

4. Amba ohoyo i hatak illi kaniohmi kvv im vlla, keyuk mvt ipok vhleha hvv ashakmvt, vmmona nan ithvna kvv, in chuka mavvt nana achukma ka yvmohmashke; micha ipokni, ishki chohmi ka falaminchit im atobbashke: ilvppvt achukmvtshke, yohmi kvv Chihowa itikba ya ai vlhpisa hoke.

5. Yohni ka ohoyo i hatak illi ahli pulla, micha vltakla hokvto, Chihowa ak o anukchieto kvv, nitak, ninak ita tuklo ka anumpa ilvsha anumpchonlit a bilia hoke.

6. Amba ohoyo i hatak illi yvt haknip nan isht ai yukpa isht ai yukvvt ahanta hokvto, okchaya takla kvv illi yoke.

7. Yohmi ka iluppa puta ka ish im apihisa na anumpa ik achukmo kv̄t ik onvtulo kashke

8. Amba kanimi kv̄t ilap immi, micha ilap in chuka chvfa a fehna aiena ka ik im atablo hokmv̄t, vbanumpa h̄a ik holitoblo kv̄t, nan ik yimmo ak kia ik achukmo kv̄t i shahli hoke.

9. Ohoyo i hatak illi yvt afv̄m̄mi pokoli hannali ka ik ono hokv̄to, ik iba holisso kashke,

10. Yv̄mmv̄t hatak achvfa tekchi atok, nan isht v̄tta achukma ka isht annoa achukma, v̄lla achukmalit hofanti-hinchi, hatak ik ithano nowv̄t aya ka nan im atahanli, vbanumpuli holitopa iyi kia im achihifa, ilbv̄sha ya apelahanchi, nan isht v̄tta achukma puta ka achunanchi biev̄t isht ahanta cha tuk mak osh iba holissashke.

11. Amba ohoyo i hatak illi himita v̄hleha hokv̄no ish im olvbichashke; yv̄mmak okv̄to Klaist im antia ik b̄v̄nnot, yakni paknaka nan isht ai yukpa ahnit isht iakmv̄t, hatak auwaya b̄v̄nna hinla hoke:

12. Yv̄mmak okv̄t na yimmi v̄m̄mona tuk vt issa hokv̄t, isht ilbv̄sha anumpa hv̄t onvtuyula hoke.

13. Mikmv̄t anonti nan isht v̄tta intakobi kv̄t, chuka abaiyv̄chi banot itv̄nòh̄owa; micha nan isht v̄tta intakobi kak bano keyu, amba anumpa chukushpali aiena, micha inla nana im a kaniohmi kak bieka isht ahantv̄t, nana isht anumpula he v̄lhpesa keyu kia isht anumpuli hoke.

14. Yohmi hoka ohoyo i hatak illi himita v̄hleha hv̄t hatak auwayakmv̄t, v̄lla ishki tobv̄t, chuka apesv̄chit anta kv̄t, nana ik achukmo nana kia yv̄mohmi na vbanumpa i sanali v̄hleha hv̄t hofahyalit isht ik anumpulo ka he, im ai ahni lishke.

15. Himak a kaniohmi hokv̄to naksika filv̄m̄mit Setan a iakaiyv̄t ia mashko hoke.

16. Yohmi ka hatak, keyukmv̄t ohoyo na yimmi kanimampo kv̄t ohoyo i hatak illi yvt i kanomi hv̄t āsha hokmv̄t, yv̄mma apelahanchi na chv̄ch ak okv̄to nan isht ik i kv̄nio kashke, amba ohoyo i hatak illi ahli pulla hokv̄no apelv̄chashke.

17. Iksa pehlichi vhleha hvt achukmalit iksa pehlichi kak osh hclitopa kv̄t i shahlikma, anonti vbanumpa ithv-nanchit isht anumpuli hokak heto i shahli fehvt holitopashke.

18. Yohmi ka Holisso Holitopa yvt achi kv̄t, Wak toksvli vt onush nihechi ka itih h̄a chik takcho kashke: micha, Na toksvli vt im vlhtoba he ak osh ai vlhpiesa hoke, vchishke.

19. Ubanumpa isht v̄tta yvt nan ik achukmo kia yvmoh mi tok annoa ka ik chi yimmo kashke; amba nan atokowa anoli tuklo, tuchina kanima hosh anoli hok mak ashke.

20. Amba ashvchi hatuk o muhli hokmvno, momvt p̄isa h̄o, ish im alvmmichashke, yohmi na inla āsha kv̄t nukshopa mak inlashke.

21. Nana chim apihisa li kv̄t, Chihowa, micha Chitokaka Chisvs Klaist, micha enchil vlhtoka vhleha aiena ka itikba hikia li hosh; ilvppa ish holitobli kv̄t it i shahsholechit, hatak achvfona h̄o i kana i shahlichit nana isht chik im ahanto ka he ahni lishke.

22. Hatak kv̄na kia himak fokalechit ibbak onochit, inla nan ai ashvchi ka chik iba taklo kashke: yvmohmi kv̄t a kashofa hosh ish ahantashke.

23. Himmakma oka kapussa chik ishko hosh, amba chikfoka ak atuk pulla mak o, micha chi abeka shahli aiena hokvt oka-p̄aki kanomosi ka ish ishkashke.

24. Hatak kaniohmi nan ai ashvchi yvt tikbanli otv̄nit, nan ai vlhpisa itikba ȳa oh̄ona hoke; mikma hatak kaniohmi hokvno iakaiya hoke.

25. Anonti hatak kaniohmi nana achukma a yvmohmi kv̄t tikbanli otv̄ni akinlishke; mikma ik yohmo ke tuk vt luma he keyu hoke.

CHAPTER VI.

Yuka hvt nana ka isht ahanta he vlhpesa ka anoli, 1 : 8 ilap vt nan isht ithvnachi tuk ā keyu h̄o kv̄na hosh isht ithvnachi hokvno i filv̄mma he. 6 Chihowa anukfoyuka hokvto nan il ahayuchi,

10 tvli holisso i hullo kv̄t nan ik vlhpeso yō hakshish; 11 nana hō Timohli vt i filv̄m̄mi cha, anonti nana hō im antia he: 17 nan inlava ya nana hō im acha hi a im achi.

1. YUKA puta ikunla abana nuta ahanta kv̄t, ilap i na hullo isht a holitopa he vlhpiesa ka isht holitobli na Chihowa hohchifo, micha im vbanumpa aiena kv̄t isht ik kvllaksho kashke.

2. Mikma i na hullo vbanumpuli yosh asha hokvt itibapishi hokvt, isht ik i ahno ka he vlhpesa keyushke; amba i na-hullo yvt na-yimmi, micha Chihowa i holitopa, micha nana isht ai yukpa vba minti ka it ibai ishi yoka, aiokpanchit nana ka isht im ahantashke. Ilvppa puta kak o im avchit ish atonohonchashke.

3. Yohmi ka hatak kanima hosh nana inla hō avchi, micha isht ai achukma anumpa Chitokaka Chisvs Klaist im anumpa, micha Chihowa holitobli nan isht vlbahanchi aiena ka vlhpesa ik ahnot,

4. Ilefhnvchi isht alotvt, nan ithana keyu, amba tasimbot nan isht a ponaklo ak bano isht anumpohonli, micha anumpa isht itachowa aiena yvm̄mak o a minti hosh nan it i potunno, it i nukowa anumpa, kanimanchit isht anumpuli, anukfila okpulo,

5. Michā hatak im anukfila ik achukmo, micha vbanumpa ahli kv̄t ik im iksho cha, nana ahayuchi kak osh Chihowa holitobli im ahoba hosh, it i kvllot anumpuli aiena hoke; yvm̄ma chohmi ka ish il i filv̄mmichashke.

6. A nuktanla hosh Chihowa holitobli kv̄t nana a fehna ahayuchi hoke.

7. Yohmi ka yakni ilvppa nana il ishi hosh e la tok keyu; yohmi kv̄t nana ishit il ia he keyu kv̄t ai ahlishe.

8. Yohmi kv̄t nan ilhpak, micha ilefoka aiena il ishi kv̄t, yvm̄mak oka isht pim ai vlhpiesashke.

9. Amba nan in laua he ak bano bv̄nna fehna hokvto, nan isht hokli, nan isht anukpvli, micha anukfila ik hopoyukso, micha anukfila okpulo isht ile okpvni aiena ka chukowa, yvm̄mak ash ai okpuloka chinto ka hatak a okai ahambi hoke.

10. Yohmi ka tvli holisso i hullo kak osh nan ik achukmo moma ka hakshish isht a toba hoke; yummak o kaniohmi kv̄t anuksitiv̄t hohoyo kak osh, vbanumpa ha i filummi cha, nan isht a nukhaklo laua ka isht ile nvhlit ile hlopullihinchi tok oke.

11. Amba chishno Chihowa immi chia ma! ilvppa puta kano ish i filummashke: micha ai vlhpiesa yvmohmi, Chihowa holitobli, na yimmi, i hullo, nuktanlv̄t achunanchi, anukfila yohbi aiena hak o ish hohoyashke.

12. Na-yimmi isht itibi achukma yummak o isht ish itihimbashke; ai-okchayvt bilia ak o kv̄llo hosh ish ieshashke, yummak o chishno ak kia isht chi vlhtoka tok, micha nan atokowa anoli lava ka itikba yo vbanumpa yimmi isht anoli achukma ka ish il apesa tuk mak oke.

13. Chihowa yummak osh nana moma ka ik okchaya, im ahni na okchaya, micha Chisvs Klaist, yummak okvt Pontivs Pailat itikba hikia mv̄t, ai atokowa ahli achukma ka il anoli tok ita tuklo itikba ya hikia li hosh nana chim apihisa li kv̄t;

14. Chishno yvt na-liteha iksho, anumpa ik achukmo chi onvtula he kia iiksho hosh, nan vlhpisa ilvppa holitoblit ish ahanta na pin Chitokaka Chisvs Klaist okvt haiakashke:

15. Ai yvmohma he apesa tok nitak yvma ilap ak bano hosh ithana hosh yummak oka haiakv̄cha he; yohmi kv̄t ilap ak osh nayukpa Miko ak bano, miko moma ka i Miko, micha chitokaka moma ka in Chitokaka yoke.

16. Yummak okvt ai illa hi vt ik im iiksho, micha tohwi-keli yummak oka hatak nana hosh ai ona he keyu ho anukaka ai ahanta hoke; yohmi ka yummak oka hatak nana hosh pisa chatuk keyu, micha pisa hi o keyu; yummak okvt isht a holitopa, micha nana moma isht imaiya bilia ita tuklo kv̄t immi hashke. Amen.

17. Himonasi im ilayak laua aiasha ka nana ish im apihisa kv̄t, im anukfila chav̄t ik ai asho ka he, micha im ilayak ai ahli keyu ka ik anukchieto hosh, amba Chihowa okchaya, yummak osh nana isht pim ai achukma he moma ka lauchit pihima kak ashke:

18. Yohmi kv̄t nana achukm̄vli kv̄t nan isht vtta achukma ka isht ahanta fehna kv̄t, hopela hi vt im vlht̄aha, habenucha he vt ahni kv̄t ;

19. Nitak himak a pilla mihinta he ak pulla tuk mak o im ilayak achukma ilap immi mak osh intolahpi bohoni na ai okchayvt bilia ya isha he mak o, ish i mihishke.

20. Timohli ma! nana chim vlhpihisa tok vt ish holitobli kv̄t, vbanumpa isht ik ahalaio isht anumpa, isht ik ahobo anumpa, micha nan ithana ahli keyu it i chilitvt isht it im anumpuli aiena ka chik ahalaio kashke.

21. Yohmi ka kaniohmi kv̄t yummak o iakaiya miha hosh, vbanumpa ha i shanaiyvt ashvchi tok oke. Isht i kana yvt chi anukfoyukashke. Amen.

HOLISSO ATUKLA PAL 27

T I M O H L I Y A

I HOLISSOCHI TOK.

CHAPTA I.

Timohli i bullo kv̄t Pal vt isht anumpuli, 1 ; 6 Chihowa nan isht i ka na anukfoyuka tok vt i shahlichit isht im anukfihinla hi na im achi

1. CHIHOWA nana ai ahni h̄o Chisvs Klaist im apostel Pal vt ai okchaya Chisvs Klaist vt ataiyahli tok a anohonla chi hosh iso i holitopa fehna Timohli ya aiokpuchishke ;

2. Nan isht i kana, isht i nukhaklo, micha isht it i nainaiya aiena kv̄t Iki Chihowa, micha pin Chitokaka Chisvs Klaist ita tuklo ka a mihinti kv̄t chi anukfoyukashke.

3. Chihowa ya yak oke im ai ahni li kv̄t, an tikba vhleha hv̄t kaniohmit aiokpahanchi beka tok a chiyuhmit anukfila kashofa h̄o isht aiokpahanchi li kv̄t, ak isso hosh nitak, ninak moyuma ka anumpa ilbtsha anumpohonli likmvt, chithaiyana lishke :

4. Yohmi kv̄t chi nishkin okchi mihinti tok a ithaiyana li mvt, chi pisa sa bunna fehna, yvmohmit sai yukpa ai ahli fehna hokbano ai ahni lishke ;

5. Yohmi kv̄t na yimmi ai ahli kv̄t chi anukfoyuka ka ithaiyana li mvt, chipokni Lois ak o vumona ka yvmvt anukfoyuka tok osh, anonti chishki Yunis a anukfoyuka tok osh, chishno ak kia chi anukfoyuka ka sai yimmi akinlishke.

6. Yvmohmi hoka sbbak chi onochi li tok ak o nana

Chihowa ish i habena tok vt chi anukfoyuka, yumma achukmalit ish okchvla chi mak o chim anohonli lishke.

7. Yvmohmi ka anukfila isht nukshopa keyu, amba isht hlampko, mikmut isht i hullo, mikmut isht a hopoyuksa aiena anukfila ho Chihowa hvv pima tok oka.

8. Yohmi ka pin Chitokaka im anumpa atokowa, mikmut yumma atuk pulla mak o yuka sia aiena ka chik i hofahyo hosh; amba vbanumpa ak atuk pulla mak o nan isht palvmmi puta ka Chihowa hvv chi hlampkohonchi mak o isht ish ibai ilbvshashke;

9. Yvmmak osh pi okchalinchi cha, vba nan isht ilaiyuk pa holitopa ho il iesha he mak o pi atokoli kvv, pishno nan il ai isha he ai vlvpiesa kak o yohmi keyu, amba ilap nan isht im anukfihinla hosh, yakni ik tobo pilla kash inli ho ilap isht i kana ya Chisvs Klaist ak atuk pulla mak o pihima kak a tok oke:

10. Amba pi Okchalinchi Chisvs Klaist vt vla kak osh himonasi kvno isht i kana ya otvninchi kvv, nan-illi ho imaiyachit kanchi cha, ai okchaya micha ai illa he keyu aiena ka vbanumpa ak pulla kak o isht otvninchishke:

11. Yvmmak atuk pulla mak o vbanumpa isht vtta, micha apostel, micha Chentail vvhleha nan im avvchi aiena si vlvhtoka tok oke.

12. Yvmmak atuk pulla mak o na-palvmmi puta ilvppa aiena ka pihisa li; yohmi ak inli kia sa hofahya he keyu; kvna ho i yimmi li hatuk vt ithana li hokvt; mikma nana ka isha chi ho ibbak fohki li tok a ishi na nitak yumma ona he bano ka i sai yimmishke.

13. Anumpa ai ghli achukma is si a haklo tok vt, Chisvs Klaist isht i yimmi, micha isht i hullo aiena ka kvllot ish ieshashke.

14. Shilombish Holitopa pi anukfoka kak osh chi apihinla na nana achukma ish iesha chi ho chima tok a ish ieshashke.

15. Chishno yokvt ilvppa ish ithana; yohmi kvv Asia ai asha tuk vt moyumvt a filvmmiit kvnia tok: yumma iba foka kvv Fichellvs, micha Hemochenes ita tuklo kak oke.

16. Onesifolvs in chuka chvfa yoka Chitokaka yvt i nuk-

naklok bano, yummak okvt sai yukpahanli beka tok oka, mi cha yukvt sa talaiyakchi ka ik sa hofahyo ki tok.

17. Amba Lom a ont anta mvt, achunanchi fehna hosh sa hohoyo cha, si ahayuchi tok.

18. Chitokaka yokvt vlhpesa im ai ahni na nitak yummak oka Chitokaka yvt i nukhaklo ka ahayuchi hok bano; micha Efesus a ont anta li ma, nana lawa kaniohmi ka isht si apelahanchi tok a, chishno yokvt ish ithana fehnvshke.

CHAPTER II.

Timohli vt achunanchit Chitokaka in tishu ar ghla chi ka Pal vt i miha, 1; 16 nana ho abah! ahna he; 24 mikmvt Chitokaka in tishu hvv kaniohmit ai vlhpiesvt im anukfila he im anoli.

1. YOHMI ka svso chia hvv Chisvs Klaist nan isht i kana yoka isht ish hlampkashke.

2. Nan-atokowa anoli lawa itikba yo chishno yokvt nana ka is si a haiyaklo tok vt, yummak oka hatak ai ghli achukma inla ai asha ka nan im abvcha he ai vlhpiesa ak inli kak o ish imashke.

3. Yohmi ka Chisvs Klaist in tvshka achukma chia hokvt na palvmmi ish pihisa kvv, vlhpesa ish ai ahnashke.

4. Hatak kvna kia tvshka toba hokvto, yakni iluppa nana a kaniohmi ka isht ataklvma keyu hoke: tvshka atokoli tok ak o yukpala chi hosh yvmohmi hoke.

5. Mikma it i shahlichy a bvna hosh hatak vt achunanchi ak inli mak osh, nan vlhpisa yak o holitoblit achunanchi keyu hokvto, iachukola he keyu hoke.

6. Yakni okchali yvt vmmona ka toksvli ha yak osh nawayaya yoka ai vpashke.

7. Nana chim abanchi li ka ish anukfihinlashke; mikmvt nana moma ka ish ithaiyana chi ka Chitokaka yvt chi anukfohki hokbano.

8. Um vbanumpa hak atuk mak o Lewi isht ai unchululi Chisvs Klaist vt illi tuk vt, falamvt tani tok a ish ithaiyanvshke:

9. Yummak atuk pulla mak o nan-ishtakanomi yo chiyuhmit na-palvmmi ka pihisa li hosh, polaka sa talaiyakchi tuk oke: yohmi kia Chihowa im anumpa hokvto talakchi keyu hoke.

10. Yohmi ka ai-okchaya pisa he vlhtoka tok vhleha atuk pulla kak o na-palvmmi puta pihisa li kv, yummak kia Chisvs Klaist vt ai-okchaya ataiyahli tok a, micha nan isht a holitopa aiena ka isha chi ka si yvmohmi hoke.

11. Ilvppvt anumpa ai ahli yoke: il ibai illi hokmvt, il ibai okchaya chi ak inli hoke.

12. Nuktanlv il achunanchi hokmvt, il iba mika he ak inli hoke: Klaist a ak ithanoshke, il achikma, ilap ak kia ik pithano ak inla hi oke:

13. Kil i yimmo kia, ilap okvto ai ahlit ahanta: yohmi kv ik ile holitoblo ka he keyu hoke.

14. Ilvppa puta ka ithana chi mak o ish ithvnanchashke: yohmi kv anumpa illa nan isht achukma he keyu, amba haklot maya kv isht ai okpula hi okvno isht itachovvt ik ai asho ka hi o, Chitokaka itikba ya anumpa ai ahli ka isht ish im apihisashke.

15. Ulhpiesa chi ahni ho Chihowa itikba ya ish hikia chi kv ish achunanchashke; yohmi kv ish a toksvli tuk vt isht chi hofahya he keyu hosh anumpa ai ahli yoka, moyumvt ai isha he ai vlhpiesa ka, ish ita kvshkolashke.

16. Yohmikmvt vbanumpa isht ik ahalaio isht anumpa, isht ik ahobo anumpa puta kvno ish apakfopashke; yummak okvt Chihowa ik holitoblo i shahli ka ikba hinla hoke.

17. Mikmvt im anumpa hv kanka yo chiyuhmit okpahana hi oke: yummak oka iba foka kv Himenevs, micha Filevs ita tuklo kak oke.

18. Yummak okvt nan ai ahli ka i filvmmi kv, illi falamvt tani yvt ant ia tok ahanchi kak atok; mihmvt na yimmi kaniohmi ka okpvni hoke.

19. Yohmi kia Chihowa im intolahpi yvt kullo ai ahli hoke: anumpa ilvppak osh ai o holisso kak o, Ilap immi ka Chitokaka yvto ithana hoke. Mikmvt Klaist hohchifo hohchifo kv moyumvt nan ai vlhpesa keyu ka i filvmashke

20. Yohrai kia chuka chinto anukaka ya nan ai vlhto tuh holisso lakna, micha tvli hvta isht a toba aiena kak bano hosh foka chatuk keyu, amba iti, micha lukfi isht a toba kak kia aiena ak inli chatuk; yohmikma kaniohmi kvto isht a fehnakma, kaniohmi kvto isht a kvllakshi chatuk oke.

21. Yohmi ka ilvppak ash kvna hosh ai i filvmmi hok mvto, nan ai vlhto holitopa hosh kashofvt, i shahli ha isht im ahanta chi kvt im vlhtaha hosh, nan toksvli achukma puta ka isht ahanta chi kvt im vlhtaha hoke.

22. Haui anukfila himita immi ha tushpvt ish i filvmmi mak inlashke; amba nan ai vlhpiesa, nan ai ahli, it i hullo, micha it i nanaiya aiena ish yvmohmi kvt, chukvsh kashofa Chitokaka isht a hochihifo kak o ish ibai achvfashke.

23. Amba isht a hopoyuksa he keyu anumpa tasimbo yokvno chik ahalaio kashke; mikmvt yvmmak okvt itachowa ikbi yoka ish ithanashke.

24. Mikmvt Chitokaka in tishu hokvt itachowa he vlhpesa keyu, amba hatak moma i kana, nan im abvchi kvt imponna, nan im okpulo isht ilbvsha kia, nuktanla aiena vlhpesa:

25. Im anukfila yohbi hosh vbanumpa i sanali vbleha yoka nan im abvchi vlhpesa; yohmik mak o Chihowa hvv nukfohki na ile kostininchit, vbanumpa ai ahli ka achukmalit ithana yoba na:

26. Yohmikmvt nan isht a hullo okpulo i nan isht hokli ya ai i hlakofa hinla; yvmmak osh ilap ai ahni hosh yvmmak ash o yukahanchi hatuk oke.

CHAPTER III.

Nan ik vlhpeso nitak vt vla hi a tikbanli anoli, 1; 6 vbanumpa in tvvvp vbleha ha otvninchi; 10 Timohli vt ilap ak o nan im ai ithvntt iakaiya he isht miha; 16 mihmvt Holisso Holitopa ya ahnichit isht anumpuli.

1. ILUPPA ish ithana mak inlashke: yohmi kvv nitak ishtaiyovpit mahayakma, nitak yvmmvv nan isht a palvmmi alotowa hi oke.

2. Yohmi ka hatak vt ilapunla he, tvli holisso i hullo, nan isht ilauata, ilefehuvchi, vbanumpa ik ahobalo, iki, ishki ita tuklo ik im antio, Chihowa ya yak oke ik im ai ahno, Chihowa ya ik holitoblo,

3. Im vlla i hullo ik im iksho, nan it im vllhpisa kobvffi, inla aholvbechi, ile oktamplic ik ithano, anukfila yohbi iksho, hatak hochukma moyuma ka ik i hullo,

4. Ilap i yimmi tuk kia haksichi, ahah ! ik ahno, anukfila chaha, haknip nan isht ai yukpa yak bano ho i hullo kvv Chihowa ya im i shahli ;

5. Chihowa ya holitobli ilahobi kia, ai ahli ka ona hosh yohmi keyu ka he : yumma chiyuhmi hokvno ish i film-mashke.

6. Yohmi ka ilvppa chiyuhmi kak osh chuka ya chukovvt, ohoyo im anukfila iksho, ai ashvchika isht ompoholmot kvnia, anukfila ik achukmo ilaiyuka ka im antivt ahantvt ;

7. Nana ka ithahantvt bilia kia, anumpa ai ahli kvno achukmalit ithvna he keyu puta ka yukahanchi hoke.

8. Yohmi ka Channes, micha Chambles ita tuklo kvv Moses a i sanali tok oka, ilvppak ash kia hatak im anukfila okpulot kvnia, na yimmi kvv ai vllhpesa keyu hosh anumpa ai ahli ya i sanali mak inlishke.

9. Yohmi kia himak a pilla ma achakalit ia he keyu ; yohmi kvv Channes micha Chambles ita tuklo atok a chiyuhmit, yummvt nana a kaniohmi kvv ai vllhpiesa keyu kvv hatak puta ka im otvna chi mak inlishke.

10. Amba nana abahanchi li, kaniohmit ahanta li, nan isht vm anukfihinla, nan isht ai ahanta la he tuk vt ai ahli li, nan ilbvsha pihisa li kvv sa nuktaiyala, nan i hullo li, nuktanvt achunanchi li,

11. Antiak, Ikonium, Lista aiena ka ahanta li ma, kani-mihchit a sa hotopahanli na svlbahasha, nan isht ilbvsha kaniohmi ho pihisa li tok a chishno yokvt ish ithana feh-nvshke : yohmi kia Chitokaka yokvt yumma moyuma ka a sa hlakofihinchitok oke.

12. Ahli mvhli, Chisvs Klaist ibai achvfa hosh Chihowa

im ai ahli bunna moyuma kv̄t nan isht a hotopa he pihisa pulla hi oke.

13. Amba hatak ik v̄lhpeso, micha na yoshubli aiena kv̄t nan ai v̄lhpesa keyu yohmi kv̄t i shahlit mahaya hi oke: yohmi kv̄t ilap vt yoshuhumba hatuk osh inla ya yoshuhumbla hi oke.

14. Amba nana ka chishno yvt ish ai ithvna tuk vt, ai ahlit chi yimmi hatuk okvt ish mahayashke: yohmi kv̄t kvna h̄o ish im ai ithvna tuk vt ish ithaiyanvshke.

15. Mikmvt yv̄mma ish ithana kv̄t vlla chi tomba kash inli hosh Holisso Holitopa ak o ish ai ithvna tok; yv̄mmak okvt chi hopoyuksacha hinla h̄o Chisvs Klaist a i yimmit isht chi okchaya hi oke.

16. Holisso Holitopa moma ka Chihowa hv̄t nukfohkichi h̄o holissohonchi tok oka; nan isht v̄lvuchi, nan isht ai atokowa, nan isht kostinichi, nan ai v̄lhpiesa aiena isht pithvnanchi achukma hoke.

17. Yohmi hatuk o hatak Chihowa immi hv̄t ai ahli hosh, nan toksvli achukma puta ka isht ahanta chi kv̄t im vltaha achukma hinla hoke.

CHAPTER IV.

Ai ahlit nan a kanihoma he v̄lhpesa kv̄t yv̄mihcha chi ka i miha, 1; 6 ai illa he nitak vt im atikeli, mihmvt v̄ba achukma ka pisa chi im ai ahli kv̄t im anoli; 9 chekosi im v̄la chi ka i miha; 16 nan i palv̄m̄mi v̄mmona ka nana kv̄t kanihmit onotuyula tok a anoli.

1. CHIHOWA, micha Chisvs Klaist yv̄mmak osh ilap apelihika ishit haiakakmvt, okchaya, micha illi tok aiena ka nan im apihisa he itikba ya hikia hosh na chi miha lishke.

2. Yohmi kv̄t v̄banumpa h̄a isht ish anumpohonlashke, yohmi kv̄t nitak ai yv̄mohma he ai v̄lhpiesa, ai v̄lhpiesa keyu aiena ka ish achunanchashke; ai atokolit im anumpohonlit, im alv̄m̄minchit nuktaiyala hosh nana ka ish im abahanchit ish atohnohonchashke.

3. Yohmi ka v̄banumpa ai ahli ka haklo ik bunno ka hi a

nitak vt vla hi oke: haksobish yauohlichi ishi cha, ilap im anukfila okpulo ilaiyuka im antia kak osh nan-abuchi lawa ka il im itvnananla hi oke:

4. Mikmvt vbanumpa ai ahli ka haksobish a isht i filvmit kvnia cha, anumpa ik ahobo yak o haklo bvna toba hi oke.

5. Amba chishno yokvto nan okluha ka ahah! ahnit, nar ilvsha chi onvtuyula kia chi nuktanvt, vbanumpa isht anumpuli yvt nan isht ai vta he tuk a isht ahantvt, vbanumpa isht ish ahanta hi atuk vt ish ai ahlichi fehnashke.

6. Yohmi ka svlla chi kvv anumpa hvv si onvtula hv, a svlla chi kvv atukonofvshke.

7. Itibi achukma ka itihimbit atahli lishke, nan isht ai ahanta la hi atuk vt atahli lishke, vbanumpa sai yimmi kvv ai ahli hosh achunanchi lishke:

8. Yohmi hoka himak a pilla ma nan isht ai vlhpiesa ia-chukoli la he vmmittuyula, yvma nan ai ahli apesa, Chitokaka yvt nitak yvmmak fehna ka vma hi oke: yohmi kvv vno ak bano hv vma he keyu, amba ilap vt vla ka i hullo moyuma aiena ka ima hi oke.

9. Chekosi chim vlhtaha pulla cha, ai ahanta li ka ish lashke.

10. Yohmi ka Temas vto himonasi yakni ilvppak inli kak o i hullo hatuk osh, svsvv ia tok: yohmi tuk osh Hlessalonika ya ia tok: Klesens vto Kaleshi yak o ia ma, Titv vto Talmasia yak o ia tok.

11. Luk ak bano hosh si awant anta hoke; Mak ano ilauelit ish lashke; yvmmak okvt vbanumpa isht ai vta ya a si apela hinla hoka.

12. Yohmi ma Tikikv ano Efesv a ia chi hv tohno li tok.

13. Nowvt aya anchi chito ya Kapv Tloas anta ka ibbak fohki li tok a ish mintikmvt, isht is svv vlashke; yohmikmvt holisso moma, micha tvlhko holisso yokak heno isht ish la pullashke.

14. Aleksanta tvli lakna nan isht ai ikbi yvt nan ik achukmo ilaiyuka si onohonchi tok: ilap nana a kaniohmi tok ak o Chitokaka yokvt isht im atobbashke.

15. Yvnmak oka ahah ! ish im ahni mak inlashke ; yvnmak okvt pim anumpa moyuma ka i sanali fehna hatuk oka.

16. Ummona isht il anumpuli li kvno hatak achvfa kia si awant hikia tok keyu ; amba hatak moma kvt svsvt ia tok ; yvmma yvmohmi tok vt isht ik onvtuyulo hok bano ai ahnit, Chihowa ya im ilbvsha lishke.

17. Yohmi kia Chitokaka yvt si awant hikia tok ; micha sa hlampkohonchi na vbanumpa isht anumpohonli li chatuk vt ai ghli fehnvt vno ak o isht ai otvni ho, Chentail moyuma kvt haiyaklo tok : yohmi ma koi chito itakha ya sa kohchi tok.

18. Yohmi ka Chitokaka yvt nana a kaniohmi ik achukmo moyuma ka a sa hlakfihinchi cha, sai okchalinchit ilap vba apchlichika ya isht sai ona hi oke : yvmma isht a holitopa yokvt immit biliashke. Amen.

19. Pliska, micha Akuila, micha Onesifolvs in chuka chvfa aiokpvchi.

20. Elastvs vto Kolinhla yak o anta tok ; amba Tlofimvs vto abeka hosh Miletvm ak o itonla ho issvt minti li tok.

21. Chim vltaha pulla cha, ik hvstulo kisha ho ish lashke. Eubulvs vt pit chi aiokpvchishke, micha Putens, Linvs, Klautia, micha itibapishi moyuma kvt pit chi aiokpvchi mak inlishke.

22. Chitokaka Chisvs Klaist vt chimi shilombish a ibafoyukashke Isht i kana yvt chi anukfoyukashke. Amen.

HOLISSO PAL v'T

TITVS A

I RJLISSOCHI TOK

CHAPTA I.

Titvs a pit aiokpuchi, mihmvt nana kanihmi hq Kleti a anta he im ahni tuk vt anoli, 1; 6 vbanumpa isht v'tta yvt kanihmit nan im ai vhtaiyaha he; 11 nan ik v'hpeso anumpulit nan ithvnanchi itakha yvt issa he isht anumpuli.

1. PAL, Chihowa in tishu, micha Chisus Klaist im apostel okvt, vbanumpa ha anohonli na okchayvt bilia he Chihowa hut im ahni tok v'hleha hut yimmi cha, anumpa ai ahli ka achukmali fehnvt ithvnvt, Chihowa ha isht a holitobla hi atok;

2. Yohmi cha ai okchayvt bilia pisa he ai ahna hi atok, yvmmak oka Chihowa holaba he keyu yvt, nana puta kv't ik tobo pilla kash inli hq, im ihisa tok;

3. Yohmi tok osh ont ai v'hpiesa ma nan im ihisa tok vt vbanumpa isht anumpohonli hq isht otvnihinchi; yvmma vno ak osh isht anumpohonli la he vm v'hpiesa kv't, Chihowa pi Okchalinchi nan apihisa tok mak o yvmohmishke.

4. Yohmi kv't nan isht a pi yimmi pulla kak o svso, Titvs a, pit chi aiokpuchi lishke: Nan isht i kana, i nukhaklo, micha isht it i nanaiya aiena kv't Piki Chihowa, micha pi Okchalinchi Chitokaka Chisus Klaist ita tuklo ka a mihinti kv't chi anukfoyukashke.

5. Kleti a ish anta he chim ai ahni li kv̄t ilvppak atok nana kv̄t ik vlhtaho puta tuk a achukmalit isht ish ahanta kv̄t, chim apesa li hatuk oka, vbanumpa isht v̄tta yā tmaha puta ka ish ai atokohonlashke.

6. Kanima ka anumpa ik achukmo kv̄t onvtonla he keyu, ohoyo achv̄fa ī hatak, im v̄lla mvt vbanumpa yimmi nan isht yopomo anumpa kia onvtonla he keyu, micha ilapunla keyu hok mak ō ish atokolashke.

7. Yohmi ka bishop vt Chihowa nan im apesv̄chi yatuk osh, anumpa ik achukmo kia onvtula he keyu hō pullashke : ilap ai ahni keyu, nokowā shahli keyu, oka homi ishko shahli keyu, na-fahama keyu, ai vlhpiesa keyu isht a hofahya l̄^e nan isht ahayuchi b̄vna keyu ;

8. Amba hatak ik ithano ī hullo, hatak achukma puta ka ī hullo, kostini, ai vlhpiesa, Chihowa holitobli, ile oktamp̄li ;

9. Mikmvt anumpa ai ḡhli im v̄lbahanchi kash ō kv̄llot halv̄lli hosh, nan isht vl̄v̄chi ai ḡhli ka isht im abahanchit, vbanumpa ī sanali vhleha hā nan ī mihvt im alv̄mminchi mak inlashke.

10. Yohmi ka ilapunla, nan ik ahobo isht anumpuli, micha na haksichi yvt laua fehna hosh ai asha hoka, mikmvt hakshup t̄vpa vhleha hokak heto laua hoke :

11. Yv̄mma itih hv̄t vlhk̄vma pullashke, yv̄mmak osh chuka chv̄fa moma ka ai ḡhli ka ī filv̄mmihinchi kv̄t, ai vlhpesa keyu isht a hofahya he nan isht ahayuchi b̄vna kak osh, yohma hi atuk keyu kia nana ka abahanchishke.

12. Ilap ai achv̄fa, ilap ī hopaii atuk ak inli hosh na miha kv̄t, Kletian vhleha hv̄t holabi kak bano chatuk, nampoā okpulo, intakobi, isikopa aiena hoke, achi tok.

13. Anumpa atokowa ilv̄pp̄vt ai ḡhli hoke ; yohmi hoka vbanumpa yimmi kv̄t ai ḡhla ch̄i mak ō, hotopalit ish im alv̄mminchashke :

14. Yohmikmvt Chu im anumpa ik ahobo, micha anumpa ai ḡhli ka ī filv̄m̄mi hatak nan apihisa aiena ka chik im antio kashke.

15. Yohmi ka kashofa hokv̄no nan okl̄v̄ha kv̄t ī kashofa hoke ; amba ik kashofa, na yimma he keyu hokv̄no nana kia

ik i kashofo hoke ; amba nan ahni, micha isht il akostininchi aiena kut litehut kunia hoke.

16. Yohmi kut Chihowa ha ithana, miha kut il otvninchi ak inli kia, nana a kaniohmi puta kut isht ik holitoblo, na yimma he keyu, mikmut nan toksvli achukma puta ka ik ai ghlo hoka i yuwala he vlhpesa hoke.

CHAPTER II.

Nana ho isht anumpulit abancha hi a, mikmut kaniohmit ai vlhpesut gya hi a Titus a im apesa, 1 ; 9 yuka, micha hatak moma kut nan akaniohma he vlhpesa ka anoli.

1. AMBA chishno yokvto nan okluha kut nan isht vlbu-chi achukma ka isht ai ghli kak o isht ish anumpohon-lashke ;

2. Yohmi kut hatak asvnochi puta kut ahah ! ahni, yopunla iksho hosh im anukfila weki achukma, kostini, vbanumpa yimmi, it i hullo, nuktanlut achunanchi aiena kut ai ghlashke :

3. Mikma ohoyo asvnochi puta kut vbanumpuli yokvt ai yvmohmi vlhpiesa kak o yvmohmi mak inlashke ; inla aholbechi keyu, oka homi yoka i yuhuka keyu, nana hochukma ka abanchashke :

4. Yohmi kut Chihowa im anumpa hut ik kvllaksho ka chi ka, ohoyo himita puta kut ile oktampli, i hatak i hullo, im vlla ya i hullo aiena ;

5. Mikmut kostini, havi anukfila iksho, ilap in chuka antvt, nan isht ahanta, hochukma, ilap i hatak im antia achukma aiena chi ka im abanchashke.

6. Hatak himita puta mut ile oktampa chi ka nan ish i mihja mak inlashke.

7. Nan okluha ish a kaniohmi kut nan toksvli achukma puta isht ai ithvna yo ish il otvnhinchashke : nan ish abanchi kut ai ghli kak bano, yopunla keyu hosh anukfila weki achukma hosh ish im abanchashke ;

8. Yohmi kut anumpa achukma isht ai i sanala he iksho

ho ish abahanchashke ; yohmi na kana hosh chi sanali hatuk mvt, nan ik achukmo nana kia isht chi anumpula he iksho kvv hofahyashke.

9. Yuka puta kvv ilap i na-hullo yoka im antia, micha nan okluha ka isht ai yukpali, a sanalit ik anumpulo ka he ;

10. Micha ik hukopo, amba nan okluha ka ai ahli achukma he ; yvmohmi cha Chihowa pi Okchalinchi im anumpa ha nan okluha ka isht a holitobla chi ka ish i mihhashke.

11. Yohmi ka Chihowa isht i kana yak osh ai okchaya ishi kvv hatak puta ka im otvni tok oka,

12. Yvmmak osh pim abahanchi kvv, Chihowa isht ik holitoblo puta, yakni ilvppak inli anukfila okpulo ilaiyuka ka isht kil ahanto ka he, amba ile oktampali, hatak bika it im ai ahli achukma, micha Chihowa ya holitobli hosh himonasi yakni ilvppa il ahanta he ;

13. Mikmvt ai okchayvt isht il ai yukpa bilia, micha Chihowa Chitokaka, pi okchalinchi Chisvs Klaist vt isht a holitopa ieshi hosh haiaka hi a pit hoboyot il ahanta he ;

14. Yohmi kvv yvmmak ash osh ai ashvchika puta ka a pi hlakofihinchi cha, pi kashofi na ilap immi okla holitopa fehna e toba cha, nan toksvli achukma puta ka a yiminta hosh isht il ahanta he mak o, pi vlhtoba hosh illi tok.

15. Ilvppa puta kak o ish anumpulashke, yohmi kvv Klaist im anumpa ai ahli ka nan isht a mihvt ish im olahambashke. Yohmi na hatak nana kia ik chi shitilemo kashke

CHAPTA III.

Nana ho ithvnancha he, mikmvt nana ho ik ithvnancho ka he aiena ka Titvs a im avvchi, 1 ; 12 im vla hi a pit i miha.

1. MIKO, nan apesa, nan vlhtoka vhleha moyuma ka im antia achukma, nan toksvli achukma puta ka isht ahanta chi kvv im vlhtaha he,

2. Hatak nana kia kvllakshichit isht ik anumpulo, it i nokovvt ik itachowo, amba anukfila yohbi, hatak moma ka i kana aiena he mak o, ithana chi ka ish im anohonlashke.

3. Yohmi ka pishno ak kia tikba hokvno nana kil ithano, Chihowa kil im antio, pi yoshubvt, anukfila okpulo ilaiyuka, micha haknip isht ai yukpa aiena ka i yuhukvt, hotopali bvna, it i potvno aiena isht il ahanta kv, nan isht ik pi ahobo fehna hosh it i nukkillit il ahanta tok.

4. Yohmi tok kia Chihowa pi okchalinchi yvt hatak isht i kana, micha isht i nukhaklo aiena kv otaiyani ha yano,

5. Nan ai vlhpiesa isht ahantvt il atahli tok ak o keyu, amba pi nukhaklo kak osh himona toba isht vlhchihifa kv, Shilombish Holitopa yak o himona isht a toba ho isht a pi okchalinchi tok oke ;

6. Yohmi kv yvmmak ash o Chisvs Klaist pi okchalinchi yvt nan atahli tok ak pulla kak o, lauachi fehna hosh pi o fohobli tok :

7. Yohmi na isht i kana yo isht a pi vlhpiesa hosh, ai okchayvt bilia il isha he pim ai vlhpiesa hosh e toba hinla hoke.

8. Anumpa ilvppvt ai ghli yoke, yohmi kv nana yvmmak ash puta ka kullochi fehna hosh isht ish anumponla he chim ai ahni li ; yohmi na Chihowa i yimmi tok vhleha hv ahah ! ahnit, nan toksvli achukma puta ka achunanchit isht ahantashke. Nana ilvppa puta kv achukma, micha hatak a isht im achukma hoke.

9. Nan isht a ponaklo isht ik ahobo, in tikba ai unchulit isht auehinchi isht annoa, nan isht itachowa, micha Chu i nan vlhpisa isht itachowa aiena ka chik ahalaio kashke ; yvmvt nan isht ik ahobo, micha nan isht ai achukma hi vt iksho hoka.

10. Hatak kvna hosh vbanumpuli iksa i sanalit it a kvshkoli bvna hokma, vmona, micha atuklant ish im olabi ha yoka yvmihchi kv imoma hokma, chik aiokpancho kashke.

11. Yvma chiyuhmi hokvto ai ghli ka i filvmmmit kvnia hosh, nan ashahanchi kv, ilap inli kv ik ai ghlo kv otvninchi hoka ish ithaiyanashke.

12. Tikikvs, Atemas, kanimampo ka pit chim pila li hokma, Nikopolis ak o anta li hoka ik kaniohmi kia ish la pulashke : hvstula ya yvmmak o anta la chi hoke.

13. Nan vllhpisa imponna Senas, micha Apollos ita tuklc kv̄t im vlltaha achukma cha, nana a bunna kv̄t ik im iksho ka ch̄i ka ish im atahli cha, auct ish pilashke.

14. Mikma pimmi yokv̄t nan isht ai vni ik im iksho host ik anto ka ch̄i kv̄t, nana ka ai yvmohma he ai vllhpiesa nan toksvli achukma puta ka achunanchit isht ahanta ch̄i kv̄t, moyumv̄t ithvna mak inlashke,

15. Si ap̄iha kv̄t moyumv̄t pit chi aiokpv̄chishke. Na yimmi pia h̄a p̄i hullo ka moyuma ish aiokpv̄chashke. Isht i kana yv̄t hv̄sh moyuma ka hv̄chi anukfoyukashke. Amen.

HOLISSO PAL ʻT

FILEMON A

I HOLISSOCHI TOK.

Filemon ʻ pit aiokpuchi, mihmvt na yimmi, micha nan isht i hullo aiena kv̄t anukfoyuka ka haklo mvt, na yukpa; yohmi hosh in tishu Onesimvs ʻ nana ka i kashofi cha, atuklanhit i hullot aiokpucha chi ka ahni fehvt miha.

1. PAL, Chisvs Klaist ak atuk pulla mak o yuka, micha il itibapishi Timohli yvt pi holitopa, il itiba toksvli Filemon,

2. Mikmvt pi holitopa Affia, micha tushka il itilau Achippvs, micha chvch chin chuka gsha aiena ka pit hvchi aiokpuchishke:

3. Nan isht i kana, micha isht it i nanaiya ita tuklo Piki Chihowa, micha Chitokaka Chisvs Klaist aiena ka a mihinti kv̄t hvchi anukfoyukashke.

4. Anumpa ilbvsha anumpohonli likmvt, chithaiyana li kv̄t,

5. Chitokaka Chisvs Klaist oka ish i yimmi, micha vbanumpuli vhleha hʻ ish i hullo aiena ka habaklo li kak osh, Chihowa ya yak oke im ai ahni lishke.

6. Na yimmi chi anukfoyuka kv̄t ai ghli fehvt otahni na Chisvs Kláist isht a holitopa he mak o, nans achukma puta kv̄t chi anukfoyuka ka ai ithaiyana hokbano, ai ahnit asilhha lishke.

7. Yohmi ka chishno ak atuk pulla mak o vbanumpuli vhleha chukvsh vt yuhukpa hoka, isht ish i hullo ka isht a pi nuktola, micha isht a pi yukpa chintoshke, itibapishili ma!

8. Yohmi ka Klaist immi sia hokvt nana ka nukwaya iksho kamolimi hosh a chim ai vlhpiesa ka chim apesa la he vlhpiesa kia,

9. Pal sipokni, micha Chisvs Klaist ak atuk pulla mak o yuka ma aiena mih sia hasu osh, isht i hullo li pulla atuk mak osh chim asilhha li kak osh vm i shahlishke.

10. Yuka hosh anta li mvt, tobachi li tok svso, Onesimvs ak atuk pulla mak o chim asilhha lishke.

11. Yvmmak okvt tikba hokvno nan isht chim ai achukma iksho ki tok kia, himonasi kvno chishno, micha vno il ita tuklo ka isht pim ai achukma fehvshke.

12. Yvmmak oka falaminchit pila lishke; sa chukvsh chiyuhmi hoka i kanvt ish ishashke.

13. Yvmmak okvt si awant antvt, vbanumpa ak atuk pulla mak o yuka hosh anta li ka, chishno ak a he tuk mak o chi vlhtoba hosh nana kia isht vm ahanta he im ai ahni la he vlhpiesa kia;

14. Yohmi kia chishno chim anukfila keyu ka, nana kia yvmohmi la he ak ai ahno: yohmi na nana achukma ish yvmohmi kvt ik kaniohmi kia ish yvmohma hi atuk o keyu, amba chishno inli chim anukfila kak ashke.

15. Yohmi ka yvmmak okvt hvshi kanvlli achvfa chohmi itin takla ho chi filvmmi na yvmmak ash ish ishi na bilia hi atuk yoba ka;

16. Yohmi ka yuka keyu, yuka kano i shahli, vno yvt itibapishi li a holitopa ho fehna, amba chishno yokak heno a chimmi, micha Chitokaka ibai achvfa hokvt chi holitopa kvt i shahli fehna hinla keyu?

17. Yohmi ka chibai achvfa li ka is si ahni hokmvt, vno ak a he tuk ma chiyuhmichit i kanvt ish ishashke.

18. Nana kia chim okvni tok, micha aheka kia chin takanli hokma, vno ak o aheka is svm ikbashke.

19. Pal sia hvv vno svbbak ak inli ho isht holissochi li kvv, atobbi la he mak oke; yohmi kia is svm aheka kvv chishno yak fehna kak kia is san takanli ak inli ak chim achoshke.

20. Ahlishke, itibapishi li ma! Chitokaka ish ibai achvfa

hoka nana isht chi a sai yukpashke; Chitokaka ish ibai achvfa hokvt is sa nuktalalashke.

21. Is svm antia hinla ka chi yimmi li, micha nana achi li ka i shahli ak inli ish yvmihcha chi ka ithana li aiena hatuk osh, chi holissochi li tuk oke.

22. Yohmi kia ai-vtta la chikma, aieninchit is svm atah-lashke: yohmi kv̄t anumpa ilbvsha ish anumpohonli hatuk mak o chim ona la he ai abni lishke.

23. Chisvs Klaist ak atuk mak o yuka sa bika Epafias vt pit chi aiokpvchishke.

24. Maks, Alistachvs, Temas, Lukas it ibai toksvli li vhleha aiena kv̄t pit chi aiokpvchishke.

25. Pin Chitokaka Chisvs Klaist isht i kana yvt chi Shilombish g ibafoyukashke. Amen.

HOLISSO PAL UT

HEBLU OKLA HA

I HOLISSOCHI TOK

CHAPTER I.

Klalet vt Iki Chihowa ya itilani kv̄t annoa, 1 : 4 enchil puta i shahh fehna ; 14 enchil v̄hleha hv̄t nan isht ai vtta ka anoli.

1. CHIHOWA hv̄t nitak chashpo ilaiyuka, micha a kaniohmi mv̄t ilaiyuka hosh pin tikba v̄hleha hopaii v̄hleha ak o isht ai im anumpohonli kv̄t,

2. Polaka ilv̄ppet ai ishtaiyopi mak o ilap Ushi yo isht a pim anumpohonli kv̄t, yvm̄mak osh nana moma ka iesha he im ai v̄lhpiesa mak o atokoli tok ; micha v̄ba yakni, micha yakni ilv̄ppa a moyuma ka yvm̄mak ash o isht ai ikbi ak inli tok :

3. Yvm̄mak ash osh Chihowa isht a holitopa shohmalali, micha Chihowa mih fehna yatuk, micha nan okluha ka im anumpa kullo ai ghli kak o isht ieshi hosh ai ashv̄chika isht a pi kashofa hi a ataiyahli tok osh, .Nan okluha imaiya v̄ba shaha moma i shahli ka a binili im isht impak imma ak o binili tok.

4. Nan iesha he im ai v̄lhpiesa hatuk vt ieshi hatuk osh, ilap hohchifo isht a holitopa kak osh enchil v̄hleha ha i shahli fehna hatuk osh kaniohmit holitopa kv̄t yv̄mma i shahli fehna hoke.

5. Nitak nanta kash o enchil v̄hleha ha achvfona kia, Chishno yvt sv̄so chia mak o himak nitak a chi tobachi

lishke; micha anonti ilap vt, Uno yak o Svso hachi, mik-
mvt, vno yvt Iki sia hachi hoke, im achi tok o?

6. Micha anonti, Tobahpi yash o yakni paknaka ya isht
vla mvt, Chihowa im enchil vhleha hut moyumvt aiokpa-
hanchashke, ahanchishke.

7. Mikmvt enchil vhleha hano isht anumpuli kv̄t ilvppak
o achishke, Yummvt im ehchil vhleha hokvno mahli chiyuh-
michit, mikmvt in tishu hano luak libbi chiyumichi hoke.

8. Amba Ushi yokvno ilvppak o im achishke, Chihowa
ma! ish ai o binili holitompa kv̄t hikia bilivt peh bilivshke:
nan ai vhpiesa tvbi yak osh ish apeshchika yoka in tvbi
yoke:

9. Chishno yokv̄t nan ai vhpiesa kak o ish i hullo cha,
nan ik vhpeso yokvno ish i nukkillishke; yohmi ka Chi-
howa, chin Chihowa yak osh nan isht ai yukpa bilia ya
laua i shahli ho isht chi ahvmmi kv̄t, ish ai itilauī tuk a i
shahli chikbi tok.

10. Micha Chitokaka chishno yak osh v̄mmona kash inli
ho yakni ilvppa intolahpi ka ish boyuhli tok; mihmvt nana
moma vba shutik ai asha ka, chibbak ak osh ihikbi tok.

11. Yummak okvto ont ai okpulo kv̄t taba kia, Chishno
yokvto ish ahanta he; mikma yummak okvto moyumvt
sipokni kv̄t na fohka yo chiyuhma hi oke:

12. Mikma anchi yak inli ho chohmichit ish pohla he;
mikma yummak ash ot inlv̄t toba he: yohmi kia Chishno
yokvto mih yash inli chia, micha chim afvmmi hokv̄t ont
ataha he iiksho hoke.

13. Yohmi kia nitak nanta kash o enchil vhleha achv̄fona
kia, Svbbak isht impak-imma ak o ish a binili na chin tv̄nv̄p
vhleha hoka chiyi ai o hikia yo ikbi li hayashke, im achi
tok o?

14. Yummak ash ot moyuma kv̄t nan isht ahanta shi-
lombish osh ai okchgya pisa he im ai vhpiesa vhleha ym-
mak o nan isht im ahanta chi vltoka yo keyu?

CHAPTER II.

Klaist a il im antia he tuk, 1; 9 pi okchalincha chi kv̄t hatak o toba tok oka; 14 yohmi kv̄t nana kv̄t a yakohma he v̄lhpesa tok mak osh hatak o toba tok.

1. **YOHMI** hoka nana e haiyaklo tuk puta kv̄t ahah! ahni fehna hosh il anukfihinla hetuk, e yvmohmi keyukmvt, nitak kanima ka pi kv̄nia hinla hoke.

2. Yohmi ka enchil v̄hleha kv̄t anumpa anumpohonli tok a ai ahlit kullo hatok okma, micha kv̄na hosh anumpa yvmak ash o kobahafi, micha ik im antio puta ka isht v̄lhtoba kv̄t isht ai v̄lhtoba he v̄lhpiesa ho ihishi tok okma:

3. Ai-okchaya chinto yakohmi ka kil anukfihinlokmt, katiohmit pi hlakofa hinla cho? yv̄mma v̄mmona ka Chitokaka yak osh isht anumpohonli tok o, anonti yv̄mma i haponaklo tok puta kv̄t ai ahl̄ichi mak osh pim anohonli tok:

4. Chihowa hak kia atokowa ibai anohonli kv̄t, nan isht atokowa, nan isht anukhlakv̄shli, micha nan isht ai ahl̄i ilaiyuka, micha Shilombish Holitopa na hopela aiena ka ilap im anukfihinla hosh isht ai ahl̄ichi tok:

5. Yohmi ka yakni talaiia he isht il anumpuli ka, enchil v̄hleha hokv̄no i nutaka apihisa tok keyu hoke.

6. Amba achvfa kv̄t kanima ka atokoli hosh ai anumpuli kv̄t, Hatak vt nanta ho yv̄mmak oka chishno yokvt isht chim anukfihinla ho? micha hatak ushi yoka, chishno yokvt ish i nohowa ho? ahanchi tok.

7. Yv̄mmak oka enchil v̄hleha hokv̄no lumvt ik lauwo ho ish ikbi tok osh, isht a holitopa chinto ka isht ish iachukolechi, micha nan okluha chibbak vt ihikbi tok a i shahli ho ish ikbi tok:

8. Chishno yokvt nan okluha kv̄t iyi nuta aiasha cha, im antia hi a ish apesa tok. Yakohmichit moyuma ka im i nutakv̄chi ha yokvt, nana kia ik im i nutakacho ka achvfa kia iksho ki tok. Yohmi kia nan okluha kv̄t ik im i nutako kisha ho himonasi ka e pihisv̄shke:

9. Yohmi kia Chisvs, yummak okvt enchil vhleha hā lumvt ik lauwo hosh toba tok kia, nan-illi isht ilbvsha ka pihisa kak osh isht a holitopa chinto ka isht iachuka ka e pihisvshke; yohmi na Chihowa isht i kana pulla hatuk mak o yummak ash ot hatak moyuma ka vlhtoba hosh illa hi atok.

10. Yummak pulla hosh nan okluha ka ihikbi tok, mih fehna kash inli atuk pulla mak o nan okluha kvv toba tok, yummvt yvmihcha he im ai vhpiesa hosh ushi vhleha laua ka isht a holitopa ka pehlichit isht ohona kvv, yummak ash isht ai okchaya i kvpitvni hvv nan isht ilbvsha puta ka pihisa hosh isht ai ahla hi a im apihisa tok oka.

11. Yohmi ka na-kashofi, micha nan ai ashvchika i kashofa aiena kvv it ibai achvfa hoke; yakohmi hoka ik hofahyo hosh itibapishi vhleha hochihifo kvv,

12. Itibapishi li vhleha hā chi hohchifo hā otvvinchit im anohonli la chi; itibapishi li vhleha hā ai iklvna hikivt talahovvt chi aiokpahanchi la chi hoke, ahanchishke.

13. Mikvvt anonti, Yummak o anukchieto la chi hoke, achishke. Anonti, Ūno, micha vlla vhleha hā Chihowa hvv ahama tok oka pisá, achishke.

14. Yohmi hoka vlla vhleha hash osh haknip, issish aiena ka ibai ishi hatuk o, ilap ak kia anonti yummak ash ibai ishi tok ak inli hoke: yohmi na vlhtobvt illi pulla hosh nan-illi ishi, yummvt nan isht ahullo okpulo ak atuk a imaiyachi cha;

15. Yummvt nan-illi i nukshopa kak osh, okchaya takla kvv yuka tovt kvnia chatuk a mominchit hlakoficha hi atok.

16. Yohmi ka ahlishke, yummvt enchil vhleha hā halanli tok keyu; amba Eblaham isht ai unchululi hak o halanli tok.

17. Yvmohmi ka nan okluha ka ai yvmohma he ai vhpiesa hosh itibapishi vhleha ak inli hō chiyuhmit toba hi atok; yvmohmi hosh i kana fehvt na-holitompa isht vta chinto ai ahli fehna hosh Chihowa nan isht im ahanta kvv, okla puta nan ai ashahanchi tok isht vlhtohomba he ikbi mak osh isht ahanta hi atok.

18. Yohmi ka ilap ak kia imomaka pisa kv̄t, na-palv̄mmi pihisa hatuk okv̄t, kv̄na hosh imomaka pisa hokv̄no apelv̄cha hi vt ithana hoke.

CHAPTA III.

Klaist vt holitopa kv̄t Moses ḡ i shahli, 1 : 7 yohmi hoka kil i yim-mokv̄t, Israēl chukv̄sh kv̄llo vt na palv̄mmi isht onv̄tula he im v̄hpisa tok ḡ i shahlit pi onv̄tula he bano hoke.

1. **YUMOHMI** hoka itibapishi holitopa v̄hleha v̄ba nan isht ilaiyukpa et annohwa ka ibai ishi hv̄chia ma ! Apostel, micha Na-holitopa isht v̄tta chinto, Chisvs Klaist ḡ il ithaiyana, il il apihisa tok ḡ hv̄sh anukfihinlashke.

2. Moses vt ilap in chuka ai achv̄fa moyuma ka im ai gh̄li bano tok ḡ, chiyuhmit yv̄mmak ash osh ilap ḡ atokoli tok ḡ im ai gh̄li bano tok.

3. Yohmi ka hatak ilv̄ppv̄t isht a holitopa i shahli h̄q isht a holitopa kv̄t Moses ḡ i shahli kv̄t, chuka yoka kv̄na hosh ikbi tok ak osh holitopa kv̄t, chuka yash i shahli chatuk ḡ chiyuhmi hoke.

4. Yohmi ka chuka toba moyuma ka ikbi vt ḡsha bano chatuk ; amba nana moma ih̄ikbi tok vt Chihowa ak oke.

5. Yohmi ka tishu h̄q chiyuhmit Moses vt ilap in chuka ai achv̄fa moyuma ka im ai gh̄li bano kv̄t, nana isht anuhumpa he mak o atokolit anohonli tok :

6. Amba Klaist v̄to Ushi yosh in chuka achv̄fa pehliechi h̄q chiyuhmit ai gh̄li tok ; yohmi ka ai okchaya ȳḡ na-yukv̄t e hohoyo hosh Chisvs Klaist il anukchieto kv̄t, achunanchi ai gh̄li hosh ai v̄hli ka il ona hokv̄t, yv̄mmak ash in chuka pia hoke.

7. Yvmohmi hoka Shilombish Holitopa yv̄t ahanchi kv̄t, Himak nitak oka im anumpa hoka hv̄sh haiyaklo hokv̄t,

8 Hv̄chi chukv̄sh oka hv̄ch ik kv̄llocho kashke : yohmi kv̄t isht a nokov̄chi, yvmohmit nana ka imomaka pisachi hosh yakni haiaka it̄nowa tok ḡ hv̄ch ik chiyuhmicho kashke.

9. Nitak yv̄mmak ash hv̄ch iki vt ik sai yimmo kv̄t imo-

maka sa pisvchi tok; micha nana a kaniohmi li puta ka pihisa na afvmmi pokoli ushta tok.

10. Yvmohmi hoka okla yvmmak ash isht vm ahchibvt kvnia tok: mihmvt, Yvmvt chukvsh anukaka ya isht ashvchi bilia, micha vm anumpa vlpisa puta ka ik ithanoshke, achi li tok.

11. Yohmi kvv sa nukhobela hosh anumpa kvllo il onochit anumpohonli li hoka, Um afoha yoka chukowa himma keyu mak oke.

12. Itibapishi li vhleha hvv ahah! hvsh ai ahnashke, chukvsh okpulo, nan ik yimmo Chihowa okchaya ya isht hvsh ai i filvmma hinla kvv, hvsh kanima ka ik hvchi anukfoyuko kashke.

13. Amba himak nitak achi itin takla kak o nitak puta ka nan it i mihvt hvsh iti hlampkohonchi pulla ho, hvsh kanima kia nan ai ashvchi isht a haksit ik hvchi kvllo kashke.

14. Yohmi ka na pi yimmi vmmona tok vt ai ghli biekvt mahayvt ont ai vhli ka il ona hokmvt, Chisvs oka ibai achvfa vhleha e toba hoke.

15. Himak nitak achi itin takla kak o, Himak nitak oka im anumpa hoka hvsh haiyaklo hokmvt, isht a nokovvchi yvmohmi tok a, chiyuhmit hvchi chukvsh oka hvch ik kvllocho kashke.

16. Yohmi ka kaniohmi kvv haklo hayvt nokovvchi tok: yohmi kia Moses vt pehlichit Echip a kohchi tok a moma hosh yohmi tok keyu hoke.

17. Amba afvmmi pokoli ushta ka kvta hak o isht im ahchibvt kvnia tok o? nan ashvchi tuk osh haknip illi vt yakni haiaka ya ai itohonla ak atok keyu cho?

18. Yohmi ka kvta hak osh im afoha yoka chukowa himma keyu ho anumpa kvllo il onochit anumpohonli tok o? amba ik i yimmo ke tuk vhleha ak atok keyu cho?

19. Yohmi ka ik i yimmo pulla kak osh chukowa he keyu ki tok a eho pisushke.

CHAPTER IV.

Ubanumpuli a-foha he vlhtaha tok g na yimmi pulla hokmak osh isha he, 1: 12 Chihowa im anumpa hv̄t aighli fehna; 14 Na holitempa chinto isht pim vtta yvt Klaist Chisvs Chihowa Ushi, 16 nan isht ai j kana ai q binili holitempa nukwya keyu hosh il ohqashke.

1. YUMOHMI hoka im afoha e chukowa he pim issa tok g takali moma hoka, hv̄sh kanima kv̄t hv̄ch ik ono ahoba hinla ka, ahah! il ai ahnashke.

2. Isht ai yukpa anumpa yash ot pishno ak kia pim annohwa kv̄t, yummvt im annohwa tok ash q chiyuhmi tok: yohmi kia anumpa im annohwa kv̄t nan isht im achukma tok keyu kv̄t, anumpa habaklo yummak okvt na yimmi ya ibafoki keyu ak atok.

3. Yohmi ka, Si anukhobela hosh anumpa kullo il onochit anumpohonli li hoka, yummak okvt vm afoha yoka chukowa he keyu, ilap vt achi tok: yohmi ak inli kia pishno il j yimmi hatuk okvto yakni toba vmmona pilla kash nan toksvli puta kash ot ont vlhtaiyaha tok im afoha yoka e chukowa hoke.

4. Ilap vt yakohmichit nitak isht untuklo ka ai atokowa kanima ka isht anumpuli tok: yohmi kv̄t Chihowa hokvt ilap a toksvli puta hoka ataiyahli kak osh nitak isht untuklo hokvno foha tok.

5. Mihmvt ilvppak q, Um afoha yoka chukowa he keyu, anonti achi tok.

6. Yakohmi hoka afoha yoka kaniohmi kv̄t chukowa chi pulla ka takanli moma hoka, yohmi ka isht ai yukpa anumpa im annohwa vmmona tok vhleha hokvto afoha yoka ik chukowo kv̄t na-yimma he keyu kak atok.

7. Anonti Lewi ak q isht ai anumpulit nitak kaniohmi hq atokolit, Himak nitak g ahanchi, nitak yummak atok g hopakit taiyaha, achi hoka, Himak nitak g vm anumpa hv̄sh haiyaklo hokmvt, hv̄chi chukvsh oka hv̄ch ik kullocho kashke.

8. Yohmi ka Choshua vt yummak ash afoha ya ima ha-

tok okma, i himmak okvno nitak inla hō isht anumpula hi atok keyu hoke.

9. Yvmohmi hoka Chihowa im okla vhleha hokvto afoha yvt in takanli hoke.

10. Yohmi ka kvna hosh Chihowa im afoha yoka ont chukowa hokvto, ilap inli toksvli kash issa kvv, Chihowa hvv ilap toksvli tuk vt issa ak inli tok ash inli hō chiyuhmi hoke.

11. Yohmi hoka afoha yvmma e chukowa chī kvv il achunanchi fehnashke; ik yimmo hosh itohonla tok ash o chiyubmit hatak kvna kia ik itulo kashke.

12. Yohmi ka Chihowa im anumpa hvv okchaya, micha isht ai ghli fehna, micha halupa kvv bvshpo falala itahlakla halupa yak kia i shahli hosh hlopullichit bvshli kvv, ilhfopak, micha shilombish ita tuklo ka it i filvmmichi, anonti itachakli, micha lupi ita tuklo ka it i filvmmichi, micha chukvsh anvaka nan isht ahni, micha nan isht anukfilli puta ka akostininchit nan im apesa yoke.

13. Nana toba moma kvv achvfa kia itikba ya ik im ai otano kvv iiksho; amba nana ka il it i kaniohma chī yvmma i holhponayo hokvno nan okluha kvv ik ompoholmo i bieka hoke.

14. Na-holitompa isht vttā chinto pim anta, Chihowa Ushi, Chisvs okvt vba yakni oka ona tok oka, nana ka il il apihisa tok vt il ai ghlashke.

15. Yohmi ka na holitompa isht vttā chinto nan isht a pilbvsha ka ik piba nukhaklo ka hi osh pim anta keyu; amba nana a kaniohmi puta ka imomaka pisa kvv, pishno ak inli hō chiyuhmi kia ai ashvchi yak osh ik im iksho ki tok.

16. Nan isht i nukhaklo il ishi cha, ont ai vllpiesa pi apela chī ka isht i kana il ahayucha chī kvv, isht ai i kana ai o binili holitompa nukwaya keyu hosh il onashke.

CHAPTA V

Chihowa yvt Klaist a holitobli; mikmvt na holitompa isht vttā i shahli yō atokoli, 1; 14 Heblu okla hvv nan ai ghli ilvppa ithvna he tuk vt a haksichi ka Pal vt nan i miha.

1. **Y OHMI** ka na holitompa isht vtta chinto puta hatak a kohchit ihishi ka, hatak ak atuk pulla mak o nana Chihowa immi ha isht ahanta chi kv̄t, vlhtoka tuk osh nan ai ashvchi isht vlhtoba he puta, micha na hv̄lbina aiena ka isht im ona hi atok :

2. Ilap ak kia nan isht ai ibetvbla hi vt isht apakfoyupa ak inli hokvt, nan ik ithano, micha yoshuba vhleha aiena ka yummvt i nukhakla he bano hoke.

3. Mikmvt nana kv̄t ai yakohmi hokvt, ilap nan ai ashvchi isht vlhtoba he yak kia, aieninchit okla nan ai ashvchi isht vlhtoba hi a isht im ona hi atok oke.

4. Hatak nana kia ilap ak inli kv̄t nan isht a holitopa ilvpa isha he keyu, amba Alon atok a chohmichit Chihowa ak osh atokoli hok mak oke :

5. Yohmi ka Klaist ak kia ilap ak inli hosh na holitompa isht vtta chinto toba chi kv̄t isht ile holitoblichit tok keyu : amba, Chishno vt Svso chia ho himak nitak oka chi tobachi lishke ; im achi kak atok oke.

6. Anonti, Chishno yokvt Melkisetek atok a chiyuhmit na holitompa isht vtta hosh ish ahanta na bilia hi oke, inla kanima ka ai achi ak inli tok.

7. Yvmmak ash ot hatak haknip ieszit yakni paknaka ilvppa ahanta mvt, nishkin okchi mihintit, chitoli fehna hosh pahayvt, nan-illi im a hlakoficha hinla ka im ilbvsha fehvt anumpohonli tok : yohmi ka Chihowa ha holitobli hatuk mak o, Chihowa hv̄t i haponaklo tok :

8. Yvmmak ash ot Ushi atuk ak inli kia, na palvmmi pi-hisa kak osh im antia kia isht ithvna tok :

9. Mihmvt nana kv̄t ai ahlit im vlhtaiyaha kak osh, im antia puta hokvno ai okchayvt bilia ya im atahli yoke :

10. Yohmi kv̄t Melkisetek atok a chiyuhmit na holitompa isht vtta chinto hosh Chihowa hak o im ai vlhtoka tok.

11. Melkisetek ash isht il anumpula chi kv̄t pin laua : yohmi kia nana ka akostininchi hv̄chi svlaha hoka, tosholi ka kv̄llo hoke.

12. Yohmi ka yvmmak atok a hopakit taiyaha hoka nan im avvchi yosh hv̄sh ahanta he vlhpiesa kia, kanima kv̄t

Chihowa im anumpa ai isht ia vmona ka anonti hvchim abvcha hi g vhpesa pulla hoke : yohmi kv̄t ilhpak kullo vpa chatuk okvno hvch ik chohmo, amba pishukchi ishko chatuk ak o chiyuhmi ho hvsh tobvshke.

13. Yohmi ka pishukchi ishko puta hokvto nan isht ai vhpiesa anumpa hoka akostinincha hi g ik ona, vll̄osi yokv̄t

14. Amba ilhpak kullo vt asvnochi vhleha hak o im ai vhpiesa hoke ; yvm̄mak ash ot nana ka ai yvmohomi kak osh im anukfila isht toksahanli hosh nan achukma, ik achukmo ita tuklo ka isht akostininchi hoke.

CHAPTA VI.

Nan ai yimmika ya ai i filv̄mmit aka ik kabo ka ch̄i, 1 : 11 amba kv̄llot hiela ch̄i : 12 nana ka achunanchit nuktaiyav̄t Chihowa ya avokpv̄cha ch̄i ka i miba : 13 Chihowa im anumpa hv̄t ahli hoka.

1. YUMOHMI hoka Klaist ai isht vlv̄uchi vmona hokvno e boyuhli cha, ai ahli fehv̄t itikba il ia hosh nan toksv̄li isht ai illi ai i filv̄mmit ile kostininchi, micha Chihowa isht i yimmi ;

2. Baptismo nan isht vlv̄uchi, micha ibbak onohonchi, micha illi tok vt falav̄t tani, micha hatak puta nan im vlv̄pisv̄t bilia he aiena ka intolahpi ka atuklanchit keho bohlo kashke.

3. Micha Chihowa ak osh vlv̄pesa ahni hokma, ilv̄ppa e yvmohma he mak oke.

4. Yohmi ka kv̄na hosh himonna h̄g im vlv̄v̄chit, na-hvlbina vba yakni minti ka akostininchi, micha Shilombish Holitopa ya ibai ishi tok okvto,

5. Mikv̄t Chihowa im anumpa achukma, micha vbanumpa nitak nan isht ai ahli he aiena ka anukfoyuka ha yak okvto,

6. Yvm̄mak ash osh vbanumpa h̄g i filv̄m̄mi hokv̄t kaniohmit atuklant himov̄t toba cha, ai isht ile kostinincha hinla kv̄t iksho kamohmi hoke ; yohmi kv̄t ilap ash inli hosh Chihowa Ushi ya himov̄chit ititaiyukhv̄na ya ai vbi kv̄t, otv̄ninchit hv̄fahli hokv̄t.

7. Yohmi ka yakni ak osh uhumba aiyuka ka ai ihishko

hosh yakui a toksvli yummak atuk vt ai isha h e vlhpiesa h e offohonchi cha, nan isht ai yukpa Chihowa a mihinti ka ishi hoke :

8. Amba bafvlli halupa ilaiyuka offohonchi hokvno nau ik ahobo hatuk o, isht ai okpuloka he anumpa hvt onvtuyula hosi; yummvt ont im ishtaiyopi hokvto lua he mak oke.

9. Yakohmichit il anumpuli hoh kia, amba holitopa vhleha ma! hvchishno yokvno nana achukma i shahli, micha ai okchaya nana kvt ai ahalaia kak o a hvchi yumohmi ka, pi yimmishke.

10. Yohmi ka Chihowa hvt ik ai vlhpeso hokma, nanta tuk osh nan toksvli holitoblit ilap hohchifo imma ka nan isht hvsh im ahanta tuk a imi haksa he keyu, vbanumpuli vhleha ha nan isht hvsh im ahanta tuk osh, isht hvsh ahanta kvt imoma hoka.

11. Mikmvt ai okchaya ishi la he ai ahnit, ai ahlit hvchi yimmi hosh ont ai vhli ka hvsh ona chi kvt, nana hvsh a kaniohmi kash ot moyuma kvt hvsh achunancha he e hvchim ai ahnishke.

12. Yohmi hosh ik hvch intakobo kashke; amba kaniohmi kvt na yimmi kak osh nana ka nuktaiyavt hohoyo hosh, nana im ihisa tok ash ont ieshi vlhpesa tok ak o hvsh hobachashke.

13. Yohmi ka Chihowa hvt Eblaham a nana ka im ihisa hokvt ilap inli ho ai isht anumpa kvllo il onochi kvt, i shahli kanima ai isht anumpa kvllo il onocha he keyu kak atok,

14. Ahlishke yukpahanlit chi yukpali la he, mikmvt lauahanchit chi lauachi la hi oke, ahanchi tok.

15. Yakohmit nana ka nuktaiyavt hohoyo hatuk osh, nana ka im ihisa tok ash ishi tok.

16. Yohmi ka hatak okvto i shahli ho ai isht anumpa kvllo il onohonchi chatuk vt ai ahli; micha nan isht ai ahlich anumpa kvllo il onochi kak osh itachowa puta hokvno ont im ai vlich chatuk bano hoke.

17. Yumohmi ka Chihowa hokvt nana ka im ihisa tok a ont isha he im ai vlhpiesa vhleha hoka ilap nana im anukfihinla tok vt kaniohmit ai inla himma keyu ka, achukmalit i

shahlichit im otv'ninchi bvnna hosh, anumpa kullo yq il onochit isht ai ghlichit tok :

18. Yohmi ka nana kaniohmit ai inli himma keyu tuklo yummak oka Chihowa hokvt isht a holaba himma keyu hoka, vba isht il aiyukpa pim ihisa tok ash il isha chi hosh a hlakofi yq il o chahafa kv, nan isht a nuktaiyala chinto il iesha he ak atok.

19. Nana pim ihisa tok ash il isha he il ai ahni kak osh, isht a kullo ai ghli kanvlla he keyu yq shilombish vt im itilau, micha yummak osh, aholitopa fehna isht ompoholmo anukaka yoka chukowa mak oke.

20. Yummak oka pin tikba-heka, Chisvs vt chukowvt, Melkisetek atok a chiyuhmit na holitempa isht vta chinto bilia toba tok oke.

CHAPTA VII.

Melkisetek atok a chohmit Klaist Chisvs vt nan isht vta holitempa, 1, 11 Alon na holitempa isht vta yatok a i shahli fehna.

1. YOHMI ka Melkisetek ilvppvt Salem i miko, Chihowa holitopa fehna i na holitempa isht vta yosh, Eblaham vt miko vhleha ont vbit falamvt aya ma yummak ash ot ont afama mvt, yukpali tok.

2. Yummak ash o Eblaham vt moyuma ka a kashapa ont isht pokoli ka ima mak inli tok: vmmona hoka toshowakmvt, Nan ai vhpiesá i miko, mikmvt anonti ymma achakaya kv Salem i miko, yummvt nanaiya i miko achi hoke,

3. Iki iksho, ishki iksho, isht ai unchululi iksho, nitak ai isht ia vmmona tok vt iksho, micha im ilhfiopak vt ont ai vhli tok vt iksho, amba Chihowa Ushi yak o chiyuhmi hosh na holitempa isht vta yosh ahantvt bilia hoke.

4. Yohmi ka hatak ilvppvt a chinto kaniohmi ho, iki chinto Eblaham ash ot nana ka in tvnvp a im ai ishi tok ash achukma i shahli kak o a kashapa ont isht pokoli ka ima tok a, hvsh anukfillashke.

5. Yohmi ka Lefai ushi vhleha atuk vt na-holitempa isht

vtta vlhtoka kv̄t, okla yumm̄vt itibapishi; micha Eblaham ak ̄ isht atiaka yak inli kia, vba nan-vlhpisa in tonla hatuk osh, a kashapa ont isht pokoli ka im ai ishi beka mvhlishke:

6. Amba yumm̄mak ash ̄ ilap okv̄to ai isht unchululi h̄q keyu kia, a kashapa ont isht pokoli ka Eblaham ̄ im ai ishi mv̄t, nana im ih̄isa tok ash ̄ yukpali tok.

7. Mikmv̄t i shahli hak osh ik lauwo ka yukpali hoka ik ai ghlo, acha hi yvt ikshoshke.

8. Mikmv̄t ilvppak okv̄no hatak vt illa he kia a kashapa ont isht pokoli ka ishi; amba yumm̄mak okv̄no yumm̄vt ishi kv̄t okchayvt ahanta ka, nana kv̄t isht ai atokowa hoke.

9. Yohmi ka Lefai yokv̄t a kashapa ont isht pokoli ka ih̄ishi kia, Eblaham ak ̄ isht ai unchululi hokv̄t, a kashapa ont isht pokoli ka Eblaham ̄ ibai atobbi ak inli tok, yv̄mma chiyuhmi achi la hinla ak inli hoke.

10. Yohmi ka Melkisetek vt yumm̄mak ash ̄ afama ma, yumm̄vt iki ikfiksa an̄kaka yak ̄ f̄oka moma hatok.

11. Yohmi ka Lefai na-holitompa isht ai vtta yokv̄t ai ghli bieka hatok okma, yumm̄mak ̄ okla hv̄t i nuta ai asha hosh vba nan vlhpisa puta ka ih̄ishi hatok oka, Melkisetek atok ̄ chiyuhmit na holitompa isht vtta inla hokv̄t na kat̄hmi h̄q vlhtoka he vlhpesa moma h̄q? micha Alon na holitompa isht ai vtta yatok ̄ chiyuhma he keyu h̄q?

12. Yohmi ka na holitompa isht ai vtta inla hosh vlhtoka hatuk ̄, anonti nan vlhpisa yash ot inlv̄t toba he vlhpiesa hoke.

13. Yohmi ka yv̄mma nana puta ilvppvt isht anuhumpa hokv̄to, oklushi inla h̄q ibai achv̄fa hatok; yumm̄mak okv̄to hatak achv̄fa kia alta ȳa nan isht ai vtta beka tok keyu hoke.

14. Yohmi ka Chuta yak ̄ pin Chitokaka yvt a tobv̄t kohcha tok vt ai atokowa; oklushi yumm̄mak oka na holitompa isht ai vtta imma nana kia Moses vt isht anumpuli tok keyu hoke.

15. Mikmv̄t nana ai atokowa hokv̄t i shaiyahli fehna imoma ka, Melkisetek atok ̄ hoyulba hosh na holitompa isht vtta inla kv̄t hikia hoke,

16. Yumm̄mak okv̄to hakn̄ip nan im vlhpisa imma h̄q isht

vlhtoka tok keyu, amba okchayvt bilia im ai vlhpiesa hatuk osh vlhtoka tok oke.

17. Yohmi ka yummvt atokolit anoli hosh, Chishno yokvt na-holitompa isht vtta Melkisetek atok a chiyuhmit bilia chia hoke, ahanchi tok.

18. Yohmi ka nan vlhpisa yummak ash osh nana ka isht ai achukma, ai ahli ka ik ono hatuk osh akshu tok vt ai ahlishke.

19. Nan-vlhpisa yummak ash okvto nana kia ai ahlichu tok keyu hoke: yummak atuk mak o nana achukma i shahli ho pim ataiyahli hosh vla hatok pulla kak o, Chihowa i bilikasi ka il ona hoke.

20. Mihma yummak ash ot anumpa kvllo il onoyuchi keyu iksho ho yummak ash ot na holitompa isht vtta toba tok oka:

21. Yohmi ka anumpa kvllo il onochi kia iksho ho yummvt na holitompa isht vtta vhleha tohomba tok oka: amba ilvppak okvno anumpa kvllo il onochi hosh nana im ahanchi kv, Chitokaka yak osh anumpa kvllo il onochi kv, inlv im anukfila he keyu mak osh, Chishno yokvt na holitompa isht vtta Melkisetek atok a chiyuhmit bilia chia hoke, ahanchi tok:

22. Yakohmi hosh Chisvs okvt nan it im vlhpisa achukma i shahli yoka ai ahlichu toba tok oke.

23. Yohmi ka yummak ash okvto na holitompa isht vtta yvt lava mvhli tok: yohmi kv yummak okvto nan illi ak atuk pulla mak o ahantvt bilia beka tok keyu hoke.

24. Amba hatak ilvppak okvto okchayvt bilia hatuk osh na holitompa isht ai vtta inla himma keyu ho ieshi hoke.

25. Yvmohmi hokvt anonti ilap ak o anukchieto hosh Chihowa hoka im ohona hokvno mominchit okchalincha he bano hosh, yummak oka apelvchit isht anumpohonli hosh ahantvt bilia hoka.

26. Yohmi ka na holitompa isht vtta chinto, yummak okvt ai ashvchika ik im iksho, nan ik okpano, na liteha iksho nan ashvchi vhleha ha ai i filvmmi, micha chaha kv vba yakni yak kia i shahli, yummak chiyuhmi hosh pim ahanta he ai vlhpiesa hatok:

27. Yohmi ka na holitompa isht vtta pehlichi chinto vhleha hokvto nitak moma ka ilap nan ai ashvchi isht vlhtoba ka tikba pit im issa ha yosh, okla nan ai ashvchi isht vlhtoba ka pit im issa beka tok o, yummak okvto chiyuhma he im vlhpes keyu, nan ai ashvchi isht vlhtoba il im issa mak osh ilvppak oka himonna ma yvmohmi tok okvt.

28. Yohmi ka nan vlhpisa yummak ash ot hatak ibetvbla he im vlhtayak kia na holitompa isht vtta chinto atokohonli; amba anumpa kvllo isht ai ghli tok ash ot vba nan vlhpisa yummak ash ot toba ha yak o, Ushi ya atokoli ho, yummot na holitompa isht vtta ai ghli bilia he mak oke.

CHAPTA VIII.

Klaist ak osh na holitompa isht vtta i shahli bilia, yohmi ka Klaist vt va ha yokvno Alon isht ai unchululi kv na holitompa isht vtta vlhtoka he keyu mak oke, 1 : 7 yummak inli chohmit Chihowa yvt nan vlhpisa himona ikbi ha yokvuo Israel vt Echip a kohchvt minti ma, nan vlhpisa toba tok vt kashofvt taha hoke.

1. NANA isht il anumpohonli kash puta ka ilvppak osh moma i shahlishke : Na holitompa isht vtta chinto yakohmi hosh vba yakni Chihowa Chitokaka yvt a binili kak o isht impak imma yo pi binili hosh ;

2. Uba aholitopa, micha vlhtipo ai ghli fehna ka hatak ak atok keyu, amba Chitokaka yak osh ikbi tok, yummak o nan isht ai ahanta hoke.

3. Yohmi ka na holitompa isht vtta chinto puta kv na hulbina, micha nan ai ashvchi isht vlhtoba puta aiena pit im issa chi hosh vlhtoka chatuk oka; hatak ilvppak kia anonti nana im ai asha tuk osh pit im issa he im vlhpiesa hoke.

4. Yohmi kv yakni ilvppak o ahanta hokvot, na holitompa isht vtta ya hi o keyu, vba nan vlhpisa yak atuk pulla mak o na hulbina pit im issa hosh na holitompa isht vtta vhleha hv ai asha hoka :

5. Yummak okvt nan isht ahanta kv vba yakni nana ai asha kak o isht vlhpisa, micha isht a hoyulba mak o isht ai yvmihchi hoke : yohmi ka Moses vt vlhtipo ya ikba chikma,

Chihowa hvt nan i miha kv̄t, Ahah! ahnit nan isht a holba nvnih paknaka chim ai otvni tok ak o chiyuhmi hō nan ok luha ka ish ikbashke, achi tok oka.

6. Yohmi tok kia himonasi hokvno yvm̄mak okvt nan it im vlhpisa achukma i shahli, nana achukma i shahli anno-howa puta isht ai ahli tok a, it i nanaiyvchi yosh nan isht ai vta holitopa i shahli fehna hō ieshi mak inlishke.

7. Yohmi ka nan it im vlhpisa v̄mmona yvm̄mvt nan isht ik ono iksho hatok okma, anonti atukla kv̄t ai yvmohma hi ya hoyo hi atok keyu hoke.

8. Yohmi ka yvm̄mvt nan isht ik ono ka pisa kak osh Chitokaka yvt achi kv̄t, Yakeh! Israel in chukachvfa, micha Chuta in chukachvfa aiena ka nan it im vlhpisa himona im apihisa la he nitak vt vla hi oke,

9. Iki v̄hleha hoka ibbak halvllit pehliechit, nitak kaniohmi kash Echip yakni yoka a kohchi li mvt, nan it im vlhpisa im apihisa li tok okvno chiyuhma he keyu; yvm̄mak okvt nan it im vlhpisa im apihisa li tok ash foyukvt mahaya keyu hatuk o, ak ahnincho ki tok, Chitokaka yvt achishke, im ahanchi tok.

10. Yohmi ka nan it im vlhpisa ilvppak o nitak himak a pilla mak o Chuta in chukachvfa yoka im apihisa la hi oke; yohmikmvt a nan vlhpisa puta yoka anukfokibinchi likmvt, chukvsh oka ai o holissohonchi la hi oke; mikmvt in Chihowa sia hahe, mikma v̄m okla hahi oke. Chitokaka yvt ahanchishke.

11. Yvmohmikma hatak puta kv̄t in chuka panta, micha hatak puta kv̄t itibapishi aiena ka nan im avchit, Chihowa hoka ish ithaiyanashke, im ahancha he keyu; moma ik lauwo, micha moma i shahli aiena kv̄t sv̄thana hi oka.

12. Yohmi ka ik vlhpeso ai yvmohmi puta ka i nukhaklo la he, mikmvt nan ai ashvchi, micha vba nan vlhpisa kobahfi puta ka himak a pilla ak ithaiyano ka he mak oke.

13. Nan it im vlhpisa himona yvm̄mak achi kak osh, v̄mmona tok vt sipokni yo chohmichi hoke. Yohmi ka nana kv̄t okpulot sipoknit isht ai aiena hokvto, ont ik ai iksho kamohma chi kv̄t vlhtaiyaha hoke.

CHAPTER IX

Vba nan-vlhpisa yokvto issish a hlatabampla hi a im apesa 1; 11 amba Klaist vt ilap issish, micha ilap fehna isht a hlakofa hi o ile kanchi tok vt mihi yosh holitopa fehna: 15 ran vlhpisa himona ai ghlichu hosh Klaist vt illa he vlhpisa hatok.

1. **YOHMI** ka nan it im vlhpisa vmmona yummak ash ot Chihowa aiokpuchi nan isht vlhpisa puta, micha aholito pa yakni iluppa ahalaiya aiena ka ishi tok vt ai ghlishke.

2. Yohmi ka vlhtipo yokvt toba tok: vmmona yumma. anukaka yak o pula ai o hikia, micha ai impa, micha puska otvni aiena kv ash beka tok, yummak osh aholitopa hohchifo hoke.

3. Mihma nan-tvna isht ompoholmo vba takali atukla mish a sha ka, vlhtipo yokvto aholitopa moma i shahli hohchifo hoke:

4. Yummak oka anukaka ya na balama aluachi tvli holisso lakna isht toba, micha nan it im vlhpisa yash im itombi yokvt tvli holisso lakna yosh isht ompoholmot apakfoyupa, yummak o tvli holisso lakna nan ai vlhto manna yosh vlhto, micha Alon in tvbi yvt bikobli tok, micha tvli patvssa, tuklo nan it im vlhpisa yvt ai o holihiso tok aiena kv foyuka hosh taloha tok:

5. Mihma paknaka ya Chelubim holitopa vheha hv isht ai i kana ai o binili ya o hoshontikahanchi tok, yummak oka himonasi ka achvfa ai yukvt isht il anumpula he keyushke.

6. Yohmi ka nana puta kv yakohmit vlhtaiyaha ha yak o, na holitopa isht vta yak osh vlhtipo vmmona anukaka yak o chukovvt, Chihowa aiokpuchit a hlopulli beka tok:

7. Amba atukla hokvno na holitopa isht vta chinto kak osh ilap bano hosh afvmmikma himonna ho chukowa kv, issish ik esho keyu hosh yummak o ilap nan ai ashvchi, micha okla nan ai ashvchi aiena ka isht vlhtoba mak o pit im issa beka tok:

8. Shilombish Holitopa yak osh vlhtipo vmmona yash

ot hikia imoma hokvno, aholitopa moma i shahli anukaka a chukowa yokvt ik otano kisha ho ilvppak o otvninchi tok :

9. Yvmmak osh nitak yvmmak fehna ka nan isht vlhpisa hatok ; yvmmak ash o na hvlbina, micha han ai ashvchi isht vlhtoba ita tuklo ka im ihisa tok : yohmi ka yvmma isht ahanta hokvno yvmmak okvt nan isht il akostininchi imma hokvno nuktula ai ghli yo im ikba he keyu hatok.

10. Yvmmak okvt nan ilhpak, micha nan ishko puta, micha il achifa ilaiyuka, micha haknip imma nan isht vlhpisa puta aiena kak illa hosh im vlhpihisa na nan ai vlhpesa nitak vt vla hi atok.

11. Amba Klaist vt vla hokvt vlhtipo chito, micha vlhta-ha achukma kvv i shahli, ibbak isht a toba keyu, yvmma achi kvv nan toba ilvppak o chohmi keyu, na holitompa isht vta chinto hosh nana achukma vla chi puta ka isht ahanta kvv ;

12. Issi kosoma, micha wak ushi issish o keyu, amba ilap im issish ak inli ho isht a pi vlhtombvt bilia ya isht a pim ataiyahli ha yosh, aholitopa yoka himonna achvfa chukowa tok.

13. Yohmi ka wak nakni, micha issi kosoma issish, micha wak tek himita hullushmi hituk chubbi ya ik kashofo ka ai o fimimpa kak osh kanimihchit haknip a kashofi hatok okma ;

14. Shilombish okchayvt bilia anukfoka pulla hatuk osh isht ik ai ono kia iksho hosh Klaist vt Chihowa yoka pit il im issa tok ; yvmma im issish okak heto i shahlichi fehna hosh nan a kaniohmit isht ai illi ya a hvchi filvmmichit, isht hvsh il akostininchi yoka hvchi kashofichi na Chihowa okchaya yoka hvsh holitobla hinla hoke.

15. Yohmi ka yvmmak okvt nan it im vlhpisa vmmona nuta ai ashvt nan ai ashahanchi tok vt isht vlhtoba chi mak o, illi pulla hatuk mak osh nan it im vlhpisa himona yoka ai ghlichi toba ho, im annohwa tok puta hokvt ai okchayvt bilia isha he im ai vlhpisa im ihisa tok a isha hi atok.

16. Nan it im vlhpisa yvt tobakma, nan it im vlhpisa isht ai ghli kvv illi kak o pulla chatuk mak inlishke.

17. Yohmi ka nan it im vlhpisa isht ai ahli yash osh ok chaya imoma hokvno isht ik ai ahlo kamohmi, amba illi ha yak o isht ai ahli chatuk oke.

18. Yvmohmi hoka nan it im vlhpisa vmmona hokvt issish iksho ho isht ai ahli tok keyu hoke.

19. Yohmi ka Moses okvt vba nan vlhpisa yvt nana apihisa ka mominchit okla puta ka isht im anumpohonlit taiyahli mut, wak ushi, micha issi kosoma ushi issish ita tuklo, oka kapvssa, micha chukfi hishi humma, micha hissop aiena ho ieshi cha, holisso, micha okla moma aieninchit isht o fimmi mut,

20. Ilvppak osh nan it im vlhpisa issish mak o Chihowa yokvt hvchim apihisa tuk oke, achi tok.

21. Anonti yvmmak ash ot vlhtipo, micha Chihowa isht aiokpvchi ai-vlhto aiena ka issish isht o fimmi mak inli tok.

22. Yohmi ka vba nan vlhpisa yak atuk pulla mak o nan oklyha kvv moma chohmit issish isht a kashofa hoke; micha issish hlatahampa keyu hokvno nan ai ashvchika isht a kashofa iksho hoke.

23. Yohmi hoka nana vba ai asha puta ka isht vlhpisa puta kvv ilvppak ash o isht a kashofa hi atuk; amba nana vba ai asha yvmmak oka nan ai ashvchika isht vlhtoba achukma kvv ilvppak ash o i shabli ho isht a kashofa hi atuk oke.

24. Yohmi ka Chisvs vt aholitopa puta ibbak isht a toba, yvmmak o ai ahli fehna ka isht vlhpisa hatok ak o chukowa tok keyu; amba pishno ak atuk pulla mak o Chihowa itikba ya himonasi kvno ai otaiyana chi kak osh vba yakni fehna ka chukowa tok:

25. Na holitopa isht vtta chinto yokvto aholitopa yoka afvmmikma in issish o isht chukowa beka tok, chiyuhmit himonng ilap ash il im issa hi atok keyu hoke:

26. Yohmi tok okma, yakni intolahpi toba vmmona tok takla ka himonng ihinla hi atok pulla; amba himonasi kvno himonna achvfa ho yakni ont ishtaiyopi yak o ant ai otaiyani kvv, nan ai ashvchi isht kanchi mak osh ilap il im issa hooh illi tok.

27. Yohmi ka hatak puta kut himonna ho illa hi vt im vlhpihisa tok; amba misha pilla hokvno nan im vlhpisa nitak osh vla hi oke:

28. Yvmma chiyuhmit Klaist ak kia lava nan im ai ashvchi isht kancha chi mak osh himonna ma il im issa tok: yohmi kut yvmma hohoyo vhleha hokvno nan ai ashvchi ik im iksho hosh atukla okchalincha chi hosh otaiyana hi oke.

CHAPTA X.

Vba nan-vlhpisa ho na nipi vba isht aiokpvchi hokvno nan ashvchi isht kancha he keyu, 1: 10 amba Klaist haknip osh himonna ha nan vlhtoba hosh illi ha yokvto nan ashvchi ya isht kanchi; 19 achunanchit nan ai yimmika ya kvllot ieshit Chihowa ya aiokpachanacha he i miha.

1. YOHMI ka vba nan vlhpisa yokvt nana achukma puta vla he ak o isht vlhpisa hatok; yohmi kut nana yvmmak o isht a holba ai ghli keyu hokvt, nan ai ashvchi isht vlhtoba puta yvmma afvmmi aiyuka ka pit im ihisa na bilia mak o isht ahanta vhleha hoka nuktalalit ai ghlichha himma keyu hoke.

2. Yohmi tok okma, ilvppak oka pit im issa kut issa hi atok keyu? yohmi ka aiokpvchi yakohmi vhleha hokvt himonna kashofa ha yokvt, nan ai ashvchi puta isht il akostinichi yvt ik im iksho ka hi atok oka,

3. Amba nan ai ashvchi isht vlhtoba yvmmak ash o afvmmikma anonti nan ai ashvchi isht ai otaiyani beka tok.

4. Yohmi ka wak-nakni, micha issi kosomushi issish aiena kut nan ai ashvchi puta ka isht kancha he keyu kamohmi hoka.

5. Yvmohmi hoka yakni ilvppa vla mvt, Nan ai ashvchi isht vlhtoba, micha vba isht aiokpvchi aiena hokvno chik ahno tok; amba haknip o is svm ikbi tok, achi tok:

6. Nan ai ashvchi isht vlhtoba lua yokvno isht a chi yukpa tok keyu hoke.

7. Yohmi hatuk oka, yakeh! nan isht si annohowa ho-

lisso a foyuka hoka nan ish ai ahni tok a ataiyahli la chi hosh vla li hoke, Chihowa ma! achi li tok.

8. Tikba kash nan ai ashvchi isht vlhtoba, micha vba isht aiokpvchi, micha nan ai ashvchi isht vlhtoba lua aiena ilvppa vba nan vlhpisa yak atuk pulla kak o isht ahanta hoka, chik ahno mvt, anonti yvmma isht a chi yukpa keyu ki tok, achi tok.

9. Yohmi mvt, Yakeh! nan ish ai ahni tok a ataiyahli la chi hosh vla li hoke, Chihowa ma! achi kv, nana vm-mona kash o isht kanchi hosh nan atukla kash o ai ghlicha chi hatok.

10. Nan ai ahni tok yvmmak atuk pulla kak o Chisus Klaist vt himonna achvfa ma, haknip a im issa tok ak o isht a pi kashofa hoke.

11. Yohmi ka na holitempa isht vta puta kv nitak mo-ma ka hiki vt nan ish ahanta kv, nan ai ashvchi isht vlhtoba mih ash inli, yvmmvt nan ai ashvchi isht kancha himma keyu ka, himonna pit im ihisa chatuk :

12. Amba hatak ilvppvt o nan ai ashvchi isht vlhtoba achvfa ka, im issa ha ya tok vt, Chihowa ibbak isht impak imma ak o binilit bilia hoke :

13. Himak a pilla mahaya hokvno in tvnvp vhleha hokvt ilap iyi ai o hikia yo toba he, ai ahnit ahanta hoke.

14. Yohmi ka nan ai ashvchi isht vlhtoba achvfa ho kashofa vhleha yvmmak okvno isht nuktalalit ai ghlichit bilia hatok.

15. Yvmmak oka anonti Shilombish Holitopa yak kia nan atokowa pim anoli hoke; yohmi kv anonti tikba ka achi ha yak osh,

16. Nan it im vlhpisa ilvppak o nitak yvmma i himmak okvno it im apihisa likmvt, chukvsh fehna ka a nan vlhpisa yoka nukfobkihinchil la he, micha im anukfila fehna ka ai o holissohonchi la he ;

17. Mikmvt nan im ai ashvchi, micha vba nan vlhpisa kobahafi tok puta ka himak a pilla ma ak ithaiyano ka hi oke, Chitokaka yvt achishke, achi tok.

18. Yohmi ka ilvppa isht a kashofa kv asha hokvno,

anonti nan ai ashvchi isht vltoba himmakma im issa he iksho hoke.

19. Yvmohmi hoka itibapishi li vhleha ma! Chisus im issish ak atuk pulla kak o nukwaya iksho hosh aholitopa fehna ka e chukowa hoke:

20. Yohmi kv̄t aholitopa isht ompoholmo takali yv̄mma achi kv̄t haknip ak oke, yv̄mmak atuk pulla kak o hina himona, micha okchaya holitoblichit pim apesa tok o e chukowa hoke.

21. Yohmikmvt na holitompa isht v̄tta chinto Chihowa im aboha i shahli hosh pim ahanta hokvt;

22. Chukvsh ai ahli, micha i yimmi ai ahli fehna, pi chukvsh mvt issish o fimmvt, isht il il-akostininchi ik achukmo ka ai i filv̄mmit, pi haknip okvt oka kashofa achukma isht v̄lhchifa tuk aiena ho isht i bilikasi il onashke.

23. Nana pim ihisa tok vt ai ahli yoka, nana pi yimmi il il apihisa tok vt shanaia iksho hosh il ai ahlashke:

24. Micha nana ka isht it anukfilli hosh iloh it i hullot, micha nan isht v̄tta achukma puta ka e yvmohma chi kv̄t, il itaiyimitachashke:

25. Kaniohmi kv̄t ai yvmohmi chatuk ḡ chiyuhmit il itv̄naha he tuk vt kil isso kashke: amba nana ka it i mihvt, nitak yv̄mmvt v̄l̄ hosi ka hv̄sh p̄isa kak osh, i shahlich̄i feh̄nvt hv̄sh yvmohmashke.

26. Yohmi ka nan ai ahli ka il ithaiyana ha yokvt, pishno inli pim anukfila hosh il ashvchi hokm̄vno, nan ai ashvchi isht vltoba yvt himmakma takanli keyu hoke;

27. Amba isht a nukshobla he na palv̄m̄mi v̄lhpisa, micha isht i nukkilli luak aiena ka hohoyot ahanta he; yv̄mmvt v̄banumpa ai ahli i sanali vhleha hoka okp̄v̄nit tumola he ak osh takanli hoke.

28. Moses i nan v̄lhpisa yoka ik holitoblo hatuk vt nan atokowa anoli tuklo, tuchina, kanima kv̄t p̄isa ho isht i nukhaklo kia iksho ho, illi hatok oke.

29. Yohmi ka kv̄na hosh Chihowa Ushi yoka iyi nuta boh̄lit a hv̄hlih̄inchi, micha nan it im v̄lhpisa issish yv̄mmak o isht a kashofa tok ash osh nana ik holitopo isht ahobv̄chi

micha nan isht i kana Shilombish Holitopa ya nan isht ik ahobalo hatuk okvto, nan isht ilbvsha yvt i shahli katiohmi ho isht ilbvsha he, hvchim ahoba ho?

30. Yohmi ka, Ai vlhpiesa isht atobba hi okvt vmmi hoke, ilvppak ash achi tok yvmmak okvno il ithana; falaminchit atobbi la he, Chitokaka yvt achishke. Mikma anonti, Chitokaka yvt im okla vhleha hoka nan im apesa hi oke, achi kvv takanlishke.

31. Chihowa okchaya yoka nan im vlhpisa chi hosh ibbak a foyuka kvv nana ka isht a nvkshopa he vlhpesa hoke.

32. Yohmi kia nitak tok ash o hvsh ithaiyanashke, yvmmak amo nana ka hvsh ithaiyana ha yokvto, na palvmmi chinto puta ka it i kahanlot isht hvch ilbahasha tok:

33. Yohmi kvv isht a hofahya, micha na palvmmi puta hvchi onvtuyula hosh okla a yopissa mak o hvsh tohomba kvv hvchi yvmohmi; micha kanimikma yvmma yvmohmi puta kash o ibai achufa hvsh tohomba kvv chiyuhmi mak inli tok oke.

34. Yohmi ka yuka talakchi yosh ahanta li ma, hvv svba nukhaklo tok; micha hvchim ilayak puta ka hvchi wehpohonli kia, vlhpesa ahnit hvchi yukpa kvv nana okpula he keyu, micha achukma i shahli hosh vba aholitopa yoka hvchin tuyula kvv, hvsh il ithana hatuk okvt.

35. Yvmohmi hoka na yimmi hvchi anukfoyuka kash osh hvch ik kancho kashke: yvmmak osh nan isht vlhtoba nan isht il aiyukpa chinto ho ieshi hoke.

36. Yohmi ka nuktaiyavt achunancha he hvchim vlhpiesa; yohmi hosh Chihowa nan ai ahni tok a hvsh ataiyahli ha yosh, nana auct hvchim ihisa tok ash hvsh iesha hi atok.

37. Himak a pilla chekosi fehnakma vla hi atok vt, vla chi kvv svlaha hosh vla chi keyu hoke.

38. Yohmi ka ai vlhpiesa yokvto na yimmi pulla kak osh okchaya chi; amba hatak nana hosh falama hok mvno, sa shilombish vt isht im ai yukpa hi vt iksho hoke.

39. Amba pishno vto falama cha, nan isht ai ilbvsha bilia pihisa he vhleha yvmmak okvno il ibai achufa keyu, amba na yimmi cha, shilombish okvt okchayvt bilia yvmmak o il ibai achufa hoke.

CHAPTER XI.

Na yimmika yvt nana hatuk a anoli, 1; 7 nayimmi isht ai vni kvv vbanumpuli tikba ash ot nan im anukfila na otvni tok a anoli.

1. NA yimmi kak osh nana il isha he ai ahnit e hohoyo ka nan isht pim ai ahli yoke; micha nana ke peso ka nan isht ai atokowa yoke.

2. Yvmmak atuk pulla kak o hatak tikba vhleha hokvt nan annoa achukma ka isht ai atokowa tok oka.

3. Na pi yimma pulla kak osh yakni puta kvv Chihowa im anumpa hak o isht a toba tok a isht il akostininchi hoke; yohmi hatuk o nana puta e pihisa kvv nana puta otaiyani kak o isht atoba tok keyu.

4. Na yimmi pulla kak osh Ebel okvt vba isht aiokpvchi achukma kvv Ken immi ya i shahli fehna ho Chihowa hoka ont im issa tok; yvmmak ash o nana ka ai vhpiesa kvv isht atokowa kvv, i na hvlbina puta ka Chihowa hokvt atokolit im aiokpanchi tok; micha yvmmak atuk pulla kak o illi tok kia anumpuli kvv imomvshke.

5. Na yimmi pulla kak osh Enok vt toshowa kvv nan-illi ik peso ka chi kak atok; micha Chihowa ak osh tosholi hatok oka, iksho ki tok: ik toshowo kisha kvv Chihowa yoka yukpali tok, nan isht atokowa ilvppak o ishi hatok okvt.

6. Amba na yimmi iksho hokvno kaniohmit yukpala himma keyu hoke; yohmi hoka kvna hosh Chihowa im onakmvt, yvmmak osh ahanta, micha yvmmak okvt ilap o achunanchit hohoyo puta hokvno nan im atobbi aiena ka yimmi pullashke.

7. Noah yoka Chihowa hvv nana im anohonli ma, nana ka ik peso kisha ak inli kia, nvkshopvt holitobli hokvt, i yimmi pulla hosh in chuka-chvfa yvt isht ai okchaya hi a peni chito ya ikbi tok; micha yvmma yvmohmi kak osh okla puta ai asha tok ash na palvmmi vhpisa hvv onvtula he vhpesa ka isht otvninchi tok; micha na yimmi isht ai vhpiesa iesha hi vhpesa hosh toba tok.

8. Eblaham okvt yakni inla yvmma i himmak o immi tobt isha hi o, ivt ona chi ho i howa ma, yimmi pulla kak osh im antia tok; micha yvmmak o ia li, ahni keyu kia, kohchvt ia tok.

9. Na yimma pulla kak osh yakni im issa tok ash ont ahanta kv, yakni vt immi keyu ho chiyuhmi hosh Aisaak, micha Chekob ita tuklo, yvmmvt nan im issa tok mihi ash iesha he im ai vlhpesa ak inli ka ai itapehvt vlhtipo anukaka yo ahashwa tok:

10. Tvmaha chito intolahpi yvt kullo achukma yvmmak oka Chihowa hak osh apesvt bohli, micha ikbi yak o hohoyo hatok okvt.

11. Na yimmi pulla kak osh anonti Sela ilap inlit isht hlampko ishi hosh chakali cha, vlla sholi tok, ai yvmohmi chatuk a ont ivt kvnia kia, yvmmak ash ot nan im issa tok a ai ahli yoke ahnit i yimmi hatok okvt.

12. Yvmohmi hoka achvfa, yvmmvt illi ak o chiyuhmi kia, laua kv fochik vba shutik ai asha ka itilau, micha shinuk a holhtina iksho okhvta ontalaka ai asha kak o chiyuhmi hosh a toba tok.

13. Ilupvt momvt yimmi imoma hosh illi tok; nan im ihisa tok a ishi tok keyu; amba yvmmvt hopaki fehna moma ho pihisa kv, yvmma yimmi ai ahli fehvt anukfoyuka hosh, yakni paknaka ai asha kv, peh nowvt aya, ai anta na hopaka he ik im iksho yosh il anohonli tok.

14. Kvna hosh yvmma chohmi ka achi hokvto, ai ahanta he yakni yo hoyo kv otvninchi fehna hoka.

15. Yohmi ka yakni yvmma a kohchvt minti tok vt anukfihinli hatok okmvt, a falama hi vt takanli akinli tok mvhlishke.

16. Amba himonasi kvno yakni achukma i shahli, yvmmvt vba yakni yak o bvna hoke: yvmohmi hoka in Chihowa isht a hohchihifo kv, Chihowa hv hofahya keyu, yvmmak oka tvmaha chito yo im ataiyahli hatok okvt.

17. Na yimmi pulla kak osh Eblaham okvt nana ka imomaka pisa ho, Aisaak a im issa tok; micha nana im

ihisa puta kash ishi hatuk okvt ushi yummak j bieka tuk vt im issa tok.

18. Yummak o isht anumpa hosh Aisaak ak o chi unchululi kv̄t isht a toba hi oke, achi tok.

19. Chihowa yokvt, illi tuk kia, falaminchit tanicha he bano hoka, ai ahni pulla hatuk mak osh yummvt illi tuk a chiyuhmichit falaminchit ishi tok.

20. Na yimmi pulla kak osh Aisaak okvt Chekob, Esau ita tuklo kv̄t i himmak nana im akaniohma hi oka im anolit yukpali tok.

21. Na yimmi pulla kak osh Chekob okvt illit isht mahaya mvt, Chosef ushi a ita tuklont yukpali tok; mihmvt in tvbi wishakchi ak o on hlipia hosh Chihowa ha aiokpvchi tok.

22. Na yimmi pulla kak osh Chosef okvt illi mvt, Israel im vlla v̄hieha hokvt wihvt itnowa hi oka isht anumpuli tok; micha ilap foni yoka kanimihcha hi oka im apesa tok.

23. Na yimmi pulla kak osh Moses okvt vttahpi mvt, vlla aiokli fehna ho iki, ishki ita tuklo kv̄t pisa hatuk osh, luhumi na hvshi tuchina ona tok; micha miko i nan vlhpi-sa ya i nukshopa tok keyu.

24. Na yimmi pulla kak osh Moses okvt asvnot taiyaha mvt, Feleo ushetik ushi isht a hohchifa he ik ai ahno kv̄t;

25. Chihowa im okla v̄hleha hak o na palvmmi isht ibai ilbvsha kak osh nitak kanomosi takla, nan ai ashvchika ai isht ilaiyukpv̄t ahanta hi atuk vt im i shahli tok:

26. Yohmi kv̄t Klaist a i yimmit isht a hofahya yak osh nan isht ilaiyukpa chinto kv̄t Echip anukaka nan im ilayak puta ai asha ka im i shahli tok; nan isht vlhtoba nan isht ilaiyukpa yak o hohoyo tok okvt.

27. Na yimmi pulla kak osh yummak ash ot Echip a issa kv̄t, miko yokvt isht i nukkilli ya i nukshopa tok keyu yohmi kv̄t nishkin vt pisa he keyu yummak okvno pisa kash chiyuhmit nuktaiyav̄t achunanchit ahanta tok.

28. Na yimmi pulla kak osh yummak ash ot v̄banvblit ont ai, micha issish isht o fimmi aiena ka holitobl̄ na, vttahpi ahambi yummvt ik halelo ka chi hatok

29. Na yimmi pulla kak osh okla hut okhvta humma yvt yakni shila chiyuhmi hō a hlopulli tok; yvmma Echip okla hokvt hobachi hosh okai illit taiyaha tok.

30. Na yimmi pulla kak o Cheliko tvli isht a holihta yokvt okla apakfohomba na nitak untuklo ma aka itula tok.

31. Na yimmi pulla kak osh Lehab ohoyo havi yatuk vt, yimma he keyu vhleha hoka ibafokvt illi tok keyu, na tikba pisa vhleha hoka i kanvt ilap in chuka yoka ik chukowá, im ahni hatok okvt.

32. Micha himmakma nanta hak o achi la chi? Yohmi kvk Keteon, Balak, Samson, Chefhli, Lewi aiena, micha Samuel, micha hopaii vhleha aiena ka isht anolit ont taiyahli la he keyu hoke:

33. Yvmmak okrto na yimmi pulla kak osh apelihchika puta imaiyachi, nan ai vhpiesa ka yvmihinchi, nana im ihisa tok a ihishi, koi hochito itakha ya akvmmi aiena tok;

34. Luak libbi isht lua mosholihinchi, bvshpo falaia halupa ai i nlahohofi, tikambi tuk vi hlampko, itibi kvk kullot isht i shahlit mahaya, oklushi inla in tvshka chipota ya falaminchit tihlinli aiena tok.

35. Ohoyo vhleha ha im illi tuk vt anonti falamvt okchaya na ihishi tok; mihma inla yvt a hlakofa he im issa kia, vhpesa ik ahno hosh nan isht a hotopa; issikkopa pihisa, yohmi kvk falamvt tani achukma i shahli hō isha he ak atok:

36. Mihma inla yvt isht ik ahobalo anumpa okpulo fehna, micha fvma isht a hotopa fehna puta, mihmvt anonti talakchit aboha kullo fohoka aiena ka isht ai imomaka pihisa tok:

37. Okla tvli isht bohōwa, bvshvt ita hokohofa, isht ai imomaka pihisa, bvshpo falaia isht ai ihinli: chukfi vhpoba hakshup, micha issi kosoma hakshup aiena hō foyukvt yakni haiaka ai itvnova, nana ik im iksho kamohmi hosh, nan ilbvshvt issikkopa aiena tok;

38. Yvmmak oka yakni yvt immi ha he ik ono hatok;

yakni haiaka nunih anuka, micha tuli chiluk, micha yakni chiluk anuka aiena ka okla ashvt itvnowa tok.

39. Mihmut ilvppvt moyumvt na yimmi pulla kak osh nana annoa achukma ka isht ai atokowa kia, nana im ihisa tok a ik isho ki tok.

40. Chihowa hak osh nana inla achukma ho pim ataiyahli ka, okla pibai achafa keyu kvv ai ahlit im vltaha hi atok keyu hoke.

CHAPTA XII.

Chihowa anukfoyokvt achunanchit nayimmi ka il ai itvnowa he achi, 1; 22 kvna hosh nan vlvhpesa himona aiokpvchi kvv isht ai yukpa ahalaia he vlvhpesa ka anoli.

1. YUMOHMI ka nan atokowa anoli puta kvv hoshonti chinto ka chiyuhmit yakohmi hosh isht a pi apakfoyupa ak inli hokvt, na weki puta, micha nan ai ashvchi yvt nan isht ahomba iksho isht a pi apakfoyupa a moma ka naksika e boyuhli cha, a mvlla he pit tikba ituyula ka nuktaiyalvt achunanchit e mullibinlashke,

2. Chisvs nan isht a pi yimmi ka pi nukfohkichi, micha atahli, yummak osh nan isht ilaiyukpa yvt itikba auet takali kak osh vlvhpesa ahnit, ititaiyukhvua ya takalit, nan isht a hofahya nan isht ik im ahobo tok osh, Chihowa ai o binili holitompa isht impakimma yak o binili ka hvsh pihisashke.

3. Yohmi ka hvchim anukfila hvv tikambit vm ai ahla he keyu, ahnit taha yoba hinla kvv, nan ashvchi vhleha hvv ilap a i sanahanli kia yummak oka vlvhpesa ai ahni tok a hvsh anukfihinlashke.

4. Hvchishno yokvto nan ai ashvchika ya i sanali kvv fehvvt hvsh ilafoa na issish isht ik hlatapo kishvshke.

5. Micha isht a nukvta he anumpa hvv hvchim anum-puli kvv vlla yo chohmichit, Svso ma! Chitokaka i nan isht kostininchi ya chik ahobalo ki na; micha yummvt chi kostininchikma, vm ai ahla he keyu, chik ai ahno kashke, achi ka chimi haksi tok o?

6. Yohmi ka Chitokaka yvt k̄na h̄o i hullo hok̄to kostin̄inchi hoke; micha ushi puta ka ahn̄inchi hok̄to f̄vmmi noke.

7. Hv̄chi kostin̄inchi ka nuk̄taiyav̄t v̄lhpesa hv̄sh ah̄ni hok̄ma, Chihowa hak osh ushi ȳo choh̄michit hv̄ch̄i ȳvmih̄chi hoke; ushi nanta h̄o iki vt kostin̄inchi keyu ka anta hatuk o?

8. Amba nan isht kostin̄inchi ȳvmmak oka moyuma kv̄t ibai ishi chatuk bano, ȳvmm̄vt ik hv̄chim iksho hok̄m̄to, ushi v̄hleha hv̄chia keyu, amba īki iksho hv̄chia hoke.

9. Mih̄m̄vt anonti p̄iki vt hak̄nip āsha pishno choh̄mi hosh pi kostin̄inchi chatuk; mih̄ma ȳvmma e holitobli tuk vt shilombish puta īki yokak heno i nutak̄vt il ai asha cha, pi okch̄aya he ak osh pim i shahla hinla keyu h̄o?

10. Yohmi ka ȳvmmak ok̄vto nitak kanomosi tak̄la h̄o ilap ai ah̄ni hosh pi kostin̄inchi chatuk m̄v̄hlishke: amba ȳvmm̄vto nan isht pim ai achuk̄m̄vt, ilap nan ai v̄lhpiesa kak o il ibai isha he ak atok oke.

11. Yohmi ka himonasi ka isht a kostin̄inchi hok̄vno isht ai yukpa he ik ahobo, amba nuk̄hak̄lochi; yohmi ak inli kia ȳvmma isht ai ȳvmoh̄mi v̄hleha hok̄vno i himmak o nan isht ai v̄lhpiesa nan v̄ni achuk̄ma ka i wayv̄chi hoke.

12. Yohmi hoka hv̄ch ibbak vt aka pit takali ka ho wak̄el̄i, micha hv̄ch iȳikalaha ik hlampko ka apissv̄lechit ho hilech̄i;

13. Michā hv̄ch iyi ȳa hina apissa h̄o hv̄sh im ikbashke, keyuk̄ma hanali okpulo yv̄to tahlofa hinla hoke; amba ȳvmm̄vto ik yohmo hosh hlakofi kak o ah̄ni fehna hetuk oke.

14. Achunanchit hatak puta ka it i nanaiyvt, nan ai ashv̄chi iksho ȳa hv̄sh ieshashke, ȳvmm̄vt iksho ka hatak nana kia Chitokaka ȳa pisa he keyu hoke.

15. Nana ka ahah! hv̄sh ai ah̄nashke, keyuk̄ma hatak k̄anima kv̄t Chihowa yvt isht i kana ȳa i hlakofi yoba ná; mik̄m̄vt na homi okpulo hak̄shish kia offot kohcha cha, hv̄chi atak̄lv̄m̄mi na l̄awa kv̄t isht ai okpula hinla hoke.

16. Anonti hatak havi, micha v̄banumpa ik ahobalo ka-

nirna kv̄t, Esau yok̄t ilhpak himonna vpa yokak o vttahpi. nana kv̄t ilap ai immi hatuk vt kanchi tok a, chohma hinla kv̄t anta yoba ká.

17. Yohmi ka kaniohmit i himmak okvno nana isht ai yukpa he anumpa tok a isha he ai ahni kia, vlpesa ik im ahno tok a hvsh ithana; yohmi ka im anukfila ha inlvcha he yvmmak o achunanchit nishkin okchi mihinti hosh asi-hihla ak inli kia, ik ahayucho ki tok.

18. Yohmi ka nv̄nih yv̄mma potola hinla, micha luak isht luhwa, hoshonti lusa, micha okhlilika, micha apeli chinto aiena ho hvsh ona keyu,

19. Yohmi kv̄t isht-pufa yvt ohonla, micha anumpa vlpisa puta isht anumpohonli ma, yv̄mma okla hv̄t haiyak-lo mv̄t, anumpa yv̄mmv̄t himmakma ilap a isht ik im anumpo ka chi ka asilhha tok:

20. Yohmi kv̄t nana im anuhumpa kv̄t kaniohmit vlpesa ahnit okla haponakla he keyu hatok; yohmi ka nan vlpoba yak oh kia nv̄nih ha haleli hokmv̄t, yv̄mmv̄t tv̄li isht bov̄t illa hi atok, keyukmv̄t iti falaia tv̄li halupa achaka yo isht bahv̄t hlopulla hi atok:

21. Michā na pisa yv̄mmv̄t isht a nukshopa fehna he vlpiesa hatuk o, Moses vt, Sa nukshopa fehna hosh sa wv̄nihinchishke, achi tok:

22. Amba hv̄chishno yv̄to nv̄nih Saion, micha Chihowa okchaya in tv̄maha chinto, Chelusalem vba talaia, micha enchil v̄hleha, a holhtina iksho kamohmi, itahoba chinto ai asha,

23. Michā vttahpi im iksa hohchifo hv̄t vba a holitopa yak o a holihiso, micha Chihowa moyuma ka nan im apesa, micha hatak vlpiesa puta imi shilombish vt ai aghi toba tok,

24. Micla Chisvs nan it im vlpisa himona ya ai-ahlichī, micha issish nan isht o fimmi, yvmmak osh Ebel vt a yvmohmi tok a nana achukma i shahli ho isht anumpuli aiena ho hvsh ona hoke.

25. Ahah! ahnit yv̄mmv̄t anumpuli ka hv̄ch ik i haponaklo ki ná. Yohmi ka yakni paknaka ai anumpuli ka ik i

haponaklo mvt hlakofi tok keyu ka, yummvt vba a holitopa yak o auet anumpohonli ho il i filummi hokak heto, pi hlakofa he keyu fehna hoke :

26. Yummak o im anumpa hosh nitak yummak ash yakni ya winalihinchi tok ; amba himonasi kvno yummvt nana anoli kvt, Anonti himonna ha yo yakni ak bano keyu, amba vba yakni yak kia winalibinchi li mak inli, achishke.

27. Mikma, Anonti himonna ha yo achi, anumpa ilvppvt nana puta kvt winakahancha hinla kvto, toba hatuk osh, ont akshot taha chi ho isht otvni na nana puta kvt winakahancha he keyu kak osh asha moma chi hatok.

28. Yvmohmi ka apehlichika yummvt aksha he keyu mak o il ishi hokvt, Chihowa yvt isht i kana yoka il ieshi pulla hosh, holitoblit i nukshopa ai ghli ai vllhpiesa hosh Chihowa yoka nan isht il im ahantashke.

29. Pin Chihowa yokvt luak nan okpvnt kahanchi yoka.

CHAPTA XIII.

Nana ka a yvmihcha he vllhpisa kaniohmi ka anoli, 1 : 7 im vbanumpa isht anumpuli vllleha ha holitobla he i miha : 9 nan ithvnanchi inla hokvno ik i haponaklo he, 16 vbanumpa hvvt holitopa, hi ahnit nan isht apelvchi : 17 nan vllhpisa ya im antia he aiena ka i miha mihmvt isht aiyopichi kvv vba isht anumpuli.

1. ITIBAPISHI it i hullo kvv mahaya pullashke.

2. Hatak ik ithano ya i kanvt apelvcha he tuk vt ik hvchimi hakso kashke ; yvmma ai yvmohmi kak osh kaniohmi kvv ik ithano kia, enchil a aboha ya ik chukowá im ahni cha apelvchi tok oka.

3. Talakchi puta ka ibai achvfa ho chiyuhmit. aicha na palvmmi isht ilbvsha yvmma puta ka hvsh ithaiyanashke ; hvchishno yak kia hvchi haknvp vt hvchi shilombish ai itifoka moma hokvt.

4. Nan itauwaya yokvt hatak moma ka isht im ai vllhpiesa, micha topa yvt okpulo keyu kvv isht a holitopa hoke ; amba itauwaya yvt ik it im ai ghlo puta, micha hauv puta aiena kvno Chihowa hvvt nan im apesa hi oke.

5. Nana hvshi it i kakiohmi kvt nana it im anushkunna kvt ik hvchim iksho kashke; micha nana kaniohmi hosh hvchim a₂sha hokmvt isht hvchim v₁hpiesashke; yummvt, Chissvt ia la himma keyu, micha hvchi kanchi la himma keyu, ahanchi tok oka.

6. Yvmohmi hoka Chitokaka yak osh na si apela yoke, micha hatak vt nana h₂ sa kanimihcha hinla hokvno i sa nvkshopa he keyu, pi nukwaya iksho hosh il acha he bano hoke.

7. Hvchi pehlichy yvmmak oka hvsh itaiyanashke; yvmmak osh Chihowa im anumpa hoka isht hvchim anumpohonli tok; yummvt na yimmi tok ak o hvsh hobachi cha, nana a kaniohmi tuk ash ai v₁hli ka hvsh anukfihinlashke.

8. Chisvs Klaist okvt pilashash kaniohmi tuk vt, himak nitak a mih ash inli, micha peh bilia yoke.

9. Nan isht v₁lvuchi ilapissa, micha ilaiyuka ka isht hvchi filemoa ná; Chihowa hv₁t isht i kana hak o chukvsh vt isht ai a₂hli ka nana achukma hoke: nan ilhpak ak keyu, yvmmak okvto yv₁mma isht ai ahanta kia nana im achukmali tok keyu hoke.

10. Pishno vto alta yvt p₁ hikia; yvmohmi ka v₁htipo chash o nan isht ai ahanta yvmmak okvto ai impa im ai v₁hpesa keyu hoke,

11. Yvmohmi ka anonti nan v₁hpoba yvmmak o issish o isht nan ai ashvchika ak pulla kak o na holitopa isht v₁tta chinto yvt a holitopa ya ishit chukowa h₂, nipi ash ot abinanchi ka misha y₂ a hulukmi beka tok.

12. Yvmohmi ka Chisvs ak kia ilap im issish ak o okla isht kashofa ch₁ kak osh, holihta isht v₁hkvma misha y₂ ai ilbvshvt illi tok.

13. Yohmi hoka ilap vt nan isht hofahya tok cbiyukmi h₂ ieshi hosh, abinanchi yak o kiloh ia cha kiloh im oná.

14. Ilvppak okvno tv₁maha chito talai₁a bilia hi vt ik pim iksho, amba himmak v₁la he achvfa kak o e hoyo hokvt.

15. Yohmi ka yvmmak atuk pulla kak o Chihowa isht a holitopa he pitiv₁bi isht a waya ka yvmmak o pit il im ih₁svt bilia cha, ilap hohchifo h₂ yak oke ai ahnit, il a₁okpabanchashke.

16. Micha nana achukma isht ahanta cha, vbanumpa nan isht apelvcha he aiena tuk vt hvchimi haksi ná: nana isht it i hullo yvma chohmi kak o Chihowa yokvt isht im vlpesa fehna hoke.

17. Hvchi pehliechi ka holitoblit hvsh im antia pullashke; hvchimi shilombish isht im anukfihinla kv, nana il anohonli pulla chi ho chiyuhmit, na yukpa hosh yvmohmi hokbano, nan isht a nukhako keyu, yvmmak okma nan isht a hvchi yukpa he keyu hoka.

18. Anumpa ilbvsha isht hvsh pi anumpohonlashke; yohmi kv nan okluha ka ai isht il akostininchi achukma ho il ieshit ai vlpiesa kak bano hosh il ahanta he il ai ahnishke.

19. Yohmi kia ilvppak o yohmik bano hvchim ahni li i shahli hokvto, chekosi a holhtofa cha, falamvt hvchim ona li hok bano, ai ahni lishke.

20. Yohmi na nan it i nanaiyvchi Chihowa yvmmak osh nan it im vlpisa bilia issish ak atuk pulla kak o Chukvlpobapona apesvchi chinto, pin Chitokaka Chisvs okvt illi tuk a falaminchit tanichi tok okvt,

21. Ilap nan ai ahni ka hvsh yvmihcha chi ka nan toksvli achukma puta ka hvchi anukfohkihinchit isht hvchim ai ahlich ho, ilap nan isht im vlpiesa fehna ka Chisvs Klaist ak atuk pulla kak o hvsh yvmihinchashke; yvmmak pulla kak o isht a holitopa yokvt immi bilivt peh biliashke. Amen.

22. Mikmvt itibapishi li vhleha ha nan isht atohnochi anumpa achukma ka vlpesa ahnit hvsh aiokpvchi hokbano hvchim ai ahni lishke: anumpa kanomosi hvchi holissochi li tuk okvt.

23. Yohmi ka il itibapishi Timohli vt ik ia im ahni na ia tuk oka hvsh ithanashke; yvmmvt chekosikma vla hokma, swant ont hvchi pisa la chi oke.

24. Hvchi pehliechi puta, micha vbanumpuli moyuma ka hvsh aiokpvchashke. Itali okla hv hvchi aiokpvchishke.

25. Isht i kana yokvt hvsh moyuma ka hvchi anukfoyukashke. Amen.

CHEMIS

I HOLISSO HORE

CHAPTA I.

Na pi palommi kv̄t nan isht il aiyukpa he tuk, 1 ; 3 mikm̄vt nan isht il ahopoyuksa Chihowa ya il im asilhha he tuk ; 18 nan isht a pi palommi kv̄t na pim ashv̄chika yvt Chihowa yak o a mintishke, il acha he keyu ; 22 v̄banumpa h̄g im antia yo hv̄pia hashke. 27 v̄banumpa nukfohka ghli kv̄t nana ha tuk ḡ anoli.

1. CHEMIS, Chihowa, micha Chitokaka Chisvs Klaist in tishu hv̄t Islael isht atiaka akv̄shkoa auah tuklo kv̄t ita fimimpvt kanima moma maya puta ka, pit aiokpv̄chi hoke.

2. Itibapishi li v̄hleha ma ! nan isht imomaka pisa ilaiyu-ka puta ka hv̄sh pih̄isakm̄vt, na yukpali i shahli nana kak o hv̄chim itilauashke :

3. Na hv̄chi yimmi nan isht imomaka pisa yak osh nuktanlv̄t achunanchi ya anukfok̄kichi hoka hv̄sh ithaiyanashke.

4. Yohmi kia hv̄chishno vt hv̄chi aighlit hv̄chi v̄lhtaha ka nan isht ik ai ono kv̄t ik hv̄chim iksho ka hi ḡ, nuktanlv̄t achunanchi yak osh a kaniohmi he tuk vt ont aighli pulashke.

5. Hv̄sh kanimi kv̄t isht a hopoyuksa hi vt ik hv̄chim iksho hokm̄vt, Chihowa hak o, yvm̄mak osh hatak moma ka ai okpanchit ima, micha nan isht ik mihacho chatuk ak o, im asilhhashke. Yohmikma yvm̄mak oka ima he bano hoke.

6. Yohmi kia na yimmi hosh nan isht anuktuklo nana kia ikshot asilhhashke ; kv̄na hosh anuktuklo hokv̄to, okhv̄ta oka

banvtha hq mahli hvv shalit isht ia na poakahanchi kak q chiyuhmi hoka.

7. Yohmi hokvt hatak yummak okvt Chitokaka ya nanasi kia im a habena hi q ik im ahobo kashke.

8. Hatak im anukfila tuklo yvt nana a kaniohmi puta kvv fitikabanchi hoke.

9. Il itibapishi hvv ilbvsha yatuk osh holitopa kvv na yukpashke.

10. Yohmikma nan in laua yatuk osh akanlosit toba kvv na yukpashke: yohmi kvv yummak okvt ont iksho kvv haiyukpulo pakanli ak q chiyuhma chi hokvt.

11. Hvshi vt na hushma he lvshpa ka il ai ishit kohcha mak inli hosh haiyukpulo puta ka bvshechikma, pakanli asha tuk vt chilofa na pisa aiokli tuk vt okpulo chatuk; yohmi ka hatak nan in laua ahanta kak kia yummak inli hq chiyuhmit nana a kaniohmi yatuk vt ont ai iksho ka hi oke.

12. Hatak nana hosh nan isht imomaka pisa ya pisa cha. ai ahli hlopulli hokvto na yukpvshke; yummak okvto a ahlit hlopulli ha yokvto, ai okchaya iachuka holitempa Chitokaka yvt, kvna hosh ilap q holitoblikma, ima hi vt miha tok mak q isha hi okvt.

13. Hatak nana kia nan isht anukpvli pisa hokvt, Chihowa hak osh sa nukpvlechi hq, ik acho kashke; Chihowa hvv nan ik vlpeso ya ishit nukpvla he keyu, mikmvt ilap vt hatak nana kia isht nukpvlecha hi q keyu hoka.

14. Amba ilap chukvsh nan ahni yak osh halvllit ishit mahayvt yukachi hok mak q, hatak moma kvv nukpvli hoke.

15. Yohmi tuk mak q chukvsh nan ahni ash osh chakali mvt, nan ai ashvchika yo cheli hoke; atukma nan ai ashvchika ash osh ont ai vltaha hokvto, nan illi hq ikbi hoke.

16. Itibapishi li q holitopa vhleha ma! hvch ik yoshubo kashke.

17. Na ivlbina achukma, micha na hvlbina ai ahli puta hokvto vba ak q a minti; yohmi kvv yummak okvt inlvv takohli, micha ilaiyuka kia ik im iksho, nan tohwikeli puta Iki ak q a minti hosh aka vla hoke.

18. Immi ha hi osh ikbi tok puta nan i wayahpi e chiyuhma hi o, ilap ahni hosh anumpa ai ahli yo ishit tobahanchi tok.

19. Yohmi hoka itibapishi li a holitopa vhleha ma! hatak moyuma kvv tushpa hosh haponaklokvv, svlaha hosh anumpuli cha, nukhobela kvv svlashashke :

20. Hatak nukhobela im anukfila kvv Chihowa holitobla hi a nukfokichi chatuk keyu hoke.

21. Yohmi hoka na liteha okpulo puta, micha nan ik ai vhpeso ilaiyuka puta ma mominchit naksika hvsh bohli cha, anukfila yohbi hosh anumpa hollokchi, yvmmak osh hvchim i shilombish puta okchalincha hi vt im vhpiesa ka hvsh ibishashke.

22. Yohmi kvv anumpa ha haklo illvt hvchishno inli isht hvchik ile yoshublo kish, amba holitoblit im antia yo hvchia hashke.

23. Kvna hosh anumpa ha haponaklo kia, holitoblit im antia keyu hokkvv, yvmkvv hatak osh a pisa ya ilap nashuka ak inli ka ai il a pisa ka chohmi hoka.

24. Yvmmak ash ot ilap inli ka ile pisa cha, kanima iakkvv, mih mak inli hv hatak kaniohmi atuk ash osh imi haksi chatuk oka.

25. Amba kvna hosh a yuka keyu nan vhpisa ahli ka pihsvt achunanchi hokvto, yvmkvv anumpa ha peh haklot imi haksi keyu hatuk osh, amba holitoblit na toksvli isht ahanta hokvto, hatak mihi yosh yakohmit ahanta kvv nan isht ilai yukpa hi oke.

26. Hatak nana hosh hvchi takla anta kvv vbanumpuli yo ahoba kia, ilap isunlush a ik apesacho hosh, amba ilap chvkvsh ash inli ka naksichit ahanta hokvto, hatak ilvppvt vbanumpa yimmi kvv im ahli keyu hoke.

27. Na yimmi ahli, litcha ikshot, Iki Chihowa itikba takali kvv, vlla vlhtakla vhleha, micha ohoyo i hatak illi puta aiena ka nana kvv im a palvmmmit aiasha ka, i nowvt aya, mikkvv yakni a isht ik ile litehacho aiena ilvppak oke.

CHAPTER II.

Ubanvmpuli vt nan in laua ya holitobli cha, anonti itibapishi ilbusha ya kanimanchi ka vllhpesa keyu, 1; 18 amba i hullot it i nukhaka he tuk; 17 na yimmi kv̄t isht ai vni kv̄t ik im iksbo hokvto illi yoke; 21 Eblaham na yimmi kv̄t yv̄mma chohmi tok keyu.

1. **ITIBAPISHI** li vhleha ma! pin Chitokaka Chisva Klaist Chitokaka holitopa ya hvsh i yimmi kv̄t, hatak oka iti shahsholechit isht holitoblit hvch ik ahanto kashke.

2. Hatak vt na fohka hochukma h̄o fohka cha, tvli holisso lakna ibbak ushi abeha abehkvchi hosh, hvchim ai itvnaha ya vla ma; anonti hatak ilbvsha mvt nafohka hlipa ya fohka hosh vla;

3. Yohmi hokma nafohka hochukma h̄o fohka kak ash o hvsh holitobli cha, yv̄mmak ash o, Aiasha achukma ilvppak o binili, hvsh im achi: mikmvt ilbvsha ash o, Yv̄mmak o ish hikiashke; keyukmvt ai asha li nutaka ilvppak o ant ish ashashke, hvsh im achi;

4. Yohmi kv̄t yv̄mmvt hvchishno inli hvsh il iti shahsholechi, micha anukfila ai vllhpesa keyu nan isht im anukfilli yo hvsh toba h̄o keyu?

5. Itibapishi li a holitopa vhleha ma! hvsh haponaklashke; yakni pakna ilvppa ilbvshvt aiasha kv̄t ai yimmi ka yo nan isht ai in laua chi, micha kv̄na hosh ilap a holitobli tuk ma, vba apehlichika yo ima hi vt miha tok mak o immi ha chi ka, Chihowa hv̄t atokolichi tok keyu?

6. Amba hvchishno yokvto ilbvsha ya hvsh kanimanchishke. Hatak nan in laua vhleha hv̄t hvchishno a hvch ilbvshachit, nan ai apesa kia hallv̄lit hvch isht ohona chatuk keyu?

7. Na hohchifo holitopa yv̄mmak o isht a hvchi hohchifo hatuk ash ik ahobalot okla nanumahanchi keyu?

8. Uba nan vllhpisa i noshkoboka, Holisso Holitopa vt, Chin chuka panta hatak a ish i hullo kv̄t chishno inli kak o ish itilauechashke, achi kak o, hvsh ai ahlichit hokmvt, vllhpesa h̄o hvchi yvmohmi hoke:

9. Amba hatak puta ka itj shahsholechi hosh hvsh ah-ninchi hok mvt, hvsh ashvchi; yohmikmvt nan vlhpisa kobvffi mak o nan vlhpisa yash ot isht a hvchi atokowa hoke.

10. Kvna hosh nan vlhpisa ya mominchit ai ghlichichosh, anonti achvfona ka kobvffi hokvt, mominchit kobvffi mak oke.

11. Hvsh itj lumaka ná, achi mvt, anonti kvna kia ish bi ná, achi ak inli tok oka. Yohmi ka hvch ik itj lumako hoh kia, hatak a ish bi hokmvt, nan vlhpisa kobvffi o ish toba hoke.

12. Hvsh anumpuli, micha nana hvsh a kaniohmi puta kv, a yuka keyu nan vlhpisa ho kvna hosh nan isht im vlhpisa hi vt kaniohma he vlhpisa ka, hvsh chiyuhmashke.

13. Kvna hosh inla ya ik i nukhaklo ke tuk okvto, ilap mvt i nukhaklo iksho ho nan im vlhpisvt na palvmmi pisa he; mikma nan i nukhaklo yokvto nan im vlhpisvt im a palvmmi a ik i nukshopo hoke.

14. Itibapishi li vhleha ma! hatak vt ai yimmika yvt anukfoka miha kia, na toksvli kv ik im iksho hokvto, yvmvt nanta ho isht im ai achukma hinla ho? Ai yimmika illa kv yvmma okchalincha hinla ho?

15. Iksa ibafohka itibapishi, in tek kanima hosh nipi bano cha, nitak yvmma nana vpa he kia ik im iksho;

16. Yohmikma hvsh achvfona kv yvmmak ash o haknip a nan isht apelvcha he ai vlhpesa ka hvsh ima keyu nana kia, Hvchi libishvt, hvchi kaiya hosh na yukvt hvsh itvno-washke, hvsh im achi ka, nanta ho isht ai achukma hinla cho?

17. Yohmi ka ai yimmika yak kia yvmmak inli ho chobmit, na toksvli hv ik im iksho ho, yvmmak illa hokmvt, illi hoke.

18. Ahli, kvna kia, Chishno vto ai yimmika yosh chi nukfoka ma, anonti vno vto na toksvli ak o isht ahanta lishke; nana ka isht ish ahanta keyu hosh nan isht a chi yimmi ha is svm otvnochikma, anonti vno vto nana ka isht ahanta li hosh nan isht a sai yimmi kv chim otvnochilashke.

19. Chihowa hvt achufa ka hvchi yimmi kv̄t, vlhpiesa hq hvchi yvmohmishke: nan isht ahullo okpulo vhleha ak kia yimmi cha, wvnihinchi hoke.

20. Yohmi kia ai yimmika yokvt, na toksuli hvt ik im iksho yokvto, illi mak atuk a, hatak ik hopoyukso chia hvt akostininchi ka ish ahni cho?

21. Pin tikba Eblaham vt ilap ushi Aisaak a alta pakna vba islt ai okpvchit isht ahanta kak osh isht ai vlhpiesa tok keyu?

22. Yvmmak okvt nan ishi ahanta ka ai yimmika yokvt kaniohmit ibai isht ahanta tok, micha nan isht ahanta pulla hq ai yimmika yvt isht ai ahlit kvnia tok a ish akostininchi cho?

23. Micha Eblaham vt Chihowa hq i yimmi tok; mihmvt yvmvvt nan ai vlhpiesa hq isht im vlhpisa tok, achi Holisso Holitopa vt ont ai ahli tok; mihma yvmmak ash osh Chihowa i kana isht hohchifo tok.

24. Yohmi hoka na yimmi illa kak keyu, amba nana ka isht ahanta kak o pulla hosh hatak vt kaniohmit isht ai vlhpiesa ka hvsh akostininchishke.

25. Yohmi ka yvmmak inli chohmi hosh ohoyo havi Leahab vt nan isht ahanta ilvppa pulla hosh okla yakni pisvt aya tuk a pehlichit ishi tuk osh, hina inla hq pit tihleli hosh isht ai vlhpiesa tok keyu?

26. Hatak haknip vt, shilombish vt iksho hokvno, illi yo chatuk a, na yimmi hak kia nan isht ahanta kv̄t ik im iksho hokvto, illi ak inli hoke.

CHAPTER III.

Ai o walamp̄li hosh inla ya na kil i miho ka he tok, 1; 5 pisunlvsh a il im alvmmashke, haknip a ai achufa kitinosi kia, nan achukma hokmā, ik vlhpeso chinto hokmā, nana ka yvmihcha he bano; 13 na hopoyuksa ahli hokvto im anukfila yohbit nanaiya, nukhobela kv̄t ik im iksho chatuk.

1. ITIBAPISHI li vhleha ma! nan isht vlhpisa chinto i shahli mak osh pi onvtula hinla ka hvsh ithana kv̄t, nan ithananchi a lauvt hvch ik tobo kashke.

2. E moma kv̄t nana ka il ai ibetv̄bli kv̄t laua hoke. Hatak nana hosh anumpa h̄a isht ik ibetv̄blo hokm̄vt, mihi yosh hatak ai gh̄li, micha haknip a mominchit apesahancha hinla hoke.

3. Yakeh! pim antia ch̄i ka issuba itih h̄a kapali a e fohki chatuk; micha haknip a mominchit e fullolichi hoke.

4. Yakeh! anonti peni hochito, yumm̄vt na hochito fehna h̄o mahli kv̄llo hosh shalit isht ihiya kia, apesv̄chi mak osh kanima h̄o ia hi a ahnikma, isht afana yv̄t iskv̄tinosi kia fullolichi chatuk oke.

5. Yummak inli h̄o chohmit isunlv̄sh vt nana iskv̄tinosi ak inli kia, nan aiaka mak o ai isht il atambli chatuk: mikma yakeh! lv̄ak vt iskv̄tinosi kia iti laua chinto luachi chatuk.

6. Yohmi ka isunlv̄sh vt luak, micha ai ashv̄chi yakni mak oke: yohmi hosh isunlv̄sh vt pi haknip a ibai achv̄fa hatuk osh haknip a mominchit okpahani; micha yumm̄vt ai okpuloka luak mak o isht libbi hatuk osh, hatak isht ai unchululi puta ka libbichi chatuk oke.

7. Nampoā ilaiyuka, micha hushi, micha nana hosh aka a ita balv̄lli, mikm̄vt okhv̄ta anuka ai asha puta kv̄to kostini chatuk: hatak isht ai unchululi puta kv̄t yummak okvno kostinichi chatuk oke:

8. Amba isunlv̄sh ak okvno hatak naha hosh kostinicha hi o keyu; yummak okv̄t nan ik v̄lhpeso, kostina hi o keyu, hatak isht illi banot alotowa hoke.

9. Yummak o Iki Chihowa h̄a isht il ai okpahanchikm̄vt; anonti yumm̄vt Chihowa h̄a holba hosh toba tok hatak puta kash yummak ash inli h̄o anumpa okpv̄lo isht e mihachishke.

10. Itakha mih achv̄fa holitoblit isht ai okpv̄chi, mikm̄vt anumpa okpulo isht mihachi aiena hosh akohonchv̄shke. Itibapishi li v̄hleha ma! ilv̄ppa puta kv̄t yakohma he tuk o keyushke.

11. Kv̄li hv̄t akocha achv̄fa ka oka champuli, takba aiena h̄o akohonchi chatuk o?

12. Itibapishi li v̄hleha ma! fik v̄pi vt alif vni ȳo vna hinla h̄o? keyukm̄vt pak-v̄pi vt fik o vna hinla cho? yumm̄vt

mak inli chiyuhmit kvli nanta hak osh hvpi oka, micha oka kashaha aiena ka kohonchi chatuk keyushke.

13. Kvt hak osh hatak hopoyuksa, micha nan ithana anukfohka achvkma kvv hvchi takla ahanta cho? mih mak osh hopoyuksa chvkush yohbi hosh nana kvv ai vllpiesa hq yvmohmi kvv na toksvli ha isht otvnihinchashke.

14. Amba it i potvno homi, micha itachowa aiena hosh hvchi chvkush a foka hokmvno, isht hvch ik ilauato, mikmvt nan ghli ka hvch ik a holabo kashke.

15. Na hopoyuksa ilvppak okvto vba ak o a minti keyu, amba yakni, hatak, micha nan isht ahullo okpulo aiena kak o immi hoke.

16. Kanima yo it i potvno, micha itachowa aiena kvv ashakma, ai itasheha, mikmvt nana a kaniohmi ik vllpeso moma aiena kvv yvmmak oka a takali hoke.

17. Amba na hopoyuksa vba ak o a minti hatuk osh vmona ka hanta achvkma tuk mvt, anonti it i nanaiyachi, yohbi, ilap nan ahni ak bano keyu, nan i nukhaklo, micha nan ai vllpiesa yohma he aiena kvv alotowa, iti shahsholechi iksho, micha peh il ahobi vt ik im iiksho chatuk oke.

18. Mikma nan ai vllpiesa vni a nanaiyachi vhleha yvmak osh im anukfila nuktaiyala hosh hohokchi hoke.

CHAPTER IV.

Nan ashvchi il-aiyuka ka abah! im ahna he i miha, 1; 13 mihmvt nan okchaya ilvppvt ont ataha kia kil ithano, yohmi hokvt pishno, micha nana hq il, ieshi moma kvv Chihowa hosh nan ai ahni kak a chi ka il im asilhashke.

1. IT in tanampi, micha itibi puta kvv hvchi takla ya takali kvv, katima kq a toba cho? hvchishno hvchi haknip isht ai yukpa he ahni kvv hvchi haknip a a tanahampi kak o a toba ilvppak o keyu?

2. Nana ka hvchi bunna fehna ho kak osh hvch ik esho; hvsh bi mvt, ishi ka hvchi bunna kia, hvsh isha hi o keyushke; itibit it in tanampi aienvt hvsh aiasha kia, hvch ik asilho kak okvt, hvch ik eshoshke.

3. Hvsh asilhha kia, hvch ik esho ; yummak oka hvchishno hvchi haknip isht ai yukpa he ahni pulla kak o isht yopomot hvsh tahla chi kv, ai vllhpiesa keyu ho hvsh asilhha hokvt.

4. Hatak havi, ohoyo havi vhleha hvchia hvv yakni anushkunna hokvto, Chihowa ha in tanampi chatuk a, hvch ik ithano cho ? Yohmi hoka kvna hob kia yakni a it i kanvt ahanta chi mak okmvt, Chihowa ha in tvnvp oke.

5. Chukvsh pi anukfoka kak osh il it i potvna hi a ahni ka Holisso Holitopa vt achi ka, ik ahlo ho hvchim ahobo cho ?

6. Yohmi kia yummak okvto i shahlichit isht i kana ya ima hoke ; yohmi hatuk osh Chihowa hvv ilefehuvchi puta ka i sanalikmvt, amba chukvsh akanlosi yokvno i kanvt apelahanchi, achi hoke.

7. Yohmi hoka Chihowa ak o hvsh il im issa cha, hvsh im antiashke. Nan isht a hullo okpulo a hvsh i sanalashke, yohmikma yummak okvt hvch i kanulla hinla hoke.

8. Chihowa ai i bilika pit hvsh kanvllashke, yohmikma ilap mvt hvchi bilincha chi hoke. Nan ashvchi vhleha hvchia hvv hvch ibbak a hvsh kashofikma, anonti im anukfilamia tuklo hvchia mvt hvchi chukvsh a hvsh kostininchashke.

9. Il ilbvshachit nukhaklot yayvt hvsh ai ashashke ; yukvvt hvsh ai asha tuk a na yaya tobakma, na hvchi yukpa yatuk vt chukush isht nukhaklo yo tobashke.

10. Chitokaka itikba ya a hvsh il akanlosechashke ; yohmikma yummak okvt halvllit hvchi wakela chi hoke.

11. Itibapishi li vhleha ma ! hvchishno hvchi bika ya nan it i mihachit hvch ik anumpulo kashke. Kvna hosh itibapishi ha na mihachit anumpuli kvv itibapishi hash o anumpa onochi hokvt, nan vllhpisa ak o nanumachi, micha nan vllhpisa hash o kanimanchi mak oke ; amba nan vllhpisa ya ish kanimanchi hokmvt, nan vllhpisa ya holitobli mak o chia keyu, amba nan vllhpisa kanimanchi mak o chia hoke.

12. Nan vllhpisa ikbi vt yummak okvto okchalanchi, micha vbi aiena kvv im ai vllhpesa he bano mak osh achvfa kvv

ashvshke; chishno ak osh kvta chia hatuk osh inla ya anumpa ish onochi cho?

13. Inta! himak nitak, onna ha kanima ka tomaha yummak o il ona cha, afummi achufa ka yummak o ashvvt, nan ita tovt nan isht ahayuchit il ahashwashke, achi hvchia ma!

14. Onna ha nana a kanihoma hi a hvsh ithana keyu kv. Hvchim ilhfiopak vt nanta ho? oka shobulli yummak okvt chekosi takla hokvno otvni tuk osh kvnia chatuk a, yummak o itilau hoke.

15. Yohmi hoka Chitokaka ak osh yumma ahni hokma, pi okchaya cha ilvppa, keyukmvt yumma kanima ka pi yvmohma chi chishke, hvsh acha he tuk oke.

16. Amba himak okvno hvchishno hvsh il atambli kak osh isht hvchi yukpvshke; nan isht ai yukpa yumma chohmi puta kv vhpesa keyu bano hoke.

17. Yohmi hatuk o kvna hosh nana ai vhpesa ka yohma hi vt ithana hosh, yummak ash ik yohmo hokvto, mihi yosh ashvchi mak oke.

CHAPTER V

Chihowa yvt na palvmmi isht im atobbi yoka, hatak nan in laua nan ashvchi vt i nukshohompashke, 1, 7 Chob atok a nan im ai ithvvt nana kv ik polvmmi kia nuktaiyala he tuk; 18 nana kv palvmmi ka anumpa ilvsha yo anumpohonlikmvt, anonti nana kv isht im achukmakmvt vba taloa isht talohowashke; 16 pishno na kil aghlo nukhaklot il itim anohonla he tuk, micha vba isht it anumpohonla he tuk, 19 itibapishi nan ashvchi tuk a falvminchit nan ai ahli ka a hilechi aina hi a isht anumpuli.

1. **INTA!** hatak nan in laua hvchia ma! na palvmmi hvch on itula chi kv, nishkin okchi mintit chitoli hosh hvsh yahayashke.

2. Nana laua hvchim ai asha tuk vt toshbit taha ma, hvchi na fohka puta ka shvshi ai vpa bano hoke.

3. Hvchin tvli holisso lakna, micha hvchin tvli holisso hvta aiena kv lakvt taha: yohmi kv lakna yummak atuk vt nan isht hvchi atokola he; mikmvt luak o chiyuhmit

huchi nipi a ahampa chi hoke. Nitak huchim ikhtaiyopik mak a hi a huchim ilayak a hvsh itahobi tuk oke.

4. Yakeh! toksvli vhleha huchim osapa puta nana ai vmo tuk isht vlhtoba he tuk, yummak oka hvchishno ak osh nana ik vhpesalot falaminchit hvsh ishi tuk a, pahayvshke: yohmikma nan vmo tuk vhleha paya kvv Sabaolh Chitokaka haksobish a ont chukowa hoke.

5. Nan isht aiyukpa il impa in lauvv, haui toba hosh yakni pakna ya hvsh maya tuk: vhpoba illa chi hokvt ilhpihintat chatuk mak o, itilauechit huchi chukvsh a hosh ipihintat tuk oke.

6. Hatak ai vhpiesa yatuk a anumpa onochit hvsh bitok; yohmi kia yummak okvt ik huchi sanalo kisha hoke.

7. Yohmi hoka itibapishi li vhleha ma! nukchintot hvsh hoyo na Chitokaka yvt vlashke. Yakeh! hatak osapa toksvli vt nan vni hochukma yakni a waya ka anukfillit hohoyo; yohmi kvv yumma ahni kvv nukchintot falaiachi hosh, vmona micha ont ishtaiyopi aiena ka im on umba chatuk oke.

8. Yohmi ka hvchishno ak kia nukchintot huchi chukvsh a ai ahlichit hvsh hlampkochashke: Chitokaka vt ai vla he tuk vt atukonofvt taha hoke.

9. Nanasi kia isht hvch ik it i potvno kashke, itibapishi li vhleha ma! yummak keyukvvt nana isht huchim vhpisa hinla hoke. Yakeh! nan apesa yvt okhissa itikba ya hikia hoke.

10. Itibapishi li vhleha ma! hopai Chitokaka i hohchifo pulla hatuk mak o anumpohonli tok vhleha hvv na palvmmi pisa, micha nukchinto tok puta mak o nan isht ithanvt hvsh hobaeha chi kvv hvsh anukfillashke.

11. Yakeh! kvna hosh nuktanlvv achunanchi mak o yummak okvt na yukpa, il ahni chatuk. Chob vt nuktanlvv achunanchi tok okvno hvsh haklo chatuk: yohmi cha Chitokaka nana ai ahni tok ash hvsh akostininchi: yohmi kvv Chitokaka yvt nan i nukhaklo fehna, micha i kana fehna hoka hvsh akostininchiske:

12. Yohmi kia itibapishi li vhleha ma! ik kaniohmi nana kia vba shutik, keyukvvt yakni, keyukvvt anumpa kullo

isht ai vll pisa inla nana kia anumpa kvllo ai isht hvch ik il onochu kashke: amba yau, hvsh achikma, ik ai ahli; mikmt keyu, hvsh achikma, keyu mak ashke: yummak keyukma nan isht hvchim vlpisa hv hvchi on itula hi oke.

13. Kva kia na palvmmi pisa kv hvchi takla ahanta cho? yohmikmt vba pit anumpohonlashke; kva kia na yukpa kv ash? yohmi hokmt vba isht taloa mak o isht taloashke.

14. Kva kia abeka kv hvchi takla ahanta cho? yohmi hokmt ilap ak osh iksa pehlichu vhleha ha hoyashke: yohmikma yummak ash osh vba isht anumpulit, Chitokaka i hohchifo ho nan ahama ya okla ahvmmichashke.

15. Yohmi hokma na yimmi hosh vba isht anumpuli pulla kak osh abeka ya hlakoficha he; mikma Chitokaka yvt yummak ash tanicha hi oke: mikma nana ho ai ashvchi tuk ok mak heno i kashofa he mak oke.

16. Nan hvsh ai ashvchi pvta ka hvchishno bika yvt hvsh it im anohonlashke; mikmt hvchi hlakofa chi kv, vba isht hvsh it im anumpuli pullashke. Hatak ai vlpiesa hosh na yimmi hosh vba pit anumpohonli kv nana ka ai ahlichu fehna chatuk oke.

17. Elias vt hatak im anukfila im a kanihoma he vt hvpushno ak inli chohmi tok; yohmi hatuk osh ik umbo ka hi a ai ahli fehvt vba pit anumpohonli tok; yohmi ma yakni yvma ik ai umbo ho avvmmi tuchina cha hvshi hannali aiena tok.

18. Yohmi ma anonti yummak ash inli hosh vba pit anumpohonli ma, Chitokaka yvt umbachi na yakni a nana kv a wahaya tok.

19. Itibapishi li vhleha ma! hvsh kanima hosh vbanumpa ha i filvmmi hvsh aya na anonti achvvt nukfohkichit falaminchi hokma,

20. Kva hosh hatak nan ashvchi vt yoshubvt atgva tuk a nukfohkichit falaminchi hokvt, yvmmvt hatak shilombish a ai illi ya a hlakoficha he; mikmt nan ai ashvchika laua ho ompohoma he aiena hoka ithaiyanashke.

P I T A

I H O L I S S O O M M O N A H O K K E .

CHAPTA I.

Shilombish nan isht i kana laua pulla kak o Chihowa ya aokpa-hanchi, 1; 10 Hopaii vhleha pulla ho Klaist isht im ai okchaya yvt tikbanli anohowa tok a anoli; 13 Chihowa im anumpa ho isht ai vta hatuk okvt, nan ashvchi ikshot maya chi ka i miha.

1. P I T A, Chisvs Klaist im apostel okvt i yakni keyu ai it a fimimpvt Pontvs, Kaleshi Kappatosia, Asia, micha Bihlinia aiena ai asha ka pit ai okpvchi kv,

2. Iki Chihowa hak osh tikbanli ithaiyanvt, okchaya he atokoli tok yvmmak oka Shilombish Holitopa yak osh kashohofi na, nana ka im antia ho Chisvs Klaist im issish isht o fima tok hvchia hoka; Nan isht i kana yvt hvchi anukfoyuka, micha nan isht it i nanaiya yvt hvchin lauashke.

3. Pin Chitokaka Chisvs Klaist Iki, micha in Chihowa hokvt holitopashke, yvmmak osh pi nukhaklo chinto hatuk osh, Chisvs Klaist vt illi tuk kia, falaminchit tanichi kak osh anonti himonvchit pikbi tok o, na yukpa fehna hosh,

4. Ai ahanta okpula himma keyu, micha liteha he keyu, micha aksha he keyu ho e hohoyo ka, hvchimmi hosh vba yakni ya ai vlhtaiyaha hoke;

5. Yvmmak oka na yimmi pulla kak o Chihowa imi hlampko kvt ishi na ai okchaya nitak ishtaiyopi otaiyana chi ka ona hoke.

6. Yvmmak oka nan isht a hvchi yukpa fehna; yohmi kia yakosi itintakla ka ai yvmohma he vlhpesa ho isht

imomaka pisa ilaiyuka hvsh pihisa kak osh isht a hvchi nukhaklo hoke:

7. Yohmi kia na hvchi yimmi ka isht imomaka pihisa kak osh holitopa kv, tvli holisso lakna okpulo chatuk, yvmmak oka luak isht imomaka pisa chatuk ak kia i shahli fehna hokvt, Chisvs Klaist vt haiakakma, isht a holitopa, micha annoa chinto aiena kv isht a hvchi otaiyani hokbano;

8. Yvmmak oka hvch ik peso kia, hvsh i hullo; yvmmak ash himonasi ka hvsh pisa keyu ak inli kia, hvch i yimmi hosh, nan isht ilaiyukpa annoa he keyu, micha isht a holitopa alotowa aiena ka isht a hvchi yukpa:

9. Na hvchi yimmi isht vlhtoba ka hvsh ihishi kv, hvchi shilombish isht ai okchaya yak fehna hoke.

10. Ai okchaya yvmmak o hopaii vhleha hv a ponahaklo, micha achunanchit hohoyo tok, isht i kana yosh hvchim vla hi oka yvmvt tikbanli anohonli kv;

11. Nitak katiohmi, micha nitak nanta, Chisvs imi Shilombish vt yvmmak ash anukfoyuka hatuk vt Chisvs vt isht ai ilbvsha he puta, micha yvmohmi hosh isht a holitopa he aiena ka tikbanli atokolit anoli tok a, ai ahnit hohoyo tok.

12. Yvmmak ash o im otaiyani kv, ilap ak atuk ak o yohmi keyu; amba pishno ak atuk mak o nana ka otvnihinchi tok yvmmak ash himonasi ka vbanumpa ha Shilombish Holitopa vba yakni mihinti hosh awant aya ho, isht hvchim anumpohonli kash osh hvchim anohonli tok; nana yvma puta kash enchil vhleha hokvt akostininchi bahana fehna hoke.

13. Yvmohmi hoka hvchi chukvsh a okchvlt aiksiachi cha, ahah! ahnit, Chisvs Klaist vt ant haiakakma, isht i kana yosh hvchim vla hi okvt ai ahli bano hosh hvsh hohoyashke.

14. Yohmi kv vlla nan im antia yo hvsh chiyuhmit, tikba hokvno nana hvch ik ithano hosh chukvsh nan ahni kak o hvsh yvmohmi beka tok vt, hvch ik ile hobacho kashke:

15. Amba hvsh im antia chi hvchi howa tok, yummvt nan ai ashvchika ik im iksho hoka, nan ai ashvchika ik hvch im iksho ak inlashke:

16. Uno vt nan ai ashvchika ik sum iksho hoka, nan ai ashvchika ik hvch im iksho kashke; achi hosh holihiso hoka;

17. Yohmi ka Iki ak o hvsh im asithha hokmvt, yummak okvt hatak it i shahshohlechi iksho hosh hatak puta kvv ilap a kaniohmi tuk ak o isht im apesa yoka, ilvppa hvsh ai ahanta takla kvv hvsh holitoblashke:

18. Yohmi kvv hvch iki vhleha hak o hvsh im ai ithvna tok nana hvsh a kaniohmi ik achukmo yoka a hvchi filvmmichi kvv nana okpula he tvli hvta, micha tvli holisso lakna chiyuhmi ho isht hvchi vlhtoba tok keyu kvv hvsh ithanushke;

19. Amba Klaist im issish holitopa Chukfulhpobushi v okpuloka iksho, micha liteha iksho yak a tok;

20. Yummak osh yakni intolahpi vt ik tobo pilla kash o tikbanli vlhtoka tok osh, hvchishno yak atuk pulla kak o himak ont ishtaiyopi ilvppa otaiyani tok oke;

21. Hvchishno yvt yummak atuk pulla kak o Chihowa ha hvch i yimmi pulla kvv, yummak osh illi tuk a falaminchit tanichi cha, isht a holitopa ka ima tok oka; ai okchaya ya Chihowa yak o im ai ishi la he ai ahnit, hvch i yim-mashke.

22. Yvmohmi ka Shilombish ak osh hvchi anukfoyuka ho vbanumpa ai ghli ka hvsh im antia hosh, hvchi shilombish a hvsh kashofi hatuk osh, itibapishi vhleha hoka ilahobi keyu hosh isht i shahlichy fehna hosh hvsh it i hullashke;

23. Chihowa im anumpa, yummvt mahayvt bilia yak atuk pulla kak o na nihi okpula he keyu yo atuklant isht hvsh a toba hoke.

24. Yohmi ka haknip puta kvv haiyukpulo yak o chiyuhmi, micha hatak isht a holitopa moma kvv haiyukpulo pakanli yak o chiyuhmi hoke. Haiyukpulo yash ot bvshikma, pakanli yash ot vvelit taha hoke.

25. Anba Chihowa im anumpa hokvto mahayvt bilia hoke. Yohmi ka anumpa ilvppak o vbanumpa hvv isht a hvchim anuhumpa hatuk oke.

CHAPTER II.

Nan ik vhlpeso isht im anukfila puta ka naksika bohla chi ka j miha, 1; 5 Klaist akosh tikba intola yo okla ai itabana hatuk a anoli; 11 haknip imma nan isht im anukfila yokvno kano pit kancha chi ka achi; 18 yakni pakna nan apesa maya ka im antia he; 18 yvka hvv kaniohmit j nahollo ya im antia hi a ithvnachi.

1. YUMOHMI hoka isht j nukkilli, na haksichi, nan ilahobi, na potvno, anumpa chukushpvli puta a moyuma ka mokofit naksika hvsh boyuhli cha;

2. Ullosi himona vta chiyuhmit, yvmak o isht a hvchi hofahantit ai okchaya ya hvsh ona chi mak osh, vbanumpa pishukchi ai ahli kak o bvna fehvvt hvsh hoboyashke.

3. Chitokaka yvt hvchi kana achukma fehna ho hvsh akostininchi ai ahli hatuk okvvt;

4. Yvmak okvt tvli okchaya chiyuhmi ho hvsh im ohona ka, hatak okvto ik ahnincho fehna tok kia, Chihowa hokvto holitobli fehvvt atokoli tok;

5. Hvchishno ak kia tvli okchaya chiyuhmit, shilombish chuka hvsh toba hosh, na holitopa isht vlla holitopa yosh Chievs Klaist ak atuk pulla kak o, Chihowa hokvt im vhlpiesa ho, chukvsh isht aiokpvchi puta ka pit hvsh im ihisa hi a tok.

6. Yvmohmi hoka anonti Holisso Holitopa ya a foyuka kvv, Yakeh! chukbi in tola tvli vhtoka, holitopa fehna ho Saion a a bohli lishke: yohmi ka kvna hosh yvmak oka j yimmi hokvt hofahya he keyu hoke, achi tok.

7. Yohmi hoka yvma j yimmi hvchia hokvno hvchi holitopa fehna; amba ik im antio yokvno, chuka ikbi vhleha yash ot tvli ya ik ahnincho ki tok, yvmak ash inli hoab chukbi in tola noshkoboka yo toba hoke.

8. Micha ik im antio yo vbanumpa isht ai ibetvbli yvmak fehna kak osh isht ai ibetvbla he tvli. micha isht ai

okpula he tvi chito aiena hq, yummak o ai yvmohma he im vlhpihisa tok.

9. Amba isht atiaka vlhtoka, miko i na holitompa isht vttá ; oklushi holitopa, Chihowa immi ai ahli fehna hvchia hoke : yohmi ka yummak osh hvchi hqvvt ai okhlilika ya a kohchit im atohwikeli chinto ka hvchi foyuki tuk o, ilap isht aiokpahancha he a puta ka otvnochit hvsh anqhonla he a tok :

10. Yohmi kvv nitak tikba hokvno Chihowa im okla hvchia ha tok keyu kia, himak ano Chihowa im okla hvchia hoke ; isht i kana ya hvch ik esho ki tok kia, himak ano isht i nukhako ka hvsh ishi tuk oke.

11. A holitopa vhleha ma ! nana hvchim ai ahni li kvv hatak ik ithano, micha ilap i yakni keyu ai itvnowa chiyuhmit, haknip imma nan ahni, yvmvvt shilombish in tanampi yoka hvsh i filahqamashke :

12. Nana hvsh a kaniohmi kvv achukma hosh vbanumpa ik ithano okla ha iba takla hvsh abantashke : yohmi na nana ik achukmo yvmihchi chohmichit hvchi sanalit anum-pohonli kia, nana achukma puta hvsh yimihinchi ka pihisakmvt, Chihowa yvt i nowvt aya nitak oka yvmma okla holitoblashke.

13. Chitokaka yak atuk pulla mak o hatak i nan vlhpisa puta ka hvsh im antiashke : miko yok má moma i shabli yo chohmichit hvsh holitoblashke.

14. Michá nan vlhtoka vhleha nana ik achukmo yvmohmi puta hokvno nan vlhpisa onochikmvt, nana achukma yvmohmi yak okvno aiokpvcha chi hq, miko yvt atokohonli tok a hvsh holitoblashke.

15. Yohmi ka nana kvv ai vlhpisa hq hvsh yvmohmi hosh hatak im anukfila iksho nan ik ithano itih puta ka hvsh i kamala he yak o, Chihowa hokvt ai ahni hoke :

16. Yuka keyu hvchia kia, hvsh yvmohmi kak osh nan ik vlhpeso ya isht hvsh ompohomo ná : amba Chihowa in tishu vhleha mak o hvsh chiyuhmashke.

17. Hatak puta ka hvsh holitoblashke. Hvsh itibapishi

vhleha hā hvsh i hullashke. Chihowa ya i nukshoput hvsh holitoblashke. Miko yoka hvsh holitoblashke.

18. Yuka hvchia hv̄t isht a holitopa he vlhpesa hō hvchi nahullo yoka isht hvsh im antia kv̄t achukma, micha im anukfila yohbi aiena kak bano keyu, amba hvch i kv̄llo aiena ka hvsh im antia ak inlashke.

19. Yohmi ka hatak vt chukvsh ak osh Chihowa ya isht im vlhpiesa kak osh isht a nukhaklo ya vlhpiesa ahnit, ai vlhpiesa keyu hō isht ilbahasha hokma, ilvppvt isht i kana hoke.

20. Yohmi ka nana ai vlhpiesa keyu hō hvsh yvmohmi tuk osh vlhpiesa ahnit, isht hvchi bohōwa hokmvt, yvmmt nan isht annoa achukma nanta hō? amba nana ai vlhpiesa hō hvsh yvmohmi tuk kia, vlhpiesa ahnit isht hvch ilbahasha hokvno, ilvppak o Chihowa hokvto isht im vlhpiesa hoke.

21. Yohmi ka ilvppak o hvsh yvmohma he osh hvchi vlhtoka tok; pishno ak atuk pulla mak o Klaist ak kia ilbahasha kv̄t, ilap a nohōwa tok a il iakaiya he mak o pim abahanchi hatok oka:

22. Yvmmt nan ashvchi tok keyu, haksichi kia itih hā foyuka tok keyu:

23. Yvmmt ilap a isht ik ahobalot anumpuli mak o, afalaminchit isht ik ahobalot anumpuli keyu; na palvmmi onochi ma, na palvmmi onocha hé kia miha tok keyu; amba ai vlhpiesa apihisa yak o il im issa tok:

24. Yvmmak osh nan il ai ashvchika ya ilap haknip felna ak o ilap inlit il onochi hosh iti ya takali tok: yohmi hō nan ai ashvchika puta il im ihinli hosh, nan ai vlhpiesa ya il im okchaya chi ha tok: yvmmt fahama tok ak o isht hvchi hlakofi hoke.

25. Yohmi ka chukvvlhpoba tamoa chiyuhmit hvsh itvno-wa tok kia, himonasi kano chukvvlhpoba Apesvchi micha hvchimi shilombish ma Nan im atahli yoka falamvt hvsh im ona hoke.

CHAPTA III.

Hatak vt im ohoyo itatuklo kv̄t nan v̄lhpiesa h̄o itim anukfilvt itapela he im abvchi, 1; 8 it i hullot it ibai achvfa he; 14 na palvami ka isht it ibai il bvsha he; 19 Oka falama yvt ik gyo kisha ma okchayvt aiasha tuk & Klaist vt nan i kanimihchi tok & anoli.

1. ANONTI tekchi hvchia hv̄t hvchi hatak oka hvsh im antiashke; yohmi na kanima kv̄t vbanumpa h̄a ik abnincho hokmvt, vbanumpa hash ik haklo kia, tekchi ak osh nana a kaniohmi kak o, yummvt v̄lhpesa ahnit isht anukfohka ak inli yoba na;

2. Yohmi kv̄t havi imma ai yvmohmi ik hvchim iksho, micha hvsh holitobli aiena ka pihisa kak osh yvmohma hinla hoke.

3. Yumma isht shema yvt pashi tanvffo, micha tv̄li hollisso lakna isht shema, micha na fohka fohka aiena paknali isht shema yummak okvno keyu:

4. Amba chukvsh anukaka a toba hatak luma okpula himma keyu, anukfila yohbi, micha nuktanla isht shema yo fehna yummak ashke; ilvppak osh nan ai v̄lli chinto fehna Chihowa hv̄t ai ahni hoke.

5. Nitak tikba ma ilvppak o yakohmit ohoyo hochukma Chihowa i yimmi ak inli hosh, isht ile shemahanchi kv̄t, ilap i hatak & im antia ya tok.

6. Sela ak oh kia Eblaham & i shabli hochihifot im antia tok: yummak o ushetik hvchia hoke, nana ai v̄lhpiesa ka hvsh yvmohmi takla, micha isht a nukshopa he kia hvch ik i nukshopo hokmvt.

7. Anonti i hatak hvchia hv̄t nana ka ithaiyana hosh ibai ahantvt, hlampko ik hvchi lauwo mak o chiyuhmichit, isht i kana ai okchaya bilia hvsh it ibai isha he mak okvt, hvchi tekchi & hvsh holitoblashke; yohmi h̄o anumpa ilbvsha hvsh anumpohonli kv̄t ik ai ataklamo kashke.

8. Ai ishtaiyopi ka moyumvt hvchim anukfila hv̄t ai achvfa cha, it i nukhaklot, itibapishi vt i hullo chiyuhmit, inla i kanvt chukvsh akanlosi mvt aienashke.

9. Mi^{ha} nana ik achukmo hvchi yvmihchikma, nana ik achukmo yq hvch ik falamincho kashke: mi^{ha} isht ik hvchi ahobalokma, isht ik ahobalo yq hvch ik falamincho kashke; amba ilvppa ik holbo i kanvt hvsh im anumpulashke; ilvppak o hvsh yvmohma hi osh hvchi vlhtoka tok vt hvsh ithana hokvt, yohmi hosh nan isht ai yukpa ya hvsh pisa he vlhpesa yatok.

10. Yohmi ka kvna hosh, Si okchaya cha, nitak hochukma ho pihisa li hokbano ai ahnikmvt, isunlvsh oka nana ik achukmo ka i filvmmiⁿchi cha, itivlbi yoka na haksichi ya isht ik anumpulo kashke.

11. Nan ik achukmo kvno i filvmmi cha, nana achukma kak o yvmihinchashke; it i nanaiya yak o hohoyot, achunanchit iakaiyashke.

12. Yohmi ka Chitokaka nishkin okvt ai vlhpiesa yokvno o wakaya, mi^{ha} haksobish okvt im anumpa ilbvsha puta ka in tiwa hoka; amba nana ik achukmo yvmihchi puta hokvno Chitokaka nashuka yvt i sanali hoke.

13. Mi^{ha} nana achukma yvmihchi yak o iakaiya vhleha hvchia hokma, kvta hak osh hvchi hotopala hinla ho?

14. Amba nan ai vlhpiesa yak atuk pulla mak o isht hvsh ilbahasha hokmvt, hvchi yukpa hoke; mi^{ha} nan isht nukshobli yoka i nukshopvt isht hvch ik komunto kashke;

15. Amba Chitokaka Chihowa yak o i nukshopvt hvchi chukvsh isht hvsh holitoblashke; mi^{ha} ai okchaya pisa la he ai ahnit hvchi anukfoyuka a kaniohmi ka hvchi ponohaklo puta ka anukfila akanlosit, holitoblit anumpa falama ka hvsh ima chi kv hvch im vlhtaha kak banashke.

16. Isht il akostininchi achukma ho hvsh ieshashke: yvmohmi ho nana ik achukmo yvmihchi chohmichit nana ik achukmo isht hvchi anumpohonli kv, Klaist a anukfoykvt nana achukma hvsh yvmohmi ka, anumpa ghli keyu hvchi onochi tuk vhleha hv isht a hofahyashke.

17. Yohmi ka Chihowa hak osh ik yohmi ai ahni hokma, nana achukma ho yvmohmi cha, isht ilbvsha kak osh achukma kv, nana ik achukmo ho yvmohmit isht ilbvsha ka, i shahli hoke.

18. Yohmi ka Klaist ak kia himonna ma nan ai ashvchika pulla kak o ai vlhpesa yvt ik ai vlhpeso yak o vlhtobvt isht ilbusha tok; yohmi hosh pi pehliechit Chihowa ya isht pim ona chi ha tok: haknip okvto illi ha tok kia, amba shilombish okvto okchaya tok:

19. Yvmmak ash o shilombish yuka vhleha ai asha ka ivt ont isht im anumpohonli ak inli tok:

20. Yvmmak okvt nitak tikba ma peni yokvt toba itin takla Noah okvt ahanta nitak yvmmak ash fehna kvno, Chihowa hvv i nukhaklot isht i nukkilli onochi svlaha hosh ahanta ma, im antia he keyu ki tok; peni yvmmak ash o kanimosi yvmmvt shilombish untuchina hosh oka ya isht a hlakofi tok.

21. Yvmmak ash o chiyuhmi hosh himonasi ak kia baptismo yvt, yvmmak osh haknip liteha yoka isht kanchi keyu, amba Chihowa itikba isht il akostininchi achukma ai yvmohma he il apihivt, Chisus Klaist illi tok kia falamvt tani tok pulla kak o yvmoelmi kak osh pi okchalinchi ak inli hoke.

22. Yvmmak okvt vba yakni yoka ona tuk osh, Chihowa im isht im pakimma yak o binili hoke; yvmmak oka enchil, micha miko, micha nan vlhtoka puta kvv i nutvt im antia he ya tok.

CHAPTA IV.

Nana moma kvv ont ai vha chi kvv olanlosi vla hoka, Klaist iakaiya pullvt nanashvchi issvt ai i filvmmit itanowa he i miha, 1; 12 nan i palvmmi puta ka hopohlvi.

1. YUMOHMI ka Klaist vt hvchishno yak atuk pulla kak o haknip a isht ilbahasha tok a, chiyuhmit hvchishno yak kia im anukfila hatok chiyuhmi ka hvsh il ataiyahli mak inlashke: yohmi ka haknip a isht ilbahasha tok vt nan ai ashvchi ya issvt ai i filvmmi ha tok oke:

2. Yohmi kvv yvmmvt haknip vt okchaya ai itin takla kvv batak haknip imma nan ahni isht ahanta he a tok keyu, amba Chihowa nan ai ahni kak a hi a tok.

3. Yohmi ka pi okchayvt il ahanta tok ash ai vhlī itan takla kak kia, haai imma anukfilli, chukvsh nan ahni, oka homi ishkot hoita, isht a haksichit tasimbot atampa, micha na holba nan isht ik ahobo puta ka isht il ahanta kv̄t, vbanumpa ik ithano vhleha nan ai ahni bokvno il a yvmihcha hi yā ona tok oke.

4. Yvmmak oka isht ahanta hosh ilap vt nan ik achukmo puta ka isht afekommit a tasimbo atampa ka hv̄ch ik ibafohko kak o okokko! ahnit, isht im anukfila hosh nan ik achukmo kia isht hv̄chi anumpohonli hoke.

5. Yvmmak okvt illi, okchaya aiena ka nan im apesa he im vlhtaiyaha yak o ilap nana a kaniohmi tuk vt il im ai anola hi oke.

6. Yohmi ka ilvppak a he mak o illi tok vhleha yvmmak kia vbanumpa hv̄t isht im anuhumpa ak inli tok; yohmi ma hatak haknīp imma nan ahni yokvt nana ka im apihisa kia, Shilombish Holitopa yak osh apelahanchi hō Chihowa yā holitobla hi a tok.

7. Amba nan okluha kv̄t ont ai vhlā chī kv̄t atukonofvshke; yvmohmi hoka nana ka hv̄sh ile oktambli cha, ahah! ahnit, anumpa ilbvsha hv̄sh anumpohonlashke.

8. Mikmvt hv̄chishno inli hv̄sh itī hullo ai ahli fehna hosh nan okluha ka hv̄chim ī shahli hosh hv̄sh ieshashke: yohmi ka it ī hullo yak osh nan ai ashvchika lāwa kia ompohoma hi oke.

9. Ik im vlhpesot anumpuli iksho hosh it ī kanvt hv̄sh it apelvchashke.

10. Hatak puta kv̄t isht ī kana hv̄lbina ishi ha tok mvt, yvmmak ash inli hō isht itī apihinla kv̄t, Chihowa isht ī kana ilaiyuka nan im apesvchi achukma yak o chiyuhmashke.

11. Hatak kanima hosh anumpuli hokmvt, Chihowa im anumpa hv̄t av̄chi kak o anumpulashke; hatak kanima hosh vbanumpuli ilbvsha yā nan isht im ahanta hokmvt, Chihowa hv̄t kanimihchit hlampkochi kak o isht ahantashke: yohmi na Chihowa hv̄t Chisvs Klaist ak atuk pulla kak o nan okluha ka isht a holitopashke, yvmmak o isht a holitopa, mikot ahantvt bilia yvt immit biliashke. Amen.

12. A holitopa vhleha ma! isht hvchi imomaka pisa chi luak nan isht imomaka pisa imma hokvno, okokko! ai ahnit, nana ilapissa fehna kaniohmi. hosh a hvchi yomohmi ka ik hvchim ahobo kashke.

13. Amba Klaist vt ilbvsha puta tok a chiyuhmit hvsh ibai ilbvsha ak inli hokvt, hvchi yukpashke: yohmi kvv ilap isht a holitopa hokvt otaiyanikma, hvchishno yak kia nan isht il ai yukpa chinto hq isht a hvchi yukpa mak a hinla hoke.

14. Klaist hohchifo ak atuk pulla kak o isht ik hvchi ahobalo hokma, hvchi yukpa hoke; yohmi kvv isht a holitopa Shilombish, micha Chihowa imi Shilombish vt hvchi onvtuyula hoke; yvmvto Klaist a isht ik ahobalot isht anumpohonlikma, amba hvchishno yokvto hvsh holitobli hoke.

15. Yohmi kia hvsh kanimi kvv hatak bika vbi, na hukopa, nan ik achukmo yvmihchi, micha hatak inla nan im a kaniohmi ka ataklvmmi aiena hokvno chiyuhmit ik hvch ilbvsho kashke.

16. Amba hatak kanima kvv vbanumpuli yo chiyuhmit ilbahasha hokmvt, ik hofahyo kashke: amba ilvppa yakohmi hokvt Chihowa yak o holitoblashke.

17. Yohmi ka Chihowa im aboha yak o nan vlvhvisa yvt ai onvtulvt isht ia chi pulla ka nitak vt vla hoka; yohmi ka pishno ak o tikba ai isht ia hokma, Chihowa im vbanumpa ik im antio vhleha ont im ai vhli kvv katiohma hi o?

18. Mich a vlvhpiesa yokvt palvmmi hq okchgya hokma, Chihowa ik holitoblo, micha nan ashvchi aiena kvto katima ko ai otaiyana hi oh cho?

19. Yvmohmi hoka Chihowa nana ai ahni hq im antia kvv ilbahasha vhleha hokvto, nana achukma hq ai yvmohmit nana Ihikbi ai ghli yoka ai ahnit, ilap shilombish a iesha chi hq, im ihisashke.

CHAPTA V.

Chukvvlhpoba ushi a achukmvt vbanumpeshi vta yvt ipihinta chi ka i miha, 1; mihmvt itibapishi himithoa yvt nan im antia be, mik mvt moma kvv il oktambliit yichinut Setan a i sanala be i miha.

1. **ŪBANUMPULI** iksa apesvchi vhleha hvch itin takla aiasha ka nana atohnochi li kv̄t, vno ak kia vbanunpuli iksa ibai apesvchi, micha Klaist vt ilbahasha tok puta atokowa anoli, micha na holitopa kv̄t otaiyana hi oka ibai isha he ak inli sia hoke.

2. Chihowa in chukfulhpoba hvch itin takla ai asha ka hvsh ipihinta kv̄t, yohmi la he atuk okvt ik kaniohmi kia ahni keyu, amba yohmi likbano ahnit, ai vlhpiesa keyu isht a hofahya he nan isht ahayuchi bv̄na keyu, amba hvchim anukfila hv̄t vlhtaha achukma hosh apesvchit hvsh pehlichashke.

3. Yohmi kv̄t Chihowa immi hoka i shahli chiyuhmit ahanta he keyu, amba chukfulhpoba yā nan isht im vlv̄chi ya he tuk.

4. Yohmi ka chukfulhpoba apesvchi Miko yvt ant il otv-ninchikma, isht a holitopa iachuka okpula himma keyu mak o hvsh isha hi oke.

5. Yv̄mmak i chiyuhmit himita hvchia hv̄t asvnonchi yā hvsh im antiashke; ahli, moyuma kv̄t hvsh it im antia cha, im anukfila akanlosi hō isht, hvsh shemashke: yohmi ka Chihowa hokvt ilapunla yano i sanali cha, im anukfila akanlosi yokvno isht i kana yā ima chatuk oka.

6. Yvmohmi hoka Chihowa ibbak hlampko nuta yā hvsh im il akanlosechashke; yohmi na ont ai yvmohma he ai vlhpiesak ma vba hvchi wakeli mak inlashke:

7. Anukfila isht a hvchi komunta puta ka yv̄mmak o hvsh onochashke: yohmi ka yv̄mmvt hvchi anukfihinli hoka.

8. Ahah! ahnit, hvchi okchashke, hvchi sanali nan isht ahullo okpulo yvt kv̄na kia isht nanv̄bli bv̄na kv̄t, hohoyot, koi chito wohōha chiyuhmi hosh nohōwa hoka.

9. Yv̄mmak oka na yimma kullo ai ahli hosh hvsh i sanalashke: hvsh itibapishi vhleha yakni ilv̄ppa ai asha hokvt, na palv̄mmi yv̄mmak o chiyuhmi puta ka pihisā ha tok oka, hvsh ithaiyanashke.

10. Amba Chihowa isht i kana chinto yv̄mmak osh Chisvs Klaist ha tok pulla mak o ilap isht aholitopa bilia yoka il esha he mak o pi atokoli tok vt, yakosi itin takla hvsh

ilbahasha ha yak o, ai ahlichit kullochit hileclit, hlampko-honchit, chukvsh fitikvchi iksho ho hvchi anukfokihinchashke.

11. Yummak o isht a hokitopvt, mikot bilia yvt immit biliashke. Amen.

12. Silfanvs hvsh itibapishi ai ahli ahni li ha tuk osh, anumpa kanomosi ka holissochit ima li ho, isht hvchim ia tok; yohmi kvv nana hvchi miha li kvv, hvsh a hikia yummak osh Chihowa hvv isht i kana ai ahli mak o, atokolit hvchim anoli lishke.

13. Ubanumpuli iksa Babulon hikia kvv, hvch ibai vlhtoka ha tok vt hvchi aiokpvchishke; mikma svso Makvs vt yohmi ak inli.

14. It i hullo it i suksowa isht hvsh it aiokpvchashke. Klaist ibai achvfa hvsh moyuma ka isht it i nanaiya kvv hvchi anukfoyukashke. Amen.

II. P I T A

I H O L I S S O A T U K L A H O K E

CHAPTER I

Nan isht il aiyukpa chinto nan ho vbanumpuli vt isha chi hosh vlv toka ka anoli, 1; 5 nan ai vlvpiesa a yvmihcha he moma ka yv mihchi, yohmi pulla hosh ai okchaya pisa chi kvv ai ahlichu chi i miha: 14 ilap vt illa chi nitak vt ai vlv hosi ka anoli; mihmvt Klaist i yimmit avvllot hiela hi a i miha.

1. SAIMON Pita, Chisus Klaist im apostel, micha in tishu hokvt pin Chihowa, micha pi Okchalinchi, Chisus Klaist vt nan avlvpiesa yvmohmi tok pulla mak o, na yimmi pi holitopa itilau ka ahayuchi tok vvhleha yvmmak o pit aiokpuchi kvv,

2. Chihowa, micha Chisus pin Chitokaka hvsh ithaiyana kak osh nan isht i kana, micha isht it i nanaiya aiena kvv hvchin lauashke;

3. Yohmi kvv ilap ai ahli kak osh nan okluha isht ai okchaya, micha Chihowa isht holitobli imma aiena ka pihima kvv, ilap ithvna kak osh nan ashvchi ik pim iksho hosh isht a holitopa ya e pihisa he mak o, pi atokoli tok:

4. Yvmmak o nana holitopa, micha achukma chinto puta ka isht a pihima; yohmi kvv ilvppak atuk pulla kak o nan okpulo chukvsh nan ai ahni yatuk pulla kak o yakni ilvppa ai asha ka hvsh i filvmmi hosh, Chihowa im anukfila ha hvsh ibai isha chi ha tok.

5. Michu ilvppa atuk pulla kak o achunanchi fehna hosh na hvchi yimmi ya nan vlvpesali ya isht hvsh otvnin-

chashke: micha nan vlpesali ya nan ithana ya isht hvsh otvninchashke.

6. Michā nan ithana ya ile oktamp̄li ya isht hvsh otvninchashke: micha ile oktamp̄li ya nuktaiyalvt achunanchi ya isht hvsh otvninchashke; micha nuktaiyalvt achunanchi ya Chihowa isht holitobli ya isht hvsh otvninchashke.

7. Michā Chihowa isht holitobli ya itibapishi vbanumpuli it i hullo ya isht hvsh otvninchashke; micha itibapishi vbanumpuli it i hullo ya hatak moma i kana ya aieninchit isht hvsh otvninchashke.

8. Yohmi ka nana ilvppa puta kv̄t hvchi anukfoyuka kv̄t isht i shahlit lauv̄t ia hokmv̄t, pin Chitokaka Chisvs Klaist hvsh ithaiyana kv̄t, in takobit hvch ik vno ka hi o hvch ikbi keyu hoke.

9. Amba nana ilvppa puta ka ik im iiksho hokmv̄to, nishkin tamoa hosh mishema pit pisa he keyu, micha tikba ilap nan ai ashvchika yvt i kashofa ha tok vt imi haksi hoke.

10. Yvmohmi hoka na hvchi vlhtoka, micha na hvchim annoa aiena kv̄t hvchim ai ahla chi kv̄t ai yiminta hosh hvsh achunanchashke: yohmi ka nana ilvppak o hvsh yimihchi hokmv̄to, chi tula himma keyu hoke:

11. Hvsh yakohmi hok mak o pin Chitokaka, micha pi Okchalinchi Chisvs Klaist apehliechi ka bilia ya im vltaha achukma hosh ik chvkowá, hvchim ai ahni fehna hi oke.

12. Yvmohmi hoka nana ilvppa puta ka hvsh ithaiyana, micha vbanumpa hvchi yimmi kv̄t kv̄llot hvsh a hikia ak inli kia, hvsh ithaiyana chi ka himonna hvchi anukfokihinchit li kv̄t an takoba he keyu hoke.

13. Ahli, vlhtipo ilvppa anukaka ahanta li takla kv̄t, hvsh ithaiyana chi kak o hvchi anukfokihinchit hvchi okchvli li kv̄t ilvppvt ai vlpiesa, ahni lishke.

14. Chekosikma vm vlhtipo ilvppa mokofit boyuhli la chi pulla ithaiyana li kv̄t, pin Chitokaka Chisvs Klaist ak kia vm otvninchi akinli ha tok ak oke.

15. Yvmohmi hoka a svlli ha kia, nana ilvppa puta ka hvsh ithaiyana bieka hi ak o hvchim ai ahni li kv̄t achunanchi la hi oke.

16. Pin Chitokaka Chisus Klaist vt vla tok, micha nan im ai ahli tok aiena ka e hvchim anohonli mvt, anumpa nan isht ik ahobo nan isht haksicha he nana hō il iakaiya ha tok keyu, amba ilap isht a chinto ka nishkin isht ai atokoli pia ha tok.

17. Yohmi ka, Ilvppak osh Suso a holitopa yoke, yummak o nan isht vm vlhpiesa hoke, ahanchi anumpa yosh Holitopa chinto ka a minti hosh im vla kak osh isht a holitopa, micha isht annoa achukma ka Iki Chihowa yak o im ai eshi tok.

18. Mihma itvpehvt nvnih paknaka holitopa yak o e hieli hō, anumpa ilvppvt vba yak o minti hosh vla hō e haiyaklo tok.

19. Hopaii im anumpa hak osh isht ai atokowa i shahli hvt pin tonla ak inlishke: yummak oka pula hosh ai okhlilika yo hikia chiyuhmi hō hvsh anukfihinli na onnvt taha, micha onnahinli fochik vt hvchi chukvsh a a kohcha hi okvt hvchim vlhpiesa hoke.

20. Hopaii im anumpa hvt ilap im anukfila ha tok keyu ka tikba ilvppa hvsh ithanashke.

21. Yohmi ka hatak nana ai ahni hō nitak tikba kash hopaii im anumpa hvt vla tok keyu, amba hatak holitopa yosh Chihowa nana ai ahni pulla hō Shilombish Holitopa yak osh nukfokihinchi hō anumpohonli tok.

CHAPTA 11.

Vbanumpa ithvnachi ik ai ahli vt wakaya he, atuk kia yummak ashot im antia pit a moma ka Chihowa yvt okpvnit tahla he; amba hopoyuksa vhleha hokvno okchalinya he tikbanli anoli, 1; 10 nan ithvnanchi ik vlhpeso ilvppak ash achukmvt anoli.

1. **Y**OHMI kia hopaii ai ahli keyu vhleha hvt okla ai itin takla ya ai asha ak inli beka tok a, anonti nan ithvnanchi ai ahli keyu kvh hvch itin takla ai asha he ak inli; yummak okvt isht okpula he ai ahli isht anumpa keyu puta ka lumvt isht hvch iba chukowa mvt, ilap a chumpa tok, Chitokaka

kanchi hosh isht ai okpulo ya tushpa fehvt isht il onocha hi oke.

2. Mikma lawa kvt yummvt nan isht ai okpuloka he ai yvmohmi puta ka hobacha he; yummvt yvmohmi kak o hina ai ahli yvt nan isht ik ahobot isht anumpa hi oke.

3. Micha yummvt nan ahayuchi bvna kak osh isht haksichi anumpa ho nan isht itatoba yo isht hvch ikba hi oke; yvma nan isht im vlpisa tok a hopaki kia svlaha he keyu, micha yvma isht ilbvsha hi vt nosilhha keyu hoke.

4. Yohmi ka Chihowa yvt enchil vhleha hvvt nan ashvchi ma ik il atombo hosh, amba ai okhlilika tvli itatakvli isht takchi cha, ai okpuloka ya pit ashachi kvt yvma ai asha na nan vlpisa hi vt ai ona hi a tokma;

5. Micha yakni vmona ka ila tomba tok keyu, Chihowa holitobla he keyu vhleha yakni paknaka ai asha tuk ash oka falama yo isht onochi tok: yohmi kia Noah hatak isht untuchina nan ai vlpiesa isht anumpohonli yano okchalinchitok.

6. Chihowa ik holitoblo himak a pilla ai asha he ak osh isht im vlvcha hi o ihikbi hosh, vmaha hochito Sotom micha Komola ita tuklo ka hushmit hituk chubbi banochi kvt, okpulo ai ahli mak o im apihisa tok.

7. Mihmvt hatak achukma Lot okvt, hatak haksi nan a kaniohmi liteha ya isht nukhaklot ik im achukmot ahanta tuk a, a hlakofichi tok.

8. Yohmi ka hatak ai vlpiesa yummvt yvma ai itintakla ahantvt, nana ka pihisa, micha hahaklot, nan ai vlpiesa keyu ai yvmohmi kak o onna hosh onnakma chukvsh vt isht a hotoyupa tok:

9. Chitokaka yokvt Chihowa i hullo yokvno isht imomaka pisa ya kanimihchit akohchi kvt ithana; micha ai vlpiesa ka yvmihinja he keyu yokvno kanimihchit ishi na nan im vlpisvt isht ilbvsha chi nitak vt ai ona hi oka ithana hoke:

10. Micha haknip isht ai yukpa anuksitia hosh chukvsh nan ai ahni kak bano iakaiya, micha nan vlpisa yo ik holitoblo aiena kak fehna ho kak heno i yvmihcha hi oke.

Ilapuna, ilap nan ai ahni kak bano, nan vlhtoka puta ka nan isht ik ahobalot anumpuli kv̄t ik nukshoposhke.

11. Yohmi kia enchil v̄hleha hokv̄to isht ai gh̄li, mic̄la isht hlampko aiena kv̄t yv̄mma ī shahli fehna kia, Chitokaka itikba ya isht ik ahobalo anumpa kia yv̄mma ai onochi keyu hoke.

12. Amba ilv̄ppv̄to nampoa nan ithana keyu ilap nan ahni bano hosh itv̄nowa ka, ishit okpv̄na hi ō toba tok chiyuhmit nana ka akostinichi keyu kv̄t, isht ik ahobalot anumpulishke; yohmi kv̄t ilap im anukfila okpulo nan isht ai yvmohmi kak osh isht ai okpulot kv̄nia ch̄i hoke:

13. Micha yv̄mmv̄to nitak kia nan impv̄t, nan ishkot isht a havi kv̄t nan isht ilaiyukpa yō im ahobv̄t ai asha kia, nan ai vlhpiesa keyu ai yvmohmi isht vlhtoba ka isha ch̄i hoke: yv̄mmv̄t na liteha okpulo, na hofahyali yosh yv̄mmv̄t hv̄ch ibai impa itin takla kv̄t na haksichi kak osh nan isht ilaiyukpa hoke:

14. Yohmi kv̄t nishkin m̄v̄t isht a havi yak osh alotowa, micha nan ashv̄chi kv̄t issa keyu hosh, hatak im anukfila fitikv̄chi ya haksihinchi hoke; micha nan ahayuchi bv̄nna atampa isht ai yvmohmi puta ka ch̄ukv̄sh isht a toksahanli hosh, isht ai ilbv̄shv̄t onvtula he vlhpiesa v̄lla v̄hleha hoke.

15. Yv̄mmak okv̄t hina ai vlhpiesa issa cha, yoshubv̄t kv̄nia hosh Boso ushi, Belam, yv̄mmv̄t nan ai vlhpiesa keyu isht vlhtoba yak ō anuksitia hosh nan a kaniohmi tok ak ō iakaiya hoke:

16. Yohmi kia Belam ash ot nan ai vlhpiesa keyu yvmohmi kv̄t ik vlhpieso ka im otv̄nichi kv̄t, issuba haksobish falaia anumpula he keyu kia, hatak im anumpa hō anumpuli hosh, hopaii im anukfila tasimbo yash im olv̄bi tok.

17. Ilv̄ppv̄t kv̄li oka iksho puta, micha hoshonti hā apeli v̄t isht aya mak oke: yv̄mmak okv̄no okhlili chinto yak osh im̄mit bilia hi osh takali hoke.

18. Yohmi ka yv̄mmak okv̄t nan isht ik ahobo isht anumpa ilauatv̄t anumpohonlikm̄v̄t, haknip imma nan ahni, micha havi anukfilli isht alotowa kak osh nan ashv̄chi aiasha

yumma yakosi itin takla ho ai i filvmmi tok ash yummak o haksihinchi hoke.

19. Ilap ai ahni hosh nana ka yummut yumohma he im ihisa ak inli kia, ilap ak okvto nan ai ashvchi yak o chukvsh okpulo ai yumohmi yak o i yuka vhleha hoke: yohmi ka kvna hosh hatak a imaiyachi hokma, yummak ash inli ho i yuka toba chatuk oka.

20. Yohmi ka pin Chitokaka, micha pi Okchalinchi Chisvs Klaist oka ithaiyana kak osh yakni ilvppak inli isht a liteha puta ka ai i filvmmi ha ya tuk osh, anonti yummak ash inli ho isht ai apakfovt isht ai imaiya hokmvt, yummut ont im ai ishtaiyopi kvt ik achukmo kvt im ai ishtia vmmona tuk ash i shahli hoke.

21. Yohmi ka yummak okvt nan ai vlhpiesa hina ya ik ithano hatuk mak osh im achukma kvt yumma ithana cha, anumpa vlhpisa holitopa yvt im anohowa ha ya tuk osh i filvmmi kvt, im i shahla he atuk oka.

22. Yohmi kia yummak okvt nan isht vlhpisa ai ahli ho ai yumohmishke; yohmi ka, Ofi yvt hoita kash osh falaminchit vpvshke; mikma, Shukha tek vt vlhchifa kash osh, falamvt lukchuk a oka tonolishke, achishke.

CHAPTA III.

Nan vlhpisa chinta he nitak a Klaist vt vla pulla hi a ahlichit im anoli 1, 10 kaniohmit yakni, micha vba pit a moyuma kvt ont ai okpulo ka he anoli; 14 nan ai okpula hi pit anukfoyukvt anumpuli mvt nan ashvchi ikshot holitovvt itanowa chi ka i miha.

1. A HOLITOPA vhleha ma! ilvppvt holisso atukla mak o himonasi ka pit hvchi holissohonchi li kvt, ita tuklo ka nana ka isht hvsh ithaiyana chi ho hvchim anukfila toh-wikeli tok a isht okchvli lishke.

2. Yohmi na hopaii vhleha hokvt tikba kash anumpa puta isht anumpohonli tok; micha Chitokaka, micha Okchalinchi im anumpeshi pia hvv nana e hvchim apihisa tok aiena ka isht hvsh ithaiyana chi hatuk;

3. Ilvppa tikba hvsh ithana, yohmi ka ishit yopula anum-

puli, micha ch_gkvsh nan ahni iakaiya puta kv_t ont ai ishtai-yopi nitak puta ka v_la hi oke ;

4. Mikm_vt, Yvm_vm_vt v_la he anumpohonli tok m_vto kati-mak o ? hatak tikba v_hleha hv_t nusi tok takla ha ya, nan okl_uha hokv_to tikba v_mmona tok ash osh imom_vt mahaya loka, ahancha hi oke.

5. Yohmi ka ilv_ppa ithv_na ik b_vnno hokv_t, hopaki pilla kash v_ba yakni okv_t Chihowa im anumpa hak o isht atoba tok, mihma yakni ilv_pp_vt oka akohcha cha, itin takla talaia tok :

6. Yvm_mak o yakni yvm_mak atuk v_t oka yosh isht ompoholmot kv_nia h_o, isht ai okpulot kv_nia tok.

7. Amba v_ba shutik, micha yakni ilv_ppa ita tuklo hokv_no Chihowa im anumpa yvm_mak ash inli hosh Chihowa ik holitoblo hatuk puta kv_t ai okpulot kv_nia ch_i nan vlhpisa nitak mak o lua he ai ahni hosh achukmalit ieshi hoke.

8. Amba a holitopa v_hleha ma ! nana achv_fa ilv_ppa hv_{ch} ik ithano ki ná, yohmi kv_t nitak achv_fa kv_t Chitokaka yokv_no afv_mmi tahlepa sipokni achv_fa ka im itilau_i; micha afv_mmi tahlepa sipokni kv_t nitak achv_fa ka im itilau_i hoke.

9. Chitokaka yokv_t nana ka im ih_isa tok v_t, a sv_laha hatak kaniohmi kv_t ahni kia, sv_laha keyu hoke ; amba p_i nukh_gklo hosh p_i sv_laha kv_t, achv_fona kia okpunlot ik kv_nio hosh, amba moyuma kv_t ile kostin_incha he, im ai ahni hoke.

10. Yohmi kia Chitokaka i nitak okv_t, ninak an_ukaka yo na hv_kopa yv_t aya chatuk mak o, chiyuhmit v_la hi oke ; yvmohmikma shutik moma kv_t nan ola chinto h_o isht ai okpulot ont ai iksho ka he, mikma fochik moma kv_t luak lv_{sh}pa fehna h_o isht a luv_t bihinlakma, yakni, micha nan okl_uha ai vlhtaiyaha puta tuk v_t luv_t taiyaha hi oke.

11. Yvmohmi ka nan okl_uha ilv_pp_vt ont ai vhlit kv_nia ch_i hoka, hatak kaniohmi hosh nana a kaniohmi puta ka nan ai ashv_{ch}i iksho hosh Chihowa holitoblit hv_{sh} ai asha hi atuk o ?

12. Micha Chihowa i nitak v_t vlakma, v_ba shutik moma kv_t lua hatuk osh ont ai vhlit kv_niakma, fochik moyuma kv_t

luak hvshpa fehna hō isht a lvt bihinla he, yvmmak o ho-
hoyot tushpvt hvsh mahaya hokvt.

13 Yohmi kia pishno yokvto nana ka pim ihisa tok pulla
kak o, vba shutik himona, micha yakni himona ita tuklo nan
ai vhpiesa ai ahanta yvmmak o e hohoyo hoke.

14. Yvmohmi ka a holitopa vhleha ma! nana ilvppa chi-
yuhmi puta hō hvsh hohoyo hokvt, anumpa isht ai onvtula
he, micha na liteha aiena ik hvchim iksho hosh hvsh i na-
raiya hō, hvsh im otaiyana hi vt hvsh achunanchashke.

15. Mikmut pin Chitokaka yvt ilvshala chi kvv svlaha
kvv isht pi ai okchaya he atuk, il ai ahnashke; ilvppa chi-
yuhmi il itibapishi Pal ak kia isht a hopoyuksa ya anukfoki-
hinchi hō hvchi holissohonchi tok:

16. Yohmi kvv holisso ihikbi puta kvv nana ilvppa moma
ka isht anumpohonli ak inli hatok okvt; yvmmak oka nana
kaniohmi kvv akostininchi kvvlo kvv ai asha, yvmmak oka nan
ik ithano, micha anukfla apissali iksho aiena hokvto ilap isht
ai okpula chi kvv anumpa holitopa inla ka yvmihinchi hatuk
ash osh, chohmichit shanaiyvchi hoke.

17. Yvmohmi ka a holitopa hvchia ma! tikba nana ilvppa
puta ka hvsh ithana hatuk okvt ahah! hvchik ai ahnokmut,
hatak nan vhpiesa ik holitoblo isht ai yoshuba ya isht ai
yoshubvt isht a hvchi yimmi kvvlo kash i filvmmmit chi
tula ná.

18. Amba isht i kana hvchi anukfokvt hvsh yvmohmi kvv
i shahlichit mahayvt, pin Chitokaka pi Okchalinchi Chisvs
Klaist a hvsh ithaiyana kvv i shahlichit hvsh mahayashke.
Yvmmak oka isht a holitopa yokvt, himonasi, micha himak
a pilla ka immit biliashke. Amen.

C H A N

I HOLISSO VMMONA HOKE.

CHAPTER I.

Klaist a isht anumpuli, mihmvt yvmma anonti Iki itatuklo ka ibacht fvt nan im anukfila he miha, 1; 5 nan ib achvfa ilvppa yakohmi kvv nan isht il aiyukpa hokmvt, atohwekinli ka il ai itanowa he; 9 mikmvt na pim ai ashvchika puta ka il il anohonlikma, pi kashofa hinla.

1. AI okchaya anumpa yvmmak osh vmmona ka ahanta tok mak o e hahaklot, pi nishkin a isht e pihisvt, il o hopokohoyo tok, micha pibbak vt pvshohonli tok mih mak oke.

2. Ai okchaya yvmmvt haiaka na e pihisa tuk osh atokowa anolit, Ai okchaya bilia yvmmvt Iki a takla ahanta chatuk mak osh, ant pi haiaka tok a e hvchim anoli hoke.

3. Hvchishno mvt hvsh pibai achvfa he mak o, nana ka e pihisa tuk, micha e hahaklo tuk aiena kvv e hvchim anoli hoke: yohmi kvv pishno vt Iki, micha Ushi Chisvs Klaist aiena kak o il ibai achvfa mvhli hoke.

4. Mikmvt nana a hvchi yukvvt alotowa he mak o, yakohmi ka pit e hvchi holissochishke.

5. Yohmi ka Chihowa yvt tohwikelika, micha yvmma okhlilika yvt atakali iksho kvvohmi aiena ilvppak o anumpa yvmma il ai i haponaklo tuk mak osh e hvchim anolishke.

6. Yvmmak oka pit il ibai achvfa, il achi hosh, anonti ai okhlilika yo il itvnowa hokmvt, e holabi; micha nan ai ahlika mvno a pi yvmohmi keyu hoke.

7. Amba yvmmak okvt atohwikelika yo anta hoka, pishno vt atohwikelika yo il itvnowa hokmvt, iloh it ibai achvfa.

Yohmikma Ushi Chisvs Klaist im issish vt nan ai ashvchika ya mominchit a hvpi kashofi hoke.

8. Nan ai ashvchika yvt ik pim iksho, il achi hokmut, peh il ile haksichi: micha nan ai ghlika yvt pi anukfoyuka keyu mak oke.

9. Na pim ai ashvchika ya il il im anohonli hokma, yvm-mak okvt ai ghli achukmut, ai vlhpiesa hatuk osh na pim ai ashvchika ya pi kanvllichy; micha nan ik ai vlhpeso ka mominchit pi kashofa hinla hoke.

10. Nana il ai ashvchika chatuk keyu, il achi hokmut, yvmmak oka holabi il ikbi; mikma im anumpa hvvt pi anukfoyuka keyu mak oke.

CHAPTA II.

Klaist vt pi a pelvt isht pi anumpuli, 1; 3 ai ahlit Chihowa ya ithana hokvto im anumpa vlhpisa ya holitobli hoke. 9 Pitibapishi ha il oh i hullashke; 15 yohmikmut yakni imma hokvno keyu kashke; 18 na yoshubli a ahah! il im ahnashke.

1. UM vlla chipunta vhleha ma! hvch ik ashvcho ka chi mak o, ilvppa puta ka pit hvchi holissochi lishke. Micha hatak nana hosh ashvchi hokma, isht anumpuli vt Chisvs Klaist achukma yvt Iki a itikba pim anta hoke.

2. Yvmmak osh na pim ai ashvchika ya, vlhtoba kvvt pish-no pimmi hak bano keyu, amba yakni moma nan ashvchi aiena ka okluha vlhtoba mak oke.

3. Micha im anumpa vlhpisa yak o e holitobli hok mak osh, yvmma il ithaiyana ho mvhli kvvt isht il akostininchi hoke.

4. Kvna hosh yvmma ithana li, achi hosh, anonti im anumpa vlhpisa ya holitobli keyu hokvto, holabi; micha nan ai ghlika yvt anukfoyuka keyu mak oke

5. Amba kvna hosh yvmma im anumpa ha holitobli hokvto, mihi yosh Chihowa ya i hullo ai ghli fehna hoke. Ilvppak o yvmma il ibai achvfa kvvt isht il akostininchi hoke.

6. Kvna hosh yvmmak oka ai iba foyuka, miha hokvto, ilap mak kia, yvmmvt kaniohmit aya tok mak o, a chohmit aya he tuk oke.

7. Itibapishi li vhleha ma! anumpa vlpisa himona nana h_o pit hvch_i holissochi li keyu; amba anumpa vlpisa sipokni vmmona kash inli h_o hvchin tonkvt isht auehinchi tok ash oke. Anumpa vlpisa sipokni vt anumpa vmmona kash inli h_o haklot isht hvsh auehinchi tok ak oke.

8. Ai okhlilika yvto ant ia ma, himak okvno tohwikeli ahli mak osh tommi hoka, anonti anumpa vlpisa himona, yvmmak okvt ilapo, micha hvchishno aiena hokvno ahli mak o pit hvch_i holissochi lishke.

9. Kvna hosh atohwikelika yo anta li, achi cha, itibapishi h_a i nukkilli kv, himonasi ak kia ai okhlilika yo aya moma hoke.

10. Kvna hosh itibapishi h_a i hullo hokvto, mihi yosh atohwikelika yo ahanta; yohmi cha kaniohmit ai ibetvbla hi vt ik im iksho mak oke.

11. Amba kvna hosh itibapishi h_a i nukkilli hokvto, ai okhlilika yo ahanta cha, ai okhlilika yo noh_owa; yohmi ma okhlilika kv nishkin a tvmoli hatuk o, kanima yo ia kv ithana keyu hoke.

12. Ulla chipunta hvchia ma! yvmma hohchifo pulla h_o na hvchim ai ashvchika yvt isht a hvchi kashofa hatuk oka, pit hvch_i holissochi lishke.

13. Iki hvchia ma! vmmona makinli h_o ahanta tok yvm-mak ash hvsh ithaiyana hatuk oka, pit hvch_i holissochi lishke. Hatak himita hvchia ma! nan okpulo atukma hvsh imaiyachi hatuk oka, pit hvch_i holissochi lishke. Ulla chipunta hvchia ma! Iki a hvsh ithaiyana hatuk oka, pit hvch_i holissochi lishke.

14. Iki hvchia ma! vmmona makinli h_o ahanta tok yvm-mak ash hvsh ithaiyana hatuk oka, pit hvch_i holissochi li tuk oke. Hatak himita hvchia ma! hvsh hlampko, yohmi ma Chihowa, im anumpa hv a hvchi anukfoyuka, micha nan okpulo atukma hvsh imaiyachi aiena batuk oka, pit hvch_i holissoch_i li tuk oke.

15. Yakni a, micha nana kv yakni paknaka a sha ka hvch ik i hullo kashke. Hatak nana hosh yakni a i hullo hokma, Iki i hullo kv yvmma anukfoyuka keyu hoke.

16. Yakni qsha kvto moma, haknip nan isht anushkunna, micha nishkin nan isht anushkunna, mikmut yakni pakna nan ai isht ilefehuvchi aiena kvt Iki ak o a minti ho keyu; amba yakni ak o a minti hoke.

17. Micha yakni vt, mikmut nan ai isht anushkunna aiena hokvto, ant ayvt kvnihiya hoke; amba Chihowa nan aiahni yak o a yvmohmi hosh ahanta hokvto, antvt bilia hoke.

18. Ulla chipunta ma! ai ishtaiyopi mak oke: yohmi ka Klaist im asanali vt qya hi oka, hvsh haklo tok mak o, himonasi ak kia Klaist im asanali vt lauvt aiasha; yohmi ho ont ai ishtaiyopi ka isht il akostininchishke.

19. Yvmmak ash ot a pi filvmmmit kocha wiha tok; yohmi kia yvmmut a hvpibai achvfa tok o keyu hoke; yvmmut pishno ak o a hvpibai achvfa tok okmut, a hvpibai afoka na bilia he tuk pulla chishke: amba yvmmut moma kak osh a hvpibai achvfa ho keyu hatuk vt otvna chi kak osh a hvpi filvmmmit kocha wiha tok oke.

20. Amba hvchishno yokvto Shilombish Holitopa ak o hvsh im ai ahama tuk osh nan okluha ka hvsh ithanvshke.

21. Nan ai ahlika ya hvch ik ithano hatuk o, pit hvchi holissochi li ho keyu, amba yvmma micha holabi hv achv fona kia nan ai ahlika ya ahalaia keyu aiena ka hvsh ithana kak atuk oke.

22. Kvta hosh holabi yo? amba Chisvs ak osh Klaist mak atuk a keyu achi kak oke. Iki micha Ushi aiena ka i yimmi keyukmut, yvmmak osh Klaist im asanali mak oke.

23. Kvna hosh Ushi a i yimmi keyukmut, yvmmak osh Iki a pit ahalaia keyu mak oke; amba Ushi a i yimmi hokvto Iki a ib ahalaia ak inli hoke.

24. Yohmi hoka nana ka hvsh haklo vmmna tok yvmmut a hvchi anukfoyukashke. Nana ka hvsh haklo vmmna tok yvmmut a hvchi anukfoyuka hokma, hvchishno mut Ushi, mikmut Iki aiena ka hvsh ai ibafoyuka hi oke.

25. Micha nana miha kvt ai okchaya bilia ilvppak o pim issa tok oke.

26. Na hvchi yoshubli vhleha ha ai immvchi kvt yakohmi kak o pit hvchi holissochi li tuk oke.

27. Amba yumma nana hvsh ai im ahama tuk amo a hvchi anukfoyuka; yohmi ka hatak osh nana hvchim abvcha he hvsh ahni ka keyu; amba nan ahama yummak asl inli kak osh nana moma ka a hvchim abvchi kv̄t ai ahli, holabi keyu; yohmi ka na hvchim abvchi tuk ash fehna ka yumma hvsh ai ibafoyuka hi oke.

28. Yohmi ka inta! vlla chipunta ma! yummak o hvsh ai iba foyukashke; yohmi tuk o yummak ash ot ant haiakakma, il anukcheto cha, mihintikma itikba ma a ik pi hofahyo kashke.

29. Yummak okvt ai vlhpiesa yo hvsh akostininchi hokmvt, ai vlhpiesa ho a yvmohmi hokvto, momvt yummak o isht a toba yo hvsh akostininchishke.

CHAPTA III.

Chihowa vt ilap ushi yo pihikbi kv̄t pi hullo fehna, 1; 3 yvmohmi hoka i nan vlhpisa ya e holitobla he tuk; 11 il iti hulla he tuk.

1. CHIHOWA ushi vhleha hvpi hohchifa hi a Piki vt nan i hullo kv̄t a kaniohmit hv̄p i hullo tok a ho pesá: yohmi hatuk o yakni vt pishno a ik hv̄p ithano; yumma ik ithano tok okvt.

2. Holitopa vhleha ma! himak okvno Chihowa ushi hv̄pia, yohmi kia e kaniohma hi a himonasi kano ik otano kishvshke; amba yummak osh ant haiakakma, pishno vt yummak o e holba hi vt il ithana, yummvt kaniohmi hatuk ma e pisa hi okvt.

3. Yumma anukchieto hosh si yakohma he ahnit, yummak ash ot kashofa achukma yatuk a chiyuhmit momvt ile kashofi hoke.

4. Kvna hosh nana ashvchi kv̄t anumpa vlhpisa ma kobvffi hoke: nan ai ashvchika yak osh anumpa vlhpisa ya kobvffi hoka.

5. Yohmi ka yummak okvt pim ai ashvchika ya isht hv̄pi kancha chi mak osh ant haiaka tok a hvsh ithana; micha yumma ai ashvchika nana hosh atakali keyushke.

6. Kuna hosh ymma ai iba foyuka hokuto ashahanchi chatuk keyu; kuna hosh ashahanchikmt, ymma pisa tuk keyukmt, anonti ithana tuk keyu aiena mak oke.

7. Ulla chipunta ma! hatak nana kia ik hvchi yoshublo kashke: kuna hosh nan ai vlhpiesa ya a ymmohmi hosh ahantakmt, ai vlhpiesa kv, ymmvt ai vlhpiesa yatuk a, chohmi mak oke.

8. Kuna hosh ashahanchi kv Setan ak o ibai achvfa mak oke: Setan ak okvt vmona mak inli ho ashvchit isht auehinchit tok oka. Setan vt nan ai isht vta tok puta ka okpuna chi pulla kak osh Chihowa Ushi vt ant haiaka tok.

9. Kuna hosh Chihowa ak o isht a toba hokuto ashahanchi chatuk keyu: ymma i na nihi vt anukfoyuka hatuk o; micha ymmak okvt Chihowa ak o isht a toba hatuk okvt, ashahancha he keyu hoke.

10. Ilppak o Chihowa im vlla vheha, mikmt Setan im vlla vheha aiena kv isht ai otvni hoke: kuna hosh nan ai vlhpiesa ya a ymmohmi keyu, mikmt itibapishi ha ik i hullo aiena kv, Chihowa ak o ai ibai achvfa ho keyu hoke.

11. Iloh it i hulla he anumpa ilppak o vmona mak inli ho hvsh hahaklo tok.

12. Nan okpulo a ai ibai achvfa cha, itibapishi ha vbi tok Ken ak okvno ke chohmo kashke. Michi nanta katiohmi ho ymma vbi tok o? Ilapo nana a katiohmi kvto ai vlhpiesa keyu ma, itibapishi hvto ai vlhpiesa kak a tok oke.

13. Itibapishi li vheha ma! yakni vt hvchi nukkilli hokma, ik hvchi nukhlakancho kashke.

14. Il itibapishi vheha ha il i hullo hatuk osh, ai illika ya a kohvvt ai okchaya ya il ona kv il ithanvshke. Kuna hosh itibapishi ha i hullo keyu hokuto, ai illika yo anta hoke.

15. Kuna hosh itibapishi ha i nukkilli kv, hatak vbi yoke: yohmi ka hatak vbi nana hak osh okchayvt bilia yvt anukfoyuka keyu ka hvsh ithanvshke.

16. Pishno pulla hatuk mak o ilap im ilhfiopak a isht pi atobbi tok a ilppa fehna ak o Chihowa vt pi hullo ka, isht

il akostininchishke: yohmi ka pishno vt il itibapishi vhleha h₂ pim ilhfiopak a isht il atobba he vhpesa hoke.

17. Amba kvna hosh yakni ilvppa nana isht-il ai yvka vt im a₂sha; yohmi hosh itibapishi hv₂t ilbvsha h₂ pisa kv₂t, yvmmak ash i nukh₂aklo iksho; yohmikma Chihowa i hullo kvto katiohmit yvmma anukfoyuka hinla cho?

18. Um vlla chipunta ma! anumpa, micha isunlvsh aiena kak bano h₂ ishit kiloh it i hullo kashke; amba nan isht ahanta, micha ai a₂hli mak ashke.

19. Micha ilvppak o nan ai a₂hli ka ya il ibai achvfa kv₂t isht il akostininchi; mikmvt pi chukvsh a nuk₂talanlit itikba ya il a₂sha hi oke.

20. Pi chukvsh vt isht pi atokoli hokma, Chihowa he kak heto pi chukvsh a i shahli, micha nana moma ka ithana hoke.

21. Holitopa vhleha ma! pi chukvsh vt isht pi atokoli keyu hokm₂vno, Chihowa ya il ai nanaiya mak oke.

22. Micha im anumpa vhpisa ya e holitobli, mikmvt nana ka ilapvt ai ahn₂inchi ak o a pi yvmohmi aiena hatuk osh, nana h₂ il asilhha kv₂t, yvmma il ai i habena chatuk oke.

23. Yohmi kv₂t yvmmak a hi o, anumpa vhpisa h₂ pima tok oka, Ushi Chisvs Klaist hohchifo h₂ pi yimmi cha, it i hulla he aiena ilvppak osh im anumpa vhpisa mak oke.

24. Micha kvna hosh im anumpa vhpisa ya holitobli kv₂t, yvmmak o ai ib achvfakma, ilap mvt yvmma ai ibai achvfa hoke: micha yvmmvt a pi nukfoyuka kv₂t, yvmmvt Shilombish pima tok ilvppak o isht il akostininchi hoke.

CHAPTER IV.

Nan ithvnanchi moma kak o i yimma he keyu amba Chihowa im anumpa h₂ isht imomaka pisa hi a i miha, 1; 7 nana hosh kaniohmi kak o il it i hulla hi a lauachit nan isht miha.

1. **HOLITOPA** vhleha ma! hopai ilahobi lauvt yakni a atiapa hatuk oka, shilombish a uhvlinchit hvchi yimmi

na; amba Chihowa yak o a minti hokma, nana tukmá, shilombish puta kash imomakachit hvsh pisashke.

2. Ilvppak o Chihowa im Shilombish a isht hvsh akostininchishke; shilombish vt, Chisvs Klaist vt haknip asha hosh vla tok a atokoli hokvto, Chihowa ak o a minti bano hoke.

3. Mikma shilombish vt, Chisvs Klaist vt haknip asha hosh vla tok a atokoli keyu hokvto, Chihowa ak o a minti keyu bano hoke; micha ilvppak osh shilombish Klaist i sanali, yummvt aya hi a hvsh haklo tok a, anonti himonasi kak kia yakni paknaka ya aiasha ka mak oke.

4. Ulla chipunta ma! Chihowa ak o immi hvchia; yohmi hosh yummak ash hvsh imaiyachi tok; hvchishno a a hvchi anukfoyuka kak osh yakni paknaka ya anta kvno i shahli hatuk okvt.

5. Yummak ash ot yakni ak o ai ibai achvfa; yohmi hatuk osh yakni ak o isht anumpuli ma, yakni vt i haponakloshke.

6. Pishno vt Chihowa ak o immi hvpia hoke; kvna hosh Chihowa ya ithana hokvto, hvpi haponaklo: kvna hosh Chihowa ya immi keyu hokvto, ik hvpi haponakloshke. Ilvppak o shilombish ai ahli, mikmvt shilombish na yoshubli aiena ka isht il akostininchishke.

7. Holitopa vhleha ma! nan i hullo vt Chihowa ak o a minti hoka, iloh it i hullashke: micha kvna hosh i hullo hokvt moyumvt Chihowa ak o isht a toba; micha Chihowa ya ithana mak oka.

8. Kvna hosh nan ik i hullokmvt, Chihowa ya ik ithano mak oke. Chihowa ak okvto nan i hullo mak oka.

9. Yummak atuk mak o pishno vt isht pi okchaya hi a Chihowa yvt Ushi achvfa illa yatuk a yakni a auet kanchi tok oka, ilvppak o Chihowa yvt auet hvpi hullo ka isht ai otvni tok oke.

10. Pishno ak osh Chihowa ya il i hullo tok o keyu, amba ilap ak osh pishno a pi hullo cha, na pim ai ashvchika yvt isht vltoba hi a, Ushi a auet kanchi tok ilvppak osh nan i hullo mak oke.

11. Holitopa vhleha ma! Chihowa yvt pi hullo kv̄t yak-ohmi tok okma, pishno ak kia iloh it i hulla he v̄lhpesa hoke.

12. Hatak achvfa kia nitak nan ash Chihowa ya pisa tok keyushke. Pishno vt iloh it i hullo hokma, Chihowa yvt hv̄pi anukfoyuka; yohmikma yv̄mma il i hullo kv̄t ai ahli mak oke.

13. Yv̄mmak okvt imi Shilombish a ai isht pima tok oka, pishno vt yv̄mma il ibai achvfa^kma, anonti ilap mvt pibai achvfa ka ilv̄ppak o isht il ai akostininchi hoke.

14. Micha pishno vt e pihisa mak osh yakni a okchalnichi a he Iki vt Ushi a auet kanchi tok a atokowa il anohonlishke.

15. Kuna hosh Chisvs vt Chihowa ya Ushi yoke, achi hoka, Chihowa ak osh yv̄mma anukfoyuka ma, anonti ilap mvt Chihowa ya anukfoyuka hoke.

16. Mikmvt pishno a Chihowa vt pi hullo ka il akostininchi, micha pi yimmi aiena tok. Chihowa vt nan i hullo hoke: yohmi ka kuna hosh nan i hullo^t ahanta hokvt, Chihowa ak o ai ib anukfoyukakma, anonti Chihowa mvt ilap a ai ib anukfoyuka hoke.

17. Nan v̄lhpisa nitak fehnakma pi nukwaya iksho ka he vt ilv̄ppak o nan il i hullo kv̄t isht ai ahli hoke: ilap vt kaniohmi ka, pishno mvt yv̄mmak inli ho chohmi hosh yakni ilv̄ppa il a^sha hokvt.

18. Nan i hullo ka nukshopa hv̄t iksho hoke; amba nan i hullo ahlika yvt nukshopa ha kohchit kanchi yoke; na nukshopa hv̄t issikkopali yoka. Kuna hosh nukshompa hokvto nan i hullo kv̄t ai ahli ho keyu mak oke.

19. Ilap ak osh tikba pi hullo tok oka, pishno vt yv̄mma il i hulloshke.

20. Hatak vt Chihowa ya i hullo li, achi hosh anonti itibapishi ha i nukkilli hokmvt, yv̄mmvt holabi yoke. Itibapishi ha pisa kv̄t ik i hullo kv̄to, anonti kaniohmi hosh Chihowa pisa chatuk keyu kv̄t yv̄mma i hulla hinla cho?

21. Kuna hosh Chihowa ya i hullo hokvto, itibapishi ma i hullo ak inla he anumpa v̄lhpisa ilv̄ppa yv̄mmak osh pima tok oke.

CHAPTA V

Kvna hosh Chihowa ya i hullo kv̄t i nan v̄lhpisa ma holitobli cha, yv̄mma im v̄lla puta ka i hullo hoke, 1; 7 nan atokowa yv̄t tuchina hosh v̄ba ya aiasha; 8 mikma tuchina makinli hosh aka ya āsha; 9 Chihowa ushi Chisvs vt pi okchalincha hinla kv̄t im v̄lhpiesa.

1. **KUNA** hosh Chisvs vt Klaist mak atuk a yimmi hokv̄to, Chihowa ak o isht a toba mak oke; micha na toba-chi tok ash i hullo hokv̄to, moma kv̄t yv̄mma isht a toba tok puta ma i hullo ak inli hoke.

2. Chihowa ya il i hullo, micha im anumpa v̄lhpisa aiena ka e holitobli hokv̄t, ilv̄ppak o Chihowa im v̄lla v̄hleha ha il i hullo kv̄t isht il akostininchi hoke.

3. Im anumpa v̄lhpisa ya e holitobli ilv̄ppak osh Chihowa i hullo mak oke; micha im anumpa v̄lhpisa yv̄t a palv̄mmi ka keyu hoke.

4. Kvna hosh Chihowa yak o isht a toba tuk okv̄to, yakni a imaiyachi hoke; micha yakni a nan isht imaiyachi kv̄t nana pi yimmi ka ilv̄ppak oke.

5. Kv̄ta hosh yakni a imaiyachi cho? amba Chisvs vt Chihowa ya Ushi a yimmi kak o banoshke.

6. Oka, micha issish aiena kak o isht otv̄nit aya tok vt Chisvs Klaist ilv̄ppak oke: oka yak o illa keyu; amba oka, micha issish aiena tok. Mikma Shilombish ak osh ai ahli ka mak okv̄t, Shilombish ak osh atokowa ka anoli hoke.

7. Tuchina hosh nan atokoli kv̄to v̄ba ya āsha, Iki, micha Anumpa, mikv̄t Shilombish Holitopa aiena kak oke; mikv̄t tuchina ilv̄ppvt achv̄fa hoke.

8. Yohmikma tuchina hosh nan atokoli kv̄t yakni a āsha, Shilombish, micha oka, mikv̄t issish aienv̄shke; mikv̄t tuchina ilv̄ppvt ai it im achv̄fa hoke.

9. Hatak osh nana atokoli ka pi yimmi chatuk ma, Chihowa hosh nana atokoli ho kak heto ai i shahli fehna hoke. Chihowa yv̄t nana ai atokoli Ushi ya isht ai anohonli tok ilv̄ppak oke.

10. Kuna hosh Chihowa Ushi ya i yimmi hokvto, nan isht atokowa kv̄t ilapo inlit anukfoyuka hoke: kuna hosh Chihowa ya ik i yimmo hokvto, Chihowa yvt Ushi a nan isht ai atokowa ka anoli tok a, ik yimmo hokvt, yv̄mma holabi hoke.

11. Yohmi ka Chihowa yvt ai okchayvt bilia ya pim issa tok ilvppak osh nan atokowa annoa mak oke; mikma ai okchaya ilvppvt Ushi yak o ai in takali hoke.

12. Kuna hosh Ushi vt anukfoyuka hokvto, ai okchaya ya ishi hoke; mikma kuna hosh Chihowa Ushi yvt ik anukfo-yuko hokvto, aiokchaya yvt ik im ikshoshke.

13. Chihowa Ushi hohchifo ha yimmi v̄hleha hv̄chia hv̄t ai okchaya bilia yvt hv̄chin takanli kv̄t hv̄sh ithaiyana chi, mikmvt Chihowa Ushi hohchifo ha hv̄chi yimma chi aiena kak o na yakohmi ka pit hv̄chi holissochi li hatuk oke.

14. Nana ka ilap nan ai ahni ka ya pit ai v̄lhpesa ho isht ai il im asilh̄v̄chi hokma, pi haponaklo pulla ka ilvppa pi yimmi hoke.

15. Micha nana ho il im asilh̄ha ka, pi haponaklo ka il akostininchi hokmvt, anonti nana ho il im asilh̄ha tuk vt, il eshi kv̄t il akostininchi mak inlishke.

16. Hatak nana hosh itibapishi hv̄t nan ashv̄chi kv̄t isht ai illa he keyu ho isht ai ashv̄chika pisa hokmvt, yv̄mmak ash ot asilh̄ha na isht ai illa he keyu yo isht ai ashv̄chi tuk v̄hleha hash yv̄mmvt ai okchaya ya ima hi oke. Isht ai illa he ai ashv̄chika yvt takanlishke; yohmi hokvno v̄ba pit isht anumpula hi a ak mihoshke.

17. Nana ai v̄lhpesa keyu vt aiashv̄chika yo banoshke; yohmi ka isht ai illa he keyu nan ai ashv̄chika yvt takanlishke.

18. Kuna hosh Chihowa yak o isht a toba tuk okvto, ashahanchi keyu chatuk a il ithanv̄shke: amba Chihowa ak o isht a toba tuk okvto achukmalit il apesahanchi chatuk; yohmikma nan okpulo yv̄mmak ash ot ik halelo chatuk oke.

19. Micha pishno vto Chihowa yak o immi pia; mikma yakni moma kv̄to ik ai v̄lhpeso banot talaia ka iloh ithanv̄shke.

20. Micha Chihowa Ushi vt vla cha, yummak osh nan ai ghli ka mak atuk ash il akostinincha chi ka, nan isht akostininchi a pi anukfoki tuk a iloh ithanvshke; yohmi ho pishno vt yummak osh nan ai ghli ka mak atuk Ushi Chisvs Klaist a il ai ibai achvfa hoke. Ilvppak osh Chihowa ai ghli, micha ai okchayvt bilia mak oke.

21. Ulla chipunta ma! na holvvt toba ya hvch ik ai ahalajo kashke. Amen.

C H A N

I H O L I S S O A T U K L O H O K E.

Nan isht ai i hullo a kvllot achunancha chi ka ohoyo holitopa, im vlla aiena ka i miha, 1; 10 Klaist im vbanumpa ha isht aya keyu yvt na yoshublichy yoka yvmma hvchik ahalaio kashke.

1. **U**BANUMPESHI sipokni yokvt ohoyo vlhtoka, micha im vlla vhleha aiena ka pit ai okpvchishke, yvmmak ash o vno vt ai ahli hosh i hullo li chatuk; mikmut vno ak bano chatuk keyu; amba nan ai ahli ka akostininchi tuk okvto i hullo ak inli chatuk;

2. Nan ai ahli ka yvt a pi nukfoyyuka kvv a pi nukfoyyukvt bilia chi pulla ho yvmohmi hoke.

3. Hvch i hullo li ai ahli mak osh Iki Chihowa, mikmut Iki a Ushi, Chitokaka Chisvs Klaist ita tuklo a mihinti nan isht i kana, mikmut ai i nukhakloka, micha nan isht it i nanaiya aiena kvv hvchi anukfoyyuka hi a ahni lishke.

4. Anumpa vlhpisa Piki vt pima tok mak o, chim vlla vhleha hvv nan ai ahli ka mak o ai itvnowa na pisa li kvv, sa yukpa fehna tuk oke.

5. Yvmohmi ka ohoyo ma! anumpa vlhpisa himona nana ho pit chi holissochi li ho keyu: amba vmona mak inli ho hvpin tonla tok ash iloh it i hulla he yak o chim ai ahni lishke.

6. Mich a im anumpa vlhpisa yak o ai iakaiyvt il itvnowa ilvppak osh nan i hullo mak oke. Ilvppak osh anumpa vlhpisa mak oke; vmona mak inli ho hvsh hahaklo tok vt, yvmmak o hvsh ai itvnowa he tuk oke.

7. Na voshubli laua kvv yakni a atiapa cha, Chisvs Klaist

vt haknip a₂sha hosh vla tok a₂ atokowa anoli keyushke. Il-
vppak osh na yoshubli, micha Klaist i sanali aiena mak oke.

8. Hvsh il apesahanchi pulla na nana ka iloh atahli tuk
vt ik hv₂p i kvnio hosh, amba ai vlhtoba vlhpiesa ka iloh
ishashke.

9. Kvna hosh ashahanchi cha, Klaist im anumpa anuk-
foyukvt aya keyu hokvto, Chihowa ya pit ai ibai achvfa h₂
keyu hoke. Kvna hosh Klaist im anumpa na afoyukvt aya
hokvto, mihi yosh Iki, micha Ushi aiena ka pit ai ibai achv-
fa hoke.

10. Kanima kv₂t ayvt hvchim vla kv₂t, anumpa ilvppak o
isht aya keyukma, hoyot hvchim aboha ya hvch ik chuko-
wachokv₂t, hvch ik ai okpacho kashke.

11. Kvna hosh yv₂mma ai okpvchi hokvto, nan ik vlhpeso
a yohmi ya pit ahalai₂ mak oke.

12. Nana ka pit chi holissochi la hi vt lauvt a₂sha; yoh-
mi kv₂t holisso tohbi, micha isht holissochi okchi aiena h₂
isht a pit holissochi la he keyushke; amba nashuka bika it
atokowvt anumpulit a pi yukpa fehna chi ka, vno vt ayvt
chim ona la chi, vm ahoba hoke.

13. Chitibapishi ohoyo vlhtoka ya im vlla vhleha hv₂t pit
chi ai okpvchishke. Amen.

C H A N

H O L I S S O A T U C H I N A H O K E

Kaius vbanumpa anukfoyuka ka im ahninchit miha, 1; 7 4 8 4 4 4
 hiahni ka im aiokpanchi; 9 Tiotifvs nan akaniohmi kvno v/npesa
 ik im ahno; 12 Temetivs vno ahninchit isht anumpuli.

1. ŪBANUMPESHI sipokni yokvt Kaius holitopa fehna
 yvmma ai ghli hosh i hullo li chatuk mak o pit ai okpv-
 chishke.

2. Holitopa ma! chi haknip vt achukmaka cha, i shahlit
 ia kv, chi shilombish vt isht i shahlit ia kak inli ho chohma
 hi q ahni li kak osh nana moma ka vm i chahlishke.

3. Il itibapishi vhleha hv, ai vla mv, nan ai ghli ka yvt a
 chi anukfoyuka cha, nan ai ghli ka ai ish ataya ka atokowa
 anohonli ka a sa yukpa fehna tok.

4. Na sa yukpa kv, vm vlla vhleha hv nan ai ghli ka ya
 ai itvnowa na haklo li ka vm i shahli kv iksho.

5. Holitopa ma! il itibapishi vhleha, micha hv (ak itvno-
 wvt gya aiena ka nana ho ish ai i kaniohmi kv, ish ai ghli
 achukma bieka hoke.

6. Yvmmak ash ot, i hullot ish apelahanchi kv, chvch q
 im a chi atokowvshke; yvmmak oka nowvt gya ka Chihowa
 aiahni vhpiesa ho pit ai ish apelahanchi hokmv, ish ai vhp-
 piesa he mak oke:

7. Yvmmak okvt yvmma hohchifo pulla hatuk mak o
 Chentail q nanasi kia ik im ai esho hosh itvnowvt gya hatuk
 oka.

8. Yohmi hoka pishno vt nan ai ghlika ya pit ai im

apelvchi pia ha chī kv̄t, yv̄mma chohmi ka ai okpv̄chit nana il im atahanla he v̄lhpiesa hoke.

9. Chv̄ch ȳ pit ī holissochi li tok; yohmi kia yv̄mma ai ī shahli bv̄nna hosh Tiotlefes yv̄mmak okv̄t ik pim ai okpacho tok oke.

10. Yohmi hoka v̄la li hokm̄v̄t, yv̄mmv̄t nana a kaniohmi tuk, anumpa okpulo ka isht a pi achukushpv̄li tuk: mikm̄v̄t yv̄mma illa hokv̄to ik im ono m̄v̄t, anonti il itibapishi v̄hleha hȳ ai okpv̄chit nan ik im atahlo m̄v̄t, anonti kanima kv̄to yohma he tuk ȳ im alv̄mmit, yv̄mmak ash chv̄ch ȳ akocha weli tuk ȳ ithaiyana la he mak oke.

11. Holitopa ma! nana kv̄t achukma keyu hokv̄no chik iakaiyo hosh, amba achukma kak ashke. Kv̄na hosh achukma hȳ a yohmi hokv̄to, Chihowa yv̄t anukfoyuka hoke, amba kv̄na hosh nan ik achukmo yȳ yohmi kv̄to, Chihowa yȳ pisa tok keyu mak oke.

12. Hatak moma, micha nana ai ȳhli ka fehna aiena kash kia Temetivs ȳ annoa achukma ka anolishke; ȳhli, micha pishno ak kia yv̄mma ai atokoli kv̄t il anoli ak inlishke; yohmi kv̄t pishno nan il atokoli ka ai ȳhli ka hv̄sh ithaiyanv̄shke.

13. Nana ka holissochi la he vt̄ lauv̄t ȳsha hatuk: yohmi kia isht holissochi okchi, micha isht holissochi aiena ak okv̄no isht pit ak chī holissocho ka chīshke:

14. Yohmi kia chekosikma chi pisv̄t, nashuka ai it atokov̄v̄t isht chim anumpuli la chī ka v̄m ahoba hoke, Nan isht il ai yukpa yv̄t chi anukfoyukashke. Pī kana v̄hleha hv̄t pit chi ai okpv̄chishke. Il itī kana v̄hleha hȳ hochifocha, pit ish ai okpv̄chashke. Amen.

CHUTE

I HOLISSO HOKK

Naa ai yimmika ya a kullot achunanchit hiela he im abni, 1 ; 4 lan ithunanchi ik ai ghlo puta kv̄t ib a chukowa he, yahmi kia yvm̄mvt ai ilv̄sha hi okv̄to im vhl̄taha ; 20 Chihowa anukfoyuka yokv̄to shilombish holitopa apelachi pulla, mikmvt vbanumpohonli aiena pulla hosh ilap a okchalinchi cha, anonti inla na yoshubli isht a yoshuba tuk puta ma hlakoficha hi oke.

1. CHUTE, Chisvs Klaist in tishu, micha Chemis itibapishi hokvt, Iki Chihowa ya, i holitopa vhleha, micha okchaya he vlhtoka tok ; micha Chisvs Klaist ak atuk pulla kak o ai gh̄lit i yimmit mahaya yvm̄mak o pit i holissochi kv̄t,

2. Isht i nukhaklo yvt hvchimmi hashke, micha isht iti nanaiya, micha nan i hullo aiena kv̄t hvchin lauashke.

3. A holitopa vhleha ma ! nana ka achunanchi fehna hosh moma isht ai okchaya yak o pit hvchi holissochi la chikmvt, hvchi holissochi li kv̄t nana ka hvchi atohnochi la he vm vlhpiesa he tuk : yohmi kv̄t vbanumpa ai gh̄li yvt himonna ma vbanumpuli vhleha hoka im anohowa tok ak o i yimmi aigh̄lit hvsh mahaya chi kv̄t yichina fehna hosh hvsh hohoyashke.

4. Yohmi ka hatak kaniohmi hokvt ik i nuktahlo fehna hō iba chukowa, yvm̄mak okvt nitak pilla kash o nan ik achukmo ilv̄ppa ai yvmohma he vt im vlhpihisa tok : yvm̄mvt Chihowa holitobli keyu hokvt, pin Chihowa isht i kana ya havi imma isht ai ih̄kbi, micha yvm̄mak illa hosh Chito-

kaka Chihowa, micha pi Okchalinchi Chisus Klaist ash o ik holitoblo hoke.

5. Yvmohmi ka Chitokaka yokvt kanimihchit Echip yakni a a kohchit okla ha hlakofichi ha yvt na yimma he keyu vhleha hokvno vbit taiyahli tok; ilvppa himonna ma hvsh ithana hatuk ak inli kia, hvsh ithaiyana he mak o hvchim ai ahni lishke.

6. Michā enchil vhleha hokvt a toba vmona tok ash inli ai ahanta keyu hosh, amba ilap ai ahanta kash issa tok puta hokvno, ai okhlilika chinto tuli itatakvli isht talakchit bilia hosh nitak chinto nan ai vlpisa ka ona he im ai ahni hoke.

7. Yohmi ka Sotom, Komolah, micha tmaha hochito auet i bilika aiena kash osh yvmmak ash o chiyuhmit, havi ai yvmohmi fehna, micha haknip inla ho asitia aiena tok vt nana ka isht ilbvsha he otaiyani mak osh isht i nukkilli luak bilia yo isht ilbvsha hoke.

8. Yvmmak o chiyuhmi hosh holhpokunna liteha vhleha ilvppak kia haknip a litehli, nan i shahli ya kvllakshichi, micha hatak nan vlhtoka holitopa he vlpiesa kia nan isht ik ahobalot anumpuli hoke.

9. Yohmi kia Mikael, enchil miko yvt nan isht ahullo okpulo ya it im anumpuli kv, Moses, haknip imma yo isht it im anumpunli kia, isht a hofahya he anumpa hoka mihachi kv nukshopa mvt, amba Chitokaka yak osh chim olvbashke, achi tok.

10. Amba ilvppvto nana yakohmi puta ka akostininchi keyu kv, nan isht ik ahobalot isht anumpulishke; yohmi kv nampoā im anukfila iksho yak i chiyuhmit, haknip nan isht ai anushkunna ithana yvmmak puta ho isht il ai okpvnit tahlishe.

11. Yvmvut i palvmmi mak oke; Ken nana a kaniohmi tok ak o chiyuhmit itvnowa hokvt, micha nan isht vlhtoba yak o bvna hosh Belam vt nan ashahanchi tok ak o chiyuhmit, ai yimitvt kvnivt yihlihimpa hatuk osh Koli vt i sanalit anumpohonlit isht illi ha tok a chiyuhmit isht ai okpulo tok.

12. Ilvppak okvt iti hullo impa hvch ibai impakmvt, na

liteha vhleha yosh nukshopa kia ik im iksho hosh il impahanchi kv̄t; hoshonti oka iksho yō mahli puta kv̄t kanima isht aya; iti vni b̄vshit, vni iksho puta, hitukla illi, akshish momvt lobahli mak oke:

13. Okhv̄ta chito oka piakv̄chit it ai ih̄issot, ilap isht ahcfahya ya pokpokit kohonchi; fochik yoshuba puta hoka ai okhlilika chinto yak osh yummak okvno immit bilia he im̄ v̄lhpisa hoke.

14. Mihma Enok, Alvm isht ai unchululi ont isht untuklo kak kia, anumpa ilvppa tikbanli anohonli kv̄t, Yakeh! Chitokaka yokv̄t ī holitopa vhleha tahlepa sipokni pokoli ka ai itv̄pehv̄t v̄la kv̄t.

15. Moyuma ka nan im apesvt, Chihowa im antia he keyu yvt Chihowa ik holitoblo hosh nan ai v̄lhpesa keyu puta yvmohmit ai asha chatuk, micha nan ashv̄chi Chihowa ik im antio vhleha hv̄t ilap ī sanalit anumpa kullo anumpohonli chatuk aiena moyuma ka na palv̄mmi ka onocha hi oke.

16. Ilvppak okv̄t ik ahninchot lumasit isht anumpuli vhleha hosh ilap chukv̄sh okpulo nan ahni kak ō iakaiya yoke; micha isht ilauata fehna anumpa puta ka itih h̄a isht anumpohonli kv̄t, ilap nan isht im achukma he, ahni kak osh, hatak nashuka puta ka ahninch̄i yoke.

17. Amba ā holitopa vhleha ma! hv̄chishno yvto pin Chitokaka Chisvs Klaist im anumpeshi vhleha hv̄t tikba kash anumpa isht hv̄chim anumpohonli tok puta kak ō hv̄sh ithaiyanashke:

18. Yohmi kv̄t ont ai ishtaiyopit mahayakma, nan isht ik ahobalo vhleha hv̄t Chihowa ik holitoblo hosh ilap chukv̄sh okpulo nan ahni kak ō iakaiya hosh ai asha hi oka, hv̄chim anohonli tok ā hv̄sh ithaiyanashke.

19. Ilvppak osh vbanumpuli iksa ai āhli ka il ai ī filv̄mmi-chi kv̄t, haknip nan ahni yō iakaiya hosh, Shilombish Holitopa yvt ik im iksho hoke.

20. Amba ā holitopa hv̄chishno yvto, Shilombish Holitopa yvt hv̄chi anukfoyuka hosh anumpa ilbv̄sha anumpohonlit, na hv̄chi yimmi holitopa fehna kv̄t hv̄sh il ai āhlichashke;

21. Chihowa ya hvsh i hullo kv̄t hvsh il achunanchi hosh, Chitokaka Chisvs Klaist okv̄t hv̄chi nukh̄aklo na aiok-chayvt bilia ya hvsh ona chi kv̄t hvsh hohoyashke.

22. Mikv̄t yakohmi hoka im ahnit, kaniohmi kv̄no hvsh̄i nukh̄aklashke.

23. Micha mla kv̄no nukshoblit halvilit, uvak g a kohchit hvsh hlakofichi kv̄t, na fohka haknip isht aliteha yak heno hvsh i yuwalashke.

24. Yohmi ka yvm̄mak osh hv̄chi halanli hō ik hv̄ch ibetvblo ka he, micha ilap ai o binili holitompa itikba ya anumpa ik achukmo hv̄chi onvtonla iksho nan isht il aiyukpa chinto hō isht hv̄chi ona hinla,

25. Pi Okchalinchi Chihowa hopoyuksa kak bieka yvm̄mak o isht a holitopa, isht a chinto, micha isht a miko, micha nan isht ai ḡhli aiena kv̄t himonasi, micha limak a pillz ka immit biliashke. Amen.

UBANUMPESHI CHAN A

NANA KOT IM OTUNI TOK.

CHAPTA I.

Uba nan im otaiyani tok vt teli holisso lakna pula ai o hikia untuklo nan isht vlpisa ho Chan vt chvch untuklo Asia a hiohmaya ka pit i holisso chi tok, 1 ; 7 Klaist vt minta chi ; 14 nan isht im ai ahli holitopa chinto aiena ka anoli.

1. CHISUS Klaist nan isht otvninchi yvmmak oka Chihowa hvt ima na in chekosikma nana a kaniohmi pulla chi ka, in tishu vhleha ha im otvnincha hi a tok ; atuk o yvmmak ash osh im enchil ak o pit chvffichi hosh in tishu Chan a nan it apesa hosh im anoli tok.

2. Mihi yosh Chihowa im anumpa, mikmut Chisus Klaist nan isht im atokowa, micha nana ho pisa tok aiena kvv atokowa anoli tok mak oke.

3. Kvna hosh ilvppa it im anumpohonli, mikma kvna hosh na tikbanli annoa anumpa ilvppa haklo cha, nana hosh a holihiso tuk a holitobli hokvto momvt na yukpvshke ; yakohma chi ka ai ona hosi hoka.

4. Chan vt Asia yakni chvch a hiohli untuklo ka pit aiokpvchi ; yvmvt okchayvt ahanta kvv, yvmmak osh okchayvt ahanta tok osh, anonti himak a pilla ka okchayvt ahanta he mak o nan isht i kana, isht it i nanaiya aiena kvv a minti, yvma im ai o binili holitempa itikba ya a hiel Na shilombish untuklo aiena ka a minti ;

5. Michi Nan atokowa anoli ai ahli, mikmut illi tuk osh

falamvt tani kv̄t illi v̄hleha hak o Uttahpi hosh holitopa i shahli ; micha m̄iko yakni pakna ai asha puta I shahli Chi vs̄s Klaist mak o a minti hosh hv̄chi anukfoyakashke. Hvp i hullo cha, na hv̄pim ai ashv̄chika puta hatuk ma ilap im issish ak inli h̄o isht achiv̄t hv̄p i kashofi cha,

6. Iki Chihowa na holitopa isht im v̄tta, micha m̄iko ȳo ohminchi hosh pi atokoli tuk mak osh mihi ȳo isht a holitopa, micha nana moma isht imaiya ita tuklo kv̄t immi hosh biliv̄t biliashke. Amen.

7. Yakeh ! hoshonti h̄o il ai eshi hosh minti mak oke ; yohmi ka hatak nishkin puta, mikma kv̄na hosh yv̄mma tv̄li halupa isht bahli tok v̄hleha ash kia moyumvt pisa he ; yohmikma oklushi puta yakni pakna ai asha tuk vt moyumvt yv̄mmak atuk pulla kak o komuntvt yahaya hi oke ; yakohmi mak inlashke. Amen.

8. Chitokaka nan okluha imaiya yvt himak a okchayvt ahanta kv̄t, yv̄mmak osh okchayvt ahanta tok osh, himak a pilla ka okchayvt ahanta he mak osh, Uno ak osh Alfa, Omeka, ai isht ia v̄mmona, micha ont ai v̄hli aiena sia mak oke, achishke.

9. Chan sia hv̄ch itibapishi, mikmvt na palv̄mmi ka hv̄ch iba pihisa sia, micha Chisvs̄ Klaist ap̄ehlichika ibafohka, micha Chisvs̄ vt nuktanlv̄t achunanchi tok a ohmit isht a hv̄ch iba achv̄fa sia hatuk vt, Chihowa im anumpa, micha Chisvs̄ Klaist nan isht im atokowa pulla hatuk mak o yakni tashaiyi Patmos hohchifo h̄o ont anta li tok.

10. Atuk osh Chitokaka i nitak o Shilombish Holitopa yvt si anukfoyuka fehv̄t ahanta li h̄o, v̄m asha ka imma ya nan ola chinto isht p̄ufa ola h̄o chohmi kv̄t,

11. Uno ak osh Alfa, mikmvt Omeka, v̄mmona, mikmvt ont ishtaiyopi aiena sia mak oke ; yohmi hoka nana h̄o ish pihisa kv̄t holisso h̄a ish a holissochi cha, Asia yakni chv̄ch a hiohli untuklo Efesvs̄, micha Smv̄na, mikmvt Pvkamos, micha Hlaiatila, mikmvt Satis, micha Filatelfia, mikmvt Laotisea aiena ka pit ish pilashke, ahanchi h̄o haklo li tok.

12. Yohmi ma auet v̄m anumpohor̄li yv̄mmak ash o pisa

la chi hosh pit filema li tok. Yohmi kv̄t pit filema li mvt, tv̄li holisso lakna p̄vla ai ǝ hikia untuklo ka p̄visa li tok :

13. Yohmi ma p̄vla ai ǝ hikia untuklo yv̄mmak ash ik-lv̄nna ya Hatak Ushi ak ǝ holba hosh, anchi vt̄ iyi pilla ona hǝ ai anchi hosh, tv̄li holisso lakna isht vskofv̄chi ǝ chinuko foka ak ǝ isht takchi hosh hikia tok.

14. Mihma noshkobo, micha p̄ashi aiena kv̄t tohbi kv̄t chukfi hishi, micha okti pushi aiena kak ǝ chiyuhmi ma, nishkin vt̄ luak libbi hak ǝ chiyuhmi tok :

15. Yohmi mvt iyi yvt malanta kv̄t tv̄li lakna yosh tv̄li abila yǝ fohkv̄t hullokmi tuk mak ǝ chiyuhmi ma, itih ola kv̄t oka chinto fopa hǝ chiyuhmi tok.

16. Mihmvt ibbak isht impak imma ya fochik untuklo hǝ isht ieshi tok ; mihma itih hǝ bv̄shpo falaiā itahlakla halupa yosh a kohcha ma, nashuka yvt shohpakali kv̄t, hv̄shi tom-mi ai ahli tommi chatuk mak ǝ chiyuhmi tok.

17. Yohmi ma yv̄mmak ash ǝ p̄visa li mvt, illi yǝ chohmit iyi ituma ya ont sa tula tok. Yohmi ma ibbak isht im-pak imma ya ishit si umbitepa mvt, Ūno ak osh v̄mmona, micha ont ishtaiyopi aiena sia mak oke, ik chi nukshopo kashke.

18. Ūno ak osh okchayvt ahanta sia mak osh, sv̄lli tok nana kia, anonti yakeh ! okchayvt sa bilia hoke, Amen : yohmi hosh isht ai illa he, micha shilombish aiasha aiena isht-tiwa ya ieshi li hoke.

19. Nana ish p̄visa tuk, micha nana kv̄t a kaniohmi, mik-mvt himak a pilla hǝ nana kv̄t a kaniohma he puta ka ish holissochashke.

20. Fochik untuklo sv̄bbak isht impak imma alhto hǝ ish p̄visa kash, micha tv̄li holisso lakna p̄vla ai ǝ hikia puta aiena kash ot nan isht v̄lhpisa kv̄t ilv̄ppak oke. Fochik untuklo kv̄t chv̄ch a hiohli untuklo ka nan isht im vt̄ta v̄hleha untuklo kak oke ; yohmikma p̄vla ai ǝ hikia untuklo ish p̄visa kash ot chv̄ch a hiohli untuklo kak oke, v̄m achi tok.

CHAPTA II.

Efesva, 1, 8 Smvna, 12 Pvkamos, 18 Hlaiatila aiena chvch a hiohli ka vbanumpa isht im vtta puta nana ho pit i holissocha chi ka Chan a im apesa kvv, nana kvv ai vlhpiesa, anonti nana ka ik ai onot aiasha kak a tok.

1. CHUCH Efesvs a hikia nan isht im vtta ya pit ish i holissochashke: Ibbak isht impak imma ya fochik untuklo ka isht ieshi cha, tvli holisso lakna pula ai o hikia untuklo ho iklvna a nobowa yak osh ilvppa puta ka achishke.

2. Nana ish a kaniohmi puta, nan isht ahantvt a chi hoyv-bli, nuktanlvv ish achunanchi, mikmvt ai vlhpiesa keyu vhleha ha kaniohmit ish im ahninchu keyu, yohmikmvt kvna kia ilap ak osh vbanumpeshi mak o ile miha hatuk kia, keyu hatuk puta ka imomaka pisvt holabi atuk o ish akostininchi:

3. Micha nana kvv palvmmi ka ish pihisa kia, nuktanlvv ish achunanchi, mikmvt vno sa hohchifo pulla hatuk mak o ish toksahanli mvt, ik chi hoyvblo a puta hatuk a chim ithaiyana lishke.

4. Yohmi nana kia vmmona ka nan i hullo chi anukfoyu-ka tuk vt chik a lauecho hatuk o, nana ka isht ak chim ahnincho kvv vm ashvshke.

5. Yohmi hoka kanima yo a hikivt ik a lauwot ish ia tuk vt pit anukfihinlit, ish ile kostininchi cha, nan isht ish ai vtta vmmona tok ak o ish yvmihchashke: yvmmak keyukma chekosi chim aya likmvt, ish ile kostininchi ho keyukma, chi pula ai o hikia ya ishit, a hikia tuk a kanvllichi la hi oke.

6. Amba chishno yokvto ilvppak o a chi yakohmi hatuk osh, Nikolaitan okla nana a kaniohmi puta ka chik ahnincho ka, yvmma vno ak kia ak ahninchoshke.

7. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke. Kvna hosh nana ka imaiyachit a hlopulli hokvto, mihi yosh ai-okchaya iti Chihowa i Palatais iklvna hikia hatuk ma ai vpa hi a ima la hi oke.

8. Mikmvt chvch Smvna a hikia nan isht im vtta ya pit

ish i holissochashke. Ummona, micha ont ishtaiyopi aiena, yummak osh illi tok vt, okchayvt ahanta mak osh, ilvppa puta ka achishke.

9. Nana ish a kaniohmi puta, mikmvt na palvmmi ish a pihisa puta, micha ilbvsha chim aiena, (yohmi kia nana kvv chin laua ka ithana li,) mikmvt kanima kvv nana ka ik ahobalot anumpulit mihi yo keyu kvv, amba Setan i sinakak mak okak osh, Chu mak o ile mihvt aiasha ka, ithana li hoke.

10. Nana kvv isht chi ai ilbvsha he puta gsha ka chik i komunto kashke. Yakeh! hvsh kanima ka hvch imomaka pisa chi ka, Setan vt aboha kvvlo a hvchi apitta he; yohmikma nitak pokoli ho na palvmmi hvsh pisa chi hoke: ai ahlit mahayvt ont chillashke; yohmikma iachuka okchaya yo chima la he mak oke.

11. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke. Kvna hosh nana ka imaiyachit a hlopulli hokvto, ai illi atukla ka ik im a palvmmo ka he mak oke.

12. Mikmvt chvch Pvkamos a hikia nan isht im vta ya pit ish i holissochashke: Bvshpo falaia itahlakla halupa ishi mak osh ilvppa puta ka achishke.

13. Nana ish a kaniohmi puta, mikmvt kanima yo Setan vt apehlichy yummak kia ish ai vta ka ithana lishke; yohmi kvv sa hohchifo hatuk ma kvvlochit ish ieshi mvt, anonti Antipas yummak okvt vm antia ai ahlit atokowa otvninchi yosh hvchi takla ahanta tok a Setan ai vta yak o ai vbi tok nitak foka kak kia, vno a is sai yimmi tuk vt chik kanchi tok a ithana lishke.

14. Yohmi kia na holvvt toba puta isht aiokpvchi tuk puta ka vpa chi, mikmvt itin lumaka ma yvmohma chi ka, Israel okla itikba ya isht ai ibetvbli i bohla chi ka Belam vt Balak a im avvchi tok nan vlvchi ilvppa holitobli vhleha yummak o ish il a pehlichy hoka, nana ka isht ak chim ahnincho ka achafoa kvv vm ashvshke.

15. Yohmi mvt anonti Nikolaitan okla nana isht ithvnan-

chi yummak oka ak ahnincho chatuk mak o, mihi yo holi-
tobli vhleha yummakma ish il apehlichí ak inlishke.

16. Ile kostininchí; yummak keyukma chekosi fehna
chim gya lish, okla yummak oka boshpo falaia svtih a
kohcha hatuk ma ont isht itibi la he mak oke.

17. Kuna hosh haksobish vt i hinli hokvto, Shilombish
Holitopa yvt chvch vhleha ha nan ok im ahanchi puta ka
haklashke. Kuna hosh nana ka imaiyachit a hlopulli ho-
kvto, mihi yosh manna lumpoa vpa chi ka ima likmvt,
anonti tvli tohbi yo yvma hohchifo himona yosh a ho-
lisso, yohmi ka yvma hatak nana hosh ithana he keyu,
amba ishi tuk ak illa hosh akostininchi mak o ima la hi
oke.

18. Anonti chvch Hlaiatila a hikia nan isht im vttá ya
pit ish i holissochashke: Chihowa Ushi yummvt nishkin vt
luak libbi ho chiyuhmi ma, iyi mvt tvli lakna malanta
achukma ho chiyuhmi mak osh ilvppa puta ka achishke.

19. Nana ish a kaniohmi puta, micha ish i hullo, nan
isht ish ahanta, na chi yimmi, nuktanvt ish achunanchi,
mikmvt nana ish a kaniohmi puta, yohmi kvnt ont ishtaiyopi
kak osh tikba ya tok a imaiyachi ka chim ithaiyana lishke.

20. Yohmi nana kia ohoyo Chesebel, yummak okvt ohoyo
hopaii mak o ile miha hosh, yummvt an tishu vhleha ha
nan im avchit, yoshubli na itin lumaka yvmohma he, mik-
mvt nana ka na holvnt toba yo isht aiokpvchi tuk puta kia
vput ai asha hi a, vhpesa ish im ai ahni hatuk oka, nana ka
isht ak chim ahnincho ka achafoa kvnt vm ashvshke.

21. Yohmi mvt itin lumakvt ahanta chatuk vto ai ile
kostinincha chi ka nitak a ima li tok, nana kia ile kostinin-
cha he keyu ki tok.

22. Yohmi hoka yakeh! yvma atuk ma topa pakna yo
pit ai om bohli likmvt, yvma itin lumaka yatuk ma na
palvmmi chinto ka onochi la chi hoke; nana a kaniohmi
yatuk puta kvnt ai ile kostininchi ho keyukma.

23. Mikmvt ohoyo yvma im vlla vhleha hatuk ma illi
mak o isht ahambi la chi hoke; yohmikma vno ak osh
hatak chvkush nana ai ahni puta ka afvnalechit ithana sia

hatuk a chvch vhleha puta kv̄t ithaiyana he mak oke yohmikma hvchishno hvsh a kaniohmi puta kak o isht a v̄lhpesa aiyukali mak o hvch ima la hi oke.

24. Yohmi kia hvchishno, micha inla Hlaiatila maya aiena, laua kv̄t kaniohmi hosh nan v̄lvuchi ilvppak ash ik ahninchō, micha Setan vt im anukfila ont ai v̄hli mak o, okla miha ka, ik ithano hvchia hokvno na weki inla nana hō hvchi onochi la ch̄i hō keyu, hvchim achi lishke.

25. Amba nana ka hvsh ieshi mashko hatuk okvto, kv̄llochit hvsh ish̄i na v̄la li hayashke.

26. Yohmikma kv̄na hosh nana ka imaiyachit, nana kv̄t yakohma he ahni li ka holitoblit im antivt a hlopulli hokvto, mihi yosh oklushi puta hatuk ma i shahla he mak o, vno a Aki vt vm apesa tok a, chohmichit im apesa la he mak oke:

27. Yohmikma yvmmak ash ot tv̄li fuli toba hō ieshi hosh yvmma nan im apihisa he; mikma yvmmak atuk mvt shuti tv̄na yosh na tv̄na tuk o bushullit tv̄moa chatuk a chiyuhma hi oke.

28. Yohmikma yvmmak amo onnahinli fochik a ima la he mak oke.

29. Kv̄na hosh haksobish vt i hinli hokvto, Shilombish Holitopa yvt chvch vhleha hā nan im ok ahanchi puta ka haklashke.

CHAPTA III.

Satis chvch hikia v̄banumpa isht im v̄tta yā nan i miha, 1 : 8 ile nukhaklonchit ilekostininha ch̄i ka i miha : Filatelfia chvch hikia ka nan isht im v̄tta yvto nana ka ahlit achunanchit ahanta ka im ahninch̄i ; 15 Laotisea chvch nan isht im v̄tta ya tuk vt libisha keyu, mikmvt kap̄sa keyu aiena ha tuk o im alv̄m̄mi ; 20 Klaist vt okhissa yā hikiv̄t sokoha.

1. MIKMUT chvch Satis a hikia nan isht im v̄tta yā pit ish i holissochashke. Chihowa imi shilombish untuklo, micha fochik untuklo aiena il ai eshi mak osh ilvppa puta ka achishke : Nana ish a kaniohmi puta, okchaya mak o chi hohchifo ak inli kia, illi yō chia hoka chim ithaiyana lishke.

2. Nana kv̄t ai v̄lhpiesa aḥli h̄o Chihowa itikba yā ish a yvmohmi na pisa li keyu hoka, ahah! ish il ai ahni cha, nana kv̄t illi mak o mahaya kia aḥsha moma hatuk okvno ish hlampkohonchashke.

3. Yohmi kv̄t nana ka ish ishi, micha ish haklo aiena tuk vt, ithaiyanvt kv̄llochit ish ieshi cha, ish ile kostininchashke. Amba ahah! chik il ai ahno hok mvno, hukopa nowvt aya h̄o chohmi hosh ant ch̄i kohcha la ch̄i; yohmi ka hvshi kanvlli nana h̄o ant ch̄i kohcha la ch̄i ka ish ithana hi o keyu hoke.

4. Satis ak okvno holhtina kanomosi kv̄t, yvmmak okvto im ilefoka yā ik litehlo kv̄t, chim aḥshvshke; yohmi hatuk osh yvmmak okvto yvmmak a he im ai v̄lhpesa hokvt, na fohka tohbi foyuka cha sv̄b ai itvnova he mak oke.

5. Kvna hosh nana ka imaiyachit a hlopulli hokvto, mihi yosh nafohka tohbi a fohka he; yohmikma yvmma hohchifo hv̄t ai okchaya holisso a takali tuk a kashofi la he keyu, amba hohchifo h̄a Aki, micha im enchil v̄hleha aiena itikba yā ai anohonli la he mak oke.

6. Kvna hosh haksobish i hinli hokvto, Shilombish Holitopa yvt chvch v̄hleha h̄a nan im ok ahanchi puta ka haklashke.

7. Mikmvt chvch Filatelfia a hikia nan isht im v̄tta yā pit ish i holissochashke: Holitopa, ai aḥli mak osh, Lewi im isht tiwa yā ieshi hosh, yvmmvt okhishta haya, hatak nana hosh wakvmma he keyu; anonti tiwa haya, hatak nana hosh okhishta he keyu chatuk mak o ilv̄ppa puta ka achishke.

8. Nana ish a kaniohmi puta ka ithana lishke: yakeh! isht hlampko iskv̄tinosi kv̄t chin takanli cha, vm anumpa h̄a ish holitobli mvt, sa hohchifo h̄a chik kancho hatuk oka, okhissa yā tiwit chi tikba yā hilechi li: yohmi ka hatak nana hosh yvmmak oka okhishta hi o keyu hoke.

9. Kanima kv̄t mih mak o keyu kv̄t, Chu mak o ile mihvt holabi v̄hleha hv̄t Setan i sinakak atuk a atokolit anoli la ch̄i hoke: yakeh! yvmma puta kash ot chiyi ituma yā ai v̄lv̄t ant aiokpv̄chi hosh, vno vt ch̄i hullo li hatuk a akostinicha hi a im anukfilli la ch̄i hoke.

10. Chishno vt nuktanlv̄t ish achunancha hi chim apesa li tok v̄m anumpa h̄a ish holitobli tuk oka, v̄no ak kia na palv̄m̄mi yv̄m̄m̄vt yakni pakna āsha puta ka imomaka pisa chi mak osh yakni pakna onvtuyula hi oka, hv̄shi kanv̄lli yv̄mma fehna ka chi hlakofih̄inchi la he oke.

11. Yakeh! chekosi v̄la la chi mak oke: nana ish īshi yv̄mmak atuk vt kv̄llochit ish ieshi pulla na iachuka h̄a hatak nana kia ik chim esho kashke.

12. Kv̄na hosh nana ka imaiyachit a hlopulli hokv̄no mihi ȳo an Chihowa in tempel in tonik o ikbi la he: yohmikma yv̄mmak atuk m̄vt nitak nana ik kohcho ka he mak oke: yohmikma an Chihowa hohchifo, mikm̄vt an Chihowa in tv̄maha chito hohchifo, yv̄m̄m̄vt Chelusalem himona, an Chihowa ak o minti hosh v̄ba yakni ā a kohchvt v̄la hatuk a yv̄mma isht a holissochi la he, mikm̄vt, sa hohchifo himona ma yv̄mmak ash isht a holissochi la hi oke.

13. Kv̄na hosh haksobish vt ī hinli hokv̄to, Shilombish Holitopa yvt chv̄ch v̄hleha h̄a nan im ok ahanchi puta ka haklashke.

14. Mikm̄vt chv̄ch Laotisea a hikia nan isht im v̄tta ya pit ish ī holissochashke: Amen, Nan atokowa anoli āhli, Chihowa nana ikbi tok ā moma in Tikba mak osh ilv̄ppa puta ka achishke.

15. Nana ish a kaniohmi puta ma ithana li ka, chi kapv̄ssa, keyukm̄vt, anonti ik chi lv̄shposhke; yohmi ka chi kapv̄ssa hokm̄a, chi lv̄shpa hokm̄a, nana tuk okbano, ahni lishke.

16. Yohmi kv̄t chi kapv̄ssa keyukm̄vt, anonti ik chi lv̄shpo hosh peh chi libisha v̄m̄mona hatuk oka, hoitvt sa takha a kohchit chi kanchi la hi oke.

17. Nana kv̄t an laua kv̄t, ī shahlit isht ia hatuk osh nana kia sa bv̄nna keyu, ish achi; yohmi cha na palv̄m̄mi pih̄isvt chilb̄sha, micha nana ik chim iksho, chik hoponayo, nipi bano aiena ho kak osh chik ithano hokvt.

18. Nan chin laua chi kv̄t, tv̄li holisso lakna luak isht imomaka pisvt v̄lhtaha ȳo v̄no ak o is san chumpa chi, mikm̄vt na fohka ish fohka cha, nipi banot hofahya kv̄t ik chim

iksho ka chi kv̄t, vno ak o na fohka tohbi yo is san chumpa shi, micha nishkin ahama ma an chumpvt, chi nishkin a ish ahami cha, ish hoponaya chi ka, chi miha lishke.

19. Kvna ho vno vt i hullo li hokvto, nana ka im olvbbit kostininchi li chatuk: yohmi hoka nana ka amosholi hosh ish ile kostininchashke.

20. Yakeh! okhissa ya hikivt sukohoha lishke: Kvna hosh vm anumpa ha haklo cha, okhissa ya tiwi hokma, iba chukowa lish, ibai impa likma, anonti ilap mv̄t sv̄bai impa chi mak oke.

21. Kvna hosh nana ka imaiyachit a hlopulli hokvto, mihi yosh, vno vt imaiyachit a hlopulli lish, Aki a awant im ai o binili holitompa ya a binili li kv̄t, yummak inli ho chohmit vm ai o binili holitompa ya a binila chi ka, im apesa la he mak oke.

22. Kvna hosh haksobish vt i hinli hokvto, Shilombish Holitopa yvt chvch vhleha ha nan im ok ahanchi puta ka haklashke.

CHAPTA IV.

Chihowa im aiasha holitopa vba ya Chan vt pisa, 1 ; 4 hatak tikba pokoli tuklo akucha ushta ; 6 nan okchaya kv̄t itikba, olv̄l aiena ka nishkin vt alotowa; 10 aiasha holitopa o binili kash o hatak tikba vhleha hash ot iachuka holitopa ya aka bohli cha, aiokpahanchi.

1. NANA kv̄t a yakohmi haya, anonti pit hopokoyo li ma, yakeh! vba shutik a okhissa yvt tiwa tuk atok: yohmi ma av̄et sv̄t im anumpuli anumpa v̄mmona haklo li ka, isht pufa yo chiyuhmi hosh, Ilvppak o oiyá, mikma himak a pilla nana a kaniohma he puta ka chim otv̄ninchi lashke, achi tok.

2. Yohmi ma mih-mak inli ho Shilombish Holitopa isht a sa nukfoyuka ma, ai o binili holitompa kv̄t vba shutik a ai o hikia ma, ai o binili holitompa yummak ash achvfa kv̄t o binili tok.

3. Yohmi ka ai o binili holitompa o binili yummak okv̄t pisa ka tv̄li holitopa chaspa, micha satin aiena kak o holba

tok: mihma pisa ka emelal ak o holba hosh hinak bitepuli hvt ai o binili holitompa yash apakfoyupa tok.

4. Yohmi ma ai o binili holitompa yash ai o binili pokoli tuklo akucha ushta hosh hiohliit folubli tok: yohmi ma hatak tikba pokoli tuklo akucha ushta kvv na fohka tohbi abehkvchi hosh tvli holisso lakna iachuka ho iachukoli hosh ai o binili yash o binohmaya tok.

5. Yohmi ma ai o binili holitompa yash malvtha, hiloba ola aiena hosh a kohoncha tok. Mihma ai o binili holitompa yash itikba ya pva luak untuklo, yummvt Chihowa imi Shilombish untuklo mak osh hieli tok.

6. Yohmi ma ai o binili holitompa itikba ya okhvta shohkoali hosh klistal ak o chiyuhmi hosh talaia tok; yohmi ma ai o binili holitompa ai iklvna, mikmvt auct a bilika fullota aiena ka nan okchaya ushta kvv itikba, micha im ashaka aiena ka nishkin bievvt alotowa hosh aiasha tok.

7. Yohmi ka nan okchaya vmmona kash ot koi chito yo holba ma, nan okchaya ont atukla kash ot wakushi yo holba ma, nan okchaya ont atuchina kash ot nashuka asha kvv hatak nashuka yo holba ma, anonti nan okchaya ont ai-ushta kash ot ossi hika ho holba tok.

8. Mihmvt nan okchaya ushta hash ot sanahchi vt i hanpali aiyuka ma, nishkin bievvt isht alotowa tok: mihmvt yummak ash ot, Holitopa, holitopa, holitopa, Chihowa Chitokaka nana moma imaiya, yummak osh okchayvt ahanta tok osh himak a okchayvt ahanta kvv, himak a pilla ka okchayvt ahanta hi oke, ahanchi kvv nitak, ninak aiena ka ik ai yokoposhke.

9. Nan okchaya vhleha yummak ash ot okchayvt ahantvt bilivt bilia yvt ai o binili holitompa o binili kash, yak oke im ai ahnit, holitoblit, aiokpahanchi ma,

10. Hatak tikba pokoli tuklo akucha ushta kash osh okchayvt ahantvt bilivt bilia yvt ai o binili holitompa o binili kash itikba ya ant hlipkvchit, aiokpahanchi mvt, im iachuka hash shoelit ai o binili holitopa itikba ya pit ashachi mvt,

11. Chishno ak osh nan oklpha ka ish ikbi tok: micha

chishno nana ish ai abni ho nana ai asha kv̄t toba tok oka, Chihowa ma! nan isht a holitopa, micha isht ahninchī, mikmvt isht chim ai ghli puta kv̄t a chimmi ha he vt chim v̄lhpesa hoke.

CHAPTA V.

Holisso kv̄t nan isht ashana untuklo ho isht ashana ho Chan vt pisa, 1; 9 yv̄mma chukv̄lhpoba ushi yv̄mmvt illi tok ak bano hosh wakama hi vt im v̄lhpesa, yohmi hoka hatak tikba v̄hleha hashot yv̄mmak ash o aiokpahanchi; 9 ilap im issish o isht okchalinchī tuk a okla anobonli.

1. YUMOHMI ma a holisso yvt anukaka, mikmvt pakna aiena ka holisso hosh, isht ashana untuklo ho isht ashana hosh ai o binili holitopa o binili ibbak isht impak imma ya foyuka na pisa li tok.

2. Mihma enchil hlampko fehna kv̄t chitolit anumpobonli mvt, Kv̄ta hak osh isht ashana puta hatuk a mokohlichī cha, holisso hash tiwa hi vt im v̄lhpiesa cho? achi ho pisa li tok.

3. Yohmi ma v̄ba shutik, micha yakni, mikmvt yakni nutaka aiena ai ahanta kv̄t kv̄na kia holisso yv̄mma tiwa he, mikmvt pisa he ai im v̄lhpiesa aiena kv̄t iksho ki tok.

4. Yohmi ma kv̄na kia holisso hatuk a tiwi cha, it im anumpula he, micha yv̄mma pisa he ai im v̄lhpiesa kv̄t iksho hatuk o, sa nishkin okchi vt mihinti fehna tok.

5. Mihma hatak tikba v̄hleha hash osh achkv̄t, Chi nishkin okchi vt minti ná; yakeh! Koi chito Chuta okla a minti, yv̄mmvt Lewi a minti hakshish filaminchi yak osh isht ashana untuklo kash mokohlichī cha, holisso hash tiwa chj kv̄t ont im ai ghli hatuk oke, vm achi tok.

6. Yohmi ma yakeh! ai o binili holitopa, micha nan okchaya ushta, mikmvt hatak tikba v̄hleha aiena ka ai itin takla ya Chukv̄lhpobushi vt hikia kv̄t illi tuk a ahoba hosh, lapish vt untuklo cha, nishkin mvt untuklo, yv̄mmvt Chihowa imi shilombish untuklo yakni moyuma ai im gya mak o pisa li tok.

7. Mihmvt yvmmak ash ot minti mvt, ai o binili holi-
tompā o binili im ibbak isht impak imma holisso hv̄t foka
tuk ash ant kohchit ishi tok.

8. Mihma yvmmvt holisso hā ant ishi ma, nan okchaya
ushta, micha hatak tikba pokoli tuklo akucha ushta kash ot,
hap, micha tvli holisso lakna nan ai vlhto yosh na balama
alotowa, yvmmvt vbanumpuli puta im anumpa ilbvsha mak
osh yohmi hō ishi banot, Chukfvlhpobushi itikba ya okla
ont hlipkvchi tok.

9, 10. Micha taloa himona ka okla talohowa kv̄t, Chishno
ak osh chilli hosh oklushi ilaiyuka, im anumpa ilaiyuka
puyuta, hatak okla moma a kohchi hosh Chihowa immi e
toba chī ka, chishno chim issish ak o isht ish pi chumpa
hatuk; yohmi hosh Chihowa hā na holitompā isht imv̄tta,
micha miko vhleha aiena ka ish pikbi tok: atuk o yakni
pakna ka a mikot il ai asha chī hoka, Chishno ak osh holisso
hash ish ishi cha, isht ashana yash ish tiwa he vt a chim
vlhpiesa hoke, ahanchi tok.

11. Yohmi ma pit pisa li ma, ai o binili holitompā bilika
fullota ka, enchil vhleha laua, mikmvt nan okchaya, micha
hatak tikba vhleha aiena ka itih ola bieka hō haklo li tok;
yohmi kv̄t yvmmvt holhtena kv̄t tahlepa sipokni pokoli
banot ia kv̄t tahlepa sipokni pokoli cha, anonti tahlepa
sipokni bano hosh tahlepa sipokni achvfa hosh,

12. Chitolit miha hosh, Chukfvlhpobushi illi tok vt nan
isht im ai āhla he, micha nan uha in laua, mikmvt isht a
hopoyuksa, micha isht hlampko, mikmvt isht ahninchī,
micha isht aholitopā, mikmvt isht aiokpanchi aiena ka a
chimmi ha he vt chim vlhpesa hoke, ahanchi hō haklo li
tok.

13. Yohmi ma vba, micha yakni pakna, mikmvt yakni
nutaka, mikmvt okhvta anukaka, nan okchaya aiasha tuk,
mikmvt yvmma puta aiasha tuk vt momvt, Ai o binili holi-
tompā o binili, micha Chukfvlhpobushi ita tuklo kv̄t isht ai
okpanchi, micha isht ahninchī, mikmvt isht a holitopā, mik-
mvt isht im ai āhli aiena kv̄t ai immi kv̄t biliv̄t biliashke,
ahanchi hō haklo li tok.

14. Yohini ma nan okchaya ushta kash ot Amen, achi tok: mihma hatak tikba pokoli tuklo akucha ushta kash ot aka hlipkuchi cha, okchayvt ahantvt bilivt bilia yash o aiokpahanchi tok.

CHAPTA VI.

Nan ashana kash it iakaiyachit wakamohli; tiwakma nana hosh kaniohmi; nana kv̄t ont ai v̄lhikma kaniohma he anoli.

1. YOHMI ma p̄isa li h̄o, Chukfulhpobushi vt holisso isht ashana achvfa kash tiwi tok: mihma hiloha wimimpa h̄o chiyuhmi hosh nan okchaya ushta kash ot achvfv̄t, Minti cha, ant pisá, achi h̄o haklo li tok.

2. Mihma yakeh! issuba tohbi yo p̄isa li tok: mihma iti tanampo ishi hosh yvm̄mak ash o o binili; yohmi ma yvm̄mak ash o iachuka ima ma, yvm̄mak ash ot imaiyachit hlopulla ch̄i kv̄t imaiyahanchit ishit mahaya tok.

3. Atuk o anonti holisso isht ashana atukla kash tiwi ma, nan okchaya atukla kash osh, Minti cha, ant pisá, achi h̄o haklo li tok.

4. Atuk o issuba inla yvm̄mvt humma yosh kohchvt ia tok: yohmi ma yv̄mma o binili kv̄t nanaiya hatuk a yakni pakna ya a mokofit isha ch̄i kv̄t im v̄lhpisa na okla hv̄t ilap bika ya itilicha he mak atok; yohmi ma yvm̄mak ash o bvshpo falaia chinto h̄o ima tok.

5. Mihma anonti holisso isht ashana ont atuchina kash tiwi ma, nan okchaya atuchina kash osh, Minti cha, ant pisá, achi na haklo li tok; mihma yakeh! issuba lusa yo p̄isa li tok; mihma yv̄mma o binili kv̄t nan-isht-weki ibbak isht ishi tok.

6. Yohmi ma nan okchaya ushta ai itintakla ya ai anum-pa ola kv̄t, Iskvli achv̄fakma onush isht v̄lhpisa achvfa, mikma iskvli achvfa ka bale vt isht v̄lhpisa tuchinashke; yohmi kia ahah! ish ai ahni cha, alif vni, mikmvt oka p̄aki aiena hokvno chik okpano kashke, achi h̄o haklo li tok.

7. Atuk o anonti holisso isht ashana ont ai ushta kash

tiwi ma, nan okchaya ont ai ushta kash osh miba mvt, Minti cha, ant pisá, achi na haklo li tok.

8. Yohmi ma yakeh! issuba hatolakna yo pisa li tok: mihma Isht-ai-illi hohchifo hosh yvmmak ash o o binili ma, ai okpulo ka ai asha tuk vt pit iakaiya tok. Mihma yvmmak ash ot yakni itakashkoa ont isht ai ushta ka bshpo falaia, micha na hohchifo, mikmvt nan-illi, micha nampoa nukshopa puta yakni pakna ai asha aiena kak o isht ilicha chi kv̄t im v̄hpisa tok.

9. Atuk o holisso isht ashana ont isht tahlapi kash tiwi ma, Chihowa im anumpa pulla, micha nana atokowa anolit ieshi pullvt isht illi tok v̄hleha shilombish vt alta nutaka ya ai asha na pisa li tok.

10. Mihma yvmmak ash ot, chitolit anumpulit miha mvt, Chitokaka ai ahli holitopa chia hv̄t pim issish a tok a atobvchi kv̄t yakni pakna ai asha ka chik im apeso ho, hopaki kv̄t katiohmi foka chi cho? ahanchi tok.

11. Yohmi ma yvmmak ash o ilefoka tohbi falaia holi-tompa aiyuka ho ima tok: mihma chekosi takla hokvno nukchintot fohvt maya na itibapishi v̄hleha tishu ilap ai itilauī puta kak kia, ilap ak atok ak inli ho chohmit illa hi atuk vt, ont ai ahla hi a i miha tok.

12. Mihma holisso isht ashana ont isht hannali kash tiwi ma, yakeh! yakni winakvchi chinto ho pisa li tok: mihma hv̄shi vt lusa kv̄t na pashi tv̄nna yo chiyuhmi ma, hv̄shininak-aya yvt issish ak o chiyuhmi tok.

13. Yohmi ma vba fochik puta kv̄t chilofvt akakoha kv̄t, fik vpi yvt mahli kullo fehna ho faiokahanchi na ik ai ono ho vni vt chilofa chatuk ak o chiyuhmi tok.

14. Mihma vba shutik vt ita pahlatvt, a holisso yosh bonuntvt ont taiyahvt kv̄nia ho chohmit pit kv̄nia tok: mihma vv̄nih chaha, micha tashaiyi puta kv̄t a taloha tuk a a kanv̄llit taha tok.

15. Mihma miko v̄hleha yakni pakna ai asha tuk, micha hatak hochitokaka v̄hleha, mikma hatak nan in laua v̄hleha, kv̄pitvni hochito, hatak holitompa v̄hleha, mikmvt hatak yuka, micha hatak yuka keyu puyuta kv̄t vv̄nih chaha

puta tvli hochito aiena ka chiluk ai asha tuk a a lumpoa tok.

16. Mihmvt nvnih chaha puta, micha tvli hochito aiena kash o, Auet hvsh pi o kinahli cha, ai o binili holitempa o binili ka i nashuka, micha Chukfvlhpobushi nan isht i nukkilli aiena hatuk ma pisht hvsh i luhmashke.

17. Himak a nan isht i nukkilli nitak chinto kvv vlvshke; yohmi ka kvta hak osh hikia hinla cho? achi tok.

CHAPTA VII.

Chihowa in tishu vhleha ibitakla ya enchil osh in chunli, 1; 4 Israel isht ai unchululi laua kaniohmi hosh yakohmit nan isht ai in chywa, 9 Oklushi inla mvt aholhtina iksho hosh in chywa, ilvppak ashot na tohbi holitopa falaia isht fohkvv aiasha holitopa itikba ya hiohmaya; 14 im anchi vt chukfvlhpobushi im issish o isht ahchifa ha tok.

1. **ATUK** o ai yvmohmi ha ya, enchil ushta kvv, mahli hvv yakni, micha okhvta, mikmvt iti aiena ka ik o mahlo ka chv ka, yakni auet a mahli ushta hatuk ma ieshi hosh, yakni achukbeli ushta ka hveli hv pisa li tok.

2. Mihma anonti enchil inla hosh Chihowa okchaya im isht in chywa ishi hosh hvshi akochaka imma yo vvvv oiyv minti hv pisa li tok; mihma yvmmak ash osh enchil ushta yakni, micha okhvta aiena okpvna chv im vlvpisa tuk ash o chitoli hosh pit in tahpvvt,

3. Yakni, mikmvt okhvta, micha iti puta aiena ka hvch ik okpano hv, hvpin Chihowa in tishu vhleha ibitakla ya iloh in chonli hayashke, ahanchi tok.

4. Atuk o in chywa tok vhleha holhtina ka haklo li tok: yohmi ma Israel okla isht ai unchululi vhleha moma kvv tahlepa sipokni banot tahlepa achvfa cha, tahlepa sipokni pokoli ushta akucha ushta hosh in chywa tok.

5. Chuta isht ai unchululi hvv tahlepa sipokni auah tuklo hosh in chywa tok. Luben isht ai unchululi hvv tahlepa sipokni auah tuklo hosh in chywa tok: Kat isht ai unchululi hvv tahlepa sipokni auah tuklo hosh in chywa tok.

6. Ase isht ai unchululi hvt tahlepa sipokni auah tuklo hosh in chuwa tok. Neftalim isht ai unchululi hvt tahlepa sipokni auah tuklo hosh in chuwa tok. Manasses isht ai unchululi hvt tahlepa sipokni auah tuklo hosh in chuwa tok.

7. Simeon isht ai unchululi hvt tahlepa sipokni auah tuklo hosh in chuwa tok. Lefai isht ai unchululi hvt tahlepa sipokni auah tuklo hosh in chuwa tok. Issaka isht ai unchululi hvt tahlepa sipokni auah tuklo hosh in chuwa tok.

8. Sabulon isht ai unchululi hvt tahlepa sipokni auah tuklo hosh in chuwa tok. Chosef isht ai unchululi hvt tahlepa sipokni auah tuklo hosh in chuwa tok. Benchamin isht ai unchululi hvt tahlepa sipokni auah tuklo hosh in chuwa tok.

9. Ilvppvt ai yakohmi haya, anonti yakeh! okla chinto fehna, hatak nana hosh hotehna kv̄t tahla he keyu mak o, oklushi ilaiyuka, im anumpa ilaiyuka puta yakni pakna ai asha moma ka a minti hosh, ilefoka tohbi falaia holitompa abehkv̄chi hosh, pam vt ibbak a foyuka hō ai o binili holitompa, micha Chukfulhpobushi ita tuklo itikba ya hiel̄i hō pisa li tok.

10. Mihma chitolit miha hosh, Hv̄pin Chihowa ai o binili holitompa o binili kak osh, micha Chukfulhpobushi ita tuklo kak osh pi okchal̄inchi tuk mak oke.

11. Mihma enchil v̄hleha ai o binili holitompa, micha hatak tikba v̄hleha, mikmvt nan okchaya ushta aiena kash a foluplit hiel̄i tuk vt ai o binili holitompa itikba ya okla oka hlipkv̄chit Chihowa h̄a aiokpahanchi mvt,

12. Amen, hv̄pin Chihowa yvt hopoyuksa, hlampko, micha nan okluha imaiya aiena hoka, yak oke im ai ahnit ahninchit, holitoblichit, il aiokpahanchi na bilivt biliashke, Amen, ahanchi tok.

13. Yohmi ma hatak tikba v̄hleha hash ot achv̄vt auet anumpuli mvt, ilefohka tohbi falaia abehkv̄chi yakohmi kv̄t kv̄ta hō? micha katima yo okla minti tok oh cho? vm achi tok.

14. Mihma, A shabli ma! yvmmak okvno ish ithanv̄shke, im achi li tok. Mihma, Ilvppa yakohmi kak osh na palvm-

mi chinto h_o asht kohchvt aya hosh, im ilefoka yash Chuk-fulhpobushi issish o isht achifvt tohbichi tok mak oke.

15. Yohmi hatuk osh Chihowa im ai o binili holitompa itikba ya nitak, micha ninak moyuma ka yvmma in tempel anukaka ya aiokpahanchi hoke: yohmi ka ai o binili holitompa o binili kv_t yvmma ai itin takla ya ahanta hi oke.

16. Yohmikma himak a pilla ma ik hohchafo ka he, mik mv_t ik itukshilo ka he, mikmv_t hvshi vt ik onvtulo ka he, mikmv_t kocha lvshpa mv_t ik towulhkocho ka hi oke.

17. Chukfulhpobushi ai o binili holitompa iklvna binili yvmmak osh impvchit, pehlichit oka kvli okchaya hiohli puta ka isht ohona he: yohmikma Chihowa ak osh nishkin okchi puta ma mominchit i kasholichit tahla he mak oke, vm achi tok.

CHAPTA VIII.

Nan ashana ont isht untuklo kash o wakami, 1; 2 isht pufa untuklo h_o enchil untuklo ka ima, 6 ushta kv_t olachi ma na palvmmi chinto kv_t otvni; 3 enchil achvfa kv_t vbanumpuli vhleha vba pit anumpohonli taklak ma tvli holisso lakna alta toba ka na balama pit o bohli.

1. ATUK o holisso isht ashana ont isht untuklo kash tiwi ma, hvshi kanvlli isht vhpisa iklvna itintakla ka vba aholitopa yvt chullusvt talaia tok.

2. Mihma enchil untuklo Chihowa itikba hielituk a pisa li tok: yohmi ma yvmmak ash o isht pufa untuklo h_o ima tok.

3. Mihma enchil inla hosh tvli holisso lakna na-balama ai-vlhto yo sholi kv_t, mintit alta ya ant a hikia tok: yohmi kv_t vbanumpuli vhleha moyuma kv_t vba pit anumpohonlikma ai atakla ma tvli holisso lakna alta toba yvt ai o binili holitompa itikba hikia tuk a ai o hubukma chi ka, na balama laua h_o ima tok.

4. Atuk o na balama ya a shobulli kv_t, vbanumpuli vhleha vba pit anumpohonli ka ai itiba fokvt enchil ibbak a kohchvt ia hosh, Chihowa itikba ohona tok.

5. Atuk o enchil ash ot na balama ai vlhto yash ishi cha, alta yak o luak a ai ishit alotuli mvt, aka pit fohobli tok; yohmi ma nan ola, micha hiloha, malvtha, mikmvt yakni winakvchi aiena tok.

6. Mihma enchil untuklo kash ot isht pufa untuklo ka ishi tuk ash, olacha chi kvv il ai atahli tok.

7. Mihma enchil vmona kash ot olachi ma, hatafo, mikmvt luak, issish it ib vlhto aiena ho yakni a o kanchi tok: mihma iti okchaki moma ka a kashapa ont isht a tuchina kvv luvv taha ma, hvshuk okchaki mvt momvt luvv taha tok.

8. Mihma anonti enchil ont atukla kash ot olachi ma, nv-nih chito yosh luak o isht luhva chiyuhmi hosh okhvta ha pit okatula tok: mihma okhvta a kashapa ont isht atuchina kvv issish o toba tok.

9. Yohmi ma okhvta anukaka nana toba tok puta im ilh-fiopak a sha tuk vt, kashapa ont isht atuchina kvv illi tok: mihma peni hochito yatuk vt kashapa ont isht atuchina kvv okpulot taha tok.

10. Mihma anonti enchil ont atuchina kash ot olachi ma, fochik chito yosh pula ho chiyuhmit luhva hosh, vba shutik a a mintit aka ant itola cha, okhina puta kashapa ont isht atuchina, mihmvt kvli a hiohli kashapa ont isht atuchina aiena ka onvtula tok.

11. Yohmi kvv fochik yvmma hochifo kvv wumwut achi hatok; yohmi hatuk o oka moyuma ka kashapa ont isht atuchina kvv wumwut o toba tok: mihma oka ak osh takvvt kvnia hatuk oka, hatak vt oka yash o isht illi kvv laua tok.

12. Mihma anonti enchil ont ai ushta kash ot olachi ma, hvshi, hvshi ninak aya, fochik puta aiena kvv koyufa ont isht atuchina hosh ai okpuloka tok; yohmi hatuk osh koyufa ont isht atuchina kvv im okhlili na nitak koyufa ont isht atuchina kvv ik tommo ma, anonti ninak vt mihinli tok.

13. Mihma anonti pit hopokoyo li mvt, enchil achvfa kvv ossi hika ho chiyuhmit vba shutik iklvna ya hlopullit aya mvt, chitolit tahpvlvt, enchil tuchina kash ot himak pilla isht pufa ola inla ka olacha chi kvv a sha ka, yvmmak osh

ohonla hokvno, hatak yakni pakna asha hatuk vt i Palvmmi, palvmmi, palvmmi chinta chi mak oke, ahianchi ho haklo li tok.

CHAPTA IX.

Enchil ont isht tahlapi kash ot olachi ma, fochik vt aka auet itula ma, yvmmak ashochittuk hofobi ont ataha he iksho isht tiwa ya ima, 1: 2 chiluk ash o tiwi ma, hawa puta halambia ho choh mi hosh auet kocha wiha tok; 13 isht pufa isht hannali kash ot ola; 15 mihma enchil ushta talakchi atuk vt i holhtofa.

1. **YUMOHMI** ma enchil ont isht tahlapi kash ot olachi ma, fochik vt vba shutik ak o a mintit yakni a ant onvtula ho pisa li tok; mihma yvmmak ash o chiluk hofobi ont ai vhli iksho isht tiwa ya ima tok.

2. Mihma yvmmak ash ot chiluk hofobi ont ai vhli iksho yash tiwi ma, tvli a bileli chito yo shobullit a kohcha ka, chiyuhmit chiluk hofobi a a shobullit kohoncha tok; mihma chiluk hofobi a a shobullit kohoncha kak o hvshi, micha shutik takla aiena kvit isht okhlilit kvnia tok.

3. Yohmi ma hawa puta mvt shobohli ka asht kohchvt, yakni a ai itvnowa tok; yohmi ka yvmmak atuk mvt nan okpvna he im vlhpisa kvit, halambia yakni pakna ai asha kvit nan okpvna he im vlhpisa tok ak inli ho chiyuhmi tok.

4. Yohmi mvt yakni pakna hvshuk ai asha ka, micha nan okchaki puyuta, mikmvt iti aiena hokvno ik okpano ka chi, amba hatak kaniohmi hosh Chihowa im isht in chuwa yvt in lapanli keyu hatuk ak illa chi ho im vlhpisa tok.

5. Yohmi kia yvmmak oka ik illichu ka chi, amba ilvppak ash ot nan i palvmmi kvit hvshi tahlapi ka ona chi ho im vlhpisa tok; yohmikma hawa vt yvmmak ash o i palvmmichi kvit halambia hosh hatak a nvhlikmvt i palvmmichi chatuk a chiyuhmi tok.

6. Mikmvt nitak yvmma foyuka hokvno hatak vt illa hi a hohoyo kia, ik ahayucho ka he; micha illi ka ik bvna kia, nan illichu vt i kvnihiya hi oke.

7. Yohmi ma hawa yash osh issuba hosh tvnvp ia chi hosh im vlhtahvt kvnia chatuk a chiyuhmi tok: mihmvt tvli

holisso lakna holba h_o iachuka iachukoli ma, nashuka y_u hatak nashuka y_o chiyuhmi tok.

8. Mihmut p_ashi vt ohoyo p_ashi ak o chiyuhmi ma, noti vt koi chito noti y_o chiyuhmi tok.

9. Yohmi mvt ikkishi alata puta kv_t tvli ikkishi alata holba h_o okla i_{sh}i tok: mihmut i sanahchi fopa kv_t itichanvli issuba laua shali h_o tvnvp itibit ia hosh yihlep_t aya na winihvchi h_o chiyuhmi tok.

10. Mihmut hasimbish vt halambia hasimbish o holba hosh a_{sh}a h_o, nan isht nvhli mvt a_{sh}a tok; yohmi hosh nan im v_lhpisa kv_t hvshi tahlapi h_o hatak a ilbvshala ch_i hatok.

11. Mihmut i m_iko vt binili tok: yummvt chiluk hofobi ont ai v_hli iksho a im enchil mak a tok: yummvt Heblu anumpa hokma Abatton hohchifo ma, amba Klik anumpa hokvno hohchifo kv_t Apolyon oke.

12. Nana palvmmi achvfa kash ot ant i_vt kvnia ma, anonti na palvmmi tuklo hosh himmakma mihinta ch_i oke.

13. Atuk o enchil ont isht hannali kash ot olachi ma, tvli holisso lakna alta Chihowa itikba hikia tuk lapish ushtaka, anumpa ola hv_t a kohcha mvt, enchil ont isht hannali kash ot isht p_ufa i_{sh}i hosh hikia kash o,

14. Enchil ushta talakchi yosh okhina chito Euflates a oka a_{sh}a ka ont ish i hotofashke, im achi h_o haklo li tok.

15. Mihma enchil ushta kash ot i holhtofa mvt, hatak puta kashapa ont isht atuchina ka v_ba ch_i kv_t, hvshi kanvlli achvfa, nitak achvfa, hvshi achvfa, afvmmi achvfa aiena ka im v_lhtaha tok.

16. Mihma issuba o binilit tvnvp aya holhtina kv_t tahlepa sipokni tahlepa tuklo bat. tahlepa sipokni achvfa tok: mihma holhtina ka haklo li tok.

17. Mihma nan isht atokowa kv_t yakohmi h_o pisa li tok; issuba o binili v_hleha ilvppak ash ot ikkishi alata yummvt humma, micha okchamali, micha lakna ai itaiyoma aiena h_o ieshi tok; mihma issuba noshkobo hv_t koi chito noshkobo h_o chiyuhmi ma, itakha y_a luak shobohli, mikmvt hituk lakna aiena hosh a kohoncha tok.

18. Luak shobohli, mikmvt hituk lakna aiena kv_t itakha

ya a kohorcha tuchina ilvppa pulla ka₂ o, hatak moma ka kashapa ont isht atuchina kv₂ isht illi tok.

19. Itakha, mikmvt hasimbish aiena ka nan isht i palvm-micha hi vt im vlhpisa hoke; mihmvt i hasimbish vt noshkobo a₂sha kv₂ sinti chilita yo holba hatuk o, ilvppak o nana ka isht okpani yoke.

20. Yohmi kia nan isht ahullo okpulo puta, micha tvli holisso lakna, tvli hvta, mikmvt tvli lakna, tvli, iti aiena naholvt toba puta, yvmmv₂t pisa keyu, micha haklo kia haklo keyu, mikmvt nowa kia nowa keyu aiena ilap ibbak vt ikbi tuk okvno ik aiokpacho ka chi kv₂, hatak kanimi na palvmmi ilvppa isht ik illo ke tuk okvto yvmma i filvmmi₂t ik ile kostinincho kish;

21. Hatak vbi, il isht ahullochi, nan itin lumaka, micha na hukopa aiena ka i filvmmi₂t ik ile kostinincho ki tok oke

CHAPTA X.

Enchil hlampko kv₂t holisso tiwa yvt ibbak a foyuka ho haiaka. 1; 6 okchaya bilia yvmmak atuk mak o himak ma nitak vt atakala chi keyu, achi tok: 9 holisso hosh ishi cha vpa chi kv₂, Chan vt im vlhpisa.

1. YOHMI ma enchil chinto inla yosh hoshonti ho ibafoyuka hosh vba shutik a mintit aka vla. na pisa li tok; mihma hinak-bitepuli hosh noshkobo ha apakfoyupa ma, nashuka yvt hvshi yo chiyuhmi ma, anonti iyi yvt luak tonik o chiyuhmi tok.

2. Mihmvt holisso iskvtinosi kv₂t wakama yo ibtak a isht ieshi tok; mihmvt iyi isht impak imma ya okhvta ha o hilechi mvt, anonti iyi isht im afvbekimma yano yakni ya o hilechi cha,

3. Koi chito woha chatuk a chohmit chitolit tahpvlvt miha tok; atukmvt yvmmak ash ot tahpula ma, hiloha untuklo kv₂t hilohoha tok.

4. Atuk o hiloha untuklo kash ot hilohoha haya, holissochi la chi hatok; atuk ak o vba aholitopa ya auet anumpa na, Nana yakohmi ka hiloha untuklo kash ot anumpuli tuk

ḡ chik holissocho hosh ish ashanichashke, ṽm achi na haklo li tok.

5. Yohmi ma enchil yummvt okhvta, micha yakni ita tuklo ka ḡ hikia na pisa li kash, yummak ash ot ibbak ḡ vba shutik pit weli tok.

6. Mihmvt okchayvt ahantvt bilivt bilia, yummak osh vba, micha yumma nana kv̄t aiasha puta, mikmvt yakni, micha yumma nana kv̄t aiasha puta, mikmvt okhvta, micha yumma nana kv̄t aiasha puta aiena ka ikbi tok mih mak ḡ isht a mihvt anumpa kullo isht il onochi kv̄t, nana kv̄t a yohma he tuk ont ia he keyu ka hi atok ;

7. Amba enchil ont isht untuklo im anumpa chi nitak okvno yummak ash ot olachit isht iakma, Chihowa nana ai ahni tuk vt in tishu hopaii v̄hleha nan im otv̄nichi tok mak osh ont v̄lhtaha chi mak oke.

8. Yohmi ma anumpa yumma vba aholitopa pit a haklo li tok ash ot anonti auet ṽm anumpuli tok : mihmvt, Ia cha, holisso iskv̄tinosi yummvt tiwa yash enchil, yummvt okhvta, micha yakni ita tuklo ka ḡ hikia ka ibbak foka ka ont ishi, ṽm achi tok.

9. Mihma enchil ash im ona lish, Holisso iskv̄tinosi yash et ṽmá, im achi li tok : mihma, Ishi cha, v̄pvt tahli ; yohmikma chikfoka ya takbacha chi hoke, amba chitakha anukaka yano champuli kv̄t foi bila yo chohma chi hoke, ṽm achi tok.

10. Yohmi ma enchil ibbak ḡ a kohchit holisso iskv̄tinosi yash ishi lish, v̄pvt tahli li tok ; mihma satakha anukaka yokvno champuli kv̄t foi bila yo chohmi tok : yohmi kia isht nanv̄bli li mak inli ho, sakfoka yash ot takv̄t kv̄nia tok.

11. Mihma yummak ash ot, Hatak oklushi, mikmvt im anumpa ilaiyuka miko v̄hleha puta lava ka itikba ya nana ka tikbanli ish ai otv̄nihincha chi pulla hoke, ṽm achi tok.

CHAPTER XI.

ṽlhtokowa anoli tuklo hosh nan anohonli, 1 ; 5 ik umbo ka chi ka vba shutik akamala hi vt im v̄lhpisa ; 7 nampoa nukshopa yvt i sanalit

itihit yummak ash vbi; 8 ik hollopo hosh kaha na, 4 nitak ont atuchina cha iklvnvt aiena ma tanit ok'a. 15 isht pufa isht un tuklo kashot oia.

1. YUMOHMI ma kushak osh fuli yo holba ho vna tok; mihmvt, Wakaya cha, Chihowa in tempel, micha alta, mikmvt kvna hosh yvmma ai ashvt aiokpahanchi vhleha aiena ma ish apesashke.

2. Yohmi kia apishia, yvmmvt tempel a ai ibachvfa keyu hoka, yummak okvno Chentail okla ho immi hoka, chik apeso kashke; yohmi ka hvshi pokoli ushta cha tuklot aiena ka tvnaha chito holitopa ya iyi pvtha okla isht a hvhlihinchu chi hoke.

3. Mikma nan isht ai ahli ka nana vm atokowa ishi tuklo ka ima la chi; mikma mihi yosh pashi tvnna na fohka yo foyuka hosh nitak tahlepa sipokni achvfa cha, tahlepa tuklo pokoli hannali aiena ka nana ka tikbanli otvnhinchu chi hoke.

4. Ilvppak osh. Alif iti tuklo, mikmvt pva ai o hikia tuklo aiena kvv yakni pakna in Chihowa itikba hielu mak oke.

5. Yohmi ka hatak nana hosh ilvppa ilbvshali hokma, ilvppak ash itakha ya luak osh a kohcha hosh in tvnvp puta hatuk ma isht vpa hoke; yohmi ka hatak nana hosh yvmma ilbvshali hokmvt, nana ai yakohmi mak o illashke.

6. Ilvppak ash osh nan ai atokowa anohonli kvv isht ahanta takla nitak a ik umbo ka chi ka, vba shutik a okshita hi vt ilvppak osh ai im vlhpesa mak oke; mikmvt oka puta ma imaiyvt yummak ash o issish o ikba hi vt ai im vlhpesa; mikmvt yvmmvt nana ka ik yohmi ahni hokmvt, na palvmmi puta ma yakni ya isht ihissa hinla hoke.

7. Yohmi tok kia ilvppak ash ot nana atokowa ishi kash ot ont taiyahli tuk mak o, nampoa nukshopa chiluk hofobi ont ai vli iksho a kohcha mak osh in tanampit, yummak ash imaiyachit vba hi oke.

8. Mihma tvnaha chito yummak o hvpin Chitokaka yak kia ititaiyukhvna a honahla tok, nan isht it apesa kvv Sotom, micha Echip achi ka hina yvmma illi haknip vt a kaha chi hoke.

9. Mikma okla ilaiyuka im anumpa ilaiyuka, oklushi puta mvt nitak tuchina cha iklvna aiena ka, illi haknip ash pihisa kia, ahollopi ya ik a hollopi, okla ik ai ahno ka hi oke.

10. Yvrommikma yakni paknaka ai asha tok puta ka hopaii tuklo ilvppak ash osh i palvmmihinchi tuk oka, yakni paknaka ai asha ak inli kvv nan isht il im ai yukvvt, na yukpa ikbit mayakmvt, ilap bika nana iti habenvchit ai asha hi oke.

11. Yohmi na nitak tuchina cha iklvna aienakma shilombish okchaya Chihowa ak o a minti hosh yvmmak ash chukowa ma, yvmmak ash ot ilap iyi yosh isht o hinli tok: mihma ilvppa pisa puta tok okvno na nukshopa chinto kvv onvtuyula tok.

12. Yohmi ma vba aholitopa a minti anumpa chito ka haklot okla ma, Oiyvt ho minti, auet im ahaya tok. Mihma vba aholitopa ya ia kvv hoshonti anukaka mahaya ma, in tvvvp puta tuk vt pihisa tok.

13. Mihma hvshi kanvlli yvmmak inli ho yakni vt winakvchi chito tok; mihma tvvma chito kashapa ont isht pokoli kvv kinafa tok; yohmi ma hatak tahlepa sipokni untuklo hosh yakni winakvchi ka ai illi tok; mihma hlakofi tok okvto nukhlakancha mvt, vba aholitopa in Chihowa ya holi-toblichitok, achi tok.

14. Na palvmmi atukla kash ot ant a yohmi ka, anonti yakeh! na palvmmi atuchina kash ot chekosikma minta chihoke.

15. Atuk o enchil isht untuklo kash ot olachi tok: mihma anumpa ola chinto kvv vba aholitopa ya auet takali kvv, Yakni ilvppa apehlichika puta kvv hvpin Chitokaka, mikmvt Ushi Klaist ita tuklo im apehlichika yo tobvshke; yohmi hatuk o mihi yosh mikot ahanta na bilivt bilia hi oke.

16. Yohmi ma hatak tikba pokoli tuklo akucha ushta, yvmmvt Chihowa itikba ya ilap im ai o binili o binohlit maya kash osh aka hlipkvchi cha, Chihowa ha aiokpahan-chi mvt,

17. Chitokaka Chihowa nana moma imaiya ma! okchayvt ahanta tok osh, okchayvt ahanta, anonti himak a pilla

na okchayvt ahanta he chia, yohmi kv̄t chishno nan isht chim ai ahli chinto ma il ai ishit, mikot ish ahanta hoka, yak oke e chim ai ahnishke, ahanchi tok.

18. Yohmi ka oklushi puta chukvsh vt nukhobela tok: mikma nan isht ish i nukkilli yvt vlvshke: mikma illi puta kv̄t nan im ai vlhpisa chi, mikmvt chin tishu hopai vhleha. mikmvt vbanumpuli ahli puta, mikmvt kv̄na hosh chi hohchifo ha i nukshohompa aiena hokvno nan isht vlhtoba ma ish ai ima chi, mikmvt kv̄na hosh yakni ya okpvni hokma, yvmma ish ai okpvna chi nitak vt vlvshke.

19. Yohmi ma Chihowa in tempel vt vba aholitopa ya a tiwa tok; mihma in tempel amukaka ya nan it im vlhpisa itombi holitopa kv̄t otvni tok; mihma malvha, anumpa ola, hiloha, micha yakni winakvchi, mihmvt hatafo chito aiena kv̄t a takali tok.

CHAPTA XII.

Ohoyo hv̄t hv̄shi yo isht foyukvt vlla isha chi nan i palvmmi, 1; 4 sinti chilita humma yosh yvramak ash itikba hikia kv̄t im vlla ya isht vpa chi kv̄t im vlhtaiyaha; 6 vlla yvt in tola mvt, ohoyo hash ot yakni haiaka yo pit maleli; 7 Mikael, micha im enchil aiena kv̄t nan okpulo sinti chilita yash itihibit imaiyachi; 13 sinti chilita yash ot vba mintit aka itola cha, ohoyo hash i tvnahampi tok.

1. **YOHMI** ma na fehna chinto kv̄t vba shutik a ai otaiyani kv̄t, ohoyo hosh hv̄shi yo foyuka ma, hv̄shi-ninak-aya yvt iyi nuta yo takali tok, yohmi ma fochik auah tuklo iachuka toba ho iachukoli tok.

2. Mihmvt yvmmak ash ot chakali hatuk osh, vlla itola he nan isht i palvmmi na hotopa tuk vt itola hokbano ahnit, tahpahanla tok.

3. Mihma na fehna inla kv̄t vba shutik a ai otvni kv̄t, yakeh! sinti chilita humma chinto hosh, noshkobo hv̄t im untuklo mvt, anonti in lapish vt pokoli ma, iachuka untuklo kv̄t noshkobo ha afoyua tok.

4. Mihma i hasimbish vt vba fochik a kashapa ont isht atuchina ka halanlit aka auet fohopli tok; yohmi ma vlla yvt

in tola he ai ona hatuk o, vlla yvt itola mak inli ho isht im vpa chi kv̄t, ohoyo hash itikba sinti chilita yash ot hikia tok.

5. Atuk o yvmmak osh t̄oli fuli yo ieshi hosh okla moma ka imaiyachit nan im apesa chi mak o, ohoyo hash ot vlla nakni yo sholi tok; atuk o im vlla yash o Chihowa, mikmvt im ai o binili holitopa pilla a maya tok.

6. Yohmi ma yakni haiaka kanima yo ai v̄tta hi o Chihowa yvt ai im atahli tok mak o, ohoyo hash ot pit maleli tok: yvmmak o nitak tahlepa sipokni achvfa tahlepa tuklo cha pokoli hannalit aiena ka yvmmak oka okla nan ai im atahanla chi hatok.

7. Mihma vba ya ai it in tanampit ai asha tok: Mikael vt im enchil v̄hleha aiena kv̄t sinti chilita yash itihimbi ma, anonti sinti chilita yash ot yvmmak ash, mikmvt im enchil aiena ka itihimbi kia,

8. Imaiya chi keyu ki tok; mihmvt ai v̄tta he nana kia vba ya iksho ki tok.

9. Mihma sinti chilita chinto, sinti sipokni, nan isht ahullo okpulo, micha Setan achi chatuk, yvmmak osh yakni moma ka yoshubli chatuk mak o yvmma a kohchi tok, atuk o aka pilla ho yvmmak ash ot pit itola tok; mihma im enchil v̄hleha hash ot apehvt pit kaha tok.

10. Mihma vba aholitopa ya anumpa ola chinto ka pit a haklo li ma, Himak ano isht ai okchaya, isht hlampko, mikmvt hv̄pin Chihowa im apehlichika, micha Ushi Klaist nan isht im ai ghli aiena hash ot v̄lvshke; hv̄p itibapishi v̄hleha i nukkillit na-mihachi yvmmak osh nitak, ninak aiena ka hv̄pin Chihowa itikba ya ai i nukkillit na-mihachi yatuk ash osh aka pit itolvshke, ahanchi tok.

11. Mihmvt Chukv̄lvhpobushi im issish, mikmvt ilap im anumpa isht atokowa puta ho yvmmak ash okla isht imaiyachi tok; yohmi kia isht ai illa he kia, ilap im ilhfiopak g i hullo tok keyu.

12. Yvmohmi hoka vba aholitopa puta, micha yvmma ai asha puta hv̄chia ma! ho yukpa, nan isht ahullo okpulo, yvmmvt chekosi itintakla ho anta chi kv̄t ithana hosh, nan isht i nukkilli chinto ka il ai eshit hv̄chim v̄la hoka. vakni

pakna, micha okhuta aiena ka ai asha tuk vt nana i palvmmi mak oke.

13. Yohmi ma sinti chilita yash ot aka ya pit itola kv̄t il ithana mv̄t, ohoyo yv̄mmak osh vlla nakni ishi kash, ilbu-shahli tok.

14. Mikma ilap ai v̄tta yakni haiaka hikv̄t ia ch̄i ka, ohoyo hash ossi chito sanahchi tuklo ho ima tok; yohmi ma yv̄mmak o afv̄mmi tuchina iklv̄mmv̄t aiena ka sinti chilita yash o itikba ai i filv̄mm̄it ai ilhpihintashke.

15. Mihma sinti chilita yash ot oka falama ohmi kv̄t oka yo ohoyo hash iakaiyachit ilap itakha a kohchi kv̄t, yv̄mmv̄t oka chito yosh yv̄mmak ash shalit kanima isht ia hi a ahni hatok.

16. Yohmi tok kia yakni vt ohoyo hash apela tok; mih-mv̄t yakni ash ot ilap itakha ya wakv̄mmi cha, oka chito yv̄mma sinti chilita yv̄t ilap itakha ya a kohchi kash isht nanv̄pli tok.

17. Yohmi ma sinti chilita yash ot ohoyo hash i nukkilli fehna mv̄t, iv̄t ohoyo hash isht ai unchululi kaniohmi maya, yv̄mmv̄t Chihowa im anumpa v̄lhpisa puta ka holitobli, mik-mv̄t Chisvs Klaist nan isht im atokowa aiena ka ieshi v̄hleha hash o in tanampi tok.

CHAPTA XIII.

Nampoā nukshopa yv̄t noshkobo hv̄t untuklo, lapish mv̄t pokoli hosh okhuta h̄a akohcha tok; mihma yv̄mmak o sinti chilita yash ot nan ai ahli ima tok, 1; 11 nampoā nukshopa inla yosh yakni a akohcha; 14 nampoā nukshopa tikba ya tuk toba ch̄i ka na holv̄t toba ya im ahni; 15 yohmi na yv̄mmak ash o hatak puta kv̄t aiok pahaacha ch̄i; 16 mikmv̄t isht ai in chywa ch̄i ha tok.

1. YUMOHMI ma okhuta shinuk pakna ya ai o hikia li mv̄t, nampoā nukshopa achv̄fa kv̄t okhuta h̄a a koyucha ho pisa li ma, noshkobo hv̄t untuklo mv̄t, lapish vt pokoli, mihma in lapish pakna ya iachuka pokoli ma, anonti Chihowa isht ik ahobalo hohchifo hosh noshkobo h̄a ai o holisso tok.

2. Mihma nampoa nukshopa yvmma pisa li kash o koi chikchiki ho holba ma, iyi yvt nita iyi vq chiyuhmi ma, anonti itakha mvt koi chito itakha yq chohmi tok: mihma sinti chilita yash ot nan isht hlampko, micha miko ai o binili, mikmvt nan isht im ai ahli aiena ka yvmmak ash o ima tok.

3. Yohmi ma yvmma noshkobo achvfa kamo nvhlvt isht illg hi o chiyuhmi tok; atuk ak osh nvhlvt isht illg he kash ot hlakofi tok; mihma nampoa nukshopa hash o yakni mo-ma kvv, okokko! ai ahnit iakaiya tok.

4. Yvmohmi mvt sinti chilita yvmmak osh nampoa nukshopa ya nan isht ai ahli ima hatok oka, okla aiokpahanchi mvt; anonti nampoa nukshopa hash o okla aiokpahanchit Kvt hosh nampoa nukshopa holba cho? kvt hosh yvmma in tanampit ahanta hinla cho?

5. Yohmi ma na chinto fehna, micha nana ka ik ahobalo puta isht anumpula chi ka yvmmak ash o itakha ima tok; yohmi ka hvshi pokoli ushta akucha tuklo ka a moyumvt isht ahanta chi mak osh im vlhpisa tok.

6. Yohmi ma yvmmak ash ot itakha ya wakvmmmit, Chihowa ya ik ahobalot isht anumpulit, i hohchifo, micha im vlhtipo, mikmvt vba aholitopa aiasha puta ma ik ahobalot na mihachi tok.

7. Yohmi kvv vbanumpuli ahli vbleha in tanampit yvmmak ash o imaiyacha chi kvv nan im vlhpisa tok; micha hatak oklushi ilaiyuka, mikmvt im anumpa ilaiyuka puta ka imaiyacha chi ka yvmmak ash o nan isht im ai ahli ima tok.

8. Mikma kvna hosh hohchifo hvv yakni tovv a minti tok ai vhli ka vlhtovvt illi tok Chukfulhpobushi i holisso ai-okchaya a holisso tok keyu kvv, yakni pakna ai asha moma kvv yvmmak ash o aiokpahancha chi hoke.

9. Hatak nana hoh kia haksobish vt i hikiakmvt, ik haklo.

10. Kvna hoh kia inla ya yuka ikbit isht gya hokvto, ilap mvt yuka tovv gya ni oke; kvna hoh kia inla ya bvshpo falaja vq isht vbi hokvto, ilap mvt bvshpo falaja yq isht

illa hi oke. Ilvppak o vbanumpuli vhleha hv̄t nukshan̄vt achunanchit na yimmi ka isht otaiyani hoke.

11. Yakohmi ma nampoā nukshopa inla kv̄t yakni ā auet a kohcha na pisa li tok; yohmi ka yummak ash ot in lapish vt āsha kv̄t Chukfulhpobushi ak o holba mvt, anonti sinti chilita yak o chiyuhmit anumpuli tok.

12. Mikmvt yummak ash ot nampoā nukshopa v̄mmona isht im ai āhli ash yumma itikba yo isht ahanta hoke; mikmvt yakni, micha yumma ai āsha pit aiena kv̄t nampoā v̄mmona, yummvt bahvt illit hlakofi tok ash aiokpahancha chi ka im ahni hoke.

13. Mikmvt yummak ash ot na fehna chinto ka yvmihchi; yohmi hatuk osh yummak ash ot luak vt v̄ba mintit hatak puta itikba yakni ā ant onvtuyula chi ka ahni hoke.

14. Yohmi hatuk osh yummak ash ot nan im ai āhli nampoā nukshopa itikba yā na fehna puta ka a yvmihchi kak osh yakni pakna ai āsha puta ka yoshublihinchī mvt; bv̄shpo falaiā isht baha tok kia, anonti okchaya tok nampoā nukshopa yumma na-holbachit okla im ikba chi ka, yakni pakna ai āsha vhleha h̄a im ahanchi hoke.

15. Mihmvt nampoā nukshopa holba yash ot anumpuli, mikmvt laua kv̄t kaniohmi hosh nampoā nukshopa holba yash aiokpv̄cha hi o keyukmvt, illa hi ā aiena ka im ahna hi oka nampoā nukshopa holba yash ilhfiopak ima hi vt im v̄lhpisa hoke.

16. Yohmi kv̄t hochitoka, mikmvt ik a lauwo, nan in laua, mikmvt ilbv̄sha, yuka keyu, mikmvt yuka a moyuma kv̄t ibbak isht impak imma, keyukmvt ibitakla yā in chuwa hi ā yummak ash ot im apesa yoke.

17. Yohmikma hatak nana kia nanasi kia chumpa, keyukmvt kancha he keyu mak a tok: amba kv̄na hosh nampoā nukshopa isht in chuwa, yummak keyukmvt i hohchifo, yummak keyukmvt i hohchifo h̄a isht a holhtina kv̄t isht ai in chuwa ak a hi oke.

18. Ilvppak o nan isht ithana yoke. Kv̄na kia im anukfila isht akostininchi im āshakmvt, nampoā nukshopa isht im a holhtina ka ik hotehná, yumma hatak vt a hotehna

yoka: yohmi ka yvmma isht im a holhtena kv̄t tahlepa hannali cha pokoli hannali akucha hannali hoke.

CHAPTA XIV

Chukfvlhpobushi vt ilap ai itapeha itapehvt Saion nvnih a hiohmya,

1. 6 Enchil osh vbanumpa isht anumpuli; 8 Babulon vt akama; 15 yakni pakna nawaya hoiyo; 20 Chihowa nan isht i nukkilli oka paki toba ya itahobi.

1. **YAKOHMI**. ma hopokoyo li ma, anonti yakeh! Chukfvlhpobushi ash osh Saion nvnih ha o hikia ma, tahlepa sipokni bat tahlepa achvfa cha pokoli ushta akucha ushta kv̄t, yvmma Iki i hohchifo hv̄t ibitakla ai o holisso hosh yvmmak ash o apeha tok.

2. Yohmi ma vba aholitopa ya auet anumpuli ka oka laua fopa, mikmvt hiloha chinto ola chiyuhmi ho haklo li tok: mikma hap olachi vhleha hv̄t ilap i hap ai olahanchi na ola ka haklo li tok.

3. Yohmi ma ai o binili holitompa itikba, mikmvt nan okchaya ushta, micha hatak tikba vhleha aiena itikba taloa himona yo okla a talohowa tok; yohmi ka taloa yvmma hatak nana hosh ithvna he keyu ma, amba tahlepa sipokni bat tahlepa achvfa cha pokoli ushta akucha ushta yvmmak o yakni a kohchit chumpa ak illa tok.

4. Ilvppak ash osh ohoyo nana kia isht a liteha tok keyu vhleha hoke; ohoyo himithoa hatak haleli keyu ho chiyuhmi vhleha hoke. Ilvppak ash osh Chukfvlhpobushi, yvmmvt kanima yo ia hoh kia, iakaiya vhleha mak oke. Ilvppak o hatak puta ai itintakla a kohchit chumpa tok o, Chihowa, micha Chukfvlhpobushi ita tuklo ka immi nawaya vmona vhleha hoke.

5. Yohmi ka yvmma itakha ya na holabi kia ai otvni chatak o keyu; Chihowa ai o binili holitompa itikba ya na liteha nana kia ik im iksho vhleha hoka.

6. Yakohmi ma anonti okla, oklushi ilaiyuka, mikmvt hatak im anumpa ilaiyuka moma yakni pakna ai asha tok a

im anumpula chi hosh, enchil inla yvt vbanumpa ai ghlit bilia il ai eshi hosh vba shutik iklvna ya hikvt gya mvt,

7. Chitoli hosh mihvt, Chihowa hvt nan ai apesa chi hvshi kanvlli vt vla hoka; yvmmak o i nukshumpvt ho holitobli; micha yvmmak osh vba shutik, yakni, okhvta, mikmvt kvli hiohli puta aiena ka ikbi tok oka, oh aiokpahanchi, ahanchi na pisa li tok.

8. Yohmi ma anonti enchil inla kvv iakaiya mvt, Ilap nan itin lumaka nan isht haksichi oka paki chiyuhmi ho okla moma ka ishkochi tok okvt, Babulon tumaha chito yvmmak ash ot aiokpulokvshke, aiokpuloka mak oke, ahanchi tok.

9. Anonti enchil ont isht atuchina kvv yvmmak ash o pit iakaiya mvt, chitoli hosh mihvt, Hatak nana kia nampo nukshopa, micha yvma holvvt toba yash aiokpvchi cha, anonti isht in chuwa ma ibitakla, keyukmvt ibbak isht impak imma okma, nana ka isht ai in chuwa hok mak osh,

10. Mihi yosh Chihowa nan isht i nukilli oka paki yvmvt nan itaiyoma keyu hosh, yvmvt nan isht i nukhobela isht ishko ya a toshowa mak o ai ishka chi hoke; yohmikmvt yvmmak ash ot enchil holitopa vhleha itikba, mikmvt Chukvhlhpobushi itikba aiena ka luak, micha hituk lakna aiena ho isht ai ilvsha hi oke, ahanchi tok.

11. Atuk o yvma isht ai ilvsha shobohli hvt vba ai ihiya kvv bilvvt bilia hoke; yohmi ka kvna hosh nampo nukshopa, micha yvma holvvt toba yash aiokpahanchi, mikma kvna hosh yvma i hohchifo isht in chuwa ya isht ai in chuwa hokvto nitak, ninak aiena ka a foha he ik im iksho vhleha hoke.

12. Ilvppak o vbanumpuli vhleha hvt nuktanlvvt achunanchi ka isht otaiyani hoke; ilvppak o Chihowa im anumpa vlvpisa puta holitobli, micha Chisvs i yimmi aiena ka isht otaiyani hoke.

13. Yakohmi ma vba aholitopa ya auet anumpa na haklo li ma, Ish holissochashke, Kvna hoh kia himak a pilla ka Chitokaka ya ibai achvvt illi hokvto na yukpa hoke; ghli yvmmak okvt nana ka isht ahantvt isht hoyvbli tok puta ka a mokovvt a foha chi hatok, Shilombish Holitopa yvt

achishke; mikma nan-toksvli puta kash ot ilap a iakaiya hoke, um achi tok.

14. Atuk o anonti yakeh! hoshonti tohbi ka pisa li ma, hoshonti pakna ya hatak Ushi ak o holba hosh o binili cha, tvli holisso lakna iachuka iachukoli mvt, anonti nan isht vlmo halupa fehna ka ibbak isht ieshi tok.

15. Mihma enchil inla yvt tempel a a kohchvt minti mvt, hoshonti o binili yvmmak ash chitolit in tahpvlvt, Nan isht chim vlmo ya fahvmmi na-waya ya vmó; nan ish ma he vhpesa ka ai ona hoka; micha yakni pakna nan a waya kvv a lakvt tahvshke, im achi tok.

16. Mihma hoshonti o binili yvmmak ash ot nan isht im vlmo ya ishit yakni pakna moma o fahvmmi tok: mihma yakni vt vlmot taha tok.

17. Anonti enchil inla yosh yvmmak kia nan isht vlmo halupa ka ishi hosh, tempel vba aholitopa talaia ka auet a kohchvt minti tok.

18. Mihma enchil inla yvmvt luak o imaiya hosh alta ya ai vtvvt kohchvt minti tok: mihmvt nan isht vlmo halupa ishi yvmmak ash o chitoli hosh in tahpvlvt, Nan isht chim vlmo halupa yash ishi cha, yakni pakna pakvpi ai vnit pokospoa ka tvptulit itahobi; paki vt nuna fehvvt taha hoka, im achi tok.

19. Mihma enchil ash ot nan isht im vlmo yash yakni pit o fahvmmi mvt, yakni pakna pakvpi a ai vmot itahobi cha, Chihowa nan isht i nukkilli ya oka paki atoba chito ya pit fohopli tok.

20. Yohmi ma tvnaha chito kochanli ak o oka paki atoba yash o a hvhlichu tok: mihma issish osh oka paki atoba yash a kohoncha kvv, kovi tahlepa tuklo a taiyakla ka chaha kvv issuba tvli kapali itih ha kapanli ona hosh talaia tok.

CHAPTA XV.

Enchil untuklo kvv na palvmmi untuklo ishtaiyopi ka il ai ishi, 1 8 nampoa nukshopa yash im aiyachi tok vhleha in taloa; 7 koto bushi untuklo kvv Chihowa nan isht i nukkilli alota.

1. MIHMA nan isht atokowa inla yvt isht anukhlakancha he a chinto hq vba aholitopa yo a pisa li ma, enchil untuklo kvv na-palvmmi untuklo ishtaiyopi yvmmak o Chihowa nan isht i nukkilli yvt isht ai ahli mak o ieshi tok.

2. Yohmi ma okhvta shohkoali hosh luak it ieshit talaia chiyuhmi na pisa li tok; mihma nampoa nukshopa, micha yvmma holvvt toba, mikmvt isht in chuwa, yvmohmikmvt yvmma hohchifo isht aholhtina aiena ka imaiyachi tok vhleha a moyuma hokvto Chihowa i hap ieshi hosh, okhvta shohkoali yash o hiohli tok.

3. Mihmvt Chihowa in tishu Moses im vltaloak, micha Chukfulhpobushi im vltaloak aiena ka okla talohowa kvv, Chitokaka Chihowa nana moma imaiya, vbanumpuli vhleha i Miko chia ma! nana ish a toksahanli puta ka isht a nukhlakancha he a chinto hoke: yohmi kvv ai vlvpiesa ai ahli yak osh a chim anukfila yoke.

4. Chitokaka ma! Chishno ak bano hosh chi holitopa hoka, kvvta hosh ik chi nukshohompot, chi hohchifo ha ik holitoblecho ka chi cho? ai vlvpiesa na palvmmi ish onochi hatuk a otvni hoka, oklushi moma kvv chi tikba ya ai vlvvt chi aiokpahancha hi oke, ahanchi tok.

5. Yakohmi ha ya anonti hopokoyo li tok; mihma yakeh! nan isht atokowa vlvtipo in tempel vt vba aholitopa ya a tiwa tok.

6. Yohmi ma enchil untuklo kvv na palvmmi untuklo kash ieshi hosh, linen kashofa tohbi yo foyuka mvt, anonti tvli holisso lakna isht vskofvchi toba hq chunuko ya isht vskofaiyachi hosh, tempel ash auet a kohcha tok.

7. Yohmi ma nan okchaya ushta kash ot achvvt Chihowa, yvmmvt okchayvt anta kvv bilitv bilia nan isht i nukkilli ya tvli holisso lakna kotobushi untuklo alotowa hq enchil untuklo kash ima tok.

8. Yohmi ma Chihowa nan isht im aholitopa, mikravt nan isht im ai ahli a minti shobohli hq tempel ash osh isht alotowa tok; yohmi ka enchil untuklo nan isht im a palvmmi untuklo kash ot ont ik ai ghlo kisha hokvno hatak nana kia tempel ash a chukowa he keyu hatok.

CHAPTER XVI.

Nan isht i nukkilli kotabushi alota kash o enchil vt fohopli, 1 ; 6 mih ma na palvmmi hosh aya ; 15 hukopa yo chohmit Klaist vt vla chi ; mikma kvna hosh okchvt hohoyo tuk okvto na yukpa he.

1. YUMOHMI ma anumpa ola chinto kvv tempel a auet a kohcha kvv, Oh ia cha, Chihowa nan isht i nukkilli kotobushi ai vlhto kash yakni pakna oh ai o fohopli, enchil untuklo kash im ahanchi na haklo li tok.

2. Mihma vmmna kash ot ia mvt, ilap i kotobushi vlhto kash yakni ont o fohopli tok ; mihma kvna hosh nampoa nukshopa isht in chuwa ya isht ai in chuwa tok, mikmvt kvna hosh yvmm holvvt toba ya aiokpahanchi tok hatak puta kash o hichi okchushba nan okpunlo kvv onvtuyula tok.

3. Anonti enchil atukla kash ot ilap i kotobushi vlhto kash okvta ont o fohopli tok ; mihma hatak illi im issish o chohmit toba na nan okchaya okvta ai asha tuk vt moyumvt illit taha tok.

4. Anonti enchil atuchina kash ot ilap i kotobushi vlhto kash okhina, mikmvt kvli puta ka o fohopli tok ; mihma yvmmak ash ot issish o toba tok.

5. Yohmi ma oka puta ka im enchil osh okchayvt ish ahanta kvv, okchayvt ish ahanta tok osh, anonti okchayvt ish ahanta hi osh nana ka yakohmichit ish apesa hoka, Chitokaka ma ! nan ai vlhpiesa chia hoke.

6. Yvmmak okvt. vbanumpuli vhleha, mikmvt hopaii vhleha aiena im issish a hlatahambli tok okvt, ilap mvt, ai i yvmohma he vlhpesa mak o, ishka chi ka issish o ish ihjmvshke, achi ho haklo li tok.

7. Anonti inla kvv alta ya auet a kohcha kvv, Ik yvmohmi mvbli, Chitokaka Chihowa nana moma imaiya ma ! nan ai ghli ai vlhpesa kak o ish apesa yoke, achi ho haklo li tok.

8. Anonti enchil ont ai ushta kash ot ilap i kotobushi vlhto kash hvshi yo o fohopli tok : mihma hatak puta ka

tuak o isht towulhkocho chi ka yvmmak ash o nan isht ai ghli yosh im vlhpisa tok.

9. Atuk o hatak puta kash ot na lvshpa chinto ka isht towulhko mt, Chihowa, yvmmak osh na palvmmi ilvppa puta ka i shahli yatuk a i hohchifo ha ik ahobalot na miha-chi tok; mihmt yvmmak ash o holitoblicha hi atok vt okla ik ile kostinincho ki tok.

10. Yohmi ma enchil ont isht tahlapi kash ot ilap i kotobushi vlhto kash nampo a nukshopa yash im ai o binili o fohopli tok; mihma yvma im apehlichika ya ai okhlili kvv kunia ma, nan anukhavmi hokvt, isunlvsh atuk a okla ahampa tok.

11. Mihmt hichi okchushvvt hotohompa hokvt, ilap nana a kaniohmi tok puta ka okla ai ile kostinichi keyu mt, vba aholitopa in Chihowa yak o ik ahobalot na miha-hanchi tok.

12. Anonti enchil ont isht hannali kash ot ilap i kotobushi vlhto kash okhina chito Euflates a o fohopli tok; mihma hvshi a kochaka miko vhleha im ataya yvt vlhtaha chi mak o, oka yvma foyuka tuk vt shilvt taha tok.

13. Yvmohmi ma shilombish ik kashofo tuchina kvv ha tonlvbi ho holba hosh sinti chilita itakha, mikmt nampo a nukshopa itakha, micha hopai ilahobi itakha aiena kash akohcha na pisa li tok.

14. Yvmmak okvt nan isht ahullo okpulo imi shilombish vhleha hatuk osh, nafehna puta ka yvmihinchi mt, Chihowa nana moma imaiya i nitak a chintokma ai itiba chi mak o itvnala chi hosh, miko vhleha yakni moma ai asha ka ivt im ohonvshke.

15. Yakeh! hukopa yo chiyuhmit vla lishke; isht a hofahya ka okla pisa hinla ka, nipi banot ik ayo ka chi kvv, kvna hosh okchvt ahah! ahnit ilap imi nafohka puta ka ilatomba hokvto nayukpvshke.

16. Yohmi ma Heblu anumpa hvv Amaketton achi yvmmak o ai itahobit tahli tok.

17. Yvmohmi ma enchil ont isht untuklo kash ot ilap i kotobushi vlhto kash vba shutik takla yak o a fohopli tok;

mihma anumpa ola chinto kv̄t ai o binili holitempa yak o a minti hosh vba aholitopa in tempel a auet a kohcha mvt, **Ulltaiyahvshke**, achi tok.

18. Yohmi ma nan ola, hiloha, mikmvt malvtha puta aiena kv̄t yvmmak ash o a takali tok: yohmi ma yakni winnakvchi chinto atampa, yvmma chohmi kv̄t hatak vt yakni pakna ai vta tok taiyakla ka iksho chatuk vt, yakni winnakvchi chinto kv̄t ituyula tok.

19. Yohmi ma tmaha chito yash ot itakvshkovt kashapa tuchina ma, anonti oklushi in tmaha puta hatuk vt aiokpulo ka tok; yohmi ma Chihowa hv̄t ilap nan isht i nukkilli kv̄llo chinto oka paki isht ishko vlhto ka ima chi kv̄t Babulon chito ash ithahana tok.

20. Mihma tishaiyi yvt momvt atoshova tok osh iksho ma, anonti nv̄nih hochito puta hatuk mvt ik otaiyano ki tok.

21. Yvmohmi ma hatafo chinto kv̄t vba shutik a minti hosh, weki kv̄t talent achvfa foka aiyuka hosh hatak puta ka onvtuyula tok; yohmi ma hatafo nan isht palvmmi pulla hatuk mak o, hatak puta kv̄t Chihowa hq̄ ik ahobalot namihahanchi tok, yvmma nan isht palvmmi kv̄t chinto hoka.

CHAPTA XVII.

Ohoyo hv̄t natishipa humma lapushki yo foyuka mvt, teli hv̄ta lakna isht ishko toba hq̄ ieshi hosh nampo a nukshopa yash pakna, yvm mvt Babulon mak o o binili, 1; 5 noshkobo untuklo kv̄t nana ka anoli: 12 mikmvt lapish pokoli kv̄t nana hatuk aiena kv̄t annoa ohoyo havi yashot nan i palvmmi; 14 chukfv̄lhpobushi vt nan im aiyachi.

1. **YVMOHMI** ma enchil untuklo, yvmmvt kotobushi untuklo ieshi tok vhleha hash achvvt ant vm anumpuli mvt, olehma minti; havi chinto yvmmvt oka lava pakna o binili;

2. Yvmmak o miko puta yakni pakna ai asha kv̄t isht itin lumaka tok; yohmi ma ilap nan itin lumaka oka paki a yakni pakna ai asha vhleha hv̄t ishkot ik haksí im ahui tok,

yummvt nan isht i palvmmi im vllhpisa ka chim otvvinchi la chi hoke, vm achi tok.

3. Yohmi ma shilombish si anukfoka hq yummak ash ot ishit yakni haiaka vsisht ona tok: mihma nampoa nukshopa humma hosh nana ka ik ahobalot miha hobchifo hq isht alotowa mvt, noshkobo untuklo cha, anonti lapih mvt pokoli hq ohoyo hosh o binili hq pisa li tok.

4. Yvmohmi ma ohoyo hash ot na hummakbi mikmvt na tishepa na fohka hosh tvli holisso lakna, tvli holitopa puta, mikmvt pvl aiena ka isht a shema hq foyuka mvt, ilap itir lumaka isht a liteha na yuwalvchi puta kvv tvli holisso lakna isht ishko yq alotowa hosh ibbak a foyuka tok.

5. Yvmohmi ma, NAN IK OTANO, NA CHINTO BABULON, HAVI PUTA, MIKMVT YAKNI PAKNA A YUWALVCHI PUTA ISHKL. hobchifo hosh yvmma ibitakla ya a holisso hatok.

6. Yohmi ma ohoyo hash ot vbanumpuli vhleha im issish, mikmvt Chisvs isht im atokowa kak o isht illi tok vhleha im issish aiena ka ishkot haksi na pisa li tok; mikmvt pisa li mvt, sa nukhlakancha mvt, okokko! ai ahni li fehna tok.

7. Atuk o enchil ash ot, Nanta katiohmi hq chi nukhlakancha tuk oh cho? ohoyo hash, micha nampoa nukshopa yash ot, yummvt ohoyo ha isht aya kvv, noshkobo hvv untuklo mvt, anonti lapih mvt pokoli ka nan isht ik im otano ka chim anoli lashke.

8. Nampoa nukshopa yash, yvmma ish pisa tuk a anta tuk osh, anonti ikshoshke; yohmi kia yummvt chiluk hofobi ai vhli iksho a auet a kohcha chi hoke; mikmvt aiokpuloka ont chukowa chi hoke: mikma yakni pakna ai asha puta kvv, kvna hosh i hobchifo hvv yakni toba tok taiyakla ka holisso ai okchaya ya a holisso tok keyukmvt, nampoa nukshopa, yummvt anta tok osh, anonti iksho kia, anonti anta ak inli ka okla pisakmvt, nukhlakancha chi hoke.

9. Yohmi ka ilvppak o nan ithana anukfohka kak osh akostininchishke. Noshkobo untuklo kvv nvnih hochito untuklo mak o yvmma pakna ya ohoyo hash ot o binili hoke.

10. Mikma miko untuklo kvv ai asha ka, tahlapi hosh ik-

sho ma, achvfa kvto anta, mikma achvfa kvto ik lo kisha hoke; mikmt kaniohmi ho yvmmvt vla hokmt, chekosi ai itin takla ho anta chi hoke.

11. Anonti nampoia nukshopa yash ot, yvmmvt anta tok osh, anonti iksho kv, yvmmak ash kia isht untuchina kv, isht untuklo kak o ibai achvfa hosh aiokpuloka ya pit a chukowa mak oke.

12. Mihma lapish pokoli ho ish pisa tuk ash miko pokoli hoke; yvmmvt apehlichika ik im iksho kisha hoke; yohmi kia miko vhleha chohmit hvshi kanvlli achvfa ka nampoia nukshopa yash ibai achvft nan isht ai ghli yvt im vhpisa hoke.

13. Ilvppak ash ot, im anukfila hv achvfa cha, anonti ilap nan isht im ai ghli, mikmt im ile hlampko ita tuklo ka nampoia nukshopa yash ima chi mak oke.

14. Mikmt ilvppak ash ot Chukfulhpobushi ya itintanampa chi mikma yvmmak okvt chitokaka vhleha in Chitokaka, micha miko vhleha i Miko yokvt Chukfulhpobushi yash ot yvmmak ash o imaiyacha chi hoke; yohmi ka kvna hosh yvmma ai ibachvfa hokvto vlhtoka, mikmt ai ghli, micha holitopa mak oke, vm achi tok.

15. Mihmt oka puta yvmma ish pisa tuk a, havi yash osh yvmma o binili ka, hatak okla chinto, oklushi puta im anumpa ilaiyuka mak oke.

16. Mikmt lapish pokoli, yvmmvt nampoia nukshopa on talohmaga na ish pisa tuk, ilvppak okvto na havi yash i nukkillit, a chukillissvchit nipi banochi cha, nipi a vpa cha, anonti luak a isht hukma hi oke.

17. Chihowa yvt yvmmak ash chukvsh anukfohki na ilap nan ai ahni ho ai ghlichika chi ka im anukfila achvfa hosh ilap im apehlichika yatuk ma nampoia nukshopa yash ihima na Chihowa im anumpa puta kv ont ai ghlik mak a hi oke.

18. Yohmi ka ohoyo yvmma ish pisa tuk vt tomaha chito mak oke, yvmmak osh miko vhleha yakni pakna ai asha ka ai i shahli mak oke, vm achi tok.

CHAPTA XVIII.

Babulon vt akama 1; 4 Chihowa im okla hvt yvmmá akocha chí kvt im vlhpisa; 11 yakni pakna a miko vhleha, mikmvt na chumpa, okhvta aya vlheha aiena kvt isht yahaya; 20 Chihowa nan im vlhpisa na palvmmi kvt onvtula hoka, vbanumpuli puta kvt na yukpa.

1. **AIYAKOHMI** ha ya, anonti enchil inla yvt nan isht ai ahli chinto ieshi hosh, vba a mintit aka vla na pisa li tok: mihma yvmma i shohpakali yo yakni vt isht a tohwikeli tok.

2. Mihma yvmmak ash ot anumpa ola chinto ka isht chitoli fehnvt tahpula mvt, Babulon na-chinto yash ot aiokpulokvshke, aiokpuloka mak oke: yohmi mvt nan isht ahullo okpulo puta im aboha kvlló, micha shilombish ik kashofo, mikmvt hushi okpulo ik kashofo moma ka in chuka yo toba mak oke.

3. Yvmmvt nan itin lumaka nan isht haksichi oka páki yo okla momvt ishko tok, mihma miko vhleha yakni pakna ai asha kvt yvmma ai itinlumaka tok; mihma na chumpa vhleha yakni pakna ai asha kvt, nan ilimpa hochukma in laua kak o nan in laua toba tok oka, ahanchi tok.

4. Anonti anumpa ola inla yvt vba aholitopa ya a minti mvt, Um okla hvchia mvt, yvmma nan im ai ashvchi puta ka, mikmvt na-palvmmi im vlhpisa puta ka hvch ik ibai esho ka chí kvt, yvmma a kohchvt ho minti.

5. Yvmma nau im ai ashvchika puta kvt vba shutik a ont a bikeli hatuk o, Chihowa hvt, yvmmvt nan ik ai vlhpeso puta ka ithaiyana tok oke.

6. Nana ka hvchi yvmihchi tok mak o chohmichit oh i yvmihchi; mikmvt nana ka a yvmihchi tok a vlbita ho apestv oh im vlbitelichi; isht ishko yvmma alotoli ka, ilap ma vlbitelit oh im alotoli.

7. Ilap inli ile holitoblichí kvt, mihma nan ilimpa champuli isht il ai stahlit, impvt anta kvt kaniohmi hatuk okma, yvmma chohmichit na palvmmi, na-nukhaklo aiena ka oh

imã ; I hatak illi sia keyu, yohmi kv̄t na-nukh̄aklo pisa la ch̄i keyu, ohoyo m̄iko sia hosh binili li, ilap chukv̄sh an̄u-kaka achi hoka.

8. Yohmi hoka na palv̄m̄mi puta, nan illi, yaiya, mikm̄vt hohchv̄fo aiena kv̄t nitak achv̄fa ka im aya ch̄i ; mikm̄vt yv̄mmak ash ot luak o isht hullukmit taiyaha ch̄i hoke ; Chitokaka Chihowa hv̄t hlampko hokv̄t, yv̄mmak ash nan im apesv̄t i palv̄mmichishke.

9. Yohmikma m̄iko v̄hleha yakni pakna ai asha kv̄t yv̄mma ai itin lumakv̄t, nan ilimpa champuli ai it atahlit impv̄t ai asha tuk vt, yv̄mmv̄t luhv̄wv̄t shobulli ka okla pisa cha isht yahayv̄t, nishkin okchi mihinti m̄vt,

10. Yv̄mmv̄t nan isht i palv̄m̄mi ka nukshopa hatuk osh, auet i mishema h̄o hiohm̄ayv̄t Ikikkeh ! ikikkeh ! tv̄maha chito, Babulon tv̄maha chinto kv̄llo atampa, yv̄mmv̄t. hv̄shi kanv̄lli achv̄fa mak inli h̄o nan isht palv̄m̄mi chim v̄lhpisa kv̄t chim ayv̄shke.

11. Nan itatoba yakni paknaka ai asha kv̄t yv̄mmak ash o nan isht nukh̄aklot nishkin okchi mihinti tok ; ilap im v̄lh-poyak a himak a pilla ma kv̄na kia ik in chumpo hoka ;

12. Tv̄li holisso lakna, micha tv̄li hv̄ta, micha tv̄li holitopa, pvl, linen lapushki, nahummakbi, silk, na-tishepa, mikm̄vt iti sitlon moma, mikm̄vt aifoli, nan ai v̄lhto ilaiyuka moma, mikm̄vt iti holitopa fehna nan ai v̄lhto ilaiyuka moma, micha tv̄li lakna, tv̄li, mabv̄l aiena nan ai v̄lhto ilaiyuka moma atoba ;

13. Mikm̄vt sinnamon, na balama, nan ahama, micha filakinsen, oka p̄aki, na bila, bota tohbi achukma, onush, mikm̄vt nampoā puta chukv̄lhpoba, issuba, micha itichanv̄li, yuka, hatak shilombish puta aiena kash o kv̄na kia ik in chumposhke.

14. Nan vn̄it waya puta yv̄mmak o chi chukv̄sh vt anushkonna tuk ash a chim afilv̄m̄mi ; mih̄ma nana moma na champonli ; micha na shohwalv̄shli aiena tuk ash ot a chim okpulo ; yohmi kv̄t himak a pilla ma yv̄mmak ash ish aha-yucha ch̄i keyu kamohmi hoke.

15. Nana ilv̄ppa puta kash nan itatoba, yv̄mmak okv̄t

yummak o nar isht ai in laua tok vt, yummvt i palvmmi ka nukshopa hatuk osh, auet i mishemanchit hiohmayat isht nukhaklot nishkin okchi mihintit,

16. Ikikkeh! ikikkeh! tumaha chito yummak amo! yummak okvt linen lapushki, micha na-hummakbi, micha na ti-shepa aiena ka isht ai im ai vlhtaha, yohmi kvv tvli holisso lakna, micha tvli holitopa puta pul aiena ho isht a shema tok amo!

17. Nan laua chinto yakohmi kash ot hvshi kanvlli achvfa ho ont aiokpulokvt kunia hoka, ahanchi tok. Yohmi ma peni chito isht gya apesvchi aiyuka, micha peni chito ai asha yatuk moma, micha a toksvli aiena, mikmvt okhvta nan ai itatoba yatuk vt momvt auet i mishemanchit hiohmayvt,

18. Yummvt luhvvt shobulli ka okla pisa mvt, tahpvlvt, Nanta hosh tumaha chito ilvppa chiyuhmi (h?) ahanchi tok.

19. Mihmvt hituk chubbi okla ishit noshkobo il o fohopli mvt, tahpvlvt, nishkin okchi mihintit yahaya hosh Ikikkeh! ikikkeh! tumaha chito yummak amo! yummvt nan isht il ahayuchit, nan isht shema ai vlli hochito puta ka chumpa hatuk mak o, okhvta pakna peni im a takohli maya moma kvv nan in laua yo toba kumo! hvshi kanvlli achvfa ma yummak ash ot a chukillissvt kunvishke, ahanchi tok.

20. Uba a holitopa chia ma! vbanumpeshi holitopa, micha hopaii holitopa hvchia ma! Chihowa yvt yummak ash nan im apesvt i palvminchi hokvt hvchi atobvchi hoka, nan isht il oh aiyukpa.

21. Yohmi ma enchil chinto yvt tvli na-botoli tvli chito yo chohmi ka ishit, okhvta pit pila ma, yumma chiyuhmi hosh tumaha chito Babulon vt ai oklvht kinahla chi hoke; mikmvt himak a pilla ma otaiyana he keyu kamohmi hoke.

22. Yvmohmikma hap olachi, micha nan taloa, micha oskula olachi, micha isht pufa olachi aiena nan im ola ka himak a pilla ma a chi a haiyakla he keyu kamohmi; mikma hatak nan imponna nana ho isht ai imponna yatuk kia himak a pilla ma a chi otaiyana he keyu; mikma tvli na botoli kia himak a pilla ma a chi a haiyakla he keyu kamohmi hoke.

23. Mikma pula tohwikeli mvt himak a pilla ma a chi on

tohwikela he keyu ; mikma hatak himona nan itauwaya, micha ohoyo nan auwaya im anumpa ola himak a pilla ka a chi a haiyakla he keyu kamohmi hoke : na chin chumpa vhleha hvt yakni paknaka a hochito kv̄t maya tok oka ; ikhish isht yushpakv̄m̄mi isht ish ahanta hatuk mak o, oklushi moma kv̄t isht yushpakama hatok, ahanchi tok.

24. Yohmi ma hopai vhleha, micha vbanumpuli ahli vhleha, mikm̄vt yakni paknaka ya ai vbi tok moma im issish vt yv̄mma ai otaiyani tok.

CHAPTA XIX.

Uap im antia puta im issish hlatahamp̄li tuk isht v̄lhtoba mak o havi chinto yash na palv̄m̄mi ka im apesa hoka, vba a holitopa ai asha yvt Chihowa ya aiokpahanchi, 1 ; 7 Chukv̄lhpobushi nan im itauwaya : 16 ilap okv̄no aiokpv̄cha hi a enchil vt ik im ahno ; 17 nan illi lgwa ai asha ka ai v̄la chi kv̄t hushi puta kv̄t im annoa.

1. NANA ilv̄pp̄vt ai yakohmi ha ya, hatak laua im anumpa ola chinto ka vba aholitopa pit a haklo li ma, Alleluia, isht ai okchaya, isht a holitopa, isht ahn̄n̄chi, nan isht ai ahli aiena kv̄t Chitokaka hv̄pin Chihowa ya ai immi hoke.

2. Nan apesa kv̄t ai ahli, micha ai v̄lhpiesa hoke ; yohmi kv̄t havi chinto yash, yv̄m̄vt itin lumaka kak o yakni ya isht okpaiyani hatuk a, yv̄mmak ash ot nan im apesvt i palv̄mm̄m̄chi tuk : mihm̄vt in tishu vhleha im issish yv̄mma ibak vt hlatahamp̄li tok a ai isht im atobbi tok, ahanchi tok.

3. Atuk o anonti, Alleluia okla achi tok. Mihma yv̄mma i shobohli hvt vba ya ih̄iya na biliv̄t bilia hoke.

4. Mihma hatak tikba pokoli tuklo akucha ushta, micha nan okchaya ushta aiena kash ot aka hlipkv̄chi m̄vt, Chihowa, yv̄m̄vt ai o binili holitomp̄a o binili tuk ash aiokpv̄chit, Amen ; Alleluia, ahanchi tok.

5. Mihma anumpa ola hvt ai o binili holitomp̄a ya aueṭ a kohchvt takali kv̄t, Pin Chihowa ya in tishu vhleha hv̄chia, micha kv̄na hosh yv̄mma i nukshohomp̄a aiena kv̄t ik alauwo, i shahli, a moyuma kv̄t oh aiokpahanchi, ahanchi tok.

6. Yohmi ma okla chinto im anumpa ola h̄o chiyuhmi,

mihmvt oka lawa fopa hq chiyuhmi, mihmvt hiloha chinto ola hq chiyuhmi hq haiyaklo li ma, Alleluia; Chitokaka Chihowa nana moma imaiya hvt miko yoka.

7. Chukfulhpobushi vt itauwaya chi nitak vt vla, yohmi ma tekchi ya chi mvt, il ai atahli tuk oka, nan ik hvpi yukpa cha, keho tullí, ahanchi tok.

8. Yohmi ma linen lapushki vt vbanumpuli ghli isht im ai vlhpiesa mak o, linen lapushki kashofa tohbi ka isht il ashemvcha chi kv, tekchi vt im vlhpisa tok.

9. Yohmi ma, Holissochi, Chukfulhpobushi im ai itauwaya opiaka impa aya chi kv kuna hosh im annoa tuk mvt, mihi yosh na yukpa hoke, vm achishke. Mlkmvt ilvppak osh Chihowa im anumpa ghli mak oke, vm achishke.

10. Mihma aiokpuchi la chi hosh iyi ya a hlipia li tok. Atuk ak o yvmmak ash ot, Ahah! ahnit chik yohmo kashke; tishu chitilau, chitibapishi, Chisvs nan isht im atokowa ieshi vhleha ibai achufa sia hoke; Chihowa hak o aiokpuchi; Shilombish Holitopa yvt hopai anukfoyukvt Chisvs nan isht atokowa ka anumpohonli yoke, vm achi tok.

11. Yohmi ma vba aholitopa yvt tiwa ma, yakeh! issuba tohbi hq pisa li tok; mihma yvmma o binili kv, Ai ghli, mi-cha Na miha tuk vt ai ghlichí mak o hohchifo hosh, yvmmvt nan ai vlhpiesa bano hq nan apesvt, tnvvp ikbi yoke.

12. Nishkin vt luak libbi hq chiyuhmi ma, anonti iachuka lawa kv noshkobo ha afoyua hatok; mihma i hohchifo holisso kv tapali kia, kuna kia ik ithano hq, ilap ak bano tok.

13. Yohmi mvt issish isht humma anchi o ai anchi tok; mihmvt i hohchifo hvt, Chihowa im Anumpa, achi tok.

14. Yohmi ma vba aholitopa ai asha tuk vt issuba tohbi o binili hosh yvmmak ash okla iakaiya kv, linen lapushki tohbi kashofa hq ai anchi tok.

15. Yohmi ma im itakha ya bvshpo falaia halupa hosh a kohcha na yvmmak o oklushi puta ka isht ahamba hi yatok; yohmi kv tvi fuli yo yvmmak ash nan isht im apihisa hi oke; yohmi kv oka paki atoba yo chohmit Chihowa Chitokaka nan okluha imaiya nan isht i nukkilli chinto ka isht a hvhlinchi hoke.

16. Yohmi kut miko puta i Miko, mikmut chitokaka puta in chitokaka hohchifo hosh yvmma im anchi, mikmut iyubi ita tuklo ka ai o holisso hoke.

17. Yvmohmi ma enchil vt hvshi a ai o hikia na pisa li tok: mihma yvmmak ash ot chitolit talpela mut, hushi puyuta; yvmmut vba a helit itonowa moma kut, Hvchishno inli hosh mintit Chihowa chinto im opiaka ai impa oh ai itvnahá.

18. Yohmi kut miko vhleha nipi, micha kvpitvni vhleha nipi, hatak ishtokaka nipi, issuba puyuta, mikmut kvna hosh yvmma o binili tuk puyuta nipi, hatak moyuma, yuka keyu, micha yuka, yohmikmut ik alauwo, i shahli aiena ka nipi ya hvsh pa chi hoke, im ahanchi tok.

19. Anonti nampoia nukshopa yash ot, mikmut yakni paknaka a miko vhleha, mikmut in tvshka chipota vhleha aiena kut itahobvt taiyaha cha, issuba o binili, micha in tvshka chipota aiena yvmmak ash in tanahampi na pisa li tok.

20. Yohmi ma nampoia nukshopa yash ot yuka tok; mihma hopai ilahobi yash yvmmut na fehna puta ka yvmma itikba ai yvmihinchi kut, yvmmak o yvmihchi kak osh nampoia nukshopa isht in chuwa ieshi tuk vhleha, mikmut yvmma holbvt toba ya kvna hosh aiokpvchi yatuk puta ka yoshuhumbli tok. Ilvppak ash ot ita tuklot okchaya na okhvta hituk lakna isht ita luhwa ka pit a kanchi tok.

21. Yohmi ma inlaka yatuk vto issuba o binili yvmma i bushpo falaiia, yvmmak osh im itakha ya a kohcha tuk mak o isht ihinli tok; mihma hushi puyuta kash ot yvmma nipi yo isht a kaiya tok oke.

CHAPTA XX.

Setan vt talgakchi na avvmmi tahlepa sipokni c vfa chi, 1; 6 illi yvt tani vmona yvmma ai ib ahalaia hokvto na yukpa he; 7 chekosi takla ka Setan ashot i holhtofa he. 8 Kok micha Makok imma hq isht anumpuli. 10 Okhvta hituk lakna isht aluhwa hq Setan amo pit itakanchi; 12 nan vlvhvisa chinto isht aiyopi.

1. **YOHMI** ma enchil vt chiluk hofobi ont ai vhli iksho ash isht tiwa ieshi mvt, tvli itatakvli chito yosh ibbak a fo-yuka hosh vba ya a minti hq pisa li tok.

2. Mihma yvmmak ash ot sinti chilita chito yash, sinti sipokni, yvmmt nan isht ahullo, micha Setan mak o afvmmi tahlepa sipokni achvfa ka ona chi hq ishit yukachi tok.

3. Mihmvt yvmmt himmakma oklushi puta ik yoshublo hq afvmmi tahlepa sipokni achvfa he tuk vt ont ai ahli ha yo, misha pilla hq chekosi itintakla ka i hlitofa hi o, yvmmak ash chiluk hofobi ont ai vhli iksho ash pit pivt im okshita mvt, isht in chuwa on lapalichi tok.

4. Mihma ai o binili holitompa puta ka pisa li tok, mihma yvmma o binohmaya kvv nan ai apihisa he im vlpisa tok: yohmi ma nampo a nukshopa, mikmvt i holvvt toba aiena ka ik aiokpacho, mikmvt isht in chuwa yvt ilap ibitakla, ibbak aiena ka ik a lapalo hosh; Chisvs nan isht im atokowa, micha Chihowa im anumpa pulla hq noshobo hvv tahampa tok vhleha imi shilombish a pisa li ma, yvmmak ash ot okchaya cha afvmmi tahlepa sipokni achvfa ka, miko yo chohmit Klaist a ibai ahanta tok.

5. Amba illi inla maya tok okvto ik okchayo hq afvmmi tahlepa sipokni achvfa kvv tahak mak a hi atok. Ilvppak osh illit falamvt tani vmmona mak oke.

6. Illit falamvt tani vmmona ka kvna hosh ibahalaia hokvto, mihi yosh na yukvvt holitopa: yohmi hokvno atukla illi vt nan isht i'shahla he ik im iksho hoke; Chihowa, micha Klaist na holitompa isht im vttta vhleha ha chi, mikmvt miko yo chohmit ibai ahanta na afvmmi tahlepa sipokni achvfa chi hoke.

7. Yvmohmi tuk ma afvmmi tahlepa sipokni achvfa kash ot ont ataiyahakma, Setan ash ot aboha kvvlo a ik akohcha, im ai ahna hi oke.

8. Yohmikmak o oklushi puta, yvmmak okvt yakni pakna akvshkova ushta ka ai asha Kok, micha Makok okla yvmmt holhtina kvv okhvta alaka shinuk. ai asha kak o chiyuhmi hq yoshublihinchit itahobi cha, tanahampa chi hosh akohcha hi oke.

9. Mihmvt yvmmak ash ot, yakni pakna a mominchit ilhkoli mvt, yvmmvt vbanumpuli ghli vhleha i bina, mikmvt tmaha chito holitopa aiena ka okla ai apakfokahanchi; mihma luak osh Chihowa a mintit vba akohchvt vlv, yvmmak ash ishit vpa tok.

10. Yohmikma yvmma yoshublichy tuk nan isht ahullo vvt okhvta hituk lakna isht ita luhuwa, yvmma nampoa nukshopa, micha hopaii ilahobi aiena kash ot pit itvtula tok: yohmi kvv nitak, ninak aiena ka ai ilbahasha na bilia hosh bilia hi oke.

11. Yohmi ma ai o binili holitompa tohbi chinto, micha yvmma o binili ita tuklo ka pisa li ma; yvmma nashuka ya i filvnamit yakni, mikmvt vba shutik ita tuklo kvv tamoa kvv, kanima yo a taloha he kia ik im iksho ki tok.

12. Yohmi ma illi, ik alauwo, micha i shahli pit aiena kvv ai o binili holitopa itikba hiohmaya ka pisa li tok; yohmi ma holisso puta kvv wakama tok; anonti holisso inla, yvmmak osh holisso ai okchaya mak osh wakama tok: mihma illi yash ot ilap nana a kaniohmi tuk puta, yvmmvt holisso ha a holihiso tok ilvppa puta ho isht ai im vlvphisa tok.

13. Yohmi ma okhvta hvv illi puta, yvmmvt im aiasha tuk vt il ai a kocha welikma, anonti nan-illichy, micha illi ai ashavvt illi puta, yvmmvt im ai ashavvt tuk vt il ai a kohcha weli na yvmmak ash ot ilap nana a kaniohmi puyulla tuk mak o hatak moma kash ot nan isht im vlvphisa tok.

14. Mihma nan-illichy, micha illi ai ashavvt yamo okhvta luak o pit itokaha tok. Ilvppak osh atukla illi mak oke.

15. Yohmi ka holisso ai okchaya ya a holisso tuk osh otvni keyu hokvto okhvta luak mak o pit a kvvnia tok.

CHAPTA XXI.

Vba vmmona micha yakni vmmona ita tuklo ka Chan vt pisa, 1; 10 Chelusalem vba isht annoa ghli moma; 23 yvmmak oka hvshi vt a tomma he ahna he keyu, Chihowa im atohwikeli yak osh a tommi; 24 yakni pakna ai i miko puta kvv yvmmak o im aholitopa ya isht im ohona.

1. **ŪBA** vmmona, micha yakni vmmona ita tuklo kash ot ont ik ai iksho ma, anonti himak a pilla ma okhvta mvt iksho ka chī hō vba himona, micha yakni himona ita tuklo hō pisa li tok.

2. Mihma Chan sia hv̄t tmaha chito holitopa Chelusalem himona Chihowa yā a mintit vba yā auet a kohcha kv̄t, ohoyo himita hatak auwaya chī hosh isht il a shema chatuk ak o chiyuhmi tok.

3. Yohmi ma anumpa ola chinto kv̄t vba aholitopa yā a kohcha na haklo li ma, yakeh! Chihowa hv̄t im vlhtipo yvt hatak puta ka ibafoyuka hatuk o, yvmmak o ibai ahanta chī, mikma im okla, tobakma, anonti Chihowa ilap mvt yvmma in Chihowa hosh ibafoyukvt ahanta chī hoke.

4. Mikmvt Chihowa yvt yvmma i nishkin okchi puyuta ma im a kasholichit kaiyancha chī; mikma nana tikba tuk vt ont taiyaha hoka, himak a pilla ma isht ai illi, micha nanukhaklo, micha yahaya aiena kv̄t ik ai iksho ka he, mikmvt na-hotopa mvt ik ai iksho ka hi oke, ahanchi tok.

5. Yohmi ma ai o binili holitompā o binili yvmmak ash ot, Yakeh! nana moma kv̄t himona hō ikbi lishke, achi mvt, yvmmak ash ot, Anumpa ilvppvt aiahli, micha na miha ka ont ai ahla chī hoka holissochī, vm achi tok.

6. Atuk osh yvmmak ash ot, Vlhtaiyahvshke; Alfa, micha Omeka, ai isht ia vmmona, micha ont ai vhli sia hosh, kv̄na hosh itukshila hokma, oka ai okchaya kv̄li hak o pilla ai ima la chī mak oke.

7. Kv̄na hosh nana ka imaiyachi tuk mak osh nana moma ka ai immi ha chī im ai vlhpiesa; mikma in Chihowa sia hokma, anonti ilap vt svso ha chī hoke.

8. Amba na nukshopa, micha nan ik yimmo, i yuwala he vlhpesa kia yvmihchi, mikmvt hatak bika vbi vhleha, havi vhleha, mikmvt ikhish isht yushpakvmmi vhleha, na holvt toba aiokpvchi vhleha, holabi puta a moyuma hokvto atukla illi mak osh okhvta yvmmak okvt hituk lakna isht ita luhvwa hō isht ai i palvmma chī hosh im vlhpisa he mak oke, vm achi tok.

9. Yvmohmi ma enchil untuklo kash ai ibai achvfa, yvm

mak okvt kotobushi untuklo nan isht palummi ishtaiyopi untuklo kash isht alotowa ho ieshi hosh, vltv svt im anumpuli mvt, Minti, himona nan auwaya Chukfulhpobushi tekchi chi haiakvchi la chi hoke, achi tok.

10. Mihma shilombish o si anukfoyuka ho vsst ia ma, nvnih chinto chaha yo vsst ona cha, tmaha chito, Chelusalem holitopa yvt Chihowa isht im aholitopa ai ishit Chihowa a mintit, vba aholitopa auet a kohcha mak o a haiakvchi tok :

11. Mihma in tohwikeli hvv tvli holitopa fehna, tvli chaspa chohmi kak o hoyulba hosh, bvlancha kvv klistal o chiyuhmi tok ;

12. Mihmvt tvli yosh isht a holihta kvv chito, micha cha ha ma, anonti okhissa yvt im auah tuklo ma, enchil mvt okhissa ya vllpivvt auah tuklo kvv a hielitok ; mihma yvma ai o holisso hobchifo kvv Israel okla it a kvshkova auah tuklo i hobchifo hatok.

13. I hvshi akochak-imma ya okhissa tuchina ma, i falummi imma ya okhissa tuchina ma, im oka-mahli imma ya okhissa tuchina ma, anonti i hvshi ai okvtulik-imma ya okhissa tuchina tok.

14. Yohmi ma tmaha chito a holihta ka in tolahpi auah tuklo tok ; mihma Chukfulhpobushi im anumpeshi auah tuklo hobchifo hosh a lapanli tok.

15. Yohmi ma svt im anumpuli tuk yvmmak ash ot tmaha chito, micha okhissa, mikmvt a holihta aiena ka isht apesa chi kvv tvli holisso lakna nan isht vlvpisa yo ieshi tok.

16. Yohmi ma tmaha chito yvt a itilauia bat fullotvt bolukta ma, afalaiaka yvt chito kvv okhowataka ya itilauitok ; mihma tmaha chito yash yvmmak ash ot nan isht vlvpisa yash isht apesa ma, kovi tahlepa auah tahlapi tok. Afalaiaka pilla, micha okhowataka pilla, mikmvt chaha aiena kvv ai itilaui bano tok.

17. Mihmvt aholihta kash o hatak i nan isht vlvpisa yo yvmma enchil ash ot isht apesa ma, kubit tahlepa achufa pokoli ushta akucha ushta tok.

18. Yohmi ma a holihta kvv chaspa tvli yosh toba hatok ;

yohmi hoka tumaha chito yvt tvli holisso lakna bieka hq chohmi kvt apisa kashofa achukma ka chohmi tok.

19. Yohmi ka tumaha chito aholihtaka in tolahpi vt tvli holitopa ilaiyuka puta hq isht a shema hatok; in tolahpi vummona kvt chaspa yatok; atukla kvt saffaia yatok; atuchina kvt kalsetoni yatok; ai ushta kvt emelal atok:

20. Isht tahlapi kvt salonik atok; isht hannali kvt sativs atok; isht untuklo kvt klisolait atok; isht untuchina kvt belil atok; isht chakkali kvt topas atok; isht pokoli kvt klisofasus atok; isht auah achufa kvt chasinlh atok; isht auah tuklo kvt amehlist atok.

21. Yohmi ma okhissa isht vlvkuma auah tuklo kvt pul aaah tuklo tok; okhissa isht vlvkuma achufakma, pul achufvt ia tok; yohmi ma tumaha chito anukaka ya ai itvnowa yvt tvli holisso lakna bieka hq chohmit apisa shohkoali kak o chiyuhmi tok.

22. Yohmi ma yvmma anukaka ya tempel a ak peso ki tok: Chitokaka Chihowa nana moma imaiya, micha Chukfulhpobushi ita tuklo hosh in tempel oka.

23. Mihma Chihowa im aholitopaka yosh a tohwikeli ma, anonti yvmma ai i pula hvvt Chukfulhpobushi yak atuk o, hvshi, mikmvt hvshi-ninak-aya kia im a tomma hi a tumaha chito yash ot ik bunno ki tok.

24. Yohmi ka oklushi puta yvmmak okvt okchaya mak osh a tohwikeli ka ya ai itvnohwa he; mikma yakni pakna a miko vhleha atukmvt ilap im aholitopaka isht aiokpvchi hosh ai vlvshke.

25. Yvmmak oka ninak vt iksho ka chi hoka, nitak moma ka okhissa puta mvt ik okshilito kamohma hi oke.

26. Yohmikma oklushi puta im aholitopa, nan isht il ahninchhi aiena ma yvmma anukaka ya isht ai vlvvt chukowa hi oke.

27. Mikma yvmmak oka nana kvt liteha, micha ai yuwala he kia ai yohmi, micha na holabichi a moyuma hokvto kanihmi kia a chukowa himma keyu hoke; amba Chukfulhpobushi i holisso ai okchaya kva hosh a holisso tok ak bana hi oke.

CHAPTER XXII.

Oka ai okchaya okhina, 1 ; 2 ai okchaya iti. 5 Tomaha chito i pva hvv Chihowa ilap fehna kak inli: 9 ilap a aiokpocha hi a enchil vt ik imahno. 14 Tomaha chito ash anukaka ai anta hokvt holitopa, amba kocha yo asha tuk okvto nan i palvmmitt vltakshi: 16 anumpa ai okchaya ya nana ho isht achakola he keyu, mikmvt kanimichit ai ishit anumpa ha ishit kancha he keyu.

1. ANONTI ai okchaya okhina kashofa achukma, shohkoali klistal ak o chiyuhmi hosh Chihowa, micha Chukfulhpobushi ita tuklo im ai o binili holitompa ak o akohoncha mak o, yvmmak ash ot a haiakvchi tok.

2. Okhina itahlakla ai itvnowa, okhina ititakla, iti ai okchaya yvt a hiohli kvv, auah tuklo ha nan-vnit waya beka kvv, hvshi achvfa aiyukakma vnit wahaya hoke; yohmi ka iti yvmma hishi puta hokvto oklushi moma isht a hlakofi mak oke.

3. Yohmi ka yvmmak oka himak a pilla ma na palvmmi kvv ik ai iksho ka he; amba Chihowa, micha Chukfulhpobushi ita tuklo im ai o binili holitompa yosh a hikia na yvmma in tishu vhleha hosh aiokpahancha hi oke.

4. Yvmohmikmvt yvmma nashuka ya okla pihisa he; raikma yvmma i hohchifo hosh ibitakla puta ma a lapanla hi oke.

5. Mikma ninak vt yvmmak oka iksho ka he; Chitokaka Chihowa yosh in tohwikeli hoka, pva, mikmvt hvshi tommi aiena ka okla ik bunno hosh, miko yo chohmit okla ahanta na bilivt bilia hi oke.

6. Yohmi ka anumpa puta ilvppvt ai ahli, micha nana miha ka ont ai ahla hi oke; yohmi hoka hopaii holitopa vhleha in Chihowa Chitokaka yvt, nana kvv chekosi ont ai yvmohma chi yvmma in tishu vhleha im otvnihincha chi ka im enchil a auet chvffichi tok.

7. Yakeh! chekosikma vla lishke; holisso ilvppa tikbanli nan ai anohwa anumpa puta tuk a kvna hosh holitobli kas osh na yukpvshke, yvmmak ash ot vm achi tok.

8. Yohmi ma Chan sia mak osh nana ilvppa puta ka pisvt haiyaklo li tok: yohmi mvt pisvt haiyaklo li mvt, nana ilvppa puta ka vm otvminchi tuk, enchil a aiokpvchi la chi hosh iyi itikba ya hlipia li tok.

9. Yohmi ma, Ahah! ahnit chik yohmo kashke; tishu chitilau, micha chitibapishi hopaii vhleha, micha holisso ilvppa ai anuhumpa tuk a holitobli vhleha ai ibachvfa sia boke; Chihowa ak o ish aiokpvchashke, yummak ash ot vm achi tok.

20. Mihmvt nitak vt ai ona hosi hoka, holisso ilvppa tikbanli ai anohwa tuk anumpa puta ka chik ashvniche kashke.

11. Kuna hosh nan ik ai vhpieso hokvto, mihi yosh ik ai vhpieso kvv ik imoyuma; mikma kuna hosh liteha hokvto, mihi yosh liteha kvv ik imoyuma; mikma kuna hosh ai vhpiesa hokvto, mihi yosh ai vhpiesa kvv ik imoyuma; mikma kuna hosh nan ai ashvchika ik im iksho hokvto, mihi yosh nan ai ashvchika ik im iksho kvv ik imoyuma, vm achi tok.

12. Atuk osh yakeh! chekosikma vla lishke: yohmi kvv hatak moma kvv ilap nana a kaniohmi yvt kaniohmi aiyukali ho nana ka isht im atobbi la chi kvv il ai ishi lishke.

13. Alfa, Omeka, ai isht ia vmona, ont ai vhli, vmona, ont ishtaiyopi sia mak oke.

14. Kuna hosh im anumpa vhpisa puta ka holitobli hokvto na yukpvshke: yohmi hok mak osh iti ai okchaya isht im ai vhpiesa hosh okhissa ont a hlopullit tmaha chito yash chukowa chi hoke.

15. Akochanli yak okvno ofi, ikhish isht yushpakvmmi, havi, hatak bika vbi, na holvvt toba aiokpvchi; mikmvt kuna kia il imi holabichi kvv isht im achukma a moyuma kak osh ai asha yoke.

16. Ilvppa puyuta ka atokolit chvch a hiohli puta ka a hvchim anohonla chi hoka, Chisvs sia mak osh vm enchil a chvffichi li tuk oke. Uno ak osh Lewi a minti hakshish flaminchi yosh anonti unchululi, mikmvt shohpakali onnabinli fochik sia mak oke, ahanchi tok.

17. Yohmi ma Shilombish Holitopa, micha Klaist himona

nan im auwaya ita tuklo kash ot, Mintí, achishke. Yohmi ka kvna hosh haiyaklokmut, mihi yosh, Mintí, ik achí. Mikma kvna hosh itukshila hokmut, mihi yosh ik mintí. Yohmi ka kvna hoh kia bunnakmut, mihi yosh pilla oka ai okchaya ya ik eshí.

18. Holisso ilvppak oka tikbanli nan ai anohowa tuk anumpa puta ka hatak vt haiyaklo tuk moma im atokowa lishke: nana yakohmi tuk a hatak vt nana kia ibafohkit achakalikma, na palvmmi yvmmvt holisso ilvppa a holihiso tuk a yvmmak ash o Chihowa hvv isht im achakala hi oke.

19. Mikma hatak nana hosh tikbanli nan ai anohowa tuk holisso ilvppa anumpa puta hatuk a kaniohmichit isht a kanchi hokma, ilap vt holisso ai okchaya, micha tvnaha chito holitopa yash, mikmut nana kvv holisso ilvppa yvmma isht a holisso tuk puyuta ka ahalaia hatuk a yvmmak ash Chihowa hvv isht kancha hi oke.

20. Ilvppa puyuta ka atokowvt otvninchi mak osh, Chikosikma vla lishke, achishke. Amen. Chitokaka Chisvs ma! ik yvmohmí, ish lashke.

21. Pin Chitokaka Chisvs Klaist nan isht i kana yvt hvsh moyuma ka hvchi anukfoyukashke. Amen.

THE END.